


LIBRARY
Brigham Young University



DANIEL C. JACKLING LIBRARY
IN THE
FIELD OF RELIGION

6



BREVIARIUM

ROMANUM

PARS HIEMALIS

BREVIARIUM

HERMANI

PARS NOBILIS

O ORIENS O RORANTIS



SE NISCEBS DEOIC SOCIUM

366 no
8

BREVIARIUM ROMANUM

EX DECRETO SACROSANCTI CONCILII TRIDENTINI RESTITUTUM

S. PII V. PONTIFICIS MAXIMI

IUSSU EDITUM

CLEMENTIS VIII. URBANI VIII. ET LEONIS XIII.

AUCTORITATE RECOGNITUM

CUM OFFICIIS SANCTORUM

NOVISSIME PER SUMMOS PONTIFICES USQUE AD HANC DIEM CONCESSIS

PARS HIEMALIS



TURONIBUS

TYPIS A. MAME ET FILIORUM

S. SEDIS APOSTOLICÆ ET S. RITUUM CONGREGATIONIS
TYPOGRAPHORUM

M. D. CCC. XCVIII

APPROBATIO

HÆC editio typicæ conformis reperta est. In fidem etc.

Ex Secretaria Sacrorum Rituum Congregationis, hac die
28 Octobris 1893.

(L. † S.)

Pro R. P. D. Vincentio NUSSI
Secretario.

Joannes PONZI Substitutus.

TABULA

ROMÆ EDITA, ET AD HOROLOGIIUM GALLICUM ACCOMMODATA

DE HORA

qua potest inchoari pro die sequenti Officium Nocturnum
a privatim recitantibus.

20 Januarii,	Hora secunda cum quadrante.
13 Februarii,	Hora sesqui-secunda.
1 Martii,	Hora secunda cum tribus quadrantibus.
18 Martii,	Hora tertia.
4 Aprilis,	Hora tertia cum quadrante.
20 Aprilis,	Hora sesqui-tertia.
10 Maii,	Hora tertia cum tribus quadrantibus.
8 Junii,	Hora quarta.
30 Julii,	Hora tertia cum tribus quadrantibus.
28 Augusti,	Hora sesqui-tertia.
7 Septembris,	Hora tertia cum quadrante.
24 Septembris,	Hora tertia.
13 Octobris,	Hora secunda cum tribus quadrantibus.
20 Octobris,	Hora sesqui-secunda.
18 Novembris,	Hora secunda cum quadrante.
15 Decembris,	Hora secunda.

ORDO LIBRORUM

PER ANNI CIRCULUM IN ECCLESIA DEI LEGENDORUM
PATET PER HOS VERSUS

Disce per hoc scriptum quid sit, vel quando legendum.
Adventus proprie vult sermones Isaïæ.
Post Natale sacrum recitat sacra lectio Paulum.
Quinque libros Moysi tibi Septua Quadraque misit.
Vult sibi scripta legi Jeremiæ Passio Christi.
Actus Apostolicus sequitur post Pascha legendus.
Hinc Apocalypsim lege, Canonicasque vicissim.
Post Pentecosten Regum liber exit in hostem.
Inde per Augustum retinet Sapia scutum.
Per totum mensem Sapiens Salomon tenet ensem.
Cantat September Job, Tobiam, Judith, Esther.
Octobri mense Machabæa trophæa recense.
Isti Ezechiel, Daniel, durabunt mense Novembri.
Postea tu repetes bis sex in fine Prophetas.

PIUS EPISCOPUS, SERVUS SERVORUM DEI

AD PERPETUAM REI MEMORIAM

QUOD a Nobis postulat ratio pastoralis officii, in eam curam incumbimus ut omnes, quantum Deo adjutore fieri poterit, sacri Tridentini Concilii decreta exsequantur; ac multo id etiam impensius faciendum intelligimus, cum ea quæ in mores inducenda sunt, maxime Dei gloriam, ac debitum Ecclesiasticarum personarum officium complectuntur. Quo in genere existimamus in primis numerandas esse sacras preces, laudes, et gratias Deo persolvendas, quæ Romano Breviario continentur. Quæ divini Officii formula pie olim ac sapienter a Summis Pontificibus, præsertim Gelasio ac Gregorio primis constituta, a Gregorio autem septimo reformata, cum diuturnitate temporis ab antiqua institutione deflexisset; necessaria visa res est, quæ ad pristinam orandi regulam conformata revocaretur. Alii enim præclaram veteris Breviarii constitutionem, multis locis mutilatam, alii incertis et alienis quibusdam commutatam, deformarunt: plurimi specie Officii commodioris affecti, ad brevitatem novi Breviarii, a Francisco Quignonio tituli Sanctæ Crucis in Jerusalem Presbytero Cardinale compositi, confugerunt. Quin etiam in provincias paulatim irrepererat prava illa consuetudo, ut Episcopi in Ecclesiis quæ ab initio communiter cum cæteris veteri Romano more Horas Canonicas dicere ac psallere consuevissent, privatum sibi quisque Breviarium conficerent, et illam communionem uni Deo, una et eadem formula preces et laudes adhibendi, dissimillimo inter se, ac pene cujusque episcopatus proprio Officio discernerent. Hinc illa tam multis in locis divini cultus perturbatio: hinc summa in Clero ignoratio cæremoniarum ac rituum Ecclesiasticorum, ut innumerabiles Ecclesiarum ministri, in suo munere indecore, non sine magna piorum offensione, versarentur. Hanc nimirum orandi varietatem gravissime ferens, felicitis memoriæ Paulus Papa quartus emendare constituerat. Itaque provisione adhibita, ne ulla in posterum novi Breviarii licentia permitteretur, totam rationem dicendi ac psallendi Horas Canonicas ad pristinum morem et institutum redigendam suscepit. Sed eo postea, nondum iis quæ egregie inchoaverat perfectis, de vita decedente, cum a piæ memoriæ Pio Papa quarto Tridentinum Concilium, antea varie intermissum, revocatum esset, Patres in illa salutari reformatione ab eodem Consilio constituta, Breviarium ex ipsius Pauli Papæ ratione restituere cogitarunt. Itaque quidquid ab eo in sacro opere collectum elaboratumque fuerat, Concilii Patribus Tridentum a prædicto Pio Papa missum est. Ubi cum doctis quibusdam et piis viris a Concilio datum esset negotium, ut ad reliquam cogitationem, Breviarii quoque curam adjungerent, instante jam conclusionem Concilii, tota res ad auctoritatem judiciumque Romani Pontificis ex decreto ejusdem Concilii relata est: qui illis ipsis Patribus ad id munus delectis, Romam vocatis, nonnullisque in Urbe idoneis viris ad eum numerum adjunctis, rem perficiendam curavit. Verum eo etiam viam universæ carnis ingresso, Nos, ita divina disponente clementia, licet immerito ad Apostolatus apicem assumpti, cum sacrum opus, adhibitis etiam ad id aliis peritis viris, maxime urgeremus, magna in Nos Dei benignitate (sic enim accipimus) Romanum hoc Breviarium vidimus absolutum. Cujus ratione dispositionis, ab illis ipsis, qui negotio præpositi fuerant, non semel cognita, cum intelligeremus eos in rei confectione ab antiquis Breviariis nobilium Urbis Ecclesiarum, ac Nostræ Vaticanæ bibliothecæ, non discessisse, gravesque præterea aliquot eo in genere scriptores secutos esse, ac deinde remotis iis quæ aliena et incerta essent, de propria summa veteris divini Officii nihil omisisse; opus probavimus, et Romæ imprimi, impressumque divulgari jussimus. Itaque ut divini hujus operis effectus re ipsa consequatur, auctoritate præsentium tollimus in primis et abolemus Breviarium novum a Francisco Cardinale prædicto editum, et in quacumque Ecclesia, Monasterio, Conventu, Ordine, Militia, et loco virorum et mulierum, etiam exempto, tam a primæva institutione quam aliter ab hac sede permissum. Ac etiam abolemus quæcumque alia Breviaria, vel antiquiora, vel quovis privilegio munita, vel ab Episcopis in suis Diocesisibus pervulgata, omnemque illorum usum de omnibus orbis Ecclesiis, Monasteriis, Conventibus, Militiis, Ordinibus, et locis virorum et mulierum, etiam exemptis, in quibus alias Officium

divinum Romanæ Ecclesiæ ritu dici consuevit, aut debet : illis tamen exceptis, quæ ab ipsa prima institutione, a Sede Apostolica approbata, vel consuetudine, quæ, vel ipsa institutio, ducentos annos antecedit, aliis certis Breviariis usa fuisse constiterit : quibus ut inveteratum illud jus dicendi et psallendi suum Officium non adimimus, sic eisdem, si forte hoc Nostrum, quod modo pervulgatum est, magis placeat, dummodo Episcopus et universum Capitulum in eo consentiant, ut id in Choro dicere et psallere possint, permittimus. Omnes vero, et quascumque Apostolicas et alias permissiones ac consuetudines, et statuta etiam juramento, confirmatione Apostolica, vel alia firmitate munita, necnon privilegia, licentias et indulta precandi et psallendi, tam in Choro, quam extra illum, more et ritu Breviariorum sic suppressorum, prædictis Ecclesiis, Monasteriis, Conventibus, Militiis, Ordinibus et locis, necnon S. R. E. Cardinalibus, Patriarchis, Archiepiscopis, Episcopis, Abbatibus, et aliis Ecclesiarum Prælatibus, cæterisque omnibus et singulis personis Ecclesiasticis, sæcularibus et regularibus, utriusque sexus, quacumque causa concessa, approbata, et innovata, quibuscumque concepta formulis, ac decretis et clausulis roborata, omnino revocamus : volumusque illa omnia vim et effectum de cætero non habere. Omni itaque alio usu quibuscumque, ut dictum est, interdicto, hoc Nostrum Breviarium, ac precandi psallendique formulam in omnibus universi orbis Ecclesiis, Monasteriis, Ordinibus, et locis etiam exemptis, in quibus Officium ex more et ritu dictæ Romanæ Ecclesiæ dici debet, aut consuevit, salva prædicta institutione, vel consuetudine prædictis ducentos annos superante, præcipimus observari. Statuentes Breviarium ipsum nullo unquam tempore vel totum, vel ex parte mutandum, vel ei aliquid addendum, vel omnino detrahendum esse : ac quoscumque, qui Horas Canonicas ex more et ritu ipsius Romanæ Ecclesiæ, jure vel consuetudine dicere vel psallere debent, propositis pœnis per Canonicas sanctiones constitutis in eos, qui divinum Officium quotidie non dixerint, ad dicendum et psallendum posthac in perpetuum Horas ipsas diurnas et nocturnas, ex hujus Romani Breviarii præscripto et ratione omnino teneri : neminemque ex iis, quibus hoc dicendi psallendique munus necessario impositum est, nisi hac sola formula satisfacere posse. Jubemus igitur omnes, et singulos Patriarchas, Archiepiscopos, Episcopos, Abbates, et cæteros Ecclesiarum Prælatos, ut omissis quæ sic suppressimus et abolevimus, cæteris omnibus etiam privatim per eos constitutis, Breviarium hoc in suis quisque Ecclesiis, Monasteriis, Conventibus, Ordinibus, Militiis, Diocesisibus, et locis prædictis introducant : et tam ipsi quam cæteri omnes presbyteri et clerici, sæculares et regulares, utriusque sexus, necnon milites et exempti, quibus Officium dicendi et psallendi quomodocumque, sicut prædicitur, injunctum est, ut ex hujus nostri Breviarii formula, tam in Choro quam extra illum, dicere et psallere procurent. Quod vero in Rubricis Nostri hujus Officii præscribitur, quibus diebus Officium beatæ Mariæ semper Virginis, et Defunctorum, item Septem Psalmos Pœnitentiales et Graduales dici ac psalli oporteat : Nos propter varia hujus vitæ negotia, multorum occupationibus indulgentes, peccati quidem periculum ab ea præscriptione removendum duximus, verum debito providentiæ pastoralis admoniti, omnes vehementer in Domino cohortamur, ut remissionem Nostram, quantum fieri poterit, sua devotione ac diligentia præcurrentes, illis etiam precibus, suffragiis et laudibus, suæ et aliorum salutis consulere studeant. Atque ut fidelium voluntas ac studium magis etiam ad salutarem hanc consuetudinem incitetur, de omnipotentis Dei misericordia beatorumque Petri et Pauli Apostolorum ejus auctoritate confisi, omnibus, qui illis ipsis diebus, in Rubricis præfinitis, beatæ Mariæ, vel Defunctorum Officium dixerint, toties centum dies; qui vero Septem Psalmos vel Graduales, quinquaginta, de injuncta ipsis pœnitentia relaxamus. Hoc autem concedimus sine præjudicio sanctæ consuetudinis illarum Ecclesiarum, in quibus Officium parvum beatæ Mariæ semper Virginis in Choro dici consueverat, ita ut in prædictis Ecclesiis servetur ipsa laudabilis et sancta consuetudo celebrandi more solito prædictum Officium. Cæterum, ut præsentibus litteræ omnibus plenius innotescant, mandamus illas ad valvas Basilicæ Principis Apostolorum de Urbe, et Cancellariæ Apostolicæ, et in acie Campi Floræ publicari, earumque exemplar de more affigi. Volumusque, et Apostolica auctoritate decernimus, quod post hujusmodi publicationem, qui in Romana Curia sunt præsentibus, statim lapso mense : reliqui vero, qui intra montes, tribus; et qui ultra ubique locorum degunt, sex mensibus excursis, vel cum primum venaliū hujus Breviarii voluminum facultatem habuerint, ad precandum et psallendum juxta illius ritum, tam in Choro quam extra illum, maneant obligati. Ipsarum autem litterarum exempla manu Notarii publici, et sigillo alicujus Prælati Ecclesiastici, aut illius curiæ obsignata, vel etiam ipsis voluminibus absque prædicto, vel alio quopiam

adminiculo Romæ impressa, eamdem ubique locorum fidem faciant, quam ipsæ præsentēs, si essent exhibitæ vel ostensæ. Sed ut Breviarium ipsum ubique inviolatum et incorruptum habeatur, prohibemus ne alibi usquam in toto orbe, sine Nostra, vel specialis ad id Commissarii Apostolici, in singulis christiani orbis regnis et provinciis deputandi, expressa licentia imprimatur, proponatur, vel recipiatur. Quoscumque vero, qui illud secus impresserint, proposuerint vel receperint, excommunicationis sententia eo ipso innodamus. Nulli ergo omnino hominum liceat hanc paginam Nostræ ablationis, abolitionis, permissionis, revocationis, jussionis, præcepti, statuti, indulti, mandati, decreti, relaxationis, cohortationis, prohibitionis, innodationis, et voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri et Pauli Apostolorum ejus se voverit incursum.

Datum Romæ, apud S. Petrum, anno Incarnationis Domini MDLXVIII. septimo Idus Julii, Pontificatus Nostri anno tertio.

M. Dat.

CLES. CLEMENTIS

H. CUMYN.

ANNO a Nativitate Domini millesimo quingentesimo sexagesimo octavo, Indictione undecima, die vero decima quinta mensis Julii, Pontificatus sanctissimi in Christo Patris, et D. N. D. Pii divina providentia Papæ quinti anno tertio, retrospectæ litteræ Apostolicæ lectæ, affixæ et publicatæ fuerunt ad valvas Basilicæ Principis Apostolorum de Urbe, Cancellariæ Apostolicæ, et in acie Campi Floræ, dimissis ibidem præsentibus litteris per aliquantulum temporis spatium, ut moris est, affixis, et deinde amotis per nos Julium Parinum et Joannem Bornotum, prælibati SS. D. N. Papæ Cursores.

ANTONIUS CLERICI, MAG. SED. CANCELLARI.

CLEMENS PAPA VIII.

AD PERPETUAM REI MEMORIAM

CUM in Ecclesia Catholica, a Christo Domino nostro sub uno capite, ejus in terris Vicario instituta, unio, et earum rerum quæ ad Dei gloriam et debitum Ecclesiasticarum personarum officium spectant, conformatio semper conservanda sit, tum præcipue illa communio uni Deo, una et eadem formula preces adhibendi, quæ Romano Breviario continetur, perpetuo retinenda est, ut Deus in Ecclesia per universum orbem diffusa, uno et eodem orandi et psallendi ordine a Christi fidelibus semper laudetur et invocetur. Quamobrem ex decreto Sacri Concilii Tridentini felicitis recordationis Pius Papa V. prædecessor noster pie ac sapienter admodum varietatem illam Breviariorum, quæ in singulis Ecclesiis fere diversa habebantur, nonnullis tantum exceptis, sustulit, ac ipsum Breviarium restituit, et Romæ accuratissime imprimi et promulgari curavit: quod ut integrum inviolatumque ab omnibus haberetur, debita provisione adhibita, inter alia statuit, ne ullo umquam tempore totum vel ex parte mutaretur, aut illi aliquid adderetur, vel omnino detraheretur, sub pœnis in ejusdem Constitutione contentis. Cum vero progressu temporis, typographorum negligentia et incuria, et nimia aliorum etiam ea, quæ ad ipsos non pertinent, tenere sibi assumptum, audacia ac licentia, multi errores in illud irreperint: ac tum in sacra Scriptura et Lectionibus Patrum, tum in vitis Sanctorum et Rubricis, aliisque locis, sine Nostra et Romanorum Pontificum prædecessorum Nostrorum auctoritate, pro cuiusque arbitrio pleraque addita et immutata fuerint, ita ut nulla jam reperiantur Breviaria quæ a prima editione ejusdem Pii in multis non discrepent atque dissentiant, et aliqua recognitione indigeant: Nos, qui pro Pastoralis Nostræ sollicitudine in eam curam præcipue incumbimus, ut ea quæ a Prædecessoribus Nostros sancte ac pie instituta sunt, perpetuo integra et inviolata conserventur: quæ vero hominum culpa immutata sunt atque corrupta, et quæ recognitionem exigunt, in pristinum statum restituantur et reformentur: mandavimus nonnullis piis et eruditum viris, quorum consultatione et opera in hujusmodi rebus frequenter utimur, ut idem Breviarium nova adhibita diligentia accuratius inspicerent, atque examinarent, et ea quæ depravata esse et recognitione indigere animad-

verterent, pro sua doctrina et pietate restituerent. Quod cum ab iis exacte ac profecto non mediocri cum emolumento præstitum sit, ita ut ex superiori illo incommodo per occasionem non parum utilitatis provenerit : Nos illud in Nostra typographia Vaticana quam emendatissime inprimi ac divulgari jussimus. Ut autem illius usus in omnibus christiani orbis partibus, perpetuis futuris temporibus conservetur, ipsum Breviarium in alma Urbe Nostra in eadem typographia tantum, et non alibi inprimi posse decernimus : extra Urbem vero juxta exemplar in dicta typographia nunc editum, et non aliter, hac lege inprimi posse permittimus, ut nimirum typographis quibuscumque illud imprimere volentibus, id facere liceat, requisita tamen prius et in scriptis obtenta dilectorum filiorum Inquisitorum hæreticæ pravitatis in iis locis, in quibus fuerint, ubi vero non fuerint, Ordinariorum locorum licentia : alioquin, si absque hujusmodi licentia dictum Breviarium sub quacumque forma de cætero ipsi imprimere, aut bibliopolæ vendere præsumpserint, typographi et bibliopolæ extra Statum Nostrum Ecclesiasticum existentes excommunicationis latæ sententiæ, a qua nisi a Romano Pontifice, præterquam in mortis articulo constituti, absolvi nequeant ; in alma vero Urbe, ac reliquo Statu Ecclesiastico commorantes, quingentorum ducatorum auri de Camera, ac amissionis librorum, et typorum omnium Cameræ prædictæ applicandorum pœnas absque alia declaratione irremissibiliter incurrant eo ipso. Et nihilominus eorundem Breviariorum per eos de cætero absque hujusmodi licentia imprimendorum, aut vendendorum usum ubique locorum et gentium, sub eisdem pœnis perpetuo interdiciamus et prohibemus. Ipsi autem Inquisitores, seu Ordinarii locorum, antequam hujusmodi licentiam concedant, Breviaria ab ipsis typographis imprimenda, et postquam impressa fuerint, cum hoc Breviario auctoritate Nostra recognito, et nunc impresso, diligentissime conferant, nec in illis aliquid addi, vel detrahi permittant, et in ipsa licentia originali de collatione facta, et quod omnino concordent, manu propria attestentur, cujus licentiæ copia initio vel in calce cujusque Breviarii semper imprimatur : quod si secus fecerint, inquisitores videlicet privationis suorum officiorum, ac inhabilitatis ad illa, et alia in posterum obtinenda, Antistites vero et Ordinarii locorum suspensionis a divinis, ac interdicti ab ingressu Ecclesiæ, eorum vero Vicarii privationis similiter officiorum et beneficiorum suorum, et inhabilitatis ad illa, et alia in posterum obtinenda, ac præterea excommunicationis absque alia declaratione, ut præfertur, pœnas incurrant eo ipso. Cæterum pauperum Clericorum, et aliarum personarum Ecclesiasticarum, ac typographorum et bibliopolarum quorumcumque indemnitate ex benignitate Apostolica rationem habentes, eisdem Breviaria hactenus impressa penes se habentibus, ut ea retinere, et illis uti, eaque vendere respective possint, similiter permittimus et indulgemus. Non obstantibus licentiis, indultis, et privilegiis quibuscumque typographis hactenus per Nos, seu Romanos Pontifices prædecessores Nostros Breviarium prædictum Pii V. imprimendi concessis, quæ per præsentem expresse revocamus, et revocata esse volumus, necnon constitutionibus et ordinationibus Apostolicis generalibus et specialibus, in contrarium præmissorum quomodocumque concessis, confirmatis et approbatis, quibus omnibus, etiamsi de illis, eorumque totis tenoribus specialis, specifica et expressa mentio habenda esset, tenores hujusmodi præsentibus pro expressis habentes, hac vice dumtaxat specialiter et expresse derogamus, cæterisque contrariis quibuscumque. Volumus autem, ut præsentium Nostrarum litterarum exemplaribus etiam in ipsis Breviariis impressis, vel manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, eadem prorsus fides habeatur, quæ ipsis præsentibus haberetur, si essent exhibitæ vel ostensæ.

Datum Romæ apud sanctum Marcum sub Annulo Piscatoris, die x. Maii MDCII., Pontificatus Nostri anno undecimo.

M. VESTRIUS BARBIANUS.

URBANUS PAPA VIII.

AD PERPETUAM REI MEMORIAM

DIVINAM Psalmodiam sponsæ consolantis in hoc exsilio absentiam suam a sponso cælesti, decet esse non habentem rugam, neque maculam : quippe cum sit ejus hymnodia filia, quæ canitur assidue ante sedem Dei et Agni, ut illi similior prodeat, nihil, quantum fieri potest, præferre debet, quod psallentium animos, Deo ac divinis rebus, ut convenit, attentos, avocare alio ac distrahere possit : qualia sunt, si quæ interdum in sententiis aut verbis occurrant non tam apte concinneque disposita, ut tantum tantique obsequii ac ministerii opus exigeret. Quæ causæ quondam impulere Summos Pontifices prædecessores Nostros, felicitis memoriæ Pium hujusce nominis quintum, ut Breviarium Romanum incertis per eam ætatem legibus vagum, certa stataque orandi methodo inligaret, et Clementem VIII., ut illud ipsum lapsu temporis ac typographorum incuria depravatam, decori pristino restitueret. Nos quoque in eandem cogitationem traxere, et sollicitudo Nostra erga res sacras, quas primam et optimam partem muneris Nostri censemus, et piorum doctorumque virorum judicia et vota, conducerentium in eo contineri non pauca, quæ sive a primo nitore institutionis exciderunt, sive inchoata potius quam perfecta forent ab aliis, certe a Nobis supremam imponi manum desiderarent. Nos itaque huic rei sedulam operam navavimus, et jussu Nostro aliquot eruditi et sapientes viri suam serio curam contulerunt, quorum diligentia studioque perfectum opus est, quod gratum omnibus. Deoque et sanctæ Ecclesiæ honorificum fore speramus : siquidem in eo Hymni (paucis exceptis) qui non metro, sed soluta oratione, aut etiam rythmo constant, vel emendatioribus codicibus adhibitis, vel aliqua facta mutatione ad carminis et latinities leges, ubi fieri potuit, revocati : ubi vero non potuit, de integro conditi sunt : eadem tamen, quoad licuit, servata sententia. Restituta in Psalmis et Canticis interpunctio editionis Vulgatæ, et canentium commoditati, ob quam eadem interpunctio mutata interdum fuerat, additis Asteriscis consultum. Patrum Sermones et Homiliæ collatæ cum pluribus impressis editionibus, et veteribus manuscriptis, ita multa suppleta, multa emendata atque correctæ. Sanctorum Historiæ ex priscis et probatis auctoribus recognitæ. Rubricæ, detractis nonnullis, quibusdam adjectis, clarius et commodius explicatæ. Denique omnia magno et longo labore diligenter accurateque ita disposita et expolita, ut quod erat in votis, ad optatum exitum perductum sit. Cum igitur tanta tamque exacta doctorum hominum industria, ne plane in irritum recidat, requirat typographorum fidem, mandavimus dilecto filio Andreæ Brogiotto, typographiæ Nostræ Apostolicæ Præfecto, procurationem hujus Breviarii in lucem primo edendi : quod exemplar, qui posthac Romanum Breviarium impresserint, sequi omnes teneantur. Extra Urbem vero nemini licere volumus idem Breviarium in posterum typis excudere, aut evulgare, nisi facultate in scriptis accepta ab Inquisitoribus hæreticæ pravitatis, siquidem inibi fuerint : sin minus, ab locorum Ordinariis. Quod si quis quacunque forma contra præscriptam Breviarium Romanum aut typographus impresserit, aut impressum bibliopola vendiderit extra ditionem Nostram Ecclesiasticam, excommunicationis latæ sententiæ pœnæ subjaceat, a qua nisi a Romano Pontifice (præterquam in mortis articulo constitutus) absolvi nequeat : in alma vero Urbe ac reliquo Statu Ecclesiastico commorantes, quingentorum ducatorum auri de Camera, ac amissionis librorum, et typorum omnium eidem Cameræ applicandorum pœnas absque alia declaratione irremissibiliter incurrant : et nihilominus Breviaria sine prædicta facultate impressa, aut evulgata, eo ipso prohibita censeantur. Inquisitores vero, locorumque Ordinarii facultatem hujusmodi non prius concedant, quam Breviarium tam ante, quam post impressionem cum hoc ipso exemplari auctoritate Nostra vulgato, diligenter contulerint, et nihil in iis additum detractumque cognoverint. In ipsa autem facultate, cujus exemplum in fine aut initio cujusque Breviarii impressum semper addatur, mentionem manu propria faciant absolutæ hujusmodi collationis, repertæque inter utrumque Breviarium conformitatis, sub pœna Inquisitoribus privationis suorum officiorum, ac inhabilitatis ad illa, et alia in posterum obtinenda : Ordinarii vero locorum suspensionis a divinis, ac interdicti ab ingressu Ecclesiæ : eorum vero Vicariis privationis officiorum et beneficiorum suorum, et inhabilitatis ad illa, et alia in posterum obtinenda, necnon excommunicationis absque alia

declaratione incurrendæ. Sub iisdem etiam prohibitionibus et pœnis comprehendi intendimus et volumus ea omnia, quæ a Breviario Romano ortum habent, sive ex parte, sive in totum; cujusmodi sunt Missalia, Diurna, Officia parva beatæ Virginis, Officia majoris Hebdomadæ, et id genus alia, quæ deinceps non imprimantur, nisi prævia illorum, et cujuslibet ipsorum in dicta typographia per eundem Andream, impressorem, ut omnino cum Breviario de mandato Nostro edito concordent. Injungimus autem Nuntiis Nostris ubique locorum degentibus, ut huic negotio diligenter invigilent, cunctaque ad præscriptum hujus voluntatis Nostræ confici curent. Nolumus tamen his litteris Breviaria, et alia prædicta, quæ impressa sunt hactenus, prohiberi, sed indemnitati omnium consulentes, tam typographis et bibliopolis vendere, quam Ecclesiis, Clericis, aliisque retinere, atque iis uti Apostolica benignitate permittimus et indulgemus. Non obstantibus licentiis, indultis et privilegiis Breviaria imprimendi quibuscumque typographis per nos, seu Romanos Pontifices prædecessores Nostros hucusque concessis, quæ per præsentis expresse revocamus, et revocata esse volumus; necnon constitutionibus et ordinationibus generalibus et specialibus in contrarium præmissorum quomodocumque editis, confirmatis et approbatis. Quibus omnibus, etiamsi de illis eorumque totis tenoribus specialis, specifica et expressa mentio habenda esset, tenores hujusmodi præsentibus pro expressis habentes hac vice dumtaxat specialiter et expresse derogamus, cæterisque contrariis quibuscumque. Volumus autem ut præsentium litterarum Nostrarum exemplaribus, etiam in ipsis Breviariis impressis, vel manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si essent exhibitæ vel ostensæ.

Datum Romæ, apud S. Petrum, sub Annulo Piscatoris, die vigesima quinta Januarii MDCXXXI. Pontificatus Nostri anno octavo.

M. A. MARALDUS.

I. SAVENIER.

EX DECRETORUM REGISTRO SACRÆ RITUUM CONGREGATIONIS

ILLEC AD BREVIARIUM ROMANUM ATTINENT

SACRA Rituum Congregatio declaravit et decrevit, non potuisse post Bullam S. Pii V. de Breviario Romano, neque posse locorum Ordinarios, tam Sæculares quam Regulares, addere Kalendaris, etiam propriis, Sanctorum Officia, nisi ea dumtaxat quæ Breviarii Romani Rubricis, vel Sacræ Rituum Congregationis, seu Sedis Apostolicæ licentia conceduntur: neque propria auctoritate, quovis prætextu, mutare ritum qui habetur in Kalendario Romano seu Rubricis Breviarii, in altiore ritum, neque extendere concessa Officia de loco ad locum.

Item vetuit et prohibuit celebrari per totam Civitatem vel Diocesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel Regularis, vel Abbatialis, aut aliqua Reliquia, sed tantum in ipsius Sancti Ecclesia titulari, seu ubi asservatur corpus aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis in qua passus est Martyr, modo sit integra, et non parva, et legitime ab Ordinariis approbata.

De sanctis Episcopis locorum, Martyribus, Civibus, et aliis Festis, de quibus in Kalendario Romano seu Rubricis Breviarii nihil habetur, uti etiam de Beatis nondum canonizatis, nihil propria auctoritate constituatur, sed omnino consueatur Sacra Rituum Congregatio.

Decretum quoque nuper editum super electione Sanctorum in Patronos, et impressum, omnino servetur.

Et hæc omnia decrevit, statuit, et mandavit, innovando pœnas Constitutionis S. Pii V. respective.

Facta demum relatione horum Decretorum SS. D. N. Urbano Papa VIII., ea laudavit et approbavit, atque ab omnibus ubique sub prædictis pœnis servari præcepit: necnon in novis Breviariis de mandato Sanctitatis Suæ imprimendis apponi jussit. Die 13 Januarii 1631.

Loco † sigilli.

T. TEGRIMIUS Episcopus Assisien., Secret.

EJUSDEM PRO SANCTIS AD LIBITUM

EADEM Sacra Rituum Congregatio, habita die 2 Decembris 1673, statuit ex mandato Clementis X. Festa Sanctorum ad libitum in posterum non esse transferenda, si eorum festivitas incidat in diem Dominicam, vel aliquem diem Festorum mobilium, sed tunc illo anno eorum Officia esse omittenda. Quod ipsum postea Innocentius Papa XI. in Congregatione habita 24 Januarii 1682 generali decreto confirmavit, et extendit insuper etiam ad Octavas et Natalitia Sanctorum, de præcepto in aliqua Religione vel Diocesi, ex indulto Apostolico recitanda. Ita ut ne quidem dictis Festis vel Octavis Festa ad libitum tunc incidentia possint recitari, sed omitti prorsus debeant.

Permisit tamen, ut Festum translatum quod alias eo die celebrandum foret, in alium diem non impeditum transferatur: item ut eodem die omitti possit Officium semel per hebdomadam aut mensem recitandum ex indulto Apostolico, ut ita locus sit celebrando Officio ad libitum.

EJUSDEM PRO SANCTIS IN MARTYROLOGIO NON DESCRIPTIS

(O)FFICIA Sanctorum ratione Corporis, seu insignis Reliquiæ, recitanda, ex Decreto S. R. Congregationis 11 Augusti 1691 intelligi debere de Sanctis dumtaxat in Martyrologio Romano descriptis, et dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus: de cæteris autem Sanctis in prædicto Martyrologio non descriptis, aut quibus a Sancta Sede non fuerit specialiter concessum, Officia recitari et Missas celebrari vetuerunt, non obstante quod ipsorum Corpora, vel insignes Reliquiæ in Ecclesiis asservantur; quibus tamen ab Ordinariis locorum approbatis debitam fidelium venerationem (prout hactenus servatum est) exhibendam esse censuerunt, sed absque Officio et Missa, sub pœnis de non satisfaciendo præcepto recitandi Officium, aliisque in Constitutione S. Pii V. contentis. Die 11 Augusti 1691, et Sanctissimus approbavit die 19 Octobris ejusdem anni 1691.

Loco † sigilli.

J. VALLEMANUS S. R. C. Secret.

DECRETA GENERALIA CIRCA RUBRICAS

CUM Sacrorum Rituum Congregationi demisse supplicatum fuerit sequentia dubia declarare:

Primum. An, cum multis Congregationibus, Religionibus, sive Ecclesiis, vel Nationibus concessum sit a Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, v. g., de Sanctissimo Sacramento, vel de Sanctis, in diebus non impeditis aliquo Festo duplici vel semiduplici, liceat ejusmodi Officia facere etiam in diebus sanctæ Quadragesimæ, Adventus, Vigiliarum, et Quatuor Temporum, etiamsi de his diebus nulla sit facta specialis mentio in aliquibus Officiorum concessionibus?

Secundum. An dies impeditus Festo duplici vel semiduplici pro dictis officiis recitandis, intelligantur etiam dies in quibus ponendum est Officium de Festo duplici vel semiduplici translato, quemadmodum dicitur responsum fuisse olim a Sacra Congregatione: Quod scilicet Festum duplex vel semiduplex etiam translatum, necnon dies Octavæ sit dies impeditus respectu talium Officiorum?

Tertium. An Regulares absque speciali privilegio, sed sola communicatione privilegiorum aliarum Religionum, possint addere nomen Sancti Fundatoris in Litanis, et Confiteor? itemque recitare Officia et Missas concessas aliis Religionibus?

Sacrorum Rituum eadem Congregatio, ad relationem Eminentissimi et Reverendissimi Domini Card. Colloredo, respondit:

Ad primum, Negative, et hujusmodi indulta non habere locum in Feriis Adventus, Quadragesimæ, Quatuor Temporum, Vigiliarum, sive cum jejuniis, sive absque jejuniis, nec in Feria secunda Rogationum, nec in illa Feria in qua secundum Rubricas sit reponendum Officium Dominicæ.

Ad secundum, affirmative.

Ad tertium, negative in omnibus.

Et ita declaravit, ac servari voluit. Ac insuper ut Declarationes, seu Decreta prædicta omnibus innotescant, typis ea imprimi mandavit. Die 20 Martii 1706.

Loco † sigilli.

G. Card. CARPINEUS.

B. INGHIRAMI Sac. Rit. Cong. Secret.

LICENTIA ET APPROBATIO ORDINARIJ

GUILLELMUS RENATUS MEIGNAN

Miseratione Divina et Sanctæ Sedis Apostolicæ gratia, S. R. E. Cardinalis
Presbyter, tituli SS. Trinitatis in monte Pincio, Archiepisc. Turon.

Omnibus has visuris Salutem in Domino.

CUM a Papa URBANO VIII. decretum sit ne quis typographus Breviarium Romanum PII V. Pont. Max. jussu editum, CLEMENTIS VIII. primum, deinde ipsius URBANI VIII. auctoritate recognitum, imprimat vel in lucem edat sine licentia, eaque in scriptis, obtenta ab Ordinario loci, ac nisi prius ab eodem cum exemplari typis Vaticanis anno 1632 excuso concordare fuerit repertum; hinc est quod dederimus licentiam dilectis Nobis A. MAME et Filiis, typographis et bibliopolis Turonensibus, illud imprimendi, dummodo tamen in impressione absolvenda nuperrima vel alia correctissima uterentur editione Romana, et illius exemplo absolutissime et strictissime se conformarent. Insuper eidem novæ editioni Breviarii inserta volumus Officia, ab ultima editione Romana a Sancta Sede ad universalem Ecclesiam extensa, eaque juxta exempla typographiæ Rev. Cameræ Apostolicæ.

Postquam autem Breviarium prædictorum A. MAME et Filiorum opera ac typis absolutum cognovimus, et per revisores ad id deputatos fuimus legitime informati illud cum suo originali, diligenti collatione facta, convenire, dictum Breviarium in 4 vol. ut vocant in-12, excusum approbavimus, prout per præsentes approbamus.

In quorum fidem hasce subsignavimus, sigilloque nostro, ac Secretarii nostri generalis chirographo muniri fecimus.

Turonibus, die 20 Octobris 1893.

† **GUILLELMUS RENATUS CARD. MEIGNAN**

ARCHIEPISCOPUS TURONENSIS.

Loco † sigilli.

De Mandato EE. ac RR. DD. Cardinalis Archiepisc. Turon.

J. SELLIER Can. Secret. gen.

DE ANNO ET EJUS PARTIBUS

ANNUS menses habet duodecim, hebdomadas duas et quinquaginta, et diem unum : dies vero trecentos sexaginta quinque, et fere sex horas : tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt : hinc annus ille intercalaris, Bissexthus, vel Bissextilis dicitur.

De anni correctione, episcopus necessitate, ac Calendario Gregoriano.

QUOD dictum est, annum continere trecentos et sexaginta quinque dies, et fere sex horas, intelligendum est sex horas non esse integras, cum ad eam complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas; et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem : qui causam dederunt ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582, præcedendo recesserat, quod a Concilio ad xij. Kalendas Aprilis fuerat constitutum, et xiv. Lunam Paschalem suo in loco reposuit; sed viam quoque tradidit, et rationem, qua caveretur ut in posterum et Æquinoctium vernum, et xiv. Luna Paschalis a propriis sedibus numquam removerentur.

Ut enim Æquinoctium vernum ad xij. Kalendas Aprilis restitueretur, statuit ut dicti decem dies in mense Octobris ipsius anni 1582 eximerentur; ut post quartam diem Octobris sancto Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irreperat, in momento temporis fuit correptus.

Ut autem in posterum idem error vitaretur, ne ad xij. Kalendas Aprilis Æquinoctium vernum recederet, statuit idem Gregorius, Bissexthum quarto quoque anno (uti mos est) continuari debere, præterquam in centesimis an-

nis : qui quamvis Bissextilis antea semper fuerint, qualem etiam esse voluit annum 1600, anno correctionis proximum, post eum tamen, qui deinceps consequentur, centesimi, non omnes Bissextilis essent, sed in quadringentis quibusque annis primi quinque tres centesimi sine Bissexto transigerentur; quartus vero quisque centesimus esset Bissextilis, ita ut annus 1700, 1800, 1900, Bissextilis non sint, anno vero 2000 more consueto dies Bissexthus intercaletur, Febuario dies 29 continente; idemque ordo intermittendi intercalandique Bissexthum diem in quadringentis quibusque annis perpetuo conservaretur.

Quatuor Tempora.

QUATUOR Tempora celebrantur quarta et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

Nuptiæ quando celebrari non possint juxta Decretum Tridentini Concilii.

ADOMINICA prima Adventus usque in diem Epiphaniæ, et a FERIA quarta Cinerum usque in Octavam Paschatis inclusive, sancta Synodus solemnitates Nuptiarum prohibet. In aliis vero temporibus Nuptias solemniter celebrari permittit.

De Cyclis decennovennali Aurei numeri.

CYCLUS decennovennalis Aurei numeri est revolutio numeri 19 annorum ab 1 usque ad 19, qua revolutione peracta, iterum ad unitatem reditur. Verbi gratia : Anno 1577 numerus cycli decennovennalis, qui dicitur Aureus, est 1; anno sequenti 1578 est 2, et ita deinceps in sequentibus annis, uno semper amplius, usque ad 19, qui Aureus numerus cadet in annum 1595, post quem iterum ad unitatem redeundum est, ita ut anno 1596 Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniat, composita est sequens tabella Aureorum numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus numerus

cujuslibet anni post annum 1582 repetitur hoc modo.

6.	7.	8.	9.	10.	11.	12.	13.	14.	
15.	16.	17.	18.	19.	1.	2.	3.	4.	5.

Anno 1582 tribuatur primus numerus tabellæ, qui est 6; secundus autem qui est 7, sequenti anno 1583, et ita deinceps in infinitum, donec ad annum, cujus Aureum numerum quæris, perveniatur, redeundo ad principium tabellæ, quotiescumque eam percurre- ris. Nam numerus in quem annus propositus cadit, dabit Aureum numerum quæsitum.

Modus brevis cognoscendi Aureum numerum ejusque anni.

Número anni de quo quæris, adde unicum unitatem 1: Exempli gratia: 1833 adde 1: summam inde conflata[m] divide per 19; quod superest, erit Aureus numerus ipsius anni: si nihil superest, erit Aureus numerus 19.

De Epactis et Noviluniis.

EPACTA nihil aliud est, quam numerus dierum quibus annus solaris communis dierum 365 annum communem lunarem dierum 354 superat: ita ut Epacta primi anni sit 11, cum hoc numero annus solaris communis lunarem annum communem excedat; atque adeo sequenti anno Novilunia contingant 11 diebus prius quam anno primo. Ex quo fit Epactam secundi anni esse 22; cum eo anno rursum annus solaris lunarem annum superet 11 diebus, qui additi ad 11 dies primi anni efficiunt 22; ac proinde, finito hoc anno, Novilunia contingere 22 diebus prius, quam primo anno: Epactam autem tertii anni esse 3, quia si rursus 11 dies ad 22 adjiciantur, efficietur numerus 33; a quo si rejiciantur 30 dies, qui unam lunationem embolismalem constituunt, relinquentur 3, atque ita deinceps. Progrediuntur enim Epactæ omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aureo numero 19 respondentem, quæ est 29, adduntur 12, ut abjectis 30, ex composito numero 41, habeatur rursus Epacta 11, ut in principio. Quod ideo fit, ut ultima lunatio embolismica, corrente Aureo numero 19, sit tantum 29 dierum. Si enim 30 dies contineret, ut aliæ sex lunationes embolismicæ, non redirent Novilunia post 19 annos solares ad eosdem dies, sed versus calcem mensium prolaberentur, contingerentque uno die tardius quam ante 19 annos. De qua re plura invenies in libro novæ rationis restituendi Kalendarii Romani. Sunt autem novemdecim Epactæ, quot et

Aurei numeri, respondebantque ipsis Aureis numeris ante Kalendarii correctionem eo modo, quo in hac tabella dispositæ sunt.

Tabella Epactarum respondentium Aureis numeris ante Kalendarii correctionem.

Aur. num.		1.	2.	3.	4.
Epactæ.		xj.	xxij.	iiij.	xiv.
5.	6.	7.	8.	9.	10.
xxv.	vj.	xvij.	xxvij.	ix.	xx.
11.	12.	13.	14.	15.	16.
j.	xij.	xxiiij.	iv.	xv.	xxvj.
17.	18.	19.			
vij.	xviiij.	xxix.			

Quia vero cyclus decennovennalis Aurei numeri imperfectus est, cum Novilunia post 19 annos solares non præcise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum, utamur 30 numeris Epactalibus ab 1 usque ad 30 ordine progredientibus, quamvis ultima Epacta, sive quæ ordine est trigesima, notata numero non sit, sed signo hoc *, propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis numeris variæ decem et novem Epactæ, prout solaris anni ac lunaris æquatio exposcit: quæ quidem decem et novem Epactæ progrediuntur, ut olim per eundem numerum 11, addunturque semper 12 illi Epactæ, quæ respondet Aureo numero 19, ut habeatur sequens Epacta respondens Aureo numero 1, ob rationem paulo ante dictam. Id quod sequens tabella perspicuum faciet, quæ continet Aureos numeros, et Epactas inter se respondentes ab anno correctionis 1582, post detracti- onem decem dierum, usque ad annum 1700 exclusive. Quamvis autem vulgares Epactæ mutantur in Martio, re ipsa tamen in principio anni mutandæ sunt, una cum Aureo numero, in cujus locum hæ nostræ Epactæ succedunt.

Tabella Epactarum respondentium Aureis numeris ab Idibus Octobris anni correctionis 1582 (detractis prius decem diebus) usque ad annum 1700 exclusive.

Aur. num.	6.	7.	8.	9.	10.	
Epactæ.	xxvj.	vij.	xvij.	xxix.	x.	
11.	12.	13.	14.	15.	16.	17.
xxj.	ij.	xiiij.	xxiv.	v.	xvj.	xxvij.
18.	19.	1.	2.	3.	4.	5.
viiij.	xix.	j.	xij.	xxiiij.	iv.	xv.

Itaque si Epacta quocumque anno proposito inveniunda sit, quærendus est Aureus numerus illius anni in superiori ordine illius tabellæ quæ illi tempore, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certe hoc signum *. Ubi ergo illa Epacta vel signum * in Calendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito tempori congruente, tribuendo primum Aureum numerum illius tabellæ illi anno, a quo usus tabellæ incipit, et secundum Aureum numerum sequenti anno, etc. Eodem modo reperietur Epacta sine Aureo numero, si prima Epacta tabellæ tribuatur illi anno a quo ejus usus incipit, et secunda Epacta sequenti anno, etc.

Exemplum : Anno correctionis 1582 Aureus numerus est 6, nempe primus primæ tabellæ, cujus usus incipit ab Idibus Octobris dicti anni 1582, detractis prius decem diebus. Erit ergo tunc Epacta xxvj., quæ sub Aureo numero 6 collocatur, fietque Novilunium die 27 Octobris, et 26 Novembris, et 25 Decembris. Item anno 1583 jam correcto Aureus numerus est 7, cui in eadem tabella supposita est Epacta vij, quæ toto eo anno in Calendario Novilunia indicabit : ut in Januario die 24, in Febr. die 22, in Martio die 24, etc.

Alia Tabella Epactarum respondentium Aureis numeris ab anno 1833 inclusive, usque ad annum 1900 exclusive.

Aur. num. Epactæ.	10.	11.	12.	13.
	ix.	xx.	j.	xij.
14. xxiij.	15. iv.	16. xv.	17. xxvj.	18. vij.
	19. xviii.	20. ix.	21. xx.	22. xi.
23. *	24. xj.	25. xxij.	26. iij.	27. xiv.
28. vj.	29. xvii.	30. xxviij.	31. v.	32. xvi.

Ad tollendam dubitationem de usu hujus novæ tabellæ Epactarum, ostendamus rem exemplis. Anno 1833 tribuatur Epacta ix. quæ sub Aureo numero 10 collocatur; fietque Novilunium 22 Januarii, 20 Februarii, 22 Martii. Item anno 1834 tribuatur Epacta xx. sub Aureo numero 11 collocata, quæ toto eo anno in Calendario Novilunia monstrabit : ut in Januario die 11, in Februario die 9, in Martio die 11. Et sic deinceps per ordinem annis progredientibus, redeundo ad principium tabellæ quotiescumque eam percurreris.

Rursus anno 1862, Epacta non signatur numero, sed hoc signo *, quod collocatur sub Aureo numero 1, et in Calendario toto eo anno Novilunia indicabit, nimirum in Januario die 1 et 31, in Martio (nam in Februario nullum tunc Novilunium, cum in eo signum hoc * non reperiat) die 1 et 31, in Aprili die 29, etc.

Tabella litterarum Dominicalium ab Idibus Octobris anni correctionis 1582 (detractis prius decem diebus) usque ad annum 1700 exclusive.

c	b	A	f	e	d	c	A	g	f	e	c	b	A
		g				b			d				
g	e	d	c	b	g	f	e	d	b	A	g	f	d
f			A			c			e				

Usus hujus tabellæ hic est : Anno correctionis 1582 post Idus Octobris (detractis prius decem diebus) tribuatur littera c, primæ cellulæ, et sequenti anno 1583 littera b, secundæ, et anno 1584 dentur litteræ A g, tertiæ cellulæ, et sic deinceps aliis annis ordine aliæ cellulæ tribuantur, donec ad annum propositum perventum sit, redeundo ad principium tabellæ, quotiescumque eam percurreris : nam cellula in quam annus propositus cadit, dummodo minor sit quam annus 1700, dabit litteram Dominicalem propositi anni. Quæ si unica occurrerit, annus erit communis; si vero duplex, Bissextilis : et tunc superior littera Dominicam diem ostendet in Calendario a principio anni usque ad Festum sancti Mathiæ Apostoli : inferior autem ab hoc Festo usque ad finem anni.

Exempli gratia : Sit inveniunda littera Dominicalis anno 1587. Numerata ab anno 1582, quem tribue primæ litteræ c, usque ad annum 1587, tribuendo singulis cellulis singulos annos (computando geminas litteras quascumque, superiorem et inferiorem, pro una cellula), cadetque annus 1587 in litteram d, quæ sextum locum in tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus sit investiganda littera Dominicalis anno 1616. Numerata ab anno 1582, ut dictum est, usque ad annum 1616, redeundo ad principium tabellæ postquam eam percurreris, perveniesque ad duas hasce litteras c b, septimo loco positas. Est ergo annus ille Bissextilis, cum duplex littera occurrat, superiorque littera c Dominicam diem indicabit a principio anni illius usque ad Festum S. Mathiæ. inferior autem b, in reliqua parte anni,

Alia Tabella litterarum Dominicarum ab anno 1833 inclusivè, usque ad annum 1900 exclusive.

f	e	d	c	Δ	g	f	e	c	b	Δ	g	e	d	
			b			d				f				
c	b	g	f	e	d	b	Δ	g	f	e	d	c	b	Δ
	Δ			c			e					g		

Usus autem hujus tabellæ hic est. Anno 1833 tribuatur littera f primæ cellulæ, et sequenti anno 1834 littera e, et sic deinceps cæteris annis ordine aliæ cellulæ tribuantur, donec ad annum propositum perventum sit, redeundo ad principium tabellæ quotiescumque eam percurreris : nam cellula in quam annus propositus cadit, dabit litteram Dominicalem propositi anni : quæ si unica occurrerit, annus erit communis : si vero duplex, Bissextilis : et tunc superior littera Dominicalem diem ostendet in Calendario a principio anni usque ad Festum S. Mathiæ Apostoli, inferior autem ab hoc Festo usque ad finem anni.

De Indictione.

INDICTIO est revolutio 15 annorum, ab 1 usque ad 15, qua revolutione peracta, iterum reditur ad unitatem, initiumque sumit quilibet annus hujus cycli a Januario in Bullis Pontificiis. Et quoniam Indictionum frequens usus est in Diplomatis et Scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est ; initium tamen sumit ab anno correctionis 1582.

Tabella Indictionis ab anno correctionis 1582.

10.	11.	12.	13.	14.	15.	1.
2.	3.	4.	5.	6.	7.	8.
						9.

Nam si anno 1582 tribuas primum numerum, qui est 10, et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem quæ quæritur.

DE FESTIS MOBILIBUS

QUONIAM ex decreto sacri Concilii Nicæni Pascha, ex quo reliqua Festa mobilia pendent, celebrari debet die Dominico qui proxime succedit xiv. lunæ primi mensis (is vero apud Hebræos vocatur primus mensis, cujus

xiv. luna vel cadit in diem verni Æquinoctii, quod die 21 mensis Martii contingit, vel propius ipsum sequitur), efficitur, ut si Epacta cujusvis anni inveniat, et ab ea in Calendario notata inter diem octavum Martii inclusive, et quintum Aprilis inclusive (hujus enim Epactæ xiv. luna cadit vel in diem Æquinoctii verni, id est, in diem 21 Martii, vel eum propius sequitur), numerentur inclusive deorsum versus dies quatuordecim ; proximus dies Dominicus diem hunc xiv. sequens (ne cum Judæis conveniamus, si forte dies xiv. lunæ caderet in diem Dominicum) sit dies Paschæ.

Exemplum : Anno 1605, Epacta est x., et littera Dominicalis b. Et quoniam invenimus Epactam x. inter diem 8 Martii et 5 Aprilis inclusive positam esse e regione diei 21 Martii, a quo inclusive si deorsum versus numeretur 14 dies, inveniemus xiv. lunam die 3 Aprilis, quæ est Dominica, cum e regione illius sit littera Dominicalis b. Ne igitur cum Judæis conveniamus, qui Pascha celebrant die xiv. lunæ, sumenda est littera Dominicalis b, quæ sequitur xiv. lunam, nempe ea quæ e regione diei 10 Aprilis collocatur : atque eo anno Pascha celebrandum erit die 10 Aprilis. Item anno 1604, Epacta est xxix., et duplex littera Dominicalis d c. cum annus ille sit Bissextilis. Si igitur ab Epacta xxix., quæ e regione diei 1 Aprilis ponitur inter diem 8 Martii et 5 Aprilis inclusive, numerentur dies 14, cadet xiv. luna in diem 14 Aprilis. Et quia tunc currit posterior littera Dominicalis, nempe c, quæ post diem 14 Aprilis, id est, post xiv. lunam collocata est e regione diei 18 Aprilis, celebrabitur eo anno Pascha die 18 Aprilis.

Cæterum ut facilius omnia Festa mobilia inveniantur, composite sunt duæ sequentes tabulæ Paschales, una antiqua, et nova altera. Ex antiqua ita Festa mobilia reperientur. In latere sinistro tabulæ accipiat Epacta currens, et in linea litterarum Dominicarum sumatur littera Dominicalis currens, infra tamen Epactam currentem ; ita ut si littera Dominicalis currens reperiat e regione Epactæ currentis, assumenda sit eadem littera Dominicalis proxime inferior. Nam e regione hujus litteræ Dominicalis omnia Festa mobilia continentur.

Exemplum : Anno 1606 Epacta est xxj., et littera Dominicalis A. Si igitur in tabula antiqua sumatur littera Dominicalis A, quæ primo infra Epactam xxj. occurrit, reperietur e regione hujus litteræ Dominica Septuagesimæ die 22 Januarii, dies Cinerum 8 Februarii, Pascha 26 Martii, Ascensio

Domini 4 Maii, Pentecostes 14 Maii, et Festum Corporis Christi 25 Maii. Dominicae autem inter Pentecosten et Adventum eo anno erunt 28, et Adventus celebrabitur die 3 Decembris : et sic de cæteris. Item anno 1605 Epacta est x., et littera Dominicalis b, quæ in tabula reperitur e regione Epactæ x. Quare sumenda est alia littera b, quæ proxime infra Epactam invenitur, e regione cujus invenies Septuagesimam die 6 Februarii, diem Cinerum 23 Februarii, Pascha 10 Aprilis, etc.

Notandum autem est quod, quemadmodum in anno communi, cadente littera Dominicali e regione Epactæ in tabula antiqua, sumitur eadem littera proxima infra Epactam, ut diximus : ita quoque in anno Bissextili, si alterutra duarum litterarum Dominicalium tunc currentium e regione Epactæ reperitur, assumendæ sunt aliae duæ similes litteræ proxime inferiores, ut Festa mobilia inveniuntur.

Ex tabula vero Paschali nova ita eadem Festa mobilia reperientur. In cellula litteræ Dominicalis currentis quærat Epacta currens. Nam e directo omnia Festa mobilia deprehenduntur. Ut anno 1609 in cellula litteræ Dominicalis d, tunc currentis, e regione Epactæ xxiv. quæ eodem anno currit, habetur Septuagesima die 15 Februarii, dies Cinerum 4 Martii, Pascha 19 Aprilis, etc.

Sed sive antiqua, sive nova tabula Paschali utamur, inveniendi sunt omnia Festa mobilia in annis Bissextilibus per litteram Dominicalem posteriorem, quæ nimirum currit post Festum sancti Mathiæ Apostoli, ne scilicet ambigamus, utra duarum litterarum pro hoc, aut illo Festo indagando accipienda sit : ita tamen ut Septuagesimæ et diei Cinerum inventæ in Januario aut Febuario addatur unus dies. Quod ideo fit, quia ante diem S. Mathiæ currit prior littera Dominicalis, quæ in Calendario posteriore semper sequitur : post Festum autem S. Mathiæ in Febuario, licet posterior littera currat, additur tamen tunc dies intercalaris, ita ut dies 24 Februarii dicatur 25, et dies 25 dicatur 26, etc. Quod si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris Febuario sit additus. Imo nisi per posteriorem litteram investigarentur, non inveniretur recte Septuagesima in anno Bissextili currente Epacta xxiv. vel xxv., et littera Dominicali d c, ut in secundo ac tertio exemplo perspicuum fiet pro annis 4088 et 3784. Exempli gratia : Anno 2096 Bissextili, Epacta erit v., et litteræ Domi-

nicales A g. Si igitur per posteriorem litteram, quæ est g, Festa mobilia investigentur, reperietur Septuagesima die 11 Februarii, et dies Cinerum 28 Februarii. Si autem addatur unus dies, cadet Septuagesima in diem 12 Februarii, quæ est Dominica, et dies Cinerum in diem 29 Februarii, quæ est FERIA IV. ; Pascha autem et reliqua Festa in eos dies cadent qui in tabula expressi sunt. Item anno 4088 Bissextili, Epacta erit xxiv., et litteræ Dominicales d c. Si igitur per litteram c, quæ posterior est, inquirentur Festa mobilia, invenietur Septuagesima die 21 Februarii, et si addatur unus dies, cadet in diem 22 Februarii, quæ est Dominica. Dies autem Cinerum cadet in diem 10 Martii : quare nihil additur, etc. Rursus anno 3784 Bissextili, Epacta erit xxv., et litteræ Dominicales d c. Ergo iterum per posteriorem c reperietur Septuagesima die 21 Februarii, hoc est, addita 1 die, 22. Quod si per priorem litteram d in utroque horum duorum annorum agendum esset, nihil efficeretur, cum infra Epactas xxiv. et xxv. littera d indicet Septuagesima die 15 Februarii, quod falsum esset, cum eo anno posterior littera c Pascha offerat die 25 Aprilis, ac proinde Septuagesima die 22 Februarii celebranda sit, ut liquido constat, si a die Paschæ, Dominicæ retro numerentur usque ad Septuagesimam.

In priori porro tabula Paschali antiqua reformatâ, Epactis ad sinistram præposuimus Aureos numeros eodem ordine quo ante emendationem Kalendarii collocari solebant, ut ex iis Festa mobilia invenirentur. Hoc autem idcirco a nobis factum est, ut Pascha, cæteraque Festa mobilia, a Concilio Nicæno usque ad annum 1582 quilibet indagare possit. Eodem autem prorsus artificio, ex Aureis numeris ita distributis Festa mobilia eruuntur, quo ex Epactis. Sit enim explorandum, exempli causa, quando Festa hæc celebrata fuerint anno 1450. Quoniam eo anno Aureus numerus fuit 7, et littera Dominicalis d, si Aureus numerus 7 in sinistro latere accipitur, et prima littera d, infra eum occurrens : reperietur e regione hujus litteræ d, Septuagesima die 1 Februarii, dies Cinerum 18 Februarii, Pascha die 5 Aprilis, etc.

Adventus Domini celebratur semper die Dominico, qui propinquior est Festo S. Andreæ Apostoli, nempe a die 27 Novembris inclusive, usque ad diem 3 Decembris inclusive : ita ut littera Dominicalis currens, quæ reperitur in Calendario a die 27 Novembris usque ad diem 3 Decembris, indicet Dominicam Adventus. Ut, verbi gratia, si littera Dominicalis est g, Dominica Adventus

cadet in diem 2 Decembris, quia ibi est littera g in Kalendario, etc.

Ad finem tandem tabularum Paschali-um apposita est tabula temporaria multorum annorum, e regione quorum

omnia Festa mobilia inveniuntur; quæ quidem tabula ex tabulis Paschalibus excerpta est, ex quibus infinitæ aliæ erui possunt pro quibuscumque annis.



TABULA PASCHALIS

ANTIQUA REFORMATA

AUR. NUM.	CYCLUS EPIACTARUM	LITT. DOM.	SEPTUAGESIMA	DIES CINERUM	PASCHA	ASCENSIO	PENTECOSTES	CORPUS CHRISTI	DOMINICAE POST PENTEC.	DOMINICA I. ADVENTUS
16 5	xxiiij xxij	d	Jan. 18	Feb. 4	Mar. 22	Ap. 30	Mai. 10	Mai. 21	28	29 N.
13 2	xx xix	e f g	19 20 21	5 6 7	23 24 25	1 Mai. 2 3	11 12 13	22 23 24	28 28 28	30 1 D. 2
10 18 7	xviiij xviij xvj xv xiv	A b c d e	22 23 24 25 26	8 9 10 11 12	26 27 28 29 30	4 5 6 7 8	14 15 16 17 18	25 26 27 28 29	28 27 27 27 27	3 27 N. 28 29 30
15 4 12	xiiij xij xj xi ix	f g A b c	27 28 29 30 31	13 14 15 16 17	31 1 Ap. 2 3 4	9 10 11 12 13	19 10 21 22 23	30 31 1 Jun. 2 3	27 27 27 26 26	1 D. 2 3 27 N. 28
1 9 17	viiij viij vj v iv	d e f g A	1 Feb. 2 3 4 5	18 19 20 21 22	5 6 7 8 9	14 15 16 17 18	24 25 26 27 28	4 5 6 7 8	26 26 26 26 26	29 30 1 D. 2 3
6 14 3	iiij ij j xxix	b c d e f	6 7 8 9 10	23 24 25 26 27	10 11 12 13 14	19 20 21 22 23	29 30 31 1 Jun. 2	9 10 11 12 13	25 25 25 25 25	27 N. 28 29 30 1 D.
11 19 8	xxviiij xxviij xxvj xxv xxiv	g A b c d	11 12 13 14 15	28 1 Mar. 2 3 4	15 16 17 18 19	24 25 26 27 28	3 4 5 6 7	14 15 16 17 18	25 25 24 24 24	2 3 27 N. 28 29
		e f g A b c	16 17 18 19 20 21	5 6 7 8 9 10	20 21 22 23 24 25	29 30 31 1 Jun. 2 3	8 9 10 11 12 13	19 20 21 22 23 24	24 24 24 24 23 23	30 1 D. 2 3 27 N. 28

TABULA PASCHALIS

LITTERÆ DOMINICAL.	CYCLUS EPACTARUM	SEPTUAG.	DIES CINERUM
D	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	18 Jan. 25 Jan. 1 Febr. 8 Febr. 15 Febr.	4 Febr. 11 Febr. 18 Febr. 25 Febr. 4 Mart.
E	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	19 Jan. 26 Jan. 2 Febr. 9 Febr. 16 Febr.	5 Febr. 12 Febr. 19 Febr. 26 Febr. 5 Mart.
F	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	20 Jan. 27 Jan. 3 Febr. 10 Febr. 17 Febr.	6 Febr. 13 Febr. 20 Febr. 27 Febr. 6 Mart.
G	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	21 Jan. 28 Jan. 4 Febr. 11 Febr. 18 Febr.	7 Febr. 14 Febr. 21 Febr. 28 Febr. 7 Mart.
A	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	22 Jan. 29 Jan. 5 Febr. 12 Febr. 19 Febr.	8 Febr. 15 Febr. 22 Febr. 1 Mart. 8 Mart.
B	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	23 Jan. 30 Jan. 6 Febr. 13 Febr. 20 Febr.	9 Febr. 16 Febr. 23 Febr. 2 Mart. 9 Mart.
C	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	24 Jan. 31 Jan. 7 Febr. 14 Febr. 21 Febr.	10 Febr. 17 Febr. 24 Febr. 3 Mart. 10 Mart.

NOVA REFORMATA

PASCHA	ASCENSIO	PENTECOST.	CORPUS CHRISTI	DOM. P. PENT.	DOM. I. ADVENT.
22 Mart.	30 Apr.	10 Maii.	21 Maii.	28	29 Nov.
29 Mart.	7 Maii.	17 Maii.	28 Maii.	27	29
5 Apr.	14 Maii.	24 Maii.	4 Junii.	26	29
12 Apr.	21 Maii.	31 Maii.	11 Junii.	25	29
19 Apr.	28 Maii.	7 Junii.	18 Junii.	24	29
23 Mart.	1 Maii.	11 Maii.	22 Maii.	28	30 Nov.
30 Mart.	8 Maii.	18 Maii.	29 Maii.	27	30
6 Apr.	15 Maii.	25 Maii.	5 Junii.	26	30
13 Apr.	22 Maii.	1 Junii.	12 Junii.	25	30
20 Apr.	29 Maii.	8 Junii.	19 Junii.	24	30
24 Mart.	2 Maii.	12 Maii.	23 Maii.	28	1 Dec.
31 Mart.	9 Maii.	19 Maii.	30 Maii.	27	1
7 Apr.	16 Maii.	26 Maii.	6 Junii.	26	1
14 Apr.	23 Maii.	2 Junii.	13 Junii.	25	1
21 Apr.	30 Maii.	9 Junii.	20 Junii.	24	1
25 Mart.	3 Maii.	13 Maii.	24 Maii.	28	2 Dec.
1 Apr.	10 Maii.	20 Maii.	31 Maii.	27	2
8 Apr.	17 Maii.	27 Maii.	7 Junii.	26	2
15 Apr.	24 Maii.	3 Junii.	14 Junii.	25	2
22 Apr.	31 Maii.	10 Junii.	21 Junii.	24	2
26 Mart.	4 Maii.	14 Maii.	25 Maii.	28	3 Dec.
2 Apr.	11 Maii.	21 Maii.	1 Junii.	27	3
9 Apr.	18 Maii.	28 Maii.	8 Junii.	26	3
16 Apr.	25 Maii.	4 Junii.	15 Junii.	25	3
23 Apr.	1 Junii.	11 Junii.	22 Junii.	24	3
27 Mart.	5 Maii.	15 Maii.	26 Maii.	27	27 Nov.
3 Apr.	12 Maii.	22 Maii.	2 Junii.	26	27
10 Apr.	19 Maii.	29 Maii.	9 Junii.	25	27
17 Apr.	26 Maii.	5 Junii.	16 Junii.	24	27
24 Apr.	2 Junii.	12 Junii.	23 Junii.	23	27
28 Mart.	6 Maii.	16 Maii.	27 Maii.	27	28 Nov.
4 Apr.	13 Maii.	23 Maii.	3 Junii.	26	28
11 Apr.	20 Maii.	30 Maii.	10 Junii.	25	28
18 Apr.	27 Maii.	6 Junii.	17 Junii.	24	28
25 Apr.	3 Junii.	13 Junii.	24 Junii.	23	28

TABELLA TEMPORARIA

ANNO DOM.	LITTERA DOM.	AUR. NUM.	EPACTE	SEPTUAG.	DIES CINERUM	PASCHA
1894	g	14	xxiiij	21 Jan.	7 Febr.	25 Mart.
1895	f	15	iv	10 Febr.	27 Febr.	14 Apr.
1896	e d	16	xv	2 Febr.	19 Febr.	5 Apr.
1897	c	17	xxvj	14 Febr.	3 Mart.	18 Apr.
1898	b	18	viij	6 Febr.	23 Febr.	10 Apr.
1899	A	19	xviiij	29 Jan.	15 Febr.	2 Apr.
1900	g	1	xxix	11 Febr.	28 Febr.	15 Apr.
1901	f	2	x	3 Febr.	20 Febr.	7 Apr.
1902	e	3	xxj	26 Jan.	12 Febr.	30 Mart.
1903	d	4	ij	8 Febr.	25 Febr.	12 Apr.
1904	c b	5	xiiij	31 Jan.	17 Febr.	3 Apr.
1905	A	6	xxiv	19 Febr.	8 Mart.	23 Apr.
1906	g	7	v	11 Febr.	28 Febr.	15 Apr.
1907	f	8	xvj	27 Jan.	13 Febr.	31 Mart.
1908	e d	9	xxviij	16 Febr.	4 Mart.	19 Apr.
1909	c	10	viiij	7 Febr.	24 Febr.	11 Apr.
1910	b	11	xix	23 Jan.	9 Febr.	27 Mart.
1911	A	12	.	12 Febr.	1 Mart.	16 Apr.
1912	g f	13	xj	4 Febr.	21 Febr.	7 Apr.
1913	e	14	xxij	19 Jan.	5 Febr.	23 Mart.
1914	d	15	iiij	8 Febr.	25 Febr.	12 Apr.
1915	c	16	xiv	31 Jan.	17 Febr.	4 Apr.
1916	b A	17	xxv	20 Febr.	8 Mart.	23 Apr.
1917	g	18	vj	4 Febr.	21 Febr.	8 Apr.
1918	f	19	xviij	27 Jan.	13 Febr.	31 Mart.
1919	e	1	xxix	16 Febr.	5 Mart.	20 Apr.
1920	d c	2	x	1 Febr.	18 Febr.	4 Apr.
1921	b	3	xxj	23 Jan.	9 Febr.	27 Mart.
1922	A	4	ij	12 Febr.	1 Mart.	16 Apr.
1923	g	5	xiiij	28 Jan.	14 Febr.	1 Apr.
1924	f e	6	xxiv	17 Febr.	5 Mart.	20 Apr.
1925	d	7	v	8 Febr.	25 Febr.	12 Apr.
1926	c	8	xvj	31 Jan.	17 Febr.	4 Apr.
1927	b	9	xxviij	13 Febr.	2 Mart.	17 Apr.
1928	A g	10	viiij	5 Febr.	22 Febr.	8 Apr.
1929	f	11	xix	27 Jan.	13 Febr.	31 Mart.
1930	e	12	.	16 Febr.	5 Mart.	20 Apr.
1931	d	13	xj	1 Febr.	18 Febr.	5 Apr.
1932	c b	14	xxij	24 Jan.	10 Febr.	27 Mart.
1933	A	15	ij	12 Febr.	1 Mart.	16 Apr.

FESTORUM MOBILIIUM

ANNO DOM.	ASCENSIO	PENTE- COSTES	CORPUS CHRISTI	INDICTIO	DOM. POST PENTEC.	I. DOMINICA ADVENT.
1894	3 Maii.	13 Maii.	24 Maii.	7	28	2 Dec.
1895	23 Maii.	2 Junii.	13 Junii.	8	25	1 Dec.
1896	14 Maii.	24 Maii.	4 Junii.	9	26	29 Nov.
1897	27 Maii.	5 Junii.	17 Junii.	10	24	28 Nov.
1898	19 Maii.	29 Maii.	9 Junii.	11	25	27 Nov.
1899	11 Maii.	21 Maii.	1 Junii.	12	27	3 Dec.
1900	24 Maii.	3 Junii.	14 Junii.	13	25	2 Dec.
1901	16 Maii.	26 Maii.	6 Junii.	14	26	1 Dec.
1902	8 Maii.	18 Maii.	29 Maii.	15	27	30 Nov.
1903	21 Maii.	31 Maii.	11 Junii.	1	25	29 Nov.
1904	12 Maii.	22 Maii.	2 Junii.	2	26	27 Nov.
1905	1 Junii.	11 Junii.	22 Junii.	3	24	3 Dec.
1906	24 Maii.	3 Junii.	14 Junii.	4	25	2 Dec.
1907	9 Maii.	19 Maii.	30 Maii.	5	27	1 Dec.
1908	28 Maii.	7 Junii.	18 Junii.	6	24	29 Nov.
1909	20 Maii.	30 Maii.	10 Junii.	7	25	28 Nov.
1910	5 Maii.	15 Maii.	26 Maii.	8	27	27 Nov.
1911	25 Maii.	4 Junii.	15 Junii.	9	25	3 Dec.
1912	16 Maii.	26 Maii.	6 Junii.	10	26	1 Dec.
1913	1 Maii.	11 Maii.	22 Maii.	11	28	30 Nov.
1914	21 Maii.	31 Maii.	11 Junii.	12	25	29 Nov.
1915	13 Maii.	23 Maii.	3 Junii.	13	26	28 Nov.
1916	1 Junii.	11 Junii.	22 Junii.	14	24	3 Dec.
1917	17 Maii.	27 Maii.	7 Junii.	15	26	2 Dec.
1918	9 Maii.	19 Maii.	30 Maii.	1	27	1 Dec.
1919	29 Maii.	8 Junii.	19 Junii.	2	24	30 Nov.
1920	13 Maii.	23 Maii.	3 Junii.	3	26	28 Nov.
1921	5 Maii.	15 Maii.	26 Maii.	4	27	27 Nov.
1922	25 Maii.	4 Junii.	15 Junii.	5	25	3 Dec.
1923	10 Maii.	20 Maii.	31 Maii.	6	27	2 Dec.
1924	29 Maii.	8 Junii.	19 Junii.	7	24	30 Nov.
1925	21 Maii.	31 Maii.	11 Junii.	8	25	29 Nov.
1926	13 Maii.	23 Maii.	3 Junii.	9	26	28 Nov.
1927	26 Maii.	5 Junii.	16 Junii.	10	24	27 Nov.
1928	17 Maii.	27 Maii.	7 Junii.	11	26	2 Dec.
1929	9 Maii.	19 Maii.	30 Maii.	12	27	1 Dec.
1930	29 Maii.	8 Junii.	19 Junii.	13	24	30 Nov.
1931	14 Maii.	24 Maii.	4 Junii.	14	26	29 Nov.
1932	5 Maii.	15 Maii.	26 Maii.	15	27	27 Nov.
1933	25 Maii.	4 Junii.	15 Junii.	1	25	3 Dec.

JANUARIUS

Cyclus Epact.	Littera Dom.	Dies mensis.	
*	A	Kal.	1 CIRCUMCISIO DOMINI, <i>dupl. 2. cl.</i>
xxix	b	iv	2 Octava S. Stephani, <i>dupl. Commem. Oct.</i>
xxviij	c	iiij	3 Octava S. Joannis Apost. et Evang. <i>dupl. Commem. Oct. SS. Innocentium.</i>
xxviij	d	Prid.	4 Octava SS. Innocentium Mm. <i>dupl.</i>
xxvj	e	Non.	5 Vigilia Epiphaniæ, <i>semid. Commem. S. Telesphori Papæ et Mart.</i>
25. xxv	f	viiij	6 EPIPHANIA DOMINI, <i>duplex 1. classis.</i>
xxiv	g	vij	7 De Octava Epiphaniæ.
xxiiij	A	vj	8 De Octava.
xxij	b	v	9 De Octava.
xxj	c	iv	10 De Octava.
xx	d	iiij	11 De Octava. <i>Commem. S. Hygini Papæ et Mart.</i>
xix	e	Prid.	12 De Octava.
xviij	f	Idib.	13 Octava Epiphaniæ, <i>dupl. Dom. II. post Epiphaniam. SS. NOMINIS JESU, dupl. 2. cl. Commem. Dom.</i>
xvij	g	xix	14 S. Hilarii Episc. Conf. et Eccles. Doct. <i>dupl. Commem. S. Felicis Presb. et Mart.</i>
xvj	A	xviij	15 S. Pauli primi Eremitæ Conf. <i>dupl. Commem. S. Mauri Abbatis.</i>
xv	b	xvij	16 S. Marcelli I. Papæ et Mart. <i>semid.</i>
xiv	c	xvj	17 S. Antonii Abbat. <i>dupl.</i>
xiiij	d	xv	18 Cathedra S. Petri Romæ, <i>dupl. maj. Commem. sanctæ Priscæ Virg. et Mart.</i>
xij	e	xiv	19 S. Canuti Regis et Mart. <i>semid. ad libit. Commem. SS. Marii et Soc. Mm.</i>
xj	f	xiiij	20 SS. Fabiani Papæ et Sebastiani Mm. <i>dupl.</i>
x	g	xij	21 S. Agnetis Virg. et Mart. <i>dupl.</i>
ix	A	xj	22 SS. Vincentii et Anastasii Mm. <i>semid.</i>
viiij	b	x	23 S. Raymundi de Pennafort Conf. <i>semid. Commem. sanctæ Emerentianæ Virg. et Mart.</i>
vij	c	ix	24 S. Timothei Episc. et Mart. <i>dupl.</i>
vj	d	viiij	25 Conversio S. Pauli Apost. <i>dupl. maj.</i>
v	e	vij	26 S. Polycarpi Episc. et Mart. <i>dupl.</i>
iv	f	vj	27 S. Joannis Chrysostomi Episc. Conf. et Eccl. Doct. <i>dupl.</i>
iiij	g	v	28 S. Agnetis Virg. et Mart. <i>secundo.</i>
ij	A	iv	29 S. Francisci Salesii Episc. Conf. et Eccles. Doct. <i>dupl.</i>
j	b	iiij	30 S. Martinæ Virg. et Mart. <i>semid.</i>
*	c	Prid.	31 S. Petri Nolasci Conf. <i>dupl.</i>

FEBRUARIUS

Cyclus Epact.	Littera Dom.	Dies mensis.	
xxix	d	Kal.	1 S. Ignatii Episc. et Mart. dupl.
xxvij	e	iv	2 PURIFICATIO B. M. V. dupl. 2. cl.
xxvij	f	iiij	3 S. Blasii Episc. et Mart.
25. xxvj	g	Prid.	4 S. Andreæ Corsini Episc. et Conf. dupl.
xxv. xxiv	A	Non.	5 S. Agathæ Virg. et Mart. dupl.
xxiiij	b	viiij	6 S. Titi Episc. et Conf. dupl. Commem. sanctæ Dorotheæ Virg. et Mart.
xxij	c	vij	7 S. Romualdi Abbatis, dupl.
xxj	d	vj	8 S. Joannis de Matha Conf. dupl.
xx	e	v	9 S. Cyrilli Episc. Alexandrini, Conf. et Eccl. Doct. dupl. Commem. sanctæ Apolloniæ Virg. et Mart.
xix	f	iv	10 S. Scholasticæ Virg. dupl.
xviiij	g	iiij	11 SS. Septem Fundatorum Ordinis Servorum B. M. V. Conf. dupl.
xvij	A	Prid.	12
xvj	b	Idib.	13
xv	c	xvj	14 S. Valentini Presbyt. et Mart.
xiv	d	xv	15 SS. Faustini et Jovitæ Mm.
xiiij	e	xiv	16
xij	f	xiiij	17
xj	g	xij	18 S. Simeonis Episc. et Mart.
x	A	xj	19
ix	b	x	20
viiij	c	ix	21
vij	d	viiij	22 Cathedra S. Petri Antiochiæ, dupl. maj.
vj	e	vij	23 S. Petri Damiani Episc. Conf. et Eccl. Doct. dupl. Commem. Vigiliæ S. Mathiæ.
v	f	vj	24 S. MATHIÆ APOSTOLI, dupl. 2. cl.
iv	g	v	25
iiij	A	iv	26
ij	b	iiij	27
j	c	Prid.	28

In anno bissextili mensis Februarius est dierum 29, et Festum S. Mathiæ celebratur die 25 Februarii, et bis dicitur Sexto Kalendas, id est die 24, et die 25; et littera Dominicalis, quæ assumpta fuit in mense Januario, mutatur in præcedentem; ut si in Januario littera Dominicalis fuerit A, mutatur in præcedentem, quæ est g, etc.; et littera f bis servit 24 et 25.

MARTIUS

Cyclus Epact.	Littera Dom.	Dies mensis.	
*	d	Kal.	1
xxix	e	vj	2
xxviii	f	v	3
xxvij	g	iv	4 S. Casimiri Conf. semid. Commem. S. Lucii I. Papæ et Mart.
xxvj	A	iiij	5
25. xxv	b	Prid.	6
xxiv	c	Non.	7 S. Thomæ de Aquino Conf. et Eccl. Doct. dupl. Commem. SS. Perpetuæ et Felicitatis Mm.
xxiii	d	viiij	8 S. Joannis de Deo Conf. dupl.
xxij	e	vij	9 S. Franciscæ Romanæ Viduæ, dupl.
xxj	f	vj	10 SS. Quadraginta Martyrum, semid.
xx	g	v	11
xix	A	iv	12 S. Gregorii I. Papæ Conf. et Eccles. Doct. dupl.
xviii	b	iiij	13
xvij	c	Prid.	14
xvj	d	Idib.	15
xv	e	xvij	16
xiv	f	xvj	17 S. Patritii Episc. et Conf. dupl.
xiii	g	xv	18 S. Cyrilli Hierosolymitani Episc. Conf. et Eccl. Doct. dupl.
xij	A	xiv	19 S. JOSEPH CONF. SPONSI B. M. V. dupl. 1. cl.
xj	b	xiiij	20
x	c	xij	21 S. Benedicti Abbatis, dupl. maj.
ix	d	xj	22
viii	e	x	23
vij	f	ix	24
vj	g	viiij	25 ANNUNTIATIO B. M. V. dupl. 1. cl.
v	A	vij	26
iv	b	vj	27 S. Joannis Damasceni Conf. et Eccl. Doct. dupl.
iii	c	v	28 S. Joannis a Capistrano Conf. semid.
ij	d	iv	29
i	e	iiij	30
*	f	Prid.	31

Feria VI. post Dom. Passionis. Septem Dolorum B. M. V. **dupl. maj. Commem.** Feriæ.

APRILIS

Cyclus Epact.	Littera Dom.	Dies mensis.	
xxix	g	Kal.	1
xxviii	A	iv	2 S. Francisci de Paula Conf. <i>dupl.</i>
xxvij	b	iiij	3
25. xxvj	c	Prid.	4 S. Isidori Episc. Conf. et Eccl. Doct. <i>dupl.</i>
xxv	d	Non.	5 S. Vincentii Ferrerii Conf. <i>dupl.</i>
xxiiij	e	viiij	6
xxij	f	vij	7
xxj	g	vj	8
xx	A	v	9
xix	b	iv	10
xviii	c	iiij	11 S. Leonis I. Papæ Conf. et Eccles. Doct. <i>dupl.</i>
xvij	d	Prid.	12
xvj	e	Idib.	13 S. Hermenegildi Regis Mart. <i>semid.</i>
xv	f	xviiij	14 S. Justini Mart. <i>dupl. Commem. SS. Tiburtii, Valeriani et Maximi Mm.</i>
xiv	g	xvij	15
xiiij	A	xvj	16
xij	b	xv	17 S. Aniceti I. Papæ et Mart.
xi	c	xiv	18
x	d	xiiij	19
ix	e	xij	20
viii	f	xj	21 S. Anselmi Episc. Conf. et Eccl. Doct. <i>dupl.</i>
vij	g	x	22 SS. Soteris et Caii Pont. et Mm. <i>semid.</i>
vi	A	ix	23 S. Georgii Mart. <i>semid.</i>
v	b	viiij	24 S. Fidelis a Sigmaringa Mart. <i>dupl.</i>
iv	c	vij	25 S. MARCI EVANGELISTÆ, <i>dupl. 2. cl.</i>
iii	d	vj	26 SS. Cleti et Marcellini Pont. et Mm. <i>semid.</i>
ii	e	v	27
i	f	iv	28 S. Pauli a Cruce Conf. <i>dupl. Commem. S. Vitalis Mart.</i>
*	g	iiij	29 S. Petri Mart. <i>dupl.</i>
xxix	A	Prid.	30 S. Catharinæ Senensis Virg. <i>dupl.</i>

Dominica III. post Pascha. PATROCINII
S. JOSEPH Conf. Sponsi B. M. V. dupl.
2. cl. Commem. Dominicæ.

MAIUS

	Cyclus Epact.	Littera Dom.		Dies mensis.	
	xxviiij	b	Kal.	1	SS. PHILIPPI ET JACOBI APOST. <i>dupl.</i> 2. cl.
	xxviij	c	vj	2	S. Athanasii Episc. Conf. et Eccles. Doct. <i>dupl.</i>
	xxvj	d	v	3	INVENTIO S. CRUCIS, <i>dupl.</i> 2. cl. <i>Commem.</i> SS. Alexandri I. Papæ et Soc. Mm., ac Juvenalis Episc. et Conf.
25.	xxv	e	iv	4	S. Monicæ Viduæ, <i>dupl.</i>
	xxiv	f	iiij	5	S. Pii V. Papæ et Conf. <i>dupl.</i>
	xxiiij	g	<i>Prid.</i>	6	S. Joannis ante portam Latinam, <i>dupl.</i> maj.
	xxij	A	<i>Non.</i>	7	S. Stanislai Episc. et Mart. <i>dupl.</i>
	xxj	b	viiij	8	Apparitio S. Michaëlis Archangeli, <i>dupl.</i> <i>maj.</i>
	xx	c	vij	9	S. Gregorii Nazianzeni Episc. Conf. et Eccl. Doct. <i>dupl.</i>
	xix	d	vj	10	S. Antonini Episc. et Conf. <i>dupl.</i> <i>Commem.</i> SS. Gordiani et Epimachi Mm.
	xviiij	e	v	11	
	xviij	f	iv	12	SS. Nerei, Achillei et Domitillæ Virg., atque Pancratii Mm. <i>semid.</i>
	xvj	g	iiij	13	
	xv	A	<i>Prid.</i>	14	S. Bonifacii Mart.
	xiv	b	<i>Idib.</i>	15	
	xiiij	c	xviij	16	S. Ubaldi Episc. et Conf. <i>semid.</i>
	xij	d	xvj	17	S. Paschalis Baylon Conf. <i>dupl.</i>
	xi	e	xv	18	S. Venantii Mart. <i>dupl.</i>
	x	f	xiv	19	S. Petri Cælestini Papæ et Conf. <i>dupl.</i> <i>Commem.</i> sanctæ Pudentianæ Virg.
	ix	g	xiiij	20	S. Bernardini Senensis Conf. <i>semid.</i>
	viiij	A	xij	21	
	vij	b	xj	22	
	vj	c	x	23	
	v	d	ix	24	
	iv	e	viiij	25	S. Gregorii VII. Papæ et Conf. <i>dupl.</i> <i>Com-</i> <i>mem.</i> S. Urbani I. Papæ et Mart.
	iiij	f	vij	26	S. Philippi Nerii Conf. <i>dupl.</i> <i>Commem.</i> S. Eleutherii Papæ et Mart.
	ij	g	vj	27	S. Mariæ Magdalenæ de Pazzis Virg. <i>semid.</i> <i>Commem.</i> S. Joannis Papæ et Mart.
	j	A	v	28	S. Augustini Cantuariensis Episc. et Conf. <i>dupl.</i>
	*	b	iv	29	
	xxix	c	iiij	30	S. Felicis I. Papæ et Mart.
	xxviiij	d	<i>Prid.</i>	31	S. Angelæ Mericiæ Virg. <i>dupl.</i> <i>Commem.</i> sanctæ Petronillæ Virg.

Fer. VI. post Oct. SS. Corporis Christi.
SACRATISSIMI CORDIS JESU, *duplex*
I. classis.

JUNIUS

Cyclus Epact.	Littera Dom.	Dies mensis.	
xxvij	e	Kal.	1
25. xxvj	f	iv	2 SS. Marcellini, Petri atque Erasmi Mm.
xxv. xxiv	g	iiij	3
xxiiij	A	Prid.	4 S. Francisci Caracciolo Conf. <i>dupl.</i>
xxij	b	Non.	5 S. Bonifacii Episc. et Mart. <i>dupl.</i>
xxj	c	viiij	6 S. Norberti Episc. et Conf. <i>dupl.</i>
xx	d	vij	7
xix	e	vj	8
xviiij	f	v	9 SS. Primi et Feliciani Mm.
xvij	g	iv	10 S. Margaritæ Reginae Scotiæ Viduæ, <i>semid.</i>
xvj	A	iiij	11 S. Barnabæ Apostoli, <i>dupl. maj.</i>
xv	b	Prid.	12 S. Joannis a S. Facundo Conf. <i>dupl. Commem.</i> SS. Basilidis et Soc. Mm.
xiv	c	Idib.	13 S. Antonii de Padua Conf. <i>dupl.</i>
xiiij	d	xviiij	14 S. Basilii Magni Episc. Conf. et Eccl. Doct. <i>dupl.</i>
xij	e	xvij	15 SS. Viti, Modesti atque Crescentiæ Mm.
xj	f	xvj	16
x	g	xv	17
ix	A	xiv	18 SS. Marci et Marcelliani Mm.
viiij	b	xiiij	19 S. Julianæ de Falconeriis Virg. <i>dupl. Commem.</i> SS. Gervasii et Protasii Mm.
vij	c	xij	20 S. Silverii Papæ et Mart.
vj	d	xj	21 S. Aloysii Gonzagæ Conf. <i>dupl.</i>
v	e	x	22 S. Paulini Episc. et Conf.
iv	f	ix	23 Vigilia.
iiij	g	viiij	24 NATIVITAS S. JOANNIS BAPTISTÆ, <i>dupl. 1. cl.</i>
ij	A	vij	25 S. Gulielmi Abbatis, <i>dupl. Commem.</i> Oct.
j	b	vj	26 SS. Joannis et Pauli Mm. <i>dupl. Commem.</i> Octavæ.
*	c	v	27 De Oct. Nativit. S. Joannis, <i>semid.</i>
xxix	d	iv	28 S. Leonis II. Papæ et Conf. <i>semid. Commem.</i> Octavæ et Vigiliæ.
xxviiij	e	iiij	29 SS. PETRI ET PAULI APOST. <i>dupl. 1. cl.</i>
xxvij	f	Prid.	30 Commem. S. Pauli Apostoli, <i>dupl. maj. Commem.</i> Oct. Nativit. S. Joannis.

JULIUS

Cyclus Epact.	Littera Dom.	Dies mensis.	
			Dom. I. Julii. PRETIOSISSIMI SANGUINIS D. N. J. C. dupl. 2. cl. Commem. Dom.
xxvj	g	Kal.	1 Octava S. Joannis Baptistæ, dupl. Commem. Oct. SS. Apost.
25. xxv	A	vj	2 VISITATIO B. M. V. dupl. 2. cl. Commem. SS. Processi et Martiniani Mm.
xxiv	b	v	3 De Octava SS. Apost. semid.
xxiij	c	iv	4 De Octava.
xxij	d	iiij	5 S. Antonii Mariæ Zaccaria Conf. dupl. Commem. Oct.
xxj	e	Prid.	6 Octava SS. Apost. Petri et Pauli, dupl.
xx	f	Non.	7 SS. Cyrilli et Methodii Pont. et Conf. dupl.
xxix	g	viiij	8 S. Elisabeth Reg. Portug. Vid. semid.
xviii	A	vij	9
xvii	b	vj	10 SS. Septem Fratrum Mm. et SS. Rufinæ ac Secundæ Virg. et Mm. semid.
xvi	c	v	11 S. Pii I. Papæ et Mart.
xv	d	iv	12 S. Joannis Gualberti Abbat. dupl. Commem. SS. Naboris et Felicis Mm.
xiv	e	iiij	13 S. Anacleti Papæ et Mart. semid.
xiii	f	Prid.	14 S. Bonaventuræ Episc. Conf. et Doct. dupl.
xij	g	Idib.	15 S. Henrici Imperat. Conf. semid.
xi	A	xvij	16 B. M. V. de Monte Carmelo, dupl. maj.
x	b	xvj	17 S. Alexii Conf. semid.
ix	c	xv	18 S. Camilli de Lellis Conf. dupl. Commem. SS. Symphorosæ et septem filiorum ejus Mm.
viii	d	xiv	19 S. Vincentii a Paulo Conf. dupl.
vij	e	xiiij	20 S. Hieronymi Æmiliani Conf. dupl. Commem. sanctæ Margaritæ Virg. et Mart.
vi	f	xij	21 S. Praxedis Virg.
v	g	xj	22 S. Mariæ Magdalenæ Pœnitentis, dupl.
iv	A	x	23 S. Apollinaris Episc. et Mart. dupl. Commem. S. Liborii Episc. et Conf.
iii	b	ix	24 Vigilia. Commem. sanctæ Christinæ Virg. et Mart.
ij	c	viiij	25 S. JACOBI APOSTOLI, dupl. 2. cl. Commem. S. Christophori Mart.
i	d	vij	26 S. ANNÆ MATRIS B. M. V. dupl. 2. cl.
*	e	vj	27 S. Pantaleonis Mart.
xxix	f	v	28 SS. Nazarii, Celsi, Victoris I. Papæ Mm., ac Innocentii I. Papæ et Conf. semid.
xxviii	g	iv	29 S. Marthæ Virg. semid. Commem. SS. Felicis II. Papæ, Simplicii, Faustini et Beatricis Mm.
xxvii	A	iiij	30 SS. Abdon et Sennen Mm.
25. xxvj	b	Prid.	31 S. Ignatii de Loyola Conf. dupl.

AUGUSTUS

Cyclus Epact.	Littera Dom.	Dies mensis.	
xxv. xxiv	c	Kal.	1 S. Petri ad Vincula, <i>dupl. maj. Commem.</i> SS. Machabæorum Mm.
xxiiij	d	iv	2 S. Alphonsi Mariæ de Ligorio Episc. Conf. et Eccl. Doct. <i>dupl. Commem.</i> S. Ste- phani I. Papæ et Mart.
xxij	e	iiij	3 Inventio S. Stephani Protomart. <i>semid.</i>
xxj	f	Prid.	4 S. Dominici Conf. <i>dupl. maj.</i>
xx	g	Non.	5 Dedic. sanctæ Mariæ ad Nives, <i>dupl. maj.</i>
xix	A	viiij	6 Transfiguratio Domini, <i>dupl. maj. Com- mem.</i> SS. Xysti II. Papæ, Felicissimi et Agapiti Mm.
xviiij	b	vij	7 S. Cajetani Conf. <i>dupl. Commem.</i> S. Donati Episc. et Mart.
xvij	c	vj	8 SS. Cyriaci, Largi et Smaragdi Mm. <i>semid.</i>
xvj	d	v	9 Vigilia. <i>Commem.</i> S. Romani Mart.
xv	e	iv	10 S. LAURENTII MART. <i>dupl. 2. cl.</i>
xiv	f	iiij	11 De Oct. <i>semid. Commem.</i> SS. Tiburtii et Susannæ Mm.
xiiij	g	Prid.	12 S. Claræ Virg. <i>dupl. Commem.</i> Oct.
xij	A	Idib.	13 De Oct. <i>semid. Commem.</i> SS. Hippolyti et Cassiani Mm.
xj	b	xix	14 De Oct. <i>semid. Commem.</i> Vigil. et S. Eu- sepii Conf.
x	c	xviiij	15 ASSUMPTIO B. M. V. <i>dupl. 1. cl.</i> <i>Dom. infra Oct. Assumpt.</i> S. JOACHIM CONF. PATRIS B. M. V. <i>dupl. 2. cl. Com- mem.</i> Dom.
ix	d	xvij	16 S. Hyacinthi Conf. <i>dupl. Commem.</i> Oct. Assumpt. et S. Laurentii.
viiij	e	xvj	17 Octava S. Laurentii Mart. <i>dupl. Commem.</i> Oct. Assumpt.
vij	f	xv	18 De Oct. <i>semid. Commem.</i> S. Agapiti Mart.
vj	g	xiv	19 De Octava.
v	A	xiiij	20 S. Bernardi Abbatis, Conf. et Eccles. Doct. <i>dupl. Commem.</i> Oct.
iv	b	xij	21 S. Joannæ Franciscæ Fremiot de Chantal Viduæ, <i>dupl. Commem.</i> Oct.
iiij	c	xj	22 Octava Assumpt. B. M. V. <i>dupl. Commem.</i> SS. Timothei et Soc. Mm.
ij	d	x	23 S. Philippi Benitii Conf. <i>dupl. Comm.</i> Vigil.
j	e	ix	24 S. BARTHOLOMÆI AP. <i>dupl. 2. cl.</i> (Rom. 25.)
	f	viiij	25 S. Ludovici Regis Conf. <i>semid.</i> (Rom. 26.)
xxix	g	vij	26 S. Zephyrini Papæ et Mart.
xxviiij	A	vj	27 S. Josephi Calasancii Conf. <i>dupl.</i>
xxvij	b	v	28 S. Augustini Episc. Conf. et Eccles. Doct. <i>dupl. Commem.</i> S. Hermetis Mart.
xxvj	c	iv	29 Decollatio S. Joannis Baptistæ, <i>dupl. maj.</i> <i>Commem.</i> sanctæ Sabinæ Mart.
25. xxv	d	iiij	30 S. Rosæ Limanæ Virg. <i>dupl. Commem.</i> SS. Felicis et Adaucti Mm.
xxiv	e	Prid.	31 S. Raymundi Nonnati Conf. <i>dupl.</i>

SEPTEMBER

Cyclus Epact.	Littera Dom.	Dies mensis.	
xxiij	f	Kal.	1 S. Ægidii Abbatis. Commem. SS. Duodecim Fratrum Mm.
xxij	g	iv	2 S. Stephani Hungariæ Regis Conf. semid.
xxj	A	iiij	3
xx	b	Prid.	4
xix	c	Non.	5 S. Laurentii Justiniani Episcopi et Conf. semid.
xviiij	d	viiij	6
xviij	e	vij	7
xvj	f	vj	8 NATIVITAS B. M. V. dupl. 2. cl. Commem. S. Hadriani Mart. Dom. infra Oct. Nativit. B. M. V. SS. Nominis ejusdem B. M. V. dupl. maj. Commem. Dominicæ.
xv	g	v	9 De Oct. semid. Comm. S. Gorgonii Mart.
xiv	A	iv	10 S. Nicolai de Tolentino Conf. dupl. Commem. Octavæ.
xiiij	b	iiij	11 De Octava, semid. Commem. SS. Proti et Hyacinthi Mm.
xij	c	Prid.	12 De Octava, semid.
xj	d	Idib.	13 De Octava, semid.
x	e	xviiij	14 Exaltatio sanctæ Crucis, dupl. maj. Commem. Octavæ.
ix	f	xvij	15 Octava Nativitatis B. M. V. dupl. Commem. S. Nicomedis Mart. Dom. III. Septembris. Septem Dolorum B. M. V. dupl. maj. Commem. Dom.
viiij	g	xvj	16 SS. Cornelii et Cypriani Pont. et Mm. semid. Commem. SS. Euphemie et Soc. Mm.
vij	A	xv	17 Impressio Sacrorum Stigmatum S. Francisci Conf. dupl.
vj	b	xiv	18 S. Josephi a Cupertino Conf. dupl.
v	c	xiiij	19 SS. Januarii Episc. et Soc. Mm. dupl.
iv	d	xij	20 SS. Eustachii et Sociorum Mm. dupl. Commem. Vigiliæ.
iii	e	xj	21 S. MATTHÆI APOST. ET EVANG. dupl. 2. cl.
ij	f	x	22 S. Thomæ de Villanova Episc. et Conf. dupl. Commem. SS. Mauritii et Soc. Mm.
j	g	ix	23 S. Lini Papæ et Mart. semid. Commem. sanctæ Theclæ Virg. et Mart.
*	A	viiij	24 B. M. V. de Mercede, dupl. maj.
xxix	b	vij	25
xxviiij	c	vj	26 SS. Cypriani et Justinæ Mm.
xxvij	d	v	27 SS. Cosmæ et Damiani Mm. semid.
25. xxvj	e	iv	28 S. Wenceslai Ducis Mart. semid.
xxv. xxiv	f	iiij	29 DEDICATIO S. MICHAELIS ARCHANG. dupl. 2. cl.
xxiiij	g	Prid.	30 S. Hieronymi Presb. Conf. et Eccles. Doct. dupl.

OCTOBER

Cyclus Epact.	Littera Dom.	Dies mensis.	
			Dom. 1. Octobris. SOLEMNITAS SS. ROSARII B. M. V. dupl. 2. cl. Commem. Dom. S. Remigii Episc. et Conf. semid. ad lib., vel simplex de præcepto.
xxij	A	Kal.	1 SS. Angelorum Custodum, dupl. maj.
xxj	b	vj	2
xx	c	v	3
xix	d	iv	4 S. Francisci Conf. dupl. maj.
xvij	e	iiij	5 SS. Placidi et Sociorum Mm.
xvij	f	Prid.	6 S. Brunonis Conf. dupl.
xvj	g	Non.	7 S. Marci Papæ et Conf. Commem. SS. Ser- gii et Soc. Mm.
xv	A	viiij	8 S. Birgittæ Viduæ, dupl.
xiv	b	vij	9 SS. Dionysii Episc., Rustici et Eleutherii Mm. semid.
xiiij	c	vj	10 S. Francisci Borgiæ Conf. semid.
xij	d	v	11
xj	e	iv	12
x	f	iiij	13 S. Eduardi Regis Conf. semid.
ix	g	Prid.	14 S. Callixti I. Papæ et Mart. dupl.
viiij	A	Idib.	15 S. Teresiæ Virginis, dupl.
vij	b	xvij	16
vj	c	xvj	17 S. Hedwigis Viduæ, semid.
v	d	xv	18 S. LUCÆ EVANGELISTÆ, dupl. 2. cl.
iv	e	xiv	19 S. Petri de Alcantara Conf. dupl.
iiij	f	xiiij	20 S. Joannis Cantii Conf. dupl.
ij	g	xij	21 S. Hilarionis Abbat. Commem. SS. Ursulæ et Sociarum Virg. et Mm.
j	A	xj	22
	b	x	23
xxix	c	ix	24
xxviiij	d	viiij	25 SS. Chrysanthi et Dariæ Mm.
xxviij	e	vij	26 S. Evaristi Papæ et Mart.
xxvj	f	vj	27 Vigilia.
25. xxv	g	v	28 SS. SIMONIS ET JUDÆ APOST. dupl. 2. cl.
xxiv	A	iv	29
xxiiij	b	iiij	30
xxij	c	Prid.	31 Vigilia.

NOVEMBER

Cyclus Epact.	Littera Dom.	Dies mensis.	
xxj	d	Kal.	1 OMNIUM SANCTORUM, dupl. 1. cl.
xx	e	iv	2 De Octava, semid. Commem. omnium Fidelium Defunctorum, sub ritu du- plici.
xix	f	iiij	3 De Octava.
xviiij	g	Prid.	4 S. Caroli Episc. et Conf. dupl. Commem. Oct. et SS. Vitalis et Agricolaë Mm.
xvij	A	Non.	5 De Octava.
xvj	b	viiij	6 De Octava.
xv	c	vij	7 De Octava.
xiv	d	vj	8 Octava Omnium Sanctorum, dupl. Com- mem. SS. Quatuor Coronatorum Mm.
xiiij	e	v	9 Dedicatio Archibasilicæ SS. Salvatoris, dupl. maj. Commem. S. Theodori Mart.
xij	f	iv	10 S. Andreaë Avellini Conf. dupl. Commem. SS. Tryphonis et Soc. Mm.
xj	g	iiij	11 S. Martini Episc. et Conf. dupl. Commem. S. Mennæ Mart.
x	A	Prid.	12 S. Martini I. Papæ et Mart. semid.
ix	b	Idib.	13 S. Didaci Conf. semid.
viiij	c	xviiij	14 S. Josaphat Episc. et Mart. dupl.
vij	d	xvij	15 S. Gertrudis Virg. dupl.
vj	e	xvj	16
v	f	xv	17 S. Gregorii Thaumaturgi Episc. et Conf. semid.
iv	g	xiv	18 Dedicatio Basilicarum SS. Petri et Pauli, dupl. maj.
iiij	A	xiiij	19 S. Elisabeth Vid. dupl. Commem. S. Pon- tiani Papæ et Mart.
ij	b	xij	20 S. Felicis de Valois Conf. dupl.
j	c	xj	21 Præsentatio B. M. V. dupl. maj.
.	d	x	22 S. Cæciliæ Virg. et Mart. dupl.
xxix	e	ix	23 S. Clementis I. Papæ et Mart. dupl. Com- mem. sanctæ Felicitatis Mart.
xxviiij	f	viiij	24 S. Joannis a Cruce Conf. dupl. Commem. S. Chrysogoni Mart.
xxvij	g	vij	25 S. Catharinæ Virg. et Mart. dupl.
25. xxvj	A	vj	26 S. Silvestri Abbat. dupl. Commem. S. Petri Alexandrini Episc. et Mart.
xxv. xxiv	b	v	27
xxiiij	c	iv	28
xxij	d	iiij	29 Vigilia. Commem. S. Saturnini Mart.
xxj	e	Prid.	30 S. ANDRÆ APOSTOLI, dupl. 2. cl.

DECEMBER

Cyclus Epact.	Littera Dom.	Dies mensis.	
xx	f	Kal.	1
xix	g	iv	2 S. Bibianæ Virg. et Mart. <i>semid.</i>
xviii	A	iiij	3 S. Francisci Xaverii Conf. <i>dupl.</i>
xvij	b	Prid.	4 S. Petri Chrysologi Episc. Conf. et Eccles. Doct. <i>dupl. Commem.</i> sanctæ Barbaræ Virg. et Mart.
xvj	c	Non.	5 S. Sabbæ Abbatis. <i>Commem.</i>
xv	d	viiij	6 S. Nicolai Episc. et Conf. <i>dupl.</i>
xiv	e	vij	7 S. Ambrosii Episc. Conf. et Eccl. Doct. <i>dupl.</i> Vigilia.
xiii	f	vj	8 IMMACULATA CONCEPTIO B. M. V. <i>dupl. 1. cl.</i>
xii	g	v	9 De Octava, <i>semid.</i>
xi	A	iv	10 De Octava. <i>semid. Commem.</i> S. Melchiadis Papæ et Mart.
x	b	iiij	11 Damasi I. Papæ et Conf. <i>semid. Commem.</i> Octavæ.
ix	c	Prid.	12 De Octava.
viii	d	Idib.	13 Lucæ Virg. et Mart. <i>dupl. Commem.</i> Oc- tavæ.
vii	e	xix	14 De Octava.
vj	f	xviii	15 Octava Immaculatæ Conceptionis B. M. V. <i>dupl.</i>
v	g	xvij	16 S. Eusebii Episc. et Mart. <i>semid.</i>
iv	A	xvj	17
iii	b	xv	18
ii	c	xiv	19
i	d	xiii	20 Vigilia.
	e	xij	21 S. THOMÆ APOSTOLI, <i>dupl. 2. cl.</i>
xxix	f	xj	22
xxviii	g	x	23
xxvii	A	ix	24 Vigilia.
xxvi	b	viii	25 NATIVITAS D. N. JESU CHRISTI, <i>dupl.</i> <i>1. classis.</i>
25. xxv	c	vij	26 S. STEPHANI PROTOMARTYRIS, <i>dupl. 2. cl.</i> <i>Commem.</i> Octavæ.
xxiv	d	vj	27 S. JOANNIS APOST. ET EVANG. <i>dupl. 2. cl.</i> <i>Commem.</i> Octavarum.
xxiii	e	v	28 SS. INNOCENTII MM. <i>dupl. 2. cl. Commem.</i> Octavarum.
xxii	f	iv	29 S. Thomæ Cantuariensis Episc. et Mart. <i>dupl. Commem.</i> Octavarum.
xxj	g	iiij	30 De Dom. infra Oct. Nativitatis <i>vel</i> de Oct. <i>Commem.</i> aliarum Octavarum.
49. xx	A	Prid.	31 S. Silvestri I. Papæ et Conf. <i>dupl. Com-</i> <i>mem.</i> Octavarum.

Hæc Epacta 49. nigra nunquam est in
usu, nisi quando eodem anno concurrat
cum Aureo Numero xix.

RUBRICÆ GENERALES BREVIARII

Officium quotidie fit aut Duplex, aut Semiduplex, aut Simplex.

I

De Officio Duplici.

OFFICIUM fit Duplex in diebus a Feria quinta in Cœna Domini usque ad Feriam tertiam Paschæ inclusive, in Dominica in Albis, in Ascensione Domini, in Dominica Pentecostes, et duobus diebus sequentibus; in Festo Trinitatis, Corporis Christi, et Dedicationis propriæ Ecclesiæ: in Festis, quibus in Calendario apponitur hæc vox *Duplex*: in die octava Festi habentis Octavam: in Festo Patroni unius vel plurium aliqujus loci, vel Titularis Ecclesiæ; et in Festis Sanctorum, qui apud quasdam Ecclesias, Religiones, vel Congregationes consueverunt solemniter celebrari, cum Officiis propriis a Sede Apostolica approbatis, aut ex ejusdem Sedis auctoritate receptis, vel recipiendis (servata tamen forma hujus Breviarii) alioquin de Communi, etiamsi prædicta Festa in hoc Calendario non sint descripta. Præterea Officium fit Duplex pro defunctis in Commemoratione omnium fidelium Defunctorum, et in die obitus, seu depositionis Defuncti, ut in eodem Officio dicitur, circa finem Breviarii.

2. Festum Duplex celebratur aut de eodem fit Commemoratio eo die quo cadit, nisi illud contingat transferri aut penitus omitti, ut dicitur in Rubrica de Translatione Festorum.

3. Habet primas et secundas Vesperas integras, nisi cum alio simili concurrat, ut dicitur in Rubrica de Concurrentia Officii, et totum Officium fit de Duplici, incipiendo a primis Vesperis, usque ad Completorium sequentis diei inclusive: nisi aliter in propriis locis assignetur. Officium autem Defunctorum habet tantum primas Vesperas, Matutinum et Laudes, ut circa finem Breviarii ponitur.

4. In utrisque Vesperis, Matutino et Laudibus tantum, non autem in aliis Horis, duplicantur Antiphonæ, id est, integræ dicuntur in principio et in fine Psalmorum.

5. Ad Matutinum regulariter dicuntur tres Nocturni, cum novem Psalmis, et totidem Lectionibus, hoc est, in unoquoque Nocturno tres Psalmi, et tres Lectiones, præterquam in Paschate Resurrectionis et Pentecostes cum duobus sequentibus diebus, in quibus dicitur

unum tantum Nocturnum cum tribus Psalmis, et totidem Lectionibus, ut ibidem ponitur.

6. Preces ad Primam et Completorium, et Suffragia de sancta Maria, sancto Joseph, Apostolis, Titulo, et Pace, ad Vesperas et Laudes non dicuntur in Officio Duplici, ut etiam in propriis eorum Rubricis dicitur.

7. Quomodo sit ordinandum Officium Duplex in Vesperis, Matutino et cæteris Horis: similiter et de Antiphonis, Responsoriis, Versibus, Capitulis et aliis in eo dicendis, habentur inferius de singulis propriæ Rubricæ.

II

De Officio Semiduplici.

OFFICIUM fit Semiduplex diebus Dominicis (excepta Dominica in Albis, in qua fit Duplex): et diebus infra Octavas: item in Festis, quibus in Calendario ponitur hæc vox *Semiduplex*, et in Festis propriis quorundam locorum, seu Congregationum, quæ solemnius apud illas, quam Simplicia, consueverunt celebrari.

2. De Festo Semiduplici fit eo die quo cadit, aut de illo ponitur Commemoratio, vel penitus omittitur, ut dicitur in Rubrica de Translatione Festorum.

3. Habet totum Officium integrum, sicut Duplex, sed non duplicantur Antiphonæ.

4. Ad Matutinum dicuntur tres Nocturni, præterquam infra Octavas Paschæ et Pentecostes, in quibus dicitur unum Nocturnum cum tribus Psalmis et totidem Lectionibus. Et regulariter quando dicuntur tres Nocturni, dicuntur novem Psalmi et totidem Lectiones; exceptis iis Dominicis, in quibus fit Officium ut in Psalterio, quæ habent xvij Psalmos, ut ibi.

5. Quomodo sit ordinandum Officium Semiduplex tam in Festis, quam in Dominicis et infra Octavas, item et de Antiphonis, Versibus, Responsoriis et hujusmodi aliis, et quando in Semiduplici dicantur Preces ad Primam et Completorium, et Suffragia de Sanctis ad Vesperas et Laudes, habentur inferius de singulis propriæ Rubricæ.

III

De Officio Simplici.

OFFICIUM fit Simplex in diebus feriabilibus, quando occurrit fieri de Feria, item in Festis, quibus in Calendario

non apponitur hæc vox *Duplex*, vel *Semiduplex*, vel de *Octava*: item quando fit de beata Maria in Sabbato, ut in ejus Rubrica dicitur.

2. De Festo Simplicis fit eo die quo cadit; nisi eodem die occurrat fieri Officium novem Lectionum, vel de sancta Maria in Sabbato, vel de aliquibus Feriis, quibus Festum Simplex cedit, ut dicitur in Rubricis de Feriis et de Commemorationibus.

3. Habet tantum primas Vesperas, in quibus dicuntur Psalmi FERIALES, et a Capitulo fit de Festo, nisi cum eo concurrat Officium novem Lectionum, quia tunc de eo fit sola Commemoratio, ut dicitur in Rubrica de Concurrentia Officii: et ejus Officium terminatur ad Nonam, et nihil amplius fit de eo, nec Commemoratio.

4. Ad Matutinum post Invitatorium et Hymnum de Festo, dicitur unum tantum Nocturnum cum duodecim Psalmis, ut in Psalterio, secundum Feriam quæ occurrit; et tres Lectiones leguntur, ut infra in Rubrica de Lectionibus habetur.

5. Quomodo sit ordinandum Officium Simplex ad Vesperas, Matutinum et alias Horas; item et de Antiphonis, Versibus, Responsoriis et aliis, ac quando Preces et Suffragia de Sanctis dicenda sint, habentur inferius propriæ Rubricæ.

IV

De Dominicis.

DE Dominica semper fit Officium in Dominicis Adventus, et in Dominicis a Septuagesima usque ad Dominicam in Albis inclusive, quocumque Festo Duplici vel Semiduplici adveniente: quia tunc Festum transfertur, aut de eo fit Commemoratio aut penitus omittitur (ut in Rubrica de Translatione Festerum dicitur), nisi illud Festum sit Duplex primæ classis; quia tunc fit tantum de hujusmodi Festo, cum Commemoratione Dominicæ; quibusdam Dominicis exceptis, ut dicitur in Rubrica de Commemorationibus. In aliis Dominicis per annum fit de Dominica, quando in eis non occurrit Festum Duplex; quia tunc fit de Duplici cum Commemoratione Dominicæ in utrisque Vesperis et Laudibus, et ad Matutinum legitur nona Lectio de Homilia Dominicæ, ut dicitur in Rubrica de Commemorationibus. Si Semiduplex eodem die occurrat, de eo fit Commemoratio, ut pariter dicitur in Rubrica de Commemorationibus.

2. De Dominica infra Octavas Nativitatis, Epiphaniæ, Ascensionis et Corporis Christi occurrenti, Officium fit sicut infra Octavam, et in Proprio de Tempore, cum Commemoratione Octavæ et

sine Precibus et Suffragiis Sanctorum. In Dominicis vero, quæ occurrunt infra alias Octavas, totum Officium fit de Dominica, ut in Psalterio et in Proprio de Tempore, cum Commemoratione Octavæ, omissis etiam dictis Precibus et Suffragiis, ut supra. De Dominica occurrente in die Octava fit Commemoratio, sicut dictum est, quando in ea fit de Festo Duplici, præterquam in die Octava Epiphaniæ, in qua nihil fit de Dominica, quia ejus Officium ponitur in Sabbato præcedenti.

3. Positum est autem Officium sex Dominicarum post Epiphaniam, et viginti quatuor post Pentecosten, ut compleatur numerus triginta Dominicarum, quæ esse possunt ab Epiphania usque ad Septuagesimam, et a Pentecoste usque ad Adventum; ne ulla ex his Dominicis vacet, quin saltem de ea fiat Commemoratio. Nam quæ aliquando supersunt post Epiphaniam ante Septuagesimam, ponuntur post xxij. a Pentecoste, hoc ordine:

4. Si Dominicæ post Pentecosten fuerint xxv, Dominica xxiv. post Pentecosten erit quæ est vj. post Epiphaniam. Si fuerint xxvj, Dominica xxiv. erit quæ est v.; et xxv. quæ est vj. Si fuerint xxvij, Dominica xxiv. erit quæ est iv.; et xxv. quæ est v., et xxvj. erit vj. Si fuerint xxviii, Dominica xxiv. erit iij., et xxv. erit iv., et xxvj. erit v., et xxvij. erit vj.; et ultimo loco semper ponitur, quæ in ordine est xxiv. post Pentecosten, etiamsi post Pentecosten aliquando non sint nisi xxij Dominicæ. Tunc enim xxiv. ponitur loco xxij., et Officium xxij. ponitur in præcedenti Sabbato, quod non sit impeditum Festo novem Lectionum; alioquin in alia præcedenti die similiter non impedita, in qua fiat Officium de Feria, cum Commemoratione Festi Simplicis, si occurrat; et in ea legantur tres Lectiones de Homilia Dominicæ, omissis Lectionibus Scripturæ illius Feriæ: et in Laudibus dicatur Antiphona ad *Benedictus*, et Oratio de Dominica xxij. Quod si tota Hebdomada impedita sit Festis novem Lectionum, etiam translatis, vel aliqua Octava, tunc in Sabbato legatur nona Lectio de Homilia Dominicæ xxij., et de ea fiat Commemoratio in Laudibus tantum, cum Antiphona et Oratione propria.

5. Cum vero interdum contingat, ut Dominica tertia, vel quarta, vel quinta, vel sexta post Epiphaniam supersit, nec possit poni etiam post xxij. a Pentecoste, tunc de ea fit Officium in Sabbato ante Dominicam Septuagesimæ, ut dictum est supra, numero præcedenti.

6. De Dominica secunda post Epiphaniam, quando Septuagesima venerit

immediate post Octavam Epiphaniæ, quomodo agendum sit Officium, habetur in propria Rubrica ante Dominicam primam post Epiphaniam.

7. Cum autem in Proprio de Tempore dicitur aliqua Dominica esse prima mensis, in qua primo ponitur initium libri de Scriptura cum sua historia, id est, cum Responsoriis, animadvertendum est, eam dici primam Dominicam mensis, quæ venit in Kalendis illius mensis, vel est proximior Kalendis, hoc modo. Si Kalendæ venerint in secunda, et tertia, et quarta Feria, Dominica prima mensis erit quæ præcedit Kalendas, licet veniat in præcedenti mense: si autem Kalendæ venerint in quinta, et sexta Feria et in Sabbato, prima Dominica erit quæ sequitur post ipsas Kalendas. Dominica autem prima Adventus non sumitur ea, quæ est proximior Kalendis Decembris, sed Festo sancti Andreæ, vel quæ venerit in ipso Festo.

8. Officium Dominicæ fit Semiduplex, et incipit a primis Vesperis in Sabbato: et habet totum Officium integrum usque ad Completorium Dominicæ inclusive, nisi cum aliquo concurrat, ut dicitur in Rubrica de Concurrentia Officii.

9. Ad Matutinum dicuntur tres Nocturni cum Psalmis, ut in Psalterio, et leguntur novem Lectiones, ut in Proprio de Tempore.

10. Quomodo autem sit ordinandum ejus Officium, insuper et de Lectionibus, Responsoriis et aliis, et quomodo initia librorum Scripturæ cum sua historia sint ponenda, habentur de singulis inferius propriæ Rubricæ.

V

De Feriis.

OFFICIUM Feriale, hoc est, Simplex de Tempore occurrenti, prout in Psalterio et Proprio de Tempore habetur, fit semper in Feriis Adventus, Quadragesimæ, Quatuor Temporum, Vigiliarum, et in Feria secunda Rogationum, quando infra Hebdomadam non occurrit Festum Duplex, vel Semiduplex, vel de Octava: quia tunc de hujusmodi Feriis fit Commemoratio, ut dicitur in Rubrica de Commemorationibus. Si vero in eis occurrat Festum Simplex, de eo fit tantum Commemoratio. Item per annum fit Officium de Feria illis diebus, quibus infra Hebdomadam in Calendario non ponitur aliquod Festum Duplex, Semiduplex, vel Simplex, et non occurrit aliqua Octava, vel Officium sanctæ Mariæ in Sabbato, vel aliquod Festum solemne, aut consuetum in aliqua Ecclesia celebrari, quamvis in Calendario hujus Breviarii non sit descriptum.

2. Officium Feriæ in Adventu, Quadragesima, Quatuor Temporibus, Vigiliis, et prima die Rogationum, incipit a Matutino: in aliis vero Feriis per annum, inde fit de Feria, ubi desinit Officium præcedentis diei, ita ut si præcedenti die fuerit Duplex, vel Semiduplex, Officium Feriæ incipiat sequenti die a Matutino: si præcedenti die fuerit Festum Simplex, de Feria fiat a Vesperis illius præcedentis diei inclusive. Similiter et quando in Feria quarta et sexta Quatuor Temporum Septembris, et in Feria quarta Cinerum, ac in Vigiliis occurrit aliquod Festum Simplex, de quo fieri debet Commemoratio, tunc præcedenti die (nisi fuerit Festum novem Lectionum) in Vesperis fit de Feria, ut in Psalterio, sine Precibus, cum Oratione Dominicæ præcedentis, et cum Commemoratione Festi trium Lectionum in sequenti Feria occurrentis, ut dicitur infra in Rubrica de Concurrentia. Terminatur autem Officium de Feria subsequente Duplici, vel Semiduplici, ad Nonam: subsequente vero Simplici, de quo fieri debeat Officium, ad Capitulum Vesperarum, quia inde fit de Festo Simplici absque ulla deinceps Commemoratione Feriæ.

3. Ad Matutinum dicitur unum tantum Nocturnum cum duodecim Psalmis, secundum ordinem Feriarum in Psalterio, et tribus Lectionibus, ut in Proprio de Tempore.

4. Excipiuntur ab hoc ordinario Officii feriales tres Feriæ majores Hebdomadæ sanctæ, et Feriæ Octavarum Paschæ et Pentecostes, in quibus fit Officium, ut in propriis locis ponitur.

5. Quomodo ordinandum sit Officium de Feria ad Matutinum et alias Horas, item de Lectionibus et Responsoriis, et quando dicendæ sint Preces feriales, ac de aliis, quæ ad Officium Feriæ pertinent, habentur inferius de singulis propriæ Rubricæ.

VI

De Vigiliis.

DE Vigilia fit Officium in omnibus Vigiliis per annum quæ jejunantur, ubi in Calendario adnotatur hæc vox *Vigilia*: nisi in die Vigiliæ occurrat Festum novem Lectionum, vel Octava; tunc enim in Officio novem Lectionum legitur nona Lectio de Homilia Vigiliæ, et fit Commemoratio de ea ad Laudes tantum, cum Antiphona ad *Benedictus*, et *ŷ*. Feriæ occurrentis de Psalterio, et Oratione Vigiliæ; præterquam in illis Festis majoribus, quæ inferius excipiuntur.

2. Si Vigilia occurrat in Dominica, de ea fit Officium in Sabbato, quod non sit

impeditum Officio novem Lectionum : quia tunc de Vigilia fit tantum Commemoratio, ut dictum est. Excipitur ab hac regula Vigilia Nativitatis et Epiphaniæ Domini : quæ si venerint in Dominica, fit de illis, ut in propriis Rubricis dicitur. Si autem in Vigilia occurrat Festum solemne alicujus loci, vel ex solemnioribus infra annum, quæ inferius in Rubrica de Commemorationibus numerantur (veluti si in Vigilia sancti Joannis Baptistæ venerit Festum Corporis Christi), nihil tunc prorsus, nec Commemoratio fit de Vigilia, excepta Vigilia Epiphaniæ. Idem servetur quando aliqua Vigilia venerit in Adventu, Quadragesima et Quatuor Temporibus : nulla enim in his Feriis de Vigilia fit Commemoratio.

3. Officium Vigiliæ incipit ad Matutinum, sicut dictum est in superiori Rubrica de Feriis : terminatur autem ad Nonam, quia Vesperæ sunt de sequenti Festo.

4. Officium Vigiliæ totum fit de Feria occurrenti, ut in Psalterio : et tres Lectiones leguntur de Homilia in Evangelium Vigiliæ, ut in propriis locis assignatur, cum tribus Responsoriis de Feria occurrenti, ordine in Rubrica de Responsoriis descripto. Dicuntur Preces feriales, et Commemorationes communes, aliaque omnia sicut in Feriis Adventus, Quadragesimæ et Quatuor Temporum : de quibus et de aliis circa ordinandum ejus Officium habentur inferius propriæ Rubricæ.

5. Excipitur ab hoc ordinario Vigiliarum, quæ jejunantur, Vigilia Pentecostes, quæ cum tribus Nocturnis sub Officio Semiduplici celebratur, ut ibi ; et Vigilia Nativitatis Domini, quæ, Nocturno Feriæ excepto, in Laudibus et Horis habet reliquum Officium Duplex. In Vigiliis vero Epiphaniæ et Ascensionis, quæ non jejunantur, fit Officium, ut in propriis locis notatur.

VII

De Octavis.

DE Octava fit Officium, vel saltem Commemoratio (quando aliquo Festo, vel Dominica impeditur) per octo dies continuos. Fit de Octava in Paschate Resurrectionis, in Ascensione Domini, in Pentecoste, in Festo Corporis Christi, in Festis quibus in Calendario apponitur Octava. Item in Festo Dedicationis propriæ Ecclesiæ, et in Festo principalis Patroni, et Titularis loci vel Ecclesiæ, et in Festis aliorum Sanctorum, quæ apud quasdam Ecclesias, Congregationes et Religiones consueverunt solemniter cum Octavis celebrari, nisi illa Festa venerint in Quadra-

gesima : quo tempore omittitur Officium ejusdemque Octavæ. Quod si aliquod Festum, quod celebrari solet cum Octava, paulo ante Quadragesimam venerit, et jam per aliquot dies factum sit Officium de ejus Octava, adveniente Quadragesima, nihil amplius fit de ea, nec Commemoratio. Et idem servetur de Octavis nondum absolutis, quando supervenit Festum Pentecostes, et dies xvij. Decembris.

2. In Pascha Resurrectionis et Pentecostes Officium Octavæ terminatur in Sabbato sequenti ad Nonam.

3. Infra Octavas fit de Festis Duplicibus et Semiduplicibus occurrentibus, ac etiam Duplicibus translatis, de quibus dicitur infra Tit. X. de Translatione Festorum, cum Commemoratione Octavæ ; nisi illa Festa sint de solemnioribus enumeratis in sequenti Rubrica de Commemorationibus, in quibus nulla fit Commemoratio de Octava, exceptis Octavis Nativitatis, Epiphaniæ et Corporis Christi, de quibus fit semper Commemoratio, quocumque Festo in illis occurrente. Infra Octavas autem Paschæ et Pentecostes non fit de Festo aliquo, etiam principali Patrono vel Titulari Ecclesiæ, vel Dedicatione ejusdem, sed transferitur post Octavam, si transferri valeat, secus de eo fit Commemoratio, ut dicitur in eadem Rubrica de Translatione Festorum. Infra Octavam Epiphaniæ fit tantum de Duplicibus primæ classis (non tamen in die Octava), cum Commemoratione Octavæ. Infra Octavam Corporis Christi fit tantum de Duplicibus, non tamen translatis, nisi fuerint primæ vel secundæ classis, cum Commemoratione Octavæ. De Semiduplicibus vero, cum non transferantur, infra eam fit Commemoratio, ut dicitur in præfata Rubrica. De Simplicibus infra quascumque Octavas occurrentibus, item fit tantum Commemoratio, præterquam in duobus diebus post Pascha et Pentecosten, ut dicitur in sequenti Rubrica de Commemorationibus. De Dominicis infra Octavas occurrentibus fit Officium, ut dictum est supra in Rubrica de Dominicis. Si duæ Octavæ simul occurrant (ut Octava sancti Joannis Baptistæ, et Octava Corporis Christi, vel Octava Patroni vel Titularis Ecclesiæ cum alia Octava), quando non erunt celebranda Festa novem Lectionum, vel dies Dominicus, fiet Officium de digniori, cum Commemoratione alterius. De die autem Octava ejusdemque Festi fit totum Officium Duplex, cum Commemoratione diei infra aliam Octavam. De Festis occurrentibus in die Octava servetur quod dicitur in Rubrica de Translatione Festorum.

4. Officium de Octava fit cum tribus

Nocturnis, novem scilicet Psalmis et novem Lectionibus (exceptis Octavis Paschæ et Pentecostes, in quibus fit cum uno Nocturno, ut suis locis ponitur), et omnia dicuntur sicut in die Festi, præter Lectiones; quarum primæ tres semper sunt de Scriptura occurrente in Officio de Tempore, præterquam infra Octavam Assumptionis beatæ Mariæ, in qua singulis diebus positæ sunt Lectiones propriæ de Canticis Cantico- rum : aliæ Lectiones secundi et tertii Nocturni dicuntur quæ infra Octavam positæ sunt. Infra Octavam vero Patroni vel Titularis Ecclesiæ, aut alterius Festi, quod in aliquibus Ecclesiis consuevit cum Octava celebrari, si apud illas Ecclesias non habentur propriæ et approbatæ Lectiones pro secundo et tertio Nocturno, infra Octavam repetantur Lectiones positæ in Communi Sanctorum, si de Sanctis fiat Octava, alioquin Lectiones diei Festi.

5. Infra Octavam Officium fit Semiduplex, in die Octava Duplex. In Vesperis infra Octavam omnia dicuntur sicut in secundis Vesperis Festi; et in primis Vesperis diei Octavæ omnia sicut in primis Vesperis Festi, nisi aliter in propriis locis notetur.

6. Infra Octavas non fiunt Suffragia consueta de Sanctis, nec dicuntur Preces ad Primam et Completorium, etiamsi fiat Officium de Dominica, vel Festo Semiduplici. In aliis, quomodo sit ordinandum Officium de Octava, habentur inferius propriæ Rubricæ.

VIII

De Officio sanctæ Mariæ
in Sabbato.

IN omnibus Sabbatis per annum extra Adventum et Quadragesimam, ac nisi Quatuor Tempora aut Vigiliæ occurrant, vel nisi fieri debeat de Feria propter Officium alicujus Dominicæ aliquando infra Hebdomadam ponendum, ut in Rubrica de Dominicis dictum est: et nisi fiat Officium novem Lectionum, vel de Octava Paschæ et Pentecostes, semper fit Officium de sancta Maria, eo modo, quo fit de Festo Simplicis, quemadmodum circa finem Breviarii disponitur. De Festo autem Simplicis, in Sabbato occurrente, fit tantum Commemoratio.

2. Cum vero supradictis diebus fieri non potest Officium de sancta Maria, nulla etiam fit Commemoratio de ea propter Sabbatum; sed tantum in Semiduplicibus (quando ejus Officium parvum non dicitur) fit consueta ejus Commemoratio per annum cum aliis Suffragiis positis in Psalterio post Vesperas Sabbati.

3. Ejus Officium in Sabbato incipit Feria sexta ad modum Festi Simplicis, a Capitulo, et terminatur ad Nonam Sabbati. Si autem Feria sexta occurrat Officium novem Lectionum, in Vesperis fit tantum Commemoratio de sancta Maria, cum Antiphona, Versu et Oratione, quæ habentur in Officio ejus in Sabbato, nisi illud Officium novem Lectionum sit de eadem beata Maria, quia tunc nulla alia Commemoratio de ea facienda est.

4. Ad Matutinum, post Invitatorium et Hymnum de sancta Maria, dicitur unum Nocturnum cum duodecim Psalmis ferialibus, ut in Psalterio. Versus de sancta Maria, prima et secunda Lectio ex Scriptura de Tempore occurrente; tertia Lectio et alia omnia tam in Matutino quam in Laudibus et Horis, ut in Officio sanctæ Mariæ in Sabbato assignantur.

5. Dicuntur Preces Dominicales ad Primam et Completorium, et fiunt Suffragia consueta de sancto Joseph, de Apostolis, de Titulo, et de Pace, et tempore Paschali sola Commemoratio de Cruce, ut in secunda Feria post Octavam Paschæ. Post Nonam nihil fit de ea, nisi consueta ejus Commemoratio cum aliis Suffragiis, quando dicenda sunt in Officio de Dominica.

IX

De Commemorationibus.

COMMEMORATIONES fiunt de Festis Simplicibus, quando in eorum diebus incidit Festum novem Lectionum etiam translatum, vel Dominica, vel Octava, vel Sabbatum: et quando fieri debet de Feria, ut ponatur Officium alicujus Dominicæ, quæ eo anno supersit.

2. De Feriis Adventus, Quadragesimæ, Quatuor Temporum, Vigiliarum, et secunda Rogationum fit Commemoratio, quando Festum novem Lectionum in illis Feriis occurrit. Si Simplex Festum in eisdem Feriis occurrat, Officium fit de Feria, et Commemoratio de Festo Simplicis.

3. Præterea fit Commemoratio de Dominicis a Pentecoste usque ad Adventum, et ab Epiphania usque ad Septuagesimam, et a Dominica in Albis usque ad Pentecosten exclusive, quando Festo Duplici impediuntur. De aliis Dominicis nulla fit Commemoratio occurrente Festo Duplici, quia Festum in illis occurrere transfertur, aut de eo fit Commemoratio, ut dicetur in sequenti Rubrica de Translatione Festorum: nisi illud Festum fuerit principalis Patroni, vel Tituli, aut Dedicationis ipsius Ecclesiæ, non autem alicujus Capellæ vel Altaris ejusdem Ecclesiæ; et tunc de

hujusmodi principali Festo fit tantum in eo loco vel Ecclesia, cujus est Patronus vel Titulus aut Dedication, cum Commemoratione Dominicæ: excepta Dominica prima Adventus, Dominica prima Quadragesimæ, Dominica Passionis, Dominica Palmarum, Dominica Paschæ, Dominica in Albis, ac Dominica Pentecostes et sanctissimæ Trinitatis: in quibus hujusmodi occurrens Festum transfertur in sequentem diem similiter non impeditam: dummodo non fuerit infra majorem Hebdomadam, et per Octavam Paschæ et Pentecostes: quibus diebus non fit de aliquo Festo Duplici occurrente. Idem dicendum de aliis Festis primæ classis occurrentibus in præfatis Dominicis Majoribus.

4. De Octava etiam, quando Festo novem Lectionum, vel Dominica impeditur, fit Commemoratio, nisi illud Festum novem Lectionum fuerit solemne principale alicujus loci, ut supra. Nam in primis Vesperis et Laudibus hujusmodi Festi nulla fit Commemoratio Festi Simplicis occurrentis, nec alicujus Vigiliæ, (excepta Vigilia Epiphaniæ,) nec alicujus diei infra Octavam, nec alicujus præcedentis Festi novem Lectionum (nisi id Festum fuerit ex iis quæ infra in hac eadem Rubrica enumerantur), nec diei Octavæ, nec Dominicæ, si Festum illud solemne celebretur FERIA secunda: exceptis Dominicis Adventus, et Dominicis a Septuagesima usque ad Octavam Paschæ inclusive: de quibus Dominicis, sicut etiam de FERIIS Adventus, Quadragesimæ, Quatuor Temporum, et secundæ Rogationum semper fit Commemoratio, quocumque Festo adveniente. Quod si hujusmodi Festum solemne venerit in quacumque Dominica, fit Commemoratio de ea in utrisque Vesperis et Laudibus. Et similiter si occurrat in die Octava alicujus Festi habentis Octavam, de ea fiet Commemoratio etiam in utrisque Vesperis et Laudibus. In secundis autem Vesperis Festi prædicti fit Commemoratio de Duplici, Semiduplici et Dominica sequentibus, et non de aliis.

5. Idem servatur in quibusdam Festis majoribus per annum, scilicet in Nativitate Domini (in cujus Officio nulla fit Commemoratio de sancta Anastasia, sed in secunda tantum Missa), in Epiphania, in Pascha Resurrectionis cum tribus proxime antecedentibus, et duobus sequentibus diebus; in Ascensione Domini, in Pentecoste cum duobus sequentibus diebus, in Festo Corporis Christi, et in Festo SS. Cordis Jesu, in Festis sancti Joseph, Nativitatis sancti Joannis Baptistæ, sanctorum Apostolorum Petri et Pauli, Immaculatæ Conceptionis, Annuntiationis et Assum-

ptionis beatæ Mariæ, in Festo omnium Sanctorum, et in Festo Dedicationis propriæ Ecclesiæ: in quibus Festis fiunt Commemorationes eo modo tantum quo dictum est supra de Festo solemni alicujus loci.

6. In Festis autem secundi ordinis, videlicet, Circumcisionis, sanctissimi Nominis Jesu, Trinitatis, Purificationis, Visitationis, Nativitatis et Solemnitatis SS. Rosarii beatæ Mariæ, in Natalitiis undecim Apostolorum et Evangelistarum, in Festo Patrocinii sancti Joseph, in Festo pretiosissimi Sanguinis D. N. J. C., et Inventionis sanctæ Crucis, in Festo sancti Joachim Patris beatæ Mariæ Virginis, et sanctæ Annæ Matris ejusdem, in Festo sancti Laurentii, et Dedicationis sancti Michaëlis Archangeli, in primis Vesperis fit Commemoratio Festi Duplicis eo die celebrati, nisi aliter in propriis locis notetur: de Dominica vero, de die infra Octavam, et de Festis Semiduplicibus non fit Commemoratio, eo modo, quo nec in Festo solemni alicujus loci, ut dictum est supra. De Simplicibus et Vigiliis in his Festis occurrentibus legitur nona Lectio, et fit Commemoratio in Laudibus tantum. In secundis autem Vesperis fit Commemoratio de quocumque sequenti Festo, etiam Simplici, et de die infra Octavam, si de ea fieri debeat Officium die sequenti. De Octavis Nativitatis Domini, Epiphaniæ et Corporis Christi semper fit Commemoratio in utrisque Vesperis et Laudibus, quandocumque contigerit infra illas de aliquo alio Festo Officium celebrari juxta Rubricam de Octavis, num. 3.

7. De Dominicis et FERIIS Adventus et Quadragesimæ Commemoratio fit in utrisque Vesperis et Laudibus. De FERIIS Quatuor Temporum, Vigiliarum et secundæ Rogationum, quando de illis Commemoratio fieri debet, fit in Laudibus tantum. De Festis autem Simplicibus (nisi in diebus supradictis occurrant) Commemoratio fit in primis Vesperis et Laudibus eo die, quo in Calendario assignantur. De aliis vero Dominicis per annum, et Octavis, Commemoratio fit in utrisque Vesperis et Laudibus, nisi concurrant cum supra enumeratis Festis. De Festis Duplicibus et Semiduplicibus, quoties, juxta sequentem Rubricam de Translatione Festorum, reduci debent ad modum Simplicis, fit pariter Commemoratio, ad instar diei Octavæ et Dominicæ, in utrisque Vesperis et Laudibus, præterquam in omnibus Duplicibus primæ classis, exceptis eorum secundis Vesperis, si hujusmodi Commemoratio faciendi sit die sequenti.

8. Commemorationes fiunt hoc modo:

Post Orationem diei, in primis Vesperis dicitur Antiphona quæ posita est ad *Magnificat*, et in Laudibus quæ posita est ad *Benedictus* in Communi (si propriam non habuerit) conveniens ejus Officio, cujus fit Commemoratio. Post Antiphonam dicitur Versus, inde sumendus, unde sumpta est Antiphona, scilicet post Hymnum Vesperarum et Laudum; deinde dicitur Oratio. Si Antiphona et Versus Festi simplicis, de quo fit Commemoratio, sumenda essent ex eodem Communi, unde sumpta sunt in Officio diei, in Festo Commemorationes variantur, ita ut in Vesperis sumantur ex Laudibus, et in Laudibus ex primis Vesperis ejusdem Communis, nisi aliter signetur. Si vero ex eodem Communi, unde sumpta sunt in Officio diei, sumenda essent Antiphona et Versus Festi redacti ad instar simplicis, tunc in primis Vesperis Antiphona et Versus sumantur e secundis; si Festum utrasque Vesperas habeat, in Laudibus et primis Vesperis, et in secundis Vesperis Antiphona sumatur e Laudibus et Versus e primis Vesperis, nisi aliter signetur: excepto casu, quo Commemoratio alicujus S. Virginis facienda sit in Festo alterius S. Virginis; tunc enim in primis Vesperis pro S. Virgine de qua agitur Commemoratio, Antiphona sumenda erit e Laudibus. Quando vero Festum ad instar Simplicis recolendum Commemorationem in secundis Vesperis ob Festum duplex primæ vel secundæ classis immediate sequens non habeat, fit ut supra dictum est de Festis simplicibus. Et similiter si in secundis Vesperis sanctæ Angelæ Mericæ, aut alterius Sanctæ novem Lectionum fieri debeat Commemoratio beatæ Mariæ pro ejus Officio in sequenti Sabbato celebrando, ne repetatur *ŷ. Diffusa est gratia*, dicatur *ŷ. Benedicta tu*, ex Laudibus. Si item occurrat, ut eadem sit Oratio Festi de quo fit Officium, et ejus de quo fit Commemoratio, mutetur Oratio pro Commemoratione in aliam de Communi. Si de Tempore fiat Commemoratio, de Dominica scilicet, vel Feria, Antiphona et Versus ante Orationem eodem modo sumantur ex Proprio de Tempore, si habuerit proprium, alioquin de Psalterio; Oratio vero ex Proprio de Tempore.

9. Quando fit Commemoratio de Dominica, vel Feria, quæ habent propriam Homiliam, nona Lectio in Officio diei novem Lectionum legitur de Homilia Dominicæ, vel Feriæ, quæ erit vel prima de Homilia Dominicæ, vel tres simul in una Lectione conjunctæ.

10. Si in die, in quo fit Officium novem Lectionum, fiat Commemoratio de Festo trium Lectionum, nona Lectio

legitur de Festo trium Lectionum, si propriam habuerit: si duas, ex duabus fiat una Lectio, quæ sit nona in Officio novem Lectionum. Quæ Lectio de Sancto non legitur, quando de eo fit Commemoratio in Dominicis, quæ habent nonum Responsorium, nec quando nona Lectio legenda est de Homilia Dominicæ vel Feriæ, ut supra; nec in Feriis, et aliis diebus, quando in Officio diei leguntur tantum tres Lectiones: nec etiam nona Lectio legitur de die infra Octavam quando de ea fit Commemoratio in Dominica, vel aliquo Festo, licet habeat Evangelium proprium et Homiliam. Servata eadem regula, quando in Officio novem Lectionum fit Commemoratio de Festo Duplici aut Semiduplici redacto ad instar Simplicis, ut in sequenti Rubrica, de Sancto legenda est nona Lectio ad Matutinum composita ex singulis ejus Lectionibus historicis secundi Nocturni per modum unius, præterquam in tota Octava Festi Corporis Christi, si de ea fiat Officium; quo in casu etiam omittenda nona Lectio Festi Simplicis.

11. Quando contingit fieri plures Commemorationes, illæ semper præponantur, quæ ad Officium pertinent, cujuscumque sit ritus; exceptis illis, quæ ab Officio, de quo agitur, numquam separantur, uti de S. Paulo Apostolo in Cathedra S. Petri etc., prout in Rubricis specialibus suo loco dicitur. Deinde servetur hic ordo: 1. de Dominica privilegiata, 2. de die Octava, 3. de Duplici majori, 4. de Duplici minori, ad instar Simplicium redactis, 5. de Dominica communi, 6. de die infra Octavam Corporis Christi, 7. de Semiduplici, 8. de die infra Octavam communem ad Simplicem ritum pariter redactis, 9. de Feria majori vel Vigilia, 10. de Simplici. De sancta Maria (quando in secundis Vesperis Festi novem Lectionum, quod Feria sexta celebratum sit, de ea fieri debet Commemoratio pro Officio sequentis Sabbati) fiat ante Festum Simplex in Sabbato occurrens. De Festo Simplici fit Commemoratio ante Suffragia, seu communes Commemorationes de Cruce, sancta Maria, sancto Joseph, Apostolis et de Pace, et ante Commemorationem cujuscumque Tituli, vel Patroni Ecclesiæ, quæ etiam pro sui dignitate aliis Suffragiis prædictis præponeretur. De quibus Suffragiis, quomodo et quando faciendi sint, habetur inferius propria Rubrica.

X

De Translatione Festorum.

Si aliquod Festum Duplex occurrat in Dominicis Adventus, et in Dominicis a Septuagesima usque ad Dominicam in

Albis inclusive, in Vigilia et Festo Nativitatis Domini, in die Circumcisionis, in Festo ac tota Octava Epiphaniæ, in Feria quarta Cinerum, in tota majori Hebdomada, et infra Octavam Paschæ, in Ascensione Domini, in diebus a Vigilia Pentecostes usque ad Festum sanctissimæ Trinitatis inclusive, in Festo Corporis Christi, et ejus die Octava, in Festo Sacratissimi Cordis Jesu, in Festis Immaculatæ Conceptionis, Annuntiationis et Assumptionis beatæ Mariæ Virginis, in Nativitate sancti Joannis Baptistæ, in Festo sancti Joseph Sponsi ejusdem beatæ Mariæ Virginis, sanctorum Apostolorum Petri et Pauli, ac Omnium Sanctorum, transfertur in primam diem Festo Duplici vel Semiduplici non impeditam, exceptis tamen Festis Nativitatis sancti Joannis Baptistæ, et sanctorum Apostolorum Petri et Pauli, quæ in die Octava Corporis Christi et in Festo sacratissimi Cordis Jesu celebrantur : excepto quoque Festo quocumque solemniori alicujus loci, quod in propria tantum Ecclesia, etiam in aliquibus ex supradictis diebus occurrens, scilicet in Dominicis secunda, tertia et quarta Adventus, et Quadragesimæ, Dominica Septuagesimæ, Sexagesimæ, et Quinquagesimæ, et diebus infra Octavam Epiphaniæ (ut in Rubrica de Commemorationibus dictum est) et excepto Festo primario solemniori in Festo Sacratissimi Cordis Jesu celebratur. Si autem Festum Purificationis beatæ Mariæ Virginis venerit in aliqua Dominica secundæ classis, transfertur in Feriam secundam sequentem quamvis impeditam. Item si Festum Nativitatis sancti Joannis Baptistæ venerit in die Corporis Christi, transfertur in sequentem diem cum Commemoratione Octavæ, et in secundis Vesperis Corporis Christi fit tantum Commemoratio sancti Joannis : sequentibus autem diebus fit Officium de eadem Octava Corporis Christi, cum Commemoratione Octavæ sancti Joannis. Dies autem Octava sancti Joannis tunc veniens in die Octava Corporis Christi, non transfertur, sed de illa eo anno fit tantum Commemoratio in utrisque Vesperis et Laudibus diei Octavæ Corporis Christi : et id semper servetur, quando Festum habens Octavam transfertur ; ut non ideo dies Octava transferatur, sed ipsa die de ea fiat Commemoratio, quæ alias erat Octava, si Festum non fuisset translatum. Quod si Festum per totam suam Octavam transferri contigerit, illo anno celebretur sine Octava : nisi Titularis Ecclesiæ privilegio aliter fieri oporteat. Festa tamen Duplicia minora, exceptis illis sanctorum Ecclesiæ Doctorum, si occursu Dominicæ, vel majoris Festi seu Officii quomodocum-

que impediuntur, non transferuntur, sed ipso die quo cadunt, de eis fit in utrisque Vesperis et Laudibus Commemoratio, et legitur nona Lectio historica ad Matutinum, si tamen hæc eo die fieri possint ; secus hujusmodi Festa Duplicia minora eo anno penitus omittuntur, ut in præcedenti Rubrica dictum est num. 7 et 10, et infra de Simpliciter dicitur num. 8. Iisdem comprehenduntur regulis alia Festa Duplicia, quorum translationi in toto anni decursu locus non superest. Festa tamen duplicia minora, quamquam non sint Doctoris Ecclesiæ, si quotannis a digniori Officio impediuntur, reponuntur in prima die libera, tamquam in propria sede perpetuo recolenda.

2. Si in die Octava alicujus Festi habentis Octavam, occurrat aliquod Festum Duplex ex majoribus supra in Rubrica de Commemorationibus enumeratis, fiat de Festo cum Commemoratione diei Octavæ : excepta die Octava Nativitatis Domini et Epiphaniæ, in quibus non fit de aliquo Festo, sed transfertur in primam diem similiter non impeditam. Si autem non fuerit ex prædictis Festis, fiat de Octava, et Festum transferatur, aut de eo fiat Commemoratio, ut supra.

3. Si aliquod Festum Duplex infra Octavam occurrens, alio majori Festo Duplici impediatur, transferatur in primam diem similiter non impeditam, et in eo fiat Commemoratio de Octava. Quod si transferri nequeat, de eodem quoque fiat Commemoratio, ut supra.

4. Si in aliis Dominicis per annum a supradictis occurrat Festum Duplex, non transfertur, nec de eo fit Commemoratio, sed Officium, ut dictum est in Rubrica de Commemorationibus.

5. Festum Semiduplex occurrens diebus supradictis, et infra Octavam Corporis Christi, et aliis Dominicis per annum, non transfertur, sed ipso die quo cadit, de eo fit Commemoratio in utrisque Vesperis et Laudibus, et legitur nona Lectio historica, aut illud penitus omittitur, ut supra de Duplici minori dictum est. Festum tamen semiduplex, si quotannis ab Officio digniori impediatur, reponitur in prima die libera, tamquam in propria sede perpetuo celebrandum, uti de Duplici minori superius cautum est.

6. Si duo vel plura Festa novem Lectionum simul eodem die veniant, fiat Officium de majori, id est de Duplici, et de Semiduplici fiat Commemoratio ut supra. At si omnia fuerint Duplicia, vel omnia Semiduplicia, fiat de digniori, seu solemniori, videlicet, de Festo potioris ritus præ alio ritus inferioris, aut in paritate ritus de primario præ secundario, aut, iisdem primariis vel secundariis, si æquales, de eo quod est de majori, id est de Duplici, et de Semiduplici fiat Commemoratio ut supra.

dariis, de digniori ratione personæ, aut, in paritate dignitatis de fixo præ mobili, aut denique, cæteris paribus, de magis proprio præ minus proprio; et quæ Duplicia minoris solemnitatis sunt, si transferri valeant, transferantur: aliter de eis, quemadmodum de Semiduplicibus, fiat Commemoratio aut penitus omittantur, juxta superius explicata.

7. Si plura Festa Duplicia ex iis quæ transferri possunt, transferenda sint, quod est magis solemne semper prius transferatur, et prius celebretur: aliquin si sunt æqualia, unum ante aliud transferatur eo ordine, quo erant celebranda in propriis diebus, quod etiam servabitur in Festis Duplicibus minoribus, et semiduplicibus perpetuo imeditis.

8. Festum Simplex pariter numquam transfertur: sed si de eo fieri non potest Officium, fiat Commemoratio, ut dictum est in Rubrica de Commemorationibus; si autem venerit in illis diebus, in quibus de Simplicibus nulla fit Commemoratio, eo anno non fit de eo amplius.

9. Si aliquod Festum Duplex e supra recensitis quæ transferuntur, in quo notatum est fieri Commemorationem alicujus Sancti, transferatur propter advenientem Dominicam, vel aliud Festum majus, non tamen transfertur cum illo Commemoratio illius Sancti in eo assignata; sed dicta Commemoratio fit die suo in Dominica, vel alio Festo, in quo fieri possit, cum nona Lectione ejusdem, si propriam de vita Sancti habuerit: Festum vero Duplex transfertur sine ulla amplius Commemoratione Festi Simplicis prædicti. Quod etiam servatur in Commemorationibus occurrentibus in Vigiliis, cum de Vigilia veniente in Dominica fit in Sabbato præcedenti: tunc enim Commemoratio Festi Simplicis non fit in Officio Vigiliæ, sed in Dominica.

XI

De Concurrentia Officii.

CONCURRENTIA Officii attendenda est semper in secundis Vesperis, quomodo sit ordinandum Officium cum sequenti die. Itaque cum dicitur Officium aliquod cum alio concurrere, intelligitur de præcedenti in secundis Vesperis cum sequenti in primis Vesperis.

2. Duplici ergo in secundis Vesperis concurrente cum alio sequenti Duplici in primis, si utraque sint ejusdem solemnitatis, regulariter a Capitulo fit de sequenti cum Commemoratione præcedentis, nisi aliter in propriis locis adnotetur. Si vero non sint ejusdem solemnitatis, servetur differentia in Ru-

bricis de Commemorationibus et Translatione Festorum assignata: ut scilicet Festa majora habeant primas et secundas Vesperas integras, cum Commemoratione minorum, quando de eis fieri debet. Si autem post aliquod Festum ex iis, quæ in secundo ordine posita sunt in Rubrica de Commemorationibus, sequatur immediate aliud ex solemnibus majoribus, Vesperæ erunt de sequenti cum Commemoratione præcedentis. Inter Festa æqualis solemnitatis servetur hic ordo, ut Festa Domini præferantur omnibus aliis, et habeant utrasque Vesperas integras; sicuti Festa beatæ Mariæ, Festis Sanctorum: item Festa Angelorum, Nativitatis S. Joannis Baptistæ, sancti Joseph Sponsi beatæ Mariæ Virginis, et Apostolorum, cæteris aliis; et Festa illorum Sanctorum, qui in propriis locis vel Ecclesiis solemniter celebrantur, aliis in Calendario descriptis.

3. Duplici vero concurrente cum Festo Semiduplici, cum Dominica, cum die infra Octavam, cum Festo Simplici, et cum Officio beatæ Mariæ in Sabbato, omnia in secundis Vesperis de Duplici cum Commemoratione illorum: nisi illud Duplex fuerit de iis, quæ excipiuntur in Rubrica de Commemorationibus, in quibus aliquæ Commemorationes omittuntur. Duplici etiam, et quocumque Officio novem Lectionum concurrente cum Feria, vel potius sequente Feria, omnia de Duplici, et nihil de Feria sequenti. Sed si Festum celebretur in Adventu, et Quadragesima, fit semper Commemoratio de Feria, ut infra dicitur. Idem dicendum de Festis Simplicibus venientibus cum sequenti Festo novem Lectionum, de quibus etiam Commemoratio fit, non ratione concursus, sed quia eodem die occurrunt, ut dictum est in Rubrica de Commemorationibus.

4. Semiduplici Festo, Dominica, et die infra Octavam concurrentibus cum sequenti Duplici, omnia de Duplici cum Commemoratione illorum, nisi Duplex fuerit ex numero majorum, quæ supra in Rubrica de Commemorationibus numerata sunt, in quibus nulla fit Commemoratio præcedentis. Semiduplici Festo concurrente cum sequenti alio Semiduplici, vel cum Dominica, a Capitulo fit de sequenti, et Commemoratio præcedentis, nisi aliter signetur. Eodem vero Semiduplici concurrente cum sequenti die infra Octavam, Vesperæ erunt de illo, cum Commemoratione Octavæ. Semiduplici autem concurrente cum sequenti Festo Simplici, vel cum Officio beatæ Mariæ in Sabbato, omnia de Semiduplici, cum Commemoratione sequentis.

5. Dominica concurrente cum sequenti Festo Semiduplici, et cum die infra Octavam, vel cum Festo Simplici, omnia de Dominica cum Commemoratione sequentis.

6. Die infra Octavam concurrente cum sequenti Dominica, a Capitulo fit de sequenti, cum Commemoratione Octavæ. Die vero infra Octavam concurrente cum sequenti Semiduplici, Vesperæ erunt de sequenti, cum Commemoratione Octavæ. Dies infra Octavam cum Simplici proprie non habet concursum, quia in sequenti die infra Octavam non fit de Simplici nisi Commemoratio, quæ et eadem ratione in præcedenti die infra Octavam fieri debet.

7. Die Octava concurrente cum alia die Octava, cæteris paribus, a Capitulo fit de sequenti, cum Commemoratione præcedentis, excepta Octava Corporis Christi concurrente cum Octava sancti Joannis Baptistæ, in qua de sequenti fit Commemoratio, etiam occurrente Festo Duplici primæ classis Sacratissimi Cordis Jesu, et quando aliter in propriis locis notatur. Die Octava concurrente cum sequenti Duplici minori, etiam translato, cæteris paribus, a Capitulo fit de sequenti, cum Commemoratione Octavæ (exceptis diebus Octavis Festorum primariorum beatæ Mariæ Virginis, etiam particularibus alicujus Religionis, sanctorum Angelorum, sancti Joannis Baptistæ, sancti Joseph Sponsi beatæ Mariæ Virginis et sanctorum Apostolorum, in quibus de sequenti fit tantum Commemoratio). Concurrente vero cum sequenti Duplici majori, etiam translato, totum Officium fit de sequenti cum Commemoratione Octavæ: excepta die Octava Epiphaniæ, Paschæ, Ascensionis, aliisque Festis primariis Domini, in quibus de sequenti fit tantum Commemoratio. Si autem sequens Festum, etiam translato, fuerit ex solemnioribus supra enumeratis in Rubrica de Commemorationibus, in secundo ordine num. 6, totum Officium fit de sequenti, cum Commemoratione Octavæ. Cæteris vero non paribus, quando dies Octava cum alia die Octava concurrat, Vesperæ integræ fiunt de illa, quæ est Festi potioris ritus, aut primarii, aut dignioris ratione personæ, cum Commemoratione alterius. Concurrente autem cum Festo Duplici, Vesperæ erunt, vel de die Octava, vel de Duplici cum Commemoratione alterius, prout de Octavis inter se concurrentibus dictum est; exceptis Octavis Festorum Domini et B. Mariæ Virginis, ut supra.

8. Simplex cum alio non potest concurrere in secundis Vesperis (licet cum ipso possit esse concursus in primis

Vesperis), quia non habet secundas Vesperas, sed ejus Officium terminatur ad Nonam, et deinceps nihil fit de eo, nec Commemoratio. Si sequatur aliud Simplex, Psalmi erunt de Feria occurrente in Psalterio ad Vesperas, et a Capitulo fit de sequenti Simplici sine ulla Commemoratione præcedentis. Si sequatur Officium novem Lectionum, Vesperæ totæ erunt de eo sine ulla similiter Commemoratione Simplicis præcedentis. Si nullum Festum sequatur, subintrat Officium de Tempore, et Vesperæ totæ erunt de Feria.

9. Feria non potest concurrere cum alio Officio in secundis Vesperis, neque cum ipsa potest esse concursus in primis Vesperis: quia ejus Officium incipit et desinit, ubi desinit et incipit quodcumque aliud Officium. Quamvis proprie (si ei dandum est principium) sequente Feria post aliam Feriam, ejus Officium incipiat a Matutino, et terminetur sequente alia Feria ad Completorium; et ideo si Feria sequatur aliam Feriam, in Vesperis præcedentis Feriæ nihil fit de sequenti, quoad ea, quæ in sequenti Feria sunt propria. Verbi gratia, si in Vesperis Feriæ tertiæ ante Feriam quartam Cinerum fiat de Feria, dicitur Oratio Dominicæ præcedentis, non autem ea quæ est propria in sequenti Feria quarta Cinerum; nec ante Orationem dicuntur Preces, quæ dicendæ sunt in dicta Feria quarta Cinerum. Quod etiam fit quando Feria per annum præcedit Feriam Quatuor Temporum, vel Vigiliarum. Hac etiam ratione superius dictum est in concurrentia aliorum Officiorum, cum Feria nullum Officium concurrere, et nihil fieri de Feria præcedenti, adveniente alio Officio. Si autem de ea aliquando fieri debeat Commemoratio in Vesperis, non fit ratione concursus, sed quia eo die, quo Officium Feriarum Adventus et Quadragesimæ impeditur, illarum Commemoratio ratione temporis ex præcepto Ecclesiæ prætermitti non debet.

10. Cum vero occurrit, ut Festum Simplex veniat in Feria quarta et sexta Quatuor Temporum, in Feria quarta Cinerum, et in Vigiliis quæ jejuntur, Vesperæ antecedentes (nisi ea die celebratum sit Festum novem Lectionum) erunt de Feria communi per annum, non autem de sequenti, ut dictum est, cum Commemoratione Festi Simplicis in sequenti Feria occurrentis. Quod ideo non fit, quia sequens Feria habeat primas Vesperas; sed quia cum Festum Simplex in sequenti die non habeat Officium propter Feriam prædictam in eo concurrentem, nec etiam convenit illud habere primas Vesperas in præcedenti die. Et eadem ratione,

si Festum Simplex occurrat Feria quinta in Cœna Domini, in qua de eo non debet fieri Commemoratio, nulla etiam fiet Commemoratio in Vesperis Feriæ quartæ præcedentis.

XII

De ordinando Officio ex prædictis Rubricis.

Si quis velit ex supradictis Rubricis ordinare Officium occurrentis diei, videat in Calendario et in Tabula Festorum mobilium, de quo fiat Officium sequenti die : et ut invenerit esse faciendum, sic ordinabit illud in Vesperis et aliis Horis nocturnis, et diurnis.

2. Si ordinandum sit Officium de Tempore, id est, de Dominica vel Feria, recurrendum est semper ad Psalterium, ubi ordinate ponitur quod est commune Officii de Tempore, cum distributione Psalmorum, et ad Proprium de Tempore, ubi Lectiones et Responsoria, quædam Antiphonæ et Orationes ponuntur, quæ desunt in Psalterio. Invitatorium, Hymni, Capitula, Versus, Responsoria breviter et Antiphonæ, quæ diversis temporibus ponuntur in Proprio, dicuntur loco eorum quæ sunt in Psalterio : cum vero propria non fuerint, dicuntur ut in Psalterio.

3. Si Officium sit ordinandum de Sancto, recurrendum est semper ad Commune Sanctorum (nisi proprium habeat in Proprio Sanctorum) : ubi pro qualitate Festi, si novem Lectionum, id est, Duplex, vel Semiduplex fuerit, omnia ordinate ponuntur, illis exceptis, quæ propria suis locis habentur. Si Festum fuerit trium Lectionum (Nocturno Feriæ et Lectionibus exceptis) omnia sumuntur de eodem Comuni. Tres Lectiones primi Nocturni in Officio novem Lectionum, et prima et secunda Lectio, vel prima tantum in Festis trium Lectionum, sumuntur de Scriptura in Officio de Tempore, nisi aliæ in propriis locis ponantur.

4. In majoribus Solemnitatibus et Festis per annum, totum Officium ordinatur ut in propriis locis ponitur.

5. In Festis beatæ Mariæ (exceptis iis, quæ propria in illis habentur) Hymni, novem Psalmi, et alia quædam requirenda sunt ex communi ejus Officio circa finem Breviarii, quod inscribitur : In Festis beatæ Mariæ Virginis per annum.

6. Modus inchoandi Officium, dicendi Invitatorium, Hymnos, Antiphonas et Versus, habetur in principio Psalterii. Cum vero Antiphonæ duplicandæ sunt, dicuntur integræ ante Psalmos, sicut in fine Psalmorum.

7. Modus dicendi Absolutiones et Benedictiones ante Lectiones, legendi

et terminandi Lectiones, dicendi Responsoria post Lectiones, ac Responsoria breviter post Capitula, habetur in prima Dominica de Adventu.

8. Quomodo sit inchoandum et terminandum Officium per Horas, habetur in Psalterio : quomodo terminandum per Antiphonas beatæ Mariæ, habetur in fine Completorii.

9. Sed ut hæc omnia facilius habeantur, positæ sunt sequentes Rubricæ de singulis Horis, earumque partibus distincte cognoscendis.

XIII

De Matutino.

Ad Matutinum hæc per ordinem regulariter dicuntur, secundum diversitatem Officii, nisi aliter in quibusdam diebus annotetur : *Pater noster*, *Ave Maria*, *Credo*, omnia secreto : deinde clara voce Hebdomadarius dicit, *Domine labia mea*, etc., pollice signando sibi os signo Crucis, *Deus in adiutorium*, etc., manu extensa signando se signo Crucis a fronte ad pectus, et a sinistro humero usque ad dexterum (quod servatur in principio omnium Horarum, cum dicitur, *Deus in adiutorium*) cum *Gloria Patri* et aliis, ut in principio Psalterii. Deinde dicitur Invitatorium conveniens Officio de Tempore, vel de Sancto, quod dicitur cum Psalmo *Venite, exsultemus*, eo modo quo in principio Psalterii describitur. Dicto Psalmo, et repetito Invitatorio, dicitur Hymnus, qui Officio de Tempore, vel de Sancto, convenit.

2. Postea in Duplicibus et Semiduplicibus dicuntur novem Psalmi (sed in Dominicis plures, ut in Psalterio) cum suis Antiphonis et Versibus, quæ Tempori, vel Festo conveniunt, et totidem Lectiones cum octo Responsoriis, aliquando cum novem, ut suis locis ponitur, per tres Nocturnos distinctos, hoc modo.

3. In primo Nocturno dicuntur tres Psalmi cum tribus Antiphonis, post singulos Psalmos una Antiphona : sed Tempore Paschali, id est, a Dominica in Albis usque ad Pentecosten (præterquam in Officio Ascensionis Domini) tres Psalmi cujusque Nocturni dicuntur sub una Antiphona : et in fine Psalmorum, post ultimam Antiphonam cujusque Nocturni, dicitur Versus ; postea *Pater noster*, *Et ne nos*, Absolutio *Exaudi*, Benedictio *Benedictione perpetua*, et aliæ ad singulas Lectiones, ut in prima Dominica de Adventu ordinantur. Deinde leguntur tres Lectiones de Scriptura, quæ per ordinem in Officio de Tempore occurrunt (nisi aliæ assignentur), et ad singulas Lectiones dicitur unum Responsorium conveniens

Officio: si de Tempore, ut in Proprio Temporis: si de Sancto, ut in Proprio Sanctorum; alioquin ut in Communi, etiamsi Lectiones primi Nocturni sint de Scriptura Officii de Tempore.

4. In fine ultimi Responsorii cuiusque Nocturni dicitur *Gloria Patri*, cum repetitione partis Responsorii, eo modo quo notatur in tertio Responsorio primæ Dominicæ de Adventu, nisi aliter in propriis locis signetur.

5. In secundo Nocturno dicuntur alii tres Psalmi, Antiphonæ, Versus, *Pater noster*, Absolutio *Ipsius pietas*, et ei consequentes Benedictiones, ut in dicta Dominica prima de Adventu: tres Lectiones de aliquo Sermone, aut de vita illius Sancti, de quo fit Officium, et ad quamlibet Lectionem unum Responsorium.

6. In tertio Nocturno alii tres Psalmi cum Antiphonis, ut supra: post tertiam Antiphonam, Versus, *Pater noster*, Absolutio, *A vinculis*, et Benedictiones consequentes ad singulas Lectiones, quæ erunt de Homilia Evangelii de Tempore, vel de Festo, secundum qualitatem Officii, ut in eadem prima Dominica de Adventu ponuntur. Post septimam et octavam Lectionem dicitur Responsorium Officio conveniens, id est, post quamlibet unum: aliquando autem dicitur etiam post nonam Lectionem, ut suis locis notatur: et in fine ultimi Responsorii, aut octavi, aut noni dicitur *Gloria Patri*, ut supra, nisi aliter signetur. Si non dicitur nonum Responsorium, post ultimam Lectionem dicitur Hymnus *Te Deum*.

7. In Officio trium Lectionum ad Matutinum, *Pater noster*, *Ave Maria*, *Credo*, *Domine labia*, etc. Invitatorium, et Hymnus in feriali Officio de Feria, si non sint in Proprio de Tempore, dicuntur ut in Psalterio: in Festis, de Festo, ut in Communi Sanctorum: deinde Nocturnum Feriæ, ut in Psalterio, id est, duodecim Psalmi cum sex Antiphonis, et Tempore Paschali cum una Antiphona *Alleluia*: qui dicuntur tam in Officio feriali, quam in Festis Simplicibus.

8. Post Psalmos et Antiphonas dicitur Versus, in feriali Officio, ut in Psalterio: in Festis, ut in Communi Sanctorum: qui in Festis sumitur secundum Ferias ex Nocturno Communis, unde sumuntur Responsoria, ut dicetur infra in Rubricis de Versibus et Responsoriis. Post Versum dicitur *Pater noster*, Absolutio et Benedictiones, ut habetur infra in Rubrica de Absolutionibus et Benedictionibus. Tres Lectiones (si non adsit Homilia) singulæ in Officio feriali dicuntur de Scriptura, quæ eo die occurrit in Proprio de Tempore: si adsit

Homilia, singulæ tres de Homilia. In Festis, prima et secunda de eadem Scriptura, tertia de Sancto. Si fuerint duæ Lectiones de Sancto, prima tantum erit de Scriptura, reliquæ de Sancto.

9. Post singulas Lectiones in Feriis extra Tempus Paschale dicitur unum Responsorium, ita ut dicantur tria Responsoria: Tempore vero Paschali, et in Festis, duo tantum Responsoria dicuntur, scilicet post primam et secundam Lectionem tantum. In fine ultimi Responsorii, secundi scilicet, aut tertii, dicitur *Gloria Patri*, cum repetitione partis Responsorii, nisi aliud notetur. Quæ Responsoria in Officio de Sanctis sumuntur ex Communi Sanctorum: in feriali Officio ex Dominicis, quando propria per Ferias non distribuuntur, ordine descripto in Rubrica de Responsoriis. Quando non dicitur tertium Responsorium, post tertiam Lectionem, dicitur Hymnus *Te Deum*.

XIV

De Laudibus.

AD Laudes, dicto Hymno *Te Deum*, vel ultimo Responsorio, Hebdomadarius absolute dicit, *Deus in adiutorium*, etc., ut supra, et dicuntur Psalmi, et Canticum *Benedicite*, vel aliud, ut habetur in feriali Officio, extra Tempus Paschale, cum Antiphonis Officio convenientibus. Qui Psalmi et Canticum in Dominicis per annum (exceptis Dominicis a Septuagesima usque ad Dominicam Palmarum inclusive) et in feriali Officio Temporis Paschalis, ac in Festis tam novem, quam trium Lectionum, dicuntur de Dominica, ut in Psalterio. In prædictis vero Dominicis a Septuagesima usque ad Dominicam Palmarum inclusive, dicuntur ut suis locis ponitur. In feriali Officio per annum, extra Tempus Paschale, dicuntur ut in Psalterio.

2. Antiphonæ in Dominicis, quando propriæ non assignantur, dicuntur ut in Psalterio. In Festis novem et trium Lectionum, si non adsint propriæ, dicuntur de Communi. Post Psalmos dicitur Capitulum, Hymnus, Versus, Antiphona ad Canticum *Benedictus*, cum eodem Cantico, et Oratio: omnia pro qualitate Officii de Tempore, vel de Festo.

3. Preces, quando dicendæ sunt, dicuntur ante primam Orationem. Commemorationes vero de Cruce, de sancta Maria, de sancto Joseph, de Apostolis, de Patrono et de Pace, similiter quando dicendæ sunt, dicuntur post Orationem, nisi alia Commemoratio Festi Simplicis vel ad instar Simplicis occurrat, quæ semper prædictas Commemorationes

præcedit, de quibus in propriis Rubricis dicitur.

4. Ante Orationem dicitur *Dominus vobiscum*, et *Oremus*: post ultimam Orationem repetitur *Dominus vobiscum*; deinde, *Benedicamus Domino*, et *ŷ. Fidelium animæ, Pater noster, Dominus det nobis suam pacem*, et Antiphona beatæ Mariæ, ut habetur in fine Completorii, si tunc discedendum sit a Choro: alioquin in fine ultimæ Horæ, nisi sequatur Missa, vel Officium Defunctorum, vel Psalmi Pœnitentiales, aut Litanie, ut in propria Rubrica dicitur.

XV

De Prima.

Ad Primam, *Pater noster, Ave Maria, Credo*, secreto, *Deus in adiutorium*, etc. Hymnus *Jam lucis orto sidere*: deinde inchoatur Antiphona, quæ convenit. Sumuntur autem Antiphonæ in Festis ad omnes Horas ex Laudibus per ordinem, quarta prætermissa, ut dicitur infra in Rubrica de Antiphonis. Postea dicuntur Psalmi, qui in Dominicis et Feriis dicuntur ut in Psalterio. In Festis autem, et Tempore Paschali, tres tantum, ut etiam ibi adnotatur.

2. Post Antiphonam dicitur Capitulum *Regi sæculorum*. In feriali Officio extra Tempus Paschale dicitur Capitulum *Pacem*, deinde Responsorium breve *Christe Fili Dei vivi*, etc. Post Responsorium breve in Officio Duplici, et infra Octavas, statim dicitur Oratio *Domine Deus omnipotens*. In alio Officio dicitur *Kyrie eleison* cum reliquis Precibus: omnia ut in Psalterio. Ad Versum autem *Adjutorium*, Hebdomadarius signat se signo Crucis a fronte ad pectus. Quando aliquis solus recitat Officium, semel tantum dicit *Confiteor*, omittis illis verbis: *Tibi pater, vel vobis fratres, et te pater, vel vos fratres*, et similiter dicit *Misereatur nostri... peccatis nostris, perducatur nos*, quod etiam servatur ad Completorium. In feriali Officio, quando dictæ sunt Preces ad Laudes, adduntur aliæ Preces, ut ibidem in Psalterio.

3. Post Orationem Primæ, vel si dicatur Officium beatæ Mariæ, post illius Orationem, dicto *Benedicamus*, in Choro legitur Martyrologium; deinde dicitur *Pretiosa* cum reliquis: quæ etiam dicantur ab iis, qui extra Chorum non legerint Martyrologium. In fine ad Absolutionem Capituli, in Festis et aliquibus diebus, pro Lectione brevi dicitur Capitulum Nonæ, si adsit proprium, alioquin de Communi: alio tempore, tam in Dominicis, quam Feriis, Lectio

brevis Officio illius temporis in Psalterio assignata.

XVI

De Horis Tertia, Sexta et Nona.

Ad Tertiam, Sextam, et Nonam, ante singulas Horas dicitur *Pater noster, Ave Maria, Deus in adiutorium*. Hymnus et Psalmi, ut in Psalterio: Antiphonæ secundum Officii qualitatem, ordine quo supra. Dictis Psalmis et Antiphona, dicitur Capitulum et Responsorium breve pro qualitate Officii: quæ in Dominicis, et Feriis, quando non habentur propria in Proprio de Tempore, dicuntur ut in Psalterio: in Festis, si in Proprio Sanctorum non sint propria, sumuntur de Communi. Post Responsorium breve dicitur *Dominus vobiscum*, et Oratio, quæ habetur in Proprio de Tempore: si autem fit de Sancto, ut in Proprio Sanctorum: alioquin ut in Communi.

2. Post Orationem repetitur *Dominus vobiscum*, et dicitur *Benedicamus Domino, Fidelium animæ, et Pater noster*, secreto, ut infra in Rubrica de Oratione Dominica explicatur.

XVII

De Vesperis.

Ad Vesperas, *Pater noster, Ave Maria, Deus in adiutorium*, etc. Deinde dicuntur quinque Psalmi cum quinque Antiphonis, ut in Proprio, aut Communi Sanctorum signantur. In Dominicis autem, et Feriis, Antiphonæ et Psalmi semper dicuntur ut in Psalterio (ubi etiam Tempore Paschali Psalmi dicuntur sub una Antiphona *Alleluia*), nisi aliæ propriæ Antiphonæ vel Psalmi (ut in Dominicis Adventus, et triduo ante Pascha) assignentur.

2. Post Psalmos et Antiphonas dicitur Capitulum, Hymnus, Versus, Antiphona ad *Magnificat* cum eodem Cantico; et Oratio; omnia de Tempore, vel de Sancto, pro qualitate Officii.

3. Preces, quando dicendæ sunt, dicuntur ante Orationem; Commemorationes vero de Cruce, S. Maria, S. Joseph, Apostolis, Patrono, et Pace, post Orationem, ut in propriis Rubricis habetur. Terminatur autem Officium Vesperarum ut in aliis Horis.

XVIII

De Completorio.

Ad Completorium absolute dicitur *Lectio* brevis, ut in Psalterio: deinde *Pater noster, Confiteor, Misereatur, Indulgentiam, Convertte, Deus in adiutorium*, Antiphona, Psalmi, Hymnus,

Capitulum, Responsorium breve, Canticum cum Antiphona; omnia ut in fine Psalterii; et post Antiphonam in Duplicibus et infra Octavas dicitur Oratio; in alio autem Officio ante Orationem dicitur *Kyrie eleison*, cum reliquis precibus, ut ibidem in Psalterio.

2. Post Versum *Benedicat et custodiat nos*, etc., dicitur una ex Antiphonis beatæ Mariæ, cum Versiculo et Oratione, ut ibidem: et dicto Versu *Divinum auxilium*, dicitur secreto *Pater noster*, *Ave Maria*, et *Credo*.

XIX

De Invitatorio.

INVITATORIUM semper dicitur in omni Officio ad Matutinum cum Psalmo *Venite, exsultemus*, ordine in principio Psalterii descripto: sed variatur pro Officii qualitate, ut in Psalterio, et Proprio de Tempore, ac in Proprio, et Communi Sanctorum.

2. Non dicitur in die Epiphaniæ, nec in triduo ante Pascha, ut suis locis notatur, nec in Officio Defunctorum per annum, excepto die Commemorationis omnium fidelium Defunctorum, ac in die obitus seu depositionis Defuncti, et quandocumque dicuntur tres Nocturni.

XX

De Hymnis

HYMNUS semper dicuntur in qualibet Hora, præterquam a triduo ante Pascha usque ad Vesperas Sabbati in Albis exclusive, et præterquam in Officio Defunctorum.

2. Ad Matutinum Hymnus dicitur post Psalmum *Venite*, repetito Invitatorio, præterquam in die Epiphaniæ. Ad Laudes et Vesperas dicitur post Capitulum: ad Horas ante Psalmos, ad Completorium post Psalmos et Antiphonam.

3. Dicuntur autem in Officio de Tempore ut in Psalterio, quando proprii Hymni in Proprio de Tempore non adsunt: qui Hymni de Psalterio in Dominicis, et Feriis assignati dicuntur ab Octava Pentecostes usque ad Adventum (Dominica infra Octavam Corporis Christi excepta) et ab Octava Epiphaniæ usque ad Dominicam primam Quadragesimæ exclusive. In Officio de Sanctis dicuntur ut in Communi Sanctorum, nisi proprii in Proprio Sanctorum habeantur. Quando in aliquo Festo adsint tres Hymni proprii historici, et Hymnus proprius in primis Vesperis dici nequeat, tunc hic Hymnus dicitur ad Matutinum, Hymnus Matutini ad Laudes, ac Hymnus Laudum ad secundas Vesperas; si vero secundæ Vesperæ

non sint de hoc Festo, tunc Hymnus Vesperarum conjungitur cum Hymno Matutini sub unica conclusione.

4. In Nativitate Domini usque ad Epiphaniam, in Festo Corporis Christi et per Octavam, et quandocumque fit Officium beatæ Mariæ tam novem, quam trium Lectionum, etiam Tempore Paschali, in fine omnium Hymnorum (præterquam in fine Hymni *Ave maris stella*, et Hymni ad Laudes in Festo Corporis Christi, atque Hymnorum in Festo Septem Dolorum beatæ Mariæ Virginis mense Septembri, qui habent ultimum versum proprium) dicitur *Jesu tibi sit gloria, Qui natus es de Virgine etc.*, ut in ejus Officio per annum, etiam si dicantur Hymni de Sanctis, qui infra Octavas prædictas celebrantur, dummodo Hymni illi sint ejusdem metri, nec habeant ultimum versum proprium, ut Hymnus sanctæ Crucis ad Vesperas, et plurimorum Martyrum ad Matutinum.

5. In Epiphania Domini, et per Octavam, in fine omnium Hymnorum dicitur *Jesu tibi sit gloria, Qui apparuisti Gentibus*.

6. A Dominica in Albis usque ad Ascensionem, in Pentecoste, et per Octavam, in fine omnium Hymnorum dicitur *Deo Patri sit gloria, Et Filio qui a mortuis*; etiam in Festis Sanctorum eodem Tempore Paschali occurrentium; dummodo Hymni sint ejusdem metri, nec habeant ultimum versum proprium, qui non mutatur, ut supra.

7. In Ascensione autem usque ad Pentecosten (præterquam in Hymno *Salutis humanæ Sator*) dicitur *Jesu tibi sit gloria, Qui victor in cælum redis*: similiter etiam in Festis tunc occurrentibus.

8. In Transfiguratione Domini dicitur *Jesu tibi sit gloria, Qui te revelas parvulis*. Aliis temporibus terminantur Hymni, ut suis locis ponitur.

XXI

De Antiphonis.

AD omnes Horas nocturnas et diurnas semper cum Psalmis dicuntur Antiphonæ, vel una, vel plures, pro diversitate Officii, et Horarum.

2. Si de Tempore fiat Officium, id est, de Dominica, aut Feria, dicuntur Antiphonæ ut in Psalterio, quæ cum Psalmis positæ in Vesperis Dominicæ et Feriarum, in Completorio, et in Nocturnis (etiam quando fit Officium de Festo trium Lectionum, id est, Simplici) numquam mutantur, nisi Tempore Paschali, in quo dicitur una tantum Antiphona *Alleluia*; excepto etiam tempore Adventus, in quo ad Vesperas, et No-

clurnos Dominicæ ponuntur Antiphonæ propriæ. In Laudibus, et aliis Horis mutantur pro diversitate temporum ut in Proprio de Tempore habentur : cum vero non assignantur propriæ, semper dicuntur quæ positæ sunt in Psalterio.

3. Antiphonæ, quæ in Proprio de Tempore pro Sabbatis ponuntur ad *Magnificat* pro prima Dominica alicujus mensis, sumendæ sunt ex ea Dominica, quæ est proximior Kalendis, vel est in Kalendis illius mensis; ut dictum est supra in Rubrica de Dominicis, ac etiam in Rubrica mensis Augusti; et semper in Sabbato ponitur Antiphona ad *Magnificat*, quæ contigua est libro Scripturæ in Dominica ponendo.

4. In Festis novem Lectionum ad Vesperas dicuntur Antiphonæ de Laudibus, nisi propriæ in Vesperis assignentur. Ad Horas similiter, tam in Officio de Tempore, quam de Sanctis, quando habentur propriæ in Laudibus, et aliæ propriæ non fuerint ad Horas, sumuntur ex Laudibus, quarta prætermissa, hoc ordine : Ad Primam, prima; ad Tertiam, secunda; ad Sextam, tertia; ad Nonam, quinta.

5. In Feriis Adventus, quæ non habent in Laudibus Antiphonas proprias, sumuntur ad Horas ex Laudibus Dominicæ præcedentis. Ubi vero in Laudibus Feriarum fuerint propriæ, sumuntur ex ipsis Laudibus.

6. Tempore Paschali, in Officio tam novem, quam trium Lectionum, Psalmi cujuslibet Nocturni dicuntur sub unica Antiphona, quæ Officio convenit, ut suis locis ponitur : et in fine omnium Antiphonarum additur *Alleluia*, quando in illis non habetur. A Septuagesima usque ad Pascha, ubi habetur *Alleluia*, tacetur; neque aliud ejus loco dicitur.

7. In Duplicibus ad Vesperas, Matutinum et Laudes tantum, Antiphonæ dicuntur ante Psalmos vel Cantica integræ, et post Psalmos vel Cantica integræ repetuntur: in aliis Horis, et in Officio non Duplici, in principio Psalmi vel Cantici, inchoatur tantum Antiphona, deinde in fine integra dicitur. Et quando Antiphona sumitur ex principio Psalmi vel Cantici, et incipit sicut Psalmus vel Canticum, post Antiphonam non repetitur principium Psalmi vel Cantici; sed continuatur quod sequitur in Psalmo vel Cantico, ab eo loco, ubi secundum ritum diei desinit Antiphona, nisi discontinuetur per *Alleluia*.

8. Antiphonis propriis, tam in Officio de Tempore, quam de Sanctis, semper cedunt quæ habentur in Psalterio, et in Communi Sanctorum.

9. Quando fit aliqua Commemoratio, semper dicitur Antiphona ante Oratio-

nem cum Versu, quæ sumitur ex Officio, quod convenit ei, de quo fit Commemoratio; ita ut in Vesperis sumatur Antiphona, quæ assignatur ad *Magnificat*; in Laudibus, quæ ad *Benedictus*, cum Versibus qui habentur post Hymnum.

10. Antiphonæ sanctæ Mariæ positæ in fine Completorii, dicuntur ut inferius in propria Rubrica disponitur.

XXII

De Psalmis.

P SALMI in Officio de Tempore per omnes Horas in Dominicis, et Feriis dicuntur eo modo, quo distributi sunt in Psalterio : nisi aliquando aliter in Proprio de Tempore signetur. In Festis autem dicuntur, ut in propriis locis signantur : alioquin, ut in Communi Sanctorum.

2. Psalmi ad Laudes de Dominica, cum Cantico *Benedicite*, dicuntur in omnibus Festis per annum, et in Feriis Temporis Paschalis.

3. Psalmus *Confitemini* dicitur ad Primam cum aliis Psalmis in Psalterio assignatis, in omnibus Dominicis (quando Officium fit de Dominica, ut in Psalterio, etiam in Dominicis, quæ occurrunt infra Octavas Sanctorum) a tertia Dominica post Pentecosten inclusive, usque ad Nativitatem Domini exclusive: et a secunda Dominica post Epiphaniam inclusive, usque ad Septuagesimam exclusive; a Septuagesima autem usque ad Pascha, ejus loco dicitur Psalmus *Dominus regnavit*, quia Psalmus *Confitemini* tunc dicitur ad Laudes post Psalmum *Miserere*, ut suo loco ponitur. In Dominicis vero Temporis Paschalis, a Dominica in Albis inclusive, usque ad Ascensionem exclusive, dicuntur tantum tres Psalmi sicut in Festis, addito Symbolo sancti Athanasii. Alii Psalmi per singulas Ferias distributi ad Primam, dicuntur singuli loco Psalmi *Confitemini*, in feriali tantum Officio, quando de Feria agitur extra Tempus Paschale. In Feriis vero Temporis Paschalis, in Festis per annum, et in Sabbato, sive de sancta Maria, sive de Feria fiat Officium, dicuntur tantum tres Psalmi, scilicet : *Deus in nomine tuo*, *Beati immaculati*, et *Retribuæ*, etiamsi Festum Duplex celebretur in Dominica.

4. In Dominicis autem, quando Officium fit de Dominica ut in Psalterio, post Psalmos additur semper Symbolum sancti Athanasii *Quicumque*, ut infra in propria Rubrica dicitur.

5. Psalmi Horarum; scilicet ad Tertiam, Sextam, et Nonam, et ad Completorium, numquam mutantur, ut in

Psalterio, sive de Sanctis, sive de Tempore fiat Officium.

6. Psalmi de Dominica ad Vesperas, ut plurimum dicuntur in Vesperis Festorum, excepto ultimo, qui mutatur : cum vero aliter fieri debet, suis locis notatur. In Vesperis infra Octavam dicuntur Psalmi ut in secundis Vesperis Festi : sed in primis Vesperis diei Octavæ dicuntur ut in primis Vesperis Festi, nisi aliter notetur.

7. In fine Psalmorum semper dicitur *Gloria Patri*, præterquam in Psalmo *Deus Deus meus ad te de luce vigilo*, et in Psalmo *Laudate Dominum de cælis*, qui conjunguntur cum aliis Psalmis, et in fine ultimi tantum dicitur *Gloria Patri*, ut suis locis notatur. Præterea non dicitur in triduo majoris Hebdomadæ ante Pascha, nec in Officio Defunctorum, cujus loco pro Defunctis dicitur *Requiem æternam dona eis Domine*, etiamsi fiat Officium pro uno tantum.

8. Ut sacræ Vulgatæ editionis puritas inconfusa et illibata servetur, etiam quoad interpunctiones et distinctiones in sacris Bibliis appositæ, additus est Asteriscus *, ut sit nota musicæ partitionis in medio Versu.

XXIII

De Canticis.

CANTICA dicuntur in Officio de Tempore, tam de Dominicis, quam Feriis, ad Laudes, Vesperas et Completorium, ut in Psalterio distribuuntur.

2. In Festis, et Tempore Paschali ad Laudes semper dicitur Canticum *Benedicite*, ut in Dominica; et in fine ejus non dicitur *Gloria Patri*, sicut in aliis Canticis dicitur, nec respondetur *Amen*. Alia Cantica ferialia, ut in Psalterio, ad Laudes non dicuntur, nisi quando fit Officium de Feria extra Tempus Paschale.

3. Canticum *Benedictus*, *Magnificat*, et *Nunc dimittis*, semper dicuntur suo loco, ut in Psalterio.

XXIV

De Versibus.

VERSUS semper dicuntur ad Matutinum post ultimum Psalmum et Antiphonam Nocturnorum : sive in Officio dicantur tres Nocturni, sive unus. Ad Laudes et Vesperas Versus dicitur post Hymnum : ad Horas dicitur in Responsorio brevi, post repetitionem partis Responsorii, dicto *Gloria Patri*.

2. In Pascha Resurrectionis et per Octavam usque ad Vesperas Sabbati in Albis exclusive, in Nocturno tantum dicitur Versus, in aliis Horis non dicitur, ut ibidem.

3. Quando fit aliqua Commemoratio, semper post Antiphonam ejus, de qua fit Commemoratio, dicitur Versus, qui in ejus Officio ponitur post Hymnum Vesperarum et Laudum, nisi aliter notetur.

4. Versibus prædictis Tempore Paschali semper additur *Alleluia* : non autem Versibus Precum, nec in *Pretiosa* ad Primam, neque in Versibus Responsoriorum Matutini.

5. In Officio Festi trium Lectionum, post omnes Psalmos ferialles cum Antiphonis dicitur Versus de Comuni Sanctorum, hoc ordine : Feria secunda et quinta, Versus primi Nocturni : Feria tertia et sexta, Versus secundi Nocturni : Feria quarta, Versus tertii Nocturni.

6. Versus positi in Psalterio ad Laudes et Vesperas semper dicuntur, quando alii proprii non assignantur in Proprio de Tempore.

XXV

De Absolutionibus et Benedictionibus ante Lectiones.

ABSOLUTIONES et Benedictiones dicuntur per ordinem in Officio novem Lectionum ante Lectiones, ut in prima Dominica de Adventu ponuntur, scilicet, post Versum, dicto *Pater noster*, *Et ne nos*, dicitur Absolutio, et Benedictiones, ut ibi : præterquam in Matutinis Tenebrarum majoris Hebdomadæ, et in Officio Defunctorum, in quibus Absolutio et Benedictiones non dicuntur.

2. Si fiat Officium trium Lectionum, et sit de Feria, in qua singulæ tres Lectiones sunt de Scriptura, Absolutio et Benedictiones sumuntur ex prima Dominica de Adventu, hoc ordine : Feria secunda et quinta dicuntur Absolutio et Benedictiones primi Nocturni ; Feria tertia et sexta, secundi Nocturni ; Feria quarta et Sabbato, tertii Nocturni.

3. Si autem singulæ tres Lectiones sint de Homilia supra Evangelium, Absolutio dicitur secundum Ferias, ut supra : Benedictiones vero semper dicuntur ut in tertio Nocturno, scilicet : prima Benedictio erit *Evangelica lectio* : secunda, *Divinum auxilium* : tertia, *Ad societatem*. Si fit de Sancto trium Lectionum, Absolutio dicitur secundum Ferias, ut supra : Benedictiones vero semper dicuntur ut in tertio Nocturno, hoc modo : prima, *Ille nos benedicat* : secunda, *Cujus*, vel *Quorum*, vel *Quarum Festum colimus* ; tertia, *Ad societatem*.

4. Quando fit Officium sanctæ Mariæ in Sabbato, Absolutio et Benedictiones

dicuntur, ut habentur in ejus Officio parvo circa finem Breviarii.

XXVI

De Lectionibus.

LECTIONES leguntur ad Matutinum. dictis Psalmis Nocturnorum cum Antiphonis, Versibus, Absolutionibus quoque, et Benedictionibus, ut supra. In Duplicibus et Semiduplicibus dicuntur novem Lectiones, id est, in quolibet Nocturno tres : in Feriis, et in Festis Semiduplicibus leguntur tantum tres Lectiones.

2. In Officio novem Lectionum dicuntur hoc modo. In primo Nocturno semper leguntur tres Lectiones de Scriptura : quæ, quando suis locis propriæ, aut de Comuni Sanctorum non assignantur, semper leguntur ut in Officio de Tempore; quæ sua quaque die occurrunt legendæ. In secundo Nocturno, si fit de Sancto, tres Lectiones leguntur de vita Sancti, vel de aliquo Sermone, aut Tractatu, qui ei convenit : quæ, si non adsint propriæ, leguntur ex Comuni Sanctorum. Ex quo etiam Comuni completur numerus trium Lectionum, quando Officium fit novem Lectionum de aliquo Sancto, qui habet tantum unam vel duas Lectiones proprias. Si fit de Dominica, vel de alio Officio novem Lectionum per annum, etiam de Octava, leguntur tres Lectiones de Sermone, aut Tractatu, qui in illis ponitur. In tertio Nocturno semper leguntur tres Lectiones de Homilia in Evangelium, positæ in Proprio, aut ex Comuni assignatæ : et primæ Lectioni de Homilia semper præponitur principium Evangelii, de quo est Homilia, etiam infra Octavas. Excipiuntur ab hoc ordinario Lectionum Matutina Tenebrarum ante Pascha, et Defunctorum, ut in suis Officiis ponitur.

3. Si in Officio novem Lectionum, in quo non dicitur novum Responsorium, contingat fieri Commemorationem de aliquo Sancto, qui propriam habet Lectionem, nona Lectio legitur de Sancto : si habuerit duas Lectiones, ex duabus fiat una Lectio, omissa nona Lectio in dicto Officio novem Lectionum vel octavæ Lectioni adjuncta. Item de Festo Duplici aut Semiduplici, si fiat tamquam Simplex, legitur nona Lectio composita ex omnibus Sancti Lectionibus historicis secundi Nocturni, ut supra dictum est in Rubrica de Commemorationibus num. 10. Quod si eodem die occurrat Dominica, vel Feria quæ habeat Homiliam, nona Lectio Sancti omittitur, et ejus loco legitur Homilia Dominicæ, vel Feriæ; scilicet

vel prima Lectio de Homilia, vel tres simul in unam Lectionem conjunctæ. Similiter si plures occurrant nonæ Lectiones propriæ de Sanctis, legitur tantum illa dignioris.

4. In Officio trium Lectionum, si fit de Feria, tres Lectiones leguntur de Scriptura, nisi tres sint de Homilia, quia tunc omissis Lectionibus de Scriptura, leguntur de Homilia. Si fit de Sancto, qui habeat duas Lectiones, prima tantum erit de Scriptura, ut vel legatur una, vel ex tribus simul junctis fiat una; secunda et tertia de Sancto. Si unam tantum habuerit, vel propriam, vel ex Comuni assignatam, prima et secunda erunt de Scriptura, tertia de Sancto : quod etiam servatur in Officio beatæ Mariæ in Sabbato.

5. Lectiones autem de Scriptura in Officio de Tempore sic distributæ sunt per annum, ut quotidie aliquid ex ea legatur, etiam in Officio de Sanctis, quando aliæ (ut dictum est) non assignantur.

6. Initia librorum sacræ Scripturæ (qui fere semper in Dominicis inchoantur) eo die ponuntur, quo notata sunt, etiamsi fiat Officium de Sancto, nisi in Festo aliæ propriæ Lectiones de Scriptura, vel de Comuni assignentur : tunc enim initium Lectionis de Scriptura transfertur in sequentem diem similiter non impeditur; et Lectiones illi diei de eadem Scriptura assignatæ vel cum superioribus Lectionibus legantur, vel omittantur : ita ut non oporteat eas amplius in alio sequenti die resumere, sed illæ legantur, quæ sua quaque die occurrunt, aut cum eisdem jungantur. Quod semper servetur, quando Lectiones occurrentes de Scriptura aliquo die omittuntur.

7. Cum autem initium alicujus Epistolæ catholicæ Tempore Paschali, aut alicujus Prophetæ minoris mense Novembri, infra Hebdomadam illorum temporum impeditur aliquo Festo novem Lectionum habente proprias Lectiones de Scriptura, dictum initium Epistolæ et Prophetæ, quoad commode fieri poterit, ponatur in sequenti Feria, alio simili initio Scripturæ ponendo, vel Festo non impedita; alioquin in præcedenti similiter non impedita, ita ut aliquo modo ponatur, etiamsi plura initia eodem die poni oporteat.

8. De Scriptura quoque tantum est positum, quantum satis videtur pro numero Hebdomadarum, quæ esse possunt inter Epiphaniam et Septuagesimam, et inter Pentecosten et Adventum. Ubi vero contingit minui numerum Dominicarum et Hebdomadarum post Epiphaniam, adveniente Dominica Septuagesimæ, quod superest de Epi-

stolis beati Pauli, quæ distributæ sunt pro numero dictarum Dominicarum et Hebdomadarum, eo anno omittitur, quamvis de aliquibus Epistolis nihil sit lectum. Quod etiam fit de Scriptura ex libris Regum (de quibus legitur ab Octava Pentecostes usque ad Dominicam primam Augusti), cum non expletur numerus Dominicarum post Pentecosten de eis libris annotatus usque ad mensem Augusti; quia tunc, Lectionibus de his libris omissis, legitur de Scriptura, quæ ponitur mense Augusti. Quod si fiat de aliqua Dominica post Epiphaniam anticipata in Feria, eo modo quo dictum est de Dominicis num. 4 et 5; tunc post Officium Dominicæ anticipatæ, in sequentibus diebus legatur de Epistolis sancti Pauli assignatis Dominicæ anticipatæ, et sequentibus Feriis, omissis aliis, quæ sunt assignatæ præcedenti Hebdomadæ. Quid autem observandum sit, cum mensis, cui quinque Dominicæ assignantur, non habuerit nisi quatuor, in propriis locis notatur.

9. Lectiones de Scriptura positæ in Communi Sanctorum leguntur in Festis, ubi assignantur in Proprio Sanctorum per annum. Rursus, quando aliquod Festum in propria Ecclesia solemniter celebratur: item, quando aliquod Festum novem Lectionum occurrit in Quadragesima, et Quatuor Temporibus, in secunda Feria Rogationum, et in Vigilia Ascensionis, in quibus Feriis in Officio de Tempore non assignantur Lectiones de Scriptura, sed de Homilia; tunc enim in Festis recurrendum est ad Lectiones de Scriptura positas in Communi Sanctorum. Quod si in aliquibus ex supradictis Feriis occurrat dies Octava aliqujus Festi habentis Octavam, tunc in primo Nocturno diei Octavæ repetantur Lectiones, quæ in primo Nocturno Festi lectæ fuerunt: si vero occurrat dies infra Octavam, tunc sumantur de Communi. Aliæ Lectiones secundi et tertii Nocturni positæ in Communi Sanctorum similiter leguntur, quando in Proprio Sanctorum assignantur, et quando in aliqua Ecclesia aliquod Festum celebratur cum novem Lectionibus (quia in ea est solenne, aut consuetum in ea celebrari), quod proprias et approbatas de Festo Lectiones non habuerit.

10. Lectiones primi Nocturni leguntur cum titulo libri, ex quo sumuntur, nisi aliter in propriis locis notetur. Lectiones etiam secundi Nocturni, quando sunt ex aliquo Sermone vel Tractatu, leguntur cum titulo et nomine Auctoris; alias minime. Et similiter in tertio Nocturno præponitur titulus auctoris cujus est Homilia.

11. In fine cujusque Lectionis dicitur *Tu autem Domine miserere nobis.* et respondetur *Deo gratias.* Quod etiam fit in Lectionibus brevibus in principio Completorii, et in fine Primæ post *Pretiosa*, præterquam in triduo majoris Hebdomadæ ante Pascha, et in Officio Defunctorum, ut suis locis ponitur.

XXVII

De Responsoriis post Lectiones.

RESPONSORIA dicuntur ad Matutinum post Lectiones: id est, post quamlibet Lectionem dicitur unum Responsorium, ut infra.

2. In Festis novem Lectionum (præterquam in Festo sanctorum Innocentium, quando non venerit in Dominica), et in Dominicis ab Octava Paschæ inclusive, usque ad Adventum exclusive, et a Dominica infra Octavam Nativitatis inclusive, usque ad Septuagesimam exclusive, dicuntur octo tantum Responsoria; et in fine tertii, sexti, et octavi, dicitur *Gloria Patri*, cum repetitione partis Responsorii: quod regulare est in fine ultimi Responsorii cujuslibet Nocturni, tam in Officio novem quam trium Lectionum: excepto Tempore Passionis, quo Tempore, loco *Gloria Patri*, repetitur Responsorium a principio: excepto etiam Officio Defunctorum, in quo illius loco dicitur *Requiem æternam*, etc. Qui Versus *Gloria Patri* quibusdam diebus dicitur in primo Responsorio, ut in propriis locis annotatur. Post nonam Lectionem prædictis diebus, quando octo tantum dicuntur Responsoria, immediate dicitur Hymnus *Te Deum*.

3. In Dominicis Adventus, et in Dominicis a Septuagesima usque ad Dominicam Palmarum inclusive, et in triduo ante Pascha, dicuntur novem Responsoria, quia tunc non dicitur *Te Deum*.

4. In Officio autem trium Lectionum, quando fit de Festo, et in Feriis Temporis Paschalis, quod est inter Dominicam in Albis et Ascensionem (excepta Feria secunda Rogationum, in qua ponitur tertium Responsorium), dicuntur duo Responsoria, quia post tertiam Lectionem dicitur *Te Deum*. Quæ Responsoria in Festis sumuntur de Communi Sanctorum, et in dictis Feriis Temporis Paschalis, quando alia propria non assignantur, sumuntur de Dominica in qua primo sunt posita, hoc ordine: secunda et quinta Feria, primum et secundum Responsorium primi Nocturni; Feria tertia et sexta, primum et secundum Responsorium secundi Nocturni; Feria quarta, primum et secundum Responsorium tertii Nocturni.

5. In aliis Feriis extra Tempus Pa-

schale dicuntur tria Responsoria (quia in illis non dicitur *Te Deum*), hoc ordine : Feria secunda et quinta, tria Responsoria primi Nocturni : Feria tertia et sexta, tria Responsoria secundi Nocturni : Feria quarta et Sabbato, quando in eo fit de Feria, tria Responsoria terti Nocturni Dominicæ præcedentis, in qua primo sunt posita. Verum quia in tertio Nocturno Dominicarum a tertia post Pentecosten inclusive, usque ad Adventum exclusive, non habetur nisi unum Responsorium dicendum infra Hebdomadam, quod est septimum in Dominica (propterea quod Responsorium *Duo Seraphim* non dicitur nisi in prædictis Dominicis); ideo Feria quarta et Sabbato, quando Responsoria sumenda erunt ex tertio Nocturno, primum Responsorium erit quod est septimum Dominicæ : secundo et tertio loco dicitur secundum et tertium sequentis Feriæ, id est, post secundam et tertiam Lectionem dicitur secundum et tertium Responsorium, quod est secundum et tertium secundæ sequentis Feriæ, si propria Responsoria habuerit; alioquin, si non habuerit propria, dicitur secundum et tertium Responsorium primi Nocturni ejusdem Dominicæ. Ab Octava Epiphaniæ usque ad Septuagesimam habentur Responsoria propria in singulis Feriis, excepto Sabbato, in quo, quando fit de Feria, dicuntur Responsoria Feriæ quartæ.

6. Sumuntur autem Responsoria ex eo loco, ubi primo sunt posita in principio mensis, vel libri, et repetuntur in aliis sequentibus Dominicis illius mensis in quibus alia non assignantur; vel donec de illo libro legitur, unde sumpta sunt Responsoria. Quæ autem in prima Hebdomada mensis posita sunt per Ferias, repetuntur eodem ordine in eisdem Feriis per sequentes Hebdomadas, donec alia ponantur. Ubi vero non adsunt propria, semper ex Nocturnis Dominicæ sumuntur dicto ordine.

7. Si Responsoria primi Nocturni ejus Dominicæ, in qua primo ponuntur, propter Festum Duplex in ea occurrens, in ipsa Dominica poni non possint, ponantur prima die ejus Hebdomadæ, in qua occurrit fieri de Feria, et omittantur alia quæ forte in illa Feria propria haberentur. Si vero in tota Hebdomada non occurrat dies in quo fiat de Feria, illa Responsoria ponantur in sequenti Hebdomada, vel Dominica similiter non impedita, et dummodo in ea alia Responsoria non sint primo ponenda; alioquin eo anno omittantur. Responsoria etiam quæ in aliquibus Feriis per Hebdomadam habentur, si eo die quo posita sunt, non possunt

dici propter Festum occurrens, non sunt transferenda in aliam diem, sed omittuntur.

8. Tempore Paschali, in fine Responsorii, ante Versum, additur *Alleluia*.

XXVIII

De Responsoriiis brevibus Horarum.

RESPONSORIA breviter dicuntur post Capitulum ad Primam, Tertiam, Sextam, et Nonam, et ad Completorium, præterquam in triduo ante Pascha usque ad Nonam Sabbati in Albis inclusive, quibus diebus non dicuntur. Ad Primam et Completorium semper dicuntur eodem modo, ut in Psalterio. In aliis Horis, quando fit Officium de Dominica, vel Feria per annum, dicuntur ut habentur in Psalterio. In Adventu autem, Quadragesima, Tempore Passionis et Paschali, ut suis locis habentur propria. In Festis similiter, quando non habentur propria, dicuntur ut in Communi Sanctorum.

2. In fine Responsorii brevis dicitur *Gloria Patri*, cum repetitione Responsorii eo modo quo ordinatur ad Primam in Psalterio, præterquam Tempore Passionis : tunc enim non dicitur *Gloria Patri* in Officio de Tempore, sed solum repetitur Responsorium breve a principio.

3. In Responsorio brevi ad Primam, loco Versus : *Qui sedes*, etc., in Adventu dicitur : *Qui venturus es in mundum*, tam in Dominicis et Feriis, quam in Festis, excepto Festo Immaculatæ Conceptionis beatæ Mariæ et per Octavam. In Nativitate Domini usque ad Epiphaniam, etiam in Festis occurrentibus; in Festo Corporis Christi, et per Octavam, et in omni Officio beatæ Mariæ, tam novem quam trium Lectionum, etiamsi infra ejusdem Octavas fiat de Festo vel de Dominica, dicitur : *Qui natus es de Maria Virgine*. In Epiphania, et per Octavam, et in Festo Transfigurationis, dicitur : *Qui apparuisti hodie*. A Dominica in Albis inclusive, usque ad Ascensionem exclusive, tam in Officio de Tempore, quam de Sanctis (excepto Officio beatæ Mariæ) semper dicitur : *Qui surrexisti a mortuis*. In Ascensione usque ad Pentecosten exclusive dicitur : *Qui scandis super sidera*. In Pentecoste et reliquo anni tempore, tam in Officio de Tempore quam de Sanctis, dicitur : *Qui sedes ad dexteram Patris*, ut in Psalterio. Aliqua præterea sunt propria Officia, veluti Pretiosissimi Sanguinis, et Sacratissimi Cordis D. N. J. C., ac septem Dolorum B. M. V., in quibus proprius versus assignatur, ut suis locis ponitur.

4. Responsoria brevia aliarum Horarum, quæ ponuntur in prima Dominica de Adventu, dicuntur per totum Adventum, quando fit Officium de Tempore. Similiter quæ ponuntur in prima Dominica Quadragesimæ, dicuntur usque ad Dominicam Passionis exclusive. Et quæ ponuntur in Dominica Passionis, dicuntur usque ad Feriam quintam in Cœna Domini exclusive. Item quæ ponuntur in Dominica in Albis, dicuntur usque ad Ascensionem exclusive. Quæ vero ponuntur in aliquo Festo habente Octavam, dicuntur per totam Octavam quando fit de Octava. In Officio autem beatæ Mariæ, tam novem quam trium Lectionum, exceptis Festis quæ habent propria, dicuntur semper Responsoria brevia de Communi Virginum.

5. Tempore Paschali, a Dominica in Octava Paschæ usque ad Sabbatum post Pentecosten inclusive, in fine Responsorii brevis ante primum Versum dicuntur duo *Alleluia*, quæ etiam post dictum primum Versum repetuntur pro parte Responsorii; et in fine secundi Versus unum tantum *Alleluia*. tam in Officio de Tempore quam de Sanctis, ut dicitur in Rubrica quæ est in Sabbato in Albis. Extra Tempus Paschale, quamvis in aliquibus Festis ad Tertiam, Sextam et Nonam, Responsoriis brevibus addantur *Alleluia*, non ideo adduntur ad Primam et Completorium.

XXIX

De Capitulis.

CAPITULA semper dicuntur (præterquam a Feria quinta in Cœna Domini, usque ad Vesperas Sabbati in Albis exclusive, et præterquam in Officio Defunctorum) ad Vesperas, Laudes et alias Horas, dictis Psalmis et Antiphonis; ad Completorium vero dicto etiam Hymno.

2. Capitula Dominicalia posita in Psalterio in primis et secundis Vesperis, in Laudibus et Horis, dicuntur a tertia Dominica post Pentecosten usque ad Adventum, et a secunda post Epiphaniam usque ad Septuagesimam. Capitula autem ferialia dicuntur post Octavam Pentecostes usque ad Adventum, et ab Octava Epiphanie usque ad Dominicam primam Quadragesimæ. Aliis temporibus dicuntur ut in Proprio de Tempore: si fit de Sanctis, ut in Proprio de Sanctis, cum propria ad sunt; alioquin de Communi Sanctorum. Capitulum Primæ et Completorii (quando Capitula dicuntur) numquam mutatur, ut in Psalterio.

3. In Dominicis ab Adventu usque ad Octavam Epiphanie, et a Septuagesima usque ad tertiam post Pentecosten, et in Feriis Temporis Pascha-

lis, et in omnibus Festis regulariter, Capitulum positum in primis Vesperis dicitur in Laudibus, ad Tertiam, et in secundis Vesperis, quibusdam exceptis, quæ suis locis assignantur.

4. In Feriis Tempore Paschali ad Primam dicitur Capitulum *Regi sæculorum*, sicut in Dominicis et in Festis. Post Capitulum semper respondetur *Deo gratias*.

XXX

De Oratione.

ORATIO in Vesperis et Laudibus dicitur post Antiphonas ad *Magnificat* et *Benedictus* immediate, nisi quando dicendæ sunt Preces, quæ dicuntur post Antiphonam, et in fine illarum Oratio. Ad Primam et alias Horas Oratio dicitur post Responsorium breve, nisi dicendæ sint Preces: tunc enim Oratio dicitur post Preces. Ad Completorium Oratio dicitur post Antiphonam *Salva nos*, nisi dicendæ sint Preces: et tunc dicitur post illas.

2. Ad Primam et Completorium numquam mutantur Orationes, quæ habentur in Psalterio, præterquam in triduo ante Pascha, in quo triduo ad omnes Horas usque ad Nonam Sabbati sancti inclusive post Psalmum *Miserere*, dicitur Oratio diei, ut suo loco ponitur. In aliis Horis regulariter dicitur Oratio quæ dicta est in primis Vesperis. In Quadragesima autem, Quatuor Temporibus, Vigiliis, et Feria secunda Rogationum, Oratio quæ dicta est in Laudibus, dicitur tantum ad Tertiam, Sextam et Nonam. In Vesperis autem sequentibus, si fit de Feria, dicitur vel alia propria, ut in Quadragesima, vel Dominicæ præcedentis, ut in aliis Feriis. Quæ Oratio præcedentis Dominicæ semper dicitur in feriali Officio per Hebdomadam, quando propria non assignatur. Infra Octavas dicitur Oratio ut in die Festi: similiter et in die Octava, nisi alia propria assignetur.

3. Ante Orationem, etiam quando aliquis solus recitat Officium, semper dicitur Versus *Dominus vobiscum*, et respondetur *Et cum spiritu tuo*. Qui Versus non dicitur ab eo qui non est saltem in ordine Diaconatus, nec a Diacono, præsentē Sacerdote, nisi de illius licentia. Si quis autem ad Diaconatus ordinem non pervenerit, ejus loco dicat *Domine exaudi orationem meam*, et respondetur *Et clamor meus ad te veniat*. Deinde dicitur *Oremus*. postea Oratio: quæ si unica tantum dicatur, Versus *Dominus vobiscum*, vel *Domine exaudi*, repetitur finita Oratione, postquam fuerit responsum *Amen*. Sin autem plures Orationes di-

cendæ sint, ante quamlibet Orationem dicitur Antiphona et Versus, deinde *Oremus* : et post ultimam Orationem repetitur *Dominus vobiscum* : postea dicitur *Benedicamus Domino*, respondetur *Deo gratias*. Deinde dicitur Versus *Fidelium animæ* : qui Versus non dicitur post *Benedicamus Domino*, ad Primam ante *Pretiosa*, etc., neque ad Completorium ante Versum *Benedicat*, etc., nec quando post aliquam Horam immediate sequitur Officium parvum beatæ Mariæ, vel Officium Defunctorum, aut Septem Psalmi Pœnitentiales, vel solæ Litanie.

4. Si Oratio dirigatur ad Patrem, concluditur *Per Dominum*; si ad Filium, *Qui vivis et regnas*. Si in principio Orationis fiat mentio Filii, dicatur *Per eumdem*; si in fine Orationis, dicatur *Qui tecum vivit et regnat*. Si fiat mentio Spiritus sancti, dicatur *In unitate ejusdem Spiritus sancti*, etc.

5. Quando plures Orationes dicuntur, prima tantum dicitur sub sua conclusione *Per Dominum*, vel aliter, ut supra : aliæ non concluduntur, nisi in ultima Oratione; sed unicuique Orationi semper præponitur *Oremus*, præterquam in Officio Defunctorum, in quo, alio modo quam ut supra, Orationes dicuntur : item in Litanis, Orationes omnes dicuntur conjunctim sub uno *Oremus*, ut suis locis habetur.

XXXI

De Hymno Te Deum.

HYMNUS *Te Deum* dicitur in omnibus Festis per annum, tam iij quam ix Lectionum, et per eorum Octavas, excepto Festo sanctorum Innocentium, nisi venerit in Dominica; dicitur tamen in ejus die Octava. Dicitur etiam in omnibus Dominicis a Pascha Resurrectionis inclusive, usque ad Adventum exclusive; et a Nativitate Domini inclusive, usque ad Septuagesimam exclusive, et in omnibus Feriis Temporis Paschalis, scilicet a Dominica in Albis usque ad Ascensionem, excepta Feria secunda Rogationum, in qua non dicitur.

2. Non dicitur autem in Dominicis Adventus, et a Septuagesima usque ad Dominicam Palmarum inclusive, neque in Feriis extra Tempus Paschale.

3. Cum dicitur, omittitur semper nomen, vel tertium Responsorium, et statim dicitur post ultimam Lectionem.

4. Cum non dicitur, ejus loco ponitur nomen, vel tertium Responsorium; quo dicto statim inchoantur Laudes. Similiter quando dicitur *Te Deum*, eo Hymno dicto statim inchoantur Laudes, præterquam in Nocte Nativitatis Domini;

quia tunc dicitur Oratio, postea celebratur Missa, ut suo loco notatur.

XXXII

De Oratione Dominica et Salutatione Angelica.

ORATIO Dominica *Pater noster*, et Salutio Angelica *Ave Maria*, semper dicitur secreto ante omnes Horas, præterquam ad Completorium, in cujus principio post Lectionem brevem *Fratres : Sobrii*, dicto Versu *Adjutorium nostrum*, dicitur tantum *Pater noster*, secreto; et in fine Completorii, statim post Orationem beatæ Mariæ, dicitur *Pater noster*, *Ave Maria*, et *Credo*, totum similiter secreto. Finitis Horis, et dicto Versu *Fidelium animæ*, dicitur similiter secreto *Pater noster* tantum, nisi sequatur Officium beatæ Mariæ, quia tunc post illud dicitur *Pater noster*, ut supra, et nisi alia Hora subsequatur: tunc enim dicitur semel tantum *Pater noster* cum *Ave Maria*, pro principio sequentis Horæ; qua finita, dicitur *Pater noster*, ita ut semper dicatur in fine ultimæ Horæ. Si autem post Vesperas immediate sequatur Completorium, dicto *Fidelium animæ*, incipitur Versus *Jube domne benedicere*.

2. Quando in fine Orationis Dominicæ proferendum est clara voce *Et ne nos inducas*, semper in principio eadem voce proferuntur hæc duo verba *Pater noster*, ut in Precibus, et similibus : alias numquam proferuntur, sed dicitur totum secreto. Ad Laudes vero et Vesperas, quando in feriali Officio dicuntur Preces, totum dicitur clara voce ab Hebdomadario.

3. Salutio Angelica semper dicitur ante Officium beatæ Mariæ, quando non conjungitur cum Officio Domini; quia tunc sufficit dixisse eam in principio cum Oratione Dominica.

XXXIII

De Symbolo Apostolorum et Symbolo S. Athanasii.

SYMBOLUM Apostolorum semper dicitur ante Matutinum et Primam, et finito Completorio post Orationem Angelicam, totum secreto : etiamsi ad Primam et Completorium iterum dicendum sit cum Precibus. Quando vero dicitur cum Precibus ad Primam et Completorium, clara voce profertur *Credo in Deum*, et in fine *Carnis resurrectionem* : reliquum dicitur secreto : alias totum secreto dicitur, ut supra.

2. Symbolum S. Athanasii dicitur ad Primam post Psalmum *Retribue*, in omnibus Dominicis per annum, quando

Officium fit de Dominica, exceptis Dominicis infra Octavas Nativitatis Domini, Epiphaniæ, Ascensionis, et Corporis Christi, ac Dominica Resurrectionis et Pentecostes, in quibus dicuntur tantum tres Psalmi consueti, ut in Festis. In Dominicis infra alias Octavas, et in Dominica Trinitatis dicitur; alias numquam, neque si aliquod Festum Duplex celebretur in Dominica. Et in fine illius dicitur *Gloria Patri*.

XXXIV

De Precibus.

PRECES sunt aliquot Versus qui aliquando dicuntur ante Orationem, incipientes a *Kyrie eleison*, vel a *Pater noster*.

2. Preces Dominicales ad Primam et Completorium, ut in Psalterio, non dicuntur in Duplicibus, nec infra Octavas, nec in Vigilia Epiphaniæ, et Feria sexta et Sabbato post Octavam Ascensionis, etiamsi infra Octavam fiat Officium de Dominica, vel alio Festo Semiduplici, quia tunc ratione Octavæ non dicuntur; alias autem semper dicuntur.

3. Preces feriales ad Laudes et per Horas distinctæ, ut in Psalterio, dicuntur tantum in Feriis Adventus, Quadragesimæ, Quatuor Temporum, et Vigiliarum quæ jejuntur (exceptis Vigilia Nativitatis Domini, ac Vigilia et Quatuor Temporibus Pentecostes), et tunc dicuntur flexis genibus. In aliis Feriis per annum numquam dicuntur nisi Dominicales, et in illis non flectuntur genua.

4. In Feriis Adventus, Quadragesimæ, et Quatuor Temporum, dicuntur Preces feriales etiam ad Vesperas, si non sequatur Festum: ad Completorium dicuntur consuetæ de Dominica, sed flexis genibus. Dicuntur autem Preces flexis genibus ab Hebdomadario usque ad Versum *Dominus vobiscum* ante primam Orationem: a circumstantibus autem, usque ad Versum *Benedicamus Domino*, post ultimam Orationem.

5. In Vigiliis Preces feriales dicuntur tantum ad Matutinum, et per Horas: ad Vesperas vero sequentes non dicuntur, quia inde fit de Festo. Quod si post Vigiliam S. Mathiæ sequatur primus dies Quadragesimæ, in Vesperis dicuntur Preces feriales, quamvis dicenda sit Oratio Dominicæ præcedentis, et non Vigiliæ. Quod etiam servatur quando in Feria sexta et Sabbato Quatuor Temporum Septembris fit Officium de Feria, cum in eis non occurrat Festum novem Lectionum: tunc enim in Vesperis Feriæ sextæ dicuntur Preces, quamvis dicenda sit Oratio

Dominicæ præcedentis, non autem Feriæ Quatuor Temporum.

6. Psalmus *Miserere* dicitur cum Precibus ad Vesperas tantum, et Psalmus *De profundis* ad Laudes. In Officio Defunctorum dicuntur Psalmi, qui in eo Officio designantur.

XXXV

De Commemorationibus communibus, seu Suffragiis Sanctorum.

COMMEMORATIONES communes, seu Suffragia de Sanctis, quæ habentur in Psalterio post Vesperas Sabbati, dicuntur in fine Vesperarum et Laudum, ab Octava Epiphaniæ usque ad Dominicam Passionis exclusive, et ab Octava Pentecostes usque ad Adventum exclusive, in Dominicis, Feriis et Festis (nisi Officium sit Duplex, vel infra Octavas, etiamsi de Dominica, vel Semiduplici infra eas fiat), et illis adjungitur Commemoratio de Patrono, vel Titulo Ecclesiæ, ante vel post Commemorationem de sancta Maria, de sancto Joseph, et de Apostolis, pro dignitate illius; ita tamen, ut semper ultimo loco ponatur Commemoratio de Pace. Et ante illas in feriali Officio fit Commemoratio de Cruce, quæ habetur in Psalterio post Laudes Feriæ secundæ.

2. Tempore Paschali fit alia Commemoratio de Cruce, ut ibi ponitur in Laudibus Feriæ secundæ post Dominicam in Albis, et ea solum tunc dicitur; non tamen in Duplicibus, neque infra Octavas, neque in Officio votivo de sanctissimo Eucharistiæ Sacramento, aut de Passione Domini.

3. Si facienda sit Commemoratio aliqujus Festi occurrentis, semper fit ante ipsa Suffragia consueta, etiam ante Commemorationem de Cruce.

4. Commemoratio de sancta Maria non fit cum aliis, quando dicitur ejus Officium parvum, nec quandocumque fit Officium de ea.

XXXVI

De Antiphonis beatæ Mariæ in fine Officii.

ANTIPHONIS beatæ Mariæ positæ in fine Psalterii post Completorium, singulæ dicuntur pro temporis diversitate, ut ibi annotatur, præterquam in triduo majoris Hebdomadæ ante Pascha.

2. Dicuntur autem extra Chorum, tantum in fine Completorii, et in fine Matutini, dictis Laudibus, si tunc terminandum sit Officium; alioquin, si alia subsequatur Hora, in fine ultimæ Horæ. In Chore autem semper dicuntur quandocumque terminata aliqua Hora non discedendum est a Choro.

3. Numquam vero dicuntur post aliquam Horam, quando subsequitur cum Officio diei Officium Defunctorum, vel Septem Psalmi Pœnitentiales, aut Litanie, præterquam post Completorium, in quo semper dicuntur, etiamsi prædicta subsequantur: neque etiam dicuntur quando post aliquam Horam immediate subsequitur Missa. Dicuntur autem flexis genibus (præterquam in diebus Dominicis, a primis Vesperis Sabbati, et toto Tempore Paschali), Hebdomadario tamen ad Orationem surgente.

XXXVII

De Officio parvo beatæ Mariæ, et aliis.

DE Officio parvo beatæ Mariæ, de Officio Defunctorum, de Septem Psalmis Pœnitentialibus, et Litanis, et de Psalmis Gradualibus, quando et quomodo, tam in Choro quam extra Chorum dicenda sint, habentur suis locis propriæ Rubricæ circa finem Breviarii.

2. Tempore Paschali in Officio parvo beatæ Mariæ, quod dicitur in Choro, non additur *Alleluia* Antiphonis, neque Versibus, neque Responsoriis.

DUÆ TABELLÆ

EX RUBRICIS GENERALIBUS EXCERPTÆ

In quarum prima statim videri poterit de quo celebrandum erit Officium, si plura eodem die Festa occurrant.

In secunda vero, quomodo Officium præcedens concurret in Vesperis cum Officio sequentis diei.

Ex utraque Tabella hoc ordine reperietur quod quæritur.

Primum inveniatur numerus positus in quadrangulo illo, in quo Festa, de quibus est controversia, sibi invicem occurrunt: deinde legatur regula juxta dictum numerum descripta, et ex ea clare videbitur quid sit agendum.

Exempli gratia: Quadrangulus, in quo sibi invicem occurrunt Duplex primæ classis et Dominica primæ classis, erit qui est in angulo superiori primæ Tabellæ, in quo signatus est numerus 1, quia si ad eum tam Duplex quam Dominica prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposita sic habet:

1. Translatio de primo Officium de secundo. Id est, Duplex primæ classis prædictum transferatur, et Officium fiat de Dominica primæ classis: quia cum in his regulis dicitur de primo seu præcedenti, intelligitur de Festo in superiori parte Tabellæ apposito, ut Duplex prædictum; cum de secundo vel sequenti, de Festo in inferiori parte sub numeris apposito, ut Dominica prædicta.

In aliquibus autem quadrangulis nullus appositus est numerus, vel quia nullus occurrit, neque concursus esse potest, vel quia in propriis locis adnotatur in Breviario quid sit agendum.

Scire tamen oportet quæ sint Duplicia primæ et secundæ classis, et majora per annum, et quæ Dominicæ, et Feriæ majores dicantur.

DUPLICIA PRIMÆ CLASSIS

In quibus nulla fit Commemoratio quorumcumque Festorum concurrentium, nisi prout supra in Rubricis.

Nativitas Domini.

Epiphania Domini.

Pascha Resurrectionis, cum tribus antecedentibus et duobus sequentibus diebus.

Ascensio Domini.

Pentecostes, cum duobus sequentibus diebus.

Festum Corporis Christi.

Festum Sacratissimi Cordis Jesu.

Immaculata Conceptio, Annuntiatio, et Assumptio B. M. V.

Nativitas S. Joannis Baptistæ.

Festum S. Joseph Sponsi B. M. V.

Festum SS. Apost. Petri et Pauli.

Festum Omnium Sanctorum.

Dedicatio propriæ Ecclesiæ.

Patronus, vel Titulus Ecclesiæ.

DUPLICIA II. CLASSIS

In quibus de Simplicibus fit Commemoratio in Laudibus tantum; de aliis ut in Rubricis.

Circumcisio Domini.

Festum SS. Nominis Jesu.

Festum SS. Trinitatis.

Festum Pretiosissimi Sanguinis D. N.

J. C.

Inventio S. Crucis.

Purificatio
Visitatio
Nativitas
Solemn. SS. Rosarii
Dedicatio S. Michaëlis Archangeli.
Festum Patrocinii S. Joseph Sponsi
B. M. V.
Natalitia undecim Apostolorum.
Festa Evangelistarum.
Festum S. Stephani Protomartyris.
Festum SS. Innocentium Martyrum.
Festum S. Laurentii Martyris.
Festum S. Annæ Matris B. M. V.
Festum S. Joachim Patris B. M. V.

DOMINICÆ MAJORES

DIVIDUNTUR IN DUAS CLASSES

DOMINICÆ I. CLASSIS

quæ numquam omittuntur.

Prima Adventus.
Prima Quadragesimæ.
Passionis.
Palmarum.
Paschæ.
In Albis.
Pentecostes.
Trinitatis.

DOMINICÆ II. CLASSIS

quæ non omittuntur, nisi occurrente
Duplici primæ classis, et tunc de iis
fit Commemoratio in utrisque Vesperis et Laudibus.

Secunda
Tertia
Quarta
Dominica Septuagesimæ.
Dominica Sexagesimæ.
Dominica Quinquagesimæ.

Secunda
Tertia
Quarta

Quadragesimæ.

DUPLICIA MAJORA

PER ANNUM

quæ aliis Duplicibus minoribus
præferuntur.

Transfiguratio Domini.
Exaltatio sanctæ Crucis.
Dedicatio Archibasilicæ SS. Salvatoris.
Duo Festa Septem Dolorum B. M. V.
Commemoratio B. M. V. de Monte Carmelo.
Dedicatio S. Mariæ ad Nives.
Festum SS. Nominis Mariæ.
Festum de Mercede B. M. V.
Præsentatio B. M. V.
Apparitio S. Michaëlis Archangeli.
Festum SS. Angelorum Custodum.
Decollatio S. Joannis Baptistæ.
Cathedra sancti Petri Apostoli utraque.
Festum ejusdem ad Vincula.
Conversio S. Pauli Apostoli.
Commemoratio S. Pauli Apostoli.
Dedicatio Basilicarum SS. Apostolorum Petri et Pauli.
Festum S. Joannis ante portam Latinam.
Festum S. Barnabæ Apostoli.
Festum S. Benedicti Abbatis.
Festum S. Dominici Confessoris.
Festum S. Francisci Assisien. Confessoris.
Festum Patronorum minus Principali-
um.
Feriæ majores, de quibus semper fit
Commemoratio.
Adventus.
Quadragesimæ.
Quatuor Temporum.
Secunda Rogationum.

CATALOGUS FESTORUM

quæ uti Primaria, vel Secundaria retinenda sunt, ex Decretis generalibus
S. R. C., diei 27 Aug. 1894 et 5 Febr. 1895.

FESTA PRIMARIA

IN CALENDARIO UNIVERSALI

§ I. Duplicia primæ classis.

Nativitas Domini.
Epiphania Domini.
Pascha Resurrectionis.
Ascensio Domini.
Pentecostes.
Festum Corporis Christi.
Immaculata Conceptio, Annuntiatio,
et Assumptio B. M. V.
Nativitas S. Joannis Baptistæ.
Festum S. Joseph Sponsi B. M. V.

Festum SS. Apostolorum Petri et Pauli.
Festum Omnium Sanctorum.
Dedicatio propriæ Ecclesiæ.
Titulus Ecclesiæ.
Patronus Principalis Regionis, vel Diocesis, aut loci.

§ II. Duplicia secundæ classis.

Circumcisio Domini.
Festum SS. Trinitatis.
Purificatio B. Mariæ V.
Visitatio B. Mariæ V.
Nativitas B. Mariæ V.
Dedicatio S. Michaëlis Archangeli.

Natalitia Undecim Apostolorum.
 Festa Evangelistarum.
 Festum S. Stephani Protomartyris.
 Festum SS. Innocentium Martyrum.
 Festum S. Laurentii Martyris.
 Festum S. Annæ Matris B. M. V.
 Festum S. Joachim Patris B. Mariæ V.

§ III. *Duplicia majora per Annum.*

Transfiguratio Domini.
 Dedicatio Archibasilicæ SS. Salvatoris.
 Dedicatio S. Mariæ ad Nives.
 Festum SS. Angelorum Custodum.
 Dedicatio Basilicarum SS. Petri et Pauli Apostolorum.
 Festum S. Barnabæ.
 Festum S. Benedicti Abbatis.
 Festum S. Dominici Conf.
 Festum S. Francisci Conf.
 Festum Patronorum minus Principalem.

§ IV. *Alia Duplicia per Annum.*

Dies Natalitia, vel quasi Natalitia uniuscujusque Sancti.

Pro aliquibus locis.

S. Gabrielis Archangeli.
 S. Raphaëlis Archangeli.
 Dies Natalitia, vel quasi Natalitia uniuscujusque Sancti.
 Commemoratio Sanctorum, quorum Corpora, vel Reliquiæ in Ecclesiis Diocesanos asservantur.

FESTA SECUNDARIA

IN KALENDARIO UNIVERSALI

§ I. *Duplicia primæ classis.*

Sacratissimi Cordis Jesu.

§ II. *Duplicia secundæ classis.*

Festum SS. Nominis Jesu.
 Festum Inventionis sanctæ Crucis.

Festum Pretiosissimi Sanguinis D. N. J. C.
 Solemnitas SS. Rosarii B. M. V.
 Festum Patrocinii S. Joseph Sponsi B. M. V.

§ III. *Duplicia majora.*

Exaltatio sanctæ Crucis.
 Duo Festa Septem Dolorum B. M. V.
 Commemoratio B. M. V. de Monte Carmelo.
 Festum SS. Nominis B. M. V.
 Festum de Mercede B. M. V.
 Præsentatio B. M. V.
 Apparitio S. Michaëlis Archangeli.
 Decollatio S. Joannis Baptistæ.
 Cathedra S. Petri Apostoli utraque.
 Festum ejusdem ad Vincula.
 Conversio, et Commemoratio S. Pauli Apostoli.
 Festum S. Joannis ante portam Latenam.

Pro aliquibus locis.

Officia Mysteriorum et Instrumentorum Passionis D. N. J. C.
 SS. Redemptoris.
 Sanctæ Familiæ Jesu, Mariæ, Joseph.
 Purissimi Cordis Mariæ.
 Desponsationis, Maternitatis, Puritatis, Patrocinii B. M. V.
 Translationis Almæ Domus B. M. V.
 Expectationis Partus B. M. V.
 B. M. V. Auxilium Christianorum.
 Prodigiorum B. M. V.
 Apparitionis B. M. V. Immaculatæ.
 Manifestationis B. M. V. Immaculatæ, a sacro numismate.
 Commemoratio Omnium SS. Summorum Pontificum.

Item alia quæcumque Festa sive Domini, sive B. M. V. sub aliquo peculiari titulo, sive Sanctorum, præter eorumdem natalem diem, uti Inventionis Corporum, Translationis, Receptionis, Patrocinii, et hisce similia.



SI OCCURRAT EODEM DIE

Duplex I. classis,	6	4	0	6	6	4	6	6	2	2	2	8	4	4	1	
Duplex II. classis,	4	4	0	4	4	4	6	4	2	2	8	1	4	1	1	
Duplex per annum majus,	4	4	0	4	4	1	4	4	2	8	1	1	4	1	1	
Duplex Doct. Ecclesiæ,	4	4	0	4	4	1	4	0	0	1	1	1	4	1	1	
Duplex per annum minus,	4	4	0	4	4	3	4	7	0	3	3	5	4	3	3	
Dies infra Octavam,	4	4	0	4	3	3	7	3	3	3	5	5	3	3	3	
Dies Octava,	4	4	0	4	4	7	4	4	2	2	3	3	4	3	3	
Semiduplex,	4	4	0	4	7	3	4	3	3	3	3	5	3	3	3	
Simplex,	3	3	3	0	3	3	3	3	3	3	3	5	3	3	3	
Santa Maria in Sabbato,	5	5	0	4	0	0	0	0	0	0	0	0	0	0	0	
Feria major,	6	0	6	4	3	3	3	3	3	3	3	3	0	0	0	
Vigilia,	0	5	6	4	3	3	3	3	3	3	3	5	0	0	0	
1 Translat. de 1°, Officium de 2°.	«	«	«	«	«	«	«	«	«	«	«	«	«	«	«	et Dominica I. classis.
2 Officium de 1°, Translat. de 2°.	«	«	«	«	«	«	«	«	«	«	«	«	«	«	«	« Dominica II. classis.
3 Commem. de 1°, Officium de 2°.	«	«	«	«	«	«	«	«	«	«	«	«	«	«	«	« Dominica per annum.
4 Officium de 1°, Commem. de 2°.	«	«	«	«	«	«	«	«	«	«	«	«	«	«	«	« Duplex I. classis.
5 Nihil de 1°, Officium de 2°.	«	«	«	«	«	«	«	«	«	«	«	«	«	«	«	« Duplex II. classis.
6 Officium de 1°, nihil de 2°.	«	«	«	«	«	«	«	«	«	«	«	«	«	«	«	« Duplex per annum majus.
7 Officium de digniori, Commem. de minus digno.	«	«	«	«	«	«	«	«	«	«	«	«	«	«	«	« Duplex Doctoris Ecclesiæ.
8 Officium de digniori, Translat. de minus digno.	«	«	«	«	«	«	«	«	«	«	«	«	«	«	«	« Duplex per annum minus.
	«	«	«	«	«	«	«	«	«	«	«	«	«	«	«	« Dies infra Octavam.
	«	«	«	«	«	«	«	«	«	«	«	«	«	«	«	« Dies Octava.
	«	«	«	«	«	«	«	«	«	«	«	«	«	«	«	« Semiduplex.
	«	«	«	«	«	«	«	«	«	«	«	«	«	«	«	« Simplex.
	«	«	«	«	«	«	«	«	«	«	«	«	«	«	«	« Santa Maria in Sabbato.
	«	«	«	«	«	«	«	«	«	«	«	«	«	«	«	« Feria major.
	«	«	«	«	«	«	«	«	«	«	«	«	«	«	«	« Vigilia.

1. Notandum, quod Duplex quodcumque, etiam Patroni et Tituli Ecclesiæ, vel Dedicationis ejusdem, occurrens in Vigilia Nativitatis Domini et Pentecostes, in die Circumcisionis, in die Octava Epiphaniæ, in Feria quarta Cinerum, ac in tota majori Hebdomada, et infra Octavam Paschæ et Pentecostes, in Ascensione Domini, in Festo Corporis Christi, in Festis Immaculatæ Conceptionis, Annuntiationis et Assumptionis B. M. V., in Nativitate sancti Joannis Baptistæ, in Festo S. Joseph, SS. Apostolorum Petri et Pauli, et Omnium Sanctorum, transfertur, si transferri valeat : aliter de eo fit Commemoratio ipso die quo cadit, vel penitus omittitur, ut ponitur in propriis Rubricis.

2. Infra Octavam Epiphaniæ fit tantum de Duplicibus primæ classis occurrentibus, cum Commemoratione Octavæ. Alia Festa novem Lectionum in prima die libera post Octavam perpetuo celebrantur : de Simplicibus vero fit tantum Commemoratio, ut supra.

3. Infra Octavam Corporis Christi, de Semiduplici occurrente fit tantum Commemoratio, neque fit de Duplici trans-

lato, nisi sit j. vel ij. classis, et de ea, quocumque adveniente Duplici, fit Commemoratio.

4. Infra illas Octavas, in quibus fit de Festis occurrentibus, de Semiduplici occurrente in Dominica fit Commemoratio, uti alias juxta Rubricas.

5. De Octava Nativitatis Domini, Epiphaniæ, et Corporis Christi, semper fit Commemoratio, quocumque Festo in illis occurrente.

6. De aliis Octavis, quæ non sunt in Calendario, nihil fit a Feria quarta Cinerum usque ad Dominicam in Albis, et a Vigilia Pentecostes usque ad Festum SS. Trinitatis inclusive, et a die 17 Decembris usque ad Epiphaniam.

7. Dies Octavæ numquam transfertur : ideo quamquam Nativitas S. Joannis Baptistæ occurrens in die Corporis Christi, transfertur in diem sequentem : non tamen transfertur Octava, sed de ea fit tantum Commemoratio in Officio de Octava Corporis Christi.

8. Si accidat, ut Patronus loci, vel Titulus Ecclesiæ descriptus sit eodem die in Calendario cum aliis Sanctis, qui separari queunt, in ea Ecclesia,

vel in loco, fit tantum de Titulari, vel Patrono. Alii si in dicto Calendario descripti sint sub ritu Duplici majori, vel minori, aut Semiduplici, transferuntur perpetuo in diem primam liberam, et de eis fiat Officium Semiduplex. Si vero sint ex Duplicibus 1. vel 2. classis, similiter in diem primam liberam perpetuo transferantur, et de eis fiat Officium sub eodem ritu, ac si propria die celebrarentur. Si autem in Calendario omnes sint tamquam Festum Simplex, de eis nihil fit.

9. De Feriis Adventus et Quadragesimæ, quando de eis non fit Officium, fit Commemoratio in utrisque Vesperis, et Laudibus cujuscumque Festi : de Quatuor Temporibus, et Feria secunda Rogationum, ac Vigiliis, in Laudibus tantum. Si vero aliqua Vigilia occurrat in Adventu, Quadragesima, et Quatuor Temporibus, vel in diebus Festorum Duplicium primæ classis, sive Patroni, vel Tituli, aut Dedicacionis Ecclesiæ, de ea nihil fit, nec etiam in Laudibus.

QUANDO CONCURRIT

Dominica I. et II. classis,	0	4	3	4	4	3	3	3	3	3	0
Dominica per annum,	0	4	3	4	4	3	3	4	1	1	0
Duplex I. classis,	2	2	4	2	4	4	4	6	4	6	4
Duplex II. classis,	4	4	4	4	4	4	4	3	6	3	4
Patronus, seu Titulus Ecclesiæ,	2	2	4	2	4	4	4	0	4	0	4
Duplex per annum majus,	4	4	4	4	4	4	6	1	3	1	4
Duplex per annum minus,	4	4	5	4	4	5	3	1	3	1	4
Semiduplex,	4	4	3	4	5	3	3	1	1	1	5
Dies Octava,	4	4	5	4	4	5	3	1	3	1	4
Dies infra Octavam,	0	0	3	4	3	3	3	4	1	1	5
1 Totum de sequenti, nihil de præcedenti.	cum Dominica quacunque.										
2 Totum de præcedenti, nihil de sequenti.	« Duplici I. classis.										
3 Totum de sequenti, Commemoratio de præcedenti.	« Duplici II. classis.										
4 Totum de præcedenti, Commemoratio de sequenti.	« Patrono, seu Titulo Ecclesiæ.										
5 Capitulum de sequenti, Commemoratio de præcedenti.	« Duplici per annum majore.										
6 Totum de digniori, Commemoratio de minus digno : in paritate dignitatis, a Capitulo de sequenti.	« Duplici per annum minore.										
Simplex, et sancta Maria in Sabbato, Feria et Vigilia non concurrunt.	« Duplici per annum minore.										
	« Semiduplici.										
	« Simplici.										
	« Die Octava.										
	« Die infra Octavam.										
	« Sancta Maria in Sabbato.										

1. Notandum, quod in I. Vesperis diei Octavæ Ascensionis et Corporis Christi, aliorumque Festorum primariorum Domini, totum Officium fit de Octava, cum Commemoratione præcedentis Festi Duplicis, nisi fuerit Festum solemne principale, aut primæ vel secundæ classis; quia tunc de Festo fieret Officium, et Commemoratio de Octava.

2. In II. Vesperis diei Octavæ Festorum Domini, si primaria fuerint et solemniora, uti Epiphaniæ, Paschæ, Ascensionis, aliorumque, de sequenti Duplici, si concurrat, fit tantum Commemoratio, nisi hoc fuerit primæ vel secundæ classis; quia tunc de eo fieret

Officium, et de Octava Commemoratio. Die Octava Corporis Christi in II. Vesperis nulla fit Commemoratio sequentis Duplicis (Sacratissimi Cordis Jesu), nisi concurrat cum die Octava S. Joannis Baptistæ, et tunc Vesperæ erunt de Octava Corporis Christi, cum Commemoratione Octavæ S. Joannis.

3. Diebus Octavis Festorum primariorum B. Mariæ V., etiam particulare alicujus Religionis, Angelorum, S. Joannis Baptistæ, S. Joseph et SS. Apostolorum de præcedenti, vel sequenti Duplici minori fit tantum Commemoratio.

4. In II. Vesperis Duplicis primæ clas-

sis fit Commemoratio de Festis Duplicibus et Semiduplicibus reductis ad modum Simplicis tantummodo, si huiusmodi Commemoratio facienda sit die sequenti. In Duplicibus tamen secundae classis de dictis Festis fit Commemoratio in utrisque Vesperis ad instar Octavae et Dominicæ, ut in Rubricis generalibus de Commemorationibus dictum est; non fit vero Commemoratio de die infra Octavam, nisi quando de ea fieri debeat Officium die sequenti.

5. Cum plures fiunt Commemorationes, servetur hic ordo: Post Orationem Officii currentis,

1. De Dominica privilegiata, 2. de die Octava, 3. de Duplici majori, 4. de Duplici minori ad instar simplicium reductis, 5. de Dominica communi, 6. de die infra Octavam Corporis Christi, 7. de Semiduplici, 8. de die infra Octavam communem, ad simplicem ritum pariter reductis; 9. de Feria majori, vel Vigilia; 10. de Simplici.

ORATIO

A PAPA URBANO VIII. EDITA

ANTE oculos tuos Dómine culpas nostras fériamus, et plagas quas accépimus, confériamus.

Si pensámus malum quod fécimus, minus est quod pátimur, majus est quod merémur.

Grávius est quod commísimus, lévius est quod tolerámus.

Peccáti pœnam sentimus, et peccándi pertináciam non vitámus.

In flagéllis tuis infirmitas nostra téritur, et iníquitas non mutáitur.

Mens ægra torquétur, et cervix non fléctitur.

Vita in dolóre suspirat, et in ópere non se eméndat.

Si expéctas, non corrigimur: si vindicas, non durámus.

Confitémur in correptione quod égimus: obliviscimur post visitationem quod flévimus.

Si exténderis manum, faciéndam promíttimus: si suspénderis gládium, promíssa non sólvimus.

Si férias, clamámus ut parcas: si pepérceis, iterum provocámus ut férias.

Habes Dómine confiténtes reos: nóvimus quod nisi dimíttas, recte nos périmas.

Præsta Pater omnipotens, sine mérito quod rogámus, qui fecisti ex nihilo qui te rogarent. Per Christum Dóminum nostrum. Amen.

V. Gregem tuum Pastor ætérne non déseras.

R. Sed per beátos Apóstolos tuos perpétua defensione custódias.

V. Prótege Dómine pópulum tuum ad te clamántem, et Apostolórum tuórum patrocinio confidéntem.

R. Perpétua defensione custódias.

V. Oráte pro nobis sancti Apóstoli Dei.

R. Ut digni efficiámur promissionibus Christi.

Oratio.

PRÆSTA, quæsumus omnipotens Deus: ut nullis nos permittas perturbationibus concuti, quos in Apostolicæ confessionis petra solidásti. Per Dóminum. **R.** Amen.

IMPLORET, clementissime Dómine, nostris opportunam necessitatibus opem devôte a nobis prolata meditatio, qua sanctus olim Joánnes Chrysóstomus, in basilica Principis Apostolórum conditus, tecum

beatíssimis Apóstolis Petro et Páulo repræsentávit sic colloquéntem : Circúmdate hanc novam Sion, et circumvalláte eam : hoc est, custodíte, munité, précibus firmáte; ut quando iráscor in témpore, et orbem terræ concútio, adspiciens sepúlcrum vestrum numquam desitúrum, et quæ libénter propter me géritis stigmata, iram

misericórdia vincam, et ob hanc percípiam vestram intercessiönem. Etenim quando Sacerdótium et Regnum video lacrymári, statim quasi compátiens ad commiseratiönem flector, et illius meæ vocis reminiscor : Prótegam urbem hanc propter David servum meum, et Aaron sanctum meum. Dómine, fiat, fiat. Amen, amen.

ORATIO

DICENDA ANTE DIVINUM OFFICIUM

APERI Dómine os meum ad benedicéndum nomen sanctum tuum : munda quoque cor meum ab ómnibus vanis, perversis et aliénis cogitatiönibus : intelléctum illúmina, afféctum inflámma, ut digne, attén-te ac devóte hoc Officium recitáre

váleam, et exaudíri mérear ante conspéctum divinæ Majestátis tuæ. Per Christum Dóminum nostrum. *R.* Amen.

Dómine in unióne illius divinæ intentiönis, qua ipse in terris láudes Deo persolvísti, has tibi Horas persólvo.

ORATIO

DICENDA POST DIVINUM OFFICIUM

Orationem sequentem devote post Officium recitantibus Leo Papa X. defectus et culpas in eo persolvendo ex humana fragilitate contractas indulgit : dicitur flexis genibus.

SACROSÁNCTÆ et indivíduæ Trinitáti, crucifíxi Dómini nostri Jesu Christi humanitáti, beatíssimæ et gloriosíssimæ sempérque Vírginis Mariæ fecúndæ integritáti, et ómnium Sanctórum universitáti, sit sempitérna laus, honor, virtus et glória ab omni creatúra, nobis-

que remíssio ómnium peccatórum, per infinita sáecula sáeculorum. *R.* Amen.

V. Beáta viscera Mariæ Vírginis, quæ portavérunt æténi Patris Fílium.

R. Et beáta úbera, quæ lactavérunt Christum Dóminum.

Pater noster. Ave María.



ABSOLUTIONES ET BENEDICTIONES

DICENDÆ ANTE LECTIONES IN OFFICIO NOVEN ET TRIUM
LECTIONUM

IN I. NOCTURNO

Et pro II. et V. Feria.

ABSOLUTIO

EXÁUDI Dómine Jesu Christe preces servórum tuórum, et miserére nobis, qui cum Patre et Spíritu sancto vivis et regnas in sǎcula sǎculórum.

R̃. Amen.

BENEDICTIONES

1. Benedictióne perpétua benedicat nos Pater ætérnus.

R̃. Amen.

2. Unigénitus Dei Fílius nos benedicere et adjuvare dignétur. R̃. Amen.

3. Spíritus sancti grátia illúminet sensus et corda nostra.

R̃. Amen.

IN II. NOCTURNO

Et pro III. et VI. Feria.

ABSOLUTIO

IPSÍUS píetas et misericórdia nos ádjuvet, qui cum Patre et Spíritu sancto vivit et regnat in sǎcula sǎculórum.

R̃. Amen.

BENEDICTIONES

4. Deus Pater omnípotens sit nobis propítius et clemens.

R̃. Amen.

5. Christus perpétuæ det nobis gáudia vitæ.

R̃. Amen.

6. Ignem sui amóris accéndat Deus in córdibus nostris.

R̃. Amen.

IN III. NOCTURNO

Et pro Feria IV. et Sabbato.

ABSOLUTIO

AVÍNCULIS peccatórum nostrórum absólvat nos omnípotens et miséricors Dóminus.

R̃. Amen.

BENEDICTIONES

7. Evangélica léctio sit nobis salus et protéctio.

R̃. Amen.

8. Divínium auxílium máneat semper nobíscum.

R̃. Amen.

9. Ad societátem civium supernórum perdúcat nos Rex Angelórum. R̃. Amen.

Si Officium fit de Sancto vel de Sancta novem Lectionum, octava Benedictio erit :

Cujus festum cólimus, ipse (vel ipsa) intercédant pro nobis ad Dóminum.

Quando sunt plures, dicitur :

Quorum (vel Quarum) festum cólimus, ipsi (vel ipsæ) intercédant pro nobis ad Dóminum.

Si Officium fit de sancta Maria, octava Benedictio erit :

Cujus festum cólimus, ipsa Virgo virginum intercédant pro nobis ad Dóminum.

Si in ultima Lect. legendum sit aliud Evangelium cum Homilia, nona Benedictio erit :

Per Evangélica dicta deleántur nostra delícta.

In Officio trium Lectionum dicuntur Absolutiones et Benedictiones prædictæ, ordine superius in Rubricis generalibus descripto : et in eo, quando non legitur Homilia cum Evang., et Benedictiones sumendæ sunt ex III. Noct., prima Benedictio dicitur :

1. Ille nos benedicat, qui sine fine vivit et regnat.

R̃. Amen.

2. Divínium auxílium.

3. Ad societátem.

In Officio trium Lectionum,
quando legitur Homilia cum
Evang., prima Benedictio erit :

1. Evangélica léctio.
2. Divinum auxilium.
3. Ad societátem.

Si Officium fit de Sancto vel
de Sancta trium Lectionum,
prima Benedictio erit :

1. Ille nos benedicat, qui sine
fine vivit et regnat.

R. Amen.

2. Cujus (*vel* Quorum, *vel* Qua-
rum).

3. Ad societátem.

In Officio de sancta Maria in
Sabbato :

ABSOLUTIO

PRÉCIBUS et méritis beátæ
Mariæ semper Virginis, et
ómnium Sanctórum, perdúcat
nos Dóminus ad regna cæló-
rum.

R. Amen.

1. Nos cum prole pia benedicat
Virgo María.

R. Amen.

2. Ipsa Virgo víginum intercéd-
dat pro nobis ad Dóminum.

R. Amen.

3. Per Virginem matrem con-
cédât nobis Dóminus salú-
tem et pacem.

R. Amen.





PSALTERIUM

DISPOSITUM

PER HEBDOMADAM

CUM ORDINARIO OFFICII DE TEMPORE

PARS HIEMALIS

DOMINICA AD MATUTINUM

ANTE MATUTINUM, ET OMNES HORAS

PRÆTERQUE AD COMPLETORIUM, DICTUR SECRETO

PATER noster, qui es in cælis, sanctificetur nomen tuum. Advéniat regnum tuum. Fiat volúntas tua, sicut in cælo et in terra. Panem nostrum quotidiánum da nobis hódie. Et dimitte nobis debita nostra, sicut et nos dimittimus debitóribus nostris. Et ne nos indúcas in tentatióem : sed libera nos a malo. Amen.

AVE María, grátia plena : Dóminus tecum : benedicta tu in muliéribus : et benedictus fructus ventris tui Jesus. Sancta María, Mater Dei, ora pro nobis peccatóribus, nunc et in hora mortis nostræ. Amen.

In principio Matutini et

Primæ, ac in fine Completorii, dicitur etiam Symbolum Apostolorum.

CREDO in Deum, Patrem omnipoténtem, Creatórem cæli et terræ. Et in Jesum Christum, Fílium ejus únicum, Dóminum nostrum : qui concéptus est de Spíritu sancto, natus ex María Virgine, passus sub Póntio Piláto, crucifíxus, mórtuus, et sepúltus : descendit ad inferos : tértia die resurrexit a mórtuis : ascendit ad cælos, sedet ad dexteram Dei Patris omnipoténtis : inde ventúrus est judicáre vivos et mórtuos. Credo in Spíritum sanctum, sanctam Ecclesiám catholicam, sanctórum communionem, remissionem peccatórum, carnis

resurrectiōnem, vitam ætérnam. Amen.

Deinde clara voce dicitur V.

DÓMINE lábia mea apéries.
R. Et os meum annuntiábit láudem tuam.

V. Deus in adjutórium meum inténde. R. Dómine ad adjuvándum me festína. Glória Patri, et Filio, et Spiritui sancto. Sicut erat in principio, et nunc, et semper, et in sǎcula sæculórum. Amen. Allelúia.

Sic dicitur Allelúia ad omnes Horas per totum Annum, præterquam a Dom. in Septuag. usque ad Fer. V. in Cœna Domini: tunc enim dicitur: Laus tibi Dómine, Rex ætérnæ glóriæ.

Invit. sequens dicitur ab Oct. Epiph. usque ad Dom. Septuag.

Invitatorium. Adorémus Dóminum, * Qui fecit nos.

Repetitur: Adorémus Dóminum, qui fecit nos.

Psalmus 94.

VENÍTE, exsultémus Dómino, jubilémus Deo salutári nostro: præoccupémus faciém ejus in confessiōe, et in psalmis jubilémus ei.

Adorémus Dóminum, qui fecit nos.

Quóniam Deus magnus Dóminus, et Rex magnus super omnes deos: quóniam non repéllet Dóminus plebem suam, quia in manu ejus sunt omnes fines terræ, et altitúdines móntium ipse cónspicit.

Qui fecit nos.

Quóniam ipsíus est mare, et ipse fecit illud, et áridam fundavérunt manus ejus: venite, adorémus, et procidámus ante Deum: plorémus coram Dómino, qui fecit nos, quia ipse est Dóminus Deus noster: nos áutem pópulus ejus, et oves páscluæ ejus.

Adorémus Dóminum, qui fecit nos.

Hódie si vocem ejus audiéritis, nolite obduráre corda vestra, sicut in exacerbatiōe secúndum diem tentatiōnis in desérto: ubi tentavérunt me patres vestri, probavérunt et vidérunt ópera mea.

Qui fecit nos.

Quadráginta annis próximus fui generatiōni huic, et dixi: Semper hi errant corde: ipsi vero non cognovérunt vías meas, quibus jurávi in ira mea, si introibunt in réquiem meam.

Adorémus Dóminum, qui fecit nos.

Glória Patri, et Filio, et Spiritui sancto. Sicut erat in principio, et nunc, et semper, et in sǎcula sæculórum. Amen.

Qui fecit nos.

Adorémus Dóminum, qui fecit nos.

Sequens Hymnus dicitur ab Oct. Epiph. usque ad Dom. I. Quadrag.

Hymnus.

PRIMO die, quo Trinitas Beáta mundum cóndidit,

Vel quo resúrgens Cónditor
Nos morte victa liberat :

Pulsis procul torpóribus,
Surgámus omnes ócyus,
Et nocte quærámus Deum,
Prophéta sicut præcipit :

Nostras preces ut áudiat,
Suámque dextram pórrigat,

Et expiátos sórdibus
Reddat polórum sédibus :

Ut, quique sacratíssimo
Hujus diéi témpore
Horis quiétis psállimus,
Donis beátis múneret.

Jam nunc, patérna cláritas,

Te postulámus áffatim :
Absint faces libidinis,
Et omnis actus nóxius.

Ne fœda sit, vel lúbrica
Compágo nostri córporis,
Ob cujus ignes ignibus
Avérnus urat ácrius.

Mundi Redémptor, quæsumus,

Tu probra nostra díluas :
Nobisque largus cómmoda
Vitæ perénis cónferas.

Præsta, Pater piíssime,
Patrique compar Unice,
Cum Spiritu Paráclito
Regnans per omne sáeculum.
Amen.

Aliis temporibus a supradictis, Invit. et Hymnus dicuntur quæ habentur in Proprio de Tempore, pro Officii varietate : quod et in Capit. et Hymnis ad Laudes, et in aliis similibus servetur.

IN I. NOCTURNO

In Adventu, Ant. Véniet ecce Rex.

Per Annum, Ant. Servite Dómino.

*Asteriscus * notat pausam cantus in Choro.*

Psalmus 1.

BEÁTUS vir, qui non ábiit
in consilio impiórum, et
in via peccatórum non stetit,
* et in cáthedra pestiléntiæ non sedit :

Sed in lege Dómini voluntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non défluet : * et ómnia quæcúmque fáciat, prosperabúntur.

Non sic impii, non sic : * sed tamquam pulvis, quem prójicit ventus a fácie terræ.

Ideo non resúrgent impii in iudicio : * neque peccatóres in concilio justórum.

Quóniam novit Dóminus viam justórum : * et iter impiórum peribit.

Glória Patri, et Filio, * et Spiritui sancto.

Sicut erat in princípio, et nunc, et semper, * et in sáecula sáeculórum. Amen.

Hic versus Glória. semper dicitur in fine omnium Psalmorum, nisi aliter notetur.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ,

et principes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridebit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam terminos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudimini qui judicátis terram.

Servíte Dómino in timóre : * et exultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Psalmus 3.

DÓMINE quid multiplicáti sunt qui tribulant me? * Multi insúrgunt advérsum me.

Multi dicunt ánimæ meæ : * Non est salus ipsi in Deo ejus.

Tu áutem Dómine suscēptor meus es, * glóriã mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo millia pópuli circumdántis me : * exsúrge Dómine, salvum me fac Deus meus.

Quóniam tu percussisti omnes advérsantes mihi sine cáusa : * dentes peccatórum contrivisti.

Dómini est salus : * et super pópulum tuum benedictio tua.

Psalmus 6.

DÓMINE, ne in furóre tuo árguas me, * neque in ira tua corripias me.

Miserére mei Dómine, quóniam infirmus sum : * sana me Dómine, quóniam conturbáta sunt ossa mea.

Et ánimã mea turbáta est valde : * sed tu Dómine úsquequo?

Convértere Dómine, et éripe ánimam meam : * salvum me fac propter misericórdiam tuam.

Quóniam non est in morte qui memor sit tui : * in inférno áutem quis confitébitur tibi?

Laborávi in gémitu meo, lavábo per singulas noctes

lectum meum : * lácrymis meis stratum meum rigábo.

Turbátus est a furóre óculus meus : * inveterávi inter omnes inimícos meos.

Discédite a me omnes qui operámini iniquitátem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimíci mei : * convertántur et erubéscant valde velociter.

In Adventu. Ant. Véniet ecce Rex excélsus cum potestáte magna ad salvándas gentes, alleluía.

Ant. Confortáte.

Per Annum. Ant. Servíte Dómino in timóre : et exultáte ei cum tremóre.

Ant. Deus iudex justus.

Psalmus 7.

DÓMINE Deus meus in te sperávi : * salvum me fac ex ómnibus persequéntibus me, et libera me.

Nequándo rápiat ut leo ánimam meam, * dum non est qui rédimat, neque qui salvum fáciat.

Dómine Deus meus, si feci istud, * si est iniquitas in mánibus meis :

Si réddidi retribuéntibus mihi mala, * decídám mérito ab inimicis meis inánis.

Persequátur inimicus ánimam meam, et comprehéndat, et concúlcet in terra

vitam meam, * et glóriam meam in púlverem dedúcat.

Exsúrge Dómine in ira tua : * et exaltáre in finibus inimicórum meórum.

Et exsúrge Dómine Deus meus in præcepto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me Dómine secúndum justitiam meam, * et secúndum innocentiam meam super me.

Consumétur nequítia peccatórum, et diriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis : * sagíttas suas ardéntibus effécit.

Ecce partúriit injustitiam : * concépit dolórem, et péperit iniquitátem.

Lacum apérui, et effódit eum : * et incidit in fóveam quam fecit.

Convertétur dolor ejus in caput ejus : * et in vérticem ipsíus iniquitas ejus descéndet.

Confitébor Dómino secúndum justitiam ejus : * et

psallam nómini Dómini altíssimi.

Psalmus 8.

DÓMINE Dóminus noster, *
quam admirábile est nomen tuum in univérſa terra!

Quóniam eleváta est magnificéntia tua, * super cælos.

Ex ore infántium et lacténtium perfecisti láudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam visitas eum?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecisti sub pédibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, *
quam admirábile est nomen tuum in univérſa terra!

Psalmus 9.

CONFITÉBOR tibi Dómine in toto corde meo : * narrábo ómnia mirabilia tua.

Lætábor et exsultábo in te : * psallam nómini tuo Altissime,

In converténdo inimicum meum retrórsum : * infirmabúntur, et peribunt a fácie tua.

Quóniam fecisti iudicium meum et cáusam meam : * sedisti super thronum, qui júdicas justitiam.

Increpásti gentes, et périit impius : * nomen eórum delésti in ætérnum, et in sæculum sæculi.

Inimici defecérunt frámeæ in finem : * et civitátes eórum destruxisti.

Périit memória eórum cum sónitu : * et Dóminus in ætérnum pérmanet.

Parávit in iudicio thronum suum : * et ipse iudicábit orbem terræ in æquitáte, iudicábit pópulos in justitia.

Et factus est Dóminus refúgium páuperi : * adjútor in opportunitátibus, in tribulatióne.

Et sperent in te qui novérunt nomen tuum : * quóniam non dereliquisti quæréntes te Dómine.

Psállite Dómino, qui hábitat in Sion : * annuntiáte inter gentes stúdia ejus :

Quóniam requiréns sanguinem eórum recordátus est : * non est oblitus clamórem páuperum.

Miserére mei Dómine : * vide humilitátem meam de inimicis meis.

Qui exáltas me de portis mortis, * ut annúntiem omnes laudatiónes tuas in portis filiæ Sion.

Exsultábo in salutári tuo : *
infixæ sunt gentes in inté-
ritu, quem fecérunt.

In láqueo isto, quem abs-
condérunt, * comprehénsus
est pes eórum.

Cognoscétur Dóminus ju-
dicia fáciens : * in opéribus
mánuum suárum compre-
hénsus est peccátor.

Convertántur peccatóres
in inférnum, * omnes gentes
quæ obliviscúntur Deum.

Quóniam non in finem
oblivio erit páuperis : * pa-
tiéntia páuperum non peribit
in finem.

Exsúrge Dómine, non con-
fortétur homo : * judicéntur
gentes in conspéctu tuo.

Constituë Dómine legisla-
torem super eos : * ut sciant
gentes quóniam hómines
sunt.

Ut quid Dómine recessísti
longe, * déspicis in opportu-
nitátibus, in tribulatióne?

Dum superbit impius, in-
cénditur páuper : * compre-
hendúntur in consiliis qui-
bus cógitant.

Quóniam laudátur peccá-
tor in desidériis animæ suæ : *
et iniquus benedicitur.

Exacerbávit Dóminum pec-
cátor : * secúndum multítu-
dinem iræ suæ non quæret.

Non est Deus in conspéctu
ejus : * inquinátæ sunt viæ
illius in omni témpore.

Auferúntur judicia tua a
fácie ejus : * ómnium inimi-
córum suórum dominábi-
tur.

Dixit enim in corde suo : *
Non movébor a genera-
tióne in generatióem sine
malo.

Cujus maledictiόne os ple-
num est, et amaritúdine, et
dolo : * sub lingua ejus labor
et dolor.

Sedet in insidiis cum di-
vítibus in occúltis, * ut in-
terficiat innocéntem.

Oculi ejus in páuperem
respiciunt : * insidiátur in
abscondito, quasi leo in spe-
lunca sua.

Insidiátur ut rápiat páu-
perem : * rápere páuperem,
dum átrahit eum.

In láqueo suo humiliábit
eum : * inclinábit se, et ca-
det, cum dominátus fúerit
páuperum.

Dixit enim in corde suo :
Oblitus est Deus, * avértit
fáciem suam ne videat in
finem.

Exsúrge Dómine Deus,
exaltétur manus tua : * ne
obliviscáris páuperum.

Propter quid irritávit im-
pius Deum? * dixit enim in
corde suo : Non requirer.

Vides quóniam tu labó-
rem et dolórem conside-
ras : * ut tradas eos in manus
tuas.

Tibi derelictus est páu-
per : * órphano tu eris adjú-
tor.

Cóntere bráchium pecca-
tórís et maligni : * quærétur
peccátum illius, et non inve-
niétur.

Dóminus regnábit in ætér-

num, et in sæculum sæculi : * peribitis gentes de terra illius.

Desidérium páuperum exaudivit Dóminus : * præparatióem cordis eórum audivit áuris tua.

Judicáre pupíllo et húmili, * ut non appónat ultra magnificáre se homo super terram.

Psalmus 10.

IN Dómino confido : quómo-
do dicitis ánimæ meæ : *
Trásmigra in montem sicut
passer ?

Quóniam ecce peccatóres
intendérunt arcum, paravé-
runt sagittas suas in pháre-
tra, * ut sagittent in obscúro
rectos corde.

Quóniam quæ perfecisti,
destruxérunt : * justus áutem
quid fecit ?

Dóminus in templo sancto
suo : * Dóminus in cælo se-
des ejus.

Oculi ejus in páuperem
respiciunt : * pálpebræ ejus
intérrogant filios hóminum.

Dóminus intérogat justum
et impium : * qui áutem dili-
git iniquitátem, odit ánimam
suam.

Pluet super peccatóres lá-
queos : * ignis, et sulphur,
et spiritus procellárum pars
cálicis eórum.

Quóniam justus Dóminus,
et justitias diléxit : * æqui-
tátem vidit vultus ejus.

In Adventu, Ant. Confor-
táte manus dissolútas : con-
fortámini, dicite : Ecce Deus

noster véniet, et salvábit nos,
allelúia.

Ant. Gaudéte omnes.

Per Annum. Ant. Deus
judex justus, fortis et longá-
nimis : numquid irascétur
per singulos dies ?

Ant. Tu Dómine.

Psalmus 11.

SALVUM me fac Dómi-
ne, quóniam defécit san-
ctus : * quóniam diminútæ
sunt veritátes a filiis hómi-
num.

Vana locúti sunt unusquis-
que ad próximum suum : *
lábia dolósa, in corde et
corde locúti sunt.

Dispérdat Dóminus univér-
sa lábia dolósa, * et linguam
magniloquam.

Qui dixerunt : Linguam
nostram magnificábitur, lá-
bia nostra a nobis sunt, *
quis noster Dóminus est ?

Propter misériam ínopum,
et gémitum páuperum, * nunc
exsúrgam, dicit Dóminus.

Ponam in salutári : * fidu-
ciáliter agam in eo.

Elóquia Dómini, elóquia
casta : * argéntum igne exa-
minátum, probátum terræ
purgátum séptuplum.

Tu Dómine servábis nos :
et custódies nos * a genera-
tióne hac in ætérnum.

In circúitu impií ámbu-
lant : * secúndum altitúdi-
nem tuam multiplicásti filios
hóminum.

Psalmus 12.

USQUEQUO Dómine obli-
scéris me in finem ? * Us-

quequo avértis faciém tuam a me?

Quámdiu ponam consilia in ánima mea, * dolórem in corde meo per diem?

Usquequo exaltábitur inimicus meus super me? * respice, et exáudi me Dómine Deus meus.

Illúmina óculos meos ne umquam obdórmiam in morte : * nequándo dicat inimicus meus : Præválui advérsus eum.

Qui tribulant me, exsultábunt si motus fúero : * ego autem in misericórdia tua sperávi.

Exsultábit cor meum in salutári tuo : cantábo Dómino, qui bona tribuit mihi : * et psallam nómini Dómini altissimi.

Psalmus 13.

DIXIT insipiens in corde suo : * Non est Deus.

Corrúpti sunt, et abominábiles facti sunt in stúdiis suis : * non est qui fáciat bonum, non est usque ad unum.

Dóminus de cælo prospexit super filios hóminum, * ut videat si est intélligens, aut requirens Deum.

Omnes declinavérunt, simul inútiles facti sunt : * non est qui fáciat bonum, non est usque ad unum.

Sepúlcrum patens est guttur eórum : linguis suis dolóse agébant, * venénium áspidum sub lábiis eórum.

Quorum os maledictióne

et amaritúdine plenum est : * velóces pedes eórum ad effundéndum ságuinem.

Contritio et infelicitas in viis eórum, et viam pacis non cognovérunt : * non est timor Dei ante óculos eórum.

Nonne cognóscent omnes qui operántur iniquitátem, * qui dévorant plebem meam sicut escam panis?

Dóminum non invocavérunt, * illic trepidavérunt timóre, ubi non erat timor.

Quóniam Dóminus in generatióne justa est, consiliúm inopis confudístis : * quóniam Dóminus spes ejus est.

Quis dabit ex Sion salutare Israël? * cum avérterit Dóminus captivitátem plebis suæ, exsultábit Jacob, et lætábitur Israël.

Psalmus 14.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus : * timéntes autem Dóminum glorificat :

Qui jurat próximo suo, et non decipit, * qui pecúniám

suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

In Adventu. *Ant.* Gaudéte omnes, et lætámini : ecce quia véniet Dóminus ultiónis, addúcet retributióem : ipse véniet, et salvábit nos.

V. Ex Sion spécies decóris ejus. *R.* Deus noster manifeste véniet.

Per Annum. *Ant.* Tu Dómine servábis nos, et custódies nos.

V. Memor fui nocte nóminis tui Dómine. *R.* Et custodivi legem tuam.

Post V. cujuslibet Nocturni dicitur

Pater noster. *secreto*

V. Et ne nos indúcas in tentatióem. *R.* Sed libera nos a malo.

Absolutio.

EXÁUDI Dómine Jesu Christe preces servórum tuórum, et miserére nobis, qui cum Patre et Spíritu sancto vivis et regnas in sæcula sæculórum. *R.* Amen.

V. Jube domne benedicere.

Benedictio. Benedictióe perpétua benedicat nos Pater ætérnus. *R.* Amen.

Deinde leguntur Lect. cum R. ut in Proprio de Tempore assignantur.

Pro II. Lectione.

Bened. Unigénitus Dei Fílius nos benedicere et adjuvare dignétur. *R.* Amen.

Pro III. Lectione.

Bened. Spíritus sancti grátia illúminet sensus et corda nostra. *R.* Amen.

IN II. NOCTURNO

In Adventu. *Ant.* Gáude et lætare.

Per Annum. *Ant.* Bonórum meórum.

Psalmus 15.

CONSÉRVA me Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit ompes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo conventícula eórum de sanguinibus, * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restitues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedicam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * insuper et caro mea requiescet in spe.

Quóniam non derelinques
ánimam meam in inférno : *
nec dabis sanctum tuum vi-
dère corruptiònem.

Notas mihi fecisti vias
vitæ, adimplébis me lætitia
cum vultu tuo : * delecta-
tiónes in dextera tua usque
in finem.

In Adventu, Ant. Gáude et
lætáre filia Jerúsalem : ecce
Rex tuus véniet tibi : Sion
noli timére, quia cito véniet
salus tua.

Ant. Rex noster.

Per Annum, Ant. Bonórum
meórum non índiges, in te
sperávi, consérva me Dó-
mine.

Ant. Propter verba.

Psalmus 16

EXÁUDI Dómine justítiam
meam : * inténde depre-
catiònem meam.

Auribus pèrcipe oratiònem
meam, * non in lábiis dolósis.

De vultu tuo iudícium
meum pródeat : * óculi tui
videant æquitátes.

Probásti cor meum, et vi-
sitásti nocte : * igne me exa-
minásti, et non est invénta
in me iníquitas.

Ut non loquátur os meum
ópera hóminum : * propter
verba labiórum tuórum ego
custodivi vias duras.

Pèrfice gressus meos in
sémitis tuis : * ut non mo-
veántur vestigia mea.

Ego clamávi, quóniam
exaudisti me Deus : * inclína
áurem tuam mihi, et exáudi
verba mea.

Mirífica misericórdias tu-
as, * qui salvos facis spe-
rántes in te.

A resisténtibus dexterae
tuæ custódi me, * ut pupil-
lam óculi.

Sub umbra alárum tuárum
prótege me : * a fácie impió-
rum qui me afflixérunt.

Inimici mei ánimam me-
am circumdedérunt, ádipem
suum conclusérunt : * os
eórum locútum est supér-
biam.

Projiciéntes me nunc cir-
cumededérunt me : * óculos
suos statuérunt declináre in
terram.

Suscepérunt me sicut leo
parátus ad prædam : * et sic-
ut cátulus leónis hábitans in
ábditis.

Exsúrge Dómine, præveni
eum, et supplánta eum : *
éripe ánimam meam ab im-
pio, frámeam tuam ab ini-
micis manus tuæ.

Dómine a páucis de terra
dívide eos in vita eórum : *
de absconditis tuis adimplé-
tus est venter eórum.

Saturáti sunt filiis : * et
dimisérunt reliquias suas
párvulis suis.

Ego áutem in justitia appa-
rébo conspéctui tuo : * satiá-
bor cum apparúerit glória
tua.

In Adventu, Ant. Rex nō-
ster advéniet Christus, quem
Joánnes prædicávit Agnum
esse ventúrum.

Ant. Ecce vénio.

Per Annum, Ant. Propter

verba labiŕum tuŕum ego custodiŕi vias duras.

Ant. Diligam te.

Et non repetitur in Psalmo: quod semper fit, quando Ant. incipit a primo Versu Psalmi; et Ps. tunc incipitur ab eo verbo in quo desinit Ant., siŕve integra dicatur, siŕve tantum inchoata; si tamen eadem sint verba, et continetur Ant. cum Psalmo.

Psalmus 17.

DILIGAM te Dŕmine fortitudo mea : * Dŕminus firmamentum meum, et refugium meum; et liberator meus.

Deus meus adjutor meus, * et sperabo in eum.

Protector meus, et cornu salutis meae, * et susceptor meus.

Laudans invocabo Dŕminum: * et ab inimicis meis salvus ero.

Circumdederunt me dolores mortis: * et torrentes iniquitatis conturbaverunt me.

Dolores infŕni circumdederunt me: * praeoccupaverunt me laquei mortis.

In tribulatione mea invocavi Dŕminum, * et ad Deum meum clamavi:

Et exaudivit de templo sancto suo vocem meam: * et clamor meus in conspectu ejus, introivit in aures ejus.

Commota est, et contrivit terra: * fundamenta montium conturbata sunt, et

commota sunt, quoniam iratus est eis.

Ascendit fumus in ira ejus: et ignis a facie ejus exarsit: * carbones succensi sunt ab eo.

Inclinavit caelos, et descendit: * et caligo sub pedibus ejus.

Et ascendit super Cherubim, et volavit: * volavit super pennas ventorum.

Et posuit tenebras latibulum suum, in circuitu ejus tabernaculum ejus: * tenebrosa aqua in nubibus aeris.

Prae fulgore in conspectu ejus nubes transierunt, * grando et carbones ignis.

Et intonuit de caelo Dominus, et Altissimus dedit vocem suam: * grando et carbones ignis.

Et misit sagittas suas, et dissipavit eos: * fulgura multiplicavit, et conturbavit eos.

Et apparuerunt fontes aquarum, * et revelata sunt fundamenta orbis terrarum:

Ab increpatione tua Domine, * ab inspiratione spiritus irae tuae.

Misit de summo, et accepit me: * et assumpsit me de aquis multis.

Eripuit me de inimicis meis fortissimis, et ab his qui oderunt me: * quoniam confortati sunt super me.

Praevenierunt me in die afflictionis meae: * et factus est Dominus protector meus.

Et eduxit me in latitudi-

nem : * saluum me fecit,
quóniam vóluit me.

Et retribuet mihi Dóminus
secúndum justitiam meam, *
et secúndum puritátem má-
nuum meárum retribuet
mihi :

Quia custodivi vias Dómi-
ni, * nec impie gessi a Deo
meo.

Quóniam ómnia iudicia
ejus in conspéctu meo : * et
justitias ejus non répuli a
me.

Et ero immaculátus cum
eo : * et observábo me ab
iniquitáte mea.

Et retribuet mihi Dóminus
secúndum justitiam meam : *
et secúndum puritátem má-
nuum meárum in conspéctu
oculórum ejus.

Cum sancto sanctus eris, *
et cum viro innocénte inno-
cens eris :

Et cum elécto eléctus
eris : * et cum perverso per-
vertéris.

Quóniam tu pópulum hú-
mitem saluum fácies : * et
óculos superbórum humi-
liábis.

Quóniam tu illúminas lu-
cérnam meam Dómine : *
Deus meus illúmina ténebras
meas.

Quóniam in te erípiar a
tentatióne, * et in Deo meo
transgrédíar murum.

Deus meus impollúta via
ejus : elóquia Dómini igne
examínata : * protéctor est
ómnium sperántium in se.

Quóniam quis Deus præter

Dóminum? * aut quis Deus
præter Deum nostrum?

Deus qui præcinxit me
virtúte : * et pósuit imma-
culátam viam meam. .

Qui perfécit pedes meos
tamquam cervórum, * et su-
per excélsa státuens me.

Qui docet manus meas ad
prælium : * et posuisti, ut ar-
cum áereum, bráchia mea.

Et dedisti mihi protecti-
onem salutis tuæ : * et dextera
tua suscepit me :

Et disciplina tuá corréxit
me in finem : * et disciplina
tua ipsa me docébit.

Dilatásti gressus meos sub-
tus me : * et non sunt infir-
máta vestigia mea :

Pérsequar inimicos meos,
et comprehéndam illos : * et
non convértar, donec defi-
ciant.

Confringam illos, nec pó-
terunt stare : * cadent subtus
pedes meos.

Et præcinxisti me virtúte
ad bellum : * et supplantásti
insurgéntes in me subtus
me.

Et inimicos meos dedísti
mihi dorsum, * et odiéntes
me disperdidisti.

Clamavérunt, nec erat qui
salvos fáceret, ad Dómi-
num : * nec exaudivit eos.

Et commínuam eos ut púl-
verem ante faciém venti : *
ut lutum plateárum delébo
eos.

Erípies me de contradi-
cti-ónibus pópuli : * consti-
tues me in caput géntium.

Pópulus, quem non cognóvi, servívit mihi : * in audítu áuris obedívit mihi.

Fílii aliéni mentíti sunt mihi, * fílii aliéni inveterátí sunt, et claudicavérunt a sémitis suis.

Vívit Dóminus, et benedíctus Deus meus, * et exaltétur Deus salútis meæ.

Deus, qui das vindíctas mihi, et subdis pópulos sub me, * liberátor meus de inimícis meis iracúndis.

Et ab insurgéntibus in me exaltábis me : * a viro iníquo erípíes me.

Proptérea confitébor tibi in nátióibus Dómine : * et nómini tuo psalmum dicam,

Magníficans salútes regis ejus, et faciens misericórdiam christo suo David, * et sémini ejus usque in sáeculum.

In Adventu, Ant. Ecce vénio cito, et merces mea mecum est, dicit Dóminus : dare unicuique secúndum ópera sua.

V. Emitte Agnum Dómine Dominatórem terræ. **R.** De Petrá desérti ad montem filíæ Sion.

Per Annum, Ant. Diligam te Dómine virtus mea.

V. Quóniam tu illúminas lucérnam meam Dómine. **R.** Deus meus illúmina ténebrás meas.

Pater noster. **secreto.**

V. Et ne nos indúcas in tentatióem. **R.** Sed libera nos a malo.

Absolutio.

Ipsíus píetas et misericórdia nos ádjuvet, qui cum Patre et Spíritu sancto vívit et regnat in sácula sáculórum. **R.** Amen.

V. Jube domne benedicere.

Bened. Deus Pater omnipotens sit nobis propítius et clemens. **R.** Amen.

Pro v. Lectione.

Bened. Christus perpétuæ det nobis gáudia vitæ. **R.** Amen.

Pro vi. Lectione

Bened. Ignem sui amóris accéndat Deus in córdibus nostris. **R.** Amen.

IN III. NOCTURNO

In Adventu, Ant. Gábríel Angelus.

Per Annum, Ant. Non sunt loquélæ.

Psalmus 18.

CÆLI enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti indicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad

summum ejus : * nec est qui se abscondat a calore ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præceptum Dómini lúcidum; illúminans óculos.

Timor Dómini sanctus, pérmanens in sáculum sáculi : * judícia Dómini vera, justificáta in semetipsa.

Desiderabilia super áurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine adjútor meus, * et redémptor meus.

In Adventu, Ant. Gábriel Angelus locútus est Mariæ, dicens : Ave grátia plena, Dóminus tecum : benedicta tu inter mulieres.

Ant. Maria dixit.

Per Annum, Ant. Non sunt loquélæ, neque sermónes, quorum non audiántur voces eórum.

Ant. Exáudiat.

Psalmus 19.

EXÁUDIAT te Dóminus in die tribulatiónis : * próteget te nomen Dei Jacob.

Mittat tibi auxiliúm de sancto : * et de Sion tueátur te.

Memor sit omnis sacrificii tui : * et holocáustum tuum pingue fiat.

Tribuat tibi secúndum cor tuum : * et omne consílium tuum confirmet.

Lætábimur in salutári tuo : * et in nómine Dei nostri magnificábimur.

Impleat Dóminus omnes petitiónes tuas : * nunc cognóvi quóniam salvum fecit Dóminus Christum suum.

Exáudiet illum de cælo sancto suo : * in poténtatibus salus dexteræ ejus.

Hi in cúrribus, et hi in equis : * nos áutem in nómine Dómini Dei nostri invocábimus.

Ipsi obligáti sunt, et ceciderunt : * nos áutem surréximus et erécti sumus.

Dómine salvum fac regem : * et exáudi nos in die, qua invocáverimus te.

In Adventu, Ant. María dixit : Putas qualis est ista salutatio, quia conturbáta est ánima mea, et quia paritúra sum Regem, qui cláustrum virginitátis meæ non violábit?

Ant. In advéntu.

Per Annum, Ant. Exáudiat te Dóminus in die tribulatiónis.

Ant. Dómine.

Psalmus 20.

DÓMINE in virtúte tua lætábitur rex : * et super salutáre tuum exsultábit vehementer.

Desidérium cordis ejus tribuisti ei : * et voluntáte labiórur ejus non fraudásti eum.

Quóniam prævenísti eum in benedictionibus dulcedinis : * posuísti in cápite ejus coronam de lápide pretiósó.

Vitam pétiit a te : * et tribuísti ei longitudinem diérur in sáculum, et in sáculum sáculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictionem in sáculum sáculi : * lætificábis eum in gáudio cum vultu tuo.

Quóniam rex sperat in Dómino, * et in misericórdia Altissimi non commóvetur.

Inveniátur manus tua ómnibus inimícis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt con-

silia, quæ non potuérunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre Dómine in virtúte tua : * cantábitur et psallémus virtútes tuas.

In Adventu. Ant. In advéntu summi Regis mundéntur corda hóminum, ut digne ambulémus in occúrsum illius : quia ecce véniet, et non tardábit.

V. Egrediétur Dóminus de loco sancto suo. *R.* Véniet, ut salvet pópulum suum.

Per Annum. Ant. Dómine in virtúte tua lætábitur rex.

V. Exaltáre Dómine in virtúte tua. *R.* Cantábitur et psallémus virtútes tuas.

Pater noster. secreto.

V. Et ne nos indúcas in tentationem. *R.* Sed libera nos a malo.

Absolutio.

A VÍNCULIS peccatórum nostrórum absólvat nos omnipotens et miséricors Dóminus. *R.* Amen.

V. Jube domne benedicere.

Bened. Evangélica lécção sit nobis salus et protécção. *R.* Amen.

Pro viii. Lectione.

Bened. Divínur auxílium máneat semper nobiscum. *R.* Amen.

Pro ix. Lectione.

Bened. Ad societátem civium supernórum perdúcat nos Rex Angelórum. *R.* Amen.

Seq. Hymnus semper dicitur post ult. Lect. in omnibus Dominicis et Festis tantum (excepto Festo SS. Innocentium, quando non venit in Dom.) a Nativitate Domini usque ad Septuag. In Adventu autem non dicitur nisi in Festis. Quando vero non dicitur, ejus loco ponitur ix. aut iij. R̃.

HYMNUS

SS. AMBROSII ET AUGUSTINI

TE Deum laudamus : * te Dóminum confitemur.

Te ætérnum Patrem * omnis terra venerátur.

Tibi omnes Angeli, * tibi cæli, et univérsæ potestátes :

Tibi Chérubim et Séraphim * incessábili voce proclamant :

Sanctus, * Sanctus, * Sanctus, * Dóminus Deus Sábaoth.

Pleni sunt cæli et terra * majestátis glóriæ tuæ.

Te gloriósus * Apostolórum chorus,

Te Prophetárum * laudabilis númerus,

Te Mártyrum candidátus * laudat exercitus.

Te per orbem terrárum * sancta confitétur Ecclésia,

Patrem * imménsæ majestátis,

Venerándum tuum verum * et únicum Filium,

Sanctum quoque * Paráclitum Spíritum.

Tu Rex glóriæ * Christe.

Tu Patris * sempitérnus es Filius.

Tu ad liberándum susceptúrus hóminem : * non horruisti Virginis úterum.

Tu devicto mortis acúleo : * aperuisti credéntibus regna cælórum.

Tu ad dexteram Dei sedes, * in glória Patris.

Judex créderis * esse ventúrus.

Te ergo quæsumus, tuis fámulis súbveni : * quos pretióso sángine redemisti.

Ætérna fac cum sanctis tuis * in glória numerári.

Salvum fac pópulum tuum Dómine, * et bénedic hereditáti tuæ.

Et rege eos, * et extolle illos usque in ætérnum.

Per singulos dies * benedicimus te.

Et laudamus nomen tuum in sæculum, * et in sæculum sæculi.

Dignáre Dómine die isto * sine peccáto nos custodire.

Miserére nostri Dómine : * miserére nostri.

Fiat misericórdia tua Dómine super nos, * quemádmódum sperávimus in te.

In te Dómine sperávi : * non confúndar in ætérnum.

AD LAUDES

DEUS in adjutórium meum inténde. R̃. Dómine ad adjuvándum me festína. Glória Patri, et Filio, et Spíritui sancto. Sicut erat in principio, et nunc, et semper, et in sæcula sæculórum. Amen. Allelúia, **vel** Laus tibi

Dómine, Rex ætérnæ glóriæ,
pro temporis diversitate.

A Dom. post Oct. Epiph.
usque ad Septuag.

Ant. Allelúia.

Psalmus 92.

DÓMINUS regnávít, decó-
rem indútus est : * indú-
tus est Dóminus fortitúdi-
nem, et præcínxit se.

Etenim firmávit orbem
terræ, * qui non commové-
bitur.

Paráta sedes tua ex tunc : *
a sáculo tu es.

Elevavérunt flúmina Dó-
mine : * elevavérunt flúmina
vocem suam.

Elevavérunt flúmina flu-
ctus suos, * a vóci bus aquá-
rum multárum.

Mirábiles elatiónes maris : *
mirábilis in altis Dóminus.

Testimónia tua credibília
facta sunt nimis : * domum
tuam decet sanctitúdo Dómi-
ne in longitúdinem diérum.

Psalmus 99.

JUBILÁTE Deo omnis terra : *
servite Dómino in lætitia.

Introíte in conspéctu ejus, *
in exsultatióne.

Scitóte quóniam Dóminus
ipse est Deus : * ipse fecit
nos, et non ipsi nos.

Pópulus ejus, et oves pá-
scuæ ejus : * introíte portas
ejus in confessióne, átria
ejus in hymnis : confitémini
illi.

Laudáte nomen ejus : quó-
niam suávis est Dóminus,
in ætérnum misericórdia
ejus, * et usque in genera-

tió nem et generatió nem vé-
ritas ejus.

Psalmus 62.

DEUS Deus meus, * ad te
de luce vigilo.

Sitívit in te ánima mea, *
quam multipliciter tibi caro
mea.

In terra desérta, et invia,
et inaquósa : * sic in sancto
appáruí tibi, ut vidérem vir-
tutem tuam et glóriam tuam.

Quóniam mélior est mi-
sericórdia tua super vitas : *
lábía mea laudábunt te.

Sic benedicam te in vita
mea : * et in nómine tuo
levábo manus meas.

Sicut ádi pe et pinguédine
repleátur ánima mea : * et
lábiis exsultatiónis laudábit
os meum.

Si memor fui tui super
stratum meum, in matutínis
meditábor in te : * quia fuísti
adjútor meus.

Et in velaménto alárum
tuárum exsultábo, adhæsit
ánima mea post te : * me
suscepít délixera tua.

Ipsi vero in vanum quæ-
siérunt ánimam meam, in-
troibunt in inferióra terræ : *
tradéntur in manus gládii,
partes vúlpium erunt.

Rex vero lætábitur in Deo,
laudabúntur omnes qui ju-
rant in eo : * quia obstrúctum
est os loquéntium iniqua.

Hic non dicitur Glória
Patri.

Psalmus 66.

DEUS misereátur nostri, et
benedícat nobis : * illú-

minet vultum suum super nos, et misereatur nostri.

Ut cognoscamus in terra viam tuam : * in omnibus gentibus salutare tuum.

Confiteantur tibi populi Deus : * confiteantur tibi populi omnes.

Lætentur et exsultent gentes : * quoniam iudicas populos in æquitate, et gentes in terra dirigis.

Confiteantur tibi populi Deus, confiteantur tibi populi omnes : * terra dedit fructum suum.

Benedicat nos Deus, Deus noster, benedicat nos Deus : * et metuant eum omnes fines terræ.

Glória Patri.

Per Annum. Ant. Allelúia, allelúia.

Ant. Tres pueri.

Canticum trium puerorum.

Danielis 3. c

BENEDÍCITE omnia ópera Dómini Dómino : * laudate et superexaltate eum in sæcula.

Benedicite Angeli Dómini Dómino : * benedicite cæli Dómino.

Benedicite aquæ omnes, quæ super cælos sunt, Dómino : * benedicite omnes virtutes Dómini Dómino.

Benedicite sol et luna Dómino : * benedicite stellæ cæli Dómino.

Benedicite omnis imber et ros Dómino : * benedicite omnes spiritus Dei Dómino.

Benedicite ignis et æstus

Dómino : * benedicite frigus et æstus Dómino.

Benedicite rores et pruina Dómino : * benedicite gelu et frigus Dómino.

Benedicite glacies et nives Dómino : * benedicite noctes et dies Dómino.

Benedicite lux et tenebræ Dómino : * benedicite fulgura et nubes Dómino.

Benedicat terra Dómini : * laudet, et superexaltet eum in sæcula.

Benedicite montes et colles Dómino : * benedicite univérſa germinántia in terra Dómino.

Benedicite fontes Dómino : * benedicite mária et flúmina Dómino.

Benedicite cete, et ómnia, quæ movéntur in aquis, Dómino : * benedicite omnes volúcres cæli Dómino.

Benedicite omnes béstia et pécora Dómino : * benedicite filii hóminum Dómino.

Benedicat Israël Dómini : * laudet et superexaltet eum in sæcula.

Benedicite sacerdotes Dómini Dómino : * benedicite servi Dómini Dómino.

Benedicite spíritus, et ánimæ justórum Dómino : * benedicite sancti, et húmiles corde Dómino.

Benedicite Anania, Azaria, Misaël Dómino : * laudate et superexaltate eum in sæcula.

Benedicamus Patrem et Filium cum sancto Spiritu : *

laudémus et superexaltémus eum in sæcula.

Benedictus es Dómine in firmaménto cæli : * et laudábilis, et gloriósus, et superexaltátus in sæcula.

Hic non dicitur Glória Patri. *neque* Amen.

In aliis Canticis dicuntur.

Per Annum. Ant. Tres púeri jussu regis in fornácem missi sunt, non timéntes flammam ignis, dicéntes : Benedictus Deus.

Ant. Allelúia.

Psalmus 148.

LAUDÁTE Dóminum de cælis : * laudáte eum in excélsis.

Laudáte eum omnes Angeli ejus : * laudáte eum omnes virtútes ejus.

Laudáte eum sol et luna : * laudáte eum omnes stellæ, et lumen.

Laudáte eum cæli cælórum : * et aquæ omnes, quæ super cælos sunt, láudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sæculum sæculi : * præcéptum pósuit, et non præteríbit.

Laudáte Dóminum de terra, * dracones, et omnes abyssi.

Ignis, grando, nix, glácies, spíritus procellárum : * quæ faciunt verbum ejus :

Montes, et omnes colles : *

ligna fructifera, et omnes cedri.

Béstiæ, et univérsa pécora : * serpéntes, et vólucres pennátæ :

Reges terræ, et omnes pópuli : * principes, et omnes júdices terræ.

Júvenes, et vírgines : senes cum junióribus láudent nomen Dómini : * quia exaltátum est nomen ejus solius.

Conféssio ejus super cælum, et terram : * et exaltávit cornu pópuli sui.

Hymnus ómnibus sanctis ejus : * filiis Israël, pópulo appropinquánti sibi.

Hic non dicitur Glória Patri.

Psalmus 149.

CANTÁTE Dómino cánticum novum : * laus ejus in ecclésia sanctórum.

Lætétur Israël in eo, qui fecit eum : * et filii Sion exsúltent in rege suo.

Láudent nomen ejus in choro : * in týmpano, et psalterio psallant ei :

Quia beneplácitum est Dómino in pópulo suo : * et exaltábit mansuétos in salútem.

Exsultábunt sancti in glória : * lætabúntur in cubilibus suis.

Exaltatiónes Dei in gútture eórum : * et gládii ancípites in mánibus eórum :

Ad faciéndam vindictam in natióibus : * increpatiónes in pópulis.

Ad alligándos reges eórum

in compédibus : * et nóbiles
eórum in mánicis férreis.

Ut fácient in eis iudiciu
conscriptu : * glória hæc
est ómnibus sanctis ejus.

Hic non dicit Glória Patri.

Psalms 150.

LAUDÁTE Dóminu in san-
ctis ejus : * laudáte eum
in firmaménto virtútis ejus.

Laudáte eum in virtútibus
ejus : * laudáte eum secún-
dum multitudinem magni-
túdinis ejus.

Laudáte eum in sono tu-
bæ : * laudáte eum in psal-
tério, et cithara.

Laudáte eum in týmpano,
et choro : * laudáte eum in
chordis, et órgano.

Laudáte eum in cýmba-
lis benesonántibus : laudáte
eum in cýmbalis jubilatió-
nis : * omnis spíritus láudet
Dóminu.

Glória Patri.

*Per Annum. Ant. Allelúia,
allelúia, allelúia.*

*Sequens Capit. dicitur in
Dominicis, a Dom. II. post
Epiph. usque ad Septuag.*

Capitulum. Apoc. 7. c

BENEDÍCTIO, et cláritas, et
sapiéntia, et gratiárum
áctio, honor, et virtus, et
fortitúdo Deo nostro in sæ-
cula sæculórum. Amen.

R. Deo grátias.

*Sic respondetur in fine
omnium Capitulorum.*

Hymnus.

ETÉRNE reru Cónditor,
Noctem diémque qui
regis,

Et témporum das témpora,
Ut álleves fastidium :

Noctúrna lux viántibus
A nocte noctem ségregans,
Præco diéi jam sonat,
Jubárque solis évocat.

Hoc excitátus Lúciſer
Solvit polum caligine :
Hoc omnis errónu cohors
Viam nocéndi déserit.

Hoc náuta vires cólligit,
Pontique mitéscunt freta :
Hoc, ipsa petra Ecclesiæ,
Canénte, culpam diluit.

Surgámus ergo strénue :
Gallus jacéntes éxcitat,
Et somnoléntos increpat,
Gallus negántes árguit.

Gallo canénte spes redit,
Ægris salus refúnditur,
Mucro latrónis cónditur,
Lapsis fides revértitur.

Jesu labántes réspice,
Et nos vidéndo córrige :
Si réspicis, labes cadunt,
Fletúque culpa sólvitur.

Tu lux refúlge sénsibus,
Mentisque somnum discute :
Te nostra vox primum sonet,
Et vota solvámus tibi.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæcu-
lum. Amen.

*Per Annum. V. Dóminus
regnávit, decórem induit.
R. Induit Dóminus fortitú-
dinem, et præcinxit se vir-
tute.*

*A Septuag. usque ad Qua-
drag. V. Dómine refúgium
factus es nobis. R. A gene-
ratione et progénie.*

In Adventu, Hymn. En clara vox. 160.

Ÿ. Vox clamantis in deserto, Parate viam Domini.

℞. Rectas facite semitas ejus.

Canticum Zachariæ.

Lucæ 1. g

BENEDICTUS Dominus Deus Israël, * quia visitavit, et fecit redemptionem plebis suæ :

Et erexit cornu salutis nobis : * in domo David pueri sui.

Sicut locutus est per os sanctorum, * qui a sæculo sunt, prophetarum ejus :

Salutem ex inimicis nostris, * et de manu omnium, qui oderunt nos :

Ad faciendam misericordiam cum patribus nostris : * et memorari testamenti sui sancti.

Jusjurandum, quod juravit ad Abraham patrem nostrum, * datum se nobis :

Ut sine timore, de manu inimicorum nostrorum liberati, * serviamus illi,

In sanctitate, et justitia coram ipso, * omnibus diebus nostris.

Et tu puer, Propheta Altissimi vocaberis : * praeibis enim ante faciem Domini parare vias ejus :

Ad dandam scientiam salutis plebi ejus : * in remissionem peccatorum eorum :

Per viscera misericordiae Dei nostri : * in quibus visitavit nos, oriens ex alto :

Illuminare his, qui in tenebris,

et in umbra mortis sedent : * ad dirigendos pedes nostros in viam pacis.

Glória Patri.

Deinde dicitur Ant. et Oratio propria, et post eam, si occurrat eo die aliquod Festum Simplex, vel ad modum Simplicis recolendum, fit de eo Commem. Postremo (si id tempus requirat) fiunt Commem. de S. Maria, de S. Joseph, de Apostolis, et de Patrono Ecclesiae in ordine aliarum Commem. secundum illius dignitatem, et ultimo loco de Pace, ut infra in Vesp. Sabbati.

In fine, si discedendum sit a Choro, dicitur una ex Ant. B. Mariae, ut habetur infra post Completorium.

DOMINICA

AD PRIMAM

Pater. Ave. Credo.

Ÿ. Deus in adiutorium. 17.

Hymnus

JAM lucis orto sidere
Deum precemur supplices,

Ut in diurnis actibus
Nos servet a nocentibus.

Linguam refrænans temperet,

Ne litis horror insonet :
Visum fovendo cõtegat,
Ne vanitates hauriat.

Sint pura cordis intima,
Absistat et vecordia :
Carnis terat superbiam
Potus cibique parcitas.

Ut cum dies abscésserit,
Noctemque sors redúxerit,

Mundi per abstinéntiam

Ipsi canámus glóriam.

Deo Patri sit glória,
Ejúsque soli Filio,
Cum Spiritu Paráclito,
Nunc, et per omne sǎculum.

Amen.

In Dominicis per Annum,

Ant. Allelúia.

Psalmus 53.

DEUS in nómine tuo sal-
vum me fac : * et in vir-
túte tua júdica me.

Deus exáudi oratióem
meam : * áuribus pércipe
verba oris mei.

Quóniam aliéni insurrexé-
runt advérsus me, et fortes
quæsiérunt ánimam meam : *
et non proposuérunt Deum
ante conspéctum suum.

Ecce enim Deus ádjuvat
me : * et Dóminus suscep-
tor est ánimæ meæ.

Avérte mala inimicis me-
is : * et in veritáte tua dis-
pérde illos.

Voluntárie sacrificábo ti-
bi, * et confitébor nómini
tuo Dómine : quóniam bo-
num est :

Quóniam ex omni tribula-
tióne eripuisti me : * et su-
per inimicos meos despéxit
óculus meus.

Sequens Ps. Confitémini
Dómino. dicitur tantum in
Dom., quando fit Officium
de Dominica ut in Psal-
terio.

A Septuag. vero usque ad
Pascha, ejus loco dicitur Ps.
Dóminus regnávít. ut supra
in Laud. 18.

Psalmus 117.

CONFITÉMINI Dómino quó-
niam bonus : * quóniam
in sǎculum misericórdia
ejus.

Dicat nunc Israël quóniam
bonus : * quóniam in sǎcu-
lum misericórdia ejus.

Dicat nunc domus Aaron : *
quóniam in sǎculum miseri-
córdia ejus.

Dicant nunc qui timent
Dóminum : * quóniam in
sǎculum misericórdia ejus.

De tribulatióne invocávi
Dóminum : * et exaudivít
me in latitúdine Dóminus.

Dóminus mihi adjútor : *
non timébo quid fáciat mihi
homo.

Dóminus mihi adjútor : *
et ego despiciam inimicos
meos.

Bonum est confidere in
Dómino, * quam confidere
in hómine :

Bonum est speráre in Dó-
mino, * quam speráre in
principibus.

Omnes gentes circuiérunt
me : * et in nómine Dómini
quia ultus sum in eos.

Circumdántes circumde-
dérunt me : * et in nómine
Dómini quia ultus sum in
eos.

Circumdedérunt me sicut
apes, et exarsérunt sicut
ignis in spinis : * et in nó-
mine Dómini quia ultus sum
in eos.

Impúlsus evérsus sum ut
cáderem : * et Dóminus sus-
cépit me.

Fortitúdo mea, et laus mea Dóminus : * et factus est mihi in salútem.

Vox exsultatiónis, et salútis* in tabernáculis justórum.

Déxtera Dómini fecit virtútem : déxtera Dómini exaltávit me, * déxtera Dómini fecit virtútem.

Non móriar, sed vivam : * et narrábo ópera Dómini.

Castigans castigávit me Dóminus : * et morti non trádidit me.

Aperite mihi portas justitiæ, ingressus in eas confitébor Dómino : * hæc porta Dómini, justí intrábunt in eam.

Confitébor tibi quóniam exaudisti me : * et factus es mihi in salútem.

Lápidem, quem reprobarerunt ædificántes : * hic factus est in caput ánguli.

A Dómino factum est istud : * et est mirábile in óculis nostris.

Hæc est dies, quam fecit Dóminus : * exsultémus, et lætémur in ea.

O Dómine salvum me fac, o Dómine bene prosperáre : * benedictus qui venit in nómine Dómini.

Benediximus vobis de domo Dómini : * Deus Dóminus, et illúxit nobis.

Constitúite diem solémnem in condénsis, * usque ad cornu altáris.

Deus meus es tu, et confitébor tibi : * Deus meus es tu, et exallábo te.

Confitébor tibi quóniam exaudisti me : * et factus es mihi in salútem.

Confitémini Dómino quóniam bonus : * quóniam in sæculum misericórdia ejus.

Psalms 118.

BEÁTI immaculáti in via : * qui ámbulant in lege Dómini.

Beáti, qui scrutántur testimónia ejus : * in toto corde exquirunt eum.

Non enim qui operántur iniquitátem, * in viis ejus ambulavérunt.

Tu mandásti * mandáta tua custodiri nimis.

Utinam dirigántur viæ meæ, * ad custodiéndas justificatiónes tuas!

Tunc non confúndar, * cum perspéxero in ómnibus mandátis tuis.

Confitébor tibi in directiône cordis : * in eo quod didici judícia justitiæ tuæ.

Justificatiónes tuas custódiam : * non me derelinquas usquequáque.

In quo córrigit adolescén-tior viam suam? * in custodiéndó sermónes tuos.

In toto corde meo exquisivi te : * ne repéllas me a mandátis tuis.

In corde meo abscondi elóquia tua : * ut non peccem tibi.

Benedictus es Dómine : * doce me justificatiónes tuas.

In lábiis meis, * pronuntiávi ómnia judícia oris tui.

In via testimoniórum tuó-

rum delectátus sum, * sicut in omnibus divitiis.

In mandátis tuis exercébor : * et considerábo vias tuas.

In justificatióibus tuis meditábor : * non obliviscar sermónes tuos.

RETRÍBUE servo tuo, vivifica me : * et custódiam sermónes tuos.

Revéla óculos meos : * et considerábo mirabilia de lege tua.

Incola ego sum in terra : * non abscondas a me mandáta tua.

Concupivit ánima mea desideráre justificatiónes tuas, * in omni témpore.

Increpásti supérbos : * maledicti qui declinant a mandátis tuis.

Aufer a me oppróbrium et contéptum : * quia testimónia tua exquisívi.

Etenim sedérunt principes, et advérsus me loquebántur : * servus áutem tuus exercebátur in justificatióibus tuis.

Nam et testimónia tua meditatio mea est : * et consílium meum justificatiónes tuæ.

Adhæsit paviménto ánima mea : * vivifica me secúndum verbum tuum.

Vias meas enuntiávi, et exaudisti me : * doce me justificatiónes tuas.

Viam justificatiónum tuárum instrue me : * et exercébor in mirabilibus tuis.

Dormitávit ánima mea præ tædio : * confirma me in verbis tuis.

Viam iniquitátis ámove a me : * et de lege tua misérere mei.

Viam veritátis elégi : * iudicia tua non sum oblitus.

Adhæsi testimoniis tuis Dómine : * noli me confúndere.

Viam mandatórum tuórum cucúrri, * cum dilatásti cor meum.

Sequens Symbolum dicitur in Dominicis tantum, quando fit Offic. de Dom. ut in Psalt.

Symbolum S. Athanasii.

QUICÚMQUE vult salvus esse, * ante ómnia opus est ut téneat cathólicam fidem :

Quam nisi quisque integram inviolatámque serváverit, * absque dúbio in ætérnum peribit.

Fides áutem cathólica hæc est : * ut unum Deum in Trinitáte, et Trinitátem in Unitáte venerémur.

Neque confundétes personas, * neque substántiam separántes.

Alia est enim persóna Patris, ália Filii, * ália Spiritus sancti :

Sed Patris, et Filii, et Spiritus sancti una est divinitas, * æquális glória, co-ætérna majestas.

Qualis Pater, talis Filius, * talis Spiritus sanctus.

Increátus Pater, increátus

Filius, * increátus Spiritus sanctus.

Imménsus Pater, imménsus Filius, * imménsus Spíritus sanctus.

Ætérnus Pater, ætérnus Filius, * ætérnus Spiritus sanctus.

Et tamen non tres ætérni, * sed unus ætérnus.

Sicut non tres increáti, nec tres imménsi, * sed unus increátus, et unus imménsus.

Similiter omnipotens Pater, omnipotens Filius, * omnipotens Spiritus sanctus.

Et tamen non tres omnipoténtes, * sed unus omnipotens.

Ita Deus Pater, Deus Filius, * Deus Spíritus sanctus.

Et tamen non tres Dii : * sed unus est Deus.

Ita Dóminus Pater, Dóminus Filius, * Dóminus Spíritus sanctus.

Et tamen non tres Dómini : * sed unus est Dóminus.

Quia, sicut singillátim unamquámque persónam Deum ac Dóminum confitéri christiána veritáte compéllimur : * ita tres Deos aut Dóminos dicere cathólica religióne prohibémur.

Pater a nullo est factus : * nec creátus, nec génitus.

Filius a Patre solo est : * non factus, nec creátus, sed génitus.

Spiritus sanctus a Patre et Filio : * non factus, nec creátus, nec génitus, sed procédens.

Unus ergo Pater, non tres Patres : unus Filius, non tres Filii : * unus Spíritus sanctus, non tres Spiritus sancti.

Et in hac Trinitáte nihil prius aut postérius, nihil majus aut minus : * sed totæ tres persónæ coætérnæ sibi sunt et coæquáles.

Ita ut per ómnia, sicut jam supra dictum est, * et únitas in Trinitáte, et Trinitas in unitáte veneránda sit.

Qui vult ergo salvus esse, * ita de Trinitáte sentiat.

Sed necessárium est ad ætérnam salútem, * ut Incarnatióem quoque Dómini nostri Jesu Christi fidéliter credat.

Est ergo fides recta, ut credámus et confiteámur, * quia Dóminus noster Jesus Christus Dei Filius, Deus et homo est.

Deus est ex substántia Patris ante sæcula génitus : * et homo est ex substántia matris in sæculo natus.

Perfécus Deus, perfécus homo : * ex ánima rationali, et humana carne subsistens.

Æqualis Patri secúndum divinitátem : * minor Patre secúndum humanitátem.

Qui, licet Deus sit et homo, * non duo tamen, sed unus est Christus.

Unus áutem non conversiône divinitátis in carnem, * sed assumptiône humanitátis in Deum.

Unus omnino, non confusione substantiæ, * sed unitate personæ.

Nam sicut anima rationalis et caro unus est homo : * ita Deus et homo unus est Christus.

Qui passus est pro salute nostra : descendit ad inferos : * tertia die resurrexit a mortuis.

Ascendit ad cælos, sedet ad dexteram Dei Patris omnipotentis : * inde venturus est iudicare vivos et mortuos.

Ad cuius adventum omnes homines resurgere habent cum corporibus suis : * et reddituri sunt de factis propriis rationem.

Et qui bona egerunt, ibunt in vitam æternam : * qui vero mala, in ignem æternum.

Hæc est fides catholica, * quam nisi quisque fideliter firmiterque crediderit, salvus esse non poterit.

Glória Patri.

Ant. Allelúia, allelúia, allelúia.

Capitulum. I. Tim. 1. d

Regi sæculorum immortalis et invisibilis, soli Deo honor et glória in sæcula sæculorum. Amen.

R. Deo grátias.

R. br. Christe Fili Dei vivi, * Miserere nobis. **Et repetitur :** Christe Fili Dei vivi, miserere nobis. **V.** Qui sedes ad dexteram Patris. **R.** Miserere nobis. **V.** Glória Patri,

et Filio, et Spiritui sancto. **R.** Christe Fili Dei vivi, miserere nobis.

V. Exsurge Christe, adjuva nos. **R.** Et libera nos propter nomen tuum.

Sequentes Preces non dicuntur in Duplici nec infra Oct.; sed tunc dicto R. br. dicitur Dóminus vobiscum. **et Orat.** Dómine Deus omnipotens. **ut infra.** 28.

KYRIE eléison. Christe eléison. Kýrie eléison.

Pater noster. **secreto usque ad V.** Et ne nos inducas in tentationem. **R.** Sed libera nos a malo.

Credo in Deum. **secreto usque ad V.** Carnis resurrectionem. **R.** Vitam æternam. Amen.

V. Et ego ad te Dómine clamavi. **R.** Et mane oratio mea præveniet te.

V. Repleatur os meum laude. **R.** Ut cantem glóriam tuam, tota die magnitudinem tuam.

V. Dómine averte faciem tuam a peccátis meis. **R.** Et omnes iniquitates meas dele.

V. Cor mundum crea in me Deus. **R.** Et spiritum rectum innova in viscéribus meis.

V. Ne projicias me a facie tua. **R.** Et Spiritum sanctum tuum ne auferas a me.

V. Redde mihi lætítiam salutáris tui. **R.** Et spiritu principalí confirma me.

V. Adjutorium nostrum in nómine Dómini. **R.** Qui fecit cælum et terram.

**Deinde Hebdomadarius facit
Confessionem.**

CONFITEOR Deo omnipotenti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Páulo, ómnibus Sanctis, et vobis fratres : quia peccávi nimis cogitatione, verbo et ópere : mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Páulum, omnes Sanctos, et vos fratres, oráre pro me ad Dóminum Deum nostrum.

Chorus respondet :

MISEREÁTUR tui omnipotens Deus, et dimissis peccátis tuis, perdúcat te ad vitam ætérnam.

R. Amen.

Deinde repetit Confessionem : et ubi dicitur vobis fratres, et vos fratres, dicitur tibi pater et te pater.

Facta Confessione a Choro, Hebdomadarius dicit :

MISEREÁTUR vestri omnipotens Deus, et dimissis peccátis vestris, perdúcat vos ad vitam ætérnam.

R. Amen.

INDULGÉNTIAM, absolutiōnem et remissionem peccatorum nostrorum tribuat nobis omnipotens et misericors Dóminus.

R. Amen.

Et prosequitur V. Dignáre Dómine die isto. **R.** Sine peccáto nos custodire.

V. Miserére nostri Dómine. **R.** Miserére nostri.

V. Fiat misericórdia tua Dómine super nos. **R.** Quemádmódum sperávimus in te.

V. Dómine exáudi orationem meam. **R.** Et clamor meus ad te véniat.

V. Dóminus vobíscum. **R.** Et cum spíritu tuo.

Orémus. Oratio.

DÓMINE Deus omnipotens, qui ad principium hujus diéi nos pervenire fecisti : tua nos hódie salva virtúte ; ut in hac die ad nullum declinémus peccátum, sed semper ad tuam justitiam faciéndam nostra procédant elóquia, dirigántur cogitationes et ópera. Per Dóminum nostrum Jesum Christum Filium tuum, qui tecum vivit et regnat in unitate Spíritus sancti Deus, per ómnia sácula sæculórum.

R. Amen.

V. Dóminus vobíscum. **R.** Et cum spíritu tuo.

V. Benedicámus Dómino. **R.** Deo grátias.

Deinde in Choro legitur Martyrologium. Et quando dicenda est Prima de beata Maria, præponitur lectioni Martyrologii.

Postea Hebdomadarius dicit V. Pretiósá in conspéctu Dómini. **R.** Mors sanctorum ejus.

Et absolute sine Orémus.

Oratio.

SANCTA María, et omnes Sancti intercédant pro nobis ad Dóminum : ut nos mereámur ab eo adjuvári et salvári, qui vivit et regnat in sæcula sæculórum. *R.* Amen.

V. Deus in adjutórium meum inténde. *R.* Dómine ad adjuvándum me festina.

Et dicitur ter: ultimo additur Glória Patri. Sicut erat.

Kýrie eléison. Christe eléison. Kýrie eléison.

Pater noster. *secreto.*

V. Et ne nos indúcas in tentationém. *R.* Sed libera nos a malo.

V. Réspice in servos tuos Dómine, et in ópera tua, et dirige filios eórum. *R.* Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

V. Glória Patri. *R.* Sicut erat.

Orémus. *Oratio.*

DIRÍGERE et sanctificáre, régere et gubernáre dignáre, Dómine Deus Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte salvi et liberi esse mereámur, Salvátor mundi : Qui vivis et regnas in sæcula sæculórum. *R.* Amen.

V. Jube domne benedicere.

Bened. Dies et actus nostros in sua pace dispónat Dóminus omnipotens. *R.* Amen.

Ad Absolutionem Capituli in Dom. et Feriis per Annum, ab Octava Epiph. usque ad Dom. I. Quadrag. exclusive.

Lectio brevis. II Thess. 3. b

DÓMINUS áutem dirigat corda et córpora nostra in caritáte Dei, et patiéntia Christi. Tu áutem Dómine miserére nobis. *R.* Deo grátias.

A Dominica I. Adventus usque ad Vigiliam Nativitatis Domini exclusive.

Lectio brevis. Is. 33.

DÓMINE miserére nostri : te enim exspectávimus : esto bráchium nostrum in mane, et salus nostra in témpore tribulationis. Tu áutem Dómine.

Post Lect. brevem dicitur

V. Adjutórium nostrum in nómine Dómini. *R.* Qui fecit cælum et terram.

V. Benedicite. *R.* Deus.

Bened. Dóminus nos benedicat, et ab omni malo deféndat, et ad vitam perducát ætérnam : et fidélium ánimæ per misericórdiam Dei requiéscent in pace. *R.* Amen.

IN FERIALI OFFICIO

AD PRIMAM

Pater noster. Ave María. Credo.

V. Deus in adjutórium. 17,

Hymnus.

JAM lucis orto sidere
Deum precémur súpli-
ces,

Ut in diúrnis áctibus
Nos servet a nocéntibus.

Linguam refrænans tém-
peret,

Ne litis horror insonet :
Visum fovéndo cóntegat,
Ne vanitátes háuríat.

Sint pura cordis íntima,
Absistat et vecórdia :
Carnis terat supérbiam
Potus cibique párcitas :

Ut cum dies abscésserit,
Noctémque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sáeculum.
Amen.

Per Annum, Ant. Beáti
qui ámbulant.

**Temp. Adventi., Ant. de
Laud. Dom., aut ex propriis
Laud.**

Psalmus 53.

DEUS in nómine tuo sal-
vum me fac : * et in vir-
túte tua júdica me.

Deus exáudi oratióne
meam : * áuribus pércipe
verba oris mei.

Quóniam aliéni insurrex-
erunt advérsus me, et fortes
quæsiérunt ánimam meam : *
et non proposuérunt Deum
ante conspéctum suum.

Ecce enim Deus ádjuvat
me : * et Dóminus suscep-
tor est ánimæ meæ.

Avérte mala inimicis me-
is : * et in veritáte tua dis-
pérde illos.

Voluntárie sacrificábo ti-
bi, * et confitébor nómini
tuo Dómine : quóniam bo-
num est :

Quóniam ex omni tribu-
latióne eripuisti me : * et su-
per inimicos meos despéxit
óculus meus.

Post Ps. Deus in nómine
tuo. **loco Ps.** Confitémini.
dicitur unus ex infrascriptis
Psalmis, secundum Férias
distinctis. Sabbato autem di-
cuntur tantum tres Psalmi,
sicut in Festis.

FERIA SECUNDA

Psalmus 23.

DÓMINI est terra, et pleni-
túdo ejus : * orbis terrá-
rum, et univérsi qui hábi-
tant in eo.

Quia ipse super mária
fundávit eum : * et super flú-
mina præparávit eum.

Quis ascéndet in montem
Dómini? * aut quis stabit in
loco sancto ejus?

Innocens mánibus et mun-
do corde, * qui non accépit
in vano ánimam suam, nec
jurávit in dolo próximo suo.

Hic accipiet benedicti-
onem a Dómino : * et miseri-
córdiam a Deo salutári suo.

Hæc est generatio quæ-
réntium eum, * quæréntium
fáciem Dei Jacob.

Attóllite portas príncipes
vestras, et elevámini portæ
æternáles : * et introibit rex
glóriæ.

Quis est iste rex glóriæ? *
Dóminus fortis et potens :
Dóminus potens in prælio.

Attóllite portas principes
vestras, et elevámini portæ
æternáles : * et introíbit rex
glóriæ.

Quis est iste rex glóriæ? *
Dóminus virtútum ipse est
rex glóriæ.

FERIA TERTIA

Psalmus 24

Ad te Dómine levávi áni-
mam meam : * Deus meus
in te confido, non erubé-
scam.

Neque irrideant me ini-
mici mei : * étenim univérsi
qui sústinent te, non con-
fundéntur.

Confundántur omnes iní-
qua ágéntes * supervácue.

Vias tuas Dómine demón-
stra mihi : * et sémitas tuas
édoce me.

Díriges me in veritáte tua,
et doce me : * quia tu es
Deus salvátor meus, et te
sustinui tota die.

Reminiscere miseratió-
num tuárum Dómine, * et
misericordiárum tuárum,
quæ a sáculo sunt.

Delicta juventútis meæ, *
et ignorántias meas ne me-
míneris.

Secúndum misericórdiam
tuam meménto mei tu : *
propter bonitátem tuam Dó-
mine.

Dulcis et rectus Dóminus : *
propter hoc legem dabit de-
linquéntibus in via.

Díriget mansuétos in ju-
dicio : * docébit mites vias
suas.

Univérsæ viæ Dómini,
misericórdia et véritas, *
requiréntibus testaméntum
ejus et testimónia ejus.

Propter nomen tuum Dó-
mine propitiáberis peccáto
meo : * multum est enim.

Quis est homo qui timet
Dóminum? * legem státuit
ei in via, quam elégit.

Anima ejus in bonis de-
morábitur : * et semen ejus
hereditábit terram.

Firmaméntum est Dómi-
nus timéntibus eum : * et te-
staméntum ipsíus ut mani-
festétur illis.

Oculi mei semper ad Dó-
minum : * quóniam ipse evél-
let de láqueo pedes meos.

Réspice in me, et mise-
rère mei : * quia únicus et
páuper sum ego.

Tribulatiónes cordis mei
multiplicátæ sunt : * de ne-
cessitatibus meis érue me.

Vide humilitátem meam,
et labórem meum : * et di-
mitte univérsa delicta mea.

Réspice inimicos meos,
quóniam multiplicáti sunt, *
et ódio iníquo odérunt me.

Custódi ánimam meam, et
érue me : * non erubéscam
quóniam sperávi in te.

Innocéntes et recti adhæ-
sérunt mihi : * quia sustinui
te.

Libera Deus Israël * ex
ómnibus tribulatió nibus
suis.

FERIA QUARTA

Psalmus 25.

JÚDICA me Dómine, quóniam ego in innocentia mea ingressus sum : * et in Dómino sperans non infirmabor.

Proba me Dómine, et tenta me : * ure renes meos et cor meum.

Quóniam misericórdia tua ante óculos meos est : * et complácuí in veritate tua.

Non sedi cum concilio vanitátis : * et cum iniqua geréntibus non introibo.

Odivi ecclésiám malignántium : * et cum impiis non sedébo.

Lavábo inter innocéntes manus meas : * et circúmdabo altáre tuum Dómine :

Ut áudiam vocem láudis, * et enárrem univérsa mirabilia tua.

Dómine diléxi decórem domus tuæ, * et locum habitatiónis glóriæ tuæ.

Ne perdas cum impiis Deus ánimam meam, * et cum viris sánguinem vitam meam :

In quorum mánibus iniquitátes sunt : * dextera eórum repléta est munéribus.

Ego áutem in innocentia mea ingressus sum : * rédime me, et miserére mei.

Pes meus stetit in dirécto : * in ecclésiis benedicam te Dómine.

FERIA QUINTA

Psalmus 22.

DÓMINUS regit me, et nihil mihi déerit : * in loco páscuæ ibi me collocávit.

Super aquam refectiόνis educávit me : * ánimam meam convértit.

Dedúxit me super sémitas justitiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculo tuus : * ipsa me consoláta sunt.

Parásti in conspéctu meo mensam, * advérsus eos, qui tribulant me.

Impinguásti in óleo caput meum : * et calix meus inébbrians quam præclárus est!

Et misericórdia tua subsequétur me * ómnibus diébus vitæ meæ :

Et ut inhábitem in domo Dómini, * in longitúdinem diérum.

FERIA SEXTA

Psalmus 21.

DEUS Deus meus respice in me : quare me dereliquisti? * longe a salute mea verba delictórum meórum.

Deus meus clamábo per diem, et non exáudies : * et nocte, et non ad insipientiam mihi.

Tu áutem in sancto hábitas, * laus Israël.

In te speravérunt patres

nostri : * speravérunt, et liberásti eos.

Ad te clamavérunt, et salvi facti sunt : * in te speravérunt, et non sunt confúsi.

Ego áutem sum vermis, et non homo : * oppróbrium hóminum, et abjéctio plebis.

Omnes vidéntes me, deriserunt me : * locúti sunt lábiis, et movérunt caput.

Sperávit in Dómino, eripiat eum : * salvum fáciat eum, quóniam vult eum.

Quóniam tu es qui extraxisti me de ventre : * spes mea ab ubéribus matris meæ. In te projectus sum ex útero :

De ventre matris meæ Deus meus es tu, * ne discéseris a me :

Quóniam tribulatio próxima est : * quóniam non est qui ádjuvet.

Circumdedérunt me vituli multi : * táuri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum : * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis : * et in púlverem mortis deduxisti me.

Quóniam circumdedérunt me canes multi : * concilium malignántium obsédit me.

Foderunt manus meas et pedes meos : * dinumeravérunt ómnia ossa mea.

Ipsi vero consideravérunt et inspexérunt me : * divisérunt sibi vestiménta mea, et super vestem meam misérunt sortem.

Tu áutem Dómine ne elongáveris auxilium tuum a me : * ad defensiónem meam cóspice.

Erue a frámea Deus ánimam meam : * et de manu canis únicam meam.

Salva me ex ore leónis : * et a córnibus unicórnium humilitátem meam.

Narrábo nomen tuum fratribus meis : * in médio ecclésiæ laudábo te.

Qui timétis Dóminum, laudáte eum : * univérsum semen Jacob glorificáte eum.

Timeat eum omne semen Israël : * quóniam non sprexit, neque despexit deprecationem páuperis :

Nec avértit fáciem suam a me : * et cum clamárem ad eum, exaudivit me.

Apud te laus mea in ecclésia magna : * vota mea reddam in conspéctu timéntium eum.

Edent páuperes, et saturabúntur : et laudábunt Dóminum qui requirunt eum : * vivent corda eórum in sæculum sæculi.

Reminiscéntur et converténtur ad Dóminum * univérsi fines terræ :

Et adorábunt in conspé-

ctu ejus * univérſæ familiæ géntium.

Quóniam Dómini est regnum : * et ipse dominábitur géntium.

Manducavérunt et adoravérunt omnes pingues terræ : * in conspéctu ejus cadent omnes qui descéndunt in terram.

Et ánima mea illi vivet : * et semen meum sérviet ipsi.

Annuntiábitur Dómino generátio ventúra : * et annuntiábunt cæli justitiam ejus pópulo qui nascétur, quem fecit Dóminus.

Sabbato nihil additur, ut supra in Rubrica. 30.

Deinde dicitur

Psalmus 118.

BEÁTI immaculáti in via : * qui ámbulant in lege Dómini.

Beáti qui scrutántur testimónia ejus : * in toto corde exquirunt eum.

Non enim qui operántur iniquitátem, * in viis ejus ambulavérunt.

Tu mandásti * mandáta tua custodiri nimis.

Utinam dirigántur viæ meæ, * ad custodiéndas justificatiónes tuas.

Tunc non confúndar, * cum perspéxero in ómnibus mandátis tuis.

Confitébor tibi in directiône cordis : * in eo quod didici judícia justitiæ tuæ.

Justificatiónes tuas custódiam : * non me derelínquas usquequáque.

In quo córrigit adolescén-
tior viam suam? * in custo-
diéndo sermónes tuos.

In toto corde meo exquisi-
sivi te : * ne repéllas me a
mandátis tuis.

In corde meo abscondi
elóquia tua : * ut non peccem
tibi.

Benedictus es Dómine : *
doce me justificatiónes tuas.

In lábiis meis, * pro-
nuntiávi ómnia judícia oris
tui.

In via testimoniórum tuó-
rum delectátus sum, * sicut
in ómnibus divítiis.

In mandátis tuis exercé-
bor : * et considerábo vias
tuas.

In justificatió nibus tuis
meditábor : * non oblivíscar
sermónes tuos.

RETRÍBUE servo tuo, vivi-
fica me : * et custódiam
sermónes tuos.

Revéla óculos meos : * et
considerábo mirabilia de
lege tua.

Incola ego sum in terra : *
non abscondas a me man-
dáta tua.

Concupívit ánima mea de-
sideráre justificatiónes tuas, *
in omni témpore.

Increpásti supérbos : * ma-
ledicti qui declinant a man-
dátis tuis.

Aufer a me oppróbrium et
contéptum : * quia testi-
mónia tua exquisívi.

Etenim sedérunt princi-
pes, et advérsus me loque-
bántur : * servus áutem tuus

exercebátur in justificatió-
nibus tuis.

Nam et testimónia tua me-
ditátio mea est : * et consi-
lium meum justificatiónes
tuæ.

Adhæsit paviménto ánima
mea : * vivífica me secún-
dum verbum tuum.

Vias meas enuntiávi, et
exaudisti me : * doce me
justificatiónes tuas.

Viam justificatiónum tuá-
rum ínstrue me : * et exer-
cébor in mirabilibus tuis.

Dormitávit ánima mea
præ tédio : * confirma me
in verbis tuis.

Viam iniquitátis ámove a
me : * et de lege tua miserére
mei.

Viam veritátis elégi : * ju-
dícia tua non sum oblitus.

Adhæsi testimoniis tuis
Dómine : * noli me confún-
dere.

Viam mandatórum tuó-
rum cucúrri, * cum dilatásti
cor meum.

Per Annum, Ant. Beáti
qui ámbulant in lege tua
Dómine.

Temp. Adventus, Ant. de
Laud. Dom., aut ex propriis
Laud.

Capitulum. Zach. 8. d

PACEM et veritátem diligite,
ait Dóminus omnipotens.
R. Deo grátias.

R. br. Christe Fili Dei
vivi, * Miserére nobis. Et
repetitur : Christe Fili Dei
vivi, miserére nobis. V. Qui
sedes ad dexteram Patris.

R. Miserére nobis. V. Glória
Patri, et Filio, et Spiritui
sancto. R. Christe Fili Dei
vivi, miserére nobis.

V. Exsúrge Christe, ád-
juva nos. R. Et libera nos
propter nomen tuum.

KYRIE eléison. Christe eléi-
son. Kýrie eléison.

Pater noster. secreto.

V. Et ne nos indúcas in
tentatiónem. R. Sed libera
nos a malo.

Credo in Deum. secreto.

V. Carnis resurrectionem.

R. Vitam ætérnam. Amen.

V. Et ego ad te Dómine
clamávi. R. Et mane orátio
mea præveniet te.

V. Repleátur os meum
láude. R. Ut cantem glóriam
tuam, tota die magnítudi-
nem tuam.

V. Dómine avérte fáciem
tuam a peccátis meis. R. Et
omnes iniquitátes meas dele.

V. Cor mundum crea in
me Deus. R. Et spiritum
rectum innova in viscéribus
meis.

V. Ne projicias me a fácie
tua. R. Et Spíritum sanctum
tuum ne áuferas a me.

V. Redde mihi lætitiám
salutáris tui. R. Et spíritu
principáli confirma me.

Quando ad Laud. non sunt
dictæ Preces feriales, statim
dicitur Adjutórium nostrum.
et Confiteor Deo etc. ut su-
pra. 27.

Quando autem ad Laud.
dictæ sunt Preces feriales
inferius positæ post Laud.

**Feriae II., tunc ad Primam
prædictæ Preces et seq. di-
cuntur flexis genibus.**

V. Eripe me Dómine ab
hómine malo. **R.** A viro ini-
quo éripe me.

V. Eripe me de inimícis
meis Deus meus. **R.** Et ab in-
surgéntibus in me libera me.

V. Eripe me de operán-
tibus iniquitátem. **R.** Et de
viris sánguinem salva me.

V. Sic psalmum dicam nó-
mini tuo in sæculum sæculi.
R. Ut reddam vota mea de
die in diem.

V. Exáudi nos Deus salu-
táris noster. **R.** Spes ómnium
finium terræ, et in mari
longe.

V. Deus in adjutórium
meum inténde. **R.** Dómine
ad adjuvándum me festína.

V. Sanctus Deus, sanctus
fortis, sanctus immortális.
R. Miserére nobis.

V. Bénedic ánima mea
Dómino. **R.** Et ómnia quæ
intra me sunt, nómini sancto
ejus.

V. Bénedic ánima mea
Dómino. **R.** Et noli oblivisci
omnes retributiónes ejus.

V. Qui propitiátur ómni-
bus iniquitátibus tuis. **R.**
Qui sanat omnes infirmitátes
tuas.

V. Qui rédimít de intéritu
vitam tuam. **R.** Qui coronat
te in misericórdia et mise-
rationibus.

V. Qui replet in bonis de-
sidérium tuum. **R.** Renová-
bitur ut áquilæ juvéntus tua.

V. Adjutórium nostrum
in nómine Dómini. **R.** Qui
fecit cælum et terram.

**Deinde Hebdomadarius
facit Confessionem dicens :**
Confiteor Deo. **Reliq. omnia
ut supra in Dominica. 28.**

IN FESTIS PER ANNUM

Pater noster. Ave María.
Credo. **V.** Deus in adjutó-
rium meum. **ut supra. 17.**

Hymnus.

JAM lucis orto sidere
Deum precémur súpli-
ces,

Ut in diúrnis áctibus
Nos servet a nocéntibus.

Linguam refrénans tém-
peret,

Ne litis horror insonet :
Visum fovéndo cóntegat,
Ne vanitátes háuríat.

Sint pura cordis íntima,
Absístat et vecórdia;
Carnis terat supérbiam
Potus cibique párcitas :

Ut, cum dies abscésserit,
Noctémque sors redúxerit,
Mundi per abstinentiam
Ipsi canámus glóriam.

Deo Patri sit glória,
Ejúsque soli Filio,
Cum Spiritu Paráclito,
Nunc, et per omne sæcu-
lum. Amen.

Ant. competens.

Psalmus 53.

DEUS in nómine tuo sal-
vum me fac : * et in vir-
tute tua júdica me.

Deus exáudi oratióem
meam : * áuribus pèrcipe
verba oris mei.

Quóniam aliéni insurrexérunt advérsus me, et fortes quæsiérunt ánimam meam : * et non proposuérunt Deum ante conspéctum suum.

Ecce enim Deus ádjuvat me : * et Dóminus suscep-tor est ánimæ meæ.

Avértem mala inimicis meis : * et in veritáte tua dispérde illos.

Voluntárie sacrificábo tibi, * et confitébor nómini tuo Dómine : quóniam bonum est.

Quóniam ex omni tribulatione eripuisti me : * et super inimicos meos despéxit óculus meus.

Psalmus 118.

BEÁTI immaculáti in via : * qui ámbulant in lege Dómini.

Beáti, qui scrutántur testimónia ejus : * in toto corde exquirunt eum.

Non enim qui operántur iniquitatem, * in viis ejus ambulavérunt.

Tu mandásti * mandáta tua custodiri nimis.

Utinam dirigántur viæ meæ, * ad custodiédas justificationes tuas.

Tunc non confúndar, * cum perspéxero in ómnibus mandátis tuis.

Confitébor tibi in directione cordis : * in eo quod didici judicia justitiæ tuæ.

Justificationes tuas custódiam : * non me derelinquas usquequáque.

In quo córrigit adolescén-

tior viam suam? * in custodiéndo sermónes tuos.

In toto corde meo exquisivi te : * ne repéllas me a mandátis tuis.

In corde meo abscondi elóquia tua : * ut non peccem tibi.

Benedictus es Dómine : * doce me justificationes tuas.

In lábiis meis, * pronuntiávi ómnia judícia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor : * et considerábo vias tuas.

In justificationibus tuis meditabor : * non oblivíscar sermónes tuos.

RETRÍBUE servo tuo, vivifica me : * et custódiam sermónes tuos.

Revéla óculos meos : * et considerábo mirabilia de lege tua.

Incola ego sum in terra : * non abscondas a me mandáta tua.

Concupívit ánima mea desideráre justificationes tuas, * in omni témpore.

Increpásti supérbos : * maledicti qui declínant a mandátis tuis.

Aufer a me oppróbrium et contéptum : * quia testimónia tua exquisívi.

Etenim sedérunt príncipes, et advérsus me loquebántur : * servus áutem tuus exercebátur in justificationibus tuis.

Nam et testimónia tua meditatio mea est : * et consilium meum justificationes tuæ.

Adhæsit paviménto ánima mea : * vivifica me secúndum verbum tuum.

Vias meas enuntiávi, et exaudisti me : * doce me justificationes tuas.

Viam justificationum tuarum instrue me : * et exercébor in mirabilibus tuis.

Dormitávit ánima mea præ tædio : * confirma me in verbis tuis.

Viam iniquitátis ámove a me : * et de lege tua miserere mei.

Viam veritátis elégi : * iudicia tua non sum oblitus.

Adhæsi testimóniis tuis Dómine : * noli me confundere.

Viam mandatorum tuorum cucúrri, * cum dilatásti cor meum.

Ant. competens.

Capitulum. 1. Tim. 1. d

REGI sæculórum immortalí et invisíbili, soli Deo honor, et glória in sæcula sæculórum. Amen.

R. Deo grátias.

R. br. Christe Fili Dei vivi, * Miserere nobis. **Et repetitur :** Christe Fili Dei vivi, miserere nobis. **V.** Qui sedes ad dexteram Patris. **R.** Miserere nobis. **V.** Glória Patri, et Filio, et Spiritui sancto. **R.** Christe Fili Dei vivi, miserere nobis.

V. Exsúrge Christe, ad-

juva nos. **R.** Et libera nos propter nomen tuum.

Preces. Kýrie eléison. **quæ non dicuntur in Dupl. nec infra Oct. habentur supra in Dominica. 27.**

V. Dóminus vobiscum. **R.** Et cum spiritu tuo.

Orémus. Oratio.

DÓMINE Deus omnipotens, qui ad principium hujus diéi nos pervenire fecisti : tua nos hódie salva virtúte ; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitationes et ópera. Per Dóminum. **R.** Amen.

V. Dóminus vobiscum. **R.** Et cum spiritu tuo.

V. Benedicámus Dómino. **R.** Deo grátias.

Deinde in Choro legitur Martyrologium. Et quando dicenda est Prima de beata Maria, præponitur Lectio Martyrologii.

Postea Hebdomadarius dicit V. Pretiósá in conspéctu Dómini **R.** Mors sanctorum ejus.

Et absolute sine Orémus.

Oratio.

SANCTA María, et omnes Sancti intercédant pro nobis ad Dóminum : ut nos mereámur ab eo adjuvári et salvári, qui vivit et regnat in sæcula sæculórum. **R.** Amen.

V. Deus in adiutórium meum inténde. **R.** Dómine ad adjuvándum me festína.

Et dicitur ter: ultimo additur Glória Patri. Sicut erat.

Kýrie eléison. Christe eléison. Kýrie eléison.

Pater noster. *secreto*

V. Et ne nos inducas in tentationem. R. Sed libera nos a malo.

V. Réspice in servos tuos Dómine, et in ópera tua, et dirige filios eórum. R. Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

V. Glória Patri. R. Sicut erat.

Orémus. *Oratio*

DIRÍGERE et sanctificáre, régere et gubernáre dignáre, Dómine Deus Rex cæli et terræ, hódie corda et córpora nostra, sensus, sermónes, et actus nostros in lege tua, et in opéribus mandatórum tuórum: ut hic, et in ætérnum, te auxiliánte, salvi et liberi esse mereámur, Salvátor mundi: Qui vivis et regnas in sæcula sæculórum. R. Amen.

V. Jube domne benedicere.

Benedictio. Dies et actus nostros in sua pace dispónat Dóminus omnipotens. R. Amen.

Ad Absolutionem Capit. in Festis dicit. Capit. Nonæ. Post Lect. brevem dicitur

V. Adjutórium nostrum in nómine Dómini. R. Qui fecit cælum et terram.

V. Benedicite. R. Deus.

Bened. Dóminus nos benedicat, et ab omni malo deféndat, et ad vitam perducát ætérnam; et fidélium ánimæ per misericórdiam Dei requiészant in pace. R. Amen.

AD TERTIAM

Pater. Ave.

Deus in adjutórium. 17.

Hymnus.

NUNC sancte nobis Spiritus,
Unum Patri cum Filio,
Dignáre promptus ingeri
Nostro refúsus pèctori.

Os, lingua, mens, sensus,
vigor

Confessionem pèsonent,
Flamméscat igne caritas,
Accéndat ardor próximos.

Præsta, Pater piissime,
Patrique compar Unice,
Cum Spíritu Paráclito,
Regnans per omne sæculum.
Amen.

In Dom. per Annum, Ant.
Allelúia.

In feriali Officio per Annum, Ant. Deduc me.

Temp. Advent., Ant. de Laud. Dom., aut ex propriis Laud.

Psalmus.

LEGEM pone mihi Dómine
viam justificationum tuarum: * et exquiram eam semper.

Da mihi intelléctum, et scrutabor legem tuam: * et custódiam illam in toto corde meo.

Deduc me in sémitam
mandatórum tuórum : * quia
ipsam vólui.

Inclína cor meum in testi-
mónia tua : * et non in ava-
ritiam.

Avérte óculos meos ne
videant vanitatem : * in via
tua vivifica me.

Státue servo tuo elóquium
tuum , * in timóre tuo.

Amputa oppróbrium me-
um , quod suspicátus sum : *
quia iudícia tua jucúnda.

Ecce concupívi mandáta
tua : * in æquitáte tua vivi-
fica me.

Et véniat super me mise-
ricórdia tua Dómine : * sa-
lutáre tuum secúndum eló-
quium tuum.

Et respondébo expro-
brántibus mihi verbum : *
quia sperávi in sermónibus
tuis.

Et ne áuferas de ore meo
verbum veritátis usquequá-
que : * quia in iudiciis tuis
supersperávi.

Et custódiam legem tuam
semper : * in sáculum et in
sáculum sáculi.

Et ambulábam in latitú-
dine : * quia mandáta tua
exquisívi.

Et loquébar in testimóniis
tuis in conspéctu regum : *
et non confundébar.

Et meditábar in mandátis
tuis , * quæ diléxi.

Et levávi manus meas ad
mandáta tua , quæ diléxi : *
et exercébar in justificatió-
nibus tuis.

MEMOR esto verbi tui servo
tuo , * in quo mihi spem
dedisti.

Hæc me consoláta est in
humilitáte mea : * quia eló-
quium tuum vivificávit me.

Supérbi inique agébant
usquequáque : * a lege áutem
tua non declinávi.

Memor fui judiciórum
tuórum a sáculo Dómine : *
et consolátus sum.

Deféctio ténuít me , * pro
peccatóribus derelinquénti-
bus legem tuam.

Cantábiles mihi erant ju-
stificatiónes tuæ , * in loco
peregrinatiónis meæ.

Memor fui nocte nóminis
tui Dómine : * et custodívi
legem tuam.

Hæc facta est mihi : * quia
justificatiónes tuas exquisívi.

Pórtio mea Dómine , * dixi
custodire legem tuam.

Deprecátus sum fáciem
tuam in toto corde meo : *
miserére mei secúndum eló-
quium tuum.

Cogitávi vias meas : * et
convértpedes meos in testi-
mónia tua.

Parátus sum , et non sum
turbátus : * ut custódiam
mandáta tua.

Funes peccatórum cir-
cumpléxi sunt me : * et le-
gem tuam non sum oblitus.

Média nocte surgébam ad
confiténdum tibi , * super
iudicia justificatiónis tuæ.

Párticeps ego sum ómnium
timéntium te : * et custo-
diéntium mandáta tua.

Misericórdia tua Dómine plena est terra : * justificatiónes tuas doce me.

BONITÁTEM fecisti cum servo tuo Dómine, * secúndum verbum tuum.

Bonitatem, et disciplinam, et sciéntiam doce me : * quia mandátis tuis crédidi.

Priúsqum humiliárer ego deliqui : * propterea elóquium tuum custodivi.

Bonus es tu : * et in bonitáte tua doce me justificatiónes tuas.

Multiplicáta est super me iniquitas superbórum : * ego áutem in toto corde meo scrutábor mandáta tua.

Coagulátum est sicut lac cor eórum : * ego vero legem tuam meditátus sum.

Bonum mihi quia humiliásti me : * ut discam justificatiónes tuas.

Bonum mihi lex oris tui, * super millia áuri et argénti.

Manus tuæ fecérunt me, et plasmavérunt me : * da mihi intelléctum, et discam mandáta tua.

Qui timent te vidébunt me, et lætabúntur : * quia in verba tua supersperávi.

Cognóvi Dómine quia æquitas judicia tua : * et in veritáte tua humiliásti me.

Fiat misericórdia tua ut consolétur me, * secúndum elóquium tuum servo tuo.

Véniant mihi miseratiónes tuæ, et vivam : * quia lex tua meditatio mea est.

Confundántur superbi,

quia injúste iniquitátem fecérunt in me : * ego áutem exercébtor in mandátis tuis.

Convertántur mihi timéntes te : * et qui novérunt testimónia tua.

Fiat cor meum immaculátum in justificatióibus tuis, * ut non confundar.

Ant. Allelúia, allelúia, allelúia.

Sequens Capit. et alia in aliis Horis dicuntur in Dom. a II. post Epiph. usque ad Septuag. R.R. br. etiam usque ad Dom. I. Quadr., similiter et quæ seq. in feriali Officio.

Capitulum. I. Joan. 4. c

DEUS caritas est : et qui manet in caritate, in Deo manet, et Deus in eo.

R. br. Inclina cor meum Deus * In testimónia tua. Inclina. **V.** Avérte óculos meos, ne vídeant vanitátem : in via tua vivifica me. In. Glória Patri. Inclina.

V. Ego dixi : Dómine miserére mei. **R.** Sana ánimam meam, quia peccávi tibi.

In feriali Officio per Annum, Ant. Deduc me Dómine in sémitam mandatórum tuórum.

Capitulum. Jerem. 17. c

SANA me Dómine, et sanábor : salvum me fac, et salvus ero : quóniam laus mea tu es.

R. br. Sana ánimam meam, * Quia peccávi tibi. Sana. **V.** Ego dixi : Dómine miserére mei. Quia. Glória Patri. Sana.

V. Adjutor meus esto, ne

derelinquas me. *R.* Neque despicias me Deus salutáris meus.

Quando ad Matut. dictæ sunt Preces, ad Tertiam, Sextam et Nonam flexis genibus dicitur :

KYRIE eléison. Christe eléison. Kýrie eléison.

Pater noster. *secreto.*

V. Et ne nos indúcas in tentatiónem. *R.* Sed libera nos a malo.

V. Dómine Deus virtútum convérte nos. *R.* Et osténde fáciem tuam, et salvi érimus.

V. Exsúrge Christe, ádjuva nos. *R.* Et libera nos propter nomen tuum.

V. Dómine exáudi oratió-nem meam. *R.* Et clamor meus ad te véniat.

V. Dóminus vobiscum. *R.* Et cum spiritu tuo.

Orémus. *Orat. conveniens.*

Tempore Advent., in fer. Offic., Ant. de Laud. Dom., aut ex propriis Laud.

Capitulum. Jerem. 23.

ECCE dies véniunt, dicit Dóminus, et suscitábo David germen justum : et regnabit rex, et sapiens erit : et fáciat iudícium et justitiam in terra.

R. br. Veni ad liberándum nos, * Dómine Deus virtútum. Veni. *V.* Osténde fáciem tuam, et salvi érimus. Dómine. Glória Patri. Veni.

V. Timébunt gentes nomen tuum Dómine. *R.* Et omnes reges terræ glóriam tuam.

Kýrie eléison. *ut supra.*

Oratio conveniens.

AD SEXTAM

Pater. Ave María.

Deus in adjutórium. 17.

Hymnus.

RECTOR potens, verax Deus, Qui témperas rerum vi-ces,

Splendóre mane illúminas, Et ignibus merídiem :

Exstingue flammás litium, Aufer calórem nóxium, Confer salútem córporum, Verámque pacem córdium.

Præsta, Pater piíssime, Patrique compar Unice, Cum Spiritu Paráclito, Regnans per omne sæculum. Amen.

In Dom. per Annum, Ant. Allelúia.

In feriali Officio per Annum, Ant. Adjuva me.

Temp. Advent., Ant. de Laud. Dom., aut ex propriis Laud.

Psalmus.

DEFÉCIT in salutáre tuum ánima mea : * et in verbum tuum supersperávi.

Defecérunt óculi mei in elóquium tuum, * dicéntes : Quando consoláberis me?

Quia factus sum sicut uter in pruina : * justificatiónes tuas non sum oblitus.

Quot sunt dies servi tui? * quando fácies de persecúentibus me iudícium?

Narravérunt mihi iníqui fabulatiónes : * sed non ut lex tua.

Omnia mandáta tua véritas : * inique persecúti sunt me, ádjuva me.

Páulo minus consummavérunt me in terra : * ego autem non dereliqui mandáta tua.

Secúndum misericórdiam tuam vivifica me : * et custódiam testimónia oris tui.

In ætérnum Dómine, * verbum tuum pérmanet in celo.

In generatióem et generatióem véritas tua : * fundásti terram, et pérmanet.

Ordinatióne tua perseverat dies : * quóniam ómnia sérviant tibi.

Nisi quod lex tua meditatio mea est : * tunc forte periíssem in humilitáte mea.

In ætérnum non obliviscar justificatiónes tuas : * quia in ipsis vivificásti me.

Tuus sum ego, salvum me fac : * quóniam justificatiónes tuas exquisívi.

Me exspectavérunt peccatóres ut pérderent me : * testimónia tua intelléxi.

Omnis consummatiónis vidi finem : * latum mandátum tuum nimis.

QUÓMODO diléxi legem tuam Dómine? * tota die meditatio mea est.

Super inimicos meos prudentem me fecisti mandáto tuo : * quia in ætérnum mihi est.

Super omnes docéntes me intelléxi : * quia testimónia tua meditatio mea est.

Super senes intelléxi : * quia mandáta tua quæsivi.

Ab omni via mala prohi-

bui pedes meos : * ut custódiam verba tua.

A iudiciis tuis non declinávi : * quia tu legem posuisti mihi.

Quam dúlcia fáucibus meis elóquia tua, * super mel ori meo!

A mandátis tuis intellexi : * propterea odívi omnem viam iniquitátis.

Lucérna pedibus meis verbum tuum, * et lumen sémitis meis.

Jurávi, et státui * custodire iudicia justitiæ tuæ.

Humiliátus sum usquequaque Dómine : * vivifica me secúndum verbum tuum.

Voluntária oris mei benelácita fac Dómine : * et iudicia tua doce me.

Anima mea in mánibus meis semper : * et legem tuam non sum oblitus.

Posuérunt peccatóres láqueum mihi : * et de mandátis tuis non errávi.

Hereditáte acquisívi testimónia tua in ætérnum : * quia exsultatio cordis mei sunt.

Inclinávi cor meum ad faciéndas justificatiónes tuas in ætérnum, * propter retributióem.

INÍQUOS ódio hábui : * et legem tuam diléxi.

Adjutor, et suscéptor meus es tu : * et in verbum tuum supersperávi.

Declináte a me maligni : * et scrutábor mandáta Dei mei.

Súscipe me secúndum eló-

quium tuum, et vivam : * et non confundas me ab expectatione mea.

Adjuva me, et salvus ero : * et meditabor in justificationibus tuis semper.

Sprevisti omnes discedentes a iudiciis tuis : * quia iniusta cogitatio eorum.

Prævaricantes reputavi omnes peccatores terræ : * ideo dilexi testimonia tua.

Confige timore tuo carnes meas : * a iudiciis enim tuis timui.

Feci iudicium et justitiam : * non tradas me calumniantibus me.

Suscipe servum tuum in bonum : * non calumniatur me superbi.

Oculi mei defecerunt in salutare tuum : * et in eloquium justitiæ tuæ.

Fac cum servo tuo secundum misericordiam tuam : * et justificationes tuas doce me.

Servus tuus sum ego : * da mihi intellectum, ut sciam testimonia tua.

Tempus faciendi Dómine : * dissipaverunt legem tuam.

Ideo dilexi mandata tua * super aurum et topázion.

Propterea ad omnia mandata tua dirigebam : * omnem viam iniquam odio habui.

Ant. Allelúia, allelúia, allelúia.

Capitulum. Galat. 6.

ALTER altérius ónera portáte, et sic adimplébitis legem Christi.

R. br. In ætérnum Dómine * Pérmānet verbum tuum. In ætérnum. **V.** In sáculum sáculi vÉRitas tua. Pérmānet. Glória Patri. In ætérnum.

V. Dóminus regit me, et nihil mihi déerit. **R.** In loco pásuæ ibi me collocávit.

In feriali Officio per Annum, Ant. Adjuva me, et salvus ero Dómine.

Capit. Alter altérius ónera.

R. br. Benedicam Dóminum * In omni témpore. Benedicam. **V.** Semper laus ejus in ore meo. In. Glória Patri. Benedicam.

V. Dóminus regit me, et nihil mihi déerit. **R.** In loco pásuæ ibi me collocávit.

Quando ad Matut. dictæ sunt Preces, flexis genibus dicitur :

KYRIE eléison. Christe eléison. Kýrie eléison.

Pater noster. **secreto.**

V. Et ne nos indúcas in tentationem. **R.** Sed libera nos a malo.

V. Dómine Deus virtútum convérte nos. **R.** Et osténde faciē tuam, et salvi érimus.

V. Exsúrge Christe, ádjuva nos. **R.** Et libera nos propter nomen tuum.

V. Dómine exáudi orationem meam. **R.** Et clamor meus ad te véniat.

V. Dóminus vobiscum. **R.** Et cum spiritu tuo.

Orémus. **Oratio conveniens.**

Tempore Advent., in fer.

Offic., Ant. de Laud. Dom.,
aut ex propriis Laud.

Capitulum. Jerem. 33. c

IN diébus illis salvábitur
Juda, et Israë! habitábit
confidénter : et hoc est no-
men, quod vocábunt eum,
Dóminus justus noster.

R. br. Osténde nobis Dó-
mine * Misericórdiam tuam.
Osténde. **V.** Et salutáre tuum
da nobis. Misericórdiam
tuam. Glória Patri. Osténde.

V. Meménto nostri Dómine
in beneplácito pópuli tui. **R.**
Visita nos in salutári tuo.

Kýrie eléison. **ut supra.**

Oratio conveniens.

AD NONAM

Pater. Ave María.

Deus in adjutórium. 17.

Hymnus.

RERUM Deus tenax vigor,
Immótus in te pérma-
nens,

Lucis diúrnæ témpora
Succéssibus detérminans :

Largire lumen véspere,
Quo vita nusquam décidat,
Sed præmium mortis sacræ
Perénis instet glória.

Præsta, Pater piíssime,
Patrique compar Unice,
Cum Spiritu Paráclito
Regnans per omne sáeculum.
Amen.

In Dom. per Annum. Ant.
Allelúia.

In seriali Officio per An-
num, Ant. Adspice in me.

Temp. Advent., Ant. de
Laud. Dom., aut ex propriis
Laud.

Psalmus.

MIRABÍLIA testimónia tua : *
Ídeo scrutáta est ea áni-
ma mea.

Declarátio sermónum tuó-
rum illúminat : * et intellé-
ctum dat párvulis.

Os meum apérui, et attráxi
spiritum : * quia mandáta
tua desiderábam.

Adspice in me, et mise-
rère mei, * secúndum judi-
cium diligéntium nomen
tuum.

Gressus meos dirige se-
cúndum elóquium tuum : *
et non dominétur mei omnis
injustitia.

Rédime me a calúmniis
hóminum : * ut custódiam
mandáta tua.

Fáciem tuam illúmina su-
per servum tuum : * et doce
me justificatiónes tuas.

Exitus aquárum deduxé-
runt óculi mei : * quia non
custodiérunt legem tuam.

Justus es Dómine : * et
rectum judicium tuum.

Mandásti justítiam testi-
mónia tua : * et veritátem
tuam nimis.

Tabéscere me fecit zelus
meus : * quia obliti sunt ver-
ba tua inimici mei.

Ignítum elóquium tuum
veheménter : * et servus
tuus diléxit illud.

Adolescéntulus sum ego,
et contéptus : * justifica-
tiónes tuas non sum oblítus.

Justitia tua, justitia in
aetérnum : * et lex tua véri-
tas.

Tribulatio, et angustia invenerunt me : * mandata tua meditatio mea est.

Æquitas testimonia tua in æternum : * intellectum da mihi, et vivam.

CLAMÁVI in toto corde meo, exaudi me Dómine : * justificationes tuas requiram.

Clamávi ad te, salvum me fac : * ut custodiam mandata tua.

Præveni in maturitate, et clamávi : * quia in verba tua supersperávi.

Prævenérunt óculi mei ad te dilúculo : * ut meditárer elóquia tua.

Vocem meam áudi secúndum misericórdiam tuam Dómine : * et secúndum iudicium tuum vivífica me.

Appropinquavérunt persequéntes me iniquitati : * a lege áutem tua longe facti sunt.

Prope es tu Dómine : * et omnes viæ tuæ véritas.

Initio cognóvi de testimoniis tuis : * quia in æternum fundásti ea.

Vide humilitatem meam, et éripe me : * quia legem tuam non sum oblitus.

Júdica iudicium meum, et rédime me : * propter elóquium tuum vivífica me.

Longe a peccatóribus salus : * quia justificationes tuas non exquisiérunt.

Misericórdiæ tuæ multæ Dómine : * secúndum iudicium tuum vivífica me.

Multi qui persequúntur me, et tribulant me : * a testimoniis tuis non declinávi.

Vidi prævaricántes, et tabescébam : * quia elóquia tua non custodiérunt.

Vide quóniam mandata tua diléxi Dómine : * in misericórdia tua vivífica me.

Principium verbórum tuórum, véritas : * in æternum ómnia iudicia justitiæ tuæ.

PRÍNCIPES persecúti sunt me gratis : * et a verbis tuis formidávit cor meum.

Lætabor ego super elóquia tua : * sicut qui invénit spolia multa.

Iniquitatem ódio hábui, et abominátus sum : * legem áutem tuam diléxi.

Sépties in die láudem dixi tibi, * super iudicia justitiæ tuæ.

Pax multa diligéntibus legem tuam : * et non est illis scándalum.

Exspectábam salutare tuum Dómine : * et mandata tua diléxi.

Custodivit ánima mea testimonia tua : * et diléxit ea veheménter.

Servávi mandata tua, et testimonia tua : * quia omnes viæ meæ in conspéctu tuo.

Appropinquet deprecatio mea in conspéctu tuo Dómine : * juxta elóquium tuum da mihi intellectum.

Intret postulatio mea in conspéctu tuo : * secúndum elóquium tuum éripe me.

Eructábunt lábia mea hy-

mnum, * cum docúeris me
justificatiónes tuas.

Pronuntiábit lingua mea
elóquium tuum : * quia ómnia
mandáta tua æquitas.

Fiat manus tua ut salvet
me : * quóniam mandáta tua
elégi.

Concupívi salutáre tuum
Dómine : * et lex tua medi-
tatio mea est.

Vivet ánima mea, et laudá-
bit te : * et iudicia tua adju-
vábunt me.

Errávi, sicut ovis, quæ
périit : * quære servum tuum,
quia mandáta tua non sum
oblitus.

Ant. Allelúia, allelúia, al-
lelúia.

Capitulum. 1. Cor. 6. d

EMPTI enim estis pretio ma-
gno. Glorificáte et por-
táte Deum in corpore vestro.

R. br. Clamávi in toto
corde meo, * Exáudi me
Dómine. Clamávi. **V.** Justi-
ficatiónes tuas requiram.
Exáudi. Glória. Clamávi.

V. Ab occúltis meis munda
me Dómine. **R.** Et ab aliénis
parce servo tuo.

**In feriali Officio per An-
num, Ant.** Adspice in me,
et miserére mei Dómine.

Capitulum. Empti enim.

R. br. Rédimme me Dómi-
ne, * Et miserére mei. Rédi-
me. **V.** Pes enim meus stetit
in via recta. Et. Glória Pa-
tri. Rédimme.

V. Ab occúltis meis munda
me Dómine. **R.** Et ab aliénis
parce servo tuo.

Quando ad Matut. dictæ
sunt Preces, flexis genibus
dicitur :

KYRIE eléison. Christe eléi-
son. Kýrie eléison.

Pater noster. **secreto.**

V. Et ne nos indúcas in
tentatiónem. **R.** Sed libera
nos a malo.

V. Dómine Deus virtútum
convérte nos. **R.** Et osténde
faciem tuam, et salvi érimus.

V. Exsúrge Christe, ádjuva
nos. **R.** Et libera nos propter
nomen tuum.

V. Dómine exáudi oratió-
nem meam. **R.** Et clamor
meus ad te véniat.

V. Dóminus vobíscum. **R.**
Et cum spiritu tuo.

Orémus. **Oratio conve-
niens.**

**Tempore Adventus, in fer.
Offic., Ant. de Laud. Dom.,
aut ex propriis Laud.**

Capitulum. Is. 14.

PROPE est ut véniat tem-
pus ejus, et dies ejus non
elongabúntur. Miserébitur
enim Dóminus Jacob, et Is-
raël salvábitur.

R. br. Super te Jerúsalem
* Oriétur Dóminus. Super.
V. Et glória ejus in te vidé-
bitur. Oriétur. Glória Patri.
Super.

V. Veni Dómine, et noli
tardáre. **R.** Reláxa facinora
plebi tuæ.

Kýrie eléison.

Oratio conveniens.

**Vesp. in Dom. et in Fer.
habentur inferius post Lau-
des Sabbati.**

FERIA SECUNDA

AD MATUTINUM

Pater. Ave María. Credo.

ŷ. Dómine lábia mea apé-
ries. *ut supra.* 2.

Invit. Veníte,* Exsultémus
Dómino.

Ps. Jubilémus Deo salu-
tári nostro. *ut supra.* 2.

Hymnus.

SOMNO reféctis ártubus,
Spreto cubili súrgimus :
Nobis, Pater, canéntibus
Adesse te depóscimus.

Te lingua primum cónci-
nat,

Te mentis ardor ámbiat :

Ut áctuum sequéntium

Tu, sancte, sis exórdium.

Cedant tenébræ lúmini,

Et nox diúrno sideri,

Ut culpa, quam nox intulit,
Lucis labáscat múnere.

Precámur iidem súpli-
ces,

Noxas ut omnes ámputes,

Et ore te canéntium

Laudéris omni témpore.

Præsta, Pater piissime,

Patrique compar Unice,

Cum Spíritu Paráclito

Regnans per omne sáecu-
lum. Amen.

*Invitatoria per Ferias di-
cuntur in fer. Offic. ab Oct.
Epiph. usque ad Dom. Pas-
sionis. Hymni vero tam ad
Matut. quam ad Laud. et
Vesp., usque ad Dom. I.
Quadrag. Ant. autem Noct.
per totum Annum, ut infra.*

Ant. Dóminus defénsor.

Psalmus 26.

DÓMINUS illuminátio mea,
et salus mea, * quem ti-
mébo?

Dóminus protéctor vitæ
meæ, * a quo trepidábo?

Dum apprópíant super me
nocéntes, * ut edant carnes
meas :

Qui tribulant me inimíci
mei, * ipsi infirmáti sunt, et
cecidérunt.

Si consistant advérsus me
castra, * non timébit cor
meum.

Si exsúrgat advérsus me
prælium, * in hoc ego spe-
rábo.

Unam pétii a Dómino, hanc
requíram, * ut inhábitem in
domo Dómini ómnibus dié-
bus vitæ meæ :

Ut vídeam voluptátem Dó-
mini, * et visitem templum
ejus.

Quóniam abscondit me in
tabernáculo suo : * in die
malórum protéxit me in abs-
condito tabernáculo sui.

In petra exaltávit me : * et
nunc exaltávit caput meum
super inimicos meos.

Circuivi, et immolávi in
tabernáculo ejus hóstiam vo-
ciferatiónis : * cantábo, et
psalmum dicam Dómino.

Exáudi Dómine vocem me-
am, qua clamávi ad te : *
miserére mei, et exáudi me.

Tibi dixit cor meum, ex-
quisívit te fácies mea : * fá-
ciem tuam Dómine requí-
ram.

Ne avértas fáciem tuam a

me : * ne declines in ira a servo tuo.

Adjutor meus esto : * ne derelinquas me, neque despicias me Deus salutaris meus.

Quoniam pater meus, et mater mea dereliquerunt me : * Dominus autem assumpsit me.

Legem pone mihi Domine in via tua : * et dirige me in semitam rectam propter inimicos meos.

Ne tradideris me in animas tribulantium me : * quoniam insurrexerunt in me testes iniqui, et mentita est iniquitas sibi.

Credo videre bona Domini * in terra viventium.

Exspecta Dominum, viriliter age : * et confortetur cor tuum, et sustine Dominum.

Psalmus 27.

AD te Domine clamabo, Deus meus ne sileas a me : * nequando taceas a me, et assimilabor descendenti-bus in lacum.

Exaudi Domine vocem deprecationis meae dum oro ad te : * dum extollo manus meas ad templum sanctum tuum.

Ne simul trahas me cum peccatoribus : * et cum operantibus iniquitatem ne perdas me.

Qui loquuntur pacem cum proximo suo, * mala autem in cordibus eorum.

Da illis secundum opera

eorum, * et secundum nequitiam ad inventionum ipsorum.

Secundum opera manuum eorum tribue illis : * redde retributionem eorum ipsis.

Quoniam non intellexerunt opera Domini, et in opera manuum ejus * destrues illos, et non edificabis eos.

Benedictus Dominus : * quoniam exaudivit vocem deprecationis meae.

Dominus adjutor meus, et protector meus : * in ipso speravit cor meum, et adjutus sum.

Et refloruit caro mea : * et ex voluntate mea confitebor ei.

Dominus fortitudo plebis suae : * et protector salvationum Christi sui est.

Salvum fac populum tuum Domine, et benedic hereditati tuae : * et rege eos, et extolle illos usque in aeternum.

Ant. Dominus defensor vitae meae.

Ant. Adorate.

Psalmus 28.

AFFERTE Domino filii Dei : * afferite Domino filios arietum.

Afferite Domino gloriam et honorem, afferite Domino gloriam nomini ejus : * adorante Dominum in atrio sancto ejus.

Vox Domini super aquas, Deus majestatis intonuit : * Dominus super aquas multas.

Vox Dómini in virtúte : *
vox Dómini in magnificéntia.

Vox Dómini confringéntis
cedros : * et confringet Dó-
minus cedros Libani :

Et commínuet eas tam-
quam vitulum Libani : * et
diléctus quemádmódu fil-
lius unicórnium.

Vox Dómini intercidéntis
flammap ignis : * vox Dó-
mini concutiéntis desértum :
et commovébit Dóminus de-
sértum Cades.

Vox Dómini præparántis
cervos, et revelábit con-
dénsa : * et in templo ejus
omnes dicent glóriam.

Dóminus dilúvium inha-
bitáre facit : * et sedébit Dó-
minus Rex in ætérnum.

Dóminus virtútem pópulo
suo dabit : * Dóminus bene-
dicet pópulo suo in pace.

Psalmus 29.

EXALTÁBO te Dómine, quó-
niam suscepisti me : *
nec delectásti inimicos meos
super me.

Dómine Deus meus cla-
mávi ad te, * et sanásti me.

Dómine eduxisti ab in-
férno ánimam meam : * sal-
vásti me a descendéntibus
in lacum.

Psállite Dómino sancti
ejus : * et confitémini me-
móriæ sanctitátis ejus.

Quóniam ira in indigna-
tione ejus : * et vita in vo-
luntáte ejus.

Ad vésperum demorábitur
fletus : * et ad matulinum
lætítia.

Ego áutem dixi in abun-
dántia mea : * Non movébor
in ætérnum.

Dómine in voluntáte tua, *
præstitisti decóri meo virtú-
tem.

Avertisti fáciem tuam a
me, * et factus sum contur-
bátus.

Ad te Dómine clamábo : *
et ad Deum meum depre-
cábor.

Quæ utilitas in ságuine
meo, * dum descéndo in cor-
ruptiónem?

Numquid confitébitur tibi
pulvis, * aut annuntiábit ve-
ritátem tuam?

Audívit Dóminus, et mi-
sértus est mei : * Dóminus
factus est adjútor meus.

Convertísti planctum me-
um in gáudium mihi : * con-
scidísti saccum meum, et
circumdedisti me lætítia :

Ut cantet tibi glória mea,
et non compúngar : * Dó-
mine Deus meus in ætérnum
confitébor tibi.

Ant. Adoráte Dóminum in
áula sancta ejus.

Ant. In tua justítia.

Psalmus 30.

IN te Dómine sperávi, non
confúndar in ætérnum : *
in justítia tua libera me.

Inclína ad me áurem tu-
am, * accélera ut éruas me.

Esto mihi in Deum pro-
tectórem : et in domum
refúgii, * ut salvum me fá-
cias.

Quóniam fortitúdo mea,
et refúgium meum es tu : *

et propter nomen tuum deduces me, et enutries me.

Educes me de laqueo hoc, quem absconderunt mihi : * quoniam tu es protector meus.

In manus tuas commendo spiritum meum : * redemisti me Domine Deus veritatis.

Odisti observantes vanitates, * supervacue.

Ego autem in Domino speravi : * exultabo, et letabor in misericordia tua.

Quoniam respexisti humilitatem meam, * salvasti de necessitatibus animam meam.

Nec conclusisti me in manibus inimici : * statuisti in loco spatioso pedes meos.

Miserere mei Domine quoniam tribulor : * conturbatus est in ira oculus meus, anima mea, et venter meus :

Quoniam defecit in dolore vita mea : * et anni mei in gemitibus.

Infirmata est in paupertate virtus mea : * et ossa mea conturbata sunt.

Super omnes inimicos meos factus sum opprobrium et vicinis meis valde : * et timor notis meis.

Qui videbant me, foras fugerunt a me : * oblivioni datus sum, tamquam mortuus a corde.

Factus sum tamquam vas perditum : * quoniam audiui vituperationem multorum commorantium in circuitu.

In eo dum convenirent simul adversum me, * accipere animam meam consiliati sunt.

Ego autem in te speravi Domine : * dixi : Deus meus es tu : in manibus tuis sortes meae.

Eripe me de manu inimicorum meorum, * et a persequentibus me.

Illustra faciem tuam super servum tuum, salvum me fac in misericordia tua : * Domine non confundar, quoniam invocavi te.

Erubescant impii, et deducantur in infernum : * muta fiant labia dolosa.

Quae loquuntur adversus justum iniquitatem, * in superbia, et in abusione.

Quam magna multitudo dulcedinis tuae Domine, * quam abscondisti timentibus te.

Perfecisti eis, qui sperant in te, * in conspectu filiorum hominum.

Abscondes eos in abscondito faciei tuae * a conturbatione hominum.

Proteges eos in tabernaculo tuo * a contradictione linguarum.

Benedictus Dominus : * quoniam mirificavit misericordiam suam mihi in civitate munita.

Ego autem dixi in excessu mentis meae : * Projectus sum a facie oculorum tuorum.

Ideo exaudisti vocem ora-

tiónis meæ, * dum clamárem ad te.

Diligite Dóminum omnes sancti ejus : * quóniam veritatem requíret Dóminus, et retribuet abundánter faciéntibus supérbiam.

Viriliter ágite, et confortétur cor vestrum, * omnes qui sperátis in Dómino.

Psalmus 31.

BEÁTI quorum remissæ sunt iniquitátes : * et quorum tecta sunt peccáta.

Beátus vir, cui non imputávit Dóminus peccátum, * nec est in spiritu ejus dolus.

Quóniam tácui, inveteráverunt ossa mea, * dum clamárem tota die.

Quóniam diē ac nocte graváta est super me manus tua : * convérsus sum in ærumna mea, dum configitur spina.

Delictum meum cógnitum tibi feci : * et injustitiam meam non abscondi.

Dixi : Confitébor advérsus me injustitiam meam Dómino : * et tu remisisti impietátem peccáti mei.

Pro hac orábit ad te omnis sanctus, * in témpore opportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatióne, quæ circúmdedit me : * exsultátió mea érue me a circumdántibus me.

Intelléctum tibi dabo, et

instruam te in via hac, qua gradiéris : * firmábo super te óculos meos.

Nolite fieri sicut equus et mulus, * quibus non est intelléctus.

In camo et freno maxillas eórum constringe, * qui non appróximant ad te.

Multa flagélla peccatóris, * sperántem áutem in Dómino misericórdia circúmdabit.

Lætámini in Dómino et exsultáte justí, * et gloriámini omnes recti corde.

Ant. In tua justitia libera me Dómine.

Ant. Rectos decet.

Psalmus 32.

EXSULTÁTE justí in Dómino : * rectos decet collaudátio.

Confitémini Dómino in cithara : * in psaltério decem chordárum psállite illi.

Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Diligit misericórdiam et judicium : * misericórdia Dómini plena est terra.

Verbo Dómini cæli firmáti sunt : * et spiritu oris ejus omnis virtus eórum.

Cóngregans sicut in utre aquas maris : * ponens in thesáuris abyssos.

Timeat Dóminum omnis terra : * ab eo áutem commoveántur omnes inhabitántes orbem.

Quóniam ipse dixit, et facta sunt : * ipse mandávit, et creáta sunt.

Dóminus dissipat consília géntium : * réprobat áutem cogitationés populórum, et réprobat consília principum.

Consilium áutem Dómini in ætérnum manet : * cogitationés cordis ejus in generatióne et generatiónem.

Beáta gens, cujus est Dóminus, Deus ejus : * pópulus, quem elégit in hereditátem sibi.

De cælo respéxit Dóminus : * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum : * qui intélligit ómnia ópera eórum.

Non salvátur rex per multam virtútem : * et gigas non salvábitur in multitudine virtútis suæ.

Fallax equus ad salútem : * in abundántia áutem virtútis suæ non salvábitur.

Ecce óculi Dómini super metuéntes eum : * et in eis, qui sperant super misericórdia ejus :

Ut éruat a morte ánimas eórum : * et alat eos in fame.

Anima nostra sústinet Dóminus : * quóniam adjútor et protéctor noster est.

Quia in eo lætábitur cor nostrum : * et in nómine sancto ejus sperávimus.

Fiat misericórdia tua Dómine super nos : * quemádmódum sperávimus in te.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idipsum.

Exquisivi Dóminum, et exaudivit me : * et ex ómnibus tribulatióibus meis eripuit me.

Accédite ad eum, et illuminámini : * et fácies vestræ non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immittet Angelus Dómini in circúitu timéntium eum : * et eripiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Veníte filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a

malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in precibus eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Rectos decet collaudatio.

Ant. Expugna.

Psalms 34

JÚDICA Dómine nocéntes me, * expugna impugnántes me.

Apprehénde arma et scutum : * et exsúrge in adiutoriúm mihi.

Effúnde frámeam, et conclúde advérsus eos, qui per-

sequúntur me : * dic ánimæ meæ : Salus tua ego sum.

Confundántur et reve-reántur, * quæréntes ánimam meam.

Avertántur retrórsum, et confundántur * cogitántes mihi mala.

Fiant tamquam pulvis ante faciém venti : * et Angelus Dómini coárcetans eos.

Fiat via illórum ténebræ et lúbricum : * et Angelus Dómini pérsequens eos.

Quóniam gratis abscondérunt mihi intéritum láquei sui : * supervácue exprobravérunt ánimam meam.

Véniat illi láqueus, quem ignórat : et cáptio, quam abscondit, apprehéndat eum : * et in láqueum cadat in ipsum.

Anima áutem mea exsultábit in Dómino : * et delectábitur super salutári suo.

Omnia ossa mea dicent : * Dómine, quis similis tibi?

Eripiens inopem de manu fortiórum ejus : * egénium et páuperem a diripiéntibus eum.

Surgéntes testes iníqui, * quæ ignorábam interrogábant me.

Retribuébant mihi mala pro bonis : * sterilitátem ánimæ meæ.

Ego áutem, cum mihi molésti essent, * induébar cilício.

Humiliábam in jejúnio ánimam meam : * et orátio mea in sinu meo convertétur.

Quasi primum, et quasi fratrem nostrum, sic complacebam : * quasi lugens et contristatus, sic humiliabar.

Et adversum me lætati sunt, et convenērunt : * congregata sunt super me flagella, et ignoravi.

Dissipati sunt, nec compuncti, tentaverunt me, subsannaverunt me subsannatione : * frenduerunt super me dentibus suis.

Domine quando respicies? * restitue animam meam a malignitate eorum, a leonibus unicam meam.

Confitebor tibi in ecclesia magna, * in populo gravi laudabo te.

Non supergaudeant mihi qui adversantur mihi inique : * qui oderunt me gratis et annuunt oculis.

Quoniam mihi quidem pacifice loquebantur : * et in iracundia terrae loquentes, dolos cogitabant.

Et dilataverunt super me os suum : * dixerunt : Euge, euge, viderunt oculi nostri.

Vidisti Domine, ne sis : * Domine ne discedas a me.

Exsurge et intende iudicio meo : * Deus meus, et Dominus meus in causam meam.

Iudica me secundum justitiam tuam Domine Deus meus, * et non supergaudeant mihi.

Non dicant in cordibus suis : Euge, euge, animæ

nostræ : * nec dicant : Devoravimus eum.

Erubescant, et reverentur simul, * qui gratulantur malis meis.

Induantur confusione et reverentia * qui magna loquuntur super me.

Exsultent et lætentur qui volunt justitiam meam : * et dicant semper : Magnificetur Dominus, qui volunt pacem servi ejus.

Et lingua mea meditabitur justitiam tuam, * tota die laudem tuam.

Psalmus 35

DIXIT iniustus ut delinquat in semetipso : * non est timor Dei ante oculos ejus.

Quoniam dolose egit in conspectu ejus : * ut inveniatur iniquitas ejus ad odium.

Verba oris ejus iniquitas, et dolus : * noluit intelligere ut bene ageret.

Iniquitatem meditatus est in cubili suo : * adstitit omni viæ non bonæ, malitiam autem non odivit.

Domine in cælo misericordia tua : * et veritas tua usque ad nubes.

Justitia tua sicut montes Dei : * judicia tua abyssus multa.

Homines et jumenta salvabis Domine : * quemadmodum multiplicasti misericordiam tuam Deus.

Filii autem hominum, * in tegmine alarum tuarum sperabunt.

Inebriabúntur ab ubertáte domus tuæ : * et torrén-te voluptátis tuæ potábis eos.

Quóniam apud te est fons vitæ : * et in lúmine tuo vidébimus lumen.

Prætén-de misericórdiam tuam sciéntibus te , * et justitiam tuam his, qui recto sunt corde.

Non véniat mihi pes supérbiæ : * et manus peccatóris non móveat me.

Ibi cecidérunt qui operántur iniquitátem : * expúlsi sunt, nec potuérunt stare.

Ant. Expúgna impugnán-tes me.

Ant. Revéla.

Psalmus 36.

NOLI æmulári in malignán-tibus : * neque zeláveris faciéntes iniquitátem.

Quóniam tamquam fœnum velóciter aréscent : * et quem-ádmódu-m ólera herbárum cito decident.

Spera in Dómino, et fac bonitátem : * et inhábita terram, et pascéris in divítiis ejus.

Delectáre in Dómino : * et dabit tibi petitiónes cordis tui.

Revéla Dómino viam tuam, et spera in eo : * et ipse fáci-et.

Et edúcet quasi lumen ju-stítiam tuam : et judicium tuum tamquam merídiem : * súbditus esto Dómino, et ora eum.

Noli æmulári in eo, qui prosperátur in via sua : * in hómine faciénte injustitias.

Désine ab ira, et derelin-que furórem : * noli æmulári ut malignéris.

Quóniam qui malignántur, exterminabúntur : * susti-néntes áutem Dóminum, ipsi hereditábunt terram.

Et adhuc pusillum, et non erit peccátor : * et quæres locum ejus, et non invé-nies.

Mansuéli áutem hereditá-bunt terram : * et delecta-búntur in multitudíne pacis.

Observábit peccátor ju-stum : * et stridébit super eum déntibus suis.

Dóminus áutem irridébit eum : * quóniam próspicit quod véniet dies ejus.

Gládium evaginavérunt peccatóres : * intendérunt arcum suum,

Ut dejícient páuperem et inopem : * ut trucident re-ctos corde.

Gládus eórum intret in corda ipsórum : * et arcus eórum confringátur.

Mélius est módicum ju-sto, * super divítias pecca-tórum multas.

Quóniam bráchia pecca-tórum conteréntur : * confir-mat áutem justos Dóminus.

Novit Dóminus dies im-maculatórum : * et heréditas eórum in ætérnum erit.

Non confundéntur in tèm-pore malo, et in diébus fa-mis saturabúntur : * quia peccatóres peribunt.

Inimíci vero Dómini mox ut honorificáti fúerint et exal-

táti : * deficientes, quemadmodum fumus deficient.

Mutuabitur peccator, et non solvet : * justus autem miseretur et tribuet.

Quia benedicentes ei hereditabunt terram : * maledicentes autem ei disperibunt.

Apud Dóminum gressus hóminis dirigentur : * et viam ejus volet.

Cum ceciderit, non collidetur : * quia Dóminus supponit manum suam.

Júnior fui, etenim senui : * et non vidi justum derelictum, nec semen ejus quærens panem.

Tota die miseretur et cõmodat : * et semen illius in benedictiõne erit.

Declina a malo, et fac bonum : * et inhabita in sæculum sæculi.

Quia Dóminus amat judicium, et non derelinquet sanctos suos : * in ætérnum conservabuntur.

Injústi puniéntur : * et semen impiórum peribit.

Justi autem hereditabunt terram : * et inhabitabunt in sæculum sæculi super eam.

Os justi meditabitur sapientiã, * et lingua ejus loquetur judicium.

Lex Dei ejus in corde ipsius : * et non supplantabuntur gressus ejus.

Considerat peccator justum : * et quærit mortificare eum.

Dóminus autem non de-

relinquet eum in mânibus ejus : * nec damnabit eum, cum judicabitur illi.

Exspecta Dóminum, et custodi viam ejus : et exaltabit te ut hereditate capias terram : * cum perierint peccatores videbis.

Vidi impium superexaltatum, * et elevatum sicut cedros Libani.

Et transivi, et ecce non erat : * et quæsi eum, et non est inventus locus ejus.

Custodi innocentiam, et vide æquitatem : * quoniam sunt reliquiae hómini pacifico.

Injústi autem disperibunt simul : * reliquiae impiórum interibunt.

Salus autem justórum a Dómino : * et protector eórum in tẽpore tribulatiõnis.

Et adjuvabit eos Dóminus, et liberabit eos : * et eruet eos a peccatoribus, et salvabit eos : quia speraverunt in eo.

Psalmus 37.

DÓMINE ne in furóre tuo árguas me, * neque in ira tua corripas me.

Quoniam sagittæ tuæ infixæ sunt mihi : * et confirmasti super me manum tuam.

Non est sánitas in carne mea a fácie iræ tuæ : * non est pax óssibus meis a fácie peccatórum meórum.

Quoniam iniquitates meæ supergræssæ sunt caput me-

um : * et sicut onus grave gravátæ sunt super me.

Putruérunt et corrúptæ sunt cicatrices meæ, * a fácie insipiéntiæ meæ.

Miser factus sum, et curvátus sum usque in finem : * tota die contristátus ingrediebar.

Quóniam lumbi mei impléti sunt illusió nibus : * et non est sánitas in carne mea.

Afflíctus sum, et humiliátus sum nimis : * rugiébam a gémitu cordis mei.

Dómine ante te omne desiderium meum : * et gémitus meus a te non est absconditus.

Cor meum conturbátum est, dereliquit me virtus mea : * et lumen oculórum meórum, et ipsum non est mecum.

Amici mei, et próximi mei * advérsus me appropinquavérunt, et steterunt.

Et qui juxta me erant, de longe steterunt : * et vim faciébant qui quærébant ánimam meam.

Et qui inquirebánt mala mihi, locúti sunt vanitátes : * et dolos tota die meditábantur.

Ego áutem tamquam surdus non audiébam, * et sicut mutus non apériens os suum.

Et factus sum sicut homo non áudiens : * et non habens in ore suo redargutiónes.

Quóniam in te Dómine

sperávi : * tu exáudies me Dómine Deus meus.

Quia dixi : Nequándo supergáudeant mihi inimici mei : * et dum commovéntur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo.

Inimici áutem mei vivunt, et confirmáti sunt super me : * et multiplicáti sunt qui odérunt me iníque.

Qui retribuunt mala pro bonis, detrahébant mihi : * quóniam sequébar bonitátem.

Ne derelinquas me Dómine Deus meus : * ne discesseris a me.

Inténde in adjutórium meum, * Dómine Deus salútis meæ.

Ant. Revéla Dómino viam tuam.

Per Annum, V. Dómine in cælo misericórdia tua. **R.** Et véritas tua usque ad nubes.

In Adventu, V. Ex Sion spécies decóris ejus. **R.** Deus noster manifesté véniet.

Pro uno Mart. V. Glória et honóre coronásti eum Dómine. **R.** Et constituísti eum super ópera mánuum tuárum.

Pro plur. Mart. V. Lætámini in Dómino, et exultáte justí. **R.** Et gloriámini omnes recti corde.

Pro Conf. Pont. et non Pont. V. Amávit eum Dóminus, et ornávit eum. R. Stollam glóriæ induit eum.

Pro una Sancta V. Spécie tua et pulchritúdine tua. R. Inténde, prospere procéde, et regna.

AD LAUDES

V. Deus in adiutorium. 17.

Quando non assignantur propriæ Ant., dicitur
Ant. Miserere.

Psalmus 50.

MISERERE mei Deus, * secundum magnam misericordiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea : * et a peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cum iudicaris.

Ecce enim in iniquitatibus conceptus sum : * et in peccatis concepit me mater mea.

Ecce enim veritatem dilexisti : * incerta et occulta sapientiae tuae manifestasti mihi.

Asperges me hyssopo, et mundabor : * lavabis me, et super nivem dealabor.

Auditui meo dabis gau-

dium et lætitiā : * et exsultabunt ossa humiliata.

Averte faciem tuam a peccatis meis : * et omnes iniquitates meas dele.

Cor mundum crea in me Deus : * et spiritum rectum innova in visceribus meis.

Ne projicias me a facie tua : * et Spiritum sanctum tuum ne auferas a me.

Redde mihi lætitiā salutaris tui : * et spiritu principali confirma me.

Docébo iniquos vias tuas : * et impii ad te convertentur.

Libera me de sanguinibus Deus, Deus salutis meae : * et exsultabit lingua mea iustitiam tuam.

Dómine lābia mea apéries : * et os meum annuntiabit laudem tuam.

Quoniam si voluisses sacrificium, dedissem utique : * holocaustis non delectaberis.

Sacrificium Deo spiritus contribulatus : * cor contritum, et humiliatum Deus non despicias.

Benigne fac Dómine in bona voluntate tua Sion : * ut ædificentur muri Jerúsalem.

Tunc acceptabis sacrificium iustitiæ, oblationes, et holocausta : * tunc imponent super altare tuum vitulos.

Ant. Miserere mei Deus.

Ant. Intellige.

Psalmus 5.

VERBA mea auribus percipe Dómine, * intellige clamorem meum.

Inténde voci oratiónis meæ, * rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vídebo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justítia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine ut scuto bonæ voluntátis tuæ * coronásti nos.

Ant. Intéllige clamórem meum Dómine.

Ant. Deus Deus meus * ad te de luce vígilo.

Ps. idem, ut supra. 18.

Ant. Convérsus est.

Canticum Isaiaë Prophetæ.

Cap. 12.

CONFITÉBOR tibi Dómine, quóniam irátus es mihi : * convérsus est furor tuus, et consolátus es me.

Ecce Deus salvátor meus, * fiduciáliter agam, et non timébo.

Quia fortitúdo mea, et laus mea Dóminus, * et factus est mihi in salútem.

Hauriétis aquas in gáudio de fóntibus Salvatóris : * et dicétis in die illa : Confitémini Dómino, et invocáte nomen ejus :

Notas fácite in pópulis adinventiões ejus : * mentóte quóniam excélsum est nomen ejus.

Cantáte Dómino quóniam magnífice fecit : * annuntiáte hoc in univérsta terra.

Exsúlta, et láuda habitátio Sion : * quia magnus in médio tui sanctus Israël.

Ant. Convérsus est furor tuus Dómine, et consolátus es me.

Ant. Laudáte * Dóminum de cælis.

Ps. idem, ut supra. 20.

Capit. sequens dicitur in
fer. Offic. ab Oct. Epiph.
usque ad Dom. I. Quadrag.;
aliis temporibus habentur
propria.

Capitulum. Rom. 13. d

Nox præcessit, dies autem
appropinquavit. Abji-
ciamus ergo opera tene-
brarum, et induamur arma
lucis. Sicut in die honeste
ambulamus.

Hymnus.

SPLENDOR paternæ gloriæ,
De luce lucem profe-
rens,

Lux lucis, et fons luminis,
Diem dies illuminans :

Verusque sol illabere,
Micans nitore perpeti :
Jubarque sancti Spiritus
Infunde nostris sensibus.

Votis vocemus et Patrem,
Patrem potentis gratiæ,
Patrem perennis gloriæ :
Culpam reléget lúbricam.

Confirmet actus strénuos :
Dentes retúndat invidi :
Casus secúndet ásperos :
Agénda recte dirigat.

Mentem gubérnet et regat :
Sit pura nobis cástitas :
Fides calóre férveat :
Fráudis venéna nésciat.

Christusque nobis sit ci-
bus,
Potusque noster sit fides :
Læti bibamus sóbriam
Profusiónem Spiritus.

Lætus dies hic tránseat :
Pudor sit ut dilúculum :
Fides velut merídiés :
Crepúsculum mens nésciat.

Auróra lucem próvehit,
Cum luce nobis pródeat
In Patre totus Filius,
Et totus in Verbo Pater.

Deo Patri sit glória,
Ejusque soli Filio,
Cum Spíritu Paráclito,
Nunc et per omne sæculum.
Amen.

Per Annum, *ŷ*. Repléti
sumus mane misericórdia
tua. *℟*. Exsultávimus, et de-
lectáti sumus.

Ad Bened. Ant. Benedi-
ctus * Dóminus Deus Israël.

In Feriis Adventus, Qua-
tuor Temporum, et Vigilia-
rum quæ jejunantur (excepta
Vigilia Nativitatis Domini),
post Ant. ad Benedictus di-
cuntur seq. Preces flexis
genibus : aliis temporibus
non dicuntur.

KYRIE eléison. Christe eléi-
son. Kýrie eléison.

Pater noster. *totum dici-
tur clara voce.*

ŷ. Et ne nos indúcas in
tentatiónem. *℟*. Sed libera
nos a malo.

ŷ. Ego dixi : Dómine mi-
serére mei. *℟*. Sana áni-
mam meam, quia peccávi
tibi.

ŷ. Convértere Dómine ús-
quequo. *℟*. Et deprecábilis
esto super servos tuos.

ŷ. Fiat misericórdia tua
Dómine super nos. *℟*. Quem-
admodum sperávimus in te.

ŷ. Sacerdótes tui induán-
tur justitiam. *℟*. Et sancti
tui exsúltent.

ŷ. Dómine salvum fac re-

gem. *R.* Et exáudi nos in die, qua invocavérimus te.

V. Salvum fac pópulum tuum Dómine, et bédedic hereditáti tuæ. *R.* Et rege eos, et extólle illos usque in ætérnum.

V. Meménto congregatiónis tuæ. *R.* Quam possedisti ab initio.

V. Fiat pax in virtúte tua. *R.* Et abundántia in túrribus tuis.

V. Orémus pro fidélibus defúntis. *R.* Réquiem ætérnam dona eis Dómine, et lux perpétua lúceat eis.

V. Requiéscant in pace. *R.* Amen.

V. Pro frátribus nostris abséntibus. *R.* Salvos fac servos tuos Deus meus, sperántes in te.

V. Pro afflictis et captívis. *R.* Libera eos Deus Israël ex ómnibus tribulatió nibus suis.

V. Mitte eis Dómine auxilium de sancto. *R.* Et de Sion tuére eos.

V. Dómine exáudi oratió nem meam. *R.* Et clamor meus ad te véniat.

Deinde dicitur

Psalmus 129.

DE profúndis clamávi ad te Dómine : * Dómine exáudi vocem meam.

Fiant áures tuæ intendéntes, * in vocem deprecatió nis meæ.

Si iniquitátes observáveris Dómine : * Dómine quis sustinébit?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matulina usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse redimet Israël, * ex ómnibus iniquitátibus ejus.

Glória Patri.

Finito Psalmo, dicitur

V. Dómine Deus virtútum convérte nos. *R.* Et osténde faciém tuam, et salvi érimus.

V. Exsúrge Christe, ádjuva nos. *R.* Et libera nos propter nomen tuum.

V. Dómine exáudi oratió nem meam. *R.* Et clamor meus ad te véniat.

V. Dóminus vobiscum. *R.* Et cum spiritu tuo.

Deinde dic. Orat. propria.
Et quando in feriali Officio fiunt Commem. communes de S. Maria, de S. Joseph, de Apostolis, de Titulo, et de Pace, ante eas tam in Laud. quam in Vesp. fit sequens Commem. de Cruce.

Ant. Per signum Crucis de inimicis nostris libera nos Deus noster.

V. Omnis terra adóret te, et psallat tibi. *R.* Psalmum dicat nómini tuo Dómine.

Orémus. **Oratio.**

PERPÉTUA nos, quæsumus Dómine, pace custódi :

quos per lignum sanctæ Crucis redimere dignatus es.

Quæ Commem. de Cruce fit etiam quando non dicuntur Preces, in feriali tantum Officio.

FERIA TERTIA

AD MATUTINUM

Invit. Jubilémus Deo , *
Salutári nostro.

Ps. Venite, exsultémus. 2.

Hymnus

CONSORS patérni lúminis,
Lux ipse lucis, et dies,
Noctem canéndo rúmpimus:
Assiste postulántibus.

Aufer tenébras méntium,
Fuga catérvas dæmonum,
Expélle somnoléntiam,
Ne pigritántes óbruat.

Sic Christe nobis ómnibus
Indúlgeas credéntibus,
Ut prosit exorántibus,
Quod præcinéntes psállimus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Ut non delinquam.

Psalmus 38.

DIXI : Custódiam vias meas : * ut non delinquam in lingua mea.

Pósui ori meo custódiam,*
cum consisteret peccátor
advérsus me.

Obmútui, et humiliátus sum,
et silui a bonis : * et dolor meus renovátus est.

Concáluit cor meum intra

me : * et in meditatióne mea
exardéscet ignis.

Locútus sum in lingua mea : * Notum fac mihi Dómine finem meum,

Et númerum diérum meórum quis est : * ut sciam quid desit mihi.

Ecce mensurábiles posuisti dies meos : * et substántia mea tamquam nihilum ante te.

Verúmtamen univérsa vánitas , * omnis homo vivens.

Verúmtamen in imágine pertránsit homo : * sed et frustra conturbátur.

Thesaurizat : * et ignórat cui congregábit ea.

Et nunc quæ est exspectátió mea? Nonne Dóminus? * Et substántia mea apud te est.

Ab ómnibus iniquitatibus meis érue me : * oppróbrium insipiénti dedisti me.

Obmútui, et non apérui os meum, quóniam tu fecisti : * ámove a me plagas tuas.

A fortitúdine manus tuæ ego deféci in increpatiónibus : * propter iniquitatem corripuisti hóminem.

Et tabéscere fecisti sicut aráneam ánimam ejus : * verúmtamen vane conturbátur omnis homo.

Exáudi oratióne meam Dómine, et deprecatióne meam : * áuribus pércipe lácrymas meas.

Ne sileas : quóniam ádvena ego sum apud te, et

peregrinus, * sicut omnes patres mei.

Remitte mihi, ut refrigerer priusquam ábeam, * et ámplius non ero.

Psalmus 39.

EXSPÉCTANS expectávi Dóminum, * et inténdit mihi.

Et exaudivit preces meas: * et edúxit me de lacu misériæ, et de luto fácis.

Et státuit super petram pedes meos: * et diréxit gressus meos.

Et immisit in os meum cánticum novum, * carmen Deo nostro.

Vidébunt multi, et timébunt: * et sperábunt in Dómino.

Beátus vir, cujus est nomen Dómini spes ejus: * et non respéxit in vanitátes et insánias falsas.

Multa fecisti tu Dómine Deus meus mirabilia tua: * et cogitatióibus tuis non est qui similis sit tibi.

Annuntiávi, et locútus sum: * multiplicáti sunt super númerum.

Sacrificium et oblatiõem noluisti: * áures áutem perfecisti mihi.

Holocáustum et pro peccáto non postulásti: * tunc dixi: Ecce vénio.

In cápite libri scriptum est de me ut fácere[m] voluntátem tuam: * Deus meus vólui, et legem tuam in médio cordis mei.

Annuntiávi justitiam tuam

in ecclésia magna, * ecce lábia mea non prohibébo: Dómine tu scisti.

Justitiam tuam non abscondi in corde meo: * veritátem tuam et salutáre tuum dixi.

Non abscondi misericórdiam tuam, et veritátem tuam * a concílio multo.

Tu áutem Dómine ne longe fácias miseratiónes tuas a me: * misericórdia tua et véritas tua semper suscepérunt me.

Quóniam circumdedérunt me mala, quorum non est númerus: * comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei: * et cor meum dereliquit me.

Compláceat tibi Dómine ut éruas me: * Dómine ad adjuvándum me respice.

Confundántur et revereántur simul, qui quærunt ánimam meam, * ut áuferant eam.

Convertántur retrórsum, et reve[er]eántur, * qui volunt mihi mala.

Ferant conféstim confusiõem suam, * qui dicunt mihi: Euge, éuge.

Exsúltent, et læténtur super te omnes quæréntes te: * et dicant semper: Magnificétur Dóminus: qui diligunt salutáre tuum.

Ego áutem mendicus sum, et páuper: * Dóminus sollicitus est mei.

Adjutor meus, et protector meus tu es : * Deus meus ne tardaveris.

Ant. Ut non delinquam in lingua mea.

Ant. Sana.

Psalmus 40.

BEATUS qui intelligit super egenum, et pauperem : * in die mala liberabit eum Dominus.

Dominus conservet eum, et vivificet eum, et beatum faciat eum in terra : * et non tradat eum in animam inimicorum ejus.

Dominus opem ferat illi super lectum doloris ejus : * universum stratum ejus versasti in infirmitate ejus.

Ego dixi : Domine miserere mei : * sana animam meam, quia peccavi tibi.

Inimici mei dixerunt mala mihi : * Quando morietur, et peribit nomen ejus?

Et si ingrediebatur ut videret, vana loquebatur, * cor ejus congregavit iniquitatem sibi.

Egrediebatur foras, * et loquebatur in idipsum.

Adversum me susurrabant omnes inimici mei : * adversum me cogitabant mala mihi.

Verbum iniquum constituerunt adversum me : * Numquid qui dormit non adjiciet ut resurgat?

Etenim homo pacis meae, in quo speravi : * qui edebat panes meos, magnificavit super me supplantationem.

Tu autem Domine miserere mei, et resuscita me : * et retribuam eis.

In hoc cognovi quoniam voluisti me : * quoniam non gaudabit inimicus meus super me.

Me autem propter innocentiam suscepisti : * et confirmasti me in conspectu tuo in aeternum.

Benedictus Dominus Deus Israel a saeculo et usque in saeculum : * fiat, fiat.

Psalmus 41.

QUEMADMODUM desiderat cervus ad fontes aquarum : * ita desiderat anima mea ad te Deus.

Sitivit anima mea ad Deum fortem vivum : * quando veniam, et apparebo ante faciem Dei?

Fuerunt mihi lacrymae meae panes die ac nocte : * dum dicitur mihi quotidie : Ubi est Deus tuus?

Haec recordatus sum, et effudi in me animam meam : * quoniam transibo in locum tabernaculi admirabilis, usque ad domum Dei.

In voce exultationis et confessionis : * sonus epulantis.

Quare tristis es anima mea? * et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Ad meipsum anima mea conturbata est : * propterea

memor ero tui de terra Jordánis, et Hermóniim a monte módico.

Abýssus abyssum invocat, * in voce cataractárum tuárum.

Omnia excélsa tua, et fluctus tui * super me transierunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblitus es mei? * et quare contristátus incédo, dum affligit me inimicus?

Dum confringúntur ossa mea, * exprobravérunt mihi, qui tribulant me inimici mei.

Dum dicunt mihi per singulos dies : Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi : * salutare vultus mei, et Deus meus.

Ant. Sana Dómine ánimam meam, quia peccávi tibi.

Ant. Eructávit.

Psalmus 43.

DEUS áuribus nostris audivimus : * patres nostri annuntiavérunt nobis.

Opus, quod operátus es in diébus eórum, * et in diébus antiquis.

Manus tua gentes dispérdit, et plantásti eos : * afflixisti pópulos, et expulisti eos.

Nec enim in gládio suo possederunt terram, * et brá-

chium eórum non salvávit eos :

Sed délixtera tua, et bráchium tuum, et illuminátio vultus tui : * quóniam complacuisti in eis.

Tu es ipse rex meus et Deus meus : * qui mandas salútes Jacob.

In te inimicos nostros ventilábit cornu, * et in nómine tuo spernemus insurgéntes in nobis.

Non enim in arcu meo sperábo : * et gládius meus non salvábit me.

Salvásti enim nos de affligéntibus nos : * et odiéntes nos confudísti.

In Deo laudábimur tota die : * et in nómine tuo confitébimur in sáeculum.

Nunc áutem repulísti et confudísti nos : * et non egrediéris Deus in virtútibus nostris.

Avertísti nos retrórsum post inimicos nostros : * et qui odérunt nos, diripiébant sibi.

Dedísti nos tamquam oves escárum : * et in géntibus dispersisti nos.

Vendidisti pópulum tuum sine prétio : * et non fuit multitúdo in commutatió-nibus eórum.

Posuísti nos oppróbrium vicinis nostris, * subsannatió-nem et derisum his, qui sunt in circúitu nostro.

Posuísti nos in similitúdinem géntibus : * commotió-nem cápitis in pópulis.

Tota die verecúndia mea contra me est, * et confúsió faciēi meæ coopérui me.

A voce exprobrántis, et obloquéntis : * a faciē iními et persequéntis.

Hæc ómnia venérunt super nos, nec obliti sumus te : * et iníque non égimus in testaménto tuo.

Et non recéssit retro cor nostrum : * et declinásti sémitas nostras a via tua :

Quóniam humiliásti nos in loco afflictiónis, * et cooperúit nos umbra mortis.

Si obliti sumus nomen Dei nostri, * et si expándimus manus nostras ad deum aliénium :

Nonne Deus requíret ista? * ipse enim novit abscondita cordis.

Quóniam propter te mortificámur tota die : * æstimáti sumus sicut oves occisiónis.

Exsúrge, quare obdórmis Dómine? * exsúrge, et ne repéllas in finem.

Quare faciē tuam avértis, * oblivisceris inópiæ nostræ, et tribulatiónis nostræ?

Quóniam humiliáta est in púlvere ánima nostra : * conglutinátus est in terra venter noster.

Exsúrge Dómine, ádjuva nos : * et rédime nos propter nomen tuum.

Psalmus 44.

ERUCTÁVIT cor meum verbum bonum : * dico ego ópera mea regi.

Lingua mea cálamus scribæ * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedixit te Deus in ætérnum.

Accíngere gládio tuo super femur tuum, * potentissime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justitiam : * et dedúcet te mirabiliter délixtera tua.

Sagittæ tuæ acútæ, pópuli sub te cadent : * in corda inimicórum regis.

Sedes tua Deus in sæculum sæculi : * virga directiόnis virga regni tui.

Dilexisti justitiam, et odisti iniquitátem : * proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regína a dextris tuis in vestitu deauráto : * circúmdata varietáte.

Audi filia, et vide, et inclina áurem tuam : * et obliviscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéri-

bus * vultum tuum deprecabuntur : omnes divites plebis.

Omnis glória ejus filiæ regis ab intus, * in fimbriis áureis circumamicta varietatibus.

Adducéntur regi virgines post eam : * próximæ ejus afferéntur tibi.

Afferéntur in lætitia et exsultatióne : * adducéntur in templum regis.

Pro pátribus tuis nati sunt tibi filii : * constitues eos principes super omnem terram.

Mémoires erunt nóminis tui * in omni generatióne et generatióne.

Proptérea pópuli confitebuntur tibi in ætérnum : * et in sæculum sæculi.

Ant. Eructávit cor meum verbum bonum.

Ant. Adjutor.

Psalmus 45.

DEUS noster refúgium, et virtus : * adjutor in tribulationibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis impetus lætificat civitátem Dei : * sanctificávit tabernáculum suum Altissimus.

Deus in médio ejus, non

commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscepтор noster Deus Jacob.

Venite, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónferet, et confringet arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscepтор noster Deus Jacob.

Psalmus 46.

OMNES gentes pláudite má nibus : * jubiláte Deo in voce exsultatiónis.

Quóniam Dóminus excélsus, terribilis : * rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite regi nostro, psállite.

Quóniam rex omnis terræ Deus : * psállite sapiénter.

Regnábít Deus super gen-

tes : * Deus sedet super sedem sanctam suam.

Principes populorum congregati sunt cum Deo Abraham : * quoniam dii fortes terræ, vehementer elevati sunt.

Ant. Adjutor in tribulationibus.

Ant. Magnus Dominus.

Psalmus 47.

MAGNUS Dominus, et laudabilis nimis * in civitate Dei nostri, in monte sancto ejus.

Fundatur exultatione universæ terræ mons Sion, * latera Aquilonis, civitas regis magni.

Deus in domibus ejus cognoscetur, * cum suscipiet eam.

Quoniam ecce reges terræ congregati sunt : * conveniunt in unum.

Ipsi videntes sic admirati sunt, conturbati sunt, commoti sunt : * tremor apprehendit eos.

Ibi dolores ut parturientis : * in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri : * Deus fundavit eam in æternum.

Suscipimus Deus misericordiam tuam, * in medio templi tui.

Secundum nomen tuum Deus, sic et laus tua in fines terræ : * justitia plena est dextera tua.

Lætetur mons Sion, et exsultent filiae Judæ * propter judicia tua Domine.

Circumdante Sion, et complectimini eam : * narrate in turribus ejus.

Ponite corda vestra in virtute ejus : * et distribuite domos ejus, ut enarratis in progenie altera.

Quoniam hic est Deus, Deus noster in æternum, et in sæculum sæculi : * ipse reget nos in sæcula.

Psalmus 48.

AUDITE hæc omnes gentes : * auribus percipite omnes, qui habitatis orbem :

Quique terrigenæ, et filii hominum : * simul in unum dives et pauper.

Os meum loquetur sapientiam : * et meditatio cordis mei prudentiam.

Inclinabo in parabolam aurem meam : * aperiam in psalterio propositionem meam.

Cur timebo in die mala? * iniquitas calcanei mei circumdabit me :

Qui confidunt in virtute sua : * et in multitudine divitiarum suarum gloriantur.

Frater non redimit, redimet homo : * non dabit Deo placationem suam.

Et pretium redemptionis animæ suæ : * et laborabit in æternum, et vivet adhuc in finem.

Non videbit interitum, cum viderit sapientes mo-

riéntes : * simul insípiens, et stultus peribunt.

Et relinquent aliénis divítias suas : * et sepúlcræ eórum domus illórum in ætérnum.

Tabernácula eórum in progénie et progénie : * vocavérunt nómina sua in terris suis.

Et homo, cum in honóre esset, non intelléxit : * comparátus est juméntis insipientibus, et similis factus est illis.

Hæc via illórum scándalum ipsis : * et póstea in ore suo complacébunt.

Sicut oves in inférno pósiti sunt : * mors depáscet eos.

Et dominabúntur eórum justí in matutíno : * et auxiliúm eórum veteráscet in inférno a glória eórum.

Verúmtamen Deus rédimet ánimam meam de manu inferi, * cum accéperit me.

Ne timúeris cum dives factus fúerit homo : * et cum multiplicáta fúerit glória domus ejus.

Quóniam cum interíerit, non sumet ómnia : * neque descéndet cum eo glória ejus.

Quia ánima ejus in vita ipsius benedicétur : * confitébitur tibi cum beneféceris ei.

Introíbit usque in progénies patrum suórum : * et usque in ætérnum non vidébit lumen.

Homo, cum in honóre esset, non intelléxit : * comparátus est juméntis insipientibus, et similis factus est illis.

Ant. Magnus Dóminus et laudábilis nimis.

Ant. Deus deórum.

Psalmus 49

DEUS deórum Dóminus locútus est : * et vocávit terram.

A solis ortu usque ad occásam : * ex Sion spécies decóris ejus.

Deus maniféste véniet : * Deus noster et non silébit.

Ignis in conspéctu ejus exardéscet : * et in circúitu ejus tempéstas válda.

Advocábit cælum desúrsum : * et terram discérnere pópulum suum.

Congregáte illi sanctos ejus : * qui órdinant testaméntum ejus super sacrificia.

Et annuntiábunt cæli justítiam ejus : * quóniam Deus judex est.

Audi pópulus meus, et loquar : Israël, et testificabor tibi : * Deus Deus tuus ego sum.

Non in sacrificiis tuis arguam te : * holocáusta áutem tua in conspéctu meo sunt semper.

Non accípíam de domo tua vitulos : * neque de grégibus tuis hircos.

Quóniam meæ sunt omnes feræ silvárum, * juménta in móntibus et boves.

Cognóvi ómnia volatilia
cæli : * et pulchritúdo agri
mecum est.

Si esuriero, non dicam
tibi : * meus est enim orbis
terræ, et plenitúdo ejus.

Numquid manducábo car-
nes taurórum? * aut sángu-
inem hircórum potábo?

Immola Deo sacrificium
láudis : * et redde Altissimo
vota tua.

Et invoca me in die tribu-
latiónis : * éruam te, et ho-
nori ficábis me.

Peccatóri áutem dixit De-
us : * Quare tu enárras ju-
stitias meas, et assúmis
testaméntum meum per os
tuum?

Tu vero odisti discipli-
nam : * et projecisti sermó-
nes meos retrórsum :

Si vidébas furem, curré-
bas cum eo : * et cum adúl-
teris portiónem tuam poné-
bas.

Os tuum abundávit malí-
tia : * et lingua tua concin-
nábat dolos.

Sedens advérsus fratrem
tuum loquebáris, et advér-
sus filium matris tuæ poné-
bas scándalum : * hæc feci-
sti, et tácui.

Existimásti iníque quod
ero tui similis : * árguam te,
et státuam contra fáciem
tuam.

Intelligite hæc qui obli-
viscimini Deum : * nequándo
rápiat, et non sit qui eripiat.

Sacrificium láudis honori-
ficábit me : * et illic iter,

quo osténdam illi salutáre
Dei.

Psalmus 51.

QUID gloriáris in malítia,*
qui potens es in iniqui-
táte?

Tota die injustitiam cogi-
távit lingua tua : * sicut nová-
cula acúta fecisti dolum.

Dilexisti malítiam super
benignitátem : * iniquitátem
magis quam loqui æquitá-
tem.

Dilexisti ómnia verba præ-
cipitátiónis,* lingua dolósa.

Proptérea Deus destruet
te in finem,* évellet te, et
emigrábit te de tabernáculo
tuo : et radicem tuam de
terra vivéntium.

Vidébunt justí, et timé-
bunt, et super eum ridébunt,
et dicent : * Ecce homo,
qui non pósuit Deum adju-
tórem suum :

Sed sperávit in multítu-
dine divitiárum suárum : *
et præváluit in vanitáte sua.

Ego áutem, sicut olíva
fructífera in domo Dei,*
sperávi in misericórdia Dei
in ætérnum : et in sáeculum
sáeculi.

Confitébor tibi in sáecu-
lum, quia fecisti : * et ex-
spectábo nomen tuum, quó-
niam bonum est in conspé-
ctu sanctórum tuórum.

Ant. Deus deórum Dómi-
nus locútus est.

Per Annum. V. Immola
Deo sacrificium láudis. R. Et
redde Altissimo vota tua.

In Adventu, Y. Emitte

Agnum Dómine Dominatórem terræ. *R.* De Petra déserti ad montem filiae Sion.

Pro uno Mart. V. Posuisti Dómine super caput ejus. *R.* Corónam de lápide pretioso.

Pro plur. Mart. V. Exsultent justi in conspéctu Dei. *R.* Et delecténtur in lætítia.

Pro Conf. Pont. V. Elégit eum Dóminus sacerdotem sibi. *R.* Ad sacrificándum ei hóstiam láudis.

Pro Conf. non Pont. V. Os justi meditábitur sapiéntiam. *R.* Et lingua ejus loquétur judicium.

Pro una Sancta. V. Adjúvabit eam Deus vultu suo. *R.* Deus in médio ejus, non commovébitur.

AD LAUDES

Ant. Dele Dómine * iniquitatem meam.

Ps. Miserére. 59.

Ant. Salutare.

Psalmus 42.

JÚDICA me Deus, et discérne cáusam meam de gente non sancta, * ab hómine iníquo et dolóso érue me.

Quia tu es Deus fortitúdo mea : * quare me repulisti? et quare tristis incédo, dum affligit me inimicus?

Emitte lucem tuam et veritatem tuam : * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei : * ad Deum, qui lætíficat juventutem meam.

Confitébor tibi in cithara Deus Deus meus : * quare tristis es ánima mea? et quare contúrbas me?

Spera in Deo, quóniam adhuc confitébor illi : * salutare vultus mei, et Deus meus.

Ant. Salutare vultus mei, et Deus meus.

Ant. Ad te de luce * vigilo Deus.

Ps. Deus Deus meus. 18.

Ant. Cunctis diébus.

Canticum Ezechiae.

Isaiae 38. b

EGO dixi : In dimídio diérum meórum * vadam ad portas inferi.

Quæsi vi résiduum annórum meórum. * Dixi : Non vidébo Dóminum Deum in terra vivéntium.

Non adspiciam hóminem ultra, * et habitatórem quíetis.

Generátio mea abláta est, et convolúta est a me, * quasi tabernáculum pastórum.

Præcisa est veluta texénte, vita mea : dum adhuc ordírer, succídit me : * de mane usque ad vésperam finies me.

Sperábam usque ad mane : * quasi leo sic contrívit ómnia ossa mea :

De mane usque ad vésperam finies me : * sicut pulus hirúndinis sic clamábo, meditábor ut colúmba :

Attenuáti sunt óculi mei, * suspiciéntes in excélsu :

Dómine vim pátiór, respónde pro me. * Quid dicam, aut quid respondébit mihi, cum ipse fécerit?

Recogitábo tibi omnes annos meos * in amaritúdine ánimæ meæ.

Dómine si sic vivitur, et in talibus vita spíritus mei, corripies me, et vivificábis me. * Ecce in pace amaritúdo mea amaríssima :

Tu áutem eruísti ánimam meam, ut non períret : * projecísti post tergum tuum ómnia peccáta mea.

Quia non inférnus confitébitur tibi, neque mors laudábit te : * non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie : * pater filiis notam faciet veritátem tuam.

Dómine salvum me fac, * et psalmos nostros cantábitis cunctis diébus vitæ nostræ in domo Dómini.

Ant. Cunctis diébus vitæ nostræ salvos nos fac Dómine.

Ant. Omnes Angeli ejus * laudáte Dóminum de cælis.

Ps. Laudáte Dóminum de cælis. 20.

Capitulum. Rom. 13. d

Nox præcéssit, dies áutem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus.

ALES diéi nuntius
Lucem propínquam præcinit :

Nos excitátor méntium
Jam Christus ad vitam vocat.

Auférte, clamat, léctulos,
Ægro sopóre désides :
Castique, recti, ac sóbrii
Vigiláte, jam sum próxímus.

Jesum ciámus vóciбус,
Flentes, precántes, sóbrii :
Inténta supplicátio
Dormire cor mundum vetat.

Tu Christe somnum discute :

Tu rumpe noctis víncula :
Tu solve peccátum vetus,
Novúmque lumen ingere.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sæculum.
Amen.

V. Repléti sumus mane misericórdia tua. **R.** Exsultávimus, et delectáti sumus.

Ad Bened. Ant. Eréxit nobis * Dóminus cornu salútis in domo David púeri sui.

Preces, quando dicuntur, habentur supra in Feria II.
61.

FERIA QUARTA AD MATUTINUM

Invit. In manu tua Dómine * Omnes fines terræ.

Ps. Veníte, exsultémus Dómino. 2.

Hymnus.

RERUM Creátor óptime,
Rectórque noster, ádspice :

Nos a quíete nóxia
Mersos sopóre libera.

Te, sancte Christe, pósci-
mus,
Ignósce culpis ómnibus :
Ad confiténdum súrgimus,
Morásque noctis rúmpi-
mus.

Mentes manúsque tólli-
mus,
Prophéta sicut nóctibus
Nobis geréndum præcipit,
Paulúsque gestis cénsuit.

Vides malum quod fécimus :

Occúlta nostra pándimus :
Preces geméntes fúndimus :
Dimítte quod peccávimus.

Præsta, Pater piússime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Avértit Dóminus.

Psalmus 52.

DIXIT insipiens in corde
suo : * Non est Deus.

Corrúpti sunt, et abomi-
nábiles facti sunt in iniqui-
tátibus : * non est qui fáciat
bonum.

Deus de cælo prospéxit
super filios hóminum : * ut
videat si est intélligens, aut
requírens Deum.

Omnes declinavérunt, si-
mul inútiles facti sunt : * non
est qui fáciat bonum, non
est usque ad unum.

Nonne scient omnes qui
operántur iniquitátem, * qui
dévorant plebem meam ut
cibum panis?

Deum non invocavérunt : *

illic trepidavérunt timóre,
ubi non erat timor.

Quóniam Deus dissipávit
ossa eórum qui homínibus
placent : * confúsi sunt, quó-
niam Deus sprevit eos.

Quis dabit ex Sion salutá-
re Israël? * cum convérte-
rit Deus captivitátem plebis
suæ, exsultábit Jacob, et læ-
tábitur Israël.

Psalmus 54.

EXÁUDI Deus oratióem
meam, et ne despéxeris
deprecationem meam : * in-
ténde mihi, et exáudi me.

Contristátus sum in exer-
citatióne mea : * et contur-
bátus sum a voce inimíci, et
a tribulatióne peccatóris.

Quóniam declinavérunt in
me iniquitátes : * et in ira
molésti erant mihi.

Cor meum conturbátum
est in me : * et formido mor-
tis cecidit super me.

Timor et tremor venérunt
super me : * et contexérunt
me ténebræ.

Et dixi : Quis dabit mihi
pennas sicut colúmbæ, * et
volábo, et requiescam?

Ecce elongávi fúgiens : *
et mansi in solitúdine.

Exspectábam eum, qui
salvum me fecit * a pusilla-
nimitate spiritus et tempe-
státe.

Præcípita Dómine, divide
linguas eórum : * quóniam
vidi iniquitátem, et contra-
dictiódinem in civitáte.

Die ac nocte circúmdabit
eam super muros ejus ini-

quitas : * et labor in médio ejus, et injustitia.

Et non defécit de platéis ejus * usúra, et dolus.

Quóniam si inimicus meus maledixisset mihi, * sustinuissem útique.

Et si is, qui óderat me, super me magna locútus fuisset : * abscondissem me fórsitan ab eo.

Tu vero homo unánimis : * dux meus, et notus meus.

Qui simul mecum dulces capiébas cibos : * in domo Dei ambulávimus cum consensu.

Véniat mors super illos : * et descéndant in inférnum vivéntes :

Quóniam nequitiæ in habitáculis eórum : * in médio eórum.

Ego áutem ad Deum clamávi : * et Dóminus salvábit me.

Véspere, et mane, et merídie narrábo et annuntiábo : * et exáudiet vocem meam.

Rédimet in pace ánimam meam ab his, qui appropínquant mihi : * quóniam inter multos erant mecum.

Exáudiet Deus, et humiliábit illos, * qui est ante sæcula.

Non enim est illis commutatio, et non timuérunt Deum : * exténdit manum suam in retribuendo.

Contaminavérunt testaméntum ejus, divisi sunt ab ira vultus ejus : * et appropinquávit cor illius.

Molliti sunt sermónes ejus super óleum : * et ipsi sunt jácula.

Jacta super Dóminum curam tuam, et ipse te enútriet : * non dabit in ætérnum fluctuatióem justo.

Tu vero Deus dedúces eos, * in púteum intéritus.

Viri sánguinem, et dolósi non dimidiábunt dies suos : * ego áutem sperábo in te Dómine.

Ant. Avértit Dóminus captivitátem plebis suæ.

Ant. Quóniam.

Psalmus 55.

MISERÉRE mei Deus, quóniam concalcávit me homo : * tota die impúgnans tribulávit me.

Concalcavérunt me inimici mei tota die : * quóniam multi bellántes advérsum me.

Ab altitúdine diéi timébo : * ego vero in te sperábo.

In Deo laudábo sermónes meos, in Deo sperávi : * non timébo quid fáciat mihi caro.

Tota die verba mea exsecrábantur : * advérsum me omnes cogitatióes eórum in malum.

Inhabitábunt et abscóndent : * ipsi calcáneum meum observábunt.

Sicut sustinuérunt ánimam meam, pro nihilo salvos fácies illos : * in ira pópulos confringes.

Deus, vitam meam annuntiávi tibi : * posuisti lácrymas meas in conspéctu tuo,

Sicut et in promissione tua : * tunc convertentur inimici mei retrorsum :

In quacumque die invocavero te : * ecce cognovi quoniam Deus meus es.

In Deo laudabo verbum, in Domino laudabo sermonem : * in Deo speravi, non timebo quid faciat mihi homo.

In me sunt Deus vota tua, * quae reddam, laudationes tibi.

Quoniam eripuisti animam meam de morte, et pedes meos de lapsu : * ut placeam coram Deo in lumine viventium.

Psalmus 56.

MISERERE mei Deus, miserere mei : * quoniam in te confidit anima mea.

Et in umbra alarum tuarum sperabo, * donec transeat iniquitas.

Clamabo ad Deum altissimum : * Deum qui benefecit mihi.

Misit de caelo, et liberavit me : * dedit in opprobrium me conculcantes me.

Misit Deus misericordiam suam, et veritatem suam, * et eripuit animam meam de medio catulorum leonum : dormivi conturbatus.

Filii hominum dentes eorum arma et sagittae : * et lingua eorum gladius acutus.

Exaltare super caelos Deus : * et in omnem terram gloria tua.

Laqueum paraverunt pe-

dibus meis, * et incurvaverunt animam meam.

Foderunt ante faciem meam foveam : * et incidérunt in eam.

Paratum cor meum Deus, paratum cor meum : * cantabo, et psalmum dicam.

Exsurge gloria mea, exsurge psalterium et cithara : * exurgam diluculo.

Confitebor tibi in populis Domine : * et psalmum dicam tibi in gentibus :

Quoniam magnificata est usque ad caelos misericordia tua, * et usque ad nubes veritas tua.

Exaltare super caelos Deus : * et super omnem terram gloria tua.

Ant. Quoniam in te confidit anima mea.

Ant. Justa iudicate.

Psalmus 57.

SI vere utique iustitiam loquimini : * recta iudicate filii hominum.

Etenim in corde iniquitates operamini : * in terra injustitias manus vestrae concinnant.

Alienati sunt peccatores a vulva, erraverunt ab utero : * locuti sunt falsa.

Furor illis secundum similitudinem serpentis : * sicut aspidis surdae, et obturantis aures suas :

Quae non exaudiet vocem incantantium : * et venefici incantantis sapienter.

Deus conteret dentes eorum in ore ipsorum : * molas

leónum confringet Dóminus.

Ad nihilum devénient tamquam aqua decúrrens : * inténdit arcum suum donec infirméntur.

Sicut cera, quæ fluit, auféruntur : * supercécidit ignis, et non vidérunt solem.

Priúsqvam intelligerent spinæ vestræ rhamnum : * sicut vivéntes, sic in ira absórbet eos.

Lætábitur justus cum viderit vindictam : * manus suas lavábit in ságuine peccatóris.

Et dicet homo : Si útique est fructus justo : * útique est Deus júdicans eos in terra.

Psalmus 58.

ERIPE me de inimicis meis Deus meus : * et ab insurgéntibus in me libera me.

Eripe me de operántibus iniquitátem : * et de viris ságuinum salva me.

Quia ecce cepérunt ánimam meam : * irruérunt in me fortes.

Neque iniquitas mea, neque peccátum meum Dómine : * sine iniquitáte cucúrri, et diréxi.

Exsúrge in occúrsum meum, et vide : * et tu Dómine Deus virtútum, Deus Israël,

Inténde ad visitándas omnes gentes : * non misereáris ómnibus, qui operántur iniquitátem.

Converténtur ad vésperam : et famem patiéntur ut canes, * et circuíbunt civitátem.

Ecce loquéntur in ore suo,

et gládus in lábiis eórum : * quóniam quis audivit ?

Et tu Dómine deridébis eos : * ad nihilum dedúces omnes gentes.

Fortitúdinem meam ad te custódiam, quia Deus suscéptor meus es : * Deus meus, misericórdia ejus prævéniét me.

Deus osténdet mihi super inimicos meos, ne occidas eos : * nequándo obliviscántur pópuli mei.

Dispérge illos in virtúte tua : * et depóne eos protector meus Dómine :

Delictum oris eórum, sermónem labiórum ipsórum : * et comprehendántur in supérbia sua.

Et de exsecratióne et mendácio annuntiabúntur in consummatióne : * in ira consummatiόνis, et non erunt.

Et scient quia Deus dominábitur Jacob : * et finium terræ.

Converténtur ad vésperam, et famem patiéntur ut canes : * et circuíbunt civitátem.

Ipsi dispergéntur ad manducándum : * si vero non fúerint saturáti, et murmurábunt.

Ego áutem cantábo fortitúdinem tuam : * et exultábo mane misericórdiam tuam.

Quia factus es suscéptor meus, * et refúgium meum, in die tribulatiόνis meæ.

Adjútor meus tibi psallam, quia Deus suscéptor meus

es : * Deus meus misericórdia mea.

Ant. Justa judicáte filii hóminum.

Ant. Da nobis.

Psalmus 59.

DEUS repulisti nos, et destruxisti nos : * irátus es, et misértus es nobis.

Commovisti terram, et conturbásti eam : * sana contritiónes ejus, quia commóta est.

Ostendisti pópulo tuo dura : * potásti nos vino compunctiónis.

Dedisti metuéntibus te significatióem : * ut fúgiant a fácie arcus :

Ut liberéntur dilécti tui : * salvum fac délixtera tua, et exáudi me.

Deus locútus est in sancto suo : * Lætabor, et partibor Sichimam : et convállem tabernaculórum metibor.

Meus est Gálaad, et meus est Manásses : * et Ephraïm fortitúdo cápitis mei.

Juda rex meus : * Moab olla spei meæ.

In Idumæam exténdam calceaméntum meum : * mihi alienígenæ súbditi sunt.

Quis dedúcet me in civitátem munitam? * quis dedúcet me usque in Idumæam?

Nonne tu Deus, qui repulisti nos : * et non egrediéris Deus in virtútibus nostris?

Da nobis auxílium de tribulatióne : * quia vana salus hóminis.

In Deo faciémus virtútem : * et ipse ad níhilum dedúcet tribulántes nos.

Psalmus 60.

EXÁUDI Deus deprecatió-nem : * inténde oratióni meæ.

A finibus terræ ad te clamávi : * dum anxiarétur cor meum, in petra exaltásti me.

Deduxisti me, quia factus es spes mea : * turris fortitúdinis a fácie inimíci.

Inhabitábo in tabernáculo tuo in sácula : * prótegar in velaménto alárum tuárum.

Quóniam tu Deus meus exaudisti oratióem meam : * dedisti hereditátem timéntibus nomen tuum.

Dies super dies regis adjicies : * annos ejus usque in diem generatiónis et generatiónis.

Pérmanet in ætérnum in conspéctu Dei : * misericórdiam et veritátem ejus quis requíret?

Sic psalmum dicam nómini tuo in sáculum sáculi : * ut reddam vota mea de die in diem.

Ant. Da nobis Dómine auxílium de tribulatióne.

Ant. Nonne Deo.

Psalmus 61.

NONNE Deo subjécta erit ánima mea? * ab ipso enim salutáre meum.

Nam et ipse Deus meus, et salutáris meus : * suscéptor meus, non movébor ámplius.

Quoúsque irrúitis in hóminem? * interficitis univérsi

vos : tamquam parieti inclinato et maceriae depulsae?

Verumtamen pretium meum cogitaverunt repellere, cucurri in siti : * ore suo benedicabant, et corde suo maledicebant.

Verumtamen Deo subiecta esto anima mea : * quoniam ab ipso patientia mea.

Quia ipse Deus meus, et salvator meus : * adjutor meus, non emigrabo.

In Deo salutare meum, et gloria mea : * Deus auxilii mei, et spes mea in Deo est.

Sperate in eo omnis congregatio populi, effundite coram illo corda vestra : * Deus adjutor noster in aeternum.

Verumtamen vani filii hominum, mendaces filii hominum in statereis : * ut decipiant ipsi de vanitate in idipsum.

Nolite sperare in iniquitate, et rapinas nolite concupiscere : * divitiae si affluant, nolite cor apponere.

Semel locutus est Deus, duo haec audivi, quia potestas Dei est, et tibi Domine misericordia : * quia tu reddes unicuique juxta opera sua.

Psalmus 63.

EXAUDI Deus orationem meam cum deprecor : * a timore inimici eripe animam meam.

Protexisti me a conventu malignantium : * a multitudine operantium iniquitatem.

Quia exacerunt ut gladium

linguas suas : * intenderunt arcum rem amaram, ut sagittent in occultis immaculatum.

Subito sagittabunt eum, et non timebunt : * firmaverunt sibi sermonem nequam.

Narraverunt ut absconderent laqueos : * dixerunt : Quis videbit eos?

Scrutati sunt iniquitates : * defecerunt scrutantes scrutiny.

Accedet homo ad cor altum : * et exaltabitur Deus.

Sagittae parvulorum factae sunt plagae eorum : * et infirmatae sunt contra eos linguae eorum.

Conturbati sunt omnes qui videbant eos : * et timuit omnis homo.

Et annuntiaverunt opera Dei, * et facta ejus intellexerunt.

Latabitur justus in Domino, et sperabit in eo, * et laudabuntur omnes recti corde.

Ant. Nonne Deo subiecta erit anima mea?

Ant. Benedicite.

Psalmus 65.

JUBILATE Deo omnis terra, * psalmum dicite nomini ejus : * date gloriam laudi ejus.

Dicite Deo, Quam terribilia sunt opera tua Domine! * in multitudine virtutis tuae mentientur tibi inimici tui.

Omnis terra adoret te, et psallat tibi : * psalmum dicat nomini tuo.

Venite, et videte opera

Dei : * terríbilis in consíliis super filios hóminum.

Qui convértit mare in áridam, in flúmine pertransibunt pede : * ibi lætábimur in ipso.

Qui dominátur in virtúte sua in ætérnum, óculi ejus super gentes respiciunt : * qui exáspérant non exalténtur in semetipsis.

Benedicite gentes Deum nostrum : * et audítam fácite vocem láudis ejus.

Qui pósuit ánimam meam ad vitam : * et non dedit in commotióne pedes meos.

Quóniam probásti nos Deus : * igne nos examinásti, sicut examinátur argéntum.

Induxísti nos in láqueum, posuísti tribulatiónes in dorso nostro : * imposuísti hómines super cápita nostra.

Transívimus per ignem et aquam : * et eduxísti nos in refrigerium.

Introibo in domum tuam in holocáustis : * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocáusta medulláta offeram tibi cum incénso arietum : * offeram tibi boves cum hircis.

Veníte, audíte, et narrábo, omnes qui timétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitátem si adspéxi in corde meo, * non exáudiet Dóminus.

Proptérea exaudivit Deus, * et atténdit voci deprecationis meæ.

Benedictus Deus, * qui non amóvit oratióne meam, et misericórdiam suam a me.

Psalmus 67.

EXSÚRGAT Deus, et dissipéntur inimíci ejus, * et fúgiant qui odérunt eum, a fácie ejus.

Sicut déficit fumus, deficiant : * sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei : * et delecténtur in lætitia.

Cantáte Deo, psalmum dicite nómini ejus : * iter fácite ei, qui ascéndit super occásus : Dóminus nomen illi.

Exsultáte in conspéctu ejus : * turbabúntur a fácie ejus, patris orphanórum, et júdicis viduárum.

Deus in loco sancto suo : * Deus qui inhabitáre facit unius moris in domo :

Qui edúcit vinctos in fortitúdine, * similiter eos qui exáspérant, qui hábitant in sepúlcris.

Deus, cum egrederéris in conspéctu pópuli tui, * cum pertransíres in desérto :

Terra mota est, étenim cæli distillavérunt a fácie Dei Sinai, * a fácie Dei Israël.

Plúviam voluntáriam segregábis Deus hereditáti

tuæ : * et infirmata est, tu vero perfecisti eam.

Animalia tua habitabunt in ea : * parasti in dulcedine tua pauperi Deus.

Dominus dabit verbum evangelizantibus, * virtute multa.

Rex virtutum dilecti dilecti : * et speciei domus dividere spolia.

Si dormiatis inter medios cleros, pennae columbae deargentatae, * et posteriora dorsi ejus in pallore auri.

Dum discernit caelestis reges super eam, nive dealbantur in Selmon : * mons Dei, mons pinguis.

Mons coagulatus, mons pinguis : * ut quid suspicamini montes coagulatos?

Mons, in quo beneplacitum est Deo habitare in eo : * etenim Dominus habitabit in finem.

Currus Dei decem millibus multiplex, millia letantium : * Dominus in eis in Sina in sancto.

Ascendisti in altum, cepisti captivitatem : * accepisti dona in hominibus :

Etenim non credentes, * inhabitare Dominum Deum.

Benedictus Dominus die quotidie : * prosperum iter faciet nobis Deus salutarium nostrorum.

Deus noster, Deus salvos faciendi : * et Domini Domini exitus mortis.

Verumtamen Deus confringet capita inimicorum

suorum : * verticem capilli perambulantium in delictis suis.

Dixit Dominus : Ex Basan convertam, * convertam in profundum maris :

Ut intingat pes tuus in sanguine : * lingua canum tuorum ex inimicis, ab ipso.

Viderunt ingressus tuos Deus, * ingressus Dei mei : regis mei qui est in sancto.

Prævenérunt principes conjuncti psallentibus, * in medio juvenularum tympanistriarum.

In ecclesiis benedicite Deo Domino, * de fontibus Israël.

Ibi Benjamin adolescentulus, * in mentis excessu.

Principes Juda, duces eorum : * principes Zabulon, principes Nephtali.

Manda Deus virtuti tuæ : * confirma hoc Deus, quod operatus es in nobis.

A templo tuo in Jerusalem, * tibi offerent reges munera.

Increpa feras arundinis, congregatio taurorum in vaccis populorum : * ut excludant eos, qui probati sunt argento.

Dissipa gentes, quæ bella volunt : venient legati ex Ægypto : * Æthiopia præveniet manus ejus Deo.

Regna terræ, cantate Deo : * psallite Domino.

Psallite Deo, qui ascendit super cælum cæli, * ad Orientem.

Ecce dabit voci suæ vocem

virtútis, date glóriam Deo super Israël, * magnificéntia ejus, et virtus ejus in núbibus.

Mirábilis Deus in sanctis suis, Deus Israël ipse dabit virtútem, et fortitúdinem plebi suæ, * benedíctus Deus.

Ant. Benedícite gentes Deum nostrum.

Per Annum. V. Deus vitam meam annuntiávi tibi.

R. Posuisti lácrymas meas in conspéctu tuo.

In Adventu. V. Egrediétur Dóminus de loco sancto suo.

R. Véniet ut salvet pópulum suum.

Pro uno Mart. V. Magna est glória ejus in salutári tuo. R. Glóriam et magnum decórem impónes super eum.

Pro plur. Mart. V. Justi áutem in perpétuum vivent.

R. Et apud Dóminum est merces eórum.

Pro Conf. Pont. V. Tu es sacerdos in ætérnum. R. Secundum órđinem Melchisedech.

Pro Confessore non Pont. V. Lex Dei ejus in corde ipsius. R. Et non supplantábuntur gressus ejus.

Pro una Sancta. V. Elégit eam Deus, et præelégit eam.

R. In tabernáculo suo habitáre facit eam.

AD LAUDES

Ant. Amplius lava me * Dómine ab injustitia mea.

Ps. Miserére. 59.

Ant. Te decet.

Psalmus 64

TE decet hymnus Deus in Sion : * et tibi reddétur votum in Jerúsalem.

Exáudi oratióem meam : * ad te omnis caro véniet.

Verba iniquórum prævaluerunt super nos : * et impietátibus nostris tu propitiáberis.

Beátus, quem elegisti, et assumpsisti : * inhabitábit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos Deus salutáris noster, * spes ómnium finium terræ, et in mari longe.

Præparans montes in virtúte tua, accíntus poténtia : * qui contúrbas profúndum maris, sonum flúctuum ejus.

Turbabúntur gentes, et timébunt qui hábitant téminos a signis tuis : * éxitus matutini, et véspere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparatio ejus.

Rivos ejus inébria, multiplica genímína ejus : * in stillicídiis ejus lætábitur gérminans.

Benedices corónæ anni benignitátis tuæ : * et campi tui replebúntur ubertáte.

Pinguéscent speciosa déserti : * et exsultatione colles accingentur.

Induti sunt arietes ovium, et valles abundabunt frumento : * clamabunt, etenim hymnum dicent.

Ant. Te decet hymnus Deus in Sion.

Ant. Labia mea * laudabunt te in vita mea Deus meus.

Ps. Deus Deus meus. 18.

Ant. Dominus iudicabit.

Canticum Annæ.

I. Reg. 2.

EXSULTAVIT cor meum in Domino, * et exaltatum est cornu meum in Deo meo.

Dilatatum est os meum super inimicos meos : * quia lætata sum in salutari tuo.

Non est sanctus, ut est Dominus : neque enim est alius extra te, * et non est fortis sicut Deus noster.

Nolite multiplicare loqui sublimia, * gloriantes :

Recedant vetera de ore vestro : quia Deus scientiarum, Dominus est, * et ipsi præparantur cogitationes.

Arcus fortium superatus est, * et infirmi accincti sunt robore.

Repleti prius, pro panibus se locaverunt : * et famelici saturati sunt,

Donec sterilis peperit plurimos : * et quæ multos habebat filios, infirmata est.

Dominus mortificat et vivificat : * deducit ad inferos et reducit.

Dominus pauperem facit et ditat, * humiliat et sublevat.

Suscitat de pulvere egenum, * et de stercore elevat pauperem :

Ut sedeat cum principibus, * et solium gloriæ teneat.

Domini enim sunt cardines terræ, * et posuit super eos orbem.

Pedes sanctorum suorum servabit, et impii in tenebris conticescent : * quia non in fortitudine sua roborabitur vir.

Dominum formidabunt adversarii ejus : * et super ipsos in cælis tonabit :

Dominus iudicabit fines terræ, et dabit imperium regi suo, * et sublimabit cornu Christi sui.

Ant. Dominus iudicabit fines terræ.

Ant. Cæli cælorum * laudate Deum.

Ps. Laudate Dominum de cælis. 20.

Capitulum. Rom. 13. d

Nox præcessit, dies autem appropinquavit. Abjiciamus ergo opera tenebrarum, et induamur arma lucis. Sicut in die honeste ambulamus.

Hymnus

Nox, et tenebræ, et núbila, Confusa mundi, et turbida :

Lux intrat, albescit polus : Christus venit : discédite.

Caligo terræ scinditur Percussa solis spiculo,

Rebúsque jam color redit,
Vultu niténtis sideris.

Te Christe solum nóvi-
mus :

Te mente pura et simplici,
Flendo et canéndo quæsu-
mus,

Inténde nostris sénsibus.

Sunt multa fucis illita,
Quæ luce purgéntur tua :
Tu vera lux cæléstium
Vultu seréno illúmina.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sæculum.
Amen.

V. Repléti sumus mane
misericórdia tua. **R.** Exsul-
távimus, et delectáti sumus.

Ad Bened. Ant. De manu
ómnium * qui odérunt nos,
libera nos Dómine.

**Preces, quando dicuntur,
habentur supra in Feria II.**
61.

FERIA QUINTA

AD MATUTINUM

Invit. Dóminum qui fecit
nos, * Veníte, adorémus.

Ps. Veníte, exsultémus. 2.

Hymnus.

Nox atra rerum cótegit
Terræ colóres ómnium :
Nos confiténtes póscimus
Te, juste judex córdium :

Ut áuferas piácula,
Sordésque mentis ábluas :
Donésque Christe grátiam,
Ut arceántur crimina.

Mens ecce torpet ímpia,
Quam culpa mordet nóxia :

Obscúra gestit tóllere,
Et te Redémptor quærere.

Repélle tu caliginem
Intrinsecus quam máxime,
Ut in beáto gáudeat
Se collocári lúmine.

Præsta, Pater piüssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Dómine Deus.

Psalmus 68.

SALVUM me fac Deus : * quó-
niam intravérunt aquæ
usque ad ánimam meam.

Infixus sum in limo pro-
fúndi : * et non est substántia.

Veni in altitúdinem ma-
ris : * et tempésta demérsit
me.

Laborávi clamans, ráucæ
factæ sunt fáuces meæ : *
defecérunt óculi mei, dum
spero in Deum meum.

Multiplicáti sunt super ca-
pillos cápitis mei, * qui odé-
runt me gratis.

Confortáti sunt qui perse-
cúti sunt me inimíci mei in-
júste : * quæ non rápui, tunc
exsolvébam.

Deus tu scis insipiéntiam
meam : * et delícta mea a te
non sunt abscondita.

Non erubéscant in me, qui
exspéctant te Dómine, * Dó-
mine virtútum.

Non confundántur super
me * qui quærunt te, Deus
Israël.

Quóniam propter te susti-
nui oppróbrium : * opérui
confúsió fáciem meam.

Extráneus factus sum frá-
tribus meis, * et peregrinus
filiis matris meæ.

Quóniam zelus domus tuæ
comédit me : * et oppróbria
exprobrántium tibi, cecidé-
runt super me.

Et opéruí in jejúnio áni-
mam meam : * et factum est
in oppróbrium mihi.

Et pósui vestiméntum me-
um cilícium : * et factus sum
illis in parábolam.

Advérsus me loquebán-
tur qui sedébant in porta : *
et in me psallébant qui bi-
bébant vinum.

Ego vero oratióem meam
ad te Dómine : * tempus
benepláciti Deus.

In multitudíne misericór-
diæ tuæ exáudi me, * in ve-
ritáte salútis tuæ :

Eripe me de luto, ut non
infigar : * libera me ab iis,
qui odérunt me, et de pro-
fúndis aquárum.

Non me demérgat tempé-
stas aquæ, neque absórbeat
me profúndum : * neque úr-
geat super me púteus os
suum.

Exáudi me Dómine, quó-
niam benígna est misericór-
dia tua : * secúndum mul-
titudínem miseratiónum tuá-
rum réspice in me.

Et ne avértas faciém tuam
a púero tuo : * quóniam trí-
bulator, velóciter exáudi me.

Inténde animæ meæ, et
libera eam : * propter ini-
micos meos éripe me.

Tu scis impropérium me-

um, et confusióem meam, *
et reveréntiam meam.

In conspéctu tuo sunt
omnes qui tribulant me, *
impropérium exspectávit
cor meum, et misériam.

Et sustínui qui simul con-
tristarétur, et non fuit : * et
qui consolarétur, et non in-
véni.

Et dedérunt in escam
meam fel : * et in siti mea
potavérunt me acéto.

Fiat mensa eórum coram
ipsis in láqueum, * et in re-
tributióes, et in scándalum.

Obscuréntur óculi eórum
ne vídeant : * et dorsum eó-
rum semper incúrva.

Effúnde super eos iram
tuam : * et furor iræ tuæ
comprehéndat eos.

Fiat habitátio eórum de-
sérta : * et in tabernáculis
eórum non sit qui inhábitet.

Quóniam quem tu percus-
sisti, persecúti sunt : * et
super dolórem vúlnerum
meórum addidérunt.

Appóne iniquitátem super
iniquitátem eórum : * et non
intrent in justitiam tuam.

Deleántur de libro vivén-
tium : * et cum justis non
scribántur.

Ego sum páuper et do-
lens : * salus tua Deus suscepit me.

Laudábo nomen Dei cum
cántico : * et magnificábo
eum in láude :

Et placébit Deo super ví-
tulum novéllum : * córnua
producéntem et úngulas.

Videant páuperes et læténtur : * quærite Deum, et vivet ánima vestra.

Quóniam exaudivit páuperes Dóminus : * et vinctos suos non despexit.

Láudent illum cæli et terra, * mare, et ómnia reptilia in eis.

Quóniam Deus salvam fáciat Sion : * et ædificabúntur civitátes Juda.

Et inhabitábunt ibi, * et hereditáte acquirént eam.

Et semen servórum ejus possidébit eam, * et qui diligunt nomen ejus, habitábunt in ea.

Psalmus 69.

DEUS in adiutorium meum inténde : * Dómine ad adiuvándum me festína.

Confundántur, et reve-reántur, * qui quærunt ánimam meam.

Avertántur retrórsum, et erubéscant, * qui volunt mihi mala.

Avertántur statim erubescéntes, * qui dicunt mihi : Euge, éuge.

Exsúltent et læténtur in te omnes qui quærunt te, * et dicant semper : Magnificétur Dóminus : qui diligunt salutare tuum.

Ego vero egénus, et páuper sum : * Deus ádjuva me.

Adjutor meus, et liberátor meus es tu : * Dómine ne moréris.

Ant. Dómine Deus in adiutorium meum inténde.

Ant. Esto mihi.

Psalmus 70.

IN te Dómine sperávi, non confúndar in ætérnum : * in justitiá tua libera me, et éripe me.

Inclína ad me áurem tuam, * et salva me.

Esto mihi in Deum protectórem, et in locum munitum : * ut salvum me fácias,

Quóniam firmaméntum meum, * et refúgium meum es tu.

Deus meus éripe me de manu peccatóris, * et de manu contra legem agéntis et iníqui :

Quóniam tu es patiéntia mea Dómine : * Dómine spes mea a juventúte mea.

In te confirmátus sum ex útero : * de ventre matris meæ tu es protector meus.

In te cantátio mea semper : * tamquam prodigium factus sum multis : et tu adjutor fortis.

Repleátur os meum láude, ut cantem glóriam tuam : * tota die magnitúdinem tuam.

Ne projicias me in témpore senectútis : * cum defecerit virtus mea, ne derelinquas me.

Quia dixerunt inimíci mei mihi : * et qui custodiébant ánimam meam, consílium fecérunt in unum,

Dicéntes : Deus dereliquit eum, persequimini, et comprehendite eum : * quia non est qui erípiat.

Deus ne elongéris a me : *

Deus meus in auxilium meum respice.

Confundantur, et deficiant detrahentes animæ meæ : * operiantur confusione, et pudore qui quærunt mala mihi.

Ego autem semper sperabo : * et adjiciam super omnem laudem tuam.

Os meum annuntiabit justitiam tuam : * tota die salutare tuum.

Quoniam non cognovi litteraturam, introibo in potentias Domini : * Domine memorabor justitiæ tuæ solius.

Deus docuisti me a juventute mea : * et usque nunc pronuntiabo mirabilia tua.

Et usque in senectam et senium : * Deus ne derelinquas me,

Donec annuntiem brachium tuum * generationi omni, quæ ventura est :

Potentiam tuam, et justitiam tuam Deus usque in altissima, quæ fecisti magna : * Deus quis similis tibi?

Quantas ostendisti mihi tribulationes multas et malas : et conversus vivificasti me : * et de abyssis terræ iterum reduxisti me.

Multiplicasti magnificentiam tuam : * et conversus consolatus es me.

Nam et ego confitebor tibi in vasis psalmi veritatem tuam : * Deus psallam tibi in cithara, sanctus Israël.

Exsultabunt labia mea, cum cantavero tibi : * et anima mea, quam redemisti.

Sed et lingua mea tota die meditabitur justitiam tuam : * cum confusi et reveriti fuerint, qui quærunt mala mihi.

Psalmus 71.

DEUS judicium tuum regida : * et justitiam tuam filio regis :

Judicare populum tuum in justitia, * et pauperes tuos in iudicio.

Suscipiant montes pacem populo : * et colles justitiam.

Judicabit pauperes populi, et salvos faciet filios pauperum : * et humiliabit calumniatorem.

Et permanebit cum sole, et ante lunam, * in generatione et generationem.

Descendet sicut pluvia in vellus : * et sicut stillicidia stillantia super terram.

Orietur in diebus ejus justitia, et abundantia pacis : * donec auferatur luna.

Et dominabitur a mari usque ad mare : * et a flumine usque ad terminos orbis terrarum.

Coram illo procident Æthiopes : * et inimici ejus terram lingent.

Reges Tharsis, et insulæ mûnera offerent : * reges Arabum et Saba dona adducent.

Et adorabunt eum omnes reges terræ : * omnes gentes servient ei :

Quia liberabit pauperem

a potén̄te : * et páuperem cui non erat adjútor.

Parcet páuperi et inopi : * et ánimas páuperum salvas fáciat.

Ex usúris et iniquitatē redimet ánimas eórum : * et honorábile nomen eórum coram illo.

Et vivet, et dábitur ei de áuro Arábiæ, et adorábunt de ipso semper : * tota die benedicent ei.

Et erit firmaméntum in terra in summis móntium, superextollétur super Libanum fructus ejus : * et florébunt de civitatē sicut fœnum terræ.

Sit nomen ejus benedictum in sǎcula : * ante solem p̄rmanet nomen ejus.

Et benedicéntur in ipso omnes tribus terræ : * omnes gentes magnificábunt eum.

Benedictus Dóminus Deus Israël, * qui facit mirabília solus :

Et benedictum nomen majestátis ejus in ætérnum : * et replébitur majestáte ejus omnis terra : fiat, fiat.

Ant. Esto mihi Dómine in Deum protectórem.

Ant. Liberásti virgam.

Psalmus 72.

QUAM bonus Israël Deus * his, qui recto sunt corde!

Mei áutem pene moti sunt pedes : * pene effúsi sunt gressus mei.

Quia zelávi super iníquos, * pacem peccatórum videns.

Quia non est respéctus

morti eórum : * et firmaméntum in plaga eórum.

In labóre hóm̄inum non sunt, * et cum hominibus non flagellabúntur :

Ideo ténuit eos supérbia, * opérti sunt iniquitatē et impietátē sua.

Pródiit quasi ex ádipe iniquitas eórum : * transiérunt in afféctum cordis.

Cogitavérunt, et locúti sunt nequitiam : * iniquitatē in excélso locúti sunt.

Posuérunt in cælum os suum : * et lingua eórum transivit in terra.

Ideo convertétur pópulus meus hic : * et dies pleni inveniéntur in eis.

Et dixerunt : Quómodo scit Deus, * et si est sciéntia in excélso?

Ecce ipsi peccatóres, et abundántes in sǎculo, * obtinuérunt divítias.

Et dixi : Ergo sine cáusa justificávi cor meum, * et lavi inter innocéntes manus meas :

Et fui flagellátus tota die, * et castigátio mea in matutinis.

Si dicébam : Narrábo sic : * ecce natióem filiórum tuórum reprobávi.

Existimábam ut cognósce- rem hoc, * labor est ante me :

Donec intrem in sanctuárium Dei : * et intéllegam in novíssimis eórum.

Verúmtamen propter dolos posuisti eis : * dejecisti eos dum allevaréntur.

Quómodo facti sunt in desolatióne, súbito defecerunt : * perierunt propter iniquitátem suam.

Velut sómniū surgéntium Dómine, * in civitatē tua imáginem ipsórum ad nihílum rédiges.

Quia inflammátum est cor meum, et renes mei commutáti sunt : * et ego ad nihílum redáctus sum, et nescívi.

Ut juméntum factus sum apud te : * et ego semper tecum.

Tenuisti manum dexteram meam : et in voluntáte tua deduxisti me, * et cum glória suscepisti me.

Quid enim mihi est in cælo? * et a te quid volui super terram?

Defécit caro mea, et cor meum : * Deus cordis mei, et pars mea Deus in ætérnum.

Quia ecce, qui elóngant se a te, peribunt : * perdidisti omnes, qui fornicántur abs te.

Mihi áutem adhærere Deo bonum est : * pónere in Dómino Deo spem meam :

Ut annúntiem omnes prædicatiónes tuas, * in portis filiæ Sion.

Psalmus 73

UT quid Deus repulisti in finem : * irátus est furor tuus super oves pásuæ tuæ?

Memor esto congregatiónis tuæ, * quam possedisti ab initio.

Redemisti virgam here-

ditátis tuæ : * mons Sion, in quo habitásti in eo.

Leva manus tuas in superbias eórum in finem : * quanta malignátus est inimicus in sancto!

Et gloriáti sunt qui odérunt te : * in médio solemnitátis tuæ.

Posuérunt signa sua, signa : * et non cognóverunt sicut in éxitu super summum.

Quasi in silva lignórum securibus excidérunt jánuas ejus in idípsum : * in securi et áscia dejecerunt eam.

Incendérunt igni sanctuárium tuum : * in terra poluérunt tabernáculum nóminis tui.

Dixerunt in corde suo cognátio eórum simul : * Qui éscere faciámus omnes dies festos Dei a terra.

Signa nostra non vidimus, jam non est prophéta : * et nos non cognóscet ámplius.

Usquequo Deus improberábit inimicus : * irritat adversárius nomen tuum in finem?

Ut quid avértis manum tuam, et dexteram tuam, * de médio sinu tuo in finem?

Deus áutem rex noster ante sæcula : * operátus est salútem in médio terræ.

Tu confirmásti in virtúte tua mare : * contribulásti cápita draconum in aquis.

Tu confregisti cápita draconis : * dedisti eum escam pópulis Æthiopum.

Tu dirupisti fontes, et torréntes : * tu siccasti flúvios Ethan.

Tuus est dies, et tua est nox : * tu fabricátus es auróram et solem.

Tu fecisti omnes términos terræ : * æstátem et ver tu plasmásti ea.

Memor esto hujus, inimicus improperávit Dómino : * et pópulus insipiens incitávit nomen tuum.

Ne tradas béstiis ánimas confiténtes tibi, * et ánimas páuperum tuórum ne obliviscáris in finem.

Réspice in testaméntum tuum : * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : * páuper et inops laudábunt nomen tuum.

Exsúrge Deus, júdica cáusam tuam : * memor esto improperiórum tuórum, eórum quæ ab insipiente sunt tota die.

Ne obliviscáris voces inimicórum tuórum : * superbia eórum, qui te odérunt, ascéndit semper.

Ant. Liberásti virgam hereditátis tuæ.

Ant. Et invocábimus.

Psalmus 74.

CONFITÉBIMUR tibi Deus : * confitébimur, et invocábimus nomen tuum.

Narrábimus mirabilia tua : * cum accépero tempus, ego justitias judicábo.

Liquefacta est terra, et omnes qui hábitant in ea : * ego confirmávi colúmnas ejus.

Dixi iníquis : Nolite inique ágere : * et delinquéntibus : Nolite exaltáre cornu :

Nolite extóllere in altum cornu vestrum : * nolite loqui advérsus Deum iniquitátem.

Quia neque ab Oriénte, neque ab Occidénte, neque a desértis móntibus : * quóniam Deus judex est.

Hunc humiliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinanita : * bibent omnes peccatóres terræ.

Ego áutem annuntiábo in sáeculum : * cantábo Deo Jacob.

Et ómnia córnua peccatórum confríngam : * et exaltabúntur córnua justí.

Psalmus 75.

NOTUS in Judæa Deus : * in Israël magnum nomen ejus.

Et factus est in pace locus ejus : * et habitátio ejus in Sion.

Ibi confrégit poténtias arcuum, * scutum, gládium, et bellum.

Illúminans tu mirabiliter a móntibus ætéris : * turbáti sunt omnes insipientes corde.

Dormiérunt somnum su-

um : * et nihil invenérunt omnes viri divitiárum in mánibus suis.

Ab increpatióne tua Deus Jacob * dormitavérunt qui ascendérunt equos.

Tu terribilis es, et quis resistet tibi? * ex tunc ira tua.

De cælo auditum fecisti iudicium : * terra trémuit et quíevit,

Cum exsúrgeret in iudicium Deus, * ut salvos fáceret omnes mansuétos terræ.

Quóniam cogitatio hóminis confitébitur tibi : * et reliquiae cogitátionis diem festum agent tibi.

Vovéte, et réddite Dómino Deo vestro : * omnes qui in circúitu ejus affértismúnera.

Terribili et ei qui áufert spíritum principum, * terribili apud reges terræ.

Ant. Et invocábimus nomen tuum Dómine.

Ant. Tu es Deus.

Psalmus 76.

VOCE mea ad Dóminum clamávi : * voce mea ad Deum, et inténdit mihi.

In die tribulatiónis meæ Deum exquisivi, mánibus meis nocte contra eum : * et non sum decéptus.

Rénuit consolári ánima mea, * memor fui Dei, et delectátus sum, et exercitátus sum : et defécit spíritus meus.

Anticipavérunt vigilas óculi mei : * turbátus sum, et non sum locútus.

Cogitávi dies antiquos : * et annos ætérnos in mente hábui.

Et meditátus sum nocte cum corde meo, * et exercitábar, et scopébam spíritum meum.

Numquid in ætérnum prójiciet Deus : * aut non appónet ut complacítior sit adhuc?

Aut in finem misericórdiam suam abscíndet, * a generatióne in generatió-nem?

Aut obliviscétur miseréri Deus? * aut continébit in ira sua misericórdias suas?

Et dixi : Nunc cœpi : * hæc mutátio dexteræ Excelsi.

Memor fui óperum Dómini : * quia memor ero ab initio mirabilium tuórum,

Et meditábor in ómnibus opéribus tuis : * et in adinventiόνibus tuis exercébor.

Deus in sancto via tua : quis Deus magnus sicut Deus noster? * tu es Deus qui facis mirabilia.

Notam fecisti in pópulis virtútem tuam : * redemisti in bráchio tuo pópulum tuum, filios Jacob, et Joseph.

Vidérunt te aquæ Deus, vidérunt te aquæ : * et timuérunt, et turbátæ sunt abyssi.

Multitúdo sónitus aquárum : * vocem dedérunt nubes.

Etenim sagittæ tuæ trans-eunt : * vox tonitruï tui in rota.

Illuxerunt coruscationes tuæ orbi terræ : * commota est, et contrémuit terra.

In mari via tua, et sémittæ tuæ in aquis multis : * et vestigia tua non cognoscéntur.

Deduxisti sicut oves populum tuum, * in manu Móysi et Aaron.

Psalmus 77.

ATTÉNDITE pópule meus legem meam : * inclínate áurem vestram in verba oris mei.

Apériam in parábolis os meum : * loquar propositiões ab initio.

Quanta audivimus et cognóvimus ea : * et patres nostri narravérunt nobis.

Non sunt occultata a filiis eórum, * in generatióne áltera.

Narrántes láudes Dómini, et virtútes ejus, * et mirabilia ejus, quæ fecit.

Et suscitávit testimónium in Jacob : * et legem pósuit in Israël.

Quanta mandávit pátribus nostris nota fácere ea filiis suis : * ut cognóscat generatio áltera.

Filii qui nascéntur, et exsúrgent, * et narrábunt filiis suis,

Ut ponant in Deo spem suam, et non obliviscántur óperum Dei : * et mandata ejus exquirant :

Ne fiant sicut patres eó-

rum : * generatio prava et exasperans.

Generatio, quæ non diréxit cor suum : * et non est créditus cum Deo spíritus ejus.

Filii Ephrem intendéntes et mitténtes arcum : * conversi sunt in die belli.

Non custodiérunt testaméntum Dei : * et in lege ejus noluérunt ambuláre.

Et obliti sunt benefactorum ejus, * et mirabilium ejus quæ osténdit eis.

Coram pátribus eórum fecit mirabilia in terra Ægýpti, * in campo Táneos.

Interrúpit mare, et perdúxit eos : * et státuit aquas quasi in utre.

Et dedúxit eos in nube diéi : * et tota nocte in illuminatione ignis.

Interrúpit petram in erémo : * et adaquávit eos velut in abyssó multa.

Et edúxit aquam de petra : * et dedúxit tamquam flúmina aquas.

Et apposuérunt adhuc peccáre ei : * in iram excitavérunt Excélsum in inaquóso.

Et tentavérunt Deum in córdibus suis : * ut péterent escas animábus suis.

Et male locúti sunt de Deo : * dixerunt : Numquid póterit Deus paráre mensam in desérto?

Quóniam percússit petram, et fluxérunt aquæ, * et torréntes inundavérunt.

Numquid et panem póterit

dare, * aut parare mensam populo suo?

Ideo audivit Dominus, et distulit : * et ignis accensus est in Jacob, et ira ascendit in Israël :

Quia non crediderunt in Deo, * nec speraverunt in salutari ejus :

Et mandavit nubibus desuper, * et januas celi aperuit.

Et pluit illis manna ad manducandum, * et panem celi dedit eis.

Panem Angelorum manducavit homo : * cibaria misit eis in abundantia.

Transtulit Austrum de caelo : * et induxit in virtute sua Africum.

Et pluit super eos sicut pulverem carnes : * et sicut arenam maris volatilia penata.

Et ceciderunt in medio castrorum eorum : * circa tabernacula eorum.

Et manducaverunt et saturati sunt nimis, et desiderium eorum attulit eis : * non sunt fraudati a desiderio suo.

Adhuc escæ eorum erant in ore ipsorum : * et ira Dei ascendit super eos.

Et occidit pingues eorum, * et electos Israël impedit.

In omnibus his peccaverunt adhuc : * et non crediderunt in mirabilibus ejus.

Et defecerunt in vanitate dies eorum : * et anni eorum cum festinatione.

Cum occideret eos, quærebant eum : * et revertebantur, et diluculo veniebant ad eum.

Et rememorati sunt quia Deus adiutor est eorum : * et Deus excelsus redemptor eorum est.

Et dilexerunt eum in ore suo, * et lingua sua mentiti sunt ei :

Cor autem eorum non erat rectum cum eo : * nec fideles habiti sunt in testamento ejus.

Ipse autem est misericors, et propitius fiet peccatis eorum : * et non disperdet eos.

Et abundavit ut averteret iram suam : * et non accendit omnem iram suam :

Et recordatus est quia caro sunt : * spiritus vadens, et non rediens.

Quoties exacerbaverunt eum in deserto, * in iram concitaverunt eum in iniquoso?

Et conversi sunt, et tentaverunt Deum : * et sanctum Israël exacerbaverunt.

Non sunt recordati manus ejus, * die qua redemit eos de manu tribulantis,

Sicut posuit in Ægypto signa sua, * et prodigia sua in campo Taneos.

Et convertit in sanguinem flumina eorum : * et imbres eorum, ne biberent.

Misit in eos cœnomyiam, et comedit eos : * et ranam, et disperdidit eos.

Et dedit ærúgini fructus eórum : * et labóres eórum locústæ.

Et occidit in grándine víneas eórum : * et moros eórum in pruína.

Et trádidit grándini juménta eórum : * et possessionem eórum igni.

Misit in eos iram indignationis suæ : * indignationem, et iram, et tribulationem : immissiones per ángelos malos.

Viam fecit sémitæ iræ suæ, non pepércit a morte animábus eórum : * et juménta eórum in morte conclusit.

Et percússit omne primogénitum in terra Ægýpti : * primitias omnis labóris eórum in tabernáculis Cham.

Et ábstulit sicut oves populum suum : * et perdúxit eos tamquam gregem in deserto.

Et dedúxit eos in spe, et non timuérunt : * et inimicos eórum opérui mare.

Et indúxit eos in montem sanctificationis suæ : * montem, quem acquisivit dextera ejus.

Et ejécit a fácie eórum gentes : * et sorte divisit eis terram in funiculo distributionis.

Et habitáre fecit in tabernáculiseórum * tribus Israël.

Et tentavérunt, et exacerbavérunt Deum excélsu : * et testimónia ejus non custodiérunt.

Et avertérunt se, et non servavérunt pactum : * quem ádmodum patres eórum, convérsi sunt in arcum prævum.

In iram concitavérunt eum in cóllibus suis : * et in scultilibus suis ad æmulationem eum provocavérunt.

Audivit Deus, et sprexit : * et ad nihilum redégit valde Israël.

Et répulit tabernáculum Silo, * tabernáculum suum, ubi habitávit in hominibus.

Et trádidit in captivitatem virtutem eórum : * et pulchritudinem eórum in manus inimici.

Et conclusit in gládio populum suum, * et hereditatem suam sprexit.

Júvenes eórum comédit ignis : * et vírgines eórum non sunt lamentatæ.

Sacerdótes eórum in gládio cecidérunt : * et víduæ eórum non plorabántur.

Et excitátus est tamquam dormiens Dóminus, * tamquam potens crapulátus a vino.

Et percússit inimicos suos in posterióra : * oppróbrium sempitérnum dedit illis.

Et répulit tabernáculum Joseph : * et tribum Ephraim non elégit :

Sed elégit tribum Juda, * montem Sion quem diléxit.

Et ædificávit sicut unicórnum sanctificium suum in terra, * quam fundávit in sæcula.

Et elégit David servum suum, et sústulit eum de grégibus óvium : * de post foetántes accépit eum,

Páscere Jacob servum suum, * et Israël hereditátem suam :

Et pavite eos in innocéntia cordis sui : * et in intelléctibus mánuum suárum dedúxit eos.

Ant. Tu es Deus, qui facis mirabilia.

Ant. Propítius esto.

Psalmus 78.

DEUS, venérunt gentes in hereditátem tuam, poluérunt templum sanctum tuum : * posuérunt Jerúsalem in pomórum custódiam.

Posuérunt morticína servórum tuórum, escas volatilibus cæli : * carnes sanctórum tuórum béstiis terræ.

Effudérunt ságuinem eórum tamquam aquam in circúitu Jerúsalem : * et non erat qui sepelíret.

Facti sumus oppróbrium vicinis nostris : * subsannátio et illúsio his, qui in circúitu nostro sunt.

Usquequo Dómine irascéris in finem : * accendétur velut ignis zelus tuus?

Effúnde iram tuam in gentes, quæ te non novérunt : * et in regna, quæ nomen tuum non invocavérunt :

Quia comedérunt Jacob : * et locum ejus desolavérunt.

Ne memíneris iniquitátum nostrárum antiquárum, cito

anticipent nos misericórdiæ tuæ : * quia páuperes facti sumus nimis.

Adjuva nos Deus salutáris noster : et propter glóriam nóminis tui Dómine libera nos : * et propítius esto peccátis nostris, propter nomen tuum :

Ne forte dicant in géntibus : Ubi est Deus eórum? * et innotéscat in natió nibus coram óculis nostris.

Ultio ságuinis servórum tuórum, qui effúsus est : * intróeat in conspéctu tuo gémitus compeditórum.

Secúndum magnítudinem bráchii tui, * pösside filios mortificatórum.

Et redde vicinis nostris séptuplum in sinu eórum : * impropérium ipsórum, quod exprobravérunt tibi Dómine.

Nos áutem pópulus tuus, et oves pásuæ tuæ, * confitébimur tibi in sáculum.

In generatió nem et generatió nem * annuntiá bimus láudem tuam.

Psalmus 79.

QUI regis Israë l, inténde : * qui dedúcis velut ovem Joseph.

Qui sedes super Chérubim, * manifestáre coram Ephraïm, Bénjamin, et Manásse.

Excita poténtiam tuam, et veni, * ut salvos fácias nos.

Deus convérte nos : * et osténde faciém tuam, et salvi érimus.

Dómine Deus virtútum, *

quoúsque irascéris super oratióem servi tui?

Cibábis nos pane lacrymárum : * et potum dabis nobis in lácrymis in mensúra?

Posuisti nos in contradióriem vicinis nostris : * et inimici nostri subsannavérunt nos.

Deus virtútum convérte nos : * et osténde faciém tuam, et salvi érimus.

Vineam de Ægýpto transtulisti : * ejecisti gentes, et plantásti eam.

Dux itineris fuisti in conspéctu ejus : * plantásti raíces ejus, et implévit terram.

Opéruiť montes umbra ejus : * et arbústa ejus cedros Dei.

Exténdit pálmities suos usque ad mare : * et usque ad flumen propágines ejus.

Ut quid destruxisti macériam ejus : * et vindémiant eam omnes, qui prætergređiúntur viam?

Exterminávit eam aper de silva : * et singuláris ferus depástus est eam.

Deus virtútum convértere : * réspice de cælo, et vide, et visita vineam istam.

Et pérfice eam, quam plantávit délixtera tua : * et super filium hóminis, quem confirmásti tibi.

Incénsa igni, et suffóssa * ab increpatióe vultus tui peribunt.

Fiat manus tua super virum délixteræ tuæ : * et super

filium hóminis, quem confirmásti tibi.

Et non discédimus a te, vivificábis nos : * et nomen tuum invocábimus.

Dómine Deus virtútum convérte nos : * et osténde faciém tuam, et salvi érimus.

Ant. Propítius esto peccátis nostris Dómine.

Per Annum. **Ÿ.** Gaudébunt lábia mea, cum cantávero tibi. **Ŕ.** Et ánima mea quam redemísti.

In Adventu. **Ÿ.** Ex Sion spécies decóris ejus. **Ŕ.** Deus noster maniféste véniet.

Pro uno Mart. **Ÿ.** Glória et honóre coronásti eum Dómine. **Ŕ.** Et constituísti eum super ópera mánuum tuárum.

Pro plur. Mart. **Ÿ.** Lætámini in Dómino, et exultáte justí. **Ŕ.** Et gloriámini omnes recti corde.

Pro Conf. Pont. et non Pont. **Ÿ.** Amávit eum Dóminus, et ornávit eum. **Ŕ.** Stolam glóriæ induit eum.

Pro una Sancta. **Ÿ.** Spécie tua et pulchritúdine tua. **Ŕ.** Inténde, próspere procéde, et regna.

AD LAUDES

Ant. Tibi soli peccávi : * Dómine miserére mei.

Ps. Miserére mei. 59.

Ant. Dómine.

Psalmus 89.

DÓMINE refúgium factus es nobis : * a generatióne in generatióem.

Priúsqvam montes fierent,

aut formarétur terra, et orbis, * a sáculo et usque in sáculum tu es Deus.

Ne avértas hóminem in humilitátem : * et dixisti : Convertimini filii hóminum.

Quóniam mille anni ante óculos tuos, * tamquam dies hestérna, quæ prætériit,

Et custódia in nocte, * quæ pro nihilo habéntur, eórum anni erunt.

Mane sicut herba tránseat, mane flóreat, et tránseat : * vespere decídat, indúret, et aréscat.

Quia defécimus in ira tua, * et in furóre tuo turbáti sumus.

Posuisti iniquitátes nostras in conspéctu tuo : * sáculum nostrum in illuminatióne vultus tui.

Quóniam omnes dies nostri defecerunt : * et in ira tua defécimus.

Anni nostri sicut aránea meditabúntur : * dies annórum nostrórum in ipsis, septuaginta anni.

Si áutem in potentátibus, octoginta anni : * et ámplius eórum, labor et dolor.

Quóniam supervénit mansuetúdo : * et corripiémur.

Quis novit potestátem iræ tuæ : * et præ timóre tuo iram tuam dinumeráre?

Déxteram tuam sic notam fac : * et eruditos corde in sapiéntia.

Convértere Dómine úsquequo? * et deprecábilis esto super servos tuos.

Repléti sumus mane misericórdia tua : * et exsultávimus, et delectáti sumus ómnibus diébus nostris.

Lætáti sumus pro diébus, quibus nos humiliásti : * annis, quibus vidimus mala.

Réspice in servos tuos, et in ópera tua : * et dirige filios eórum.

Et sit splendor Dómini Dei nostri super nos, et ópera mánuum nostrárum dirige super nos : * et opus mánuum nostrárum dirige.

Ant. Dómine refúgium factus es nobis.

Ant. In matutínis * meditabor in te.

Ps. Deus Deus meus. 18.

Ant. Cantémus.

Canticum Moysi Exod. 15.

CANTÉMUS Dómino : glorióse enim magnificátus est, * equum et ascensórem dejécit in mare.

Fortitúdo mea, et laus mea Dóminus, * et factus est mihi in salútem :

Iste Deus meus, et gloriificábo eum : * Deus patris mei, et exaltábo eum.

Dóminus quasi vir pugnátor, Omnípotens nomen ejus. * Currus Pharaónis et exercitum ejus projécit in mare.

Elécti príncipes ejus submersi sunt in mari Rubro : * abyssi operuérunt eos, descendérunt in profúndum quasi lapis.

Déxtera tua Dómine magnificáta est in fortitúdine :

déxtera tua Dómine percússit inimicum. * Et in multitudine glóriæ tuæ deposuisti adversários tuos :

Misisti iram tuam, quæ devorávit eos sicut stípulam. * Et in spiritu furóris tui congregatæ sunt aquæ :

Stetit unda fluens, * congregatæ sunt abyssi in médio mari.

Dixit inimicus : Pérsequar et comprehéndam, * dividam spólia, implébitur ánima mea :

Evaginábo gládium meum, * interficiet eos manus mea.

Flavit spiritus tuus, et opérui eos mare : * submersi sunt quasi plumbum in aquis veheméntibus.

Quis similis tui in fórtibus Dómine? * quis similis tui, magnificus in sanctitáte, terribilis atque laudábilis, fáciens mirabilia?

Extendisti manum tuam, et devorávit eos terra. * Dux fuisti in misericórdia tua pópulo quem redemisti :

Et portásti eum in fortitúdine tua, * ad habitáculum sanctum tuum.

Ascendérunt pópuli, et irátí sunt : * dolóres obtinuerunt habitatóres Philistiim.

Tunc conturbátí sunt principes Edom, robústos Moab obtinuit tremor : * obriguerunt omnes habitatóres Chanaan.

Irruat super eos formido

et pavor, * in magnitúdine bráchii tui :

Fiant immóbiles quasi lapidis, donec pertránseat pópulus tuus Dómine, * donec pertránseat pópulus tuus iste, quem possedisti.

Introdúces eos, et plantábis in monte hereditátis tuæ, * firmissimo habitáculo tuo quod operátus es Dómine :

Sanctuárium tuum Dómine, quod firmavérunt manus tuæ. * Dóminus regnabit in ætérnum et ultra.

Ingréssus est enim eques Phárao cum cúrribus et equitibus ejus in mare : * et reduxit super eos Dóminus aquas maris :

Filii áutem Israél ambulavérunt per siccum * in médio ejus.

Ant. Cantémus Dómino glorióse.

Ant. In sanctis ejus * laudáte Deum.

Ps. Laudáte Dóminum de cælis. 20.

Capitulum. Rom. 13. d

Nox præcèssit, dies áutem appropinquávit. Abjiciámus ergo ópera tenebrárum, et induámur arma lucis. Sic ut in die honéste ambulémus.

Hymnus.

Lux ecce surgit áurea,
Pallens facéssat cæcitas,
Quæ nosmet in præceps diu
Erróre traxit dévio.

Hæc lux sérenum cónferat,
Purósque nos præstet sibi :

Nihil loquámur súbdolum:
Volvámus obscúrum nihil.

Sic tota decúrrat dies,
Ne lingua mendax, ne manus
Oculive peccent lúbrici,
Ne noxa corpus inquinet.

Speculátor adstat désu-
per,

Qui nos diébus ómnibus
Actúsque nóstros próspectit
A luce prima in vésperum.

Deo Patri sit glória,
Ejúsque soli Filio,
Cum Spiritu Paráclito,
Nunc et per omne sáeculum.
Amen.

V. Repléti sumus mane
misericórdia tua. *R.* Exsul-
távimus, et delectáti sumus.

Ad Bened. Ant. In san-
ctitáte * serviámus Dómino,
et liberábit nos ab inimicis
nostris.

Preces, quando dicuntur,
habentur supra in Feria II.
61.

FERIA SEXTA

AD MATUTINUM

Invit. Adorémus Dómi-
num : * Quóniam ipse fecit
nos.

Ps. Veníte, exsultémus. 2.

Hymnus.

Tu Trinitátis Unitas,
Orbem poténter quæ re-
gis,

Atténde láudis cánticum,
Quod excubántes psállimus.

Nam léctulo consúrgimus
Noctis quiéto témpore,
Ut flagitémus ómnium
A te medélam vúlnerum.

Quo fráude quidquid dæ-
monum

In nóctibus delíquimus,
Abstérget illud cælitus
Tuæ potéstas glóriæ.

Ne corpus adstet sórdi-
dum,

Nec torpor instet córdium,
Ne criminis contágio
Tepéscat ardor spíritus.

Ob hoc Redémptor, quæ-
sumus,

Reple tuo nos lúmine,
Per quod diérum circulis
Nullis ruámus áctibus.

Præsta, Pater piíssime,
Patrique compar Unice,
Cum Spiritu Paráclito
Regnans per omne sáeculum.
Amen.

Ant. Exsultáte.

Psalmus 80

EXSULTÁTE Deo adjutóri
nostro : * jubiláte Deo
Jacob.

Súmíte psalmum, et date
týmpanum : * psaltérium ju-
cúndum cum cithara.

Buccináte in Neoménia tu-
ba, * in insigni die solemni-
tátis vestræ.

Quia præcéptum in Israël
est : * et iudícium Deo Jacob.

Testimónium in Joseph
pósuit illud, cum exiret de
terra Ægýpti : * linguam,
quam non nóverat, audi-
vit.

Divértit ab onéribus dor-
sum ejus : * manus ejus in
cóphino serviérunt.

In tribulatióne invocásti
me, et liberávi te : * exau-
divi te in abscondito tem-

pestátis : probávi te apud aquam contradictionis.

Audi pópulus meus, et contestábor te : * Israël si audieris me, non erit in te deus recens, neque adorábis deum aliénium.

Ego enim sum Dóminus Deus tuus, qui edúxi te de terra Ægypti : * diláta os tuum, et implébo illud.

Et non audivit pópulus meus vocem meam : * et Israël non inténdit mihi.

Et dimísi eos secúndum desideria cordis eórum, * ibunt in adinventiónibus suis.

Si pópulus meus audisset me : * Israël si in viis meis ambuláset :

Pro nihilo fórsitan inimicos eórum humiliássem : * et super tribulántes eos misíssem manum meam.

Inimíci Dómini mentíti sunt ei : * et erit tempus eórum in sǽcula.

Et cibávit eos ex ádipe fruménti : * et de petra, melle saturávit eos.

Psalmus 81.

DEUS stetit in synagóga deórum : * in médio autem deos dijúdicat.

Usquequo judicátis iniquitatem : * et fácies peccatórum súmitis?

Judicáte egéno, et pupillo : * húmílem, et páuperem justificáte.

Eripite páuperem : * et egénium de manu peccatóris liberáte.

Nesciérunt, neque intelle-

xérunt, in ténebris ámbulant : * movebúntur ómnia fundaménta terræ.

Ego dixi : Dii estis, * et filii Excélsi omnes.

Vos autem sicut hómines moriémini : * et sicut unus de principibus cadétis.

Surge Deus, júdica terram : * quóniam tu hereditábis in ómnibus géntibus.

Ant. Exsultáte Deo adjutóri nostro.

Ant. Tu solus.

Psalmus 82.

DEUS, quis similis erit tibi? * Ne táceas, neque compescáris Deus :

Quóniam ecce inimíci tui sonuérunt : * et qui odérunt te, extulérunt caput.

Super pópulum tuum malignavérunt consílium : * et cogitavérunt advérsus sanctos tuos.

Dixerunt : Venite, et disperdámus eos de gente : * et non memorétur nomen Israël ultra.

Quóniam cogitavérunt unánimíter : * simul advérsum te testaméntum disposuérunt, tabernácula Idumæórum et Ismaélitæ :

Moab, et Agaréni, Gebal, et Ammon, et Amalec : * alienígenæ cum habitántibus Tyrum.

Etenim Assur venit cum illis : * facti sunt in adjutórium filiis Lot.

Fac illis sicut Mádian, et Sísaræ : * sicut Jabin in torrente Cisson.

Disperiérunt in Endor : *
facti sunt ut stercus terræ.

Pone principes eórum sic-
ut Oreb, et Zeb, * et Zébee,
et Sálmana :

Omnes principes eórum : *
qui dixerunt: Hereditáte pos-
sideámus sanctuárium Dei.

Deus meus pone illos ut
rotam : * et sicut stipulam
ante fáciem venti.

Sicut ignis, qui combúrit
silvam : * et sicut flamma
combúrens montes :

Ita persequéris illos in
tempestáte tua : * et in ira
tua turbábis eos.

Imple fácies eórum igno-
minia : * et quærent nomen
tuum Dómine.

Erubéscant et conturbén-
tur in sáculum sáculi : * et
confundántur, et péreant.

Et cognóscant quia no-
men tibi Dóminus : * tu solus
Altissimus in omni terra.

Psalmus 83.

QUAM dilécta tabernácula
tua Dómine virtútum : *
concupiscit, et déficit ánima
mea in átria Dómini.

Cor meum, et caro mea *
exsultavérunt in Deum vi-
vum.

Etenim passer invénit sibi
domum : * et turtur nidum
sibi, ubi ponat pullos suos.

Altária tua Dómine virtú-
tum : * rex meus, et Deus
meus.

Beáti, qui hábitant in do-
mo tua Dómine : * in sácula
sæculórum laudábunt te.

Beátus vir, cujus est auxi-

lium abs te : * ascensiónes in
corde suo dispósuit, in valle
lacrymárum in loco, quem
pósuit.

Etenim benedictiónem da-
bit legislátor, ibunt de vir-
túte in virtútem : * vidébitur
Deus deórum in Sion.

Dómine Deus virtútum
exáudi oratióem meam : *
áuribus pércipe Deus Jacob.

Protéctor noster ádspice
Deus : * et réspice in fáciem
Christi tui :

Quia mélior est dies una
in átriis tuis, * super millia.

Elégi abjéctus esse in do-
mo Dei mei : * magis quam
habitáre in tabernáculis pec-
catórum.

Quia misericórdiam, et ve-
ritátem diligit Deus : * grá-
tiam et glóriam dabit Dó-
minus.

Non privábit bonis eos,
qui ámbulant in innocéntia : *
Dómine virtútum, beátus
homo, qui sperat in te.

Ant. Tu solus Altissimus
super omnem terram.

Ant. Benedixisti.

Psalmus 84.

BENEDIXISTI Dómine ter-
ram tuam : * avertisti ca-
ptivitátem Jacob.

Remisisti iniquitátem ple-
bis tuæ : * operuisti ómnia
peccáta eórum.

Mitigásti omnem iram tu-
am : * avertisti ab ira indi-
gnatiónis tuæ.

Convérte nos Deus salutá-
ris noster : * et avérte iram
tuam a nobis.

Numquid in ætérnum irascéris nobis? * aut exténderis iram tuam a generatióne in generatióne?

Deus tu convérsus vivificábis nos : * et plebs tua lætábitur in te.

Osténde nobis Dómine misericórdiam tuam : * et salutáre tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope timéntes eum salutáre ipsius : * ut inhábitet glória in terra nostra.

Misericórdia, et véritas obviavérunt sibi : * iustitia, et pax osculatæ sunt.

Véritas de terra orta est : * et iustitia de cælo prospéxit.

Etenim Dóminus dabit benignitátem : * et terra nostra dabit fructum suum.

Iustitia ante eum ambulábit : * et ponet in via gressus suos.

Psalmus 85.

INCLÍNA Dómine áurem tuam, et exáudi me : * quóniam inops, et páuper sum ego.

Custódi ánimam meam, quóniam sanctus sum : * salvum fac servum tuum, Deus meus, sperántem in te.

Miserére mei Dómine, quóniam ad te clamávi tota die : * lætifica ánimam servi

tui, quóniam ad te Dómine ánimam meam levávi.

Quóniam tu Dómine suavis, et mitis : * et multæ misericórdiæ ómnibus invocántibus te.

Auribus pèrcipe Dómine oratióne meam : * et inténde voci deprecationis meæ.

In die tribulatiónis meæ clamávi ad te : * quia exaudisti me.

Non est similis tui in diis Dómine : * et non est secúndum ópera tua.

Omnes gentes quascúmque fecisti, vénient, et adorábunt coram te Dómine : * et glorificábunt nomen tuum.

Quóniam magnus es tu, et faciens mirabilia : * tu es Deus solus.

Deduc me Dómine in via tua, et ingrédiar in veritate tua : * lætétur cor meum, ut timeat nomen tuum.

Confitébor tibi Dómine Deus meus in toto corde meo, * et glorificábo nomen tuum in ætérnum :

Quia misericórdia tua magna est super me : * et eruisti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam : * et non proposuerunt te in conspéctu suo.

Et tu Dómine Deus miserátor et miséricors, * pátiens, et multæ misericórdiæ, et verax.

Réspice in me, et misere me, * da impérium tuum púero tuo : et saluum fac filium ancillæ tuæ.

Fac mecum signum in bonum, ut videant qui odérunt me, et confundántur : * quóniam tu Dómine adjuvisti me, et consolátus es me.

Ant. Benedixisti Dómine terram tuam.

Ant. Fundaménta ejus.

Psalmus 86

FUNDAMÉNTA ejus in montibus sanctis : * diligit Dóminus portas Sion super ómnia tabernácula Jacob.

Gloríosa dicta sunt de te, * civitas Dei.

Memor ero Rahab, et Babilónis * sciéntium me.

Ecce alienigenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altissimus?

Dóminus narrábit in scriptúris populórum, et principum : * horum, qui fuérunt in ea.

Sicut lætántium ómnium * habitátio est in te.

Psalmus 87.

DÓMINE Deus salútis meæ : * in die clamávi, et nocte coram te.

Intret in conspéctu tuo orátio mea : * inclina áurem tuam ad precem meam :

Quia repléta est malis ánima mea : * et vita mea in férno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulnerátus dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxisti super me.

Longe fecisti notos meos a me : * posuérunt me abominatióne sibi.

Tráditus sum, et non egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónem?

Numquid cognoscéntur in ténebris mirabilia tua : * et justitia tua in terra obliuionis?

Et ego ad te Dómine clamávi : * et mane orátio mea præveniet te.

Ut quid Dómine repéllis oratióne meam : * avértis faciém tuam a me?

Páuper sum ego, et in la-

bóribus a juventúte mea : *
exaltátus áutem , humiliátus
sum et conturbátus.

In me transiérunt iræ
tuæ : * et terróres tui con-
turbavérunt me.

Circumdedérunt me sicut
aqua tota die : * circumde-
dérunt me simul.

Elongásti a me amicum
et próximum : * et notos
meos a miséria.

Ant. Fundaménta ejus in
móntibus sanctis.

Ant. Benedictus.

Psalmus 88

MISERICÓRDIAS Dómini * in
ætérnum cantábo.

In generatióem et gene-
ratióem * annuntiábo veri-
tátem tuam in ore meo.

Quóniam dixísti : In ætér-
num misericórdia ædificá-
bitur in cælis : * præparábi-
tur véritas tua in eis.

Dispósui testaméntum elé-
ctis meis , jurávi David ser-
vo meo : * usque in ætérnum
præparábo semen tuum.

Et ædificábo in genera-
tióem , et generatióem *
sedem tuam.

Confitebúntur cæli mira-
bilia tua Dómine : * étenim
veritátem tuam in ecclésia
sanctorum.

Quóniam quis in núbibus
æquábitur Dómino : * similis
erit Deo in filiis Dei?

Deus , qui glorificátur in
consilio sanctorum : * magnus
et terribilis super omnes qui
in circúitu ejus sunt.

Dómine Deus virtútum

quis similis tibi? * potens es
Dómine , et véritas tua in
circúitu tuo.

Tu domináris potestáti
maris : * motum áutem flú-
ctuum ejus tu mítigas.

Tu humiliásti sicut vul-
nerátum , supérbum : * in
bráchio virtútis tuæ disper-
sisti inimicos tuos.

Tui sunt cæli , et tua est
terra , orbem terræ et pleni-
túdinem ejus tu fundásti : *
Aquilónem , et mare tu creá-
sti.

Thabor et Hermon in nó-
mine tuo exsultábunt : *
tuum bráchium cum potén-
tia.

Firmétur manus tua , et
exaltétur délixtera tua : * ju-
stítia et judícium præpa-
rátio sedis tuæ.

Misericórdia et véritas
præcédent faciém tuam : *
beátus pópulus , qui scit ju-
bilatióem.

Dómine , in lúmine vultus
tui ambulábunt , et in nó-
mine tuo exsultábunt tota
die : * et in justítia tua exal-
tabúntur.

Quóniam glória virtútis
eórum tu es : * et in bene-
plácito tuo exaltábitur cornu
nostrum.

Quia Dómini est assúm-
ptio nostra : * et sancti Israél
regis nostri.

Tunc locútus es in visióne
sanctis tuis , et dixísti : * Pó-
sui adjutórium in potén-
te : et exaltávi eléctum de plebe
mea.

Invēni David servum meum : * oleo sancto meo unxi eum.

Manus enim mea auxiliabitur ei : * et brachium meum confortabit eum.

Nihil proficiet inimicus in eo , * et filius iniquitatis non apponet nocere ei.

Et concidam a facie ipsius inimicos ejus : * et odientes eum in fugam convertam.

Et veritas mea , et misericordia mea cum ipso : * et in nomine meo exaltabitur cornu ejus.

Et ponam in mari manum ejus : * et in fluminibus dexteram ejus.

Ipse invocabit me : Pater meus es tu : * Deus meus , et susceptor salutis meae.

Et ego primogenitum ponam illum * excelsum prae regibus terrae.

In aeternum servabo illi misericordiam meam : * et testamentum meum fidele ipsi.

Et ponam in saeculum saeculi semen ejus : * et thronum ejus sicut dies caeli.

Si autem dereliquerint filii ejus legem meam : * et in judiciis meis non ambulaverint :

Si justitias meas profanaverint : * et mandata mea non custodierint :

Visitabo in virga iniquitates eorum : * et in verbéribus peccata eorum.

Misericordiam autem meam non dispérgam ab eo : *

neque nocébo in veritate mea :

Neque profanábo testamentum meum : * et quae procedunt de lábiis meis , non fáciam irrita.

Semeljurávi in sancto meo , si David méntiar : * semen ejus in aeternum manébit.

Et thronus ejus sicut sol in conspéctu meo , * et sicut luna perfécta in aeternum : et testis in caelo fidélis.

Tu vero repulisti et despectisti : * distulisti christum tuum.

Evertisti testamentum servi tui : * profanasti in terra sanctuárium ejus.

Destruxisti omnes sepes ejus : * posuisti firmamentum ejus formidinem.

Diripuérunt eum omnes transeúntes viam : * factus est oppróbrium vicinis suis.

Exaltasti dexteram depri méntium eum : * lætificasti omnes inimicos ejus.

Avértisti adjutórium gládi ejus : * et non es auxiliátus ei in bello.

Destruxisti eum ab emundatióne : * et sedem ejus in terram collisisti.

Minorasti dies témporis ejus : * perfudisti eum confusióne.

Usquequo Dómine avértis in finem : * exardéscet sicut ignis ira tua?

Memoráre quae mea substantia : * numquid enim vane constituisti omnes filios hóminum?

Quis est homo, qui vivet, et non vidébit mortem : * éruct ánimamsuam de manu inferi?

Ubi sunt misericórdiæ tuæ antiquæ Dómine, * sicut iurásti David in veritáte tua?

Memor esto Dómine opprobrii servórum tuórum * (quod continui in sinu meo) multárum géntium.

Quod exprobravérunt inimici tui Dómine, * quod exprobravérunt commutationem Christi tui.

Benedictus Dóminus in ætérnum : * fiat, fiat.

Psalmus 93.

DEUS ultiónum Dóminus : * Deusultiónumlibereégit.

Exaltáre, qui júdicas terram : * redde retributionem superbis.

Usquequo peccatóres Dómine : * úsquequo peccatóres gloriabúntur :

Effabúntur, et loquéntur iniquitatem : * loquéntur omnes, qui operántur in iustitiam?

Pópulum tuum Dómine humiliavérunt : * et hereditatem tuam vexavérunt.

Viduam, et ádvenam interfecérunt : * et pupillos occidérunt.

Et dixerunt : Non vidébit Dóminus, * nec intélliget Deus Jacob.

Intelligite insipientes in pópulo : * et stulti aliquándo sápite.

Qui plantávit áurem, non áudiet? * aut qui finxit óculum, non considerat?

Qui córripit gentes, non árguet : * qui docet hóminem sciéntiam?

Dóminus scit cogitatiónes hóminum, * quóniam vanæ sunt.

Beátus homo, quem tu erudieris Dómine : * et de lege tua docúeris eum,

Ut mitiges ei a diébus malis : * donec fodiátur peccatóri fovea.

Quia non repéllet Dóminus plebem suam : * et hereditatem suam non derelinquet.

Quoadúsque justitia convertátur in iudicium : * et qui juxta illam omnes qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitatem?

Nisi quia Dóminus adjúvit me, * paulo minus habitáset in inférno ánima mea.

Si dicébam : Motus est pes meus : * misericórdia tua Dómine adjuvábat me.

Secúndum multitudinem dolórum meórum in corde meo : * consolatiónes tuæ lætificavérunt ánimam meam.

Numquid adhæret tibi sedes iniquitátis : * qui fingis labórem in præcepto?

Captábunt in ánimam iusti : * et sánguinem innocentem condemnábunt.

Et factus est mihi Dóminus in refúgium : * et Deus meus in adjutórium spei meæ.

Et reddet illis iniquitatem ipsorum : et in malitia eorum disperdet eos : * disperdet illos Dominus Deus noster.

Ant. Benedictus Dominus in ætérnum.

Ant. Cantáte.

Psalmus 95.

CANTÁTE Dómino canticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in omnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávít.

Etenim corréxit orbem terræ qui non commovébi-

tur : * judicábit pópulos in æquitáte.

Læténtur cæli, et exsúltet terra : commoveátur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Psalmus 96.

DÓMINUS regnávít, exsúltet terra : * læténtur insulæ multæ.

Nubes, et caligo in circúitu ejus : * justitia, et judicium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgora ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justitiam ejus : * et vidérunt omnes pópuli glóriam ejus.

Confundántur omnes, qui adórant sculptilia : * et qui gloriántur in simulácris suis.

Adoráte eum omnes Angeli ejus : * audívit, et lætáta est Sion.

Et exsultavérunt filiæ Judæ, * propter judicia tua Dómine :

Quóniam tu Dóminus altíssimus super omnem ter-

ram : * nimis exaltátus es
super omnes deos.

Qui diligitis Dóminum,
odite malum : * custódit
Dóminus ánimas sanctórum
suórum, de manu peccatóris
liberábit eos.

Lux orta est justo, * et
rectis corde lætitia.

Lætámini iusti in Dómi-
no : * et confitémini memó-
riæ sanctificatiónis ejus.

Ant. Cantáte Dómino, et
benedicite nómini ejus.

Per Annum, V. Intret orá-
tio mea in conspéctu tuo
Dómine. **R.** Inclína áurem
tuam ad precem meam.

In Adventu, V. Emitte
Agnum Dómine Domina-
tórem terræ. **R.** De Petra
desérti ad montem filiæ Sion.

Pro uno Mart. V. Posuisti
Dómine super caput ejus. **R.**
Corónam de lápide pretiósó.

Pro plur. Mart. V. Exsúl-
tent iusti in conspéctu Dei.
R. Et delecténtur in lætitia.

Pro Conf. Pont. V. Elégit
eum Dóminus sacerdotem
sibi. **R.** Ad sacrificándum ei
hóstiam láudis.

Pro Conf. non Pont. V. Os
iusti meditábitur sapiéntiam.
R. Et lingua ejus loquétur
judícium.

Pro una Sancta, V. Adju-
vábít eam Deus vultu suo.
R. Deus in médio ejus, non
commovébitur.

AD LAUDES

Ant. Spíritu principáli *
confirma cor meum Deus.

Ps. Miserére. 59.

Ant. In veritaté.

Psalmus 142.

DÓMINE exáudi oratióem
meam : áuribus pércipe
obsecratióem meam in ve-
ritaté tua : * exáudi me in
tua justitia.

Et non intres in iudícium
cum servo tuo : * quia non
justificábitur in conspéctu
tuo omnis vivens.

Quia persecútus est ini-
micus ánimam meam : *
humiliávit in terra vitam
meam.

Collocávit me in obscúris
sicut mórtuos sæculi : * et
anxiátus est super me spíri-
tus meus, in me turbátum
est cor meum.

Memor fui diérum anti-
quórum, meditátus sum in
ómnibus opéribus tuis : * in
factis mánuum tuárum me-
ditábar.

Expándi manus meas ad
te : * ánima mea sicut terra
sine aqua tibi.

Velóciter exáudi me Dó-
mine : * defécit spíritus
meus.

Non avértas fáciem tuam
a me : * et similis ero de-
scendéntibus in lacum.

Audítam fac mihi mane
misericórdiam tuam : * quia
in te sperávi.

Notam fac mihi viam, in
qua ámbulem : * quia ad te
levávi ánimam meam.

Eripe me de inimícis meis
Dómine, ad te confúgi : *
doce me fácere voluntátem
tuam, quia Deus meus es tu.

Spiritus tuus bonus deducet me in terram rectam : * propter nomen tuum Dómine vivificabis me, in æquitáte tua.

Edúces de tribulatióne ánimam meam : * et in misericórdia tua dispédes inimicos meos.

Et perdes omnes, qui tribulant ánimam meam : * quóniam ego servus tuus sum.

Ant. In veritaté tua exáudi me Dómine.

Ant. Illúmina Dómine * vultum tuum super nos.

Ps. Deus Deus meus. 18.

Ant. Dómine.

Canticum Habacuc. Cap. 3.

DÓMINE audi vi auditionem tuam, * et tímui.

Dómine opus tuum, * in médio annórum vivifica illud :

In médio annórum notum fácies : * cum irátus fúeris, misericórdiæ recordáberis.

Deus ab Austro véniet, * et sanctus de monte Pharan :

Opéruit cælos glória ejus : * et láudis ejus plena est terra.

Splendor ejus ut lux erit : * córnu in mánibus ejus :

Ibi abscondita est fortitúdo ejus : * ante faciém ejus ibit mors.

Et egrediétur diábolus ante pedes ejus. * Stetit, et mensus est terram.

Adspéxit, et dissólvit gentes : * et contríti sunt montes sæculi.

Incurváti sunt colles mun-

di, * ab itinéribus æternitátis ejus.

Pro iniquitaté vidi tentória Æthiopiæ, * turbabúntur pelles terræ Má dian.

Numquid in fluminibus irátus es Dómine? * aut in fluminibus furor tuus? vel in mari indignatio tua?

Qui ascédes super equos tuos : * et quadrigæ tuæ salvatio.

Súscitans suscitábis arcum tuum : * juraménta tribubus quæ locútus es.

Flúvios scindes terræ : vidérunt te, et doluerunt montes : * gurgés aquárum tránsiit.

Dedit abyssus vocem suam : * altitúdo manus suas levávit.

Sol, et luna steterunt in habitáculo suo, * in luce sagittárum tuárum, ibunt in splendóre fulgurántis hastæ tuæ.

In frémitu conculcábis terram : * et in furóre obstupéfáces gentes.

Egréssus es in salutem pópuli tui : * in salutem cum Christo tuo.

Percussisti caput de domo impii : * denudásti fundamentum ejus usque ad colum.

Maledixisti sceptris ejus, cápiti bellatórum ejus, * veniéntibus ut turbo ad dispérgendum me.

Exsultatio eórum * sicut ejus, qui dévorat páuperem in abscondito.

Viam fecisti in mari equis

tuis, * in luto aquárum multárum.

Audivi, et conturbátus est venter meus : * a voce contremuérunt lábia mea.

Ingrediátur putrédo in óssibus meis, * et subter me scáteat.

Ut requiέscam in die tribulatiónis : * ut ascéndam ad pópulum accíntum nostrum.

Ficus enim non florébit : * et non erit germen in vineis.

Mentiétur opus olivæ : * et arva non áfferent cibum.

Abscindétur de ovili pecus : * et non erit armén-tum in præsépius.

Ego áutem in Dómino gaudébo : * et exsultábo in Deo Jesu meo.

Deus Dóminus fortitúdo mea : * et ponet pedes meos quasi cervórum,

Et super excélsa mea dedúcet me victor * in psalmis canéntem.

Ant. Dómine audivi audítum tuum, et tímui.

Ant. In týmpano * et choro, in chordis et órgano laudáte Deum.

Ps. Laudáte Dóminum de cælis. 20.

Capitulum. Rom. 13. d

Nox præcéssit, dies áutem appropinquávit. Abjiciá-mus ergo ópera tenebrárum, et induámur arma lucis. Sic ut in die honéste ambulémus.

Hymnus.

ETÉRNA cæli glória,
Beáta spes mortálium,

Summi Tonántis Unice,
Castæque proles Virginis :

Da délixteram surgéntibus,
Exsúrgat ut mens sóbria,
Flagrans et in láudem Dei
Grates repéndat débítas.

Ortus refúlget lúcipher,
Præitque solem nún-tius :
Cadunt tenébræ nóctium :
Lux sancta nos illúminet.

Manénsque nostris sénsi-bus,

Noctem repéllat sáculi,
Omníque fine témporis
Purgáta servet pèctora.

Quæsita jam primum fides
In corde radices agat :
Secúnda spes congáudeat,
Qua major exstat cáritas.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sáculum.
Amen.

Y. Repléti sumus mane misericórdia tua. **R.** Exsultá-vimus, et delectáti sumus.

Ad Bened. Ant. Per víscera * misericórdiæ Dei nostri visitávit nos Oriens ex alto.

Preces, quando dicendæ sunt, habentur supra in Feria II. 61.

SABBATO

AD MATUTINUM

Invit. Dóminum Deum nostrum * Venite, adorémus.

Ps. Venite, exsultémus. 2.

Hymnus.

SUMMÆ Parens cleméntiæ,
Mundi regis qui máchi-nam,

Unius et substantiæ,
Trinúsque personis Deus :

Nostros pius cum canticis

Fletus benigne suscipe :

Ut corde puro sordium

Te perfruamur largius.

Lumbos, jecurque morbidum

Flammis adure congruis,

Accincti ut artus excubent

Luxu remoto pessimo.

Quicumque ut horas notitium

Nunc concinendo rumpimus,

Ditemur omnes affatim

Donis beatae patriæ.

Præsta, Pater piissime,

Patrique compar Unice,

Cum Spiritu Paráclito,

Regnans per omne sæculum.

Amen.

Ant. Quia mirabilia.

Psalmus 97.

CANTÁTE Dómino canticum
novum : * quia mirabilia
fecit.

Salvavit sibi dextera ejus : *
et brachium sanctum ejus.

Notum fecit Dóminus salutare suum : * in conspectu
gentium revelavit justitiam
suam.

Recordatus est misericordiæ suæ, * et veritatis suæ
domui Israël.

Viderunt omnes termini
terræ * salutare Dei nostri.

Jubiláte Deo omnis terra : *
cantáte, et exultáte, et psallite.

Psállite Dómino in cithara,
in cithara et voce psalmi : *

in tubis ductilibus, et voce
tubæ corneæ.

Jubiláte in conspectu regis
Dómini : * moveatur mare,
et plenitudo ejus : orbis terrarum,
et qui habitant in eo.

Flumina plaudent manu,
simul montes exsultabunt a
conspectu Dómini : * quoniam
venit judicare terram.

Judicabit orbem terrarum
in justitia, * et populos in
æquitate.

Psalmus 98.

DÓMINUS regnavit, irascantur
populi : * qui sedet
super Chérubim, moveatur
terra.

Dóminus in Sion magnus : *
et excelsus super omnes populos.

Confiteantur nómini tuo
magno : quoniam terribile,
et sanctum est : * et honor
regis judicium diligit.

Tu parasti directiones : *
judicium et justitiam in Jacob
tu fecisti.

Exaltáte Dóminum Deum
nostrum, et adoráte scabellum
pedum ejus : * quoniam
sanctum est.

Móyses et Aaron in sacerdotibus
ejus : * et Sámuel inter eos,
qui invocant nomen ejus :

Invocabant Dóminum, et
ipse exaudiebat eos : * in
columna nubis loquebatur
ad eos.

Custodiébant testimonia
ejus, * et præceptum quod
dedit illis.

Dómine Deus noster tu

exaudiēbas eos : * Deus tu propitius fuisti eis, et ulciscens in omnes adinventiōnes eōrum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Quia mirabilia fecit Dóminus.

Sequens Ant. et Ps. Jubilate. **hic prætermittitur, quando dicitur in Laud., ut in Sabbatis in quibus fit Offic. de S. Maria, et in Vigil. Nativit. Domini in Sabbato occur.; et ejus loco dicitur**

Ant. et Ps. Bonum est confiteri Dómino. **ut infra.**

Ant. Jubilate.

Psalmus 99.

JUBILÁTE Deo omnis terra : * servite Dómino in lætítia.

Introíte in conspéctue ejus, * in exsultatióne.

Scitóte quóniam Dóminus ipse est Deus : * ipse fecit nos, et non ipsi nos :

Pópulus ejus, et oves pásuæ ejus : * introite portas ejus in confessióne, átria ejus in hymnis : confitémini illi.

Laudáte nomen ejus : quóniam suávis est Dóminus, in ætérnum misericórdia ejus, * et usque in generatióem et generatióem véritas ejus.

Vel Psalmus 91.

BONUM est confiteri Dómino : * et psállere nómini tuo Altissime.

Ad annuntiándum mane misericórdiam tuam : * et veritátem tuam per noctem.

In decachórdo, psaltério : * cum cántico, in cithara.

Quia delectásti me Dómine in factúra tua : * et in opéribus mánuum tuárum exsultábo.

Quam magnificáta sunt ópera tua Dómine ! * nimis profúndæ factæ sunt cogitatióes tuæ :

Vir insípiens non cognóscet : * et stultus non intéliget hæc.

Cum exórti fúerint peccatóres sicut fœnum : * et apparúerint omnes, qui operántur iniquitátem :

Ut intéreant in sáeculum sáeculi : * tu áutem Altissimus in ætérnum Dómine.

Quóniam ecce inimici tui Dómine, quóniam ecce inimici tui peribunt : * et dispergéntur omnes, qui operántur iniquitátem.

Et exaltábitur sicut unicórnis cornu meum : * et senéctus mea in misericórdia úberi.

Et despéxit óculus meus inimicos meos : * et in insurgéntibus in me malignántibus áudiet áuris mea.

Justus, ut palma florébit : * sicut cedrus Libani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi : * et bene patiéntes erunt, ut annúntient :

Quóniam rectus Dóminus

Deus noster : * et non est iniquitas in eo.

Psalmus 100.

MISERICORDIAM, et iudicium * cantábo tibi Dómine :

Psallam, et intélligam in via immaculáta, * quando vénies ad me.

Perambulábam in innocentia cordis mei, * in médio domus meæ.

Non proponébam ante óculos meos rem injústam : * faciéntes prævaricatiónes odivi.

Non adhæsit mihi cor prævum : * declinántem a me malignum non cognoscébam.

Detrahéntem secréto próximo suo, * hunc persequébar.

Supérbo óculo, et insatiábili corde, * cum hoc non edébam.

Oculi mei ad fidéles terræ ut sédeant mecum : * ámbulans in via immaculáta, hic mihi ministrábat.

Non habitábit in médio domus meæ qui facit superbiam : * qui lóquitur iniqua, non diréxit in conspéctu oculórum meórum.

In matutíno interficiébam omnes peccatóres terræ : * ut dispérderem de civitáte Dómini omnes operántes iniquitátem.

Ant. Jubiláte Deo omnis terra.

Vel Ant. Bonum est confitéri Dómino.

Ant. Clamor meus.

Psalmus 101.

DÓMINE exáudi oratióem meam : * et clamor meus ad te véniat.

Non avértas fáciem tuam a me : * in quacúmque die tribulor, inclína ad me áurem tuam.

In quacúmque die invocávero te, * velóciter exáudi me.

Quia defecérunt sicut fumus dies mei : * et ossa mea sicut crémium aruerunt.

Percússus sum ut fœnum, et áruit cor meum : * quia oblitus sum comédere panem meum.

A voce gémitus mei * adhæsit os meum carni meæ.

Similis factus sum pelli-cáno solitúdinis : * factus sum sicut nyctícorax in domicilio.

Vigilávi, * et factus sum sicut passer solitárius in tecto.

Tota die exprobrábant mihi inimici mei : * et qui laudábant me, advérsus me jurábant.

Quia cinerem tamquam panem manducábam, * et potum meum cum fletu mi-scébam.

A fácie iræ et indignatiónis tuæ : * quia élevans allisisti me.

Dies mei sicut umbra declinavérunt : * et ego sicut fœnum áruí.

Tu áutem Dómine in ætérnum pérmanes : * et memoriale tuum in generatióem et generatióem.

Tu exsurgens miseréberis Sion : * quia tempus miserendi ejus, quia venit tempus.

Quóniam placuerunt servis tuis lápidés ejus : * et terræ ejus miserebúntur.

Et timébunt gentes nomen tuum Dómine, * et omnes reges terræ glóriam tuam.

Quia ædificávit Dóminus Sion : * et vidébitur in glória sua.

Respéxit in oratióem humilium : * et non spreuit precem eórum.

Scribántur hæc in generatióne áltera : * et pópulus, qui creábitur, laudábit Dóminum :

Quia prospéxit de excélso sancto suo : * Dóminus de cælo in terram adspéxit :

Ut audiret gémitus compeditórum : * ut sólveret filios interemptórum :

Ut annúntient in Sion nomen Dómini : * et láudem ejus in Jerúsalem.

In conveniéndó pópulos in unum, * et reges ut sérvant Dómino.

Respóndit ei in via virtútis suæ : * Paucitátem diérum meórum núntia mihi.

Ne révocés me in dimídio diérum meórum : * in generatióem et generatióem anni tui.

Initio tu Dómine terram fundásti : * et ópera mánuum tuárum sunt cæli.

Ipsi peribunt, tu áutem pérmanes : * et omnes sicut vestiméntum veteráscent.

Et sicut opertórium mutábis eos, et mutabúntur : * tu áutem idem ipse es, et anni tui non deficient.

Filii servórum tuórum habitábunt : * et semen eórum in sæculum dirigétur.

Psalmus 102.

BÉNEDIC ánima mea Dómino : * et ómnia, quæ intra me sunt, nómini sancto ejus.

Bénedic ánima mea Dómino : * et noli oblivisci omnes retributiónes ejus :

Qui propitiátur ómnibus iniquitatibus tuis : * qui sanat omnes infirmitátes tuas.

Qui rédimít de intéritu vitam tuam : * qui coronat te in misericórdia et misericoratióibus.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et judícium ómnibus injúriam patiéntibus.

Notas fecit vias suas Móysi, * filiis Israél voluntátes suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitátes nostras retribuit nobis.

Quóniam secúndum altitúdinem cæli a terra, * corrobórávit misericórdiam suam super timéntes se.

Quantum distat ortus ab occidente : * longe fecit a nobis iniquitates nostras.

Quómodo miserétur pater filiorum , misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorebit.

Quóniam spíritus pertransibit in illo, et non subsistet : * et non cognóscet ámplius locum suum.

Misericórdia áutem Dómini ab ætérno, * et usque in ætérnum super timéntes eum.

Et justítia illius in filios filiorum, * his qui servant testaméntum ejus :

Et mémores sunt mandatórum ipsius, * ad faciéndum ea.

Dóminus in cælo parávit sedem suam : * et regnum ipsius ómnibus dominábitur.

Benedicite Dómino omnes Angeli ejus : * poténtes virtúte, faciéntes verbum illius, ad audiéndam vocem sermónum ejus.

Benedicite Dómino omnes virtútes ejus : * ministri ejus, qui fácit voluntátem ejus.

Benedicite Dómino ómnia ópera ejus : * in omni loco dominationis ejus, benedic ánimam meam Dómino.

Ant. Clamor meus ad te véniat Deus.

Ant. Benedic.

Psalmus 103.

BÉNEDIC ánimam meam Dómino : * Dómine Deus meus magnificátus es veheménter.

Confessióem, et decórem induísti : * amíctus lúmine sicut vestiménto :

Exténdens cælum sicut pellem : * qui tegis aquis superióra ejus.

Qui ponis nubem ascensum tuum : * qui ámbulas super pennas ventórum.

Qui facis Angelos tuos, spíritus : * et ministros tuos, ignem uréntem.

Qui fundásti terram super stabilitátem suam : * non inclinábitur in sæculum sæculi.

Abýssus, sicut vestiméntum amíctus ejus : * super montes stabunt aquæ.

Ab increpatione tua fugient : * a voce tonitru tui formidábunt.

Ascéndunt montes : et descendunt campi * in locum, quem fundásti eis.

Términum posuísti, quem non transgrediéntur : * neque converténtur operire terram.

Qui emíttis fontes in convállibus : * inter médium móntium pertransibunt aquæ.

Potábunt omnes béstiæ agri : * exspectábunt ónagri in siti sua.

Super ea volúcres cæli habitábunt : * de médio petrárum dabunt voces.

Rigans montes de superióri-

ribus suis : * de fructu óperum tuórum satiábitur terra :

Prodúcens fœnum juméntis, * et herbam servitúti hóminum :

Ut edúcas panem de terra : * et vinum lætíficet cor hóminis :

Ut exhílalet fáciem in óleo : * et panis cor hóminis confirmet.

Saturabúntur ligna campi, et cedri Libani, quas plantávit : * illic pásseres nidificábunt.

Heródii domus dux est eórum : * montes excélsi cervis : petra refúgium herináciis.

Fecit lunam in témpora : * sol cognóvit occásu suum.

Posuisti ténebras, et facta est nox : * in ipsa pertransibunt omnes béstiæ silvæ.

Cátuli leónum rugiéntes, ut rápíant, * et quærant a Deo escam sibi.

Ortus est sol, et congregáti sunt : * et in cubilibus suis collocabúntur.

Exíbit homo ad opus suum : * et ad operatióne suam usque ad vésperum.

Quam magnificáta sunt ópera tua Dómine ! * ómnia in sapiéntia fecisti : impléta est terra possessióne tua.

Hoc mare magnum, et spatiósum mánibus : * illic reptilia, quorum non est númerus.

Animália pusilla cum magnis : * illic naves pertransibunt.

Draco iste, quem formásti ad illudéndum ei : * ómnia a te exspéctant ut des illis escam in témpore.

Dante te illis, cólligent : * aperiénte te manum tuam, ómnia implebúntur bonitáte.

Averténte áutem te fáciem, turbabúntur : * áuferes spíritum eórum, et deficiént, et in púlverem suum reverténtur.

Emíttes spíritum tuum, et creabúntur : * et renovábis fáciem terræ.

Sit glória Dómini in sæculum : * lætábitur Dóminus in opéribus suis :

Qui respicit terram, et facit eam trémere : * qui tangit montes, et fúmigant.

Cantábo Dómino in vita mea : * psallam Deo meo, quámdiu sum.

Jucúndum sit ei elóquium meum : * ego vero delectábor in Dómino.

Deficiant peccatóres a terra, et iníqui ita ut non sint : * benedic ánima mea Dómino.

Psalmus 101.

CONFITÉMINI Dómino, et invocáte nomen ejus : * annuntiáte inter gentes ópera ejus.

Cantáte ei, et psállite ei : * narráte ómnia mirabilia ejus.

Laudámini in nómine sancto ejus : * lætétur cor quæréntium Dóminum.

Quærite Dóminum, et confirmámini : * quærite fáciem ejus semper.

Mementóte mirabiliũ ejus, quæ fecit : * prodigia ejus, et judicia oris ejus.

Semen Abraham, servi ejus : * filii Jacob, elécti ejus.

Ipsè Dóminus Deus noster : * in univérſa terra judicia ejus.

Memor fuit in sæculum testaménti sui : * verbi, quod mandávit in mille generatiónes :

Quod dispósuit ad Abraham : * et juraménti sui ad Isaac :

Et státuit illud Jacob in præcéptum : * et Israëġ in testaméntum ætérnum :

Dicens : Tibi dabo terram Chánaan, * funiculum hereditátis vestræ.

Cum essent número brevi, * paucíſſimi et incolæ ejus :

Et pertransiérunt de gente in gentem, * et de regno ad pópulum álterum.

Non reliquit hóminem nocére eis : * et corripuit pro eis reges.

Nolite tángere christos meos : * et in prophétis meis nolite malignári.

Et vocávit famem super terram : * et omne firmaméntum panis contrivit.

Misit ante eos virum : * in servum venúmdatus est Joseph.

Humiliavérunt in compédibus pedes ejus, ferrum pertránsiit ánimam ejus, * donec veniret verbum ejus.

Elóquium Dómini inflam-mávit eum : * misit rex, et solvit eum; princeps populórum, et dimisit eum.

Constituit eum dóminum domus suæ : * et principem omnis possessiόνis suæ :

Ut erudiret príncipes ejus sicut semetípsum : * et senes ejus prudéntiam doceret.

Et intrávit Israëġ in Ægýptum : * et Jacob áccola fuit in terra Cham.

Et áuxit pópulum suum veheménter : * et firmávit eum super inimícos ejus.

Convértit cor eórum ut odirent pópulum ejus : * et dolum fácerent in servos ejus.

Misit Móysen servum suum : * Aaron, quem elégit ípsum.

Pósuit in eis verba signórum suórum, * et prodigiórum in terra Cham.

Misit ténebras, et obscurávit : * et non exacerbávit sermónes suos.

Convértit aquas eórum in ságuinem : * et occidit pisces eórum.

Edidit terra eórum ranas * in penetrálibus regum ipsórum.

Dixit, et venit cœnomyía : * et cinifes in ómnibus finibus eórum.

Pósuit plúvias eórum grándinem : * ignem comburéntem in terra ipsórum.

Et percússit vineas eórum, et ficúlneas eórum : * et contrivit lignum finium eórum.

Dixit, et venit locústa, et bruchus, * cujus non erat númerus :

Et comédit omne fœnum in terra eórum : * et comédit omnem fructum terræ eórum.

Et percússit omne primogénitum in terra eórum : * primitias omnis labóris eórum.

Et edúxit eos cum argénto et áuro : * et non erat in tribubus eórum infirmus.

Lætáta est Ægýptus in profectione eórum : * quia incúbuit timor eórum super eos.

Expándit nubem in protectionem eórum, * et ignem ut luceret eis per noctem.

Petierunt, et venit cotúrnix : * et pane cæli saturávit eos.

Dirúpit petram, et fluxérunt aquæ : * abiérunt in sicco flúmina;

Quóniam memor fuit verbi sancti sui, * quod hábuit ad Abraham púerum suum.

Et edúxit pópulum suum in exsultatione, * et eléctos suos in lætítia.

Et dedit illis regiones génitium : * et labóres populórum possederunt :

Ut custódiant justificatiónes ejus, * et legem ejus requirant.

Ant. Bénedic ánima mea Dómino.

Ant. Visita nos.

Psalmus 105.

CONFITÉMINI Dómino quóniam bonus : * quóniam

in sæculum misericórdia ejus.

Quis loquétur poténtias Dómini, * auditas fáciat omnes láudes ejus?

Beáti, qui custódiunt júdicium, * et fáciunt justitiam in omni témpore.

Meménto nostri Dómine in beneplácito pópuli tui : * visita nos in salutári tuo :

Ad vidéndum in bonitáte electórum tuórum, ad lætándum in lætítia gentis tuæ : * ut lauderis cum hereditáte tua.

Peccávimus cum pátribus nostris : * injúste égimus, iniquitátem fécimus.

Patres nostri in Ægýpto non intellexérunt mirabilia tua : * non fuérunt mémores multitudinis misericórdiaæ tuæ.

Et irritavérunt ascendéntes in mare, * mare Rubrum.

Et salvávit eos propter nomen suum : * ut notam fáceret poténtiam suam.

Et increpuit mare Rubrum, et exsiccátum est : * et dedúxit eos in abýssis sicut in desérto.

Et salvávit eos de manu odiéntium : * et redémit eos de manu inimíci.

Et opéruit aqua tribulántes eos : * unus ex eis non remánsit.

Et credidérunt verbis ejus : * et laudavérunt láudem ejus.

Cito fecérunt, obliti sunt óperum ejus : * et non sustinuerunt consílium ejus.

Et concupiérunt concupiscéntiam in desérto : * et tentavérunt Deum in inaquóso.

Et dedit eis petitiónem ipsórum : * et misit saturitátem in ánimas eórum.

Et irritavérunt Móysen in castris, * Aaron sanctum Dómini.

Apérta est terra, et deglutivit Dathan : * et opéruit super congregatióem Abíron.

Et exársit ignis in synagóga eórum : * flamma combússit peccatóres.

Et fecérunt vitulum in Horeb : * et adoravérunt scúlpile.

Et mutavérunt glóriam suam * in similitúdinem vituli comedéntis fœnum.

Obliti sunt Deum, qui salvávit eos, * qui fecit magnália in Ægýpto, mirabilia in terra Cham : terribília in mari Rubro.

Et dixit ut dispérderet eos : * si non Móyses eléctus ejus stetisset in confractiône in conspéctu ejus :

Ut avérteret iram ejus ne dispérderet eos : * et pro nihilo habuérunt terram desiderábilem :

Non credidérunt verbo ejus, et murmuravérunt in tabernáculissuis : * non exaudierunt vocem Dómini.

Et elevávit manum suam super eos : * ut prostérneret eos in desérto :

Et ut dejiceret semen eórum in natióibus : * et di-

spérgeret eos in regióibus.

Et initiáti sunt Beélphegor : * et comedérunt sacrificia mortuórum.

Et irritavérunt eum in adinventiόνibus suis : * et multiplicáta est in eis ruína.

Et stetit Phinees, et placávit : * et cessávit quassatio.

Et reputátum est ei in justitiam, * in generatióem et generatióem usque in sempitérnum.

Et irritavérunt eum ad Aquas contradictiόνis : * et vexátus est Móyses propter eos : quia exacerbavérunt spíritum ejus.

Et distinxit in lábiis suis : * non disperdidérunt gentes, quas dixit Dóminus illis.

Et commixti sunt inter gentes, et didicérunt ópera eórum : et serviérunt sculptilibus eórum : * et factum est illis in scándalum.

Et immolavérunt filios suos, * et filias suas dæmóniis.

Et effudérunt ságuinem innocentem : * ságuinem filiórum suórum et filiárum suárum, quassacrificavérunt sculptilibus Chánaan.

Et infécta est terra in sanguinibus, et contamináta est in opéribus eórum : * et fornicáti sunt in adinventiόνibus suis.

Et irátus est furóre Dóminus in pópulum suum : * et abominátus est hereditátem suam.

Et trádidit eos in manus

géntium : * et domináti sunt eórum qui odérunt eos.

Et tribulavérunt eos inimíci eórum, et humiliáti sunt sub mánibus eórum : * sæpe liberávit eos.

Ipsi áutem exacerbavérunt eum in consílio suo : * et humiliáti sunt in iniquitátibus suis.

Et vidit cum tribularéntur : * et audivit oratióem eórum.

Et memor fuit testaménti sui : * et pœnituit eum secúndum multitudínem misericórdiæ suæ.

Et dedit eos in misericórdias * in conspéctu ómnium qui céperant eos.

Salvos nos fac Dómine Deus noster : * et cógrega nos de natióibus :

Ut confiteámur nómini sancto tuo : * et gloriémur in láude tua.

Benedictus Dóminus Deus Israël a sæculo et usque in sæculum : * et dicet omnis pópulus : Fiat, fiat.

Psalmus 106.

CONFITÉMINI Dómino quóniam bonus : * quóniam in sæculum misericórdia ejus.

Dicant qui redémpti sunt a Dómino, quos redemit de manu inimíci : * et de regiõnibus congregávit eos :

A solis ortu, et occásu : * ab aquilóne, et mari.

Erravérunt in solitúdine in inaquóso : * viam civitátis habitáculi non invenérunt.

Esuriéntes, et sitiéntes : * ánima eórum in ipsis defécit.

Et clamavérunt ad Dóminum cum tribularéntur : * et de necessitatibus eórum erípuit eos.

Et dedúxit eos in viam rectam : * ut irent in civitátem habitatiónis.

Confiteántur Dómino misericórdiæ ejus : * et mirabilia ejus filiis hóminum.

Quia satiávit ánimam inánem : * et ánimam esuriéntem satiávit bonis.

Sedéntes in ténebris, et umbra mortis : * vinctos in mendicitáte et ferro.

Quia exacerbavérunt elóquia Dei : * et consilium Altissimi irritavérunt.

Et humiliátum est in labóribus cor eórum : * infirmáti sunt, nec fuit qui adjuváret.

Et clamavérunt ad Dóminum cum tribularéntur : * et de necessitatibus eórum liberávit eos.

Et edúxit eos de ténebris, et umbra mortis : * et vincula eórum dirúpit.

Confiteántur Dómino misericórdiæ ejus : * et mirabilia ejus filiis hóminum.

Quia contrívit portas æreas : * et vectes férreos confrégit.

Suscépit eos de via iniquitátis eórum : * propter injustitias enim suas humiliáti sunt.

Omnem escam abomináta est ánima eórum : * et ap-

propinquavérunt usque ad portas mortis.

Et clamavérunt ad Dóminum cum tribularéntur : * et de necessitatibus eórum liberávit eos.

Misit verbum suum , et salvávit eos : * et erípuit eos de interitiónibus eórum.

Confiteántur Dómino misericórdiæ ejus : * et mirabilia ejus filiis hóminum.

Et sacrificent sacrificium láudis : * et annúntient ópera ejus in exsultatióne.

Qui descéndunt mare in návibus , * faciéntes operatióne in aquis multis.

Ipsi vidérunt ópera Dómini , * et mirabilia ejus in profundo.

Dixit , et stetit spíritus procellæ : * et exaltáti sunt fluctus ejus.

Ascéndunt usque ad cælos , et descéndunt usque ad abyssos : * ánima eórum in malis tabescébat.

Turbáti sunt , et moti sunt sicut ébrius : * et omnis sapiéntia eórum devoráta est.

Et clamavérunt ad Dóminum cum tribularéntur , * et de necessitatibus eórum edúxit eos.

Et státuit procéllam ejus in áuram : * et siluérunť fluctus ejus.

Et lætáti sunt quia siluérunť : * et dedúxit eos in portum voluntátis eórum.

Confiteántur Dómino misericórdiæ ejus : * et mirabilia ejus filiis hóminum.

Et exáltent eum in ecclesia plebis : * et in cáthedra seniórum láudent eum.

Pósuit flúmina in désertum , * et éxitus aquárum in sitim.

Terram fructiferam in salúginem , * a malitia inhabitántium in ea.

Pósuit désertum in stagna aquárum : * et terram sine aqua in éxitus aquárum.

Et collocávit illic esuriéntes : * et constituérunt civitátem habitatiónis.

Et seminavérunt agros , et plantavérunt vineas : * et fecérunt fructum nativitátis.

Et benedixit eis , et multiplicáti sunt nimis : * et jumenta eórum non minorávit.

Et páuci facti sunt : * et vexáti sunt a tribulatióne malórum , et dolore.

Effúsa est contéptio super principes : * et erráre fecit eos in invio , et non in via.

Et adjúvit páuperem de inópia : * et pósuit sicut oves familias.

Vidébunt recti , et lætabúntur : * et omnis iniquitas oppilábit os suum.

Quis sapiens et custódiet hæc ? * et intélliget misericórdias Dómini ?

Ant. Visita nos Dómine in salutári tuo.

Ant. Confitebor Dómino.

Psalmus 107

PARÁTUM cor meum Deus , parátum cor meum : * cantábo , et psallam in glória mea.

Exsúrge glória mea, exsúrge psaltérium, et citharra : * exsúrgam dilúculo.

Confitébor tibi in pópulis Dómine : * et psallam tibi in natióibus.

Quia magna est super cælos misericórdia tua : * et usque ad nubes véritas tua :

Exaltáre super cælos Deus, et super omnem terram glória tua : * ut liberéntur dilecti tui.

Salvum fac dextera tua, et exáudi me : * Deus locútus est in sancto suo :

Exsultábo, et dívidam Sichimam, * et convállem tabernaculórum dimétiar.

Meus est Gálaad, et meus est Manásses : * et Ephraïm susceptio cápitis mei.

Juda rex meus : * Moab lebes spei meæ.

In Idumæam exténdam calceaméntum meum : * mihi alienigenæ amici facti sunt.

Quis dedúcet me in civitatem munitam? * quis dedúcet me usque in Idumæam?

Nonne tu Deus, qui reputasti nos, * et non exíbis Deus in virtútibus nostris?

Da nobis auxiliúm de tribulatióne : * quia vana salus hóminis.

In Deo faciémus virtútem : * et ipse ad nihilum dedúcet inimicos nostros.

Psalmus 108.

DEUS láudem meam ne tacúeris : * quia os peccatóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me : * et expugnávérunt me gratis.

Pro eo ut me diligèrent, detrahébant mihi : * ego autem orábam.

Et posuérunt advérsus me mala pro bonis : * et ódium pro dilectiόne mea.

Constitue super eum peccatórem : * et diábolus stet a dextris ejus.

Cum judicátur, éxeat condemnátus : * et orátio ejus fiat in peccátum.

Fiant dies ejus páuci : * et episcopátum ejus accípiat alter.

Fiant filii ejus órphani : * et uxor ejus vídua.

Nutántes transferántur filii ejus, et mendicent : * et ejiciántur de habitatióibus suis.

Scrutétur foenerátor omnem substántiam ejus : * et dirípiant aliéni labóres ejus.

Non sit illi adjútor : * nec sit qui misereátur pupíllis ejus.

Fiant nati ejus in intéritum : * in generatióne una deleátur nomen ejus.

In memóriam rédeat iniquitas patrum ejus in conspéctu Dómini : * et peccátum matris ejus non deleátur.

Fiant contra Dóminum semper, et dispéreat de terra memória eórum : * pro eo

quod non est recordátus
fácere misericórdiam.

Et persecútus est hóminem
inopem, et mendicum, * et
compúnctum corde mortifi-
cáre.

Et diléxit maledictiónem,
et véniet ei : * et nóluit be-
nedictiónem, et elongábitur
ab eo.

Et induit maledictiónem
sicut vestiméntum, * et in-
trávit sicut aqua in interióra
ejus, et sicut óleum in óssi-
bus ejus.

Fiat ei sicut vestiméntum
quo operítur : * et sicut
zona, qua semper præcín-
gitur.

Hoc opus eórum, qui dé-
trahunt mihi apud Dómi-
num : * et qui loquúntur
mala advérsus ánimam
meam.

Et tu Dómine, Dómine,
fac mecum propter nomen
tuum : * quia suávis est mi-
sericórdia tua.

Libera me quia egénus,
et páuper ego sum : * et cor
meum conturbátum est intra
me.

Sicut umbra cum decli-
nat, ablátus sum : * et excús-
sus sum sicut locústæ.

Génua mea infirmáta sunt
a jejúnio : * et caro mea
immutáta est propter óleum.

Et ego factus sum oppró-
brium illis : * vidérunt me,
et movérunt cápita sua.

Adjuva me Dómine Deus
meus : * salvum me fac secún-
dum misericórdiam tuam.

Et sciant quia manus tua
hæc : * et tu Dómine fecisti
eam.

Maledicent illi, et tu be-
nedices : * qui insúrgunt in
me, confundántur : servus
autem tuus lætábitur.

Induántur qui détrahunt
mihi, pudóre : * et operián-
tur sicut diplóide confusióne
sua.

Confitébor Dómino nimis
in ore meo : * et in médio
multórum laudábo eum :

Quia ádstitit a dextris páu-
peris, * ut salvam fáceret
a persecuéntibus ánimam
meam.

Ant. Confitébor Dómino
nimis in ore meo.

Per Annum. **V.** Dómine
exáudi oratióem meam. **R.**
Et clamor meus ad te véniat.

In Adventu, **V.** Egrediétur
Dóminus de loco sancto suo.
R. Véniet, ut salvet pópulum
suum.

Pro B. Maria, **V.** Diffúsa
est grátia in lábiis tuis. **R.**
Proptérea benedíxit te Deus
in ætérnum.

AD LAUDES

Ant. Benigne fac * in bona
voluntáte tua Dómine.

Ps. Miserére. 59.

Ant. Bonum est.

Psalmus 91.

BONUM est confitéri Dómi-
no : * et psállere nómini
tuo Altíssime :

Ad annuntiándum mane
misericórdiam tuam : * et
veritátem tuam per noctem.

In decachórho, psaltério : * cum cántico, in cithara.

Quia delectásti me Dómine in factúra tua : * et in opéribus mánuum tuárum exsultábo.

Quam magnificáta sunt ópera tua Dómine ! * nimis profúndæ factæ sunt cogitatiónes tuæ.

Vir insipiens non cognóscet : * et stultus non intélliget hæc.

Cum exórti fúerint peccatóres sicut fœnum : * et apparúerint omnes, qui operántur iniquitátem :

Ut intéreant in sæculum sæculi : * tu áutem Altissimus in ætérnum Dómine.

Quóniam ecce inimici tui Dómine, quóniam ecce inimici tui peribunt : * et dispergéntur omnes, qui operántur iniquitátem.

Et exaltábitur sicut unicórnis cornu meum : * et senéctus mea in misericórdia úberi.

Et despéxit óculus meus inimicos meos : * et in insurgéntibus in me malignántibus áudiet áuris mea.

Justus, ut palma florébit : * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi : * et bene patiéntes erunt, ut annúntient :

Quóniam rectus Dóminus

Deus noster : * et non est iniquitas in eo.

Ant. Bonum est confitéri Dómino.

Ant. Métuant Dóminum * omnes fines terræ.

Ps. Deus Deus meus. 18.

Ant. Date magnitúdinem.

Canticum Moysi. Deut. 32.

AUDÍTE cæli quæ loquor : * áudiat terra verba oris mei.

Concréscat ut plúvia doctrína mea, * fluat ut ros elóquium meum,

Quasi imber super herbam, et quasi stillæ super grámina. * Quia nomen Dómini invocábo :

Date magnificéntiam Deo nostro. * Dei perfécta sunt ópera, et omnes viæ ejus judícia :

Deus fidélis, et absque ulla iniquitáte, justus et rectus. * Peccavérunt ei, et non filii ejus in sórdibus :

Generátio prava atque perversa. * Hæccine reddis Dómino pópule stulte et insipiens?

Numquid non ipse est pater tuus, * qui possédit te, et fecit, et creávit te?

Meménto diérum antiquórum, * cógita generatiónes singulas :

Intérroga patrem tuum, et annuntiábit tibi : * majóres tuos, et dicent tibi.

Quando dividébat Altissimus gentes : * quando separábat filios Adam,

Constituit téminos popu-

lórum * juxta númerum filiórur Israel.

Pars áutem Dómini, pópulus ejus : * Jacob funículus hereditátis ejus.

Invenit eum in terra desérta, * in loco horróris, et vastæ solitúdinis :

Circumdúxit eum, et dócuit : * et custodívit quasi pupíllam óculi sui.

Sicut áquila próvocans ad volándum pullos suos, * et super eos vólitans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit : * et non erat cum eo deus aliénus.

Constituit eum super excélsam terram : * ut coméderet fructus agrórum,

Ut súgeret mel de petra, * oleúmque de saxo duríssimo.

Butýrum de arménto, et lac de óvibus * cum ádipe agnórum, et arietum filiórur Basan :

Et hircos cum medúlla tritici, * et sánguinem uvæ biberet meracíssimum.

Incrassátus est diléctus, et recalcitrávit : * incrassátus, impinguátus, dilatátus,

Dereliquit Deum factórem suum, * et recéssit a Deo salutári suo.

Provocavérunt eum in diis aliénis, * et in abominatió-nibus ad iracúndiam concitavérunt.

Immolavérunt dæmóniis,

et non Deo, * diis, quos ignorábant :

Novi recentésque venérunt, * quos non coluérunt patres eórum.

Deum qui te génuít dereliquísti, * et oblitus es Dómini creatóris tui.

Vidit Dóminus, et ad iracúndiam concitátus est : * quia provocavérunt eum filii sui et filiaë.

Et ait : Abscóndam faciém meam ab eis, * et considerábo novíssima eórum :

Generátio enim perversa est, * et infidéles filii.

Ipsi me provocavérunt in eo, qui non erat Deus, * et irritavérunt in vanitátibus suis :

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima :

Devorabitque terram cum gérmine suo, * et móntium fundaménta combúret.

Congregábo super eos mala : * et sagittas meas complébo in eis.

Consuméntur fame, * et devorábunt eos aves morsu amaríssimo :

Dentes bestiárum immit-tam in eos, * cum furóre trahéntium super terram, atque serpéntium.

Foris vastábit eos gládus, et intus pavor, * júvenem simul ac vírginem, lacténtem cum hómine sene.

Dixi : Ubinam sunt? * cessare faciam ex hominibus memoriam eorum.

Sed propter iram inimicorum distuli : * ne forte superbirent hostes eorum,

Et dicerent : Manus nostra excelsa, et non Dominus, * fecit hæc omnia.

Gens absque consilio est, et sine prudentia. * Utinam sciperent, et intelligerent, ac novissima providerent.

Quomodo persequatur unus mille, * et duo fugent decem millia?

Nonne ideo, quia Deus suus vendidit eos, * et Dominus conclusit illos?

Non enim est Deus noster ut dii eorum : * et inimici nostri sunt iudices.

De vinea Sodomorum, vinea eorum, * et de suburbanis Gomorrhæ :

Uva eorum uva fellis, * et botri amarissimi.

Fel draconum vinum eorum, * et venenum aspidum insanabile.

Nonne hæc condita sunt apud me, * et signata in thesauris meis?

Mea est ultio, et ego retribuam in tempore, * ut labatur pes eorum :

Juxta est dies perditionis, * et adesse festinant tempora.

Judicabit Dominus populum suum, * et in servis suis miserabitur :

Videbit quod infirmata sit manus, * et clausi quoque

defecerunt, residuique consumpti sunt.

Et dicet : Ubi sunt dii eorum, * in quibus habebant fiduciam?

De quorum victimis comedebant adipēs, * et bibebant vinum libaminum :

Surgant, et opitulentur vobis, * et in necessitate vos protegant.

Videte quod ego sim solus, * et non sit alius Deus præter me :

Ego occidam, et ego vivere faciam : percutiam, et ego sanabo, * et non est qui de manu mea possit eruerē.

Levabo ad cælum manum meam, et dicam : * Vivo ego in æternum.

Si acutero ut fulgur gladium meum, * et arripuerit iudicium manus mea :

Reddam ultionem hostibus meis, * et his qui oderunt me retribuam.

Inebriabo sagittas meas sanguine, * et gladius meus devorabit carnes,

De cruore occisorum, * et de captivitate, nudati inimicorum capitis.

Laudate gentes populum ejus, * quia sanguinem servorum suorum ulciscetur :

Et vindictam retribuet in hostes eorum, * et propitius erit terræ populi sui.

Ant. Date magnitudinem Deo nostro.

Ant. In cymbalis benesonantibus * laudate Deum.

Ps. Laudáte Dóminum de cælis. 20.

Capitulum. Rom. 13. d

Nox præcëssit, dies áutem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus.

AURÓRA jam spargit pos-
lum :

Terris dies illábitur :

Lucis resúltat spículum :

Discédát omne lúbrium.

Phantásma noctis éxsu-
let :

Mentis reátus córruat :

Quidquid ténebris hórridum

Nox áttulit culpæ, cadat.

Ut mane, quod nos últi-
mum

Hic deprecámur cernui,

Cum luce nobis éffluat,

Hoc dum canóre cóncre-
pat.

Deo Patri sit glória,

Ejúsque soli Filio,

Cum Spíritu Paráclito,

Nunc et per omne sæculum.

Amen.

V. Repléti sumus mane
misericórdia tua. **R.** Exsul-
távimus, et delectáti su-
mus.

Ad Bened. Ant. Illuminá-
re * Dómine his, qui in téne-
bris sedent, et dirige pedes
nostros in viam pacis, Deus
Israël.

**Preces, quando dicendæ
sunt, habentur supra in Fe-
ria II. 61.**

DOMINICA

AD VESPERAS

Pater noster. Ave María.

V. Deus in adjutórium.

17.

Ant. Dixit Dóminus.

Psalmus 109.

DIXIT Dóminus Dómino
meo : * Sede a dextris
meis :

Donec ponam inimicos
tuos, * scabéllum pedum
tuórum.

Virgam virtútis tuæ emit-
tet Dóminus ex Sion : * do-
mináre in médio inimicó-
rum tuórum.

Tecum princípium in die
virtútis tuæ in splendóribus
sanctorum : * ex útero ante
luciferum genui te.

Jurávit Dóminus, et non
poenitébit eum : * Tu es sa-
cérdos in ætérnum secún-
dum órđinem Melchisedech.

Dóminus a dextris tuis, *
confrégit in die iræ suæ
reges.

Judicábit in natió nibus,
implébit ruínas : * conquas-
sábit cápita in terra multó-
rum.

De torrén te in via bibet : *
proptérea exaltábit caput.

Ant. Dixit Dóminus Dó-
mino meo : Sede a dextris
meis.

Ant. Fidélia.

Psalmus 110.

CONFITÉBOR tibi Dómine in
toto corde meo : * in
consilio justórum, et con-
gregatióne.

Magna ópera Dómini : * exquisita in omnes voluntátes ejus.

Conféssio et magnificéntia opus ejus : * et justítia ejus manet in sǎculum sǎculi.

Memóriam fecit mirabiliú suórum, miséricors et miserátor Dóminus : * escam dedit timéntibus se.

Memor erit in sǎculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et judícium.

Fidélia ómnia mandáta ejus : confirmáta in sǎculum sǎculi, * facta in veritáte et æquitáte.

Redemptiónem misit pópulo suo : * mandávit in ætérnum testaméntum suum.

Sanctum, et terribile nomen ejus : * initium sapiéntiæ timor Dómini.

Inteléctus bonus ómnibus faciéntibus eum : * laudátio ejus manet in sǎculum sǎculi.

Ant. Fidélia ómnia mandáta ejus : confirmáta in sǎculum sǎculi.

Ant. In mandátis.

Psalmus 111

BEÁTUS vir, qui timet Dóminum : * in mandátis ejus volet nimis.

Potens in terra erit semen ejus : * generátio rectórum benedicétur.

Glória, et divitiæ in domo ejus : * et justítia ejus manet in sǎculum sǎculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in judício : * quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimicos suos.

Dispérsit, dedit paupéribus : justítia ejus manet in sǎculum sǎculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet : * desidérium peccatórum peribit.

Ant. In mandátis ejus cupit nimis.

Ant. Sit nomen Dómini.

Psalmus 112.

LAUDÁTE púeri Dóminum : * laudáte nomen Dómini.

Sit nomen Dómini benedictum, * ex hoc nunc, et usque in sǎculum.

A solis ortu usque ad occásam, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, *

et humilia respicit in cælo
et in terra?

Suscitans a terra inopem,*
et de stercore erigens pauperem :

Ut colloceat eum cum principibus,* cum principibus populi sui.

Qui habitare facit sterilem in domo,* matrem filiorum lætantem.

Ant. Sit nomen Domini benedictum in sæcula.

Ant. Nos qui vivimus.

Psalms 113.

IN exitu Israël de Ægypto,*
domus Jacob de populo barbaro :

Facta est Judæa sanctificatio ejus,* Israël potestas ejus.

Mare vidit, et fugit :* Jordánis conversus est retrorsum.

Montes exsultaverunt ut arietes :* et colles sicut agni óvium.

Quid est tibi mare quod fugisti :* et tu Jordánis, quia conversus es retrorsum?

Montes exsultastis sicut arietes,* et colles sicut agni óvium?

A facie Domini mota est terra,* a facie Dei Jacob :

Qui convertit petram in stagna aquarum,* et rupem in fontes aquarum.

Non nobis Domine, non nobis :* sed nómini tuo da glóriam.

Super misericórdia tua, et veritate tua :* nequándo dicant gentes : Ubi est Deus eorum?

Deus autem noster in cælo : * ómnia quaecúmque vóluit, fecit.

Simulácra gentium argentum, et áurum,* ópera manuum hóminum.

Os habent, et non loquuntur :* óculos habent, et non videbunt.

Aures habent, et non audient :* nares habent, et non odorabunt.

Manus habent, et non palpabunt : pedes habent, et non ambulabunt :* non clamabunt in gutture suo.

Similes illis fiant qui faciunt ea :* et omnes qui confidunt in eis.

Domus Israël sperávit in Dómino :* adjutor eorum et protector eorum est.

Domus Aaron sperávit in Dómino :* adjutor eorum et protector eorum est.

Qui timent Dóminum, speraverunt in Dómino :* adjutor eorum et protector eorum est.

Dóminus memor fuit nostri :* et benedixit nobis :

Benedixit dómui Israël :* benedixit dómui Aaron.

Benedixit ómnibus, qui timent Dóminum,* pusillis cum majóribus.

Adjiciat Dóminus super vos,* super vos : et super filios vestros.

Benedicti vos a Dómino,* qui fecit cælum, et terram.

Cælum cæli Dómino :* terram autem dedit filiis hóminum.

Non mórtui laudábunt te
Dómine : * neque omnes, qui
descéndunt in inférnum.

Sed nos qui vivimus, be-
nedicimus Dómino, * ex hoc
nunc et usque in sáeculum.

Ant. Nos qui vivimus, be-
nedicimus Dómino.

Capitulum. II. Cor. 1.

BENEDÍCTUS Deus, et Pater
Dómini nostri Jesu Chri-
sti, Pater misericordiárum,
et Deus totíus consolatiónis,
qui consolátur nos in omni
tribulatióne nostra.

Hymnus.

LUCIS Creátor óptime,
Lucem diérum próferens,
Primórdiis lucis novæ,
Mundi parans orígenem :

Qui mane junctum vésperi
Diem vocári præcipis :
Illábitur tetrum chaos,
Audi preces cum flétibus.

Ne mens graváta crimine,
Vitæ sit exsul múnere,
Dum nil perénne cógitat,
Seséque culpis illigat.

Cæléste pulset óstium :
Vitále tollat præmium :
Vitémus omne nóxium :
Purgémus omne péssimum.

Præsta, Pater piíssime,
Patrique compar Unice,
Cum Spíritu Paráclito,
Regnans per omne sáeculum.
Amen.

ŷ. Dirigátur Dómine orá-
tio mea. R̃. Sicut incénsum
in conspéctu tuo.

*Prædictus Hymnus cum
suo ŷ. dicitur a Dom. II. post
Epiph. usque ad Dom. I.
Quadrage.; Capit. vero præ-*

*dictum dicitur in eisdem
Dom. post Epiph. usque ad
Septuages. tantum. Dicitur
etiam in fer. Offic. ab Oct.
Epiph. usque ad Dom. I.
Quadrage. Similiter et ŷŷ.;
Ant. autem cum Pss. semper
dicuntur ut supra, quando
fit Offic. de Dom., exceptis
Dom. Advent., quæ habent
Ant. proprias.*

Canticum B. Mariæ Virg.

Lucæ 1. c

MAGNÍFICAT * ánima mea
Dóminum :

Et exsultávit spíritus meus*
in Deo salutári meo.

Quia respéxit humilitátem
ancillæ suæ : * ecce enim ex
hoc beátam me dicent omnes
generatiónes.

Quia fecit mihi magna qui
potens est : * et sanctum no-
men ejus.

Et misericórdia ejus a pro-
génie in progénies * timénti-
bus eum.

Fecit poténtiam in brá-
chio suo : * dispérsit supér-
bos mente cordis sui.

Depósuit poténtes de se-
de, * et exaltávit húmiles.

Esuriéntes implévit bo-
nis : * et dívites dimisit iná-
nes.

Suscépit Israël púerum
suum, * recordátus miseri-
córdiæ suæ.

Sicut locútus est ad pa-
tres nostros, * Abraham, et
sémmini ejus in sáecula.

Glória Patri.

Deinde dicitur Antiphona
et Oratio propria.

FERIA SECUNDA

AD VESPERAS

Ant. Inclínávit.*Psalmus 111.*

DILÉXI, quóniam exáudiet
Dóminus * vocem ora-
tiónis meæ.

Quia inclinávit áurem su-
am mihi : * et in diébus meis
invocábo.

Circumdedérunt me do-
lóres mortis : * et perícula
inférni invenérunt me.

Tribulatióem et dolórem
invéni : * et nomen Dómini
invocávi.

O Dómine libera ánimam
meam : * miséricors Dómi-
nus, et justus, et Deus no-
ster miserétur.

Custódiens párvulos Dó-
minus : * humiliátus sum,
et liberávit me.

Convértere ánima mea in
réquiem tuam : * quia Dó-
minus benefécit tibi.

Quia eripuit ánimam me-
am de morte : * óculos meos
a lácrymis, pedes meos a
lapsu.

Placébo Dómino * in re-
gióne vivórum.

Ant. Inclínávit Dóminus
áurem suam mihi.

Ant. Crédidi.*Psalmus 115.*

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *

pro ómnibus, quæ retribuit
mihi?

Cálicem salutáris acci-
píam : * et nomen Dómini
invocábo.

Vota mea Dómino red-
dam coram omni pópulo
ejus : * pretiósá in conspé-
ctu Dómini mors sanctó-
rum ejus :

O Dómine quia ego servus
tuus : * ego servus tuus, et
filius ancillæ tuæ.

Dirupísti víncula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino red-
dam in conspéctu omnis
pópuli ejus : * in átriis do-
mus Dómini, in médio tui
Jerúsalem.

Ant. Crédidi, propter quod
locútus sum.

Ant. Laudáte.*Psalmus 116.*

LAUDÁTE Dóminum omnes
gentes : * laudáte eum
omnes pópuli :

Quóniam confirmáta est
supernos misericórdia ejus : *
et véritas Dómini manet in
ætérum.

Ant. Laudáte Dóminum
omnes gentes.

Ant. Clamávi.*Psalmus 119.*

AD Dóminum cum tribu-
lárer clamávi : * et ex-
audivit me.

Dómine libera ánimam
meam a lábiis iniquis, * et
a lingua dolósa.

Quid detur tibi, aut quid

apponátur tibi, * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum incola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Ant. Clamávi, et exaudivit me.

Ant. Unde véniet.

Psalmus 120.

LEVÁVI óculos meos in montes, * unde véniet auxilium mihi.

Auxilium meum a Dómino, * qui fecit cælum et terram.

Non det in commotió nem pedem tuum : * neque dormitet qui custódit te.

Ecce non dormitábit neque dórmiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat intróitum tuum, et éxitum tuum : * ex hoc nunc, et usque in sæculum.

Ant. Unde véniet auxilium mihi.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totiús consolatió nis, qui consolátur nos in omni tribulatió ne nostra.

Hymnus.

IMMÉNSE cæli Cónditor,
Qui mixta ne confúnderent,

Aquæ fluénta dívidens,
Cælum dedisti limitem.

Firmans locum cælestibus,
Simúlque terræ rívilis;
Ut unda flammæ témperet,
Terræ solum ne dissipent.

Infúnde nunc, piíssime,
Donum perénis grátiae :
Fráudis novæ ne cásibus
Nos error átterat vetus.

Lucem fides adáugeat :
Sic lúminis jubar ferat :
Hæc vana cuncta próterat :
Hanc falsa nulla cómpri mant.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

V. Dirigátur Dómine orátio mea. **R.** Sicut incénsum in conspéctu tuo.

Ad Magnif. Ant. Magníficat * ánima mea Dóminum, quia respéxit Deus humilitátem meam.

In Feriis Adventus, post Ant. ad Magnificat, dicuntur sequentes Preces flexis genibus, si dicendæ sint.

KYRIE eléison. Christe eléison. Kyrie eléison.

Pater noster. **totum dicitur clara voce.**

Ÿ. Et ne nos indúcas in tentatiónem. **R.** Sed libera nos a malo.

Ÿ. Ego dixi : Dómine miserere mei. **R.** Sana ánimam meam, quia peccávi tibi.

Ÿ. Convértere Dómine úsquequo. **R.** Et deprecábilis esto super servos tuos.

Ÿ. Fiat misericórdia tua Dómine super nos. **R.** Quemádmodum sperávimus in te.

Ÿ. Sacerdótes tui induántur justítiam. **R.** Et sancti tui exsúltent.

Ÿ. Dómine salvum fac regem. **R.** Et exáudi nos in die, qua invocáverimus te.

Ÿ. Salvum fac pópulum tuum Dómine, et bédic hereditáti tuæ. **R.** Et rege eos, et extólle illos usque in ætérnum.

Ÿ. Meménto congregatiónis tuæ. **R.** Quam possedisti ab initio.

Ÿ. Fiat pax in virtúte tua. **R.** Et abundántia in túrribus tuis.

Ÿ. Orémus pro fidélibus defúntis. **R.** Réquiem ætérnam dona eis Dómine, et lux perpétua lúceat eis.

Ÿ. Requíescant in pace. **R.** Amen.

Ÿ. Pro frátribus nostris abséntibus. **R.** Salvos fac servos tuos, Deus meus, sperántes in te.

Ÿ. Pro afflictis et captívis. **R.** Libera eos Deus Israël ex ómnibus tribulatióibus suis.

Ÿ. Mitte eis Dómine auxiliium de sancto. **R.** Et de Sion tuere eos.

Ÿ. Dómine exáudi oratió-nem meam. **R.** Et clamor meus ad te véniat.

Deinde dicitur

Ps. 50. Miserere mei Deus. **ut in Fer. II. ad Laud. 59.**

Finito Psalmo, dicitur

Ÿ. Dómine Deus virtútum, convérte nos. **R.** Et osténde faciém tuam, et salvi érimus.

Ÿ. Exsúrge Christe, ádjuva nos. **R.** Et libera nos propter nomen tuum.

Ÿ. Dómine exáudi oratió-nem meam. **R.** Et clamor meus ad te véniat.

Ÿ. Dóminus vobíscum. **R.** Et cum spiritu tuo.

Oratio, quando propria non assignatur, dicitur de Dom. præced., ut habetur in Proprio de Tempore.

Ant. cum Pss. semper dicuntur ad Vesp. in Offic. fer., ut hic in Psalt. : Hymni vero ab Oct. Epiph. usque ad Dom. I. Quadrag.; Ant. autem ad Magnificat eodem tempore usque ad Septuag.

FERIA TERTIA

AD VESPERAS

Ant. In domum Dómini.

Psalmus 121.

LÆTÁTUS sum in his, quæ dicta sunt mihi : * In domum Dómini íbimus.

Stantes erant pedes nostri , * in átriis tuis Jerúsalem.

Jerúsalem, quæ ædificatur ut civitas : * cujus participatio ejus in idipsum.

Illuc enim ascenderunt tribus, tribus Dómini : * testimonium Israël ad confitendum nómini Dómini.

Quia illic sederunt sedes in iudicio, * sedes super domum David.

Rogáte quæ ad pacem sunt Jerúsalem : * et abundantia diligentibus te.

Fiat pax in virtute tua : * et abundantia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsiui bona tibi.

Ant. In domum Dómini lætantes ibimus.

Ant. Qui hábitas.

Psalmus 122.

Ad te levávi oculos meos, * qui hábitas in cælis.

Ecce sicut óculi servórum, * in mánibus dominórum suórum,

Sicut óculi ancillæ in mánibus dómínæ suæ : * ita óculi nostri ad Dóminum Deum nostrum donec miseretur nostri.

Miserere nostri Dómine, miserere nostri : * quia multum repléti sumus despectiône :

Quia multum repléta est ánima nostra : * oppróbrium abundantibus, et despéctio supérbis.

Ant. Qui hábitas in cælis, miserere nobis.

Ant. Adjutórium.

Psalmus 123.

Nisi quia Dóminus erat in nobis, dicat nunc Israël : * nisi quia Dóminus erat in nobis,

Cum exsúrgerent hómines in nos, * forte vivos deglutissent nos :

Cum irascerétur furor eórum in nos, * fórsitan aqua absorbuisset nos.

Torréntem pertransiuit ánima nostra : * fórsitan pertransisset ánima nostra aquam intolerábilem.

Benedictus Dóminus * qui non dedit nos in captiónem déntibus eórum.

Anima nostra sicut passer erepta est * de láqueo venántium :

Láqueus contritus est, * et nos liberáti sumus.

Adjutórium nostrum in nómine Dómini, * qui fecit cælum et terram.

Ant. Adjutórium nostrum in nómine Dómini.

Ant. Bénéfac.

Psalmus 124.

Qui confidunt in Dómino, sicut mons Sion : * non commovébitur in ætérnum, qui hábitat in Jerúsalem.

Montes in circúitu ejus : * et Dóminus in circúitu pópuli sui, ex hoc nunc et usque in sæculum.

Quia non relinquet Dóminus virgam peccatórum super sortem justórum : * ut

non exténdant justí ad iniquitátem manus suas.

Bénefac Dómine bonis, * et rectis corde.

Declinántes áutem in obligatiónes addúcet Dóminus cum operántibus iniquitátem : * pax super Israël.

Ant. Bénefac Dómine bonis, et rectis corde.

Ant. Facti sumus.

Psalmus 125.

IN converténdo Dóminus captivitátem Sion : * facti sumus sicut consoláti.

Tunc replétum est gáudio os nostrum, * et lingua nostra exsultatióne.

Tunc dicent inter gentes : * Magnificávit Dóminus fácere cum eis.

Magnificávit Dóminus fácere nobíscum : * facti sumus lætántes.

Convérte Dómine captivitátem nostram, * sicut torrens in Austro.

Qui sémant in lácrymis, * in exsultatióne metent.

Eúntes ibant et flebant, * mitténtes sémina sua.

Veniéntes áutem vénient cum exsultatióne, * portántes manipulos suos.

Ant. Facti sumus sicut consoláti.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

Hymnus.

TELLÚRIS alme Córditor,
Mundi solum qui sépa-
rans,

Pulsis aquæ moléstis,
Terram dedisti immóbilem :

Ut germen aptum prófe-
rens,

Fulvis decóra flóribus,
Fecúnda fructu sisteret,
Pastúmque gratum rédderet.

Mentis perústæ vúlnera
Munda viróre grátiae :
Ut facta fletu diluat,
Motúsque pravos átterat.

Jussis tuis obtémperet :
Nullis malis appróximet :
Bonis repléri gáudeat,
Et mortis ictum néschat.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

V. Dirigátur Dómine orá-
tio mea. *R.* Sicut incénsum
in conspéctu tuo.

Ad Magnif. Ant. Exsúltet *
spíritus meus in Deo salu-
tári meo.

*Preces, quando dicendæ
sunt, habentur supra in
Vesp. Fer. II. 132.*

FERIA QUARTA

AD VESPERAS

Ant. Non confundétur.

Psalmus 126.

NISI Dóminus ædificáverit
domum, * in vanum la-
boravérunt qui ædificant
eam.

Nisi Dóminus custodíerit

civitatem, * frustra vigilat qui custodit eam.

Vanum est vobis ante lucem surgere : * surgite postquam sederitis, qui manducatis panem doloris.

Cum dederit dilectis suis somnum : * ecce hereditas Domini filii : merces, fructus ventris.

Sicut sagittae in manu potentis : * ita filii excussorum.

Beatus vir qui implevit desiderium suum ex ipsis : * non confundetur cum loquetur inimicis suis in porta.

Ant. Non confundetur cum loquetur inimicis suis in porta.

Ant. Beati.

Psalmus 127.

BEATI omnes, qui timent Dominum, * qui ambulant in viis ejus.

Labores manuum tuarum quia manducabis : * beatus es, et bene tibi erit.

Uxor tua sicut vitis abundans, * in lateribus domus tuae.

Filii tui sicut novellae olivarum, * in circuitu mensae tuae.

Ecce sic benedicetur homo, * qui timet Dominum.

Benedicat tibi Dominus ex Sion : * et videas bona Jerusalem omnibus diebus vitae tuae.

Et videas filios filiorum tuorum, * pacem super Israel.

Ant. Beati omnes, qui timent Dominum.

Ant. Saepe.

Psalmus 128.

SAEPE expugnaverunt me a juventute mea, * dicat nunc Israel :

Saepe expugnaverunt me a juventute mea : * etenim non potuerunt mihi.

Supra dorsum meum fabricaverunt peccatores : * prolongaverunt iniquitatem suam.

Dominus justus concidit cervices peccatorum : * confundantur et convertantur retrorsum omnes, qui oderunt Sion.

Fiant sicut foenum tectorum : * quod priusquam evelatur, exaruit :

De quo non implevit manum suam qui metit, * et sinum suum qui manipulos colligit.

Et non dixerunt qui praeteribant : Benedictio Domini super vos : * benediximus vobis in nomine Domini.

Ant. Saepe expugnaverunt me a juventute mea.

Ant. De profundis.

Psalmus 129.

DE profundis clamavi ad te Domine : * Domine exaudi vocem meam :

Fiant aures tuae intendentes, * in vocem deprecationis meae.

Si iniquitates observaveris Domine : * Domine quis sustinebit?

Quia apud te propitiatio est : * et propter legem tuam sustinui te Domine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósá apud eum redemptio.

Et ipse redimet Israël, * ex omnibus iniquitatibus ejus.

Ant. De profúndis clamávi ad te Dómine.

Ant. Speret.

Psalmus 130.

DÓMINE non est exaltátum cor meum : * neque eláti sunt óculi mei.

Neque ambulávi in magnis : * neque in mirabilibus super me.

Si non humiliter sentiébam : * sed exaltávi ánimam meam.

Sicut ablactátus est super matre sua, * ita retribútio in ánima mea.

Speret Israël in Dómino, * ex hoc nunc, et usque in sæculum.

Ant. Speret Israël in Dómino.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

Hymnus.

CÆLI Deus sanctíssime, Qui lúcidas mundi plagas Candóre pingis ígneo, Augens decóro lúmine :

Quarto die qui flámmeam Dum solis accéndis rotam, Lunæ ministras órđinem, Vagósque cursus síderum :

Ut nóctibus, vel lúmini Diremptiόνis términum, Primórdiis et ménsium Signum dares notíssimum ; Expélle noctem córdium : Abstérge sordes méntium : Resólve culpæ vinculum : Evérte moles críminum.

Præsta, Pater piíssime, Patrique compar Unice, Cum Spíritu Paráclito Regnans per omne sæculum. Amen.

Ÿ. Dirigátur Dómine orátio mea. **R.** Sicut incénsum in conspéctu tuo.

Ad Magnif. Ant. Respéxit * Dóminus humilitátem meam, et fecit in me magna, qui potens est.

Preces, quando dicendæ sunt, habentur supra in Vesp. Fer. II. 132.

FERIA QUINTA

AD VESPERAS

Ant. Et omnis.

Psalmus 131.

MEMÉNTO Dómine David, * et omnis mansuetúdinis ejus :

Sicut jurávit Dómino, * votum vovit Deo Jacob :

Si introiero in tabernáculum domus meæ, * si ascéndero in lectum strati mei :

Si dédero somnum óculis meis, * et pálpebris meis dormitatióne :

Et réquiem tempóribus

meis : donec invéniam locum Dómino, * tabernáculum Deo Jacob.

Ecce audívimus eam in Ephrata : * invénimus eam in campis silvæ.

Introibimus in tabernáculum ejus : * adorábitus in loco, ubi steterunt pedes ejus.

Surge Dómine in réquiem tuam, * tu et arca sanctificatióis tuæ.

Sacerdótes tui induántur justitiam : * et sancti tui exsúltent.

Propter David servum tuum, * non avértas faciém Christi tui.

Jurávit Dóminus David veritátem, et non frustrábitur eam : * de fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docébo eos :

Et filii eórum usque in sæculum, * sedébunt super sedem tuam.

Quóniam elégit Dóminus Sion : * elégit eam in habitatióem sibi.

Hæc réquies mea in sæculum sæculi : * hic habitábo quóniam elégi eam.

Viduam ejus benedicens benedicam : * páuperes ejus saturábo pánibus.

Sacerdótes ejus induam salutári : * et sancti ejus exsultatióne exsultábunt.

Illuc producam cornu David, * parávi lucérnam Christo meo.

Inimicos ejus induam confusióne : * super ipsum áutem efflorébit sanctificatio mea.

Ant. Et omnis mansuetudinis ejus.

Ant. Ecce.

Psalmus 132.

ECCE quam bonum, et quam jucúndum * habitáre fratres in unum :

Sicut unguéntum in cápite, * quod descéndit in barbam, barbam Aaron,

Quod descéndit in oram vestiménti ejus : * sicut ros Hermon, qui descéndit in montem Sion.

Quóniam illic mandávit Dóminus benedictiόem, * et vitam usque in sæculum.

Ant. Ecce quam bonum, et quam jucúndum habitáre fratres in unum.

Ant. Omnia.

Psalmus 134.

LAUDÁTE nomen Dómini, * laudáte servi Dóminum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus : * psállite nómini ejus, quóniam suáve.

Quóniam Jacob elégit sibi Dóminus, * Israël in possessionem sibi.

Quia ego cognóvi quod magnus est Dóminus, * et Deus noster præ ómnibus diis.

Omnia quæcúmque vóluit, Dóminus fecit in cælo, et in terra, * in mari, et in ómnibus abyssis.

Edúcens nubes ab extrémō terræ : * fúlgora in plúviam fecit.

Qui producít ventos de thesáuris suis : * qui percússit primogénita Ægýpti ab hómine usque ad pecus.

Et misit signa, et prodigia in médio tui Ægýpte : * in Pharaónem, et in omnes servos ejus.

Qui percússit gentes multas : * et occídit reges fortes :

Sehon regem Amorrhæórum, et Og regem Basan, * et ómnia regna Chánaan.

Et dedit terram eórum hereditátem, * hereditátem Israél pópulo suo.

Dómine nomen tuum in ætérnum : * Dómine memoriále tuum in generatióem et generatióem.

Quia judicábit Dóminus pópulum suum : * et in servis suis deprecábitur.

Simulácula géntium argéntum, et áurum, * ópera mánuum hóminum.

Os habent, et non loquén-tur : * óculos habent, et non vidébunt.

Aures habent, et non áu-dient : * neque enim est spí-ritus in ore ipsórum.

Símiles illis fiant qui fá-ciunt ea : * et omnes, qui con-fidunt in eis.

Domus Israél benedicite Dómino : * domus Aaron be-nedicite Dómino.

Domus Levi benedicite Dómino : * qui timétis Dó-minum, benedicite Dómino.

Benedictus Dóminus ex Sion, * qui hábitat in Jerú-salem.

Ant. Omnia quæcúmque vóluit, Dóminus fecit.

Ant. Quóniam in ætérnum.

Psalmus 135

CONFITÉMINI Dómino quóniam bonus : * quóniam in ætérnum misericórdia ejus.

Confitémini Deo deórum : * quóniam in ætérnum mise-ricórdia ejus.

Confitémini Dómino do-minórum : * quóniam in ætérnum misericórdia ejus.

Qui facit mirabilia magna solus : * quóniam in ætérnum misericórdia ejus.

Qui fecit cælos in intellé-ctu : * quóniam in ætérnum misericórdia ejus.

Qui firmávit terram super aquas : * quóniam in ætérnum misericórdia ejus.

Qui fecit luminária ma-gna : * quóniam in ætérnum misericórdia ejus.

Solem in potestátem diéi : * quóniam in ætérnum mise-ricórdia ejus.

Lunam, et stellas in pote-státem noctis : * quóniam in ætérnum misericórdia ejus.

Qui percússit Ægýptum cum primogénitis eórum : * quóniam in ætérnum mise-ricórdia ejus.

Qui edúxit Israél de médio eórum : * quóniam in ætérnum misericórdia ejus.

In manu poténti, et brá-chio excélso : * quóniam in ætérnum misericórdia ejus.

Qui divisit mare Rubrum
in divisiões : * quóniam
in ætérnum misericórdia
ejus.

Et edúxit Israë́l per mé-
dium ejus : * quóniam in
ætérnum misericórdia ejus.

Et excússit Pharaónem, et
virtútem ejus in mari Ru-
bro : * quóniam in ætérnum
misericórdia ejus.

Qui tradúxit pópulum su-
um per desértum : * quóniam
in ætérnum misericórdia
ejus.

Qui percússit reges ma-
gnos : * quóniam in ætér-
num misericórdia ejus.

Et occidit reges fortes : *
quóniam in ætérnum mise-
ricórdia ejus.

Sehon regem Amorrhæó-
rum : * quóniam in ætérnum
misericórdia ejus.

Et Og regem Basan : * quó-
niam in ætérnum misericór-
dia ejus.

Et dedit terram eórum
hereditátem : * quóniam in
ætérnum misericórdia ejus.

Hereditátem Israë́l servo
suo : * quóniam in ætérnum
misericórdia ejus.

Quia in humilitáte nostra
memor fuit nostri : * quó-
niam in ætérnum misericór-
dia ejus.

Et redémit nos ab inimicis
nostris : * quóniam in ætér-
num misericórdia ejus.

Qui dat escam omni car-
ni : * quóniam in ætérnum
misericórdia ejus.

Confitémini Deo cæli : *

quóniam in ætérnum mise-
ricórdia ejus.

Confitémini Dómino do-
minórum : * quóniam in
ætérnum misericórdia ejus.

Ant. Quóniam in ætérnum
misericórdia ejus.

Ant. Hymnum cantáte.

Psalmus 136.

SUPER flúmina Babylónis,
illic sédimus et flévimus : *
cum recordarémur Sion :

In salicibus in médio ejus, *
suspendimus órgana nostra.

Quia illic interrogavérunt
nos, qui captivos duxérunt
nos, * verba cantiónum :

Et qui abduxérunt nos : *
Hymnum cantáte nobis de
cánticis Sion.

Quómodo cantábimus cán-
ticum Dómini * in terra
aliéna?

Si oblitus fúero tui Jerú-
salem, * obliuioni detur dex-
tera mea.

Adhæreat lingua mea fáu-
cibus meis, * si non memi-
nero tui :

Si non proposúero Jerúsa-
lem, * in principio lætitiæ
meæ.

Memor esto Dómine filió-
rum Edom, * in die Jerúsa-
lem :

Qui dicunt : Exinaníte,
exinaníte * usque ad funda-
méntum in ea.

Filia Babylónis mísera : *
beátus, qui retribuet tibi
retribuiciónem tuam, quam
retribuisti nobis.

Beátus, qui tenébit, * et alli-
det párvulos tuos ad petram.

Ant. Hymnum cantáte nobis de cánticis Sion.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra.

Hymnus.

MAGNÆ Deus poténtiæ,
Qui fértili natos aqua
Partim relínquis gúrgiti,
Partim levas in áera.

Demérsa lymphis impri-
mens,

Subvécta cælis érigens :
Ut stirpe ab una pródita
Diversa répleant loca :

Largire cunctis sérvulis,
Quos mundat unda sángu-
inis,

Nescire lapsus criminum,
Nec ferre mortis tædium :

Ut culpa nullum depri-
mat :

Nullum éfferat jactántia :
Elisa mens ne cóncidat :
Eláta mens ne córruat.

Præsta, Pater piissime,
Patrique compar Unice,
Cum Spíritu Paráclito
Regnans per omne sáeculum.
Amen.

V. Dirigátur Dómine orátio mea. **R.** Sicut incénsus in conspéctu tuo.

Ad Magnif. Ant. Fac Deus* poténtiam in bráchio tuo : dispérde supérbos, et exálta húmiles.

Preces, quando dicendæ sunt, habentur supra in Vesp. Fer. II. 132.

FERIA SEXTA

AD VESPERAS

Ant. In conspéctu.

Psalmus 137.

CONFITÉBOR tibi Dómine in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtútem.

Confiteántur tibi Dómine omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília réspicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit délixtera tua.

Dóminus retribuet pro me : * Dómine misericórdia tua in sáeculum : ópera mánuum tuárum ne despicias.

Ant. In conspéctu Angelórum psallam tibi Deus meus.

Ant. Dómine.

Psalmus 138.

DÓMINE probásti me, et cognovisti me : * tu cognovisti sessionem meam, et resurrectionem meam.

Intellexisti cogitationes meas de longe : * sémitam meam, et funiculum meum investigásti.

Et omnes vias meas prævidisti : * quia non est sermo in lingua mea.

Ecce Dómine tu cognovisti ómnia novíssima, et antiqua : * tu formásti me, et posuisti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spiritu tuo? * et quo a fácie tua fúgiam?

Si ascéndero in cælum, tu illic es : * si descéndero in inférnum, ades.

Si sumpsero pennas meas dilúculo, * et habitávero in extrémis maris :

Etenim illuc manus tua dedúcet me : * et tenébit me dextera tua.

Et dixi : Fórsitan ténebræ conculcábunt me : * et nox illuminátio mea in deliciis meis.

Quia ténebræ non obscurabúntur a te, et nox sicut dies illuminábitur : * sicut ténebræ ejus, ita et lumen ejus.

Quia tu possedísti renes meos : * suscepisti me de útero matris meæ.

Confitébor tibi quia terri-

bíliter magnificátus es : * mirabilia ópera tua, et ánima mea cognóscit nimis.

Non est occultátum os meum a te, quod fecisti in occulto : * et substántia mea in inferióribus terræ.

Imperféctum meum vidé-runt óculi tui, et in libro tuo omnes scribéntur : * dies formabúntur, et nemo in eis.

Mihi áutem nimis honorificáti sunt amici tui Deus : * nimis confortátus est princípatus eórum.

Dinumerábo eos, et super arénam multiplicabúntur : * exsurrexi, et adhuc sum tecum.

Si occideris Deus peccatóres : * viri sánguinem declináte a me :

Quia dicitis in cogitatione : * accipient in vanitate civitates tuas.

Nonne qui odérunt te Dómine, óderam? * et super inimicos tuos tabescébam?

Perfécto ódio óderam illos : * et inimici facti sunt mihi.

Proba me Deus, et scito cor meum : * intérroga me, et cognósce sémitas meas.

Et vide, si via iniquitátis in me est : * et deduc me in via æténa.

Ant. Dómine probásti me, et cognovisti me.

Ant. A viro iníquo.

Psalmus 139.

ERIPE me Dómine ab hómine malo : * a viro iniquo éripe me.

Qui cogitavérunt iniquitates in corde : * tota die constituébant prælia.

Acuérunt linguas suas sicut serpéntis : * venenum áspidum sub lábiis eórum.

Custódi me Dómine de manu peccatóris : * et ab hominibus iníquis éripe me.

Qui cogitavérunt supplantáre gressus meos : * absconderunt supérbi láqueum mihi :

Et funes extendérunt in láqueum : * juxta iter scándalum posuérunt mihi.

Dixi Dómino : Deus meus es tu : * exáudi Dómine vocem deprecationis meæ.

Dómine, Dómine virtus salútis meæ : * obumbrásti super caput meum in die belli :

Ne tradas me Dómine a desidério meo peccatóri : * cogitavérunt contra me, ne derelinquas me, ne forte exalténtur.

Caput circúitus eórum : * labor labiórum ipsórum opériet eos.

Cadent super eos carbónes, in ignem dejicies eos : * in misériis non subsistent.

Vir linguósus non dirigétur in terra : * virum injústum mala cápiént in intéritu.

Cognóvi quia fáciét Dóminus judícium inopis : * et vindictam páuperum.

Verúmtamen justí confitebúntur nómini tuo : * et habitábunt recti cum vultu tuo.

Ant. A viro iníquo libera me Dómine.

Ant. Dómine.

Psalmus 140.

DÓMINE clamávi ad te, exáudi me : * inténde voci meæ, cum clamávero ad te.

Dirigátur orátio mea sicut incénsus in conspéctu tuo : * elevátio mánuum meárum sacrificium vespertinum.

Pone Dómine custódiam ori meo : * et óstium circumstántiæ lábiis meis.

Non declines cor meum in verba malitiæ, * ad excusándas excusatiónes in peccátis.

Cum homínibus operántibus iniquitátem : * et non comunicábo cum eléctis eórum.

Corrípiet me justus in misericórdia, et increpábit me : * óleum áutem peccatóris non impínguet caput meum.

Quóniam adhuc et orátio mea in beneplácitis eórum : * absórpti sunt juncti petræ júdices eórum.

Audient verba mea quóniam potuérunt : * sicut crasitúdo terræ erúpta est super terram.

Dissipáta sunt ossa nostra secus inférnum : * quia ad te Dómine, Dómine óculi mei : in te sperávi, non áuferas ánimam meam.

Custódi me a láqueo, quem statuérunt mihi : * et a scándalis operántium iniquitátem.

Cadent in retiáculo ejus

peccatóres : * singuláriter
sum ego donec tránseam.

Ant. Dómine clamávi ad
te, exáudi me.

Ant. Pórtio mea.

Psalmus 141.

VOCE mea ad Dóminum
clamávi : * voce mea ad
Dóminum deprecátus sum :
Effúndo in conspéctu ejus
oratióem meam, * et tribu-
latiόem meam ante ipsum
pronúntio.

In deficiéndo ex me spíri-
tum meum, * et tu cogno-
visti sémitas meas.

In via hac, qua ambulá-
bam, * abscondérunt lá-
queum mihi.

Considerábam ad dexte-
ram et vidébam : * et non
erat qui cognósceret me.

Périit fuga a me, * et non est
qui requírat ánimam meam.

Clamávi ad te Dómine, *
dixi : Tu es spes mea, pórtio
mea in terra vivéntium.

Inténde ad deprecationem
meam : * quia humiliátus
sum nimis.

Libera me a persecuénti-
bus me : * quia confortáti
sunt super me.

Educ de custódia ánimam
meam ad confiténdum nó-
mini tuo : * me expéctant
justi, donec retribuas mihi.

Ant. Pórtio mea Dómine
sit in terra vivéntium.

Capitulum II. Cor. 1.

BENEDÍCTUS Deus, et Pater
Dómini nostri Jesu Chri-
sti, Pater misericordiárum,
et Deus totius consolatiόnis,

qui consolátur nos in omni
tribulatiόe nostra.

Hymnus.

HÓMINIS supérne Cónditor,
Qui cuncta solus órdi-
nans,

Humum jubes producere
Reptántis et feræ genus :

Et magna rerum córpora,
Dictu jubéntis vívida,
Per témporum certas vices
Obtemperáre sérvulis :

Repélle, quod cupidinis
Ciénte vi nos impetit,
Aut móribus se súggerit,
Aut áctibus se intérsarit.

Da gaudiórum præmia,
Da gratiárum múnera :
Dissólve litis víncula :
Adstringe pacis fœdera.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

V. Dirigátur Dómine orá-
tio mea. **R.** Sicut incénsum
in conspéctu tuo.

Ad Magnif. Ant. Depósuit *
potétes, sanctos perse-
quéntes : et exaltávit húmi-
les, Christum confiténtes.

**Preces, quando dicendæ
sunt, habentur supra in
Vesp. Fer. II. 132.**

SABBATO

AD VESPERAS

Ant. Benedíctus.

Psalmus 143.

BENEDÍCTUS Dóminus Deus
meus, qui docet manus
meas ad prælium, * et dígi-
tos meos ad bellum.

Misericórdia mea, et refúgium meum : * suscēptor meus, et liberátor meus :

Protēctor meus, et in ipso sperávi : * qui subdit pópulum meum sub me.

Dómine quid est homo, quia innotuísti ei? * aut filius hóminis, quia réputas eum?

Homo vanitáti similis factus est : * dies ejus sicut umbra prætereunt.

Dómine inclína cælostuos, et descēde : * tange montes, et fumigábunt.

Fúlgura coruscationem, et dissipábis eos : * emitte sagittas tuas, et conturbábis eos :

Emitte manum tuam de alto, éripe me, et libera me de aquis multis : * de manu filiórum alienórum.

Quorum os locútum est vanitatem : * et dextera eórum, dextera iniquitátis.

Deus cánticum novum cantábo tibi : * in psaltério, decachórdo psallam tibi.

Qui das salútem régibus : * qui redemísti David servum tuum de gládio maligno, éripe me.

Et érue me de manu filiórum alienórum, quorum os locútum est vanitatem : * et dextera eórum, dextera iniquitátis :

Quorum filii, sicut novellæ plantatiónes * in juventute sua.

Filiæ eórum compósitæ : * circumornátæ ut similitúdo templi.

Promptuária eórum ple-

na, * eructántia ex hoc in illud.

Oves eórum fœtósæ, abundantes in egréssibus suis : * boves eórum crassæ.

Non est ruína macériæ, neque tránsitus : * neque clamor in platéis eórum.

Beátum dixerunt pópulum, cui hæc sunt : * beátus pópulus, cujus Dóminus Deus ejus.

Ant. Benedictus Dóminus Deus meus.

Ant. Per singulos dies.

Psalmus 144.

EXALTÁBO te Deus meus rex : * et benedicam nómini tuo in sáculum, et in sáculum sáculi.

Per singulos dies benedicam tibi : * et laudábo nomen tuum in sáculum, et in sáculum sáculi.

Magnus Dóminus et laudábilis nimis : * et magnitudinis ejus non est finis.

Generátio et generátio laudábit ópera tua : * et poténtiam tuam pronuntiábunt.

Magnificéntiam glóriæ sanctitátis tuæ loquéntur : * et mirabilia tua narrábunt.

Et virtútem terribílium tuórum dicent : * et magnitudinem tuam narrábunt.

Memóriam abundantíæ suavitátis tuæ eructábunt : * et justitia tua exsultábunt.

Miserátor et miséricors Dóminus : * pátiens, et multum miséricors.

Suávis Dóminus univérsis : * et miseratiónes ejus super ómnia ópera ejus.

Confiteántur tibi Dómine
omnia ópera tua : * et sancti
tui benedicant tibi.

Glóriam regni tui dicent : *
et poténtiam tuam loquén-
tur :

Ut notam fáciant filiis hó-
minum poténtiam tuam : *
et glóriam magnificéntiæ re-
gni tui.

Regnum tuum regnum
ómnium sæculórum : * et
dominatio tua in omni gene-
ratione et generatióne.

Fidélis Dóminus in ómni-
bus verbis suis : * et sanctus
in ómnibus opéribus suis.

Allevat Dóminus omnes
qui córruunt : * et érigit
omnes elisos.

Oculi ómnium in te spe-
rant Dómine : * et tu das
escam illórum in témpore
opportúno.

Aperis tu manum tuam : *
et imples omne ánimam be-
nedictióne.

Justus Dóminus in ómni-
bus viis suis : * et sanctus in
ómnibus opéribus suis.

Prope est Dóminus ómni-
bus invocántibus eum : *
ómnibus invocántibus eum
in veritate.

Voluntátem timéntium se
fáciat : * et deprecationem
eórum exáudiet : et salvos
fáciat eos.

Custódit Dóminus omnes
diligéntes se : * et omnes
peccatóres dispédet.

Laudatióne Dómini lo-
quétur os meum : * et bene-
dicat omnis caro nómini

sancto ejus in sæculum, et
in sæculum sæculi.

Ant. Per singulos dies be-
nedicam te Dómine.

Ant. Laudábo.

Psalmus 145.

LAUDA ánimam meam Dómi-
num, laudábo Dóminum
in vita mea : * psallam Deo
meo quámdiu fuero.

Nolite confidere in prin-
cipibus : * in filiis hóminum,
in quibus non est salus.

Exibit spiritus ejus, et
revertétur in terram suam : *
in illa die peribunt omnes
cogitatiónes eórum.

Beátus, cujus Deus Jacob
adjutor ejus, spes ejus in
Dómino Deo ipsius : * qui
fecit cælum et terram, mare,
et ómnia, quæ in eis sunt.

Qui custódit veritátem in
sæculum, facit judicium in-
júriam patiéntibus : * dat
escam esuriéntibus.

Dóminus solvit compedi-
tos : * Dóminus illúminat
cæcos.

Dóminus érigit elisos, *
Dóminus diligit justos.

Dóminus custódit ádve-
nas, pupillum et víduam sus-
cipiet : * et vias peccatórum
dispédet.

Regnabit Dóminus in sæ-
cula Deus tuus Sion, * in ge-
neratióne et generatióne.

Ant. Laudábo Deum meum
in vita mea.

Ant. Deo nostro.

Psalmus 146.

LAUDÁTE Dóminum quó-
niam bonus est psalmus : *

Deo nostro sit jucúnda, decóraque laudátio.

Ædificans Jerúsalem Dóminus : * dispersiónes Israhélis congregábit.

Qui sanat contritos corde : * et alligat contritiónes eórum.

Qui númerat multitudínem stellárum : * et ómnibus eis nómina vocat.

Magnus Dóminus noster, et magna virtus ejus : * et sapiéntiæ ejus non est númerus.

Suscipiens mansuétos Dóminus : * humilians áutem peccatóres usque ad terram.

Præcínite Dómino in confessióne : * psállite Deo nostro in cithara.

Qui óperit cælum núbibus, * et parat terræ plúviam.

Qui producít in móntibus fœnum, * et herbam servi-túti hóminum.

Qui dat juméntis escam ipsórum : * et pullis corvórum invocántibus eum.

Non in fortitúdine equi voluntátem habébit : * nec in tibiis viri beneplácitum erit ei.

Beneplácitum est Dómino super timéntes eum : * et in eis, qui sperant super misericórdia ejus.

Ant. Deo nostro jucúnda sit laudátio.

Ant. Láuda.

Psalmus 147.

LÁUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit elóquium suum terræ : * velóriter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frigoris ejus quis sustinébit?

Emittet verbum suum, et liquefaciet ea : * flabit spíritus ejus, et fluent aquæ.

Qui annúnciat verbum suum Jacob : * justitias, et judícia sua Israhél.

Non fecit táliter omni nátióni : * et judícia sua non manifestávit eis.

Ant. Láuda Jerúsalem Dóminum.

Capitulum. Rom. 11. d

OALTITÚDO divitiárum sapiéntiæ et sciéntiæ Dei : quam incomprehensibilia sunt judícia ejus, et investigábiles viæ ejus!

Hymnus.

JAM sol recédit igneus :
Tu lux perénis Unitas,
Nostris, beáta Trínitas,
Infúnde lumen córdibus.

Te mane láudum cármine,
Te deprecámur vespere ;
Dignéris ut te súplices
Laudémus inter cælites.

Patri, simúlque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

Y. Vespertina orátio as-

céndat ad te Dómine. *R.* Et descéndat super nos misericórdia tua.

Ad Magnif. Ant. Suscépit* Deus Israël púerum suum : sicut locútus est ad Abraham, et semen ejus : exaltáre húmiles usque in sáeculum.

Capit. O altitúdo. *dicitur in Vesp. Sabbati ab Octava Epiph. usque ad Septuag. : Hymnus et V. etiam usque ad Quadrag. Ant. ad Magnificat ab Oct. Epiph. usque ad Septuag. tantum. Post Ant. dicitur Orat. propria.*

Deinde fiunt sequentes Commem. communes, seu Suffragia Sanctorum, quæ dicuntur etiam ad Laudes.

COMMEMORATIO DE CRUCE

In Feriali tantum Officio etiam quando non dicuntur preces.

Ad Vesp. et Laud. Ant. Per signum Crucis de inimicis nostris libera nos Deus noster. *V.* Omnis terra adóret te, et psallat tibi. *R.* Psalmum dicat nómini tuo Dómine.

Orémus. Oratio.

PERPÉTUA nos, quæsumus Dómine, pace custódi : quos per lignum sanctæ Crucis redímere dignátus es.

COMMEMORATIONES COMMUNES SIVE SUFFRAGIA SANCTORUM

DE SANCTA MARIA

Quando non dicitur ejus Officium parvum.

Ad Vesp. et Laud. Ant. Sancta María succúrre mi-

seris, juva pusillánimes, réfove flébiles, ora pro pópulo, intérvieni pro clero, intercède pro devóto femineo sexu : séntiant omnes tuum juvámén, quicúmque célebrant tuam sanctam commemoratiónem.

V. Ora pro nobis sancta Dei Génitrix. *R.* Ut digni efficiámur promissionibus Christi.

Orémus. Oratio.

CONCÉDE nos fámulos tuos, quæsumus Dómine Deus, perpétua mentis et córporis sanitáte gaudere : et gloriósa beátæ Mariæ semper Virginis intercessióne, a præsénti liberári tristitia, et ætérna pérfrui lætitia.

Ab Oct. Epiph. usque ad Purificationem dicitur :

V. Post partum Virgo invioláta permansisti. *R.* Dei Génitrix intercède pro nobis.

Orémus. Oratio.

DEUS, qui salútis ætérnæ, beátæ Mariæ virginitáte fœcúnda, húmáno géneri præmia præstitisti : tribue, quæsumus ; ut ipsam pro nobis intercédere sentiámus, per quam merúimus auctórem vitæ suscipere Dóminum nostrum Jesum Christum Filium tuum.

DE SANCTO JOSEPH

Ad Vesp. Ant. Ecce fidélis servus et prudens, quem constituit Dóminus super familiam suam.

V. Glória et divitiæ in domo ejus. *R.* Et justitia ejus manet in sáeculum sáeculi.

Ad Laud. Ant. Ipse Jesus erat incipiens quasi annorum triginta ut putabatur filius Joseph.

Ÿ. Os iusti meditabitur sapientiam. **R.** Et lingua ejus loquetur iudicium.

Orémus. **Oratio.**

DEUS, qui ineffabili providentia beatum Joseph sanctissimæ Genitricis tuæ sponsum eligere dignatus es : præsta quæsumus ; ut quem protectorem veneramur in terris, intercessorem habere mereamur in cælis.

DE APOSTOLIS

Ad Vesp. Ant. Petrus Apostolus, et Paulus Doctor Gentium, ipsi nos docuerunt legem tuam Domine.

Ÿ. Constitues eos principes super omnem terram. **R.** Mémores erunt nominis tui Domine.

Ad Laud. Ant. Gloriosi principes terræ, quomodo in vita sua dilexerunt se, ita et in morte non sunt separati.

Ÿ. In omnem terram exivit sonus eorum. **R.** Et in fines orbis terræ verba eorum.

Orémus. **Oratio.**

DEUS, cujus dextera beatum Petrum ambulantem in fluctibus, ne mergeretur, erexit, et coapostolum ejus Paulum tertio naufragantem de profundo pelagi liberavit : exaudi nos propitius, et concede ; ut amborum méritis, æternitatis glóriam consequamur.

DE PATRONO

Vel Titulari ecclesiæ fiat Commem. consueta ante vel post Commem. prædictas, pro dignitate illius ; et ultimo loco :

DE PACE

Ad Vesp. et Laud. Ant. Da pacem Domine in diebus nostris, quia non est alius, qui pugnet pro nobis, nisi tu Deus noster.

Ÿ. Fiat pax in virtute tua. **R.** Et abundantia in turribus tuis.

Orémus. **Oratio.**

DEUS, a quo sancta desideria, recta consilia, et justa sunt opera : da servis tuis illam, quam mundus dare non potest, pacem ; ut et corda nostra mandatis tuis dedita, et hostium sublata formidine, tempora sint tua protectione tranquilla. Per Dominum nostrum Jesum Christum Filium tuum : qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

Ÿ. Dominus vobiscum. **R.** Et cum spiritu tuo.

Ÿ. Benedicamus Domino. **R.** Deo grátias.

Ÿ. Fidélium animæ per misericórdiam Dei requiescant in pace. **R.** Amen.

Deinde dicitur secreto Pater noster.

Sic terminatur Offic., ubi alia non sequatur Hora, ut dicitur in Rubrica de Oratione Dominica.

Dictæ Commem. seu Suffragia dicuntur ab Octav. Epiph. usque ad Dom. Passionis, exceptis Duplicibus, et infra Octavas.

Quando dicitur Offic. B. Mariæ, non fit alia Commem. de ea.

AD COMPLETORIUM

Lector incipit :

℣. Jube domne benedicere.

Bened. Noctem quietam, et finem perfectum concedat nobis Dominus omnipotens.

℟. Amen.

Lectio brevis. I. Petr. 5. c.

FRATRES : Sobrii estote, et vigilate : quia adversarius vester diabolus tamquam leo rugiens circuit, quærens quem devoret : cui resistite fortes in fide. Tu autem Domine miserere nobis. ℟. Deo gratias.

℣. Adjutorium nostrum in nomine Domini. ℟. Qui fecit cælum et terram.

Paternoster. dicitur totum secreto.

Deinde Hebdomadarius facit Confessionem.

CONFITEOR Deo omnipotenti, beatæ Mariæ semper Virgini, beato Michaëli Archangelo, beato Joanni Baptistæ, sanctis Apostolis Petro et Paulo, omnibus Sanctis, et vobis fratres : quia peccavi nimis cogitatione, verbo et opere : mea culpa, mea culpa, mea maxima culpa. Ideo precor beatam Mariam semper Vir-

ginem, beatum Michaëlem Archangelum, beatum Joannem Baptistam, sanctos Apostolos Petrum et Paulum, omnes Sanctos, et vos fratres, orare pro me ad Dominum Deum nostrum.

Chorus respondet :

MISEREATUR tui omnipotens Deus, et dimissis peccatis tuis, perducat te ad vitam æternam. ℟. Amen.

Deinde repetit Confessionem : et ubi dicitur vobis fratres, et vos fratres, dicitur tibi Pater, et te Pater.

Facta Confessione a Choro,

Hebdomadarius dicit :

MISEREATUR vestri omnipotens Deus, et dimissis peccatis vestris, perducat vos ad vitam æternam. ℟. Amen.

INDULGENTIAM, absolutiōnem et remissionem peccatorum nostrorum tribuat nobis omnipotens et misericors Dominus. ℟. Amen.

Et facta Absolutione.

dicitur ℣.

CONVERTE nos Deus salutaris noster. ℟. Et averte iram tuam a nobis.

℣. Deus in adjutorium meum intende. ℟. Domine ad adjuvandum me festina.

Glória Patri. Sicut erat.

Ant. Miserere.

Psalmus 4.

CUM invocarem exaudivit me Deus justitiæ meæ : * in tribulatione dilatasti mihi.

Miserere mei, * et exaudi orationem meam.

Filii hóminum úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium iustitiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui Dómine : * dedisti lætítiam in corde meo.

A fructu fruménti, vini, et olei sui * multiplicáti sunt.

In pace in idípsum * dórmiam, et requiéscam;

Quóniam tu Dómine singularíter in spe * constituisti me.

Psalmus 30.

IN te Dómine sperávi, non confúndar in ætérnum : * in iustitia tua libera me.

Inclina ad me áurem tuam, * accélera ut éruas me.

Esto mihi in Deum protectórem : et in domum refúgii, * ut salvum me fácias.

Quóniam fortitúdo mea, et refúgium meum es tu : * et propter nomen tuum dedúces me, et enútries me.

Edúces me de láqueo hoc, quem abscondérunt mihi : * quóniam tu es protéctor meus.

In manus tuas comméndo spíritum meum : * redemisti me Dómine Deus veritátis.

Psalmus 90.

QUI hábitat in adjutório Altíssimi, * in protectióne Dei cæli commorábitur.

Dicet Dómino : Suscéptor meus es tu, et refúgium meum : * Deus meus sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi : * et sub pennis ejus sperábis.

Scuto circúmdabit te veritas ejus : * non timébis a timóre noctúrno,

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille, et decem míllia a dextris tuis : * ad te áutem non appropinquábit.

Verúmtamen óculis tuis considerábis : * et retributió nem peccatórum vidébis.

Quóniam tu es Dómine spes mea : * Altíssimum posuisti refúgium tuum.

Non accédet ad te malum : * et flagéllum non appropinquábit tabernáculo tuo.

Quóniam Angelis suis mandávit de te : * ut custódiant te in ómnibus viis tuis.

In mánibus portábunt te : * ne forte offéndas ad lápidem pedem tuum.

Super áspidem, et basili-

scum ambulábis : * et conculcábis leónem et dracónem.

Quóniam in me sperávit, liberábo eum : * prótegam eum, quóniam cognóvit nomen meum.

Clamábit ad me, et ego exáudiam eum : * cum ipso sum in tribulatióne : eripiam eum et glorificábo eum.

Longitúdine diérum replébo eum : * et osténdam illi salutáre meum.

Psalms 133.

ECCE nunc benedicite Dóminum, * omnes servi Dómini :

Qui statis in domo Dómini, * in átriis domus Dei nostri,

In nóctibus extóllite manus vestras in sancta, * et benedicite Dóminum.

Benedicat te Dóminus ex Sion, * qui fecit cælum et terram.

Ant. Miserére mihi Dómine, et exáudi oratióne meam.

Hymnus.

TE lucis ante términum, Rerum Creátor póscimus,

Ut pro tua cleméntia Sis præsul et custódia.

Procul recédant sómnia, Et nóctium phantásmata; Hostémque nostrum cómpime,

Ne polluéantur córpora.

Præsta Pater piíssime, Patrique compar Unice, Cum Spíritu Paráclito Regnans per omne sáeculum. Amen.

Capitulum. Jerem. 14. b

TU autem in nobis es Dómine, et nomen sanctum tuum invocátum est super nos, ne derelinquas nos Dómine Deus noster. **R.** Deo grátias.

R. br. In manus tuas Dómine * Comméndo spiritum meum. In. **V.** Redemisti nos Dómine Deus veritátis. Comméndo. Glória Patri. In.

V. Custódi nos Dómine ut pupillam óculi. **R.** Sub umbra alárum tuárum prótege nos.

Ant. Salva nos.

Canticum Simeonis.

Luc. 2. c

NUNC dimittis servum tuum Dómine, * secúndum verbum tuum in pace :

Quia vidérunt óculi mei * salutáre tuum,

Quod parásti * ante fáciem ómnium populórum :

Lumen ad revelatióne gentium, * et glóriam plebis tuæ Israël.

Glória Patri.

Ant. Salva nos Dómine vigilántes, custódi nos dormiéntes : ut vigilémus cum Christo, et requiescámus in pace.

Sequentes Preces semper dicuntur, præterquam in Officio duplici, et infra Octavas : quæ in feriali Officio Temp. Advent., quando dictæ sunt Preces in Vesp., dicuntur flexis genibus.

KYRIE eléison. Christe eléison. Kýrie eléison. Pater noster. **secreto.**

ſ. Et ne nos indúcas in tentatióem. *R.* Sed libera nos a malo.

Credo in Deum. *secreto.*

ſ. Carnis resurrectionem. *R.* Vitam ætérnam. Amen.

ſ. Benedictus es Dómine Deus patrum nostrórum. *R.* Et laudábilis et gloriósus in sæcula.

ſ. Benedicámus Patrem et Filium cum sancto Spiritu. *R.* Laudémus, et superexaltémus eum in sæcula.

ſ. Benedictus es Dómine in firmaménto cæli. *R.* Et laudábilis, et gloriósus, et superexaltátus in sæcula.

ſ. Benedicat et custódiat nos omnipotens et miséricors Dóminus. *R.* Amen.

ſ. Dignáre Dómine nocte ista. *R.* Sine peccáto nos custodíre.

ſ. Miserére nostri Dómine. *R.* Miserére nostri.

ſ. Fiat misericórdia tua Dómine super nos. *R.* Quemádmodum sperávimus in te.

ſ. Dómine exáudi oratióem meam. *R.* Et clamor meus ad te véniat.

ſ. Dóminus vobíscum. *R.* Et cum spiritu tuo.

Orémus. *Oratio.*

VÍSITA, quæsumus Dómine, habitatióem istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiant, et benedictio tua sit super nos semper. Per Dóminum nostrum.

ſ. Dóminus vobíscum. *R.* Et cum spiritu tuo.

ſ. Benedicámus Dómino. *R.* Deo grátias.

Bened. Benedicat et custódiat nos omnipotens et miséricors Dóminus, Pater, et Filius, et Spíritus sanctus. *R.* Amen.

Et non dicitur Fidélium animæ, *sed immediate dicitur una ex infrascriptis Antiphonis pro Tempore.*

A Vesp. Sabbati ante Dominicam I. Adventus usque ad Purificationem inclusive.

Antiphona.

ALMA Redemptóris Mater, quæ pέρvia cæli Porta manes, et stella maris, succúrre cadénti, Súrgere qui curat, pópulo : tu quæ genuísti, Natúra miránte, tuum sanctum Genitórem, Virgo prius ac postérius, Gabriélis ab ore Sumens illud Ave, peccatórum miserére.

In Adventu, ſ. Angelus Dómini nuntiávit Mariæ. *R.* Et concépit de Spíritu sancto.

Orémus. *Oratio.*

GRÁTIAM tuam, quæsumus Dómine, méntibus nostris infúnde : ut qui, Angelo nuntiánte, Christi Filii tui Incarnatióem cognóvimus, per passióem ejus et crucem ad resurrectionis glóriam perducámur. Per eúmdem Christum Dóminum nostrum. *R.* Amen.

A I. Vesperis Nativitatis

et deinceps. V. Post partum Virgo inviolata permansisti.

R. Dei Genitrix intercède pro nobis.

Orémus. *Oratio.*

DEUS, qui salutis æternæ beatae Mariæ virginitate foecunda, humano generi præmia præstitisti: tribue, quæsumus; ut ipsam pro nobis intercédere sentiāmus, per quam meruimus auctorem vitæ suscipere Dominum nostrum Jesum Christum Filium tuum. R. Amen.

Post Purificat., id est, a fine Completorii illius diei secundæ Febr. inclusive, usque ad Feriam V. in Cœna Domini exclusive.

Antiphona.

AVE Regina cælorum,
Ave Dómina Angelorum:
Salve radix, salve porta,
Ex qua mundo lux est orta:

Gáude Virgo gloriósa,
Super omnes speciósa,
Vale o valde decóra,
Et pro nobis Christum exóra.

V. Dignáre me laudáre te
Virgo sacrata. R. Da mihi
virtutem contra hostes tuos.

Orémus. *Oratio.*

CONCÉDE, miséricors Deus, fragilitati nostræ præsidium: ut qui sanctæ Dei Genitricis memoriam ágimus, intercessiónis ejus auxilio, a nostris iniquitatibus resurgāmus. Per eúndem Christum Dóminum nostrum. R. Amen.

V. Divinum auxilium máneat semper nobiscum.

R. Amen.

Deinde dicit. secreto Pater noster. Ave Maria. et Credo.

Si post Complet. immediate sequatur Matut., tunc bis dicatur Pater noster. Ave Maria. et Credo: quia Complet., quod est finis Officii, sic terminari debet; et ante Matut. iterum repetitur pro principio Officii seq. diei.

Antiphonæ prædictæ dicuntur etiam in fine Laudum, quando discedendum est a Choro: sed si immediate post Matut. subsequatur Prima, vel alia Hora, dicuntur in fine ultimæ Horæ, ita ut dicantur semper, quando, terminata aliqua Hora, discedendum est a Choro: et tunc post V. Fidélium animæ. et Pater noster. secreto, dicitur V. Dóminus det nobis suam pacem. R. Et vitam æternam. Amen.

Deinde una ex prædictis Antiphonis, et in fine Divinum auxilium máneat semper nobiscum. R. Amen.

Extra Chorum autem dicuntur in fine Laudum, si tunc terminandum sit Officium; alioquin in fine ultimæ Horæ.

Post alias vero Horas, quando terminatur Offic., dicitur tantum Pater noster. secreto.



PROPRIUM DE TEMPORE

SABBATO

Ante Dom. I. Adventus.

AD VESPERAS

Capitulum. Rom. 13. d

RRATRES : Hora est jam nos de somno súrgere. Nunc enim própior est nostra salus, quam cum credidimus.

℞. Deo grátias.

Sic semper respondetur in fine omnium Capitulorum.

Hymnus.

CREÁTOR alme síderum,
Ætérna lux credéntium,
Jesu Redémptor ómnium,
Inténde votis súpplicum.

Qui dáemonis ne fráudibus
Períret orbis, ímpetu
Amóris actus, lánguidi
Mundi medéla factus es.

Commúne qui mundi nefas
Ut expiáres, ad crucem
E Virginis sacrário
Intácta prodís víctima.

Cujus potéstas glóriæ,
Noménque cum primum sonat;
Et cælites et inferi
Treménte curvántur genu.

Te deprecámur úllimæ
Magnum diéi Júdicem,
Armis supérnæ grátiae
Defénde nos ab hóstibus.

Virtus, honor, laus, glória
Deo Patri cum Fílio,
Sancto simul Paráclito,
In sæculórum sæcula. Amen.

℞. Roráte cæli désuper,
et nubes pluant justum. ℞.
Aperiátur terra, et gérmínet
Salvatórem.

Ad Magnif. Ant. Ecce nomen Dómini * venit de longínquo, et cláritas ejus replet orbem terrárum.

Oratio.

EXCITA, quæsumus Dómine, poténtiam tuam; et veni : ut ab imminéntibus peccatórum nostrórum periculis, te mereámur protegénte éripi, te liberánte salvári : Qui vivis et regnas cum Deo Patre in unitáte Spíritus sancti Deus, per ómnia sæcula sæculórum. ℞. Amen.

Commem. seu Suffragia Sanctorum non fiunt per totum Advent., etiam in Officio de Sanctis, nec de Cruce in feriali Officio.

In Adventu non fit de Festo, nisi fuerit Dupl. vel Semidupl. : quod si occurrat in Dom., de eo fit tantum Commemoratio in utrisque Vesperis et Laud. : Festum autem majus vel alicujus Doctoris Ecclesiæ transferitur in primam diem Duplici vel Semiduplici Festo non impeditam. De Simplici quoque fit tantum Commemoratio ut in Rubricis Generalibus.

DOMINICA I. ADVENTUS

AD MATUTINUM

Invit. Regem venturum Dóminum, * Veníte, adorémus.

Et dicitur etiam in Feriis, usque ad Dom. III. Adventus.

Ps. Venite, exultémus. 2.

Hymnus.

VERBUM supérnum pródiens,

E Patris ætérni sinu
Qui natus orbi súbvenis,
Labénte cursu témporis.

Illúmina nunc péctora,
Tuóque amóre cóncrema;
Ut cor cadúca déserens
Cæli volúptas ímpleat :

Ut, cum tribúnal Júdicis
Damnábit igni nóxios,
Et vox amíca débitum
Vocábit ad cælum pios.

Non esca flammárum nigros

Volvámur inter túrbines,
Vultu Dei sed cómpotes
Cæli fruámur gáudiis.

Patri simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

IN I. NOCTURNO

Ant. et Pss. ut in Psalterio. 3.

Post y., in quolibet Nocturno dicitur

Pater noster.

Deinde Absolutiones et Benedictiones ut in Psalterio. Benedictiones vero in Officio de Sanctis, de S. Maria vel trium Lectionum habentur ante initium Psalterii.

Incipit liber Isaíæ
Prophétæ.

Lectio j. Cap. 1.

VÍSIO Isaíæ filii Amos, quam vidit super Judam et Jerúsalem in diébus Ozíæ, Jóathan, Achaz, et Ezechíæ, regum Juda. Audite cæli, et áuribus pèrcepe terra, quóniam Dóminus locútus est. Filios enutriví, et exaltávi : ipsi áutem spreverunt me. Cognóvit hos possessórem suum, et ásinus præsépe dómini sui : Israël áutem me non cognóvit, et pópulus meus non intelléxit.

Tu áutem Dómine misere rére nobis. **R.** Deo grátias.

Sic semper terminantur Lect., nisi aliter signetur.

R. Adspiciens a longe, ecce video Dei poténtiam veniéntem, et nébulam totam terram tegéntem. * Ite óbviám ei, et dicite : * Núntia nobis si tu es ipse, * Qui re-

gnatúrus es in pópulo Israël. **V.** Quique terrigenæ, et filii hóminum, simul in unum dives et páuper. Ite óbiviam ei, et dicite. **V.** Qui regis Israël inténde, qui dedúcis velut ovem Joseph. Núntia nobis, si tu es ipse. **V.** Tóllite portas principes vestras, et elevámini portæ æternáles, et introibit rex glóriæ. Qui regnatúrus es in pópulo Israël. **V.** Glória Patri, et Filio, et Spiritui sancto. **Deinde repetitur R.** Adspiciens a longe, **usque ad V.** Quique terrigenæ.

Hoc R. non dicitur per Hebdomadam, sed ejus loco dicitur R. j. Feriæ II. seq.

Lectio ij.

VÆ genti peccatrici, pópulo gravi iniquitáte, sémini nequam, filiis scele-rátis : dereliquérunt Dóminum, blasphemavérunt sanctum Israël, abalienáti sunt retrórsum. Super quo percútiam vos ultra, addéntes prævaricatióem? omne caput lánguidum, et omne cor mœrens. A planta pedis usque ad vérticem non est in eo sánitas : vulnus, et livor, et plaga tumens, non est circumligáta, nec curáta medicámine, neque fota óleo.

R. Adspiciébam in visu noctis, et ecce in núbibus cæli Filius hóminis veniébát : et datum est ei regnum, et honor : * Et omnis pópulus, tribus, et linguæ sêrvient ei. **V.** Potéstas ejus,

potéstas ætérna, quæ non auferétur : et regnum ejus, quod non corrumpétur. Et omnis.

Lectio iij.

TERRA vestra desérta, civitátes vestræ succénsæ igni : regióem vestram coram vobis aliéni dévorant, et desolábitur sicut in vastitáte hostili. Et derelinquétur filia Sion ut umbráculum in vinea, et sicut tugúrium in cucumerário, et sicut civitas quæ vastátur. Nisi Dóminus exercituum reliquisset nobis semen, quasi Sódoma fuissémus, et quasi Gomórrha similes essémus.

R. Missus est Gábriel Angelus ad Mariam Virginem desponsátam Joseph, núntians ei verbum ; et expavéscit Virgo de lúmine : ne timeas María, invenísti grátiam apud Dóminum : * Ecce concípies et páries, et vocábitur Altissimi Filius. **V.** Dabit ei Dóminus Deus sedem David, patris ejus, et regnábit in domo Jacob in ætérnum. Ecce. Glória. Ecce.

Sic semper dicitur Glória Patri. in fine ultimi R. cujuslibet Nocturni, nisi aliter notetur.

IN II. NOCTURNO

Sermo sancti Leónis

Papæ.

Sermo 8. de jejunió decimi mensis et eleemosynis.

Lectio iv.

CUM de advéntu regni Dei, et de mundi fine ac tém-

porum, discipulos suos Salvátor instrúeret, totámque Ecclesiám suam in Apóstolis erudíret : Cavéte, inquit, ne forte gravéntur corda vestra in crápula, et ebrietáte, et cogitatióibus sæculáribus. Quod útique præcéptum, dilectissimi, ad nos speciáliter pertinére cognóscimus, quibus denuntiátus dies, etiámsi est occúltus, non dubitátur esse vicinus.

R. Ave María, grátia plena, Dóminus tecum : * Spíritus sanctus supervéniet in te, et virtus Altissimi obumbrábit tibi : quod enim ex te nascétur Sanctum, vocábitur Filius Dei. **V.** Quómodo fiet istud, quóniam virum non cognóscó? Et respóndens Angelus, dixit ei. Spíritus sanctus.

Lectio v.

Ad cujus advéntum omnem hóminem cónvenit præparári : ne quem aut ventri deditum, aut curis sæculáribus invéniat implicátum. Quotidiáno enim, dilectissimi, experiménto probátur, potus satietáte áciem mentis obtúndi, et cibórum nimietáte vigórem cordis hebetári ; ita ut delectátio edéndi étiam córporum contrária sit salúti, nisi rátio temperántiæ obsistat illécebræ, et quod futúrum est óneri, súbtrahat voluptáti.

R. Salvátorem expectámus Dóminum Jesum Christum, * Qui reformábit cor-

pus humilitátis nostræ configurátum córpori claritátis suæ. **V.** Sóbrie, et juste, et pie vivámus in hoc sæculo, expectántes beátam spem, et advéntum glóriæ magni Dei. Qui.

Lectio vj.

QUAMVIS enim sine ánima nihil caro desideret, et inde accipiat sensus, unde sumit et motus : ejúsdem tamen est ánimæ, quædam sibi súbditæ negáre substántiæ, et interióri judicio ab inconveniéntibus exterióra frenáre : ut a corpóreis cupiditatibus sæpius libera, in áula mentis possit divinæ vacáre sapiéntiæ : ubi omni strépitu terrenárum silénte curárum, in meditatióibus sanctis, et in deliciis lætétur ætérnis.

R. Obsecro Dómine, mitte quem missúrus es : vide afflictiónem pópuli tui : * Sicut locútus es, veni, * Et libera nos. **V.** Qui regis Israél inténde, qui dedúcis velut ovem Joseph, qui sedes super Chérubim. Sicut. Glória Patri. Et.

IN III. NOCTURNO

Léctio sancti Evangélíi secúndum Lucam.

Sic semper præponitur Léctio sancti Evangélíi. ante primam Lectionem de Homilia.

Lectio vij. Cap. 21. c

In illo témpore : Dixit Jesus discipulis suis : Erunt signa in sole, et luna, et stel-

lis, et in terris pressúra géntium. Et réliqua.

Homilia sancti Gregórii
Papæ.

Homil. 1. in Evangelia.

DÓMINUS ac Redemptor noster parátos nos invenire desiderans, senescéntem mundum quæ mala sequántur denúntiat, ut nos ab ejus amóre compéscat. Appropinquántem ejus términum quantæ percussiões prævéniat, innotéscit : ut si Deum metúere in tranquillitáte nolumus, saltem vicinum ejus judícium vel percussiõibus attriti timeámus.

℞. Ecce Virgo concípiet, et páriet filium, dicit Dóminus : * Et vocábitur nomen ejus Admirábilis, Deus, Fortis. V. Super sólium David, et super regnum ejus sedébit in ætérnum. Et.

Lectio viij.

HUIC étenim lectioni sancti Evangelii, quam modo vestra fraternitas audivit, páulo supérius Dóminus præmisit, dicens : Exsúrget gens contra gentem : et regnum advérsus regnum : et erunt terræmótus magni per loca, et pestiléntiæ, et fames. Et quibúsdam interpósitis, hoc, quod modo audistis, adjúnxit : Erunt signa in sole, et luna, et stellis, et in terris pressúra géntium præ confusiõe sónitus maris, et flúctuum. Ex quibus profécto ómnibus ália jam facta

cérnimus, ália in próximo ventúra formidámus.

℞. Audite verbum Dómini gentes, et annuntiáte illud in finibus terræ : * Et insulis, quæ procul sunt, dicite : Salvátor noster advéniet. V. Annuntiáte, et auditum fácite : loquimini, et clamáte. Et.

Lectio ix.

NAM gentem contra gentem exsúrgere, earúmque pressúram terris insistere, plus jam in nostris temporibus cérnimus, quam in codicibus légimus. Quod terræmótus urbes innúmeras óbreat, ex áliis mundi pártibus scitis quam frequénter audivimus. Pestiléntias sine cessatiõe pátimur. Signa vero in sole, et luna, et stellis, adhuc apérte minime vidimus : sed quia et hæc non longe sint, ex ipsa jam áëris immutatiõe colligimus.

℞. Ecce dies véniunt, dicit Dóminus, et suscitábo David germen justum : et regnábít rex, et sápiens erit, et fáciét judícium et justitiam in terra : * Et hoc est nomen quod vocábunt eum : * Dóminus justus noster. V. In diébus illis salvábitur Juda, et Israël habitábit confidénter. Et hoc. Glória Patri. Dóminus.

Ab hac Dom. usque ad Nativitatem Domini, et a Dom. Septuag. usque ad Pascha, Dominicis diebus

dicatur ix. *R.*, quia Te Deum.
non dicitur nisi in Festis.

AD LAUDES

ET PER HORAS

Ant. 1. In illa die * stillábunt montes dulcédinem, et colles fluent lac et mel, allelúia.

Psalmi de Laud. Dom. 18.

2. Jucundáre * fília Sion, et exsulta satis filia Jerúsalem, allelúia.

3. Ecce Dóminus véniet,* et omnes sancti ejus cum eo : et erit in die illa lux magna, allelúia.

4. Omnes sitiéntes * venite ad aquas : quærite Dóminum, dum inveniri potest, allelúia.

5. Ecce véniet * Prophéta magnus, et ipse renovábit Jerúsalem, allelúia.

Capitulum. Rom. 13. d

F RATES : Hora est jam nos de somno súrgere : nunc enim própior est nostra salus, quam cum credidimus.

R. Deo grátias.

Hymnus.

E N clara vox redárguit Obscúra quæque, pérsonans :

Procul fugéntur sómnia :
Ab alto Jesus prómicat.

Mens jam resúrgat tórpidá,

Non ámplius jacens humi :
Sidus refúlget jam novum,
Ut tollat omne nóxium.

En Agnus ad nos mittitur
Laxáre gratis débitum :
Omnes simul cum lácrymis
Precémur indulgéntiam.

Ut, cum secúndo fúlserit,

Metúque mundum cinxerit,
Non pro reátu púniat,
Sed nos pius tunc próte-
gat.

Virtus, honor, laus, gló-
ria

Deo Patri cum Filio,
Sancto simul Paráclito,
In sæculórum sæcula.

Amen.

V. Vox clamántis in de-
sérto, Paráte viam Dómi-
ni. *R.* Rectas fácite sémitas
ejus.

Ad Bened. Ant. Spiritus
sanctus * in te descéndet
María : ne timeas, habébis
in útero Filium Dei, alle-
lúia.

Oratio.

E XCITA, quæsumus Dó-
mine, poténtiam tuam,
et veni : ut ab imminénti-
bus peccatórum nostrórum
periculis, te mereámur pro-
tegénte éripi, te liberánte
salvári : Qui vivis et re-
gnas.

*Ad Primam, Tertiam, Sex-
tam et Nonam, Antiphonæ
de Laudibus dicuntur per
ordinem, quarta præter-
missa. Quod etiam servatur
in aliis Dominicis Adven-
tus.*

AD PRIMAM

Hymn. Jam lucis. 22.

Ant. In illa die.

Ps. Deus in nómine tuo.
cum reliq. de Psalt. 23.

Capit. Regi sæculórum.
27.

R. br. Christe Fili Dei vivi, * Miserére nobis. **Repetit.** Christe Fili Dei vivi, miserére nobis. **V.** Qui ventúrus es in mundum. Miserére nobis. Glória Patri, et Filio, et Spiritui sancto. Christe Fili Dei vivi, miserére nobis.

V. Exsúrge Christe, adjuva nos. **R.** Et libera nos propter nomen tuum.

Sic dicitur quotidie usque ad Nativitatem Domini, etiam in Officio de Sanctis, præterquam in die et infra Oct. Immaculatæ Concept. B. Mariæ.

Deinde Kýrie eléison. cum reliq. ut in Psalt. 27.

Ad Absolutionem Capituli, Lectio brevis Dómine miserére. 29, quæ dicitur in Dominicis et Feriis usque ad Vigil. Nativitatis Domini exclusive.

AD TERTIAM

Hymn. Nunc sancte. 39.

Ant. Jucundáre.

Ps. Legem. **cum reliq.** 39.

Capit. Fratres : Hora est. **ut supra ad Laudes. 160.**

R. br. Veni ad liberándum nos * Dómine Deus virtútum. **Et repetitur:** Veni ad liberándum nos Dómine Deus virtútum. **V.** Osténde fáciem tuam, et salvi érimus. Dómine Deus virtútum. Glória Patri. Veni ad liberándum nos Dómine Deus virtútum.

V. Timébunt gentes nomen tuum Dómine. **R.** Et omnes reges terræ glóriam tuam.

Sic repetuntur VV. in omnibus R. brevibus Horarum.

AD SEXTAM

Ant. Ecce Dóminus véniet.

Capitulum. Rom. 13. d
Nox præcèssit, dies áutem appropinquávit : abjiciámus ergo ópera tenebrárum, et induámur arma lucis.

R. br. Osténde nobis Dómine * Misericórdiam tuam. Osténde. **V.** Et salutáre tuum da nobis. Misericórdiam. Glória Patri. Osténde.

V. Meménto nostri Dómine in beneplácito pópuli tui. **R.** Visita nos in salutári tuo.

AD NONAM

Ant. Ecce véniet.

Capitulum. Rom. 13. d
Sicut in die honéste ambulémus, non in comensationibus et ebrietátibus, non in cubilibus et impudiciis, non in contentióne et æmulatione : sed induímini Dóminum Jesum Christum.

R. br. Super te Jerúsalem * Oriétur Dóminus. Super te. **V.** Et glória ejus in te vidébitur. Oriétur. Glória Patri. Super te.

V. Dómine Deus virtútum, convérte nos. **R.** Et osténde fáciem tuam, et salvi érimus.

AD VESPERAS

Ant. de Laud., Pss. de Dom. 127. Capit., Hymn. et V. ut in I. Vesp.

Ad Magnif. Ant. Ne timeas María, * invenisti enim grá-

tiam apud Dóminum : ecce concípies, et páries filium, allelúia.

Hymni. VV. et RR. br. hujus Dom. dicuntur in aliis Dom. et Feriis Adventus.

Post Vesperas diei dicuntur Vesperæ Defunctorum.

FERIA SECUNDA

AD MATUTINUM

Invit. Regem ventúrum Dóminum, * Veníte, adorémus.

Ps. Veníte, exsultémus. 2.

Hymn. Verbum supérnum. 156.

Ant et Psalmi Fer. II. 48.

De Isaia Prophéta.

Lectio j. Cap. 1. d

LAVÁMINI, mundi estóte, lauférte malum cogitátionum vestrárum ab óculis meis : quiéscite ágere perversé, discite benefácere : quáerite iudícium, subveníte opprésso, judicáte pupillo, deféndite víduam. Et veníte, et argúite me, dicit Dóminus : si fúerint peccáta vestra ut cóccinum, quasi nix dealbabúntur : et si fúerint rubra quasi vermículus, velut lana alba erunt.

R. Súscipe verbum Virgo María, quod tibi a Dómino per Angelum transmissum est : concípies et páries Deum páriter et hómínem, * Ut benedicta dicáris inter omnes mulieres. **V.** Páries quidem filium, et virginitátis non patiéris detriméntum : effi-

ciéris grávida, et eris mater semper intácta. Ut.

Lectio ij.

SI voluéritis, et audiéritis me, bona terræ comedétis. Quod si noluéritis, et me ad iracúndiam provocavéritis, gládus devorábit vos, quia os Dómini locútum est. Quómodo facta est méretrix civitas fidélis, plena iudícii? Justitia habitávit in ea, nunc áutem homicidæ. Argéntum tuum versum est in scóriam : vinum tuum mixtum est aqua. Principes tui infidéles, sócii furum : omnes diligunt múnera, sequúntur retributiónes. Pupillo non júdicant : et cáusa víduæ non ingréditur ad illos.

R. Læténtur cæli, et exsúltet terra, jubiláte montes láudem : quia Dóminus noster véniet, * Et páuperum suórum miserébitur. **V.** Oriétur in diébus ejus justitia, et abundántia pacis. Et.

Lectio iij.

PROPTER hoc ait Dóminus Deus exercituum fortis Israél : Heu, consolábor super hóstibus meis, et vindicábor de inimicis meis. Et convértam manum meam ad te, et éxcoquam ad purum scóriam tuam, et áuferam omne stannum tuum. Et restituum júdices tuos ut fuérunt prius, et consiliários tuos sicut antiquitus : post hæc vocáberis civitas justi, urbs fidélis. Sion in iudício

redimétur, et redúcent eam in justitia : et cónteret scéléstos, et peccatóres simul : et qui dereliquérunt Dóminum, consuméntur.

R. Aliéni non transíbunt per Jerúsalem ámplius : * Nam in illa die stillábunt montes dulcédinem, et colles fluent lac et mel, dicit Dóminus. **V.** Deus a Libano véniet, et Sanctus de monte umbróso et condénso. Nam. Glória Patri. Nam.

AD LAUDES

Ant. et Psalmi Fer. II. 59.

Capitulum. Is. 2.

VENÍTE, et ascendámus ad montem Dómini, et ad domum Dei Jacob, et docébit nos vias suas, et ambulábimus in sémitis ejus : quia de Sion exíbit lex, et verbum Dómini de Jerúsalem.

Hymn. En clara vox. **et v.** Vox clamántis. **ibidem.** 160.

Ad Bened. Ant. Angelus Dómini * nuntiávit Mariæ, et concépit de Spíritu sancto, allelúia.

In feriali Officio per Adventum dicuntur Preces ut in Psalterio. 61.

Oratio.

EXCITA, quæsumus Dómine, poténtiam tuam, et veni : ut ab imminéntibus peccatórum nostrórum periculis, te mereámur protegénte éripi, te liberánte salvári : Qui vivis.

Orat. Dom. præteritæ semper dicitur per Hebdoma-

dam in fer. Officio; quando propria non assignatur.

Hodie dicitur Officium Defunctorum.

Ad Horas Ant. de Laud. Dom. præcedentis, Capit., R. R. brev. et alia ut in Psalterio, nisi quod in R. br. ad Primam loco V. Qui sedes dicitur **V.** Qui ventúrus es in mundum.

AD VESPERAS

Ant. et Pss. de Psalt. 131.

Capitulum. Genes. 49. b

NON auferétur sceptrum de Juda, et dux de femore ejus, donec véniat qui mitténdus est : et ipse erit exspectatio géntium.

Hymn. Creátor alme. **V.** Rorate. 155.

Ad Magnif. Ant. Leva Jerúsalem * óculos tuos, et vide poténtiam regis : ecce Salvátor venit sólvete te a vínculo.

Deinde Preces, ut in Psalt. 132. Et Orat. Dom. præced.

Capitula prædicta dicuntur in feriali Officio usque ad Vigiliam Nativitatis Domini exclusive.

FERIA TERTIA

De Isaia Prophéta.

Lectio j. Cap. 2.

VERBUM, quod vidit Isaías, filius Amos, super Juda et Jerúsalem. Et erit in novíssimis diébus præparátus mons domus Dómini in vértice móntium, et elevábitur super colles, et fluent ad eum omnes gentes. Et ibunt

pópuli multi, et dicent : Veníte et ascendámus ad montem Dómini, et ad domum Dei Jacob, et docébit nos vias suas, et ambulábimus in sémitis ejus : quia de Sion exíbit lex, et verbum Dómini de Jerúsalem.

R. Montes Israël, ramos vestros expándite, et floréte, et fructus fácite : * Prope est ut véniat dies Dómini. **V.** Roráte cæli désuper, et nubes pluant justum : aperiátur terra, et gérminet Salvatórem. Prope est.

Lectio ij.

ET judicábit gentes, et arquet pópulos multos : et conflábunt gládios suos in vómeres, et lanceas suas in falces : non levábit gens contra gentem gládium, nec exercebúntur ultra ad prælium. Domus Jacob veníte, et ambulémus in lúmine Dómini. Projecísti enim pópulum tuum, domum Jacob : quia repléti sunt ut olim, et áugures habuérunt ut Philístiim, et púeris aliénis adhæsérunt.

R. Erúmpant montes jucunditátem, et colles justitiam : * Quia lux mundi Dóminus cum poténtia venit. **V.** De Sion exíbit lex, et verbum Dómini de Jerúsalem. Quia.

Lectio iij.

REPLÉTA est terra argénto et áuro, et non est finis thesaurórum ejus : et repléta est terra ejus equis :

et innumerábiles quadrigæ ejus. Et repléta est terra ejus idólis : opus mánuum suárum adoravérunt, quod fecérunt dígití eórum. Et incurvávít se homo, et humiliátus est vir : ne ergo dimíttas eis.

R. Ecce ab Austro vénio, ego Dóminus Deus vester, * Visitáre vos in pace. **V.** Aspiciam vos, et créscere fáciam : multiplicabímíni, et firmábo pactum meum vobíscum. Visitáre. Glória Patri. Visitáre.

Ad Bened. Ant. Antequam convenírent, * invénta est María habens in útero de Spíritu sancto, allelúia.

Ad Magnif. Ant. Quærite Dóminum, * dum inveníri potest : invocáte eum, dum prope est, allelúia.

FERIA QUARTA

De Isaia Prophéta.

Lectio j. Cap. 3.

ECCE enim Dominátor Dóminus exercituum áuferet a Jerúsalem et a Juda válidum et fortem, omne robur panis, et omne robur aquæ : fortem, et virum bellatórem, júdicem, et prophétam, et ariolum, et senem : principem super quinquaginta, et honorábilem vultu, et consiliárium, et sapiéntem de architéctis, et prudentem elóquii mýstici. Et dabo púeros príncipes eórum, et effemináti dominabúntur eis.

R. Rex noster advéniet Christus, * Quem Joáñnes prædicávit Agnum esse ventúrum. **V.** Super ipsum continébunt reges os suum, ipsum gentes deprecabúntur. Quem Joáñnes.

Lectio ij.

ET irruet pópulus, vir ad virum, et unusquisque ad próximum suum : tumultuábitur puer contra senem, et ignóbilis contra nóbilem. Apprehéndet enim vir fratrem suum domésticum patris sui : Vestiméntum tibi est, princeps esto noster, ruína áutem hæc sub manu tua. Respondébit in die illa, dicens : Non sum médicus, et in domo mea non est panis, neque vestiméntum : nolite constitúere me principem pópuli.

R. Ante multum tempus prophetávit Ezéchiél : Vidi portam cláusam; ecce Deus ante sácula ex ea procedébat pro salúte mundi : * Et erat iterum cláusa, demónstrans Virginem, quia post partum permánsit virgo. **V.** Porta quam vidisti, Dóminus solus transibit per illam. Et.

Lectio iij.

RUIT enim Jerúsalem, et Judas cóncidit : quia lingua eórum et adinventiões eórum contra Dóminum, ut provocárent óculos majestátis ejus. Agnitio vultus eórum respóndit eis : et peccátum suum quasi Só-

doma prædicavérunt, nec abscondérunt : væ ánimæ eórum, quóniam réddita sunt eis mala. Dicite justo quóniam bene, quóniam fructum adinventiõnum suarum cómedet. Væ impio in malum : retribútio enim mánuum ejus fiet ei.

R. Ecce dies véniunt, dicit Dóminus, et suscitábo David germen justum : et regnábit rex, et sápiens erit, et fáciét judícium et justitiam in terra : * Et hoc est nomen quod vocábunt eum : * Dóminus justus noster. **V.** In diébus illis salvábitur Juda, et Israél habitábit confidénter. Et. Glória Patri. Dóminus.

Ad Bened. Ant. De Sion * exíbit lex, et verbum Dómini de Jerúsalem.

Ad Magnif. Ant. Véniet * fórtior me post me, cujus non sum dignus sólvère corrigiam calceamentórum.

FERIA QUINTA

De Isaía Prophéta.

Lectio j. Cap. 4.

ET apprehéndent septem mulieres virum unum in die illa, dicéntes : Panem nostrum comedémus, et vestiméntis nostris operiémur : tantúmmodo invocétur nomen tuum super nos, áufer oppróbrium nostrum. In die illa erit germen Dómini in magnificéntia, et glória, et fructus terræ sublimis, et exsultátio his, qui salváti

fuerint de Israël. Et erit : Omnis qui relictus fuerit in Sion, et residuus in Jerúsalem, sanctus vocabitur, omnis qui scriptus est in vita in Jerúsalem.

R. Súscipe verbum. 162.

Lectio ij. Cap. 5.

CANTÁBO dilécto meo cánticum patruélis mei vineæ suæ. Vineam factam est dilécto meo in cornu filio olei. Et sepívit eam, et lápides elégit ex illa, et plantávit eam eléctam, et ædificávit turrim in médio ejus, et tórcular extrúxit in ea : et exspectávit ut fáceret uvas, et fecit labrúscas. Nunc ergo habitatóres Jerúsalem, et viri Juda, judicáte inter me et vineam meam. Quid est quod débui ultra fácere vineæ meæ, et non feci ei? An quod exspectávi, ut fáceret uvas, et fecit labrúscas?

R. Adspiciébam. 157.

Lectio iij.

ET nunc osténdam vobis quid ego fáciam vineæ meæ : áuferam sepem ejus, et erit in direptionem : diruam maceriam ejus, et erit in conculcationem. Et ponam eam désertam : non putábitur, et non fodiétur : et ascéndent vepres et spinæ : et núbibus mandábo ne pluant super eam imbrem. Vineam enim Dómini exercituum domus Israël est : et vir Juda germen ejus delectábile : et exspectávi ut fáceret iudicium, et ecce ini-

quitas : et justitiam, et ecce clamor.

R. Missus est Gábriel. 157.

Ad Bened. Ant. Benedicta * tu in mulieribus, et benedictus fructus ventris tui.

Ad Magnif. Ant. Exspectábo * Dóminum Salvatórem meum, et præstolabor eum dum prope est, allelúia.

FERIA SEXTA

De Isaia Prophéta.

Lectio j. Cap. 6.

IN anno, quo mórtuus est rex Ozías, vidi Dóminum sedéntem super sólum excelsum et elevátum : et ea, quæ sub ipso erant, replébant templum. Séraphim stabant super illud : sex alæ uni, et sex alæ álteri : duábus velábant fáciem ejus, et duábus velábant pedes ejus, et duábus volábant. Et clamábant alter ad álterum, et dicébant : Sanctus, sanctus, sanctus, Dóminus Deus exercituum, plena est omnis terra glória ejus.

R. Ave María. 158.

Lectio ij.

ET commóta sunt superliminária cárdinum a voce clamántis, et domus repléta est fumo. Et dixi : Væ mihi, quia tácuí, quia vir pollútus lábiis ego sum, et in médio pópuli pollúta lábia habéntis ego hábito, et Regem Dóminum exercituum vidi óculis meis. Et volávit ad me unus de Séraphim, et in

manu ejus cálculus, quem fórcipe túlerat de altári. Et tétigit os meum, et dixit : Ecce tétigit hoc lábia tua, et auferétur iniquitas tua, et peccátum tuum mundábitur.

R. Salvatórem. 158.

Lectio iij.

ET audívi vocem Dómini dicéntis : Quem mittam? et quis ibit nobis? Et dixi : Ecce ego, mitte me. Et dixit : Vade, et dices pópulo huic : Audite audiéntes, et nolite intelligere : et vidéte visió-nem, et nolite cognóscere. Excæca cor pópuli hujus, et áures ejus ágrava, et óculos ejus cláude, ne forte videat óculis suis, et áuri-bus suis áudiat, et corde suo intélligat, et convertá-tur, et sanem eum.

R. Obsecro Dómine. 158.

Ad Bened. Ant. Ecce vé-niet * Deus et homo de domo David sedére in throno, al-lelúia.

Ad Magnif. Ant. Ex Ægý-pto * vocávi Filium meum : véniet, ut salvet pópulum suum.

SABBATO

De Isaia Prophéta.

Lectio j. Cap. 7.

ET factum est in diébus Achaz filii Jóathan, filii Ozíæ regis Juda, ascéndit Rasin rex Sýriæ, et Phácee filius Romeliæ rex Israëel, in Jerúsalem, ad præliándum contra eam : et non pótuerunt debelláre eam. Et nun-

tiavérunt dómui David, di-céntes : Requiévit Sýria su-per Ephraïm, et commótum est cor ejus, et cor pópuli ejus, sicut movéntur ligna silvárum a fácie venti. Et dixit Dóminus ad Isaíam : Egrédere in occúrsum Achaz tu, et qui derelictus est Ja-sub filius tuus, ad extré-mum aquæductus piscinæ superiórís in via Agri ful-lónis.

R. Ecce Virgo. 159.

Lectio ij.

ET dices ad eum : Vide ut síleas : noli timére, et cor tuum ne formidet a duá-bus cáudis titiónum fumi-gántium istórum in ira fu-róris Rasin regis Sýriæ, et filii Romeliæ : eo quod con-sílium iníerit contra te Sýria in malum Ephraïm, et filius Romeliæ, dicéntes : Ascen-dámus ad Judam, et susci-témus eum, et avellámus eum ad nos, et ponámus regem in médio ejus filium Tábeel.

R. Audite verbum. 159.

Lectio iij.

ET adjécit Dóminus loqui ad Achaz, dicens : Pete tibi signum a Dómino Deo tuo in profúndum inférni, sive in excélsum supra. Et dixit Achaz : Non petam, et non tentábo Dóminum. Et dixit : Audite ergo domus David : Numquid parum vo-bis est, moléstos esse homi-nibus, quia molésti estis et Deo meo? Propter hoc dabit

Dóminus ipse vobis signum. Ecce virgo concipiet, et páriet filium, et vocábitur nomen ejus Emmánuel. Butýrum et mel cómedet, ut sciat reprobare malum, et eligere bonum.

R. Ecce dies véniunt. 159.

Ad Bened. Ant. Sion noli timére, * ecce Deus tuus véniet, allelúia.

AD VESPERAS

Capitulum. Rom. 15.

FRATRES : Quaecúmque scripta sunt, ad nostram doctrinam scripta sunt : ut per patiéntiam, et consolatióem Scripturárum spem habeamus.

Hymn. Créator alme. 155.

V. Rorate cæli désuper, et nubes pluant justum. **R.** Aperiátur terra, et gérminet Salvatórem.

Ad Magnif. Ant. Veni Dómine * visitáre nos in pace, ut lætémur coram te corde perfécto.

Oratio.

EXCITA Dómine corda nostra ad præparándas Unigéniti tui vías : ut per ejus advéntum purificáti tibi méntibus servíre mereámur : Qui tecum vivit et regnat.

DOMINICA II. ADVENTUS

AD MATUTINUM

Invit. Regem ventúrum Dóminum, * Veníte, adorémus.

Ps. Veníte, exsultémus. 2.

Hymnus.

VERBUM supérnum prod iens

E Patris ætérni sinu,
Qui natus orbi súbvenis,
Labénte cursu témporis :

Illúmina nunc péctora,
Tuóque amóre cóncrema,
Ut cor cadúca déserens
Cæli volúptas impleat.

Ut, cum tribúnal Júdicis
Damnábit igni nóxios,
Et vox amica débitum
Vocábit ad cælum pios.

Non esca flammárum nigros

Volvámur inter túrbines,
Vultu Dei sed cómpotes
Cæli fruámur gáudiis.

Patri simúlque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

IN I. NOCTURNO

De Isaia Prophéta.

Lectio j. Cap. 11.

ET egrediétur virga de radice Jesse, et flos de radice ejus ascéndet. Et requiescet super eum spíritus Dómini : spíritus sapiéntiæ et intelléctus, spíritus consilii et fortitúdinis, spíritus sciéntiæ et pietátis; et replébit eum spíritus timóris Dómini : non secúndum visiónem oculórum judicábit, neque secúndum auditum áurium árguet : sed judicábit in justitia páuperes, et árguet in æquitáte pro mansuétis terræ.

R. Jerúsalem, cito véniet

salus tua : quare mœróre consúmeris? numquid consiliárius non est tibi, quia innovávit te dolor? * Salvábo te, et liberábo te, noli timére. *V.* Ego enim sum Dóminus Deus tuus, Sanctus Israël, Redemptor tuus. Salvábo.

Lectio ij.

ET percútiet terram virga oris sui, et spíritu labiórum suórum interficiet impium. Et erit justitia cingulum lumbórum ejus : et fides cinctórium renum ejus. Habitábit lupo cum agno, et pardus cum hœdo accubábit : vitulus, et leo, et ovis simul morabúntur, et puer parvulus minábit eos. Vitulus et ursus pascéntur : simul requiescent cátili eórum : et leo, quasi bos, cómedet páleas.

R. Ecce Dóminus véniet, et omnes sancti ejus cum eo, et erit in die illa lux magna : et exhibunt de Jerúsalem sicut aqua munda : et regnábit Dóminus in ætérnum * Super omnes gentes. *V.* Ecce Dóminus cum virtúte véniet : et regnum in manu ejus, et potéstas, et impérium. Super omnes gentes.

Lectio iij.

ET delectábitur infans ab úbere super forámine áspidis : et in cavérna réguli, qui ablactátus fúerit, manum suam mittet. Non nocébunt, et non occident

in univérso monte sancto meo : quia repléta est terra sciéntia Dómini, sicut aquæ maris operiéntes. In die illa radix Jesse, qui stat in signum populórum, ipsum gentes deprecabúntur, et erit sepúlcrum ejus gloriósum.

R. Civitas Jerúsalem noli flere : quóniam dóluit Dóminus super te : * Et áuferet a te omnem tribulatióem. *V.* Ecce Dóminus in fortitúdine véniet : et bráchium ejus dominábitur. Et. Glória Patri. Et.

IN II. NOCTURNO

De Expositiône sancti Hierónymi Presbýteri in Isaíam Prophétam.

Lib. 4. in cap. 11. Isaíæ.

Lectio iv.

ET egrediétur virga de ra dice Jesse. Usque ad principium visiónis, vel pónderis Babylónis, quod vidit Isaías, filius Amos, omnis hæc prophetia de Christo est : quam per partes vólumus explanáre, ne simul propósita atque disertá lectoris confúndat memóriam. Virgam et florem de radice Jesse ipsum Dóminum Judæi interpretántur : quod scilicet in virga regnántis poténtia, in flore pulchritúdo monstrétur.

R. Ecce véniet Dóminus protéctor noster, Sanctus Israël, * Corónam regni habens in cápite suo. *V.* Et dominábitur a mari usque ad

mare, et a flumine usque ad terminos orbis terrarum. Coronam.

Lectio v.

Nos autem virgam de radice Jesse sanctam Mariam Virginem intelligamus, quæ nullum habuit sibi fructicem coherentem : de qua et supra legimus : Ecce virgo concipiet et pariet filium. Et florem, Dominum Salvatorem, qui dicit in Canticorum : Ego flos campi, et lilium convallium.

R. Sicut mater consolatur filios suos, ita consolabor vos, dicit Dominus : et de Jerusaleem civitate quam elegi, veniet vobis auxilium : * Et videbitis, et gaudet cor vestrum. **V.** Dabo in Sion salutem, et in Jerusaleem gloriam meam. Et.

Lectio vj.

SUPER hunc igitur florem, qui de trunco et radice Jesse per Mariam Virginem repente consurgit, requiescet Spiritus Domini : quia in ipso complacuit omnem plenitudinem divinitatis habitare corporaliter : nequaquam per partes, ut in cæteris Sanctis : sed juxta Evangelium eorum, quod hebræo sermone conscriptum legunt Nazaræi : Descendet super eum omnis fons Spiritus sancti. Dominus autem Spiritus est ; et ubi Spiritus Domini, ibi libertas.

R. Jerusaleem plantabis vineam in montibus tuis :

exultabis, quoniam dies Domini veniet : surge Sion, convertere ad Dominum Deum tuum : gaude et lætare Jacob : * Quia de medio gentium Salvator tuus veniet. **V.** Exulta satis filia Sion : júbila filia Jerusaleem. Quia. Glória Patri. Quia.

IN III. NOCTURNO

Lectio sancti Evangelii secundum Matthæum.

Lectio vij. Cap. 11.

IN illo tempore : Cum audisset Joannes in vinculis opera Christi, mittens duos de discipulis suis, ait illi : Tu es qui venturus es, an alium expectamus ? Et reliqua.

Homilia sancti Gregorii Papæ.

Homilia 6. in Evangelium, post init.

VISIS tot signis tantisque virtutibus, non scandalizari quisque potuit, sed admirari. Sed infidelium mens grave in illo scandalum pertulit, cum eum post tot miracula morientem vidit. Unde et Paulus dicit : Nos autem prædicamus Christum crucifixum, Judæis quidem scandalum, Gentibus autem stultitiam. Stultum quippe hominibus visum est, ut pro hominibus auctor vitæ moreretur : et inde contra eum homo scandalum sumpsit, unde ei amplius debitor fieri debuit. Nam tanto Deus ab hominibus dignius honorandus est, quan-

to pro hominibus et indigna suscepit.

R. Egrediétur Dóminus de Samaria ad portam, quæ respicit ad Oriéntem : et véniet in Béthlehem, ámbulans super aquas redemptionis Judæ : * Tunc salvus erit omnis homo : quia ecce véniet. **V.** Et præparábitur in misericórdia sólium ejus, et sedébit super illud in veritate. Tunc.

Lectio viij.

QUID est ergo dicere : Beátus qui non fúerit scandalizátus in me; nisi apérta voce abjectionem mortis suæ humilitatémque signáre? Ac si paténter dicat : Mira quidem fácio, sed ábjécta perpéti non dedignor. Quia ergo moriéndum te subsequor, cavéndum valde est hominibus, ne in me mortem despícient, qui signa venerántur.

R. Festina, ne tardáveris Dómine : * Et libera pópulum tuum. **V.** Veni Dómine, et noli tardáre : reláxa facinora plebi tuæ. Et.

Lectio ix.

SED dimíssis Joánnis discipulis, quid de eódem Joánne turbis dicat, audiámus : Quid existis in désertum vidére? Arúndinem vento agitatam? Quod vidélicet non asseréndo, sed negándo intulit. Arúndinem quippe mox ut áura contigerit, in partem álteram infléctit. Et quid per arúndinem, nisi

carnális ánimus designátur? Qui mox ut favóre vel detractióne tangitur, statim in partem quámlibet inclinátur?

R. Ecce Dóminus véniet cum splendóre descéndens, et virtus ejus cum eo, * Visitáre pópulum suum in pace, et constitúere super eum vitam sempitérnam. **V.** Ecce Dóminus noster cum virtúte véniet. Visitáre. Glória Patri. Visitáre.

AD LAUDES

ET PER HORAS

Ant. 1. Ecce in núbibus cæli : * Dóminus véniet cum potestáte magna, allelúia.

Ps. Dóminus regnávít. **cum reliq. 18.**

2. Urbs fortitúdinis* nostræ Sion, Salvátor ponétur in ea murus et antemurále : aperite portas, quia nobiscum Deus, allelúia.

3. Ecce apparébit* Dóminus, et non mentiétur : si moram fécerit, exspécta eum, quia véniet, et non tardábit, allelúia.

4. Montes et colles* cantábunt coram Deo láudem, et ómnia ligna silvárum pláudent mánibus : quóniam véniet Dominátor Dóminus in regnum ætérnum, allelúia, allelúia.

5. Ecce Dóminus noster* cum virtúte véniet, et illuminábit óculos servórum suórum, allelúia.

Capitulum. Rom. 15.

FRATRES : Quæcúmque scripta sunt, ad nostram

doctrinam scripta sunt : ut per patiéntiam, et consolatióem Scripturarum spem habeámus.

Hymnus.

EN clara vox redárguit
Obscúra quæque, pér-
sonans :

Procul fugéntur sómnia :
Ab alto Jesus prómicat.

Mens jam resúrgat tór-
pida,

Non ámplius jacens humi :
Sidus refúlget jam novum,
Ut tollat omne nóxium.

En Agnus ad nos mittitur
Laxáre gratis débitum :
Omnes simul cum lácrymis
Precémur indulgéntiam :

Ut, cum secúndo fúlserit,
Metúque mundum cínxerit,
Non pro reátu púniat,
Sed nos pius tunc próteget.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

V. Vox clamántis in desér-
to, Paráte viam Dómini. *R.*
Rectas fácite sémitas ejus.

Ad Bened. Ant. Joánnes
áutem * cum audisset in
vinculis ópera Christi, mit-
tens duos ex discipulis suis,
ait illi : Tu es qui ventúrus
es, an álium exspectámus?

Oratio.

EXCITA Dómine corda no-
stra ad præparándas Uni-
géniti tui vias : ut per ejus
advéntum, purificátis tibi
méntibus servire mereámur:
Qui tecum vivit.

AD TERTIAM

Ant. Urbs fortitúdinis.

Capit. Fratres : Quæcúm-
que. 171.

R. br. Veni ad liberándum
nos, * Dómine Deus virtú-
tum. Veni. *V.* Osténde fáciem
tuam, et salvi érimus. Dó-
mine. Glória Patri. Veni.

V. Timébunt gentes no-
men tuum Dómine. *R.* Et
omnes reges terræ glóriam
tuam.

AD SEXTAM

Ant. Ecce apparebit.

Capitulum. Rom. 15.

DEUS áutem patiéntiæ, et
solátii det vobis idípsum
sápere in altérutrum secún-
dum Jesum Christum : ut
unánimes uno ore honorifi-
cétis Deum, et Patrem Dó-
mini nostri Jesu Christi.

R. br. Osténde nobis Dó-
mine * Misericórdiam tuam.
Osténde. *V.* Et salutáre tuum
da nobis. Misericórdiam.
Glória Patri. Osténde.

V. Meménto nostri Dómine
in beneplácito pópuli tui. *R.*
Visita nos in salutári tuo.

AD NONAM

Ant. Ecce Dóminus noster.

Capitulum. Rom. 15. c

DEUS áutem spei répleat
vos omni gáudio et pace
in credéndo : ut abundétis
in spe, et in virtúte Spíritus
sancti.

R. br. Super te Jerúsalem
* Oriétur Dóminus. Super te.
V. Et glória ejus in te vidé-
bitur. Oriétur. Glória Patri.
Super te.

v. Dómine Deus virtútum
convérte nos. R. Et osténde
fáciem tuam, et salvi éri-
mus.

AD VESPERAS

Ant. de Laud., Psalmi de
Dom. 127. Capit., Hymn. et
v. ut in I. Vesp.

Ad Magnif. Ant. Tu es qui
ventúrus es, * an álium ex-
spectámus? Dicite Joánni
quæ vidistis : Ad lumen ré-
deunt cæci, mórtui resúr-
gunt, páuperes evangelizán-
tur, allelúia.

Post Vesperas diei dicun-
tur Vesperæ Defunctorum.

FERIA SECUNDA

Ad Matutinum, Invit. et
Hymn. ut in Dom. præced.
168.

De Isaia Prophéta.

Lectio j. Cap. 13.

ONUS Babylónis, quod vi-
dit Isaías filius Amos.
Super montem caliginósum
leváte signum, exaltáte vo-
cem, leváte manum, et ingre-
diántur portas duces. Ego
mandávi sanctificátis meis,
et vocávi fortes meos in ira
mea, exsultántes in glória
mea. Vox multitudínis in
móntibus, quasi populórum
frequéntium : vox sónitus
regum, géntium congrega-
tárum.

R. Súscipe verbum. 162.

Lectio ij.

DÓMINUS exercituum præ-
cépit militiæ belli, ve-
niéntibus de terra procul a

summitáte cæli : Dóminus,
et vasa furóris ejus, ut dis-
pérdat omnem terram. Ulu-
láte, quia prope est dies
Dómini : quasi vástitas a
Dómino véniet. Propter hoc
omnes manus dissolvéntur,
et omne cor hómínis conta-
béscet, et conterétur. Tor-
siónes et dolóres tenébunt ;
quasi partúriens dolébunt :
unusquisque ad próximum
suum stupébit, fácies com-
bústæ vultus eórum.

R. Læténtur cæli. 162.

Lectio iij.

ECCE dies Dómini véniet,
crudélis, et indignatiónis
plenus, et iræ, furorisque,
ad ponéndam terram in so-
litudínem, et peccatóres ejus
conteréndos de ea. Quóniam
stellæ cæli, et splendor eá-
rum non expándent lumen
suum : obtenebrátus est sol
in ortu suo, et luna non
splendébit in lúmine suo. Et
visitábo super orbis mala,
et contra ímpios iniquitátem
eórum, et quiéscere fáciam
supérbiam infidélium, et ar-
rogántiam fórtium humi-
liábo.

R. Aliéni. 163.

Ad Bened. Ant. De cælo
véniet * Dominátor Dómi-
nus, et in manu ejus honor
et impérium.

Hodie dicitur Officium
Defunctorum.

Ad Magnif. Ant. Ecce vé-
niet Rex * Dóminus terræ,
et ipse áuferet jugum capti-
vitátis nostræ.

FERIA TERTIA

De Isaia Prophéta.

Lectio j. Cap. 11.

PROPE est ut véniat tempus ejus, et dies ejus non elongabúntur. Miserébitur enim Dóminus Jacob, et éliget adhuc de Israël, et requiescere eos fáciat super humum suam : adjungétur ádvena ad eos, et adhærébit dómui Jacob. Et tenébunt eos pópuli, et addúcent eos in locum suum : et possidébit eos domus Israël super terram Dómini in servos et ancillas : et erunt capiéntes eos qui se céperant, et subjiciént exactóres suos.

*℞. Montes Israël. 164.**Lectio ij.*

ET erit in die illa, cum réquiem déderit tibi Deus a labóre tuo, et a concussióne tua, et a servitúte dura, qua ante servísti : sumes parábolam istam contra regem Babylónis, et dices : Quómodo cessávit exáctor, quiévit tribútum? Contrívit Dóminus báculum impiórum, virgam dominántium, cædéntem pópulos in indignatióne, plaga insanábili, subjiciéntem in furóre gentes, persequéntem crudéliter.

*℞. Erúmpant montes. 164.**Lectio ij.*

QUÓMODO cecidísti de cælo lúciſer, qui mane oriebáris? corruísti in terram, qui

vulnerábas gentes? qui dicébas in corde tuo : In cælum conscéndam, super astra Dei exaltábo sólum meum, sedébo in monte testaménti, in latéribus Aquilónis. Ascéndam super altitúdinem núbium, símilis ero Altissimo. Verúmtamen ad inférnum detrahéris in profúndum laci.

℞. Ecce ab Austro. 164.

Ad Bened. Ant. Super te * Jerúsalem oriétur Dóminus, et glória ejus in te vidébitur.

Ad Magnif. Ant. Vox clamántis * in desérto, Paráte viam Dómini, rectas fácite sémitas Dei nostri.

FERIA QUARTA

De Isaia Prophéta.

Lectio j. Cap. 16.

EMÍTTE Agnum Dómine, Dominatórem terræ de Petra desérti ad montem filiæ Sion. Et erit : Sicut avis fúgiens, et pulli de nido avolántes, sic erunt filiæ Moab in transcénsu Arnon. Ini consilium, coge concilium : pone quasi noctem umbram tuam in meridie : absconde fugiéntes, et vagos ne proſdas. Habitábunt apud te prófugi mei : Moab esto latíbulum eórum a fácie vastatóris.

*℞. Rex noster. 165.**Lectio ij.*

FÍNÍTUS est enim pulvis, consummátus est miser, defécit qui conculcábat terram. Et præparábitur in misericórdia sólum, et sedé-

bit super illud in veritate in tabernaculo David, iudicans et quærens iudicium, et velociter reddens quod justum est. Audivimus superbiam Moab, superbus est valde : superbia ejus et arrogantia ejus, et indignatio ejus, plus quam fortitudo ejus.

℞. Ante multum. 165.

Lectio iij.

IDCIRCO ululabit Moab ad Moab, universus ululabit : his, qui lætantur super muros cocti lateris, loquimini plagas suas. Quoniam suburbana Hesebon deserta sunt, et vineam Sabama domini gentium exciderunt : flagella ejus usque ad Jazer pervenerunt : erraverunt in deserto, propagines ejus relictæ sunt, transierunt mare.

℞. Ecce Dominus. 171.

Ad Bened. Ant. Ecce ego mitto * Angelum meum, qui præparabit viam meam ante faciem tuam.

Ad Magnif. Ant. Sion renovaberis, * et videbis justum tuum, qui venturus est in te.

FERIA QUINTA

De Isaia Propheta.

Lectio j. Cap. 19.

ONUS Ægypti. Ecce Dominus ascendet super nubem levem, et ingrediatur Ægyptum, et commovebuntur simulacra Ægypti a facie ejus, et cor Ægypti tabescet in medio ejus. Et concurrere faciam Ægyptios adver-

sus Ægyptios : et pugnabit vir contra fratrem suum, et vir contra amicum suum, civitas adversus civitatem, regnum adversus regnum.

℞. Jerusalem. 168.

Lectio ij.

ET dirumpetur spiritus Ægypti in visceribus ejus, et consilium ejus præcipitabo : et interrogabunt simulacra sua, et divinos suos, et pythones, et ariolos. Et tradam Ægyptum in manu dominorum crudelium, et rex fortis dominabitur eorum, ait Dominus Deus exercituum. Et arcescet aqua de mari, et fluvius desolabitur, atque siccabitur. Et deficient flumina : attenuabuntur, et siccabuntur rivi aggerum.

℞. Ecce Dominus. 169.

Lectio iij.

STULTI principes Taneos, sapientes consiliarii Pharaonis dederunt consilium insipiens. Quomodo dicetis Pharaoni : Filius sapientium ego, filius regum antiquorum? Ubi nunc sunt sapientes tui? annuntient tibi, et indicent quid cogitaverit Dominus exercituum super Ægyptum. Stulti facti sunt principes Taneos, emarcuerunt principes Mempheos, deceperunt Ægyptum, angulum populorum ejus.

℞. Civitas Jerusalem. 169.

Ad Bened. Ant. Tu es qui venturus es * Domine, quem exspectamus, ut salvum facias populum tuum.

Ad Magnif. Ant. Qui post me véniet, * ante me factus est : cujus non sum dignus calceaménta sólvare.

FERIA SEXTA

De Isaia Prophéta.

Lectio j. Cap. 21.

ECCE Dóminus dissipábit terram, et nudábit eam, et affliget fáciem ejus, et disperget habitatóres ejus. Et erit sicut pópulus, sic sacérdos : et sicut servus, sic dóminus ejus : sicut ancilla, sic dómína ejus : sicut emens, sic ille qui vendit : sicut fœnerátor, sic is qui mútuum áccipit : sicut qui répetit, sic qui debet. Dissipatióne dissipábitur terra, et direptiόne prædábitur. Dóminus enim locútus est verbum hoc.

R. Ecce véniet. 169.

Lectio ij.

LUXIT, et deflúxit terra, et infirmáta est : deflúxit orbis, infirmáta est altitúdo pópuli terræ. Et terra infécta est ab habitatóribus suis : quia transgréssi sunt leges, mutavérunt jus, dissipavérunt fœdus sempitérnum. Propter hoc maledictio vorábit terram, et peccábunt habitatóres ejus : ideóque insánient cultóres ejus, et relinquéntur hómines páuci.

R. Sicut mater. 170.

Lectio iij.

LUXIT vindémia, infirmáta est vitis, ingemuérunt omnes qui lætabántur corde.

Cessávit gáudium tympanórum, quiévit sónitus lætántium, conticuit dulcédo citharæ. Cum cántico non bibent vinum : amára erit pótio bibéntibus illam. Attríta est civitas vanitátis, cláusa est omnis domus, nullo introeúnte. Clamor erit super vino in platéis : desérta est omnis lætítia : translátum est gáudium terræ. Relicta est in urbe solitúdo, et calámitas ópprimit portas. Quia hæc erunt in médio terræ, in médio populórum : quómodo si páucæ olivæ, quæ remansérunt, excutiéntur ex ólea : et racémi, cū fúerit finita vindémia. Hæc levábunt vocem suam, atque laudábunt : cum glorificátus fúerit Dóminus, hinnient de mari. Propter hoc in doctrinis glorificáte Dóminum, in insulis maris nomen Dómini Dei Israél. A finibus terræ láudes audívimus, glóriam justí.

R. Jerúsalem. 170.

Ad Bened. Ant. Dicite, Pusillánimes * confortámini : ecce Dóminus Deus noster véniet.

Ad Magnif. Ant. Cantáte Dómino * cánticum novum : laus ejus ab extrémis terræ.

SABBATO

De Isaia Prophéta.

Lectio j. Cap. 25.

DÓMINE Deus meus es tu, exaltábo te, et confitébor nómini tuo : quóniam fecisti

mirabilia, cogitationes antiquas fideles, amen. Quia posuisti civitatem in tumultum, urbem fortem in ruinam, domum alienorum: ut non sit civitas, et in sempiternum non ædificetur. Super hoc laudabit te populus fortis, civitas gentium robustarum timebit te. Quia factus es fortitudo pauperi, fortitudo egeno in tribulatione sua: spes a turbine, umbraculum ab aestu.

R. Egrediatur. 171.

Lectio ij.

SPIRITUS enim robustorum quasi turbo impellens parietem. Sicut aestus in siti, tumultum alienorum humiliabis: et quasi calore sub nube torrente, propaginem fortium marcescere facies. Et faciet Dominus exercituum omnibus populis in monte hoc convivium pinguium, convivium vindemiæ, pinguium medullatarum, vindemiæ defæcætæ. Et præcipitabit in monte isto faciem vinculi colligati super omnes populos, et telam quam orditus est super omnes nationes.

R. Festina. 171.

Lectio iij.

PRÆCIPITÁBIT mortem in sempiternum: et auferet Dominus Deus lacrymam ab omni facie, et opprobrium populi sui auferet de universa terra: quia Dominus locutus est. Et dicet in die illa: Ecce Deus noster iste,

expectavimus eum, et salvabit nos: iste Dominus, sustinúimus eum, exsultabimus, et lætábimur in salutari ejus. Quia requiescet manus Domini in monte isto: et triturbabitur Moab sub eo, sicuti teruntur paleæ in plastro. Et extendet manus suas sub eo, sicut extendit natans ad natandum: et humiliabit glóriam ejus cum allisione manuum ejus. Et munimenta sublimium murorum tuorum concident, et humiliabuntur, et detrahentur in terram usque ad pulverem.

R. Ecce Dominus. 171.

Ad Bened. Ant. Levabit Dominus signum * in nationibus, et congregabit dispersos Israël.

AD VESPERAS

Capitulum. Philipp. 1.

FRATRES: Gaudete in Domino semper: iterum dico, gaudete. Modestia vestra nota sit omnibus hominibus: Dominus enim prope est.

Hymn. Creátor alme. 155.

V. Rorate celi desuper, et nubes pluant justum. **R.** Aperiatúr terra, et germinet Salvatorem.

Ad Magnif. Ant. Ante me * non est formatus Deus, et post me non erit: quia mihi curvabitur omne genu, et confitebitur omnis lingua.

Oratio

AUREM tuam, quæsumus Domine, precibus nostris

accómmoda : et mentis no-
stræ ténebras grátia tuæ vi-
sitatiónis illústra : Qui vivis.

DOMINICA III. ADVENTUS

AD MATUTINUM

Invit. Prope est jam Dó-
minus : * Veníte, adorémus.

**Et dicitur quotidie usque
ad Vigil. Nativ. Domini ex-
clusive.**

Ps. Veníte, exsultémus. 2.

Hymnus.

VERBUM supérnum prod-
iens,

E Patris ætérni sinu
Qui natus orbi súbvenis,
Labénte cursu témporis :

Illúmina nunc pèctora,
Tuóque amóre cóncrema,
Ut cor cadúca désereas
Cæli volúptas impleat.

Ut, cum tribúnal Júdicis
Damnábit igni nóxios,
Et vox amica débitum
Vocábit ad cælum pios.

Non esca flammárum ni-
gros.

Volvámur inter túrbines,
Vultu Dei sed cómpotes
Cæli fruámur gáudiis.

Patri simúlque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

IN I. NOCTURNO

De Isaia Prophéta.

Lectio j. Cap. 26.

IN die illa cantábitur cánti-
cum istud in terra Juda :
Urbs fortitúdinis nostræ Sion
Salvátor, ponétur in ea mu-

rus et antemurále. Aperite
portas, et ingrediátur gens
justa, custódiens veritátem.
Vetus error ábiit : servábis
pacem : pacem, quia in te
sperávimus. Sperástis in Dó-
mino in sáeculis ætérnis, in
Dómino Deo forti in perpé-
tuum. Quia incurvábit habi-
tántes in excélso, civitátem
sublímem humiliábit. Humi-
liábit eam usque ad terram,
détrahet eam usque ad púl-
verem. Conculcábit eam
pes, pedes páuperis, gressus
egenórum.

R. Ecce apparébit Dóminus
super nubem cándidam, * Et
cum eo sanctórum millia : et
habébit in vestiméto, et in
fémore suo scriptum : Rex
regum, et Dóminus domi-
nántium. **V.** Apparébit in fi-
nem, et non mentiétur; si mo-
ram fécerit, exspécta eum,
quia véniens véniet. Et.

Lectio ij.

SÉMITA justí recta est, re-
ctus callis justí ad am-
bulándum. Et in sémita ju-
diciórum tuórum Dómine
sustinúimus te : nomen tu-
um, et memoriále tuum in
desidério ánimæ. Anima mea
desiderávit te in nocte, sed
et spiritu meo in præcórdiis
meis de mane vigilábo ad te.
Cum féceris judícia tua in
terra, justítiam discent ha-
bitatóres orbis. Misereámur
ímpio, et non discet justí-
tiam : in terra sanctórum
iníqua gessit, et non vidébit
glóriam Dómini.

• **R.** Béthlehem civitas Dei summi, ex te éxiet Dominátor Israël, et egressus ejus sicut a principio diérum æternitátis, et magnificábitur in médio univérsæ terræ : * Et pax erit in terra nostra, dum vénerit. **V.** Loquétur pacem in géntibus, et potéstas ejus a mari usque ad mare. Et.

Lectio iij.

DÓMINE exaltétur manus tua, et non videant : videant, et confundántur zelántes pópuli : et ignis hostes tuos dévoret. Dómine dabis pacem nobis : ómnia enim ópera nostra operátus es nobis : Dómine Deus noster, possederunt nos dómini absque te, tantum in te recordémur nóminis tui. Morientes non vivant, gigántes non resúrgant : proptérea visitásti et contrivisti eos, et perdidisti omnem memóriam eórum.

• **R.** Qui ventúrus est, véniet, et non tardábit : et jam non erit timor in finibus nostris : * Quóniam ipse est Salvátor noster. **V.** Depónet omnes iniquitátes nostras, et projiciet in profúndum maris ómnia peccáta nostra. Quóniam. Glória. Quóniam.

IN II. NOCTURNO

Sermo sancti Leónis Papæ.

Sermo 2. de jejunió decimí mensis et collectis.

Lectio iv.

QUOD témporis rátio, et devotiónis nostræ ad-

monet consuetúdo, pastoráli vobis, dilectíssimi, sollicitú-dine prædicámus, decími mensis celebrándum esse jejúnium, quo pro consummáta perceptiône ómnium frúctuum, digníssime largítóri eórum Deo continéntiæ libámen offértur. Quid enim potest effacíus esse jejúnio? cujus observántia appropinquá-mus Deo, et resístentes diá-bolo, vitia blanda superá-mus.

• **R.** Ægýpte noli flere, quia Dominátor tuus véniet tibi, ante cujus conspéctum movebúntur abyssi, * Liberáre pópulum suum de manu poténtiæ. **V.** Ecce véniet Dóminus exercituum, Deus tuus cum potestáte magna. Liberáre.

Lectio v.

SEMPER enim virtúti cibus jejúnium fuit. De abstinentia dénique pródeunt castæ cogitatiónes, rationábiles voluntátes, salubrióra consilia : et per voluntárias afflictiónes caro concupiscéntiis móritur, virtútibus spiritus innovátur. Sed quia non solo jejúnio animárum nostrárum salus acquiritur : jejúnium nostrum misericórdiis páuperum suppleá-mus. Impendámus virtúti, quod subtráhimus voluptáti. Fiat reféctio páuperis abstinentia jejunántis.

• **R.** Prope est ut véniat tempus ejus, et dies ejus non elongabúntur : * Miserébitur

Dóminus Jacob, et Israël salvábitur. *V.* Revértere virgo Israël, revértere ad civitates tuas. Miserébitur.

Lectio vj.

STUDEÁMUS viduárum defensióni, pupillórum utilitati, lugéntium consolatióni, dissidéntium paci. Suscipiátur peregrínus, adjuvétur opprèssus, vestiátur nudus, foveátur ægrótuS : ut quicumque nostrum de justis labóribus auctóri bonórum ómnium Deo sacrificium hujus pietátis obtúlerit, ab eódem regni cæléstis præmium percípere mereátur. Quarta igitur et sexta Féria jejunémus : Sábbato áutem apud beátum Petrum Apóstolum páriter vigilémus : cujus suffragántibus méritis, quæpóscimus, impetráre possimus per Dóminum nostrum Jesum Christum, qui cum Patre et sancto Spíritu vivit et regnat in sæcula sæculórum. Amen.

R. Descéndet Dóminus sicut plúvia in vellus : * Oriétur in diébus ejus justitia, et abundántia pacis. *V.* Et adorábunt eum omnes reges, omnes gentes sèrvient ei. Oriétur. Glória Patri. Oriétur.

IN III. NOCTURNO

Léctio sancti Evangélíi secúndum Joánnem.

Lectio vij. Cap. I. c.

IN illo témpore : Misérunt Iudæi ab Jerosólymis sacerdótes et levitas ad Joán-

nem, ut interrogárent eum : Tu quis es? Et réliqua.

Homília sancti Gregórii Papæ.

Homilia 7. in Evang.

Ex hujus nobis lectionis verbis, fratres caríssimi, Joánnis humilitas commendátur : qui cum tantæ virtútis esset, ut Christus credi potuisset, elégit sólíde subsistere in se, ne humana opinióné raperétur inániter super se. Nam conféssus est, et non negávit : et conféssus est, Quia non sum ego Christus. Sed qui dixit, Non sum ; negávit plane quod non erat, sed non negávit quod erat : ut veritátem loquens, ejus membrum fieret, cujus sibi nomen falláciter non usurpáret. Cum ergo non vult appétere nomen Christi, factus est membrum Christi : quia dum infirmitátem suam stúduit humíliter agnóscere, illius celsitúdinem méruiť veráciter obtinére.

R. Veni Dómine, et noli tardáre : reláxa facinora plebi tuæ, * Et révoca dispérsos in terram suam. *V.* Excita Dómine poténtiam tuam, et veni, ut salvos fácias nos. Et révoca.

Lectio viij.

SED cum ex lectione ália, Redemptóris nostri senténtia ad mentem redúcitur, ex hujus lectionis verbis nobis quæstio valde impléxa generátur. Alio quippe in loco inquisitus a discipulis

Dóminus de Eliæ advéntu, respóndit : Eliás jam venit, et non cognovérunt eum, sed fecérunt in eum quæcúmque voluérunt : et, si vultis scire, Joánnes ipse est Eliás. Requisitus áutem Joánnes dicit : Non sum Eliás. Quid est hoc, fratres caríssimi, quia quod Véritas affirmat, hoc prophéta veritátis negat? Valde namque inter se diversa sunt : Ipse est : et, Non sum. Quómodo ergo prophéta veritátis est, si ejúsdem Veritátis sermónibus concors non est?

℞. Ecce radix Jesse descéndet in salutem populórum, ipsum gentes deprecabúntur : * Et erit nomen ejus gloriósum. V. Dabit ei Dóminus Deus sedem David patris ejus, et regnabit in domo Jacob in ætérnum. Et erit.

Lectio ix.

SED si subtiliter véritas ipsa requirátur, hoc quod inter se contrárium sonat, quómodo contrárium non sit, invenitur. Ad Zachariám namque de Joánnē Angelus dicit : Ipse præcédet ante illum in spiritu et virtúte Eliæ. Qui idcirco ventúrus in spiritu et virtúte Eliæ dicitur, quia sicut Eliás secúndum Dómini advéntum præveniet, ita Joánnes prævenit primum. Sicut ille præcúrsor ventúrus est Júdicis, ita iste præcúrsor est factus Redemptóris. Joánnes ígitur

in spiritu Elias erat, in persóna Elias non erat. Quod ergo Dóminus fatétur de spiritu, hoc Joánnes dénégat de persóna.

℞. Docébit nos Dóminus vias suas, et ambulábit in sémitis ejus : * Quia de Sion exíbit lex, et verbum Dómini de Jerúsalem. V. Veníte, ascendámus ad montem Dómini, et ad domum Dei Jacob. Quia. Glória Patri. Quia.

AD LAUDES

ET PER HORAS

Ant. 1. Véniet Dóminus, * et non tardábit, et illuminábit abscondita tenebrárum, et manifestábit se ad omnes gentes, allelúia.

Ps. Dóminus regnávít. **cum reliq. 18.**

2. Jerúsalem gáude * gáudio magno, quia véniet tibi Salvátor, allelúia.

3. Dabo in Sion * salutem, et in Jerúsalem glóriam meam, allelúia.

4. Montes et omnes colles * humiliabúntur : et erunt prava in dirécta, et áspera in vias planas : veni Dómine, et noli tardáre, allelúia.

5. Juste et pie * vivámus, expectántes beátam spem, et advéntum Dómini.

Capitulum. Philipp. 4.

FRATRES : Gaudéte in Dómino semper : iterum dico, gaudéte. Modéstia vestra nota sit ómnibus homínibus : Dóminus enim prope est.

Hymnus.

EN clara vox redárguit
Obscúra quæque, pèrso-
nans :

Procul fugéntur sómnia :
Ab alto Jesus prómicat.

Mens jam resúrgat tór-
pida,

Non ámplius jacens humi :
Sidus refúlget jam novum,
Ut tollat omne nóxium.

En Agnus ad nos míttitur
Laxáre gratis débitum :
Omnes simul cum lácrymis
Precémur indulgéntiam.

Ut, cum secúndo fúlserit,
Metúque mundum cínxerit,
Non pro reátu púniat,
Sed nos pius tunc próteget.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

V. Vox clamántis in de-
sérto, Paráte viam Dómini.
R. Rectas fácite sémitas ejus.

Ad Bened. Ant. Super
sólium * David, et super re-
gnum ejus sedébit in ætér-
num, allelúia.

Oratio.

AUREM tuam, quæsumus
Dómine, précibus nostris
accómmoda : et mentis no-
stræ ténebras grátia tuæ vi-
sitatiónis illústra : Qui vivis.

AD TERTIAM

Ant. Jerúsalem gaúde.

Capit. Fratres : Gaudéte.

R. br. Veni ad liberán-
dum nos * Dómine Deus
virtútum. Veni. **V.** Osténde
fáciem tuam, et salvi éri-

mus. Dómine. Glória Patri.
Veni.

V. Timébunt gentes no-
men tuum Dómine. **R.** Et
omnes reges terræ glóriam
tuam.

AD SEXTAM

Ant. Dabo in Sion.

Capitulum. Philipp. 4. b

NIHIL solliciti sitis : sed in
omni oratióne, et ob-
secratióne, cum gratiárum
actiόne, petitiόnes vestræ
innotéscant apud Deum.

R. br. Osténde nobis Dó-
mine * Misericórdiam tuam.
Osténde. **V.** Et salutáre tuum
da nobis. Misericórdiam.
Glória Patri. Osténde.

V. Meménto nostri Dómi-
ne in beneplácito pópuli tui.
R. Visita nos in salutári tuo.

AD NONAM

Ant. Juste et pie.

Capitulum. Philipp. 4. b

ET pax Dei, quæ exsúperat
omnem sensum, custó-
diat corda vestra, et intelli-
géntias vestras in Christo
Jesu Dómino nostro.

R. br. Super te Jerúsalem
* Oriétur Dóminus. Super
te. **V.** Et glória ejus in te
vidébitur. Oriétur. Glória
Patri. Super te.

V. Dómine Deus virtútum
convérte nos. **R.** Et osténde
fáciem tuam, et salvi éri-
mus.

AD VESPERAS

Ant. de Laud. Psalmi de
Dom. Capit. et Hymn. ut in
I. Vesp. 177.

V. Roráte cæli désuper, et

nubes pluant justum. **R.**
Aperiatur terra, et germinet
Salvátorem.

Ad Magnif. Ant. Beata es
María, * quæ credidisti Dó-
mino : perficiéntur in te,
quæ dicta sunt tibi a Dómi-
no, allelúia.

Orat. Aurem tuam. ut su-
pra. 182.

**Post Vesperas diei dicun-
tur Vesperæ Defunctorum.**

Hæc Ant. Beata es. præ-
termittitur, si hodie ejus
loco ponenda sit una ex An-
tiphonis majoribus, ut infra :
quibus semper cedunt Anti-
phonæ propriæ aliis diebus
ad Magnificat assignatæ.

Sequentes Ant. majores
ad Magnificat inchoantur die
xvij. Decembris, et singulæ
ante et post Magnificat inte-
græ sicut in Dupl. dicuntur
per ordinem, usque ad diem
ante Vigil. Nativitatis. Si
vero Festum fuerit, dicuntur
post Orationem Festi, pro
Commém. Advent.

DIE XVII. DECEMBRIS

Ant. O Sapiéntia, quæ ex
ore Altissimi prodiisti, attin-
gens a fine usque ad finem,
fórtiter suavitérque dispó-
nens ómnia : veni ad docén-
dum nos viam prudéntiæ.

XVIII.

Ant. O Adónai, et Dux
domus Israël, qui Móysi in
igne flammæ rubi apparuisti,
et ei in Sina legem dedisti :
veni ad rediméndum nos in
bráchio exténto.

XIX.

Ant. O radix Jesse, qui
stas in signum populórum,
super quem continébunt re-
ges os suum, quem gentes
deprecabúntur : veni ad li-
berándum nos, jam noli tar-
dare.

XX.

Ant. O clavis David, et
sceptrum domus Israël ; qui
áperis, et nemo cláudit ;
cláudis, et nemo áperit :
veni, et educ vinctum de
domo cárceris, sedéntem in
ténébris, et umbra mortis.

XXI.

Ant. O Oriens, splendor
lucis ætérnæ, et sol justitiæ :
veni, et illúmina sedéntes
in ténébris, et umbra mor-
tis.

XXII.

Ant. O Rex géntium, et
desiderátus eárum, lapisque
anguláris, qui facis útraque
unum : veni, et salva hómi-
nem, quem de limo formá-
sti.

XXIII.

Ant. O Emmánuel, Rex et
légifer noster, exspectátio
géntium, et Salvátor eárum :
veni ad salvándum nos Dó-
mine Deus noster.

**Sequentes Ant. ad Laudes
et per Horas dicuntur in sex
Feriis ante Vigil. Nativitatis,
incipiendo die xvij. Decem-
bris, ab Ant. quæ Feriæ illius
diei assignantur. Similiter et
aliæ dicuntur in propriis
Feriis.**

Quod si dies xvij. fuerit

Dominica, Ant. inchoantur sequenti Feria II. quæ erit dies xvij. Quæ autem dicendæ essent die, in quo occurrat Festum S. Thomæ, dicuntur in Sabbato cum Psalmis Sabbati, quarta Ant. prætermissa : cujus loco dicitur Ant. Expectetur * sicut pluvia eloquium meum : et descendet super nos sicut ros Deus noster. nisi Vigil. Nativ. venerit in Dom. : tunc enim in Sabbato dicuntur Ant. de Laud. Dom., quarta prætermissa, cujus loco dicitur Ant. Expectetur.

Ant. ad Benedictus, et Oratio dicitur, ut in Sabbato Quatuor Temporum ponitur. 192.

Antiphonæ vero de Laud., quæ occurr. in die S. Thomæ, eo anno prætermittuntur, et in Dominica tunc dicuntur Antiphonæ de Vigilia. Similiter omittitur Ant. Expectetur. quando illud Festum in Sabbato venerit.

FERIA SECUNDA

AD LAUDES

ET PER HORAS

Ant. 1. Ecce veniet * Dominus princeps regum terræ : beāti, qui parāti sunt occurrere illi.

Psalmi ejusdem Fer. 59.

2. Cum venerit * Filius hominis, putas inveniet fidem super terram?

3. Ecce jam venit * plenitudo temporis, in quo misit Deus Filium suum in terras.

4. Haurietis aquas * in gaudio de fontibus Salvatoris.

5. Egrediatur * Dominus de loco sancto suo : veniet ut salvet populum suum.

FERIA TERTIA

AD LAUDES

ET PER HORAS

Ant. 1. Rorate cæli desuper, * et nubes pluant justum : aperiatur terra, et germinet Salvatorem.

Psalmi ejusdem Fer. 72.

2. Emitte Agnum Domine * Dominatorem terræ, de Petra deserti, ad montem filiæ Sion.

3. Ut cognoscamus Domine * in terra viam tuam, in omnibus gentibus salutare tuum.

4. Da mercédem Domine * sustinentibus te, ut prophetæ tui fideles inveniuntur.

5. Lex per Moysen data est, * grátia et veritas per Jesum Christum facta est.

FERIA QUARTA

AD LAUDES

ET PER HORAS

Ant. 1. Prophætæ prædicaverunt * nasci Salvatorem de Virgine Mariæ.

Psalmi ejusdem Fer. 82.

2. Spiritus * Domini super me, evangelizare pauperibus misit me.

3. Propter Sion * non tacebo, donec egrediatur ut splendor justus ejus.

4. Ecce veniet Dominus, * ut sedeat cum principibus, et solium glóriæ teneat.

5. Annuntiáte * pópulis,
et dicite : Ecce Deus Salvá-
tor noster véniet.

FERIA QUINTA

AD LAUDES

ET PER HORAS

Ant. 1. De Sion * véniet
Dóminus omnipotens, ut sal-
vum fáciat pópulum suum.

Psalmi ejusdem Fer. 96.

2. Convértere Dómine *
aliquántulum, et ne tardes
venire ad servos tuos.

3. De Sion * véniet, qui
regnatúrus est Dóminus,
Emmánuel magnum nomen
ejus.

4. Ecce Deus meus, * et
honorábo eum : Deus patris
mei, et exaltábo eum.

5. Dóminus * légifer no-
ster, Dóminus Rex noster,
ipse véniet, et salvábit nos.

FERIA SEXTA

AD LAUDES

ET PER HORAS

Ant. 1. Constántes estóte, *
vidébitis auxilium Dómini
super vos.

Psalmi ejusdem Fer. 108.

2. Ad te Dómine * levávi
ánimam meam : veni, et
éripe me Dómine, ad te con-
fúgi.

3. Veni Dómine, * et noli
tardáre : reláxa facinora
plebi tuæ Israël.

4. Deus a Líbano véniet, *
et splendor ejus sicut lumen
erit.

5. Ego áutem * ad Dóminum
adspiciam, et exspectábo
Deum Salvatórem meum.

SABBATO

Antiphonæ secundum su-
periores Rubricas. 183.

Ad Canticum vero Ant.

Exspectétur * sicut plúvia,
elóquium meum : et descén-
det super nos sicut ros Deus
noster.

Psalmi ut in Laud. Sab-
bati. 123.

In Festo S. Thomæ pro
Commemoratione Advent. :

Ad Bened. Ant. Nolite ti-
mére : quinta enim die vé-
niet ad vos Dóminus noster.

Si vero contingat Festum
S. Thomæ transferri in II.
Feriam, Ant. prædicta dici-
tur ad Benedictus in Domi-
nica, loco Ant. Ave María.

Ultimo die ante Vigiliam
Nativitatis :

Ad Bened. Ant. Ecce com-
pléta sunt * ómnia, quæ di-
cta sunt per Angelum de
Virgine María.

Quibus Antiphonis cedunt
aliæ Antiph. in propriis locis
ad Benedictus assignatæ.

FERIA SECUNDA

Ad Matut. Invit. et Hymn.
ut in Dom. præced. 178.

De Isaia Prophéta.

Lectio j. Cap. 28.

VÆ corónæ superbíæ,
Vébriis Ephraïm, et flori
decidénti, glóriæ exsultatió-
nis ejus, qui erant in vértice
vallis pinguissimæ, errántes
a vino. Ecce válidus et for-
tis Dóminus, sicut ímpetus
grándinis : turbo confrin-
gens, sicut ímpetus aquárum

multarum inundantium, et emissarum super terram spatioſam. Pédibus conculcabitur coróna supérbiæ ebriorum Ephraïm.

R. Ecce apparébit. 178.

Lectio ij.

ET erit flos decídens glóriæ exsultationis ejus, qui est super vérticem vallis pinguium, quasi temporáneum ante maturitatem autúnni : quod cum adspéxerit videns, statim ut manu tenúerit, devorábit illud. In die illa erit Dóminus exercítuum coróna glóriæ, et sertum exsultationis residuo pópuli sui ; et spíritus judicii sedénti super judicium, et fortitúdo reveréntibus de bello ad portam. Verum hi quoque præ vino nesciérunt, et præ ebrietate erravérunt : sacérdos et prophéta nesciérunt præ ebrietate, absorpti sunt a vino.

R. Béthlehem. 179.

Lectio iij.

IDCIRCO hæc dicit Dóminus Deus : Ecce ego mittam in fundaméntis Sion lápidem, lápidem probátum, angulárem, pretiósum, in fundaménto fundátum. Qui crediderit, non festinet. Et ponam in póndere judicium, et justitiam in mensúra : et subvértet grando spem mendáccii : et protectionem aquæ inundábunt. Et delébitur fœdus vestrum cum morte, et pactum vestrum cum inférno non stabit.

R. Qui ventúrus est. 179.

AD LAUDES

Ant. et Psalmi de Psalt. 59, nisi dicendæ sint Ant. secundum superiorem Rubricam.

Capit. et Hymn. ut supra. 61.

Ad Bened. Ant. Egrediétur * virga de radice Jesse, et replébitur omnis terra glória Dómini : et vidébit omnis caro salutáre Dei.

Oratio.

AUREM tuam, quæsumus Dómine, précibus nostris accómmoda : et mentis nostræ ténebras grátia tuæ visitationis illústra : Qui vivis et regnas.

Hodie dicitur Officium Defunctorum.

Ad Magnif. Ant. Beátam me dicent * omnes generationes, quia ancillam húmílem respéxit Deus.

Nisi dicenda sit Ant. O.

FERIA TERTIA

De Isaia Prophéta.

Lectio j. Cap. 30. d

EXSPÉCTAT Dóminus ut misereátur vestri, et ideo exaltábitur parcens vobis : quia Deus judicii Dóminus : beáti omnes qui exspéctant eum. Pópulus enim Sion habitábit in Jerúsalem : plorans nequáquam plorábis, miserans miserébitur tui : ad vocem clamóris tui statim ut audierit, respondébit tibi. Et dabit vobis Dóminus panem arctum, et aquam

brevem : et non faciet avolare a te ultra doctorem tuum : et erunt oculi tui videntes præceptorem tuum.

¶. Ægypte noli flere. 179.

Lectio ij.

EGRÉDERE, dices ei : Et dabitur pluvia semini tuo, ubicumque seminaveris in terra : et panis frugum terræ erit uberrimus et pinguis. Pascetur in possessione tua in die illo agnus spatiose : et tauri tui, et pulli asinorum, qui operantur terram, commixtum migma comedent sicut in area ventilatum est. Et erunt super omnem montem excelsum, et super omnem collem elevatum rivi currentium aquarum, in die interfectionis multorum, cum ceciderint turres.

¶. Prope est. 179.

Lectio iij.

ET erit lux lunæ sicut lux solis, et lux solis erit septempler sicut lux septem dierum in die, qua alligaverit Dominus vulnus populi sui, et percussuram plagæ ejus sanaverit. Ecce nomen Domini venit de longinquo, ardens furor ejus, et gravis ad portandum : labia ejus repléta sunt indignatione, et lingua ejus quasi ignis devorans. Spiritus ejus velut torrens inundans usque ad medium colli ad perdendas gentes in nihilum, et frenum erroris, quod erat in maxillis populorum.

¶. Descendet. 180.

Ad Bened. Ant. Tu Bethlehém * terra Juda, non eris minima : ex te enim exiet Dux, qui regat populum meum Israël.

Ad Magnif. Ant. Elevare, elevare, * consurge Jerusalemm : solve vincula colli tui, captiva filia Sion.

Nisi dicenda sit Ant. O.

FERIA QUARTA

QUATUOR TEMPORUM

Lectio sancti Evangelii secundum Lucam.

Lectio j. Cap. 1. c.

IN illo tempore : Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Mariæ. Et reliqua.

Homilia sancti Ambrósii
Episcopi.

Lib. 2. in Lucam.

LATENT quidem divina mysteria, nec facile, juxta propheticum dictum, quisquam hominum potest scire consilium Dei. Sed tamen ex cæteris factis, atque præceptis Domini Salvatoris possumus intelligere, et hoc propensioris fuisse consilii, quod ea potissimum electa est, ut Dominum pareret, quæ erat desponsata viro. Cur autem non antequam desponsaretur, impléta est? Fortasse ne diceretur, quod concéperat ex adultério.

R. Clama in fortitudine, qui annuntias pacem in Ierusalem : * Dic civitatibus Judæ, et habitatoribus Sion : Ecce Deus noster, quem expectabamus, adveniet. **V.** Supra montem excelsum ascende tu, qui evangelizas Sion, exalta in fortitudine vocem tuam. Dic civitatibus.

Lectio ij.

Et ingressus ad eam Angelus. Disce virginem moribus, disce virginem veracundia, disce oraculo, disce mysterio. Trepidare virginum est, et ad omnes viri ingressus pavere, omnes viri affatus vereri. Discant mulieres propositum pudoris imitari. Sola in penetralibus, quam nemo virorum viderit, solus Angelus reperit : sola sine comite, sola sine teste, ne quo degenerare depravaretur affatu, ab Angelo salutatur.

R. Orietur stella ex Jacob, et exsurget homo de Israël, et confringet omnes duces alienigenarum : * Et erit omnis terra possessio ejus. **V.** Adorabunt eum omnes reges terræ, omnes gentes servient ei. Et.

Lectio iij.

TANTI namque mandati mysterium non hominis fuit, sed Angeli ore promendum. Hodie primum auditur : Spiritus sanctus superveniet in te. Et auditur, et creditur. Denique, Ecce,

inquit, ancilla Domini : contingat mihi secundum verbum tuum. Vide humilitatem, vide devotionem. Ancillam se dicit Domini, quæ mater eligitur, nec repentino exaltata promisso est.

R. Modo veniet Dominator Dominus : * Et nomen ejus Emmanuel vocabitur. **V.** Orietur in diebus ejus justitia, et abundantia pacis. Et nomen. Glória Patri. Et nomen.

Ad Bened. Ant. Missus est Gabriel * Angelus ad Mariam Virginem desponsatam Joseph.

Oratio.

PRÆSTA, quæsumus omnipotens Deus : ut redemptionis nostræ ventura sollemnitas, et præsentis nobis vitæ subsidia conferat, et æternæ beatitudinis præmia largiatur. Per Dominum nostrum Jesum Christum.

Et dicitur ad omnes Horas, præterquam in Vesp.

Ad Magnif. Ant. Ecce ancilla Domini : * fiat mihi secundum verbum tuum.

Nisi dicenda sit Ant. O.

Post Preces dicitur Oratio Dom. præced. Aurem tuam. ut supra. 182.

FERIA QUINTA

De Isaia Propheta.

Lectio j. Cap. 33.

VÆ qui prædâris, nonne et ipse prædâberis? et qui spernis, nonne et ipse spernêris? cum consummâ-

veris deprædationem, deprædaberis : cum fatigatus desieris contemnere, contemneris. Domine miserere nostri : te enim expectavimus : esto brachium nostrum in mane, et salus nostra in tempore tribulationis.

R. Egrediatur Dominus, et præliabitur contra gentes : * Et stabunt pedes ejus supra montes olivarum ad Orientem. **V.** Et elevabitur supra omnes colles, et fluent ad eum omnes gentes. Et stabunt.

Lectio ij.

A VOCE Angeli fugerunt populi, et ab exaltatione tua dispersæ sunt gentes. Et congregabuntur spolia vestra sicut colligitur bruchus, velut cum fossæ plenæ fuerint de eo. Magnificatus est Dominus, quoniam habitavit in excelsis : implevit Sion iudicio et justitia. Et erit fides in temporibus tuis : divitiæ salutis, sapientia et scientia : timor Domini ipse est thesaurus ejus.

R. Præcursor pro nobis ingreditur Agnus sine macula, * Secundum ordinem Melchisedech Pontifex factus in æternum, et in sæculum sæculi. **V.** Ipse est rex justitiæ, cujus generatio non habet finem. Secundum.

Lectio iij.

CONTERRITI sunt in Sion peccatores, possedit tremor hypócritas. Quis poterit

habitare de vobis cum igne devorante? quis habitabit ex vobis cum ardoribus sempiternis? Qui ambulat in justitiis, et loquitur veritatem, qui projicit avaritiam ex calumnia, et excutit manus suas ab omni munere, qui obturat aures suas ne audiat sanguinem, et claudit oculos suos ne videat malum. Iste in excelsis habitabit, munita saxorum sublimitas ejus : panis ei datus est, aquæ ejus fideles sunt. Regem in decore suo videbunt oculi ejus, cernent terram de longe.

R. Videbunt gentes justum tuum, et cuncti reges inclutum tuum : * Et vocabitur tibi nomen novum, quod os Domini nominavit. **V.** Et eris coróna glóriæ in manu Domini, et diadema regni in manu Dei tui. Et eris. Glória Patri. Et eris.

Ad Bened. Ant. Vigiláte * ánimo, in próximo est Dominus Deus noster.

Nisi occurrat Festum S. Thomæ : quia tunc ea prætermissa, dicitur

Ant. Nolite timere : quinta enim die veniet ad vos Dominus Deus noster.

Quod etiam servatur in sequentibus diebus, quando illud Festum occurrit.

Ad Magnif. Ant. Lætámini * cum Jerúsalem, et exultáte in ea omnes qui diligitis eam, in æternum.

Nisi dicenda sit Ant. O.

FERIA SEXTA

QUATUOR TEMPORUM

Lectio sancti Evangelii secundum Lucam.

Lectio j. Cap. 1. d

IN illo tempore : Exsurgens Maria abiit in montana cum festinatione in civitatem Juda : et intravit in domum Zachariae, et salutavit Elisabeth. Et reliqua.

Homilia sancti Ambrósii
Episcopi.

Lib. 2. in Luc. cap. 1.
post initium.

MORÁLE est omnibus, ut qui fidem exigunt, fidem adstruant. Et ideo Angelus, cum abscondita nuntiaret, ut fidem adstrueret, exemplo senioris feminae sterilisque conceptum Virgini Mariae nuntiavit : ut possibile Deo omne quod ei placuerit, assereret. Ubi audivit hoc Maria, non quasi incredula de oraculo, nec quasi incerta de nuntio, nec quasi dubitans de exemplo, sed quasi laeta pro voto, religiosa pro officio, festina pro gaudio, in montana perrexit. Quo enim jam Deo plena, nisi ad superiora cum festinatione contenderet? Nescit tarda molimina sancti Spiritus gratia.

R. Emitte Agnum Domine Dominatorem terrae, * De Petra deserti ad montem filiae Sion. **V.** Ostende nobis Domine misericordiam tuam, et salutare tuum da nobis. De.

Lectio ij.

DISCITE et vos sanctae mulieres sedulitatem, quam praegnantibus debeatis exhibere cognatis. Mariam, quae ante sola in intimis penetralibus versabatur, non a publico virginitatis pudor, non ab studio asperitas montium, non ab officio prolixitas itineris retardavit. In montana Virgo cum festinatione, Virgo officii memor, injuriae immemor, affectu urgente, non sexu, relicta perrexit domo. Discite virgines non circumcursare per alienas aedes, non demorari in plateis, non aliquos in publico miscere sermones. Maria in domo sera, festina in publico, mansit apud cognatam suam tribus mensibus.

R. Rorate caeli desuper, et nubes pluant justum : * Aperiatur terra, et germinet Salvatorem. **V.** Emitte Agnum Domine Dominatorem terrae, de Petra deserti ad montem filiae Sion. Aperiatur.

Lectio iij.

DIDICISTIS virgines pudorem Mariae; discite humilitatem. Venit propinqua ad proximam, junior ad seniores : nec solum venit, sed etiam prior salutavit. Decet enim, ut quanto castior virgo, tanto humilior sit. Noverit deferre senioribus. Sit magistra humilitatis, in qua est professio castitatis. Est et causa pietatis, est etiam norma doctrinae. Con-

tuéndum est enim, quia superior venit ad inferiorem, ut inferior adjuvétur : María ad Elisabeth, Christus ad Joánnem.

R. Germinavérunt campi erémi germen odóris Israél : quia ecce Deus noster cum virtúte véniet, * Et splendor ejus cum eo. **V.** Ex Sion species decóris ejus : Deus noster manifeste véniet. Et. Glória Patri. Et.

Ad Bened. Ant. Ex quo facta est * vox salutatiónis tuæ in áuribus meis, exultávit in gáudio infans in útero meo, allelúia.

Nisi dicenda sit Ant. Nolite timére. 189.

Oratio.

EXCITA, quæsumus Dómine, poténtiam, et veni : ut hi, qui in tua pietáte confidunt, ab omni citius adversitate liberéntur : Qui vivis et regnas.

Et dicitur ad omnes Horas, præterquam in Vesp.

Ad Magnif. Ant. Hoc est testimonium, * quod perhibuit Joánnes : Qui post me venit, ante me factus est.

Nisi dicenda sit Ant. O.

Post Preces dic. Oratio. Aurem tuam. 182.

SABBATO

QUATUOR TEMPORUM

Lectio sancti Evangélíi secúndum Lucam.

Lectio j. Cap. 3.

ANNO quintodécimo impérii Tibérii Cæsaris, pro-

curante Póntio Piláto Judæam. Et reliqua.

Homilia sancti Gregórii Papæ.

Homilia 20. in Evang.

REDEMPTÓRIS nostri Præcúrsor, quo tēpore prædicatiónis officium accēperit, memoráto Románæ reipúblicæ príncipe, et Judææ régibus, designátur. Quia enim illum prædicáre veniebat, qui et ex Judæa quosdam, et multos ex gētibz redemptúrus erat : per regem gēntium et príncipes Judæórum prædicatiónis ejus tēpóra designántur. Quia autem gentilitas colligēda erat, et Judæa pro culpa perfidiæ dispergēda, ipsa quoque descriptio terrēni principátus ostēdit : quóniam et in Romána república unus præfuisse describitur, et in Judææ regno per quartam partem plúrimi principabántur.

R. Egrediétur virga de radice Jesse, et flos de radice ejus ascēdet : * Et erit justitia cingulum lumbórum ejus, et fides cinctórium renum ejus. **V.** Et requiescet super eum spíritus Dómini : spíritus sapiéntiæ, et intellectus : spíritus consilii, et fortitúdinis. Et.

Lectio ij.

VOCE etenim nostri Redemptóris dicitur : Omne regnum in seípsum divisum desolábitur. Liqueat ergo, quod ad finem regni Judæa

pervenerat, quæ tot régibus divisa subjacébat. Apte quoque non solum quibus régibus, sed étiam quibus sacerdotibus actum sit, demonstrátur : et quia illum Joánnes Baptista prædicáret, qui simul Rex et Sacerdos existeret, Lucas Evangelista prædicatiónis ejus témpora per regnum et sacerdotium designávit.

R. Radix Jesse, qui exsurgit judicáre gentes, in eum gentes sperábunt : * Et erit nomen ejus benedictum in sæcula. **V.** Super ipsum continébunt reges os suum, ipsum gentes deprecabúntur. Et.

Lectio iij.

ET venit in omnem regiónem Jordánis, prædicans baptismum pœnitentiæ in remissionem peccatorum. Cunctis legéntibus liquet, quia Joánnes non solum baptismum pœnitentiæ prædicávit, verum étiam quibúsdam dedit : sed tamen baptismum suum in remissionem peccatorum dare non pótuit. Remissio etenim peccatorum in solo nobis baptismo Christi tribúitur. Notándum itaque, quod dicitur : Prædicans baptismum pœnitentiæ in remissionem peccatorum : quóniam baptismum, quod peccáta sólveret, quia dare non póterat, prædicábat : ut sicut incarnátum Verbum Patris præcurrébat verbo prædi-

catiónis, ita baptismum pœnitentiæ, quo peccáta solvúntur, præcurreret suo baptismo, quo peccáta solvi non possunt.

R. Veni Dómine, et noli tardáre : reláxa facinora plebi tuæ, * Et révoça dispersos in terram suam. **V.** Excita Dómine poténtiam tuam, et veni, ut salvos fácias nos. Et. Glória Patri. Et.

Ad Bened. Ant. Quómodo fiet istud, * Angele Dei, quóniam virum non cognósco? Audi Maria Virgo : Spíritus sanctus supervéniet in te, et virtus Altíssimi obumbrábit tibi.

Nisi dicenda sit Ant. Nolite timére. 189, et nisi hæc fuerit dies ante Vigiliam Nativitatis : quia tunc ea prætermissa, dicitur

Ant. Ecce compléta sunt * ómnia quæ dicta sunt per Angelum de Virgine María.

Quod etiam servatur (si idem contingat) in seq. diebus.

Oratio.

DEUS, qui cónspicis, quia ex nostra pravitate affligimur : concéde propítius ; ut ex tua visitatióne consolémur : Qui vivis.

Et dicitur per omnes Horas.

AD VESPERAS

Capitulum. I. Cor. 4.

FRATRES : Sic nos existimet homo ut ministros Christi, et dispensatóres mysteriorum Dei. Hic jam quæri-

tur inter dispensatóres, ut fídelis quis inveniátur.

Hymn. Creátor alme. 155.

V. Roráte cæli désuper, et nubes pluant justum. *R.* Aperiátur terra, et gérmínet Salvátorem.

Ant. ad Magnif. una ex majoribus O.

Oratio.

EXCITA, quæsumus Dómine, poténtiam tuam, et veni, et magna nobis virtúte succurre : ut per auxílium grátiae tuæ, quod nostra peccáta præpédiunt, indulgéntia tuæ propitiatiónis accéleret : Qui vivis.

DOMINICA IV. ADVENTUS

AD MATUTINUM

Invit. Prope est jam Dóminus : * Veníte, adorémus.

Ps. Veníte, exsultémus. 2.

Hymn. Verbum supérnum. 202.

IN I. NOCTURNO

De Isaia Prophéta.

Lectio j. Cap. 35.

LÆTÁBITUR desérta et in via, et exsultábit solitúdo, et florébit quasi lílium. Gérmíans germinábit, et exsultábit lætabúnda et láudans : glória Libani data est ei : decor Carméli et Saron, ipsi vidébunt glóriam Dómini, et decórem Dei nostri. Confortáte manus dissolútas, et génua debilia roboráte. Dícite pusillánimis : Confortámini, et nolíte timére : ecce Deus

vester ultiónem addúcet retributiónis : Deus ipse véniet, et salvábit vos. Tunc aperiéntur óculi cæcórum, et áures surdórum patébunt. Tunc sáliet sicut cervus cláudus, et apérta erit lingua mutórum : quia scissæ sunt in desérto aquæ, et torréntes in solitúdine. Et quæ erat árida, erit in stagnum, et sitiens in fontes aquárum.

R. Cánite tuba in Sion, vocáte gentes, annuntiáte pópulis, et dícite : * Ecce Deus Salvátor noster advéniet. *V.* Annuntiáte, et auditum fácite : loquimini, et clamáte. Ecce.

Lectio ij.

IN cubilibus, in quibus prius dracones habitábant, oriétur viror cálami et junci. Et erit ibi sémita et via, et via sancta vocábitur : non transibit per eam pollútus, et hæc erit vobis dirécta via, ita ut stulti non errent per eam. Non erit ibi leo, et mala béstia non ascéndet per eam, nec inveniétur ibi : et ambulábunt, qui liberáti fúerint. Et redéempti a Dómino converténtur, et vénient in Sion cum láude : et lætítia sempitérna super caput eórum : gáudium et lætítiam obtinébunt, et fúgiet dolor et gémitus.

R. Non auferétur sceptrum de Juda, et dux de fémore ejus, donec véniat qui miténdus est : * Et ipse erit

expectatio gentium. *v.* Pulchriores sunt oculi ejus vino, et dentes ejus lacte candidiores. Et.

Lectio iij. Cap. 11.

TACEANT ad me insulæ, et gentes mutent fortitudinem : accédant, et tunc loquantur, simul ad judicium propinquemus. Quis suscitavit ab Oriente justum, vocavit eum ut sequeretur se? dabit in conspectu ejus gentes, et reges obtinebit : dabit quasi pulverem gladio ejus, sicut stipulam vento raptam arcui ejus. Persequetur eos, transibit in pace, semita in pedibus ejus non apparebit. Quis hæc operatus est, et fecit, vocans generationes ab exordio? Ego Dominus, primus et novissimus ego sum.

R. Me oportet minui, illum autem crescere : qui autem post me venit, ante me factus est : * Cujus non sum dignus corrigiam calceamentorum solvere. *v.* Ego baptizavi vos aqua : ille autem baptizabit vos Spiritu sancto. Cujus. Glória Patri. Cujus.

IN II. NOCTURNO

Ant. et Pss. de Psalt. 10.

Sermo sancti Leonis
Papæ.

Serm. 1. de jejunio decimimensis, et collectis.

Lectio iv.

SI fideliter, dilectissimi, atque sapienter creati-

nis nostræ intelligamus exordium, inveniēmus hominem ideo ad imaginem Dei conditum, ut imitator sui esset auctoris : et hanc esse naturalem nostri generis dignitatem, si in nobis, quasi in quodam speculo, divinæ benignitatis forma resplendeat. Ad quam quotidie nos utique reparat grātia Salvatoris, dum quod cecidit in Adam primo, erigitur in secundo.

R. Nascetur nobis parvulus, et vocabitur Deus, Fortis : * Ipse sedebit super thronum David patris sui, et imperabit : cujus potestas super humerum ejus. *v.* In ipso benedicentur omnes tribus terræ, omnes gentes servient ei. Ipse.

Lectio v.

CAUSA autem reparationis nostræ non est nisi misericordia Dei : quem non diligeremus, nisi prius nos ipse diligeret, et tenebras ignorantie nostræ, suæ veritatis luce discuteret. Quod per sanctum Isaiam Dominus denuntians, ait : Adducam cæcos in viam quam ignorabant, et semitas quas nesciebant, faciam illos calcare : faciam illis tenebras in lucem, et prava in directa. Hæc verba faciam illis, et non relinquam eos. Et iterum : Inventus sum, inquit, a non quærentibus me, et palam apparui iis qui me non interrogabant.

R. Ecce jam venit plenitúdo témporis, in quo misit Deus Filium suum in terras, natum de Virgine, factum sub lege : * Ut eos, qui sub lege erant, redímeret. **V.** Propter nímiám caritátem suam, qua diléxit nos Deus, Filium suum misit in similitúdinem carnis peccáti. Ut eos.

Lectio vij.

QUOD quómo do implétum sit, Joá nnes Apóstolus docet, dicens : Scimus quóniam Filius Dei venit, et dedit nobis sensum, ut cognoscámus verum, et simus in vero Filio ejus. Et iterum: Nos ergo diligámus Deum, quóniam ipse prior diléxit nos. Diligéndo itaque nos Deus, ad imáginem suam nos réparat : et ut in nobis formam suæ bonitátis invéniat, dat unde ipsi quoque quod operátur operémur, accéndens scilicet méntium nostrárum lucérnas, et igne nos suæ caritátis inflámmans, ut non solum ipsum, sed étiam quidquid diligit, diligámus.

R. Virgo Israél, révertere ad civitátes tuas : * Usquequo dolens avertéris? generábis Dóminum Salvatórem, oblatiónem novam in terra : * Ambulábunt hómines in salvatióne. **V.** In caritáte perpétua diléxi te : ideo attráxi te miserans tui. Usquequo dolens. Glória Patri. Ambulábunt.

IN III. NOCTURNO

Léctio sancti Evangélii secúndum Lucam.

Lectio vij. Cap. 3.

ANNO quintodécimo impérii Tibérii Cæsaris, procuránte Póntio Piláto Judæam. Et réliqua.

De Homilia sancti Gregórii Papæ.

Ex Homilia 20. in Evang. ante medium.

DICÉBAT Joá nnes ad turbas, quæ exhibant ut baptizaréntur ab eo : Genimina viperárum, quis osténdit vobis fúgere a ventúra ira? Ventúra enim ira est animadvérsio uliónis extrémæ : quam tunc fúgere peccátor non valet, qui nunc ad lámenta poeniténtiæ non recúrrit. Et notándum, quod malæ sóboles, malórum paréntum actiõem imitántes, genimina viperárum vocántur : quia per hoc quod bonis invident, eósque persequúntur, quod quibúsdam mala retribuunt, quod læsiónes próximis exquirunt : quóniam in his ómnibus patrú suórum carnálium vias sequúntur, quasi venenáti filii de venenátis paréntibus nati sunt.

R. Jurávi, dicit Dóminus, ut ultra jam non iráscar super terram : montes enim et colles suscipient justítiam meam, * Et testaméntum pacis erit in Jerúsalem. **V.** Juxta est salus mea, ut véniat : et justítia mea, ut revelétur. Et.

Lectio viij.

SED quia jam peccávimus, quia usu malæ consuetudinis involúti sumus : dicat quid nobis faciéndum sit, ut fúgere a ventúra ira valeámus. Séquitur : Fácite ergo fructus dignos pœniténtiæ. In quibus verbis notándum est, quod amicus sponsi non solum fructus pœniténtiæ, sed dignos pœniténtiæ ádmonet esse faciéndos. Aliud namque est fructum fácere pœniténtiæ; áliud, dignum pœniténtiæ fructum fácere. Ut enim secúndum dignos pœniténtiæ fructus loquámur, sciéndum est, quia quisquis illicita nulla commisit, huic jure concéditur, ut licitis utátur : sicque pietátis ópera fáciat, ut tamen si volúerit, ea quæ mundi sunt, non relínquat.

R. Non discédimus a te, vivificábis nos Dómine, et nomen tuum invocábimus : * Osténde nobis fáciem tuam, et salvi érimus. **V.** Meménto nostri Dómine in beneplácito pópuli tui : visita nos in salutári tuo. Osténde.

Lectio ix.

AT si quis in fornicatiónis culpam, vel fortásse, quod est grávius, in adultérium lapsus est : tanto a se licita debet abscindere, quanto se méminit et illicita perpetrásse. Neque enim par fructus boni óperis esse debet, ejus qui minus, et ejus qui

ámplius deliquit : aut ejus qui in nullis, et ejus qui in quibúsdam facinóribus cécidit, et ejus qui in multis est lapsus. Per hoc ergo quod dicitur : Fácite fructus dignos pœniténtiæ : uniuscujúsque consciéntia convenitur, ut tanto majóra acquírat bonórum óperum lucra per pœniténtiam, quanto gravióra sibi intulit damna per culpam.

R. Intuémini, quantus sit iste, qui ingréditur ad salvándas gentes : ipse est rex justitiæ, * Cujus generatio non habet finem. **V.** Præcúrsor pro nobis ingréditur, secúndum órđinem Melchisedech Póntifex factus in ætérnum. Cujus. Glória Patri. Cujus.

AD LAUDES

ET PER HORAS

Ant. 1. Cánite tuba * in Sion, quia prope est dies Dómini : ecce véniet ad salvándum nos, allelúia, allelúia.

Ps. Dóminus regnávít. **cum reliq. 18.**

2. Ecce véniet * desiderátus cunctis géntibus : et replébitur glória domus Dómini, allelúia.

3. Erunt prava * in directa, et áspera in vias planas : veni Dómine, et noli tardáre, allelúia.

4. Dóminus véniet, * occúrrite illi, dicéntes : Magnum principium, et regni ejus non erit finis : Deus,

fortis, dominátor, princeps pacis, allelúia, allelúia.

5. Omnipotens sermo tuus, * Dómine, a regálibus sédibus véniet, allelúia.

Capitulum. I. Cor. 4.

FRATRES : Sic nos existimet homo ut ministros Christi, et dispensatóres mysteriorum Dei. Hic jam quæritur inter dispensatóres, ut fidélis quis inveniátur.

Hymn. En clara vox. 203.

Ÿ. Vox clamántis in deserto, Paráte viam Dómini. **R.** Rectas fácite sémitas ejus.

Ad Bened. Ant. Ave María, * grátia plena : Dóminus tecum : benedicta tu in mulieribus, allelúia.

Nisi dicenda sit Ant. Nolite timére. vel Ant. Ecce compléta. ut supra. 185.

Oratio.

EXCITA, quæsumus Dómine, poténtiam tuam, et veni, et magna nobis virtúte succurre : ut per auxilium grátiae tuæ, quod nostra peccáta præpédiunt, indulgéntia tuæ propitiatiónis accéleret : Qui vivis.

AD TERTIAM

Ant. Ecce véniet.

Capit. Fratres : Sic nos.

R. br. Veni ad liberándum nos * Dómine Deus virtutum. Veni. Ÿ. Osténde faciém tuam, et salvi érimus. Dómine. Glória Patri. Veni.

Ÿ. Timébunt gentes nomen tuum Dómine. **R.** Et omnes reges terræ glóriam tuam.

AD SEXTAM

Ant. Erunt prava.

Capitulum. I. Cor. 4.

MIHI áutem pro mínimo est, ut a vobis júdicer, aut ab humano die : sed neque meípsum júdico.

R. br. Osténde nobis Dómine * Misericórdiam tuam. Osténde. Ÿ. Et salutáre tuum da nobis. Misericórdiam. Glória Patri. Osténde.

Ÿ. Meménto nostri Dómine in beneplácito pópuli tui.

R. Visita nos in salutári tuo.

AD NONAM

Ant. Omnipotens sermo tuus.

Capitulum. I. Cor. 4.

ITAQUE nolíte ante tempus Ijudicáre, quoadúsque véniat Dóminus : qui et illuminábit abscondita tenebrarum, et manifestábit consilia córdium : et tunc laus erit unicuique a Deo.

R. br. Super te Jerúsalem * Oriétur Dóminus. Super. Ÿ. Et glória ejus in te vidébitur. Oriétur. Glória. Super.

Ÿ. Dómine Deus virtutum convérte nos. **R.** Et osténde faciém tuam, et salvi érimus.

AD VESPERAS

Ant. de Laud. : Pss. de Dom. Capit. et Hymn. 192.

Ÿ. Roráte cæli désuper, et nubes pluant justum. **R.** Aperiátur terra, et gérmnet Salvatórem.

Ad Magnif. Ant. O.

Oratio Excita. ut supra.

Post Vesperas diei dicuntur Vesperæ Defunctorum.

FERIA SECUNDA

Ad Matutinum. Invit. et Hymn. ut in Dom. præced.

De Isaia Prophéta.

Lectio j. Cap. 41. b

ET tu Israël serve meus, Jacob quem elégi, semen Abraham amici mei : in quo apprehéndi te ab extrémis terræ, et a longinquis ejus vocávi te, et dixi tibi : Servus meus es tu, elégi te, et non abjéci te. Ne timeas, quia ego tecum sum : ne declines, quia ego Deus tuus : confortávi te, et auxiliátus sum tibi, et suscepit te dextera justi mei.

℞. Cánite. 193.

Lectio ij.

ECCE confundéntur et erubéscant omnes, qui pugnant advérsus te : erunt quasi non sint, et peribunt viri, qui contradicunt tibi. Quæres eos, et non invénies, viros rebélles tuos : erunt quasi non sint, et véluti consúptio hómines bellántes advérsus te. Quia ego Dóminus Deus tuus apprehéndens manum tuam, dicénsque tibi : Ne timeas, ego adjuvi te.

℞. Non auferétur. 193.

Lectio iij.

NOLI timére, vermis Jacob, qui mórtui estis ex Israël : ego auxiliátus sum tibi, dicit Dóminus : et redémp tor tuus Sanctus Israël. Ego pó sui te quasi pláustrum triturans novum, habens rostra

serrántia : triturábis montes, et comminues : et colles quasi púlverem pones. Ventilábis eos, et ventus tollet, et turbo dispérget eos : et tu exsultábis in Dómino, in Sancto Israël lætáberis.

℞. Me opórtet. 194.

Ad Laud. Ant. secundum superiorem Rubricam. 184.

Ad Bened. Ant. Dicit Dóminus : * Pœniténtiam ágite : appropinquávit enim regnum cælórum, alleluia.

Nisi dicenda sit Ant. Nolite timére. vel Ant. Ecce compléta. 185.

Hodie dicitur Officium Defunctorum.

Ad Magnif. Ant. O.

FERIA TERTIA

De Isaia Prophéta.

Lectio j. Cap. 42.

ECCE servus meus, suscipiam eum : eléctus meus, complácuit sibi in illo ánima mea : dedi spíritum meum super eum, iudícium géntibus próferet. Non clamábit, neque accípiet persónam, nec audiétur vox ejus foris. Cálamum quassátum non cónteret, et linum fúmigans non exstínguet : in veritáte edúcet iudícium. Non erit tristis, neque turbuléntus, donec ponat in terra iudícium : et legem ejus ínsulæ exspectábunt.

℞. Nascétur. 194.

Lectio ij.

HÆC dicit Dóminus Deus creans cælos, et extén-

dens eos : firmans terram, et quæ germinant ex ea : dans flatum populo, qui est super eam, et spiritum calcantibus eam. Ego Dominus vocavi te in iustitia, et apprehendi manum tuam, et servavi te. Et dedi te in foedus populi, in lucem gentium : ut aperires oculos cæcorum, et educeres de conclusione vinctum, de domo carceris sedentes in tenebris.

R. Ecce. 195.

Lectio iij.

CANTATE Domino canticum novum, laus ejus ab extremis terræ : qui descenditis in mare, et plenitudo ejus, insulæ, et habitatores earum. Sublevetur desertum, et civitates ejus : in domibus habitabit Cedar : laudate habitatores Petræ, de vertice montium clamabunt. Ponent Domino gloriam, et laudem ejus in insulis nuntiabunt. Dominus sicut fortis egrediatur, sicut vir praeliator suscitabit zelum : vociferabitur, et clamabit : super inimicos suos confortabitur.

R. Virgo Israël revértere. 195.

Ad Bened. Ant. Consurge, consurge : * induere fortitudinem, brachium Domini.

Nisi dicenda sit Ant. Nolite. *vel Ant.* Ecce completa. 185.

Ad Magnif. Ant. O.

FERIA QUARTA

De Isaia Propheta.

Lectio j. Cap. 51.

AUDITE me, qui sequimini quod justum est, et queritis Dominum : attendite ad petram unde excisi estis, et ad cavernam laci, de qua præcisi estis. Attendite ad Abraham patrem vestrum, et ad Saram quæ peperit vos : quia unum vocavi eum, et benedixi ei, et multiplicavi eum. Consolabitur ergo Dominus Sion, et consolabitur omnes ruinas ejus : et ponet desertum ejus quasi delicias, et solitudinem ejus quasi hortum Domini. Gaudium et lætitia inveniatur in ea, gratiarum actio, et vox laudis.

R. Juravi. 195.

Lectio iij.

ATTENDITE ad me popule meus, et tribus mea me audite : quia lex a me exiit, et iudicium meum in lucem populorum requiescet. Prope est justus meus, egressus est salvator meus, et brachia mea populos judicabunt : me insulæ expectabunt, et brachium meum sustinebunt. Levate in cælum oculos vestros, et videte sub terra deorsum : quia cæli sicut fumus liquescent, et terra sicut vestimentum atteretur, et habitatores ejus sicut hæc interibunt : Salus autem mea in sempiternum

erit, et justitia mea non deficiet.

R. Non discédimus. 196.

Lectio iij.

AUDÍTE me qui scitis justum, pópulus meus, lex mea in corde eórum : nolite timére oppróbrium hóminum, et blasphémias eórum ne metuátis. Sicut enim vestiméntum, sic cómedet eos vermis : et sicut lanam, sic devorábit eos tinea : Salus autem mea in sempiternum erit, et justitia mea in generatiónes generatiónum.

R. Intuémini. 196.

Ad Bened. Ant. Ponam in Sion *salútem, et in Jerúsalem glóriam meam, allelúia.

Nisi dicenda sit Ant. Nolite. **vel Ant.** Ecce compléta. 185.

Ad Magnif. Ant. O.

FERIA QUINTA

De Isaia Prophéta.

Lectio j. Cap. 64.

UTINAM dirúmperes cælos, et descénderes : a fácie tua montes deflúerent. Sicut exústio ignis tabéscerent, aquæ ardérent igni, ut notum fieret nomen tuum inimicis tuis : a fácie tua gentes turbaréntur. Cum féceris mirabilia, non sustinébimus : descendisti, et a fácie tua montes defluxérunt. A sæculo non audiérunt, neque áuribus percepérunt : óculus non vidit, Deus absque te, quæ præparásti exspectántibus te.

R. Cánite tuba. 193.

Lectio ij.

OCCURRÍSTI lætánti, et faciénti justitiam : in viis tuis recordabúntur tui : ecce tu irátus es, et peccávimus : in ipsis fúimus semper, et salvábimur. Et facti sumus ut immúndus omnes nos, et quasi pannus menstruátæ univérsæ justitiæ nostræ : et cecidimus quasi fólium univérsi, et iniquitátes nostræ quasi ventus abstulérunt nos. Non est qui invocet nomen tuum : qui consúrgat, et téneat te : abscondisti faciém tuam a nobis, et assisti nos in manu iniquitátis nostræ.

R. Non auferétur. 193.

Lectio iij.

ET nunc Dómine pater noster es tu, nos verolutum : et fictor noster tu, et ópera mánuum tuárum omnes nos. Ne irascáris Dómine satis, et ne ultra memíneris iniquitátis nostræ : ecce réspice, pópulus tuus omnes nos. Civitas sancti tui facta est desérta, Sion desérta facta est, Jerúsalem desoláta est. Domus sanctificatiónis nostræ, et glóriæ nostræ, ubi laudavérunt te patres nostri, facta est in exustiónem ignis, et ómnia desiderabilia nostra versa sunt in ruínas.

R. Me opórtet. 194.

Ad Bened. Ant. Consolámini, consolámini, *pópule meus, dicit Dóminus Deus vester.

Nisi dicenda sit Ant. Ecce compléta. *ut infra.*

Ad Magnif. Ant. O.

FERIA SEXTA

De Isaia Prophéta.

Lectio j. Cap. 66. b

AUDÍTE verbum Dómini, qui trémitis ad verbum ejus : dixerunt fratres vestri odiéntes vos, et abjiciéntes propter nomen meum : Glorificétur Dóminus, et vidébitus in lætitia vestra : ipsi autem confundéntur. Vox pópuli de civitaté, vox de templo, vox Dómini reddéntis retributióem inimicis suis. Antequam parturiret, péperit : antequam veniret partus ejus, péperit másculum. Quis audivit unquam tale? et quis vidit huic simile? Numquid partúriet terra in die una? aut parietur gens simul, quia parturivit et péperit Sion filios suos?

R. Nascétur. 194.

Lectio ij.

NUMQUID ego, qui álios párrere fácio, ipse non párriam, dicit Dóminus? si ego, qui generatióem cæteris tribuo, stérilis ero, ait Dóminus Deus tuus? Lætámini cum Jerúsalem, et exsultáte in ea omnes qui diligitis eam : gaudéte cum ea gáudio univérsi, qui lugétis super eam, ut sugátis, et repleámini ab úbere consolatiónis ejus : ut mulgeátis, et deliciis affluátis ab omni-

moda glória ejus. Quia hæc dicit Dóminus : Ecce ego declinábo super eam quasi flúvium pacis, et quasi torrentem inundántem glóriam géntium, quam sugétis : ad úbera portabimini, et super gēna blandiéntur vobis.

R. Ecce. 195.

Lectio iij.

QUÓMODO si cui mater blandiátur, ita ego consolabor vos, et in Jerúsalem consolabimini. Vidébitis, et gaudébit cor vestrum, et ossa vestra quasi herba germinábunt, et cognoscétur manus Dómini servis ejus, et indignábitur inimicis suis. Quia ecce Dóminus in igne veniet, et quasi turbo quadrigæ ejus : réddere in indignatióne furórem suum, et increpationem suam in flamma ignis : quia in igne Dóminus dijudicábit, et in gládio suo ad omnem carnem, et multiplicabúntur interfecti a Dómino.

R. Virgo Israël. 195.

Ad Bened. Ant. Ecce compléta sunt* ómnia, quæ dicta sunt per Angelum de Virgine Maria.

Ad Magnif. Ant. O Emmánuel, Rex et légifer noster, exspectatio géntium, et Salvátor eárum : veni ad salvándum nos Dómine Deus noster.

Si Vigilia Nativitatis Domini venerit in Dominica, Officium sit hoc modo :

Ad Matutinum, Invit. de

Vigilia, Hódie sciétis. ut infra.

Hymnus de Adventu. Verbum supérnum. ut infra.

Ant., Pss., ŷŷ., Lect. et R̃R̃. in I. et II. Nocturno dicuntur de Dom. IV. Adventus. 193.

In III. Nocturno, Ant. et Pss. de Dom. 14. ŷŷ. de Vigilia, tres Lect. de Homilia Vigiliæ cum suis R̃R̃. : et non legitur Homil. Dom. pro ultima Lect. Laudes de Vigilia cum Commem. de Dominica. Similiter et per Horas celebratur Officium de Vigilia.

IN VIGILIA

NATIVITATIS DOMINI

AD MATUTINUM

Invit. Hódie sciétis, quia véniet Dóminus : * Et mane vidébitis glóriam ejus.

Ps. Venite, exsultémus. 2.

Hymnus.

VERBUM supérnum pródiens,

E Patris ætérni sinu

Qui natus orbi súbvenis,

Labénte cursu témporis :

Illúmina nunc pectora,

Tuóque amóre cóncrema,

Ut cor cadúca déserens

Cæli volúptas ímpleat :

Ut, cum tribúnal Júdicis

Damnábit igni nóxios,

Et vox amíca débitum

Vocábit ad cælum pios.

Non esca flammárum nígras

Volvámur inter túrbines,

Vultu Dei sed cómpotes
Cæli fruámur gáudiis.

Patri simúlque Filio,
Tibíque sancte Spiritus,
Sicut fuit, sit júgiter
Sæclum per omne glória.

Amen.

Ant. et Psalmi de Feria occur.

ŷ. Hódie sciétis, quia véniet Dóminus. R̃. Et mane vidébitis glóriam ejus.

Léctio sancti Evangélíi secúndum Matthæum.

Lectio j. Cap. 1. c.

CUM esset desponsáta mater Jesu Maria Joseph, ántequam convenirent, inventa est in útero habens de Spiritu sancto. Et reliqua.

Homilia sancti Hierónymi Presbíteri.

Lib. 1. Comment. in c. 1. Matth.

QUARE non de simplici virgine, sed de desponsáta concipitur? Primum, ut per generatióem Joseph, origo Mariæ monstrarétur : secúndo, ne lapidarétur a Judæis ut adúltera : tértio, ut in Ægýptum fúgiens habéret solátium. Martyr Ignátius étiam quartam áddidit causam, cur a desponsáta concéptus sit : Ut partus, inquiens, ejus celarétur diabolo, dum eum putat non de virgine, sed de uxóre generátum.

R̃. Sanctificámini hódie, et estóte paráti : quia die crástina vidébitis * Majestátem Dei in vobis. ŷ. Hódie

sciétis, quia véniet Dóminus, et mane vidébitis. Majestátem.

Lectio ij.

ANTEQUAM convenirent, inventa est in útero habens de Spíritu sancto. Non ab álío inventa est, nisi a Joseph, qui pene licéntia maritali futúrae uxóris ómnia nóverat. Quod áutem dicitur, Antequam convenirent: non séquitur ut póstea convenerint; sed Scriptúra quod factum non sit, osténdit.

R. Constantes estóte, vidébitis auxilium Dómini super vos: Judæa et Jerúsalem, nolite timére: * Cras egrediémini, et Dóminus erit vobiscum. **V.** Sanctificámini filii Israël, et estóte paráti. Cras egrediémini.

Lectio iij.

JOSEPH áutem vir ejus, cum esset justus, et nollet eam tradúcere, vóluit occúlte dimittere eam. Si quis fornicariæ conjúngitur, unum corpus efficitur, et in lege præcéptum est, non solum reos, sed et cóncios criminum obnóxios esse peccáti: quómodo Joseph, cum crimen celáret uxóris, justus scribitur? Sed hoc testimónium Mariæ est, quod Joseph sciens illius castitátem, et admirans quod evénerat, celat siléntio, cujus mystérium nesciébat.

R. Sanctificámini filii Israël, dicit Dóminus: die enim crástina descéndet Dóminus,

* Et áuferet a vobis omnem languórem. **V.** Crástina die delébitur iniquitas terræ, et regnabit super nos Salvátor mundi. Et. Glória Patri. Et.

Deinceps Offic. fit Duplex.

AD LAUDES

ET PER HORAS

Ant. 1. Judæa et Jerúsalem * nolite timére: cras egrediémini, et Dóminus erit vobiscum, allelúia.

Ps. Dóminus regnávít. **cum reliq. 18.**

2. Hódie sciétis * quia véniet Dóminus: et mane vidébitis glóriam ejus.

3. Crástina die * delébitur iniquitas terræ: et regnabit super nos Salvátor mundi.

4. Dóminus véniet, * occúrrite illi, dicéntes: Magnum principium, et regni ejus non erit finis: Deus, fortis, dominátor, princeps pacis, allelúia.

5. Crástina erit * vobis salus, dicit Dóminus Deus exercítuum.

Capitulum. Rom. 1.

PÁULUS servus Jesu Christi, vocátus Apóstolus, segregátus in Evangélium Dei, quod ante promiserat per prophétas suos in Scriptúris sanctis de Filio suo, qui factus est ei ex sémine David secúndum carnem.

Hymnus.

EN clara vox redárguit Obscúra quæque, personans:

Procul fugéntur sómnia: Ab alto Jesus prómicat.

Mensjam resúrgattórpida,
Non ámplius jacens humi :
Sidus refúlget jam novum,
Ut tollat omne nóxium.

En Agnus ad nos mittitur
Laxáre gratis débitum :
Omnes simul cum lácrymis
Precémur indulgéntiam.

Ut, cum secúndo fúlserit,
Metúque mundum cínxerit,
Non pro reátu púniat,
Sed nos pius tunc prótegat.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula. Amen.

Ÿ. Crástina die delébitur
iniquitas terræ. R. Et regná-
bit super nos Salvátor mundi.

Ad Bened. Ant. Oriétur
sicut sol Salvátor mundi : et
descéndet in úterum Virgi-
nis, sicut imber super gra-
men, allelúia.

Oratio.

DEUS, qui nos redempti-
onis nostræ ánnua exspe-
ctatióne lætíficas : præsta ;
ut Unigénitum tuum, quem
Redemptórem læti suscipi-
mus, veniéntem quoque jú-
dicem secúri videámus, Dó-
minum nostrum Jesum Chri-
stum Filium tuum : Qui
tecum vivit.

Et dicitur per Horas diei.

Prima dicitur sicut in Du-
plici., et ad Absolutionem
Capituli dicitur Capit. Nonæ.

AD TERTIAM

Ant. Hódie sciétis.

Capitulum. Páulus servus.
R. br. Hódie sciétis, * Quia
veniet Dóminus. Hódie. Ÿ.
Et mane vidébitis glóriam
ejus. Quia. Glória. Hódie.

Ÿ. Constanles estóte. R.
Vidébitis auxiliium Dómini
super vos.

AD SEXTAM

Ant. Crástina die.

Capitulum. Rom. 1.

QUI prædestinátus est Fi-
lius Dei in virtúte secún-
dum spíritum sanctificatió-
nis, ex resurrectione mor-
tuórum Jesu Christi Dómini
nostri.

R. br. Crástina die * Delé-
bitur iniquitas terræ. Crá-
stina. Ÿ. Et regnábit super
nos Salvátor mundi. Delé-
bitur. Glória Patri. Crástina.

Ÿ. Crástina erit vobis sa-
lus. R. Dicit Dóminus Deus
exercítuum.

AD NONAM

Ant. Crástina erit.

Capitulum. Rom. 1.

PER quem accépinus grá-
tiam, et apostolátum ad
obediéndum fidei in ómnibus
géntibus pro nómine ejus,
in quibus estis et vos vocáti
Jesu Christi Dómini nostri.

R. br. Crástina * Erit vo-
bis salus. Crástina. Ÿ. Dicit
Dóminus Deus exercítuum.
Erit. Glória Patri. Crástina.

Ÿ. Crástina die delébitur
iniquitas terræ. R. Et regná-
bit super nos Salvátor mundi.



IN NATIVITATE DOMINI

Duplex 1. classis.

IN I. VESPERIS

Ant. 1. Rex pacíficus magnificátus est, cujus vultum desiderat univérſa terra.

Psalmi ut in I. Vesp. de Comm. Apost. 2*.

2. Magnificátus est Rex pacíficus super omnes reges univérſæ terræ.

3. Compléti sunt dies Mariæ, ut páreret Filium suum primogénitum.

4. Scitóte quia prope est regnum Dei : amen dico vobis, quia non tardábit.

5. Leváte cápita vestra : ecce appropínquat redemptio vestra.

Capitulum. Tit. 3. b

APPÁRUIT benignitas, et humanitas Salvatóris nostri Dei : non ex opéribus justitiæ, quæ fécimus nos, sed secúndum suam misericórdiam salvos nos fecit.

Hymnus.

JESU Redemptor ómnium, Quem lucis ante originem Parem patrénæ glóriæ Pater suprémus édedit.

Tu lumen, et splendor Patris,
Tu spes perénis ómnium,
Inténde quas fundunt preces
Tui per orbem sérvuli.

Meménto, rerum Cónditor,

Nostri quod olim córporis, Sacráta ab alvo Virginitatis
Nascéndo, formam sumpseris.

Testátur hoc præsens diés,
Curréns per anni círculum,
Quod solus e sinu Patris
Mundi salus advéneris.

Hunc astra, tellus, æquora,

Hunc omne quod cælo subest,
Salútis Auctórem novæ
Novo salútat cántico.

Et nos, beáta quos sacri
Rigávit unda ságuinis;
Natális ob diem tui
Hymni tribútum sólvimus.

Jesu tibi sit glória,
Qui natus es de Virgine,
Cum Patre, et almo Spíritu,
In sempitérna sæcula.

Amen.

**Sic terminantur omnes
Hymni ejusdem metri usque
ad Epiphaniam.**

Ÿ. Crástina die delébitur iniquitas terræ. **R.** Et regnabit super nos Salvátor mundi.

Ad Magnif. Ant. Cum ortus fúerit sol de cælo, vidébitis Regem regum procedéntem a Patre, tamquam sponsum de thálamo suo.

Oratio.

CONCÉDE, quæsumus omnípotens Deus : ut nos Unigéniti tui nova per carnem Nativitas liberet; quos sub peccáti iugo vetústa sérvitus tenet. Per eúmdem Dóminum.

AD MATUTINUM

Invit. Christus natus est nobis : * Venite, adorémus.

Ps. Venite, exsultémus. 2.

Hymn. Jesu Redémptor. **ut supra.** 205.

IN I. NOCTURNO

Ant. Dóminus dixit * ad me : Filius meus es tu, ego hódie génui te.

Psalms 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, *

et possessiónem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudímini qui judicátis terram.

Servite Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Dóminus dixit ad me : Filius meus es tu, ego hódie génui te.

Ant. Tamquam sponsus * Dóminus procédens de thálamo suo.

Psalms 18.

CÆLI enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti indicat sciéntiam.

Non sunt loquelæ, neque sermónes, * quorum non audiántur voces eórum.

In omnem terram exivit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad

summum ejus : * nec est qui se abscondat a calore ejus.

Lex Domini immaculata, convertens animas : * testimonium Domini fidele, sapientiam præstans parvulis.

Justitiæ Domini rectæ, lætificantes corda : * præceptum Domini lucidum, illuminans oculos.

Timor Domini sanctus, permanens in sæculum sæculi : * judicia Domini vera, justificata in semetipsa.

Desiderabilia super aurum et lapidem pretiosum multum : * et dulciora super mel et favum.

Etenim servus tuus custodit ea, * in custodiendis illis retributio multa.

Delicta quis intelligit? ab occultis meis munda me : * et ab aliënis parce servo tuo.

Si mei non fuerint dominati, tunc immaculatus ero : * et emundabor a delicto maximo.

Et erunt ut complacent eloquia oris mei : * et meditatio cordis mei in conspectu tuo semper.

Domine adjutor meus, * et redemptor meus.

Ant. Tamquam sponsus Dominus procedens de thalamo suo.

Ant. Diffusa est * gratia in labiis tuis, propterea benedixit te Deus in ætërum.

Psalmus 44.

ERUCTAVIT cor meum verbum bonum : * dico ego opera mea Regi.

Lingua mea calamus scribæ, * velociter scribentis.

Speciosus forma præ filiis hominum, diffusa est gratia in labiis tuis : * propterea benedixit te Deus in ætërum.

Accingere gladio tuo super femur tuum, * potentissime.

Specie tua et pulchritudine tua * intende, prospere procede, et regna.

Propter veritatem, et mansuetudinem, et justitiam : * et deducet te mirabiliter dextera tua.

Sagittæ tuæ acutæ, populi sub te cadent, * in corda inimicorum Regis.

Sedes tua Deus in sæculum sæculi : * virga directionis virga regni tui.

Dilexisti justitiam, et odisti iniquitatem : * propterea unxit te Deus, Deus tuus oleo lætitiæ præ consortibus tuis.

Myrrha, et gutta, et casia a vestimentis tuis, a domibus eburneis : * ex quibus delectaverunt te filiæ regum in honore tuo.

Adstitit regina a dextris tuis in vestitu deaurato : * circumdata varietate.

Audi filia, et vide, et inclina aurem tuam : * et obliviscere populum tuum, et domum patris tui.

Et concupiscet Rex decorem tuum : * quoniam ipse est Dominus Deus tuus, et adorabunt eum.

Et filiæ Tyri in muneri-

bus * vultum tuum deprecabuntur : omnes divites plebis.

Omnis glória ejus filiæ Regis ab intus, * in fimbriis áureis circumamicta varietatibus.

Adducéntur Regi virgines post eam : * próximæ ejus afferéntur tibi.

Afferéntur in lætitia et exultatióne : * adducéntur in templum Regis.

Pro pátribus tuis nati sunt tibi filii : * constitues eos principes super omnem terram.

Mémores erunt nóminis tui : * in omni generatióne et generatióne.

Proptérea pópuli confitebuntur tibi in ætérnum : * et in sæculum sæculi.

Ant. Diffúsa est grátia in lábiis tuis, proptérea benedixit te Deus in ætérnum.

Y. Tamquam sponsus. **R.** Dóminus procedens de thálamo suo.

Pater noster.

Absolutio. Exáudi Dómine. **Y.** Jube domne.

Bened. Benedictióne perpétua.

Tres sequentes Lectiones Isaiaë leguntur sine titulo.

Lectio j. Cap. 9.

PRIMO témpore alleviáta est terra Zábulon, et terra Néphthali : et novissimo aggraváta est via maris trans Jordánem Galilææ Géntium. Pópulus qui ambulábat in ténebris, vidit lucem ma-

gnam : habitántibus in regióne umbræ mortis, lux orta est eis. Multiplicásti gentem, et non magnificásti lætítiam. Lætábuntur coram te, sicut qui lætántur in messe, sicut exsúltant victóres capta præda, quando dividunt spólia. Jugum enim óneris ejus, et virgam húmeri ejus, et sceptrum exactóris ejus superásti sicut in die Mádian. Quia omnis violénta prædatiо cum tumultu, et vestiméntum mixtum sáanguine, erit in combustiоnem, et cibus ignis. Párvulus enim natus est nobis, et filius datus est nobis, et factus est principátus super húmerum ejus : et vocábitur nomen ejus Admirábilis, Consiliárius, Deus, Fortis, Pater futúri sæculi, Princeps pacis. .

R. Hódie nobis cælórum Rex de Virgine nasci dignátus est, ut hóminem pérditum ad cæléstia regna revocáret : * Gáudet exércitus Angelórum : quia salus ætérna humáno géneri appáruit. **Y.** Glória in excélsis Deo, et in terra pax hominibus bonæ voluntátis. Gáudet. Glória Patri.

Et repetitur R. Hódie nobis. **usque ad Y.** Glória in excélsis.

Bened. Unigénitus Dei Fílius.

Lectio ij. Cap. 40.

CONSOLÁMINI, consolámini pópule meus, dicit Deus

vester. Loquimini ad cor Jerúsalem, et advocáte eam: quóniam compléta est malitia ejus, dimissa est iniquitas illius: suscepit de manu Dómini duplícia pro ómnibus peccátis suis. Vox clamántis in desérto: Paráte viam Dómini, rectas fácite in solitúdine sémitas Dei nostri. Omnis vallis exaltábitur, et omnis mons et collis humiliábitur: et erunt prava in dirécta, et áspera in vias planas. Et revelábitur glória Dómini: et vidébit omnis caro páriter quod os Dómini locútum est. Vox dicéntis: Clama. Et dixi: Quid clamábo? Omnis caro fœnum, et omnis glória ejus quasi flos agri. Exsiccátum est fœnum, et cécidit flos: quia spiritus Dómini sufflávít in eo. Vere fœnum est pópulus: exsiccátum est fœnum, et cécidit flos: Verbum áutem Dómini nostri manet in ætérnum.

R. Hódie nobis de cælo pax vera descéndit: * Hódie per totum mundum melliflui facti sunt cæli. **V.** Hódie illúxit nobis dies redemptionis novæ, reparatiónis antiquæ, felicitátis æternæ. Hódie.

Bened. Spiritus sancti grátia.

Lectio iij. Cap. 52.

CONSÚRGE, consúrge, indúere fortitúdine tua Sion, indúere vestiméntis glóriæ tuæ Jerúsalem civi-

tas sancti: quia non adjíciet ultra ut pertránseat per te incircumcísus et immúndus. Excútere de púlvere, consúrge, sede Jerúsalem: solve víncula colli tui, captíva filia Sion. Quia hæc dicit Dóminus: Gratis venúndati estis, et sine argénto redimémini. Quia hæc dicit Dóminus Deus: In Ægýptum descéndit pópulus meus in principio, ut colónus esset ibi: et Assur absque ulla cáusâ calumniátus est eum. Et nunc quid mihi est hic, dicit Dóminus, quóniam ablátus est pópulus meus gratis? Dominatóres ejus inique agunt, dicit Dóminus: et júgiter tota die nomen meum blasphemátur. Propter hoc sciet pópulus meus nomen meum, in die illa: quia ego ipse qui loquébar, ecce adsum.

R. Quem vidistis pastóres? dicite, annuntiáte nobis, in terris quis appáruit? * Natum vidimus, et choros Angelórum collaudántes Dóminum.

V. Dicite, quidnam vidistis? et annuntiáte Christi nativitátem. Natum. Glória Patri. Natum.

IN II. NOCTURNO

Ant. Suscépimus * Deus misericórdiam tuam in médio templi tui.

Psalmus 17.

MAGNUS Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne uniuersæ terræ mons Sion, * látera Aquilónis, ciuitas regis magni.

Deus in dómibus ejus cognoscétur, * cum suscipiet eam.

Quóniam ecce reges terræ congregáti sunt : * conuenérunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis : * in spiritu veheménti cónteres naves Tharsis.

Sicut audíuimus, sic vidimus in ciuitáte Dómini virtútum, in ciuitáte Dei nostri : * Deus fundáuit eam in ætérnum.

Suscépinus Deus misericórdiam tuam, * in médio templi tui.

Secúndum nomen tuum Deus, sic et laus tua in fines terræ : * iustitia plena est délixtera tua.

Lætétur mons Sion, et exsúltent filiæ Judæ, * propter iudicia tua Dómine.

Circúmdate Sion, et compectimini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáeculum sáeculi : * ipse reget nos in sáecula.

Ant. Suscépinus Deus mi-

sericórdiam tuam in médio templi tui.

Ant. Oriétur * in diébus Dómini abundántia pacis, et dominábitur.

Psalms 71.

DEUS iudícium tuum regi da : * et iustítiam tuam filio regis :

Judicáre pópulum tuum in iustitia, * et páuperes tuos in iudicio.

Suscipiant montes pacem pópulo : * et colles iustítiam.

Judicábit páuperes pópuli, et saluos fáciét filios páuperum : * et humiliábit calumniatórem.

Et permanébit cum sole, et ante lunam, * in generatióne et generatióne.

Descéndet sicut plúvia in vellus : * et sicut stillicidia stillántia super terram.

Oriétur in diébus ejus iustitia, et abundántia pacis : * donec auferátur luna.

Et dominábitur a mari usque ad mare : * et a flúmine usque ad términos orbis terrárum.

Coram illo prócident Æthiopes : * et inimíci ejus terram lingent.

Reges Tharsis, et insulæ múnera ófferent : * reges Arabum et Saba dona addúcent :

Et adorábunt eum omnes reges terræ : * omnes gentes sérvient ei :

Quia liberábit páuperem a poténte : * et páuperem, cui non erat adjútor.

Parcet páuperi et inopi : *
et ánimas páuperum salvas
fáciét.

Ex usúris et iniquitáte
rédi met ánimas eórum : * et
honorá bile nomen eórum
coram illo.

Et vivet, et dábitur ei de
áuro Arábiæ, et adorábunt
de ipso semper : * tota die
benedicent ei.

Et erit firmaméntum in
terra in summis móntium,
superextollétur super Líba-
num fructus ejus : * et floré-
bunt de civitáte sicut fœnum
terræ.

Sit nomen ejus benedi-
ctum in sœcula : * ante solem
pérmanet nomen ejus.

Et benedicéntur in ipso
omnes tribus terræ : * omnes
gentes magnificábunt eum.

Benedictus Dóminus Deus
Israël, * qui facit mirabilia
solus :

Et benedictum nomen ma-
jestátis ejus in ætérnum : *
et replébitur majestáte ejus
omnis terra : fiat, fiat.

Ant. Oriétur in diébus
Dómini abundántia pacis,
et dominábitur.

Ant. Véritas de terra * orta
est, et justítia de cælo pro-
spéxit.

Psalmus 81.

BENEDIXISTI Dómine ter-
ram tuam : * avertisti
captivitátem Jacob.

Remisisti iniquitátem ple-
bis tuæ : * operuisti ómnia
peccáta eórum.

Mitigásti omnem iram tu-

am : * avertisti ab ira indi-
gnatiónis tuæ.

Convérte nos Deus salutá-
ris noster : * et avérte iram
tuam a nobis.

Numquid in ætérnum ira-
scéris nobis? * aut extédes
iram tuam a generatióne in
generatióne?

Deus tu convérsus vivifi-
cábis nos : * et plebs tua læ-
tábitur in te.

Osténde nobis Dómine
misericórdiam tuam : * et
salutáre tuum da nobis.

Audiam quid loquátur in
me Dóminus Deus : * quó-
niam loquétur pacem in ple-
bem suam.

Et super sanctos suos : *
et in eos, qui convertúntur
ad cor.

Verúmtamen prope timén-
tes eum salutáre ipsíus : *
ut inhábitet glória in terra
nostra.

Misericórdia, et véritas
obviavérunt sibi : * justítia,
et pax osculátæ sunt.

Véritas de terra orta est : *
et justítia de cælo prospé-
xit.

Etenim Dóminus dabit be-
nignitátem : * et terra nostra
dabit fructum suum.

Justítia ante eum ambu-
lábit : * et ponet in via gres-
sus suos.

Ant. Véritas de terra orta
est, et justítia de cælo pro-
spéxit.

Ŷ. Speciósus forma præ
filiis hóminum. *Ŕ.* Diffúsa
est grátia in lábiis tuis.

Pater noster.

Absolutio. Ipsius pietas.
v. Jube domne benedicere.

Bened. Deus Pater omnipotens.

Sermo sancti Leónis

Papæ.

Serm. 1. de Nativ. Domini.

Lectio iv.

SALVATOR noster, dilectissimi, hodie natus est : gaudeamus. Neque enim fas est locum esse tristitiæ, ubi natalis est vitæ : quæ consumpto mortalitatis timore, nobis ingerit de promissa æternitate lætitiā. Nemo ab hujus alacritatis participatione secernitur. Una cunctis lætitiæ communis est ratio : quia Dominus noster peccati mortisque destructor, sicut nullum a reatu liberum reperit, ita liberandis omnibus venit. Exsultet sanctus, quia appropinquat ad palmam : gaudeat peccator, quia invitatur ad veniam : animetur Gentilis, quia vocatur ad vitam. Dei namque Filius secundum plenitudinem temporis, quam divini consilii inscrutabilis altitudo disposuit, reconciliandam auctori suo naturam generis assumpsit humani, ut inventor mortis diabolus, per ipsam, quam vicerat, vinceretur.

R. O magnum mysterium, et admirabile sacramentum, ut animalia viderent Dominum natum, jacentem in præsepio : * Beata Virgo, cu-

jus viscera meruerunt portare Dominum Christum. **v.** Ave Maria, gratia plena : Dominus tecum. Beata.

Bened. Christus perpetuæ.

Lectio v.

IN quo conflictu pro nobis inito, magno et mirabili æquitatis jure certatum est, dum omnipotens Dominus cum sævissimo hoste non in sua majestate, sed in nostra congréditur humilitate : obijciens ei eandem formam, eandemque naturam, mortalitatis quidem nostræ participem, sed peccati totius expertem. Alienum quippe ab hac nativitate est, quod de omnibus légitur : Nemo mundus a sorde, nec infans, cujus est unius diæi vita super terram. Nihil ergo in istam singularem nativitatem de carnis concupiscéntia transivit, nihil de peccati lege manavit. Virgo régia Davidicæ stirpis eligitur, quæ sacro gravidanda foetu, divinam humanamque prolem prius conciperet mente, quam corpore. Et ne supérni ignára consilii ad inusitados pavéret affatus, quod in ea operandum erat a Spiritu sancto, colloquio discit angelico : nec damnum credit pudoris, Dei Génitrix mox futura.

R. Beata Dei Génitrix Maria, cujus viscera intacta permanent : * Hódie genuit Salvatorem sæculi. **v.** Beata, quæ credidit : quoniam per-

fēcta sunt ómnia, quæ dicta sunt ei a Dómino. Hódie.

Bened. Ignem sui amoris.

Lectio vj.

A GÁMUS ergo, dilectissimi, grátias Deo Patri, per Fílium ejus in Spíritu sancto : qui propter multam caritatem suam, qua diléxit nos, misértus est nostri : et cum essémus mórtui peccátis, convivificávit nos Christo, ut essémus in ipso nova creatúra, novúmque figmētum. Deponámus ergo véterem hóminem cum áctibus suis : et adépti participatió-nem generatiónis Christi, carnis renuntiémus opéribus. Agnósce, o Christiáne, dignitatem tuam : et divínæ consors factus natúræ, noli in véterem vilitatem degeneri conversatióne redire. Meménto, cujus cápitis et cujus córporis sis membrum. Reminíscere, quia érutus de potestate tenebrarum, translátus es in Dei lumen et regnum.

R. Sancta et immaculáta virginitas, quibus te láudibus éfferam néscio : * Quia quem cæli cápere non póterant, tuo grémio contulisti.

V. Benedicta tu in mulieribus, et benedictus fructus ventris tui. Quia. Glória. Quia.

IN III. NOCTURNO

Ant. Ipse invocábit * me, allelúia : Pater meus es tu, allelúia.

Psalmus 88.

MISERICÓRDIAS Dómini * in ætérnum cantábo.

In generatió-nem et generatió-nem * annuntiábo veritatem tuam in ore meo.

Quóniam dixisti : In ætérnum misericórdia ædificábitur in cælis : * præparábitur véritas tua in eis.

Dispósui testamētum electis meis, jurávi David servo meo : * usque in ætérnum præparábo semen tuum.

Et ædificábo in generatió-nem, et generatió-nem * sedem tuam.

Confitebúntur cæli mirabilia tua Dómine : * étenim veritatem tuam in ecclésia sanctórum.

Quóniam quis in núbibus æquábitur Dómino : * similis erit Deo in filiis Dei?

Deus, qui glorificá-tur in consilio sanctórum : * magnus et terribilis super omnes qui in circúitu ejus sunt.

Dómine Deus virtútum quis similis tibi? * potens es Dómine, et véritas tua in circúitu tuo.

Tu domináris potestáti maris : * motum áutem flúctuum ejus tu mítigas.

Tu humiliásti sicut vulnerátum, supérbum : * in bráchio virtútis tuæ dispersisti inimicos tuos.

Tui sunt cæli, et tua est terra, orbem terræ et plenitudinem ejus tu fundásti : * Aquilónem, et mare tu creásti.

Thabor et Hermon in nómine tuo exsultábunt : * tuum bráchium cum poténtia.

Firmétur manus tua, et exaltétur dextera tua : * justitia et judicium præparatio sedis tuæ.

Misericórdia et véritas præcédent faciém tuam : * beátus pópulus, qui scit jubilatió-nem.

Dómine, in lúmine vultus tui ambulábunt, et in nómine tuo exsultábunt tota die : * et in justitia tua exaltabúntur.

Quóniam glória virtútis eórum tu es : * et in beneplácito tuo exaltábitur cornu nostrum.

Quia Dómini est assúptio nostra : * et sancti Israél regis nostri.

Tunc locútus es in visióne sanctis tuis, et dixisti : * Pó-sui adjutórium in poténte : et exaltávi eléctum de plebe mea.

Invéni David servum meum : * óleo sancto meo unxi eum.

Manus enim mea auxiliábitur ei : * et bráchium meum confortábit eum.

Nihil proficiet inimicus in eo, * et filius iniquitátis non appónet nocére ei.

Et concidam a facië ipsius inimicos ejus : * et odiétes eum in fugam convértam.

Et véritas mea, et misericórdia mea cum ipso : * et in nómine meo exaltábitur cornu ejus.

Et ponam in mari manum

ejus : * et in fluminibus dexteram ejus.

Ipse invocábit me : Pater meus es tu : * Deus meus, et suscëptor salutis meæ :

Et ego primogénitum ponam illum * excélsam prærégibus terræ.

In ætérnum servábo illi misericórdiam meam : * et testaméntum meum fidéle ipsi.

Et ponam in sæculum sæculi semen ejus : * et thronum ejus sicut dies cæli.

Si áutem dereliquerint filii ejus legem meam : * et in judiciis meis non ambuláverint :

Si justitias meas profanáverint : * et mandáta mea non custodierint :

Visitábo in virga iniquitátes eórum : * et in verbéribus peccáta eórum.

Misericórdiam áutem meam non dispérgam ab eo : * neque nocébo in veritáte mea :

Neque profanábo testaméntum meum : * et quæ procédunt de lábiis meis, non faciám irrita.

Semel jurávi in sancto meo, si David méntiar : * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum : et testis in cælo fidélis.

Tu vero repulisti et despexisti : * distulisti christum tuum.

Evertisti testaméntum servi tui : * profanásti in terra sanctuárium ejus.

Destruxisti omnes sepes ejus : * posuisti firmaméntem ejus formídinem.

Diripuérunt eum omnes transeúntes viam : * factus est oppróbrium vicinis suis.

Exaltásti dexteram depri-méntium eum : * lætificásti omnes inimicos ejus.

Avertisti adjutórium gládii ejus : * et non es auxiliátus ei in bello.

Destruxisti eum ab emundatióne : * et sedem ejus in terram collisísti.

Minorásti dies témporis ejus : * perfudisti eum confusióne.

Usquequo Dómine avértis in finem : * exardéscet sicut ignis ira tua?

Memoráre quæ mea sub-stántia : * numquid enim vane constituísti omnes filios hóminum?

Quis est homo , qui vivet , et non vidébit mortem : * éruet ánimam suam de manu inferi?

Ubi sunt misericórdiæ tuæ antiquæ Dómine , * sicut jurásti David in veritáte tua?

Memor esto Dómine oppróbrii servórum tuórum * (quod continui in sinu meo) multárum géntium.

Quod exprobravérunt inimici tui Dómine : * quod exprobravérunt commutatió-nem christi tui.

Benedictus Dóminus in ætérnum : * fiat , fiat.

Ant. Ipse invocábit me , allelúia : Pater meus es tu , allelúia.

Ant. Læténtur cæli , * et exsúltet terra ante faciém Dómini , quóniam venit.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino , et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus , * in ómnibus pópulis mirabilia ejus.

Quóniam magnus Dóminus , et laudábilis nimis : * terribilis est super omnes deos.

Quóniam omnes dii géntium dæmónia : * Dóminus áutem cælos fecit.

Conféssio , et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino pátriæ géntium , afférte Dómino glóriam et honórem : * afférte Dóminoglóriam nóminiejus.

Tóllite hóstias , et introite in átria ejus : * adoráte Dóminum in átrio sancto ejus.

Commovéatur a fácie ejus univér-sa terra : * dicite in géntibus quia Dóminus regnávít.

Etenim corréxit orbem terræ qui non commovébatur : * judicábit pópulos in æquitáte.

Læténtur cæli, et exsúltet terra, commoveátur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit iudicáre terram.

Judicábit orbem terræ in æquitáte, * et pópulos in veritáte sua.

Ant. Læténtur cæli, et exsúltet terra ante fáciem Dómini, quóniam venit.

Ant. Notum fecit * Dóminus, allelúia, salutáre suum, allelúia.

Psalmus 97.

CANTÁTE Dómino cánticum novum : * quia mirabilia fecit.

Salvávitsibi délixtera ejus : * et bráchium sanctum ejus.

Notum fecit Dóminus salutáre suum : * in conspéctu géntium revelávit justitiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cithara, in cithara et voce psalmi : * in tubis ductilibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : * quóniam venit iudicáre terram.

Judicábit orbem terrárum in justitia, * et pópulos in æquitáte.

Ant. Notum fecit Dóminus, allelúia, salutáre suum, allelúia.

Ÿ. Ipse invocábit me, allelúia. **Ŕ.** Pater meus es tu, allelúia.

Pater noster.

Absolutio. A vñculis.

Ÿ. Jube domne benedicere.

Bened. Evangélica léctio sit nobis salus et protéctio.

Ŕ. Amen.

Léctio sancti Evangélii scúndum Lucam.

Leetio vij. Cap. 2.

IN illo témpore : Exiit edictum a Cæsare Augústo, ut describerétur univérsus orbis. Et réliqua.

Homilia sancti Gregórii Papæ.

Homilia 8. in Evangelia.

QUIA largiénte Dómino, Missárum solémnia ter hódie celebratúri sumus, loqui diu de evangélica leetióne non póssumus : sed nos áliquid vel bréviter dicere, Redemptóris nostri nativitas ipsa compéllit. Quid est enim, quod nascitúro Dómino mundus describitur, nisi hoc, quod apérte monstrátur, quia ille apparébat in carne, qui eléctos suos adscriberet in æterni-

táte? Quo contra de réprobis per prophétam dicitur : Deleántur de libro vivéntium, et cum justis non scribántur. Qui bene étiam in Béthlehem náscitur. Béthlehem quippe Domus panis interpretátur. Ipse namque est, qui ait : Ego sum panis vivus, qui de cælo descénderé. Locus ergo, in quo Dóminus náscitur, domus panis ántea vocátus est : quia futúrum profecto erat, ut ille ibi per matériam carnis apparéret, qui electórum mentes intérra satietáte reficeret. Qui non in paréntum domo, sed in via náscitur : ut profecto osténderet, quia per humanitátem suam, quam assúmpserat, quasi in aliéno nascebátur.

R. Beáta viscera Mariæ Virginis, quæ portavérunt ætérni Patris Filium : et beáta úbera, quæ lactavérunt Christum Dóminum : * Qui hódie pro salúte mundi de Virgine nasci dignátus est. **V.** Dies sanctificátus illúxit nobis : veníte gentes, et adoráte Dóminum. Qui.

V. Jube domne benedicere.

Bened. Per Evangélica dicta deleántur nostra delícta.

R. Amen.

Léctio sancti Evangélíi secúndum Lucam.

Lectio viij. Cap. 2. b

IN illo témpore : Pastóres illoquebántur ad invicem : Transeámus usque Béthlehem, et videámus hoc verbum, quod factum est, quod

Dóminus osténdit nobis. Et reliqua.

Homília sancti Ambrósii
Episcopi.

**Lib. 2. in cap. 2. Lucæ,
circa medium.**

VIDÉTE Ecclésiæ surgéntis exórdium. Christus náscitur, et pastóres vigiláre cœpérunt : qui géntium greges, pécudum modo ante vivéntes, in cáulam Dómini congregárent, ne quos spiritalium bestiárum, per offúsas nóctium ténebras pate-réntur incúrsus. Et bene pastóres vigilant, quos bonus pastor infórmát. Grex igitur pópulus, nox sæculum, pastóres sunt sacerdótes. Aut fortásse étiam ille sit pastor, cui dicitur : Esto vigilans, et confírma. Quia non solum episcopos ad tuéndum gregem Dóminus ordinávit, sed étiam Angelos destinávit.

R. Verbum caro factum est, et habitávit in nobis : * Et vídimus glóriam ejus, glóriam quasi Unigéniti a Patre, plenum grátiae et veritátis. **V.** Omnia per ipsum facta sunt, et sine ipso factum est nihil. Et. Glória Patri. Et.

V. Jube domne benedicere.

Bened. Verba sancti Evangélíi dóceat nos Christus Filius Dei. **R.** Amen.

Léctio sancti Evangélíi secúndum Joánnem.

Lectio ix. Cap. 1.

IN princípio erat Verbum, et Verbum erat apud De-

um, et Deus erat Verbum.
Et reliqua.

Homilia sancti Augustini
Episcopi.

Tract. 1. in Joan., circa med.

NE vile aliquid putares
quale consuevisti cogi-
tare, cum verba humana so-
lères audire, audi quid cogi-
tes. Deus erat Verbum. Exeat
nunc nescio quis infidelis
Arianus, et dicat, quia Ver-
bum Dei factum est. Quó-
modo potest fieri, ut Verbum
Dei factum sit, quando Deus
per Verbum fecit omnia? Si
et Verbum Dei ipsum factum
est; per quod aliud verbum
factum est? Si hoc dicis,
quia hoc est verbum Verbi,
per quod factum est illud :
ipsum dico ego unicum Fi-
lium Dei. Si autem non dicis
verbum Verbi, concede non
factum, per quod facta sunt
omnia. Non enim per se-
ipsum fieri potuit, per quod
facta sunt omnia. Crede ergo
Evangelistæ.

Deinde dicitur Hymnus
Te Deum laudamus. 17.

Quo finito, dicitur

V. Dóminus vobiscum. R.
Et cum spiritu tuo.

Oratio Concede, quæsu-
mus. ut infra in Laud. 219.

Et dicto Benedicamus Dó-
mino. celebratur prima Missa
post mediam noctem, ut in
Ordinario : qua finita, di-
cuntur Laudes.

AD LAUDES

ET PER HORAS

Ant. 1. Quem vidistis *

pastóres? dicite, annuntiáte
nobis, in terris quis appá-
ruit? Natum vidimus, et
choros Angelórum collau-
dantes Dóminum, allelúia,
allelúia.

Ps. Dóminus regnavit. cum
reliq. 18.

2. Genuit puérpera * Re-
gem, cui nomen ætérnum, et
gáudia matris habens cum
virginitátis honóre : nec pri-
mam símilem visa est, nec
habére sequéntem, allelúia.

3. Angelus ad pastóres *
ait : Annúntio vobis gáu-
dium magnum : quia natus
est vobis hódie Salvátor
mundi, allelúia.

4. Facta est cum Angelo *
multitúdo cæléstis exércitus
laudántium Deum, et dicén-
tium : Glória in excélsis Deo,
et in terra pax hominibus
bonæ voluntátis, allelúia.

5. Párvulus fílius * hódie
natus est nobis, et vocábitur
Deus, fortis, allelúia, allelúia.

Capitulum. Hebr. 1.

MULTIFÁRIAM, multisque
modis olim Deus loquens
pátribus in prophétis : novís-
sime diébus istis locútus est
nobis in Filio, quem consti-
tuit herédem universórum,
per quem fecit et sæcula.

Hymnus.

ASOLIS ortus cárdine
Ad usque terræ litem,
Christum canamus Princi-
pem,
Natum María Virgine.

Beátus áuctor sæculi
Servile corpus induit :

Ut carne carnem liberans,
Ne pérderet quos cóndidit.

Castæ Paréntis viscera
Cæléstis intrat grátia :
Venter Puéllæ bájulat
Secréta, quæ non nóverat.

Domus pudici pectoris
Templum repénite fit Dei :
Intácta nésciens virum,
Concépit alvo Filium.

Enítitur puérpera,
Quem Gábriel prædixerat,
Quem ventre Matris géstiens,
Baptista cláusum sénserat.

Fœno jacére pértulit :
Præsépe non abhórruit :
Et lacte módico pastus est,
Per quem nec ales ésurit.

Gáudet chorus cæléstium,
Et Angeli canunt Deo ;
Palámque fit pastóribus
Pastor, Créator ómnium.

Jesu tibi sit glória,
Qui natus es de Virgine,
Cum Patre, et almo Spiritu,
In sempitérna sæcula.

Amen.

Ÿ. Notum fecit Dóminus,
allelúia. *R.* Salutare suum,
allelúia.

Ad Bened. Ant. Glória in
excélsis Deo, * et in terra
pax hominibus bonæ volun-
tátis, allelúia, allelúia.

Oratio.

CONCÉDE, quæsumus omni-
potens Deus : ut nos Uni-
géniti tui nova per carnem
Nativitas liberet, quos sub
peccáti iugo vetústa sérvitus
tenet. Per eúmdem Dñum.

*Summo mane dicitur Pri-
ma, qua finita, celebratur
secunda Missa in Aurora, et*

*in ea fit Commemoratio de
sancta Anastasia Martyre.*

AD PRIMAM

Ant. Quem vidístis.

Capit. Regisæculórum. 38.

R. br. Christe, Fili Dei
vivi, * Miserére nobis. *Ÿ.* Qui
natus es de María Virgine.

*Et sic dicitur quotidie us-
que ad Epiph.*

*Ad Absolutionem Capituli,
Lectio brevis Ipsi peribunt.
ut infra ad Nonam.*

*Tertia dicitur hora sua,
qua finita, celebratur tertia
Missa de die Nativitatis.*

AD TERTIAM

Ant. Génuit puérpera.

Capit. Multifáriam. 218.

R. br. Verbum caro factum
est, * Allelúia, allelúia. Ver-
bum. *Ÿ.* Et habitávit in no-
bis. Allelúia, allelúia. Glória
Patri. Verbum.

Ÿ. Ipse invocábit me, al-
lelúia. *R.* Pater meus es tu,
allelúia.

AD SEXTAM

Ant. Angelus ad pastóres.

Capitulum. Hebr. 1. c

ET : Tu in principio Dó-
mine terram fundásti, et
ópera mánuum tuárum sunt
cæli.

R. br. Notum fecit Dó-
minus, * Allelúia, allelúia.
Notum. *Ÿ.* Salutare suum.
Allelúia, allelúia. Glória Pa-
tri. Notum.

Ÿ. Vidérunt omnes fines
terræ, allelúia. *R.* Salutare
Dei nostri, allelúia.

AD NONAM

Ant. Párvulus filius.

Capitulum. Hebr. 1. d

Ipsi peribunt, tu autem permanebis; et omnes sicut vestimentum veterascent: et velut amictum mutabis eos, et mutabuntur: tu autem idem ipse es, et anni tui non deficient.

R. br. Vidérunt omnes fines terræ, * Allelúia, allelúia. Vidérunt. **V.** Salutare Dei nostri. Allelúia, allelúia. Glória Patri. Vidérunt omnes.

V. Verbum caro factum est, allelúia. **R.** Et habitávit in nobis, allelúia.

IN II. VESPERIS

Ant. Tecum principium * in die virtútis tuæ in splendoribus sanctorum: ex útero ante luciferum genui te.

Psalmus 109.

DIXIT Dóminus Dómino meo: * Sede a dextris meis:

Donec ponam inimicos tuos, * scabellum pedum tuorum.

Virgam virtútis tuæ emittet Dóminus ex Sion: * dominare in medio inimicorum tuorum.

Tecum principium in die virtútis tuæ in splendoribus sanctorum: * ex útero ante luciferum genui te.

Jurávit Dóminus, et non poenitébit eum: * Tu es sacerdos in ætérnum secundum ordinem Melchisedech.

Dóminus a dextris tuis, * confrégit in die iræ suæ reges.

Judicábit in nationibus, implébit ruínas: * conquassábit capita in terra multorum.

De torrénite in via bibet: * propterea exaltábit caput.

Ant. Tecum principium in die virtútis tuæ in splendoribus sanctorum: ex útero ante luciferum genui te.

Ant. Redemptionem * misit Dóminus pópulo suo: mandávit in ætérnum testamentum suum.

Psalmus 110.

CONFITEBOR tibi Dómine in toto corde meo: * in consilio justorum, et congregatione.

Magna ópera Dómini: * exquisita in omnes voluntates ejus.

Conféssio et magnificéntia opus ejus: * et justitia ejus manet in sæculum sæculi.

Memóriam fecit mirabilium suorum, miséricors et miserátor Dóminus: * escam dedit timéntibus se.

Memor erit in sæculum testamenti sui: * virtutem operum suorum annuntiábit pópulo suo:

Ut det illis hereditatem gentium: * ópera manuum ejus veritas, et judicium.

Fidélia ómnia mandata ejus: confirmata in sæculum sæculi, * facta in veritate et æquitáte.

Redemptionem misit pópulo suo: * mandávit in ætérnum testamentum suum.

Sanctum, et terribile no-

men ejus : * initium sapiéntiæ timor Dómini.

Intelléctus bonus ómnibus faciéntibus eum : * laudátio ejus manet in sáeculum sáeculi.

Ant. Redemptiónem misit Dóminus pópulo suo : mandávit in ætérnum testaméntum suum.

Ant. Exórtum est * in ténebris lumen rectis corde : miséricors, et miserátor, et justus Dóminus.

Psalmus 111.

BEÁTUS vir, qui timet Dóminum : * in mandátis ejus volet nimis.

Potens in terra erit semen ejus : * generátio rectórum benedicétur.

Glória, et divítiae in domo ejus : * et justitia ejus manet in sáeculum sáeculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in iudicio : * quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimicos suos.

Dispérsit, dedit paupéribus : justitia ejus manet in sáeculum sáeculi, * cornu ejus exaltábitur in glória.

Peccátor vidébit, et irascétur, déntibus suis fremet, et tabéscet : * desidérium peccatórum peribit.

Ant. Exórtum est in ténebris lumen rectis corde : miséricors, et miserátor, et justus Dóminus.

Ant. Apud Dóminum * misericórdia, et copiósa apud eum redemptio.

Psalmus 129.

DE profúndis clamávi ad te Dómine : * Dómine exáudi vocem meam :

Fiant áures tuæ intendéntes, * in vocem deprecatiónis meæ.

Si iniquitátes observáveris Dómine : * Dómine quis sustinébit?

Quia apud te propitiátio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutina usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël * ex ómnibus iniquitátibus ejus.

Ant. Apud Dóminum misericórdia, et copiósa apud eum redemptio.

Ant. De fructu * ventris tui ponam super sedem tuam.

Psalmus 131.

MEMÉNTO Dómine David, * et omnis mansuetúdinis ejus :

Sicut jurávit Dómino, *
votum vovit Deo Jacob :

Si introiero in tabernáculum domus meæ, * si ascendero in lectum strati mei :

Si dēdero somnum óculis meis, * et pálpebris meis dormitatióem :

Et réquiem tempóribus meis : donec invéniam locum Dómino, * tabernáculum Deo Jacob.

Ecce audívimus eam in Ephrata : * invénimus eam in campis silvæ.

Introibimus in tabernáculum ejus : * adorábimus in loco, ubi stetérunt pedes ejus.

Surge Dómine in réquiem tuam, * tu et arca sanctificatióis tuæ.

Sacerdótes tui induántur justítiam : * et sancti tui exsúltent.

Propter David servum tuum, * non avértas fáciem Christi tui.

Jurávit Dóminus David veritátem, et non frustrábitur eam : * de fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docébo eos :

Et filii eórum usque in sæculum, * sedébunt super sedem tuam.

Quóniam elégit Dóminus Sion : * elégit eam in habitatióem sibi.

Hæc réquies mea in sæcu-

lum sæculi : * hic habitábo quóniam elégi eam.

Viduam ejus benedicens benedicam : * páuperes ejus saturábo pánibus.

Sacerdótes ejus induam salutári, * et sancti ejus exsultatióem exsultábunt.

Illuc producám cornu David, * parávi lucérnam Christo meo.

Inimícos ejus induam confusióne : * super ipsum áutem efflorebit sanctificatió mea.

Ant. De fructu ventris tui ponam super sedem tuam.

Capitulum. Hebr. 1.

MULTIFÁRIAM, multisque modis olim Deus loquens pátribus in prophétis : novissime diébus istis locútus est nobis in Filio ; quem constituit herédem universórum, per quem fecit et sæcula.

Hymnus Jesu Redemptor. ut supra. 205.

V. Notum fecit Dóminus, allelúia. **R.** Salutáre suum, allelúia.

Ad Magnif. Ant. Hódie Christus natus est : hódie Salvátor apparuit : hódie in terra canunt Angeli, lætántur Archángeli : hódie exsúltant justí, dicéntes : Glória in excélsis Deo, allelúia.

Oratio.

CONCÉDE, quæsumus omnipotens Deus : ut nos Unigéniti tui nova per carnem Nativitas liberet ; quos sub peccáti iugo vetústa sérvitus tenet. Per eúndem Dñum.

Et fit Commem. S. Stephani.

Ant. Stéphanus áutem plenus grátia et fortitúidine, faciébat signa magna in pópulo.

V. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

DA nobis, quæsumus Dómine, imitári quod cólimus, ut discámus et inimicos diligere : quia ejus natalitia celebrámus, qui novit étiam pro persecutóribus exoráre Dóminum nostrum Jesum Christum Fílium tuum : Qui tecum vivit et regnat.

DIE XXVI

SANCTI STEPHANI

PROTOMARTYRIS

Duplex 2. classis.

AD MATUTINUM

Invit. Christum natum, qui beátum hódie coronávit Stéphanum, * Veníte, adorémus.

Ps. Veníte, exsultémus. 2.

Hymn., Ant., Pss. et VV.
Noct. dicuntur de Comuni
unius Mart. 25*.

IN I. NOCTURNO

De Actibus Apostolorum.

Lectio j. Cap. 6.

IN diébus illis, crescente número discipulorum, factum est murmur Græcorum advérsus Hebræos, eo

quod despiceréntur in ministério quotidiano viduæ eorum. Convocántes áutem duódecim multitudinem discipulorum, dixerunt : Non est æquum nos derelinquere verbum Dei, et ministráre mensis. Consideráte ergo, fratres, viros ex vobis boni testimonii septem, plenos Spiritu sancto et sapiéntia, quos constituámus super hoc opus. Nos vero oratióni, et ministério verbi instántes érimus.

R. Stéphanus áutem plenus grátia et fortitúidine, * Faciébat prodigia et signa magna in pópulo. **V.** Surrexérunt quidam de synagóga disputántes cum Stéphanó : et non póterant resistere sapiéntiæ, et Spiritui, qui loquebátur. Faciébat prodigia.

Lectio ij.

ET plácuít sermo coram omni multitudíne. Et elegérunt Stéphanum, virum plenum fide et Spiritu sancto, et Philippum, et Próchorum, et Nicánorem, et Timónem, et Pármenam, et Nicoláum ádvenam Antiochénum. Hos statuérunt ante conspéctum Apostolorum : et orántes imposuérunt eis manus. Et verbum Dómini crescébat, et multiplicabátur número discipulorum in Jerúsalem valde : multa étiam turba sacerdotum obediébat fidei. Stéphanus áutem plenus grátia et fortitúidine, faciébat

prodigia et signa magna in pópulo.

R. Vidébant omnes Stéphanum qui erant in concílio : * Et intuebántur vultum ejus tamquam vultum Angeli stantis inter illos. **V.** Plenus grátia et fortitúidine faciébat prodigia et signa magna in pópulo. Et intuebántur.

Lectio iij.

SURREXÉRUNT áutem quídam de synagóga, quæ appellátur Libertinórum, et Cyrenénsium, et Alexandrinórum, et eórum qui erant a Cilicia, et Asia, disputántes cum Stéphano : et non póterant resistere sapiéntiæ, et Spíritui, qui loquebátur. Tunc summisérunt viros, qui dicerent se audivisse eum dicéntem verba blasphemíæ in Móysen, et in Deum. Commovérunt itaque plebem, et senióres, et scribas : et concurréntes rapuérunt eum, et adduxérunt in concílium, et statuérunt falsos testes, qui dicerent : Homo iste non cessat loqui verba advérsus locum sanctum, et legem.

R. Intuens in cælum beátus Stéphanus, vidit glóriam Dei, et ait : * Ecce video cælos apértos, et Fílium hóminis stantem a dextris virtútis Dei. **V.** Cum áutem esset Stéphanus plenus Spíritu sancto, inténdens in cælum, vidit glóriam Dei, et ait. Ecce video. Glória Patri. Ecce video.

IN II. NOCTURNO

Sermo sancti Fulgéntii
Episcopi.

**Sermone de S. Stephano,
circa initium.**

Lectio iv.

HERI celebrávimus temporálem sempitérni Regis nostri natálem : hódie celebrámus triumphálem militis passiónem. Heri enim Rex noster trábea carnis indútus, de áula úteri virginális egrédiens, visitáre dignátus est mundum : hódie miles de tabernáculo córporis éxiens, triumphátor migrávit ad cælum. Ille sempiternæ Deitátis majestáte serváta, servíle cinctórium carnis assúmens, in hujus sæculi campum pugnatúrus intrávit : iste depósitis corruptibilibus córporis indumentis, ad cæli palátium perénnter regnatúrus ascéndit. Ille descendit carne velátus, iste ascendit ságuine laureátus.

R. Lapidábant Stéphanum invocántem et dicéntem : * Dómine Jesu Christe, accipe spiritum meum : et ne státuas illis hoc peccátum. **V.** Pósisit áutem génibus clamávit voce magna, dicens. Dómine.

Lectio v.

ASCÉNDIT iste lapidántibus Judæis, quia ille descendit lætántibus Angelis. Glória in excélsis Deo, heri sancti Angeli exsultántes cantavérunt : hódie Stéphanum lætántes in suum con-

sórtium suscepérunt. Heri Dóminus exívit de útero Virgínis : hódie miles egréssus est de ergástulo carnis. Heri Christus pro nobis pannis est involútus : hódie Stéphanus stola est ab eo immortalitátis indútus. Heri præsepis angústia Christum portávit infántem : hódie imménsitas cæli suscepit Stéphanum triumphántem. Solus Dóminus descendit, ut multos eleváret : humiliávit se Rex noster, ut suos milites exaltáret.

¶ Impetum fecérunt unanimiter in eum, et eiecérunt eum extra civitátem, invocántem et dicéntem : * Dómine Jesu, áccipe spíritum meum. ¶ Et testes deposuérunt vestiménta sua secus pedes adolescentis, qui vocabátur Sáulus : et lapidábant Stéphanum invocántem et dicéntem. Dómine.

Lectio vj.

NECESÁRIUM tamen nobis est, fratres, agnóscere quibus armis præcinctus Stéphanus sævitiam Judæórum pótuít superáre, ut ita meruísset feliciter triumpháre. Stéphanus ergo, ut nóminis sui corónam meruísset accipere, caritátem pro armis habébat, et per ipsam ubique vincébat. Per caritátem Dei, sæviéntibus Judæis non cessit : per caritátem próximi, pro lapidántibus intercéssit. Per caritátem arguébat errántes, ut corri-

geréntur : per caritátem pro lapidántibus orábat, ne puniréntur. Caritátis virtúte subnixus, vicit Sáulum crudéliter sæviéntem : et quem hábuit in terra persecutórem, in cælo méruit habére consórtem.

¶ Impii super justum jáctúram fecérunt, ut eum morti tráderent : * At ille gáudens suscepit lápidés, ut mererétur accipere corónam glóriæ. ¶ Continuérunt áures suas, et ímpetum fecérunt unanimiter in eum. At. Glória Patri. At.

IN III. NOCTURNO

Léctio sancti Evangélii secúndum Matthæum.

Lectio vij. Cap. 23. d

IN illo témpore : Dicébat Jesus scribis et pharisæis : Ecce ego mitto ad vos prophétas, et sapiéntes, et scribas : et ex illis occidétis, et crucifigétis. Et réliqua.

Homília sancti Hierónymi Presbýteri.

Lib. 4. Comment. in cap. 23. Matthæi.

Hoc quod ántea dixerámus : Impléte mensúram patrum vestrórum ; ad persónam Dómini pertinére, eo quod occidéndus esset ab eis, potest et ad discipulos ejus reférri, de quibus nunc dicit : Ecce ego mitto ad vos prophétas, et sapiéntes, et scribas. Simúlque obsérva, juxta Apóstolum scribéntem ad Corínthios, vária esse dona discipulórum Christi :

álios prophétas, qui ventúra prædicent : álios sapiéntes, qui novérunt quando débent proférre sermónem : álios scribas in lege doctissimos, ex quibus lapidátus est Stéphanus, Páulus occisus, crucifixus Petrus, flagelláti in Actibus Apostolorum discipuli.

℞. Stéphanus servus Dei, quem lapidábant Judæi, vidit cælos apértos : vidit, et introivit : * Beátus homo, cui cæli patébant. ʒ. Cum igitur saxórum crepitántium túrbine quaterétur, inter æthéreos áulæ cælestis sinus divína ei cláritas fulsit. Beátus.

Lectio viij.

QUÆRIMUS, quis iste sit Zacharias filius Barachíæ : quia multos légimus Zacharias. Et ne libera nobis tribuerétur erróris facúltas, ádditum est : Quem occidistis inter templum et altáre. In diversis diversa legi : et debeo singulórum opiniónes pónere. Alii Zachariám filium Barachíæ dicunt, qui in duódecim prophétis undécimus est : patrisque in eo nomen conséntit : sed ubi occisus sit inter templum et altáre, Scriptúra non lóquitur : máxime cum tempóribus ejus vix ruínæ templi fúerint. Alii Zachariám patrem Joánnis intélligi volunt, ex quibúsdam apocryphórum sómniis approbántes, quod proptérea occisus sit,

quia Salvatóris prædicáverit advéntum.

℞. Patefáctæ sunt jánuæ cæli Christi Mártýri beáto Stéphanó, qui in número Mártýrum invéntus est primus : * Et ideo triúmphat in cælis coronátus. ʒ. Mortem enim, quam Salvátor noster dignátus est pro nobis pati, hanc ille primus réddidit Salvatóri. Et. Glória Patri. Et.

Lectio ix.

ALII istum volunt esse Zachariám, qui occisus est a Joas rege Judæ inter templum et altáre, sicut Regum narrat história. Sed observándum, quod ille Zacharias non sit filius Barachíæ, sed filius Joiadáe sacerdótis : unde et Scriptúra refert : Non fuit recordátus Joas patris ejus Joiadáe, quia sibi fecisset bona. Cum ergo et Zachariám teneámus et occisiónis conséntiat locus : quærimus, quare Barachíæ dicátur filius, et non Joiadáe? Barachía lingua nostra Benedictus Dómini dicitur, et sacerdótis Joiadáe justítia Hebræo nómine demonstrátur. In Evangélio, quo utúntur Nazaréni, pro filio Barachíæ, filium Joiadáe reperimus scriptum.

Te Deum laudámus. 17.

AD LAUDES

ET PER HORAS

Ant. 1. Lapidavérunt Stéphanum, * et ipse invocábat Dóminum, dicens : Ne stáguas illis hoc peccátum.

Ps. Dóminus regnávít. cum reliq. 18.

2. Lápides torréntis * illi dulces fuérunt : ipsum sequúntur omnes ánimæ justæ.

3. Adhæsit ánima mea * post te, quia caro mea lapidáta est pro te, Deus meus.

4. Stéphanus vidit * cælos apértos, vidit, et introívit : beátus homo, cui cæli patébant.

5. Ecce vídeo * cælos apértos, et Jesum stantem a dextris virtútis Dei.

Capitulum. Act. 6. b

STÉPHANUS áutem plenus grátia et fortitúdi-
ne, faciébát prodigia et signa magna in pópulo.

Hymnus.

INVÍCTE Mátyr, únicum Patris secútus Filium, Victis triúmphas hóstibus, Victor fruens cæléstibus.

Tui precátus múnere
Nostrum reátum dilue,
Arcens mali contágium,
Vitæ repéllens tædium.

Solúta sunt jam víncula
Tui sacráti córporis :
Nos solve vinclis sæculi
Dono supérni Núminis.

Jesu tibi sit glória,
Qui natus es de Virgine,
Cum Patre, et almo Spíritu,
In sempitérna sæcula.

Amen.

ŷ. Sepeliérunt Stéphanum viri timoráti. R̃. Et fecérunt planctum magnum super eum.

Ad Bened. Ant. Stéphanus áutem plenus grátia et

fortitúdi-
ne, faciébát signa magna in pópulo.

Oratio.

DA nobis, quæsumus Dómine, imitári quod cólimus, ut discámus et inimicos diligere : quia ejus natalitia celebrámus, qui novit étiam pro persecutóribus exoráre Dóminum nostrum Jesum Christum Filium tuum : Qui tecum vivit.

Et fit Commem. de Nativ.

Ant. Glória in excélsis Deo, et in terra pax homínibus bonæ voluntátis, allelúia, allelúia.

ŷ. Notum fecit Dóminus, allelúia. R̃. Salutáre suum, allelúia.

Oratio.

CONCÉDE, quæsumus omnipotens Deus : ut nos Unigéniti tui nova per carnem Nativitas liberet, quos sub peccáti jugo vetústa sêrvitus tenet. Per eúmdem Dñm.

AD TERTIAM

Ant. Lápides torréntis.

Capit. Stéphanus áutem.

R̃. br. Glória et honóre * Coronásti eum Dómine. Glória et honóre. ŷ. Et constituísti eum super ópera mánuum tuárum. Coronásti. Glória Patri. Glória et honóre.

ŷ. Posuísti Dómine super caput ejus. R̃. Coronam de lapide pretiósó.

AD SEXTAM

Ant. Adhæsit ánima mea.

Capitulum. Act. 6. c

SURREXÉRUNT áutem quidam de synagóga, quæ

appellátur Libertinórum, et Cyrenénsium, et Alexandrinórum, et eórum qui erant a Cilicia, et Asia, disputántes cum Stéphano : et non póterant resistere sapiéntiæ, et Spiritui qui loquebátur.

R. br. Posuisti Dóminè * Super caput ejus. Posuisti. **Ÿ.** Corónam de lápide pretiósó. Super. Glória Patri. Posuisti.

Ÿ. Magna est glória ejus in salutári tuo. **R.** Glóriam et magnum decórem impónes super eum.

AD NONAM

Ant. Ecce video.

Capitulum. Act. 7. g

PÓSITIS áutem génibus, clamávit voce magna, dicens : Dómine ne státuas illis hoc peccátum. Et cum hoc dixisset, obdormívit in Dómino.

R. br. Magna est glória ejus * In salutári tuo. Magna. **Ÿ.** Glóriam et magnum decórem impónes super eum. In. Glória Patri. Magna.

Ÿ. Justus ut palma florébit. **R.** Sicut cedrus Libani multiplicábitur.

AD VESPERAS

Ant. et Pss. de Nativ. 220.

Et dicuntur etiam in aliis Festis infra hanc Octavam occurrentibus.

Capit. Stéphanus áutem. 227.

Hymnus.

DEUS tuórum militum
Sors, et coróna, præ-
mium,

Láudes canéntes Mártyris
Absólve nexu criminis.

Hic nempe mundi gáudia,
Et blanda fráudum pábula
Imbúta felle députans,
Pervénit ad cæléstia.

Pœnas cucúrrit fórtiter,
Et sústulit viriliter :
Fundénsque pro te sánguinem,

Ætérna dona póssidet.

Ob hoc precátu súplici
Te póscimus piíssime :
In hoc triúmpho Mártyris
Dimitte noxam sérvulis.

Jesu tibi sit glória,
Qui natus es de Vírgine,
Cum Patre, et almo Spiritu,
In sempitérna sæcula.

Amen.

Ÿ. Stéphanus vidit cælos apértos. **R.** Vidit, et introívit : beátus homo, cui cæli patébant.

Ad Magnif. Ant. Sepeliérunt Stéphánum viri timoráti, et fecérunt planctum magnum super eum.

Oratio Da nobis. 227.

Et fit Commemoratio de S. Joanne.

Ant. Iste est Joánnes, qui supra pectus Dómini in cœna recúbuit : beátus Apóstolus, cui reveláta sunt secréta cæléstia.

Ÿ. Valde honorándus est beátus Joánnes. **R.** Qui supra pectus Dómini in cœna recúbuit.

Oratio.

ECCLESIAM tuam Dómine
benignus illústra : ut
beáti Joánnis Apóstoli tui et

Evangelistæ illuminata doctrinis, ad dona perveniat sempiterna.

Postea de Nativitate.

Ant. Hódie Christus natus est : hódie Salvátor apparuit : hódie in terra canunt Angeli, lætántur Archángeli : hódie exsúltant justí, dicentes : Glória in excélsis Deo, allelúia.

ŷ. Notum fecit Dóminus, allelúia. **R.** Salutare suum, allelúia.

Oratio Concéde. 227.

DIE XXVII

SANCTI JOANNIS

APOSTOLI ET EVANGELISTÆ

Duplex 2. classis.

AD MATUTINUM

Invit., Hymn., Ant., Pss.
et ŷv. Noct. de Comm. Apostolorum. 4*.

IN I. NOCTURNO

Incipit Epístola prima beáti
Joánnis Apóstoli.

Lectio j. Cap. 1.

QUOD fuit ab initio, quod audivimus, quod vidimus oculis nostris, quod perspeximus, et manus nostræ contrectaverunt de verbo vitæ : et vita manifestata est, et vidimus, et testamur, et annuntiamus vobis vitam æternam, quæ erat apud Patrem, et apparuit nobis : quod vidimus et audivimus, annuntiamus vobis, ut et vos societatem habeatis nobiscum, et societas nostra sit cum Patre, et cum Filio

eius Jesu Christo. Et hæc scribimus vobis, ut gaudeatis, et gaudium vestrum sit plenum. Et hæc est annuntiatio, quam audivimus ab eo, et annuntiamus vobis : Quoniam Deus lux est, et tenebræ in eo non sunt ullæ.

R. Valde honorandus est beatus Joannes, qui supra pectus Domini in cœna recubuit : * Cui Christus in cruce matrem virginem virgini commendavit. **V.** Virgo est electus a Domino, atque inter cæteros magis dilectus. Cui.

Lectio ij.

SI dixerimus quoniam societatem habemus cum eo, et in tenebris ambulamus, mentimur, et veritatem non facimus. Si autem in luce ambulamus, sicut et ipse est in luce ; societatem habemus ad invicem, et sanguis Jesu Christi Filii ejus emundat nos ab omni peccato. Si dixerimus quoniam peccatum non habemus : ipsi nos seducimus : et veritas in nobis non est. Si confiteamur peccata nostra : fidelis est, et justus, ut remittat nobis peccata nostra, et emundet nos ab omni iniquitate. Si dixerimus quoniam non peccavimus, mendacem facimus eum, et verbum ejus non est in nobis.

R. Hic est discipulus ille, qui testimonium perhibet de his, et scripsit hæc : * Et sciimus quia verum est testimo-

nium ejus. *ŷ.* Fluénta Evangelíi de ipso sacro Dominici pectoris fonte potávit. Et.

Lectio iij. Cap. 2.

FILÍOLI mei, hæc scribo vobis, ut non peccétis. Sed et si quis peccáverit, advocátum habémus apud Patrem, Jesum Christum justum : et ipse est propitiatio pro peccátis nostris : non pro nostris áutem tantum, sed étiam pro totius mundi. Et in hoc scimus, quóniam cognóvimus eum, si mandáta ejus observémus. Qui dicit se nosse eum, et mandáta ejus non custódit, mendax est, et in hoc véritas non est. Qui áutem servat verbum ejus, vere in hoc caritas Dei perfécta est.

R. Hic est beatissimus Evangelista et Apóstolus Joánnes, * Qui privilégio amoris præcipui, cæteris áltius a Dómino méruit honorári. *ŷ.* Hic est discipulus ille, quem diligébat Jesus, qui supra pectus Dómini in cœna recúbuit. Qui privilégio. Glória Patri. Qui privilegio.

IN II. NOCTURNO

Ex libro sancti Hierónymi
Presbýteri de Scriptóribus Ecclesiásticis.

Lectio iv.

JOÁNNES Apóstolus, quem Jesus amávit plúrimum, filius Zebedæi, frater Jacóbi Apóstoli, quem Heródes post passióem Dómini decollávit, novíssimus ómnium

scripsit Evangelíum, rogátus ab Asiæ episcopis, advérsus Cerínthum, aliósque hæréticos : et máxime tunc Ebionítarum dogma consúr-gens, qui ásserunt Christum ante Mariam non fuisse : unde et compúlsus est divínam ejus nativitátem edicere.

R. Qui vicerit, fáciam illum coluḿnam in templo meo, dicit Dóminus : * Et scribam super eum nomen meum, et nomen civitátis novæ Jerúsalem. *ŷ.* Vincéti dabo édere de ligno vitæ, quod est in paradiso Dei mei. Et scribam.

Lectio v.

QUARTO décimo ígitur anno, secúndam post Nerónem persecutióem movénte Domitiáno, in Patmos insulam relegátus, scripsit Apocalýpsim, quam interpretátur Justinus Martyr, et Irenæus. Interfécito áutem Domitiáno, et actis ejus ob nimiam crudelitátem a senátu rescíssis, sub Nerva príncipe rédiit Ephesum : ibique usque ad Trajánum príncipem perseverans, totas Asiæ fundávit, rexitque ecclésiass; et confécus sénio, sexagésimo octávo post passióem Dómini anno mórtuus, juxta eámdem urbem sepúltus est.

R. Diligébat áutem eum Jesus, quóniam speciális prærogatíva castitátis amplíori dilectiône fécerat di-

gnum : * Quia virgo eléctus ab ipso, virgo in ævum permánsit. *V.* In cruce déni- que moritúrus, huic matrem suam vírginem vírgini com- mendávit. Quia.

Ex Commentáriis ejúsdem in Epistolam ad Gálatas.

L. 3. c. 6.

Lectio vj.

BEÁTUS Joánnes Evange- lista, cum Ephesi morarétur usque ad últimam senectútem, et vix inter discipulórum manus ad ec- clésiám deferretur, nec pos- set in plura vocem verba contéxere : nihil áliud per singulas solébat proférre colléctas, nisi hoc : Filioli, diligite altérutrum. Tandem discipuli, et fratres, qui áderant, tædio affécti quod éadem semper audirent, dixerunt : Magíster, quare semper hoc lóqueris? Qui respóndit dignam Joánnē senténtiam : Quia præcép- tum Dómini est : et si solum fiat, súfficit.

R. In médio Ecclésiæ apé- ruit os ejus, * Et implévit eum Dóminus spiritu sapién- tiæ et intelléctus. *V.* Ju- cunditátem et exsultatióem thesaurizávit super eum. Et implévit. Glória Patri. Et implévit.

IN III. NOCTURNO

Léctio sancti Evangélíi se- cúndum Joánnem.

Lectio vij. Cap. 21. d

IN illo témpore : Dixit Jesus Petro : Séquere me. Con-

vérsum Petrus, vidit illum discipulum, quem diligébat Jesus, sequéntem. Et réli- qua.

Homília sancti Augustini Episcopi.

Tractus 124. in Joannem, post medium.

DUAS vitas sibi divínitus prædicátas, et commen- dátas novit Ecclésia : qua- rum est una in fide, áltera in spécie : una in témpore peregrinatiónis, áltera in æternitáte mansiónis : una in labóre, áltera in réquie : una in via, áltera in pátria : una in ópere actiόνis, áltera in mercéde contemplatiónis. Una declínat a malo, et facit bonum : áltera nullum ha- bet, a quo declínet, malum ; et magnum habet, quo fruá- tur, bonum. Una cum hoste pugnat, áltera sine hoste regnat.

R. In illum diem susci- piam te servum meum, et ponam te sicut signáculum in conspéctu meo : * Quó- niam ego elégi te, dicit Dó- minus. *V.* Esto fidélis usque ad mortem, et dabo tibi co- rónam vitæ. Quóniam.

Lectio viij.

UNA súbvenit indigénti, áltera ibi est, ubi nul- lum invenit indigéntem. Una aliéna peccáta, ut sua sibi ignoscántur, ignóscit : áltera nec pátitur quod ignóscat, nec facit quod sibi poscat ignósci. Una flagellátur mal- lis, ne extollátur in bonis :

áltera tanta plenitúdine grátiae caret omni malo, ut sine ulla tentatíone supérbiæ coháreat summo bono.

R. Iste est Joánnes, qui supra pectus Dómini in cœna recúbuit : * Beátus Apóstolus, cui reveláta sunt secréta cæléstia. **V.** Fluénta Evangélii de ipso sacro Dóminici pectoris fonte potávit. Beátus. Glória. Beátus.

Lectio ix.

ERGONA una bona est, sed adhuc misera : áltera melior, et beáta. Ista significáta est per Apóstolum Petrum, illa per Joánnem. Tota hic ágitur ista usque in hujus sæculi finem, et illic invenit finem : différtur illa complénda post hujus sæculi finem, sed in futúro sæculo non habet finem. Ideo dicitur huic : Séquere me. De illo áutem : Sic eum volo manére, donec véniam : quid ad te? tu me séquere. Quid enim est hoc? Quantum sápio, quantum cápío, quid est hoc? nisi tu me séquere per imitatíonem perferéndi temporália mala : ille máneat, donec sempitérna vénio redditúrus bona.

Te Deum laudámus. 17.

AD LAUDES

ET PER HORAS

Ant. 1. Valde honorándus est * beátus Joánnes, qui supra pectus Dómini in cœna recúbuit.

Psalm. Dóminus regnávit. cum reliq. 18.

2. Hic est discipulus ille,* qui testimónium pérhibet de his : et scimus quia verum est testimónium ejus.

3. Hic est discipulus meus : * sic eum volo manére, donec véniam.

4. Sunt de hic stántibus* qui non gustábunt mortem, donec videant Filium hóminis in regno suo.

5. Ecce puer meus* eléctus, quem elégi, pósui super eum spíritum meum.

Capitulum. Eccli. 15.

QUI timet Deum, fáciat bona : et qui cóntinens est justitiæ, apprehéndet illam, et obviábit illi quasi mater honorificáta.

Hymnus. Exsúltet orbis. 14*.

V. Hic est discipulus ille, qui testimónium pérhibet de his. **R.** Et scimus quia verum est testimónium ejus.

Ad Bened. Ant. Iste est Joánnes, qui supra pectus Dómini in cœna recúbuit : beátus Apóstolus, cui reveláta sunt secréta cæléstia.

Oratio.

ECCLÉSIAM tuam Dómine benignus illústra : ut beáti Joánnis Apóstoli tui et Evangelistæ illumináta doctrinis, ad dona pervéniant sempitérna. Per Dóminum.

Deinde fit Commemoratio de Nativitate.

Ant. Glória in excélsis Deo, et in terra pax hominibus bonæ voluntátis, allelúia, allelúia.

Ÿ. Notum fecit Dóminus, allelúia. **℟.** Salutáre suum, allelúia.

Oratio.

CONCÉDE, quæsumus omnipotens Deus: ut nos Unigéniti tui nova per carnem Nativitas liberet, quos sub peccáti iugo vetústa sêrvitus tenet.

Pro S. Stephano.

Ant. Stêphanus áutem ple-nus grátia et fortitúdine, faciêbat signa magna in pó-pulo.

Ÿ. Sepeliêrunt Stêphanum viri timoráti. **℟.** Et fecêrunt planctum magnum super eum.

Oratio.

DA nobis, quæsumus Dómine, imitári quod cólimus, ut discámus et inimicos diligere: quia ejus natalitia celebrámus, qui novit étiam pro persecutóribus exoráre Dóminum nostrum Jesum Christum Fílium tuum: Qui tecum vivit.

AD TERTIAM

Ant. Hic est discipulus ille.

Capit. Qui timet Deum.

℟. br. In omnem terram
* Exívit sonus eórum. In omnem. **Ÿ.** Et in fines orbis terræ verba eórum. Exívit. Glória Patri. In omnem.

Ÿ. Constitues eos príncipes super omnem terram. **℟.** Mémoires erunt nóminis tui Dómine.

AD SEXTAM

Ant. Hic est discipulus meus.

Capitulum. Eccli. 15.

CIBÁVIT illum pane vitæ, et intelléctus, et aqua sapiéntiæ salutáris potávit illum Dóminus Deus noster.

℟. br. Constitues eos príncipes * Super omnem terram. Constitues. **Ÿ.** Mémoires erunt nóminis tui Dómine. Super. Glória Patri. Consti-tues.

Ÿ. Nimis honoráti sunt amici tui Deus. **℟.** Nimis confortátus est principátus eórum.

AD NONAM

Ant. Ecce puer meus.

Capitulum. Eccli. 15.

IN médio Ecclésiæ apêruit os ejus, et implévit illum Dóminus spíritu sapiéntiæ, et intelléctus, et stolam glóriæ induit eum.

℟. br. Nimis honoráti sunt * Amici tui Deus. Nimis. **Ÿ.** Nimis confortátus est principátus eórum. Amici. Glória Patri. Nimis.

Ÿ. Annuntiavêrunt ópera Dei. **℟.** Et facta ejus intellexêrunt.

AD VESPERAS

Ant. et Psalmi de Nativit.

220. **Capit.** Qui timet Deum.

232. **et Hymn.** Exsúltet. **ut infra. 14*.**

Ÿ. Valde honorándus est beátus Joánnes. **℟.** Qui supra pectus Dómini in cœna recúbuit.

Ad Magnif. Ant. Exiit sermo inter fratres, quod discipulus ille non móritur; et non dixit Jesus, Non móri-

tur : sed , Sic eum volo manere , donec veniam .

Oratio. Ecclesiam . ut supra . 232 .

Deinde pro SS. Innocentibus.

Ant. Hi sunt , qui cum mulieribus non sunt coinquinati : virgines enim sunt , et sequuntur Agnum , quocumque ierit .

Y. Heródes irátus occidit multos púeros . *R.* In Bétlehem Judæ civitate David .

Oratio.

DEUS , cujus hodierna die præconium Innocentes Mártyres non loquendo , sed moriendo confessi sunt : omnia in nobis vitiórum mala mortifica ; ut fidem tuam , quam lingua nostra loquitur , etiam moribus vita fateatur .

Deinde fit Commem. de Nativitate.

Ant. Hódie Christus natus est : hódie Salvátor apparuit : hódie in terra canunt Angeli , lætantur Archàngeli : hódie exsultant justí , dicentes : Glória in excelsis Deo , allelúia .

Y. Notum fecit Dóminus , allelúia . *R.* Salutare suum , allelúia .

Oratio. Concéde . 233 .

Pro S. Stephano.

Ant. Sepeliérunt Stéphanum viri timorati , et fecerunt planctum magnum super eum .

Y. Stéphanus vidit cælos apertos . *R.* Vidit et introivit :

beátus homo , cui cæli patébant .

Oratio. Da nobis . 233 .

DIE XXVIII

SS. INNOCENTIUM

Duplex 2. classis.

AD MATUTINUM

Invit. Regem Mártyrum Dóminum , * Veníte , adorémus .

Ps. Veníte , exsultémus . 2 .

Hymnus.

AUDIT tyránnus anxius
Adesse regum Principem ,
Qui nomen Israël regat ,
Teneátque David régiam .

Exclámat amens nuntio :
Succéssor instat , péllimur :
Satélles , i , ferrum rape :
Perfúnde cunas sánguine .

Quid próficittantum nefas ?
Quid crimen Heródemjuvat ?
Unus tot inter fúnera
Impúne Christus tollitur .

Jesu tibi sit glória ,
Qui natus es de Virgine ,
Cum Patre , et almo Spíritu ,
In sempitérna sæcula .

Amen .

Ant. , Pss. et YV. Noct. sumuntur de Comm. plur.
Mart. 40 , excepta secunda*
Ant. III. Nocturni , quæ dicitur ut infra suo loco .

IN I. NOCTURNO

De Jeremía Prophéta .

Lectio j. Cap. 31. c

HÆC dicit Dóminus : Vox
In excélsó audita est lamentationis , luctus , et fletus
Rachel plorantis filios suos ,

et noléntis consolári super eis, quia non sunt. Hæc dicit Dóminus : Quiéscat vox tua a plorátu, et óculi tui a lácrymis : quia est merces óperi tuo, ait Dóminus : et reverténtur de terra inimíci. Et est spes novíssimis tuis, ait Dóminus : et reverténtur filii ad términos suos.

R. Centum quadraginta quátuor millia, qui empti sunt de terra, hi sunt qui cum muliéribus non sunt coinquináti : * Virgines enim permansérunt, ideo regnant cum Deo, et Agnus Dei cum illis. **V.** Isti sunt qui venérunt ex magna tribulatióne, et lavérunt stolas suas in ságuine Agni. Virgines.

Lectio ij.

AUDIENS audi vi Ephraïm transmigrántem : Castigásti me, et eruditus sum, quasi juvénculus indómitus : convérte me, et convérta : quia tu Dóminus Deus meus. Postquam enim convertísti me, egi pœniténtiam : et postquam ostendísti mihi, percússi femur meum. Confúsus sum, et erúbui : quóniam sustinui oppróbrium adolescéntiæ meæ. Si filius honorábilis mihi Ephraïm, si puer delicátus : quia ex quo locútus sum de eo, adhuc recordábor ejus.

R. Sub altáre Dei audi vi voces occisórum dicéntium : * Quare non deféndis ságuinem nostrum? Et accepérunt divínus respónsum :

Adhuc sustinéte módicum tempus, donec impleátur númerus fratrum vestrórum.

V. [Vidi sub altáre Dei ánimas interfectórum propter verbum Dei, et propter testimoniúm quod habébant, et clamábant voce magna, dicéntes. Quare.

Lectio iij.

STÁTUE tibi spéculam, pone tibi amaritúdines : dirige cor tuum in viam rectam, in qua ambulásti : revértere virgo Israël, revértere ad civitátes tuas istas. Usquequo deliciis dissólveris filia vaga? quia creávit Dóminus novum super terram : Fémina circúmdabit virum. Hæc dicit Dóminus exercituum Deus Israël : Adhuc dicent verbum istud in terra Juda, et in úrbibus ejus, cum convértero captivitátem eórum : Benedicat tibi Dóminus, pulchritúdo justitiæ, mons sanctus.

R. Adoravérunt vivéntem in sæcula sæculórum, * Mitténtes coronas suas ante thronum Dómini Dei sui. **V.** Et cecidérunt in conspéctu throni in fácies suas : et benedixérunt vivéntem in sæcula sæculórum. Mitténtes. Glória Patri. Mitténtes.

IN II. NOCTURNO

Sermo sancti Augustini
Epíscopi.

Serm. 10. de Sanctis.

Lectio iv.

HÓDIE, fratres caríssimi, natálem illórum infán-

tium cōlimus, quos ab Heróde crudelíssimo rege interféctos esse, Evangélii textus elóquitur. Et ideo cum summa exsultatióne gáudeat terra, cæléstium militum, et tantárum parens fecúnda virtútum. Ecce profánus hostis numquam beátis párvulis tantum prodéssé potuisset obséquio, quantum prófuit ódio. Nam, sicut sacratíssimum præséntis diéi festum manifestat, quantum in beátos párvulos iniquitas abundávit, tantum in eis grátia benedictiōnis refúdit.

R. Effuderunt ságuinem sanctórum velut aquam in circúitu Jerúsalem : * Et non erat qui sepelíret. **V.** Posuerunt mortália servórum tuórum escas volatilibus cæli, carnes sanctórum tuórum béstiis terræ. Et.

Lectio v.

BEÁTA es, o Béthlehem terra Juda, quæ Heródis regis immanitátem in puerórum extinctiōne perpéssa es : quæ sub uno témpore candidátam plebem imbéllis infántiæ Deo offérre meruisti. Digne tamen natálem illórum cōlimus, quos beátius æternæ vitæ mundus édedit, quam quos maternórum viscerum partus effúdit. Siquidem ante, vitæ perpétuæ adépti sunt dignitátem, quam usúram præséntis acceperint.

R. Isti sunt sancti, qui passi sunt propter te Dó-

mine : vindica eos, * Quia clamant ad te quotidie. **V.** Vindica Dómine ságuinem sanctórum tuórum, qui effúsus est. Quia.

Lectio vj.

ALÍORUM quidem pretiósá mors Mártyrum láudem in confessiōne promérui, horum in consummatiōne complácuit. Quia incipiéntis vitæ primórdiis, ipse eis occásus initium glóriæ dedit, qui præséntis términum impósuit. Quos Heródis impietas lactántes matrum ubéribus abstráxit, qui jure dicúntur Mártyrum flores, quos in médio frigore infidelitátis exórtos velut primas erumpéntes Ecclésiæ gemmas, quædam persecutiōnis pruina decóxit.

R. Isti sunt, qui non inquinavérunt vestiménta sua : * Ambulábunt mecum in albis, quia digni sunt. **V.** Hi sunt qui cum mulieribus non sunt coinquináti : vírgines enim sunt. Ambulábunt. Glória Patri. Ambulábunt.

IN III. NOCTURNO

Ant. Justí áutem in perpétuum vivent, et apud Dóminum est merces eórum.

Ps. 32. Exsultáte justí. 46*.

Ant. Isti sunt, qui venérunt ex magna tribulatiōne, et lavérunt stolas suas in ságuine Agni.

Ps. 33. Benedicam Dóminum. 47*.

Ant. Ecce merces sanctórum copiósa est apud Deum :

ipsi vero mórtui sunt pro Christo, et vivent in ætérnum.

Ps. 45. Deus noster refúgium. 48*.

Ÿ. Justi áutem in perpétuum vivent. **℟.** Et apud Dóminum est merces eórum.

Léctio sancti Evangélíi secúndum Matthæum.

Lectio vij. Cap. 2. c

IN illo témpore : Angelus Dómini appáruit in somnis Joseph, dicens : Surge, et áccipe púerum, et matrem ejus, et fuge in Ægýptum, et esto ibi usque dum dicam tibi. Et réliqua.

Homilia sancti Hierónymi Presbýteri.

Lib. 1. Comment. in cap. 2. Matth., et apud Gloss. ord.

QUANDO tulit púerum, et matrem ejus, ut in Ægýptum tránseat, nocte tulit, et in ténebris : quia noctem ignorántiæ his, a quibus ipse recéssit, reliquit incrédulis. Quando vero revértitur in Judæam, nec nox, nec ténebræ ponúntur in Evangélíio : quia in fine mundi Judæi fidem, tamquam Christum ab Ægýpto reverténtem suscipiéntes, illuminabúntur.

℟. Cantábant sancti cánticum novum ante sedem Dei et Agni : * Et resonábat terra in voces eórum. **Ÿ.** Hi empti sunt ex homínibus primitiæ Deo et Agno, et in ore ipsórum non est invéntum mendácium. Et.

Lectio viij.

UT adimplerétur quod dictum est a Dómino per Prophétam dicéntem : Ex Ægýpto vocávi Filium meum. Respóndeanť, qui Hebræórum volúminum dénegant veritátem, ubi hoc in Septuaginta legátur intérpréťibus. Quod cum non invénierint, nos eis dicémus in Osée Prophéta scriptum, sicut et exemplária probáre possunt, quæ nuper edidimus.

℟. Vidi sub altáre Dei ánimas interfectórum propter verbum Dei quod habébant, et clara voce dicébant : * Vindica Dómine sánguinem sanctórum tuórum, qui effúsus est. **Ÿ.** Sub throno Dei omnes sancti clamant. Vindica.

Si hoc Festum venerit in Dominica, tunc in fine prædicti ℟. viij. additur Glória Patri. Vindica. Et post ix. Lectionem dicitur Te Deum. Aliis diebus, ut infra.

Lectio ix.

TUNC adimplétum est, quod dictum est per Jeremíam Prophétam dicéntem : Vox in Rama audita est, plorátus et ululátus multus, Rachel plorans filios suos. De Rachel natus est Bénjamin, in cujus tribu non est Béthlehem. Quæritur ergo, quómodo Rachel filios Judæ, id est Béthlehem, quasi suos ploret. Respondébimus breviter, quia sepúlta sit juxta Béthlehem in Ephrata : et ex

matérno corpúsculi hospitio matris nomen accéperit. Sive quóniam Juda et Bénjamin duæ tribus junctæ erant : et Heródes præcéperat non solum in Béthlehem interfici púeros, sed et in ómnibus finibus ejus.

R. Isti, qui amicti sunt stolis albis, qui sunt, et unde venérunt? Et dixit mihi : * Hi sunt, qui venérunt de tribulatione magna, et lavérunt stolas suas, et dealbavérunt eas in ságuine Agni. **V.** Vidi sub altáre Dei ánimas interfectórum propter verbum Dei, et propter testimónium quod habébant. Hi sunt. Glória Patri. Hi sunt.

AD LAUDES

ET PER HORAS

Ant. 1. Heródes irátus * occidit multos púeros in Béthlehem Judæ civitáte David.

Psalm. Dóminus regnávít. **cum reliq.** 18.

2. A bimátu * et infra, occidit multos púeros Heródes propter Dóminum.

3. Angeli eórum * semper vident faciém Patris.

4. Vox in Rama * audita est, plorátus et ululátus, Rachel plorans filios suos.

5. Sub throno Dei * omnes sancti clamant : Vindica ságuinem nostrum Deus noster.

Capitulum. Apoc. 14.

VIDI supra montem Sion Agnum stantem, et cum eo centum quadraginta quá-

tuor millia, habéntes nomen ejus, et nomen Patris ejus scriptum in fróntibus suis.

Hymnus.

SALVÉTE flores Mártýrum, Quos lucis ipso in limine Christi insecútor sústulit, Ceu turbo nascéntes rosas.

Vos prima Christi victima, Grex immolatórum tener, Aram sub ipsam simplices Palma et corónis lúditis.

Jesu tibi sit glória, Qui natus es de Virgine, Cum Patre, et almo Spíritu, In sempitérna sæcula.

Amen.

V. Heródes irátus occidit multos púeros. **R.** In Béthlehem Judæ civitáte David.

Ad Bened. Ant. Hi sunt, qui cum muliéribus non sunt coinquináti : vírgines enim sunt, et sequúntur Agnum, quocúmque ierit.

Oratio.

DEUS, cujus hodiérna die præcónium Innocéntes Mártýres non loquendo, sed moriéndó conféssi sunt : ómnia in nobis vitiórum mala mortifica; ut fidem tuam, quam lingua nostra lóquitur, étiam móribus vita fateátur. Per Dóminum.

Et fit Commem. de Nativitate.

Ant. Glória in excélsis Deo, et in terra pax hominibus bonæ voluntátis, allelúia, allelúia.

V. Notum fecit Dóminus, allelúia. **R.** Salutare suum, allelúia.

Oratio.

CONCÉDE, quæsumus omnipotens Deus : ut nos Unigéniti tui nova per carnem Nativitas liberet, quos sub peccáti iugo vetústa sérvitus tenet.

Deinde de S. Stephano.

Ant. Stéphanus áutem plenus grátia et fortitúdine, faciēbat signa magna in pópulo.

Ÿ. Sepeliérunt Stéphanum viri timoráti. **R.** Et fecérunt planctum magnum super eum.

Oratio.

DA nobis, quæsumus Dómine, imitári quod cólimus, ut discámus et inimicos diligere : quia ejus natalitia celebrámus, qui novit étiam pro persecutóribus exoráre Dóminum nostrum Jesum Christum Filium tuum.

Postea de S. Joanne.

Ant. Iste est Joánnes, qui supra pectus Dómini in cœna recúbuit : beátus Apóstolus, cui reveláta sunt secréta cæléstia.

Ÿ. Hic est discipulus ille, qui testimónium pérhibet de his. **R.** Et scimus quia verum est testimónium ejus.

Oratio.

ECCLÉSIAM tuam Dómine benígnus illústra : ut beáti Joánnis Apóstoli tui et Evangelistæ illumináta doctínis, ad dona pervéniat sempitérna. Per Dóminum.

AD TERTIAM

Ant. A bimátu.

Capit. Vidi supra montem. ut supra. 238.

R. br. Lætámini in Dómino, * Et exsultáte justí. Lætámini. Ÿ. Et gloriámini omnes recti corde. Et. Glória Patri. Lætámini.

Ÿ. Exsúltent justí in conspéctu Dei. **R.** Et delecténtur in lætítia.

AD SEXTAM

Ant. Angeli eórum.

Capitulum. Apoc. 14.

HI sunt, qui cum mulieribus non sunt coinquináti : vírgines enim sunt. Hi sequúntur Agnum, quocúmque ierit.

R. br. Exsúltent justí * In conspéctu Dei. Exsúltent. Ÿ. Et delecténtur in lætítia. In. Glória Patri. Exsúltent.

Ÿ. Justí áutem in perpétuum vivent. **R.** Et apud Dóminum est merces eórum.

AD NONAM

Ant. Sub throno Dei.

Capitulum. Apoc. 14.

Hierem্পti sunt ex hominibus primitiæ Deo et Agno, et in ore ipsórum non est invéntum mendácium : sine mácula enim sunt ante thronum Dei.

R. br. Justí áutem * In perpétuum vivent. Justí. Ÿ. Et apud Dóminum est merces eórum. In. Glória Patri. Justí.

Ÿ. Exsultábunt sancti in glória. **R.** Lætabúntur in cubilibus suis.

AD VESPERAS

Ant. et Pss. de Nativ. 220.

Capit. et Hymn. de Laud.,
ut supra. 238.

Ÿ. Sub throno Dei omnes
sancti clamant. R̃. Vindica
sanguinem nostrum Deus
noster.

Ad Magnif. Ant. Innocen-
tes pro Christo infantes oc-
cisi sunt, ab iniquo rege
lactentes interfec̃ti sunt :
ipsum sequuntur Agnum sine
macula, et dicunt semper :
Glória tibi Dómine.

Orat. Deus, cujus hodiér-
na. ut supra in Laud. 238.

Et fit Commem. S. Thomæ
Cantuariensis, nisi fuerit
Sabbatum.

Ant. Iste sanctus pro lege
Dei suicertávit usque ad mor-
tem, et a verbis impiórum
non timuit : fundátus enim
erat supra firmam petram.

Ÿ. Glória et honóre coro-
násti eum Dómine. R̃. Et
constituisti eum super ópera
manuum tuarum.

Oratio.

DEUS, pro cujus Ecclesia
gloriosus Póntifex Tho-
mas gládiis impiórum occú-
buit : præsta, quæsumus ; ut
omnes, qui ejus implórant
auxilium, petitiónis suæ sa-
lutárem consequántur effe-
ctum.

Deinde de Nativitate.

Ant. Hódie Christus natus
est : hódie Salvátor apparuit :
hódie in terra canunt Angeli,
lætántur Archángeli : hódie
exsultant justí, dicentes :
Glória in excelsis Deo, alle-
lúia.

Ÿ. Notum fecit Dóminus,
allelúia. R̃. Salutare suum,
allelúia.

Oratio.

CONCÉDE, quæsumus omni-
potens Deus : ut nos Uni-
géniti tui nova per carnem
Nativitas liberet ; quos sub
peccáti jugo vetústa sérvitus
tenet.

Postea de S. Stephano.

Ant. Sepeliérunt Stépha-
num viri timoráti, et fecé-
runt planctum magnum su-
per eum.

Ÿ. Stéphanus vidit cælos
apértos. R̃. Vidit et introívit :
beátus homo, cui cæli pa-
tébant.

Oratio.

DA nobis, quæsumus Dó-
mine, imitári quod cólí-
mus, ut discámus et inimi-
cos diligere : quia ejus nata-
litia celebrámus, qui novit
étiam pro persecutóribus ex-
oráre Dóminum nostrum Je-
sum Christum Filium tuum.

Et tandem de S. Joanne.

Ant. Exiit sermo inter
fratres, quod discipulus ille
non móritur ; et non dixit
Jesus, Non móritur : sed, Sic
eum volo manére, donec
veniam.

Ÿ. Valde honorándus est
beátus Joánnes. R̃. Qui supra
pectus Dómini in cœna re-
cúbuit.

Oratio.

ECCLÉSIAM tuam Dómine
benígnus illústra : ut
beáti Joánnis Apóstoli tui et
Evangelistæ illumináta do-

ctrinis, ad dona pervéniat sempiterna. Per Dóminum.

Si Festum Nativitatis Domini, S. Stephani, S. Joannis Evangelistæ, SS. Innocentium, et eorum dies Octavæ venerint in Dominica, ipso die nihil fit de Dom., sed die proximo post Festum S. Thomæ Mart. fit de ea, ut infra. 245.

Si Festum S. Thomæ venerit in Dominica, tunc in II. Vesp. SS. Innocentium fit Commem. S. Thomæ, deinde Dom.: Ant. Dum médium. v. Verbum caro. Orat. Omnipotens. ut infra. 245; et postea fiunt Commem. Octavarum. Die vero Dom. in Officio S. Thomæ legitur ix. Lect. de Homil., et fit ejus Commem. in Laud. ut infra, ante Commem. Octavarum. In II. autem Vesp. S. Thomæ Ant. et Pss. de Nativitate (ritu dupl.); Capit. et reliqua de S. Thoma, cum Commem. Dom. et Oct.

Si Festum S. Thomæ venerit in Sabbato, in ejus II. Vesp. ut supra fit Commem. Dom. seq. et Octavarum, et die 30 fit Officium Dominicæ ut infra, nisi agendum sit de Duplici.

DIE XXIX

IN FESTO

SANCTI THOMÆ

EPISCOPI ET MARTYRIS

Duplex.

Omnia de Comm. unius Mart. 24*, præter seq.

Oratio.

DEUS, pro cujus Ecclesiâ gloriósus Póntifex Thomas gládiis impiórum occubuit: præsta, quæsumus; ut omnes, qui ejus implórant auxilium, petitiónis suæ salutárem consequántur effectum. Per Dóminum.

IN I. NOCTURNO

Lect. A Miléto. 26*.

IN II. NOCTURNO

Lectio iv.

THOMAS, Londini in Anglia natus, Theobáldo succésit Cantuariénsi episcopo: et qui ántea in administrádo cancelláriæ múnere præcláre se gesserat, in episcopáli officio fortis et invictus fuit. Cum enim Henricus secúndus Angliæ rex, convocátis ad se episcopis et procéribus regni, leges ferret utilitáti ac dignitáti ecclesiásticæ repugnántes, ádeo constánter óbstitit régiæ cupiditáti, ut neque pollicitatióibus, neque terróribus de senténtia decédens, próxime conjiciéndus in cárcerem clam recésserit. Inde propinqui ejus omnis ætátis ejécti, amici, fautores omnes, iis, quibus per ætátem licéret, jurejurádo adstrictis, universos Thomam aditúros, si fortásse miserábili suórum calamitátis adspéctu moverétur, qui a sancto propósito privátis incómodis deteréri mínime potuisset. Non respéxit carnem aut ságuinem, neque ullus in eo hu-

manitátis sensus pastorális officii constántiam labefactávit.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Descenditque cum illo in foveam, et in vinculis non dereliquit eum. Et dedit.

Lectio v.

CÓNTULIT ígitur se ad Alexandrum tértium Pontíficem, a quo benigne accéptus est : et inde proféctus, mónachis Pontiniacénsis monastérii, Cisterciénsis órdis, ab eódem commendátus. Quod ut cognóvit Henricus, missis ad convéntum fratrum Cisterciénsium minácibus lítteris, Thomam e Pontiniaco monastério exturbáre conátur. Quare vir sanctus, véritus ne sua cáusa mali áliquíd Cisterciénsis familia paterétur, sponte discessit, et Ludovicum Gálliae regem ejus invitátu convénit : ubi támdiu fuit, quoad Pontífice Máximo, et ipso rege agéntibus, ab exsilio summa totíus regni gratulatióne revocátur. Qui dum boni pastóris officium secúrus exséquitur, ecce, calumniatóres ad regem defe-runt, eum multa contra regnum et públicam quiétem moliri, ut proptérea sápius conquererétur rex, se in suo regno cum uno sacerdote pacem habére non posse.

R. Desidérium ánimæ ejus tribuisti ei Dómine, * Et voluntáte labiórurn ejus non fraudásti eum. **V.** Quóniam prævenisti eum in benedictiόνibus dulcédinis : posuisti in cápite ejus coronam de lápide pretiósó. Et voluntáte.

Lectio vj.

Ex qua regis voce nefárii satéllites sperántes gratum se regi factúros, si Thomam e médio tóllerent, clam conveniéntes Cantuáriam, episcopum in templo vesper-tinis horis óperam dantem aggrediúntur. Qui cléricis templi áditus præclúdere conántibus accúrrens, óstium apérui, illis usus verbis ad suos : Non est Dei Ecclésia custodiénda more castrórum : et ego pro Ecclésia Dei libénter mortem subibo. Tum ad milites : Vos Dei jussu cavéte, ne cuipiam meórum noceátis. Deínde flexis génibus, Deo, beátæ Mariæ, sancto Dionýsio et réliquis sanctis ejus ecclésiæ patrónis, Ecclésiám et seípsum comméndans, sacrum caput eádem constántia, qua iniquíssimi regis légibus restiterat, impio ferro præcidéndum obtulit, quarto Kaléndas Januárii, anno Dómini millésimo centésimo septuagésimo primo : cujus cérebro respésum est totius templi paviméntum. Quem multis póstea illústrem miráculis idem Alexander Pón-

tifex rétulit in Sanctórum númerum.

R. Stola jucunditátis in-
duit. 30*.

IN III. NOCTURNO

Léctio sancti Evangélíi se-
cúndum Joánnem.

Lectio vij. Cap. 10. b

IN illo témpore : Dixit Jesus
pharisæis : Ego sum pastor
bonus. Bonus pastor ánimam
suam dat pro óvibus suis. Et
réliqua.

Homilia sancti Joánnis
Chrysóstomi.

Homilia 59. in Joannem.

MAGNUM quiddam, dile-
ctissimi, magnum, in-
quam, est Ecclésiæ prælatio,
et quæ multa indiget sapién-
tia et fortitúidine, qualem
Christus propósuit : ut áni-
mam pro óvibus ponámus,
et numquam illas deserá-
mus : ut lupo generóse resi-
stámus. Hæc enim inter pa-
stórem et mercenárium est
differéntia. Alter própriae,
contéptis óvibus : alter,
sua contépta, óvium sem-
per salúti invigilat. Pastóris
ergo exémplo demonstráto,
deceptóres duos méminit;
furem mactántem et rapién-
tem oves; et mercenárium
permitténtem, neque defen-
déntem commissas.

R. Coróna áurea super
caput ejus, ^{*} Expressa signo
sanctitátis, glória honóris,
et opus fortitúdinis. ^Ÿ Quó-
niam prævenisti eum in be-
nedictiónibus dulcédinis,
posuisti in cápite ejus coró-

nam de lápide pretióso. Ex-
pressa signo.

Lectio viij.

QUOD superióri témpore
Ezéchiél his verbis inse-
ctátus est : Væ pastóribus
Israël : nonne pascébant
semetipsos? nonne greges
pascúntur a pastóribus? Sed
illi contrárium faciébant,
quod máximæ malitiæ genus
est, et plurimórum cáusa
malórum. Idcirco inquit :
Neque quod abjéctum erat,
reducébant : neque quod
perierat, quærébant, neque
confráctum alligábant, ne-
que infirmum consolidá-
bant : quóniam se, non gre-
gem pascébant. Idem et Pául-
us áliis verbis significat :
Omnes quæ sua sunt, quæ-
runt, non quæ Jesu Christi.

R. Hic est vere Martyr, qui
pro Christi nómine sángui-
nem suum fudit : ^{*} Qui minas
júdicum non tímuit, nec ter-
renæ dignitátis glóriam quæ-
sivit, sed ad cæléstia regna
pervénit. ^Ÿ Justum dedúxit
Dóminus per vias rectas, et
osténdit illi regnum Dei.
Qui minas. Glória Patri. Qui
minas.

Lectio ix.

VERUM ab utróque se dis-
sidére osténdit Christus :
ab illis quidem, qui in alió-
rum perniciem véniunt, cum
dicat, se proptérea venisse,
ut vitam habérent, et abun-
dántius habérent : ab his
áutem, qui oves a lupis rapi
negligébant, dicéndo se pro-

pter eas ánimam pónere, ne oves perírent. Nam cum Judæi ipsum interimere vel-
lent, non propterea déstitit a doctrina, neque credéntes trádedit, sed pérstitit, et pér-
tulit mortem : ideo fre-
quénter inquit : Ego sum pastor bonus. Quæ cum nullo
niti testimónio videréntur,
(quod enim póneret ánimam
suam, non multo post re-
monstrátum est : quod áutem
vitam habérent, et abundán-
tius habérent, eventúrum
erat in futúro século) álte-
rum ab áltero confirmat.

Te Deum laudámus. 17.

In Laudibus fiunt Com-
memorationes de Octavis.

De Nativitate.

Ant. Glória in excélsis
Deo, et in terra pax homi-
nibus bonæ voluntátis, alle-
lúia, allelúia.

Ÿ. Notum fecit Dóminus,
allelúia. R. Salutare suum,
allelúia.

Oratio.

CONCÉDE, quæsumus omni-
potens Deus : ut nos
Unigéniti tui nova per car-
nem Nativitas liberet, quos
sub peccáti iugo vetústa sér-
vitus tenet.

De S. Stephano.

Ant. Stéphanus áutem
plenus grátia et fortitúdine,
faciébat signa magna in
pópulo.

Ÿ. Sepeliérunt Stéphanum
viri timoráti. R. Et fecérunt
planctum magnum super
eum.

Oratio.

DA nobis, quæsumus Dó-
mine, imitári quod cólí-
mus, ut discámus et inimicos
diligere : quia ejus natalítia
celebrámus, qui novit étiam
pro persecutóribus exoráre
Dóminum nostrum Jesum
Christum Filium tuum.

De S. Joanne.

Ant. Iste est Joánnes, qui
supra pectus Dómini in cœna
recúbuit : beátus Apóstolus,
cui reveláta sunt secréta cæ-
léstia.

Ÿ. Hic est discipulus ille,
qui testimónium pérhibet de
his. R. Et scimus quia verum
est testimónium ejus.

Oratio.

ECCLÉSIAM tuam Dómine
benignus illústra : ut
beáti Joánnis Apóstoli tui
et Evangelistæ illumináta
doctrinis, ad dona pervé-
niat sempitérna.

De SS. Innocentibus.

Ant. Hi sunt, qui cum
mulieribus non sunt coin-
quináti : vírgines enim sunt,
et sequúntur Agnum quo-
cúmque ierit.

Ÿ. Heródes irátus occidit
multos púeros. R. In Béthle-
hem Judæ civitáte David.

Oratio.

DEUS, cujus hodiérna die
præcónium Innocéntes
Mártýres non loquendo, sed
moriendo conféssi sunt :
ómnia in nobis vitiórum
mala mortifica ; ut fidem
tuam, quam lingua nostra
lóquitur, étiam móribus vita

fateatur. Per Dóminum nostrum.

Si Festum S. Thomæ non venerit in Dominica, Offic. Dom. fit die immediate sequenti Festum ipsius, nisi fuerit Sabbatum : quia tunc de Dom. fit tantum Commem. in die S. Silvestri; et in Sabbato fit Offic. de Oct. Nativitatis, ut inferius ponitur. 251.

DOMINICA

INFRA OCTAVAM NATIVITATIS

In II. Vesp. S. Thomæ, quando non venerit in Dom., Ant. et Pss. de Nativ. 220, ritu dupl.

Capit. et Hymn. de Comm. unius Mart. 24*.

Ÿ. Justus ut palma florébit. R. Sicut cedrus Líbani multiplicábitur.

Ad Magnif. Ant. Qui vult venire post me, ábneget semetipsum, et tollat crucem suam, et sequatur me.

Oratio.

DEUS, pro cujus Ecclesia gloriósus Póntifex Thomas gládiis impiórum occúbuit : præsta, quæsumus; ut omnes, qui ejus implórant auxílium, petitiónis suæ salutárem consequántur efectum. Per Dóminum.

Deinde fit Commem. Dom.

Ant. Dum médium siléntium tenérent ómnia, et nox in suo cursu médium iter perágeret, omnipotens sermo tuus Dómine a regálibus sédibus venit, allelúia.

Ÿ. Verbum caro factum

est, allelúia. R. Et habitávit in nobis, allelúia.

Oratio.

OMNÍPOTENS sempitérne Deus, dirige actus nostros in beneplácito tuo : ut in nómine dilécti Filii tui mereámur bonis opéribus abundare : Qui tecum vivit.

Postea de Nativitate.

Ant. Hódie Christus natus est : hódie Salvátor appáruit : hódie in terra canunt Angeli, lætántur Archángeli : hódie exsúltant justí, dicéntes : Glória in excélsis Deo, allelúia.

Ÿ. Notum fecit Dóminus, allelúia. R. Salutáre suum, allelúia.

Oratio.

CONCÉDE, quæsumus omnipotens Deus : ut nos Unigéniti tui nova per carnem Nativitas liberet, quos sub peccáti jugo vetústa sérvitus tenet.

De S. Stephano.

Ant. Sepeliérunt Stéphanum viri timoráti, et fecérunt planctum magnum super eum.

Ÿ. Stéphanus vidit cælos apértos. R. Vidit et introívit : beátus homo, cui cæli patébant.

Oratio.

DA nobis, quæsumus Dómine, imitári quod cólimus, ut discámus et inimicos diligere : quia ejus natalítia celebrámus, qui novit étiam pro persecutóribus exoráre Dóminum

nostrum Jesum Christum
Filium tuum.

De S. Joanne.

Ant. Exiit sermo inter fratres, quod discipulus ille non móritur : et non dixit Jesus, Non móritur : sed, Sic eum volo manére, donec véniam.

Ÿ. Valde honorándus est beátus Joánnes. *R.* Qui supra pectus Dómini in cœna recúbuit.

Oratio.

ECCLÉSIAM tuam Dómine benígnus illústra : ut beáti Joánnis Apóstoli tui et Evangelistæ illumináta doctrinis ad dona pervéniat sempitérna.

De SS. Innocentibus.

Ant. Innocéntes pro Christo infántes occisi sunt, ab iníquo rege lacténtes interfécti sunt : ipsum sequúntur Agnum sine mácula, et dicunt semper : Glória tibi Dómine.

Ÿ. Sub throno Dei omnes sancti clamant. *R.* Víndica sánguinem nostrum Deus noster.

Orat. Deus, cujus hodiérna die. 244.

AD MATUTINUM

Omnia dicuntur sicut in die Nativitatis. 206, præter *Ant.* ad Benedictus et ad Magnif., *Orat.*, *Lect.* et *R.*

Hac nocte ponitur Epistola B. Pauli ad Romanos, et de ea et aliis ejus Epistolis legitur usque ad Septuag.

IN I. NOCTURNO

Incipit Epístola beáti Páuli Apóstoli ad Romános.

Lectio j. Cap. 1.

PÁULUS servus Jesu Christi, vocátus Apóstolus, segregátus in Evangélium Dei, quod ante promiserat per prophétas suos in Scriptúris sanctis de Filio suo, qui factus est ei ex sémine David secúndum carnem, qui prædestinátus est Filius Dei in virtúte secúndum spíritum sanctificatiónis, ex resurrectione mortuórum Jesu Christi Dómini nostri : per quem accépimus grátiam, et apostolátum ad obediéndum fidei in ómnibus géntibus pro nómine ejus, in quibus estis et vos vocáti Jesu Christi : ómnibus qui sunt Romæ, diléctis Dei, vocátis sanctis. Grátia vobis, et pax a Deo Patre nostro, et Dómino Jesu Christo.

R. Hódie nobis de cælo pax vera descéndit : *Hódie per totum mundum melliflui facti sunt cæli. *Ÿ.* Hódie illúxit nobis dies redemptionis novæ, reparatiónis antiquæ, felicitátis æternæ. Hódie.

Lectio ij.

PIMUM quidem grátias ago Deo meo per Jesum Christum pro ómnibus vobis : quia fides vestra annuntiátur in univérso mundo. Testis enim mihi est Deus, cui servo in spíritu meo in Evangélio Fílii ejus, quod sine intermissiône memóriam ve-

stri fácio semper in oratió-
nibus meis : óbsecrans, si
quomodo tandem aliquándo
prósperum iter hábeam in
voluntáte Dei veniéndi ad
vos. Desídero enim vidére
vos : ut áliquíd impértiar
vobis grátiae spirituális ad
confirmándos vos : id est,
simul consolári in vobis per
eam, quæ invicem est, fidem
vestram atque meam.

R. Quem vidistis pastóres?
dicite, annuntiáte nobis, in
terris quis apparuit? **N**atum
vidimus, et choro Angeló-
rum collaudántes Dóminum.
V. Dicite, quidnam vidistis?
et annuntiáte Christi nativi-
tátem. Natum.

Lectio iij.

NOLO áutem vos ignoráre
fratres : quia sæpe pro-
pósui veníre ad vos, (et pro-
hibitum sum usque adhuc)
ut áliquem fructum hábeam
et in vobis, sicut et in cæ-
teris géntibus : Græcis, ac
Bárbaris, sapiéntibus, et
insipiéntibus débitor sum :
ita (quod in me) promptum
est et vobis, qui Romæ estis,
evangelizáre. Non enim eru-
bésco Evangélium. Virtus
enim Dei est in salútem omni
credénti, Judæo primum,
et Græco. Justitia enim Dei
in eo revelátur ex fide in
fidem : sicut scriptum est :
Justus áutem ex fide vivit.
Revelátur enim ira Dei de
cælo super omnem impietá-
tem et injustitiam hóminum
eórum, qui veritátem Dei

in injustitia détinent : quia
quod notum est Dei, mani-
féstum est in illis. Deus enim
illis manifestávit.

R. O magnum mystérium,
et admirábile sacraméntum,
ut animália vidérent Dómi-
num natum, jacéntem in
præsepío : *** Beáta Virgo, cu-**
jus viscera meruerunt por-
táre Dóminum Christum. V.
Ave María, grátia plena :
Dóminus tecum. Beáta Virgo.
Glória Patri. Beáta Virgo.

IN II. NOCTURNO

Sermo sancti Leónis Papæ.

Serm. 9. de Nativ. Dom.

Lectio iv.

EXCÉDIT quidem, dilectis-
simi, multúmque su-
peréminet humáni elóqui
facultátem divíni óperis ma-
gnitúdo : et inde óritur dif-
ficúltas fandi, unde adest
rátio non tacéndi. Quia in
Christo Jesu Filio Dei non
solum ad divínam essén-
tiam, sed étiam ad humánam
spectat natúram quod dic-
tum est per prophétam :
Generatióne ejus quis enar-
rábit? Utrámque enim sub-
stántiam in unam convenisse
persónam, nisi fides credat,
sermo non éxplicat. Et ídeo
numquam matéria déficit
láudis, quia numquam súf-
ficit cópia laudatóris.

R. Beáta Dei Génitrix Ma-
ria, cujus viscera intácta
pérmament : *** Hódie génuit**
Salvatórem sæculi. V. Beáta
quæ crédidit : quóniam per-
fécta sunt ómnia, quæ dicta

sunt ei a Dómino. Hódie genuit.

Lectio v.

GAUDEÁMUS igitur, quod ad eloquéndum tantæ misericórdiæ sacraméntum impares sumus : et cum salutis nostræ altitúdinem promere non valeámus, sentiámus nobis bonum esse, quod vincimur. Nemo enim ad cognitióem veritátis magis propinquat, quam qui intélligit in rebus divinis, étiam si multum proficiat, semper sibi superesse quod quærat. Nam qui se ad id, in quod tendit, pervenisse præsumit, non quæsita réperit, sed in inquisitióne déficit.

R. Sancta et immaculáta virginitas, quibus te láudibus éfferam, nescio : * Quia quem cæli cápere non póterant, tuo grémio contulisti. **Ÿ.** Benedicta tu in muliéribus, et benedictus fructus ventris tui. Quia.

Lectio vj.

NE áutem infirmitátis nostræ perturbémur angústiiis, evangélicæ nos et prophéticæ ádjuvant voces : quibus ita accéndimur, et docémur, ut nos Nativitátem Dómini, qua Verbum caro factum est, non tam præteritam recólere, quam præsentem videámur inspicere. Quod enim pastóribus pro gregum suórum custódia vigilántibus nuntiávit Angelus, étiam nostrum implévit auditum : et ideo Dominicis óvi-

bus præsumus, quia verba divinitus édita cordis áure servámus : tamquam et in hodiérna festivitáte dicátur : Evangelizo vobis gáudium magnum, quod erit omni pópulo, quia natus est vobis hódie Salvátor, qui est Christus Dóminus, in civitáte David.

R. Beáta viscera Mariæ Virginis, quæ portavérunt ætérni Patris Filium : et beáta úbera, quæ lactavérunt Christum Dóminum : * Qui hódie pro salute mundi de Virgine nasci dignátus est. **Ÿ.** Dies sanctificátus illúxit nobis : veníte gentes, et adoráte Dóminum. Qui. Glória. Qui.

IN III. NOCTURNO

Lectio sancti Evangélii
secúndum Lucam.

Lectio vij. Cap. 2. c

IN illo témpore : Erat Joseph, et María mater Jesu, mirántes super his, quæ dicebántur de illo. Et reliqua.

Homília sancti Ambrósii
Episcopi.

**Lib. 2. in cap. 2. Lucæ,
prope finem.**

VIDES úberem in omnes grátiam, Dómini generatióne diffúsam et prophetiam incrédulis negátam esse, non justis. Ecce et Simeon prophétat, in ruínam et resurrectiόnem plurimórum venisse Dóminum Jesum Christum, ut justórum, iniquorúmque mérita discernat; et pro nostrórum qualitate factórum, iudex verus et justus

aut supplicia decérnat, aut præmia.

R. Verbum caro factum est, et habitávit in nobis :
***Et** vidimus glóriam ejus, glóriam quasi Unigéniti a Patre, plenum grátiae et veritátis. **Ÿ.** Omnia per ipsum facta sunt, et sine ipso factum est nihil. Et.

Lectio viij.

Et tuam ipsius ánimam pertransibit gládus. Nec littera, nec história docet, ex hac vita Mariam corporális necis passióne migrásse. Non enim ánima, sed corpus materiáli gládio transverberátur. Et ideo prudéntiam Mariæ haud ignáram mystérii cæléstis osténdit. Vivum enim verbum Dei, et válidum, et acútius omni gládio acutíssimo, pénétrans usque ad divisióem ánimæ et spíritus, ártuum quoque et medullárum, cogitatióes cordis et secréta scrutátur animórum, quia nuda et apérta sunt ómnia Dei Filio, quem consciéntiæ secréta non fallunt.

R. O Regem cæli, cui tália famulántur obséquia : stábulo pónitur, qui cóninet mundum : ***Jacet** in præsépio, et in cælis regnat. **Ÿ.** Natus est nobis hódie Salvátor, qui est Christus Dóminus, in civitáte David. Jacet. Glória Patri. Jacet.

Lectio ix.

PROPHETÁVIT itaque Símeon, prophetáverat

virgo, prophetáverat copuláta conjúgio; prophetáre débuit étiam vídua, ne qua aut professio deéset, aut sexus. Et ideo Anna et stipéndiis viduitátis, et móribus talis indúcitur, ut digna plane fuisse credátur, quæ Redemptórem ómnium venisse nuntiáret. Cujus mérita cum álibi descripsérimus, cum víduas hortarémur, hoc loco, quóniam ad ália properámus, non putámus iteránda.

Te Deum laudámus. 17.

AD LAUDES

ET PER HORAS

Ant. 1. Quem vidistis, ***pastóres?** dicite, annuntiáte nobis, in terris quis apparuit? Natum vidimus, et choros Angelórum collaudántes Dóminum, allelúia, allelúia.

Ps. Dóminus regnávít. **cum reliq. 18.**

2. Génuit puérpera ***Regem**, cui nomen ætérnum, et gáudia matris habens cum virginitátis honóre : nec primam símilem visa est, nec habére sequéntem, allelúia.

3. Angelus ad pastóres ***ait** : Annúntio vobis gáudium magnum : quia natus est vobis hódie Salvátor mundi, allelúia.

4. Facta est cum Angelo ***multitúdo** cæléstis exércitus laudántium Deum, et dicéntium : Glória in excélsis Deo, et in terra pax homínibus bonæ voluntátis, allelúia.

5. Párvulus filius * hódie natus est nobis, et vocábitur Deus, fortis, allelúia, allelúia.

Capitulum. Galat. 4.

FRATRES : Quanto témpore heres párvulus est, nihil differt a servo, cum sit dóminus ómnium : sed sub tutóribus et actóribus est usque ad præfinitum tempus a patre.

Hymn. A solis ortus. 218.

Ÿ. Verbum caro factum est, allelúia. **R.** Et habitávit in nobis, allelúia.

Ad Bened. Ant. Dum médium siléntium * tenérent ómnia, et nox in suo cursu médium iter perágeret, omnipotens sermo tuus Dómine a regálibus sédibus venit, allelúia.

Oratio.

OMNÍPOTENS sempitérne Deus, dirige actus nostros in beneplácito tuo : ut in nómine dilécti Filii tui mereámur bonis opéribus abundáre : Qui tecum vivit.

Et sit Commem. de Oct. Nativit. et aliis Oct., ut supra. 244.

AD TERTIAM

Ant. Génuit puérpera.

Capit. Fratres : Quanto témpore. **ut supra.**

R. **br.** Verbum caro factum est, * Allelúia, allelúia. Verbum. **Ÿ.** Et habitávit in nobis. Allelúia, allelúia. Glória Patri. Verbum.

Ÿ. Ipse invocábit me, allelúia. **R.** Pater meus es tu, allelúia.

AD SEXTAM

Ant. Angelus ad pastóres.

Capitulum. Galat. 4.

AT ubi venit plenitúdo témporis, misit Deus Filium suum factum ex muliere, factum sub lege, ut eos, qui sub lege erant, redimeret, ut adoptiónem filiórum recipérémus.

R. **br.** Notum fecit Dóminus, * Allelúia, allelúia. Notum. **Ÿ.** Salutáre suum. Allelúia, allelúia. Glória Patri. Notum.

Ÿ. Vidérunt omnes fines terræ, allelúia. **R.** Salutáre Dei nostri, allelúia.

AD NONAM

Ant. Párvulus filius.

Capitulum. Galat. 4.

ITAQUE jam non est servus, sed filius : quod si filius, et heres per Deum.

R. **br.** Vidérunt omnes fines terræ, * Allelúia, allelúia. Vidérunt. **Ÿ.** Salutáre Dei nostri. Allelúia, allelúia. Glória Patri. Vidérunt.

Ÿ. Verbum caro factum est, allelúia. **R.** Et habitávit in nobis, allelúia.

IN II. VESPERIS

Ant. et Pss. de Nativitate. 220.

Capit. Fratres : Quanto. **ut supra.**

Hymn. Jesu Redémptor. 205.

Ÿ. Verbum caro factum est, allelúia. **R.** Et habitávit in nobis, allelúia.

Ad Magnif. Ant. Puer Jesus * proficiébat ætáte et sa-

piéntia coram Deo et hominibus.

Orat. Omnipotens. **ut supra.** 250.

Deinde fiunt Commem. de Octavis. 245.

IN DIE INFRA OCT. NATIVITATIS

Sidies post Festum S. Thomæ fuerit Sabbatum, Officium fit de Octava Nativitatis hoc modo :

In II. Vesperis S. Thomæ omnia dicuntur sicut in II. Vesperis diei Nativitatis ritu dupl. 220. Capit. et reliqua de S. Thoma. Deinde fit Commem. Oct. Nativitatis et aliarum Oct., ut supra. 245.

AD MATUTINUM

Omnia dicuntur sicut in Dom. infra Oct. Nativitatis. 246, præter Lect. III. Noct., quæ dicuntur ut infra.

IN III. NOCTURNO

Lectio sancti Evangelii secundum Lucam.

Lectio vij. Cap. 2. b

In illo tempore : Pastores loquebantur ad invicem : Transeamus usque Bethlehem, et videamus hoc verbum quod factum est, quod Dominus ostendit nobis. Et venerunt festinantes. Et reliqua.

Homilia sancti Ambrósii Episcopi.

Lib. 2. in cap. 2. Lucæ, circa medium.

Vides festinare pastores. Nemo enim cum desideria Christum requirit. Vides pastores Angelo credidisse :

et tu Patri, Filio, Spiritui sancto, Angelis, Prophetis, et Apóstolis credere non vis? Vide, quam signanter Scriptura singulorum libret momenta verborum. Festinant, inquit, Verbum videre. Et enim cum caro Domini videtur, Verbum videtur, quod est Filius.

R. Verbum caro factum est, et habitavit in nobis : *** Et vidimus gloriam ejus, gloriam quasi Unigeniti a Patre, plenum gratiæ et veritatis. V.** Omnia per ipsum facta sunt, et sine ipso factum est nihil. Et vidimus.

Lectio viij.

Non mediocre fidei tibi hoc videatur exemplum, quod vilis sit persona pastorum. Certe quo vilior ad prudentiam, eo pretiosior ad fidem. Non gymnasia choris referta sapientum, sed plebem Dominus simplicem requisivit, quæ phalerare audita, et fucare nesciret. Simplicitas enim quaeritur, non ambitio desideratur.

R. O Regem cæli, cui talia famulantur obsequia : stabulo ponitur, qui continet mundum : *** Jacet in præsepio, et in cælis regnat. V.** Natus est nobis hodie Salvator, qui est Christus Dominus, in civitate David. Jacet. Glória Patri. Jacet.

Lectio ix.

Nec contemnenda putes quasi vilia verba pastorum. A pastoribus enim Ma-

ria fidem cōlligit. A pastóribus pópulus ad Dei reveréntiam congregátur. Miráti étiam sunt omnes qui audiérunt, de iis, quæ dicebántur a pastóribus ad ipsos. María áutem conservábat ómnia verba hæc, cónferens in corde suo. Discámus sanctæ Virginis in ómnibus castitátem, quæ non minus ore pudica, quam corpore, argumenta fidei conferébat in corde.

Te Deum laudámus. 17.

Ad Laud. omnia dicuntur sicut in Nativ. 218, et post Orationem fit Commem. de S. Stephano, et reliquis Oct., ut supra. 244.

Ad Horas, omnia dicuntur sicut in Nativ. Domini. 219.

Ad Vesperas, Ant. et Pss. de Nativitate. 220, et Ant. duplicantur. Capitulum et reliqua de S. Silvestro.

Si Festum S. Silvestri venerit in Dominica, agitur de Festo cum Commem. Dom. in I. Vesp. et in Laud. ante Commem. omnium Octavarum; et ix. Lectio erit de Homil. Dominicæ. 248.

DIE XXXI

IN FESTO

SANCTI SILVESTRI

PAPE ET CONF.

Duplex.

A Capit. omnia de Comm. Conf. Pont. 55*.

Oratio.

DA, quæsumus omnípotens Deus : ut beáti Sil-

vétris Confessoris tui atque Pontificis veneránda solémnitas, et devotióne nobis áugeat et salútem. Per Dóminum.

Deinde fit Commem. de Octavis, ut supra. 245.

IN I. NOCTURNO

De Epistola ad Romános.

Lectio j. Cap. 2.

PROPTER quod inexcusábilis es, o homo omnis, qui júdicas. In quo enim júdicas álterum, teípsum condémnas : éadem enim agis quæ júdicas. Scimus enim quóniam judicium Dei est secúndum veritátem in eos, qui tália agunt. Existimas áutem hoc, o homo, qui júdicas eos, qui tália agunt, et facis ea, quia tu effúgies judicium Dei? An divítias bonitátis ejus, et patiéntiæ, et longanimitátis contémnis? Ignóras quóniam benignitas Dei ad pœniténtiam te addúcit?

R. Euge serve bone et fidélis, quia in páuca fuísti fidélis, supra multa te constituam : * Intra in gáudium Dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

Lectio ij.

SECÚNDUM áutem durítiam tuam, et impcénitens cor, thesaurizas tibi iram in die iræ, et revelatiónis justi judicii Dei, qui reddet unicuique secúndum ópera ejus : iis quidem, qui secúndum

patiéntiam boni óperis, glóriam, et honórem, et incorruptiónem quærunť, vitam ætérnam : iis áutem, qui sunt ex contentióne, et qui non acquiêscunt veritáti, credunt áutem iniquitáti, ira et indignátio.

¶ Ecce sacérdos magnus, qui in diébus suis plácuit Deo : Ideo jurejurándo fecit illum Dóminus crêscere in plebem suam. ¶ Benedictiónem ómnium géntium dedit illi, et testaméntum suum confirmávit super caput ejus. Ideo.

Lectio iij.

TRIBULATIO et angústia in omnem ánimam hómínis operántis malum, Judæi primum, et Græci : glória áutem, et honor, et pax omni operánti bonum, Judæo primum et Græco : non enim est accéptio personárum apud Deum. Quicúmque enim sine lege peccavérunt, sine lege peribunt : et quicúmque in lege peccavérunt, per legem judicabúntur. Non enim auditóres legis justí sunt apud Deum, sed factóres legis justificabúntur.

¶ Jurávit Dóminus. 59*.

IN II. NOCTURNO

Lectio iv.

SILVÉSTER Románus, patre Rufino, a prima ætáte óperam dedit Cyrino presbýtero : cujus doctrinam et mores egrégie imitátus est. Hic, sæviénťe persecutióne,

in Sorácte monte latitáverat, et trigésimum annum agens, presbyter sanctæ Románæ Ecclesiæ a Marcellíno Pontífice créatur. Quo in múnere cum omni láude cléricis áliis antecélleret, in Melchiadis póstea locum succéssit, imperátore Constantíno, qui ántea pacem Ecclesiæ Christi lege pública déderat. Vix Ecclesiæ gubernácula tractánda suscepérat, Constantínus, jam Crucis signo cælitus illustrátus, et de hoste Maxéntio victórem, ad tuéndam propagandámque christiánam religiónem impénse fovit. Quem étiam, uti vetus Ecclesiæ Románæ refert traditio, Apostolórum imágines recognóscere fecit, sacro baptismo tinxit, et ab infidelitátis lepra mundávit.

¶ Inveni David servum meum, óleo sancto meo unxi eum : Manus enim mea auxiliábitur ei. ¶ Nihil proficiet inimicus in eo, et filius iniquitátis non nocébit ei. Manus.

Lectio v.

ITAQUE auctóre Silvέstro pius imperátor quam christifidélibus públice templá exstruéndi tribúerat facultátem, eam exémplo suo confirmávit ; multas enim eréxit basilicas, scilicet Lateranénsem Christo Servatóri, Vaticanám sancto Petro, Ostiénsem sancto Páulo, sancto Lauréntio in Agro

Veráno, sanctæ Cruci in Atrio Sessoriano, sanctis Petro et Marcellino ac sanctæ Agnæti in viis Lavicana et Nomentana, et alias, quas sacris imaginibus splendide exornavit, et, munèribus prædiisque attributis, magnificentissime locupletavit. Hoc Pontifice habitum est Concilium Nicænum primum, ubi præsidentibus ejus legatis, præsentique Constantino, et trecéntis decem et octo episcopis, sancta et catholica fides explicata est, Ario ejusque sectatoribus condemnatis; quod etiam Concilium, petentibus Patribus, confirmavit in synodo Romæ habita, ubi iterum Arius condemnatus est. Multa item decreta fecit Ecclesiæ Dei utilia, quæ sub ejus nomine recensentur; id est, ut a solo episcopo chrisma conficeretur; ut presbyter chrismate baptizati summum liniret verticem; ut diaconi dalmaticis in ecclesia, et palla linostima ad lævam uterentur; ut in lineo tantum velo sacrificium altaris conficeretur.

R. Pôsui adjutórium super poténtem, et exaltávi eléctum de plebe mea: * Manus enim mea auxiliábitur ei. **V.** Inveni David servum meum, óleo sancto meo unxi eum. Manus.

Lectio vj.

IDEM præscripsisse traditur tempus ómnibus, qui

ordinibus initiati essent, exercendi singulos ordines in Ecclesia, antequam quisque ad altiorem gradum ascenderet; ut laicus clérico non inferret crimen; ne clericus apud profanum iudicem causam diceret. Sabbati et Dominici diæi nomine retento, reliquos hebdomadæ dies feriarum nomine distinctos, ut jam ante in Ecclesia vocari cœperant, appellari voluit, quo significaretur, quotidie clericos, abjecta cæterarum rerum cura, uni Deo prorsus vacare debere. Huic cælesti prudentiæ, qua Ecclesiam administrabat, insignis vitæ sanctitas, et benignitas in pauperes perpetuo respondit. Quo in genere providit, ut clericis copiosis egentes conjungeret, et sacris virginibus, quæ ad victum necessaria essent, suppeditarèntur. Vixit in pontificatu annos viginti unum, menses decem, diem unum. Sepultus est in cœmeterio Priscillæ, via Salaria. Fecit ordinationes septem mense Decembri, quibus creavit presbyteros quadraginta duos, diaconos viginti quinque, episcopos per diversa loca sexaginta quinque.

R. Iste est. 62*.

IN III. NOCTURNO

Homil. Sancti Evangelii. de Comm. Conf. non Pont. 1º loco. 85*, cum **R.R.** de Conf. Pont. 64*.

Reliqua omnia usque ad
Vesp. sumuntur de Comm.
Conf. Pont. Et in fine Laud.
fit Commem. de Oct., ut su-
pra. 244.

IN CIRCUMCISIONE DOMINI
ET OCTAVA NATIVITATIS
Duplex 2. classis.

IN I. VESPERIS

Ant. et Capit. de Laud.
264. Pss. ut in Festis B. M.
V. per annum. 145*.

Hymnus.

JESU Redemptor
omnium,
Quem lucis ante
originem
Parem Paternæ gloriæ
Pater supremus edidit.

Tu lumen, et splendor
Patris,

Tu spes perennis omnium,
Intende quas fundunt preces
Tui per orbem servuli.

Meménto, rerum Cónditor,
Nostri quod olim corporis,
Sacrata ab alvo Virginis
Nascendo, formam sumpse-
ris.

Testátur hoc præsens dies,
Currrens per anni circulum,
Quod solus e sinu Patris
Mundi salus adveneris.

Huncastra, tellus, æquora,
Hunc omne quod cælo sub-
est,

Salutis auctorem novæ
Novo salutat canticò.

Et nos, beata quos sacri
Rigavit unda sanguinis,
Natalis ob diem tui
Hymni tributum solvimus.

Jesu tibi sit glória,
Qui natus es de Virgine,
Cum Patre; et almo Spiritu,
In sempiterna sæcula.
Amen.

Ÿ. Verbum caro factum
est, allelúia. R. Et habitavit
in nobis, allelúia.

Ad Magnif. Ant. Propter
nimiam caritatem suam,
qua dilexit nos Deus, Filium
suum misit in similitudinem
carnis peccati, allelúia.

Oratio.

DEUS, qui salutis æternæ;
beatæ Mariæ virginitate
fecunda, humano generi
præmia præstitisti: tribue,
quæsumus; ut ipsam pro
nobis intercédere sentiámus,
per quam meruimus
auctorem vitæ suscipere Dó-
minum nostrum Jesum Chri-
stum Filium tuum: Qui te-
cum vivit et regnat.

Et non fit aliqua Com-
memoratio.

AD MATUTINUM

Invit. Christus natus est
nobis, * Venite, adorémus.

Ps. Venite, exultémus. 2.

Hymn. Jesu Redemptor.
ut supra.

IN I. NOCTURNO

Ant. Dóminus dixit * ad
me: Filius meus es tu, ego
hódie genui te.

Psalmus 2.

QUARE fremuerunt gentes,*
et populi meditati sunt
inánia?

Adstitérunt reges terræ,
et principes convenérunt in

unum* advérsus Dóminum,
et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua : * et in furóre suo conturbábit eos.*

Ego áutem constitútus sum rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam terminos terræ.

Reges eos in virga férrea, * et tamquam vas figuli confrínges eos.

Et nunc reges intelligite : * erudimini, qui judicátis terram.

Servite Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Dóminus dixit ad me : Filius meus es tu, ego hódie génui te.

Ant. In sole pósuit* tabernáculum suum : et ipse tamquam sponsus procedens de thálamo suo.

Psalmus 18.

CÆLI enarrant glóriam Dei,*
et ópera mánuum ejus annúntiat firmaméntum.

Dies diéi erúctat verbum,*
et nox nocti indicat sciéntiam.

Non sunt loquélæ, neque sermónes,* quorum non audiántur voces eórum.

In omnem terram exivit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam,* a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans pávullis.

Justitiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judícia Dómini vera, justificáta in semetipsa.

Desiderabilia super áurum et lápidem pretiósium multum : * et dulcióra super mel et favum.

Etenim servus tuus custódit ea,* in custodiéndis illis retribútio multa.

Delicta quis intélligit? ab

occúltis meis munda me : *
et ab aliénis parce servo tuo.

Si mei non fúerint domi-
nátí, tunc immaculátus ero : *
et emundábor a delicto má-
ximo.

Et erunt ut compláceant
elóquia oris mei : * et medi-
tatio cordis mei in conspé-
ctu tuo semper.

Dómine adjútor meus, *
et redémptor meus.

Ant. In sole pósuit taber-
náculum suum, et ipse tam-
quam sponsus procédens de
thálamo suo.

Ant. Elevámini * portæ
æternáles, et introibit Rex
glóriæ.

Psalmus 23.

DÓMINI est terra, et pleni-
túdo ejus : * orbis terrá-
rum, et univérsi qui hábi-
tant in eo.

Quia ipse super mária fun-
dávít eum : * et super flú-
mina præparávit eum.

Quis ascéndet in montem
Dómini ? * aut quis stabit in
loco sancto ejus ?

Innocens mánibus et mun-
do corde, * qui non accépit
in vano ánimam suam, nec
jurávit in dolo próximo suo.

Hic accípiet benedictió-
nem a Dómino : * et miseri-
córdiam a Deo salutári suo.

Hæc est generátio quæ-
réntium eum, * quæréntium
fáciem Dei Jacob.

Attóllite portas príncipes
vestras, et elevámini portæ
æternáles : * et introibit Rex
glóriæ.

Quis est iste Rex glóriæ ? *
Dóminus fortis et potens :
Dóminus potens in prælio.

Attóllite portas príncipes
vestras, et elevámini portæ
æternáles : * et introibit Rex
glóriæ.

Quis est iste Rex glóriæ ? *
Dóminus virtútum ipse est
Rex glóriæ.

Ant. Elevámini portæ
æternáles, et introibit Rex
glóriæ.

V. Tamquam sponsus. **R.**
Dóminus procédens de thá-
lamo suo.

De Epístola beáti Páuli Apó-
stoli ad Romános.

Lectio j. Cap. 3. et 1.

QUID ergo ámplius Judæo
est ? aut quæ utilitas cir-
cuncisionis ? Multum per
omnem modum. Primum
quidem, quia crédita sunt
illis elóquia Dei. Quid enim
si quidam illórum non cre-
didérunt ? Numquid incre-
dúlitas illórum fidem Dei
evacuábit ? Absit. Est áutem
Deus verax : omnis áutem
homo mendax, sicut scri-
ptum est : Ut justificéris in
sermónibus tuis : et vincas
cum judicáris. Si áutem ini-
quitas nostra justítiam Dei
comméndat, quid dicémus ?
Numquid iniquus est Deus
qui infert iram ? (secúndum
hóminem dico.) Absit. Alió-
quin quómodo judicábit
Deus hunc mundum ?

R. Ecce Agnus Dei, ecce
qui tollit peccáta mundi :
ecce de quo dicébam vobis :

Qui post me venit, ante me factus est : * Cujus non sum dignus corrigiam calceamenti solvere. **V.** Qui de terra est, de terra loquitur : qui de caelo venit, super omnes est. Cujus.

Lectio ij.

AN Judæorum Deus tantum? nonne et gentium? Imo et gentium. Quoniam quidem unus est Deus, qui justificat circumcisionem ex fide, et praputium per fidem. Legem ergo destrui-mus per fidem? Absit : sed legem statuimus. Quid ergo dicemus invenisse Abraham patrem, nostrum secundum carnem? Si enim Abraham ex operibus justificatus est, habet gloriam, sed non apud Deum. Quid enim dicit Scriptura? Credidit Abraham Deo : et reputatum est illi ad justitiam. Ei autem, qui operatur, merces non imputatur secundum gratiam, sed secundum debitum. Ei vero, qui non operatur, credenti autem in eum, qui justificat impium, reputatur fides ejus ad justitiam secundum propositum gratiae Dei. Sicut et David dicit beatitudinem hominis, cui Deus accepto fert justitiam sine operibus : Beati, quorum remissae sunt iniquitates, et quorum tecta sunt peccata.

R. Dies sanctificatus illuxit nobis : venite gentes, et adorante Dominum : * Quia hodie descendit lux magna in ter-

ris. **V.** Hæc dies quam fecit Dominus, exultemus et lætemur in ea. Quia.

Lectio iij.

BEATITUDO ergo hæc in circumcisione tantum manet, an etiam in praputio? Dicimus enim quia reputata est Abraham fides ad justitiam. Quomodo ergo reputata est? in circumcisi-one, an in praputio? Non in circumcisi-one, sed in praputio. Et signum accepit circumcisionis, signaculum justitiæ fidei, quæ est in praputio : ut sit pater omnium credentium per praputium, ut reputetur et illis ad justitiam : et sit pater circumcisionis non iis tantum qui sunt ex circumcisi-one, sed et iis qui sectantur vestigia fidei, quæ est in praputio patris nostri Abraham.

R. Benedictus qui venit in nomine Domini, Deus Dominus, et illuxit nobis : * Alle-luia, alleluia. **V.** Hæc dies quam fecit Dominus, exul-temus et lætemur in ea. Al-leluia. Glória Patri. Alleluia.

IN II. NOCTURNO

Ant. Speciosus forma * præ filiis hominum, diffusa est gratia in labiis tuis.

Psalmus 41.

ERUCTAVIT cor meum verbum bonum : * dico ego opera mea regi.

Lingua mea calamus scri-bæ, * velociter scribentis.

Speciosus forma præ filiis

hóminum, diffúsa est grátia in lábiis tuis : * proptérea benedixit te Deus in ætérnum.

Accingere gládio tuo super femur tuum, * potentissime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justitiam : * et dedúcet te mirabiliter délixtera tua.

Sagittæ tuæ acútæ, pópuli sub te cadent : * in corda inimicórum regis.

Sedes tua Deus in sáeculum sáeculi : * virga directiónis virga regni tui.

Dilexisti justitiam, et odisti iniquitátem : * proptérea unxit te Deus, Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regina a dextris tuis in vestitu deauráto : * circúmdata varietáte.

Audi filia, et vide, et inclína áurem tuam : * et obliviscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ regis ab intus, * in fimbriis áureis circumamicta varietátibus.

Adducéntur regi vírgines post eam : * próximæ ejus afferéntur tibi.

Afferéntur in lætitia et exultatióne : * adducéntur in templum regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis tui : * in omni generatióne et generatióne.

Proptérea pópuli confitebúntur tibi in ætérnum : * et in sáeculum sáeculi.

Ant. Speciósus forma præ filiis hóminum, diffúsa est grátia in lábiis tuis.

Ant. Homo natus est * in ea, et ipse fundávit eam Altíssimus.

Psalmus 86.

FUNDAMÉNTA ejus in mónibus sanctis : * diligit Dóminus portas Sion super ómnia tabernácula Jacob.

Gloriósá dicta sunt de te, * civitas Dei.

Memor ero Rahab, et Babilónis * sciéntium me.

Ecce alienígenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et prin-

cupum : * horum, qui fuerunt in ea.

Sicut lætantium omnium * habitatio est in te.

Ant. Homo natus est in ea, et ipse fundavit eam Altissimus.

Ant. Exsultabunt omnia ligna * silvarum ante faciem Domini, quoniam venit.

Psalmus 95.

CANTATE Domino canticum novum : * cantate Domino omnis terra.

Cantate Domino, et benedicite nomini ejus : * annuntiatio de die in diem salutare ejus.

Annuntiatio inter gentes gloriam ejus, * in omnibus populis mirabilia ejus.

Quoniam magnus Dominus, et laudabilis nimis : * terribilis est super omnes deos.

Quoniam omnes dii gentium demonia : * Dominus autem celos fecit.

Confessio et pulchritudo in conspectu ejus : * sanctimonia et magnificentia in sanctificatione ejus.

Afferte Domino patriae gentium, afferte Domino gloriam et honorem : * afferte Domino gloriam nomini ejus.

Tollite hostias, et introite in atria ejus : * adorare Dominum in atrio sancto ejus.

Commovetur a facie ejus universa terra : * dicite in gentibus quia Dominus regnavit.

Etenim correxit orbem terrae qui non commovebitur : * judicabit populos in æquitate.

Lætentur cæli, et exsultet terra, commoveatur mare, et plenitudo ejus : * gaudébunt campi, et omnia quæ in eis sunt.

Tunc exsultabunt omnia ligna silvarum a facie Domini, quia venit : * quoniam venit judicare terram.

Judicabit orbem terrae in æquitate, * et populos in veritate sua.

Ant. Exsultabunt omnia ligna silvarum ante faciem Domini, quoniam venit.

V. Speciosus forma præ filiis hominum. **R.** Diffusa est gratia in labiis tuis.

Sermo sancti Leonis Papæ.

Serm. 7. de Nativ. Domini.

Lectio iv.

FESTIVITATIS hodiernæ, dilectissimi, verus venerator est, et pius cultor, qui nec de Incarnatione Domini aliquid falsum, nec de Deitate aliquid sentit indignum. Paris enim periculi malum est, si illi aut naturæ nostræ veritas, aut paternæ gloriæ negatur æqualitas. Cum ergo ad intelligendum sacramentum Nativitatis Christi, quæ de matre virgine est ortus, accedimus, abigatur procul terrenarum caligo rationum, et ab illuminatæ fidei oculo mundanæ sapientiæ fumus abscedat.

R. Congratulamini mihi

omnes, qui diligitis Dóminum : * Quia cum essem párvula, pláculi Altíssimo, et de meis viscéribus genui Deum et hóminem. *V.* Beátam me dicent omnes generatiónes, quia ancillam húmílem respéxit Deus. Quia.

Lectio v.

DIVÍNA est enim auctóritas, cui crédimus : divína est doctrina, quam séquimur. Quóniam sive legis testificatióni, sive oráculis Prophetárum, sive evangélicæ tubæ interiorem admoveámus auditum ; verum est, quod Joánnes plenus Spíritu sancto intónuit : In princípío erat Verbum, et Verbum erat apud Deum, et Deus erat Verbum. Hoc erat in princípío apud Deum. Omnia per ipsum facta sunt, et sine ipso factum est nihil. Et similiter verum est, quod idem prædicátor adjécit : Verbum caro factum est, et habitávit in nobis : et vídimus glóriam ejus, glóriam quasi Unigéniti a Patre.

R. Confirmátum est cor Vírginis, in quo divína mystéria, Angelo nuntiánte, concépit : tunc speciósus forma præ filiis hóminum castis suscepit viscéribus : * Et benedicta in ætérnum, Deum nobis prótulit et hóminem. *V.* Domus pudici pectoris, templum repénite fit Dei, intácta nésciens virum, verbo concépit Filium. Et benedicta.

Lectio vj.

IN utrâque ergo natúra idem est Dei Fílius, nostra suscipiens, et própria non amittens : in hómine hóminem rénovans, in se incommutábilis perseverans. Déitas enim, quæ illi cum Patre commúnis est, nullum detriméntum omnipoténtiæ súbiit, nec Dei formam servi forma violávit : quia summa et sempitérna esséntia, quæ se ad humáni géneris inclinávit salútem, nos quidem in suam glóriam tránstulit, sed quod erat, esse non déstitit. Unde cum Unigénitus Dei minórem se Patre confitétur, cui se dicit æquálem, veritátem in se formæ utriusque demónstrat : ut et humanam probet imparilitas, et divínam decláret æquálitas.

R. Benedicta et venerábilis es Virgo María, quæ sine tactu pudóris invénta es Mater Salvatóris : * Jacébat in præsépio, et fulgébat in cælo. *V.* Dómine audi vi auditum tuum, et tímui : considerávi ópera tua, et expávi : in médio duórum animálium. Jacébat. Glória Patri. Jacébat.

IN III. NOCTURNO

Ant. In princípío ; * et ante sæcula Deus erat Verbum, et ipse natus est hódie Salvátor mundi.

Psalms 96.

DÓMINUS regnávit, exsúltet terra : * læténtur insulæ multæ.

Nubes, et caligo in circúitu ejus : * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgora ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum omnes Angeli ejus : * audivit, et lætáta est Sion.

Et exsultavérunt filiæ Judæ, * propter judícia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui diligitis Dóminum, odite malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino : * et confitémini memóriæ sanctificatiónis ejus.

Ant. In principio, et ante sæcula Deus erat Verbum, et ipse natus est hódie Salvátor mundi.

Ant. Ante lucíferum génitus, * et ante sæcula, Dómi-

nus Salvátor noster hódie nasci dignátus est.

Psalmus 97.

CANTÁTE Dómino cánticum novum : * quia mirabília fecit.

Salvávit sibi délixtera ejus : * et bráchium sanctum ejus.

Notum fecit Dóminus salutáre suum : * in conspéctu géntium revelávit justítiam suam.

Recórdátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cíthara, in cíthara et voce psal-mi : * in tubis ductilibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Ante lucíferum génitus, et ante sæcula, Dóminus Salvátor noster hódie nasci dignátus est.

Ant. Nato Dómino, * Angelórum chorus canébat, dicens : Salus Deo nostro, se-

dénti super thronum, et Agno.

Psalmus 98.

DÓMINUS regnávít, irascántur pópuli : * qui sedet super Chérubim, moveátur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terribile, et sanctum est : * et honor regis iudicium diligit.

Tu parásti directiónes : * iudicium et justitiam in Jacob tu fecísti.

Exaltáte Dóminum Deum nostrum, et adoráte scabélum pedum ejus : * quóniam sanctum est.

Móyses et Aaron in sacerdotibus ejus : * et Sámuel inter eos, qui invocant nomen ejus.

Invocabant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine Deus noster tu exaudiébas eos : * Deus tu propítius fuisti eis, et ulciscens in omnes adinventiónes eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Nato Dómino, Angelórum chorus canébat, dicens : Salus Deo nostro,

sedénti super thronum, et Agno.

V. Notum fecit Dóminus, allelúia. *R.* Salutare suum, allelúia.

Léctio sancti Evangélíi secúndum Lucam.

Lectio vij. Cap. 2. c

IN illo témpore : Postquam consummáti sunt dies octo, ut circumciderétur puer : vocátum est nomen ejus Jesus. Et réliqua.

Homilia sancti Ambrósii Epíscopi.

Lib. 2. in cap. 2. Lucæ, circa medium.

CIRCUMCÍDITUR itaque puer. Quis est iste puer, nisi ille de quo dictum est : Puer natus est nobis, filius datus est nobis? Factus est enim sub lege, ut eos, qui sub lege essent, lucrifaceret. Ut sisterent eum Dómino. Quid sit áutem in Jerúsalem sisti Dómino, dicerem, nisi in Isaíæ comméntis ante dixissem. Circumcísus enim vitiis, Dominico dignus iudicátur obtútu : quia óculi Dómini super justos. Vides omnem legis véteris sériem fuisse typum futúri : nam et circumcísio purgatióem significat delictórum.

R. Sancta et immaculáta virginitas, quibus te láudibus éfferam néscio : * Quia quem cæli cápere non póterant, tuo grémio contulisti. *V.* Benedicta tu in muliéribus, et benedictus fructus ventris tui. Quia.

Lectio viij.

SED quóniam prona quadam cupiditate peccandi, humanæ carnis et mentis fragilitas inextricabilibus vitiis implicatur, eo per octavum circumcisiónis diem culpæ totiús futura purgatio, resurrectionis præfigurabatur ætate. Hoc est enim illud : Quia omne masculinum adaperiens vulvam, sanctum Dómino vocabitur. Verbis enim legis promittebatur Virginis partus. Et vere sanctus, quia immaculatus. Denique ipsum esse, qui lege signetur, in eúmdem modum ab Angelo repetita verba declárant : Quod nascetur, inquit, Sanctum, vocabitur Filius Dei.

R. Nesciens mater virgo virum, péperit sine dolore :
* Salvátorem sæculórum, ipsum Regem Angelórum, sola Virgo lactabat úbere de cælo pleno. **V.** Domus pudici pectoris templum repente fit Dei : intácta nesciens virum, verbo concépit Filium. Salvátorem sæculórum. Glória Patri. Salvátorem sæculórum.

Lectio ix.

SOLUS enim per ómnia ex natis de femina sanctus Dóminus Jesus, qui terrénæ contágia corruptélæ, immaculáti partus novitate non senserit, et cælesti majestáte depúlerit. Nam si litteram sequámur : 'quómodo sanctus omnis másculus, cum

multos sceleratissimos fuisse non láteat? Numquid sanctus Achab? Numquid sancti pseudoprophætæ, quos ad Eliæ preces ultor cælestis injúriæ ignis absúmpsit? Sed ille sanctus, quem in figura futúri mystérii pia legis divínæ præscripta signábant; eo quod solus sanctæ Ecclesiæ virginis ad generándos pópulos Dei, immaculátæ fecunditátis aperíret genitále secrétum.

Te Deum laudámus. 17.

AD LAUDES

ET PER HORAS

Ant. 1. O admirábile commercium : * Creatór géneris humáni, animátum corpus sumens, de Virgine nasci dignátus est : et procédens homo sine sémine, largitus est nobis suam Deitátem.

Ps. Dóminus regnávít. **cum reliq.** 18.

2. Quando natus es * inefabiliter ex Virgine, tunc implétæ sunt Scriptúræ : sicut plúvia in vellus descendisti, ut salvum fáceres genus humanum : te laudámus Deus noster.

3. Rubum quem víderat Móyses * incombústum, conservátam agnóvimus tuam laudábilem virginitátem : Dei Génitrix intercède pro nobis.

4. Germinávit radix Jesse, * orta est stella ex Jacob : Virgo péperit Salvátorem : te laudámus Deus noster.

5. Ecce María génuít * nobis Salvátorem, quem

Joánnes videns exclamávit,
dicens : Ecce Agnus Dei,
ecce qui tollit peccáta mun-
di, allelúia.

Capitulum. Tit. 2. c

APPÁRUIT grátia Dei Sal-
vatóris nostri ómnibus
homínibus, erúdiens nos, ut
abnegántes impietátem, et
sæculária desidéria, sóbrie,
et juste, et pie vivámus in
hoc sæculo.

Hymnus.

ASOLIS ortus cárdine
Ad usque terræ litem,
Christum canámus Princi-
pem,
Natum Mariá Virgine.

Beátus áuctor sæculi
Servíle corpus induit :
Ut carne carnem liberans,
Ne pérderet quos cóndidit.

Castæ paréntis viscera
Cæléstis intrat grátia :
Venter Puéllæ bájulat
Secréta, quæ non nóverat.

Domus pudíci pectoris
Templum repénite fit Dei :
Intácta nésciens virum,
Concépit alvo Fílium.

Enítitur puérpera,
Quem Gábriel prædixerat,
Quem ventre matris géstiens,
Baptista cláusum sénserat.

Fœno jacére pértulit :
Præsepe non abhórruit :
Et lacte módico pastus est,
Per quem nec ales ésurit.

Gáudet chorus cæléstium,
Et Angeli canunt Deo ;
Palámque fit pastóribus
Pastor, Creátor ómnium.

Jesu tibi sit glória,
Qui natus es de Virgine,

Cum Patre, et almo Spiritu,
In sempitérna sæcula. Amen.

V. Verbum caro factum
est, allelúia. *R.* Et habitávit
in nobis, allelúia.

Ad Bened. Ant. Mirábile
mystérium declarátur hódie:
innovántur natúræ, Deus
homo factus est : id quod
fuit permánsit, et quod non
erat assúmpsit; non com-
mixtió nem passus, neque
divisió nem.

Oratio.

DEUS, qui salutis æternæ,
beátæ Mariæ virginitáte
fecúnda, humano géneri
præmia præstitisti : tribue,
quæsumus; ut ipsam pro
nobis intercédere sentiámus,
per quam merúimus auctó-
rem vitæ suscipere Dómi-
num nostrum Jesum Chri-
stum Fílium tuum : Qui
tecum vivit.

AD TERTIAM

Ant. Quando natus es.

Capit. Appáruit grátia.

R. br. Verbum caro factum
est, *Allelúia, allelúia. Ver-
bum. *V.* Et habitávit in no-
bis. Allelúia, allelúia. Glória
Patri. Verbum.

V. Ipse invocábit me, alle-
lúia. *R.* Pater meus es tu,
allelúia.

AD SEXTAM

Ant. Rubum quem viderat
Móyses.

Capitulum. Hebr. 1. c

ET : Tu in principio Dó-
mine terram fundásti : et
ópera mánuum tuárum sunt
cæli.

ñ. br. Notum fecit Dóminus, * Allelúia, allelúia. Notum. *ŷ.* Salutare suum. Allelúia, allelúia. Glória Patri. Notum.

ŷ. Vidérunt omnes fines terræ, allelúia. *ñ.* Salutare Dei nostri, allelúia.

AD NONAM

Ant. Ecce María genuit.

Capitulum. Hebr. 1. c

IPSI peribunt, tu áutem permanébis; et omnes sicut vestiméntum veteráscent: et velut amíctum mutábis eos, et mutabúntur: tu áutem idem ipse es, et anni tui non deficient.

ñ. br. Vidérunt omnes fines terræ, * Allelúia, allelúia. Vidérunt. *ŷ.* Salutare Dei nostri. Allelúia, allelúia. Glória Patri. Vidérunt.

ŷ. Verbum caro factum est, allelúia. *ñ.* Et habitávit in nobis, allelúia.

IN II. VESPERIS

Ant. de Laud.: *Pss.* ut in Festis B. M. V. 145*; *Capit.* et Hymn. ut in I. Vesp. 255.

ŷ. Notum fecit Dóminus, allelúia. *ñ.* Salutare suum, allelúia.

Ad Magnif. Ant. Magnum hereditátis mystérium: templum Dei factus est úterus nesciéntis virum: non est pollútus ex ea carnem assúmens: omnes gentes vénient, dicéntes: Glória tibi Dómine.

Oratio ut supra in Laud.

Et fit Commem. de S. Stephano.

Ant. Stéphanus áutem plenus grátia et fortitúdine, faciébat signa magna in pópulo.

ŷ. Stéphanus vidit cælos apértos. *ñ.* Vidit et introivit: beátus homo, cui cæli patébant.

Oratio.

OMNÍPOTENS sempitérne Deus, qui primitias Mártyrum in beáti Levitæ Stéphaní sángine dedicásti: tribue, quæsumus; ut pro nobis intercéssor exsistat, qui pro suis étiam persecutóribus exorávit Dóminum nostrum Jesum Christum Filium tuum: Qui tecum vivit.

De aliis Octavis in his Vesperis nihil fit.

IN OCTAVA S. STEPHANI

Duplex.

AD MATUTINUM

Invit. Christum natum, qui beátum hódie coronávit Stéphanum, * Veníte, adorémus.

Ps. Veníte, exsultémus. 2.

Reliqua omnia de Comm. unius Mart. 25, præter seq.*

IN I. NOCTURNO

De Actibus Apostolorum.

Lectio j. Cap. 7. f et 8.

DURA cervice, et incircumcisis córdibus et áuribus, vos semper Spíritui sancto resistitis, sicut patres vestri, ita et vos. Quem Prophetarum non sunt persecúti patres vestri? Et occidérunt eos, qui prænuntiábant de

advéntu Justi, cujus vos nunc proditóres, et homicidæ fuistis : qui accepistis legem in dispositióne Angelórum, et non custodistis. Audiéntes áutem hæc, dissecabántur córdibus suis, et stridébant déntibus in eum.

℞. Stéphanus áutem plenus grátia et fortitúdine, * Faciébat prodigia et signa magna in pópulo. V. Surrexérunt quidam de synagóga disputántes cum Stéphanó, et non póterant resistere sapiéntiæ, et Spirítui qui loquebátur. Faciébat prodigia.

Lectio ij.

CUM áutem esset plenus Spiritu sancto, inténdens in cælum, vidit glóriam Dei, et Jesum stantem a dextris Dei. Et ait : Ecce video cælos apértos, et Filium hóminis stantem a dextris Dei. Exclamántes áutem voce magna, continuérunt áures suas, et impetum fecérunt unanimiter in eum. Et ejiciéntes eum extra civitátem lapidábant : et testes deposuérunt vestiménta sua secus pedes adolescéntis, qui vocabátur Sáulus. Et lapidábant Stéphanum invocántem ; et dicéntem : Dómine Jesu súscipe spiritum meum.

℞. Vidébant omnes Stéphanum, qui erant in concílio : * Et intuebántur vultum ejus tamquam vultum Angeli stantis inter illos. V. Plenus grátia et fortitúdine,

faciébat prodigia et signa magna in pópulo. Et.

Lectio iij.

PÓSITIS áutem génibus, clamávit voce magna, dicens : Dómine ne státuas illis hoc peccátum. Et cum hoc dixisset, obdormívit in Dómino. Sáulus áutem erat conséntiens neci ejus. Facta est áutem in illa die persecútio magna in Ecclesiá, quæ erat Jerosólymis : et omnes dispersi sunt per regiónes Judææ et Samariæ, præter Apóstolos. Curavérunt áutem Stéphanum viri timoráti, et fecérunt planctum magnum super eum.

℞. Intuens in cælum beátus Stéphanus, vidit glóriam Dei, et ait : * Ecce video cælos apértos, et Filium hóminis stantem a dextris virtútis Dei. V. Cum áutem esset Stéphanus plenus Spiritu sancto, inténdens in cælum, vidit glóriam Dei, et ait. Ecce. Glória Patri. Ecce.

IN II. NOCTURNO

Sermo sancti Augustini
Episcopi.

Serm. 2. de S. Stephano.

Lectio iv.

POST hestérnum festivissimum diem, quo Salvatóris nostri Christi nobis Nativitas illúxit, étiam hodiérnus dies beáti Mártyris Stéphaní coróna illustrátur. Mártyris illíus mérita nulla pars orbis ignórat : passus enim est in ipso principio Ecclesiæ, id est, in ipsa

urbe Jerosólyma. Ibi enim Diáconus ministrávit : et in ipso juventútis flore decórem ætátis suæ sángine purpurávit. Pássio ejus insígnis est, multúmque mirábilis. Hanc modo de libro Actuum Apostolorum, cum legerétur, non solum audívimus, sed étiam óculis spectávimus.

R. Lapidábant Stéphanum invocántem et dicéntem : * Dómine Jesu Christe, accípe spiritum meum, et ne státuas illis hoc peccátum. **V.** Pósitis áutem génibus, clamávit voce magna, dicens. Dómine.

Lectio v.

CHRISTUS ergo caput Mártyrum prior passus est pro nobis, relínquens vobis exéplum, ut sequámini vestigia ejus. Cujus passiónis vestigia prosecútus beatíssimus Stéphanus, confiténdo Christum lapidátus a Judæis, corónam méruit tamquam suo sibi nómine pósitam. Stéphanus enim Græce, Latine coróna appellátur. Jam coróna nomen habébat, et ideo palmam martýrii suo nómine præferébat.

R. Impetum fecérunt unanimiter in eum, et ejecérunt eum extra civitátem, invocántem et dicéntem : * Dómine Jesu accípe spiritum meum. **V.** Et testes deposuérunt vestiménta sua secus pedes adolescéntis, qui vocabátur Sáulus : et lapidá-

bant Stéphanum invocántem et dicéntem. Dómine Jesu.

Lectio vj.

QUI cum lapidarétur, non solum non exspectábat de persecutóribus reportáre vindíctam, sed eis pótius a Deo véniam postulábat. Memínorat enim dixisse Dóminum : Mihi vindíctam, ego retribuam, dicit Dóminus. Et iterum : Ne dixeris, Ulcíscar me de inimicis meis, sed exspécta Dóminus, ut tibi auxilio sit. Exspectáre nos jubet Dóminus Deus, ut in die futúræ retributiónis cum sanctis Martýribus vindicémur.

R. Impií super justum jactúram fecérunt, ut eum morti tráderent : * At ille gáudens suscepit lápidés, ut mererétur accípere corónam glóriæ. **V.** Continuérunt áures suas, et impetum fecérunt unanimiter in eum. At. Glória Patri. At.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 23. d

IN illo témpore : Dicébat Jesus scribis et pharisæis : Ecce ego mitto ad vos prophétas, et sapiéntes, et scribas : et ex illis occidétis, et crucifigétis. Et reliqua.

Homília sancti Hierónymi Presbýteri.

Lib. 4. Comment. in cap. 23.

Matthæi.

JERÚSALEM, Jerúsalem, quæ occidis prophétas. Jerú-

salem, non saxa et ædificia civitátis, sed habitatóres vocat : quam plangit patris afféctu, sicut et in álio loco légimus, quod videns eam, fléverit. In eo áutem quod dicit : Quóties vólui congregáre filios tuos : omnes retro prophétas a se missos esse testátur. Gallinæ quoque similitúdinem congregántis sub alas pullos suos, in cán- tico Deuteronomíi légimus : Sicut áquila prótegit nidum suum, et super pullos suos desiderávit : expándens alas suas, suscepit eos, et tulit super pennas suas.

℞. Stéphanus, servus Dei, quem lapidábant Judæi, vidit cælos apértos : vidit, et introivit : * Beátus homo, cui cæli patébant. V. Cum igitur saxórum crepitántium túrbine quaterétur, inter æthéreos áulæ cæléstis sinus divína ei cláritas fulsit. Beátus.

Lectio viij.

ECCE relinquétur vobis domus vestra desérta. Hoc ipsum ex persóna Jeremiæ jam ante dixerat : Relíqui domum meam, dimisi hereditátem meam : facta est mihi heréditas mea quasi spelúnca hyænæ. Desértam Judæórum domum, id est, templum illud, quod fulgébat augústius, óculis compro- bámus, quia habitatórem Christum pérdidit, et hereditátem prærípere géstiens, occidit herédem.

℞. Patefactæ sunt jánuæ cæli Christi Mártýri beáto Stéphanó, qui in número Mártýrum invéntus est pri- mus : * Et ideo triúmphant in cælis coronátus. V. Mortem enim, quam Salvátor noster dignátus est pro nobis pati, hanc ille primus réddidit Salvatóri. Et ideo. Glória Patri. Et ideo.

Lectio ix.

DICO enim vobis : Non me vidébitis ámodo, donec dicátis : Benedictus qui venit in nómine Dómini. Ad Jerúsalem lóquitur, et ad pópulum Judæórum. Versiculum áutem istum, quo et párvuli atque lacténtes in ingressu Jerúsalem Dómini Salvátoris usi sunt, quando dixerunt : Benedictus qui venit in nómine Dómini, hosánna in excélsis, sumpsit de centésimo décimo séptimo Psalmo, qui manifeste de adventu Dómini scriptus est.

Te Deum laudámus. 17.

Ad Laudes et per Horas. omnia ut in die Festi. 226, præter Orat. seq.

Oratio.

OMNÍPOTENS sempitérne Deus, qui primitias Mártýrum in beáti Levítæ Stéphaní ságuine dedicásti : tribue, quæsumus ; ut pro nobis intercésor exsistat, qui pro suis étiam persecutóribus exorávit Dóminum nostrum Jesum Christum Filium tuum : Qui tecum vivit et regnat.

Commém. de S. Joanne.

Ant. Iste est Joánnēs, qui supra pectus Dómini in cœna recúbuit : beátus Apóstolus cui reveláta sunt secréta cæléstia.

Ÿ. Hic est discipulus ille, qui testimónium pérhibet de his. **R̃.** Et scimus quia verum est testimónium ejus.

Oratio.

ECCLÉSIAM tuam, Dómine, benígnus illústra : ut beáti Joánnis Apóstoli tui et Evangelistæ illumináta doctrinis, ad dona pervéniant sempiterna.

Postea de SS. Innocentibus.

Ant. Hi sunt qui cum muliéribus non sunt coinquináti : vírgines enim sunt, et sequúntur Agnum quocúmque ierit.

Ÿ. Heródes irátus occidit multos púeros. **R̃.** In Béthlehem Judæ civitáte David.

Oratio.

DEUS, cujus hodiérna die præcónium Innocéntes Mártyres non loquendo, sed moriendo confessi sunt : ómnia in nobis vitiórum mala mortífica; ut fidem tuam, quam lingua nostra loquitur, étiam móribus vita fateáture. Per Dóminum.

IN II. VESPERIS

Ant. de Laud. Festi. 226.

Pss. ut in I. Vesp. de Comm. Apost. 2*, et ultimo loco. Ps. 115. Crédidi. 35*.

Deinde fit de S. Joanne.

Capit. Qui timet Deum. 232; et Hymn. Exsúltet. 14*.

Ÿ. Valde honorándus est beátus Joánnēs. **R̃.** Qui supra pectus Dómini in cœna recúbuit.

Ad Magnif. Ant. Iste est Joánnēs, qui supra pectus Dómini in cœna recúbuit : beátus Apóstolus, cui reveláta sunt secréta cæléstia.

Oratio. Ecclesiám. supra.

Pro S. Stephano.

Ant. Sepeliérunt Stéphanum viri timoráti, et fecérunt planctum magnum super eum.

Ÿ. Stéphanus vidit cælos apértos. **R̃.** Vidit et introiit : beátus homo, cui cæli patébant.

Oratio. Omnipotens. 269.

Pro SS. Innocentibus.

Ant. Innocéntes pro Christo infántes occisi sunt, ab iniquo rege lacténtes interfécti sunt : ipsum sequúntur Agnum sine mácula, et dicunt semper : Glória tibi Dómine.

Ÿ. Sub throno Dei omnes sancti clamant. **R̃.** Vindica sánguinem nostrum Deus noster.

Oratio. Deus. ut supra.

IN OCTAVA S. JOANNIS**Duplex.**

Omnia de Comm. Apost. 2*, præter seq.

IN I. NOCTURNO

De libro Apocalýpsis beáti Joánnis Apóstoli.

Lectio j. Cap. 4.

Post hæc vidi : et ecce óstium apértum in cælo :

et vox prima, quam audivi tamquam tubæ loquentis mecum, dicens : Ascende huc, et ostendam tibi quæ opórtet fieri post hæc. Et statim fui in spíritu : et ecce sedes pòsita erat in cælo, et supra sedem sedens. Et qui sedebat, similis erat adspèctui lápidis jáspidis et sárdinis : et iris erat in circúitu sedis, similis visióni smarágdinæ. Et in circúitu sedis sedília viginti quátuor : et super thronos viginti quátuor senióres sedéntes, circumamicti vestiméntis albis, et in capitibus eórum corónæ áurææ.

¶ Valde honorándus est beátus Joánnēs, qui supra pectus Dómini in cœna recúbuit : * Cui Christus in cruce matrem virginem virgini commendávit. ¶ Virgo est eléctus a Dómino, atque inter cæteros magis diléctus. Cui.

Lectio ij.

ET de throno procedébant fúlgora, et voces, et tonitrua : et septem lámpades ardéntes ante thronum, qui sunt septem Spíritus Dei. Et in conspèctu sedis tamquam mare vitreum simile cristállo : et in médio sedis, et in circúitu sedis quátuor animália plena óculis ante et retro. Et ánimāl simīle leóni, et secúndum ánimāl simīle vítulo, et tertium ánimāl habens faciē quasi hóminis, et quartum

ánimāl simīle áquilæ volánti. Et quátuor animália, singula eórum habébant alas senas : et in circúitu, et intus plena sunt óculis.

¶ Hic est discipulus ille, qui testimónium pérhibet de his, et scripsit hæc : * Et scimus quia verum est testimónium ejus. ¶ Fluénta Evangélii de ipso sacro Dóminici pèctoris fonte potávit. Et.

Lectio iij.

ET réquiem non habébant die ac nocte, dicéntia : Sanctus, Sanctus, Sanctus Dóminus Deus omnipotens, qui erat, et qui est, et qui ventúrus est. Et cum darent illa animália glóriam, et honórem, et benedictiónem sedénti super thronum, vivénti in sæcula sæculórum, procidébant viginti quátuor senióres ante sedéntem in throno, et adorábant vivéntem in sæcula sæculórum, et mittébant corónas suas ante thronum, dicéntes : Dignus es Dómine Deus noster accipere glóriam, et honórem, et virtútem : quia tu creásti ómnia, et propter voluntátem tuam erant, et creáta sunt.

¶ Hic est beatissimus Evangelista et Apóstolus Joánnēs, * Qui privilégio amoris præcipui, cæteris áltius a Dómino méruit honorári. ¶ Hic est discipulus ille, quem diligébat Jesus, qui supra pectus Dómini in cœna

recúbuit. Qui. Glória Patri.
Qui.

IN II. NOCTURNO

Ex Tractátu sancti Augustini
Episcopi in Joánnem.

Lectio iv. Tract. 36.

IN quátuor Evangéliis, vel
pótius quátuor libris unius
Evangélii, sanctus Joánnes
Apóstolus non immérito se-
cúndum intelligéntiam spi-
ritálem áquilæ comparátus,
áltius multóque sublimius
áliis tribus eréxit prædica-
tiónem suam : et in ejus ere-
ctióne étiam corda nostra
érigi vóluit. Nam cæteri tres
Evangelistæ tamquam cum
hómine Dómino in terra ámbu-
lant, et de divinitáte ejus
páuca dixerunt : istum áutem
quasi pigúerit in terra ámbu-
lære, sicut ipso exórdio sui
sermónis intónuit, eréxit se
non solum super terram, et
super omnem ámbitum æëris
et cæli, sed super omnem
étiam exércitum Angelórum,
omnémque constitutiónem
invisibílium potestátum : et
pervénit ad eum, per quem
facta sunt ómnia, dicéndo :
In principio erat Verbum, et
Verbum erat apud Deum, et
Deus erat Verbum.

¶ Qui vicerit, fáciam il-
lum colúmnam in templo
meo, dicit Dóminus : * Et
scribam super eum nomen
meum, et nomen civitátis
novæ Jerúsalem. ¶ Vincéti
dabo édere de ligno vitæ,
quod est in paradiso Dei
mei. Et.

Lectio v.

HUIC tantæ sublimitáti
principií étiam cætera
cóngrua prædicávit, et de
Dómini divinitáte, quómodo
nullus álius, est locútus :
hoc ructábat, quod bíberat.
Non enim sine cáusa de illo
in isto ipso Evangélio nar-
rátur, quia et in convívio
super pectus Dómini dis-
cumbébat. De illo ergo pé-
ctore in secréto bibébat, sed
quod in secréto bibit, in
manifesto eructávit : ut per-
véniat ad omnes gentes non
solum incarnátio Fílii Dei,
pássio, et resurréctio, sed
étiam quod erat ante incar-
natiónem únicus Patri, Ver-
bum Patris, coætérnus ge-
neránti, æquális ei a quo
missus est.

¶ Diligébat áutem eum
Jesus, quóniam speciális
prærogatíva castitátis am-
plióri dilectióne fécerat di-
gnum : * Quia virgo eléctus
ab ipso, virgo in ævum per-
mánsit. ¶ In cruce dénique
moritúrus, huic matrem
suam vírginem vírgini com-
mendávit. Quia.

Lectio vj.

AQUILA ipse est Joánnes,
sublímius prædicátor,
et lucis intérnæ atque ætér-
næ fixis óculis contemplátor.
Dicúntur enim et pulli aqú-
lárum a paréntibus sic pro-
bári, patris scilicet ungue
suspendi, et rádiis solis op-
póni. Qui firme contemplá-
tus fúerit, filius agnóscitur :

si ácie palpitáverit, tamquam adulterinus ab ungue dimittitur. Jam ergo vidéte, quam sublimia loqui débuit, qui est áquilæ comparátus : et tamen étiam nos humi repéntes, infirmi, et vix ullius moménti inter hómines, audémus tractáre ista, et ista expónere : et putámus nos aut cápere posse cum cogitámus, aut capi dum díci-mus.

R. In médio Ecclésiæ apéruit os ejus, * Et implévit eum Dóminus spíritu sapiéntiæ et intelléctus. **V.** Jucunditatem et exsultationem thesaurizávit super eum. Et. Glória Patri. Et.

IN III. NOCTURNO

Léctio sancti Evangélíi secúndum Joánnem.

Lectio vij. Cap. 21. d

IN illo témpore : Dixit Jesus Petro : Séquere me. Convérsus Petrus, vidit illum discipulum, quem diligébat Jesus, sequéntem. Et reliqua.

Homília sancti Joánnis Chrysóstomi.

Hom. 87. in Joan., circa med.

CUM magna Christus Petro communicáset, orbis terrárum curam demandáset, martýrium prædixisset, et majórem erga eum dilectionem testátus esset : cum vellet Petrus Joánnem sócium et collégam, inquit : Hic áutem quid? Numquid eámdem viam aggrediétur?

Et quemádmódum in cœna interrogáre non áusus, Joánnem suffécit ; ita nunc vicem reddit, arbitrátus eum velle, sed non audére de se sciscitári. Tum Christus : Si eum volo manére donec véniam, quid ad te?

R. In illum diem suscipiam te servum meum, et ponam te sicut signáculum in conspéctu meo : * Quóniam ego elégi te, dicit Dóminus. **V.** Esto fidélis usque ad mortem, et dabo tibi coronam vitæ. Quóniam.

Lectio viij.

NAM cum nímia id caritate diceret Petrus, nec ab eo dividi vellet, osténdens Christus, quod quantávis cum dilectione prosequerétur, suam ásequi non posset, inquit : Si eum volo manére, quid ad te? His verbis nos erúdiens, neque doléndum, neque curiosius præter divinam voluntatem investigándum. Nam cum Petrus semper in hujúsmodi interrogatiónes fervéntius prosiliret, iterum ejus fervórem retúndens, quod non sit ultérius inquiréndum, in hunc modum respóndit.

R. Iste est Joánnes, qui supra pectus Dómini in cœna recúbuit : * Beátus Apóstolus, cui reveláta sunt secréta cæléstia. **V.** Fluénta Evangélíi de ipso sacro Dóminici pectoris fonte potávit. Beátus. Glória Patri. Beátus.

Lectio ix.

EXIIT ergo sermo iste inter fratres, quod discipulus ille non móritur : et non dixit ei Jesus, quia non móritur; sed, Si eum volo manére donec véniam, quid ad te? Noli arbitrári, inquit, eódem modo me de vobis disposuisse. Hoc áutem dixit, ut intempestívum afféctum, et consuetúdinis desidérium tólleret. Cum enim essent orbis terrárum curam susceptúri, simul ámplius esse non oportébat : magnum enim fuisset mundo detriméntum. Idcirco inquit : Opus suscepisti, id considera : pérfice, labóra, et te certamínibus expóne. Quid ad te, si volo eum manére hic? tu officium tuum cura, et exséquere.

Te Deum laudámus. 17.

Ad Laudes et per Horas, omnia ut in Festo. 232.

Pro Commem. SS. Innocentium.

Ant. Hi sunt, qui cum muliéribus non sunt coinquináti : virgines enim sunt, et sequúntur Agnum, quocúmque ierit.

✠. Heródes irátus occidit multos púeros. **R.** In Béthlehem Judæ civitaté David.

Oratio.

DEUS, cujus hodiérna die præcónium Innocéntes Mártyres non loquendo, sed moriendo conféssi sunt : ómnia in nobis vitiórum mala mortifica; ut fidem tuam,

quam lingua nostra lóquitur, étiam móribus vita fateátur. Per Dóminum.

In II. Vesp., Ant., Capit. et Hymn. de Laud. Festi. 232. Psalmi ut in II. Vesp. de Comm. Apost. 15*. Reliqua ut supra in die Festi. 233, cum Commem. SS. Innocentium, Ant. Hi sunt. v. Heródes. Orat. Deus, cujus. ut supra.

IN OCTAVA SS. INNOCENTII

Duplex.

Omnia dicuntur sicut in Festo. 234, præter Lectiones : et omittitur ix. **R., cujus loco dicitur Te Deum.**

IN I. NOCTURNO

De Epístola ad Romános.

Lectio j. Cap. 5.

JUSTIFICÁTI ergo ex fide, pacem habeamus ad Deum per Dóminum nostrum Jesum Christum : per quem et habemus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum áutem, sed et gloriámur in tribulatióibus : sciéntes quod tribulatio patientiam operátur : patientia áutem probatióem, probatio vero spem, spes áutem non confúndit : quia caritas Dei diffúsa est in córdibus nostris per Spíritum sanctum, qui datus est nobis.

R. Centum quadraginta quátuor millia, qui empti sunt de terra, hi sunt qui cum muliéribus non sunt coinquináti : * Virgines enim

permanserunt, ideo regnant cum Deo, et Agnus Dei cum illis. *Ÿ.* Isti sunt qui venerunt ex magna tribulatione, et laverunt stolas suas in sanguine Agni. Virgines.

Lectio ij.

UT quid enim Christus, cum adhuc infirmi essemus, secundum tempus pro impiis mortuus est? Vix enim pro justo quis moritur: nam pro bono forsitan quis audeat mori? Commendat autem caritatem suam Deus in nobis: quoniam cum adhuc peccatores essemus, secundum tempus Christus pro nobis mortuus est: multo igitur magis nunc justificati in sanguine ipsius, salvi erimus ab ira per ipsum.

R. Sub altare Dei audivi voces occisorum dicentium: **Quare non defendis sanguinem nostrum? Et acceperunt divinum responsum: Adhuc sustinete modicum tempus, donec impleatur numerus fratrum vestrorum. Ÿ.* Vidi sub altare Dei animas interfectorum propter verbum Dei, et propter testimonium quod habebant, et clamabant voce magna, dicentes. Quare.

Lectio iij.

SI enim cum inimici essemus, reconciliati sumus Deo per mortem Filii ejus: multo magis reconciliati, salvi erimus in vita ipsius. Non solum autem: sed et gloriamur in Deo per Domi-

num nostrum Jesum Christum, per quem nunc reconciliationem accepimus. Propterea sicut per unum hominem peccatum in hunc mundum intravit, et per peccatum mors, et ita in omnes homines mors pertransiit, in quo omnes peccaverunt.

R. Adoraverunt viventem in secula seculorum, **Mittentes coronas suas ante thronum Domini Dei sui. Ÿ.* Et ceciderunt in conspectu throni in facies suas: et benedixerunt viventem in secula seculorum. Mittentes. Glória Patri. Mittentes.

IN II. NOCTURNO

Sermo sancti Augustini

Episcopi.

Sermo 1. de Innocentibus.

Lectio iv.

NASCENTE Domino luctus coepit, non caelo, sed mundo: indicitur matribus lamentatio, Angelis exultatio, infantibus transmigrationis. Deus est, qui natus est: Innocentes illi debentur victima, qui venit damnare mundi malitiam. Agnelli debent immolari, quia Agnus futurus est crucifigi, qui tollit peccata mundi. Sed oves ululant matres, quia agnos perdunt sine voce balantes. Grande martyrium, crudele spectaculum! Eximitur machæra, et nulla intervenit causa: sola stridet invidia, cum qui natus est, nulli faciat violentiam. Sed oves cernimus matres, quæ super

agnos lugent. Vox in Rama audita est, ploratus et ululatus magnus. Pignora sunt, non credata, sed creata : non deposita, sed exposita.

R. Effuderunt sanguinem sanctorum velut aquam in circuitu Jerusalem : * Et non erat qui sepeliret. **V.** Posuerunt mortalia servorum tuorum escas volatilibus celi, carnes sanctorum tuorum bestiis terrae. Et.

Lectio v.

TESTIS est ipsa natura, quae pugnabat in Martyres, cum tyrannus jactaret infantes. Mater crines capitis dissipabat, quae ornamentum capitis amittebat. Quantis modis infantem volebat abscondere, et ipse se infantulus publicabat! Nesciebat tacere, quia necdum didicerat formidare. Pugnabat mater, et carnifex : ille trahabat, illa tenebat. Ad carnificem mater clamabat : Quid separas a me, quem genui ex me? Uterus genuit, non mansit ille, cum vixit, ubera mea frustra lacte contorquens. Caute portavi, quem a te video manu crudeli jactari. Modo eum effuderunt viscera mea, et tu elidis ad terram.

R. Isti sunt sancti, qui passi sunt propter te Domine : vindica eos, * Quia clamant ad te quotidie. **V.** Vindica Domine sanguinem sanctorum tuorum, qui effusus est. Quia.

Lectio vi.

ALIA acclamabat mater, cum exactor latro non compelleret simul occidi cum parvulo matrem : Ut quid me dimittis inanem? Si culpa est, mea est : si non est crimen, junge mortem, et libera matrem. Alia dicebat : Quid queritis? Unum queritis, et multos occiditis, et ad unum, qui unus est, attingere non potestis. Alia contra clamabat : Veni jam, veni Salvator mundi, quamdiu quereris? Nullum times : videat te miles, et nostros non occidat infantes. Miscebatur lamentatio matrum, et ad caelum transibat oblatio parvulorum.

R. Isti sunt, qui non inquinaverunt vestimenta sua : * Ambulabunt mecum in albis, quia digni sunt. **V.** Hi sunt, qui cum mulieribus non sunt coinquinati : virgines enim sunt. Ambulabunt. Gloria. Ambulabunt.

IN III. NOCTURNO

Loco 2. Ant. Tradiderunt. **dicitur seq.**

Ant. Isti sunt, qui venerunt ex magna tribulatione, et laverunt stolas suas in sanguine Agni.

Lectio sancti Evangelii secundum Matthaeum.

Lectio vij. Cap. 2. c

IN illo tempore : Angelus Domini apparuit in somnis Joseph, dicens : Surge, et accipe puerum et matrem ejus, et fuge in Aegyptum :

et esto ibi usque dum dicam tibi. Et réliqua.

Homilia sancti Joánnis
Chrysóstomi.

Ex Homilia 8. in Matth.,
ante medium.

QUÆ cum audisset Joseph, nequáquam passus est scándalum, neque dixit : Incérta ista res est, ac prorsus ambigua. Tu páulo ante dicébas, quia salvábit pópulum suum, et nunc seipsum quidem non potest de periculis liberáre : sed fuga nobis est necessária, et peregrinatio, ac transmigratio longínqua. Contrária omnino sunt facta promissis. Sed horum nihil prorsus oppónit: vir enim erat fidélis : neque reversionis tempus curióse inquirít, quod útique ab Angelo non signáte fúerat expréssum : sed : Esto ibi, inquit, úsquequo dicam tibi.

R. Cantábant sancti cánticum novum ante sedem Dei et Agni : * Et resonábat terra in voces eórum. **V.** Hi empti sunt ex hominibus primitiæ Deo et Agno, et in ore ipsórum non est invéntum mendácium. Et.

Lectio viij.

VERUM ille nec per ista quidem factus est ségnior, sed obedivit libénter, et crédidit, omnes prorsus tribulatiónes cum gáudio sustinéndò. Enimvéro miséricors Deus mœstis rebus quædam étiam jucúnda permiscuit. Quod certe in san-

ctis ómnibus facit, quos neque tribulatiónes, neque jucunditátes sinit habére continuas : sed tum de advérsis, tum ex prósperis justórum vitam quasi admirábili varietáte contéxit. Quod hic quoque eum fecisse considera.

R. Vidi sub altáre Dei ánimas interfectórum propter verbum Dei quod habébant, et clara voce dicébant : * Vindica Dómine sánguinem sanctórum tuórum, qui effúsus est. **V.** Sub throno Dei omnes sancti clamant. Vindica. Glória Patri. Vindica.

Lectio ix.

VIDÉNDÒ quippe sanctus Joseph grávidam Virginem, in conturbatiónem incidit máximam : sed ádfuit repénite Angelus, timórem prorsus exstinguens. Deinde videns púerum natum, máxima exsultatióne replétus est : sed rursus huic étiam gáudio periculum grande succéssit, cum tota útique civitas turbarétur, ipse rex fúreret, et ad necem púerum quæreret. Sed et hunc mœrórè alia rursus lætítia subsecúta est, apparitio videlicet stellæ, et adoratio Magórum. Post hanc quoque jucunditatem iterum periculum iterúmque formido. Quærit, inquit, Heródes ánimam púeri, et fúgere necesse est, et in longínqua transire. Te Deum laudámus. 17.

Ad Laudes et per Horas, omnia ut in die Festi. 238, omissis Commem.

In II. Vesp., Ant. de Laud. Festi. 238; Pss. de Dom. 127, et loco ult., Crédidi. 131.

Reliqua ut in die. 240.

Post Orat. SS. Innocentium fit Commem. de Vigilia Epiphaniæ.

Ant. Puer Jesus proficiēbat ætate et sapiētia coram Deo et hominibus.

℣. Notum fecit Dóminus, allelúia. ℞. Salutare suum, allelúia.

Oratio.

OMNÍPOTENS sempitérne Deus, dirige actus nostros in beneplácito tuo : ut in nómine dilécti Filii tui mereámur bonis opéribus abundare.

Deinde fit Commem. S. Telesphori Papæ et Martyris.

Ant. Iste sanctus pro lege Dei sui certávit usque ad mortem, et a verbis impiórum non timuit : fundátus enim erat supra firmam petram.

℣. Glória et honóre coronásti eum Dómine. ℞. Et constituísti eum super ópera mánuum tuárum.

Oratio.

DEUS, qui nos beáti Telesphori Mártiris tui atque Pontificis ánnua solemnitáte lætificas : concéde propitius; ut cujus natalitia cólimus, de ejúsdem étiam protectióne gaudeámus. Per Dóminum.

IN VIGILIA EPIPHANIÆ
Officium fit Semiduplex.

AD MATUTINUM

Omnia dicuntur ut in die Oct. Nativitatis. 255, exceptis Lect. et aliis, quæ infra ponuntur.

IN I. NOCTURNO

De Epistola ad Romános.

Lectio j. Cap. 7.

AN ignorátis fratres (sciētibz enim legem loquor) quia lex in hómine dominá-tur quanto témpore vivit? Nam quæ sub viro est múlier, vivēte viro, alligáta est legi : si áutem mórtuus fúerit vir ejus, solúta est a lege viri. Igitur, vivēte viro, vocábitur adúltera si fúerit cum álio viro : si áutem mórtuus fúerit vir ejus, liberáta est a lege viri : ut non sit adúltera si fúerit cum álio viro.

℞. Ecce Agnus Dei, ecce qui tollit peccáta mundi : ecce de quo dicēbam vobis : Qui post me venit, ante me factus est : * Cujus non sum dignus corrigiam calceaménti sólvete. ℣. Qui de terra est, de terra lóquitur : qui de cælo venit, super omnes est. Cujus.

Lectio ij.

ITAQUE fratres mei et vos mortificáti estis legi per corpus Christi : ut sitis altérius, qui ex mórtuis resurrexit, ut fructificémus Deo. Cum enim essémus in carne, passióes peccatórum, quæ

per legem erant, operabántur in membris nostris, ut fructificárent morti. Nunc áutem solúti sumus a lege mortis, in qua detinebámur, ita ut serviámus in novitáte spíritus, et non in vetustáte litteræ.

R. Dies sanctificátus illúxit nobis : venite gentes, et adoráte Dóminum : * Quia hódie descendit lux magna in terris. **V.** Hæc dies quam fecit Dóminus, exultémus et lætémur in ea. Quia.

Lectio iij.

QUID ergo dicémus? lex peccátum est? Absit. Sed peccátum non cognóvi, nisi per legem : nam concupiscéntiam nesciébam, nisi lex diceret : Non concupisces. Occasióne áutem accépta, peccátum per mandátum operátum est in me omnem concupiscéntiam. Sine lege enim peccátum mórtuum erat. Ego áutem vivébam sine lege aliquándo. Sed cum venisset mandátum, peccátum revixit.

R. Benedictus qui venit in nómine Dómini, Deus Dóminus, et illúxit nobis : * Allelúia, allelúia. **V.** Hæc dies quam fecit Dóminus, exultémus et lætémur in ea. Allelúia. Glória. Allelúia.

IN II. NOCTURNO

Sermo sancti Augustini
Episcopi.

Serm. 13. de Tempore.

Lectio iv.

DÓMINUS noster Jesus Christus, fratres caríssimi,

qui in ætérnum est cunctórum Créator, hódie de matre nascéndo, factus est nobis Salvátor. Natus est nobis hódie in témpore per voluntátem, ut nos perdúcat ad Patris æternitátem. Factus est Deus homo, ut homo fieret Deus : ut panem Angelórum manducáret homo, Dóminus Angelórum hódie factus est homo.

R. Congratulámini mihi, omnes qui diligitis Dóminum : * Quia cum essem párvula, plácui Altissimo, et de meis viscéribus génui Deum et hómitem. **V.** Beátam me dicent omnes generatiónes, quia ancillam húmitem respexit Deus. Quia cum.

Lectio v.

HÓDIE impléta est prophétia illa, quæ dicit : Rorate cæli désuper, et nubes pluant justum : aperiátur terra, et gérminet Salvátorem. Factus est igitur qui fécerat, ut invenirétur qui perierat. Sic enim in Psalmis homo confitétur : Priúsqvam humiliárer, ego peccávi. Peccávit homo, et factus est reus : natus est homo Deus, ut liberarétur reus. Homo igitur cécidit, sed Deus descendit. Cécidit homo miserabiliter, descendit Deus misericórditer. Cécidit homo per supérbiam, descendit Deus cum grátia.

R. Confirmátum est cor Virginis, in quo divína my-

stéria. Angelo nuntiánte concépit : tunc speciósus forma præ filiis hóminum castis suscepit viscéribus : * Et benedicta in ætérnum, Deum nobis prótulit et hóminem. *Y.* Domus pudici pectoris, templum repénite fit Dei, intácta nésciens virum, verbo concépit Fílium. Et benedicta.

Lectio vj.

O MIRÁCULA, o prodigia, fratres mei! Natúræ jura mutántur in hómine; Deus nascitur, virgo sine viro gravidátur, viri nésciam sermo Dei maritat : simul facta est mater et virgo; mater facta, sed incorrupta; virgo habens filium, nésciens virum; semper cláusa, sed non infecúnda. Solus enim sine peccáto est natus, quem sine virili compléxu non concupiscéntia carnis, sed obediéntia génuit mentis.

R. Benedicta et venerábilis es Virgo María, quæ sine tactu pudóris invénta es Mater Salvatóris. * Jacébat in præsépio, et fulgébat in cælo. *Y.* Dómine audívi auditum tuum, et tímui : considerávi ópera tua, et expávi : in médio duórum animálium. Jacébat. Glória Patri. Jacébat.

IN III. NOCTURNO

Léctio sancti Evangélii secúndum Matthæum.

Lectio vij. Cap. 2. d

IN illo témpore : Defúncto Heróde, ecce Angelus Dó-

mini appáruit in somnis Joseph in Ægýpto, dicens : Surge, et accipe púerum, et matrem ejus, et vade in terram Israël. Et réliqua.

Homilia sancti Hierónymi Presbýteri.

Lib. 1. Comm. in c. 2. Matth.

EX hoc loco intelligimus, non solum Heródem, sed et sacerdótes et scribas eódem témpore necem Dómini fuisse meditátos. Qui surgens accépit púerum et matrem ejus. Non dixit : Accépit filium suum, et uxórem suam : sed púerum, et matrem ejus : quasi nutritius, non maritus.

R. Sancta et immaculáta virginitas; quibus te láudibus éfferam, néscio : * Quia quem cæli cápere non póterant, tuo grémio contulisti. *Y.* Benedicta tu in muliéribus, et benedictus fructus ventris tui. Quia.

Lectio viij.

AUDIENS áutem quod Archeláus regnáret in Judæa pro Heróde patre suo, tímuit illo ire. Multi labúntur erróre propter ignorántiam históriæ, putántes eúndem esse Heródem, a quo in passióne sua Dóminus irridétur, et qui nunc mórtuus esse referátur. Ergo Heródes ille qui cum Piláto póstea amicitias fecit, hujus Heródis filius est, frater Archelái.

R. Nésciens mater virgo virum, péperit sine dolóre : * Salvatórem sæculórum,

ipsum Regem Angelórum, sola virgo lactábat úbere de cælo pleno. **V.** Domus pudici pectoris templum repénite fit Dei : intácta nésciens virum, verbo concépit Fílium. Salvatórem. Glória Patri. Salvatórem. *

Lectio ix.

QUÓNIAM Nazaræus vocábitur. Si fixum de Scriptúris posuisset exéplum, numquam diceret : Quod dictum est per Prophétas ; sed simpliciter : Quod dictum est per Prophétam : nunc áutem pluráliter Prophétas vocans, osténdit se non verba de Scriptúris sumpsisse, sed sensum. Nazaræus sanctus interpretátur. Sanctum áutem Dóminum futúrum omnis Scriptúra commémorat.

Te Deum laudámus. 17.

AD LAUDES

ET PER HORAS

Ant. 1. O admirábile comércium : * Creátor géneris humáni, animátum corpus sumens, de Virgine nasci dignátus est : et procedens homo sine sémine, largítus est nobis suam Deitátem.

Psalm. Dóminus regnávít. cum reliq. 18.

2. Quando natus es * ineffabiliter ex Virgine, tunc implétæ sunt Scriptúræ : sicut plúvia in vellus descendísti, ut saluum fáceres genus humánium : te laudámus Deus noster.

3. Rubum quem viderat

Móyses* incombústum, conservátam agnóvimus tuam laudábilem virginitátem : Dei Génitrix intercède pro nobis.

4. Germinávit radix Jesse : * orta est stella ex Jacob : Virgo péperit Salvatórem : te laudámus Deus noster.

5. Ecce María * genuit nobis Salvatórem, quem Joánes videns exclamávit, dicens : Ecce Agnus Dei, ecce qui tollit peccáta mundi, allelúia.

Capitulum. Galat. 4.

FRATRES : Quanto témpore heres párvulus est, nihil differt a servo, cum sit dóminus ómnium : sed sub tutóribus et actóribus est usque ad præfinitum tempus a patre.

Hymnus. A solis ortus. 218.

V. Verbum caro factum est, allelúia. **R.** Et habitávit in nobis, allelúia.

Ad Bened. Ant. Dum médium siléntium * tenérent ómnia, et nox in suo cursu médium iter perágeret, omnípotens sermo tuus Dómine a regálibus sédibus venit, allelúia.

Oratio.

OMNÍPOTENS sempitérne Deus, dirige actus nostros in beneplácito tuo : ut in nómine dilécti Fílii tui mereámur bonis opéribus abundáre : Qui tecum vivit et regnat.

Et fit Commem. S. Telephori Papæ et Mart.

Ant. Qui odit animam suam in hoc mundo, in vitam æternam custodit eam.

Ÿ. Justus ut palma florébit. **R̃.** Sicut cedrus Libani multiplicabitur.

Oratio.

DEUS, qui nos beáti Teléphori Mártýris tui atque Pontificis ánnua solemnitáte lætíficas : concéde propítius ; ut cujus natalítia cólimus, de ejúsdem étiam protectióne gaudeámus. Per Dñum.

AD PRIMAM

In R̃. br., Ÿ. Qui natus es de María Virgine.

Et non dicuntur Preces.

Ad Absolutionem Capituli dicitur Capitulum Nonæ.

AD TERTIAM

Ant. Quando natus es.

Capitulum. Galat. 4.

FRATRES : Quanto témpore heres párvulus est, nihil differt a servo, cum sit dóminus ómnium : sed sub tutóribus et actóribus est usque ad præfínitum tempus a patre.

R̃. br. Verbum caro factum est, * Allelúia, allelúia. Verbum. **Ÿ.** Et habitávit in nobis. Allelúia, allelúia. Glória Patri. Verbum.

Ÿ. Ipse invocábit me, allelúia. **R̃.** Pater meus es tu, allelúia.

AD SEXTAM

Ant. Rubum quem viderat Móyses.

Capitulum. Galat. 4.

AT ubi venit plenitúdo témporis, misit Deus Filium suum factum ex muliere : factum sub lege : ut eos, qui sub lege erant, redimeret : ut adoptiónem filiórum recipérémus.

R̃. br. Notum fecit Dóminus, * Allelúia, allelúia. Notum. **Ÿ.** Salutáre suum. Allelúia, allelúia. Glória Patri. Notum.

Ÿ. Vidérunt omnes fines terræ, allelúia. **R̃.** Salutáre Dei nostri, allelúia.

AD NONAM

Ant. Ecce Maria.

Capitulum. Galat. 4.

ITAQUE jam non est servus, sed filius : quod si filius, et heres per Deum.

R̃. br. Vidérunt omnes fines terræ, * Allelúia, allelúia. Vidérunt. **Ÿ.** Salutáre Dei nostri. Allelúia, allelúia. Glória Patri. Vidérunt.

Ÿ. Verbum caro factum est, allelúia. **R̃.** Et habitávit in nobis, allelúia.

Vesp. de Epiph. Duplex.





IN EPIPHANIA DOMINI

Duplex 1. classis.

IN I. VESPERIS

Ant. de Laud. 294. Pss. ut in I. Vesp. de Comm. Apostolorum. 2.*

Capitulum. Is. 60.

SURGE, illuminare Jerúsalem, quia venit lumen tuum, et glória Dómini super te orta est.

Hymnus.

CRUDÉLIS Heródes, Deum Regem venire quid times? Non éripit mortália, Qui regna dat cæléstia.

Ibant Magi, quam viderant,
Stellam sequéntes præviam :
Lumen requirunt lúmine :
Deum faténtur múnere.

Lavácula puri gúrgitis
Cæléstis Agnus áttigit :
Peccáta, quæ non détulit,
Nos abluéndo sústulit.

Novum genus poténtiæ :
Aquæ rubéscunt hýdriæ,
Vinúmque jussa fúndere,
Mutávit unda originem.

Jesu tibi sit glória,
Qui apparuísti géntibus,
Cum Patre, et almo Spíritu,
In sempitérna sæcula. Amen.

Sic terminantur Hymni per totam Octavam.

ŷ. Reges Tharsis et insulæ múnera ófferent. *R.* Reges Arabum et Saba dona addúcent.

Ad Magnif. Ant. Magi videntes stellam, dixerunt ad invicem : Hoc signum magni Regis est : eámus et inquirámus eum, et offerámus ei múnera, áurum, thus et myrrham, allelúia.

Oratio.

DEUS, qui hodiérna die Unigénitum tuum géntibus stella duce revelásti : concéde propítius ; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúmdem Dóminum.

AD MATUTINUM

Dicto Pater noster. Ave *Maria. et Credo. omissis ŷ.* Dómine lábia. *Invitat. cum Ps. Venite. et Hymno, incipitur ab Ant.* Afférte Dómino.

Infra Octavam vero dicitur :

ŷ. Dómine lábia.

Invit. Christus apparuit nobis, * Venite, adorémus.

Ps. Venite, exsultémus. 2. Hymnus. Crudélis Heródes. ut supra.

IN I. NOCTURNO

Ant. Afférte Dómino * filii Dei, adoráte Dóminum in aula sancta ejus.

Psalmus 28.

AFFÉRTE Dómino filii Dei : * afférte Dómino filios arietum.

Afférte Dómino glóriam et honórem, afférte Dómino glóriam nómini ejus : * adoráte Dóminum in átrio sancto ejus.

Vox Dómini super aquas, Deus majestátis intónuit : * Dóminus super aquas multas.

Vox Dómini in virtúte : * vox Dómini in magnificéntia.

Vox Dómini confringéntis cedros : * et confringet Dóminus cedros Líbani :

Et comminuet eas tamquam vítulum Líbani : * et diléctus quemádmódum filius unicórnium.

Vox Dómini intercidéntis flammam ignis : * Vox Dómini concutiéntis désertum : et commovébit Dóminus désertum Cades.

Vox Dómini præparántis cervos, et revelábit condensa : * et in templo ejus omnes dicent glóriam.

Dóminus dilúvium inhabitáre facit : * et sedébit Dóminus Rex in ætérnum.

Dóminus virtútem pópulo suo dabit : * Dóminus benedicet pópulo suo in pace.

Ant. Afférte Dómino filii Dei, adoráte Dóminum in aula sancta ejus.

Ant. Flúminis ímpetus * lætíficat, allelúia, civitátem Dei, allelúia.

Psalmus 45.

DEUS noster refúgium, et virtus : * adjútor in tribulatió nibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altissimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscep tor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confringet arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscep tor noster Deus Jacob.

Ant. Flúminis impetus lætíficat, allelúia, civitátem Dei, allelúia.

Ant. Psállite Deo nostro,* psállite : psállite Regi nostro, psállite sapiénter.

Psalmus 46.

OMNES gentes pláudite má-nibus : * jubiláte Deo in voce exsultatiónis.

Quóniam Dóminus excélsus, terríbilis : * Rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite Regi nostro, psállite.

Quóniam Rex omnis terræ Deus : * psállite sapiénter.

Regnábít Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ veheménter eleváti sunt.

Ant. Psállite Deo nostro, psállite : psállite Regi nostro, psállite sapiénter.

Ÿ. Omnis terra adóret te, et psallat tibi. **Ů.** Psalmum dicat nómini tuo Dómine.

Pater noster.

Absolutio. Exáudi Dómine.

Ÿ. Jube domne.

Bened. Benedictióne perpétua.

De Isaia Prophéta.

Lectio j. Cap. 55.

OMNES sitiéntes venite ad aquas : et qui non habétis argéntum, properáte, émite, et comédite : venite, émite absque argénto, et absque ulla commutatíone vinum et lac. Quare appénditis argéntum non in pá-nibus, et labórem vestrum non in saturitáte? Audíte audiéntes me, et comédite bonum, et delectábitur in crassitú-dine ánima vestra. Inclínáte áurem vestram, et venite ad me : audíte, et vivet ánima vestra, et fériam vobiscum pactum sempitérnum, misericórdias David fidéles. Ecce testem pópulis dedi eum, ducem ac præceptórem géntibus.

Ů. Hódie in Jordáne baptizáto Dómino apérti sunt cæli, et sicut colúmba super eum Spiritus mansit, et vox Patris intónuit : * Hic est Fílius meus diléctus, in quo mihi bene complácuí. **Ÿ.** Descéndit Spiritus sanctus corporáli spécie sicut colúmba in ipsum, et vox de cælo facta est. Hic est Fílius.

Predictum Responsorium dicitur hac die, et in Dominica infra Octavam, et in die Octava tantum : aliis vero diebus infra Octavam, ejus loco dicitur sequens

Ů. Tria sunt múnera pretiósa, quæ obtulérunt Magi Dómino in die ista, et habent in se divína mystéria : * In

áuro, ut ostendátur Regis poténtia : in thure, Sacerdótem magnum considera : et in myrrha, Dominicam sepultúram. **V.** Salútis nostræ auctórem Magi veneráti sunt in cunábulis, et de thesáuris suis mýsticas ei múnernum spécies obtulérunt. In áuro.

Bened. Unigénitus Dei Filius.

Lectio ij. Is. 60.

SURGE, illumináre Jerúsalem : quia venit lumen tuum, et glória Dómini super te orta est. Quia ecce ténebræ opérient terram, et caligo pópulos : super te áutem oriétur Dóminus, et glória ejus in te vidébitur. Et ambulábunt gentes in lúmine tuo, et reges in splendóre ortus tui. Leva in circúitu óculos tuos, et vide : omnes isti congregáti sunt, venérunt tibi : filii tui de longe vénient, et filiaæ tuæ de látere surgent. Tunc vidébis, et áfflues, mirábitur, et dilatábitur cor tuum, quando convérsa fúerit ad te multitúdo maris, fortitúdo géntium vénerit tibi. Inundátio camelórum opériet te, dromedárii Mádian et Ephá : omnes de Saba vénient, áurum et thus deferéntes, et láudem Dómino annuntiántes.

R. In colúmbæ spécie Spíritus sanctus visus est, Patérna vox audita est : * Hic est Filius meus diléctus, in

quo mihi bene compláculi. **V.** Cæli apérti sunt super eum, et vox Patris intónuit. Hic est.

Bened. Spíritus sancti grátia.

Lectio iij. Is. 61. d et 62.

GAUDENS gaudébo in Dómino, et exsultábit ánima mea in Deo meo : quia induit me vestiméntis salútis : et induménto justitiæ circúddedit me, quasi sponsum decorátum coróná, et quasi sponsam ornátam monilibus suis. Sicut enim terra profert germen suum, et sicut hortus semen suum gérminat, sic Dóminus Deus germinábit justitiam, et láudem coram univérsis géntibus. Propter Sion non tacébo, et propter Jerúsalem non quiescam, donec egrediátur ut splendor justus ejus, et salvátor ejus ut lampas accendátur.

R. Reges Tharsis et insulæ múnera ófferent : * Reges Arabum et Saba dona Dómino Deo addúcent. **V.** Omnes de Saba vénient, áurum et thus deferéntes. Reges. Glória Patri. Reges.

IN II. NOCTURNO

Ant. Omnis terra adóret te, * et psallat tibi : psalmum dicat nómini tuo Dómine.

Psalmus 65.

JUBILÁTE Deo omnis terra, psalmum dicite nómini ejus : * date glóriam láudi ejus.

Dícite Deo, quam terribí-

lia sunt ópera tua Dómine! *
in multitúdine virtútis tuæ
mentiéntur tibi inimici tui.

Omnis terra adóret te, et
psallat tibi : * psalmum dicat
nómini tuo.

Venite, et vidéte ópera
Dei : * terribilis in consiliis
super filios hóminum.

Qui convértit mare in ári-
dam, in flúmine pertrans-
ibunt pede : * ibi lætábimur
in ipso.

Qui domináture in virtúte
sua in ætérnum, óculi ejus
super gentes respiciunt : *
qui exásperant non exaltén-
tur in semetipsis.

Benedicite gentes Deum
nostrum : * et audítam fácite
vocem láudis ejus.

Qui pósuit ánimam meam
ad vitam : * et non dedit in
commotióne pedes meos.

Quóniam probásti nos De-
us : * igne nos examinásti,
sicut examinátur argéntum.

Induxísti nos in láqueum,
posuísti tribulatiónes in dor-
so nostro : * imposuísti hó-
mines super cápita nostra.

Transívimus per ignem et
aquam : * et eduxísti nos in
refrigérium.

Introibo in domum tuam
in holocáustis : * reddam tibi
vota mea, quæ distinxérunt
lábia mea.

Et locútum est os meum *
in tribulatióne mea.

Holocáusta medulláta óf-
feram tibi cum incénso arie-
tum : * ófferam tibi boves
cum hircis.

Venite, audite, et narrábo,
omnes qui timétis Deum, *
quanta fecit ánimæ meæ.

Ad ipsum ore meo clamá-
vi, * et exaltávi sub lingua
mea.

Iniquitátem si adspéxi in
corde meo, * non exáudiet
Dóminus.

Proptérea exaudivit Deus, *
et atténdit voci deprecatió-
nis meæ.

Benedíctus Deus, * qui non
amóvit oratióne meam, et
misericórdiam suam a me.

Ant. Omnis terra adóret
te, et psallat tibi : psalmum
dicat nómini tuo Dómine.

Ant. Reges Tharsis * et ín-
sulæ múnera ófferent Regi
Dómino.

Psalmus 71.

DEUS iudícium tuum regi
da : * et justitiam tuam
filio regis :

Judicáre pópulum tuum
in justítia, * et páuperes tuos
in iudicio.

Suscipiant montes pacem
pópulo : * et colles justítiam.

Judicábit páuperes pópuli,
et salvos fáciet filios páupe-
rum : * et humiliábit calu-
mniatórem.

Et permanébit cum sole,
et ante lunam, * in genera-
tióne et generatióne.

Descéndet sicut plúvia in
vellus : * et sicut stillicidia
stillántia super terram.

Oriétur in diébus ejus ju-
stítia, et abundántia pacis : *
donec auferátur luna.

Et dominábitur a mari us-

que ad mare : * et a flumine usque ad terminos orbis terrarum.

Coram illo procident Æthiopes : * et inimici ejus terram lingent.

Reges Tharsis, et insulæ mûnera offerent : * reges Arabum et Saba dona adducunt.

Et adorabunt eum omnes reges terræ : * omnes gentes servient ei :

Quia liberabit pauperem a potente : * et pauperem cui non erat adjutor.

Parcet pauperi et inopi : * et animas pauperum salvas faciet.

Ex usuris et iniquitate redimet animas eorum : * et honorabile nomen eorum coram illo.

Et vivet, et dabitur ei de auro Arabiæ, et adorabunt de ipso semper : * tota die benedicent ei.

Et erit firmamentum in terra in summis montium, superextolletur super Libanum fructus ejus : * et florabunt de civitate sicut fœnum terræ.

Sit nomen ejus benedictum in sæcula : * ante solem permanet nomen ejus.

Et benedicentur in ipso omnes tribus terræ : * omnes gentes magnificabunt eum.

Benedictus Dominus Deus Israël, * qui facit mirabilia solus :

Et benedictum nomen majestatis ejus in ætérnum : *

et replébitur majestáte ejus omnis terra : fiat, fiat.

Ant. Reges Tharsis et insulæ mûnera offerent Regi Dómino.

Ant. Omnes gentes * quas cûmque fecisti, vénient, et adorabunt coram te Dómine.

Psalmus 85.

INCLÍNA Dómine áurem tuam, et exáudi me : * quóniam inops, et pauper sum ego.

Custódi ánimam meam, quóniam sanctus sum : * salvum fac servum tuum Deus meus, sperántem in te.

Miserére mei Dómine, quóniam ad te clamávi tota die : * lætifica ánimam servi tui, quóniam ad te Dómine ánimam meam levávi.

Quóniam tu Dómine suavis, et mitis : * et multæ misericórdiæ ómnibus invocántibus te.

Auribus pèrcipe Dómine orationem meam : * et inténde voci deprecationis meæ.

In die tribulatiónis meæ clamávi ad te : * quia exaudisti me.

Non est similis tui in diis Dómine : * et non est secúndum ópera tua.

Omnes gentes quascûmque fecisti, vénient, et adorabunt coram te Dómine : * et glorificabunt nomen tuum.

Quóniam magnus es tu, et faciens mirabilia : * tu es Deus solus.

Deduc me Dómine in via tua, et ingrédiar in veritate tua : * lætétur cor meum, ut timeat nomen tuum.

Confitébor tibi Dómine Deus meus in toto corde meo, * et glorificábo nomen tuum in ætérnum :

Quia misericórdia tua magna est super me : * et eruisti ánimam meam ex inférno inferióri.

Deus, iniqui insurrexérunt super me, et synagóga poténtium quæsiérunt ánimam meam : * et non proposuérunt te in conspéctu suo.

Et tu Dómine Deus miserátor et miséricors, * pátiens, et multæ misericórdiæ, et verax,

Réspice in me, et miserére mei : * da impérium tuum púero tuo : et salvum fac filium ancillæ tuæ.

Fac mecum signum in bonum, ut videant qui odérunt me, et confundántur : * quóniam tu Dómine adjuvisti me, et consolátus es me.

Ant. Omnes gentes quascúmque fecisti, vénient, et adorábunt coram te Dómine.

ŷ. Reges Tharsis et insulæ múnera ófferent. **℞.** Reges Arabum et Saba dona addúcent.

Pater noster.

Absolutio. Ipsius pietas.

ŷ. Jube domne.

Bened. Deus Pater omnipotens.

Sermo sancti Leónis Papæ.

Sermo 2. de Epiphania.

Lectio iv.

GAUDÉTE in Dómino, dilectissimi, iterum dico, gaudéte : quóniam brevi intervállo témporis, post sollemnitétem Nativitátis Christi, festivitas declaratiónis ejus illúxit : et quem in illo die Virgo péperit, in hoc mundus agnóvit. Verbum enim caro factum, sic susceptiόνis nostræ temperávit exórdia, ut natus Jesus et credéntibus maniféstus, et persequéntibus esset occúltus. Jam tunc ergo cæli enarravérunt glóriam Dei, et in omnem terram sonus veritátis exivit, quando et pastóribus exércitus Angelórum Salvatóris éditi annuntiátor apparuit, et Magos ad eum adorándum prævia stella perdúxit : ut a solis ortu usque ad occásus veri Regis generatio coruscáret, cum rerum fidem et regna Oriéntis per Magos discerent, et Románus impérium non latéret.

℞. Illumináre, illumináre Jerúsalem, quia venit lux tua : * Et glória Dómini super te orta est. **ŷ.** Et ambulábunt gentes in lúmine tuo, et reges in splendóre ortus tui. Et.

Bened. Christus perpétuæ.

Lectio v.

NAM et sævítia Heródis volens primórdia suspécti sibi Regis exstinguere, huic dispensatióni nésciens ser-

viébat : ut dum atróci intén-
tus facinori, ignótum sibi
púerum indiscreta infántium
cæde perséquitur, annun-
tiátum cælitus dominatóris
ortum insignior ubique fama
loquerétur : quam prom-
ptiorem ad narrándum, dili-
gentioremque faciébat et su-
pérnæ significatiónis nóvi-
tas, et cruentissimi persecu-
tóris impietas. Tunc áutem
étiam Ægýpto Salvátor illá-
tus est, ut gens antiquis erró-
ribus dédita, jam ad vicinam
salútem per occúltam grá-
tiam signarétur : et quæ
nondum ejécerat ab ánimo
superstitiónem, jam hospitio
reciperet veritátem.

¶ Omnes de Saba vénient,
áurum et thus deferéntes, et
láudem Dómino annuntián-
tes, * Allelúia, allelúia, alle-
lúia. ¶ Reges Tharsis et
insulæ múnera ófferent, re-
ges Arabum et Saba dona
addúcent. Allelúia, allelúia,
allelúia.

Bened. Ignem sui amóris.

Lectio vj.

AGNOSCÁMUS ergo, dilectis-
simi, in Magis adora-
tóriis Christi, vocatiónis
nostræ fideique primitias : et
exsultántibus ánimis beátæ
spei initia celebrémus. Ex-
índe enim in ætérnam here-
ditátem cœpimus introíre :
exínde nobis Christum lo-
quéntia Scripturárum arcána
patuérunt, et véritas, quam
Judæórum obcæcátio non
récipit, ómnibus natióibus

lumen suum invéxit. Hono-
rétur itaque a nobis sacra-
tissimus dies, in quo salútis
nostræ Auctor appáruit : et
quem Magi infántem vene-
ráti sunt in cunábulis, nos
omnipoténtem adorémus in
cælis. Ac sicut illi de the-
sáuris suis mýsticas Dómino
múnere spécies obtulé-
runt, ita et nos de córdibus
nostris, quæ Deo sunt digna,
promámus.

¶ Magi véniunt ab Oriénte
Jerosólymam, quæréntes, et
dicéntes : Ubi est qui natus
est, cujus stellam vidimus?
* Et vénimus adoráre Dómi-
num. ¶ Vidimus stellam ejus
in Oriénte. Et. Glória Patri.
Et.

IN III. NOCTURNO

Ant. Veníte, adorémus
eum : quia ipse est Dóminus
Deus noster.

**Hæc Ant. repetitur in Psal-
mo, ordine infrascripto.**

Psalmus 94.

VENÍTE, exsultémus Dómi-
no : * jubilémus Deo sa-
lutári nostro :

Præoccupémus fáciem
ejus in confessiône : * et in
psalmis jubilémus ei.

Ant. Veníte, adorémus
eum : quia ipse est Dóminus
Deus noster.

Quóniam Deus magnus
Dóminus : * et Rex magnus
super omnes deos.

Quia in manu ejus sunt
omnes fines terræ : * et alti-
túdes móntium ipsius sunt.

Ant. Veníte, adorémus

eum : quia ipse est Dóminus Deus noster.

Quóniam ipsius est mare, et ipse fecit illud : * et siccam manus ejus formavérunt.

Ant. Veníte, adorémus eum : quia ipse est Dóminus Deus noster.

Et nos pópulus páscuæ ejus, et oves manus ejus. * Hódie si vocem ejus audiéritis, nolite obduráre corda vestra :

Sicut in irritatióne secúndum diem tentatiónis in deserto : * ubi tentavérunt me patres vestri, probavérunt me, et vidérunt ópera mea.

Ant. Veníte, adorémus eum : quia ipse est Dóminus Deus noster.

Quadraginta annis offensus fui generatióni illi, * et dixi : Semper hi errant corde.

Et isti non cognovérunt vias meas, ut jurávi in ira mea : * Si introibunt in réquiem meam.

Ant. Veníte, adorémus eum : quia ipse est Dóminus Deus noster.

Glória Patri, et Filio, * et Spiritui sancto :

Sicut erat in princípio, et nunc, et semper, * et in sæcula sæculórum. Amen.

Ant. Veníte, adorémus eum : quia ipse est Dóminus Deus noster.

Ant. prædicta cum suo Psalmo dicitur tantum hac nocte : per Octavam vero loco hujus dicitur :

Ant. Homo natus est * in ea, et ipse fundávit eam Altíssimus.

Psalmus 86.

FUNDAMÉNTA ejus in montibus sanctis : * diligit Dóminus portas Sion super ómnia tabernácula Jacob.

Gloríosa dicta sunt de te * civitas Dei.

Memor ero Rahab, et Babilónis * sciéntium me.

Ecce alienigenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus ?

Dóminus narrábit in scriptúris populórum, et príncipum : * horum, qui fuérunt in ea.

Sicut lætántium ómnium * habitatio est in te.

Ant. Homo natus est in ea, et ipse fundávit eam Altíssimus.

Ant. Adoráte Dóminum, * allelúia : in áula sancta ejus, allelúia.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : *

terribilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávít.

Etenim corréxit orbem terræ, qui non commovébatur : * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Adoráte Dóminum ; allelúia : in áula sancta ejus, allelúia.

Ant. Adoráte Deum, * allelúia : omnes Angeli ejus, allelúia.

Psalmus 96.

DÓMINUS regnávít, exsúltet terra : * læténtur insulæ multæ.

Nubes, et caligo in circúitu ejus : * justitia, et júdicium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgora ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justitiam ejus : * et vidérunt omnes pópuli glóriam ejus.

Confundántur omnes, qui adórant sculptilia : * et qui gloriántur in simulácris suis.

Adoráte eum omnes Angeli ejus : * audivit, et lætáta est Sion.

Et exsultavérunt filiæ Judæ, * propter júdicia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui diligitis Dóminum, odite malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino : * et confitémini memóriæ sanctificatiónis ejus.

Ant. Adoráte Deum, alle-

lúia : omnes Angeli ejus, allelúia.

Y. Adoráte Dóminum, allelúia. **R.** In áula sancta ejus, allelúia.

Pater noster.

Absolutio. A vñculis.

Y. Jube domne.

Bened. Evangélica léctio. Léctio sancti Evangélii secundum Matthæum.

Lectio vij. Cap. 2.

CUM natus esset Jesus in Bétlehem Juda in diébus Heródis regis, ecce Magi ab Oriénte venérunt Jerosólymam, dicétes: Ubi est qui natus est Rex Judæórum? Et réliqua.

Homília sancti Gregórii Papæ.

Homil. 10. in Evang.

SICUT in lectione evangélica, fratres caríssimi, audistis, cæli Rege nato, rex terræ turbátus est: quia nimirum terréna altitúdo confúnditur, cum celsitúdo cæléstis aperitur. Sed quæréndum nobis est, quidnam sit, quod, Redemptóre nato, pastóribus in Judæa Angelus appáruit, atque ad adorándum hunc ab Oriénte Magos non Angelus, sed stella perduxit? Quia vidélicet Judæis, tamquam ratióne uténtibus, rationále ánimál, id est, Angelus prædicáre débuit: gentiles vero, quia uti ratióne nesciébant, ad cognoscéndum Dóminum non per vocem, sed per signa perducúntur. Unde étiam per

Páulum dicitur: Prophetiæ fidélibus datæ sunt, non infidélibus: signa áutem infidélibus, non fidélibus. Quia et illis prophetiæ tamquam fidélibus, non infidélibus: et istis signa tamquam infidélibus, non fidélibus data sunt.

R. Stella, quam viderant Magi in Oriénte, antecedébat eos, donec venirent ad locum ubi puer erat.* Vidéntes áutem eam, gavisí sunt gáudio magno. **Y.** Et intrántes domum, invenérunt púerum cum María matre ejus, et procidéntes adoravérunt eum. Vidéntes.

Bened. Divínium auxílium.

Lectio vij

ET notándum, quod Redemptórem nostrum, cum jam perféctæ esset ætátis, eisdem gentilibus Apóstoli prædicant, eúmque párvulum, et necdum per húmáni córporis officium loquéntem, stella génlibus denúntiat: quia nimirum ratiónis ordo poscébat, ut et loquéntem jam Dóminum loquéntes nobis prædicátóres innotéscerent, et necdum loquéntem eleménta muta prædicárent. Sed in ómnibus signis, quæ vel nascénte Dómino, vel moriénte eo monstráta sunt, considerándum nobis est, quanta fúerit in quorúmdam Judæórum corde durítia, qui hunc nec per prophetiæ donum, nec per mirácula agnovérunt.

R. Vidéntes stellam Magi,

gavisi sunt gáudio magno :

* Et intrátes domum, invénérunt púerum cum María matre ejus, et procidétes adoravérunt eum : * Et apértis thesáuris suis, obtulérunt ei múnera, áurum, thus, et myrrham. *V.* Stella, quam viderant Magi in Oriéte, antecedébat eos, usque dum véniens staret supra ubi erat puer. Et intrátes. Glória Patri. Et apértis.

Bened. Ad societátem.

Lectio ix.

OMNIA quippe eleménta auctórem suum venísse testáta sunt. Ut enim de eis quiddam usu humáno loquar : Deum hunc cæli esse cognovérunt, quia prótinus stellam misérunt. Mare cognóvit, quia sub plantis ejus se calcábile præbuit. Terra cognóvit, quia eo moriénte contrémuit. Sol cognóvit, quia lucis suæ rádios abscondit. Saxa et parietes cognovérunt, quia témpore mortis ejus scissasunt. Infernus agnóvit, quia hos, quos tenébat mórtuos, réddidit. Et tamen hunc, quem Dóminum ómnia insensibilia eleménta sensérunt, adhuc infidélium Judæórum corda Deum esse minime cognóscunt, et durióra saxis, scindi ad pœniténdum nolunt.

Te Deum laudámus. 17.

AD LAUDES

ET PER HORAS

Ant. 1. Ante lucíferum génitus, * et ante sácula,

Dóminus Salvátor noster hódie mundo appáruit.

Ps. Dóminus regnávít. *cum reliq.* 18.

2. Venit lumen tuum * Jerúsalem, et glória Dómini super te orta est, et ambulábunt gentes in lúmine tuo, allelúia.

3. Apértis thesáuris suis * obtulérunt Magi Dómino áurum, thus, et myrrham, allelúia.

4. Mária et flúmina * benedicite Dómino : hymnum dicite fontes Dómino, allelúia.

5. Stella ista * sicut flamma corúscat, et Regem regum Deum demónstrat : Magi eam vidérunt, et magno Regi múnera obtulérunt.

Capitulum. Isai. 60.

SURGE, illumináre Jerúsalem, quia venit lumen tuum, et glória Dómini super te orta est.

Hymnus.

O SOLA magnárum úrbium Major Bethlem, cui cón-tigit

Ducem salútis cælitus

Incorporátum gignere.

Quem stella, quæ solis rotam

Vincit decóre, ac lúmine ;

Vénisse terris núntiat

Cum carne terréstri Deum.

Vidére postquam illum

Magi,

Eóa promunt múnera :

Stratíque votis ófferunt

Thus, myrrham, et áurum régium.

Regem, Deúmque annúntiant

Thesáurus, et fragrans odor
Thuris Sabæi, ac mýrrheus
Pulvis sepúlcrum prædocet.

Jesu tibi sit glória,
Qui apparuísti géntibus,
Cum Patre, et almo Spíritu,
In sempitérna sæcula. Amen.

Ÿ. Adoráte Deum, allelúia.
R. Omnes Angeli ejus, allelúia.

Ad Bened. Ant. Hódie cælésti sponso juncta est Ecclésia, quóniam in Jordáne lavit Christus ejus crimina : currunt cum munéribus Magi ad regáles núptias, et ex aqua facto vino lætántur convivæ, allelúia.

Oratio.

DEUS, qui hodiérna die Unigénitum tuum géntibus stella duce revelásti : concéde propitius ; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúmdem Dñm.

AD PRIMAM

In R. br., Ÿ. Qui apparuísti hódie.

Et sic dicitur per totam Octavam.

AD TERTIAM

Ant. Venit lumen tuum.

Capit. Surge, illumináre.

R. br. Reges Tharsis et insulæ múnera ófferent, * Allelúia, allelúia. Reges. Ÿ. Reges Arabum et Saba dona addúcent. Allelúia, allelúia. Glória Patri. Reges.

Ÿ. Omnes de Saba vénient,

allelúia. R. Aurum et thus deferéntes, allelúia.

AD SEXTAM

Ant. Apértis thesáuris suis.

Capitulum. Isai. 60.

LEVA in circúitu óculos tuos, et vide : omnes isti congregáti sunt, vénérunt tibi : filii tui de longe vénient, et filiæ tuæ de látere surgent.

R. br. Omnes de Saba vénient, * Allelúia, allelúia. Omnes. Ÿ. Aurum et thus deferéntes. Allelúia, allelúia. Glória Patri. Omnes.

Ÿ. Adoráte Dóminum, allelúia. R. In áula sancta ejus, allelúia.

AD NONAM

Ant. Stella ista.

Capitulum. Isai. 60.

OMNES de Saba vénient, áurum et thus deferéntes, et láudem Dómino annuntiántes.

R. br. Adoráte Dóminum, * Allelúia, allelúia. Adoráte. Ÿ. In áula sancta ejus. Allelúia, allelúia. Glória Patri. Adoráte.

Ÿ. Adoráte Deum, allelúia. R. Omnes Angeli ejus, allelúia.

IN II. VESPERIS

Ant. et Capit. de Laud. ;
Pss. de Dom. 127.

Et sic dicitur per totam Octavam.

Hymn. et Ÿ. ut in I. Vesp.

Ad Magnif. Ant. Tribus miráculis ornátum diem sanctum cólimus : hódie stella Magos duxit ad præsepium :

hódie vinum ex aqua factum est ad nuptias : hódie in Jordáne a Joánne Christus baptizári vóluit, ut salváret nos, allelúia.

Si Epiphania venerit in Sabbato, in II. Vesp. fit Commem. Dominicæ infra Octavam.

Ant. Remánsit. *ŷ.* Omnes de Saba. Oratio. Vota, quæsumus. ut infra. 309.

Infra Octavam Epiphaniæ non fit nisi de Duplicibus primæ classis occurrentibus. Alia Festa novem Lectionum prima die libera post dictam Octavam perpetuo celebrantur. De Festis vero trium Lectionum fit tantum Commem. juxta Rubricas.

AD MATUTINUM

ŷ. Dómine lábia mea.

Invit. et Hymn., ut supra in Rubrica Festi ponitur. 283.

Reliqua omnia ut in die Festi, præter Lect. et Ant. ad Benedictus et Magnif., quæ singulis diebus habentur propriæ, ut sequitur.

De Dom. infra Octavam, in quamcumque diem Octavæ inciderit, fit Officium ut infra ordinatur. 309. Et in ea ponitur Epistola prima ad Corinthios, omissis Lectionibus de Epistola ad Romanos.

Post Dominicam vero continuantur dies Octavæ eodem numero, quo notantur, perinde ac si Dom. non intercessisset. Exempli gratia :

Si Dom. venerit in tertia die infra Octav., prima die post Dom., Lect. II. et III. Nocturni, et Ant. ad Benedictus et Magnificat dicentur de iij. die infra Octavam, et sic deinceps de aliis : Lect. tamen I. Noct. de Epistola ad Romanos omittuntur, et pro iis sumuntur de Epistola prima ad Corinthios, quæ sequuntur post Dom.; et de ea legitur etiam post Octavam usque ad Dom. seq.

SECUNDA DIE

INFRA OCTAVAM EPIPHANIÆ
IN I. NOCTURNO

De Epistola ad Romanos.

Lectio j. Cap. 9.

VERITÁTEM dico in Christo, non méntior : testimónium mihi perhibénte consciéntia mea in Spíritu sancto : quóniam tristitia mihi magna est, et continuus dolor cordi meo. Optábam enim ego ipse anáthema esse a Christo pro frátribus meis, qui sunt cognáti mei secúndum carnem, qui sunt Israélitæ, quorum adóptio est filiórum, et glória, et testaméntum, et legislátio, et obséquium, et promissa : quorum patres, et ex quibus est Christus secúndum carnem, qui est super ómnia Deus benedictus in sæcula. Amen.

ŷ. Tria sunt múnera. 285.

Lectio ij.

NON áutem quod exciderit verbum Dei. Non enim

omnes qui ex Israël sunt, ii sunt Israëlitaë : neque qui semen sunt Abrahæ, omnes filii : sed in Isaac vocabitur tibi semen : id est, non qui filii carnis, hi filii Dei : sed qui filii sunt promissionis, æstimantur in semine. Promissionis enim verbum hoc est : Secundum hoc tempus veniam : et erit Saræ filius. Non solum autem illa : sed et Rebécca ex uno concubitu habens, Isaac patris nostri.

℞. In columbæ specie. 286.

Lectio iij.

CUM enim nondum nati fuissent, aut aliquid boni egissent, aut mali, (ut secundum electionem propositum Dei maneret) non ex operibus, sed ex vocante dictum est ei : Quia major serviet minori, sicut scriptum est : Jacob dilexi, Esau autem odio habui. Quid ergo dicemus? numquid iniquitas apud Deum? Absit. Móysi enim dicit : Miserebor cujus misereor : et misericordiam præstabo cujus miserebor. Igitur non volentis, neque currentis, sed miserentis est Dei.

℞. Reges Tharsis. 286.

IN II. NOCTURNO

Sermo sancti Augustini
Episcopi.

Serm. 2. de Epiphania. qui
est 30. de Tempore.

Lectio iv.

AD partum Virginis adorandum Magi ab Oriente venerunt. Hunc diem hodie

celebramus : huic debitum solemnitati sermonem persolvimus. Illis dies iste primus illuxit, anniversaria nobis festivitate rediit. Illi erant primitiæ gentium, nos populus gentium. Nobis hoc lingua nuntiavit Apostolorum, stella illis tamquam lingua cælorum : et nobis iidem Apóstoli, tamquam alii cæli, enarraverunt glóriam Dei.

℞. Illuminare. 289.

Lectio v.

MAGNUM sacramentum : in præsepi jacébat, et Magos ab Oriente ducébat : abscondebatur in stábulo, et agnoscebatur in cælo : ut ágnitus in cælo manifestaretur in stábulo, et appellaretur Epiphania dies iste, quod latine manifestatio dici potest : simul ejus celsitudinem humilitatémque commendans, ut qui in aperto cælo signis sidereis monstrabatur magnus, in angusto diversorio quæsitus inveniretur invalidus, infantilibus in membris natus, infantilibusque pannis involutus, adoraretur a Magis, timeretur a malis.

℞. Omnes de Saba. 290.

Lectio vj.

TÍMUIT enim eum rex Heródes, eisdem sibi Magis nuntiántibus, cum adhuc quærerent párvulum, quem cognóverant cælo teste jam natum. Quid erit tribúnal judicántis, quando supérbos reges cunábula terrébant infántis? Quanto consúltius

reges, non sicut Heródes, interficere quærant, sed sicut Magi, pótius adoráre delectentur, jam præsertim eum, qui et ipsam mortem, quam cupiébat inimicus inférre, étiam pro ipsis inimicis ab inimicis sustinuit, eámque in suo corpore occisus occidit. Pie timeant reges ad Patris dexteram jam sedentem, quem rex impius tímuit adhuc matris úbera lambentem.

℞. Magi veniunt. 290.

IN III. NOCTURNO

Léctio sancti Evangélíi secundum Matthæum.

Lectio vij. Cap. 2.

CUM natus esset Jēsus in Bethlehē Juda in diēbus Heródis regis, ecce Magi ab Oriēte venērunt Jerosólymam, dicētes : Ubi est qui natus est Rex Judæórum? Et reliqua.

De Homilía sancti Gregórii Papæ.

Homil. 10. in Evang.

NATIVITÁTE Regis nostri cógnita, Heródes ad cálida argumēta convértitur : et ne terréno regno privaréture, renuntiári sibi ubi puer inveniátur, póstulat. Adoráre eum velle se simulat, ut hunc, si inveniri possit, exstinguat. Sed quanta est humána malitia contra consilium divinitátis? Scriptum quippe est : Non est sapiéntia, non est prudéntia, non est consilium contra Dóminum. Nam ea, quæ

apparuit stella, Magos perducit : natum Regem repériunt, múnera déferunt : et ne redire ad Heródem debeant, in somnis admonentur. Sicque fit, ut Jesum, quem quærit Heródes, invenire non possit. Cujus persóna qui álii, quam hypocritæ designántur, qui dum fecte quærunt, invenire Dóminum numquam meréntur?

℞. Stella, quam. 293.

Lectio viij.

SED inter hæc sciéndum, quod Priscillianistæ hæretici nasci unumquémque hóminem sub constitutióibus stellárum putant : et hoc in adjutórium sui erroris assúmant, quod nova stella éxiit cum Dóminus in carne apparuit : cujus fuisse fatum eámdem, quæ apparuit, stellam putant. Sed si Evangélíi verba pensámus, quibus de eádem stella dicitur : Usque dum veniens staret supra, ubi erat puer : dum non puer ad stellam, sed stella ad púerum cucúrrit, si dici liceat, non stella fatum púeri, sed fatum stellæ is, qui apparuit, puer fuit.

℞. Vidētes stellam. 293.

Lectio ix.

SED a fidélium córdibus absit, ut áliquid esse fatum dicant. Vitam quippe hóminum solus hic Cónditor, qui creávit, administrat. Neque enim própter stellas homo, sed stellæ própter hóminem factæ sunt : et si

stella fatum hóminis dicitur, ipsis suis ministériis subesse homo perhibétur. Certe cum Jacob de útero egrédiens, prióris fratris plantam tenéret manu, prior perfécte nequáquam égređi pótuit, nisi súbsequens inchoásset : et tamen cum uno témpore, eodémque moménto utrúmque mater fúderit, non una utriúsque vitæ quálitás fuit.

Te Deum laudámus. 17.

Ad Bened. Ant. Ab Oriénte * venérunt Magi in Béthlehem adoráre Dóminum : et apértis thesáuris suis, pretiósa múnera obtulérunt : áurum, sicut Regi magno ; thus, sicut Deo vero ; myrrham sepultúræ ejus, allelúia.

Ad Magnif. Ant. Vidéntes stellam Magi, * gavisi sunt gáudio magno : et intrántes domum, obtulérunt Dómino áurum, thus, et myrrham, allelúia.

TERTIA DIE

IN I. NOCTURNO

De Epístola ad Romános.

Lectio j. Cap. 12.

OBSECRO itaque vos fratres per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sáculo, sed reformámini in novitáte sensus vestri : ut probétis quæ sit volúntas Dei bona, et benéplacens, et perfécta.

Dico enim per grátiam quæ data est mihi, ómnibus qui sunt inter vos : Non plus sápere quam opórtet sápere, sed sápere ad sobrietátém : et unicuique sicut Deus divísit mensúram fidei.

R. Tria sunt múnera. 285.

Lectio ij.

SICUT enim in uno córpore multa membra habémus, ómnia áutem membra non eúmdem actum habent : ita multi unum corpus sumus in Christo, singuli áutem alter altérius membra. Habéntes áutem donatiónes secúndum grátiam, quæ data est nobis, differentes : sive prophetiam secúndum ratiónem fidei, sive ministérium in ministrádo, sive qui docet in doctrína, qui exhortátur in exhortádo, qui tribuit in simplicitáte, qui præest in sollicitúdone, qui miserétur in hilaritáte.

R. In columbæ spécie. 286.

Lectio iij.

DILÉCTIO sine simulatióne. Odientes malum, adhærentes bono : Caritáte fraternitátis invicem diligéntes : Honóre invicem præveniéntes : Sollicitúdone non pigri : Spíritu fervéntes : Dómino serviéntes : Spe gaudéntes : In tribulatióne patiéntes : Oratióni instántes : Necessitatibus sanctórum communicántes : Hospitalitátem sectántes. Benedicite persequentibus vos : benedicite, et nolíte maledicere. Gau-

dere cum gaudéntibus, flere cum fléntibus : Idipsum invicem sentiéntes : Non alta sapiéntes, sed humilibus consentiéntes.

¶ Reges Tharsis. 286.

IN II. NOCTURNO

De Sermóne sancti Augustini
Episcopi.

Serm. 2. de Epiphania.

Lectio iv.

CUM tam multi jam nati, atque defúnti essent reges Judæórum, numquid quemquam eórum adorándum Magi quæsiérunt? Non, quia nec quemquam eórum cælo loquente didicérunt. Verúmtamen, quod prætereúndum non est, hæc Magórum illuminátio magnum testimónium cæcitatís exstítit Judæórum. In terra eórum isti requirebant, quem illi in sua non agnoscébant.

¶ Illumináre. 289.

Lectio v.

APUD eos isti infántem invenérunt, quem illi apud se negavérunt. In his terris de longínquo isti et peregríni púerum Christum nondum verba proméntem adoravérunt, ubi cives illi júvenem miracula faciéntem crucifixerunt. Isti in membris parvis Deum adoravérunt, illi in magnis factis nec tamquam hómini pepercérunt : quasi plus fúerit vidére novam stellam in ejus nativitate fulgéntem, quam solem ejus in morte lugéntem.

¶ Omnes de Saba. 290.

Lectio vj.

JAM vero quod eadem stella, quæ Magos perdúxit ad locum, ubi erat cum matre Virgine Deus infans, quæ úti-que póterat eos ad ipsam perducere civitátem, se tamen subtráxit, nec eis prorsus apparuit, donec de civitate, in qua Christus nascerétur, iidem ipsi interrogaréntur Judæi, et ipsi eam secúndum divinæ Scripturæ testimónium nominárent, ipsi dicerent : In Bétlehem Judæ. Sic enim scriptum est : Et tu Bétlehem terra Juda, non es mínima in principibus Juda : ex te enim éxiet Dux, qui regat pópulum meum Israël. Quid áliud hic significávit divina providéntia, nisi apud Judæos solas divinas litteras remansúras, quibus gentes instrueréntur, illi excæcaréntur?

¶ Magi véniunt. 290.

IN III. NOCTURNO

Lectio sancti Evangélii secúndum Matthæum.

Lectio vij. Cap. 2.

CUM natus esset Jesus in Bétlehem Juda in diebus Heródis regis, ecce Magi ab Oriénte venérunt Jerosólymam, dicéntes : Ubi est qui natus est Rex Judæórum? Et réliqua.

De Homilia sancti Gregórii
Papæ.

Ex Homilia 10. in Evang.

MAGI vero áurum, thus, et myrrham déferunt. Aurum quippe Regi cóngruit,

thus vero in Dei sacrificium pónitur, myrrha áutem mortuórum córpora condiúntur. Eum ergo Magi, quem adórant, étiam mýsticis munéribus prædicant : áuro Regem, thure Deum, myrrha mortálem. Sunt vero nonnúllo hærétici qui hunc Deum credunt, sed ubique regnâre nequâquam credunt. Hi profecto ei thus offerunt, sed offerre étiam áurum nolunt. Et sunt nonnúllo, qui hunc Regem existimant, sed Deum negant. Hi videlicet ei áurum offerunt, sed offerre thus nolunt.

℞. Stella, quam. 293.

Lectio viij.

ET sunt nonnúllo, qui hunc et Deum et Regem faténtur, sed assumpsisse carnem mortálem negant. Hi nimírum ei áurum et thus offerunt, sed offerre myrrham assumptæ mortalitátis nolunt. Nos itaque nato Dómino offerámus áurum, ut hunc ubique regnâre fateámur : offerámus thus, ut credámus, quod is qui in témpore apparuit, Deus ante témpora existit : offerámus myrrham, ut eum, quem credimus in sua divinitate impassibilem, credámus étiam in nostra fuisse carne mortálem.

℞. Vidéntes stellam Magi. 293.

Lectio ix.

QUAMVIS in áuro, thure, et myrrha intélligi et áliud potest. Auro namque sapién-

tia designátur, Salomóne attestánte, qui ait : Thesáurus desiderábilis requiescit in ore sapiéntis. Thure áutem, quod Deo incénditur, virtus oratiónis exprimitur, Psalmista testánte, qui dicit : Dirigátur orátio mea sicut incensum in conspéctu tuo. Per myrrham vero carnis nostræ mortificátio figurátur. Unde sancta Ecclesiá de suis operáriis usque ad mortem pro Deo certántibus dicit : Manus meæ distillaverunt myrrham.

Te Deum laudámus. 17.

Ad Bened. Ant. Tria sunt múnera, * quæ obtulérunt Magi Dómino, áurum, thus, et myrrham, Filio Dei, Regi magno, allelúia.

Ad Magnif. Ant. Lux de luce * apparuísti Christe, cui Magi múnera offerunt, allelúia, allelúia, allelúia.

QUARTA DIE

IN I. NOCTURNO

De Epístola ad Romános

Lectio j. Cap. 13.

OMNIS ánima potestátibus sublimióribus súbdita sit : Non est enim potestas nisi a Deo : quæ áutem sunt, a Deo ordinatæ sunt. Itaque qui resistit potestáti, Dei ordinatióni resistit. Qui áutem resistunt, ipsi sibi damnatiónem acquirunt : nam principes non sunt timóri boni óperis, sed mali. Vis áutem non timére potestátem? Bonum fac : et habébis láudem

ex illa : Dei enim minister est tibi in bonum.

℞. Tria sunt múnera. 285.

Lectio ij.

SI áutem malum féceris, time : non enim sine cáusa gládium portat. Dei enim mínister est : vindex in iram ei, qui malum agit. Ideo necessitáte súbditi estóte non solum propter iram, sed étiam propter consciéntiam. Ideo enim et tribúta præstátis : ministri enim Dei sunt, in hoc ipsum serviéntes. Réddite ergo ómnibus débíta : cui tribútum, tribútum : cui vectígal, vectígal : cui timórem, timórem : cui honórem, honórem.

℞. In colúmbæ spécie. 286.

Lectio iij.

NÉMINI quidquam debeátis, nisi ut invicem diligátis : qui enim diligit próximum, legem implévit. Nam, Non adulterábis, Non occides, Non furáberis, Non falsum testimónium dices, Non concupísces : et si quod est áliud mandátum, in hoc verbo instaurátur : Díliges próximum tuum sicut te ipsum. Diléctio próximi malum non operátur. Plenitúdo ergo legis est diléctio.

℞. Reges Tharsis. 286.

IN IL. NOCTURNO

Sermo sancti Leónis

Papæ.

Sermo 1. de Epiphania.

Lectio iv.

CELEBRÁTO próximo die, quo intemeráta virginitas

humáni géneris édedit Salvatórem, Epiphaniæ nobis, dilectíssimi, veneránda festivitas dat perseverántiam gaudiórum : ut inter cognatarum solemnitatú vicína sacraménta, exsultatiónis vigor, et fervor fidei non tepéscat. Ad ómnium enim hóminum spectat salútem, quod infántia mediatóris Dei et hóminum, jam univérso declarabátur mundo, cum adhuc exiguo detinerétur oppídulo.

℞. Illumináre. 289.

Lectio v.

QUAMVIS enim Israéliticam gentem, et ipsíus gentis unam familiam delegisset, de qua natúram univérse humanitátis assúmeret : nóluit tamen intra matérnæ habitatiónis angústias ortus sui latére primórdia : sed mox ab ómnibus vóluit agnósci, qui dignátus est pro ómnibus nasci. Tribus igitur Magis in regióne Oriéntis stella novæ claritátis appáruit, quæ illústrior cæteris pulchriórque sidéribus, fá-cile in se intuéntium óculos animósque convérteret : ut conféstim adverterétur, non esse otíósum, quod tam insólutum videbátur.

℞. Omnes de Saba. 290.

Lectio vj.

DEDIT ergo adspiciéntibus intelléctum, qui præstitit signum : et quod fecit intélligi, fecit inquiri, et se inveniéndum óbtulit requi-

situs: Sequúntur tres viri supérni lúminis ductum, et prævíi fulgóris indicium inténta contemplatióne comitántes, ad agnitióem veritátis, grátiae splendóre ducúntur: qui humáno sensu significátum sibi Regis ortum æstimavérunt in civitaté régia esse quæréndum. Sed qui servi suscepérat formam, et non judicáre vénerat, sed judicári, Béthlehem præelégit nativitáti, Jerosólymam passióni.

℞. Magi véniunt. 290.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 2.

CUM natus esset Jesus in Béthlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est Rex Judæórum? Et réliqua.

De Homilia sancti Gregórii Papæ.

Ex Homilia 10. in Evang.

MAGNUM vero nobis áliquid Magi innuunt, quod in regiónem suam per áliam viam revertúntur. In eo namque quod admóniti faciunt, nobis profécto insínuant, quid faciámus. Régio quippe nostra paradísus est: ad quam, Jesu cógnito, redire per viam, qua vénimus, prohibémur. A regione étenim nostra superbiéndo, inobediéndo, visibília sequéndo, cibum vétitum gustándo dis-

céssimus: sed ad eam necesse est, ut flendo, obediéndo, visibília contemnén-do, atque appetitum carnis refrenándoredeámus.

℞. Stella, quam viderant. 293.

Lectio viij.

PER áliam ergo viam ad regiónem nostram regrédimur: quóniam qui a paradisi gáudiis per delectaménta discéssimus, ad hæc per laménta revocámur. Unde necesse est, fratres carissimi, ut semper pávidi, sempérque suspécti, ponámus ante óculos cordis, hinc culpas óperis, illinc iudicium extrémæ districtiónis. Pensémus, quam districtus iudex véniat, qui iudicium minátur, et latet: terróres peccatóribus inténtat, et tamen adhuc sústinet: et idcirco veníre citius differt, ut minus invéniat quod condémnet.

℞. Vidéntes stellam. 293.

Lectio ix.

PUNIÁMUS flétibus culpas, et cum Psalmistæ voce, præveniámus faciém ejus in confessióe. Voluptátum nos ergo fallácia nulla decípiat, nulla vana lætítia sedúcat. In próximo namque est iudex, qui dixit: Væ vobis, qui ridétis nunc; quia lugébitis et flébitis. Hinc enim Sálomon ait: Risus dolóri miscébitur: et, Extréma gáudii luctus óccupat. Hinc iterum dicit: Risum depu-

távi errórem, et gáudio dixi, Quid frustra decíperis? Hinc rursus ait : Cor sapiéntium ubi tristítia est : et cor stultórum ubi lætítia.

Te Deum laudámus. 17.

Ad Bened. Ant. Vidimus stellam ejus * in Oriénte, et vénimus cum munéribus adoráre Dóminum.

Ad Magnif. Ant. Interrogábat * Magos Heródes : Quod signum vidístis super natum Regem? Stellam vídimus fulgéntem, cujus splendor illúminat mundum.

QUINTA DIE

IN I. NOCTURNO

De Epístola ad Romános.

Lectio j. Cap. 11.

INFÍRMUM áutem in fide assúmite, non in disceptatiónibus cogitatiónum. Alius enim credit se manducáre ómnia : qui áutem infirmus est, olus mandúcet. Is qui mandúcat, non manducántem non spernat : et qui non mandúcat, manducántem non júdicet : Deus enim illum assúmpsit. Tu quis es, qui júdicas aliénium servum? Dómino suo stat, aut cadit : stabit áutem : potens est enim Deus statúere illum.

R. Tria sunt múnera. 285.

Lectio ij.

NAM álius júdicat diem inter diem : álius áutem júdicat omnem diem : unusquisque in suo sensu abúndet. Qui sapit diem, Dómino sapit : Et qui mandúcat, Dó-

mino mandúcat : grátias enim agit Deo. Et qui non mandúcat, Dómino non mandúcat, et grátias agit Deo. Nemo enim nostrum sibi vivit, et nemo sibi móritur. Sive enim vivimus, Dómino vivimus : sive mórimur, Dómino mórimur. Sive ergo vivimus, sive mórimur, Dómini sumus.

R. In colúmbæ spécie. 286.

Lectio iij.

IN hoc enim Christus mórtuus est, et resurrexit : ut et mortuórum et vivórum dominétur. Tu áutem quid júdicas fratrem tuum? aut tu quare spernis fratrem tuum? Omnes enim stábumus ante tribúnal Christi. Scriptum est enim : Vivo ego, dicit Dóminus, quóniam mihi flectétur omne genu : et omnis lingua confitébitur Deo. Itaque unusquisque nostrum pro se ratiónem reddet Deo. Non ergo ámplius ínvicem judicémus.

R. Reges Tharsis et ínsulæ. 286.

IN II. NOCTURNO

Sermo sancti Máximi
Episcopi.

Homilia 1. de Epiphania

Lectio iv.

IN hac, dilectíssimi, celebratáte, sicut relátu patrénæ traditiónis instrúimur, múltiplici nobis est festivitáte lætándum. Ferunt enim, hódie Christum Dóminum nostrum vel stella duce a géntibus adorátum ; vel invitátum ad

nuptias, aquas in vina vertisse; vel suscepto a Joanne baptisate, consecrâsse fluentia Jordânis, suumque simul purificâsse Baptistam.

℞. Illuminâre, illuminâre. 289.

Lectio v.

SED quid potissimum præ-senti hoc factum sit die, nôverit ipse qui fecit: nos tamen credere, nec dubitare debemus, quidquid illud est, factum esse pro nobis. Nam quod eum fulgentioris stellæ radiis incitati adoravere Chaldæi, Deum verum gentibus spes data est adorandi. Quod aquæ novo sunt ordine in vina mutatæ, novi nobis poculi praelibatum est sacramentum. Quod autem baptizatus est Agnus Dei, regenerantis baptismi salutare nobis munus est dedicatum.

℞. Omnes de Saba venient. 290.

Lectio vj.

OPÓRTEt itaque nos, fratres, ad honorem Salvatoris nostri, cujus nativitatem debita nuper cum exultatione transégimus, omni cum devotione étiam hunc virtutum ejus celebrare natâlem. Et quam recte tria hæc nobis uno acta in die mystéria prædicantur, qui ineffabilis Trinitatis arcânum uno Dei sub nomine confitémur. Per hæc ergo miracula Christus Dóminus Redemptor noster oculis se vóluit revelare mortâlium,

quâtenus invisibilis ejus divinitas, quæ latébat in hómine, in ópere non latéret.

℞. Magi veniunt. 290.

IN III. NOCTURNO

Lectio sancti Evangélîi secundum Matthæum.

Lectio vij. Cap. 2.

CUM natus esset Jesus in Bêthlehem Juda in diébus Heródis regis, ecce Magi ab Oriénte venérunt Jerosólymam, dicétes: Ubi est qui natus est Rex Judæórum? Et reliqua.

Homilia sancti Hierónymi Presbýteri.

Lib. 1. Comment. in cap. 2.

Matthæi.

VÍDIMUS enim stellam ejus in Oriénte. Ad confusiónem Judæórum, ut nativitatem Christi a gentibus discerent, órítur in Oriénte stella; quam futúram, Bálaam, cujus successóres erant, vaticinio nôverant. Lege Numerórum librum. Deferúntur autem Magi stellæ indício in Judæam, ut sacerdótes a Magis interrogati, ubi Christus nascerétur, inexcusábiles fierent de advéntu ejus.

℞. Stella. 293.

Lectio viij.

AT illi dixerunt ei: In Bêthlehem Judææ. Librariórum hic error est. Putámus enim ab Evangelista primum éditum, sicut in ipso hebraico légimus, Judæ, non Judææ. Quæ est enim aliárum gentium Bêth-

lehem, ut ad distinctionem ejus, hic Judææ poneretur? Judæ autem idcirco scribitur, quia est et alia Bèthlehem in Galilæa. Lege librum Jesu filii Nave. Denique et in ipso testimonio, quod de Michææ prophetia sumptum est, ita habetur : Et tu Bèthlehem terra Juda.

℞. Videntes stellam Magi. 293.

Lectio ix.

ET apertis thesauris suis, obtulerunt ei mûnera, aurum, thus, et myrrham. Pulcherrime mûnerum sacramenta Juvencus presbyter uno versiculo comprehendit : Thus, aurum, myrrham, Regique, hominique, Deoque dona ferunt. Et responso accepto in somnis, ne redirent ad Herodem, per aliam viam reversi sunt in regionem suam. Qui mûnera obtulerant Dômino, consequenter responsum accipiunt, non per Angelum, sed per ipsum Dôminum : ut meritum Joseph privilegium demonstraretur. Revertuntur autem per aliam viam : quia infidelitati miscendi non erant Judæorum.

Te Deum laudamus. 17.

Ad Bened. Ant. Omnes nationes * venient a longe, portantes mûnera sua, allelûia.

Ad Magnif. Ant. Omnes de Saba * venient, aurum et thus deferentes, allelûia, allelûia.

SEXTA DIE

IN I. NOCTURNO

De Epistola ad Românos.

Lectio j. Cap. 15.

DEBEMUS autem nos firmiores imbecillitates infirmorum sustinere, et non nobis placere. Unusquisque vestrum próximo suo placeat in bonum, ad ædificationem. Etenim Christus non sibi placuit, sed sicut scriptum est : Improperia improperantium tibi ceciderunt super me. Quæcûmque enim scripta sunt, ad nostram doctrinam scripta sunt : ut per patientiam et consolationem Scripturarum, spem habeamus.

℞. Tria sunt mûnera. 285.

Lectio ij.

DEUS autem patientiæ et solatii, det vobis id ipsum sapere in alterutrum secundum Jesum Christum : ut unânimes, uno ore honorificetis Deum, et Patrem Dômini nostri Jesu Christi. Propter quod suscipite invicem, sicut et Christus suscepit vos in honorem Dei. Dico enim Christum Jesum ministrum fuisse circumcisionis propter veritatem Dei, ad confirmandas promissiones patrum : gentes autem super misericordia honorare Deum, sicut scriptum est : Propterea confitebor tibi in gentibus Dômine, et nîmini tuo cantabo. Et iterum dicit : Lætâmini gentes cum plebe

ejus. Et iterum : Laudáte omnes gentes Dóminum, et magnificáte eum omnes pópuli.

℞. In columbæ. 286.

Lectio iij.

ET rursus Isaías ait : Erit radix Jesse, et qui exsúrget régere gentes, in eum gentes sperábunt. Deus áutem spei répleat vos omni gáudio et pace in credéndo : ut abundétis in spe, et virtúte Spíritus sancti. Certus sum áutem fratres mei et ego ipse de vobis, quóniam et ipsi pleni estis dilectióne, repléti omni sciéntia, ita ut possitis altérutrum monére. Audácius áutem scripsi vobis fratres ex parte, tamquam in memóriam vos redúcens : propter grátiam, quæ data est mihi a Deo, ut sim miníster Christi Jesu in géntibus : sanctificans Evangélium Dei, ut fiat oblátio géntium accépta, et sanctificáta in Spíritu sancto.

℞. Reges Tharsis. 286.

IN II. NOCTURNO

Sermo sancti Fulgéntii
Episcopi.

Ex Serm. 5. qui est de Epiph.
sub initium.

Lectio iv.

IPSE Deus, qui sibi in vétéri Testaménto primitias offerri mandávit, homo natus géntium primitias suo cúltoi dedicávit. Pastóres fuérunt primitiæ Judæórum : Magi facti sunt primitiæ géntium. Illi de próximo addúcti, isti

de longínquo redúcti. Ubi est, inquiunt, qui natus est Rex Judæórum? De Heróde rege Judæórum filii jam fúerant nati. Archeláus natus est in palátio, Christus in diversório. Archeláus natus, est in lecto argénteo pósitus, Christus áutem natus, in præsépio est brevíssimo collocátus : et tamen ille natus in palátio contémnitur, iste natus in diversório quæritur : ille a Magis nullátenu nominátur, iste invéntus suppliciter adorátur.

℞. Illumináre. 289.

Lectio v.

QUIS est iste Rex Judæórum? páuper et dives, húmilis et sublimis. Quis est iste Rex Judæórum, qui portátur ut párvulus, adorátur ut Deus? parvus in præsépio, imménsus in cælo : vilis in pannis, pretiósus in stellis. Quid est quod sic turbáris Heródes? Rex iste, qui natus est, non venit reges pugnándo superáre, sed moriéndó mirabíliter subjúgare. Nec ideo natus est, ut tibi succédát, sed ut in eum mundus fidéliter credat. Venit ergo, non ut pugnet vivus, sed ut triúmphet occisus.

℞. Omnes de Saba. 290.

Lectio vj.

PUER iste, qui nunc a Magis dicitur Rex Judæórum, idem Créator est, et Dóminus Angelórum. Quaprópter cujus times infántiam na-

scéntis, magis timére debes omnipoténtiam judicántis. Noli eum timére regni tui successórem, sed time infidelitátis tuæ justissimum damnatórem. Ite, inquit, et renuntiáte mihi, ut et ego véniens adórem eum. O caliditas ficta, o incredúlitas impia, o nequitia fraudulénta! Sanguis Innocéntium, quem crudéliter effudisti, attestátur quid de hoc púero voluisti.

℞. Magi véniunt. 290.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 2.

CUM natus esset Jesus in Bethlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est Rex Judæórum? Et réliqua.

Homilia sancti Ambrósii
Episcopi.

Lib. 2. in Luc. cap. 2.
post initium.

QUÆ sunt ista veræ fidei múnera? Aurum Regi, thus Deo, myrrha defúncto. Aliud enim Regis insigne, áliud divínæ sacraméntum potestátis, áliud honor est sepultúræ, quæ non corrumpat corpus mórtui, sed resérvet. Nos quoque, qui hæc audimus, et légimus, de thesáuris nostris tália, fratres, múnera proferámus. Habémus enim thesáurum in vasis fictilibus. Si

igitur in teipso quod es, non ex te debes æstimáre, sed ex Christo: quanto magis in Christo non tua debes æstimáre, sed Christi?

℞. Stella. 293.

Lectio viij.

ERGO Magi de thesáuris suis ófferunt múnera. Vultis scire quam bonum méritum hábeant? Stella ab his vidétur: ubi Heródes est, non vidétur: ubi Christus est, rursus vidétur, et viam demónstrat. Ergo stella hæc via est, et via Christus: quia secúndum Incarnatiónis mystérium Christus est stella. Oriétur enim stella ex Jacob, et exsúrget homo ex Israël. Dénique ubi Christus, et stella est. Ipse enim est stella spléndida, et matutina. Sua igitur ipse luce se signat.

℞. Vidéntes stellam. 293.

Lectio ix.

ACCIPE áliud documéntum. Alia venérunt via Magi, ália rédeunt. Qui enim Christum viderant, Christum intelléxerant; melióres útique, quam vénérant, revertúntur. Duæ quippe sunt viæ: una, quæ ducit ad intéritum; ália, quæ ducit ad regnum. Illa peccatórum est, quæ ducit ad Heródem: hæc Christus est, qua reditur ad pátriam. Hic enim temporális est incolátus, sicut scriptum est: Multum incola facta est ánima mea.

Te Deum laudámus. 17.

Ad Bened. Ant. Vénient ad te, * qui detrahébant tibi, et adorábunt vestigia pedum tuórum.

Ad Magnif. Ant. Admóniti Magi * in somnis, per áliam viam revérsi sunt in regiõnem suam.

SABBATO INFRA OCT. EPIPH.

AD VESPERAS

Capitulum. Rom. 12.

FRATRES : Obsecro vos per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obsequium vestrum.

Hymnus. Crudélis Heródes. 283.

Ÿ. Reges Tharsis et insulæ múnera ófferent. **℟.** Reges Arabum et Saba dona addúcent.

Ad Magnif. Ant. Remán-sit * puer Jesus in Jerúsalem, et non cognovérunt paréntes ejus, existimántes illum esse in comitátu : et requirébant eum inter cognátos et notos.

Oratio.

VOTA, quæsumus Dómine, supplicántis pópuli cælésti pietáte proséquere : ut et quæ agénda sunt, videant, et ad implénda quæ viderint, convalescant. Per Dñm.

Deinde fit Commem. Epiphaniæ per Ant. quæ occurrit secundum ordinem dierum infra Octavam.

Ÿ. Omnes de Saba vénient, allelúia. **℟.** Aurum et thus deferéntes, allelúia.

Nisi dicta sit Ant. Omnes de Saba vénient; **tunc enim legitur**

Ÿ. Adorate Deum, allelúia. **℟.** Omnes Angeli ejus, allelúia.

Orat. Deus, qui hodiérna die. 283.

DOM. INFRA OCT. EPIPHANIE

Totum Officium dicitur de Epiphania, præter Lect., Capit., Ant. ad Benedictus et ad Magnificat, et Orationem.

In I. Noct. ponitur Epistola prima ad Corinthios, quæ inferius post Octavam habetur. 317; et legitur de ea sequentibus diebus. Lectiones vero, quæ aliquando supersunt de Epistola ad Romanos, eo anno prætermittuntur.

Quando Epiphania in Dominica venerit, Sabbato seq. fit Officium de Dom., et Feria VI. Vesperæ a Capit. de Dom. cum Commem. Oct.

In I. Noct. leguntur Lect. de Epistola ad Romanos, ut infra : Epistola vero ad Corinthios tunc ponitur ipsa die Dominica in Officio Oct.

IN I. NOCTURNO

De Epistola ad Romanos.

Leclio j. Cap. 16

COMMENDO áulem vobis Phœben sorórem nostram, quæ est in ministério Ecclésiæ, quæ est in Cenchris : ut eam suscipiátis in Dómino digne sanctis : et assistátis ei in quocúmque negótio vestri indigúerit :

étenim ipsa quoque ádstitit multis, et mihi ipsi. Salutáte Priscam et Aquilam adjutóres meos in Christo Jesu; (qui pro ánima mea suas cervices supposuérunt : quibus non solus ego grátias ago, sed et cunctæ Ecclesiæ géntium) et domésticam Ecclesiam eórum.

℟. Hódie in Jordáne baptizáto Dómino apérti sunt cæli, et sicut colúmba super eum Spíritus mansit, et vox Patris intónuit : * Hic est Filius meus diléctus, in quo mihi bene complácuí. ℣. Descéndit Spíritus sanctus corporáli spécie sicut colúmba in ipsum, et vox de cælo facta est. Hic est.

Lectio ij.

ROGO áutem vos fratres, ut observétis eos, qui dissensionés et offendicula præter doctrinam, quam vos didicístis, faciunt, et declináte ab illis. Hujuscémodi enim Christo Dómino nostro non sérvíunt, sed suo ventri : et per dulces sermónes, et benedictionés sedúcunt corda innocentium. Vestra enim obediéntia in omnem locum divulgáta est. Gáudeo igitur in vobis. Sed volo vos sapiéntes esse in bono, et simplices in malo.

℟. In colúmbæ spécie Spíritus sanctus visus est, Patérna vox audita est : * Hic est Filius meus diléctus, in quo mihi bene complácuí. ℣. Cæli apérti sunt super

eum, et vox Patris intónuit. Hic est Filius.

Lectio iij.

SALÚTAT vos Timótheus adjutor meus, et Lúcius, et Jason, et Sosípater cognáti mei. Salúto vos ego Tértius, qui scripsi epistolam, in Dómino. Salútat vos Caius hospes meus, et univérsa Ecclesiá. Salútat vos Erástus arcárius civitátis, et Quartus frater. Grátia Dómini nostri Jesu Christi cum ómnibus vobis. Amen.

℟. Reges Tharsis et insulæ múnera ófferent : * Reges Arabum et Saba dona Dómino Deo addúcent. ℣. Omnes de Saba vénient, aurum et thus deferéntes. Reges. Glória Patri. Reges.

IN II. NOCTURNO

Sermo sancti Leónis Papæ.

Serm. 4. de Epiphania.

Lectio iv.

JUSTUM et rationábile, dilectíssimi, veræ pietátis obséquium est, in diébus, qui divínæ ópera misericórdiæ protestántur, toto corde gaudére, et honorífice ea, quæ ad salutem nostram gesta sunt, celebráre, vocánte nos ad hanc devotió-nem ipsa recurréntium témporum lege, quæ nobis post diem, in quo coætérnus Patri Filius Dei natus ex Virgine est, brevi intervállo Epiphaniæ intulit festum, ex apparitióne Dómini consecrátum.

R. Illumināre, illumināre Jerúsalem, quia venit lux tua : * Et glória Dómini super te orta est. **V.** Et ambulābunt Gentes in lúmine tuo, et reges in splendóre ortus tui. Et glória.

Lectio v.

In quo fidei nostræ magnum præsidium providéntia divína constituit : ut, dum solémni veneratióne recólitur adoráta in exórdiis suis Salvatóris infántia, per ipsa originália documénta probarétur veri hómínisin Christo orta natúra. Hoc enim est, quod justificat impíos : hoc est, quod ex peccatóri-bus facit sanctos, si in uno eodémque Dómino nostro Jesu Christo et vera Déitas, et vera credátur humánitas : Déitas, qua ante ómnia sæcula in forma Dei æquális est Patri : humánitas, qua novíssimis diébus in forma servi unitus est hómíni.

R. Omnes de Saba vénient, áurum et thus deferéntes, et láudem Dómino annuntián-tes, * Allelúia, allelúia, allelúia. **V.** Reges Tharsis et insulæ múnera ófferent, reges Arabum et Saba dona addúcent. Allelúia.

Lectio vj.

Ad roborándum ergo hanc fidem, quæ contra omnes pronuntiabátur erróres, ex magna gestum est divini pietáte consilii, ut gens in longinqua Orientális plagæ regióne consistens, quæ spe-

ctandórum síderum arte pol-lébat, signum nati púeri, qui supra omnem Israél esset regnatúrus, acciperet. Nova etenim cláritas apud Magos stellæ illustriórís appáruit, et intuéntium ánimos ita admiratióne sui splendóris implévit, ut nequáquam sibi créderent negligéndum, quod tanto nuntiabátur in-dicio.

R. Magi véniunt ab Oriénte Jerosólymam, quæréntes, et dicéntes : Ubi est qui natus est, cujus stellam vidimus? * Et vénimus adoráre Dómi-num. **V.** Vidimus stellam ejus in Oriénte. Et vénimus. Glória Patri. Et vénimus.

IN III. NOCTURNO

Léctio sancti Evangélíi se-cúndum Lucam.

Lectio vij. Cap. 2. f

Cum factus esset Jesus an-nórum duódecim, ascen-déntibus illis Jerosólymam secúndum consuetúdinem diéi festi, consummatisque diébus, cum redirent, re-mánsit puer Jesus in Jerúsa-lem. Et réliqua.

Homilia sancti Ambrósii
Episcopi.

Lib. 2. in cap. 2. Lucæ,
in fine.

ADUODÉCIMO anno, ut légi-mus, Domínicæ súmitur disputatiónis exórdium. Hic enim prædicándæ fidei evan-gelizántium número debe-bátur. Nec otíose immemor suórum secúndum carnem paréntum, qui secúndum

carnem útique sapiéntia Dei implebátur et grátia, post trídium reperítur in templo : ut esset indicio, quia post trídium triumphális illius passiónis, in sede cælésti, et honóre divino, fidei nostræ se suscitátus offérret, qui mórtuus credebátur.

R. Stella, quam viderant Magi in Oriénte, antecede-
bat eos, donec venirent ad locum, ubi puer erat.* Vidéntes áutem eam, gavisi sunt gáudio magno. **V.** Et intrántes domum, invenérunt púerum cum María matre ejus, et procidéntes adoravérunt eum. Vidéntes.

Lectio viij.

QUID est quod me quærebátis? Duæ sunt in Christo generatiónes : una est patérna, matérna áltera. Patérna illa divínior; matérna vero, quæ in nostrum labórem usúmque descendit. Et ideo quæ supra natúram, supraætatem, supra consuetúdinem fiunt, non humanis assignánda virtútibus, sed divínis referénda sunt potestátibus. Alibi eum ad ministérium mater impéllit, hic mater argúitur, quia adhuc quæ humana sunt, éxigat. Sed cum hic duódecim describátur annórum, illic discípulos habére dicátur; vides matrem didicisse a filio, ne exigeret a validióre ministérium, quæ stupébat in junióre miraculum.

R. Vidéntes stellam Magi,

gavisi sunt gáudio magno :
* Et intrántes domum invenerunt púerum cum María matre ejus, et procidéntes adoravérunt eum.* Et apértis thesáuris suis obtulérunt ei múnera, áurum, thus, et myrrham. **V.** Stella, quam viderant Magi in Oriénte, antecede-
bat eos, usque dum veniens staret supra ubi erat puer. Et intrántes. Glória Patri. Et apértis.

Lectio ix.

ET venit Náza-reth, et erat súbditus illis. Quid enim magister virtútis, nisi officium pietátis impléret? Et mirámur, si Patri defert, qui súbditur matri? Non útique infirmitátis, sed pietátis ita subjéctio est : attólat licet sævis emissus látebris cóluber perfidiæ caput, et serpentinis évomat venéna pectóribus. Cum dicit se Filius missum, majórem hæréticus appéllat Patrem, ut imperféc-tum Filium dicat, qui potest habére majórem : ut aliénis auxiliis ásserat eum, qui mittitur, indigére. Numquid et humano egébat auxilio, ut matérno servíret império?

Te Deum laudámus. 17.

AD LAUDES

ET PER HORAS

Ant. 1. Ante luciferum*
génitus, et ante sácula Dóminus Salvátor noster hódie mundo apparuit.

Ps. Dóminus regnávít. **cum reliq.** 18.

2. Venit lumen tuum * Jerúsalem, et glória Dómini super te orta est : et ambulábunt gentes in lúmine tuo, allelúia.

3. Apértis thesáuris suis * obtulérunt Magi Dómino áurum, thus, et myrrham, allelúia.

4. Mária et flúmina * benedicite Dómino : hymnum dicite fontes Dómino, allelúia.

5. Stella ista * sicut flamma corúscat, et Regem regum Deum demónstrat : Magi eam vidérunt, et magno Regi múnera obtulérunt.

Capitulum. Rom. 12.

FRATRES : Obsecro vos per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum.

Hymnus. O sola magnárum. 294.

℣. Adoráte Deum, allelúia.

℞. Omnes Angeli ejus, allelúia.

Ad Bened. Ant. Remánsit * puer Jesus in Jerúsalem, et non cognovérunt paréntes ejus, existimántes illum esse in comitátu : et requirébant eum inter cognátos et notos.

Oratio.

VOTA, quæsumus Dómine, supplicántis pópuli cælésti pietáte proséquere : ut et quæ agénda sunt, videant, et ad implénda quæ viderint, convalescant. Per Dóminum.

Et fit Commem. de Epiph.

Ant. Hódie cælésti sponso juncta est Ecclésia, quóniam in Jordáne lavit Christus ejus crimina : currunt cum munéribus Magi ad regáles núptias, et ex aqua facto vino lætántur convivæ, allelúia.

℣. Omnes de Saba vénient, allelúia. **℞.** Aurum et thus deferéntes, allelúia.

Oratio.

DEUS, qui hodiérna die Unigénitum tuum géntibus stella duce revelásti : concéde propitius ; ut qui jam te ex fide cognóvimus ; usque ad contemplándam spéciem tuæ celsitúdinis perducámur. Per eúndem Dóminum.

AD TERTIAM

Ant. Venit lumen tuum.

Capit. Fratres : Obsecro vos. **ut supra.**

℞. br. Reges Tharsis et insulæ múnera ófferent, * Allelúia, allelúia. Reges. **℣.** Reges Arabum et Saba dona addúcent. Allelúia, allelúia. Glória Patri. Reges.

℣. Omnes de Saba vénient, allelúia. **℞.** Aurum et thus deferéntes, allelúia.

AD SEXTAM

Ant. Apértis thesáuris suis.

Capitulum. Rom. 12.

DICO enim per grátiam quæ data est mihi, ómnibus qui sunt inter vos : Non plus sápere quam opórtet sápere, sed sápere ad sobrietatem.

R. br. Omnes de Saba vénient, * Allelúia, allelúia. Omnes. **Ÿ.** Aurum et thus deferéntes. Allelúia, allelúia. Glória Patri. Omnes.

Ÿ. Adoráte Dóminum, allelúia. **R.** In áula sancta ejus, allelúia.

AD NONAM

Ant. Stella ista.

Capitulum. Rom. 12. b

Sicut enim in uno corpore multa membra habémus, ómnia áutem membra non eúmdem actum habent : ita multi unum corpus sumus in Christo, singuli áutem alter altérius membra in Christo Jesu Dómino nostro.

R. br. Adoráte Dóminum, * Allelúia, allelúia. Adoráte. **Ÿ.** In áula sancta ejus. Allelúia, allelúia. Glória Patri. Adoráte.

Ÿ. Adoráte Deum, allelúia. **R.** Omnes Angeli ejus, allel.

AD VESPERAS

Ant. et Capit. de Laud. :
Pss. de Dom. 127.

Hymn. Crudélis Heródes. 283.

Ÿ. Reges Tharsis et insulæ múnera ófferent. **R.** Reges Arabum et Saba dona addúcent.

Ad Magnif. Ant. Fili, quid fecisti * nobis sic ? Ego et pater tuus doléntes quærebámus te. Quid est quod me quærebátis ? nesciebátis quia in iis, quæ Patris mei sunt, opórtet me esse ?

Orat. Vota, quæsumus. **ut supra.** 313.

Et fit Commem. de Epiph.

Ant. Tribus miráculis ornátum diem sanctum cólimus : hódie stella Magos duxit ad præsépium : hódie vinum ex aqua factum est ad nuptias : hódie in Jordáne a Joánnē Christus baptizári vóluit, ut salváret nos, allelúia.

Ÿ. Omnes de Saba vénient, allelúia. **R.** Aurum et thus deferéntes, allelúia.

Orat. Deus, qui. **ut supra.** 313.

Si Octava Epiphaniæ venerit in Dominica, nihil fit de Dom. in ipsa die Octava, sed tantum in I. Vesp. diei Octavæ fit Commem. pro II. Vesp. Dom. infra Octavam, de qua celebratum est Officium eo die, Ant. Fili, quid fecisti. et Ÿ. Omnes de Saba. qui Versus etiam dicitur, quando Oct. Epiph. venerit in Fer. II., pro Commem. Dom. in I. Vesp. diei Octavæ.

IN DIE OCTAVA EPIPHANIÆ

Duplex.

In I. Vesp. omnia dicuntur sicut in I. Vesp. Epiph. 283, excepta Oratione, quæ dicitur ut sequitur.

Oratio.

Deus, cujus Unigénitus in substántia nostræ carnis apparuit : præsta quæsumus ; ut per eum, quem símilem nobis foris agnóvimus, intus reformári mereámur : Qui tecum vivit.

AD MATUTINUM

Invit., Hymnus et Pss. ut infra Oct. : cætera dicuntur sicut in die Epiph., præter Lect.

In I. Noct. leguntur Lect. de Epistola I. ad Corinthios, quæ occurrunt, secundum superiorem Rubricam. 309.

IN II. NOCTURNO

Sermo sancti Gregorii Nazianzeni.

Oratione in sancta Lumina.
Lectio iv.

NON possum cohibere lætitiæ voluptatem, sed mente extollor, et afficior : et propriæ pusillitatis oblitus, officium magni Joannis, imo potius famulatum subire contendo, ac gestio : et licet non sim præcursor, de eremo tamen venio. Christus ergo illuminatur, imo potius fulgore suo nos illuminat : Christus baptizatur, simul et nos descendamus, ut cum ipso pariter ascendamus.

℟. Illuminare, illuminare Jerusalem, quia venit lux tua : * Et gloria Domini super te orta est. ℣. Et ambulabunt Gentes in lumine tuo, et reges in splendore ortus tui. Et gloria.

Lectio v.

JOANNES baptizat, et accedit Jesus, sanctificans quidem et ipsum, qui baptizat, præcipue tamen ut et veterem Adam sepeliat in aquis, et ante omnia, ut per hæc sanctificentur aquæ Jordanis : ut sicut erat spiritus et

caro, ita et his, qui baptizandi erant, in spiritu et aqua sanctificationis successio traderetur. Non suscipit Baptista, contendit Jesus. Ego, inquit, opus habeo a te baptizari. Lucerna dicit ad Solem, et vox loquitur ad Verbum.

℟. Omnes de Saba venient, aurum et thus deferentes, et laudem Domino annuntiantes, * Allelúia, allelúia, allelúia. ℣. Reges Tharsis et insulæ múnера offerent, reges Arabum et Saba dona addúcent. Allelúia, allelúia, allelúia.

Lectio vj.

ASCENDIT Jesus de aqua, secum quodammodo demersum educens et elevans mundum : et vidit non dividi cælum, sed aperiri, quod sibi ac nobis post se aliquando Adam ille concluserat : sicut et igneo gladio paradísus fuerat conclusus. Spiritus sanctus testimonium perhibet : similia namque sibi ipsa concurrunt. De cælo testimonium defertur : inde enim erat ille, cui testimonium perhibetur.

℟. Magi veniunt. 290.

IN III. NOCTURNO

Lectio sancti Evangelii secundum Joannem.

Lectio vij. Cap. 1. d

IN illo tempore : Vidit Joannes Jesum venientem ad se, et ait : Ecce Agnus Dei, ecce qui tollit peccatum mundi. Et reliqua.

Homilia sancti Augustini
Episcopi.

*Tract. 6. in Joann., ante
med.*

ANTEQUAM veniret Dóminus ut baptizaretur a Joanne in Jordáne, nóverat eum illis vócbus, ubi ait : Tu ad me venis baptizári? ego a te debeo baptizári. Sed ecce Dóminum nóverat, nóverat Filium Dei. Unde probámus quod jam nóverat, quia ipse baptizáret in Spíritu sancto? Antequam veniret ad flúvium, cum multi ad Joánnem currerent baptizári, ait illis : Ego quidem baptizo vos in aqua : qui autem post me venit, major me est : cujus non sum dignus corrigiam calceaménti solvere : ipse vos baptizábit in Spíritu sancto, et igni. Jam et hoc nóverat.

R. Stella, quam viderant Magi in Oriénte, antecederat eos, donec venirent ad locum, ubi puer erat.* Vidéntes autem eam, gavisí sunt gáudio magno. *V.* Et intrántes domum, invénérunt púerum cum María matre ejus, et procidéntes adoravérunt eum. Vidéntes.

Lectio viij.

QUID ergo per colúmbam didicit, ne mendax póstea inveniátur, (quod avértat a nobis Deus opinári) nisi quamdam proprietátem in Christo talem futúram, ut quamvis multi minístri baptizatúri essent, sive justí,

sive injústi, non tribuerétur sáncritas baptismi, nisi illi, super quem descendit colúmba, de quo dictum est : Hic est qui baptizat in Spíritu sancto? Petrus baptizet, hic est qui baptizat : Páulus baptizet, hic est qui baptizat : Judas baptizet, hic est qui baptizat. Nam si pro diversitáte meritórum baptismas sanctum est : quia diversa sunt mérita, diversa erunt baptismata : et tanto quisque áliquíd mélius putátur accipere, quanto a melióre videtur accepisse.

R. Vidéntes stellam Magi, gavisí sunt gáudio magno : * Et intrántes domum invénérunt púerum cum María matre ejus, et procidéntes adoravérunt eum.* Et apértis thesáuris suis, obtulérunt ei múnera, áurum, thus, et myrrham. *V.* Stella, quam viderant Magi in Oriénte, antecederat eos, usque dum véniens staret supra ubi erat puer. Et intrántes. Glória Patri. Et apértis.

Lectio ix.

IPSI sancti (intelligite fratres) boni pertinéntes ad colúmbam, pertinéntes ad sortem civitátis illius Jerúsalem, ipsi boni in Ecclesiá, de quibus dicit Apóstolus : Novit Dóminus qui sunt ejus; diversárum gratiárum sunt, non omnes pária mérita habent. Sunt álíi álíis sanctiódres, sunt álíi álíis meliódres. Quare ergo si unus ab illo,

verbi grátia, justo, sancto baptizétur, álius ab álio inferióri mériti apud Deum, inferióri gradus, inferióri continéntiæ, inferióri vitæ; unum tamen et par et æquále est quod accepérunt, nisi quia hic est, qui baptizat?

Te Deum laudámus. 17.

Ad Laudes, per Horas, et ad Vesperas, omnia dicuntur sicut in die Epiph., excepta Orat., quæ est Deus, cujus Unigénitus. ut supra. 314.

Si Octava Epiphaniæ occurrerit in Sabbato, II. Vesperæ erunt de SS. Nomine Jesu, cum Commem. ejusdem diei Octavæ et Dom. II. post Epiph. tantum. Quando autem Septuagesima venerit in Dom. I. post Octavam Epiph., tunc in primo Sabbato post Octav., non impedito Festo ix. Lectionum, alioquin prima die post Octavam, fit Officium de Feria, in qua ponuntur RR. I. Noct. Dominicæ II. post Epiph., et tres Lectiones leguntur de Homilia ejusdem Dominicæ, cum ejus Ant. ad Benedictus, et Oratione. De Festo vero Semid. in ea occurrente fit tantum Commem. in utrisque Vesperis et Laudibus.

DOMINICA I. POST EPIPHANIAM

QUÆ EST INTRA OCTAVAM

In I. Nocturno legitur Epistola prima ad Corinthios, secundum superiorem Rubricam. 309.

Incipit Epistola prima beati Pauli Apóstoli ad Corinthios.

Lectio j. Cap. 1.

PÁULUS vocátus Apóstolus Jesu Christi per voluntátem Dei, et Sósthenes frater, Ecclesiæ Dei quæ est Corinthi, sanctificátis in Christo Jesu, vocátis sanctis, cum ómnibus qui invocant nomen Dómini nostri Jesu Christi, in omni loco ipsórum, et nostro. Grátia vobis, et pax a Deo Patre nostro, et Dómino Jesu Christo.

R. Hódie in Jordáne baptizáto Dómino apérti sunt cæli, et sicut colúmba super eum Spíritus mansit, et vox Patris intónuit : * Hic est Filius meus diléctus, in quo mihi bene complácu. **V.** Descéndit Spíritus sanctus corporáli spécie sicut colúmba in ipsum, et vox de cælo facta est. Hic.

Lectio ij.

GRÁTIAS ago Deo meo semper pro vobis in grátia Dei, quæ data est vobis in Christo Jesu : quod in ómnibus divites facti estis in illo, in omni verbo, et in omni sciéntia : sicut testimónium Christi confirmátum est in vobis : ita ut nihil vobis desit in ulla grátia, exspectántibus revelatióem Dómini nostri Jesu Christi, qui et confirmábit vos usque in finem sine crimine, in die advéntus Dómini nostri Jesu Christi. Fidélis Deus : per

quem vocáti estis in societátem Filii ejus Jesu Christi Dómini nostri.

¶ In colúmbæ spécie Spíritus sanctus visus est, Patérna vox audita est : * Hic est Fílius meus diléctus, in quo mihi bene complácuí. †. Cæli apérti sunt super eum, et vox Patris intónuit. Hic.

Lectio iij.

OBSECO áutem vos fratres per nomen Dómini nostri Jesu Christi : ut id ipsum dicátis omnes, et non sint in vobis schismata : sitis áutem perfécti in eódem sensu, et in eádem senténtia. Significátum est enim mihi de vobis fratres mei ab iis, qui sunt Chloës, quia contentiónes sunt inter vos. Hoc áutem dico, quod unusquisque vestrum dicit : Ego quidem sum Páuli : ego áutem Apóllo : ego vero Cephæ : ego áutem Christi. Divísus est Christus? Numquid Páulus crucifixus est pro vobis? aut in nómine Páuli baptizáti estis?

¶ Reges Tharsis. 310.

In II. et III. Noct. leguntur
Lect. Dom. infra Oct. 310.

Si vero dies Octava venerit in Dom., dicuntur de die Octava. 315.

FERIA SECUNDA

De Epístola prima ad Corinthios.

Lectio j. Cap. 2.

ET ego, cum venissem ad vos fratres, veni non in

sublimitáte sermónis, aut sapiéntiæ, annúntians vobis testimónium Christi. Non enim judicávi me scire aliquid inter vos, nisi Jesum Christum, et hunc crucifixum. Et ego in infirmitáte, et timóre, et tremóre multo fui apud vos : et sermo meus, et prædicatio mea non in persuasibilibus humanæ sapiéntiæ verbis, sed in ostensione spiritus et virtútis : ut fides vestra non sit in sapiéntia hóminum, sed in virtúte Dei.

Lectio ij.

SAPIÉNTIAM áutem lóquimur inter perféctos : sapiéntiam vero non hujus sæculi, neque principum hujus sæculi, qui destruúntur : sed lóquimur Dei sapiéntiam in mystério, quæ abscóndita est, quam prædestinávit Deus ante sæcula in glóriam nostram, quam nemo principum hujus sæculi cognóvit : si enim cognovissent, numquam Dóminum glóriæ crucifixissent. Sed sicut scriptum est : Quod óculus non vidit, nec áuris audívit, nec in cor hóminis ascéndit, quæ præparávit Deus iis, qui diligunt illum.

Lectio iij.

NOBIS áutem revelávit Deus per Spíritum suum : Spíritus enim ómnia scrutátur, étiam profúnda Dei. Quis enim hóminum scit quæ sunt hóminis, nisi spíritus hóminis, qui in ipso est? ita et

quæ Dei sunt, nemo cognovit, nisi Spiritus Dei. Nos autem non spiritum hujus mundi accepimus, sed Spiritum, qui ex Deo est, ut sciâmus quæ a Deo donata sunt nobis : quæ et loquimur non in doctis humanæ sapientiæ verbis, sed in doctrina Spiritus, spirituâlibus spirituâlia comparâtes.

FERIA TERTIA

De Epistola prima ad Corinthios.

Lectio j. Cap. 5.

OMNINO auditur inter vos fornicatio, et talis fornicatio, qualis nec inter gentes, ita ut uxorem patris sui aliquis habeat. Et vos inflati estis : et non magis luctum habuistis ut tollatur de medio vestrum qui hoc opus fecit. Ego quidem absens corpore, præsens autem spiritu, jam judicavi ut præsens, eum, qui sic operatus est, in nomine Domini nostri Jesu Christi, congregatis vobis et meo spiritu, cum virtute Domini nostri Jesu, tradere hujusmodi satanæ in interitum carnis, ut spiritus salvus sit in die Domini nostri Jesu Christi.

Lectio ij.

NON est bona gloriatio vestra. Nescitis quia modicum fermentum totam massam corrumpit? Expurgate vetus fermentum, ut sitis nova conspersio, sicut estis âzymi. Etenim Pascha no-

strum immolatus est Christus. Itaque epulemur : non in fermento veteri, neque in fermento malitiæ, et nequitiae : sed in âzymis sinceritatis, et veritatis.

Lectio iij.

SCRIPSI vobis in epistola : Ne commisceamini fornicariis. Non utique fornicariis hujus mundi, aut avâris, aut rapacibus, aut idolis serviëntibus : aliòquin debueratis de hoc mundo exiisse. Nunc autem scripsi vobis non commisceri : si is, qui frater nominatur, est fornicator, aut avârus, aut idolis serviens, aut malêdicus, aut ebrius, aut rapax : cum hujusmodi nec cibum sumere.

FERIA QUARTA

De Epistola prima ad Corinthios.

Lectio j. Cap. 6.

AUDET aliquis vestrum habens negotium adversus alterum, judicari apud iniquos, et non apud sanctos? An nescitis quoniam sancti de hoc mundo judicabunt? Et si in vobis judicabitur mundus, indigni estis qui de minimis judicetis? Nescitis quoniam angelos judicabimus? quanto magis sæcularia? Sæcularia igitur judicia si habueritis : contemptibiles, qui sunt in Ecclesia, illos constituite ad judicandum. Ad verecundiam vestram dico. Sic non est inter

vos sapiens quisquam, qui possit iudicare inter fratrem suum? Sed frater cum fratre iudicio contendit : et hoc apud infideles?

Lectio ij.

JAM quidem omnino delictum est in vobis, quod iudicia habetis inter vos. Quare non magis injuriam accipitis? quare non magis fraudem patimini? Sed vos injuriam facitis, et fraudatis : et hoc fratribus. An nescitis quia iniqui regnum Dei non possidebunt? Nolite errare : Neque fornicarii, neque idolis serviētes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt. Et hæc quidam fuistis : sed abluti estis, sed sanctificati estis, sed justificati estis, in nomine Domini nostri Jesu Christi, et in Spiritu Dei nostri.

Lectio iij.

OMNIA mihi licent, sed non omnia expediunt. Omnia mihi licent, sed ego sub nullius redigar potestate. Esca ventri, et venter escis : Deus autem et hunc, et has destruet : corpus autem non fornicationi, sed Domino : et Dominus corpori. Deus vero et Dominum suscitavit : et nos suscitabit per virtutem suam. Nescitis quoniam corpora vestra membra sunt Christi? Tollens er-

go membra Christi, faciam membra meretricis? Absit. An nescitis quoniam qui adheret meretrici, unum corpus efficitur? Erunt enim (inquit) duo in carne una. Qui autem adheret Domino, unus spiritus est. Fugite fornicationem.

FERIA QUINTA

De Epistola prima ad Corinthios.

Lectio j. Cap. 7.

DE quibus autem scripsistis mihi : Bonum est homini mulierem non tangere : propter fornicationem autem unusquisque suam uxorem habeat, et unaquæque suum virum habeat. Uxori vir debitum reddat : similiter autem et uxor viro. Mulier sui corporis potestatem non habet, sed vir. Similiter autem et vir sui corporis potestatem non habet, sed mulier.

Lectio ij.

NOLITE fraudare invicem, nisi forte ex consensu ad tempus, ut vacetis orationi : et iterum revertimini in idipsum, ne tentet vos satanas propter incontinentiam vestram. Hoc autem dico secundum indulgentiam, non secundum imperium. Volo enim omnes vos esse sicut meipsum : sed unusquisque proprium donum habet ex Deo : alius quidem sic, alius vero sic. Dico autem non nuptis, et viduis : bonum

est illis si sic permāneant, sicut et ego. Quod si non se cōtinent, nubant. Mēlius est enim nūbere, quam uri.

Lectio iij.

Iis autem, qui matrimōnio juncti sunt, præcipio non ego, sed Dōminus, uxōrem a viro non discēdere : quod si discēsserit, manēre innūptam, aut viro suo reconciliāri. Et vir uxōrem non dimittat. Nam cæteris ego dico, non Dōminus. Si quis frater uxōrem habet infidēlem, et hæc consēnit habitāre cum illo, non dimittat illam. Et si qua mūlier fidēlis habet virum infidēlem, et hic consēnit habitāre cum illa, non dimittat virum : sanctificātus est enim vir infidēlis per mulierem fidēlem, et sanctificāta est mūlier infidēlis per virum fidēlem : alióquin filii vestri immūdi essent, nunc autem sancti sunt.

FERIA SEXTA

De Epístola prima ad Corinthios.

Lectio j. Cap. 13.

Si linguis hōminum loquar et Angelōrum, caritātem autem non hábeam, factus sum velut æs sonans, aut cýmbalum tinniens. Et si habúero prophetiam, et nóverim mystéria ómnia, et omnem sciéntiam : et si habúero omnem fidem, ita ut montes transférā, caritātem autem non habúero.

nihil sum. Et si distribúero in cibos páuperum omnes facultātes meas, et si tradidero corpus meum, ita ut árdeam, caritātem autem non habúero, nihil mihi prodest.

Lectio ij.

CÁRITAS pátiens est, benigna est : caritas non æmulātur, non agit pérperam, non inflātur, non est ambitiósa, non quærit quæ sua sunt, non irritātur, non cógitat malum, non gáudet super iniquitāte, congáudet autem veritāti : ómnia suffert, ómnia credit, ómnia sperat, ómnia sústinet. Cáritas numquam éxcidit : sive prophetiæ evacuabúntur, sive linguæ cessábunt, sive sciéntia destruétur. Ex parte enim cognóscimus, et ex parte prophetāmus. Cum autem vénerit quod perféctum est, evacuábitur quod ex parte est.

Lectio iij.

CUM essem párvulus, loquébar ut párvulus, sapiébam ut párvulus, cogitābam ut párvulus. Quando autem factus sum vir, evacuāvi quæ erant párvuli. Vidémus nunc per spéculum in ænigmate : tunc autem fácie ad fáciem. Nunc cognóscō ex parte : tunc autem cognóscam, sicut et cōgnitus sum. Nunc autem manent fides, spes, caritas : tria hæc. Major autem horum est caritas.

SABBATO

De Epístola prima ad Corínthios.

Lectio j. Cap. 16.

DE colléctis áutem, quæ fiunt in sanctos, sicut ordinávi ecclésiis Galátiae, ita et vos fácite. Per unam sabbati unusquisque vestrum apud se sepónat, recóndens quod ei bene placúerit : ut non, cum vénero, tunc colléctæ fiant. Cum áutem præsens fúero : quos probavéritis per epístolas, hos mittam perférre grátiam vestram in Jerúsalem. Quod si dignum fúerit ut et ego eam, mecum ibunt.

Lectio ij.

VÉNIAM áutem ad vos, cum Macedóniam pertransiero : nam Macedóniam pertransíbo. Apud vos áutem fórsitan manébo, vel étiam hiemábo : ut vos me deducátis quocúmque iero. Nolo enim vos modo in tránsitu vidére : spero enim me aliquántulum témporis manére apud vos, si Dóminus permiserit. Permanébo áutem Ephesi usque ad Pentecósten. Ostium enim mihi apértum est magnum, et évidens : et adversárii multi.

Lectio iij.

SI áutem vénerit Timótheus, vidéte ut sine timóre sit apud vos : opus enim Dómini operátur, sicut et ego. Ne quis ergo illum spernat : dedúcite áutem

illum in pace, ut véniat ad me : expécto enim illum cum frátribus. De Apóllō áutem fratre vobis notum fácio, quóniam multum rogávi eum ut veníret ad vos cum frátribus : et útique non fuit volúntas ut nunc veníret : véniet áutem, cum ei vácuum fúerit. Vigiláte, state in fide, viriliter ágite, et confortámini. Omnia vestra in caritáte fiant.

SABBATO I.

POST OCTAVAM EPIPHANIE

AD VESPERAS

Omnia, præter Oratiónem, ut in Psalt. 144. Quod servatur in aliis Sabbatis usque ad Septuagesimam.

Oratio.

OMNÍPOTENS sempitérne Deus, qui cæléstia simul et terréna moderáris : supplicatiónes pópuli tui cleménter exáudi, et pacem tuam nostris concéde téporibus. Per Dóminum.

Deinde fiunt Commem. ibidem positæ ut in Psalt. 148.

DOMINICA II. POST EPIPHANIAM

Omnia ut in Psalt., præter ea quæ hic sunt propria.

IN I. NOCTURNO

Incipit Epístola secúnda beáti Páuli Apóstoli ad Corinthios.

Lectio j. Cap. 1.

PÁULUS Apóstolus Jesu Christi per voluntátem Dei, et Timótheus frater,

Ecclésiæ Dei, quæ est Corinthi cum omnibus sanctis, qui sunt in universa Achæia. Grátia vobis, et pax a Deo Patre nostro, et Dómino Jesu Christo. Benedictus Deus et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra: ut possimus et ipsi consolári eos qui in omni pressúra sunt, per exhortatióne, qua exhortámur et ipsi a Deo. Quóniam sicut abúndant passiões Christi in nobis: ita et per Christum abúndat consolatio nostra.

℟. Dómine, ne in ira tua árguas me, neque in furóre tuo corripas me: * Miserére mei Dómine, quóniam infirmus sum. ℣. Timor et tremor venérunt super me, et contexérunt me ténebræ. Miserére.

Lectio ij.

SIVE áutem tribulámur pro vestra exhortatióne et salúte, sive consolámur pro vestra consolatióne, sive exhortámur pro vestra exhortatióne et salúte, quæ operátur tolerántiam earúmdem passiónum, quas et nos pátimur: ut spes nostra firma sit pro vobis: sciéntes quod sicut sócii passiónum estis, sic éritis et consolatiónis.

℟. Deus, qui sedes super thronum, et júdicas æquitátem, esto refúgium páuperum in tribulatióne: * Quia

tu solus labórem et dolórem considéras. ℣. Tibi enim derelictus est páuper, pupillo tu eris adjútor. Quia.

Lectio iij.

NON enim vólumus ignoráre vos fratres de tribulatióne nostra, quæ facta est in Asia, quóniam supra modum graváti sumus supra virtútem, ita ut tæderet nos étiam vivere. Sed ipsi in nobismetipsis respónsum mortis habúimus, ut non simus fidéntes in nobis, sed in Deo, qui súscitat mórtuos: qui de tantis periculis nos eripuit, et éruit: in quem sperámus, quóniam et adhuc eripiet, adjuvántibus et vobis in oratióne pro nobis: ut ex multórum persónis, ejus quæ in nobis est donatiónis, per multos grátiae agántur pro nobis.

℟. A dextris est mihi Dóminus, ne commóvear: * Propter hoc dilatátum est cor meum, et exsultávit lingua mea. ℣. Dóminus pars hereditátis meæ, et cálicis mei. Propter. Glória. Propter.

IN II. NOCTURNO

Sermo sancti Joánnis Chrysóstomi.

Ex Præf. in Epist. B. Pauli.

Lectio iv.

BEÁTI Páuli Epistolárum lectiόnem dum assidue auscúto, perque hebdomadas singulas bis sæpe, et ter et quater, quotiescúmque sanctórum Mártyrum memórias celebrámus, gáudio

exsulto, tuba illa spiritali perfruens, et excitator, ac desiderio incalresco, vocem mihi amicam agnoscens, et fere presentem ipsum intueri, et disserentem audire videor. Sed tamen doleo et moleste fero, quod virum hunc non omnes, sicut par est, cognoscunt: verum ita illum nonnulli ignorant, ut ne Epistolarum quidem ejus numerum plane sciant. Hoc vero non imperitia facit: sed quod nolint beati hujus viri scripta assidue in manibus habere.

R. Notas mihi fecisti Domine vias vite: * Adimplēbis me lætitia cum vultu tuo: delectationes in dextera tua usque in finem. **V.** Tu es qui restitues hereditatem meam mihi. Adimplēbis.

Lectio v.

NEQVE enim nos, quæ scimus, si quid scimus, ab ingenii bonitate atque acumine scimus: sed quod erga hunc virum impense affecti, ab illius lectione numquam discēdimus: siquidem qui amant, ii plus quam ceteri omnes eorum facta norunt, quos amant, ut qui de iis ipsis sint solliciti. Id quod beatus hic veluti ostendens, ad Philippenses ait: Sicut est mihi justum, ut hoc de vobis omnibus sentiam, eo quod habeam vos in corde, et in vinculis meis, et in defensione et confirmatione Evangelii.

R. Diligam te Domine vir-

tus mea: Dominus firmamentum meum,* Et refugium meum. **V.** Liberator meus, Deus meus, adjutor meus. Et.

Lectio vj.

QUAPROPTER si et vos quæ lectioni diligenter attendere volueritis, nihil aliud vobis erit requirendum. Verax est enim Christi sermo dicentis: Quærite, et inveniētis: pulsate, et aperietur vobis. Cæterum, quandoquidem complures ex iis, qui huc nobiscum conveniunt, et liberorum educationem, et uxoris curam, et familiæ providentiam suscipere, ob idque totos sese huic labori dare non sustinent: at certe ipsi vos excitare ad ea saltem capiēda, quæ alii colligerint; studii tantūdem iis, quæ dicta fuerint, auscultandis, quantum pecuniis colligendis impertiētes. Nam etsi turpe sit, non nisi tantum studii a vobis exigere: optabile tamen erit, si tantum saltem tribuātis.

R. Domini est terra, et plenitudo ejus: * Orbis terrarum, et universi qui habitant in eo. **V.** Ipse super maria fundavit eam, et super flumina præparavit illam. Orbis. Glória Patri. Orbis.

IN III. NOCTURNO

Lectio sancti Evangelii secundum Joannem.

Lectio vij. Cap. 2.

IN illo tempore: Nuptiæ factæ sunt in Cana Galil-

lææ, et erat mater Jesu ibi. Vocatus est autem et Jesus, et discipuli ejus, ad nuptias. Et reliqua.

Homilia sancti Augustini
Episcopi.

Tract. 9. in Joan., post init.

QUOD Dominus invitatus venit ad nuptias, etiam excepta mystica significatione, confirmare voluit, quod ipse fecit nuptias. Futuri enim erant, de quibus dixit Apostolus, prohibentes nubere, et dicentes quod malum essent nuptiæ, et quod diabolus eas fecisset: cum idem Dominus dicat in Evangelio interrogatus, utrum liceat homini dimittere uxorem suam ex quolibet causa, non licere, excepta causa fornicationis. In qua responsione, si meministis, hoc ait: Quod Deus conjunxit, homo non separet.

R. Ad te Domine levavi animam meam: * Deus meus in te confido, non erubescam. **V.** Custodi animam meam, et eripe me. Deus.

Lectio viij.

ET qui bene eruditi sunt in fide catholica novérunt, quod Deus fécerit nuptias: et sicut conjunctio a Deo, ita divórtium a diabolo sit. Sed propterea in causa fornicationis licet uxorem dimittere: quia ipsa esse uxor prior nóluit, quæ fidem conjugalem marito non servávit. Nec illæ, quæ virginitatem

Deo vovent, quamquam ampliórem gradum honóris et sanctitátis in Ecclesia téneant, sine nuptiis sunt: nam et ipsæ pertainent ad nuptias cum tota Ecclesia, in quibus nuptiis sponsus est Christus.

R. Duo Séraphim clamabant alter ad álterum: * Sanctus, sanctus, sanctus Dóminus Deus Sábaoth: * Plena est omnis terra glória ejus.

V. Tres sunt qui testimónium dant in cælo: Pater, Verbum, et Spiritus sanctus: et hi tres unum sunt. Sanctus. Glória Patri. Plena.

Hoc **R.** semper dicitur post viij. Lect. ab hac Dom. usque ad Septuag. in Dom. tantum.

Lectio ix.

Ac per hoc ergo Dominus invitatus venit ad nuptias, ut conjugális cástitas firmarétur, et ostenderétur sacraméntum nuptiarum: quia et illarum nuptiarum sponsus persónam Dómini figurábat, cui dictum est: Servásti vinum bonum usque adhuc. Bonum enim vinum Christus servávit usque adhuc, id est, Evangelium suum.

Te Deum laudámus. 17.

AD LAUDES

ET PER HORAS

Omnia ut in Psalt. 17.

Ad Bened. Ant. Nuptiæ factæ sunt * in Cana Galilææ, et erat ibi Jesus cum Maria matre sua.

V. Dóminus regnávit, decórem induit. **R.** Induit

Dóminus fortitúdinem, et præcínxit se virtúte.

Oratio.

OMNÍPOTENS sempitérne Deus, qui cæléstia simul et terréna moderáris : supplicatiónes pópuli tui cleménter exáudi; et pacem tuam nostris concéde temporibus. Per Dóminum.

Deinde fiunt Commem. ut supra in Vesp. Sabbati. 148.

AD VESPERAS

Omnia ut in Psalterio de Dom.

Ad Magnif. Ant. Deficiente vino, * jussit Jesus impléri hýdrias aqua, quæ in vinum conversa est, allelúia.

Ÿ. Dirigátur, Dómine, orátio mea. **R.** Sicut incénsum in conspéctu tuo.

Deinde fiunt Commem. ut supra in Vesp. Sabbati. 148.

Post Oct. Epiph. usque ad Quadrag., quando occurrit fieri de Feria, fit Offic. ut in Psalt., exceptis iis, quæ sunt propria. Oratio vero dicitur de Dominica præced.

FERIA SECUNDA

De Epístola secúnda ad Corinthios.

Lectio j. Cap. 3.

INCÍPIMUS íterum nosmetipsos commendáre? aut numquid egémus (sicut quidam) commendatítiis epístolis ad vos, aut ex vobis? Epístola nostra vos estis, scripta in córdibus nostris, quæ scitur, et légitur ab ómnibus homínibus : mani-

festáti quod epístola estis Christi, ministráta a nobis, et scripta non atraménto, sed Spíritu Dei vivi : non in tábulis lapídeis, sed in tábulis cordis carnálibus.

R. Quam magna multitúdo dulcédinis tuæ Dómine, * Quam abscondisti timéntibus te! **Ÿ.** Et perfecisti eis qui sperant in te Dómine, in conspéctu filiórum hóminum. Quam.

Lectio ij.

FIDÚCIAM áutem talem habémus per Christum ad Deum : non quod sufficiéntes simus cogitáre áliquíd a nobis, quasi ex nobis : sed sufficiéntia nostra ex Deo est : qui et idóneos nos fecit ministros novi Testaménti, non líttera, sed Spíritu : líttera enim occidit, Spíritus áutem vivificat. Quod si ministrátio mortis lítteris deformáta in lapídibus, fuit in glória, ita ut non possent inténdere filii Israël in fáciem Móysi propter glóriam vultus ejus, quæ evacuátur : quómodo non magis ministrátio Spíritus erit in glória?

R. Adjútor meus esto Deus : * Ne derelinquas me. **Ÿ.** Neque despicias me Deus salutaris meus. Ne.

Lectio iij.

NAM si ministrátio damnationis glória est : multo magis abúndat ministérium justitiæ in glória. Nam nec glorificátum est, quod cláruit in hac parte, propter

excelléntem glóriam. Sienim quod evacuátur, per glóriam est : multo magis quod manet, in glória est. Habéntes igitur talem spem, multa fidúcia útimur : et non sicut Móyses ponébat velámen super fáciem suam, ut non inténdèrent filii Israél in fáciem ejus, quod evacuátur, sed obtúsi sunt sensus eórum. Usque in hodiérnum enim diem idipsum velámen in lectione véteris Testaménti manet non revelátum, quóniam in Christo evacuátur.

R. Benedicam Dóminum in omni témpore : * Semper laus ejus in ore meo. **V.** In Dómino laudábitur ánima mea, áudiant mansuétí, et læténtur. Semper. Glória Patri. Semper.

RR. in hac et seq. **Feriis posita repetuntur in Feriis sequentium Hebdomadarum usque ad Septuagesimam.**

FERIA TERTIA

De Epístola secúnda ad Corinthios.

Lectio j. Cap. 5.

SCIMUS enim quóniam si terréstris domus nostra hujus habitatiónis dissolvátur, quod ædificatióem ex Deo habémus, domum non manufactam, ætérnam in cælis. Nam et in hoc ingémiscimus, habitatióem nostram, quæ de cælo est, superindui cupiéntes : si tamen vestíti, non nudi inve-

niámur. Nam et qui sumus in hoc tabernáculo, ingémiscimus graváti : eo quod nólumus exspoliári, sed supervestíri, ut absorbeátur quod mortále est, a vita.

R. Auribus pécipe Deus lácrymas meas : ne síleas a me, remitte mihi : * Quóniam incola ego sum apud te, et peregrinus. **V.** Compláceat tibi, ut eripias me : Dómine ad adjuvándum me festína. Quóniam.

Lectio ij.

AUDÉNTES igitur semper, sciéntes quóniam dum sumus in córpore, peregrinámur a Dómino : (per fidem enim ambulámus, et non per spéciem) audémus áutem, et bonam voluntátem habémus magis peregrinári a córpore, et præséntes esse ad Dóminum. Et ideo conténdimus sive abséntes, sive præséntes, placére illi. Omnes enim nos manifestári opórtet ante tribúnal Christi, ut réferat unusquisque própria córporis, prout gessit, sive bonum, sive malum.

R. Státuit Dóminus supra petram pedes meos, et diréxit gressus meos Deus : * Et misit in os meum cánticum novum. **V.** Exaudivit preces meas : et edúxit me de lacu misériæ. Et.

Lectio iij.

SCIÉNTES ergo timórem Dómini hominibus suadémus, Deo áutem manifesti sumus. Spero áutem et in

consciéntiis vestris manifestos nos esse. Non iterum commendamus nos vobis, sed occasiōnem damus vobis gloriāndi pro nobis : ut habeātis ad eos qui in faciē gloriāntur, et non in corde. Sive enim mente excēdimus, Deo : sive sóbrii sumus, vobis. Cáritas enim Christi urget nos : æstimāntes hoc, quóniam si unus pro ómnibus mórtuus est, ergo omnes mórtui sunt : et pro ómnibus mórtuus est Christus : ut et qui vivunt, jam non sibi vivant, sed ei qui pro ipsis mórtuus est et resurréxit.

R. Ego dixi : Dómine miserére mei : * Sana ánimam meam, quia peccávi tibi. **V.** Ab ómnibus iniquitatibus meis éripe me Dómine. Sana. Glória Patri. Sana.

FERIA QUARTA

De Epístola secúnda ad Corinthios.

Lectio j. Cap. 7.

HAS ergo habéntes promissiōnes, caríssimi, mundémus nos ab omni inquinaménto carnis et spíritus, perficiéntes sanctificatiōnem in timóre Dei. Cápíte nos. Néminem læsimus, néminem corrúpimus, néminem circumvénimus. Non ad condemnatiōnem vestram dico. Prædiximus enim quod in córdibus nostris estis ad commoriéndum et ad convivéndum.

R. Ne perdíderis me cum

iniquitatibus meis : * Neque in finem irátus resérves mala mea. **V.** Non intres in iudicium cum servo tuo Dómine. Neque.

Lectio ij.

MULTA mihi fidúcia est apud vos, multa mihi gloriatio pro vobis, replétus sum consolatiōne, superabúndo gáudio in omni tribulatiōne nostra. Nam et cum venissémus in Macedóniam, nullam réquiem habuit caro nostra, sed omnem tribulatiōnem passi sumus : foris pugnæ, intus timóres. Sed qui consolátur húmiles, consolátus est nos Deus in advéntu Titi. Non solum autem in advéntu ejus, sed étiam in consolatiōne, qua consolátus est in vobis, réferens nobis vestrum desiderium, vestrum fletum, vestram æmulatiōnem pro me, ita ut magis gaudérem.

R. Parátum cor meum Deus, parátum cor meum : * Cantábo, et psalmum dicam Dómino. **V.** Exsúrge glória mea, exsúrge psaltérium et cithara, exsúrgam dilúculo. Cantábo.

Lectio iij.

QUÓNIAM etsi contristávi vos in epístola, non me pœnitet : et si pœnitétet, videns quod epístola illa (etsi ad horam) vos contristávit; nunc gáudeo : non quia contristáti estis, sed quia contristáti estis ad pœniténtiam. Contristáti enim

estis secundum Deum, ut in nullo detrimentum patiamini ex nobis. Quæ enim secundum Deum tristitia est, poenitentiam in salutem stabilem operatur: sæculi autem tristitia mortem operatur.

R. Adjutor meus tibi psallam, quia Deus susceptor meus es: * Deus meus, misericordia mea. **V.** Lætabor, et exultabo in te, psallam nomini tuo Altissime. Deus. Glória Patri. Deus.

FERIA QUINTA

De Epistola secunda ad Corinthios.

Lectio j. Cap. 10.

IPSE autem ego Paulus obsecro vos per mansuetudinem et modestiam Christi, qui in facie quidem humilis sum inter vos, absens autem confido in vobis. Rogo autem vos, ne præsens audeam per eam confidentiam, qua existimor audere in quosdam, qui arbitrantur nos tamquam secundum carnem ambulamus. In carne enim ambulantes, non secundum carnem militamus.

R. Deus in te speravi, Domine non confundar in æternum: in justitia tua libera me, * Et eripe me. **V.** Inclina ad me aurem tuam, et salva me. Et.

Lectio ij.

NAM arma militiæ nostræ non carnalia sunt, sed potentia Deo ad destructionem mitionum, consilia

destruentes, et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi, et in promptu habentes ulcisci omnem inobedientiam, cum impléta fuerit vestra obedientia. Quæ secundum faciem sunt, videte. Si quis confidit sibi Christi se esse, hoc cogitet iterum apud se: quia sicut ipse Christi est, ita et nos.

R. Repleatur os meum laude tua, ut hymnum dicam gloriæ tuæ, tota die magnitudinem tuam: noli me projicere in tempore senectutis: * Dum defecerit in me virtus mea, ne derelinquas me. **V.** Gaudébunt labia mea cum cantávero tibi. Dum.

Lectio iij.

NAM, et si amplius aliquid gloriatus fuero de potestate nostra, quam dedit nobis Dominus in ædificationem, et non in destructionem vestram: non erubescam. Ut autem non existimer tamquam terrere vos per epistolas: quoniam quidem epistolæ, inquiunt, graves sunt et fortes: præséntia autem corporis infirma, et sermo contemptibilis: hoc cogitet qui ejusmodi est, quia quales sumus verbo per epistolas absentes, tales et præsentes in facto. Non enim audemus insérere, aut comparare nos quibúsdam, qui

seipsos commendant : sed ipsi in nobis nosmetipsos metientes, et comparantes nosmetipsos nobis.

℞. Gaudébunt lábia mea cum cantávero tibi : * Et ánima mea, quam redemísti Dómine. ✠. Sed et lingua mea meditábitur justitiam tuam, tota die láudem tuam. Et. Glória Patri. Et.

FERIA SEXTA

De Epístola secúnda ad Corinthios.

Lectio j. Cap. 12.

Si gloriári opórtet (non expedit quidem) véniam áutem ad visiões et revelatiões Dómini. Scio hóminem in Christo ante annos quatuórdecim (sive in corpore nescio, sive extra corpus nescio, Deus scit :) raptum hujúsmodi usque ad tertium cælum. Et scio hujúsmodi hóminem, (sive in corpore, sive extra corpus, nescio, Deus scit :) quóniam raptus est in paradísium : et audivit arcána verba, quæ non licet hómini loqui.

℞. Confitébor tibi Dómine Deus in toto corde meo, et honorificábo nomen tuum in ætérnum : * Quia misericórdia tua Dómine magna est super me. ✠. Deus meus es tu, et confitébor tibi : Deus meus es tu, et exaltábo te. Quia.

Lectio ij.

PRO hujúsmodi gloriábor : pro me áutem nihil glo-

riábor nisi in infirmitátibus meis. Nam, et si volúero gloriári, non ero insipiens : veritátem enim dicam : parco áutem, ne quis me existimet supra id, quod videt in me, aut áliquíd áudit ex me. Et ne magnitúdo revelatiónum extóllat me, datus est mihi stimulus carnis meæ ángelus sátanæ, qui me colaphizet. Propter quod ter Dóminum rogávi, ut discéderet a me : et dixit mihi : Súfficit tibi grátia mea : nam virtus in infirmitáte perficitur.

℞. Misericórdia tua Dómine magna est super me : * Et liberásti ánimam meam ex inférno inferióri. ✠. In die tribulatiónis meæ clamávi ad te, quia exaudisti me. Et.

Lectio iij.

LIBÉNTER igitur gloriábor in infirmitátibus meis, ut inhábitet in me virtus Christi. Propter quod pláceo mihi in infirmitátibus meis, in contuméliis, in necessitátibus, in persecutió nibus, in angústiis pro Christo : Cum enim infirmor, tunc potens sum. Factus sum insipiens, vos me coegistis. Ego enim a vobis débui commendári : nihil enim minus fui ab iis, qui sunt supra modum Apóstoli : tamétsi nihil sum.

℞. Factus est mihi Dóminus in refúgium : * Et Deus meus in auxílium spei meæ. ✠. Eripuit me de inimicis

meis fortissimis, et factus est Dóminus protéctor meus. Et. Glória Patri. Et.

SABBATO

De Epístola secúnda ad Corinthios.

Lectio j. Cap. 13.

ECCE tértio hoc vénio ad vos : In ore duórum vel trium téstium stabit omne verbum. Prædixi, et prædico, ut præsens, et nunc absens iis, qui ante peccavérunt, et cæteris ómnibus, quóniam si vénero iterum, non parcám. An experiméntum quæritis ejus, qui in me lóquitur Christus, qui in vobis non infirmátur, sed potens est in vobis? Nam etsi crucifixus est ex infirmitate : sed vivit ex virtúte Dei. Nam et nos infirmi sumus in illo : sed vivémus cum eo ex virtúte Dei in vobis.

R. Ne perdideris. 328.

Lectio ij.

VOSMETÍPSOS tentáte si estis in fide : ipsi vos probáte. An non cognóscitis vosmetipsos, quia Christus Jesus in vobis est? nisi forte réprobi estis. Spero áutem quod cognoscétis, quia nos non sumus réprobi. Orámus áutem Deum ut nihil mali faciátis, non ut nos probáti appareámus, sed ut vos quod bonum est faciátis : nos áutem ut réprobi simus. Non enim póssumus áliquíd advérsus veritátem, sed pro

veritáte. Gaudémus enim, quóniam nos infirmi sumus, vos áutem poténtes estis. Hoc et orámus vestram consummationem.

R. Parátum cor. 328.

Lectio iij.

IDEO hæc absens scribo, ut non præsens dúrius agam secúndum potestátem, quam Dóminus dedit mihi in ædificationem, et non in destructionem. De cætero fratres gaudéte, perfécti estóte, exhortámini, idem sápite, pacem habéte, et Deus pacis, et dilectionis erit vobiscum. Salutéte invicem in ósculo sancto. Salútant vos omnes sancti. Grátia Dómini nostri Jesu Christi, et caritas Dei, et communicatio sancti Spíritus sit cum ómnibus vobis. Amen.

R. Adjútor meus. 329.

AD VESPERAS

Oratio.

OMNÍPOTENS sempitérne Deus, infirmitátem nostram propitius respice : atque ad protegéndum nos dexteram tuæ majestátis exténde. Per Dóminum.

DOM. III. POST EPIPHANIAM

Ad Matut. omnia ut in Psalt.

IN I. NOCTURNO

Incipit Epístola beáti Páuli Apóstoli ad Gálatas.

Lectio j. Cap. 1.

PÁULUS Apóstolus non ab hominibus, neque per hóminem, sed per Jesum Christum, et Deum Patrem,

qui suscitávit eum a mórtuis : et qui mecum sunt omnes fratres, ecclésiis Galátiae. Grátia vobis, et pax a Deo Patre, et Dómino nostro Jesu Christo, qui dedit semetipsum pro peccátis nostris, ut eriperet nos de præsénti sáeculo nequam, secúndum voluntátem Dei et Patris nostri, cui est glória in sáecula sáeculorum. Amen.

R. Dómine, ne in ira tua árguas me, neque in furóre tuo corripias me : * Miserére mei Dómine, quóniam infirmus sum. **V.** Timor et tremor venérunt super me, et contexérunt me ténebrae. Miserére mei.

Lectio ij.

MIROR quod sic tam cito transferimini ab eo, qui vos vocávit in grátiam Christi in áliud Evangélium : quod non est áliud, nisi sunt áliqui, qui vos contúrbant, et volunt convértere Evangélium Christi. Sed licet nos, aut Angelus de cælo evangelizet vobis præterquam quod evangelizávimus vobis, anáthema sit. Sicut prædiximus, et nunc iterum dico : Si quis vobis evangelizáverit præter id quod accepistis, anáthema sit. Modo enim hominibus suádeo, an Deo? An quæro hominibus placére? Si adhuc hominibus placérem, Christi servus non essem.

R. Deus, qui sedes super thronum, et júdicas æquitá-

tem, esto refúgium páuperum in tribulatióne : * Quia tu solus labórem et dolórem consideras. **V.** Tibi enim derelictus est páuper, pupillo tu eris adjútor. Quia tu.

Lectio iij.

NOTUM enim vobis fácio fratres Evangélium, quod evangelizátum est a me, quia non est secúndum hóminem : neque enim ego ab hómine accépi illud, neque didici, sed per revelatióem Jesu Christi. Audistis enim conversatióem meam ali-quándo in Judaísmo : quóniam supra modum perse-québar Ecclésiám Dei, et expugnábam illam, et proficiébam in Judaísmo supra multos coætáneos meos in génere meo, abundantius æmulátor exsistens paternárum meárum traditiónum.

R. A dextris est mihi Dóminus, ne commóvear : * Propter hoc dilatátum est cor meum, et exsultávit lingua mea. **V.** Dóminus pars hereditátis meæ, et cálicis mei. Propter. Glória Patri. Propter.

IN II. NOCTURNO

De Expositiόne sancti Augustini Episcopi in Epístolam ad Gálatas.

In Præfatione, tom. 4.

Lectio iv.

CÁUSA, propter quam scribit Apóstolus ad Gálatas, hæc est : ut intélligant grátiam Dei id secum ágere, ut sub lege jam non sint. Cum

enim prædicata eis esset Evangelii gratia, non defuerunt quidam ex circumcissione, quamvis Christiani nomine, nondum tamen tenentes ipsum gratiæ beneficium, et adhuc volentes esse sub oneribus legis, quæ Dominus Deus imposuerat non justitiæ serviētibz, sed peccato, justam scilicet legem injūstis hominibus dando ad demonstranda peccata eorum, non auferenda. Non enim aufert peccata, nisi gratia fidei, quæ per dilectionem operatur.

℟. Notas mihi fecisti Domine vias vitæ : * Adimplēbis me lætitia cum vultu tuo : delectationes in dextera tua usque in finem. ℣. Tu es qui restitues hereditatem meam mihi. Adimplēbis.

Lectio v.

SUB hac ergo gratia jam Gálatas constitutos illi volēbant constituere sub oneribus legis, asseverantes nihil eis prodēsse Evangelium, nisi circumciderentur, et cæteras carnales Judæici ritus observatiōnes subirent. Et ideo Páulum Apóstolum suspēctum habere cōeperant, a quo illis Evangelium prædicatum erat, tamquam non tenentem disciplinam cæterorum Apostolorum, qui gentes cogēbant judaizare.

℟. Diligam te Domine virtus mea : Dominus firmamentum meum, * Et refūgium meum. ℣. Liberátor

meus, Deus meus, adjutor meus. Et refūgium.

Lectio vj.

TALIS quidem quæstio est et in Epistola ad Romanos : verūtamē videtur aliquid interēsse, quod ibi contentiōnem ipsam dirimit, litēmque compōnit, quæ inter eos, qui ex Judæis, et eos, qui ex gentibus crediderant, orta erat : cum illi tamquam ex mēritis operum legis, sibi redditum Evangelii præmium arbitrantur, quod præmium incircumcisiōis tamquam immēritis nolēbant dari : illi contra Judæis se præferre gesti-
rent, tamquam interfectōribz Domini. In hac vero epistola ad eos scribit, qui jam commoti erant auctoritate illorum, qui ex Judæis erant, et ad observatiōnes legis cogēbant.

℟. Domini est terra, et plenitudo ejus : * Orbis terrarum, et universi qui habitant in eo. ℣. Ipse super maria fundavit eam, et super flumina præparavit illam. Orbis. Glória Patri. Orbis.

IN III. NOCTURNO

Lectio sancti Evangelii secundum Matthæum.

Lectio vij. Cap. 8.

IN illo tempore : Cum descendisset Jesus de monte, secutæ sunt eum turbæ multæ : et ecce leprosus veniens, adorabat eum. Et reliquæ.

Homilia sancti Hierónymi
Presbýteri.

Lib. 1. Comm. in cap. 8.
Matth.

DE monte Dómino descen-
dente, occurrunt turbæ,
quia ad altióra ascēdere
non valuérunt. Et primus ei
occurrit leprósus : necdum
enim póterat cum lepra tam
múltiplicem in monte Salva-
tóris audire sermónem. Et
notándum, quod hic primus
speciáliter curátus sit : secún-
do, puer centuriónis : tertio,
socrus Petri fébriens in Ca-
phárnaum : quarto loco, qui
obláti sunt ei a dæmónio ve-
xáti : quorum spíritus verbo
ejiciébat, quando et omnes
male habéntes curávit.

R. Ad te Dómine levávi
ánimam meam : * Deus me-
us in te confido, non eru-
béscam. **V.** Custódi ánimam
meam, et éripe me. Deus.

Lectio viij.

ET ecce leprósus véniens
adorábat eum, dicens :
Recte post prædicationem
atque doctrinam, signi offér-
tur occasio, ut per virtutem
miráculi, præteritus apud
audiéntes sermo firmétur.
Dómine, si vis, potes me
mundáre. Qui voluntátem
rogat, de virtúte non dúbi-
tat. Et extendens Jesus ma-
num tétiguit eum, dicens :
Volo, mundáre. Extendente
manum Dómino, statim le-
pra fugit. Simúlque consi-
dera, quam húmilis, et sine
jactántia respónsio. Ille díxe-

rat, Si vis : Dóminus respón-
dit, Volo. Ille præmiserat,
Potes me mundáre : Dóminus
jungit, et dicit, Mundáre.
Non ergo, ut plerique Lati-
nórum putant, jungéndum
est, et legéndum, Volo mun-
dáre : sed separátim, ut
primum dicat, Volo ; deinde
imperet, Mundáre.

R. Duo Séraphim clamá-
bant alter ad álterum : *
Sanctus, sanctus, sanctus
Dóminus Deus Sábaoth : *
Plena est omnis terra glória
ejus. **V.** Tres sunt qui testi-
mónium dant in cælo : Pa-
ter, Verbum, et Spíritus san-
ctus : et hi tres unum sunt.
Sanctus. Glória Patri. Plena.

Lectio ix.

ET ait illi Jesus : Vide, né-
mini dixeris. Et revéra
quid erat necesse ut sermóne
jactáret, quod corpore præ-
ferébat? Sed vade, ostēde
te sacerdóti. Várias ob cáu-
sas mittit eum ad sacerdó-
tem : primum propter hu-
militátem, ut sacerdótibus
deférre honórem videátur.
Erat enim lege præcéptum,
ut qui mundáti fúerant a
lepra, offérrent múnera sa-
cerdótibus. Deinde, ut mun-
dátum vidéntes leprósum,
aut créderent Salvatóri, aut
non créderent : si créderent,
salvaréntur : si non créde-
rent, inexcusábiles forent.
Et simul, ne, quod in eo
sæpissime criminabántur,
legem viderétur infringere.

Te Deum laudámus. 17.

AD LAUDES

Omnia ut in Psalterio.
17.

Ad Bened. Ant. Cum descendisset Jesus* de monte, ecce leprósus véniens adorabat eum, dicens: Dómine, si vis, potes me mundáre: et extendens manum, tétigit eum, dicens: Volo, mundáre.

✠. Dóminus regnávít, decórem índuit. **R.** Índuit Dóminus fortitúdinem, et præcínxit se virtúte.

Oratio.

OMNÍPOTENS sempitérne Deus, infirmitátem nostram propítius réspice: atque ad protegéndum nos dexteram tuæ majestátis extendé. Per Dóminum.

Ad Magnif. Ant. Dómine,* si vis, potes me mundáre: et ait Jesus: Volo, mundáre.

✠. Dirigátur Dómine orátio mea. **R.** Sicut incénsum in conspéctu tuo.

FERIA SECUNDA

De Epístola ad Gálatas.

Lectio j. Cap. 3.

OINSENSÁTI Gálatæ, quis vos fascinávít non obedire veritáti, ante quorum óculos Jesus Christus præscriptus est, in vobis crucifixus? Hoc solum a vobis volo discere: Ex opéribus legis Spíritum accepístis, an ex auditu fidei? Sic stulti estis, ut cum spíritu coépéritis, nunc carne consummémini? Tanta passi estis sine

cáusa? si tamen sine cáusa. Qui ergo tribuit vobis Spíritum, et operátur virtútes in vobis: ex opéribus legis, an ex auditu fidei? Sicut scriptum est: Abraham crédidit Deo, et reputátum est illi ad justitiam.

R. Quam magna. 326.

Lectio ij.

COGNÓSCITE ergo, quia qui ex fide sunt, ii sunt filii Abrahæ. Próvidens áutem Scriptúra, quia ex fide justificat gentes Deus, prænuntiávit Abrahæ: Quia benedicéntur in te omnes gentes. Igitur qui ex fide sunt, benedicéntur cum fidéli Abraham. Quicúmque enim ex opéribus legis sunt, sub maledicto sunt. Scriptum est enim: Maledictus omnis, qui non permánserit in ómnibus, quæ scripta sunt in libro legis ut fáciat ea.

R. Adjútor meus. 326.

Lectio iij.

QUÓNIAM áutem in lege nemo justificátur apud Deum, maniféstum est: quia justus ex fide vivit. Lex áutem non est ex fide, sed, Qui fécerit ea, vivet in illis. Christus nos redémit de maledicto legis, factus pro nobis maledictum: quia scriptum est: Maledictus omnis qui pendet in ligno: ut in géntibus benedictio Abrahæ fieret in Christo Jesu, ut pollicitatióem Spíritus accipiámus per fidem.

R. Benedicam. 337.

FERIA TERTIA

De Epistola ad Gálatas.

Lectio j. Cap. 5.

STATE, et nolite iterum jugo servitútis continéri. Ecce ego Páulus dico vobis : quóniam si circumcidámini, Christus vobis nihil próderit. Testificor áutem rursus omni hómini circumcidénte se, quóniam débitor est universæ legis faciendæ. Evacuáti estis a Christo, qui in lege justificámini : a grátia excidistis. Nos enim spíritu ex fide, spem justitiæ expectámus.

*R. Auribus pèrcipe. 327.**Lectio ij.*

NAM in Christo Jesu neque circumcisio áliquíd valet, neque præpútium : sed fides, quæ per caritátem operátur. Currebátis bene : quis vos impedivit veritáti non obedire? Persuásio hæc non est ex eo, qui vocat vos. Módicum ferméntum totam massam corrumpit. Ego confido in vobis in Dómino, quod nihil áliud sapiétis : qui áutem contúrbat vos, portábit judicium, quicumque est ille.

*R. Státuit Dóminus. 327.**Lectio iij.*

EGO áutem, fratres, si circumcisióne adhuc prædico : quid adhuc persecutióne pátiór? Ergo evacuátum est scándalum crucis. Utinam et abscindántur qui

vos contúrban. Vos enim in libertátem vocáti estis fratres : tantum ne libertátem in occasiόnem detis carnis, sed per caritátem spíritus servite invicem. Omnis enim lex in uno sermóne implétur : Diliges próximum tuum sicut teípsum. Quod si invicem mordétis, et coméditis : vidéte ne ab invicem consumámini. Dico áutem : Spíritu ambuláte, et desidéria carnis non perficiétis. Caro enim concupiscit advérsus spíritum : spíritus áutem advérsus carnem : hæc enim sibi invicem adversántur : ut non quæcúmque vultis, illa faciátis.

R. Ego dixi. 328.

FERIA QUARTA

Incipit Epístola beáti Páuli Apóstoli ad Ephésios.

Lectio j. Cap. 1.

PÁULUS Apóstolus Jesu Christi per voluntátem Dei, ómnibus sanctis, qui sunt Ephesi, et fidélibus in Christo Jesu. Grátia vobis, et pax a Deo Patre nostro, et Dómino Jesu Christo. Benedíctus Deus, et Pater Dómini nostri Jesu Christi, qui benedixit nos in omni benedictiόne spirituáli in cæléstibus in Christo, sicut elégit nos in ipso ante mundi constitutiόnem, ut essémus sancti et immaculáti in conspectu ejus in caritáte.

R. Ne perdideris me cum iniquitatibus. 328.

Lectio ij.

QUI prædestinavit nos in adoptionem filiorum per Jesum Christum in ipsum: secundum propositum voluntatis suæ, in laudem gloriæ gratiæ suæ, in qua gratificavit nos in dilecto Filio suo. In quo habemus redemptionem per sanguinem ejus, remissionem peccatorum secundum divitias gratiæ ejus, quæ superabundavit in nobis in omni sapientia, et prudentia: ut notum faceret nobis sacramentum voluntatis suæ, secundum beneplacitum ejus, quod proposuit in eo, in dispensatione plenitudinis temporum, instaurare omnia in Christo, quæ in cælis, et quæ in terra sunt, in ipso.

R. Paratum cor. 328.

Lectio iij.

IN quo etiam et nos sorte vocati sumus, prædestinati secundum propositum ejus, qui operatur omnia secundum consilium voluntatis suæ: ut simus in laudem gloriæ ejus nos, qui ante speravimus in Christo: In quo et vos, cum audissetis verbum veritatis (Evangelium salutis vestræ), in quo et credentes signati estis Spiritu promissionis sancto, qui est pignus hereditatis nostræ, in redemptionem acquisitionis, in laudem gloriæ ipsius.

R. Adjutor meus tibi. 329.

FERIA QUINTA

De Epistola ad Ephésios.

Lectio j. Cap. I.

OBSECRO itaque vos ego vinctus in Domino, ut digne ambulétis vocatione, qua vocati estis, cum omni humilitate, et mansuetudine, cum patientia, supportantes invicem in caritate, solliciti servare unitatem Spiritus in vinculo pacis. Unum corpus, et unus Spiritus, sicut vocati estis in una spe vocationis vestræ. Unus Dominus, una fides, unum baptisma. Unus Deus et Pater omnium, qui est super omnes, et per omnia, et in omnibus nobis.

R. Deus in te speravi. 329.

Lectio ij.

UNICUIQUE autem nostrum data est gratia secundum mensuram donationis Christi. Propter quod dicit: Ascendens in altum captivam duxit captivitatem: dedit dona hominibus. Quod autem ascendit, quid est, nisi quia et descendit primum in inferiores partes terræ? Qui descendit, ipse est et qui ascendit super omnes cælos, ut impleret omnia.

R. Repleatur. 329.

Lectio iij.

ET ipse dedit quosdam quidem Apostolos, quosdam autem Prophetas, alios vero Evangelistas, alios autem pastores et doctores, ad summationem sanctorum in opus ministerii, in ædifica-

tióne corporis Christi : donec occurrámus omnes in unitátem fidei, et agnitiónis Filii Dei, in virum perfectum, in mensúram ætátis plenitudinis Christi : ut jam non simus párvuli fluctuántes, et circumferámur omni vento doctrinæ in nequítia hóminum, in astútia ad circumventiónem erróris. Veritátem áutem faciéntes in caritáte, crescámus in illo per ómnia, qui est caput Christus.

℞. Gaudébunt lábia. 330.

FERIA SEXTA

De Epístola ad Ephésios.

Lectio j. Cap. 5.

ESTÓTE ergo imitatóres Dei, sicut filii caríssimi : et ambuláte in dilectióne, sicut et Christus diléxit nos, et trádidit semetípsum pro nobis oblatiónem, et hóstiam Deo in odórem suavitátis. Fornicátio áutem, et omnis immunditia, aut avarítia, nec nominétur in vobis, sicut decet sanctos : aut turpítudo, aut stultilóquium, aut scurrilitas, quæ ad rem non pértinet : sed magis gratiárum áctio.

℞. Confitébor tibi. 330.

Lectio ij.

Hoc enim scitóte intelligéntes : quod omnis fornicátor, aut immúndus, aut avárus, quod est idolórum sérvitus, non habet hereditátem in regno Christi, et Dei. Nemo vos sedúcat iná-

nibus verbis : propter hæc enim venit ira Dei in filios diffidéntiæ. Nolite ergo éffici participes eórum. Erátis enim aliquándo ténebræ : nunc áutem lux in Dómino. Ut filii lucis ambuláte.

℞. Misericórdia tua. 330.

Lectio iij.

FRUCTUS enim lucis est in omni bonitáte, et justitia, et veritáte : probántes quid sit beneplácitum Deo : et nolite comunicáre opéribus infructuósis tenebrárum, magis áutem redargúite. Quæ enim in occulto fiunt ab ipsis, turpe est et dicere. Omnia áutem, quæ arguúntur, a lúmine manifestántur : omne enim, quod manifestátur, lumen est. Propter quod dicit : Surge qui dormis, et exsúrge a mórtuis, et illuminábit te Christus.

℞. Factus est. 330.

SABBATO

De Epístola ad Ephésios.

Lectio j. Cap. 6.

FÍLIJ, obedite paréntibus vestris in Dómino : hoc enim justum est. Honóra patrem tuum et matrem tuam, quod est mandátum primum in promissióne : ut bene sit tibi, et sis longævus super terram. Et vos patres nolite ad iracúndiam provocáre filios vestros : sed educáte illos in disciplína, et correptióne Dómini.

℞. Ne perdideris. 328.

Lectio ij.

SERVI obedite dōminis carnalibus cum timōre et tremōre, in simplicitate cordis vestri, sicut Christo : non ad ōculum serviētes, quasi hominibus placētes, sed ut servi Christi, faciētes voluntatem Dei ex animo, cum bona voluntate serviētes, sicut Dōmino, et non hominibus : sciētes quoniam unusquisque quodcūque fecerit bonum, hoc recipiet a Dōmino, sive servus, sive liber. Et vos dōmini eadem faciēte illis, remittētes minas : sciētes quia et illōrum et vester Dōminus est in cælis : et personarum accēptio non est apud eum.

℞. Paratum. 328.

Lectio iij.

DE cætero fratres confortamini in Dōmino, et in potētia virtutis ejus. Induite vos armaturam Dei, ut possitis stare adversus insidias diaboli. Quoniam non est nobis colluctatio adversus carnem et sanguinem : sed adversus principes, et potestates, adversus mundi rectores tenebrarum harum, contra spiritalia nequitiae, in cælestibus. Propterea accipite armaturam Dei, ut possitis resistere in die malo, et in omnibus perfecti stare.

℞. Adjutor meus. 329.

AD VESPERAS

Oratio.

DEUS, qui nos in tantis periculis constitutos, pro

humana scis fragilitate non posse subsistere : da nobis salutem mentis et corporis ; ut ea, quæ pro peccatis nostris patimur, te adjuvante vincamus. Per Dōminum.

DOM. IV. POST EPIPHANIAM

IN I. NOCTURNO

Incipit Epistola beati Pauli Apostoli ad Philippenses.

Lectio j. Cap. 1.

PAULUS, et Timotheus servi Jesu Christi, omnibus sanctis in Christo Jesu, qui sunt Philippis, cum Episcopis et Diaconibus. Gratia vobis, et pax a Deo Patre nostro, et Dōmino Jesu Christo. Gratiās ago Deo meo in omni memoria vestri, semper in cunctis orationibus meis pro omnibus vobis cum gaudio deprecationem faciens, super communicatione vestra in Evangelio Christi a prima die usque nunc. Confidens hoc ipsum, quia qui cepit in vobis opus bonum, perficiet usque in diem Christi Jesu. Sicut est mihi justum hoc sentire pro omnibus vobis : eo quod habeam vos in corde, et in vinculis meis, et in defensione, et confirmatione Evangelii, socios gaudii mei omnes vos esse.

℞. Dōmine ne in ira. 323.

Lectio ij.

TESTIS enim mihi est Deus, quomodo cupiam omnes vos in visceribus Jesu Christi. Et hoc oro ut caritas

vestra magis ac magis abundet in scientia, et in omni sensu : ut probetis potiora, ut sitis sinceri, et sine offensa in diem Christi, replenti fructu justitiæ per Jesum Christum, in gloriam et laudem Dei. Scire autem vos volo fratres, quia quæ circa me sunt, magis ad profectum venerunt Evangelii : ita ut vincula mea manifesta fierent in Christo in omni prætorio, et in cæteris omnibus, et plures e fratribus in Domino confidentes vinculis meis, abundantius auderent sine timore verbum Dei loqui.

R. Deus, qui sedes. 323.

Lectio iij.

QUIDAM quidem et propter invidiam et contentionem : quidam autem et propter bonam voluntatem Christum prædicant : quidam ex caritate, scientes quoniam in defensionem Evangelii positus sum. Quidam autem ex contentione Christum annuntiant non sincere, existimantes pressuram se suscitare vinculis meis. Quid enim? Dum omni modo, sive per occasionem, sive per veritatem, Christus annuntiatur : et in hoc gaudeo, sed et gaudébo.

R. A dextris est mihi. 323.

IN II. NOCTURNO

Ex libro Moraliū sancti Gregorii Papæ.

Lectio iv. Lib. I. c. 30.

REPLÉMUS refectiōnibus corpus, ne extenuatum

deficiat : extenuamus abstinentia, ne nos repletum premat : vegetamus hoc motibus, ne situ immobilitatis intereat : sed citius hoc collocando sistimus, ne ipsa sua vegetatiōe succumbat : adjumentis hoc vestium tegimus, ne frigus interimat : et quæsitā adjumenta projicimus, ne calor exurat. Tot igitur diversitatibus occurrentes, quid agimus, nisi corruptibilitati servimus, ut saltem multiplicitas impensi obsequii corpus sustineat, quod anxietas infirmæ mutabilitatis gravat?

R. Notas mihi fecisti. 324.

Lectio v.

UNDE bene per Paulum dicitur : Vanitati enim subiecta est creatura non volens, sed propter eum qui subjecit eam in spe : quia et ipsa creatura liberabitur a servitute corruptionis, in libertatem gloriæ filiorum Dei. Vanitati quippe creatura non volens subditur : quia homo, qui ingentis constantiæ statum volens deseruit, pressus justæ mortalitatis pondere, nolens mutabilitatis suæ corruptioni servit. Sed creatura hæc tunc a servitute corruptionis eripitur, cum ad filiorum Dei gloriam incorrupta resurgendo sublevatur.

R. Diligam te Domine. 324.

Lectio vj.

Ic itaque electi molestia vincti sunt, quia adhuc

corruptiōnis suæ pœna deprimuntur : sed cum corruptibili carne exuimur, quasi ab his, quibus nunc astringimur, moléstiae vînculis relaxamur. Præsentrari namque jam Deo cupimus, sed adhuc mortâlis cōrporis obligatiōe præpedimur. Jure ergo vincti dicimur, quia adhuc incēssum nostri desidērii ad Deum liberum non habemus. Unde bene Pâulus, ætérna desiderans, sed tamen adhuc corruptiōnis suæ sârcinam portans, vinctus clamat : Cûpio dissolvi, et esse cum Christo. Dissolvi enim non quæreret, nisi se procul dúbio vinctum vidéret.

℞. Dómini est terra. 324.

IN III. NOCTURNO

Léctio sancti Evangélii secúndum Matthæum.

Lectio vij. Cap. 8. c

IN illo témpore : Ascendēte Jesu in navículam, secúti sunt eum discipuli ejus : et ecce motus magnus factus est in mari, ita ut navícula operirétur flúctibus : ipse vero dormiēbat. Et réliqua.

Homilia sancti Hierónymi
Presbýteri.

Lib. 1. Comm. in c. 8. Matth.

QUINTUM signum fecit, quando ascēdens navem de Caphárnaum, ventis imperávit et mari. Sextum, quando in regiōe Gerase-nórum dedit potestátem dæmónibus in porcos. Sépti-

mum, quando ingrédies civitátem suam, paralýticum secúndum curávit in léctulo. Primus enim paralýticus est puer centuriōnis.

℞. Ad te Dómine. 325.

Lectio vij.

IPSE vero dormiēbat : et accessérunt ad eum, et suscitavérunt eum, dicētes : Dómine salva nos. Hujus signi typum in Jona légimus, quando cæteris periclitántibus, ipse secúrus est, et dormit, et suscitátur ; et império ac sacraménto passiōis suæ liberat suscitántes. Tunc surgens imperávit ventis et mari. Ex hoc loco intelligimus, quod omnes creatúræ séntiant Creatórem. Quas enim increpávit, et quibus imperávit, séntiunt imperántem : non erróre hæreticórum qui ómnia putant animántia, sed majestáte Conditóris, quæ apud nos insensibilia, illi sensibilia sunt.

℞. Duo Séraphim. 325.

Lectio ix

PORRO hómines miráti sunt, dicētes : Qualis est hic, quia venti et mare obédiunt ei? Non discipuli, sed náutæ, et cæteri, qui in navi erant, mirabántur. Sin autem quis contentiōse volúerit, eos, qui mirabántur, fuisse discipulos : respondébit, recte hómines appellátos, qui necdum nóverant poténtiam Salvatóris.

Te Deum laudamus. 17.

Ad Bened. Ant. Ascendēte Jesu * in naviculam, ecce motus magnus factus est in mari : et suscitavērunt eum discipuli ejus, dicētes : Dómine salva nos, perimus.

Ÿ. Dóminus regnávít, decórem induit. R̃. Induit Dóminus fortitúdinem, et præcínxit se virtúte.

Oratio.

DEUS, qui nos in tantis periculis constitutos, pro humana scis fragilitate non posse subsistere : da nobis salutem mentis et corporis ; ut ea, quæ pro peccatis nostris patimur, te adjuvante vincamus. Per Dóminum.

Ad Magnif. Ant. Dómine * salva nos, perimus : impera, et fac Deus tranquillitatem.

Ÿ. Dirigatur Dómine oratio mea. R̃. Sicut incensum in conspectu tuo.

FERIA SECUNDA

De Epistola ad Philippenses.

Lectio j. Cap. 4.

ITAQUE fratres mei carissimi, et desideratissimi, gaudium meum, et corona mea : sic state in Dómino, carissimi : Evódiam rogo, et Sýntychen déprecor id ipsum sápere in Dómino. Etiam rogo et te germáne compar, adjuva illas, quæ mecum laboravērunt in Evangélio cum Cleménte, et cæteris adjutoribus meis, quorum nómina sunt in libro vitæ.

R̃. Quam magna. 326.

Lectio ij.

GAUDÉTE in Dómino semper : iterum dico, gaudete. Modestia vestra nota sit omnibus hominibus : Dóminus prope est. Nihil solliciti sitis : sed in omni oratione, et obsecratione, cum gratiarum actione petitiones vestræ innotescant apud Deum. Et pax Dei, quæ exsuperat omnem sensum, custodiat corda vestra, et intelligentias vestras in Christo Jesu.

R̃. Adjutor meus. 326.

Lectio iij.

DE cætero fratres, quæcúmque sunt vera, quæcúmque pudica, quæcúmque justa, quæcúmque sancta, quæcúmque amabilia, quæcúmque bonæ famæ, si qua virtus, si qua laus disciplinæ, hæc cogitate. Quæ et didicistis, et accepistis, et audistis, et vidistis in me, hæc agite : et Deus pacis erit vobiscum. Gavisus sum autem in Dómino vehementer, quóniam tandem aliquándo refluoristis pro me sentire, sicut et sentiebátis : occupati autem erátis.

R̃. Benedicam. 327.

FERIA TERTIA

Incipit Epistola beati Páuli Apóstoli ad Colossenses.

Lectio j. Cap. 1.

PÁULUS Apóstolus Jesu Christi per voluntatem Dei, et Timótheus frater : eis, qui sunt Colóssis, san-

ctis et fidélibus frátribus in Christo Jesu. Grátia vobis, et pax a Deo Patre nostro, et Dómino Jesu Christo. Grátias ágimus Deo et Patri Dómini nostri Jesu Christi, semper pro vobis orántes : audiéntes fidem vestram in Christo Jesu, et dilectiόνem, quam habétis in sanctos omnes propter spem, quæ repósita est vobis in cælis : quam audístis in verbo veritátis Evangélii : quod pervénit ad vos, sicut et in univérso mundo est, et fructíficat, et crescit sicut in vobis, ex ea die qua audístis, et cognovístis grátiam Dei in veritáte, sicut didicístis ab Epápbra caríssimo consérvo nostro, qui est fidélis pro vobis mínister Christi Jesu : qui étiam manifestávit nobis dilectiόνem vestram in spíritu.

℞. Auribus pércipe. 327.

Lectio ij.

IDEO et nos, ex qua die audivimus, non cessámus pro vobis orántes, et postulántes ut impleámini agnitióne voluntátis ejus, in omni sapiéntia et intelléctu spiritali : ut ambulétis digne Deo per ómnia placéntes : in omni ópere bono fructificántes, et crescéntes in sciéntia Dei : in omni virtúte confortáti secúndum poténtiam claritátis ejus in omni paciéntia, et longanimitáte cum gáudio grátias ágéntes Deo Patri, qui di-

gnos nos fecit in partem sortis sanctórum in lúmine.

℞. Státuit Dóminus. 327.

Lectio iij.

QUI eripuit nos de potestate tenebrárum, et transtulit in regnum Filii dilectiόνis suæ, in quo habémus redemptiόνem per sánguinem ejus, remissiόνem peccatórum : qui est imágo Dei invisibilis, primogénitus omnis creatúræ : quóniam in ipso cóndita sunt univérsa in cælis et in terra, visibília, et invisibília, sive Throni, sive Dominationes, sive Principátus, sive Potestates : ómnia per ipsum, et in ipso creáta sunt : et ipse est ante omnes, et ómnia in ipso constant. Et ipse est caput córporis Ecclésiæ, qui est princípium, primogénitus ex mórtuis.

℞. Ego dixi. 328.

FERIA QUARTA

De Epístola ad Colossénses.

Lectio j. Cap. 3. b et l.

INDUITE vos ergo sicut electi Dei, sancti et dilécti, viscera misericórdiæ, benignitatem, humilitatem, modestiam, paciéntiam : supportántes invicem, et donántes vobismetipsis si quis advérsus áliquem habet querélam : sicut et Dóminus donávit vobis, ita et vos. Super ómnia áutem hæc, caritatem habéte ; quod est vinculum perfectiόνis : et pax Christi exsúltet in córdibus vestris,

in qua et vocáti estis in uno corpore : et grati estóte.

℞. Ne perdideris. 328.

Lectio ij.

VERBUM Christi hábitet in vobis abundánte in omni sapiéntia, docétes, et commonétes vosmetipsos, psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo, aut in ópere, ómnia in nómine Dómini Jesu Christi, grátias ágétes Deo et Patri per ipsum. Mulieres súbditæ estóte viris, sicut opórtet, in Dómino. Viri diligite uxóres vestras, et nolite amári esse ad illas. Filii obedite paréntibus per ómnia : hoc enim plácitum est in Dómino. Patres, nolite ad indignatióem provocáre filios vestros, ut non pusillo ánimo fiant.

℞. Parátum cor. 328.

Lectio iij.

SERVI obedite per ómnia dómínis carnálibus, non ad óculum serviétes, quasi homínibus placétes, sed in simplicitáte cordis, timétes Deum. Quodcúmque fácitis, ex ánimo operámini sicut Dómino, et non homínibus : sciétes quod a Dómino accipiétis retributióem hereditátis. Dómino Christo servite. Qui enim injúriam facit, recipiet id, quod ini-que gessit : et non est personárum accéptio apud Deum. Dómini, quod justum est

et æquum, servis præstáte : sciétes quod et vos Dóminum habétis in cælo. Oratióni instáte, vigilántes in ea in gratiárum actióne.

℞. Adjútor meus. 329.

FERIA QUINTA

Incipit Epístola prima beáti Páuli Apóstoli ad Thessalonicénses.

Lectio j. Cap. 1.

PÁULUS, et Silvánus, et Timótheus, Ecclesiæ Thessalonicénsium in Deo Patre, et Dómino Jesu Christo. Grátia vobis et pax. Grátias ágimus Deo semper pro ómnibus vobis, memóriam vestri faciétes in oratió-nibus nostris sine intermissi-óne, mémores óperis fidei vestræ, et labóris, et caritátis, et sustinéntiæ spei Dómini nostri Jesu Christi, ante Deum et Patrem nostrum : sciétes, fratres dilecti a Deo, electi-óne vestram : quia Evangélium nostrum non fuit ad vos in sermóne tantum, sed et in virtúte, et in Spíritu sancto, et in plenitúdine multa, sicut scitis quales fuérimus in vobis propter vos.

℞. Deus in te sperávi. 329.

Lectio ij.

ET vos imitatóres nostri facti estis, et Dómini, excipiétes verbum in tribulatióne multa, cum gáudio Spíritus sancti : ita ut facti sitis forma ómnibus credéntibus in Macedónia, et in

Acháia. A vobis enim diffamatus est sermo Dómini, non solum in Macedónia, et in Acháia, sed et in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annúntiant qualem introitum habuerimus ad vos : et quomodo conversi estis ad Deum a simulacris, servire Deo vivo et vero, et expectare Filium ejus de cælis (quem suscitavit ex mortuis) Jesum, qui eripuit nos ab ira ventúra.

R. Repleatur. 329.

Lectio iij. Cap. 2.

NAM ipsi scitis, fratres, introitum nostrum ad vos, quia non inánis fuit : sed ante passi, et contuméliis affecti (sicut scitis) in Philippis, fiduciam habuimus in Deo nostro loqui ad vos Evangelium Dei in multa sollicitudine. Exhortatio enim nostra non de errore, neque de immunditia, neque in dolo, sed sicut probati sumus a Deo, ut crederetur nobis Evangelium : ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulationis, sicut scitis : neque in occasione avaritiæ : Deus testis est : nec quærentes ab hominibus gloriam, neque a vobis, neque ab aliis.

R. Gaudébunt lábia. 330.

FERIA SEXTA

De Epístola prima ad Thesalonicensés.

Lectio j. Cap. 4.

DE cætero ergo fratres rogamus vos, et obsecramus in Dómino Jesu, ut quemadmodum accepistis a nobis, quomodo oporteat vos ambulare, et placere Deo, sic et ambulétis, ut abundétis magis. Scitis enim quæ præcepta dederim vobis per Dóminum Jesum. Hæc est enim voluntas Dei, sanctificatio vestra : ut abstineátis vos a fornicatione, ut sciat unusquisque vestrum vas suum possidere in sanctificatione et honore : non in passione desiderii, sicut et gentes, quæ ignorant Deum.

R. Confitébor tibi. 330.

Lectio ij.

ET ne quis supergrediatur, neque circumveniat in negotio fratrem suum : quoniam vindex est Dóminus de his omnibus, sicut prædiximus vobis, et testificati sumus. Non enim vocavit nos Deus in immunditiam, sed in sanctificationem. Itaque qui hæc spernit, non hominem spernit, sed Deum : qui etiam dedit Spiritum suum sanctum in nobis.

R. Misericórdia tua. 330.

Lectio iij.

DE caritate autem fraternitatis non necesse ha-

bémus scribere vobis : ipsi enim vos a Deo didicistis, ut diligátis invicem. Etenim illud fácitis in omnes fratres in univérſa Macedónia. Rogámus áutem vos fratres ut abundétis magis, et óperam detis ut quiéti sitis, et ut vestrum negótium agátis, et operémini mánibus vestris, sicut præcépimus vobis : et ut honéſte ambulétis ad eos qui foris sunt : et nullius áliquíd desiderétis.

℞. Factus est. 330.

SABBATO

Incipit Epístola secúnda ad Thessalonicéſes.

Lectio j. Cap. 1.

PÁULUS, et Silvánus, et Timótheus : Ecclesiæ Thessalonicénsium in Deo Patre nostro, et Dómino Jesu Christo. Grátia vobis, et pax a Deo Patre nostro, et Dómino Jesu Christo. Grátias ágere debémus semper Deo pro vobis fratres, ita ut dignum est, quóniam supercréſcit fides vestra, et abundat caritas uniuscujusque vestrum in invicem : ita ut et nos ipsi in vobis gloriémur in Ecclesiis Dei, pro patiéntia vestra, et fide, et in ómnibus persecutióſibus vestris, et tribulatióſibus, quas sustinétis in exéplum justí judicii Dei, ut digni habeámini in regno Dei, pro quo et patimini.

℞. Ne perdideris me cum iniquitatibus. 328.

Lectio ij.

SI tamen justum est apud Deum retribuere tribulatióſem iis, qui vos tribulant : et vobis, qui tribulamini, réquiem nobíſcum in revelatióſe Dómini Jesu de cælo cum Angelis virtútis ejus, in flamma ignis dantis vindictam iis, qui non novérunt Deum, et qui non obédiunt Evangélio Dómini nostri Jesu Christi. Qui poenas dabunt in intéritu ætéſnas a fácie Dómini, et a glória virtútis ejus : cum vénerit glorificári in sanctis suis, et admirábilis fieri in ómnibus, qui credidérunt, quia créditum est testimónium nostrum super vos in die illo. In quo étiam orámus semper pro vobis : ut dignétur vos vocatióſe sua Deus noster, et impleat omnem voluntátem bonitátis, et opus fidei in virtúte, ut clarificétur nomen Dómini nostri Jesu Christi in vobis, et vos in illo, secúndum grátiam Dei nostri, et Dómini Jesu Christi.

℞. Parátum cor. 328.

Lectio iij. Cap. 2.

ROGÁMUS áutem vos fratres per advéntum Dómini nostri Jesu Christi, et nostræ congregatióſis in ipsum : ut non cito moveámini a vestro sensu, neque terreámini, neque per spíritum, neque per sermónem, neque per epístolam tamquam per nos missam, quasi instet dies Dómini. Ne quis vos seducat

ullo modo : quóniam nisi vénerit discéssio primum, et revelátus fúerit homo peccáti, filius perditionis, qui adversátur, et extóllitur supra omne, quod dicitur Deus, aut quod cólitur, ita ut in templo Dei sédeat osténdens se tamquam sit Deus.

℟. Adjútor meus. 329.

AD VESPERAS

Oratio.

FAMÍLIAM tuam, quæsumus Dómine, continua pietáte custódi : ut quæ in sola spe grátiae cæléstis innítitur, tua semper protectióne muniátur. Per Dóminum.

DOM. V. POST EPIPHANIAM
IN I. NOCTURNO

Incipit Epístola prima beáti
Páuli Apóstoli ad Timó-
theum.

Lectio j. Cap. 1.

PÁULUS Apóstolus Jesu Christi secúndum impérium Dei Salvatóris nostri, et Christi Jesu spei nostræ : Timótheo dilécto filio in fide. Grátia, misericórdia, et pax a Deo Patre, et Christo Jesu Dómino nostro. Sicut rogávi te ut remanéres Ephesi, cum irem in Macedóniam, ut denunciáres quibúsdam ne áliter docérent, neque inténdèrent fábulis, et genealogíis interminátis : quæ quæstiónes præstant magis quam ædificatióem Dei, quæ est in fide.

℟. Dómine ne in ira. 323.

Lectio ij.

FINIS áutem præcépti est caritas de corde puro, et consciéntia bona, et fide non ficta. A quibus quidam aberrántes, convérsti sunt in vanilóquium, voléntes esse legis doctóres, non intelligéntes neque quæ loquúntur, neque de quibus affirmant. Scimus áutem quia bona est lex, si quis ea legitime utátur : sciens hoc quia lex justo non est pósita, sed injústis, et non súbditis, impiis et peccatóribus, scelerátis et contaminátis, paricidis et matricidis, homicidis, fornicáriis, masculórum concubitóribus, plagiáriis, mendácibus et perjúris, et si quid áliud sanæ doctrinæ adversátur, quæ est secúndum Evangélium glóriæ beáti Dei, quod créditum est mihi.

℟. Deus, qui sedes. 323.

Lectio iij.

GRÁTIAS ago ei, qui me confortávit Christo Jesu Dómino nostro, quia fidélem me existimávit, ponens in ministério : qui prius blasphemus fui, et persecútor, et contumeliósus : sed misericórdiam Dei consecútus sum, quia ignórans feci in incredulitáte. Superabundávit áutem grátia Dómini nostri cum fide et dilectióne, quæ est in Christo Jesu. Fidélis sermo, et omni acceptióne dignus : quod Christus Jesus venit in hunc mundum pec-

catóres salvos fácere, quorum primus ego sum. Sed ideo misericórdiam consecútus sum : ut in me primo osténderet Christus Jesus omnem patiéntiam ad informatiódinem eórum, qui creditúri sunt illi, in vitam ætérnam.

℟. A dextris est mihi. 323.

IN II. NOCTURNO

Sermo sancti Augustini
Episcopi.

De Verb. Apost. Serm. 8.
sub initio.

Lectio iv.

HUMÁNUS sermo, et omni acceptiódine dignus, quia Christus Jesus venit in hunc mundum peccatóres salvos fácere. Atténde Evangélium : Venit enim Fílius hóminis quærere, et salváre, quod perierat. Si homo non periisset, Fílius hóminis non venisset. Ergo perierat homo : venit Deus homo, et invéntus est homo. Perierat homo per liberam voluntátem : venit Deus homo per grátiam liberatricem.

℟. Notas mihi. 324.

Lectio v.

QUÆRIS, quid váleat ad malum liberum arbitrium? Récole hóminem peccántem. Quæris, quid váleat ad auxilium Deus, et homo? Atténde in eo grátiam liberántem. Nusquam pótuit sic osténderi, quantum váleat voluntas hóminis usurpáta per supérbiam, ad uténdum sine

adjutório Dei : malum non pótuit plus, et manifestius éxprimi, quam in hómine primo. Ecce perit primus homo, et ubi esset, nisi venisset secúndus homo? quia et ille homo, ideo et iste homo; et ideo humanus sermo.

℟. Diligam te. 324.

Lectio vj.

PRORSUS nusquam sic appáret benignitas grátiae, et liberálitas omnipoténtiae Dei, quam in hómine mediátore Dei et hóminum, hómine Christo Jesu. Quid enim dicimus, fratres mei? In fide cathólica nutritis loquor, vel in pacem cathólicam lucrátis. Nóvimus et tenémus, mediátorem Dei et hóminum, hóminem Christum Jesum, in quantum homo erat, ejus esse natúræ, cujus et nos sumus. Non enim altérius natúræ caro nostra, et caro illius : nec altérius natúræ ánima nostra, et ánima illius. Hanc suscepit natúram, quam salvándam esse judicávit.

℟. Dómini est terra. 324.

IN III. NOCTURNO

Léctio sancti Evangélii secúndum Matthæum.

Lectio vij. Cap. 13. c

IN illo témpore : Dixit Jesus turbis parábolam hanc : Simile factum est regnum cælórum hómini, qui seminávit bonum semen in agro suo. Et reliqua.

Homilia sancti Augustini
Episcopi.

Lib. Quæst. Evang. in Matth.
cap. 11. l. 4.

CUM negligētius ágerent præpósiti Ecclésiæ, aut cum dormitióem mortis acciperent Apóstoli, venit diábolus, et superseminávit eos, quos malos filios Dóminus interpretátur. Sed quæritur, utrum hæréfici sint, an male vivéntes cathólici? Possunt enim dici filii mali étiam hæréfici, quia ex eódem Evangélii sémine, et Christi nómine procreáti, pravis opinióibus ad falsa dógmata convertúntur.

℞. Ad te Dómine. 325.

Lectio viij.

SED quod dicit eos in médio tritici seminátos, quasi vidéntur illi significáři, qui unius communionis sunt. Verúmtamen quóniam Dóminus agrum ipsum, non Ecclésiám, sed hunc mundum interpretátus est: bene intelligúntur hæréfici, quia non societáte unius Ecclésiæ, vel unius fidei, sed societáte solius nóminis christiáni in hoc mundo permiscéntur bonis. At illi, qui in eádem fide mali sunt, pálea pótius quam zizánia reputántur: quia pálea étiam fundaméntum ipsum habet cum fruménto, radicémque commúnem.

℞. Duo Séraphim. 325.

Lectio ix.

IN illa plane sagéna, qua concludúntur et mali et boni pisces, non absúrde mali cathólici intelligúntur. Aliud est enim mare, quod magis mundum istum significat: áliud sagéna, quæ unius fidei, vel unius Ecclésiæ communionem vidétur osténdere. Inter hæréticos et malos cathólicos hoc ínterest, quod hæréfici falsa credunt: illi áutem vera credéntes non vivunt ita ut credunt.

Te Deum laudámus. 17.

Ad Bened. Ant. Dómine, * nonne bonum semen seminásti in agro tuo? unde ergo habet zizánia? et ait illis: Hoc fecit inimicus homo.

℣. Dóminus regnávit, decórem induit. ℞. Induit Dóminus fortitúdinem, et præcínxit se virtúte.

Oratio.

FAMÍLIAM tuam, quæsumus Dómine, continua pietáte custódi: ut quæ in sola spe grátiae cæléstis innítitur, tua semper protectiône muniátur. Per Dóminum nostrum.

Ad Magnif. Ant. Colligite * primum zizánia, et alligáte ea in fascículos ad comburéndum: triticum áutem congregáte in hórreum meum, dicit Dóminus.

℣. Dirigátur Dómine oratio mea. ℞. Sicut incénsum in conspéctu tuo.

FERIA SECUNDA

De Epistola prima ad Timótheum.

Lectio j. Cap. 3. et 4.

FIDÉLIS sermo : Si quis episcopátum desiderat, bonum opus desiderat. Opórtet ergo episcopum irreprehensibilem esse, unius uxóris virum, sóbrium, prudentem, ornátum, pudicum, hospitálem, doctórem, non vinoléntum, non percussórem, sed modéstum : non litigiósum, non cúpidum, sed suæ dómui bene præpósitum : filios habéntem súbditos cum omni castitáte. Si quis áutem dómui suæ præesse nescit, quómodo Ecclesiæ Dei diligéntiam habébit? Non neóphytum : ne in superbiam elátus, in iudiciú incidat diáboli. Opórtet áutem illum et testimónium habére bonum ab iis, qui foris sunt, ut non in opprobrium incidat, et in láqueum diáboli.

ñ. Quam magna. 326.

Lectio ij.

DIÁCONOS similiter pudicos, non bilingues, non multo vino déditos, non turpe lucrum sectántes : habéntes mystérium fidei in consciéntia pura. Et hi áutem probéntur primum : et sic ministrent, nullum crimen habéntes. Mulieres similiter pudicas, non detrahéntes, sóbrias, fidéles in ómnibus. Diáconi sint unius

uxóris viri : qui filiis suis bene præsent, et suis dómibus. Qui enim bene ministráverint, gradum bonum sibi acquirént, et multam fidúciam in fide, quæ est in Christo Jesu.

ñ. Adjútor. 326.

Lectio iij.

HÆC tibi scribo, sperans me ad te venire cito. Si áutem tardávero, ut scias quómodo opórteat te in domo Dei conversári, quæ est Ecclesiá Dei vivi, columna et firmaméntum veritátis. Et manifeste magnum est pietátis sacraméntum, quod manifestátum est in carne, justificátum est in spiritu, apparuit Angelis, prædicátum est géntibus, créditum est in mundo, assumptum est in glória. Spiritus áutem manifeste dicit, quia in novíssimis temporibus discédent quidam a fide, attendéntes spirítibus erróris, et doctrinis dæmoniórum.

ñ. Benedicam. 327.

FERIA TERTIA

Incipit Epistola secúnda beáti Páuli Apóstoli ad Timótheum.

Lectio j. Cap. 1.

PÁULUS Apóstolus Jesu Christi per voluntátem Dei, secúndum promissió-nem vitæ, quæ est in Christo Jesu : Timótheo caríssimo filio, grátia, misericórdia, pax a Deo Patre, et Christo Jesu Dómino nostro. Grátias

ago Deo, cui sérvio a progenitóribus in consciéntia pura, quod sine intermissione hábeam tui memóriam in oratióibus meis, nocte ac die desiderans te vidére, memor lacrymarum tuarum, ut gáudio implear, recordatióem accípiens ejus fidei, quæ est in te non ficta, quæ et habitávit primum in ávia tua Lóide, et matre tua Eunice, certus sum áutem quod et in te.

℞. Auribus pércipe. 327.

Lectio ij.

PROPTER quam cáusam admóneo te ut resúscites grátiam Dei, quæ est in te per impositionem mánuum meárum. Non enim dedit nobis Deus spíritum timóris: sed virtútis, et dilectiónis, et sobrietátis. Noli itaque erubescere testimonium Dómini nostri, neque me vinctum ejus: sed collabóra Evangélio secúndum virtutem Dei: qui nos liberávit, et vocávit vocatióne sua sancta, non secúndum ópera nostra, sed secúndum propósitum suum, et grátiam, quæ data est nobis in Christo Jesu ante témpora sæculária.

℞. Státuit Dóminus. 327.

Lectio iij.

MANIFESTÁTA est áutem nunc per illuminationem Salvatóris nostri Jesu Christi, qui destrúxit quidem mortem, illuminávit áutem vitam, et incorruptiόnem per

Evangélium: in quo pósitus sum ego prædicátor, et Apóstolus, et magister géntium. Ob quam cáusam étiam hæc pátor, sed non confúndor. Scio enim cui crédidi, et certus sum quia potens est depósitum meum serváre in illum diem. Formam habes sanórum verbórum, quæ a me audisti in fide, et in dilectiόne in Christo Jesu.

℞. Ego dixi. 328.

FERIA QUARTA

De Epístola secúnda ad Timótheum.

Lectio j. Cap. 3.

HOC áutem scito, quod in novíssimis diébus instábunt témpora periculósa: erunt hómines seípsos amántes, cúpidi, eláti, supérbi, blasphémi, paréntibus non obediétes, ingrátí, sceléstí, sine affectiόne, sine pace, criminatóres, incontínentes, immítes, sine benignitate, proditóres, protérvi, túmídi, et voluptátum amatóres magis quam Dei: habéntes spéciem quidem pietátis, virtutem áutem ejus abnegántes. Et hos devíta.

℞. Ne perdíderis. 328.

Lectio ij.

Ex his enim sunt, qui pénétrant domos, et captivas ducunt muliérculas onerátas peccátis, quæ ducúntur váriis desidériis: semper discétes, et numquam ad sciéntiam veritátis perveniétes. Quemádmódum áu-

tem Jannes et Mambres restituerunt Móysi : ita et hi resistunt veritati, homines corrupti mente, reprobi circa fidem, sed ultra non proficient : insipientia enim eorum manifesta erit omnibus, sicut et illorum fuit.

R. Paratum cor. 328.

Lectio iij.

TU autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem : qualia mihi facta sunt Antiochiæ, Iconii, et Lystris : quales persecutiones sustinui, et ex omnibus eripuit me Dominus. Et omnes, qui pie volunt vivere in Christo Jesu, persecutionem patientur. Mali autem homines et seductores proficient in pejus, errantes, et in errorem mittentes.

R. Adjutor meus. 329.

FERIA QUINTA

Incipit Epistola beati Pauli Apostoli ad Titum.

Lectio j. Cap. 1.

PAULUS servus Dei, Apostolus autem Jesu Christi secundum fidem electorum Dei, et agnitionem veritatis, quæ secundum pietatem est in spem vitæ æternæ, quam promisit qui non mentitur, Deus, ante tempora sæcularia : manifestavit autem temporibus suis verbum suum in prædicatione, quæ

credita est mihi secundum præceptum Salvatoris nostri Dei : Tito dilecto filio secundum communem fidem, gratia, et pax a Deo Patre, et Christo Jesu Salvatore nostro.

R. Deus in te speravi. 329.

Lectio ij.

HUJUS rei gratia reliqui te Cretæ, ut ea quæ desunt corrigas, et constituas per civitates presbyteros, sicut et ego disposui tibi. Si quis sine crimine est, unius uxoris vir, filios habens fideles, non in accusatione luxuriæ, aut non subditos. Opórtet enim episcopum sine crimine esse, sicut Dei dispensatorem : non superbum, non iracundum, non vinolentum, non percussorem, non turpis lucri cupidum : sed hospitalem, benignum, sobrium, justum, sanctum, continentem, amplectentem eum, qui secundum doctrinam est, fidelem sermonem : ut potens sit exhortari in doctrina sana, et eos, qui contradicunt, arguere.

R. Repleatur. 329.

Lectio iij.

SUNT enim multi etiam inobedientes, vaniloqui, et seductores : maxime qui de circumcissione sunt : quos opórtet redargui : qui universas domos subvertunt, docentes quæ non opórtet, turpis lucri gratia. Dixit quidam ex illis, proprius ipsorum propheta : Cretenses

semper mendaces, malæ béstiae, ventres pigri. Testimónium hoc verum est. Quam ob cáusam increpa illos dure, ut sani sint in fide, non intendentes Judáicis fábulis, et mandátis hóminum aversántium se a veritate. Omnia munda mundis : coinquinátis áutem et infidelibus nihil est mundum.

℞. Gaudébunt lábia. 330.

FERIA SEXTA

De Epístola ad Titum.

Lectio j. Cap. 2. d et 3.

HÆC lóquere, et exhortáre, et árgue cum omni império. Nemo te contémnat. Admone illos principibus, et potestátibus súbditos esse, dicto obedire, ad omne opus bonum parátos esse : néminem blasphemáre, non litigiósos esse, sed modéstos, omnem ostendentes mansuetúdinem ad omnes hómines.

℞. Confitébor. 330.

Lectio ij.

ERÁMUS enim aliquándo et nos insipientes, increduli, errántes, serviéntes desidériis et voluptátibus váriis, in malítia et invidia ágéntes, odibiles, odiéntes invicem. Cum áutem benignitas et humánitas appáruit Salvatóris nostri Deí : non ex opéribus justitiæ, quæ fécimus nos, sed secúndum suam misericórdiam salvos nos fecit per lavácrum regenerationis, et renovatiónis

Spíritus sancti, quem effúdit in nos abúnde per Jesum Christum Salvatórem nostrum : ut justificáti grátia ipsius, herédes simus secúndum spem vitæ æternæ.

℞. Misericórdia tua. 330.

Lectio iij.

FIDÉLIS sermo est : et de his volo te confirmáre : ut curent bonis opéribus præesse qui credunt Deo. Hæc sunt bona, et utilia hominibus. Stultas áutem quæstiónes, et genealogías, et contentiónes, et pugnas legis devita. Sunt enim inútiles et vanæ. Hæreticum hóminem post unam, et secúndam correptionem devita : sciens quia subvêrsus est, qui ejúsmodi est, et delinquit, cum sit próprio iudicio condemnátus.

℞. Factus est. 330.

SABBATO

Incipit Epístola beáti Páuli Apóstoli ad Philémonem.

Lectio j. Cap. 1.

PÁULUS vinctus Christi Jesu, et Timótheus frater : Philémoni dilécto, et adjutóri nostro, et Appiæ soróri carissimæ, et Archippo commilitóni nostro, et Ecclesiæ quæ in domo tua est. Grátia vobis, et pax a Deo Patre nostro, et Dómino Jesu Christo. Grátias ago Deo meo, semper memóriam tui fáciens in orationibus meis, áudiens caritatem tuam, et fidem, quam

habes in Dómino Jesu, et in omnes sanctos : ut communicatio fidei tuæ évidens fiat in agnitióne omnis óperis boni, quod est in vobis in Christo Jesu.

℞. Ne perdideris. 328.

Lectio ij.

GÁUDIUM enim magnum hábui, et consolatióne in caritate tua : quia viscera sanctorum requieverunt per te frater. Propter quod multam fidúciā habens in Christo Jesu imperandi tibi quod ad rem pértinet : propter caritatem magis óbsecro, cum sis talis, ut Páulus senex, nunc áutem et vinctus Jesu Christi : Obsecro te pro meo filio, quem genui in vinctulis, Onésimo, qui tibi aliquándo inútilis fuit, nunc áutem et mihi, et tibi útilis, quem remisi tibi.

℞. Parátum cor. 328.

Lectio iij.

TU áutem illum, ut mea viscera, súscipe : quem ego volúeram mecum detinere, ut pro te mihi ministráret in vinctulis Evangelii : sine consilio áutem tuo nihil volui fácere, uti ne velut ex necessitate bonum tuum esset, sed voluntarium. Fórsitan enim ideo discéssit ad horam a te, ut ætérnum illum reciperes : jam non ut servum, sed pro servo caríssimum fratrem, máxime mihi : quanto áutem magis tibi et in carne, et in Dómino? Si ergo habes me

sóciū, súscipe illum sicut me : si áutem áliquíd nócuit tibi, aut debet : hoc mihi imputa. Ego Páulus scripsi mea manu.

℞. Adjútor meus. 329.

AD VESPERAS

Oratio.

PRÆSTA, quæsumus omnipotens Deus : ut semper rationabilia meditantes, quæ tibi sunt plácita, et dictis exsequámur, et factis. Per Dñm.

DOM. VI. POST EPIPHANIAM

IN I. NOCTURNO

Incipit Epístola beáti Páuli Apóstoli ad Hebræos.

Lectio j. Cap. 1.

MULTIFÁRIAM, multisque modis olim Deus loquens pátribus in Prophétis : novíssime, diébus istis locútus est nobis in Filio, quem constituit herédem universórum, per quem fecit et sæcula : qui cum sit splendor glóriæ, et figúra substantiæ ejus, portánsque ómnia verbo virtútis suæ, purgatióne peccatórum fáciens, sedet ad dexteram majestátis in excélsis : tanto mélior Angelis effectus, quanto différentius præ illis nomen hereditávit.

℞. Dómine ne in ira. 323.

Lectio ij.

CUI enim dixit aliquándo Angelórum : Filius meus es tu, ego hódie genui te? Et rursum : Ego ero illi in patrem, et ipse erit mihi in filium? Et cum iterum in-

trōducit primogénitum in orbem terræ, dicit : Et adorēt eum omnes Angeli Dei. Et ad Angelos quidem dicit : Qui facit Angelos suos spiritus, et ministros suos flammam ignis. Ad Filium autem : Thronus tuus Deus in sæculum sæculi : virga æquitatis, virga regni tui. Dilexisti iustitiam, et odisti iniquitatem : propterea unxit te Deus, Deus tuus oleo exultationis præ participibus tuis.

R. Deus, qui sedes. 323.

Lectio iij.

ET : Tu in principio Domine terram fundasti : et opera manuum tuarum sunt cæli. Ipsi peribunt, tu autem permanebis, et omnes ut vestimentum veterascent : et velut amictum mutabis eos, et mutabuntur : tu autem idem ipse es, et anni tui non deficient. Ad quem autem Angelorum dixit aliquando : Sede a dextris meis, quoadusque ponam inimicos tuos scabellum pedum tuorum? Nonne omnes sunt administratorii spiritus, in ministerium missi propter eos, qui hereditatem capient salutis?

R. A dextris est mihi. 323.

IN II. NOCTURNO

Sermo sancti Athanasii
Episcopi.

**Orat. 2. contra Arianos.
post medium.**

Lectio iv.

Si personam, rem, tempus apostolici dicti cognoscerent hæretici, numquam

humana in deitatem transferentes, tam impie et stulte adversus Christum sese habuissent. Id intueri licebit, si initium lectionis denuo repetitum probe excipias. Dicit enim Apostolus : Multifariam, multisque modis olim Deus locutus est patribus nostris per Prophetas : ultimis autem diebus locutus est nobis in Filio. Atque ita paulo post dicit : Perfecta ab eo nostrorum peccatorum purificatione, ipsum sedere ad dexteram maiestatis in excelsis, tanto meliorem Angelis factum, quanto prestantius nomen pre illis sortitus est. De eo igitur tempore, quo nobis per Filium locutus est, cum peccatorum purgatio fieret, apostolicum dictum mentionem facit. Quando autem nobis locutus est in Filio, aut quando purgatio peccatorum facta, aut quando natus est homo, nisi post Prophetas, idque in ultimis diebus?

R. Notas mihi fecisti. 324.

Lectio v.

DEINDE cum narratio instituta esset de humana Verbi dispensatione, deque ultimis temporibus : consequenter commemoravit, Deum neque superioribus ætatibus tacuisse, sed locutum esse per Prophetas : et postquam Prophetæ suo officio perfuncti sunt, et lex per Angelos pronuntiata est, et Filius etiam ad nos de-

scéndit, et ad ministrándum accéssit; tunc demum neces-sário subíntulit : Tanto mé-lior Angelis factus : ostén-dere volens, quanto Filius præ servo excéllit, tanto fun-ctióne officióque servórum Filii administratióne me-liórem fuisse.

R. Diligam. 324.

Lectio vj.

FUNCTIÓEM igitur discér-nens Apóstolus, tum vé-terem, tum novam, magna dicéndi libertáte útitur, ad Judæos scribens et loquens. Propter hoc igitur non in univérsum ex própria com-paratiónis ratióne dixit, quod major aut honorátior esset : ne quis quasi de ejús-dem géneris, et cum eo comúnibus rebus hæc ver-ba intelligeret : sed ideo meliorem illum dixit, ut discrimen natúræ Filii ad res creátas indicáret.

R. Dómini est. 324.

IN III. NOCTURNO

Léctio sancti Evangélíi se-cúndum Matthæum.

Lectio vij. Cap. 13. d

IN illo témpore : Dixit Jesus turbis parábolam hanc : Simile est regnum cælórum grano sinápis, quod acci-piens homo seminávit in agro suo. Et réliqua.

Homilia sancti Hierónymi
Presbýteri.

Lib. 2. Comm. in cap. 13.

Matth.

REGNUM cælórum prædi-catio Evangélíi est, et

notítia Scripturárum, quæ ducit ad vitam, et de qua dicitur ad Judæos : Auferé-tur a vobis regnum Dei, et dábitur genti faciénti fructus ejus. Simile est ergo hujus-cémodi regnum grano siná-pis, quod accípiens homo seminávit in agro suo. Homo qui séminat in agro suo, a plerisque Salvátor intelligi-tur, quod in ánimis credén-tium séminet : ab áliis ipse homo séminans in agro suo, hoc est in semetipso, et in corde suo.

R. Ad te Dómine. 325.

Lectio viij.

QUIS est iste, qui séminat, nisi sensus noster et áni-mus; qui suscipiens granum prædicatiónis, et fovens se-méntem, humóre fidei facit in agro sui péctoris pullu-láre? Prædicatio Evangélíi minima est ómnibus disci-plinis. Ad primam quippe doctrinam, fidem non habet veritátis, hóminem Deum, Christum mórtuum, et scán-dalum crucis prædicans. Confer hujuscémodi doctri-nam dogmátibus philoso-phórum, et libris eórum, et splendóri eloquentiæ, et compositióri sermónum : et vidébis quanto minor sit cæteris seminibus seméntis Evangélíi.

R. Duo Séraphim. 325.

Lectio ix.

SED illa cum créverint, ni-hil mordax, nihil vivi-dum, nihil vitále demón-

strant : sed totum fláccidum marcidúmque et mollitum ebúllit in ólera et in herbas, quæ cito aréscunt et cór-ruunt. Hæc áutem prædicá-
tio, quæ parva videbátur in principio, cum vel in ánima credéntis, vel in toto mundo sata fúerit, non exsúrgit in ólera, sed crescit in árbo-rem : ita ut vólucres cæli (quas vel ánimas credén-
tium, vel fortitúdines, Dei servitio mancipátas, sentire debémus) véniant et hábi-
tent in ramis ejus. Ramos puto evangélicæ árboris, quæ de grano sinápis cré-
verit, dógmatum esse diver-
sitátes, in quibus supradic-
tárum vólucrum unaquæ-
que requiêscit.

Te Deum laudámus. 17.

Ad Bened. Ant. Simile est
* regnum cælórum grano
sinápis, quod mínimum est
ómnibus semínibus : cum
áutem créverit, majus est
ómnibus oléribus.

Ÿ. Dóminus regnávít, de-
córém induit. **Ŕ.** Induit Dó-
minus fortitúdinem, et præ-
cínxit se virtúte.

Oratio.

PRÆSTA, quæsumus omni-
potens Deus : ut semper
rationabilia meditántes, quæ
tibi sunt plácita, et dictis
exsequámur, et factis. Per
Dóminum.

Ad Magnif. Ant. Simile est
regnum cælórum ferménto,
quod accéptum múlter abs-
cóndit in farínæ satis tri-

bus, donec fermentátum est
totum.

Ÿ. Dirigátur Dómine orá-
tio mea. **Ŕ.** Sicut incénsum
in conspéctu tuo.

FERIA SECUNDA

De Epístola ad Hebræos.

Lectio j. Cap. 3.

UNDE fratres sancti, voca-
tiónis cæléstis partici-
pes, consideráte Apóstolum
et Pontificem confessiónis
nostræ Jesum : qui fidélis est
ei, qui fecit illum sicut et
Móyses in omni domo ejus.
Ampliórís enim glóriæ iste
præ Móyse dignus est hábi-
tus, quanto ampliorem ho-
nórem habet domus, qui
fabricávit illam. Omnis nam-
que domus fabricátur ab
áliquo : qui áutem ómnia
creávit, Deus est.

Ŕ. Quam magna. 326.

Lectio ij.

ET Móyses quidem fidélis
erat in tota domo ejus
tamquam fámulus, in testi-
mónium eórum, quæ dicén-
da erant : Christus vero tam-
quam filius in domo sua :
quæ domus sumus nos, si
fidúciám, et glóriám spei
usque ad finem firmam reti-
neámus. Quaprópter sicut
dicit Spíritus sanctus : Hódie
si vocem ejus audiéritis,
nolite obduráre corda ve-
stra, sicut in exacerbatióne
secúndum diem tentatiónis
in desérto.

Ŕ. Adjútor meus. 326.

Lectio iij.

VIDÉTE fratres, ne forte sit in aliquo vestrum cor malum incredulitátis, discédendi a Deo vivo : sed adhortámini vosmetipsos per singulos dies, donec Hódie cognomináture, ut non obdurétur quis ex vobis fallácia peccáti. Partícipes enim Christi effecti sumus : si tamen initium substantiæ ejus usque ad finem firmum retineamus. Dum dicitur : Hódie si vocem ejus audieritis, nolite obdurare corda vestra, quemadmodum in illa exacerbatióne. Quidam enim audiéntes exacerbaverunt : sed non universi qui profecti sunt ex Ægypto per Móysen.

℞. Benedicam. 327.

FERIA TERTIA

De Epistola ad Hebræos.

Lectio j. Cap. 4.

TIMEÁMUS ergo, ne forte relicta pollicitatióne introeundi in requiem ejus, existimétur aliquis ex vobis deesse. Etenim et nobis nuntiátum est, quemadmodum et illis. Sed non profuit illis sermo auditus, non admixtus fidei ex iis, quæ audierunt. Ingrediemur enim in requiem, qui credidimus : quemadmodum dixit : Sicut jurávi in ira mea : Si introibunt in requiem meam : et quidem opéribus ab institutióne mundi perfectis.

℞. Auribus percipe. 327.

Lectio iij.

DIXIT enim in quodam loco de die séptima sic : Et requiévít Deus die séptima ab ómnibus opéribus suis. Et in isto rursum : Si introibunt in requiem meam. Quóniam ergo súperest introire quosdam in illam, et ii, quibus prióribus annuntiátum est, non introierunt propter incredulitatem : iterum términat diem quemdam, Hódie, in David dicéndo, post tantum téporis, sicut supra dictum est : Hódie si vocem ejus audieritis, nolite obdurare corda vestra.

℞. Státuit Dóminus supra. 327.

Lectio iij.

NAM si eis Jesus requiem præstitisset, numquam de alia loquerétur, posthac, die. Itaque relinquitur sabbatismus pópulo Dei. Qui enim ingressus est in requiem ejus : étiam ipse requiévít ab opéribus suis, sicut a suis Deus. Festinémus ergo ingredi in illam requiem : ut ne in idípsum quis incidat incredulitátis exémpulum. Vivus est enim sermo Dei, et éfficax, et penetrabilior omni gládio accipiti : et pertingens usque ad divisióne animæ ac spíritus, compágum quoque ac medullarum, et discrétor cogitatónum et intentiónum cordis.

℞. Ego dixi. 328.

FERIA QUARTA

De Epístola ad Hebræos.

Lectio j. Cap. 6.

QUAPRÓPTER intermit-
tentes inchoatiónis Chri-
sti sermónem, ad perfectióra
ferámur, non rursum ja-
ciéntes fundaméntum pœni-
téntiæ ab opéribus mórtuis,
et fidei ad Deum, baptisma-
tum doctrinæ, impositiónis
quoque mánuum, ac resur-
rectiónis mortuórum, et ju-
dicii ætérni. Et hoc facié-
mus, si quidem permiserit
Deus.

*R. Ne perdideris. 328.**Lectio ij.*

IMPOSSÍBILE est enim eos,
qui semel sunt illumináti,
gustavérunt étiam donum
cæléste, et partícipes facti
sunt Spíritus sancti, gusta-
vérunt nihilóminus bonum
Dei verbum, virtutésque
sæculi ventúri, et prolápsi
sunt; rursus renovári ad
pœniténtiam, rursum cru-
cifigéntes sibimetípsis Fí-
lium Dei, et osténtui habén-
tes.

*R. Parátum cor. 328.**Lectio iij.*

TERRA enim sæpe venién-
tem super se bibens im-
brem, et génerans herbam
opportúnam illis, a quibus
cólitur: áccipit benedictió-
nem a Deo. Próferens áutem
spinas ac tribulos, réproba
est, et maledicto próxima:
cujus consummátio in com-
bustiónem. Confidimus áu-

tem de vobis dilectíssimi
melióra, et vicinióra salúti:
tamétsi ita lóquimur. Non
enim injústus Deus, ut obli-
viscátur óperis vestri, et di-
lectiónis, quam ostendistis
in nómine ipsíus, qui mini-
strástis sanctis, et ministrá-
tis.

R. Adjútor meus. 329.

FERIA QUINTA

De Epístola ad Hebræos.

Lectio j. Cap. 7.

HIC enim Melchisedech,
rex Salem, sacérdos Dei
summi, qui obviávit Abrahæ
regresso a cæde regum, et
benedixit ei: cui et décimas
ómnium divisit Abraham:
primum quidem qui inter-
pretátur rex justitiæ: deinde
áutem et rex Salem, quod
est, rex pacis, sine patre,
sine matre, sine genealogía,
neque initium diérum, ne-
que finem vitæ habens, as-
similátus áutem Filio Dei,
manet sacérdos in perpé-
tuum.

*R. Deus in te sperávi. 329.**Lectio ij.*

INTUÉMINI áutem quantus
dedit de præcípuiis Abraham
patriárcha. Et quidem de
filiis Levi sacerdotium acci-
piéntes, mandátum habent
décimas súmeré a pópulo
secúndum legem, id est, a
frátribus suis: quamquam
et ipsi exierint de lumbis
Abrahæ. Cujus áutem gene-
rátio non annumerátur in

eis, décimas sumpsit ab Abraham, et hunc, qui habebat repromissiones, benedixit.

R. Repleatur. 329.

Lectio iij.

SINE ulla autem contradictione, quod minus est, a meliøre benedicitur. Et hic quidem décimas morientes homines accipiunt: ibi autem contestatur, quia vivit. Et (ut ita dictum sit) per Abraham, et Levi, qui décimas accepit, decimatus est: adhuc enim in lumbis patris erat, quando obviavit ei Melchisedech. Si ergo consummatio per sacerdotium Leviticum erat (populus enim sub ipso legem accepit) quid adhuc necessarium fuit secundum ordinem Melchisedech, alium surgere sacerdotem, et non secundum ordinem Aaron dici? Translato enim sacerdotio, necesse est ut et legis translatio fiat.

R. Gaudébunt lábia. 330.

FERIA SEXTA

De Epistola ad Hebræos.

Lectio j. Cap. 11.

EST autem fides sperandarum substantia rerum, argumentum non apparentium. In hac enim testimonium consecuti sunt senes. Fide intelligimus aptata esse sæcula verbo Dei: ut ex invisibilibus visibilia fierent. Fide plurimam hostiam Abel,

quam Cain, obtulit Deo, per quam testimonium consecutus est esse justus, testimonium perhibente munerebus ejus Deo, et per illam defunctus adhuc loquitur.

R. Confitebor. 330.

Lectio ij.

FIDE Henoch translatus est ne videret mortem, et non inveniebatur: quia transtulit illum Deus: ante translationem enim testimonium habuit placuisse Deo. Sine fide autem impossibile est placere Deo. Credere enim oportet accedentem ad Deum quia est, et inquirentibus se remunerator sit. Fide Noë, responso accepto de iis, quæ adhuc non videbantur, metuens aptavit arcam in salutem domus suæ, per quam damnavit mundum: et justitiæ, quæ per fidem est, heres est institutus.

R. Misericordia tua. 330.

Lectio iij.

FIDE qui vocatur Abraham obedivit in locum exire, quem accepturus erat in hereditatem: et exiit, nesciens quo iret. Fide demoratus est in terra repromissionis, tamquam in aliëna, in casulis habitando cum Isaac et Jacob coheredibus repromissionis ejusdem. Expectabat enim fundamenta habentem civitatem: cujus artifex et conditor Deus.

R. Factus est. 330.

SABBATO

De Epistola ad Hebræos.

Lectio j. Cap. 13.

CARITAS fraternitatis máneat in vobis. Et hospitalitatem nolite oblivisci : per hanc enim latuerunt quidam, Angelis hospitio receptis. Mementote vincitorum, tamquam simul victi : et laborantium, tamquam et ipsi in corpore morantes. Honorabile connubium in omnibus, et thorus immaculatus. Fornicatores enim, et adulteros iudicabit Deus.

*R. Ne perdidideris. 328.**Lectio ij.*

SINT mores sine avaritia, contenti presentibus : ipse enim dixit : Non te deseram, neque derelinquam. Ita ut confidenter dicamus : Dominus mihi adiutor : non timebo quid faciat mihi homo. Mementote prepositorum vestrorum, qui vobis locuti sunt verbum Dei : quorum intuentes exitum conversationis, imitamini fidem. Jesus Christus heri, et hodie : ipse et in secula.

*R. Paratum cor. 328.**Lectio iij.*

DOCTRINIS variis et peregrinis nolite abduci. Optimum est enim gratia stabilire cor, non escis : quæ non profuerunt ambulantibus in eis. Habemus altare, de quo edere non habent potestatem qui tabernaculo deserviunt. Quorum enim

animalium infertur sanguis pro peccato in Sancta per Pontificem, horum corpora cremantur extra castra. Propter quod et Jesus, ut sanctificaret per suum sanguinem populum, extra portam passus est.

R. Adjutor meus. 329.

Si aliquod Festum Duplex celebretur in Sabbato ante Septuag., in II. Vesp. post Orat. Festi sit Commem. de Dom. : et in fine dicitur Benedicamus Domino, alleluia, alleluia, etc. ut infra.

SABBATO ANTE SEPTUAGESIMAM
AD VESPERAS*Capitulum. I. Cor. 9. d.*

FRATRES : Nescitis quod ii qui in stadio currunt, omnes quidem currunt, sed unus accipit bravium? Sic currite ut comprehendatis.

Hymn. Jam sol. 147.

V. Vespertina oratio ascendat ad te Domine. R. Et descendat super nos misericordia tua.

*Ad Magnif. Ant. Dixit Dominus * ad Adam : De ligno quod est in medio paradisi, ne comedas : in qua hora comederis, morte morieris.*

Oratio.

PRECES populi tui, quaesumus Domine, clementer exaudi : ut qui juste pro peccatis nostris affligimur, pro tui nominis gloria misericorditer liberemur. Per Dominum.

V. Benedicamus Domino,

allelúia, allelúia. *R.* Deo grátias, allelúia, allelúia.

Et deinceps non dicitur Allelúia, usque ad Sabbatum sanctum. Sed post Deus in adiutorium, ubi dicebatur Allelúia, dicitur Laus tibi Dómine Rex æternæ glóriæ.

Si in Dominicis a Septuag. usque ad Dom. in Albis occurrat Festum Duplex quod transferri valeat, transfertur in primam diem non impeditam. De aliis vero Dupl. vel Semid. fit tantum Commem. in utrisque Vesp. et Laud., ut dicitur in Rubr. de Commemorationibus.

DOMINICA IN SEPTUAGESIMA

AD MATUTINUM

Invit. Præoccupémus faciē Dómini : * Et in psalmis jubilémus ei.

Ps. Veníte, exsultémus. 2.

In primo Versu Psalmi omittitur Præoccupémus faciē ejus, etc. et ejus loco repetitur a Choro Invitatorium.

Hymn. Primo die. 2.

Ant., Psalmi et Versiculi Nocturnorum de Psalt. 3.

IN I. NOCTURNO

Incipit liber Génesis.

Lectio j. Cap. 1.

IN principio creávit Deus cælum, et terram. Terra autem erat inánis et vácuá, et ténebræ erant super faciē abyssi : et Spiritus Dei ferebátur super aquas. Dixitque Deus : Fiat lux. Et facta est lux. Et vidit Deus lucem

quod esset bona : et divisit lucem a ténebris. Appellavitque lucem Diem, et ténebras Noctem : factúmque est vespere et mane, dies unus. Dixit quoque Deus : Fiat firmaméntum in médio aquarum : et dividat aquas ab aquis. Et fecit Deus firmaméntum, divisitque aquas, quæ erant sub firmaménto, ab his, quæ erant super firmaméntum. Et factum est ita. Vocavitque Deus firmaméntum, Cælum : et factum est vespere et mane, dies secúndus.

R. In principio creávit Deus cælum et terram, et fecit in ea hóminem, * Ad imáginem et similitúdinem suam. *Y.* Formávit igitur Deus hóminem de limo terræ, et inspirávit in faciē ejus spiráculum vitæ. Ad.

Lectio ij.

DIXIT vero Deus : Congrégentur aquæ, quæ sub cælo sunt, in locum unum : et appareat árida. Et factum est ita. Et vocávit Deus áridam, Terram, congregatiónesque aquarum appellávit Mária. Et vidit Deus quod esset bonum. Et ait : Géminet terra herbam viréntem et faciéntem semen, et lignum pomíferum faciē fructum juxta genus suum, cujus semen in semetípso sit super terram. Et factum est ita. Et prútulit terra herbam viréntem, et faciéntem semen juxta genus suum, li-

gnúmque fáciens fructum, et habens unumquódque seméntem secúndum spéciem suam. Et vidit Deus quod esset bonum. Et factum est vespere et mane, dies tértius. Dixit áutem Deus : Fiant luminária in firmaménto cæli, et dividant diem ac noctem, et sint in signa et témpora, et dies et annos : ut lúceant in firmaménto cæli, et illúminent terram. Et factum est ita. Fecitque Deus duo luminária magna : lumináre majus, ut præesset diéi : et lumináre minus, ut præesset nocti : et stellas. Et pósuit eas in firmaménto cæli, ut lucérent super terram, et præessent diéi ac nocti, et dividerent lucem ac ténebras. Et vidit Deus quod esset bonum. Et factum est vespere et mane, dies quartus.

R. In principio creávit Deus cælum et terram, et Spiritus Dei ferebátur super aquas : * Et vidit Deus cuncta quæ fécerat, et erant valde bona. **V.** Igitur perfécti sunt cæli et terra, et omnis ornátus eórum. Et.

Lectio iij.

DIXIT étiam Deus : Producant aquæ réptile ánimæ vivéntis, et volátile super terram sub firmaménto cæli. Creávitque Deus cete grándia, et omnem ánimam vivéntem atque motábilem, quam produxerant aquæ in espécies suas, et omne volá-

tile secúndum genus suum. Et vidit Deus quod esset bonum. Benedixitque eis, dicens : Créscite, et multiplicámini, et repléte aquas maris : avésque multiplicéntur super terram. Et factum est vespere et mane, dies quintus. Dixit quoque Deus : Producat terra ánimam vivéntem in génere suo, juménta, et reptilia, et béstias terræ secúndum espécies suas. Factúmque est ita. Et fecit Deus béstias terræ juxta espécies suas, et juménta, et omne réptile terræ in génere suo. Et vidit Deus quod esset bonum, et ait : Faciámus hóminem ad imáginem et similitúdinem nostram : et præsit piscibus maris, et volatilibus cæli, et béstiiis, universæque terræ, omnique réptili, quod movétur in terra.

R. Formávit Dóminus hóminem de limo terræ, * Et inspirávit in fáciem ejus spiráculum vitæ, et factus est homo in ánimam vivéntem. **V.** In principio fecit Deus cælum et terram, et plasmávit in ea hóminem. Et. Glória Patri. Et.

IN II. NOCTURNO

Ex libro Enchirídii sancti Augustini Episcopi.

Cap. 25. 26. et 27. Tom. 3.

Lectio iv.

MORTIS supplicium Dóminus hómini comminátus fúerat, si peccáret : sic eum múnérans libero arbitrio, ut

tamen régeret império, ter-
rérét exitio : atque in para-
disi felicitáte, tamquam in
umbra vitæ, unde justitia
custodita in melióra con-
scénderet, collocávit. Hinc
post peccátum exsul effé-
ctus, stirpem quoque suam,
quam peccádo in se tam-
quam in radice vitiáverat,
pœna mortis et damnatióne
obstrinxit : ut quidquid pro-
lis ex illo, et simul damnáta,
per quam peccáverat, cón-
juge, per carnálem concu-
piscéntiam, in qua inobe-
diéntiæ pœna similis retri-
búta est, nascerétur, tráhe-
ret originále peccátum, quo
traherétur per erróres dolo-
résque diversos ad illud
extrémum cum desertóribus
ángelis, vitiátoribus et pos-
sessoribus et consórtibus
suis sine fine supplicium.

℞. Tulit Dóminus hómi-
nem, et pósuit eum in para-
diso voluptátis : * Ut opera-
rétur et custodíret illum.
V. Plantáverat áutem Dómi-
nus Deus paradísium volu-
ptátis a princípío, in quo
pósuit hóminem quem for-
máverat. Ut.

Lectio v

Sic per unum hóminem pec-
cátum intrávit in mun-
dum, et per peccátum mors :
et ita in omnes hómines per-
tránsiit, in quo omnes pec-
cavérunt. Mundum quippe
appellávit eo loco Apóstolus
univérsum genus humánum.
Ita ergo res se habébant.

Jacébat in malis, vel étiam
volvebátur, et de malis in
mala præcipitabátur totius
humáni géneris massa da-
mnáta : et adjúcta parti
eórum, qui peccáverant,
angelórum, luébat impiæ
desertiónis digníssimas pœ-
nas.

℞. Dixit Dóminus Deus :
Non est bonum hóminem
esse solum : * Faciámus ei
adjutórium simile sibi. V.
Adæ vero non inveniebátur
adjutor similis sibi : dixit
vero Deus. Faciámus.

Lectio xj.

Ad iram quippe Dei pérti-
net justam, quidquid
cæca et indómíta concupi-
scéntia fáciunt libénter mali,
et quidquid maniféstis oper-
tisque pœnis patiúntur in-
vítí : non sane Creatóris de-
sisténtie bonitáte, et malis
ángelis subministráre vitam,
vivacémque poténtiam, (quæ
subministrátio si auferátur,
interibunt) et hóminum,
quamvis de propágine vitiáta
damnatáque nascéntium,
formáre sémína, et animáre,
et ordináre membra per tém-
porum ætates, per locórum
spátia vegetáre sensus, ali-
ménta donáre. Mélius enim
judicávit de malis bene fá-
cere, quam mala nulla esse
permítere.

℞. Immisit Dóminus sopó-
rem in Adam, et tulit unam
de costis ejus : * Et ædificá-
vit costam, quam túlerat
Dóminus de Adam, in mu-

lierem, et addúxit eam ad Adam, ut vidéret quid vocáret eam : * Et vocávit nomen ejus Virágo, quia de viro sumpta est. ✠. Cumque obdormisset, tulit unam de costis ejus, et replévit carnem pro ea. Et ædificávit. Glória Patri. Et vocávit.

IN III. NOCTURNO

Léctio sancti Evangélii secúndum Matthæum.

Lectio vij. Cap. 20.

IN illo témpore : Dixit Jesus discipulis suis parábolam hanc : Simile est regnum cælórum hómini patrifamílias, qui éxiit primo mane conducere operários in vineam suam. Et reliqua.

Homília sancti Gregórii Papæ.

Homil. 19. in Evangelium post principium.

REGNUM cælórum hómini patrifamílias simile dicitur, qui ad excoléndam vineam suam operários conducit. Quis vero patrisfamílias similitúdinem réctius tenet, quam Cónditor noster, qui regit quos cóndidit, et eléctos suos sic in hoc mundo póssidet, quasi subjéctos dóminus in domo ? Qui habet vineam, universálem scilicet Ecclésiam, quæ ab Abel justo usque ad últimum eléctum, qui in fine mundi nascitúrus est, quot sanctos prótulit, quasi tot pálmities misit.

✠. Plantáverat áutem Dó-

minus Deus paradísus voluptátis a principio : * In quo pósuit hóminem, quem formáverat. ✠. Produxitque Dóminus Deus de humo omne lignum pulchrum visu, et ad vescéndum suáve ; lignum étiam vitæ in médio paradisi. In quo.

Lectio viij.

HIC itaque paterfamilias ad excoléndam vineam suam, mane, hora tértia, sexta, nona, et undécima operários conducit : quia a mundi hujus iníitio usque in finem, ad erudiéndam plebem fidélium, prædicatóres congregáre non desistit. Mane etenim mundi fuit ab Adam usque ad Noë : hora vero tértia a Noë usque ad Abraham : sexta quoque ab Abraham usque ad Móysen : nona áutem a Móyse usque ad advéntum Dómini : undécima vero ab advéntu Dómini usque ad finem mundi. In qua prædicatóres sancti Apóstoli missi sunt, qui mercédem plenam et tarde veniéntes acceperunt.

✠. Ecce Adam quasi unus ex nobis factus est sciens bonum et malum : * Vidéte, ne forte sumat de ligno vitæ, et vivat in ætérnum. ✠. Fecit quoque Dóminus Deus Adæ tunicam pelliceam, et induit eum, et dixit. Vidéte.

Lectio ix.

Ad erudiéndam ergo Dóminus plebem suam, quasi ad excoléndam vineam

suam, nullo tēpore dēstitit operários mittere : quia et prius per Patres, et póstmodum per legis Doctóres et Prophétas, ad extrémum vero per Apóstolos, dum plebis suæ mores excóluit, quasi per operários in vineæ cultúra laborávit : quamvis in quólibet módulo vel mensúra, quisquis cum fide recta bonæ prædicátor actiōnis éxstitit, hujus vineæ operárius fuit. Operátor ergo mane, hora tértia, sexta, et nona, antiquus ille et Hebraicus pópulus designátur : qui in eléctis suis ab ipso mundi exórdio, dum recta fide Deum stúduit cólere, quasi non dēstitit in vineæ cultúra laboráre. Ad undécimam vero gentiles vocántur, quibus et dicitur : Quid hic statis tota die otiósi?

℟. Ubi est Abel frater tuus? dixit Dóminus ad Cain. Nescio Dómine, numquid custos fratris mei sum ego? Et dixit ad eum : Quid fecisti? * Ecce vox ságuinis fratris tui Abel clamat ad me de terra. ✠. Maledictus eris super terram, quæ apérui os suum, et suscepit ságuinem fratris tui de manu tua. Ecce. Glória Patri. Ecce.

Nonum ℟. dicitur in Dominica usque ad Pascha loco Hymni Te Deum. qui non dicitur hoc tempore, nisi in Festis.

AD LAUDES

Ant. 1. Miserére mei.

Psalmus 50.

MISERÉRE mei Deus, * secúndum magnam misericórdiam tuam.

Et secúndum multitudinem miserationum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et peccátum meum contra me est semper.

Tibi soli peccávi, et malum coram te feci : * ut iustificéris in sermónibus tuis, et vincas cum iudicáris.

Ecce enim in iniquitátibus concéptus sum : * et in peccátis concépit me mater mea.

Ecce enim veritátem dilexisti : * incérta et occúlta sapiéntiæ tuæ manifestásti mihi.

Aspérges me hyssópo, et mundábor : * lavábis me, et super nivem dealbábor.

Auditui meo dabis gáudium et lætítiam : * et exultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me Deus : * et spiritum rectum innova in viscéribus meis.

Ne projicias me a faciē tua : * et Spíritum sanctum tuum ne áuferas a me.

Redde mihi lætítiam salutaris tui : * et spírítu principalí confirma me.

Docébo iniquos vias tuas : *
et impii ad te converténtur.

Libera me de sanguinibus
Deus, Deus salútis meæ : *
et exsultábit lingua mea iu-
stitiam tuam.

Dómine, lábia mea apé-
ries : * et os meum annun-
tiábit láudem tuam.

Quóniam si voluisses sa-
crificium, dedissem útique : *
holocáustis non delectábe-
ris.

Sacrificium Deo spíritus
contribulátus : * cor contri-
tum, et humiliátum Deus
non despícies.

Benigne fac Dómine in
bona voluntáte tua Sion : *
ut ædificéntur muri Jerúsa-
lem.

Tunc acceptábis sacrifi-
cium iustitiæ, oblatiónes,
et holocáusta : * tunc im-
pónent super altáre tuum
vitulos.

Ant. 1. Miserére mei Deus,
et a delicto meo munda me :
quia tibi soli peccávi.

Ant. 2. Confitébor.

Psalmus 117.

CONFITÉMINI Dómino quón-
iam bonus : * quóniam
in sæculum misericórdia
ejus.

Dicat nunc Israël quóniam
bonus : * quóniam in sæcu-
lum misericórdia ejus.

Dicat nunc domus Aaron : *
quóniam in sæculum mise-
ricórdia ejus.

Dicant nunc qui timent
Dóminum : * quóniam in sæ-
culum misericórdia ejus.

De tribulatióne invocávi
Dóminum : * et exaudivit me
in latitúdine Dóminus.

Dóminus mihi adjútor : *
non timébo quid fáciat mihi
homo.

Dóminus mihi adjútor : *
et ego despíciam inimicos
meos.

Bonum est confidere in
Dómino, * quam confidere
in hómine.

Bonum est speráre in Dó-
mino, * quam speráre in
principibus.

Omnes Gentes circuié-
runt me : * et in nómine
Dómini quia ultus sum in
eos.

Circumdántes circumde-
dérunt me : * et in nómine
Dómini quia ultus sum in
eos.

Circumdedérunt me sicut
apes, et exarsérunt sicut
ignis in spinis : * et in nó-
mine Dómini quia ultus sum
in eos.

Impúlsus evérsus sum ut
cáderem : * et Dóminus sus-
cepit me.

Fortitúdo mea, et laus
mea Dóminus : * et factus
est mihi in salútem.

Vox exsultatiónis, et sa-
lútis * in tabernáculis justó-
rum.

Déxtera Dómini fecit vir-
tútem : déxtera Dómini exal-
távit me, * déxtera Dómini
fecit virtútem.

Non móriar, sed vivam : *
et narrábo ópera Dómini.

Castigans castigávit me

Dóminus : * et morti non trádidit me.

Aperite mihi portas justitiæ, ingrëssus in eas confitébor Dómino : * hæc porta Dómini, justi intrábunt in eam.

Confitébor tibi quóniam exaudisti me : * et factus es mihi in salútem.

Lápidem, quem reprobavérunt ædificántes : * hic factus est in caput ánguli.

ADómino factum est istud : * et est mirábile in óculis nostris.

Hæc est dies, quam fecit Dóminus : * exsultémus, et lætémur in ea.

O Dómine salvum me fac, o Dómine bene prosperáre : * benedictus qui venit in nómine Dómini.

Benediximus vobis de domo Dómini : * Deus Dóminus, et illúxit nobis.

Constitúite diem solémnem in condénsis, * usque ad cornu altáris.

Deus meus es tu, et confitébor tibi : * Deus meus es tu, et exaltábo te.

Confitébor tibi quóniam exaudisti me : * et factus es mihi in salútem.

Confitémini Dómino quóniam bonus : * quóniam in sæculum misericórdia ejus.

Ant. 2. Confitébor tibi, quóniam exaudisti me.

Ant. 3. Deus Deus meus, * ad te de luce vígilo, quia factus es adjútor meus.

Ps. 62. Deus Deus meus. 18.

Ant. 4. Benedictus es * in firmaménto cæli, et laudábilis in sæcula, Deus noster.

Cant. Benedicite. 19.

Ant. 5. Laudáte * Dóminus de cælis.

Ps. Laudáte Dóminus de cælis. 20.

Capitulum. I. Cor. 9. d

FRATRES : Nescitis quod ii qui in stádio currunt, omnes quidem currunt, sed unus áccipit bravium? Sic cúrrite ut comprehendátis.

Hymn. Ætérne rerum Cónditor. 21.

V. Dómine refúgium factus es nobis. **R.** A generatióne et progénie.

Ad Bened. Ant. Simile est * regnum cælórum hómini patrifamilias, qui éxiit primo mane conducere operários in vineam suam, dicit Dóminus.

Oratio.

PRECES pópuli tui, quæsumus Dómine, cleménter exáudi : ut qui juste pro peccátis nostris affligimur, pro tui nóminis glória misericórditer liberémur. Per Dñum.

AD PRIMAM

Ant. Conventiόne áutem * facta cum operáriis ex denário diúrno, misit eos in vineam suam.

Ps. Deus in nómine tuo. **cum reliq. ut in Psalt.** 23.

Ad Absolutionem Capit., Lect. brev. Dóminus áutem dirigat. 29.

AD TERTIAM

Ant. Ite et vos * in vineam

meam, et quod justum fúerit, dabo vobis.

Capit. Fratres : Nescitis.

R. br. Inclina cor meum Deus * In testimónia tua. Inclina. **V.** Avérte óculos meos, ne vídeant vanitátem : in via tua vivifica me. In. Glória Patri. Inclina.

V. Ego dixi : Dómine miserére mei. **R.** Sana ánimam meam, quia peccávi tibi.

AD SEXTAM

Ant. Quid hic statis * tota die otíosi? Respondérunt, et dixerunt : Quia nemo nos condúxit.

Capitulum. I. Cor. 9. d

OMNIS áutem, qui in agóne conténdit, ab ómnibus se ábstinet : et illi quidem ut corruptibilem coronam accipiant, nos áutem incorrúptam.

R. br. In ætérnum Dómine * Pérmānet verbum tuum. In. **V.** In sáculum sáculi véritas tua. Pérmānet. Glória Patri. In.

V. Dóminus regit me, et nihil mihi déerit. **R.** In loco páscuæ ibi me collocávit.

AD NONAM

Ant. Voca operários, * et redde illis mercédem suam, dicit Dóminus.

Capitulum. I. Cor. 10.

BIBÉBANT áutem de spiritali, consequente eos, petra : petra áutem erat Christus : sed non in plúribus eórum beneplácitum est Deo.

R. br. Clamávi in toto

corde meo, * Exáudi me Dómine. Clamávi. **V.** Justificatiónes tuas requíram. Exáudi. Glória Patri. Clamávi.

V. Ab occúltis meis munda me Dómine. **R.** Et ab aliénis parce servo tuo.

AD VESPERAS

Ant. et **Pss.** de Dom. 127.

Capit. Fratres : Nescitis.

Hymn. Lucis Creátor. 130.

V. Dirigátur Dómine orátio mea. **R.** Sicut incénsum in conspéctu tuo.

Ad Magnif. Ant. Dixit paterfamilias * operáriis suis : Quid hic statis tota die otíosi? At illi respondéntes dixerunt : Quia nemo nos condúxit. Ite et vos in vineam meam : et quod justum fúerit, dabo vobis.

Orat. Preces. ut supra.

FERIA SECUNDA

De libro Génesis.

Lectio j. Cap. 1. d

ET creávit Deus hóminem ad imáginem suam : ad imáginem Dei creávit illum, másculum et féminam creávit eos. Benedixitque illis Deus, et ait : Créscite, et multiplicámini, et repléte terram, et subjicite eam, et dominámini pískibus maris, et volatilibus cæli, et univérsis animántibus, quæ móvéntur super terram. Dixitque Deus : Ecce dedi vobis omnem herbam afferéntem semen super terram, et univérsa ligna quæ habent in semetipsis seméntem géneris

sui, ut sint vobis in escam : et cunctis animántibus terræ, omníque vólucris cæli, et univérsis quæ movéntur in terra, et in quibus est ánima vivens, ut hábeant ad vescéndum. Et factum est ita. Vidítque Deus cuncta quæ fécerat : et erant valde bona. Et factum est vespere et mane, dies sextus.

R. Dum deambuláret Dóminus in paradiso ad áuram post merídiem, clamávit, et dixit : Adam ubi es? Audívi Dómine vocem tuam, * Et abscondi me. **V.** Vocem tuam audívi in paradiso, et timui, eo quod nudus essem. Et abscondi me.

Lectio ij. Cap. 2.

IGITUR perfecti sunt cæli et terra, et omnis ornátus eórum. Complevitque Deus die séptimo opus suum quod fécerat : et requiévit die séptimo ab univérso ópere quod patrárat. Et benedixit diéi séptimo, et sanctificávit illum : quia in ipso cessáverat ab omni ópere suo quod creávit Deus ut fáceret. Istæ sunt generatiónes cæli et terræ, quando creáta sunt, in die quo fecit Dóminus Deus cælum et terram : Et omne virgúltum agri ántequam orirétur in terra, omnémque herbam regiónis priúsqum germináret : non enim plúerat Dóminus Deus super terram, et homo non erat qui operaréetur terram : Sed fons ascendébat e terra,

irrigans univérsam superficiem terræ.

R. In sudóre vultus tui vescéris pane tuo, dixit Dóminus ad Adam : cum operátus fúeris terram, non dabit fructus suos : * Sed spinas et tribulos germinábit tibi. **V.** Quia audísti vocem uxóris tuæ, et comedisti de ligno, ex quo præcéperam tibi ne coméderes, maledicta terra in ópere tuo. Sed.

Lectio iij.

FORMÁVIT igitur Dóminus Deus hóminem de limo terræ, et inspirávit in fáciem ejus spiráculum vitæ, et factus est homo in ánimam vivéntem. Plantáverat autem Dóminus Deus paradísium voluptátis a principio : in quo pósuit hóminem quem formáverat. Produxitque Dóminus Deus de humo omne lignum pulchrum visu, et ad vescéndum suáve : lignum étiam vitæ in médio paradísi, lignúmque sciéntiæ boni et mali. Et flúvius egrediebátur de loco voluptátis ad irrigándum paradísium, qui inde dividitur in quátuor cápita.

R. Formávit Dóminus hóminem de limo terræ, * Et inspirávit in fáciem ejus spiráculum vitæ, et factus est homo in ánimam vivéntem. **V.** In principio fecit Deus cælum et terram, et plasmávit in ea hóminem. Et. Glória Patri. Et.

Ad Magnif. Ant. Hi novís-

simi * una hora fecerunt, et pares illos nobis fecisti, qui portavimus pondus diéi, et æstus.

FERIA TERTIA

De libro Génesis.

Lectio j. Cap. 2. c

TULIT ergo Dóminus Deus hóminem, et pósuit eum in paradiso voluptátis, ut operarétur, et custodíret illum : præcepitque ei dicens : Ex omni ligno paradisi cómede : de ligno áutem sciéntiæ boni et mali ne cómedas. In quocúmque enim die coméderis ex eo, morte moriérís. Dixit quoque Dóminus Deus : Non est bonum esse hóminem solum : faciámus ei adjutórium símile sibi.

R. Tulit Dóminus. 364.

Lectio ij.

FORMÁTIS igitur, Dóminus Deus, de humo cunctis animántibus terræ, et univérsis volatilibus cæli, addúxit ea ad Adam, ut vidéret quid vocáret ea : omne enim quod vocávit Adam ánimæ vivéntis, ipsum est nomen ejus. Appellavitque Adam nomínibus suis cuncta animántia, et univérſa volatília cæli, et omnes béstias terræ : Adæ vero non inveniebátur adjutor símilis ejus.

R. Dixit Dóminus. 364.

Lectio iij.

IMMÍSIT ergo Dóminus Deus sopórem in Adam : cumque obdormisset, tulit unam

de costis ejus, et replévit carnem pro ea. Et ædificávit Dóminus Deus costam, quam túlerat de Adam, in mulierem : et addúxit eam ad Adam. Dixitque Adam : Hoc nunc, os ex óssibus meis, et caro de carne mea : hæc vocábitur Virágo, quóniam de viro sumpta est. Quamóbrem relinquet homo patrem suum, et matrem, et adhærébit uxóri suæ : et erunt duo in carne una.

R. Immisit Dóminus. 364.

Ad Magnif. Ant. Dixit áutem paterfamilias : * Amíce, non fácio tibi injúriam : nonne ex denário convenisti mecum? tolle quod tuum est, et vade.

FERIA QUARTA

De libro Génesis.

Lectio j. Cap. 3.

SED et serpens erat callídior cunctis animántibus terræ quæ fécerat Dóminus Deus. Qui dixit ad mulierem : Cur præcepit vobis Deus ut non comederétis de omni ligno paradisi? Cui respóndit múlter : De fructu lignórum, quæ sunt in paradiso, véscimur : de fructu vero ligni, quod est in médio paradisi, præcepit nobis Deus ne comederémus : et ne tangerémus illud, ne forte moriámur. Dixit áutem serpens ad mulierem : Nequáquam morte moriémíni. Scit enim Deus quod in quocúmque die comedéritis ex

eo, aperiéntur óculi vestri : et éritis sicut dii, sciéntes bonum et malum. Vidit igitur múlter quod bonum esset lignum ad vescéndum, et pulchrum óculis, adspectúque delectábile : et tulit de fructu illius, et comédit : deditque viro suo, qui comédit. Et apérti sunt óculi ambórum.

℞. Plantáverat. 365.

Lectio ij.

CUMQUE cognovissent se esse nudos, consuérunt fólia ficus, et fecérunt sibi perizómata. Et cum audísset vocem Dómini Dei deambulántis in paradiso ad áuram post meridiem, abscondit se Adam et uxor ejus a fácie Dómini Dei in médio ligni paradisi. Vocavitque Dóminus Deus Adam, et dixit ei : Ubi es? Qui ait : Vocem tuam audivi in paradiso : et timui, eo quod nudus essem, et abscondi me. Cui dixit : Quis enim indicávit tibi quod nudus esses, nisi quod ex ligno, de quo præcéperam tibi ne coméderes, comedisti? Dixitque Adam : Múlter, quam dedisti mihi sóciam, dedit mihi de ligno, et comédi. Et dixit Dóminus Deus ad mulierem : Quare hoc fecisti? Quæ respóndit : Serpens decépit me, et comédi.

℞. Ecce Adam. 365.

Lectio iij.

ET ait Dóminus Deus ad serpéntem : Quia fecisti

hoc, maledictus es inter ómnia animántia, et béstias terræ : super pectus tuum gradiéris, et terram cómedes cunctis diébus vitæ tuæ. Inimicitias ponam inter te et mulierem, et semen tuum et semen illius : ipsa cónteret caput tuum, et tu insidiáberis calcáneo ejus. Mulieri quoque dixit : Multiplicábo ærúmpas tuas, et concéptus tuos : in dolore páries filios, et sub viri potestáte eris, et ipse dominábitur tui. Adæ vero dixit : Quia audisti vocem uxóris tuæ, et comedisti de ligno, ex quo præcéperam tibi ne coméderes, maledicta terra in ópere tuo : in labóribus cómedes ex ea cunctis diébus vitæ tuæ. Spinās et tribulos germinábit tibi, et cómedes herbam terræ. In sudóre vultus tui vescéris pane, donec revertáris in terram de qua sumptus es : quia pulvis es, et in púlverem revertéris. Et vocávit Adam nomen uxóris suæ, Héva : eo quod mater esset cunctórum vivéntium.

℞. Ubi est Abel. 366.

Ad Magnif. Ant. Tolle quod tuum est, * et vade : quia ego bonus sum, dicit Dóminus.

FERIA QUINTA

De libro Génesis.

Lectio j. Cap. 4.

ADAM vero cognóvit uxórem suam Hevam : quæ

concepit et peperit Cain, dicens : Possédi hominem per Deum. Rursúmque peperit fratrem ejus Abel. Fuit autem Abel pastor ovium, et Cain agricola. Factum est autem post multos dies ut offerret Cain de fructibus terrae múnera Dómino. Abel quoque obtulit de primogenitis gregis sui, et de adipibus eorum : et respexit Dóminus ad Abel, et ad múnera ejus. Ad Cain vero, et ad múnera illius non respexit : irátusque est Cain vehementer, et cóncidit vultus ejus. Dixitque Dóminus ad eum : Quare irátus es? et cur cóncidit fácies tua? Nonne si bene égeris, recipies : sin autem male, statim in fóribus peccátum áderit? sed sub te erit appetitus ejus, et tu domináberis illius.

℞. In principio... et fecit. 362.

Lectio ij.

DIXITQUE Cain ad Abel fratrem suum : Egrediámur foras. Cumque essent in agro, consurrexit Cain adversus fratrem suum Abel, et interfecit eum. Et ait Dóminus ad Cain : Ubi est Abel frater tuus? Qui respondit : Nescio. Num custos fratris mei sum ego? Dixitque ad eum : Quid fecisti? Vox sanguinis fratris tui clamat ad me de terra. Nunc igitur maledictus eris super terram, quæ apérui os suum, et suscepit sanguinem fra-

tris tui de manu tua. Cum operátus fueris eam, non dabit tibi fructus suos : vagus et prófugus eris super terram.

℞. In principio... et Spíritus. 363.

Lectio iij.

DIXITQUE Cain ad Dóminum : Major est iniquitas mea, quam ut véniam merear. Ecce ejicis me hódie a fácie terræ, et a fácie tua abscondar, et ero vagus et prófugus in terra : omnis igitur qui invenerit me, occidet me. Dixitque ei Dóminus : Nequáquam ita fiet : sed omnis qui occiderit Cain, séptuplum puniétur. Posuitque Dóminus Cain signum, ut non interficeret eum omnis qui invenisset eum. Egressusque Cain a fácie Dómini, habitávit prófugus in terra ad orientálem plagam Eden.

℞. Formávit Dóminus. 363.

Ad Magnif. Ant. Non licet mihi * quod volo fácere? an óculus tuus nequam est? quia ego bonus sum, dicit Dóminus.

FERIA SEXTA

De libro Génesis.

Lectio j. Cap. I. c.

COGNOVIT autem Cain uxorem suam, quæ concepit, et peperit Henoch : et ædificávit civitátem, vocavitque nomen ejus ex nómine filii sui, Henoch. Porro Henoch genuit Irad, et Irad genuit Mavíaël, et Mavíaël genuit

Mathúsaël, et Mathúsaël genuit Lamech. Qui accépit duas uxóres, nomen uni Ada, et nomen álteri Sella. Genuitque Ada Jabel, qui fuit pater habitántium in tentóriis, atque pastórum. Et nomen fratris ejus Jubal : ipse fuit pater canéntium cithara et órgano. Sella quoque genuit Tubálcain, qui fuit malleátor et faber in cuncta ópera æris et ferri. Soror vero Tubálcain, Noéma.

℞. Tulit Dóminus. 364.

Lectio ij.

DIXITQUE Lamech uxóribus suis Adæ et Sellæ : Audite vocem meam uxóres Lamech, auscultáte sermónem meum : quóniam occidi virum in vulnus meum, et adolescéntulum in livórem meum. Séptuplum últio dábitur de Cain, de Lamech vero septuágies sépties. Cognóvit quoque adhuc Adam uxórem suam : et péperit filium, vocavitque nomen ejus Seth, dicens : Pósuit mihi Deus semen áliud pro Abel, quem occidit Cain. Sed et Seth natus est filius, quem vocávit Enos : iste cœpit invocáre nomen Dómini.

℞. Dixit Dóminus. 364.

Lectio ij. Cap. 5.

HIC est liber generatiónis Adam. In die, qua creávit Deus hóminem, ad similitúdinem Dei fecit illum. Másculum et féminam creávit eos, et benedixit illis : et vocávit nomen eórum

Adam, in die quo creáti sunt. Vixit áutem Adam centum triginta annis : et genuit ad imáginem et similitúdinem suam, vocavitque nomen ejus Seth. Et facti sunt dies Adam, postquam genuit Seth, octingénti anni : genuitque filios et filias. Et factum est omne tempus quod vixit Adam, anni nongénti triginta, et mórtuus est.

℞. Immisit Dóminus. 364.

SABBATO

De libro Génesis.

Lectio j. Cap. 5. b

VIXIT áutem Maláleel sexaginta quinque annis, et genuit Jared. Et vixit Maláleel, postquam genuit Jared, octingéntis triginta annis : et genuit filios et filias. Et facti sunt omnes dies Maláleel octingénti nonaginta quinque anni, et mórtuus est. Vixitque Jared centum sexaginta duóbus annis, et genuit Henoch. Et vixit Jared, postquam genuit Henoch, octingéntis annis : et genuit filios et filias. Et facti sunt omnes dies Jared nongénti sexaginta duo anni, et mórtuus est. Porro Henoch vixit sexaginta quinque annis, et genuit Mathúsalam.

℞. Plantáverat. 365.

Lectio ij.

ET ambulávit Henoch cum Deo : et vixit, postquam genuit Mathúsalam, trecéntis annis, et genuit filios et filias. Et facti sunt omnes

dies Henoch trecénti sexaginta quinque anni. Ambulavitque cum Deo, et non apparuit : quia tulit eum Deus. Vixit quoque Mathúsala centum octoginta septem annis, et genuit Lamech. Et vixit Mathúsala, postquam genuit Lamech, septingentis octoginta duobus annis, et genuit filios et filias. Et facti sunt omnes dies Mathúsala, nongenti sexaginta novem anni, et mortuus est.

℞. Ecce Adam. 365.

Lectio iij.

VIXIT autem Lamech centum octoginta duobus annis, et genuit filium : vocavitque nomen ejus Noë, dicens : Iste consolabitur nos ab operibus et laboribus manuum nostrarum in terra, cui maledixit Dominus. Vixitque Lamech, postquam genuit Noë, quingentis nonaginta quinque annis, et genuit filios et filias. Et facti sunt omnes dies Lamech, septingenti septuaginta septem anni, et mortuus est.

℞. Ubi est Abel. 366.

SABBATO ANTE SEXAGESIMAM
AD VESPERAS

Capitulum. II. Cor. 11. d

FRATRES : Libenter suffertis insipientes, cum sitis ipsi sapientes : sustinetis enim si quis vos in servitutem redigit, si quis devorat, si quis accipit, si quis extollitur, si quis in faciem vos cedit.

Hymn. et v. de Psalt. 147.

Ad Magnif. Ant. Dixit Dominus * ad Noë : Finis universæ carnis venit coram me : fac tibi arcam de lignis lævigatis, ut salvetur universum semen in ea.

Oratio.

DEUS, qui conspicias, quia ex nulla nostra actione confidimus : concede propitius ; ut contra adversa omnia Doctóris gentium protectione muniámur. Per Dñm.

DOM. IN SEXAGESIMA

AD MATUTINUM

Invit. Præoccupémus faciem Dómini : * Et in psalmis jubilémus ei.

Ps. Veníte, exsultémus. 2.

In primo Versu Psalmi omittitur Præoccupémus faciem ejus, etc. *et ejus loco repetitur a Choro Invitat.*

Hymnus. Primo die. 2.

Ant., Pss. et Yŷ. Noct. ut in Psalterio. 3.

IN I. NOCTURNO

De libro Génesis.

Lectio j. Cap. 5. d et 6.

NOE vero cum quingentorum esset annorum, genuit Sem, Cham, et Japheth. Cumque cœpissent homines multiplicari super terram, et filias procreassent, videntes filii Dei filias hominum quod essent pulchræ, acceperunt sibi uxóres ex omnibus, quas elegerant. Dixitque Deus : Non permanebit spiritus meus in homine in ætérnum, quia caro est : eruntque dies

illius centum viginti annorum. Gigantes autem erant super terram in diebus illis. Postquam enim ingressi sunt filii Dei ad filias hominum, illæque genuerunt, isti sunt potentes a sæculo viri famosi.

R. Dixit Dominus ad Noë : Finis universæ carnis venit coram me : repléta est terra iniquitate eorum, * Et ego disperdam eos cum terra. **V.** Fac tibi arcam de lignis lævigatis, mansiunculas in ea facies. Et ego.

Lectio ij.

VIDENS autem Deus quod multa malitia hominum esset in terra, et cuncta cogitatio cordis intenta esset ad malum omni tempore, pœnituit eum quod hominem fecisset in terra. Et tactus dolore cordis intrinsecus, Delébo, inquit, hominem, quem creavi, a facie terræ, ab homine usque ad animantia, a réptili usque ad volucres cæli. Pœnitet enim me fecisse eos. Noë vero invenit gratiam coram Domino.

R. Noë, vir justus atque perfectus, cum Deo ambulavit : * Et fecit omnia quacumque præcepit ei Deus. **V.** Fecit sibi arcam, ut salvaretur universum semen. Et.

Lectio iij.

HÆ sunt generationes Noë : Noë vir justus atque perfectus fuit in generationibus suis, cum Deo ambulavit. Et genuit tres filios, Sem,

Cham, et Japheth. Corrupta est autem terra coram Deo, et repléta est iniquitate. Cumque vidisset Deus terram esse corruptam, (omnis quippe caro corruerat viam suam super terram) dixit ad Noë : Finis universæ carnis venit coram me : repléta est terra iniquitate a facie eorum, et ego disperdam eos cum terra. Fac tibi arcam de lignis lævigatis : mansiunculas in arca facies, et bitumine linies intrinsecus et extrinsecus. Et sic facies eam : Trecentorum cubitorum erit longitudo arcæ, quinquaginta cubitorum latitudo, et triginta cubitorum altitudo illius.

R. Quadraginta dies et noctes aperti sunt cæli, et ex omni carne habente spiritum vitæ ingressa sunt in arcam : * Et clausit a foris ostium Dominus. **V.** In articulo diéi illius ingressus est Noë in arcam, et filii ejus, et uxor illius, et uxores filiorum ejus. Et clausit. Glória Patri. Et clausit.

IN II. NOCTURNO
Ex libro sancti Ambrósii Episcopi de Noë et arca.

Cap. I. circa med.

Lectio iv.

HABES, quia irátus Dominus est : quoniam quamvis cogitaret, hoc est sciret, quia homo positus in terræ regione, carnem portans, sine peccato esse non possit, (terra enim velut quidam

tentationum locus est, caroque corruptelæ illécebræ) tamen cum haberent mentem rationis capacem, virtutemque animæ infusam corpori, sine consideratione aliqua in lapsum ruérunt, ex quo revocare se nollent. Neque enim Deus cogitat sicut homines, ut aliqua ei nova succedat sententia, neque irascitur quasi mutabilis : sed ideo hæc leguntur, ut exprimatur peccatorum nostrorum acerbitas, quæ divinam meruerit offensam : tamquam eo usque increverit culpa, ut etiam Deus, qui naturaliter non movetur aut ira, aut odio, aut passionē ulla, provocatus videatur ad iracundiam.

R. Ædificavit Noë altare Dómino, offerens super illud holocáustum : odoratusque est Dóminus odorem suavitatis, et benedixit ei, dicens : * Crescite, et multiplicamini, et repléte terram. **V.** Ecce ego statuam pactum meum vobiscum, et cum semine vestro post vos. Crescite.

Lectio v.

MINITATUS est præterea, quod deleret hominem. Ab homine, inquit, usque ad pecus, et a reptilibus usque ad volatilia delebo. Quid læserant irrationabilia? Sed quia propter hominem illa facta erant, eo utique deléto, propter quem facta sunt, consequens erat, ut etiam

illa delerentur, quia non erat qui his uteretur. Sensu autem altiore illud manifestatur : quia homo mens est, quæ est rationis capax. Homo enim definitur animal vivum, mortale, rationabile. Principali igitur extincto, etiam sensus omnis extinguatur : eo quod nihil reliqui ad salutem supersit, cum salutis fundamentum virtus defecerit.

R. Ponam arcum meum in núbibus cæli, dixit Dóminus ad Noë : * Et recordabor fœderis mei, quod pepigi tecum. **V.** Cumque obduxero núbibus cælum, apparebit arcus meus in núbibus. Et.

Lectio vj.

AD condemnationem autem cæterorum, et ad expressionem pietatis divinæ, dicitur Noë apud Deum grátiam invenisse. Simul ostenditur, quod hominem justum non obumbret aliorum offensio, quando ipse ad totius generis reservatur seminarium. Qui non generationis nobilitate, sed justitiæ et perfectionis mérito laudatur. Probati enim viri genus, virtutis prosápia est : quia sicut hominum genus homines, ita animarum genus virtutes sunt. Etenim familiæ hominum splendore generis nobilitantur, animarum autem clarificatur grátia splendore virtutis.

R. Per memetipsum iuravi, dicit Dóminus, non adjici-

ciam ultra aquas dilúvii super terram : pacti mei recordabor, * Ut non perdam aquas dilúvii omnem carnem. *Ÿ.* Arcum meum ponam in núbibus, et erit signum fœderis inter me et inter terram. Ut non. Glória Patri. Ut non.

IN III. NOCTURNO

Léctio sancti Evangélíi secundum Lucam.

Lectio vij. Cap. 8.

In illo témpore : Cum turba plúrima convenirent, et de civitatibus properarent ad Jesum, dixit per similitudinem : Exiit qui séminat, seminare semen suum. Et réliqua.

Homilia sancti Gregórii Papæ.

Homil. 15. in Evang.

LÉCTIO sancti Evangélíi, quam modo, fratres caríssimi, audistis, expositiône non indiget, sed admonitiône. Quam enim per semetipsam Véritas expósuit, hanc discútere humana fragilitas non præsúmat. Sed est quod sollicitè in hac ipsa expositiône Dominica pensare debeamus : quia si nos vobis semen verbum, agrum mundum, vólucres dæmónia, spinas divítias significare dicerémus; ad credendum nobis mens fòrsitan vestra dubitaret. Unde et idem Dóminus per semetipsum dignátus est expónere quod dicébat, ut sciátis rerum significatiónes quærere in

iis étiam, quæ per semetipsum nóluit explanare.

R. Benedixit Deus Noë, et filiis ejus, et dixit ad eos : * Créscite, et multiplicámini, et repléte terram. *Ÿ.* Ecce ego státuam pactum meum vobíscum, et cum sémine vestro post vos. Créscite.

Lectio viij.

ExPONÉNDO ergo quod dixit, figuráte se loqui innóuit : quátenus certos nos rédderet, cum vobis nostra fragilitas verbórum illius figuras aperiret. Quis enim mihi umquam créderet, si spinas divítias interpretári voluíssem? máxime cum illæ pungant, istæ deléctent. Et tamen spinæ sunt, quia cogitatiónum suárum punctiönibus mentem lácerant : et cum usque ad peccátum pértrahunt, quasi inflicto vulnere cruéntant. Quas bene hoc in loco, álio Evangelista testánte, nequáquam Dóminus divítias, sed falláces divítias appellat.

Ÿ. Ecce ego státuam pactum meum vobíscum, et cum sémine vestro post vos : * Neque erit deinceps dilúvium díssipans terram. *V.* Arcum meum ponam in núbibus, et erit signum fœderis inter me, et inter terram. Neque.

Lectio ix.

FALLÁCES enim sunt, quæ nobíscum diu permanere non possunt : falláces sunt, quæ mentis nostræ inópiam

non expellunt. Solæ autem divitiæ veræ sunt, quæ nos divites virtutibus faciunt. Si ergo, fratres carissimi, esse divites cupitis, veras divitias amate. Si culmen veri honoris quæritis, ad cæleste regnum tendite. Si gloriæ dignitatum diligitis, in illa supérna Angelorum cùria adscribi festinate. Verba Dómini, quæ áure percipitis, mente retinete. Cibus enim mentis est sermo Dei : et quasi acceptus cibus stomacho languente rejicitur, quando auditus sermo in ventre memoriæ non tenetur. Sed quisquis aliménta non retinet, hujus profecto vita desperatur.

R. Cum turba plúrima convenirent ad Jesum, et de civitatibus properarent ad eum, dixit per similitudinem : * Exiit qui seminat, seminare semen suum. **V.** Et dum seminat, aliud cecidit in terram bonam, et ortum fecit fructum centuplum. Exiit. Glória Patri. Exiit.

Infra Hebdomadam Feria IV. et Sabbato, loco hujus **R.** dicitur primum **R.** Ferie II. seq.

AD LAUDES

Ant. 1. Secundum magnam misericórdiam * tuam miserere mei Deus.

Ps. 50. Miserere. 366.

2. Si mihi Dóminus * salvátor fúerit, non timébo, quid faciat mihi homo.

Ps. 117. Confitemini. 367.

3. In velamento * clamávi valde dilúculo : Deus Deus meus, ad te de luce vigilo.

Ps. 62. Deus Deus meus. 18.

4. Hymnum dicámus * Dómino Deo nostro.

Cant. Benedicite. 19.

5. In týmpano et choro, * in chordis et órgano laudáte Deum.

Ps. 148. Laudáte Dóminum de cælis. 20.

Capitulum. II. Cor. 11. d

FRATRES : Libenter suffertis insipientes, cum sitis ipsi sapientes : sustinetis enim si quis vos in servitutem redigit, si quis dévorat, si quis accipit, si quis extóllitur, si quis in faciém vos cædit.

Hymn. Ætérne rerum. 21.

V. Dómine refúgium factus es nobis. **R.** A generatione et progénie.

Ad Bened. Ant. Cum turba * plúrima convenirent ad Jesum, et de civitatibus properarent ad eum, dixit per similitudinem : Exiit qui seminat, seminare semen suum.

Oratio.

DEUS, qui cónspicis, quia ex nulla nostra actióne confidimus : concède propitius; ut contra adversa ómnia Doctóris géntium protectióne muniámur. Per Dóminum.

AD PRIMAM

Ant. Semen cecidit * in terram bonam, et attulit fructum in patientia.

Ad Absolutionem Capituli.
Lect. brev. Dóminus áutem
dirigat. 29.

AD TERTIAM

Ant. Qui verbum Dei * ré-
tinent corde perfécto et
óptimo, fructum áfferunt in
patiéntia.

Capit. Fratres : Libénter.

R. br. Inclina cor meum
Deus * In testimónia tua. In-
clina. **V.** Avérte óculos meos,
ne videant vanitátem : in via
tua vivífica me. In. Glória
Patri. Inclina.

V. Ego dixi, Dómine mi-
serére mei. **R.** Sana áni-
mam meam, quia peccávi
tibi.

AD SEXTAM

Ant. Semen cécidit * in
terram bonam, et áttulit
fructum, áliud centésimum,
et áliud sexagésimum.

Capitulum. II. Cor. 11. f

TER virgis cæsus sum, se-
mel lapidátus sum, ter
naufrágium feci, nocte et die
in profúndo maris fui.

R. br. In ætérnum Dómine
* Pérmānet verbum tuum.
In. **V.** In sáeculum sáeculi
véritas tua. Pérmānet. Gló-
ria Patri. In.

V. Dóminus regit me, et
nihil mihi déerit. **R.** In loco
páscuæ ibi me collocávit.

AD NONAM

Ant. Si vere, fratres, * di-
vites esse cúpitis, veras divi-
tias amáte.

Capitulum. II. Cor. 12. c

LIBÉNTER igitur gloriábor
in infirmitátibus meis,

ut inhábitet in me virtus
Christi.

R. br. Clamávi in toto
corde meo, * Exáudi me
Dómine. Clamávi. **V.** Justi-
ficatiónes tuas requíram.
Exáudi. Glória Patri. Cla-
mávi.

V. Ab occúltis meis munda
me Dómine. **R.** Et ab alié-
nis parce servo tuo.

AD VESPERAS

Ant. et Pss. de Dom. 127.

Capit. Fratres : Libénter.
379.

Hymn. Lucis Creátor. **et**
V. Dirigátur. 130.

Ad Magnif. Ant. Vobis da-
tum est * nosse mystérium
regni Dei, cæteris áutem in
parábolis, dixit Jesus disci-
pulis suis.

Oratio Deus, qui cónspi-
cis. **ut supra ad Laudes.** 379.

FERIA SECUNDA

De libro Génesis.

Lectio j. Cap. 7.

DIXIT Dóminus ad Noë :
Ingrédere tu, et omnis
domus tua in arcam : te
enim vidi justum coram me
in generatióne hac. Ex ómni-
bus animántibus mundis tol-
les septéna et septéna, má-
sculum et féminam : de ani-
mántibus vero immúndis
duo et duo, másculum et
féminam. Sed et de volatili-
bus cæli septéna et septéna,
másculum et féminam : ut
salvétur semen super fáciem
univérsæ terræ. Adhuc enim,
et post dies septem ego pluam

super terram quadraginta diébus et quadraginta nóctibus : et delébo omnem substantiam, quam feci, de superficie terræ.

℞. In articulo diéi illius ingressus est Noë in arcam, et filii ejus, * Uxor illius, et uxóres filiórum ejus. ¶ Deléta sunt univérsa de terra, remánsit áutem solus Noë, et qui cum eo erant in arca. Uxor.

Lectio ij.

FECIT ergo Noë ómnia, quæ mandáverat ei Dóminus. Cumque transissent septem dies, aquæ dilúvii inundavérunt super terram. Anno sexcentésimo vitæ Noë, mense secúndo, séptimo décimo die mensis, rupti sunt omnes fontes abyssi magnæ, et cataráctæ cæli apértæ sunt : et facta est plúvia super terram quadraginta diébus, et quadraginta nóctibus.

℞. Recordátus Dóminus Noë, addúxit spiritum super terram, et imminútæ sunt aquæ : * Et prohibitæ sunt plúviæ de cælis. ¶ Reversæque sunt aquæ de terra eúntes et redeúntes, et cœpérunt minui post centum quinquaginta dies. Et.

Lectio iij.

IN articulo diéi illius ingressus est Noë, et Sem, et Cham, et Japheth filii ejus : uxor illius, et tres uxóres filiórum ejus cum eis in arcam : ipsi et omne ánimál

secúndum genus suum, univérsaque juménta in génere suo, et omne quod movétur super terram in génere suo, cunctúmque volátile secúndum genus suum. Factúmque est dilúvium quadraginta diébus super terram : et multiplicátæ sunt aquæ, et elevavérunt arcam in sublime a terra.

℞. Quadraginta dies et noctes apérti sunt cæli, et ex omni carne habénte spiritum vitæ ingressa sunt in arcam : * Et cláusit a foris óstium Dóminus. ¶ In articulo diéi illius ingressus est Noë in arcam, et filii ejus, et uxor illius, et uxóres filiórum ejus. Et. Glória Patri. Et.

Ad Magnif. Ant. Si culmen * veri honóris quæritis, ad illam cæléstem pátriam quantócius properáte.

FERIA TERTIA

De libro Génesis.

Lectio j. Cap. 8.

RECORDÁTUS áutem Deus Noë, cunctorúmque animántium, et ómnium jumentórum, quæ erant cum eo in arca, addúxit spiritum super terram, et imminútæ sunt aquæ. Et cláusi sunt fontes abyssi, et cataráctæ cæli : et prohibitæ sunt plúviæ de cælo. Reversæque sunt aquæ de terra eúntes et redeúntes : et cœpérunt minui post centum quinquaginta dies. Requivítque arca

mense séptimo, vigésimo séptimo die mensis, super montes Arméniaë.

℞. *Ædificávit Noë. 377.*

Lectio ij.

AT vero aquæ ibant, et decrescébant usque ad décimum mensem : décimo enim mense, prima die mensis, apparuérunt cacúmina móntium. Cumque transissent quadraginta dies, apériens Noë fenéstram arcæ, quam fécerat, dimisit corvum : qui egrediebátur, et non revertebátur, donec siccaréntur aquæ super terram. Emisit quoque colúmbam post eum, ut vidéret si jam cessássent aquæ super faciém terræ. Quæ cum non invenisset ubi requiérceret pes ejus, revérsa est ad eum in arcam.

℞. *Ponam arcum. 377.*

Lectio iij.

EXSPECTÁTIS autem ultra septem diébus áliis, rursum dimisit colúmbam ex arca. At illa venit ad eum ad vésperam, portans rimum olivæ viréntibus fóliis in ore suo. Intelléxit ergo Noë quod cessássent aquæ super terram. Exspectávitque nihilóminus septem álios dies : et emisit colúmbam, quæ non est revérsa ultra ad eum. Igitur sexcentésimo primo anno, primo mense, prima die mensis imminútæ sunt aquæ super terram.

℞. *Per memetipsum. 377.*

Ad Magnif. Ant. Semen est

* verbum Dei, sator autem Christus : omnis qui invenit eum, manébit in ætérnum.

FERIA QUARTA

De libro Génesis.

Lectio j. Cap. 8. c

LOCÚTUS est autem Deus ad Noë, dicens : Egrédere de arca, tu et uxor tua, filii tui et uxóres filiórum tuórum tecum. Cuncta animántia, quæ sunt apud te, ex omni carne, tam in volatilibus quam in béstiis et univérsis reptilibus, quæ reptant super terram, educ tecum, et ingredimini super terram : créscite et multiplicámini super eam. Egréssus est ergo Noë, et filii ejus : uxor illius, et uxóres filiórum ejus cum eo. Sed et ómnia animántia, juménta, et reptilia quæ reptant super terram secúndum genus suum, egréssa sunt de arca.

℞. *Benedixit Deus. 378.*

Lectio ij.

ÆDIFICÁVIT autem Noë altáre Dómino : et tollens de cunctis pecóribus et volúcribus mundis, óbtulit holocáusta super altáre. Odorátusque est Dóminus odórem suavitátis, et ait : Nequáquam ultra maledícam terræ propter hómines : sensus enim et cogitátio humáni cordis in malum prona sunt ab adolescéntia sua : non igitur ultra percútiám omnem ánimam vivéntem sicut feci. Cunctis diébus terræ, se-

méntis et messis, frigus et æstus, æstas et hiems, nox et dies non requiæscunt.

¶. Ecce ego. 378.

Lectio iij. Cap. 9.

BENEDIXITQUE Deus Noë et filiis ejus. Et dixit ad eos : Cræscite, et multiplicámini, et repléte terram. Et terror vester ac tremor sit super cuncta animália terræ, et super omnes vólucres cæli, cum univérssis quæ movéntur super terram: omnes pisces maris mánuí vestræ trádicti sunt. Et omne, quod movétur et vivit, erit vobis in cibum : quasi ólera viréntia tráddidi vobis ómnia. Excépto, quod carnem cum ságuine non comedétis. Sanguinem enim animárum vestrárum requíram de manu cunctárum bestiárum : et de manu hóminis, de manu viri, et fratris ejus requíram ánimam hóminis. Quicúmque effúderit humánum ságuinem, fundétur sanguis illíus : ad imáginem quippe Dei factus est homo.

¶. In artículo. **cum** Glória Patri. Uxor. **in fine.** 381.

Ad Magnif. Ant. Quod áutem cécidit * in terram bonam, hi sunt, qui in corde bono et óptimo fructum áfferunt in patiéntia.

Si prædictæ Ant. ad Magnificat non potuerunt dici in præcedentibus Feriis, et in sequenti Feria V. occur-
rat fieri Officium de Feria,
dicatur ultima ex iis præter-

missa : alioquin, expletis omnibus, sumantur de Psalt. : quod semper fit, quando propriæ non habentur.

FERIA QUINTA

De libro Génesis.

Lectio j. Cap. 9. b

DIXITQUE Deus : Hoc signum fœderis quod do inter me et vos, et ad omnem ánimam vivéntem, quæ est vobiscum in generatiónes sempitérnas : Arcum meum ponam in núbibus, et erit signum fœderis inter me, et inter terram. Cumque obdúxero núbibus cælum, apparebit arcus meus in núbibus : et recordábor fœderis mei vobiscum, et cum omni ánimá vivénte, quæ carnem végetat : et non erunt ultra aquæ dilúvii ad deléndum univérsum carnem.

¶. Dixit Dóminus. 376.

Lectio ij.

CÆPITQUE Noë vir agricola exercére terram, et plantávit vineam. Bibénsque vinum inebriátus est, et nudátus in tabernáculo suo. Quod cum vidisset Cham pater Chánaan, verénda scilicet patris sui esse nudáta, nuntiávit duóbus frátribus suis foras. At vero Sem et Japheth pállium imposuérunt húmeris suis, et incedéntes retrórsim, operuérunt verénda patris sui : faciésque eórum avérsæ erant, et patris virília non vidérunt.

¶. Noë vir justus. 376.

Lectio iij.

EVIGILANS autem Noë ex vino, cum didicisset quæ fecerat ei filius suus minor, ait : Maledictus Chánaan, servus servórum erit fratribus suis. Dixitque : Benedictus Dóminus Deus Sem, sit Chánaan servus ejus. Dilátet Deus Japheth, et hábitet in tabernáculis Sem, sitque Chánaan servus ejus. Vixit autem Noë post dilúvium trecéntis quinquaginta annis. Et impléti sunt omnes dies ejus nongentórum quinquaginta annórum : et mórtuus est.

℞. Quadraginta. 376.

FERIA SEXTA

De libro Génesis.

Lectio j. Cap. 10.

HÆ sunt generatiónes filiorum Noë, Sem, Cham, et Japheth : natique sunt eis filii post dilúvium. Filii Japheth : Gomer, et Magog, et Má dai, et Javan, et Thubal, et Mosoch, et Thiras. Porro filii Gomer : Ascenez, et Riphath, et Thogórma. Filii autem Javan : Elisa, et Tharsis, Cethhim, et Dódanim. Ab his divisæ sunt insulæ géntium in regiónibus suis, unusquisque secúndum linguam suam et familias suas in natióibus suis. Filii autem Cham : Chus, et Mésraim, et Phuth, et Chánaan.

℞. Ædificávit. 377.

Lectio ij. Cap. 11.

ERAT autem terra lábii unius, et sermónum

eorúmdem. Cumque proficisceréntur de Oriente, invenerunt campum in terra Sénnaar, et habitavérunt in eo. Dixitque alter ad próximum suum : Venite, faciámus láteres, et coquámus eos igni. Habuerúntque láteres pro saxis et bitúmen pro cæménto : et dixerunt : Venite, faciámus nobis civitátem, et turrim, cujus culmen pertingat ad cælum : et celebrémus nomen nostrum ántequam dividámur in univérsas terras.

℞. Ponam arcum. 377.

Lectio iij.

DESCÉNDIT autem Dóminus ut vidéret civitátem et turrim, quam ædificábant filii Adam, et dixit : Ecce, unus est pópulus, et unum lábium ómnibus : cœperúntque hoc fácere, nec desistent a cogitatióibus suis, donec eas ópere cómpleant. Venite igitur, descendámus, et confundámus ibi linguam eórum, ut non áudiat unusquisque vocem próximi sui. Atque ita divisit eos Dóminus ex illo loco in univérsas terras, et cessavérunt ædificáre civitátem.

℞. Per memetípsum. 377.

SABBATO

De libro Génesis.

Lectio j. Cap. 11. b

HÆ sunt generatiónes Sem : Sem erat centum annórum, quando génuit Arphaxad, biénnio post dilúvium.

Vixitque Sem postquam genuit Arphaxad, quingentis annis : et genuit filios et filias. Porro Arphaxad vixit triginta quinque annis, et genuit Sale. Vixitque Arphaxad postquam genuit Sale, trecētis tribus annis : et genuit filios et filias. Sale quoque vixit triginta annis, et genuit Heber. Vixitque Sale postquam genuit Heber, quadringētis tribus annis : et genuit filios et filias.

℞. Benedixit Deus. 378.

Lectio ij.

VIXIT autem Heber triginta quatuor annis, et genuit Phaleg. Et vixit Heber postquam genuit Phaleg, quadringētis triginta annis : et genuit filios et filias. Vixit quoque Phaleg triginta annis, et genuit Reu. Vixitque Phaleg postquam genuit Reu, ducētis novem annis : et genuit filios et filias. Vixit autem Reu triginta duobus annis, et genuit Sarug. Vixit quoque Reu postquam genuit Sarug, ducētis septem annis : et genuit filios et filias. Vixit vero Sarug triginta annis, et genuit Nachor. Vixitque Sarug postquam genuit Nachor, ducētis annis : et genuit filios et filias.

℞. Ecce ego. 378.

Lectio iij.

VIXIT autem Nachor viginti novem annis, et genuit Thare. Vixitque Nachor postquam genuit Thare, centum

decem et novem annis : et genuit filios et filias. Vixitque Thare septuaginta annis, et genuit Abram, et Nachor, et Aran. Hæ sunt autem generationes Thare : Thare genuit Abram, Nachor, et Aran. Porro Aran genuit Lot. Mortuusque est Aran ante Thare patrem suum, in terra nativitatis suæ in Ur Chaldæorum. Duxerunt autem Abram et Nachor uxores : nomen uxoris Abram, Sârai : et nomen uxoris Nachor, Melcha filia Aran patris Melchæ, et patris Jeschæ. Erat autem Sârai stérilis, nec habebat liberos.

℞. In articulo. *cum* Glória Patri. Uxor. *in fine*. 381.

SABBATO ANTE QUINQUAGES.

AD VESPERAS

Capitulum. I. Cor. 13.

FRATRES : Si linguis hominum loquar, et Angelorum, caritatem autem non habeam, factus sum velut æs sonans, aut cymbalum tinniens.

Hymn. et V. de Psalt. 147.

Ad Magnif. Ant. Pater fidei nostræ * Abraham summus, obtulit holocaustum super altare pro filio.

Oratio.

PRECES nostras, quæsumus Dómine, clemēter exaudi : atque a peccatorum vinculis absolutos, ab omni nos adversitate custodi. Per Dóminum.

DOM. IN QUINQUAGESIMA

AD MATUTINUM

Invit. Præoccupémus fáciem Dómini : * Et in psalmis jubilémus ei.

Ps. Venite, exsultémus. 2.

In primo Versu Ps. omitt. Præoccupémus, etc. **et ejus loco repetit. a Choro Invit.**

Hymn. Primo die. 2.

Ant., Psalmi et VV. Noct. de Psalt. 3.

IN I. NOCTURNO

De libro Génesis.

Lectio j. Cap. 12.

DIXIT áutem Dóminus ad Abram : Egrédere de terra tua, et de cognatióne tua, et de domo patris tui, et veni in terram, quam monstrábo tibi. Faciámque te in gentem magnam, et benedicam tibi, et magnificábo nomen tuum, erisque benedictus. Benedicam benedicéntibus tibi, et maledicam maledicéntibus tibi, atque in te benedicéntur univérsæ cognatiónes terræ. Egréssus est itaque Abram sicut præcéperat ei Dóminus, et ivit cum eo Lot: Septuaginta quinque annórum erat Abram, cum egrederétur de Haran. Tulitque Sárai uxórem suam, et Lot filium fratris sui, universámque substantiam quam posséderant, et ánimas quas fécerant in Haran : et egréssi sunt ut irent in terram Chánaan. Cumque venissent in eam, pertransivit Abram terram

usque ad locum Sichem, usque ad convállem illústrem : Chananæus áutem tunc erat in terra.

R. Locútus est Dóminus ad Abram, dicens : Egrédere de terra tua, et de cognatióne tua, et veni in terram quam monstrávero tibi : * Et faciám te in gentem magnam. **V.** Benedicens benedicam tibi, et magnificábo nomen tuum, erisque benedictus. Et faciám.

Lectio ij.

APPÁRUIT áutem Dóminus Abram, et dixit ei : Sémini tuo dabo terram hanc. Qui ædificávit ibi altáre Dómino, qui apparúerat ei. Et inde transgrédiens ad montem, qui erat contra Oriéntem Bethel, teténdit ibi tabernáculum suum, ab Occidéntem habens Bethel, et ab Oriéntem Haï : ædificávit quoque ibi altáre Dómino, et invocávit nomen ejus. Perrexitque Abram vadens, et ultra progrédiens ad meridiem. Facta est áutem fames in terra : descenditque Abram in Ægyptum, ut peregrinarétur ibi : prævalúerat enim fames in terra. Cumque prope esset ut ingrederétur Ægyptum, dixit Sárai uxóri suæ : Novi quod pulchra sis múlter, et quod cum viderint te Ægyptii, dictúri sunt : Uxor ipsius est, et interficient me, et te reservábunt. Dic ergo, óbsecro te, quod soror mea sis : ut bene sit mihi propter te,

et vivat ánima mea ob grátiam tui.

R. Dum staret Abraham ad ilicem Mambre, vidit tres viros ascendentes per viam :
* Tres vidit, et unum adorávit. **V.** Ecce Sara uxor tua páriet tibi filium, et vocábis nomen ejus Isaac. Tres.

Lectio iij.

CUM itaque ingressus esset Abram Ægýptum, vidérunt Ægýptii mulierem quod esset pulchra nimis. Et nuntiavérunt principes Pharaóni, et laudavérunt eam apud illum : et sublata est mulier in domum Pharaónis. Abram vero bene usi sunt propter illam : fuerúntque ei oves et boves et ásini, et servi et famulæ, et ásinæ et caméli. Flagellávit autem Dóminus Pharaónem plagis máximis, et domum ejus propter Sárai uxórem Abram. Vocavítque Phárao Abram, et dixit ei : Quidnam est hoc quod fecisti mihi? Quare non indicásti quod uxor tua esset? Quam ob cáusam dixisti esse sorórem tuam, ut tóllerem eam mihi in uxórem? Nunc igitur ecce conjux tua, áccipe eam, et vade.

R. Tentávit Dóminus Abraham, et dixit ad eum : * Tolle filium tuum, quem diligis, Isaac, et offer illum ibi in holocáustum super unum móntium, quem dixeró tibi.
V. Vocátus quoque a Dómino, respóndit, Adsum : et ait ei

Dóminus. Tolle. Glória Patri. Tolle.

IN II. NOCTURNO

Ex libro sancti Ambrósii
Episcopi de Abraham Patriarcha.

Lectio iv. Lib. 1. c. 2.

MAGNUS plane vir Abraham, et multarum virtutum clarus insignibus, quem votis suis philosophia non pótuit æquáre. Dénique minus est quod illa finxit, quam quod iste gessit : májorque ambitióso eloquentiæ mendácio simplex veritátis fides. Itaque cuiusmodi fuerit in eo viro devótio, considerémus. Ea enim virtus órdine prima est, quæ est fundaméntum cæterarum : meritóque hanc ab eo primam exégit Deus, dicens : Exi de terra tua, et de cognatióne tua, et de domo patristui. Satis fúerat dixisse, de terra tua. Ibi enim erat exire de cognatióne, exire de paterna domo.

R. Angelus Dómini vocávit Abraham, dicens : * Ne exténdas manum tuam super púerum, eo quod timeas Dóminum. **V.** Cumque extendísset manum ut immoláret filium, ecce Angelus Dómini de cælo clamávit, dicens. Ne.

Lectio v.

SED ideo áddidit singula, ut ejus afféctum probáret : ne forte aut imprudénter cœpisse viderétur, aut fraus áliqua mandátis cælé-

stibus pararétur. Sed sicut coacervánda fuérunt præcépta, ne quid latéret; ita étiam proponénda præmia, ne forte desperáret. Tentátur ut fortis, incitátur ut fidélis, provocátur ut justus: meritóque exívit, quemádmódum locútus est illi Dóminus. Et exívit cum eo Lot. Hoc áutem, quod pro magno inter septem sapiéntum dicta celebrátur, Séquere Deum; perfécit Abraham, factóque sapiéntum dicta prævenit, et secútus Deum exívit de terra sua.

℞. Vocávit Angelus Dómini Abraham de cælo, secúndo, dicens: Benedícam tibi, * Et multiplicábo te sicut stellas cæli. V. Possidébit semen tuum portas inimicórum tuórum, et benedicéntur in sémine tuo omnes tribus terræ. Et.

Lectio vj.

SED quia ante terra ei fúerat ália, hoc est, régio Chaldæórum, de qua exívit Thare pater Abrahæ: et in Charran demigrávit: et quia secum edúxit nepótem suum, cui dictum fúerat, Exi de cognatióne tua: considerémus, ne forte hoc sit exíre de terra sua, de hujus terræ, hoc est, de córporis nostri quadam commoratióne égreddi, de qua exívit Páulus, qui dixit: Nostra áutem conversátió in cælis est.

℞. Deus dómini mei Abraham dirige viam meam:

* Ut cum salúte revértar in domum dómini mei. V. Obsecro Dómine, fac misericórdiam cum servo tuo. Ut. Glória Patri. Ut.

IN III. NOCTURNO

Léctio sancti Evangélii secúndum Lucam.

Lectio vij. Cap. 18. f

IN illo témpore: Assúmpsit Jesus duódecim, et ait illis: Ecce ascéndimus Jerosólymam, et consummabúntur ómnia, quæ scripta sunt per Prophétas de Filio hóminis. Et réliqua.

Homilia sancti Gregórii Papæ.

Homil. 2. in Evang.

REDÉMPTOR noster, prævidens ex passióne sua discipulórum ánimos perturbándos, eis longe ante et ejúsdem passiónis pœnam, et resurrectionis suæ glóriam prædixit: ut cum eum moriéntem, sicut prædictum est, cérnerent; étiam resurrectúrum non dubitarent. Sed quia carnáles adhuc discipuli nullo modo valébant cápere verba mystérii, venit ad miraculum. Ante eórum óculos cæcus lumen recépit: ut qui cæléstis mystérii verba non cáperent, eos ad fidem cæléstia facta solidarent.

℞. Veni hódie ad fontem aquæ, et orávi Dóminum, dicens: * Dómine Deus Abraham, tu próspere fecisti desidérium meum. V. Igitur puélla, cui dixero, Da

mihi aquam de hýdria tua, ut bibam : et illa dixerit, Bibe dómine, et camélis tuis potum tribuam : ipsa est, quam præparávit Dóminus filio dómni mei. Dómine.

Lectio viij.

SED mirácula Dómini et Salvatóris nostri sic accipiéndam sunt, fratres carissimi, ut et in veritatē credántur facta, et tamen per significatióem nobis áliquid innuant. Opera quippe ejus et per poténtiam áliud osténdunt, et per mystérium áliud loquúntur. Ecce enim, quis juxta históriam cæcus iste fúerit, ignorámus : sed tamen quid per mystérium significet, nóvimus. Cæcum quippe est genus humánum, quod in parénte primo a paradisi gáudiis expúlsum, claritatē supérnæ lucis ignorans, damnatióis suæ tenebras pátitur. Sed tamen per Redemptóris sui præsentiam illuminátur : ut intérnæ lucis gáudia jam per desidérium vídeat, atque in via vitæ boni óperis gressus ponat.

R̃. Factus est sermo Dómini ad Abram, dicens : * Noli timére Abram : ego protéctor tuus sum, et merces tua magna nimis. **Ṽ.** Ego enim sum Dóminus Deus tuus, qui edúxi te de Ur Chaldæórum. Noli.

Lectio ix.

NOTÁNDUM vero est, quod cum Jesus Jéricho ap-

propinquáre dicitur, cæcus illuminátur. Jéricho quippe luna interpretátur : luna áutem in sacro elóquio pro defectu carnis pónitur : quia dum ménstruis moméntis decréscebat, defectum nostræ mortalitátis designat. Dum igitur Cónditor noster appropinquat Jéricho, cæcus ad lumen redit : quia dum divinitas defectum nostræ carnis suscepit, humánum genus lumen, quod amiserat, recepit. Unde enim Deus humana pátitur, inde homo ad divína sublevátur. Qui videlicet cæcus recte et juxta viam sedére, et mendicans esse describitur. Ipsa enim Véritas dicit : Ego sum via.

R̃. Cæcus sedébat secus viam, transeúnte Dómino, et clamávit ad eum : et ait illi Dóminus : * Quid vis ut faciam tibi? * Dómine, ut videam lumen. **Ṽ.** Stans áutem Jesus, jussit illum duci ad se, et cum appropinquáset, interrogávit eum, dicens. Quid. Glória Patri. Dómine.

Infra Hebd. Feria IV. et Sabbato, loco hujus R̃. dicitur R̃. primum Feriæ II. seq.

AD LAUDES

Ant. 1. Secundum multitudinem * miseratiónum tuárum Dómine, dele iniquitatem meam.

Ps. 50. Miserére. 366.

2. Deus meus es tu, * et

confitébor tibi : Deus meus es tu, et exaltábo te.

Ps. 117. Confitémini. 367.

3. Ad te de luce * vígilo Deus, ut vídeam virtútem tuam.

Ps. 62. Deus Deus meus. 18.

1. Hymnum dicite, * et superexaltáte eum in sácula.

Cant. Benedicite. 19.

5. Omnes Angeli * ejus laudáte Dóminum de cælis.

Ps. 148. Laudáte Dóminum de cælis. 20.

Capitulum. I. Cor. 13.

FRATRES : Si linguis hóminum loquar, et Angelórum, caritátem áutem non hábeam, factus sum velut æs sonans, aut cýmbalum tinniens.

Hymn. Ætérne rerum. 21.

ŷ. Dómine refúgium factus es nobis. **R.** A generatióne et progénie.

Ad Bened. Ant. Ecce ascéndimus * Jerosólymam, et consummabúntur ómnia, quæ scripta sunt de Filio hóminis : tradétur enim géntibus, et illudétur, et conspuétur : et postquam flagelláverint, occident eum, et tértia die resúrget.

Oratio.

PRECES nostras, quæsumus Dómine, cleménter exáudi : atque a peccatórum vinculis absolútos, ab omni nos adversitáte custódi. Per Dóminum.

AD PRIMAM

Ant. Iter faciénte * Jesu,

dum appropinquáret Jéricho, cæcus clamábat ad eum, ut lumen recipere mererétur.

Ad Absolutionem Capit., Lect. brev. Dóminus áutem dirigit. 29.

AD TERTIAM

Ant. Transeúnte * Dómino clamábat cæcus ad eum : Miserére mei, Fili David.

Capit. Fratres : Si linguis. **ut supra.**

R. br. Inclína cor meum Deus, * In testimónia tua. Inclína. **ŷ.** Avérte óculos meos, ne vídeant vanitátem : in via tua vivífica me. In. Glória Patri. Inclína.

ŷ. Ego dixi, Dómine miserére mei. **R.** Sana ánimam meam, quia peccávi tibi.

AD SEXTAM

Ant. Et qui præibant, * increpábant eum ut tacéret : ipse vero multo magis clamábat : Miserére mei, Fili David.

Capitulum. I. Cor. 13. c

CÁRITAS numquam éxcidit : sive prophetiæ evacuebúntur, sive linguæ cessábunt, sive sciéntia destruétur. Ex parte enim cognóscimus, et ex parte propheetámus.

R. br. In ætérnum Dómine * Pérmanet verbum tuum. In. **ŷ.** In sáculum sáculi véritas tua. Pérmanet. Glória Patri. In.

ŷ. Dóminus regit me, et nihil mihi déerit. **R.** In loco páscae ibi me collocávit.

AD NONAM

Ant. Cæcus magis * ac magis clamabat, ut eum Dóminus illumináret.

Capitulum. I. Cor. 13. d
NUNC autem manent, fides, spes, caritas; tria hæc: major autem horum est caritas.

R. br. Clamavi in toto corde meo, * Exaudi me Dómine. Clamavi. **V.** Justificationes tuas requiram. Exaudi. Glória Patri. Clamavi.

V. Ab occultis mei munda me Dómine. **R.** Et ab aliénis parce servo tuo.

AD VESPERAS.

Ant. et Pss. de Dom. 127.

Capit. Fratres: Si linguis hóminum. **ut supra.** 390.

Hymn. Lucis Creátor. **et V.** Dirigátur. 130.

Ad Magnif. Ant. Stans autem Jesus * jussit cæcum adduci ad se, et ait illi: Quid vis ut faciam tibi? Dómine, ut videam. Et Jesus ait illi: Réspice, fides tua te salvum fecit. Et confestim vidit, et sequebatur illum, magnificans Deum.

Oratio Preces. ut supra.

FERIA SECUNDA

De libro Génesis.

Lectio j. Cap. 13.

ASCENDIT ergo Abram de Ægýpto, ipse et uxor ejus, et omnia quæ habebat, et Lot cum eo ad Austrálem plagam. Erat autem dives valde in possessione áuri et

argénti. Reversusque est per iter, quo vénerat, a Meridie in Bethel usque ad locum ubi prius fixerat tabernáculum inter Bethel et Haï: in loco altáris quod fécerat prius, et invocávit ibi nomen Dómini. Sed et Lot qui erat cum Abram, fuérunt greges óvium, et arménta, et tabernácula. Nec póterat eos cápere terra, ut habitárent simul: erat quippe substántia eórum multa, et nequibant habitáre commúniter.

R. Movens Abram tabernáculum suum, venit et habitávit juxta convállem Mambre: * Ædificávitque ibi altáre Dómino. **V.** Dixit autem Dóminus ad eum: Leva óculos tuos, et vide: omnem terram quam cónspicis, tibi dabo, et sémini tuo in sempiternum. Ædificávitque.

Lectio ij.

UNDE et facta est rixa inter pastóres gregum Abram et Lot. Eo autem témpore Chananæus et Pherezæus habitábant in terra illa. Dixit ergo Abram ad Lot: Ne quæso sit júrgium inter me et te, et inter pastóres meos et pastóres tuos: fratres enim sumus. Ecce univérsa terra coram te est: recéde a me, óbsecro: si ad sinístram ieris, ego dexteram tenébo: si tu dexteram elégeris, ego ad sinístram pergá. Elevátis itaque Lot

óculis, vidit omnem circa regiónem Jordánis, quæ univérſa irrigabátur ántequam subvérteret Dóminus Sódómam et Gomórrham, sicut paradísus Dómini, et sicut Ægýptus veniéntibus in Segor. Elegítque sibi Lot regiónem circa Jordánem, et recéssit ab Oriénte.

R. Crédidit Abram Deo, et reputátum est ei ad justitiam : * Et ideo amícus Dei factus est. **V.** Fuit áutem justus coram Dómino, et ambulávit in viis ejus. Et.

Lectio iij.

DIVISÍQUE sunt altérutrum a fratre suo. Abram habitávit in terra Chánaan : Lot vero morátus est in óppidis, quæ erant circa Jordánem, et habitávit in Sódomis. Hómines áutem Sodomítæ péssimi erant, et peccatóres coram Dómino nimis. Dixítque Dóminus ad Abram, postquam divísus est ab eo Lot : Leva óculos tuos, et vide a loco, in quo nunc es, ad Aquilónem et Meridiem, ad Oriéntem et Occidéntem. Omnem terram quam cónspicis, tibi dabo, et sémini tuo usque in sempitérnum. Faciámque semen tuum sicut púlverem terræ.

R. Tentávit Dóminus Abraham, et dixit ad eum : * Tolle filium tuum, quem diligis, Isaac, et offer illum ibi in holocáustum super unum móntium, quem dixeró tibi. **V.** Vocátus quoque a Dómi-

no, respóndit, Adsum : et ait ei Dóminus. Tolle. Glória Patri. Tolle.

Ad Magnif. Ant. Et qui præibant, * increpábant eum ut tacéret : ipse vero multo magis clamábat : Miserére mei, Fili David.

FERIA TERTIA

De libro Génesis.

Lectio j. Cap. 14. b

ET egréſsi sunt rex Sodomórum, et rex Gomórrhæ, rexque Adamæ, et rex Séboïm, necnon et rex Balæ, quæ est Segor : et direxérunt áciem contra eos in valle Silvéstri : scilicet advérsus Chodorláhomor regem Elamitárum, et Thadal regem Géntium, et Amraphel regem Sénnaar, et Arioch regem Ponti : quátuor reges advérsus quinque. Vallis áutem Silvéstris habébat púteos multos bitúminis. Itaque rex Sodomórum, et Gomórrhæ terga vertérunt, ceciderúntque ibi : et qui remánsérant, fugérunt ad montem. Tulérunt áutem omnem substántiam Sodomórum et Gomórrhæ, et univérſa quæ ad cibum pér-tinent, et abiérunt : necnon et Lot et substántiam ejus, filium fratris Abram, qui habitábat in Sódomis.

R. Angelus. 387.

Lectio ij.

ET ecce unus, qui eváserat, nuntiávit Abram Hebræo, qui habitábat in

conválle Mambre Amor-rhæi, fratris Eschol, et fratris Aner : hi enim pepigerant fœdus cum Abram. Quod cum audisset Abram, captum videlicet Lot fratrem suum, numeravit expeditos vernáculos suos trecéntos decem et octo : et persecútus est usque Dan. Et divísis sóciis, irruit super eos nocte : percussitque eos, et persecútus est eos usque Hoba, quæ est ad lævam Damásci. Reduxitque omnem substántiam, et Lot fratrem suum cum substántia illius, mulieres quoque et pópulum.

℞. Vocávit Angelus Dómini. 388.

Lectio iij.

EGRÉSSUS est áutem rex Sodomórum in occúrsum ejus, postquam revérsum est a cæde Chodorláhomor, et regum qui cum eo erant in valle Save, quæ est vallis regis. At vero Melchisedech rex Salem, próferens panem et vinum, erat enim sacérdos Dei altissimi, benedíxit ei, et ait : Benedictus Abram Deo excélso, qui creávit cælum et terram : et benedictus Deus excélsus, quo protegéntē, hostes in mánibus tuis sunt. Et dedit ei décima ex ómnibus.

℞. Deus dómini. 388.

Ad Magnif. Ant. Miserére mei, * Fili David. Quid vis ut fáciam tibi? Dómine, ut videam.

FERIA IV. CINERUM

Si hac die occurrat Festum Duplex ex majoribus vel alicujus Doct. Eccles., transfertur in seq. diem Duplici vel Semidupl. non impeditam. De Duplicibus vero minoribus vel Semidupl. fit tantum Commem., ut dicitur in Rubrica de Translat. Fest. Aliis diebus Quadrag. usque ad majorem Hebd., si occurrat Festum Duplex, vel Semid., fit de eo cum Commem. et ix. Lect. de Homilia Fer. De Simpl. quoque fit tantum Commem., ut in Rubricis Generalibus.

In hac, et sequentibus Feriis usque ad Vesp. Sabbati, Hymni, Capit., et alia omnia dicuntur ut in Psalt. per annum, exceptis Ant. ad Benedictus, et Magnificat : et post Laud., Horas, Vesp., et Complet., dicuntur Preces flexis genibus, ut ibidem in Psalt.

Hodie ante Matut. in Choro dicuntur Psalmi Graduales, ut infra. 196*.

Lectio sancti Evangélii secúndum Matthæum.

Lectio j. Cap. 6. b

IN illo témpore : Dixit Jesus discipulis suis : Cum jejúnatis, nolite fieri sicut hypócritæ, tristes. Et réliqua.

Homilia sancti Augustini Episcopi.

Lib. 2. de Serm. Dom. in monte, cap. 12. tom. 4.

MANIFÉSTUM est, his præcéptis omnem nostram

intentióem in interióra gáudia dirigi : ne foris quærentes mercédem, huic sæculo conformémur, et amittámus promissióem tanto solidiórís atque firmiórís, quanto interiórís beatitúdinis, qua nos elégit Deus confórmes fieri imáginis Filii sui. In hoc áutem capítulo máxime adverténdum est, non in solo rerum corporeárum nitóre atque pompa, sed étiam in ipsis sórdibus luctuósis esse posse jactántiam; et eo periculosiórem, quo sub nómine servitutis Dei decipit.

R. Veni hódie ad fontem aquæ, et orávi Dóminum, dicens : * Dómine Deus Abraham, tu prósperum fecisti desidérium meum. **V.** Igitur puélla, cui dixero, Da mihi aquam de hýdria tua, ut bibam : et illa dixerit, Bibe dómine, et camélis tuis potum tribuam : ipsa est, quam præparávit Dóminus filio dómini mei. Dómine.

Lectio ij.

QUI ergo immoderáto cultu cörperis atque vestitu, vel cæterárum rerum nitóre præfulget, fáciie convíncitur rebus ipsis, pompárum sæculi esse sectátor, nec quemquam fallit dolósa imágine sanctitátis. Qui áutem in professióe christianitátis, inusitáto squalóre ac sórdibus inténtos in se óculos hóminum facit, cum id voluntáte fáciat, non neces-

sitate patiátur : ex cæteris ejus opéribus potest cónjici, utrum hoc contéptu superflui cultus, an ambitióe aliqua fáciat : quia et sub ovína pelle cavéndos lupos Dóminus præcépit : Sed ex frúctibus, inquit, eórum cognoscétis eos.

R. Factus est sermo Dómini ad Abram, dicens : * Noli timére Abram : ego protéctor tuus sum, et merces tua magna nimis. **V.** Ego enim sum Dóminus Deus tuus, qui edúxi te de Ur Chaldæórum. Noli timére.

Lectio iij.

CUM enim cœperint aliquibus tentatióibus ea ipsa scilicet illis súbtrahi, vel negári, quæ isto velámine vel consecúti sunt, vel cónsequi cúpiunt : tunc necesse est ut appáreat, utrum lupo in ovína pelle sit, an ovis in sua. Non tamen proptérea ornátu superfluo debet adspéctus hóminum mulcére Christiánus, quia illum parcum hábitum ac necessarium étiam simulátóres sæpius usúrpant, ut incáutos decipiant : quia et illæ oves non debent pelles suas depónere, si aliquándó eis lupi se cóntegant.

R. Movens Abram tabernáculum suum, venit et habitávit juxta convállem Mambre : * Ædificavitque ibi altáre Dómino. **V.** Dixit áutem Dóminus ad eum : Leva óculos tuos, et vide :

omnem terram quam cónspicis, tibi dabo, et sémmini tuo in sempitérnum. Ædificavitque. Glória Patri. Ædificavitque.

AD LAUDES
ET PER HORAS

Omnia ut in Psalt. 82.

Ad Bened. Ant. Cum jejúnatis, * nolite fieri sicut hypócritæ, tristes.

Deinde dicuntur Preces flexis genibus. 61.

Et similiter ad omnes Horas, ut in Psalterio.

Oratio.

PRÆSTA Dómine fidélibus tuis : ut jejuniórum veneránda solémnia, et cóngrua pietáte suscipiant, et secúra devotióne percúrrant. Per Dóminum.

Hodie, et duobus sequentibus diebus, dicuntur Vesperæ hora consueta : Sabbato vero dicuntur ante comestionem.

Ÿ. Dirigátur Dómine orátio mea. **℟.** Sicut incénsum in conspéctu tuo.

Ad Magnif. Ant. Thesaurizáte vobis * thesauros in cælo, ubi nec ærúgo, nec tinea demolitur.

Deinde Preces. 132.

Oratio.

INCLINANTES se Dómine majestáti tuæ, propitiátus inténde : ut qui divino múnere sunt refécti, cælestibus semper nutriántur auxiliis. Per Dóminum nostrum.

FERIA QUINTA

Léctio sancti Evangélíi secúndum Matthæum.

Lectio j. Cap. 8.

IN illo témpore : Cum introisset Jesus Capharnaum, accessit ad eum centúrio, rogans eum, et dicens : Dómine, puer meus jacet in domo paralyticus, et male torquétur. Et reliqua.

Homilia sancti Augustini
Epíscopi.

Lib. 2. de Cons. Evang.
c. 20. l. 1.

VIDEÁMUS, utrum sibi de hoc servo centuriónis Matthæus Lucásque conséntiant. Matthæus enim dicit : Accessit ad eum centúrio, rogans eum, et dicens : Puer meus jacet in domo paralyticus. Cui vidétur repugnare quod ait Lucas : Et cum audisset de Jesu, misit ad eum senióres Judæórum, rogans eum ut veniret, et sanáret servum ejus. At illi cum venissent ad Jesum, rogábant eum sollicité, dicéntes ei : Quia dignus est ut hoc illi præstes : diligit enim gentem nostram, et synagógam ipse ædificávit nobis. Jesus autem ibat cum illis : et cum jam non longe esset a domo, misit ad eum centúrio amicos, dicens : Dómine noli vexári : non enim dignus sum ut sub tectum meum intres.

℟. Dómine puer meus ja-

cet paralyticus in domo, et male torquetur : *Amen dico tibi, ego veniam, et curabo eum. *℣.* Domine, non sum dignus ut intres sub tectum meum : sed tantum dic verbo, et sanabitur puer meus. Amen.

Lectio ij.

SI enim hoc ita gestum est, quomodo erit verum, quod Matthæus narrat, Accessit ad eum quidam centurio, cum ipse non accesserit, sed amicos miserit : nisi diligenter advertentes intelligamus, Matthæum non omnimodo deseruisse usitatum morem loquendi? Non solum enim dicere solemus, accessisse aliquem etiam antequam perveniat illuc, quo dicitur accessisse : unde etiam dicimus, Parum accessit, vel multum accessit eo, quo appetit pervenire : verum etiam ipsam perventionem, cujus adipiscendi causa acceditur, dicimus plerumque factam, etsi eum, ad quem pervenit, non videat ille qui pervenit, cum per amicum pervenit ad aliquem, cujus ei favor est necessarius. Quod ita tenuit consuetudo, ut jam etiam vulgo perventores appellentur, qui potentium quorumlibet tamquam inaccessibiles animos, per convenientium personarum interpositionem, ambitionis arte pertingunt.

℞. Dum staret Abraham ad

ilicem Mambre, vidit tres viros ascendentes per viam : * Tres vidit, et unum adoravit. *℣.* Ecce Sara uxor tua pariet tibi filium, et vocabis nomen ejus Isaac. Tres.

Lectio iij.

NON ergo absurde Matthæus, etiam quod vulgo possit intelligi, per alios facto accessu centurionis ad Dominum, compendio dicere voluit : Accessit ad eum centurio. Verumtamen non negligenter intuenda est etiam sancti Evangelistæ altitudo mysticæ locutionis, secundum quam scriptum est in Psalmo : Accedite ad eum, et illuminamini. Proinde quia fidem centurionis, qua vere acceditur ad Jesum, ipse ita laudavit, ut diceret : Non inveni tantam fidem in Israël : ipsum potius accessisse ad Christum dicere voluit prudens Evangelista, quam illos, per quos verba sua miserat.

℞. Tentavit Dominus Abraham, et dixit ad eum : * Tolle filium tuum, quem diligis, Isaac, et offer illum ibi in holocaustum super unum montium, quem dixero tibi.

℣. Vocatus quoque a Domino, respondit, Adsum : et ait ei Dominus. Tolle. Gloria Patri. Tolle.

℣. Repleti sumus misericordia tua. *℞.* Exultavimus, et delectati sumus.

Ad Bened. Ant. Domine, * puer meus jacet paralyticus

in domo, et male torquetur : Amen dico tibi, ego véniam, et curábo eum.

Deinde Preces. 61.

Oratio.

DEUS, qui culpa offéndetis, pœniténtia placáris : preces pópuli tui supplicántis propítius réspice ; et flagélla tuæ iracúndiæ, quæ pro peccátis nostris merémur, avérte. Per Dóminum.

℣. Dirigátur Dómine orátio mea. ℞. Sicut incénsus in conspéctu tuo.

Ad Magnif. Ant. Dómine, * non sum dignus ut intres sub tectum meum : sed tantum dic verbo, et sanábitur puer meus.

Deinde Preces. 132.

Oratio.

PARCE Dómine, parce pópulo tuo : ut dignis flagellatióibus castigátus, in tua miseratióne respíret. Per Dóminum.

FERIA SEXTA

Léctio sancti Evangélíi secúndum Matthæum.

Lectio j. Cap. 5. g.

IN illo témpore : Dixit Jesus discipulis suis : Audistis quia dictum est : Diliges próximum tuum, et ódio habébis inimicum tuum. Et réliqua.

Homília sancti Hierónymi Presbýteri.

Lib. 1. Comm. in cap. 5. et 6. Matthæi.

EGO áutem dico vobis : Diligite inimicos vestros ; benefácite his qui odérunt

vos. Multi præcépta Dei, imbecillitáte sua, non Sanctórum víribus æstimántes, putant esse impossibília quæ præcépta sunt : et dicunt sufficere virtútibus, non odisse inimicos : cæterum diligere, plus præcipi, quam humana nátura patiátur. Sciéndum est ergo, Christum non impossibília præcípere, sed perfécta. Quæ fecit David in Saul, et in Absalom : Stéphanus quoque Martyr pro inimicis lapidántibus deprecátus est : et Páulus anathéma cupit esse pro persecutóribus suis. Hæc áutem Jesus et dócuit et fecit, dicens : Pater ignósce illis : quod enim fáciunt, nesciunt.

℞. Angelus Dómini vocávit Abraham, dicens : * Ne exténdas manum tuam super púerum, eo quod timeas Dóminum. ℣. Cumque extendisset manum ut immoláret filium, ecce Angelus Dómini de cælo clamávit, dicens. Ne exténdas.

Lectio ij.

UT sitis filii Patris vestri, qui in cælis est. Si Dei præcépta custódiens, filius quis efficitur Dei : ergo non est nátura filius, sed arbitrio suo. Cum ergo facis eleemósynam, noli tuba cánere ante te, sicut hypócritæ fáciunt in synagógis et in vicis, ut honorificéntur ab homínibus. Qui tuba canit, eleemósynam fáciens, hypócrita est. Qui jejúnans demolitur

faciem suam, ut ventris inanitatē monstret in vultu, et hic hypócrita est. Qui in synagógis et in ángulis plateárum orat, ut videátur ab hominibus, hypócrita est.

R. Vocávit Angelus Dómini Abraham de cælo, secúndo, dicens: Benedícam tibi, * Et multiplicábo te sicut stellas cæli. **V.** Possidébit semen tuum portas inimicórum tuórum, et benedicéntur in sémine tuo omnes tribus terræ. Et.

Lectio iij.

Ex quibus ómnibus colligitur hypócritas esse, qui quódlibet faciunt ut ab hominibus glorificéntur. Mihi vidétur et ille, qui dicit fratri suo: Dimitte ut tollam festúcam de óculo tuo: nam propter glóriam hoc fácere vidétur, ut ipse justus esse videátur. Unde dicitur ei a Dómino: Hypócrita éjice primum trabem de óculo tuo. Non itaque virtus, sed cáusa virtútis apud Deum mercédem habet. Et si a recta via páululum declináveris, non interest, utrum ad dexteram vadas, an ad sinistram, cum verum iter amiseris.

R. Deus dómini mei Abraham, dirige viam meam: * Ut cum salúte revértar in domum dómini mei. **V.** Obsecro Dómine, fac misericórdiam cum servo tuo. Ut. Glória Patri. Ut.

V. Repléti sumus mane

misericórdia tua. **R.** Exultávimus, et delectáti sumus.

Ad Bened. Ant. Cum facis * eleemósynam, nésciat sinistra tua quid faciat dextera tua.

Deinde Preces. 61.

Oratio.

INCHOÁTA jejúnia, quæsumus Dómine, benigno favóre proséquere: ut observántiam, quam corporáliter exhibémus, méntibus étiam sincéris exercére valeámus. Per Dóminum.

Hodie post Laudes dicuntur Psalmi Pœnitentiales. 197*.

V. Dirigátur Dómine oratio mea. **R.** Sicut incénsum in conspéctu tuo.

Ad Magnif. Ant. Tu áutem cum oráveris, * intra in cubiculum tuum: et cláuso óstio, ora Patrem tuum.

Deinde Preces. 132.

Oratio.

TUÉRE Dómine pópulum tuum, et ab ómnibus peccátis cleménter emúnda: quia nulla ei nocébit advérsitas, si nulla ei dominétur iniquitas. Per Dóminum nostrum.

SABBATO

Léctio sancti Evangélíi secúndum Marcum.

Lectio j. Cap. 6. f

IN illo témpore: Cum sero esset, erat navis in médio mari, et Jesus solus in terra. Et réliqua.

Homilia vénéralis Bedæ
Presbyteri.

Lib. 2. cap. 28. in cap. 6.
Marci, tom. 4.

LABOR discipulorum in remigando, et contrarius eis ventus, labores sanctæ Ecclesiæ varios designat : quæ inter undas sæculi adversantis, et immundorum flatus spirituum, ad quietem patriæ cælestis, quasi ad fidam littoris stationem, pervenire conatur. Ubi bene dicitur, quia navis erat in medio mari, et ipse solus in terra : quia nonnumquam Ecclesia tantis gentilium pressuris non solum afflicta, sed et fœdâta est, ut, si fieri posset, Redemptor ipsius eam prorsus deseruisse ad tempus videretur.

¶ Veni hodie ad fontem aquæ, et oravi Dominum, dicens : * Domine Deus Abraham, tu prosperum fecisti desiderium meum. ¶ Igitur puella, cui dixero, Da mihi aquam de hýdria tua, ut bibam : et illa dixerit, Bibe domine, et camélis tuis potum tribuam : ipsa est, quam præparavit Dominus filio domini mei. Domine.

Lectio ij.

UNDE est illa vox ejus inter undas procellasque tentationum irruentium deprehensæ, atque auxilium protectionis illius gemebundo clamore querentis : Ut quid Domine recessisti longe, despicias in opportunitati-

bus, in tribulatione? Quæ pariter vocem inimici persequentis exponit, insequentibus Psalmi subjiciens : Dixit enim in corde suo, Oblitus est Deus, avértit faciem suam, ne videat usque in finem.

¶ Factus est sermo Domini ad Abram, dicens : * Noli timere Abram : ego protector tuus sum, et merces tua magna nimis. ¶ Ego enim sum Dominus Deus tuus, qui eduxi te de Ur Chaldæorum. Noli.

Lectio iij.

VERUM ille non obliviscitur orationem pauperum, neque avértit faciem suam a sperantibus in se : quin potius et certantes cum hostibus, ut vincant, adjuvat, et victores in æternum coronat. Unde hic quoque aperte dicitur, quia vidit eos laborantes in remigando. Videt quippe Dominus laborantes in mari, quamvis ipse positus in terra : quia etsi ad horam differre videatur auxilium tribulatis impendere, nihilominus eos, ne in tribulationibus deficiant, suæ respectu pietatis corroborat : et aliquando etiam manifestò adjutorio, victis adversitatibus, quasi calcatis sedatisque fluctuum voluminibus liberat.

¶ Movens Abram tabernaculum suum, venit et habitavit juxta convallē Mambre : * Ædificavitque

ibi altáre Dómino. *V.* Dixit áutem Dóminus ad eum : Leva óculos tuos, et vide : omnem terram quam cónspicis, tibi dabo, et sémmini tuo in sempitérnum. *Ædificavitque. Glória Patri. Ædificavitque.*

V. Repléti sumus mane misericórdia tua. *R.* Exultávimus, et delectáti sumus.

Ad Bened. Ant. Me ét-enim * de die in diem quærunt, et scire vias meas volunt.

Deinde Preces. 61.

Oratio.

ADÉSTO Dómine supplicatiónibus nostris, et concède : ut hoc solémne jejúnium, quod animábus corporibúque curándis salúbriter institútum est, devóto servítio celebrémus. *Per.*

SABBATO I. IN QUADRAGESIMA
AD VESPERAS

Capitulum. II. Cor. 6.

FRATRES : Hortámur vos, ne in vácuum grátiam Dei recipiátis. Ait enim : Témpore accépto exaudivi te, et in die salútis adjúvi te.

Hymnus.

AUDI benigne Cónditor
Nostras preces cum flé-tibus,

In hoc sacro jejúnio
Fusas quadragenário.

Scrutátor alme córdium,
Infirma tu scis vírium :
Ad te revérsis éxhibe
Remissiónis grátiam.

Multum quidem peccávi-mus,

Sed parce confiténtibus :
Ad nóminis láudem tui
Confer medélam lánguidis.

Concède nostrum cónteri
Corpus per abstinéntiam ;
Culpæ ut relinquant pábu-lum

Jejúna corda criminum.

Præsta beáta Trinitas,
Concède simplex Unitas ;
Ut fructuósa sint tuis
Jejuniórum múnera.

Amen.

V. Angelis suis Deus mandávit de te. *R.* Ut custódiant te in ómnibus viis tuis.

Ad Magnif. Ant. Tunc invocábis, * et Dóminus exáudiet : clamábis, et dicet : Ecce adsum.

Oratio.

DEUS, qui Ecclésiam tuam ánnua Quadragesimáli observatióné purificas : præsta familiæ tuæ ; ut quod a te obtinére abstinéndo nititur, hoc bonis opéribus exsequátur. *Per Dóminum.*





PROPRIUM SANCTORUM

FESTA NOVEMBRIS

DIE XXIX

COMMEM. S. SATURNINI

MARTYRIS

Ad Vesp. Ant. Iste sanctus pro lege Dei sui certávit usque ad mortem, et a verbis impiórum non timuit : fundátus enim erat supra firmam petram.

Ÿ. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

DEUS ; qui nos beáti Saturnini Mártyris tui concédís natalitio pérfrui : ejus nos tribue méritis adjuvári. Per Dñum.

De Festis occurrentibus in Adventu non fit Officium, nisi fuerit Dupl. vel Semid. Quod si Festum Duplex ex majoribus vel alicujus Doct. Ecclesiæ venerit in Dom., transfertur in primam diem non impeditam. Duplicia vero minora vel Semiduplicia commemorantur in utrisque Vesperis et Laud.,

sine ix. **Lect. De Simplicibus item fit tantum Commem. ut in Rubricis Generalibus.**

¶ In Vigilia S. Andreæ Apost. nihil fit de ea, nisi in Missa.

AD LAUDES

Commem. S. Saturnini.

Ant. Qui odit ánimam suam in hoc mundo, in vitam ætérnam custódit eam.

Ÿ. Justus ut palma florébit. **R.** Sicut cedrus Libani multiplicábitur.

DIE XXX

S. ANDREÆ APOSTOLI

Duplex 2. classis.

IN I. VESPERIS

Ant. de Laud. Pss. ut in I. Vesp. de Comm. Apost. 2*. Capitulum. Rom. 10. b

FRATRES : Corde enim créditur ad justitiam, ore áutem conféssio fit ad salútem. Dicit enim Scriptúra : Omnis, qui credit in illum, non confundétur.

Hymn. Exsúltet orbis. 406.

Ÿ. In omnem terram exi-

vit sonus eórum. **R.** Et in fines orbis terræ verba eórum.

Ad Magnif. Ant. Unus ex duóbus, qui secúti sunt Dóminum, erat Andréas, frater Simónis Petri, allelúia.

Oratio ut ad Laudes.

Et fit Commem. Ferie occur.

AD MATUTINUM

Invitat., Hymn. et Psalmi Noct. de Comm. Apost. 4*.

IN I. NOCTURNO

Ant. Vidit Dóminus Petrum et Andréam, et vocávit eos.

Ant. Veníte post me, dicit Dóminus, fáciam vos fieri piscatóres hóminum.

Ant. Relictis rétibus suis, secúti sunt Dóminum Redemptórem.

V. In omnem terram exivit sonus eórum. **R.** Et in fines orbis terræ verba eórum.

De Epístola beáti Páuli Apóstoli ad Romános.

Lectio j. Cap. 10.

FINIS legis, Christus, ad justitiam omni credénti. Móyses enim scripsit, quóniam justitiam, quæ ex lege est, qui fécerit homo, vivet in ea. Quæ áutem ex fide est justitia, sic dicit : Ne dixeris in corde tuo : Quis ascéndet in cælum? id est, Christum dedúcere. Aut quis descéndet in abyssum? hoc est, Christum a mórtuis revocáre. Sed quid dicit Scriptúra? Prope est verbum in

ore tuo, et in corde tuo : hoc est verbum fidei, quod prædicámus. Quia si confiteáris in ore tuo Dóminum Jesum, et in corde tuo credideris quod Deus illum suscitávit a mórtuis, salvus eris.

R. Cum perambuláret Dóminus juxta mare Galilææ, vidit Petrum et Andréam rétia mitténtes in mare, et vocávit eos, dicens : * Veníte post me, fáciam vos fieri piscatóres hóminum. **V.** Erant enim piscatóres, et ait illis. Veníte.

Lectio ij.

CORDE enim créditur ad justitiam : ore áutem conféssio fit ad salutem. Dicit enim Scriptúra : Omnis, qui credit in illum, non confundétur. Non enim est distinctio Judæi et Græci : nam idem Dóminus ómnium, dives in omnes qui invocant illum. Omnis enim, quicumque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo áutem áudient sine prædicánte? Quómodo vero prædicábunt nisi mittántur? sicut scriptum est : Quam speciósi pedes evangelizántium pacem, evangelizántium bona!

R. Mox ut vocem Dómini prædicántis audivit beátus Andréas, relictis rétibus, quorum usu actúque vivé-

bat, * Æternæ vitæ secûtus est præmia largiëntem. *ŷ.* Hic est qui pro amore Christi pepëndit in cruce, et pro lege ejus sustinuit passiönem. Æternæ.

Lectio iij.

SED non omnes obédiunt Evángelio. Isaías enim dicit: Dómine quis crédidit auditui nostro? Ergo fides ex auditu, auditus áutem per verbum Christi. Sed dico: Numquid non audiérunt? Et quidem in omnem terram exívit sonus eórum, et in fines orbis terræ verba eórum. Sed dico: Numquid Israël non cognóvit? Primus Móyses dicit: Ego ad æmulatiönem vos addúcam in non gentem: in gentem insipientem, in iram vos mittam. Isaías áutem áudet, et dicit: Invéntus sum a non quæréntibus me: palam ap-páruí iis, qui me non interrogábant. Ad Israël áutem dicit: Tota die expándi manus meas ad pópulum non credéntem et contradicéntem.

R. Doctor bonus, et amicus Dei Andréas dúcitur ad crucem, quam a longe adspiciens dixit: Salve crux, * Súscipe discipulum ejus, qui pepëndit in te magister meus Christus. *ŷ.* Salve crux, quæ in córpore Christi dedicáta es: et ex membris ejus tamquam margarítis ornáta. Súscipe. Glória Patri. Súscipe.

IN II. NOCTURNO

Ant. Dignum sibi Dóminus computávit Mártirem; quem vocávit Apóstolum, dum esset in mari, allelúia.

Ant. Diléxit Andréam Dóminus in odórem suavitátis.

Ant. Bíduo vivens pendébat in cruce beátus Andréas pro Christi nómine, et docébat pópulum.

ŷ. Constitues eos principes super omnem terram.

R. Mémoires erunt nóminis tui Dómine.

Lectio iv.

ANDRÉAS Apóstolus Beth-sáidæ natus, qui est Galiléæ vicus, frater Petri, discipulus Joánnis Baptistæ, cum eum de Christo dicéntem audisset: Ecce Agnus Dei; secûtus Jesum, fratrem quoque suum ad eúmdem perdúxit: cum póstea una cum fratre piscarétur in mari Galiléæ, ambo a prætereúnte Christo Dómino ante álios Apóstolos vocáti illis verbis: Venite post me, fáciám vos fieri piscatóres hóminum; nullam interponéntes moram, et relíctis rétibus secúti sunt eum. Post cujus passiönem et resurrectionem, Andréas, cum in Scýthiam Európæ, quæ ei provincia ad Christi fidem disseminándam obtigerat, venisset, deinde Epírum ac Thráciám peragrásset; doctrína et miráculis innumérabiles hómines ad Christum convértit. Post Patras

Acháïæ profectus, et in ea urbe plurimis ad veritatem evangélicam perductis, Ægéam procónsulem, prædicationi evangélicæ resisténtem, liberrime increpavit, quod, qui iudex hominum haberi vellet, Christum Deum ómnium júdicem a dæmónibus elúsus non agnósceret.

R. Homo Dei ducebátur ut crucifigerent eum : pópulus áutem clamábat voce magna, dicens : * Innocens ejus sanguis sine cáusa damnátur. **V.** Cumque dúcerent eum ut crucifigerétur, factus est concúrsus populórum clamántium, et dicéntium. Innocens.

Lectio v.

TUM Ægéas irátus, Désine, inquit, Christum jactáre, cui simília verba nihil profuérunt, quo minus a Judæis crucifigerétur. Andréam vero de Christo nihilóminus libere prædicántem, quod pro salute humáni géneris se crucifigéndum obtulisset, impia oratione interpéllat, ac demum hortátur, ut sibi cónsulens, diis velit immolare. Cui Andréas : Ego omnipoténti Deo, qui unus et verus est, immolo quotidie, non taurórum carnes, nec hircórum ságuinem, sed immaculátum Agnum in altári : cujus carnem postea quam omnis pópulus credéntium manducáverit, Agnus, qui sacrificátus est, ínteger

persevérat et vivus. Quamóbrem ira accénsus Ægéas, jubet eum in cárcerem detrúdi : unde pópulus Andréam fáçile liberásset, nisi ipse sedásset multitudinem, vehementius rogans, ne se ad optatissimam martýrii corónam properántem impédirent.

R. O bona crux, quæ decórem et pulchritúdinem de membris Dómini suscepisti ; áccipe me ab hominibus, et redde me magistro meo : * Ut per te me recípiat, qui per te me redémit. **V.** Beátus Andréas expánsis mánibus ad cælum orábat, dicens : Salva me bona crux. Ut.

Lectio vj.

IGITUR páulo post in tribúnal productum, cum Ægéas crucis extolléntem mystéria, sibique suam impietátem exprobrántem diútius ferre non posset, in crucem tolli, et Christi mortem imitári jussit. Addúctus Andréas ad locum martýrii, cum crucem vidisset, longe exclamáre cœpit : O bona crux, quæ decórem ex membris Dómini suscepisti, diu desideráta, sollicitè amáta, sine intermissione quæsita, et aliquándo cupiénti ánimo præparáta : áccipe me ab hominibus, et redde me magistro meo : ut per te me recípiat, qui per te me redémit. Itaque cruci affixus est : in qua bíduum vivus pendens, et Christi fidem præ-

dicare numquam intermit-
tens, ad eum migravit, cujus
mortis similitudinem concu-
pierat. Quæ omnia presby-
teri et diaconi Achaiæ, qui
ejus passionem scripsérunt,
se ita ut commemorata sunt,
audisse et vidisse testantur.
Ejus ossa primum Constan-
tino imperatore Constanti-
nopolim, deinde Amalphim
translata sunt. Caput, Pio
secundo Pontifice, Romam
allatum, in basilica sancti
Petri collocatum est.

R. Expandi manus meas
tota die in cruce ad populum
non credentem, sed contra-
dicentem mihi: Qui ambu-
lant vias non bonas, sed post
peccata sua. **V.** Deus ultio-
num Dominus, Deus ultio-
num libere egit: exaltare
qui iudicas terram, redde
retributionem superbis. Qui
ambulant. Gloria Patri. Qui
ambulant.

IN III. NOCTURNO

Ant. Non me permittas
Domine, famulum tuum a
te separari: tempus est ut
commendetur terræ corpus
meum, et me ad te venire
iubeas.

Ant. Andreas vero rogabat
populum, ut non impediret
passionem ipsius.

Ant. Accipe me ab homi-
nibus, et redde me magistro
meo: ut per te me recipiat,
qui per te me redemit, alle-
luia.

V. Nimis honorati sunt
amici tui Deus. **R.** Nimis

confortatus est principatus
eorum.

Lectio sancti Evangelii se-
cundum Matthæum.

Lectio vij. Cap. 4. c

IN illo tempore: Ambulans
Jesus juxta mare Galilææ,
vidit duos fratres, Simónem,
qui vocatur Petrus, et An-
dræam fratrem ejus, mittén-
tes rete in mare. Et reliqua.

Homilia sancti Gregorii
Papæ.

Homil. 5. in Evang.

AUDISTIS, fratres caris-
simi, quia ad unius jus-
sionis vocem Petrus et An-
dræas relictis retibus secuti
sunt Redemptorem. Nulla
vero hunc facere adhuc mi-
racula viderant; nihil ab eo
de præmio æternæ retribu-
tionis audierant: et tamen ad
unum Domini præceptum,
hoc quod possidere vide-
bantur, obliti sunt. Quanta
nos ejus miracula videmus,
quot flagellis affligimur,
quantis minarum asperita-
tibus deterrémur, et tamen
vocantem sequi contemni-
mus?

R. Oravit sanctus Andréas,
dum respiceret in cælum,
et voce magna clamavit et
dixit: Tu es Deus meus,
quem vidi: ne me patiaris
ab impio iudice depóni:
Quia virtutem sanctæ cru-
cis agnovi. **V.** Tu es magister
meus Christus, quem dilexi,
quem cognovi, quem con-
fessus sum: tantummodo in
ista voce exaudi me. Quia.

Lectio viij.

IN cælo jam sedet, qui de conversiõne nos ádmonet: jam jugo fidei colla gèntium súbdidit, jam mundi glóriam stravít, jam ruínis ejus crebrescéntibus, districti sui judicii diem propinquántem denúntiat: et tamen supérba mens nostra adhuc non vult hoc sponte desérere, quod quotidie perdit invíta. Quid ergo, fratres caríssimi, quid in ejus judicio dictúri sumus, qui ab amóre præsentis sáculi nec præcéptis fléctimur, nec verbéribus emendámur?

R. Videns crucem Andréas, exclamávit, dicens: O crux admirábilis, o crux desiderábilis, o crux quæ per totum mundum rútilas: * Súscipe discipulum Christi, ac per te me recípiat, qui per te móriens me redémit. **V.** O bona crux, quæ decórem et pulchritúdinem de membris Dómini suscepisti. Súscipe. Glória Patri. Súscipe.

Lectio ix.

SED fortásse áliquis tácitis sibi cogitatiõnibus dicat: Ad vocem Domínicam utérque iste piscátor quid, aut quantum dimisit, qui pene nihil hábuit? Sed hac in re, fratres caríssimi, afféctum debémus pótius pensáre, quam censum. Multum reliquit, qui sibi nihil retínuit: multum reliquit, qui quantumlibet parum, totum deséruit. Certe nos et hábita cum

amóre possidémus, et ea, quæ mínime habémus, ex desidério quærimus. Multum ergo Petrus et Andréas dimisit, quando utérque étiam desidéria habéndi dereliquit.

Te Deum laudámus. 17.

AD LAUDES

ET PER HORAS

Ant. 1. Salve crux pretiõsa, * súscipe discipulum ejus, qui pepéndit in te magister meus Christus.

Ps. Dóminus regnávít. **cum reliq.** 18.

2. Beátus Andréas * orábat, dicens: Dómine Rex ætérnæ glóriæ, súscipe me pendéntem in patíbulo.

3. Andréas Christi fámulus, * dignus Dei Apóstolus, germánus Petri, et in passiõne sócius.

4. Maximilla Christo amábilis * tulit corpus Apóstoli, óptimo loco cum aromatibus sepelívit.

5. Qui persequebántur justum, * demersisti eos Dómine in inférno, et in ligno crucis dux justí fuísti.

Capitulum. Rom. 10. b

FRATRES: Corde enim créditur ad justítiam, ore autem conféssio fit ad salutem. Dicit enim Scriptúra: Omnis, qui credit in illum, non confundétur.

Hymnus.

EXSÚLTET orbis gáudiis: Cælum resúltet láudibus: Apostolórum glóriam Tellus et astra cóncinunt.

Vos sæculorum iudices,
Et vera mundi lúmina :
Votis precámur córdium,
Audite voces súpplicum.

Qui templa cæli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum próti-
nus

Languor salúsque sentiunt :
Sanáte mentes lánguidas ;
Augéte nos virtútibus.

Ut, cum redíbit Arbiter
In fine Christus sæculi,
Nos sempitérni gáudii
Concedat esse cómpotes.

Patri, simúlque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

Ÿ. Annuntiavérunt ópera
Dei. R. Et facta ejus intelle-
xérunt.

Ad Bened. Ant. Concéde
nobis hóminem justum, red-
de nobis hóminem sanctum :
ne interficias hóminem Deo
carum, justum, mansuétum,
et pium.

Oratio.

MAJESTÁTEM tuam Dómine
súppliciter exorámus :
ut sicut Ecclésiæ tuæ beátus
Andréas Apóstolus éxstitit
prædicátor et rector ; ita
apud te sit pro nobis perpé-
tuus intercéssor. Per Dñum.

Et sit Commem. Feriæ.

AD TERTIAM

Ant. Beátus Andréas.

Capit. Fratres : Corde
enim.

R. br. In omnem terram
* Exívit sonus eórum. In. V.
Et in fines orbis terræ verba
eórum. Exívit. Glória Patri.
In omnem.

Ÿ. Constitues eos princi-
pes super omnem terram. R.
Mémoires erunt nóminis tui
Dómine.

AD SEXTAM

Ant. Andréas, Christi fá-
mulus.

Capitulum. Rom. 10. c

NON enim est distíctio Ju-
dæi et Græci : nam idem
Dóminus ómnium, dives in
omnes, qui invocant illum.
Omnis enim, quicúmque in-
vocáverit nomen Dómini,
salvus erit.

R. br. Constitues eos prin-
cipes * Super omnem terram.
Constitues. V. Mémoires erunt
nóminis tui Dómine. Super.
Glória Patri. Constitues.

V. Nimis honoráti sunt
amíci tui Deus. R. Nimis
confortátus est principátus
eórum.

AD NONAM

Ant. Qui persequébántur
justum.

Capitulum. Rom. 10. c

ISAÍAS enim dicit : Dómine
quis crédidit auditui no-
stro? Ergo fides ex auditu,
auditus áutem per verbum
Christi. Sed dico : Numquid
non audiérunt? Et quidem in
omnem terram exívit sonus
eórum, et in fines orbis
terræ verba eórum.

R. br. Nimis honoráti sunt
* Amíci tui Deus. Nimis. V.

Nimis confortátus est princípátus eórum. Amíci. Glória Patri. Nimis.

Ÿ. Annuntiavérunt ópera Dei. R̃. Et facta ejus intellexerunt.

IN II. VESPERIS

Ant., Capit., Hymn. et Ÿ. de Laudibus; Pss. vero ut in II. Vesperis de Comuni Apostolorum. 15*.

Ad Magnif. Ant. Cum pervenisset beátus Andréas ad locum, ubi crux paráta erat, exclamávit et dixit : O bona crux, diu desideráta; et jam concupiscénti ánimo præparáta : secúrus et gáudens vénio ad te, ita et tu exsúltans suscipias me discipulum ejus, qui pepéndit in te.

Et fit Commem. Feriæ.

FESTA DECEMBRIS

DIE II

SANCTÆ BIBIANÆ

VIRGINIS ET MARTYRIS

Semiduplex.

Omnia dicuntur de Comm. Virg. 95*, præter seq.

Oratio.

DEUS ómnium largitor bonórum, qui in fámula tua Bibiána cum virginitátis flore martýrii palmam conjunxisti: mentes nostras ejus intercessióne tibi caritáte conjunge; ut amóti periculis præmia consequámur ætérna. Per Dóminum.

Et fit Commem. Feriæ.

IN I. NOCTURNO

Lect. de Script. occur.

IN II. NOCTURNO

Lectio iv.

BIBIÁNA virgo Romána, nóbili génere nata, christiána fide nobílior fuit. Ejus enim pater Flaviánus sub Juliáno Apóstata impiissimo tyránno expræfèctus, servilibúque notis compúctus, ad Aquas Taurínas depor-

tátus, martyr occúbuit. Mater Dafrósa, et filiæ primum conclúsæ domi, ut inédia conficeréntur; mox relegáta mater extra Urbem cápite plexa est. Mórtuis áutem piis paréntibus, Bibiána cum soróre sua Demétria bonis ómnibus exspoliátur; Aproniánus Urbis prætor, pecúniis inhians, soróres perséquitur; quas humana prorsus ope destitútas, Deo mirabiliter, qui dat escam esuriéntibus, enutriente, cum vivacióres vegetiorésque conspexisset, veheménter est admirátus.

R̃. Propter veritátem, et mansuetúdinem, et justitiam : * Et dedúcet te mirabiliter dextera tua. Ÿ. Spécie tua et pulchritúdine tua inténde, prospere procéde, et regna. Et.

Lectio v

SUÁDET nihilóminus Aproniánus, ut veneréntur deos géntium, amíssas ideo

opes, imperatoris gratiam, præclarissimas nuptias consecuturæ. Si secus fecerint, minatur carceres, virgas, secures. At illæ neque blanditiis, neque minis a recta fide declinantes, paratæ potius mori, quam fœdari moribus ethnicorum, prætoris impietatem constantissime detestantur. Quare Demetria ob oculos Bibianæ repente corruens, obiit in Domino: Bibiana Rufinæ mulieri vafferimæ seducenda traditur, quæ ab incunabulis edocta, christianas leges, et illibatum servare virginitatis florem, se ipsa fortior feminæ superavit insidias, et prætoris astus delusit.

R. Dilexisti justitiam, et odisti iniquitatem: * Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

Nihil autem proficiente Rufina, quæ, præter dolosa verba, illam quotidie verbèribus affligèbat, ut de sancto proposito dimoveret, spe sua frustratus prætor, accensus ira, quod in Bibiana perdidisset operam, a lictoribus eam denudari, vinctisque manibus columnæ alligari, eamque plumbatis cædi jubet, donec efflaret animam. Cujus sacrum corpus objectum canibus biduo jacuit in foro Tauri, illæsum tamen, et divinitus serva-

tum; quod deinde Joannes presbyter sepelivit noctu juxta sepulcrum sororis et matris ad palatium Liciniænum, ubi usque in præsens exstat ecclesiæ Deo, sanctæ Bibianæ nomine, dicata, quam Urbanus octavus instauravit, sanctarum Bibianæ, Demetriæ, et Dafrôsæ corporibus in ea repertis, et sub ara maxima collocatis.

R. Afferentur. 104*.

IN III. NOCTURNO

Homil. in Evang. Símile est regnum. **ut in Comm. non Virg.** 116*. **R.R.** de Comm. **Virg.** 107*.

In Laud. fit Commem. Fer. in Adventu.

Vesp. de seq., cum Commem. præced. et Feriæ.

DIE III

S. FRANCISCI XAVERII

CONFESSORIS

Duplex.

Omnia de Comm. Conf. non Pont. 76*, præter seq.

Oratio.

DEUS, qui Indiârûm gentes beati Francisci prædicatione et miraculis Ecclesiæ tuæ aggregare voluisti: concede propitius; ut cujus gloriosa mérita venerámur, virtutum quoque imitémur exempla. Per Dóminum.

Et fit Commem. præced

Ant. Veni sponsa Christi, accipe coronam, quam tibi Dóminus præparavit in ætérnum.

V. Diffusa est grátia in lábiis tuis. **R.** Propterea benedixit te Deus in ætérnum.

Oratio Deus ómnium. **ut supra.** 408.

Postea Ferie.

IN I. NOCTURNO

Lect. de Script. occur.

IN II. NOCTURNO

Lectio iv.

FRANCISCUS in Xavério diœcésis Pampelonénsis nobilibus paréntibus natus, Parisiis sancto Ignátio sese cómitem et discipulum junxit. Ipso magistro eo brevi devénit, ut in rerum divinarum contemplatióne defixus, a terra aliquándo sublimis elevarétur : quod illi sacrificánti coram pópuli multitúdine aliquóties evénit. Has ánimi delicias magnis sui córporis cruciátibus merebátur. Nam interdicto sibi, non carnis solum et vini, sed panis quoque triticeí usu, vilibus cibis vesci sólitus, per biduum subinde triduúmque omni prorsus aliménto abstínuit. Férreis in se flagéllis ita sáviit, ut sæpe copióso cruóre difflúeret; somnum brevíssimum humi jacens carpébat.

R. Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

VITÆ austeritáte ac sanctitáte apostólico múnere jam matúrus, cum Joánnes tértius Lusitániæ rex áliquot nascéntis societátis viros a Páulo tértio pro Indiis postuláset; sancti Ignátii hortátu, ab eódem Pontífice ad tantum opus cum apostólici Núntii potestáte deligitur. Eo appúlsus, illico variarum géntium difficillimis et váriis linguis divínitus instrúctus appáruit. Quin eum quándoque único idiómate ad divérsas gentes concionántem, unaquæque sua lingua loquéntem audívit. Provinciás innúmeras pédibus semper, et sæpe nudis, peragrávit. Fidem Japóniæ et sex áliis regiónibus invéxit. Multa centéna hóminum millia ad Christum in Indiis convertit : magnósque príncipes, regésque complúres sacro fonte expiávit. Et cum tam magna pro Deo ágeret, ea erat humilitáte, ut sancto Ignátio, tunc præpósito suo, flexis génibus scriberet.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

Lectio vj.

IUNC dilatándi Evangélii ardórem multitúdine et excelléntia miraculórum Dóminus roborávit. Cæco vi-

sum réddidit. Tantum marinæ aquæ signo crucis convertit in dulcem, quantum quingéntis vectóribus, qui siti adigebántur ad mortem, diu suffécit : qua in várias quoque regiónés asportáta, ægri plúrimi súbito curáti sunt. Plures mórtuos revocávit ad vitam, inter quos pridie sepúltum éruí jussum e túmulo suscitávit, duósque álios, dum efferréntur, apprehénsa eórum manu, paréntibus e féretro vivos restituit. Prophetiæ spírítu passim afflátus, plúrima et loco et témpore remotíssima enuntiávit. Demum in Sanctiáno Sinárum ínsula, die secúnda Decémbris, óbiit plenus méritis, laboribúsque conféctus. Demórtui cadáver viva calce per multos menses bis óbrutum, sed pénitus incorrúptum, odóre et ságuine manávit : et ubi Málacam delátum est, pestem sævissimam conféstim exstinxit. Dénique ubique terrárum novis maximisque fulgéntem miráculis, Gregórius décimus quintus Sanctis adscripsit.

℞. Iste homo. 83*.

IN III. NOCTURNO
Léctio sancti Evangélii secundum Marcum.

Lectio vij. Cap. 16. c

IN illo témpore : Dixit Jesus discípulis suis : Eúntes in mundum univérsum, prædicáte Evangélium omni creatúræ. Et réliqua.

Homilia sancti Gregórii
Papæ.

Homil. 29. in Evang.
post init.

POTEST omnis creatúræ nómine omnis natio gentium designári. Ante enim dictum fúerat : In viam gentium ne abiéritis ; nunc áutem dicitur : Prædicáte omni creatúræ : ut scilicet prius a Judæa Apostolorum repúlsa prædicatio tunc nobis in adiutorium fieret, cum hanc illa ad damnationis suæ testimoniúm superba repulisset. Sed cum discipulos ad prædicándum Véritas mittit, quid áliud in mundo facit, nisi grana séminis spargit ? Et páuca grana mittit in sémine, ut multárum méssium fruges recipiat ex nostra fide.

℞. Iste est qui ante Deum magnas virtútes operátus est, et de omni corde suo laudávit Dóminum : * Ipse intercedat pro peccátis ómnium populórum. ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercedat.

Lectio viij.

NEQUE étenim in univérso mundo tanta fidélium messis exsúrgeret, si de manu Dómini super rationálem terram illa elécta grana prædicántium non venissent. Séquitur : Qui crediderit, et baptizátus fúerit, salvus erit : qui vero non crediderit, con-

demnabitur. Fortasse unusquisque apud semetipsum dicat: Ego jam credidi, salvus ero. Verum dicit, si fidem opéribus tenet. Vera etenim fides est, quæ in hoc, quod verbis dicit, móribus non contradicit. Hinc est enim quod de quibúsdam falsis fidélibus Páulus dicit: Qui confiténtur se nosse Deum, factis áutem negant.

R. Sint lumbi vestri præcincti, et lucernæ ardentes in mánibus vestris: * Et vos similes homínibus expectántibus dóminum suum, quando révertátur a núptiis. **V.** Vigiláte ergo, quia nescítis qua hora Dóminus vester ventúrus sit. Et vos. Glória Patri. Et vos.

Lectio ix.

SIGNA áutem eos, qui credituri sunt, hæc sequén-tur: In nómine meo dæmónia ejicient, linguis loquén-tur novis, serpéntes tollent: et si mortiferum quid bibe-rint, non eis nocébit: super ægros manus impónent, et bene habébunt. Numquid-nam, fratres mei, quia ista signa non fácitis, mínime créditis? Sed hæc necessária in exórdio Ecclésiæ fuérunt. Ut enim ad fidem crésceret multitúdo credéntium, miráculis fúerat nutriénda. Quia et nos, cum arbústa plantá-mus, támdiu eis aquam in-fúndimus, quóusque ea in terra jam coaluisse videá-mus: et si semel radicem

fixerint, irrigátio cessábit. Hinc est enim quod Páulus dicit: Linguæ in signum sunt non fidélibus, sed in-fidélibus.

Te Deum laudámus. 17.

In Laud. fit Commem. Fer.

Vesp. a Capit. de seq., cum Commem. præced., Feriæ, ac sanctæ Barbaræ Virg. et Mart.

DIE IV

S. PETRI CHRYSOLOGI

EPISC. CONF. ET ECCL. DOCT.

Duplex.

Omnia de Comm. Conf. Pont. 55*, præter seq. (m. t. v.)

In utrisque Vesperis ad Magnif. Ant. O Doctor ópti-me, Ecclésiæ sanctæ lumen, beáte Petre Chrysóloge, di-vinæ legis amátor, depre-cáre pro nobis Filium Dei.

Oratio.

DEUS, qui beátum Petrum Chrysólogum Doctórem egrégium, divínitus præ-monstrátum, ad regéndam et instruéndam Ecclésiám tuam éligi voluisti: præsta, quæsumus; ut quem Doctórem vitæ habúimus in terris, intercessórem habére me-reámur in cælis. Per Dñm.

Et fit Commem. præced.

Ant. Hic vir despiciens mundum et terréna, triúm-phans, divítias cælo cóndi-dit ore, manu.

V. Justum dedúxit Dómi-nus per vias rectas. **R.** Et osténdit illi regnum Dei.

Oratio. Deus, qui Indiárum. 409.

Postea Feriæ Advent., et sanctæ Barbaræ Virg. et Mart.

Ant. Veni sponsa Christi, accipe coronam, quam tibi Dóminus præparávit in ætérnum.

V. Spécie tua et pulchritúdine tua. **R.** Inténde, prospere procéde, et regna.

Oratio.

DEUS, qui inter cætera poténtiæ tuæ miracula, étiam in sexu frágili victóriam martýrii contulisti : concéde propítius; ut qui beátæ Bárbaræ Vírginis et Mártyris tuæ natalitia cólimus, per ejus ad te exémpla gradiámur. Per Dóminum.

IN I. NOCTURNO

Lect. Fidélis sermo. *de eodem Comuni 1^o loco.* 58*.

IN II. NOCTURNO

Lectio iv.

PETRUS, qui ob áuream ejus eloquéntiam Chrysólogi cognómen adéptus est, Foro Cornélii in Æmilia honéstis paréntibus natus, a prima ætáte ánimus ad religiónem adjiciens, Cornélio Románo, tunc ejúsdem urbis Corneliénsis epíscopo, óperam dedit : a quo étiam, sciéntia et vitæ sanctitáte cum brevi profecisset, diáconus creátus est. Póstmodum cóntigit, ut Ravennátes ob mortem archipræsulis sui álium (ut moris erat) ab eis eléctum Romam ad sanctum Xystum Papam

tértium pro confirmatióne miserint una cum legátis suis, et cum prædicto Cornélio, qui eúmdem levítam secum perdúxit. Interim sanctus Petrus Apóstolus, et Martyr Apollináris Summo Pontifici in somnis apparuérunt, mediúmque habéntes hunc júvenem, jussérunt, ut illum, et non álium, in archiepiscopum Ravénnæ creáret. Hinc Póntifex, mox ut vidit Petrum, cognóvit eum a Dómino Deo præeléctum : proptérea rejécto illo, quem ipsi offerébant, hunc solum, anno Christi quadringentésimo trigésimo tertio, illi metropolitánæ præfécit ecclésiæ. Quod cum legáti Ravennaténses ægre ferrent, audíta visióne, divínæ voluntáti libénter acquiescéntes, novum archiepiscopum máxima cum reveréntia suscepérunt.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus enim.

Lectio v.

PETRUS igitur, licet invítus, in archipræsulem consecrátus, Ravénnam dedúcitur : ubi a Valentiniáno imperatóre, et a Galla Placidia ejus matre, ac ab univérso pópulo máxima lætítia excéptus est. Et ille ab eis id unum pétete dixit, ut

quando tantum óneris pro ipsórum salute subire non recusávit, studérent ipsi mónitis suis obtemperáre, divínisque præcéptis non obsistere. Duórum sanctórum tunc ibi defunctorum córpora óptimis unguéntis condita sepelivit, Barbatiáni videlicet presbýteri, et Germáni Antissiodorénsis episcopi; cujus étiam cucúllam et cilícium sibi vindicávit in hereditátem. Projéctum et Marcellinum in episcopos ordinávit. In Classe fontem extrúxit magnítudinis vere admirábilis, et templa quædam magnífica ædificávit tum beáto Andréæ Apóstolo, tum áliis Sanctis. Ludos ab homínibus personátis cum váriis salutatióibus Kaléndis Januárii fieri sólitos concióné cohibuit acérrima: ubi inter ália illud præcláre dixit: Qui jocári volúerit cum diábolo, non póterit gaudére cum Christo. Jussu sancti Leónis Papæ primi scripsit póstea ad Chalcedonénse concílium advérsus hæresim Eutychétis. Respóndit prætérea ad Eutychen ipsum et ália epístola, quæ eidem concilio in novis editiόνibus præfixa, et in annáles ecclesiásticos reláta fuit.

¶ Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. **V.** Invéni David servum meum,

óleo sancto meo unxi eum. Manus enim.

Lectio vj.

DUM públice sermónes habéret ad pópulum, ádeo véhemens erat in dicéndo, ut præ nímio ardóre vox illi intérdum defécerit: sicut cóntigit in concióné mulieris hæmorrhóissæ. Unde Ravennátes commóti, tot lácrymis, clamóribus, et oratióibus locum replevé-runt, ut póstea ipse grátias ágeret Deo, quod in lucrum amóris vérterit damnum ejúsdem sermónis. Cum tandem annos circiter decem et octo eam ecclésiám sanctíssime rexisset, labórum suórum finem adesse divínus prænúscens, in pátriam se cóntulit. Ubi sancti Cassiáni templum ingressus, magnum diadéma áureum, gemmis distinctum pretio síssimis ófferens, super altáre majus pósuit, nec non áureum cratérem, et paténam argénteam, quam tum rábidi canis morsus, tum febres sanáre sáepius expértum est, aqua inde demíssa. Ex tunc Ravennátes, qui eúmdem secúti fúerant, dimisit, ádmonens, ut in eligéndo óptimo pastóre invigilárent attén-te. Mox Deum humiliter precátus, et sanctum Cassiánum patrónum, ut benigne ánimam ejus exciperet, tértio Nonas Decémbris plácide ex hac vita migrávit, anno Dómini circi-

ter quadringentésimo quinquagésimo. Sacrum illius corpus communi totius civitatis fletu ac pietate, prope corpus ejusdem sancti Cassiani honorifice conditum, nostris etiam temporibus religiose colitur: cujus tamen brachium, auro et gemmis ornatum, Ravennam delatum, in Ursiana aede veneratur.

℟. Iste est. 62*.

IN III. NOCTURNO

Homilia in Evang. Vos estis sal terræ. **de Comm. Doct. 1º loco. 73*.**

In Laud. fit Commem. Feriæ.

Deinde sanctæ Barbaræ.

Ant. Simile est regnum cælorum homini negotiatóri quærenti bonas margaritas: inventa una pretiosa, dedit omnia sua, et comparavit eam.

℣. Diffusa est gratia in labiis tuis. ℟. Propterea benedixit te Deus in ætérnum.

Orat. Deus, qui inter. 413.

In II. Vesp. fit Commem. Fer. et S. Sabbæ Abbat., ut infra.

DIE V

PRO COMMEMORATIONE S. SABBÆ

ABBATIS

In Vesp. Ant. Similabo eum viro sapienti, qui edificavit domum suam supra petram.

℣. Amavit eum Dóminus, et ornavit eum. ℟. Stulam glóriæ induit eum.

Oratio.

INTERCESSIO nos, quæsumus Dómine, beati Sabbæ Abbatis commendet: ut quod nostris méritis non valémus, ejus patrocínio assequámur. Per Dóminum.

In Laud. Ant. Euge serve bone et fidelis, quia in pauca fuisti fidelis, supra multa te constituam, intra in gaudium Dómini tui.

℣. Justum deduxit Dóminus per vias rectas. ℟. Et ostendit illi regnum Dei.

DIE VI

SANCTI NICOLAI

EPISCOPI ET CONFESSORIS

Duplex.

Omnia de Comm. Conf. Pont. 55*, præter seq.

Oratio.

DEUS, qui beatum Nicoláum Pontificem innúmeris decorasti miraculis: tribue, quæsumus; ut ejus méritis et précibus a gehennæ incendiis liberémur. Per.

Et fit Commem. Feriæ.

IN I. NOCTURNO

Lect. de Script. occur.

IN II. NOCTURNO

Lectio iv.

NICOLÁUM, illustri loco Pátaræ in Lycia natum, parentes a Deo précibus impetrarunt. Cujus viri sanctitas, quanta futura esset, jam ab incunabulis apparuit. Nam infans, cum reliquos dies lac nutricis frequens sugeret, quarta et sexta feria semel dumtaxat,

idque vésperi sugébat : quam jejúnii consuetúdinem in reliqua vita semper tenuit. Adoléscent paréntibus orbátus, facultátes suas paupéribus distribuit. Cujus illud insigne est cristiánæ benignitátis exéplum; quod cum ejus civis egens tres filias jam núbiles in matrimónio collocáre non posset, earúmque pudicitiam prostituere cogitáret; re cógnita, Nicoláus noctu per fenéstram tantum pecúniæ in ejus domum injécit, quantum unius vírginis doti satis esset : quod cum iterum et tértio fecísset, tres illæ vírgines honéstis viris in matrimónium datæ sunt.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

CUM vero se totum Deo dedisset, in Palæstinam profectus est, ut loca sancta víseret, et præsens veneráretur. Qua in peregrinátione navem conscéndens seréno cælo et tranquillo mari, horribilem náutis tempestátem prædixit : moxque ortam, cum essent omnes in summo periculo, orans mirabiliter sedávit. Unde cum domum revérsus singuláris sanctitátis ómnibus documénta præbéret; Dei admónitu Myram, quæ Lýciæ metró-

polis erat, venit : quo tēmpore ejus urbis episcopo mórtuo, provinciáles episcopi de successóre deligēdo consultábant. Itaque in ea deliberatióne divinitus admóniti sunt, ut eum eligerent, qui postridie mane primus in ecclésiám ingrederétur, Nicoláus nómine. Qua observatióne adhibita, in ecclésiæ jánuá deprehensus est Nicoláus, et summo ómnium consénsu Myræ episcopus creáetur. In episcopátu castitátem, quam semper colúerat, gravitátem, oratiónis assiduitátem, vigílias, abstinéntiam, liberalitátem et hospitalitátem, in adhortándó mansuetúdinem, in reprehendéndó se veritátem perpétuo adhibuit.

R. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

VÍDUIS et órphanis pecúnia, consílio, ópera non defuit : opprēssos ádeo sublevávit, ut étiam tres tribunos, per calúnniam a Constantíno Augústo condemnátos, qui se propter famam ejus miraculórum oratióibus longíssime absénti commendárant, adhuc vivens, cum imperatóri, mináciter eum terrens, apparuísset, liberáverit. Cum vero contra

edictum Diocletiani et Maximiani christianæ fidei veritatem Myræ prædicaret, ab imperatorum satellitibus comprehensus, et longissime abductus, in carcerem conjectus est : ubi fuit usque ad Constantinum imperatorem : cujus jussu ex custodia ereptus, Myram rediit. Mox ad Nicænum concilium se contulit : ubi cum trecentis illis decem et octo Patribus Arianam hæresim condemnavit. Inde reversus ad episcopatum, non ita multo post, instante morte, suscipiens in cælum, cum Angelos sibi occurrentes intueretur, illo Psalmo pronuntiato, In te Domine speravi; usque ad eum locum, In manus tuas commendo spiritum meum; in cælestem patriam migravit. Ejus corpus Barium in Apulia translatum, ibidem summa celebritate ac veneratione colitur.

R. Iste est. 62*.

IN III. NOCTURNO

Homil. in Evang. Homo peregre. *de eodem Comm.* 1^o loco. 64*.

In Laud. fit Commem. Fer. Vesp. a Capit. de seq., cum Commem. præced. et Feriæ.

DIE VII

SANCTI AMBROSII

EPISC. CONF. ET ECCL. DOCT.
Duplex.

Omnia de Comm. Conf. Pont. 55, præter sequentia.*
(m. t. v.)

Ad Magnif. Ant. O Doctor optime, Ecclesiæ sanctæ lumen, beate Ambrósi, divinæ legis amator, deprecare pro nobis Filium Dei.

Oratio.

DEUS, qui populo tuo æternæ salutis beatum Ambrósium ministrum tribuisti : præsta, quæsumus; ut quem Doctorem vitæ habuimus in terris, intercessorem habere mereamur in cælis. Per Dóminum.

Et fit Commem. præced.

Ant. Amavit eum Dóminus, et ornavit eum : stolam glóriæ induit eum, et ad portas paradisi coronavit eum.

Y. Justum deduxit Dóminus per vias rectas. *R.* Et ostendit illi regnum Dei.

Postea Feriæ.

IN I. NOCTURNO

Lect. Fidélis sermo. *de eodem Comm.* 1^o loco. 58*.

IN II. NOCTURNO

Lectio iv.

AMBRÓSIUS episcopus Mediolanensis, Ambrósii civis Romani filius, patre Galliæ præfecto natus est. In hujus infantis ore examen apum consedissee dicitur : quæ res divinam viri eloquentiam præmonstrabat. Romæ liberalibus disciplinis eruditus est. Post a Probo præfecto, Liguriæ et Æmiliæ præpositus : unde postea ejusdem Probi jussu cum potestate Mediolanum venit : ubi, mortuo Auxéntio Ariano

episcopo, pópulus de successóre deligéndo dissidébat. Quare Ambrósius, pro officii sui múnere ecclésiám ingressus, ut commótam seditiónem sedáret, cum multa de quiéte et tranquillitáte reipúblicæ præcláre dixisset, de repénite púero Ambrósium episcopum exclamánte, univérsti pópuli vox erúpit, Ambrósium episcopum deposcéntis.

¶. Invéni David servum meum, óleo sancto meo unxi eum : * Manus enim mea auxiliábitur ei. ¶. Nihil proficiet inimicus in eo, et filius iniquitátis non nocébit ei. Manus.

Lectio v.

RECUSÁNTE illo, et eórum précibus resistente, ardens pópuli stúdiúm ad Valentiniánúm imperátorem delátum est : cui gratíssimum fuit, a se deléctos júdices ad sacerdotiúm postulári. Fuit id étiam Probo præfécito jucúndum, qui Ambrósio proficiscénti quasi divinans díxerat : Vade age, non ut iudex, sed ut episcopus. Itaque cum ad pópuli desidériúm imperatóris volúntas accéderet, Ambrósius baptizátus (erat enim catechúmenus) sacrisque initiátus, ac servátis ómnibus ex institúto Ecclésiæ órdinum grádibus, octávo die, qui fuit séptimo Idus Decémbris, episcopále onus suscepit. Factus epi-

scopus, cathólicam fidem et disciplinám ecclesiásticam acérime deféndit : multósque Ariános, et álios hæréticos ad fidei veritátem convértit, in quibus clarissimum Ecclésiæ lumen sanctum Augustínus Jesu Christo péperit.

¶. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. ¶. Invéni David servum meum, óleo sancto meo unxi eum. Manus enim.

Lectio vj.

GRATIÁNO imperátore occiso, ad Máximum ejus interfectórem legátus iterum proféctus est : eóque pœniténtiam ágere recusánte, se ab ejus communióne semóvit. Theodósium imperátorem, propter cædem Thessalonicæ factam, ingressu ecclésiæ prohibuit. Cui, cum ille David quoque regem adúlterum, et homicidam fuisse dixisset, respóndit Ambrósius : Qui secútus es errántem, séquere pœniténtem. Quare Theodósius sibi ab eo impósitam públicam pœniténtiam humíliter egit. Ergo sanctus episcopus pro Ecclésia Dei máximis labóribus curisque perfúntus, multis libris étiam egrégie conscriptis, ántequam in morbum incidéret, mortis suæ diem prædixit. Ad quem ægrótum Honorátus Vercellénsis epi-

scopus, Dei voce ter admónitus, accúrrit, eique sanctum Dómini corpus præbuit : quo ille sumpto, conformátis in crucis similitúdinem mánibus, orans, ánimam Deo réddidit pridie Nonas Aprílis, anno post Christum natum trecentésimo nonagésimo séptimo.

℟. Iste est qui ante Deum magnas virtútes operátus est, et omnis terra doctrína ejus repléta est : * Ipse intercédât pro peccátis ómnium

populórum. ✠. Iste est qui contémpsit vitam mundi, et pervénit ad cæléstia regna. Ipse intercédât. Glória Patri. Ipse intercédât.

IN III. NOCTURNO

Homilia in Evang. Vos estis sal terræ. **de Comm. Doct. 1^o loco. 73*.**

In Laud. fit Commem. Fer.

De Vigil. Immaculatæ Conceptionis B. M. V. nihil fit nisi in Missa.

Vesp. de seq. Festo, cum sola Commem. Feriæ.





DIE VIII

IMMACULATÆ CONCEPTIONIS B. M. V.

Duplex 1. classis.

IN I. VESPERIS

Ant. et Capit. de Laud.
426; *Pss. et Hymn. ut in Festis B. M. V. per annum.*
145*.

Y. Immaculata Concéptio est hódie sanctæ Mariæ Virginis. *ñ.* Quæ serpéntis caput virgíneo pede contrívit.

Ad Magnif. Ant. Beátam me dicent * omnes generatiónes, quia fecit mihi magna qui potens est, allelúia.

Oratio.

DEUS, qui per Immaculatam Virginis Conceptionem dignum Filio tuo habitáculum præparásti: quæsumus; ut qui ex morte ejúsdem Filii tui prævísa, eam ab omni labe præservásti, nos quoque mundos ejus intercessióne ad te pervenire concédas. Per eúmdem Dóminum.

Deinde fit Commemoratio Feriæ tantum.

Ad Completorium, et alias Horas, in fine Hymnorum dicitur:

Jesu tibi sit glória,
Qui natus es de Virgine.
etiam in Festis et Dominica infra Oct. occur.

AD MATUTINUM

Invit. Immaculatam Conceptionem Virginis Mariæ celebrémus: * Christum ejus Filium adorémus Dóminum.

Ps. Veníte, exsultémus. 2.

Hymnus.

PRÆCLÁRA custos Virgínum,

Intácta mater Núminis,
Cæléstis áulæ jánuas,
Spes nostra, cæli gáudium.

Inter rubéta lílium,
Colúmbe formosíssima,
Virga e radíce gérminans
Nostro medélam vúlneri.

Turris draconí impérvia,
Amica stella náufragis,
Tuére nos a fráudibus,
Tuáque luce dirige.

Erróris umbras discute,
Syrtes dolósas ámove,
Fluctus tot inter, déviis
Tutam reclúde sémitam.

Jesu tibi sit glória,
Qui natus es de Virgine,
Cum Patre, et almo Spiritu,
In sempitérna sæcula.

Amen.

IN I. NOCTURNO

Ant. Admirábile est nomen tuum * Dómine in univérsa terra, quia in Virgine María dignum tibi habitáculum præparásti.

Pss. trium Noct. ut in Fest.

B. M. V. per annum. 148*.

Ant. In sole * p[ro]sui[er]it Deus tabernáculum suum.

Ant. In Concepción[e] sua * accépit Maria benedicti[on]em a D[omi]no, et misericórdiam a Deo salutá[re] suo.

✠. Deus omnípotens pr[ae]cinxit me virtúte. R. Et p[ro]sui[er]it immaculátam viam meam.

De libro Génesis.

Lectio j. Cap. 3.

SERPENS erat callidior cunctis animántibus terræ quæ fécerat D[omi]nus Deus. Qui dixit ad mulierem : Cur pr[ae]cépit vobis Deus ut non comederétis de omni ligno paradisi? Cui respóndit mulier : De fructu lignórum, quæ sunt in paradiso, véscimur : de fructu vero ligni, quod est in médio paradisi, pr[ae]cépit nobis Deus ne comederémus : et ne tangerémus illud, ne forte moriámur. Dixit áutem serpens ad mulierem : Nequáquam morte moriémini. Scit enim Deus quod in quocúmque die comedéritis ex eo, aperiéntur óculi vestri : et éritis sicut dii, sciéntes bonum et malum.

R. Per unum hóm[in]em peccátum in hunc mundum intrávit, in quo omnes peccavérunt.* Ne timeas Maria, invenisti grátiam apud Deum. ✠. Erípu[it] D[omi]nus ánimam tuam de morte, et contra inimicum factus est protéctor tuus. Ne timeas.

Lectio ij.

VIDIT igitur mulier quod bonum esset lignum ad vescéndum, et pulchrum óculis, adspectúque delectábile : et tulit de fructu illius, et comédit : deditque viro suo, qui comédit. Et apérti sunt óculi ambórum : cumque cognovissent se esse nudos, consuérunt fólia ficus, et fecérunt sibi perizómata. Et cum audissent vocem D[omi]ni Dei deambulántis in paradiso ad áuram post meridiem, abscondit se Adam et uxor ejus a fácie D[omi]ni Dei in médio ligni paradisi.

R. Transíte ad me omnes qui concupíscitis me : * Et narrábo vobis quanta fecit Deus ánimæ meæ. ✠. Vivit D[omi]nus, quóniam adimplévit in me misericórdiam suam. Et narrábo vobis.

Lectio iij.

VOCÁVITQUE D[omi]nus Deus Adam, et dixit ei : Ubi es? Qui ait : Vocem tuam audivi in paradiso : et tímui, eo quod nudus essem, et abscondi me. Cui dixit : Quis enim indicávit tibi quod nudus esses, nisi quod ex ligno de quo pr[ae]céperam tibi ne coméderes, comedísti? Dixitque Adam : Mulier, quam dedísti mihi sóciam, dedit mihi de ligno, et comédi. Et dixit D[omi]nus Deus ad mulierem : Quare hoc fecisti? Quæ respóndit : Serpens decépit me,

et comédi. Et ait Dóminus Deus ad serpéntem : Quia fecisti hoc, maledictus es inter ómnia animántia, et béstias terræ : super pectus tuum gradiéris, et terram cómedes cunctis diébus vitæ tuæ. Inimicitias ponam inter te et mulierem, et semen tuum et semen illius : ipsa cónteret caput tuum, et tu insidiáberis calcáneo ejus.

R. Elécta mea cándida sicut nix in Líbano; sicut favus distillans lábia ejus : * Mel et lac sub lingua illius.

V. Veni de Líbano sponsa mea, veni, coronáberis coroná gratiárum. Mel. Glória Patri. Mel.

IN II. NOCTURNO

Ant. Diffúsa est grátia * in Conceptione ejus, et speciósá appáruit inter filias hóminum.

Ant. Adjúvit eam * Deus mane dilúculo : sanctificávit tabernáculum suum Altíssimus.

Ant. Gloriósa * dicta sunt de te civitas Dei : fundávit te Dóminus in móntibus sanctis.

V. In hoc cognóvi quóniam voluisti me. **R.** Quóniam non gaudébit inimicus meus super me.

Sermo sancti Hierónymi
Presbýteri.

De Assumpt. B. M. V.

Lectio iv.

QUALIS et quanta esset beáta, et gloriósa semper Virgo María, ab Angelo

divínitus declarátur, cum dicitur : Ave grátia plena, Dóminus tecum : benedicta tu in muliéribus. Tálibus namque decébat Virginem oppignorári munéribus, ut esset grátia plena, quæ dedit cælis glóriam, terris Dóminum, pacémque refúdit, fidem géntibus, finem viitiis, vitæ órđinem, móribus disciplinam. Et bene plena, quia cæteris per partes præstátur : Mariæ vero simul se tota infúdit plenitúdo grátiae. Vere plena, quia etsi in sanctis Pátribus, et Prophétis grátia fuisse créditur, non tamen eátenus plena : in Mariam vero totius grátiae, quæ in Christo est, plenitúdo venit, quamquam áliiter. Et ideo inquit : Benedicta tu in muliéribus : id est, plus benedicta, quam omnes mulieres. Ac per hoc quidquid maledictiónis infúsum est per Hevam, totum ábstulit benedictio Mariæ. De ipsa Sálomon in Cánticis, quasi in láudem ejus : Veni, inquit, colúmba mea, immaculáta mea. Jam enim hiems tránsiit, imber ábiit, et recéssit. Ac deinde inquit : Veni de Líbano, veni, coronáberis.

R. Ego ex ore Altíssimi prodivi, primogénita ante omnem creatúram : ego feci in cælis ut orirétur lumen indeficiens. * Nondum erant abyssi, et ego jam concépta eram. **V.** Deus enim creávit

me in justitia, et apprehendit manum meam, et servavit me. Nondum.

Lectio v.

NON immérito igitur venire de Libano jubetur, quia Libanus candidatio interpretatur. Erat enim candidata multis meritum virtutibus, et dealbata nive candidior, Spiritus sancti muneribus, simplicitatem columbæ in omnibus repræsentans, quoniam, quidquid in ea gestum est, totum puritas et simplicitas, totum veritas et gratia fuit; totum misericordia et justitia, quæ de cælo prospexit: et ideo immaculata, quia in nullo corrupta. Circumdedit enim virum in utero, sicut Jeremias sanctus testatur, et non aliunde accepit. Faciet, inquit, Dominus novum super terram, et mulier circumdabit virum. Vere novum, et omnium novitatum supereminens novitas virtutum, quando Deus (quem ferre non potest mundus, neque videre aliquis, ut vivere possit) sic ingressus est hospitium ventris, ut corporis claustrum nesciret: sicque gestatus, ut totus Deus in eo esset: et sic exivit inde, ut esset (sicut Ezéchiel fatetur) porta omnino clausa. Unde canitur in eisdem Canticis de ea: Hortus conclusus, fons signatus, emissiones tuæ paradisus. Vere hortus deliciarum, in quo cõsita

sunt universa florum genera, et odorem virtutum, sicque conclusus, ut nesciat violari, neque corrumpi ullis insidiarum fraudibus. Fons itaque signatus sigillo totius Trinitatis.

R. Nihil inquinatum in eam incurrit: * Candor est lucis æternæ et speculum sine macula. **V.** Est enim hæc speciosior sole, et luci comparata invenitur purior. Candor.

Lectio vj.

Ex Actis Pii Papæ IX.

DEIPARÆ autem Virginis in sua Conceptione de teterrimo humani generis hoste victoriam, quam divina eloquia, veneranda traditio, perpetuus Ecclesiæ sensus, singularis episcoporum ac fidelium conspiratio, insignia quoque summorum Pontificum acta atque constitutiones mirifice jam illustrabant, Pius nonus Pontifex Maximus totius Ecclesiæ votis annuens, statuit supremo suo atque infallibili oraculo sollemniter proclamare. Itaque sexto Idus Decembris anni millésimi octingentésimi quinquagésimi quarti, in basilica Vaticana ingenti sanctæ Romanæ Ecclesiæ patrum cardinalium, et episcoporum ex dissitis etiam regionibus adstante cœtu, universoque plaudente orbe, sollemniter pronuntiavit ac definivit: Doctrinam quæ tenet beatissimam Virginem

Mariam in primo instánti suæ Conceptionis fuisse, singulári Dei privilégio, ab omni originális culpæ labe præservátam immúnem, esse a Deo revelátam, ac proinde ab ómnibus fidélibus firmiter constantérque crendam.

R. Signum magnum appáruit in cælo : Múlier amícta sole, et luna sub pédibus ejus : * Et in cápite ejus coróna stellárum duódecim.

Ÿ. Induit eam Dóminus vestiméntis salútis, induménto justitiæ, et quasi sponsam ornávit eam monilibus suis. Et in. Glória Patri. Et in.

IN III. NOCTURNO

Ant. Sanctimónia et magnificéntia * in Conceptione ejus; annuntiáte in ómnibus pópulis glóriam ejus.

Ant. Lætámini omnes * in Dómino : et confitémini memóriæ sanctitátis ejus.

Ant. Notum fecit * Dóminus opus suum : in conspéctu géntium revelávit glóriam Genitrícis suæ.

Ÿ. Exaltábo te Dómine, quóniam suscepísti me. **R.** Nec delectásti inimicos meos super me.

Lectio sancti Evangélíi secúndum Lucam.

Lectio vij. Cap. 1. c

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virginem desponsátam viro, cui nomen erat Joseph, de domo

David, et nomen Virginis María. Et reliqua.

Homília sancti Germáni Episcopi.

In Præsent. Deiparæ.

AVE María, grátia plena, sanctis sánctior, et cælis excélsior, et Chérubim gloriósior, et Séraphim honorabilior, et super omnem creatúram venerabilior. Ave colúmba, quæ nobis et fructum fers olivæ, et servatórem a spiritali dilúvio, ac portum salútis annúntias, cujus pennæ deargentatæ, et posterióra dorsi in pallóre áuri sanctissimi et illuminántis Spíritus fulgóre irradiántur. Ave amœnissimus et rationalis Dei paradísus, benevolentissima et omnipoténti ejúsdem dextra hódie ad Oriéntem plantátus, et ipsi suáve olens lílium, et rosam immarcescibilem gérmínans in eórum medéllam, qui pestíferam animæque exitiálem amaritúdinem mortis ad Occidéntem ebi-berant : paradísus, in quo ad veritátis agnitiónem lignum vivificum effloréscit, e quo qui gustáverint, immortalitátem consequúntur. Ave sacrosáncte ædificátum, immaculátum, purissimúmque Dei summi Regis palátium, ejúsdem Dei Regis magnificéntia circumornátum, omnésque hospítio recipiens, ac mýsticis reficiens deliciis; in quo non manu-fáctus et vário decóre nitens

situs est spirituális sponsi thálamus; in quo Verbum errántem humánam stirpem revocáre volens, carnem sibi desponsávit, ut eos, qui voluntáte própria extórres facti fúerant, Patri reconciliáret.

℟. Hortus conclúsus, soror mea sponsa, hortus conclúsus, fons signátus : * Emissiões tuæ paradisus, o María. ✠. Aperi mihi, soror mea, amica mea, colúmba mea, immaculáta mea. Emissiões.

Lectio viij.

AVE Dei mons præpinguis et umbrósus, in quo enutritus Agnus rationalis peccáta atque infirmitates nostras portávit : mons, e quo devolútus ille, nulla manu præcisus lapis, contrívit aras idolórum, et factus est in caput ánguli, mirábilis in óculis nostris. Ave sanctus Dei thronus, divinum donárium, domus glóriæ, perpúlchrum ornáméntum, cimélium eléctum, et totius orbis propitiatórium, cælúmque Dei glóriam enárans. Ave urna ex puro áuro confláta, et suavissimam animárum nostrárum dulcédinem, Christum scilicet, qui manna est, cóntinens. O purissima et omni láude et obséquio digníssima Virgo, Deo dicátum donárium omni creaturárum conditióni præcéllens, terra non secta, inarátus ager, vitis

floridíssima, fons aquas efúndens, virgo génerans : et mater viri néscia, innocéntiæ thesáurus abscónditus, et sanctimóniæ decus; acceptissimis tuis ac matérna auctoritáte válidis précibus ad Dóminum ac Deum ómnium Conditórem Filium tuum ex te sine patre génitum, ecclesiástici órdis gubernácula fac dirigas, et ad portum tranquillum perdúcas.

℟. Magnificat ánima mea Dóminum : * Quia fecit mihi magna qui potens est, et sanctum nomen ejus. ✠. Ecce enim ex hoc beátam me dicent omnes generatiões. Quia. Glória Patri. Quia.

Lectio ix.

SACERDÓTES justitia, et probátæ, immaculátæ ac sincéræ fidei exsultatióne splendíssime indúito. Orthodóxis princípibus, qui præ omni púrpuræ aut áuris splendóre, et præ margaritis ac lapídis pretiósus, te nacti sunt diadéma et induméntum ac firmissimum regni sui ornáméntum, in tranquillo ac próspero statu sceptrá dirige. Male fidas natiões in te ac Deum ex te génitum blasphemántes, eórum pédibus sternens subjcito : subjectúmque pópulum, ut secúndum Dei præcéptum in suávi obediéntiæ obséquio perseveret, confirmáto. Tuam hanc civitátem, quæ te tamquam turrim ac fundaméntum habet, victóriæ

triúmphis coronáto, et fortitú-dine circumcingens custodito Dei habitatió-nem, templi decórem semper conserváto; laudatóres tuos ab omni discrimine et á-nimi angóre éxime; captívis red-emptiό-nem tribúito; peregrínis tecto, et quovis præsidio destitútis, solámen te éxhibe. Univérso mundo auxiliátricem manum tuam pórrige, ut in lætítia et exultatió-ne solemnitates tuas simul cum ista, quam modo celebrá-mus, festivitáte splendidíssimo éxitu transigá-mus, in Christo Jesu universórum Rege ac vero Deo nostro, cui glória et fortitúdo una cum sancto vitæque principio Patre, et coætérno et consubstantiáli et conregnánte Spírítu, nunc et semper, et in sæcula sæculórum. Amen.

Te Deum laudá-mus. 17.

AD LAUDES

ET PER HORAS

Ant. 1. Tota pulchra * es Maria, et mácula originális non est in te.

Ps. Dóminus regnávit. **cum reliq.** 18.

2. Vestiméntum tuum * cándidum quasi nix, et fá-cies tua sicut sol.

3. Tu glória Jerúsalem, * tu lætítia Israël, tu honorificéntia pópuli nostri.

4. Benedicta es tu, * Virgo Maria, a Dómino Deo excélso præ ómnibus muliéribus super terram.

5. Trahe nos * Virgo im-

maculáta, post te currémus in odórem unguentórum tuórum.

Capitulum. Prov. 8.

DÓMINUS possédit me in initio viárum suárum, ántequam quidquam fáceret a principio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram.

Hymn. O gloriósa vírginum. 157*.

ŷ. Immaculáta Concéptio est hódie sanctæ Mariæ Virginis. **Ŕ.** Quæ serpéntis caput virgineo pede contrivit.

Ad Bened. Ant. Ait Dóminus Deus* ad serpéntem: Inimicitias ponam inter te et mulierem, et semen tuum et semen illius: ipsa cónteret caput tuum, allelúia.

Oratio.

DEUS, qui per Immaculá-tam Virginis Conceptiό-nem dignum Filio tuo habitáculum præparásti: quæsumus; ut qui ex morte ejúsdem Filii tui prævisa, eam ab omni labe præservásti, nos quoque mundos ejus intercessiό-ne ad te pervenire concédas. Per eúmdem Dóminum.

Et fit Commem. Feriæ.

AD PRIMAM

In Ŕ. brevi dicitur ŷ. Qui natus es de Maria Virgine. **etiam per totam Octavam.**

AD TERTIAM

Ant. Vestiméntum tuum. **Capitulum de Laud.**

R. br. Deus omnipotens *
Præcinxit me virtute. Deus
omnipotens. **V.** Et posuit
immaculatam viam meam.
Præcinxit me. Glória Patri.
Deus.

V. In hoc cognóvi quóniam
voluisti me. **R.** Quóniam non
gaudebit inimicus meus su-
per me.

AD SEXTAM

Ant. Tu glória Jerúsalem.
Capitulum. Ezech. 44.

PORTA hæc cláusa erit, non
aperiétur, et vir non
intrábit per eam, quóniam
Dóminus Deus Israël ingrés-
sus est per eam : eritque
cláusa Principi. Princeps
ipse sedébit in ea.

R. br. In hoc cognóvi, *
Quóniam voluisti me. In hoc
cognóvi. **V.** Quóniam non
gaudebit inimicus meus su-
per me. Quóniam voluisti
me. Glória Patri. In hoc
cognóvi.

V. Exaltábo te Dómine,
quóniam suscepisti me. **R.**
Nec delectásti inimicos meos
super me.

AD NONAM

Ant. Trahe nos.

Capitulum. Apoc. 12.

SIGNUM magnum apparuit
in cælo : Múlier amicta
sole, et luna sub pédibus
ejus, et in cápite ejus co-
róna stellárum duódecim.

R. br. Exaltábo te Dómine,
* Quóniam suscepisti me.
Exaltábo. **V.** Nec delectásti
inimicos meos super me.
Quóniam. Glória. Exaltábo.

V. Immaculáta Concéptio
tua Dei Génitrix Virgo. **R.**
Gáudium annuntiávit uni-
vërso mundo.

IN II. VESPERIS

**Omnia ut in I. Vesp., præ-
ter :**

Ad Magnif. Ant. Hódie
egressa est * virga de radice
Jesse : hódie sine ulla pec-
cáti labe concépta est María :
hódie contritum est ab ea
caput serpéntis antiqui, -al-
leluia.

Et fit Commem. Feriæ.

DIE IX

**II. DIE INFRA OCTAVAM
IMMAC. CONCEPT. B. M. V.**

**Omnia ut in Festo. 420,
præter Lect., quæ dicuntur
ut infra.**

IN I. NOCTURNO

Lect. de Script. occur.

IN II. NOCTURNO

Ex Bulla dogmática Pii Papæ
noni.

Lectio iv.

INEFFÁBILIS Deus, cujus viæ
misericórdia et véritas,
cujus volúntas omnipotén-
tia, et cujus sapiéntia attingit
a fine usque ad finem
fórtiter, et dispónit ómnia
suáriter, cum ab omni æter-
nitate præviderit luctuosis-
simam totius humáni géneris
ruinam ex Adámi transgres-
sione derivándam, atque in
mystério a sæculis abscón-
dito primum suæ bonitátis
opus decreverit per Verbi
incarnatióem sacraménto
occultióre complére, ut con-

tra miséricors suum propó-
situm homo diabólicæ ini-
quitátis versútia actus in
culpam non períret, et quod
in primo Adámo casúrum
erat, in secúndo felicius eri-
gerétur, ab initio et ante
sæcula unigénito Filio suo
Matrem, ex qua caro factus
in beáta témporum plenitú-
dine nascerétur, elégit atque
ordinávit, tantóque præ
creatúris univérsis est pro-
secútus amóre, ut in illa una
sibi propensissima voluntáte
complacúerit.

℞. Ego ex ore Altissimi.
422.

Lectio v.

QUAPRÓPTER illam longe
ante omnes angélicos
spíritus, cunctósque Sanctos
cæléstium ómnium charis-
matum cópia de thesauro
Divinitátis deprómpita ita
mirifice cumulávit, ut ipsa
ab omni prorsus peccáti labe
semper libera, ac tota pul-
chra et perfécta eam inno-
céntiæ et sanctitátis pleni-
túdinem præ se ferret, qua
major sub Deo nullátenus
intelligitur, et quam præter
Deum nemo ássequi cogi-
tándo potest. Et quidem de-
cébat omnino, ut perfectis-
simæ sanctitátis splendóri-
bus semper ornáta fulgéret,
ac vel ab ipsa originális culpæ
labe plane immúnis amplis-
simum de antiquo serpente
triúmphum reférret tam ve-
nerábilis mater, cui Deus
Pater únicum Filium suum,

quem de corde suo æquálem
sibi génitum, tamquam se-
ípsam diligit, ita dare dispó-
suit, ut naturáliter esset unus
idémque commúnis Dei Pa-
tris et Virginis Filius.

℞. Nihil inquinátum. 423.

Lectio vj

QUAM originálem augústæ
Virginis innocentiam
cum admirábili ejúsdem
sanctitáte præcelsáque Dei
Matris dignitáte omnino co-
hæréntem cathólica Ecclé-
sia, quæ a sancto semper
edócta Spíritu coluḿna est
ac firmaméntum veritátis,
tamquam doctrínam póssi-
dens divinitus accéptam, et
cæléstis revelatiónis depó-
sito comprehénsam multi-
plici continénter ratióne,
splendidisque factis magis
in dies explicáre, propónere
ac fovére numquam déstitit.
Hanc enim doctrínam ab
antiquíssimis tempóribus vi-
géntem, ac fidélium ánimis
pénitus insitam, et sacró-
rum Antistitum curis stu-
diisque per cathólicum or-
bem mirifice propagátam,
ipsa Ecclésia luculentíssime
significávit, cum ejúsdem
Virginis Conceptionem pú-
blico fidélium cúltoi ac vene-
rationi propónere non dubi-
távit. Quo illústri quidem
facto ipsíus Virginis Conce-
ptionem véluti singulárem,
miram et a reliquórum hómi-
num primórdiis longíssime
secrétam, et omnino san-
ctam coléndam exhibuit,

cum Ecclésia nónnisi de Sanctis dies festos concélebret.

R. Signum magnum. 424.

IN III. NOCTURNO

Léctio sancti Evangélíi secúndum Lucam.

Lectio vij. Cap. 1. c

In illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virginem desponsátam viro, cui nomen erat Joseph, de domo David, et nomen Virgínis María. Et reliqua.

Homilia sancti Sophrónii Episcopi.

Homil. in Deiparæ Annuntiat.

QUID missus beátus ille Angelus ad Virginem integérrimam dicit? Aut quómodo faustissimum hoc nuntium ipsi defert? Ave grátia plena; Dóminus tecum. A gáudio incipit eam álloqui ille gáudii nuntius. Nóverat enim et plane sciébat, nuntium illud suum univérsis hominibus atque ómnibus páriter creatúris gáudium paráre, et quóslibet a quibuscúmque dolóres expél-lere; nóverat, ex divína hujus mystérii cognitióne mundum lúmine collustrári; nóverat, erróris disjici cali-ginem; nóverat, retúndi mortis acúleum; nóverat, vim corruptiόνis infríngi; nóverat, inférno victóriam auférri; nóverat, salútem pérdito affulgére hómini, qui horum malórum iugo jámdiu premebátur, ex quo scilicet

a paradisi delíciis expúlsus, et a beáto illo domicílio ejéctus fúerat. Proptérea le-gatiónis suæ exórdium a gáudio ducit; proptérea ser-mónibus suis gáudii voces præmittit; proptérea fáustis hisce núntiis gáudium ante-cédit, útpote quæ ómnibus credéntibus gáudio futúra erant.

R. Hortus conclúsus. 425.

Lectio viij.

Et sane par omnino erat, ut divína gáudii denun-tiatio a sermónibus verbis-que gáudium eliciéntibus súmeret initium. Proptérea enim et Angelus gáudium ante ómnia renúntiat, quia fáustæ legatiónis suæ non ignórat éxitum, ac probe novit collóquium quod habe-bátur, in totíus mundi gáu-dium maniféste esse cessú-rum. Et profécto quodnam gáudium, aut quænam repe-riri potest jucúnditas, quam non longe excédat allóquium ad Virginem illam beátam ac gáudii paréntem hábitum? Gáude o super cæléstis gáu-dii Génitrix. Gáude o subli-míssimi gáudii nutrix. Gáude o salutáris gáudii sedes princeps. Gáude o immor-tális gáudii áuctrix. Gáude o ineffábilis gáudii mýsticum diversórium. Gáude o inde-ficiéntis gáudii fons beatís-sime. Gáude o gáudii æté-rni deíferum cimélium. Gáude o vivificántis gáudii arbor virentíssima. Gáude o innú-

pta Dei Mater. Gáude o Virgo post partum integerrima. Gáude o spectáculum præ mirabilibus ómnibus summe admirándum.

¶ Magnificat ánima. 425.

Lectio ix.

QUISNAM tuum éloqui splendórem póterit? Quisnam porténtum, quod ipsa es, enarráre verbis áudeat? Quisnam magnificéntiam tuam effári se posse confidet? Tu hóminum exornásti natúram; tu Angelórum órdenes superásti; tu fulgóres Archangelórum obtenebrásti; tu sublimes Thronórum sedes infra te ostendísti; tu altitúdinem Dominationum depressísti; tu Principátuum ducátibus præcucurristi; tu enervásti fortitúdinem Potestátum; tu ipsis Virtútibus poténtior virtus prodiísti; tu Chérubim oculatissimum visum terréstribus óculis vicísti; tu Séraphim sex alas habéntium volátus ánimæ pennis divinitus agitátis transvolásti; tu dénique omnem creatúram longe transgréssa es; quippe quæ præ omni creatúra enituiísti puritate; et ómnium creaturárum Conditórem in te excepísti; ipsúmque et sinu tuo gestásti, et genuísti; et sola ex ómnibus creatúris Dei Mater effécta es.

Te Deum laudámus. 17.

In Laud. fit Commem. Fer.

In Vesp. Commem Fer.

et S. Melchiadis Papæ et Martyris.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

¶ Glória et honóre coronásti eum Dómine. ¶ Et constituísti eum super ópera mánuum tuárum.

Oratio.

INFIRMITÁTEM nostram respice omnipotens Deus: et quia pondus propriæ actionis gravat, beáti Melchiadis Mártiris tui atque Pontificis intercessio gloriósa nos próteget. Per Dóminum.

DIE X

III. DIE INFRA OCTAVAM

IMMAC. CONCEPT. B. M. V.

IN I. NOCTURNO

Lect. de Script. occur.

IN II. NOCTURNO

Ex Bulla dogmática Pii Papæ noni.

Lectio iv.

IPSÍSSIMA verba, quibus divinæ Scripturæ de increáta Sapiéntia loquúntur, ejúsque sempitérnas originēs repræsentant, consuevit (Ecclésia) tum in ecclesiasticis officiis, tum in sacrosáncta liturgía adhibére. et ad illius Virginis primórdia transférre, quæ uno eodémque decreto cum divinæ Sapiéntiæ incarnatione fúerant præstitúta. Quamvis áutem hæc ómnia penes fideles ubi-

que prope recépta osténdant, quo stúdio ejúsmodi de Immaculáta Virgínis Conceptione doctrinam ipsa quoque Romána Ecclésia ómnium ecclesiárum mater et magistra fúerit prosecúta, tamen illústria hujus Ecclésiæ facta digna plane sunt, quæ nominátim recenseántur, cum tanta sit ejúsdem Ecclésiæ dignitas atque auctoritas, quanta illi omnino debétur, quæ est cathólicæ veritátis et unitátis centrum, in qua sola inviolabiliter fuit custodita religio, et ex qua tráducem fidei réliquæ omnes ecclésiæ mutuéntur opórtet.

℞. Ego ex ore. 422.

Lectio v.

ITAQUE eádem Romána Ecclésia nihil pótius hábuit, quam eloquentíssimis quibúsq; modis Immaculátam Virgínis Conceptionem, ejúsq; cultum et doctrinam assérere, tuéri, promovére et vindicáre. Enimvéro prædecessóres nostri veheménter gloriáti sunt apostólica sua auctoritaté festum Conceptionis in Romána Ecclésia institúere, ac próprio Officio, propriáque Missa, quibus prærogativa immunitátis ab hereditária labe manifestíssime asserebátur, augére, honestáre et cultum jam institútum omni ope promovére, amplificáre, sive erogátis indulgéntiis, sive facultáte tribúta civitátibus,

provinciis regnisque, ut Deiparam sub título Immaculátæ Conceptionis patrónam sibi deligerent, sive comprobátis sodalitátibus, congregatióibus, religiosisque familiis ad Immaculátæ Conceptionis honórem institútis, sive láudibus eórum pietáti delátis, qui monasteria, xenodochia, altária, templa sub Immaculáti Conceptus título eréxerint, aut sacraménti religióne interpósita Immaculátam Deiparæ Conceptionem strénue propugnáre spopónderint.

℞. Nihil inquinátum. 423.

Lectio vj.

INSUPER summópere lætáti sunt decérnere Conceptionis festum ab omni ecclésia esse habéndum eódem sensu ac número quo festum Nativitátis, idémque Conceptionis festum cum Octáva ab univérssa Ecclésia celebrándum, et ab ómnibus inter ea quæ præcépta sunt, sancte coléndum, ac pontificiam capéllam in patriarcháli nostra Liberiána basilica die Virgínis Conceptionis sacro quotánnis esse peragéndam. Atque exoptántes in fidélium ánimis quotidie magis fovére hanc de Immaculáta Deiparæ Conceptione doctrinam, eórumque pietátem excitáre ad ipsam Virgínem sine labe origináli concéptam coléndam et venerándam, gavisí sunt quam libentíssime fa-

cultatē tribuere, ut in Lauretānis Litanis, et in ipsa Missæ Præfatione Immaculātus ejusdem Virginis proclamarētur Concēptus, atque adeo lex credēdi ipsa supplicādi lege statuerētur.

℞. Signum magnum. 424.

IN III. NOCTURNO

Lectio sancti Evangelii secundum Lucam.

Lectio vij. Cap. 1. c

IN illo tempore: Missus est Angelus Gábriel a Deo in civitatē Galilææ, cui nomen Názareth, ad Virginem desponsatam viro, cui nomen erat Joseph, de domo David, et nomē Virginis María. Et reliqua.

Homilia sancti Bernardi
Abbátis.

Ex Homil. 2. super Missus.

LÆTARE, pater Adam, sed magis tu, o Heva mater, exsulta, qui sicut omnium parēntes, ita omnium fuistis peremptōres; et quod infelicius est, prius peremptōres quam parēntes. Ambo, inquam, consolāmini super filia, et tali filia, sed illa amplius de qua malum ortum est prius, cujus opprobrium in omnes pertransiit mulieres. Instat namque tempus, quo jam tollatur opprobrium, nec habeat vir quid causetur adversus feminam: qui utique, dum se imprudenter excusare conaretur, crudeliter illam accusare non cunctatus est, dicens: Mulier quam dedisti

mihi, dedit mihi de ligno, et comēdi. Propterea curre Heva ad Mariam; curre mater ad filiam; filia pro matre respondeat: ipsa matris opprobrium auferat; ipsa patri pro matre satisficiat: quia ecce si vir cecidit per feminam, jam non erigitur nisi per feminam.

℞. Hortus conclusus. 425.

Lectio viij.

QUID dicēbas, o Adam? Mulier quam dedisti mihi, dedit mihi de ligno, et comēdi. Verba malitiæ sunt hæc quibus magis augeas quam deleas culpam. Verumtamen Sapiētia vicit malitiam, cum occasionem veniæ, quam a te Deus interrogando elicere tentavit, sed non potuit, in thesauro indeficientis suæ pietatis invenit. Redditur nempe femina pro femina, prudens pro fatua, humilis pro superba, quæ pro ligno mortis gustum tibi porrigat vitæ, et pro venenoso cibo illo amaritudinis, dulcedinem pariat fructus æterni. Muta ergo iniquæ excusationis verbum in vocem gratiarum actionis, et dic: Dómine, mulier, quam dedisti mihi, dedit mihi de ligno vitæ, et comēdi; et dulce factum est super mel ori meo, quia in ipso vivificasti me. Ecce enim ad hoc missus est Angelus ad Virginem. O admirandam et omni honore dignissimam Virginem; o

fēminam singulāriter venerādam, super omnes fēminas admirābilem, parēntum reparatricem, posterōrum vivificatricem.

R. Magnificat ānima. 425.

Lectio ix.

QUAM tibi āliam prædixisse Deus videtur, quando ad serpētem ait : Inimicitias ponam inter te et mulierem? Et si adhuc dūbitas, quod de Mariā dixerit, āudi quod sēquitur : Ipsa cōteret caput tuum. Cui hęc servāta victōria est, nisi Mariæ? Ipsa procul dūbio caput contrivit venenātum, quæ omnimodam maligni suggestiōnem tam de carnis illēcebra, quam de mentis supērbia dedūxit ad nihilum. Quam vero āliam Sālo-mon requirēbat, cum dicēbat : Mulierem fortem quis invēniet? Nōverat quippe vir sāpiens hujus sexus infirmitātem, frāgile corpus, lūbricam mentem. Quia tamen et Deum légerat promississe, et ita vidēbat congruere, ut qui vicerat per fēminam, vinceretur per ipsam, vehemēter admirans aiēbat : Mulierem fortem quis invēniet? Quod est dicere : si ita de manu fēminæ pendet et nostra ōmnium salus, et innocētiæ restitūtio, et de hoste victōria : fortis omnino necesse est ut provideatur, quæ ad tantum opus possit esse idōnea.

Te Deum laudāmus. 17.

In Laud. fit Commem. Feriæ.

Postea S. Melchiadis.

Ant. Qui odit ānimam suam in hoc mundo, in vitam ætērnā custōdit eam.

V. Justus ut palma florēbit. *R.* Sicut cedrus Libani multiplicābitur.

Orat. Infirmitātem. 430.

Vesp. de seq. cum Commem. Oct. et Fer.

DIE XI

SANCTI DAMASI

PAPE ET CONFESSORIS

Semiduplex.

Omnia de Comm. Conf. Pont. 55, præter seq.*

Oratio.

EXĀUDI Dómine preces nostras : et interveniēte beāto Dámaso Confessóre tuo atque Pontífice, indulgētiā nobis tribue placātus et pacem. Per Dñum.

Et fit Commem. Octavæ.

Ant. Hódie. *V.* Immaculāta. 427. *Orat.* Deus, qui. 426.

Postea Feriæ.

IN I. NOCTURNO

Lect. de Script. occur.

IN II. NOCTURNO

Lectio iv.

DÁMASUS Hispānus, vir egrégus et eruditus in Scriptúris, indicto primo Constantinopolitāno concilio nefāriam Eunómii et Macedónii hāresim exstinxit. Idem Ariminēsem convēntum a Libério jam ante rejēctum, iterum conde-

mnávit : in quo, ut scribit sanctus Hierónymus, Valéntis potissimum et Ursácii fráudibus damnatio Nicænæ fidei conclamata fuit : et ingemiscens orbis terrarum, se Ariánum esse mirátus est.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

BASILICAS duas ædificávit, áalteram sancti Lauréntii nómine ad theátrum Pompéii, quam máximis munéribus áuxit, eique domos et prædia attribuit : áalteram via Ardeatina ad Catacúmbas. Platóniam étiam, ubi cõpora sanctórum Petri et Páuli aliquámdiu jacuérent, dedicávit, et exornávit elegantibus vérsibus. Idémque prosa et versu scripsit de virginitáte, múltaque ália metro édedit.

R. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

PENAM taliónis constituit iis, qui áalterum falsi criminis accusássent. Státuit, ut, quod plúribus jam locis erat in usu, Psalmi per omnes ecclésiās die noctú-

que ab altérnis caneréntur ; et in fine cujúsque Psalmi dicerétur : Glória Patri, et Filio, et Spiritui sancto. Ejus jussu sanctus Hierónymus novum testaméntum Græcæ fidei réddidit. Cum Ecclésiā rexisset annos decem et septem, menses duos, dies viginti sex, et habúisset ordinatiónes quinque mense Decémbri, quibus creávit presbýteros triginta unum, diáconos úndecim, episcopos per divérsa loca sexaginta duos ; virtúte, doctrína, ac prudéntia clarus, prope octogenárius, Theodósio senióre imperánte, obdormívit in Dómino : et via Ardeatina una cum matre et soróre sepúltus est in basilica, quam ipse ædificáverat. Illius reliquiæ póstea translátæ sunt in ecclésiā sancti Lauréntii, ab ejus nómine in Dámaso vocátam.

R. Iste est qui ante Deum. 62*.

IN III. NOCTURNO

Homil. in Evang. Vigiláte, quia nescitis. **de eodem Comm. 2º loco. 69*.**

In Laud. fit Commem. Octavæ.

Ant. Ait Dóminus. **V.** Immaculáta. **et Orat.** Deus, qui. 426.

Postea Feriæ occur.

IN II. VESPERIS

Ant. Dum esset summus Póntifex, terréna non méruit, sed ad cæléstia regna gloriósus migrávit.

Ÿ. Justum deduxit Dóminus per vias rectas. *R.* Et osténdit illi regnum Dei.

Commém. Oct. et Ferie.

DIE XII

V. DIE INFRA OCTAVAM

IMMAC. CONCEPT. B. M. V.

IN I. NOCTURNO

Lect. de Script. occur.

IN II. NOCTURNO

Ex Bulla dogmática Pii
Papæ noni.

Lectio iv.

QUÓNIAM quæ ad cultum pèrtinent, íntimo plane vínculo cum ejúsdem ob- jécto consérta sunt, neque rata et fixa manére possunt, si illud anceps sit et in ambíguo versétur, idcirco decessóres nostri Románi Pontífices omni cura Con- ceptiónis cultum ampli- cántes, illius étiam objéctum ac doctrinam declaráre, et inculcáre impensissime stu- duérunt. Etenim clare aper- téque docuére, festumagi de Virginis Conceptióne, atque uti falsam et ab Ecclesiæ mente alienissimam pro- scripsérunt illórum opinió- nem qui non Conceptiónem ipsam, sed sanctificatióem ab Ecclesiá coli arbitrarén- tur et affirmárent.

R. Ego ex ore. 422.

Lectio v.

NEQUE mitius cum iis agén- dum esse existimárun- t, qui ad labefactándam de Immaculáta Virginis Conce- ptióne doctrinam, excogi-

táto inter primum atque ál- terum Conceptiónis instans et moméntum discrimine, asserébant, celebrári qui- dem Conceptiónem, sed non pro primo instánti atque moménto. Ipsi namque præ- decessóres nostri suárum pártium esse duxérunt, et beatissimæ Virginis Conce- ptiónis festum, et Conce- ptióem pro primo instánti tamquam verum cultus ob- jéctum omni stúdio tuéri ac propugnáre. Hinc decre- tória plane verba, quibus Alexánder séptimus decés- sor noster sincéram Ec- clésiæ mentem declarávit, inquiens : Sane vetus est Christifidélium erga ejus beatissimam Matrem Vírgi- nem Mariam pietas sentién- tium, ejus ánimam in primo instánti creatiόνis atque in- fusiónis in corpus fuisse speciáli Dei grátia et privilé- gio, intúitu meritórum Jesu Christi ejus Filii humáni géneris Redemptóris, a má- cula peccáti originális præ- servátam immúnem, atque in hoc sensu ejus Conce- ptiónis festivitátem solémni ritu coléntium et celebrán- tium.

R. Nihil inquinátum. 423.

Lectio vj.

ATQUE illud in primis solé- mne quoque fuit iisdem decessóribus nostris, do- ctrinam de Immaculáta Dei Matris Conceptióne sartam tectámque omni cura, stúdio

et contentiōne tuēri. Etenim non solum nullātenus passi sunt, ipsam doctrinam quovis modo a quōpiam notāri atque tradūci, verum etiā longē ultērius progrēssi, perspicuis declaratiōnibus iteratisque vicibus edixerunt : Doctrinam qua Immaculatam Virginis Conceptiōnem profitēmur, esse, suōque mērito habēri cum ecclesiastico cultu plane cōsonam, eāque vēterem, ac prope universālem et ejūsmodi, quam Romāna Ecclēsia sibi fovēdam tuendāque suscepit, atque omnino dignam, quæ in sacra ipsa liturgiā, solemnioribusque prēcibus usurparētur. Neque his contēti, ut ipsa de Immaculato Virginis Conceptu doctrina inviolata persisteret, opiniōnem huic doctrinæ advēsam, sive publice, sive privātīm, defēdi posse severissime prohibuēre, eāque multiplici vēluti vūlnere confēctam esse voluērunt.

¶ Signum magnum. 424.

IN III. NOCTURNO

Lectio sancti Evangelii secundum Lucam.

Lectio vij. Cap. 1. c

IN illo tēpore : Missus est Angelus Gábriel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph, de domo David, et nomen Virginis María. Et reliqua.

Homilia sancti Tharásii
Episcopi.

De Præsentatione Deiparæ.

QUIBUS te laudibus cumulābimus María? O puella immaculata; o virgo impolulata; o mulierum ornamētum, filiārum nitor! O mater Virgo sancta, tu benedicta inter mulieres; tu celebrata propter innocentiam; tu ob signata virginitate. Tu Adami maledicti expiatio; tu debiti Hevæ solutio. Tu Abélis purissima oblatio; primogenitorum delictus; immaculatum sacrificium. Tu Enos in Deum spes non pudore suffusa; tu Enoch inita gratia, et in securam vitam migratio. Tu Noë arca, et secundæ regeneratiōnis apud Deum conciliatio. Tu regni et sacerdotii Melchisedech perillustri splendor; tu Abrahāmi firma fiducia, et promissionis futuræ posteritatis obsequens fides. Tu Isaac novum sacrificium et rationale holocaustum; tu Jacob in scalam ascensus causa, et fecunditatis in duodecim tribus permanentis expressio nobilissima. Tu Judæ apparuisti secundum stirpem filia; tu Joséphi pudicitia, et veteris Ægypti, nimirum synagogæ Judæorum eversio, o Immaculata! Tu Móysis ejusdemque legislatoris liber divinitus cinnatus, in quo scriptum est sacramētum regeneratiōnis, et divinis digitis in-

scúlpta in tábulis lex est tamquam in monte Sina, ubi novus Israël ab intelligibílium Ægyptiórum servitúte vindicábitur, quemádmódum antiquus pópulus in solitúdine manna et aqua de petra satiátus est, petra áutem erat Christus e tuo grémio proditúrus tamquam sponsus de thálamo. Tu Aarónis virga floréscens; tu es Davidis filia fimbriis áureis circumvestita vário ornátu nitéscens.

℟. Hortus conclúsus. 425.

Lectio viij.

TU es prophetárum spéculum, et rerum ab illis prænuntiátarum éxitus. Te enixe Ezéchiél vaticinans appellávit portam cláusam, per quam nemo hóminum umquam transíbit nisi Dóminus Deus solus, et portam cláusam conservábit. Te Isaías ille in primis grandiloquus prænúntiat virgam Jesse, ex qua flos Christus oriétur, et fruticibus vitiórum exstirpátis radícitus, plantas divínæ cognitiónis in agro inseret. Te Jeremías præmonstrávit inquiens : Ecce dies vénient, dicit Dóminus, et fériam dómui Israël et dómui Judæ foedus novum, quod constitui cum pátribus eórum, ita signíficans advéntum ortúmque filii tui, et pópulum géntium vocans ad Deum adorándum inde usque a finibus terræ. Te étiam Dániel vir deside-

riórum proclamávit montem ingéntem, e quo Christus lapis anguláris abscindétur, et simulácrum multifórmis serpéntis ruína atque exítio dissipábit. Te honóro agnam immaculátam, te prædico grátia plenam, te cano Dei habitatiónem puram et immaculátam. Et sane ubi abundávit delictum, superabundávit grátia. Per mulierem mortem lucráti sumus, per mulierem unívérsa ipse rursus instaurábit. Per serpéntem cibum accépimus amári sapóris, per ipsum vero rursus vescémur cibo immortalitátis. Prima parens Heva Caínum in lucem édedit, invidiæ et nequitæ principem; unigénitus Filius tuus erit primogénitus vitæ et resurrectiόνis. O inaudítum prodígium! O admirándam novitátem! O sapiéntiam nullis verbis coæquándam!

℟. Magníficat ánima. 425.

Lectio ix.

Nos áutem pópulus Dei, gens sancta, congregátio acceptábilis, filii colúmbæ, sóboles grátiae in hac Virginis celebritáte puris ánimis, impollútis lábiis, multisonis linguis hymnos suavidicos extollámus. Illústre hoc festum, príncipem solemnitátem Angelis lætam et hóminum prædicatióne dignissimam, prouti par est, venerántes illud Ave Gabriélis cum reveréntia et gáudio

sancto conclamémus. Ave delícium Patris, per quam ad últimos terræ fines Dei cognitio manávit. Ave Filii domicílium, de quaille carne indútus prodivit. Ave sancti Spíritus habitáculum infábile. Ave sánctior Chérubim; ave gloriósior Séraphim; ave cælo látior; ave sole splendídior; ave luna micántior; ave múltiplex astrórum nitor; ave levis nubes, quæ cæléstem plúviam inspérgis. Ave áura sancta, quæ spíritum malitiæ a terra dissipásti. Ave nóbile præcónium Propheetárum; ave Apostolórum auditus per totum orbem sonus; ave Mártyrum excéllens conféssio; ave Patriarchárum laudatíssima prædicatio; ave Sanctórum summum ornáméntum. Ave cáusa salútis ómnium mortálium; ave regina pacis conciliátrix; ave matrum splendor immaculátus. Ave mediátrix ómnium, qui sub cælo sunt; ave totius orbis reparátio; ave grátia plena, Dóminus tecum, qui ante te, et ex te, et nobiscum. Ipsi laus cum Patre, et sanctíssimo et vivífico Spíritu, nunc et semper, et in infinita sæcula sæculórum. Amen.

Te Deum laudámus. 17.

In Laudibus sit Commem.
Fer.

Vesp. de seq., cum Commem. Oct. et Feriæ.

DIE XIII

SANCTÆ LUCIÆ

VIRGINIS ET MARTYRIS

Duplex.

Omnia de Comm. Virg.
95*, præter seq.

IN I. VESPERIS

Ant. et Capit. de Laud.
440.

Pss., Hymn. et y. de Comuni Virg. 95*.

Ad Magnif. Ant. In tua patientia possedisti animam tuam, Lúcia sponsa Christi: odisti quæ in mundo sunt, et corúscas cum Angelis: ságuine próprio inimicum vicisti.

Oratio ut infra ad Laudes.

Et sit Commem. Octavæ.

Ant. Hódie. y. Immaculáta. 427; Orat. Deus, qui. 426.

Postea Feriæ.

IN I. NOCTURNO

Lect. De virginibus. de eodem Comm. 1º loco. 100*.

ñ. j. Lúcia virgo, quid a me petis, quod ipsa póteris præstare continuo matri tuæ? nam et fides tua illi subvénit, et ecce salváta est: * Quia jucúndum Deo in tua virginitate habitáculum præparásti. y. Sicut per me civitas Catanénsium sublimátur a Christo, ita per te Syracusána civitas decorábitur. Quia.

ñ. ij. Rogávi Dóminum meum Jesum Christum, ut ignis iste non dominétur mei: * Et impetrávi a Dó-

mino indúcias martýrii mei.

Ÿ. Pro eo ut me diligerent, detrahébant mihi : ego áutem orábam. Et impetrávi.

R. **iiij.** Grata facta est a Dómino in certámine, quia apud Deum et apud hómines glorificáta est : in conspéctu princípis loquebátur sapiéntiam : * Et Dóminus ómnium diléxit eam. **Ÿ.** Adjuvabit eam Deus vultu suo : Deus in médio ejus, non commovébitur. Et. Glória Patri. Et.

IN II. NOCTURNO

Lectio iv.

LÚCIA virgo Syracusána ab infántia nóbilis, una cum matre Eutýchia, quæ sánguini fluxu laborábat, Cátanam ad venerándum corpus beátæ Agathæ venit : quæ ad ejus sepúlcrum cum suppliciter orásset, Agathæ intercessióne matri sanitátem impetrávit. Statim vero matrem exorávit, ut quam dotem sibi datúra esset, Christi paupéribus tribui paterétur. Ut igitur Syracúsas rédiit, omnem pecúniám, quam ex facultátibus vénditis redégerat, paupéribus distribuit.

R. Veni sponsa Christi, áccipe corónam, quam tibi Dóminus præparávit in ætérnum : pro cujus amóre sánguinem tuum fudisti, * Et cum Angelis in paradísium introísti. **Ÿ.** Veni elécta mea, et ponam in te thronum meum, quia concupívit Rex spéciem tuam. Et.

Lectio v.

QUOD ubi rescivisset is, cui eam paréntes contra virginis voluntátem despónderant, apud Paschásium præfécum Lúciam, quod christiána esset, accusávit. Quam ille cum nec précibus, nec minis ad cultum idolórum posset perdúcere : imo tanto magis incénsam vidéret ad celebrándas christiánæ fidei láudes, quanto magis ipse eam a senténtia avértere conabátur : Cessábunt, inquit, verba, cum ventum erit ad vérbera. Cui virgo : Dei servis verba déesse non possunt, quibus a Christo Dómino dictum est : Cum stetéritis ante reges et præsides, nolíte cogitare quómodo aut quid loquámini : dábitur enim vobis in illa hora quid loquámini : non enim vos estis qui loquimini, sed Spíritus sanctus qui lóquitur in vobis.

R. Diffúsa est grátia in lábiis tuis : * Proptérea benedixit te Deus in ætérnum. **Ÿ.** Spécie tua et pulchritúdine tua inténde, prospere procéde, et regna. Proptérea.

Lectio vj.

QUAM cum Paschásius interrogásset, Estne in te Spíritus sanctus? respóndit : Caste et pie vivéntes templum sunt Spíritus sancti. At ille : Jubébo te ad lupánar duci, ut te Spíritus sanctus déserat. Cui virgo : Si invitam jússeris violári, cástitas

mihi duplicabitur ad coronam. Quare Paschásius ira inflammátus, Lúciam eo trahi jussit, ubi ejus virginitas violaretur : sed divinitus factum est, ut firma virgo ita consisteret, ut nulla vi de loco dimoveri posset. Quamóbrem præfèctus circum ipsam, pice, resina, ac fervénti óleo perfúsam, ignem accéndi imperávit : sed cum ne flamma quidem eam læderet, multis tormentis excruciatæ guttur gládio transfigitur. Quo vulnere accepto, Lúcia prædicens Ecclesiæ tranquillitatem, quæ futura erat Diocletiano et Maximiano mórtuis, Idibus Decémbris spiritum Deo réddidit. Cujus corpus Syracúsus sepúltum, deinde Constantinópolis, postremo Venétias translátum est.

R. Spécie tua et pulchritudine tua * Inténde, prospere procéde, et regna. **V.** Diffúsa est grátia in lábiis tuis, propterea benedixit te Deus in ætérnum. Inténde. Glória Patri. Inténde.

IN III. NOCTURNO

Homil. in Evang. Simile est. **de Comm. non Virg.** 1º loco. 116*.

R. vij. Propter veritatem, et mansuetudinem, et justitiam : * Et dedúcet te mirabiliter dextera tua. **V.** Spécie tua et pulchritudine tua inténde, prospere procéde, et regna. Et.

R. viij. Dilexisti justitiam,

et odisti iniquitatem : * Propterea unxit te Deus, Deus tuus óleo lætitiæ. **V.** Propter veritatem, et mansuetudinem, et justitiam. Propterea. Glória Patri. Propterea.

AD LAUDES

ET PER HORAS

Ant. 1. Oránte sancta Lúcia, * apparuit ei beáta Agatha, et consolabátur ancillam Christi.

Ps. Dóminus regnávít. **cum reliq.** 18.

2. Lúcia virgo, * quid a me petis, quod ipsa póteris præstare continuo matri tuæ?

3. Per te Lúcia virgo * civitas Syracusána decorábitur a Dómino Jesu Christo.

4. Benedico te * Pater Dómini mei Jesu Christi, quia per Fílium tuum ignis exstinctus est a látere meo.

5. Soror mea Lúcia, * virgo Deo devóta, quid a me petis, quod ipsa póteris præstare continuo matri tuæ?

Capitulum. II. Cor. 10. d

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

Hymn. et V. 108*.

Ad Bened. Ant. Columna es immóbilis, Lúcia sponsa Christi : quia omnis plebs te expéctat, ut accipias coronam vitæ, allelúia.

Oratio.

EXÁUDI nos Deus salutáris noster : ut sicut de beátæ Lúciæ Virginis et Mártiris

tuæ festivitâte gaudémus; ita piæ devotiônis erudiámur afféctu. Per Dóminum.

Et fit Commem. Octavæ.

Ant. Ait Dóminus. *ŷ.* Immaculâta. **et Orat.** Deus, qui. 426.

Postea Feriæ.

IN II. VESPERIS

Ant. de Laudibus.

Ad Magnif. Ant. Tanto póndere eam fixit Spiritus sanctus, ut virgo Christi inmóbilis permanéret.

Et fit Commem. Octavæ.

Ant. Hódie. *ŷ.* Immaculâta. 427; **Orat.** Deus, qui. 426.

Postea Feriæ.

DIE XIV

VII. DIE INFRA OCTAVAM IMMAC. CONCEPT. B. M. V.

Si hodie faciendum sit de aliquo Dupl. minori translato alicujus Doct. Ecclesiæ, in ejus II. Vesp. omnia dicuntur de die Oct., ut in I. Vesp. Festi, cum Commem. præced. et Feriæ, nisi hæc dies Octava occurrerit in Dom., tunc enim Vesp. fiunt de Duplici translato cum Commem. Dom. et diei Octavæ.

IN I. NOCTURNO

Lect. de Script. occur.

In Quatuor Temp. vero Lect. Ego sapiéntia. 149*, cum *ŷŷ.* ut in Festo.

Si hodie occurrat Fer. IV. Quatuor Temp., Homil. in Evang. hujus Feriæ, cum sit idem, omittitur: de ea tamen Feria fit Commem. in Laud.

IN II. NOCTURNO

Ex Bulla dogmática Pii Papæ noni.

Lectio iv.

OMNES norunt quanto stúdio hæc de Immaculâta Deiparæ Virginitis Conceptiône doctrina a spectatissimis religiôsis familiis et celebriôribus theológicis academiis, ac præstantissimis divinârum rerum sciéntia doctôribus fúerit trádicta, asserpta ac propugnâta. Omnes páriter norunt quantópere solliciti fúerint sacrórum Antístites vel in ipsis ecclesiásticis convéntibus palam publicéque profitéri, sanctissimam Dei Genitricem Virginem Mariam ob prævisa Christi Dómini Redemptóris mérita numquam origináli subjacuisse peccáto, sed præservátam omnino fuisse ab originis labe, et idcirco sublimiôri modo redemptam. Quibus illud profécto gravissimum et omnino máximum accédit, ipsam quoque Tridentinam sýnodum, cum dogmáticum de peccáto origináli éderet decretum, quo juxta sacrârum Scripturârum sanctorúmque Patrum ac probatissimórum conciliórum testimónia státuit ac definiuit: Omnes hómines nasci origináli culpa inféctos; tamen solémniter declarásse: Non esse suæ intentiônis, in decreto ipso tantâque definitiônis amplitúdine comprehendere beatam et Immacu-

látam Virginem Dei Genitricem Mariam. Hac enim declaratione Tridentini Patres, ipsam beatissimam Virginem ab origináli labe solútam, pro rerum temporúmque adjúctis, satis innuérunt, atque ádeo perspicue significárunť, nihil ex divínis litteris, nihil ex traditione, Patrúmque auctoritate rite afférri posse, quod tantæ Virginis prærogativæ quovis modo refragétur.

℟. Ego ex ore. 422.

Lectio v.

ET re quidem vera hanc de Immaculáta beatissimæ Virginis Conceptione doctrinam quotidie magis gravissimo Ecclesiæ sensu, magisterio, stúdio, sciéntia ac sapientia tam spléndide explicátam, declarátam, confirmátam, et apud omnes cathólici orbis pópulos ac nátiónes mirándum in modum propagátam, in ipsa Ecclesiá semper exstitisse véluti a majóribus accéptam, ac revelátæ doctrinæ caractére insignitam, illústria venerándæ antiquitátis Ecclesiæ orientális et occidentális monuménta validissime testántur. Equidem Patres Ecclesiæque scriptóres, cælestibus edócti eloquiis, nihil antiquius habuere, quam in libris ad explicandas Scriptúras, vindicandas dógmata, erudiendósque fideles elucubrátis, summam Virginis sanctitatem, dignitatem, atque ab omni peccáti

labe integritatem, ejúsque præcláram de tetérrimo humanigéneshostevictóriam, multis mirisque modis certatim prædicáre atque efférre.

℟. Nihil inquinátum. 423.

Lectio vj.

QUAPRÓPTER enarrantes verba, quibus Deus præparáta renovándis mortálibus suæ pietátis remédia inter ipsa mundi primórdia prænúntians; et deceptóris serpéntis retúdit audáciam et nostri génensis spem mirifice eréxit inquires : Inimicitias ponam inter te et mulierem, et semen tuum et semen illius, docuere : divíno hoc oráculo clare apertéque demonstrátum fuisse misericórdem humani génensis Redemptórem, scilicet unigénitum Dei Filium Christum Jesum, ac designátam beatissimam ejus Matrem Virginem Mariam, ac simul ipsissimas utriúsque contra diábulum inimicitias insigniter expressas. Quocirca sicut Christus Dei hominúmque mediátor, humana assúpta nátura, delens quod advérsus nos erat chirógraphum decreti, illud cruci triumphátor affixit, sic sanctissima Virgo, arctissimo et indissolúbili vínculo cum eo conjúcta, una cum illo et per illum, sempiternas contra venenósum serpéntem inimicitias exercens ac de ipso plenissime triúmphans, illius caput immaculáto pede contrivit. ℟. Signum. 424.

IN III. NOCTURNO

Lectio sancti Evangelii secundum Lucam.

Lectio vij. Cap. 1. c

IN illo tempore: Missus est Angelus Gábriel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

Homilia sancti Sophronii
Episcopi.

Homil. in Deiparæ
Annuntiat.

VERE benedicta tu in mulieribus, quoniam Hevæ maledictionem in benedictionem commutasti; quoniam Adam, qui prius jacebat exsecratione percussus, ut per te benediceretur effecisti. Vere benedicta tu in mulieribus, quoniam benedictio Patris per te affulsit hominibus, eosque a veteri maledicto liberavit. Vere benedicta tu in mulieribus, quia per te progenitores tui salutem inveniunt; tu siquidem genitura es Servatorem, qui divinam ipsis salutem comparabit. Vere benedicta tu in mulieribus, quoniam sine semine eum protulisti fructum, qui benedictionem terrarum orbi elargitur, ipsumque a maledictione spinas germinante redimit. Vere benedicta tu in mulieribus, quia mulier naturali conditione cum sis, Dei tamen Genitrix reipsa fies. Etenim

si, qui ex te nasciturus est, secundum veritatem Deus est incarnatus, ipsa jure meritoque diceris Deipara, quippe quæ Deum verissime paris.

¶ Hortus conclusus. 425.

Lectio viij.

NE timeas Maria, invenisti enim apud Deum gratiam perire nesciam; invenisti apud Deum gratiam præ quolibet eximiam; invenisti apud Deum gratiam omnibus votis expetendam; invenisti apud Deum gratiam omnium gratiarum splendidissimam; invenisti apud Deum gratiam numquam elanguentem; invenisti apud Deum gratiam quæ te salvam præstet; invenisti apud Deum gratiam quæ nullo impetu quatiatur; invenisti apud Deum gratiam plane invictam; invenisti apud Deum gratiam perenniter duraturam. Et alii quidem, iique plures ante te eximia sanctitate floruerunt. Sed nemini, quemadmodum tibi, plena gratia impertita est; nemo sicut tu, ad tantum magnificentiae est evectus; nemo sicut tu, purificante gratia præoccupatus est; nemo sicut tu, cælesti lumine refulsit; nemo sicut tu, præ omni celsitudine exaltatus est.

¶ Magnificat anima. 425.

Lectio ix.

ET merito quidem; nemo enim sicut tu, ad Deum tam prope accessit; nemo

sicut tu, Dei donis ditatus est; nemo sicut tu, Dei gratiæ particeps fuit. Omnia vincis, quæcúmque inter homines emineant; omnia superas múnera, quæ effusa a Dei largitate in quólibet dimanáverint. Plus enim omnibus inhabitantis Dei possessione ditescis. Nemo sic in se Deum complécti potuit; nemo potuit sic frui Dei præsentia; nemo dignus est habitus, qui sic per Deum illuminarétur; ac propterea non modo Deum omnium Conditorem ac Dóminum in te excepisti, sed eum habes ex te ineffabiliter incarnatum, atque in útero tuo gestatum, et post hæc génitum, et universos homines a paterna condemnatione rediméntem, ac salutem, quæ nullum finem habitúra sit, ipsis elargiéntem. Et propterea tibi clamávi, atque iterum veheménter clamábo: Ave gratia plena, Dóminus tecum: benedicta tu in mulieribus.

Te Deum laudámus. 17.

In Laud. lit Commem. Fer.

AD VESPERAS

Duplex.

Omnia ut in I. Vesp. Festi. 420, cum Commem. Feriæ.

Si dies Octava Immaculatæ Conceptionis B. M. V. incidit in Dom. III. Advent., fit Offic. de Dom. hoc modo: Vesp. in Sabbato præced. dicuntur de Feria ut in Psalt., scilicet Ant. Benedi-

ctus. et Pss. de Sabbato. 144: et a Capit. fit de Dom., cum Commem. diei Octavæ, ut in I. Vesp. Festi, Ant. Beátam. y. Immaculatá Concéptio. et Oratio Deus qui. 420. Suffragia consuetá et Preces omittuntur, propter Oct.

Sequenti die fit de Dom. prædicta, cum Commem. Oct. in Laud. et II. Vesp., et non dicuntur Suffragia nec Preces ad Primam et Completorium.

DIE XV

OCTAVA

IMMAC. CONCEPT. B. M. V.

Duplex.

Omnia ut in Festo. 420, præter ea quæ sequuntur.

IN II. NOCTURNO

Ex Bulla dogmática Pii Papæ noni.

Lectio iv.

AB antiquis temporibus sacrorum Antistites, ecclesiastici viri, regulares ordines ac vel ipsi imperatores et reges ab hac apostolica Sede enixe efflagitarunt, ut Immaculatæ sanctissimæ Dei Genitricis Concéptio véluti catholicæ fidei dogma definirétur. Quæ postulationes hac nostra quoque ætate iteratæ fuérunt, ac potissimum felicis recordationis Gregório décimo sexto prædecessóri nostro, ac nobis ipsis oblatae sunt tum ab episcopis, tum a clero sæculári, tum a religiósis familiis, ac

summis principibus et fidelibus pópulis. Nos itaque singulári ánimí nostri gáudio hæc ómnia probe noscéntes, ac sério considerántes, vix dum licet immériti, arcáno divínæ providéntiæ consílio ad hanc sublimem Petri cáthedram evécti, totíus Ecclésiæ gubernácula tractánda suscepimus, nihil certe antiquius habúimus, quam pro summa nostra vel a téneris annis erga sanctissimam Dei Genitricem Virginem Mariam veneratióne, pietáte et afféctu ea ómnia perágere, quæ adhuc in Ecclésiæ votis esse póterant, ut beatissimæ Virgínis honor augerétur, ejúsque prærogativæ uberióri luce nitérant.

R. Ego ex ore Altissimi prodívi, primogénita ante omnem creatúram : ego feci in cælis ut orirétur lumen indeficiens.* Nondum erant abyssi, et ego jam concépta eram. **V.** Deus enim creávit me in justitia, et apprehéndit manum meam, et servávit me. Nondum.

Lectio v.

ITAQUE plúrimum in Dómino confisi advenísse témporum opportunitátem pro Immaculáta sanctissimæ Dei Genitricis Virgínis Mariæ Conceptione definiénda, quam divína elóquia, veneránda traditio, perpétuus Ecclésiæ sensus, singuláris catholicórum Antístitem ac

fidélium conspirátio, et insígnia prædecessórum nostrórum acta, constitutiónes mirífice illústrant atque declárant; rebus ómnibus diligentíssime perpénsis et assíduis fervidisque ad Deum précibus effúsis, minime cunctándum nobis esse censúimus, suprémó nostro judicio Immaculátam ipsius Virgínis Conceptionem sancíre, definíre, atque ita pientíssimis cathólici orbis desidériis, nostræque in ipsam sanctissimam Virginem pietáti satisfácere, ac simul in ipsa unigénitum Filium suum Dóminum nostrum Jesum Christum magis atque magis honorificáre, cum in Filium redúndet quidquid honóris et láudis in Matrem impénditur.

R. Nihil inquinátum in eam incúrrit : * Candor est lucis æternæ et spéculum sine mácula. **V.** Est enim hæc speciósior sole, et luci comparáta invenitur púrior. Candor est.

Lectio vj

QUARE postquam nunquam intermísimus in humilitáte et jejúnio privátas nostras et públicas Ecclésiæ preces Deo Patri per Filium ejus offérre, ut Spíritus sancti virtúte mentem nostram dirigere et confirmáre dignarétur, imploráto univérsæ cæléstis cúriæ præsidio, et advocáto cum gemitibus Paráclito Spíritu,

eoque sic adspirante : ad honorem sanctæ et individue Trinitatis, ad decus et ornamentum Virginis Deiparæ, ad exaltationem fidei catholicæ et christianæ religionis augmentum, auctoritate Domini nostri Jesu Christi, beatorum Apostolorum Petri et Pauli, ac nostra declaramus, pronuntiamus et definimus : Doctrinam quæ tenet beatissimam Virginem Mariam in primo instanti suæ Conceptionis fuisse singulari omnipotentis Dei gratia et privilegio, intuitu meritorum Christi Jesu Salvatoris humani generis, ab omni originalis culpæ labe præservatam immūnem, esse a Deo revelatam, atque idcirco ab omnibus fidelibus firmiter constantèrque credendam. Quapropter si qui secus ac a nobis definitum est, quod Deus avertat, præsumpserint corde sentire, ii noverint ac porro sciant se proprio judicio condemnatos, naufragium circa fidem passos esse, et ab unitate Ecclesiæ defecisse.

R. Signum magnum apparuit in cælo : Mulier amicta sole, et luna sub pedibus ejus : * Et in capite ejus corona stellarum duodecim.

V. Induit eam Dominus vestimentis salutis, indumento justitiæ, et quasi sponsam ornavit eam monilibus suis. Et in capite. Glória Patri. Et in capite.

IN III. NOCTURNO

Lectio sancti Evangelii secundum Lucam.

Lectio vij. Cap. 1. c

In illo tempore : Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

Homilia sancti Epiphânii
Episcopi.

Orat. de Laudibus S. Mariæ Deiparæ.

Quid dicam, aut quid proloquar de præclara et sancta Virgine? Solo enim Deo excepto, cunctis superior existit : natura formosior est ipsis Chérubim et Séraphim, et omni exercitu angelico; cui prædicandæ cælestis ac terræ lingua minime sufficit, imo vero nec Angelorum. O beata Virgo, columba pura et sponsa cælestis Maria, cælum, templum et thronus divinitatis, quæ coruscantem in cælo et in terra solem habes Christum! Nubes lucida, quæ fulgur de cælo lucidissimum ad illuminandum mundum deduxisti Christum. Ave gratia plena, porta cælorum, de qua in Canticis propheta in decursu orationis plane et aperte proloquitur inclamans : Hortus conclusus, soror mea sponsa, hortus conclusus, fons signatus.

¶ Hortus conclúsus soror mea sponsa, hortus conclúsus, fons signátus : * Emisiones tuæ paradísus, o María. ¶. Aperi mihi, soror mea, amica mea, columba mea, immaculáta mea. Emisiones tuæ.

Lectio viij.

VIRGO est lilium immaculátum, quæ rosam immarcescibilem genuit Christum. O sancta Deipara, ovis immaculáta, quæ Verbum ex te incarnátum Agnum Christum peperisti! O Virgo sanctissima, quæ exercitus Angelórum in stupórem deduxisti! Stupéndum est miráculum in cælis, mûlier amicta sole, gestans lucem in ulnis : stupéndum miráculum in cælis, thálamus Virginis habens Filium Dei : stupéndum miráculum in cælis, Dóminus Angelórum infans Virginis effectus est. Angeli accusábant Hevam, nunc vero Mariám glória prosequúntur, quæ lapsam Hevam eréxit, et Adámum e paradiso dejectum in cælos misit. Ipsa enim est cæli et terræ mediatrix, quæ uniónem naturáliter perégit.

¶ Magnificat ánima mea Dóminum : * Quia fecit mihi magna qui potens est, et sanctum nomen ejus. ¶. Ecce enim ex hoc beátam me dicent omnes generatiónes. Quia fecit. Glória Patri. Quia fecit.

Seq. Lectio legitur etiam

in Feria IV. Quatuor Temporum.

Lectio ix.

GRÁTIA sanctæ Virginis est imménsa. Hinc Gábriel in primis salútat Virginem, dicens : Ave grátia plena, quæ es spléndidum cælum. Ave grátia plena, multis virtútibus exornáta Virgo. Ave grátia plena, quæ es urna áurea cóntinens manna cæléste. Ave grátia plena, quæ sitiéntes perénnis fontis dulcédine sátias. Ave sanctissima Mater Immaculáta, quæ genuisti Christum, qui est ante te. Ave púrpura régia, quæ cæli terræque Regem induisti. Ave liber incomprehénsus, quæ Verbum et Filium Patris mundo légendum exhibuisti.

Te Deum laudámus. 17.

In Laud. fit Commem. Fer.

In II. Vesp. fit Commem. seq. et Fer.

DIE XVI

SANCTI EUSEBII

EPISCOPI ET MARTYRIS

Semiduplex.

Omnia de Comuni unius Mart. 24*, præter seq.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

¶ Glória et honóre coronásti eum Dómine. ¶. Et constituisti eum super ópera mánuum tuárum.

Oratio.

DEUS, qui nos beáti Eusébii Mártiris tui atque Pontificis ánnua solemnitáte lætificas : concéde propítius ; ut cujus natalitia cólimus, de ejúsdem étiam protectióne gaudeámus. Per Dóminum.

Deinde fit Commem. Fer.

IN I. NOCTURNO

Lect. de Script. occur.

In Quatuor Temp. Lect. A Miléto. de eodem Comm. 1^o loco. 26.*

IN II. NOCTURNO

Lectio iv.

EUSÉBIUS natióne Sardus, Románæ urbis lector, post Vercellénsis episcopus, ad hanc regéndam ecclésiám mérito est créditos divínó eléctus iudicio : nam quem numquam ante constitúti electóres cognóverant, posthábitis civibus, simul ut vidérunt et probavérunt, tantúmque intérfuit, ut probaréretur, quantum ut videréretur. Primus in Occidéntis pártibus in eádem ecclésiá eósdem mónachos instituit esse, quos cléricos, ut esset in ipsis viris et contéptus rerum, et accurátio levitárum. Ariánis impietátibus ea tempestáte per Occidéntem longe latéque tradúctis, advérsus eas viríliter sic dimicávit, ut ejus invícta fides Libérium summum Pontíficem ad vitæ solátium erigeret. Quare hic sciens in ipso fervére Spiritum Dei, cum ei significáset, ut penes im-

peratórem una cum suis legátis patrocínium fidei susciperet, mox cum illis proféctus est ad Constántium, apud quem eníxius agens, quidquid legatióne petebátur, obtinuit, ut episcopórum nempe cœtus celebraréretur.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **Y.** Descenditque cum illo in foveam, et in vînculis non dereliquit eum. Et dedit.

Lectio v.

COLLÉCTUM est Medioláni anno sequénti concílium, ad quod a Constántio invitátum Eusébius concupitúmque, ac vocátum a Libérii legátis, tantum abest, ut malignántium synagóga Ariánórum contra sanctum Athanasium furéntium in suas partes addúceret, ut pótius disérte statim ipse declárans, e præséntibus quosdam sibi compértos hærética labe pollútos, Nicáenam imo fidem proposúerit iis subscribéndam, ántequam cætera tractaréntur. Quod Ariánis acérbe irátis negántibus, nedum in Athanasium recusávit ipse subscribere, quin sancti Dionýsii Mártiris, qui decéptus ab ipsis subscripserat, captivátam simplicitátem ingeniosíssime liberávit. Quamóbrem illi grávitèr indignántes, post multas

illátas injúrias, exsilio illum mulctárunť : sed sanctus vir, excússó púlvere, nec Cæsarís minas véritus, nec enses obstrictos, exsiliúm véluti sui ministérii officiúm accépit; missúsque Scythópolim, famem, sitim, vérbera, dívérsaque supplicia perpésus, pro fide strénue vítam contémpsit, mortem non métuit, corpus carníficibus trádedit.

R. Desidériúm ánimæ ejus tribuísti ei Dómine, * Et voluntáte labiórúm ejus non fraudásti eum. **V.** Quóniam prævenísti eum in benedictiónibus dulcédinis : posuísti in cápíte ejus corónam de lápide pretióso. Et voluntáte.

Lectio vj.

QUANTA in eum tunc Ariánórum crudélitas fúerit, ac effrons inverecúndia, osténdunt graves litteræ plenæ róboris, pietátis, ac religiónis, quas e Scythópoli scripsit ad Vercellénsem clementem, et pópulum, aliósque finítimos; e quibus étiam est explorátum, ipsórum nec minis, inhumanáque sævítia potuisse umquam eum deteréri, nec serpentina blanda subtilitáte ad eórum societátem perdúci. Hinc in Capadóciám, postremóque ad superióres Ægýpti Thebáidas pro constántia sua deportátus, exsilií rigóres tulit ad mortem usque Constántii, post quam ad gregem suum

revérťi permissus, non prius redíre vóluit, quam reparándis fidei jactúris ad Alexandrinám sýnodum sese conférret : postque médici præstántis instar, péragrans Oriéntis provincias, in fide infirmos ad integram valetúdinem restitúeret, eos instituens in Ecclesiæ doctrina. Inde salubritáte pari digrésso in Illýricum, tandémque in Itáliam deláto, ad ejus réditum lúgubres vestes Itália mutávit : ubi postquam Psalmórum ómnium expurgátos a se commentários Orígenis édedit, Eusebiique Cæsareénsis, quos vérterat de græco in latinum : demum tot egrégie factis illústris, ad immarcescibilem glóriæ corónam tantis ærúmnis proméritam sub Valentiniáno et Valénte, Vercéllis migrávit.

R. Stola jucunditátis. 30*.

IN III. NOCTURNO

Homil. in Evang. Si quis. **de eodem Comm. 2º loco.** 37*.

R. viij. Dómine prævenísti. 33*.

In Quatuor Temp. Lect. ix. de Homil. Fer. et Commem. in Laudibus.

DIE XX

De Vigil. S. Thomæ Apostoli nihil fit nisi in Missa.

DIE XXI

S. THOMÆ APOSTOLI

Duplex 2. classis.

Omnia de Comm. Apost. 2*, præter seq.

In utrisq. Vesp. ad Magnif. et in Laud. ad Bened. Ant. Quia vidisti me, Thoma, credidisti : beāti qui non viderunt, et crediderunt, allelūia.

Oratio.

DA nobis, quæsumus Dómine, beāti Apóstoli tui Thomæ solemnitatibus gloriári : ut ejus semper et patrociniis sublevémur, et fidem cógrua devotióne sectémur. Per Dóminum.

Et fit Commem. Feriæ.

Ant. O Clavis. 183.

Si autem transfert. in Feriam II., Ant. O Oriens. 183.

IN I. NOCTURNO

Lect. Sic nos existimet. de eodem Comm. 1º loco. 7*.

IN II. NOCTURNO

Lectio iv.

THOMAS Apóstolus, qui et Dídy mus, Galilæus, post acceptum Spiritum sanctum in multas provincias profectus est ad prædicandum Christi Evangélium : Parthis, Medis, Persis, Hircánis, et Bactris christiánæ fidei et vitæ præcepta trádedit. Postremo ad Indos se cónferens, eos in christiána religióne erudivit. Qui ad extrémum, vitæ doctrinæque sanctitate, et miraculorum magnitudine, cum cæteris omnibus sui admirationem, et Jesu Christi amorem commovisset; illius gentis regem, idolórum cultórem, magis ad iram accéndit : cujus sen-

téntia condemnátus, telisque confóssus, Calaminæ apostolátus honórem mártýrii coróna decorávit.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amíci Dei.

V. Vidi Angelum Dei fortem, volántem per médium cælum, voce magna clamántem et dicéntem. Isti.

Sermo sancti Gregórii

Papæ.

Homil. 30. in Evang. post médium.

Lectio v.

SCRIPtum est : Spíritus Dómini ornávit cælos. Ornamenta enim cælórum sunt virtútes prædicántium. Quæ videlicet ornamenta Páulus enúmerat, dicens : Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, álii fides in eódem Spíritu, álii grátia sanitátum in uno Spíritu, álii operátio virtútum, álii prophetía, álii discrétio spirítuum, álii génera linguárum, álii interpretátio sermónum. Hæc autem ómnia operátur unus atque idem Spíritus, dividens singulis prout vult.

R. Beāti estis, cum maledixerint vobis hómines, et persecúti vos fúerint, et dixerint omne malum advérsus vos, mentientes, propter me : * Gaudéte et exsultáte, quóniam merces

vestra copiosa est in cælis.
 ¶ Cum vos oderint homines,
 et cum separaverint vos, et
 exprobraverint, et ejecerint
 nomen vestrum tamquam
 malum propter Filium ho-
 minis. Gaudete et exsul-
 tate.

Lectio vj.

QUOT ergo sunt bona præ-
 dicantium, tot sunt or-
 namenta cælorum. Hinc rur-
 sus scriptum est : Verbo
 Domini cæli firmati sunt.
 Verbum enim Domini Filius
 est Patris. Sed eisdem cæ-
 los, videlicet sanctos Apó-
 stolos, ut tota simul sancta
 Trinitas ostendatur operata,
 repente de sancti Spiritus
 divinitate adjungitur : Et
 spiritu oris ejus omnis virtus
 eorum. Cælorum ergo virtus
 de Spiritu sumpta est : quia
 mundi hujus potestatibus
 contraire non præsumerent,
 nisi eos sancti Spiritus forti-
 tudo solidasset. Quales nam-
 que doctores sanctæ Ecclé-
 siæ ante adventum hujus
 Spiritus fuerint, scimus : et
 post adventum illius, cujus
 fortitudinis facti sint, con-
 spicimus.

¶ Isti sunt. 11*.

IN III. NOCTURNO

Lectio sancti Evangelii se-
 cundum Joannem.

Lectio vij. Cap. 20. f

In illo tempore : Thomas
 unus ex duodecim, qui
 dicitur Didymus, non erat
 cum eis, quando venit Je-
 sus. Et reliqua.

Homilia sancti Gregorii
 Papæ.

**Ex Homil. 26. in Evang.
 post med.**

QUID, fratres carissimi,
 quid inter hæc animad-
 vertitis? Numquid casu ge-
 stum creditis, ut electus ille
 discipulus tunc deesset, post
 autem veniens audiret, au-
 diens dubitaret, dubitans
 palparet, palpans crederet?
 Non hoc casu, sed divina
 dispensatione gestum est.
 Egit namque miro modo
 superna clementia, ut di-
 scipulus ille dubitans, dum
 in magistro suo vulnera pal-
 paret carnis, in nobis vul-
 nera sanaret infidelitatis.
 Plus enim nobis Thomæ
 infidelitas ad fidem, quam
 fides credentium discipulo-
 rum profuit : quia dum ille
 ad fidem palpando reducitur,
 nostra mens, omni du-
 bitatione postposita, in fide
 solidatur.

¶ Isti sunt qui viventes in
 carne, plantaverunt Ecclé-
 siam sanguine suo : * Cálicem
 Domini biberunt, et amici
 Dei facti sunt. ¶ In omnem
 terram exivit sonus eorum,
 et in fines orbis terræ verba
 eorum. Cálicem.

Lectio viij.

Sic quippe discipulum Dó-
 minus post resurrectionem
 suam dubitare permisit,
 nec tamen in dubitatione
 deseruit : sicut ante nativi-
 tatem suam habere Mariam
 sponsum voluit, qui tamen

ad ejus núptias non pervénit. Nam ita factus est discipulus dúbitans et palps, testis veræ resurrectionis, sicut sponsus matris fúerat custos integerrimæ virginitátis. Palpávit áutem, et exclamávit : Dóminus meus, et Deus meus. Dicit ei Jesus : Quia vidisti me, credidisti. Cum Páulus Apóstolus dicat : Est áutem fides spe-
randárum substántia rerum, arguméntum non apparéntium : profécto liquet, quia fides illárum rerum arguméntum est, quæ apparére non possunt. Quæ étenim appárent, jam fidem non habent, sed agnitiónem.

R. Isti sunt viri sancti, quos elégit Dóminus in caritáte non ficta, et dedit illis glóriam sempitérnam :
* Quorum doctrina fulget Ecclésia, ut sole luna. **V.** Sancti per fidem vicérunt regna : operáti sunt justitiam. Quorum. Glória Patri. Quorum.

In Quatuor Temp. ix. Lect. de Homil. Fer.

Lectio ix.

DUM ergo vidit Thomas, dum palpávit, cur ei dicitur : Quia vidisti me, credidisti? Sed áliud vidit, áliud crédidit. A mortáli quippe hómine divinitas vi-

déri non pótuit. Hóminem ergo vidit, et Deum confessus est, dicens : Dóminus meus, et Deus meus. Videndo ergo crédidit, qui considerádo verum hóminem, hunc Deum, quem vidére non póterat, exclamávit. Lætificat valde quod séquitur : Beáti qui non vidérunt, et credidérunt. In qua nimirum senténtia nos speciáliter signáti sumus, qui eum, quem carne non vídimus, mente retinémus. Nos signáti sumus : sed si fidem nostram opéribus séquimur. Ille étenim vere credit, qui exércet operádo quod credit.

Te Deum laudámus. 17.

In Laud. fit Commem. Adventus.

Ant. Nolíte timére, quinta enim die véniet ad vos Dóminus noster.

V. Vox clamántis in deserto : Paráte viam Dómini. **R.** Rectas fácite sémitas ejus.

Oratio ut in Adventu.

Si hoc Festum transferatur, tunc **Ant.** Nolite timére. dicitur ad **Benedictus in Dominica**, loco **Ant.** Ave María. et in **Officio S. Thomæ pro Commem. Advent.** ponitur **Ant. Feriæ II.** Dicit Dóminus. 198.

FESTA JANUARI

Prima die non impedita
dicitur Officium Defunct.

DIE XI

COMMEM. S. HYGINI

PAPAE ET MART.

Infra Oct. Epiphaniæ.

In Vesp. Ant. Iste sanctus
pro lege Dei sui certavit
usque ad mortem, et a ver-
bis impiórum non timuit :
fundátus enim erat supra
firmam petram.

Ÿ. Glória et honóre co-
ronásti eum Dómine. R. Et
constituísti eum super ópera
mánuum tuárum.

Oratio.

INFIRMITÁTEM nostram ré-
spice, omnipotens Deus :
et quia pondus próprie ac-
tiónis gravat, beáti Hygini
Mártiris tui atque Pontificis
intercessio gloriósa nos pró-
tegat. Per Dóminum.

In Laud. Ant. Qui odit
ánimam suam in hoc mun-
do, in vitam ætérnam cu-
stódit eam.

Ÿ. Justus ut palma floré-
bit. R. Sicut cedrus Líbani
multiplicábitur.

DOM. II. POST EPIPHANIAM

SS. NOMINIS JESU

Duplex 2. classis.

¶ Occurrente Dominica Se-
ptuagesimæ reponitur hoc
Festum in diem 28 Januarii,
tamquam in sedem propriam
(translato quocumque alio

Festo, si alicubi occurrat et
transferri valeat, nisi sit al-
tioris ritus, aut æqualis, sed
primarium) : et tunc legitur
ix. Lectio de S. Agnete se-
cundo, et fit de ea Commem.
in Laud. tantum. De Festo
Duplici minori vel de Se-
mid. occurrente fit tantum
Commem. in utrisque Vesp.
et Laud. cum Lect. ix. his-
torica, omissa Lect. ix. de
S. Agnete. Sed advertendum
est, quod in fine ŸŸ., R. R.
et Ant., omittendum erit Al-
lelúia : similiter et in R. R. br.
Horarum.

IN I. VESPERIS

Ant. 1. Omnis qui invocá-
verit nomen Dómini, salvus
erit.

Pss. de Dom. 127, et loco
ult., Ps. Crédidi. 131.

2. Sanctum et terribile
nomen ejus, initium sapién-
tiæ timor Dómini.

3. Ego áutem in Dómino
gaudébo, et exsultábo in Deo
Jesu meo.

4. A solis ortu usque ad
occásum laudábile nomen
Dómini.

5. Sacrificábo hóstiam láu-
dis, et nomen Dómini invo-
cábo.

Capitulum. Philip. 2. b



RATRES : Christus
humiliávit semet-
ipsum, factus obé-
diens usque ad
mortem, mortem áutem cru-

cis. Propter quod et Deus exaltávit illum, et donávit illi nomen, quod est super omne nomen : ut in nómine Jesu omne genu flectátur.

Hymnus.

JESU dulcis memória,
Dans vera cordis gáudia :
Sed super mel, et ómnia,
Ejus dulcis præsentia.

Nil cánitur suávius,
Nil audítur jucúndius,
Nil cogitátur dúlcis,
Quam Jesus Dei Fílius.

Jesu spes pœniténtibus,
Quam pius es peténtibus!
Quam bonus te quæréntibus!
Sed quid inveniéntibus?

Nec lingua valet dicere,
Nec lítera exprimere :
Expértus potest crédere,
Quid sit Jesum diligere.

Sis Jesu postrum gáu-
dium,

Qui es futúrus præmium :
Sit nostra in te glória,
Per cuncta semper sæcula.

Amen.

Ÿ. Sit nomen Dómini benedictum, allelúia. **R.** Ex hoc nunc, et usque in sæculum, allelúia.

Ad Magnif. Ant. Fecit mihi magna qui potens est, et sanctum nomen ejus, allelúia.

Orat. infra in Laud.

**Et fit Commem. Domini-
cæ II. post Epiph.**

Ant. Suscépit Deus Israël púerum suum, sicut locútus est ad Abraham, et semen ejus : exaltáre húmiles usque in sæculum.

Ÿ. Vespertina orátio ascen-

dat ad te Dómine. **R.** Et descéndat super nos miseri-
córdia tua.

Orat. ut in Laud.

**Ad Complet. et per Horas
diei, in fine Hymn. dicitur :**

Jesu tibi sit glória,
Qui natus es de Vírgine.

AD MATUTINUM

Invit. Admirábile nomen
Jesu, quod est super omne
nomen, *Venite, adorémus.

Ps. Venite, exsultémus. 2.

Hymnus.

JESU Rex admirábilis,
Et triumphátor nóbilis,
Dulcédo ineffábilis,
Totus desiderábilis.

Quando cor nostrum vísi-
tas,

Tunc lucet ei véritas,
Mundi viléscit vánitas,
Et intus fervet caritas.

Jesu dulcédo córdium,
Fons vivus, lumen mén-
tium,

Excédens omne gáudium,
Et omne desidérium.

Jesum omnes agnóscite,
Amórem ejus póscite :
Jesum ardénter quæríte,
Quæréndo inardéscite.

Te nostra Jesu vox sonet,
Nostri te mores éxprimant,
Te corda nostra diligant,
Et nunc, et in perpétuum.

Amen.

IN I. NOCTURNO

Ant. Dómine Dóminus
noster, quam admirábile est
nomen tuum in univér-
sa terra!

**Pss. trium Nocturnorum
ut in Festis B. M. V. 148*.**

Psalmus primus incipitur a secundo Versu : Quóniam eleváta est.

Ant. In nómine Jesu omne genu flectátur cæléstium, terréstrium, et infernórum.

Ant. Confitémini Dómino, et invocáte nomen ejus : mementóte, quóniam excélsus est nomen ejus.

Ÿ. Propter nomen tuum Dómine propitiáberis peccáto meo. **R̃.** Multum est enim.

De Actibus Apostolórum.

Lectio j. Cap. 3.

PETRUS áutem et Joánnēs ascendébant in templum ad horam oratiónis nonam. Et quidam vir, qui erat cláudus ex útero matris suæ, bajulabátur : quem ponébant quotidie ad portam templi, quæ dicitur Speciósa, ut péteret eleemósyam ab introeúntibus in templum. Is cum vidisset Petrum et Joánnem incipiéntes introire in templum, rogábat ut eleemósyam acciperet. Intuens áutem in eum Petrus cum Joánnē, dixit : Réspice in nos. At ille intendébat in eos, sperans se áliquid acceptúrum ab eis. Petrus áutem dixit : Argéntum et áurum non est mihi : quod áutem hábeo, hoc tibi do : In nómine Jesu Christi Nazaréni surge, et ámbula. Et apprehénsa manu ejus dextera, allevávit eum, et prótinus consolidátæ sunt bases ejus, et plantæ. Et exsiliens

stetit, et ambulábat : et intrávit cum illis in templum ámbulans, et exsiliens, et láudans Deum.

R̃. Ecce concípies, et páries filium, et vocábis nomen ejus Jesum : * Ipse enim salvum fáciat pópulum suum a peccátis eórum. Ÿ. Vocátum est nomen ejus Jesus, quod vocátum est ab Angelo, priúsquam in útero conciperétur. Ipse.

Lectio ij.

ET vidit omnis pópulus eum ambulántem, et laudántem Deum. Cognoscébant áutem illum, quod ipse erat, qui ad eleemósyam sedébat ad Speciósam portam templi : et impléti sunt stupóre et éxtasi in eo, quod contigerat illi. Cum tenéret áutem Petrum et Joánnem, cucúrrit omnis pópulus ad eos, ad pórticum quæ appellátur Salomónis, stupéntes. Videns áutem Petrus, respóndit ad pópulum : Viri Israélitæ, quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glorificávit Fílium suum Jesum, quem vos quidem tradidistis, et negástis ante fáciem Piláti, judicánte illo dimitti. Vos áutem sanctum, et justum negástis, et petistis virum homicídā donári vobis : auctórem vero vitæ

interfecistis, quem Deus suscitavit a mórtuis, cujus nos testes sumus. Et in fide nóminis ejus hunc, quem vos vidistis et nostis, confirmavit nomen ejus : et fides, quæ per eum est, dedit integram sanitatem istam in conspectu ómnium vestrum.

R. Benedictum est nomen tuum, Deus patrum nostrórum, qui cum irátus fúeris, misericórdiæ recordáberis, * Et in témpore tribulatiónis peccáta dimittis. **V.** Et benedictum nomen majestátis tuæ in ætérnum, qui facis mirabilia solus. Et.

Lectio iij. Cap. 4.

FACTUM est áutem in crástinum, ut congregaréntur príncipes eórum, et senióres, et scribæ in Jerúsalem : et Annas princeps sacerdotum, et Cáiphas, et Joánnes, et Alexánder, et quotquot erant de gènere sacerdotáli. Et statuéntes eos in médio, interrogábant : In qua virtúte, aut in quo nómine fecistis hoc vos? Tunc replétus Spíritu sancto Petrus, dixit ad eos : Príncipes pópuli, et senióres audíte : Si nos hódie dijudicámur in benefácto hóminis infirmi, in quo iste salvus factus est, notum sit ómnibus vobis, et omni plebi Israél : quia in nómine Dómini nostri Jesu Christi Nazaréni, quem vos crucifixistis, quem Deus suscitavit a mórtuis, in hoc iste adstat coram vobis sanus.

Hic est lapis, qui reprobátus est a vobis ædificántibus, qui factus est in caput ánguli : et non est in álio áliquo salus. Nec enim áliud nomen est sub cælo datum homínibus, in quo opórteat nos salvos fieri.

R. Laudábo nomen tuum assidue, * Et collaudábo illud in confessiône. **V.** Lætábor et exultábo in te : psallam nómini tuo Altíssime. Et. Glória Patri. Et.

IN II. NOCTURNO

Ant. Mémoires erunt nóminis tui Dómine in omni generatióne et generatió-nem.

Ant. Magnificáte Dóminum mecum, et exaltémus nomen ejus in idípsum.

Ant. Omnes gentes, quas-cúmque fecisti, vénient, et adorábunt coram te Dómine, et glorificábunt nomen tuum.

V. Propter glóriam nóminis tui Dómine libera nos.

R. Et propitius esto peccá-tis nostris propter nomen tuum.

Sermo sancti Bernárdi
Abbátis.

**Sermo 15. super Cantica,
circa medium.**

Lectio iv.

NON otiose Spíritus sanctus nomen sponsi óleo cómparat, cum ita dóceat sponsam ad sponsum clamá-re : Oleum effúsum nomen tuum. Oleum enim lucet, pascit, et ungit. Fovet ignem,

nutrit carnem, lenit dolorem : lux, cibus, medicina. Vide idem nunc et de sponsi nómine : Lucet prædicatum, pascit recogitatum, invocatum lenit, et ungit. Et percurrámus singula. Unde putas in toto orbe tanta et tam súbita fidei lux, nisi de prædicato nómine Jesu? Nonne in hujus nóminis luce Deus nos vocávit in admirábile lumen suum, quibus illuminátis, et in lúmine isto vidéntibus lumen, dicat mérito Páulus : Fuistis aliquándó tenebræ, nunc áutem lux in Dómino?

R. Sperent in te, qui novérunt nomen tuum : * Quóniam non dereliquisti quæréntes te Dómine. **V.** Exsúrge Dómine, ádjuva nos, et libera nos propter nomen tuum. Quóniam.

Lectio v

Hoc dénique nomen coram régibus, et géntibus, et filiis Israél portáre jussus est idem Apóstolus; et portábat nomen tamquam lumen, et illuminábat pátriam, et clamábat ubique : Nox præcéssit, dies áutem appropinquávit. Abjiciámus ergo ópera tenebrárum, et induámur arma lucis, sicut in die honéste ambulémus. Et monstrábat ómnibus lucérnam super candelábrum, annúntians in omni loco Jesum, et hunc crucifixum. Quómodo lux ista resplénduit, ac perstrinxit cun-

ctórum intuéntium óculos, quando de ore Petri, tamquam fulgur egrédiens, cláudi unius corporáles plantas solidávit et bases, multósque spirituáliter cæcos illuminávit? Numquid non ignem sparsit, cum ait : In nómine Jesu Christi Nazaréni surge, et ámbula?

R. Confiteámur nómini tuo magno : * Quóniam terribile et sanctum est. **V.** Hi in cúrribus, et hi in equis, nos áutem in nómine Dómini Dei nostri invocábimus. Quóniam.

Lectio vj

NEC tantum lux est nomen Jesu, sed est et cibus. An non tóties confortáris, quóties recordáris? Quid æque mentem cogitántis impinguat? Quid ita exercitátos réparat sensus, virtútes róborat, végetat mores bonos atque honéstos, castas fovet affectiónes? Aridus est omnis animæ cibus, si non óleo isto infúnditur; insípídus est, si non hoc sale conditur. Si scribas, non sapit mihi, nisi légero ibi Jesum. Si disputes aut cónferas, non sapit mihi, nisi sonúerit ibi Jesus. Jesus mel in ore, in áure melos, in corde júbilus. Sed est et medicina. Tristátur áliquis nostrum? Véniat in cor ejus Jesus, et inde sáliat in os. Et ecce ad exórtum nóminis lumen, núbilum omne diffugit, reddit serénus. Lábitur quis in

crimen? currit insuper ad láqueum mortis desperando. Nonne, si invocet nomen vitæ, confestim respirabit ad vitam?

R. Lætentur omnes, qui sperant in te Dómine, in ætérnum exsultábunt, et habitábis in eis, et gloriabúntur in te omnes, * Qui diligunt nomen tuum. **V.** Dómine in lúmine vultus tui ambulábunt, et in nómine tuo exsultábunt tota die. Qui. Glória Patri. Qui.

IN III. NOCTURNO

Ant. Cantáte Dómino, et benedicite nómini ejus : annuntiáte de die in diem salutáre ejus.

Ant. Secúndum nomen tuum Deus, sic et laus tua in fines terræ : justítia plena est dextera tua.

Ant. Cantáte Deo, psalmum dicite nómini ejus : iter fácite ei, qui ascéndit super occásum, Dóminus nomen illi.

V. Afférte Dómino glóriam et honórem. **R.** Afférte Dómino glóriam nómini ejus. Lécio sancti Evangélii secúndum Lucam.

Lectio vij. Cap. 2. c

IN illo témpore : Postquam consummáti sunt dies octo, ut circumciderétur puer, vocátum est nomen ejus Jesus. Et reliqua.

Homília sancti Bernárdi Abbátis.

Serm. 1. de Circumcisione.

MAGNUM et mirábile sacraméntum ! Circumcidi-

tur puer, et vocátur Jesus. Quid sibi vult ista connéxio? Circumcisio nempe magis salvándi, quam Salvatóris esse vidétur : et Salvátorem circumcidere pótius decet, quam circumcidi. Sed agnósce mediátorem Dei et hóminum, qui ab ipso nativitatís suæ exórdio divinis humána sóciat, ima summis. Náscitur ex muliere, sed cui fecunditátis fructus sic accédát, ut non décidat flos virginitátis. Pannis invólvi-tur : sed panni ipsi angélicis láudibus honorántur. Abscónditur in præsépio : sed próditur radiánte stella de cælo. Sic et circumcisio veritátem suscep-tæ probat humanitátis : et nomen, quod est super omne nomen, glóriam indicat majestátis. Circumciditur tamquam verus Abrahæ filius : Jesus vocátur tamquam verus Filius Dei.

R. Tribulatió nem et dolórem invéni : * Et nomen Dómini invocávi. **V.** Turris fortíssima nomen Dómini, in ipso sperávi, et adjútus sum. Et nomen.

Bened. Divínium auxiliúm.

Lectio viij.

NEQUE enim ad instar priórum meus iste Jesus nomen vácuum aut ináne portat. Non est in eo magni nóminis umbra, sed véritas. Cælitus síquidem inditum nomen Evangelista testátur, quod vocátum est ab Angelo,

priusquam in útero conciperétur. Et atténde verbi profunditátem : Postquam natus est Jesus. Jesus vocátur ab homínibus, qui vocátus est ab Angelo, priusquam in útero conciperétur. Idem quippe et Angeli Salvátor, et hóminis : sed hóminis ab incarnatióne, Angeli ab initio creatúræ. Vocátum est, ait, nomen ejus Jesus, quod vocátum est ab Angelo. In ore ergo duórum vel trium téstium stat omne verbum : et ipsum, quod in Prophéta abbreviátum, manifestíus in Evangélio légitur caro factum.

R. Exspectábo nomen tuum Dómine, * Quóniam bonum est in conspéctu sanctorum tuórum. **V.** Ut confiteámur nómini sancto tuo, et gloriémur in láude tua. Quóniam. Glória Patri. Quóniam.

Lect. ix. de Homil. Dom. II. post Epiph. Si vero hoc Festum contingat transferri, legatur sequens

Lectio ix.

MÉRITO sane, dum circumciditur puer, qui natus est nobis, Salvátor vocátur : quod vidélicet ex hoc jam coéperit operári salutem nostram, immaculátum illum pro nobis sánguinem fundens. Neque enim jam quærere est Christiánis, cur volúerit Dóminus Christus circumcidi. Propter hoc síquidem circumcísus est,

propter quod natus, propter quod passus. Nihil horum propter se, sed ómnia propter eléctos. Nec in peccáto génitus, nec a peccáto circumcísus, nec mórtuus est pro peccáto suo : magis áutem propter delicta nostra. Quod vocátum est, inquit, ab Angelo, priusquam in útero conciperétur. Vocátum plane, non impósitum. Nempe hoc ei nomen est ab ætérno. A natúra própria habet, ut sit Salvátor : innátum est ei nomen hoc, non inditum ab humana, vel angélica creatúra.

Te Deum laudámus. 17.

AD LAUDES

ET PER HORAS

Ant. 1. Oleum effúsum * nomen tuum, ideo adole-scéntulæ dilexérunt te.

Ps. Dóminus regnávít. **cum reliq.** 18.

2. Scitóte, * quia Dóminus ipse est Deus, cujus nomen in ætérnum.

3. Sitívit * ánima mea ad nomen sanctum tuum Dómine.

4. Benedictum nomen * glóriæ tuæ sanctum, et laudábile, et superexaltátum in sæcula.

5. Júvenes et vírgines, * senes cum junióribus, laudáte nomen Dómini, quia exaltátum est nomen ejus solius.

Capitulum. Philipp. 2.

FRATRES : Christus humiliávit semetípsum, factus

obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen : ut in nómine Jesu omne genu flectátur.

Hymnus.

JESU decus angélicum,
In áure dulce cánticum,
In ore mel miríficum,
In corde nectar cáelicum.

Qui te gustant, esúriunt;
Qui bibunt, adhuc sítiunt;
Desideráre nésciunt,
Nisi Jesum, quem diligunt.

O Jesu mi dulcissime,
Spes suspirántis ánimæ!
Te quærunť piæ lácrymæ,
Te clamor mentis íntimæ.

Mane nobiscum Dómine,
Et nos illústra lúmine:
Pulsa mentis caligine,
Mundum reple dulcédine.

Jesu flos Matris Virginis,
Amor nostræ dulcédinis,
Tibi laus, honor nóminis,
Regnum beatitúdinis.

Amen.

Ÿ. Adjutórium nostrum in nómine Dómini. **R.** Qui fecit cælum et terram.

Ad Bened. Ant. Dedit se, ut liberáret pópulum, et acquireret sibi nomen ætérnum, allelúia.

Oratio.

DEUS, qui unigénitum Fílium tuum constituisti humáni géneris Salvatórem, et Jesum vocári jussisti : concéde propítius; ut, cujus sanctum nomen venerámur in terris, ejus quoque adspé-

ctu perfruámur in cælis. Per eúndem Dóminum.

Postea fit Commem. Dominicæ II. post Epiph.

Ant. Núptiæ factæ sunt in Cana Galiléæ, et erat ibi Jesus cum María matre sua.

Ÿ. Dóminus regnávit, decórem induit. **R.** Induit Dóminus fortitúdinem, et præcinxit se virtúte.

Oratio.

OMNÍPOTENS sempitérne Deus, qui cæléstia simul et terréna moderáris : supplicatiónes pópuli tui cleménter exáudi, et pacem tuam nostris concéde temporibus. Per Dóminum.

AD PRIMAM

In **R. br. dicitur Ÿ.** Qui natus es de María Virgine.

AD TERTIAM

Ant. Scitóte.

Capit. Fratres : Christus.

Post Septuag. R. br. dividunt. ad ¶, omissis Allelúia.

R. br. Sit nomen Dómini ¶ benedictum, * Allelúia, allelúia. Sit. Ÿ. Ex hoc nunc et usque in sáculum. Allelúia, allelúia. Glória Patri. Sit.

Ÿ. Afférte Dómino glóriam et honórem, allelúia. **R.** Afférte Dómino glóriam nómini ejus, allelúia.

AD SEXTAM

Ant. Sitívit.

Capitulum. Philipp. 2. b

IN nómine Jesu omne genu flectátur cæléstium, terréstrium, et infernórum : et omnis lingua confiteátur,

quia Dóminus Jesus Christus in glória est Dei Patris.

R. br. Afférte Dómino glóriam ¶ et honórem, * Allelúia, allelúia. Afférte. **Y.** Afférte Dómino glóriam nómini ejus. Allelúia, allelúia. Glória Patri. Afférte.

Y. Magnificáte Dóminum mecum, allelúia. **R.** Et exaltémus nomen ejus in idipsum, allelúia.

AD NONAM

Ant. Júvenes et vírgines.

Capitulum. Coloss. 3. c

OMNE quodcúmque fácitis in verbo, aut in ópere: ómnia in nómine Dómini Jesu Christi fácite, grátias ágéntes Deo et Patri per ipsum.

R. br. Magnificáte Dóminum ¶ mecum, * Allelúia, allelúia. Magnificáte. **Y.** Et exaltémus nomen ejus in idipsum. Allelúia, allelúia. Glória Patri. Magnificáte.

Y. Adjutórium nostrum in nómine Dómini, allelúia. **R.** Qui fecit cælum et terram, allelúia.

IN II. VESPERIS

Omnia ut in primis. præter

Ad Magnif. Ant. Vocábis nomen ejus Jesum: ipse enim salvum fáciet pópulum suum a peccátis eórum, allelúia.

Deinde fit Commem. Dominicæ II. post Epiph.

Ant. Deficiente vino, jussit Jesus impléri hýdrias aqua, quæ in vinum conversa est, allelúia.

Y. Dirigátur Dómine oratio mea. **R.** Sicut incensum in conspéctu tuo.

DIE XIV

SANCTI HILARII

EPISC. CONF. ET ECCL. DOCT.

Duplex.

Omnia de Comm. Conf. Pont. 55*, præter seq. (m. t. v.)

In utrisque Vesperis ad Magnif. Ant. O Doctor óptime, Ecclesiæ sanctæ lumen, beáte Hilári, divinæ legis amátor, deprecáre pro nobis Filium Dei.

Oratio.

DEUS, qui pópulo tuo æternæ salútis beátum Hilárium místrum tribuísti: præsta, quæsumus; ut quem Doctórem vitæ habúimus in terris, intercessórem habére mereámur in cælis. Per.

Et fit Commem. S. Felicis Presbyteri et Martyris.

Ant. Iste sanctus pro lege Deisui certávit usque ad mortem, et a verbis impiórum non tímuit: fundátus enim erat supra firmam petram.

Y. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

CONCÉDE, quæsumus omnipotens Deus: ut ad meliorem vitam sanctórum tuórum exéempla nos próvocent: quátenus quorum solémnia ágimus, étiam actus imitémur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

HILÁRIUS in Aquitánia nóbili gènere natus, doctrina et eloquéntia excélluit. Qui primum in matrimónio quasi mónachi vitam egit : deinde propter singuláres virtútes Pictavórum episcopus créatur : quod munus episcopále sic gessit, ut a fidélibus summam láudem consequerétur. Quo témpore, cum terróribus, bonórum spoliatióne, exsilio, et omni crudelitáte Constantíus imperátor Cathólicos vexáret, nisi ad Ariánas partes transirent : Hilárius tamquam firmissimum murum se Ariánis oppónens, illórum furórem in se concitávit. Itaque multis petitis insidiis, tandem dolo Saturnini Arelaténsis episcopi, de sýnodo Biterrénsi in Phrygiam relegátus est : ubi et mórtuum suscitávit, et libros duódecim scripsit de Trinitáte contra Ariános.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

QUADRIÉNNIO post coácto concílio ad Seléuciam Isáuriæ urbem, Hilárius adesse compúlsus est : ac deinceps

de Constantinópolis profectus, ubi extrémum fidei periculum animadvertit, tribus libellis públice datis, audiéntiam imperatóris popóscit, ut de fide cum adversáriis coram disputáret. Verum cum Ursácius et Valens Ariáni episcopi, quos Hilárius scriptis confutárat, præséntis eruditiónem pertiméscerent, Constantio persuaserunt, ut specie honóris eum in suum episcopátum restitúeret. Tunc Hilárium a prælio hæreticórum reverténtem, ut inquit sanctus Hierónymus, Galliárum ecclésia compléxa est : quem ad episcopátum secúsus est Martinus, qui póstea Turonénsi præfuit ecclésiæ : tantúmque illo doctóre profecit, quantum ejus póstea sáncritas declarávit.

R. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus enim.

Lectio vj.

MAGNA deinceps tranquillitáte Pictavórum ecclésiám administrávit : Galliámque univérsam addúxit, ut Arianórum impietátem condemnáret. Multos libros scripsit mira eruditiónem : quos omnes sanctus Hierónymus ad Lætám, sine ulla erróris suspicióne legi posse testátur illis verbis : Hilárii libros

inoffenso decurras pede. Migravit in cælum Idibus Januarii, Valentiniáno et Valente imperatoribus, anno post Christum natum trecentésimo sexagésimo nono. Eum a multis Patribus et conciliis insignem Ecclesiæ Doctorem nuncupatum, atque uti talem in aliquot diocésibus cultum, tandem instante synodo Burdigalénsi Pius nonus Póntifex Máximus, ex sacrórum Rítuum Congregatiónis consúlto, universális Ecclesiæ Doctorem declaravit et confirmavit, ac ipsius festo die Missam et Officium de Doctóribus ab ómnibus recitari iussit.

℟. Iste est. 62*.

IN III. NOCTURNO

Homil. in Evang. Vosestis. de Comm. Doct. 2º loco. 74*.

Ex tribus Lect. fiant duæ : Lect. viij. incipit : Mérito igitur. ℟. viij. In médio. 75*.

Pro S. Felice Presb. et Mart.

Lectio ix.

FELIX Nolánus présbyter, cum in idóla veheméntius inveherétur, ab infidelibus várie vexátus, in cárcerem conjicitur. Unde ab Angelo nocte edúctus, quærere jussus est Maximiánum Nolæ episcopum : qui cum sénio confectus desperáret se ferre posse supplicia persequéntium, se abdiderat in silvam. Quo cum Felix Deo duce pervenisset, sanctum episcopum humi jacéntem pene mórtuum videt : quem

recreátum, ac sublátum in húmeros, apud fidélem vi-duam reficiéndum curávit. Sed cum is iterum idolórum cultóres impietátis argúeret, facto in ipsum impetu, fúgiens in angústó duórum parietum intervállo se occultávit. Qui áditus cum repénte araneárum telis pertéxtus visus esset, némini recéntis látebræ suspiciónem reliquit. Inde igitur evádens Felix, in ædibus piæ mulieris tres menses látuit. Cum vero Dei Ecclesiá requiescere cœpisset, Nolam rédiens, multisque ibi vitæ exémpis, et doctrinæ præcéptis, miraculisque ad Christi fidem convérsis, constánter étiam recusáto ejus urbis episcopátu, obdormivit in Dómino, sepultúsque est prope Nolam in loco, quem in Pincis appellábant.

Te Deum laudámus. 17.

In Laud. Comm. S. Felicis.

Ant. Qui odit ánimam suam in hoc mundo, in vitam ætérnam custódit eam.

Ÿ. Justus ut palma.

Vesp. a Capit. de seq., cum Commem. præced. ac S. Mauri Abbat.

DIE XV

S. PAULI PRIMI EREMITÆ

Duplex.

Omnia de Comm. Conf. non Pont. 76*, præter seq. (m. t. v.)

Oratio.

DEUS, qui nos beáti Páuli Confessóris tui ánnua so-

lemnitáte lætíficas : concéde propítius; ut ejus natalitia cólimus, étiam actiónes imitémur. Per Dóminum.

Et sit Commem. præced.

Ant. O Doctor óptime, Ecclésiæ sanctæ lumen, beáte Hilári, divinæ legis amátor, deprecáre pro nobis Filium Dei.

Ÿ. Elégit eum Dóminus sacerdotem sibi. **R.** Ad sacrificándum ei hóstiam láudis.

Oratio Deus, qui. 461.

Deinde S. Mauri Abbatis.

Ant. Euge serve bone et fidélis, quia in páuca fuisti fidélis, supra multa te constituam, intra in gáudium Dómini tui.

Ÿ. Justum dedúxit Dóminus per vias rectas. **R.** Et osténdit illi regnum Dei.

Oratio.

INTERCÉSSIO nos, quæsumus Dómine, beáti Máuri Abbátis comméndet: ut quod nostris méritis non valémus, ejus patrocínio assequámur. Per Dóminum.

Si Festum S. Pauli alia die alicubi celebretur, aut si de S. Mauro fiat tantum Commem. in Laud., non variantur Ant. et ŸŸ., sed dicuntur ut in Comuni.

IN I. NOCTURNO

Lect. de Script. occur.

IN II. NOCTURNO

Lectio iv.

PÁULUS, Eremitárum áuctor et magíster, apud inferiorem Thebáidem na-

tus, cum quíndecim esset annórum, orbátus paréntibus est. Qui póstea declinándæ cáusa persecutiónis Décii et Valeriáni, et Deo libérius inserviéndi, in erémi spelúncam se cóntulit: ubi, palma ei victum et vestitum præbente, vixit ad centésimum et décimum tértium annum, quo témpore ab António nonagenário Dei admónitu invisitur. Quibus inter se, cum ántea non nossent, próprio nómine consalutántibus, et multa de regno Dei colloquéntibus, corvus, qui ántea semper Páulo dimidiátum panem attúlerat, íntegrum détulit.

R. Honéstum fecit illum Dóminus, et custodivit eum ab inimicis, et a seductóribus tutávit illum: * Et dedit illi claritátem ætérrnam. **Ÿ.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

POST corvi discéssum, Eia, inquit Páulus, Dóminus nobis prándium misit, vere pius, vere miséricors. Sexagínta jam anni sunt, cum accipio quotidie dimídi panis fragméntum, nunc ad advéntum tuum militibus suis Christus duplicávit annónam. Quare cum gratiárum actióne ad fontem capiéntes cibum, ubi tantisper recreáti sunt, íterum grátiis de more Deo actis, noctem in divínis láudibus consum-

psérunt. Dilúculo Páulus de morte, quæ sibi instáret, ádmonens Antónium, hortátur, ut pállium, quod ab Athanásio accéperat, ad involvéndum suum corpus afférret. Quo ex itinere rédiens ille, vidit inter Angelórum choro, inter Prophetárum et Apostolórum cœtus Páuli ánimam in cœlum ascéndere.

R. Amávit eum Dóminus, et ornávit eum : stolam glóriæ induit eum,* Et ad portas paradísi coronávit eum.
Y. Induit eum Dóminus lorícam fidei, et ornávit eum. Et ad portas.

Lectio vj.

CUMQUE ad ejus cellam pervenisset, invénit génibus complicátis, erécta cervice, extensisque in altum máribus corpus exánime : quod pállio obvolvens, hymnósque et psalmos ex christiána traditióne decántans, cum sárculum, quo terram fóderet, non habéret ; duo leónes ex interióre erémo rápido cursu ad beáti senis corpus ferúntur : ut fáciie intelligerétur, eos, quo modo póterant, plorátum édere : qui certátim terram pédibus effodiéntes, fóveam, quæ hómí-nem cómmode cáperet, effecerúnt. Qui cum abiissent, Antónius sanctum corpus in eum locum íntulit : et injécta humo, túmulum ex christiáno more compósuit : túnicam vero Páuli, quam in

sportæ modum ex palmæ fóliis ille sibi contexúerat, secum áuferens, eo vestitu diébus solémnibus Paschæ et Pentecóstes, quoad vixit, usus est.

R. Iste homo. 83*.

IN III. NOCTURNO

Homil. in Evang. Confiteor tibi Pater. **de Comuni Abbatum 2º loco. 92*.**

Pro S. Mauro Abbate.

Lectio ix.

MÁURUS nóbilis RománuS, puer a patre Eutýchio Deo sub sancti Benedicti disciplína oblátus, brevi tantum divína grátia profécit, ut ipsi magistro admiratióni esset : qui illum sæpe véluti reguláris observántiæ, et virtútum ómnium spécimen, cæteris discipulis ad imitándum proponébat. Cujus adhuc adolescéntis illud admirábilis obediéntiæ exéplum a sancto Gregório Papa commemorátur. Nam cum PlácíduS mónachus in lacum prolápsus, aquárum impetu raperétur, sancti Patris jussu accúrrens Máurus, et super aquas incédens, sóciúm capillis apprehénsum, ad terram attráxit. Missus in Gálliam ab eódem sancto Benedicto, célebri monastério extrúcto, cui annos quadraginta præfuit, monásticam disciplínam mirífice propagávit. Dénique sanctitáte et miráculis clárus, septuagenário major migrávit in cælum, anno

salútis quingentésimo sexagésimo quinto.

Te Deum laudámus. 17.

In Laudibus fit Commem.
S. Mauri.

Ant. Similábo eum viro sapiénti, qui ædificávit domum suam supra petram.

Ÿ. Amávit eum Dóminus, et ornávit eum. **R.** Stolum glóriæ induit eum.

In II. Vesp. fit Commem. seq.

DIE XVI

SANCTI MARCELLI

PAPÆ ET MARTYRIS

Semiduplex.

Omnia de Comm. unius Mart. 24*, præter seq.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

Ÿ. Glória et honóre coronásti eum Dómine. **R.** Et constituisti eum super ópera mánuum tuárum.

Oratio.

PRECES pópuli tui, quæsumus Dómine, cleménter exáudi : ut beáti Marcélli Mátyris tui atque Pontificis méritis adjuvémur, cujus passióne lætámur. Per Dñ.

IN I. NOCTURNO

Lect. de Script. occur.

IN II. NOCTURNO

Lectio iv.

MARCÉLLUS RománuS, a Constantio et Galério usque ad Maxéntium ponti-

ficátum gessit. Cujus hortátu Lucína matróna Romána, bonórum suórum Dei Ecclésiám fecit herédem. Aucto in Urbe fidélium número, ad eórum utilitátem, ad baptísmum pœnitentiámque dandam eis, qui christiánam religiónem susciperent, et ad Mátyrum sepultúram, novos Títulos instituit, et quasi álteras diœcéses distribuit. Quibus rebus ira incensus Maxéntius, Marcélló grávia supplicia minátur, nisi, depósito pontificátu, idólis immoláret.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. Ÿ. Descendítque cum illo in foveam, et in vinctulis non dereliquit eum. Et.

Lectio v.

QUI cum insánas hómínis voces negligeret, misit eum in catábulum, ut bestiárum, quæ públice alebántur, curam sustinéret. Ubi Marcéllus assíduis jejúniis et précibus novem menses vitam duxit, paróchias, quas præsens non póterat, visitans per epístolas. Inde eréptus a cléricis, hospítio recipitur a beáta Lucína, in cujus ædibus ecclésiám dedicávit, quæ hódie título sancti Marcélli nominátur : in qua et Christiáni orábant, et ipse beátus Marcéllus prædicábat.

¶ Desiderium animæ ejus tribuisti ei Dómine, * Et voluntate labiorum ejus non fraudasti eum. ¶ Quoniam prævenisti eum in benedictionibus dulcedinis : posuisti in capite ejus coronam de lapide pretioso. Et.

Lectio vj.

QUIBUS cognitis, Maxentius in eam ecclesiam catubuli bestias transferri, et a Marcello custodiri jubet : ubi loci foeditate, multisque ærumnis afflictus obdormivit in Dómino. Cujus corpus in cœmetério Priscillæ via Salária a beata Lucina sepultum est decimo septimo Kalendas Februarii. Seddit annos quinque, mensem unum, dies viginti quinque. Scripsit epistolam ad episcopos Antiochénæ provinciæ de primatu Románæ Ecclesiæ, quam caput ecclesiarum appellandam demonstrat. Ubi etiam illud scriptum est, nullum concilium jure celebrari, nisi ex auctoritate Románi Pontificis. Ordinavit mense Decembri Romæ presbyteros viginti quinque, diaconos duos, episcopos per diversa loca viginti unum.

¶ Stola jucunditatis. 30*.

IN III. NOCTURNO

Homil. in Evang. Si quis. de eodem Comm. 2º loco. 37.*

¶ viij. Dómine prævenisti. 33*.

Vesp. de seq., cum Commem. præced.

DIE XVII

S. ANTONII ABBATIS

Duplex.

Omnia de Comm. Conf. non Pont. 76, præter seq.*

Oratio.

INTERCESSIO nos, quæsumus Dómine, beati Antonii Abbatis commendet : ut, quod nostris méritis non valémus, ejus patrocínio assequámur. Per Dóminum.

Et fit Commem. præced.

Ant. Qui vult venire post me, abneget semetipsum, et tollat crucem suam, et sequatur me.

¶ Justus ut palma florébit. ¶ Sicut cedrus Libani multiplicabitur.

IN I. NOCTURNO

Lect. de Script. occur.

IN II. NOCTURNO

Lectio iv.

ANTONIUS Ægyptius, nobilibus et christiánis parentibus natus, quibus adolescens orbatus est, cum ingressus ecclesiam ex Evangelio audivisset : Si vis perfectus esse, vade, et vende omnia quæ habes, et da pauperibus : tamquam ea sibi dicta essent, sic Christo Dómino obtemperandum existimavit. Itaque, vendita re familiari, pecuniam omnem pauperibus distribuit. Quibus solutus impedimentis, cælestis vitæ genus in terris colere instituit. Sed cum in periculósum illud certamen descenderet, ad fidei præ-

sídium, quo erat armátus, adhibéndum sibi putávit subsidium reliquárum virtútum : quarum tanto stúdio incénsus fuit, ut quemcúmque vidéret áliqua virtútis láude excellentem, illum imitári studéret.

R. Honéstum fecit illum Dóminus, et custodivit eum ab inimícis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v

NIHIL ígitur eo continéntius, nihil vigilántius erat. Patiéntia, mansuetúdine, misericórdia, humilitáte, labóre, ac stúdio divínarum Scripturárum superábat omnes. Ab hæreticórum et schismaticórum hóminum, máxime Arianórum, congréssu et collóquio sic abhorrébat, ut ne prope quidem ad eos accedéndum diceret. Humi jacébat, cum eum necessariús somnus occupáset. Jejúnium áutem ádeo cóluit, ut salem tantúmmodo ad panem adhibéret, sitim aqua exstingueret : neque se ante solis occásu cibo aut potu recreábat, sæpe étiam bíduum cibo abstinébat : sæpíssime in oratióne pernoctábat. Cum talis tantúsque Dei miles evasisset Antónius, sanctíssimum júvenem hostis humáni géneris váriis tentatió nibus aggré-

ditur, quas ille jejúnio et oratióne vincébat. Nec vero frequens de sátana triúmpus secúrum reddébat Antónium, qui diáboli innúmerábiles artes nocéndi nóverat.

R. Amávit eum Dóminus, et ornávit eum : stolam glóriæ induit eum : * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et ad portas.

Lectio vj

ITAQUE cóntulit se in vastíssimam Ægýpti solitúdinem : ubi quotidie ad cristiánam perfectiόνem proficiens, dæmones (quorum tanto erant acrióres ímpetus, quanto Antónius ad resisténdum fórtior evadébat) ita contémpsit, ut illis exprobráret imbecillitátem : ac sæpe discipulos suos excítans ad pugnándum contra diábolum, docénsque quibus armis vincerétur : Mihi créдите, dicébat, fratres, pertiméscit sátanas piórum vigílias, oratiónes, jejúnia, voluntáriam paupertátem, misericórdiam et humilitátem, máxime vero ardéntem amórem in Christum Dóminum, cujus único sanctíssimæ crucis signo debilitátus áufugit. Sic áutem dæmónibus erat formidolósus, ut multi per Ægýptum ab illis agitáti, invocáto nómine Antónii liberaréntur : tántaque erat ejus fama

sanctitátis, ut per litteras se ejus orationibus Constantinus Magnus et filii commendarent. Qui aliquando quintum et centésimum annum agens, cum innumerabiles sui instituti imitatores haberet, convocatis monachis, et ad perfectam christianæ vitæ regulam instructis, sanctitate et miraculis clarus migravit in cælum, décimo sexto Kalendas Februarii.

R. Iste homo. 83*.

IN III. NOCTURNO

Homil. in Evang. Sint lumbi. de eodem Communi 1^o loco. 85.*

Vesp. de seq. cum Commem. infra assignatis.

DIE XVIII

CATHEDRÆ S. PETRI
QUA ROMÆ PRIMUM SEDIT

Duplex majus.

IN I. VESPERIS

Omnia de Communi Conf. Pont. 55, præter seq.*

Hymnus.

QUODCUMQUE in orbe nexibus revinxeris,
Erit revinctum Petre in arce siderum :

Et quod resolvit hic potestas tradita,
Erit solutum cæli in alto vertice :

In fine mundi judicabis sæculum.

Patri perennes sit per ævum glória,

Tibi que laudes concinamus inclytas,

Æternæ Nate, sit superne Spiritus

Honor tibi, decusque : sancta jūgiter

Laudetur omne Trinitas per sæculum. Amen.

V. Tu es Petrus. *R.* Et super hanc petram ædificabo Ecclesiam meam.

Ad Magnif. Ant. Tu es pastor ovium, princeps Apostolorum, tibi traditæ sunt claves regni cælorum.

Orat. ut in Laud. 474.

Deinde fit Commem. S. Pauli ut infra ad Laud. 474, ante alias quascunque Commem. etiam Festi Dupl. aut Dom. Quod etiam servatur in Commem. S. Petri, quæ fit in Festis S. Pauli.

Postea fit Commemoratio præced.

Ant. Hic vir despiciens mundum et terræna, triumphans, divitias cælo condidit ore, manu.

V. Justum deduxit Dominus per vias rectas. *R.* Et ostendit illi regnum Dei.

Orat. Intercessio. 467.

Postremo fit Commem. sanctæ Priscæ Virg. et Mart.

Ant. Veni sponsa Christi, accipe coronam, quam tibi Dominus præparavit in æternum.

V. Spécie tua et pulchritudine tua. *R.* Intende, prospere procede, et regna.

Oratio.

DA, quæsumus omnipotens Deus : ut qui beatæ Priscæ Virginis et Martyris tuæ

natalitia cõlimus, et ánnua solemnitate lætémur, et tantæ fidei proficiámus exémplo. Per Dóminum.

AD MATUTINUM

Invit. Tu es pastor óvium, princeps Apostolorum : * Tibi trádidit Deus claves regni cælórum.

Ps. Veníte, exsultémus. 2.

Hymnus Quodcúmque. *ut supra.*

IN I. NOCTURNO

Incipit Epístola prima beáti Petri Apóstoli.

Lectio j. Cap. 1.

PETRUS Apóstolus Jesu Christi, eléctis ádvenis dispersiónis Ponti, Galatiæ, Cappadóciae, Asiæ, et Bithýniæ, secúndum præsciéntiam Dei Patris, in sanctificatióne Spiritus, in obediéntiam; et aspersionem ságuinis Jesu Christi: Grátia vobis, et pax multiplicétur. Benedíctus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodimini per fidem in salutem, parátam revelári in témpore novíssimo.

R. Simon Petre ántequam de naví vocárem te, novi te, et super plebem meam príncipem te constitui, * Et claves

regni cælórum trádidí tibi. **V.** Quodcúmque ligáveris super terram, erit ligátum et in cælis: et quodcúmque sólveris super terram, erit solútum et in cælis. Et.

Lectio ij.

IN quo exsultábitis, módicum nunc si opórtet contristári in váriis tentatiónebus: ut probátio vestræ fidei multo pretiósior áuro (quod per ignem probátur) inveníatur in láudem, et glóriam, et honórem in revelatióne Jesu Christi: quem cum non vidéritis dilígitis: in quem nunc quoque non vidéntes crédito: credéntes áutem exsultábitis lætítia inenarrabili, et glorificáta: reportántes finem fidei vestræ salutem animárum.

R. Si diligis me, Simon Petre, pasce oves meas. Dómine tu nosti quia amo te, * Et ánimam meam pono pro te. **V.** Si oportúerit me mori tecum, non te negábo. Et.

Lectio iij.

DE qua salutē exquisiérunt, atque scrutáti sunt prophætæ, qui de futúra in vobis grátia prophetavérunt: scrutántes in quod, vel quale tempus significáret in eis Spíritus Christi: prænúntians eas quæ in Christo sunt passióes, et posteriôres glórias: quibus revelátum est quia non sibimetipsis, vobis áutem ministrábant ea, quæ nunc nuntiáta sunt vobis per eos, qui evangeliza-

verunt vobis, Spiritu sancto misso de cælo, in quem desiderant Angeli prospicere.

R. Tu es Petrus, et super hanc petram ædificabo Ecclesiā meam, et portæ inferi non prævalēbunt adversus eam : * Et tibi dabo claves regni cælorum. **V.** Quodcūque ligāveris super terram, erit ligātum et in cælis : et quodcūque solveris super terram, erit solūtum et in cælis. Et. Glória Patri. Et.

IN II. NOCTURNO

Sermo sancti Leonis

Papæ.

Serm. 1. de SS. Apost. Petro et Paulo, ante medium.

Lectio iv.

CUM duodecim Apóstoli, accēpta per Spiritum sanctum ómnium locutiōne linguarum, imbuēdum Evangelio mundum distribūtis sibi terrarum partibus suscepissent, beatissimus Petrus princeps apostólici órdinis ad arcem Romāni destinātus impérii, ut lux veritātis, quæ in ómnium gēntium revelabatur salutem, efficacius se ab ipso capite per totum mundi corpus effunderet. Cujus autem nationis homines in hac tunc urbe non essent? aut quæ usquam gentes ignorarent, quod Roma didicisset?

R. Tu es pastor ovium, princeps Apostolorum : tibi tradidit Deus ómnia regna mundi : * Et ideo tibi trá-

ditæ sunt claves regni cælorum. **V.** Quodcūque ligaveris super terram, erit ligātum et in cælis : et quodcūque solveris super terram, erit solūtum et in cælis. Et.

Lectio v.

HIC conculcandæ philosophiæ opiniōnes, hic dissolvendæ erant terrænæ sapiētiæ vanitātes, hic confutandi dæmonum cultus, hic ómnium sacrilegiórum impietas destruēda, ubi diligentissima superstitiōne habebātur collēctum, quidquid usquam fúerat vanis erroribus institútum. Ad hanc ergo urbem tu beatissime Petre Apóstole venire non metuis; et consorte glóriæ tuæ Páulo Apóstolo, aliárum adhuc ecclesiárum ordinatiōnibus occupáto, silvam istam freméntium bestiárum, et turbulentissimæ profunditātis océanum constāntior, quam cum supra mare gradereris, ingrederis.

R. Ego pro te rogavi Petre, ut non deficiat fides tua : * Et tu aliquādo conversus confirma fratres tuos.

V. Caro et sanguis non revelavit tibi, sed Pater meus, qui est in cælis. Et.

Lectio vj.

JAM pópulos, qui ex circumcisiōne crediderant, erudieras : jam Antiochénam ecclesiā, ubi primum christiáni nóminis dignitas est orta, fundáveras : jam Pontum, Galátiam, Cappadó-

ciam, Asiam, atque Bithýniam légibus evangélicæ prædicationis impléveras : nec aut dúbius de provéctu óperis, aut de spátio tuæ ignárus ætátis, trophæum crucis Christi Románis árcibus inferébas, quo te divínis præordinationibus anteibant et honor potestátis, et glória passiónis.

R. Petre amas me? Tu scis Dómine, quia amo te. * Pasce oves meas. **V.** Simon Joánnis diligis me plus his? Tu scis Dómine, quia amo te. Pasce. Glória Patri. Pasce.

IN III. NOCTURNO

Lectio sancti Evangélii secundum Matthæum.

Lectio vij. Cap. 16. b

In illo témpore : Venit Jesus in partes Cæsaráe Philippi : et interrogábat discipulos suos, dicens : Quem dicunt hómines esse Filium hóminis? Et réliqua.

Homília sancti Hilárii
Episcopi.

Comment. in Matth. cap. 16.
post initium.

DÓMINUS a discipulis requirit, quem se hómines esse dicerent : et adjécit, hóminis filium. Hæc enim confessiónis tenénda rátió est, ut sicut Dei Filium, ita et filium hóminis meminérimus : quia álterum sine áltero nihil spei tribuit ad salutem. Editis itaque, quæ diversæ de eo erant, hóminum opinióibus, quid de se ipsi sentiant, quærit. Petrus

respóndit : Tu es Christus Filius Dei vivi. Sed Petrus conditiones propositiónis expénderat. Dóminus enim dixerat : Quem me hómines esse dicunt, filium hóminis? Et certe filium hóminis, contemplátio córporis præferébat. Sed addéndo, Quem me esse dicunt ; significávit præter id, quod in se videbátur, esse áliud sentiéndum : erat enim hóminis filius. Quod igitur de se opinándi iudicium desiderábat? Non illud arbitrámur, quod de se ipse conféssus est : sed occúltum erat, de quo quærebátur, in quod se credéntium fides debébat exténdere.

R. Quem dicunt hómines esse Filium hóminis? dixit Jesus discipulis suis. Respóndens Petrus dixit : Tu es Christus Filius Dei vivi. * Et ego dico tibi, quia tu es Petrus, et super hanc petram ædificábo Ecclésiám meam. **V.** Beátus es Simon Bar-Jona, quia caro et sanguis non revelávit tibi, sed Pater meus, qui est in cælis. Et ego.

Lectio viij.

ET dignum plane conféssio Petri præmium consecúta est : quia Dei Filium in hómine vidisset. Beátus hic est, qui ultra humánum óculos intendisse, et vidisse laudátus est : non id quod ex carne et ságuine erat cóntuens, sed Dei Filium cæléstis Patris revelatióne conspiciens : dignúsque judi-

cátus, qui quod in Christo Dei esset, primus agnósceret. ¶ O in nuncupatióne novi nóminis felix Ecclésiæ fundaméntum : dígnaque ædificatióne illius petra, quæ inférnas leges, et tártari portas, et ómnia mortis cláustra dissólveret! O beátus cæli jánitor, cujus arbitrio claves ætérni áditus tradúntur, cujus terréstre iudícium præjudicáta auctóritas sit in cælo! ut quæ in terris aut ligáta sint aut solúta, statúti ejúsdem conditiónem obtineant et in cælo.

R. Elégit te Dóminus sacerdotem sibi, ad sacrificándum ei * Hóstiam láudis. **V.** Immola Deo sacrificium láudis, et redde Altíssimo vota tua. Hóstiam láudis. Glória Patri. Hóstiam.

Si Festum Cathedræ transferri contigerit, et in illa die non occurrat Festum Simplex, habens Lect. propriam, tunc ex viij. Lect. fiant duæ, quarum prior desinit ad signum ¶.

*Pro sancta Prisca Virgine et Martyre.
Lectio ix.*

PRISCA, nóbilis virgo Romána, trédecim annos nata, Cláudio imperátore, cristiánæ fidei accusáta, ejúsdem jussu ducta ad Apóllinis templum, ut idólis immoláret, cum rem detestaréture, cólaphis cæsa, in cárcerem tráditur : atque inde emíssa, cum in fidei

constántia perseveráret, affécta verbéribus, ferventique ádipe delibúta, rursus in cárcerem inclúditur. Post triduum in amphitheatrum prodúcta, leóni objicitur : qui suæ feritátis oblítus, humiliter se ad ejus pedes abjécit. Quæ póstea in ergástulo triduum inédia afflícta, in equúleo suspénditur, et úngulis férreis excarnificáta in rogum injícitur, unde étiam mirabiliter evásit incólumis. Dénique extra Urbem cápite abscisso, virginitátis palmam martýrii coróna cumulávit. Cujus corpus via Ostiénsi, décimo ab Urbemiliário, a Christiánis décimo quinto Kaléndas Februárii sepelitur.

Te Deum laudámus. 17.

AD LAUDES

Hymnus.

BEÁTE pastor Petre clemens
accípe
Voces precántum, criminúmque víncula
Verbo resólve, cui potéstas
tráditá
Aperíre terris cælum, apértum cláudere.
Sit Trinitáti sempitérna glória,
Honor, potéstas, atque jubilátio,
In unitáte, quæ gubérnat ómnia,
Per univérsa æternitátis sácula. Amen.

V. Exáltent eum in ecclésia plebis. **R.** Et in cáthedra seníorum láudent eum.

Ad Bened. Ant. Quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis : dicit Dóminus Simóni Petro.

Oratio.

DEUS, qui beáto Petro Apóstolo tuo, collátis clávisbus regni cæléstis, ligándi atque solvéndi pontificium tradidisti : concéde; ut intercessiónis ejus auxilio, a peccatórum nostrórum nélixibus liberémur : Qui vivis et regnas.

Deinde fit Commemoratio S. Pauli.

Ant. Sancte Páule Apóstole, prædicátor veritátis, et Doctor géntium, intercède pro nobis ad Deum, qui te elégit.

Ÿ. Tu es vas electiónis sancte Páule Apóstole. **R̃.** Prædicátor veritátis in univérso mundo.

Oratio.

DEUS, qui multítudinem géntium beáti Páuli Apóstoli prædicatióne docuisti : da nobis quæsumus ; ut cujus commemoratiónem cólimus, ejus apud te patrocínia sentiámus.

Postea sanctæ Priscæ.

Ant. Simile est regnum cælórum hómini negotiátóri quærénti bonas margaritas : invénta una pretiósa, dedit ómnia sua, et comparávit eam.

Ÿ. Diffúsa est grátia in lá-

biis tuis. **R̃.** Proptérea benedixit te Deus in ætérnum.

Orat. Da, quæsumus. 469.

IN II. VESPERIS

Hymnus ut in primis. 469.

Ÿ. Elégit te Dóminus sacerdotem sibi. **R̃.** Ad sacrificándum ei hóstiam láudis.

Ad Magnif. Ant. Dum esset summus Póntifex, terréna non méruit, sed ad cæléstia regna gloriósus migrávit.

Postea fit Commemoratio S. Pauli, ut supra in Laud.

Deinde S. Canuti Mart., necnon SS. Marii et Socior. Mart.

DIE XIX

SANCTI CANUTI IV.

REGIS ET MART.

Semiduplex ad libitum.

¶ **Si venerit in Dom., vel in die infra aliq. Oct., omititur.**

Omnia de Comm. unius Mart. 24*, præter seq.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

Ÿ. Glória et honóre coronásti eum Dómine. **R̃.** Et constituisti eum super ópera mánuum tuárum.

Oratio.

DEUS, qui ad illustrándam Ecclésiám tuam, beátum Canútum regem martýrii palma et gloriósis miráculis decoráre dignátus es : concéde propítius ; ut, sicut ipse

Dominicæ passionis imitator fuit, ita nos per ejus vestigia gradiētes, ad gaudia sempiterna pervenire mereāmur. Per eūdem Dōminum.

Pro Commem. SS. Marii, Marthæ, Audifacis et Abachum Mm.

Ant. Istōrum est enim regnum cælōrum, qui contempsērunt vitam mundi, et pervenērunt ad præmia regni, et lavērunt stolas suas in sāguine Agni.

Ÿ. Lætāmini in Dōmino, et exsultāte justi. **R.** Et gloriāmini omnes recti corde.

Oratio.

EXÁUDI Dōmine pópulum tuum cum sanctōrum tuōrum patrocínio supplicātem : ut et temporālis vitæ nos tribuas pace gaudere, et æternæ reperire subsidium. Per Dōminum.

IN I. NOCTURNO

Lect. de Script. occur.

IN II. NOCTURNO

Lectio iv.

CANÚTUS quartus, Suenónis Esthritii Danōrum regis filius, fide, pietāte et morum honestāte conspicuus, eximie sanctitātis a tēneris annis spécimen dedit. Paternum sceptrum summa ómnium acclamatōne adeptus, religiōni promovēdæ sēdulo incumbere, ecclēσίας redditibus augere, et pretiōsa supellēctili ornāre cœpit. Tum zelo propagāndæ fidei succēsus, bárbara regna justo certāmine ag-

grēssus, devictas subditasque natiōnes christiānæ legi subjugāvit. Victóriis autem plúrimis gloriōsus, et divitiis áuctus, regále diadéma abjēcit, se et regnum illi subjiciens, qui Rex regum est, et Dōminus domināntium. Corpus suum jejúniis, ciliciis et flagellis castigāvit. In oratiōe et contemplatiōe assiduus, erga páuperes profúsus, erga omnes benéficus semper fuit : nec umquam a justitiæ divinæque legis sēmita defléxit.

R. Honéstum fecit illum Dōminus, et custodivit eum ab inimicis, et a seductōribus tutāvit illum : * Et dedit illi claritātem æternam. **V.** Descenditque cum illo in foveam : et in vīculis non dereliquit eum. Et dedit.

Lectio v.

IIS aliisque virtútibus imbútus, ad suprémum perfectiōnis ápicem sanctus rex properābat. Accidit autem ut Angliæ regnum a Wilhélmo Normannōrum duce, formidábili exército invaderetur. Anglis vero, Danōrum opem implorāntibus, cum succurrere rex decrevisset, belli expeditiōem Oláo fratri commisit. Qui regnādi cupiditāte illéctus, arma vertit in regis perniciem, militibus et pópulo contra illum concitātis. Nec defuērunt rebellióni foménta. Cum enim rex, éditis légibus, décimas

ecclésiis solvi, Dei et Ecclesiæ præcepta servari, transgressores puniri sanxisset, plerique perversi ac scelerati homines exacerbati, primum quidem tumultuari, tum plebem commovere, ac tandem sanctissimo regi necem moliri cœperunt.

¶ Desiderium animæ ejus trahuisti ei Dómine, * Et voluntate labiorum ejus non fraudasti eum. ¶ Quoniam prævenisti eum in benedictionibus dulcedinis : posuisti in capite ejus coronam de lapide pretioso. Et voluntate.

Lectio vj.

SCIENS igitur rex, futurorum præsciens, mortem sibi propter justitiam imminere; ea prænuntiata, ad ecclesiam sancti Albani Martyris Othoniæ, tamquam ad locum certaminis, profectus est : et sacramentis munitus, agonem suum Dómino commendabat. Mox ibi adveniens conjuratorum multitudo, ecclesiæ ignem admove-re, fores confringere, et in eam irrumpere tentarunt. Quod cum perficere non possent, ad fenestras accedentes, saxa et sagittas in sanctum regem, flexis genibus pro inimicis orantem, magno impetu jaculari non cessarunt : donec lapidum et telorum ictibus, ac tandem lancea confossus, glorioso martyrio, ante altare extensis brachiis procum-

bens, coronatus est, sedente in apostolico throno Gregorio séptimo. Multis postea miraculis Mátyrem suum illustravit Deus. Nam gravi penúria et diversis calamitatibus oppressa Dánia, patrati sacrilégii poenas luit. Plures étiam váriis languoribus afflicti, ad ejus túmulum remédium et incolunitatem consecuti sunt. Cumque regina sacrum ejus corpus noctu clam surripere, et álio transférre conaretur, emissio cælitus ingenti splendóre perterrita, a propósito cessavit.

¶ Stola jucunditatis. 30*.

IN III. NOCTURNO

Homil. in Evang. Si quis vult. de eodem Comm. 2^o loco. 37*.

Pro SS. Mario et Sociis Martyribus.

Lectio ix.

MÁRIUS Persa, nobili loco natus, cum Martha conjugē pari nobilitate, et duobus filiis Audiface et Abachum, Romam venit Cláudio imperatore, ut Mátyrum sepúlcrā veneraretur. Ibi Christianos in vincula conjectos fovēbant, et ópera ac facultatibus suis sustentabant, et sanctorum corpóra sepeliēbant. Quamóbrem comprehēsi omnes, cum nec impiórum minis, nec terróre commoverentur, ut diis sacrificarent; primum fústibus debilitati, deinde fúnibus attrácti, tum ad-

mótiſ candéntibus láminis combúſti, et úngulis férreis excarnificáti ſunt. Poſtrémó præciſiſ mánibus, et ad collum alligátiſ, ducti per médiám Urbem, via Cornélia ad tértium décimú ab Urbe milliárium, in eum locum, qui Nymphe dicebátur, necántur : ac primum Martha, quæ virum ac filioſ ad ſupplicia pro Jeſu Chriſti fide conſtánter perferénda, veheménter fúerat cohor-táta : mox cæteriſ in eádem arenária cerviceſ abſcindúntur, eorúmque córpora conjiciúntur in ignem. Quæ ſemiúſta, Felicitáſ matróna Romána nóbilis, colligénda, et in ſuo prædio ſepeliénda curávit.

Te Deum laudámuſ. 17.

In Laudibus pro Commem.
SS. Marii et Soc. Mart.

Ant. Veſtri capilli cápitiſ omneſ numeráti ſunt : nolite timére : multiſ paſſéribuſ melióreſ eſtiſ voſ.

V. Exſultábunt ſancti in glória. **R̃.** Lætábúntur in cubilibuſ ſuiſ.

Vesp. de ſeq., cum Commem. præced.

DIE XX

SS. FABIANI ET SEBASTIANI

MARTYRUM

Duplex.

Omnia de Comm. plur.
Mart. 39*, præter ſeq.

Oratio.

INFIRMITÁTEM noſtram réſpice omnipotens Deuſ :

et quia ponduſ própriæ actiõniſ gravat, beatórum Mártyrum tuórum Fabiáni et Sebaſtiáni intercéſſio glorióſa noſ prótegat. Per Dñm.

Et fit Commem. præced.

Ant. Qui vult veníre poſt me, ábneget ſemetipſum, et tollat crucem ſuam, et ſequátur me.

Ṽ. Juſtuſ ut palma florébit. **R̃.** Sicut cedruſ Libani multiplicábitur.

IN I. NOCTURNO

Lect. de Script. occur.

IN II. NOCTURNO

Lectio iv.

FABIÁNUS Románuſ a Máximo uſque ad Décium regenſ Eccléſiam, ſeptem diáconuſ regiónéſ diviſit, qui páuperum curam habérent. Tótidem ſubdiáconuſ creávit, qui reſ geſtaſ Mártyrum a ſeptem notáriiſ ſcriptaſ colligerent. Idem ſtátuit, ut quotánniſ fériá quinta in Cœna Dómini, vétère combúſto, chriſma renovarétur. Dénique déci-mo tértio Kaléndáſ Februárii in perſecutiõe Décii martýrio coronátuſ, in cœmetério Calliſti via Appia ſepelítur, cum ſediſſet annuſ quíndeciſ, dieſ quatuor. Hic fecit ordinatiõeſ quínque mēſe Decémbri, quibuſ creávit preſbýteroſ viginti duuſ, diáconuſ ſep-tem, epíſcopoſ per divérſa loca úndeciſ.

R̃. Sancti tui Dómine mirábilé conſecúti ſunt iter,

serviéntes præcéptis tuis, ut inveniréntur illæsi in aquis válidis : * Terra appáruit árida, et in mari Rubro via sine impediménto. *V.* Quóniam percússit petram, et fluxérunt aquæ, et torréntes inundavérunt. Terra.

Lectio v.

SEBASTIÁNUS ex patre Narbonénsi, matre Mediolanénsi natus, ob géneris nobilitátem et virtútem Diocletiano carus fuit; dux primæ cohórtis, Christiános, quorum fidem clam colébat, ópera et facultátibus adjuvábatur; et qui ex eis tormentórum vim reformidáre videbántur, cohortatióne sic confirmábat, ut pro Jesu Christo multi se ultro tortóribus offérrent. In illis fuére Marcus et Marcelliánus fratres, qui Romæ in custódia erant apud Nicóstratum : cuius uxor Zoë vocem, quam amiserat, Sebastiani oratione recuperávit. Quibus Diocletiano delátis, Sebastianum accérsit, et veheméntius objurgátum ómnibus artificiis a Christi fide conátur avértere. Sed cum nihil nec pollicéndo, nec terréndo proficeret, ad palum alligátum sagittis configi jubet.

R. Vérbera carnificum non timuérunt sancti Dei, moriéntes pro Christi nómine : * Ut herédes fierent in domo Dómini. *V.* Tradidérunt córpora sua propter Deum ad supplicia. Ut herédes.

Lectio vj.

QUEM ómnium opinióne mórtuum noctu sancta múlter Iréne sepeliéndi grátia jussit auférri : sed vivum repértum domi suæ curávit. Itaque páulo post confirmáta valetúdine, Diocletiano óbviám factus, ejus impietátem libérius accusávit. Cujus adspéctu cum ille primum obstupuíssset, quod mórtuum créderet : rei novitáte, et acri Sebastiani reprehensióne excandéscens, eum támdiu virgis cædi imperávit, donec ánimam Deo rédderet. Ejus corpus in cloácá dejectum Lucina a Sebastiano in somnis admónita, ubi esset, et quo loco humári vellet, ad Catacúmbas sepelívit, ubi sancti Sebastiani nómine célebris ecclésia est ædificáta.

R. Tamquam áurum. 46*.

IN III. NOCTURNO

Homil. in Evang. Descéndens Jesus de monte. *de eodem Comm.* 2^o loco. 53*.

Vesp. a Capit. de seq. cum Commem. præced.

DIE XXI

SANCTÆ AGNETIS

VIRG. ET MART.

Duplex.

IN I. VESPERIS

Quando I. Vesperæ dicendæ sunt integræ, Ant. et Capit. erunt de Laud. Psalm. ut in I. Vesp. Apostolorum. 2*. *Hymnus* Jesu coróna Virginum. 97*.

V. Spécie tua et pulchritudine tua. **R.** Inténde, prospere procéde, et regna.

Ad Magnif. Ant. Beáta Agnes in médio flammárum expánsis mánibus orábat : Te déprecor omnipotens, adoránde, colénde, Pater metuénde, quia per sanctum Filium tuum evási minas sacrilegi tyránni, et carnis spurcítias immaculáto calle transívi : et ecce vénio ad te, quem amávi, quem quæsívi, quem semper optávi.

Oratio ut infra in Laud.

Et fit Commem. præced.

Ant. Gáudent in cælis ánimæ sanctórum, qui Christi vestigia sunt secúti : et quia pro ejus amóre sánguinem suum fuderunt, ideo cum Christo exsúltant sine fine.

V. Exsultábunt sancti in glória. **R.** Lætabúntur in cubilibus suis.

AD MATUTINUM

Invit. Regem Virginum Dóminum, * Veníte, adorémus.

Ps. Venite, exsultémus. 2.

Hymnus Virginis Proles. **de Comm. Virg. et Mart.** 97*.

IN I. NOCTURNO

Ant. Discéde a me pábulum mortis, quia jam ab álio amatóre prævénta sum.

Psalmi in I. et II. Noct. de Comm. unius Mart. 25*.

Ant. Dêxteram meam et collum meum cinxit lapídbus pretiósis, trádedit áuribus meis inæstimábiles margarítas.

Ant. Pósuit signum in fáciem meam, ut nullum præter eum amatórem admittam.

V. Spécie tua et pulchritudine tua. **R.** Inténde, prospere procéde, et regna.

Lecl. Confitébor tibi. **de Comm. Virg.** 2^o loco. 109*.

R. j. Diem festum sacratíssimæ Virginis celebrémus, quáliter passa sit beáta Agnes ad memóriam revocémus : tértio décimo ætátis suæ anno mortem pérdidit, et vitam invénit : * Quia solum vitæ diléxit auctórem. **V.** Infántia quidem computabátur in annis, sed erat senéctus mentis imménsa. Quia.

R. ij. Dêxteram meam et collum meum cinxit lapídbus pretiósis, trádedit áuribus meis inæstimábiles margarítas : * Et circúmdedit me vernántibus atque coruscántibus gemmis. **V.** Pósuit signum in fáciem meam, ut nullum præter eum amatórem admittam. Et.

R. iij. Amo Christum, in cujus thálamum introibo, cujus mater virgo est, cujus pater féminam nescit, cujus mihi órgana modulátis vóci-
bus cantant : * Quem cum amávero, casta sum ; cum tetigero, munda sum ; cum accépero, virgo sum. **V.** Anulo fidei suæ subarrhávít me, et imménsis monílibus ornávít me. Quem cum. Glória Patri. Quem cum.

IN II. NOCTURNO

Ant. Induit me Dóminus
cýclade áuro texta, et im-
ménsis monilibus ornávit
me.

Ant. Mel et lac ex ejus ore
suscepi, et sanguis ejus or-
návit genas meas.

Ant. Ipsi soli servo fidem,
ipsi me tota devotióne com-
mitto.

V. Adjuvabit eam Deus
vultu suo. **R.** Deus in médio
ejus, non commovébitur.

Ex libro sancti Ambrósii
Episcopi de Virgínibus.

Lectio iv.**Lib. 1. post init.**

HÓDIE natális est Virgínis,
integritátem sequámur.
Natális est Mártiris, hóstias
immolémus. Natális est san-
ctæ Agnétis, miréntur viri,
non despérent párvuli, stú-
peant nuptæ, imiténtur in-
núptæ. Sed quid dignum
ea loqui póssumus, cujus
ne nomen quidem vácuum
láudis est? Devótió supra
ætátē, virtus supra natú-
ram: ut mihi videátur non
hóminis habuisse nomen,
sed oráculum Mártiris, quod
indicávit quid esset futúra.
Nomen Virgínis, titulus est
pudóris. Appellábo Márti-
rem: prædicávi satis. Pro-
lixa laudátio est, quæ non
quæritur, sed tenétur. Nemo
est laudabilior, quam qui
ab ómnibus laudári potest.
Quot hómines, tot præcón-
es, qui Mártirem prædi-
cant, dum loquúntur.

R. Induit me Dóminus
vestiménto salútis, et indu-
ménto lætitiæ circúmdedit
me: * Et tamquam sponsam
decorávit me coróna. **V.** Trá-
didit áuribus meis inæsti-
mábiles margaritas, circúm-
dedit me vernántibus atque
coruscántibus gemmis. Et.

Lectio v.

HÆC trédecim annórum
martyrium fecisse trádi-
tur. Quo detestabilior cru-
délitas, quæ nec minúsculæ
pepércit ætáti: imo magna
vis fidei, quæ étiam ab illa
testimónium invénit ætáte.
Fuitne in illo corpúsculo
vulneri locus? Et quæ non
hábuit quo ferrum recipe-
ret, hábuit quo ferrum vín-
ceret. Hæc inter cruéntas
carnificum impávida manus,
hæc stridentium grávibus
immóbilis tráctibus catená-
rum, nunc furéntis mucróni
militis totum offérre corpus,
mori adhuc nescia, sed pa-
ráta, vel si ad aras invíta
raperétur, téndere Christo
inter ignes manus, atque
in ipsis sacrilegis focis tro-
phæum Dómini signáre vi-
ctóris: nunc ferrátis colla
manúsque ambas insérere
néxibus. Sed nullus tam te-
núia membra póterat nexus
inclúdere. Novum martyrii
genus. Nondum idónea pœ-
næ, et jam matúra victó-
riæ: certáre difficilis, fácilis
coronári: magistérium vir-
tútis implévit, quæ præju-
dícium vehébat ætátis.

R. Mel et lac ex ejus ore suscepí, *Et sanguis ejus ornávit genas meas. **V.** Osténdit mihi thesáuros incomparábiles, quos mihi se dáturum repromísit. Et.

Lectio vj.

Non sic ad thálamum nupta properáret, ut ad supplicii locum, læta succéssu, gradu festína virgo procéssit. Flere omnes, ipsa sine fletu. Mirári pleríque, quod tam fáciie vitæ suæ pródiga, quam nondum háuserat, jam quasi perfúcta donáret. Stupére univérsi, quod jam divinitátis testis exsisteret, quæ adhuc árbitra sui per ætátem esse non posset. Quanto terróre egit cárnifex ut timerétur, quantis blanditiis ut suaderet, quantórum vota ut sibi ad núptias proveníret? At illa : Et hæc sponsi injúria est, inquit, exspectáre placitúram. Qui me sibi prior elégit, accipiet : quid percússor moráris? Péreat corpus, quod amári potest óculis, quibus nolo. Stetit, orávit, cervicem inflexit. Cérneres trepidáre cárnificem, quasi ipse addictus fuisset, trémere percussóris dexteram, palére ora aliéno timéntis periculo, cum puélla non timéret suo. Habétis igitur in una hóstia duplex martýrium, pudóris et religiónis. Et virgo permánsit, et martýrium obtinuit.

R. Jam corpus ejus cór-

pori meo sociátum est, et sanguis ejus ornávit genas meas : * Cujus mater virgo est, cujus pater féminam nescit. **V.** Ipsi sum desponsáta, cui Angeli sérviant, cujus pulchritúdinem sol et luna mirántur. Cujus mater. Glória Patri. Cujus mater.

IN III. NOCTURNO

Ant. Cujus pulchritúdinem sol et luna mirántur, ipsi soli servo fidem.

Ps. 14. Dómine quis. 9.

Ant. Christus circúmdedit me vernántibus atque coruscántibus gemmis pretiósís.

Ps. 44. Eructávit. 67.

Ant. Ipsi sum desponsáta, cui Angeli sérviant, cujus pulchritúdinem sol et luna mirántur.

Ps. 45. Deus noster. 68.

V. Elégit eam Deus, et præelégit eam. **R.** In tabernáculo suo habitáre facit eam.

Homil. in Evang. Simile erit. **de Comm. Virg. 1º loco.** 106*.

R. vij. Ipsi sum desponsáta, cui Angeli sérviant, cujus pulchritúdinem sol et luna mirántur : * Ipsi soli servo fidem, ipsi me tota devotióne committo. **V.** Dexteram meam et collum meum cinxit lapidibus pretiósís : trádidit áuribus meis inæstimábiles margaritas. Ipsi.

R. viij. Omnípotens, adoránde, colénde, treménde, benedíco te : * Quia per Fílium tuum unigénitum evási

minas hóminum impiórum,
et spurcítias diáboli impol-
lúto calle transivi. *v.* Te
confiteor lábiis, te corde, te
totis viscéribus concupisco.
Quia. Glória Patri. Quia.

AD LAUDES

ET PER HORAS

Ant. 1. Ingréssa Agnes *
turpitúdinis locum, Angelum
Dómini præparátum invénit.

Ps. Dóminus regnávit.
cum reliq. 18.

2. Mecum enim hábeo *
custódem córporis mei, An-
gelum Dómini.

3. Annulo suo * subarrhá-
vit me Dóminus meus Jesus
Christus, et tamquam spon-
sam decorávit me coróna.

4. Benedico te * Pater Dó-
mini mei Jesu Christi, quia
per Filium tuum ignis ex-
stinctus est a látere meo.

5. Congaudéte mecum, *
et congratulámini, quia cum
his ómnibus lúcidas sedes
accepi.

Capitulum. Eccli. 51.

CONFITÉBOR tibi Dómine
Rex, et collaudábo te
Deum Salvatórem meum.
Confitébor nómini tuo : quó-
niam adjútor et protéctor
factus es mihi, et liberásti
corpus meum a perditíone.

Hymnus Jesu coróna. *v.*
Diffúsa est. 108*.

Ad Bened. Ant. Ecce quod
concupívi, jam video : quod
sperávi, jam téneo : ipsi sum
juncta in cælis, quem in
terris pósita, tota devotióne
diléxi.

Oratio.

OMNÍPOTENS sempitérne
Deus, qui infirma mun-
di éligis, ut fórtia quæque
confúndas : concéde propí-
tius ; ut, qui beátæ Agnétis
Virginis et Mártýris tuæ so-
lémnia cólimus, ejus apud
te patrocínia sentiámus. Per
Dóminum.

AD TERTIAM

Ant. Mecum enim hábeo.

Capitulum Confitébor tibi.
ut supra ad Laudes.

R. br. Spécie tua * Et pul-
chritúdine tua. Spécie. *v.*
Inténde, próspere procéde,
et regna. Et. Glória Patri.
Spécie.

v. Adjuvábít eam Deus
vultu suo. *R.* Deus in médio
ejus, non commovébitur.

AD SEXTAM

Ant. Annulo suo.

Capitulum. Eccli. 51.

LIBERÁSTI me secúndum
multitúdinem misericór-
diæ nóminis tui a rugién-
tibus præparátis ad escam,
de mánibus quæréntium áni-
mam meam, et de multis
tribulatióibus quæ circum-
dedérunt me.

R. br. Adjuvábíte eam * Deus
vultu suo. Adjuvábít. *v.* Deus
in médio ejus, non commo-
vébitur. Deus. Glória Patri.
Adjuvábít.

v. Elégít eam Deus, et
præelégít eam. *R.* In taber-
náculo suo habitáre facit
eam.

AD NONAM

Ant. Congaudéte mecum.

Capitulum. Eccli. 51.

LAUDÁBIT usque ad mortem ánima mea Dóminum, quóniam éruis sustinéntes te, et liberas eos de manu angústiae, Dómine Deus noster.

R. br. Elégit eam Deus, * Et praelégit eam. Elégit. *V.* In tabernáculo suo habitare facit eam. Et. Glória Patri. Elégit.

V. Diffusa est grátia in lábiis tuis. *R.* Propterea benedixit te Deus in ætérnum.

IN II. VESPERIS

Ant. et Capit. de Laudibus; Pss. vero de Dominica. 127, et loco ult., Ps. Láuda Jerúsalem. 147.

Ad Magnif. Ant. Stans beáta Agnes in médio flammæ, expánsis má nibus orábat ad Dóminum : Omnipotens, adoránde, colénde, treménde, benedico te, et gló rifico nomen tuum in ætérnum.

Deinde fit Commemoratio seq.

DIE XXII

SS. VINCENTII ET ANASTASII

MARTYRUM

Semiduplex.

Omnia de Comm. plur. Mart. 39, præter seq.*

Ant. Istórum est enim regnum cælórum, qui contempserunt vitam mundi, et pervenerunt ad præmia regni, et laverunt stolas suas in ságuine Agni.

V. Lætámini in Dómino,

et exsultáte justi. *R.* Et gloriámini omnes recti corde.

Oratio.

ADÉSTO Dómine supplicationibus nostris : ut, qui ex iniquitate nostra reos nos esse cognóscimus, beatórum Mártýrum tuórum Vincentii et Anastásii intercessi óne liberémur. Per Dñm.

IN I. NOCTURNO

Lect. de Script. occur.

IN II. NOCTURNO

Lectio iv.

VINCÉNTIUS Oscæ in Hispania citerióre natus, a prima ætáte stúdiis deditus, sacras litteras a Valério Cæsaraugustáno episcopo didicit : cujus étiam partes suscepit prædicándi Evangelium, quod episcopus, propter linguæ impediméntum, prædicati ónis officio fungi non póterat. Ea re ad Daciánum, provinciæ a Diocletiáno et Maximiano præpósitum, deláta, Vincéntius Cæsaraugústæ comprehénditur, et vinctus ad Daciánum Valéntiam addú citur. Ubi verbéribus et equúleo tortus, multis præsentibus, cum nulla aut tormentórum vi, aut acerbitáte, vel lenitáte verbórum a propósito deterréri posset; in craticula impósitus, prunis ardéntibus suppositis, ac férreis únguibus excarnificátus, candentibúsq; láminis exústus, íterum dúcitur in cárcerem stratum testáceis fragméntis, ut ejus nudum

corpus, somno opprēssum, a subiectis étiam testārum acūleis torquerētur.

℞. Sancti tui Dómine mirábile consecūti sunt iter, serviētes præcéptis tuis, ut invenirētur illāsi in aquis válidis : * Terra appáruit árida, et in mari Rubro via sine impedimēto. v. Quóniam percússit petram, et fluxérunt aquæ, et torrētes inundavérunt. Terra.

Lectio v.

VERUM, illo in tenebricósa inclúso custódia, clarissimus splendor obórtus totum cárcerem illustrávit : quæ lux cum summa admiratióne omnes, qui áderant, affecísset; res a custóde cárceris ad Daciánum defértur. Qui edúctum in molli cúlcitra cóllocat : et quem cruciátibus in suam senténtiam tráhere non póterat, deliciis perdúcere conátur. Sed invíctus Vincéntii ánimus Jesu Christi fide speque munítus vicit ómnia : et ignis, ferri, tortórum immanitáte superáta, victor ad cælestem martýrii corónam advolávit, undécimo Kalēdas Februárii. Cujus corpus cum projectum esset inhumátum, corvus et a volúcribus et a lupo únguibus, rostro, alis mirabiliter deféndit. Quare cógnita, Daciánus illud in altum mare demérgi jubet : sed inde étiam divínus ejéctum ad littus, Christiáni sepéliunt.

℞. Vërbera carníficum non timuérunt sancti Dei, moriētes pro Christi nómine : * Ut herédes fierent in domo Dómini. v. Tradidérunt córpora sua propter Deum ad supplicia. Ut herédes.

Lectio vj.

ANASTÁSIUS Persa, mónachus, Heraclíio imperatóre, cum sanctam Jerosolýmórum terram visitásset, ad Cæsaréam Palæstinæ pro Christi religióne vincula et vërbera constánter perpessus est. Mox a Persis ob eámdem cáusam váriis cruciátibus afféctus, a rege Chósroa una cum septuaginta áliis Christiánis secúri percútitur. Cujus reliquiæ primum Jerosólymam ad monastérium, in quo monásticam vitam professus erat, deinde Romam delátæ, collocátæ sunt in monastério ad Aquas Sálvias.

℞. Tamquam áurum. 46*.

IN III. NOCTURNO

Homil. in Evang. Cum audiéritis prælia, de eodem Comm. 1^o loco. 48*.

Vesp. a Capit. de seq., cum Commem. præced. et S. Emerentianæ Virg. et Mart.

DIE XXIII

S. RAYMUNDI DE PENNAFORT
CONFESSORIS

Semiduplex.

Omnia de Comm. Conf. non Pont. 76*, præter seq. (m. t. v.)

Oratio.

DEUS, qui beátum Raymúndum pœnitentiæ sacraménti insignem ministrum elegisti, et per maris undas mirabiliter traduxisti : concède ; ut ejus intercessiône dignos pœnitentiæ fructus fácere, et ad æternæ salutis portum pervenire valeámus. Per Dóminum.

Et sit Commem. præced.

Ant. Gáudent in cælis animæ sanctórum, qui Christi vestigia sunt secúti : et quia pro ejus amóre ságuinem suum fuderunt, ideo cum Christo exsúltant sine fine.

V. Exsultábunt sancti in glória. **R.** Lætábuntur in cubilibus suis.

Postea sanctæ Emerentiænæ Virg. et Mart.

Ant. Veni sponsa Christi, áccipe corónam, quam tibi Dóminus præparávit in ætérnum.

V. Spécie tua et pulchritúdine tua. **R.** Inténde, prospere procéde, et regna.

Oratio.

INDULGÉNTIAM nobis, quæsumus Dómine, beáta Emerentiána Virgo et Martyr implóret : quæ tibi grata semper éxstitit et mérito castitátis, et tuæ professiône virtútis. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

BEÁTUS Raymúndus Barcinonénsis, ex nóbili fami-

lia de Pénnafort, christiánæ religiónis rudiméntis imbútus, adhuc párvulus eximia animi et córporis indole magnum áliquid porténdere visus est. Nam adoléscentis humaniôres litteras in pátria professus, Bonóniam se cóntulit, ubi pietátis officiis, ac pontificio civilique juri sédulo incúmbens, et doctóris láurea insignitus, ibidem sacros cánones magna cum hóminum admiratiône est interpretátus. Ejus virtútum fama percrebrescénte, Berengárius Barcinonénsis episcopus, cum Roma suam ad ecclésiám rediret, eum cónveniéndi cáusa Bonóniam iter instituit, et tandem summis précibus, ut secum in pátriam reverterétur, obtinuit. Mox ejúsdem ecclésiæ canonicátu et præpositúra ornátus, univérso clero et pópulo, integritáte, modestia, doctrína, et morum suavitate præfúlsit, ac Deiparæ Virginitis, quam singulári pietátis afféctu venerabátur, honórem et cultum semper pro víribus áuxit.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

ANNUM circiter quintum supra quadragésimum

agens, in ordine fratrum Prædicatórum solémni emis-
sa professione, ut novus mil-
les, in omni virtutum gé-
nere, sed præcipue in cari-
tate erga egénos, et máxime
captivos ab infidélibus de-
téntos, se exércuit. Unde
cum ejus hortátu sanctus
Petrus Noláscus (cujus ipse
confessiões audiebat) suas
opes piissimo huic óperi con-
ferret, tum eidem, tum beáto
Raymundo, et Jacóbo primo
Aragóniæ regi appárens bea-
tissima Virgo, gratissimum
sibi, et unigénito Filio suo
fore dixit, si in suum honó-
rem instituerétur ordo reli-
giosórum, quibus captivos
ex infidélium tyránnide li-
berándi cura incumberet.
Quare collátis inter se con-
siliis, ordinem beátæ Mariæ
de Mercéde Redemptiōnis
Captivórum fundavérunt :
cui beátus Raymúndus cer-
tas vivéndi leges præscri-
psit ad ejúsdem ordinis vo-
caciónem accommodatissi-
mas: quarum approbatiōnem
áliquot post annosa Gregório
nono impetrávit, et dictum
sanctum Petrum primum Ge-
nerálem ordinis magistrum
suis ipse mánibus hábitu
eódem indútum creávit.

℞. Amávit eum Dóminus,
et ornávit eum : stolam gló-
riæ induit eum, * Et ad por-
tas paradisi coronávit eum.

℣. Induit eum Dóminus lori-
cam fidei, et ornávit eum.
Et ad portas.

Lectio vj.

AB eódem Gregório Romam
accersitus, et capelláni,
ac pœnitentiárii, et confes-
sárii sui múnere decorátus,
ejúsdem jussu Romanórum
Pontificum decréta, in di-
vérsis conciliis et epístolis
sparsa, in unum Decretá-
lium volúmen redégit. Ar-
chiepiscopátum Tarraconén-
sem ab ipso Pontifice sibi
oblátum constantissime re-
cusávit, et totius ordinis
Prædicatórum generále ma-
gistérium, quod per bién-
nium sanctissime admini-
stráverat, sponte dimisit.
Jacóbo Aragóniæ regi sacre
Inquisitiōnis officii suis in
regnis instituéndi áuctor fuit.
Multa patrávit mirácula, in-
ter quæ illud clarissimum,
quod ex insula Baleári Ma-
jóri Barcinónem reversúrus,
strato super aquas pállio,
centum sexaginta milliária
sex horis confecerit, et suum
cœnóbium jánuis cláusis
fúerit ingrèssus. Tandem
prope centenárius, virtúti-
bus et méritis cumulátus,
obdormívit in Dómino, anno
salútis millésimo ducenté-
simo septuagésimo quinto,
quem Clemens octávus in
Sanctórum númerum rétu-
lit.

℞. Iste homo perfécit.
83*.

IN III. NOCTURNO

Homil. in Evang. Sint
lumbi. de eodem Communi
1º loco. 85*.

Pro S. Emerentiana.

Lectio ix.

EMERENTIÁNA virgo Romána, collactánea beátæ Agnétis, adhuc catechúmena, fide et caritáte flagrans, furéntes in Christiános idólorum cultóres cum veheméntius accusáret, a concitáta multitúdine lapídibus óbruta est. Quæ in cruciátibus orans ad sepúlcrum sanctæ Agnétis, próprio sáanguine, quem pro Christo constánter effúdit, baptizáta, animam Deo réddidit.

Te Deum laudámus. 17.

In Laud. fit Commem. sanctæ Emerentianæ.

Ant. Simile est regnum cælórum hómini negotiatóri quærénti bonas margaritas : invénta una pretiósá, dedit ómnia sua, et comparávit eam.

V. Diffúsa est grátia in lábiis tuis. **R.** Proptérea benedixit te Deus in ætérnum.

Vesp. de seq. cum Commem. præced.

DIE XXIV

SANCTI TIMOTHEI

EPISC. ET MART.

Duplex.

Omnia de Comm. unius Mart. 24*, præter seq.

Oratio.

INFIRMITÁTEM nostram respice omnipotens Deus : et quia pondus propriæ actiónis gravat, beáti Timóthei Mártiris tui atque Pon-

tíficis intercèssio gloriósa nos próteget. Per Dóminum.

Et fit Commem. præced.

Ant. Hic vir despiciens mundum et terréna, triúmphans, divítias cælo cóndidit ore, manu.

V. Justum dedúxit Dóminus per vias rectas. **R.** Et osténdit illi regnum Dei.

IN I. NOCTURNO

Lect. de Script. occur.

IN II. NOCTURNO

Lectio iv.

TIMÓTHEUS, Lystris in Lycaónia natus ex patre gentili et matre Judæa, cristiánam colébat religiónem, cum in ea loca venit Páulus Apóstolus. Qui fama commóvus, quæ de Timóthei sanctitáte percrebúerat, ipsum adhibuit sócium suæ peregrinatiónis : sed propter Judæos, qui se ad Christum convérterant, sciéntes Timóthei patrem esse gentilem, eum circumcidit. Cum igitur ambo Ephesum venissent, ibi ordinátus est episcopus ab Apóstolo, ut eam ecclésiám gubernáret.

R. Honéstum fecit illum Dóminus, et custodivit eum ab inimícis, et a seductóribus tutávit illum : * Et dedit illi claritátem ætérnam. **V.** Descenditque cum illo in fóveam, et in vinculis non dereliquit eam. Et dedit illi.

Lectio v.

AD quem Apóstolus duas epístolas scripsit, álteram Laodicéa, álteram Ro-

ma : quibus in pastorális officii cura confirmátus, cum sacrificium, quod uni Deo debétur, fieri dáemonum simulácris, ferre non posset; pópulum Ephesínium, Diánæ in ejus celebritáte immolántem, ab illa impietáte removére conátus, lapídibus óbrutus est : ac pene mórtuus, a Christiánis eréptus, et in montem óppido vicinum delátus, nono Kaléndas Februárii obdormívit in Dómino.

R. Desidérium ánimæ ejus tribuisti ei Dómine,* Et voluntáte labiórurn ejus non fraudásti eum. **V.** Quóniam prævenisti eum in benedictiónibus dulcédinis: posuisti in cápite ejus coronam de lapide pretiósó. Et voluntáte.

Sermo sancti Augustíni
Epíscopi.

Serm. 44. de Sanctis.

Lectio vj.

TRIUMPHÁLIS beáti Mártýris Timóthei dies hódie nobis anniversária celebritáte recúrrit: cujus glorificatióni sicut congáudet Ecclésia, sic ejus propónit sequénda vestigia. Si enim compátimur, et conglorificábimur. In cujus gloriósó agóne duo nobis præcípue consideránda sunt: induráta vidélicet tortóris sævitia, et Mártýris invicta patiéntia. Sævítia tortóris, ut eam detestémur: patiéntia Mártýris, ut eam imitémur. Audi Psalmístam

advérsus malítiam increpántem : Noli æmulári in malignántibus : quóniam tamquam fœnum velóciter aréscunt. Quod áutem advérsus malignántes patiéntia exhibénda sit, áudi Apóstolum suadéntem : Patiéntia vobis necessária est, ut reportétis promissiónes.

R. Stola jucunditátis. 30*.

IN III. NOCTURNO

Homil. in Evang. Si quis venit, **de eodem Comm.** 1^o loco. 32*.

Vesp. de seq. Festo, cum Commem. infra assignatis.

DIE XXV

IN CONVERSIONE S. PAULI

APOSTOLI

Duplex majus.

IN I. VESPERIS

Ant. et Capit. de Laud.;
Psalmi ut in I. Vesperis de Comm. Apost. 2*.

Hymnus.

EGRÉGIE Doctor Páule mores ínstrue,
Et nostra tecum péctora in cælum trahe :
Veláta dum merídiem cernat fides,
Et solis instar sola regnet caritas.
Sit Trinitáti sempitérna glória,
Honor, potéstas, atque jubilátio,
In unitáte, quæ gubérnat ómnia,
Per univérsa æternitátis sæcula. Amen.

V. Tu es vas electiόνis

sancte Páule Apóstole. *R.* Prædicátor veritátis in univérso mundo.

Ad Magnif. Ant. Vade Anania, et quære Sáulum : ecce enim orat : quia vas electiõnis est mihi, ut portet nomen meum coram gèntibus, et régibus, et filiis Israël.

Oratio ut infra in Laud.

Et fit Commem. S. Petri, ut ibi.

Deinde fit Commem. S. Timothei.

Ant. Qui vult venire post me, ábneget semetípsum, et tollat crucem suam, et sequátur me.

V. Justus ut palma florébit. *R.* Sicut cedrus Libani multiplicábitur.

Orat. Infirmitátem nostram. 487.

AD MATUTINUM

Invit. Laudémus Deum nostrum, * In conversiõne Doctóris gèntium.

Ps. Venite, exsultémus. 2.

Hymn. Egrégie. ut supra.

IN I. NOCTURNO

Ant. Qui operátus est Petro in apostolátum, operátus est et mihi inter gentes : et cognovérunt grátiam, quæ data est mihi a Christo Dómino.

Psalmi trium Noct. ut in Comm. Apost. 5.*

Ant. Scio cui crédidi, et certus sum, quia potens est depósitum meum serváre in illum diem justus iudex.

Ant. Mihi vivere Christus est, et mori lucrum : gloriári

me opórtet in cruce Dómini nostri Jesu Christi.

V. In omnem terram exívit sonus eórum. *R.* Et in fines orbis terræ verba eórum.

De Actibus Apostolórum.

Lectio j. Cap. 9.

SÁULUS adhuc spirans minárum, et cædis in discipulos Dómini, accéssit ad príncipem sacerdotum, et pétiiit ab eo epistolas in Damáscum ad synagógas : ut si quos invenísset hujus viæ viros ac mulieres, vinctos perdúceret in Jerúsalem. Et cum iter fáceret, cóntigit ut appropinquáret Damásco : et súbito circumfúlsit eum lux de cælo. Et cadens in terram audivit vocem dicentem sibi : Sáule, Sáule, quid me perséqueris? Qui dixit : Quis es Dómine? Et ille : Ego sum Jesus, quem tu perséqueris. Durum est tibi contra stimulum calcitráre.

R. Qui operátus est Petro in apostolátum, operátus est et mihi inter gentes : * Et cognovérunt grátiam Dei, quæ data est mihi. *V.* Grátia Dei in me vácuá non fuit, sed grátia ejus semper in me manet. Et.

Lectio ij.

ET tremens, ac stupens dixit : Dómine, quid me vis fácere? Et Dóminus ad eum : Surge, et ingrédere civitatem, et ibi dicétur tibi quid te opórteat fácere. Viri áutem illi, qui comitabántur

cum eo, stabant stupefacti, audientes quidem vocem, neminem autem videntes. Surrexit autem Sálulus de terra, apertisque oculis nihil videbat. Ad manus autem illum trahentes, introduxerunt Damáscum. Et erat ibi tribus diebus non videns, et non manducavit, neque bibit.

R. Bonum certámen certávi, cursum consummávi, fidem servávi : * Ideoque repósita est mihi coróna justitiæ. **V.** Scio cui crédidi, et certus sum quia potens est depósitum meum serváre in illum diem. Ideoque.

Lectio iiij.

ERAT autem quidam discipulus Damásci, nómine Ananías : et dixit ad illum in visu Dóminus : Anania. At ille ait : Ecce ego, Dómine. Et Dóminus ad eum : Surge, et vade in vicum, qui vocátur Rectus : et quære in domo Judæ Sálulum nómine Tarsensem : ecce enim orat. (Et vidit virum Ananiam nómine, introeúntem, et imponéntem sibi manus ut visum recípiat.) Respóndit autem Ananías : Dómine, audivi a multis de viro hoc, quanta malá fécerit sanctis tuis in Jerúsalem : et hic habet potestátem a principibus sacerdotum alligandi omnes, qui invocant nomen tuum. Dixit autem ad eum Dóminus : Vade, quóniam vas electiónis est mihi iste,

ut portet nomen meum coram géntibus, et régibus, et filiis Israël. Ego enim ostendam illi quanta opórteat eum pro nómine meo pati.

R. Repósita est mihi coróna justitiæ : * Quam reddet mihi Dóminus in illum diem justus judex. **V.** Scio cui crédidi, et certus sum quia potens est depósitum meum serváre in illum diem. Quam. Glória Patri. Quam.

IN II. NOCTURNO

Ant. Tu es vas electiónis sancte Páule Apóstole, prædicátor veritátis in univérso mundo.

Ant. Magnus sanctus Páulus vas electiónis, vere digne est glorificándus, qui et méruit thronum duodécimum possidére.

Ant. Bonum certámen certávi, cursum consummávi, fidem servávi.

V. Constitues eos principes super omnem terram. **R.** Mémoires erunt nóminis tui Dómine.

Sermo sancti Augustini
Episcopi.

Serm. 14. de Sanctis.

Lectio iv.

HÓDIE de Actibus Apostolorum léctio hæc pronuntiáta est : ubi Páulus Apóstolus ex persecutore Christianórum, annuntiátor factus est Christi. Prostrávit enim Christus persecutórem, ut fáceret Ecclésiæ doctórem : percútiens eum, et sanans : occídens, et vivifi-

cans : occisus agnus a lupis, et faciens agnos de lupis. Ita enim in præclara prophetia, cum Jacob Patriarcha benediceret filiis suis (præ-sentes tangens, futura prospiciens) prædictum erat, quod in Paulo contigit. Erat autem Paulus, sicut ipse testatur, de tribu Benjamin. Cum autem Jacob benedicens filios suos, venisset ad benedicendum Benjamin, ait de illo : Benjamin lupus rapax.

R. Tu es vas electionis sancte Páule Apóstole, prædicátor veritatis in universo mundo : * Per quem omnes gentes cognoverunt gratiam Dei. **V.** Intercède pro nobis ad Deum, qui te elégit. Per.

Lectio v.

QUID ergo? lupus rapax semper? Absit; sed qui mane rapit prædam, ad vespèram dividit escas. Hoc in Apóstolo Paulo implétum est, quia et de illo dictum erat. Jam, si placet, audiámus illum mane rapiéntem, ad vespèram escas dividéntem. Mane, et vespere posita sunt pro eo, ac si dicerétur, prius, et póstea. Sic ergo accipiámus : Prius rápiet, póstea dívidet escas. Atténdite raptórem. Sáulus, inquit, accéptis epístolis a principibus sacerdotum, íbat, ut ubicúmque inveniret Christiános, ad sacerdotes attráheret et addúceret, útique puniéndos.

R. Grátia Dei sum id quod

sum : * Et grátia ejus in me vácuá non fuit, sed semper in me manet. **V.** Qui operátus est Petro in apostolátum, operátus est et mihi intergentes. Et grátia ejus.

Lectio vj.

IBAT spirans, et anhelans cædes; hoc est, mane rápiens. Nam et quando lapidátus est Stéphanus primus Martyr pro nómine Christi, evidéntius áderat et Sáulus, et sic áderat lapidántibus, ut non ei sufficeret, si tantum suis mánibus lapidáret. Ut enim esset in ómnium lapidántium mánibus, ipse ómnium vestiménta servábat : magis sæviens omnes adjuvándo, quam suis mánibus lapidándo. Audívimus, mane rápiet : videámus ad vespèram quáliter dívidat escas. Voce Christi prostrátus de cælo, et accipiens désuper interdictum jam sæviéndo, cécidit in fáciem suam, prius proster-néndus, póstea erigéndus; prius percutiéndus, póstea sanándus.

R. Sáulus, qui et Páulus, magnus prædicátor, * A Deo confortátus convalescébat, et confundébat Judæos. **V.** Osténdens quia hic est Christus Fílius Dei. A Deo. Gló-ria Patri. A Deo.

IN III. NOCTURNO

Ant. Sáulus, qui et Páulus, magnus prædicátor, a Deo confortátus convalescébat, et confundébat Judæos.

Ant. Ne magnitúdo revelatiónum extóllat me, datus est mihi stimulus carnis meæ, ángelus sátanæ, qui me colaphízet: propter quod ter Dóminum rogávi, ut auferretur a me, et dixit mihi Dóminus: Súfficit tibi Páule grátia mea.

Ant. Repósita est mihi coróna justítiae, quam reddet mihi Dóminus in illa die justus iudex.

V. Nimis honoráti sunt amici tui Deus. **R.** Nimis confortátus est principátus eórum.

In III. Noct. Homil. in Evang. Ecce nos reliquimus. **de Comm. Apost. 2^o locò. 19***, cum **R.R. seq.**

R. vij. Sancte Páule Apóstole, prædicátor veritátis, et Doctor géntium, * Intercéde pro nobis ad Deum, qui te elégit, ut digni efficiámur grátia Dei. **V.** Tu es vas electiόνis sancte Páule Apóstole, prædicátor veritátis. Intercéde.

R. viij. Damásci, præpósitus gentis Arétæ regis vóluit me comprehéndere: * Et a frátribus per murum demissus sum in sporta, * Et sic evási manus ejus in nómine Dómini. **V.** Deus et Pater Dómini nostri Jesu Christi scit quia non mén-tior. Et a frátribus. Glória Patri. Et sic.

AD LAUDES

ET PER HORAS

Ant. 1. Ego plantávi, *

Apóllo rigávit, Deus áutem increméntum dedit, alle-lúia.

Ps. Dóminus regnávit. **cum reliq. 18.**

2. Libénter gloriábor * in infirmitátibus meis, ut inhá-bitet in me virtus Christi.

3. Grátia Dei * in me vá-cua non fuit, sed grátia ejus semper in me manet.

4. Damásci, præpósitus * gentis Arétæ regis vóluit me comprehéndere: a frátribus per murum demissus sum in sporta, et sic evási manus ejus in nómine Dómini.

5. Ter virgis cæsus sum, * semel lapidátus sum, ter naufrágium pértuli pro Chri-sti nómine.

Capitulum. Act. 9.

SÁULUS adhuc spirans mi-nárum, et cædis in discípulos Dómini, accéssit ad principem sacerdotum, et pétiiit ab eo epístolas in Damáscum ad synagógas: ut si quos invenisset hujus viæ viros ac mulieres, vinctos perdúceret in Jerúsalem.

Hymn. Exsúltet. 14*.

V. Tu es vas electiόνis sancte Páule Apóstole. **R.** Prædicátor veritátis in univérso mundo.

Ad Bened. Ant. Vos qui secúti estis me, sedébitis super sedes, judicántes duó-decim tribus Israél, dicit Dóminus.

Oratio.

DEUS, qui univérsum mundum beáti Páuli

Apóstoli prædicatione docuisti : da nobis, quæsumus ; ut qui ejus hódie Conversionem cólimus, per ejus ad te exémpia gradiámur. Per Dóminum.

Et fit Commem. S. Petri.

Ant. Tu es pastor óvium, princeps Apostolorum : tibi traditæ sunt claves regni cælórum.

V. Tu es Petrus. **R.** Et super hanc petram ædificábo Ecclésiám meam.

Oratio.

DEUS, qui beáto Petro Apóstolo tuo, collátis clavibus regni cælestis, ligándi atque solvéndi pontificium tradidisti : concéde ; ut intercessionis ejus auxilio, a peccatórum nostrórum nexibus liberémur : Qui vivis.

AD TERTIAM

Ant. Libénter gloriábor.

Capit. Sáulus adhuc.

R. br. In omnem terram
* Exívit sonus eórum. In.
V. Et in fines orbis terræ verbá eórum. Exívit. Glória Patri. In.

V. Constitues eos príncipes super omnem terram.
R. Mémoires erunt nóminis tui Dómine.

AD SEXTAM

Ant. Grátia Dei.

Capitulum. Act. 9. b

SURRÉXIT áutem Sáulus de terra, apertisque óculis nihil vidébat. Ad manus áutem illum trahéntes, introduxérunt Damáscum. Et erat

ibi tribus diébus non videns, et non manducávit, neque bibít.

R. br. Constitues eos príncipes * Super omnem terram. Constitues. **V.** Mémoires erunt nóminis tui Dómine. Super. Glória. Constitues.

V. Nimis honoráti sunt amici tui Deus. **R.** Nimis confortátus est principátus eórum.

AD NONAM

Ant. Ter virgis cæsus sum.

Capitulum. Act. 9. d

SÁULUS áutem multo magis convalescébat, et confundébat Judæos, qui habitábant Damásci, affírmans quóniam hic est Christus.

R. br. Nimis honoráti sunt
* Amici tui Deus. Nimis. **V.** Nimis confortátus est principátus eórum. Amici. Glória Patri. Nimis.

V. Annuntiavérunt ópera Dei. **R.** Et facta ejus intellexérunt.

IN II. VESPERIS

Ant. et Capit. de Laud. ;
Pss. ut in II. Vesp. de Comm. Apost. 15*.

Hymn. et V. ut in I. Vesp. 488.

Ad Magnif. Ant. Sancte Páule Apóstole, prædicátor veritátis, et Doctor géntium, intercède pro nobis ad Deum, qui te elégit.

Orat. Deus, qui univérsum. **supra.**

Et fit Commem. S. Petri ut in Laud., et S. Polycarpi ut infra.

DIE XXVI

SANCTI POLYCARPI

EPISCOPI ET MARTYRIS

Duplex.

**Omnia de Comm. unius
Mart. 24*, præter seq.**

Ant. Iste sanctus pro lege Dei sui certavit usque ad mortem, et a verbis impiorum non timuit : fundatus enim erat supra firmam petram.

Ÿ. Glória et honóre coronasti eum Dómine. **ñ.** Et constituisti eum super ópera mánuum tuárum.

Oratio.

DEUS, qui nos beáti Polycáрпи Mártiris tui atque Pontificis ánnua solemnitate lætíficas : concéde propitius; ut cujus natalitia cólimus, de ejúsdem étiam protectióne gaudeámus. Per Dóminum.

IN I. NOCTURNO

Lect. de Script. occur.

IN II. NOCTURNO

Ex libro sancti Hierónymi
Presbýteri de Scriptóribus
ecclesiásticis.

Lectio iv.

POLYCARPUS, Joánnis Apóstoli discipulus, et ab eo Smyrnæ episcopus ordinatus, totius Asiæ princeps fuit : quippe qui nonnullos Apostolorum, et eorum, qui viderant Dóminum, magistros habúerit, et viderit. Hic propter quasdam super die Paschæ quæstiões, sub imperatóre Antonino Pio, Ec-

clésiám in Urbe regénte Anicéto, Romam venit : ubi plurimos credéntium, Marciónis et Valentini persuasióne decéptos, redúxit ad fidem. Cumque ei fortúito óbviám fuisset Márcion, et diceret : Cognóscis nos? respóndit : Cognóscoprimogénitum diaboli. Póstea vero, regnánte Marco Antonino et Lúcio Aurélio Cómmodo, quarta post Nerónem persecutióne, Smyrnæ sedénte procónsule, et univérso pópulo in amphitheátro advérsus eum personánte, igni tráditus est. Scripsit ad Philippénses valde útilem epístolam, quæ usque hódie in Asiæ convéntu légitur.

ñ. Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritátem ætérnam. **Ÿ.** Descendítque cum illo in fóveam, et in vinculis non dereliquit eum. Et dedit.

De Expositiõe sancti Ambrósii Episcopi in Psalmum centésimum decimum octávum.

Sermo 21.

Lectio v.

PRÍNCIPES persecúti sunt me gratis : et a verbis tuis trepidávit cor meum. Bene hoc Martyr dicit, quod injúste persecutiónum tormenta sustineat : qui nihil rapúerit, nullum violéntus opprèsserit, nullius sánguinem fúderit, nullius torum

putáverit esse violándum : qui nihil légibus débeat, et gravióra latrónum sustinére cogátur supplicia : qui loquátur juste, et non audiátur : qui loquátur plena salútis, et impugnétur : ut possit dicere : Cum loquébar illis, impugnábant me gratis. Gratis ígitur persecutió-nem pátitur, qui impugnátur sine crimine : impugnátur ut nóxius, cum sit in tali confessióne laudábilis : impugnátur quasi venéficus, qui in nómine Dómini gloriátur, cum pietas virtútum ómnium fundaméntum sit.

℞. Desidérium ánimæ ejus tribuísti ei Dómine, * Et voluntáte labiórurn ejus non fraudásti eum. ℣. Quóniam prævenísti eum in benedictiόνibus dulcédinis : posuísti in cápite ejus coronam de lápide pretióso. Et voluntáte.

Lectio vj.

VERE frustra impugnátur, qui apud ímpios et infidos impietátis arcéssitur, cum fidei sit magíster. Verum qui gratis impugnátur, fortis debet esse et constans. Quómodo ergo subtéxuit : Et a verbis tuis trepidávit cor meum? Trepidáre infirmitátis est, timóris atque formidinis. Sed est étiam infirmitas ad salútem, est étiam timor sanctórum. Timéte Dóminum omnes sancti ejus : et, Beátus vir, qui timet Dóminum. Qua ratióne

beátus? Quia in mandátis ejus cupit nimis.

℞. Stola jucunditátis. 30*.

IN III. NOCTURNO

Homil. in Evang. Nihil est opértum. de eodem Comm. 3^o loco. 38*.

Vesp. a Capit. de seq., cum Commem. præced.

DIE XXVII

S. JOANNIS CHRYSOSTOMI

EPISCOPI, CONFESSORIS
ET ECCLESIE DOCTORIS

Duplex.

Omnia de Comm. Conf. Pont. 55*, præter seq. (m. t. v.)

In utrisque Vesp. ad Magnif. Ant. O Doctor óptime, Ecclesiæ sanctæ lumen, beáte Joánnes Chrysóstome, divinæ legis amátor, deprecáre pro nobis Filium Dei.

Oratio.

ECCLESIAM tuam, quæsumus Dómine, grátia cæléstis amplificet : quam beáti Joánnis Chrysóstomi Confessoris tui atque Pontificis illustráre voluísti gloriósis méritis, et doctrinis. Per Dóminum.

Et fit Commem. præced.

Ant. Qui vult venire post me, ábneget semetípsum, et tollat crucem suam, et sequátur me.

℣. Justus ut palma florébit. ℞. Sicut cedrus Libani multiplicábitur.

IN I. NOCTURNO

Lect. de Script. occur.

IN II. NOCTURNO

Lectio iv.

JOÁNNES Antiochénus, propter áureum eloquentiæ flumen cognomento Chrysóstomus, a forénsibus et sæculáribus stúdiis ad divinas litteras summa cum ingénii et indústriæ láude se cóntulit. Itaque sacris initiátus, ac présbyter Antiochénae ecclesiæ factus, mórtuo Nectário, Arcádii imperatóris ópera, invitus Constantinopolitánae ecclesiæ præficitur. Quo suscepto pastoráli múnere, depravatós mores, et nobiliórum hóminum vivéndi licéntiam veheméntius objurgáre cœpit. Qua ex libertáte magnam multórum súbiit invidiam. Apud Eudóxiam étiam, quod eam propter Callitropæ viduæ pecúniám, et altérius viduæ agrum reprehendisset, gráviter offéndit.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

QUARE áliquot episcopórum acto Chalcédone convéntu, quo ipse vocátus ire nóluit, quod nec legitimum concílium, nec públicum esse diceret; niténte in primis ipsa contra Chrysóstomum Eudóxia, ejícitur in exsilium : sed páulo post

propter ejus desidérium seditióne pópuli facta, admirábili civitátis pláusu ab exsilio revocátur. Verum cum pérditos mores increpáre non desisteret, et ad argenteam Eudóxiæ státuam in foro sanctæ Sophiæ ludos fieri prohibéret : conspiratióne inimicórum episcopórum íterum exsuláre cógitur, viduis et egéntibus ómnibus commúnis paréntis ejectiόνem lugéntibus. In exsilio Chrysóstomus incredibile est et quanta mala perpéssus sit, et quam multos ad Jesu Christi fidem convérterit.

R. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

VERUM dum concílio Romæ hábito, decreto Innocéntii primi Pontificis restitúitur, a militibus, qui eum custodiébant, miris in itinere malis et calamitatibus afficitur. Cumque per Arméniam ducerétur, sanctus Basílicus Martyr, in cujus templo ántea oráverat, noctu sic eum affátus est : Joánnes frater, crástinus dies nos loco conjúnget. Quare post ridie sumpto Eucharistiæ sacraménto, seque crucis signo múnien, animam Deo réddidit, décimo octávo Kaléndas Octóbris. Quo mór-

tuo, horribilis grando Constantinópolis cecidit, et quadriduo Augusta cessit e vita. Ejus corpus insigni pompa et hominum multitudine celebratum, Theodosius Arcadii filius Constantinopolim portandum, et honorifice sepeliendum curavit sexto Kalendas Februarii : cujus etiam reliquias veneratus, parentum suorum veniam petiit : quod deinde Romam translatum, in basilica Vaticana conditum est. Multitudinem, pietatem, ac splendorem concionum, ceterorumque ejus scriptorum, interpretandi etiam rationem, et inherentem sententiae sacrorum librorum explanationem, omnes admirantur : dignumque existimant, cui Paulus Apostolus, quem ille mirifice coluit, scribenti et predicanti multa dictasse videatur.

R. Iste est. 62*.

IN III. NOCTURNO

Homil. in Evang. Vos estis sal terræ. **de Communi Doct.** 3º loco. 75*.

In II. Vesp. fit Commem. seq.

DIE XXVIII

SANCTÆ AGNETIS

VIRGINIS ET MARTYRIS

Secundo.

Ad Magnif. -Ant. Stans a dextris ejus* Agnus nive candidior, Christus sibi sponsam et Martyrem consecrav.

V. Spécie tua et pulchritudine tua. **R.** Intende, prospere procede, et regna.

Oratio.

DEUS, qui nos annua beatae Agnetis Virginis et Martyris tue solemnitate lætificas : da quæsumus ; ut quam veneramur officio, etiam piæ conversationis sequamur exemplo. Per Dñm.

Ad Matut. Invit. et Hymn. de Comm. Virg. Mart. 97*.

Nocturnum Feriæ occur., V. et duo RR. ex Noct. Festi, eo ordine quo sumuntur RR. ex Comm. Sanctorum in aliis Festis Simpl., ut dicitur in Rubrica de Resp.

Lectio iij.

BEATA Agnes, parentibus ad ejus sepulcrum assidue vigilantibus, quadam nocte choro virginum comitata cum apparuisset, sic ad eos locuta dicitur : Ne me parentes mortuam lugeatis : nam una cum his virginibus vivo apud illum in cælis, quem in terris tota mente dilexi. Cum aliquot post annos Constantia, Constantini imperatoris filia, insanabili ulceri medicinam quærens, nondum christiana ad idem sepulcrum accessisset ; obdormiscens sibi audire visa est vocem hanc Agnetis : Constantèr age Constantia : crede in Jesum Christum Filium Dei, qui te sanam faciet. Quæ sanata, paulo post una cum multis ex familia imperatoris baptismum sus-

ciens, ibi ecclésiā nōmine beātæ Agnētis ædificāvit.

Te Deum laudāmus. 17.

Ad Laudes et Horas, Ant. et reliqua ut in die festo.
482.

Ad Bened. Ant. Ecce quod concupivi,* jam video: quod speravi, jam teneo: ipsi sum juncta in cælis, quem in terris posita, tota devotione dilexi.

V. Diffusa est grātia in labiis tuis. **R.** Propterea benedixit te Deus in æternum.

Oratio ut supra. 497.

Post Nonam nihil fit de ea.
Vesperæ de seq.

DIE XXIX

S. FRANCISCI SALESII

EPISC. CONF. ET ECCL. DOCT.

Duplex.

Omnia de Comm. Conf. Pont. 55*, **præter seq.** (m. t. v.)

In utrisque Vesp. ad Magnif. Ant. O Doctor optime, Ecclésiæ sanctæ lumen, beate Francisce, divinæ legis amātor, deprecāre pro nobis Filium Dei.

Oratio.

DEUS, qui ad animarum salutem beātum Franciscum Confessorem tuum atque Pontificem omnibus omnia factum esse voluisti: concède propitius; ut caritatis tuæ dulcedine perfusi, ejus dirigentibus monitis, ac suffragantibus meritis, æterna gaudia consequamur. Per Dominum.

IN I. NOCTURNO

Lect. Sapiētiām. de Comuni Doct. 71*.

IN II. NOCTURNO

Lectio iv.

FRANCISCUS in oppido Salsio, unde familiæ cognomen, piis et nobilibus parentibus natus, a teneris annis futuræ sanctitatis indicia præbuit, morum innocentia et gravitate. Adolens liberalibus disciplinis eruditus, mox philosophiæ ac theologiæ Parisiis operam dedit: et ne quid sibi deesset ad animi culturam, juris utriusque lauream summa cum laude Patavii obtinuit. In sacra æde Lauretana perpetuæ virginitatis votum, quo pridem Parisiis se obstrinxerat, innovavit: a cujus virtutis proposito nullis umquam dæmonum fraudibus, nullis sensuum illacebris potuit dimoveri.

R. Inveni David servum meum, oleo sancto meo unxi eum: * Manus enim mea auxiliabitur ei. **V.** Nihil proficiet inimicus in eo, et filius iniquitatis non nocēbit ei. Manus.

Lectio v.

RECUSATA in Sabaudia senatu amplissima dignitate, clericali militiæ nomen dedit: tum sacerdotio initiatus, et Genevensis ecclésiæ præposituram adeptus, ejus muneris partes adeo perfecte explēvit, ut eum Granerius episcopus vindi-

cándis ab hæresi Calviniana Chaballicensibus, aliisque Genævæ finitimis pópulis, divini verbi præcónem destinárit. Quam expeditiõnem álacri ánimo suscépiens, aspérissima quæque perpessus est, sæpe ab hæreticis conquisitus ad necem, variisque calúnniis et insidiis vexátus. Sed inter tot discrimina et agones, insuperabilis ejus constantia semper enituit; Deique ope protectus, septuaginta duo millia hæreticorum ad catholicam fidem reduxisse dicitur, inter quos multi nobilitate et doctrina insignes numerantur.

R. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, oleo sancto meo unxi eum. Manus.

Lectio vj.

MÓRTUO Granério, qui eum sibi coadjutórem decérni curáverat, episcopus consecrátus, sanctitátis suæ rádios circumquaque diffúdit, zelo ecclesiásticæ disciplinæ, pacis stúdio, misericórdia in páuperes, omni que virtúte conspicuus. Ad divini cultus augméntum novum órđinem sanctimoniálium instituit, a Visitatióne beátæ Virginitis nuncupátum, sub régula sancti Augustini; cui áddidit constitutiónes sapiéntia, discretiÓne, et suavitate mirábiles. Suis étiam

scriptis cælésti doctrina refértis Ecclésiám illustrávit, quibus iter ad christiánam perfectiÓnem tutum et planum demónstrat. Annum dénique agens quinquagésimum quintum, dum e Gália Annésium regréditur, post Sacrum in die sancti Joánnis Evangelistæ Lugdúni celebrátum, gravi morbo corréptus, sequénti die migrávit in cælum, anno Dómini millésimo sexcentésimo vigésimo secúndo. Ejus corpus Annésium delátum, in ecclésia moniálium dicti órđinis honorífice cónditum fuit, cœpitque statim miraculis claréscere. Quibus rite probátis, ab Alexándro séptimo Pontifice máximo in Sanctórum número relátus est, assignáta ejus festivitáti die vigésima nona Januárii, et a summo Pontifice Pio nono, ex Sacrórum Rituum CongregatiÓnis consúlto, universális Ecclésiæ Doctor fuit declarátus.

R. Iste est. 62*.

IN III. NOCTURNO

Homil. in Evang. Vos estis. **de Comm. Doct. 1^o loco.** 73*.

In II. Vesp. lit Commem. seq.

DIE XXX

SANCTÆ MARTINÆ

VIRGINIS ET MARTYRIS

Semiduplex.

Omnia de Comm. Virg. 95*, **præter seq.**

Ant. Veni sponsa Christi, accipe coronam, quam tibi Dóminus præparávit in ætérnum.

Ÿ. Spécie tua et pulchritúdine tua. **Ŕ.** Inténde, prospere procéde, et regna.

Oratio.

DEUS, qui inter cætera poténtiæ tuæ mirácula, étiam in sexu fragili victóriam martýrii contulisti : concéde propítius; ut, qui beátæ Martinæ Virginis et Mártýris tuæ natalitia cólimus, per ejus ad te exémpia gradiámur. Per Dóminum nostrum Jesum Christum.

In I. vel II. Vesp. quando dicendæ sunt, dicitur Hymnus Martinæ célebri, usque ad Quærit præmia; et in fine A nobis ábigas. Ad Matutinum autem incipitur Hymnus a Non illam, usque in finem.

AD MATUTINUM

Hymnus.

MARTINÆ célebri pláudite nómini
Cives Romúlei, pláudite glóriæ :

Insignem méritis dicite Virginem,

Christi dicite Mártýrem.

Hæc dum conspícuis orta paréntibus

Inter delicias, inter amábiles

Luxus illécebras ditibus áfluit

Fáustæ munéribus domus.

Vitæ despiciens cómmo-da, dédicat

Se rerum Dómino, et múnifica manu

Christi paupéribus distribuens opes,

Quærit præmia cælitum.

NON illam crúcians úngula, non feræ,

Non virgæ horribili vúlneré cómmovent;

Hinc lapsæ Súperum sédibus Angeli

Cælésti dape récreant.

Quin et depósita sævitie leo

Se rictu plácido prójicit ad pedes :

Te Martina tamen dans gládus neci

Cæli cœtibus inserit.

Te, thuris rédolens ara vapóribus,

Quæ fumat, précibus júgiter invocat,

Et falsum périmens auspicium, tui

Delet nóminis ómine.

A nobis ábigas lúbrica gáudia

Tu, qui Martýribus dexter ades, Deus

Une et Trine : tuis da famulis jubar,

Quo clemens ánimos beas.

Amen.

IN I. NOCTURNO

Lect. de Script. occur.

IN II. NOCTURNO

Lectio iv.

MARTÍNA virgo Romána, patre consulári, illústri génere nata, téneris adhuc annis orbáta paréntibus, christiánæ pietátis ardóre succénsa, divítias, quibus

affluébat, mira in páuperes liberalitáte distribuit. Sub Alexándro príncipe, cum deos inánes cólere juberétur, immáne fácinus summa libertáte detestátur. Quaprópter íterum atque íterum affécta verbéribus, uncis, úngulis férreis, testárum fragméntis laceráta, acutissimis gládiis membrátim concisa, ádipe fervénti perúnta, demum in amphitheátro damnátur ad béstias : a quibus illæsa divinitus evádens, in ardéntem rogam injécta, incólumis pari beneficio servátur.

℟. Propter veritátem, et mansuetúdinem, et justitiam : * Et dedúcet te mirabiliter dextera tua. ✽. Spécie tua et pulchritúdine tua inténde, prospere procéde, et regna. Et dedúcet.

Lectio v.

Ex ejus tortóribus non-núlli, miráculi novitáte corrépti, Dei aspiránte grátia, Christi fidem ampléxi, post cruciátus gloriósam martýrii palmam cápitis abscissióne promeruére. Ad ejúsdem preces nunc terrémótibus exórtis, nunc ignibus e cælo tonánte delápsis, deórum templa prostráta sunt, et simulácula consúmpta. Intérdum ex vulnéribus lac cum ságuine erúpit, splendórque nitidissimus, ac suavíssimus odor e córpore emanávit : intérdum sublimis régia in sede divinis

láudibus una cum cælitibus interésse visa est.

℟. Dilexisti justitiam, et odisti iniquitátem : * Proptérea unxit te Deus, Deus tuus óleo lætitiæ. ✽. Propter veritátem, et mansuetúdinem, et justitiam. Proptérea.

Lectio vj.

HISCE prodigiis, ejúsq; in primis constántia, ácritèr permótus judex, caput vírgini amputári præcépit; qua perémpta, audítáque de cælo voce, qua ad Súperos evocabátur, urbs tota contrémuit, ac multi idolórum cultóres ad Christi fidem convérsi sunt. Sacrum Martinæ corpus, sedénte sancto Urbáno primo, martýrio afféctum, Urbáno octávo Pontífice Máximo, in pervetústa ejúsdem ecclésia, ad Mamertinum cárcerem, in Capitolíni clivi radicibus, cum sanctórum Mártyrum Concórdii, Epiphánii et sociórum corpóribus repértum, eódem loco in meliorem formam redácto, atque decéntius ornáto, magno pópuli concúrsu, totíus Urbis lætítia, solémni ritu ac pompa repósitum est.

℟. Afferéntur. 104*.

IN III. NOCTURNO

Homil. in Evang. Simile erit. **de eodem Communi 1º loco.** 106*.

AD LAUDES

Hymnus.

Tu natále solum prótege, tu bonæ

Da pacis réquiem Christia-
dum plagis;
Armórum strépitus, et fera
prælia
In fines age Thrácios.
Et regum sóciāns ágmina
sub crucis
Vexillo, Sólymas nélixibus
éxime,
Vindéxque innócuī sángu-
nis hósticum
Robur fúnditus érue.
Tu nostrum cólumen, tu
decus ínclytum,
Nostrárum obséquium ré-
spice méntium;
Romæ vota libens éxcipe,
quæ pio
Te ritu canit, et colit.
A nobis ábigas lúbrica
gáudia
Tu, qui Martýribus dexter
ades, Deus
Une et Trine : tuis da fámu-
lis jubar,
Quo clemens ánimos beas.
Amen.

*Vesp. de seq., cum Com-
mem. præced.*

DIE XXXI

S. PETRI NOLASCI CONF.

Duplex.

*Omnia de Comm. Conf.
non Pont. 76*, præter seq.
(m. t. v.)*

Oratio.

DEUS, qui in tuæ caritátis
exémplum, ad fidélium
redemptiónem sanctum Pe-
trum Ecclésiā tuā novā
prole fecundāre divinitus do-
cuisti : ipsius nobis inter-
cessióne concéde ; a peccāti

servitúte solútis, in cælésti
pátria perpétua libertáte gau-
dere : Qui vivis.

Et sit Commem. præced.

Ant. Veni sponsa Christi,
accipe coronā, quam tibi
Dóminus præparávit in æ-
térnum.

Y. Diffúsa est grátia in lá-
biis tuis. *R.* Proptérea bene-
dixit te Deus in ætérnum.

IN I. NOCTURNO

Lect. de Script. occur.

IN II. NOCTURNO

Lectio iv.

PETRUS Nolascus, Recáudi
prope Carcasónam in
Gállia nóbili génere natus,
singulári erga próximum ca-
ritáte excélluit. Cujus virtútis
præságium fuit ; quod, cum
adhuc in cunábulis vagiret
infans, exámen apum ad
eum convolávit, et favum
mellis in ejus dextera con-
strúxit. Adoléscens parén-
tibus orbátus, Albigénsium
háeresim, quæ tunc in Gál-
lia grassabátur, éxsecrans,
divéndito património, in
Hispániam secéssit ; et apud
beátam Virginem montis
Serráti votum, quo pridem
se obstrinxerat, exsólvit.
Tum Barcinónam pergens,
cum Christi fidélibus ab hó-
stium servitúte rediméndis
omnem pecúniā consum-
psisset, seípsum pro iis libe-
rándis venum ire, aut in
illórum víncula súffici cú-
pere dictitábat.

R. Honéstum fecit illum
Dóminus, et custodívit eum

ab inimicis, et a seductóribus tutávit illum : * Et dedit illi claritátem ætérnam. *ŷ.* Justum dedúxit Dóminus per vias rectas, et osténdit illi regnum Dei. Et dedit.

Lectio v.

QUAM gratum Deo fúerit hoc sancti viri desidérium, súbsequens declarávit evéntus : nam noctu oránti, et de Christianórum in captivitate degéntium subsidio multa ánimo volvénti beáta Virgo appárens, Filio suo sibique acceptíssimum fore suggéssit, si ad sui honórem religiosórum ordo instituerétur, quibus præcipue esset cura captivos ab infidélium tyránnide liberáre. Huic cælésti mónito illico obtémperans, una cum sancto Raymúndo de Pénnafort, et Jacóbo primo, rege Aragóniæ, de eádem re a Dei Genitríce ipsa nocte præmónitis, religiónem beátæ Mariæ de Mercéde Redemptiónis Captivórum instituit : sodálibus suis quarto voto obstrictis, manéndi in pignus sub paganórum potestáte, si pro Christianórum liberatióne opus fúerit.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. *ŷ.* Induit eum Dóminus lorícam fidei, et ornávit eum. Et ad portas.

Lectio vj.

EDITO virginitátis voto, illibátam perpétuo castitátem servávit. Patiéntia, humilitáte, abstinéntia, cæterisque virtútibus mirabiliter enituit. Prophetiæ dono illústris, futúra prædixit : inter quæ máxime celebrátur, quod Jacóbus rex Valentiam a Máuris occupátam expugnáverit, accépta prius ab eo obtinéndæ victóriæ securitáte. Angeli Custódis, ac Deiparæ Virginis, frequénti apparitióne recreabátur. Sénio tandem conféctus, de imminénti morte certior factus, in morbum incidit, sanctisque reféctus sacraméntis, fratres suos ad caritátem erga captivos cohortátus, et Psalmum, Confítebor tibi Dómine in toto corde meo, devotíssime récitans, ad illa verba, Redemptiónem misit Dóminus pópulo suo, spiritum Deo réddidit média nocte Vigiliæ Nativitátis Dómini, anno millésimo ducentésimo quinquagésimo sexto. Cujus festivitátem Alexánder séptimus die trigésima prima Januárii celebrári præcépit.

R. Iste homo. 83*.

IN III. NOCTURNO

Homil. in Evang. Nolite timére. de eodem *Comm.* 2º loco. 90*.

Vesp. a Capit. de seq., cum Commem. præced.

FESTA FEBRUARII

Prima die non impedita dicitur Officium Defunctorum.

DIE I

S. IGNATII EP. ET MART.

Duplex.

Omnia de Comm. unius Mart. 24*, præter seq.

Oratio.

INFIRMITATEM nostram respice omnipotens Deus : et quia pondus propriæ actionis gravat, beati Ignatii Mátyris tui atque Pontificis intercèssio gloriósa nos prótegat. Per Dóminum.

Et sit Commem. præced.

Ant. Hic vir despiciens mundum et terréna, triúmphans, divítias cælo cóndidit ore, manu.

V. Justum dedúxit Dóminus per vias rectas. **R.** Et osténdit illi regnum Dei.

IN I. NOCTURNO

Lect. de Script. occur.

IN II. NOCTURNO

Ex libro sancti Hierónymi Presbýteri de Scriptóribus ecclesiásticis.

Lectio iv.

IGNÁTIUS Antiochénæ ecclésiæ tértius post Petrum Apóstolum episcopus, commovénte persecutióne Trajáno, damnátus ad béstias, Romam vinctus mittitur. Cumque návigans Smyrnam venisset, ubi Polycárpus auditor Joánnis, episcopus erat, scripsit unam epístolam

ad Ephésios, álteram ad Magnesíanos, tértiam ad Trallénses, quartam ad Romános : et inde egrédiens scripsit ad Philadélphios et ad Smyrnæos, et própriam ad Polycárpum, comméndans illi Antiochénsem ecclésiám : in qua et de Evangélio, quod nuper a me translátum est, super persóna Christi ponit testimónium.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Descenditque cum illo in fóveam, et in vinculis non dereliquit eum. Et dedit.

Lectio v.

DIGNUM áutem vidétur, quia tanti viri fécimus mentióne, et de epístola ejus, quam ad Romános scribit, páuca pónere. De Sýria usque ad Romam pugno ad béstias in mari et in terra, nocte diéque ligátus cum decem leopardis, hoc est militibus, qui me custodiunt; quibus et cum beneféceris, pejóres fiunt. Iniquitas áutem eórum mea doctrína est : sed non idcirco justificátus sum. Utinam fruar béstiis, quæ mihi sunt præparátæ : quas et oro mihi velóces esse ad intéritum, et ad supplicia, et állici ad comedéndum me, ne,

sicut et aliórum Mártyrum, non áudeant corpus attingere. Quod si veníre noluerint, ego vim fáciam, ego me urgébo, ut dévoror. Ignóscite mihi filioli : quid mihi prosit, ego scio.

R. Desidérium ánimæ ejus tribuisti ei Dómine, * Et voluntáte labiórurn ejus non fraudásti eum. **V.** Quóniam prævenísti eum in benedictiónibus dulcédinis : posuísti in cápíte ejus corónam de lápide pretióso. Et voluntáte.

Lectio vj.

NUNC incípíio Christi esse discípus, nihil de his, quæ vidéntur, desiderans, ut Jesum Christum invéniam. Ignis, crux, béstiae, confractio óssium, membrórum divisio, et totíus córporis contritio, et tota torménta diáboli in me véniant : tantum ut Christo fruar. Cumque jam damnátus esset ad béstias, et ardóre patiéndi rugiéntes audíret leónes, ait : Fruméntum Christi sum, déntibus bestiárum molar, ut panis mundus invéníar. Passus est anno undécimo Trajáni. Reliquiæ córporis ejus Antiochiæ jacent extra portam Daphnícam, in cœmetério.

R. Stola jucunditátis. 30*.

IN III. NOCTURNO

Léctio sancti Evangélíi secúndum Joánnem.

Lectio vij. Cap. 12. d

IN illo témpore : Dixit Jesus discíplis suis : Amen,

amen dico vobis, nisi granum fruménti cadens in terram mórtuum fúerit, ipsum solum manet. Et réliqua.

Homilia sancti Augustini
Episcopi.

Tract. 51. in Joan., sub med.

IPSE Dóminus Jesus erat granum mortificándum et multiplicándum : mortificándum infidelitáte Judæórum, multiplicándum fide populórum. Jam vero exhortáns ad passiónis suæ sectánda vestigia, Qui amat, inquit, ánimam suam, perdet eam. Quod duóbus modis intélligi potest. Qui amat, perdet : id est, si amas, perdes. Si cupis vitam tenére in Christo, noli mortem timére pro Christo. Item álio modo : Qui amat ánimam suam, perdet eam : noli amáre, ne perdas : noli amáre in hac vita, ne perdas in ætérna vita.

R. Coróna áurea super caput ejus, * Expréssa signo sanctitátis, glória honóris, et opus fortitúdinis. **V.** Quóniam prævenísti eum in benedictiónibus dulcédinis, posuísti in cápíte ejus corónam de lápide pretióso. Expréssa.

Lectio viij.

HOC autem, quod postérius dixi, magis habére videtur evangélicus sensus. Séquitur enim : Et qui odit ánimam suam in hoc mundo, in vitam ætérnam custódit eam. Ergo, quod supra dictum est, qui amat, subintelligitur in hoc mundo,

ipse útique perdet : qui áutem odit, útique in hoc mundo, in vitam ætérnam ipse custódit eam. Magna et mira senténtia, quemádmódum sit hóminis in ánimam suam amor ut péreat, ódium ne péreat. Si male amáveris, tunc odísti : si bene óderis, tunc amásti. Felices, qui odérunt custodiéndo, ne perdant amándo.

R. Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis glóriam quæsiuit, sed ad cæléstia regna pervénit. **Y.** Justum dedúxit Dóminus per vias rectas, et osténdit illi regnum Dei. Qui minas. Glória Patri. Qui minas.

Lectio ix.

SED vide ne tibi subrépat, ut teípsum velis interimere, sic intelligéndo, quod debes odisse in hoc mundo ánimam tuam. Hinc enim quidam maligni atque perversi hómines, et in seípsis crudelióres et sceleratióres homicidæ flammis se donant, aquis se præfócant, præcipitio se collidunt, et péreunt. Hoc Christus non dócuit : imo étiam diábolo præcipitium suggerénti respóndit, Redi retro sátanas : scriptum est, Non tentábis Dóminum Deum tuum. Petro áutem dixit, significans qua morte clarificatúrus erat Deum : Cum esses júnior,

cingébas te, et ambulábas quo volébas : cum áutem senúeris, alter te cinget, et feret quo tu non vis. Ubi satis expréssit, non a seípso, sed ab álio debére occidi, qui vestigia séquitur Christi.

Te Deum laudámus. 17.

Vesp. de seq. Festo, cum Commem. præced.

DIE II

IN PURIFICATIONE B. M. V.

Duplex 2. classis.

† Si hoc Festum inciderit in aliquam Dom. privileg., transfertur in Fer. II. tamquam in sedem propriam, translato quocumque Festo Duplici ex majoribus, aut alicujus Doctoris Ecclesiæ, etiam æqualis, non tamen altioris ritus. De alio autem Festo Dupl. min. vel de Semid. occur. fit Commem. in utrisque Vesp. et Laud. cum ix. Lectione historica.

IN I. VESPERIS

Ant. 1. O admirábile commercium : Creátor géneris humáni, animátum corpus sumens, de Virgine nasci dignátus est : et procédens homo sine sémine, largítus est nobis suam Deitátem.

Pss. et alia hic non propria ut in Festis B. M. V. 145*.

2. Quando natus es ineffábiliter ex Virgine, tunc implétæ sunt Scriptúræ : sicut plúvia in vellus descendísti, ut salvum fáceres genus humánium : te laudámus Deus noster.

3. Rubum, quem viderat Móyses incombustum, conservatam agnovimus tuam laudabilem virginitatem: Dei Génitrix intercède pro nobis.

4. Germinavit radix Jesse, orta est stella ex Jacob, Virgo péperit Salvatorem: te laudamus Deus noster.

5. Ecce María genuit nobis Salvatorem, quem Joánnes videns exclamavit, dicens: Ecce Agnus Dei, ecce qui tollit peccata mundi, allelúia.

Capitulum. Malach. 3.

ECCE ego mitto Angelum meum, et præparabit viam ante faciem meam. Et statim veniet ad templum sanctum suum Dominátor, quem vos quæritis, et Angelus testaménti, quem vos vultis.

Hymnus Ave maris. 147*.

Ÿ. Respónsum accépit Simeon a Spiritu sancto. R. Non visúrum se mortem, nisi vidéret Christum Dómini.

Ad Magnif. Ant. Senexpuerum portabat, puer áutem senem regébat: quem virgo péperit, et post partum virgo permánsit: ipsum quem genuit, adorávit.

Oratio.

OMNÍPOTENS sempitérne Deus, majestátem tuam súpplices exorámus: ut, sicut unigénitus Filius tuus hodiérna die cum nostræ carnis substántia in templo est præsentátus; ita nos fácias purificáti tibi méntibus præsentári. Per eúndem Dóminum.

Et sit Commem. S. Ignatii.

Ant. Qui vult venire post me, abneget semetipsum, et tollat crucem suam, et sequátur me.

Ÿ. Justus ut palma florébit.

R. Sicut cedrus Libani multiplicábitur.

Oratio Infirmitátem. 504.

Ad Complet. et per Horas in fine Hymn. dicitur:

Jesu tibi sit glória,
Qui natus es de Virgine.

AD MATUTINUM

Invit. Ecce venit ad templum sanctum suum Dominátor Dñus: * Gáude et lætare Sion, occurrens Deo tuo.

Ps. Veníte, exsultémus. 2.

Hymn., Ant., Pss. et ŸŸ. Noct. dicuntur ut in Festis B. M. V. 147*.

IN I. NOCTURNO

De libro Exodi.

Lectio j. Cap. 13.

LOCÚTUS est Dóminus ad Móysen, dicens: Sanctifica mihi omne primogénitum quod áperit vulvam in filiis Israél, tam de hominibus quam de juméntis: mea sunt enim ómnia. Et ait Móyses ad pópulum: Cum introduxerit te Dóminus in terram Chananæi, sicut jurávit tibi et pátribus tuis, et déderit tibi eam: separábis omne quod áperit vulvam Dómino, et quod primitivum est in pecóribus tuis: quidquid habúeris masculini sexus, consecrábis Dómino. Primogénitum ásini mutábis ove: quod si non redémeris,

interficiēs. Omne autem primogénitum hóminis de filiis tuis, pretio rédimes.

R. Adórna thálamum tuum Sion, et súscipe Regem Christum : * Quem virgo concépit, virgo péperit, virgo post partum, quem génuít, adorávit.

Y. Accípiens Símeon púerum in mánibus, grátias agens benedixit Dóminum. Quem.

De libro Levitici.

Lectio ij. Cap. 12.

LOCÚTUS est Dóminus ad Móysen, dicens : Lóquere filiis Israél, et dices ad eos : Múlier, si suscepto sémíne pepérerit másculum, immúnda erit septem diébus juxta dies separatiónis ménstruæ. Et die octávo circumcidétur infántulus : ipsa vero triginta tribus diébus manébit in ságuine purificatiónis suæ. Omne sanctum non tanget, nec ingrediétur in Sanctuárium, donec impleántur dies purificatiónis suæ. Sin autem féminam pepérerit, immúnda erit duábus hebdómádibus juxta ritum fluxus ménstrui, et sexagintá sex diébus manébit in ságuine purificatiónis suæ.

R. Postquam impléti sunt dies purgatiónis Mariæ, secúndum legem Móysi, tulérunt Jesum in Jerúsalem, ut sisterent eum Dómino : * Sicut scriptum est in lege Dómini : Quia omne masculinum adapériens vulvam, sanctum Dómino vocábitur. **Y.** Obtulérunt pro eo Dómino

par túrturum, aut duos pullos columbárum. Sicut.

Lectio iij.

CUMQUE expléti fúerint dies purificatiónis suæ, pro filio, sive pro filia, déferet agnum anniculum in holocáustum, et pullum colúmbæ sive túrturem pro peccáto, ad óstium tabernáculi testimonií, et tradet sacerdoti, qui ófferet illa coram Dómino, et orábit pro ea, et sic mundábitur a proflúvio ságuinis sui. Ista est lex parientiis másculum aut féminam. Quod si non invénerit manus ejus, nec potúerit offerre agnum, sumet duos túrtures vel duos pullos columbárum, unum in holocáustum, et álterum pro peccáto : orabitque pro easacerdos, et sic mundábitur.

R. Obtulérunt pro eo Dómino par túrturum, aut duos pullos columbárum, * Sicut scriptum est in lege Dómini. **Y.** Postquam autem impléti sunt dies purgatiónis Mariæ, secúndum legem Móysi, tulérunt illum in Jerúsalem, ut sisterent eum Dómino. Sicut. Glória Patri. Sicut.

IN II. NOCTURNO

Sermo sancti Augustini
Episcopi.

Serm. 13. de Temp., post init.

Lectio iv.

SIC olim prædictum est : Mater Sion dicit : Homo, et homo factus est in ea : et ipse fundávit eam Altíssimus. O omnipoténtia nascéntis !

o magnificéntia de cælo ad terram descendéntis! Adhuc in útero portabátur, et ex útero matris a Joánnē Baptista salutabátur. In templo præsentabátur, et a Simeóne sene famóso, annóso, probáto, coronáto, agnoscebátur. Tunc cognóvit, tunc adorávit, tunc dixit : Nunc Dómine dimittis servum tuum in pace : quia vidérunt óculi mei salutáre tuum.

R. Simeon justus et timorátus exspectábat redemptionem Israël : * Et Spiritus sanctus erat in eo. **V.** Respónsum accépit Simeon a Spíritu sancto, non visúrum se mortem, nisi vidéret Christum Dómini. Et Spiritus.

Lectio v.

DIFFEREBÁTUR exire de sæculo, ut vidéret natum, per quem cónditum est sæculum. Agnóvit infántem senex, factus est in púero puer. Innovátus in ætáte, qui plenus erat pietáte. Simeon senex ferébat Christum infántem, Christus regébat Simeónis senectútem. Dictum ei fúerat a Dómino, quod non gustáret mortem, nisi vidéret Christum Dómini natum. Natus est Christus, et implétum est desidérium senis in mundi ipsius senectúte. Ipse ad senem hómīnem venit, qui mundum inveterátum invénit.

R. Respónsum accépit Simeon a Spíritu sancto, non

visúrum se mortem, nisi vidéret Christum Dómini : * Et benedixit Deum, et dixit : Nunc dimittis servum tuum in pace, quia vidérunt óculi mei salutáre tuum Dómine. **V.** Cum indúcerent púerum Jesum paréntes ejus, ut fácerent secúndum consuetúdinem legis pro eo : ipse accépit eum in ulnas suas. Et.

Lectio vj.

IN isto quidem sæculo diu esse nolébat, et Christum in hoc sæculo vidére cupiébat, cantans cum Prophéta, et dicens : Osténde nobis Dómine misericórdiam tuam, et salutáre tuum da nobis. Dénique, ut novéritis ita esse istius lætitiā, conclúsit, dicens : Nunc dimittis servum tuum in pace : quia vidérunt óculi mei salutáre tuum. Prophétæ cecinérunt Conditórem cæli et terræ in terra cum hominibus futúrum : Angelus nuntiávit Creatórem carnis et spíritus in carne ventúrum : salutávit Joánnēs ex útero in útero Salvatórem : Simeon senex Deum agnóvit infántem.

R. Cum indúcerent púerum Jesum paréntes ejus in templum, ut fácerent secúndum consuetúdinem legis pro eo, accépit eum Simeon in ulnas suas, et benedixit Deum, dicens : * Nunc dimittis Dómine servum tuum in pace. **V.** Suscipiens Simeon púerum in mánibus,

exclamávit, dicens. Nunc. Glória Patri. Nunc.

IN III. NOCTURNO

Léctio sancti Evangélii secúndum Lucam.

Lectio vij. Cap. 2. c

IN illo témpore : Postquam impléti sunt dies purgationis Mariæ secúndum legem Móysi, tulérunt Jesum in Jerúsalem, ut sisterent eum Dómino, sicut scriptum est in lege Dómini. Et réliqua.

Homilia sancti Ambrósii
Episcopi.

**Lib. 2. Comment. in Lucæ
cap. 2. post initium.**

ET ecce homo erat in Jerúsalem, cui nomen Simeon, et homo iste justus et timorátus, exspéctans consolatióem Israël. Non solum ab Angelis, et prophétis, et a pastóribus, sed étiam a senióribus et justis generatio Dómini accépit testimónium. Omnis ætas, et utérque sexus, eventórúmque mirácula fidem ádstruunt. Virgo génerat, stérilis parit, mutus lóquitur, Elisabeth prophétat, Magus adórat, útero cláusus exsultat, vídua confitétur, justus exspéctat.

R. Suscipientes Jesum in ulnas suas, Simeon exclamávit, et dixit : * Tu es vere lumen ad illuminatióem géntium, et glóriam plebis tuæ Israël. **V.** Cum indúcerent púerum Jesum paréntes ejus, et ipse accépit eum

in ulnas suas, et benedixit Deum, et dixit. Tu es vere.

Bened. Cujus festum cólimus, ipsa Virgo vírginum.

Lectio viij.

ET bene justus, qui non suam, sed pópuli grátiam requirébat, cúpiens ipse corpóreæ vinculis fragilitátis exsólvi, sed exspéctans vidére promissum : sciébat enim quia beáti óculi qui eum vidérant. Et ipse accépit eum in ulnas suas, et benedixit Deum, et dixit : Nunc dimitte servum tuum Dómine secúndum verbum tuum in pace. Vide justum, velut corpóreæ cárcere mollis inclúsum, velle dissólvi, ut incipiat esse cum Christo. Dissólvi enim, et cum Christo esse, multo mélius est.

R. Senex púerum portábat, puer áutem senem regébat : * Quem virgo concépit, virgo péperit, virgo post partum, quem genuit, adorávit. **V.** Accipiens Simeon púerum in mánibus, grátias agens benedixit Dóminum. Quem virgo. Glória Patri. Quem virgo.

Lectio ix.

SED qui vult dimitti, véniat in templum, véniat in Jerúsalem, exspéctet Christum Dómini, accípiat in mánibus Verbum Deí, complectátur opéribus velut quibúsdam suæ fidei bráchiis : tunc dimittétur, ut non videat mortem, qui viderit vitam. Vides úberem in

omnes grátiam, Dómini generatióne diffúsam, et prophetiam incredúlis negátam esse, non justis. Ecce et Símeon prophétat, in ruínam et resurrectionem plurimórum venisse Dóminum Jesum Christum : ut justórum iniquorúmque mérita discernat, et pro nostrórum qualitate factórum, judex verus et justus aut supplicia decérnat, aut præmia.

Te Deum laudámus. 17.

AD LAUDES

ET PER HORAS

Ant. 1. Símeon justus * et timorátus exspectábat redemptionem Israël, et Spíritus sanctus erat in eo.

Ps. Dóminus regnávít. cum reliq. 18.

2. Respónsum accépit Símeon * a Spíritu sancto, non visúrum se mortem, nisi vidéret Dóminum.

3. Accipiens Símeon * púerum in mánibus, grátias agens benedixit Dóminum.

4. Lumen ad revelatió-nem géntium, * et glóriam plebis tuæ Israël.

5. Obtulérunt * pro eo Dómino par túrturum aut duos pullos columbárum.

Capitulum. Malach. 3.

ECCE ego mitto Angelum meum, et præparábit viam ante faciém meam. Et statim véniet ad templum sanctum suum Dominátor, quem vos quæritis, et Angelus testaménti, quem vos vultis.

Hymnus O gloriósa. 157*.

Ÿ. Diffúsa est grátia in lábiis tuis. **R̃.** Proptérea benedixit te Deus in ætérnum.

Ad Bened. Ant. Cum inducerent púerum Jesum paréntes ejus, accépit eum Símeon in ulnas suas, et benedixit Deum, dicens : Nunc dimíttis servum tuum in pace.

Oratio.

OMNÍPOTENS sempitérne Deus, majestátem tuam súpplices exorámus : ut, sicut unigénitus Filius tuus hodiérna die cum nostræ carnis substántia in templo est præsentátus ; ita nos fácias purificátis tibi méntibus præsentári. Per eúndem Dóminum.

AD PRIMAM

In R̃. br. dicitur Ÿ. Qui natus es de María Vírgine.

AD TERTIAM

Ant. Respónsum accépit Símeon.

Capit. Ecce ego mitto.

R̃. br. Spécie tua * Et pulchritúdine tua. Spécie. **Ÿ.** Inténde, prospere procède, et regna. Et. Glória. Spécie.

Ÿ. Adjuvábít eam Deus vultu suo. **R̃.** Deus in médio ejus, non commovébitur.

AD SEXTAM

Ant. Accipiens Símeon.

Capitulum. Malach. 3.

ECCE véniet, dicit Dóminus exercituum : et quis póterit cogitare diem advéntus ejus, et quis stabit ad vidéndum eum ? Ipse enim quasi

ignis conflans, et quasi herba fullónum.

R. br. Adjuvabit eam * Deus vultu suo. Adjuvabit. *V.* Deus in médio ejus, non commovébitur. Deus. Glória Patri. Adjuvabit.

V. Elégit eam Deus, et præelégit eam. *R.* In tabernáculo suo habitare facit eam.

AD NONAM

Ant. Obtulerunt.

Capitulum. Malach. 3.

ET placébit Dómino sacrificium Juda, et Jerúsalem sicut dies sæculi, et sicut anni antiqui, dicit Dóminus omnipotens.

R. br. Elégit eam Deus, * Et præelégit eam. Elégit. *V.* In tabernáculo suo habitare facit eam. Et. Glória Patri. Elégit.

V. Diffusa est grátia in lábiis tuis. *R.* Propterea benedixit te Deus in ætérnum.

IN II. VESPERIS

Ant. et Capit. de Laud.; Pss. et Hymn. ut in Festis B. M. V. 145.*

V. Respónsum accépit Simeon a Spíritu sancto. *R.* Non visúrum se mortem, nisi vidéret Christum Dómini.

Ad Magnif. Ant. Hódie beáta Virgo María púerum Jesum præsentávit in templo, et Simeon replétus Spíritu sancto accépit eum in ulnas suas, et benedixit Deum in ætérnum.

Et fit Commem. seq.

DIE III

SANCTI BLASII

EPISC. ET MART.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

V. Glória et honóre coronásti eum Dómine. *R.* Et constituísti eum super ópera mánuum tuárum.

Oratio.

DEUS, qui nos beáti Blásii Mátyris tui atque Pontíficis ánnua solemnitate lætíficas : concéde propítius ; ut cujus natalitia cólimus, de ejúsdem étiam protectióne gaudeámus. Per Dóminum.

Lectio iij.

BLÁSIUS, Sebáste in Arménia cum virtútum láude floréret, ejúsdem civitátis episcopus eligitur. Qui quo témpore Diocletíanus insatiábilem crudelitátem in Christiános exercébat, se in spelúncam ábdidit montis Argæi : ubi tándiu látuit, dum ab Agricolái præsidis militibus venántibus deprehénsus, et ad præsidem ductus, ejus jussu conjéctus est in víncula. Quo in loco multos ægrótos sanávit, qui ad Blásium, ejus fama sanctitátis addúcti, deferebántur. In illis puer fuit, qui desperáta a médicis salúte, transvérsa spina fáucibus inhærénce, ánimam agébat.

Productus autem ad præsidem Blásius semel et iterum, cum nec blanditiis, nec minis adduci posset, ut diis sacrificaret, primum virgis cæsus, deinde in equuleo ferreis pectinibus dilaniatus est: postremo dempto capite, illustre fidei testimonium Christo Dómino dedit, tertio Nonas Februárii.

Te Deum laudamus. 17.

DIE IV

S. ANDREÆ CORSINI

EPISC. ET CONF.

Duplex.

Omnia de Comm. Conf. Pont. 55*, præter seq. (m. t. v.)

Oratio.

DEUS, qui in Ecclesia tua nova semper instauras exempla virtutum: da populo tuo beati Andreæ Confessoris tui atque Pontificis ita sequi vestigia; ut assequatur et præmia. Per Dóminum.

IN I. NOCTURNO

Lect. de Script. occur.

Si vero hoc Festum celebretur in Quadrag., Lect. I. Nocturni sumuntur ex Comm. Conf. Pont., Fidélis sermo. 58*, et ix. Lect. legitur de Homil. Feriæ, cum Commem. de ea in Vesp. et Laud. Quod servatur in aliis Festis Temp. Quadrag.

IN II. NOCTURNO

Lectio iv.

ANDREÁM, Floréntiæ ex nobili Corsinórum fami-

lia natum, parentes precibus a Deo impetrarunt, et beatæ Virgini sponderunt. Quallis autem futurus esset, divino præsagio, antequam nasceretur, ostensum est: nam mater grávida sibi visa est per quietem lupum edidisse, qui ad Carmelitárum ædem pergens, in ipso templi vestibulo statim in agnum conversus est. Adolescens pie et ingénue educatus, cum sensim ad vitia declinaret, sæpe a matre increpatus fuit. Ubi autem cognovit, se parentum voto Deiparæ Virgini dicatum fuisse, Dei amore succensus, deque visu matris admónitus, Carmelitárum institutum amplexus est, in quo variis tentationibus a dæmone vexatus, numquam tamen potuit a religiõnis proposito dimoveri. Mox Lutetiam missus, emenso studiõrum curriculum, et láurea donatus, in patriam revocatur, suique ordinis regimini in Etrúria præficitur.

R. Invéni David servum meum, óleo sancto meo unxi eum: * Manus enim mea auxiliabitur ei. **V.** Nihil proficiet inimicus in eo, et filius iniquitatis non nocébit ei. Manus.

Lectio v

INTÉREA Fesulána ecclésia suo viduata pastore, eum sibi episcopum elegit: quo munere se indignum æstimans, diu látuit ignótus,

donec púeri voce mirabiliter loquéntis próditus, et extra urbem invéntus, ne divinæ contradiceret voluntáti, episcopátum suscepit. Ea dignitáte áuctus, humilitáti, quam semper colúerat, impénsius incúbuit : et pastoráli sollicitúdini misericórdiam in páuperes, liberalitátem, oratiónis assiduitátem, vigílias, aliásque virtútes adjúnxit, et spiritu étiam prophético clarus fuit; ádeo ut ejus sánctitas ab omnibus celebrarétur.

R. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

HIS permótus Urbánus quintus, ad sedándas Bonóniæ turbas, Andréam legátum misit : quo in múnere multa perpéssus, civium ódia, quæ ad interneciónem exárserant, summa prudentia restinxit : tum restitúta tranquillitáte, ad própria revérsus est. Nec multo post assiduis labóribus, et voluntária carnis maceratióne conféctus, óbitus die a beáta Virgine sibi prædicto, ad cæléstia regna migrávit anno Dómini millésimo trecentésimo septuagésimo tértio, ætátis suæ septuagésimo primo. Quem Urbánus octávus multis magnisque

miráculis clarum Sanctórum número adscripsit. Ejus corpus Floréntiæ in ecclésia sui órdinis quiescit, et máxima civium veneratióne cólitur, quibus non semel in præsénti discrimine præsidio fuit.

R. Iste est. 62*.

IN III. NOCTURNO

Homil. in Evang. Homo péregre. **de eodem Comm.** 1^o loco. 64*.

Vesp. a Capit. de seq., cum Commem. præced.

DIE V

SANCTÆ AGATHÆ

VIRGINIS ET MARTYRIS

Duplex.

IN I. VESPERIS

Quando dicuntur integræ, Ant. erunt Quis es tu. **cum reliq. de Laudibus. Ps.** Dixit Dóminus. **cum reliquis de Comm. Apost.** 2*.

Capitulum. Eccli. 51.

CONFITÉBOR tibi Dómine Rex, et collaudábo te Deum Salvatórem meum. Confitébor nómini tuo : quóniam adjutor et protéctor factus es mihi, et liberásti corpus meum a perditione.

Hymnus et V. de Comm. Virg. 97*.

Ad Magnif. Ant. Stans beáta Agatha in médio cár- ceris, expánsis mánibus orábat ad Dóminum : Dómine Jesu Christe, magíster bone, grátias tibi ago, qui me fecísti vincere torménta car- nificum : jube me Dómine

ad tuam immarcescibilem glóriam feliciter pervenire.

Oratio infra in Laudibus.

Et fit Commem. præced.

Ant. Amávit eum Dóminus, et ornávit eum: stolam glóriæ induit eum, et ad portas paradisi coronávit eum.

V. Justum dedúxit Dóminus per vias rectas. **R.** Et osténdit illi regnum Dei.

AD MATUTINUM

Invit. Regem Virginum Dóminum, * Veníte, adorémus.

Ps. Veníte, exsultémus. 2.

Hymnus de Comm. Virg.

Mart. 97*.

IN I. NOCTURNO

Ant. Ingénua sum, et ex spectábili génere, ut omnis parentéla mea testátur.

Psalmi de Comm. unius Mart. 25*.

Ant. Summa ingenúitas ista est, in qua sérvitus Christi comprobátur.

Ant. Ancilla Christi sum, ideo me osténdo servilem habére persónam.

V. Spécie tua et pulchritúdine tua. **R.** Inténde, prospere procéde, et regna.

Lect. Confitébor. **de Comuni Virg.** 2º loco. 109*.

R. j. Dum torquerétur beáta Agatha in mamílla grávitèr, dixit ad júdicem: * Impie, crudélis, et dire tyránne, non es confúsus amputáre in fémína, quod ipse in matre suxísti? **V.** Ego enim hábeo mamíllas inte-

gras intus in ánima mea, quas ab infántia Dómino consecrávi. Impie.

R. ij. Agatha lætíssime et gloriánte ibat ad cárcerem, * Quasi ad épulas invitáta: et agónem suum Dómino précibus commendábat. **V.** Nobilíssimis orta natálibus, ab ignóbili gáudens trahebátur ad cárcerem. Quasi.

R. iij. Quis es tu, qui venísti ad me curáre vúlnera mea? Ego sum Apóstolus Christi: nihil in me dúbites filia: ipse me misit ad te, * Quem dilexísti mente, et puro corde. **V.** Nam et ego Apóstolus ejus sum, et in nómine ejus scias te esse curándam. Quem. Glória Patri. Quem.

IN II. NOCTURNO

Ant. Agatha sancta dixit: Si feras mihi promíttis, audito Christi nómine mansuésunt.

Psalmi de Comuni unius Mart. 27*.

Ant. Si ignem adhibeas, rorem mihi salvíficum de cælo Angeli ministrábunt.

Ant. Agatha lætíssime et gloriánte ibat ad cárcerem, quasi ad épulas invitáta: et agónem suum Dómino précibus commendábat.

V. Adjuvábít eam Deus vultu suo. **R.** Deus in médio ejus, non commovébitur.

Lectio iv.

AGATHA virgo, in Sicilia nobilibus paréntibus nata, quam Panormitáni et

Catanenses civem suam esse dicunt, in persecutiōne Décii imperatoris Cātanæ gloriōsi martýrii corónam consecuta est. Nam cum pari pulchritudinis et castitatis láude commendaretur, Quintiánus Siciliæ prætor ejus amore captus est. Sed cum, tentata modis omnibus ejus pudicitia, Agatham in suam sententiā perducere non posset, cristiánæ superstitionis nómine comprehensam, Aphrodisiæ cui-dam mulieri depravandam tradit. Quæ Aphrodisiæ consuetudine cum de constantia colendæ cristiánæ fidei, et servandæ virginitatis removeri non posset : nuntiat illa Quintiáno, se in Agatha óperam perdere. Quare ille ad se virginem adduci jubet : et, Nonne, inquit, te pudet nobili genere natam, humilem et servilem Christianórum vitam ágere? Cui Agatha : Multo præstantior est cristiána humilitas et sérvitus, regum ópibus ac supérbia.

R. Ego áutem adjúta a Dómino, perseverábo in confessiōne ejus, qui me salvam fecit, * Et consolátus est me.

V. Grátias tibi ago, Dómine Jesu Christe, qui misisti ad me Apóstolum tuum curáre vúlnera mea. Et.

Lectio v.

QUAMÓBREM irátus prætor hanc ei optiōnem dat, velitne pótius venerári deos,

an vim tormentórum subire. At illa constans in fide, primum cólaphis cæsa mittitur in cárcerem : unde postridie educta, cum in sententiā permaneret, admótis candéntibus lámínis in equúleo torquétur : tum ei mamilla abscinditur. Quo in vúlnerē Quintiánus ap-pellans virgo, Crudélis, inquit, tyránne, non te pudet amputáre in fémína, quod ipse in matre suxisti? Mox conjécta in víncula, sequénti nocte a sene quodam, qui se Christi Apóstolum esse dicébat, sanáta est. Rursum evocatá a prætore, et in Christi confessiōne perseverans, in acútis téstulis, et candéntibus carbónibus ei subjéctis volutátur.

R. Ipse me curávit, qui per Apóstolum Petrum in custódia me confortávit, pro eo quod jussa sum suspéndi in equúleo. * Propter fidem castitátis ádjuva me Dómine Deus meus, in tortúra mamillárum meárum. **V.** Ipse me dignátus est ab omni plaga curáre, et mamillam meam meo péctori restitúere. Propter.

Lectio vj

Quo témpore ingénti terræmótu urbs tota contrémuit, ac duo parietes corruéntes, Silvínus et Falcónius íntimos prætoris familiáres oppressérunt. Quare veheménter commóta civitate, véritus pópuli tumúl-

tum Quintiánus, Agatham semimórtuam clam reduci imperat in cárcerem. Quæ sic Deum precáta : Dómine, qui me custodisti ab infántia, qui abstulisti a me amórem sæculi, qui me carnificum torméntis superiorem præstitisti, áccipe ánimam meam. Ea in oratióne migrávit in cælum, Nonis Februárii : cujus corpus a Christiánis sepelitur.

R. Vidísti Dómine, et spectásti agónem meum, quómodo pugnávi in stádio : sed quia nólui obedire mandátis princípum, * Jussa sum in mamilla torqueri. **V.** Propter veritátem, et mansuetúdinem, et justitiam. Jussa. Glória Patri. Jussa.

IN III. NOCTURNO

Ant. Nisi diligénter perfeceris corpus meum a carnificibus attrectári, non potest ánima mea in paradísium Dómini cum palma intráre martýrii.

Ps. 10. In Dómino. 8.

Ant. Vidísti Dómine agónem meum, quómodo pugnávi in stádio : sed quia nólui obedire mandátis princípum, jussa sum in mamilla torqueri.

Ps. 14. Dómine quis. 9.

Ant. Propter fidem castitátis jussa sum suspéndi in equúleo : ádjuva me Dómine Deus meus in tortúra mamillárum meárum.

Ps. 15. Consérva me. 10.

V. Elégit eam Deus, et

præelégit eam. **R.** In tabernáculo suo habitáre facit eam.

Homil. in Evang. Si licet hómini. **de Comm. 2º loco.** 111*.

R. vij. Beáta Agatha ingressa cárcerem, expándit manus suas ad Deum, et dixit : Dómine qui me fecisti vincere torménta carnificum, * Jube me ad tuam misericórdiam pervenire. **V.** Dómine qui me creásti, et tulisti a me amórem sæculi, qui corpus meum a pollutióne separásti. Jube.

R. viij. Medicinam carnálem córpori meo numquam exhibui, sed hábeo Dóminum Jesum Christum, * Qui solo sermóne restáurat univérsa. **V.** Qui me dignátus est ab omni plaga curáre, et mamillam meam meo péctori restitúere, ipsum invoco Deum vivum. Qui. Glória Patri. Qui.

AD LAUDES

ET PER HORAS

Ant. 1. Quis es tu, * qui venísti ad me curáre vúlnera mea? Ego sum Apóstolus Christi : nihil in me dúbites filia.

Ps. Dóminus regnávit. **cum reliq. 18.**

2. Medicinam carnálem * córpori meo numquam exhibui, sed hábeo Dóminum Jesum Christum, qui solo sermóne restáurat univérsa.

3. Grátias tibi ago * Dómine Jesu Christe, quia me-

mor es mei, et misisti ad me Apóstolum tuum curáre vúlnera mea.

4. Benedíco te* Pater Dómini mei Jesu Christi: quia per Apóstolum tuum mamillam meam meo pectori restituisti.

5. Qui me dignátus est* ab omni plaga curáre, et mamillam meam meo pectori restituere, ipsum invoco Deum vivum.

Capitulum. Eccli. 51.

CONFITÉBOR tibi Dómine Rex, et collaudábo te Deum Salvatórem meum. Confitébor nómini tuo: quóniam adjutor et protector factus es mihi, et liberásti corpus meum a perditione.

Hymn. et v. de Comm. Virg. 108*.

Ad Bened. Ant. Paganórum multitúdo fúgiens ad sepúlcrum virginis, tulérunt velum ejus contra ignem: ut comprobáret Dóminus, quod a periculis incendií méritis beátæ Agathæ Mártiris suæ eos liberáret.

Oratio.

DEUS, qui inter cætera poténtiæ tuæ miracula étiam in sexu frágili victóriam mártýrii contulisti: concéde propítius; ut qui beátæ Agathæ Virginis et Mártiris tuæ natalitia cólimus, per ejus ad te exéempla gradiámur. Per Dóminum.

AD TERTIAM

Ant. Medicinam carnálem.

Capit. Confitébor tibi.

R. br. Spécie tua* Et pulchritúdine tua. Spécie. **V.** Inténde, prospere procéde, et regna. Et. Glória Patri. Spécie.

V. Adjuvábít eam Deus vultu suo. **R.** Deus in médio ejus, non commovébitur.

AD SEXTAM

Ant. Grátias tibi ago.

Capitulum. Eccli. 51.

LIBERÁSTI me secúndum multitudínem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de multis tribulatióibus quæ circumdedérunt me.

R. br. Adjuvábít eam* Deus vultu suo. Adjuvábít. **V.** Deus in médio ejus, non commovébitur. Deus. Glória Patri. Adjuvábít.

V. Elégít eam Deus, et præelégít eam. **R.** In tabernáculo suo habitáre facit eam.

AD NONAM

Ant. Qui me dignátus est.

Capitulum. Eccli. 51.

LAUDÁBIT usque ad mortem ánima mea Dóminum, quóniam éruis sustinéntes te, et liberas eos de manu angústiae, Dómine Deus noster.

R. br. Elégít eam Deus,* Et præelégít eam. Elégít. **V.** In tabernáculo suo habitáre facit eam. Et. Glória Patri. Elégít.

V. Diffúsa est grátia in

lábiiis tuis. *R.* Proptérea benedixit te Deus in ætérnum.

IN II. VESPERIS

Ant., Capit., Hymn. et *Y.* de Laud.; *Pss.* de Dom. 127, et loco ult., *Ps.* Láuda Jerúsalem. 147.

A Capit. fit de S. Tito, cum Commem. S. Agathæ, deinde S. Dorotheæ Virg. et Mart.

DIE VI

S. TITI EPISC. ET CONF.

Duplex.

Omnia de Comm. Conf. Pont. 55*, *præter seq.* (m. t. v.)

Oratio.

DEUS, qui beátum Titum Confessórem tuum atque Pontificem apostólicis virtútibus decorásti : ejus méritis et intercessióne concéde; ut juste et pie vivéntes in hoc sáculo, ad cælestem pátriam pervenire mereámur. Per Dóminum.

Et fit Commem. sanctæ Agathæ.

Ant. Stans beáta Agatha in médio cárceris, expánsis mánibus orábat ad Dóminum : Dómine Jesu Christe, magister bone, grátias tibi ago, qui me fecisti vincere torménta carníficum : jube me Dómine ad tuam immarcescibilem glóriam feliciter pervenire.

Y. Diffúsa est grátia in lábiiis tuis. *R.* Proptérea benedixit te Deus in ætérnum.

Orat. Deus, qui inter. *ut supra.* 518.

Deinde sanctæ Dorotheæ Virg. et Mart.

Ant. Veni sponsa Christi, áccipe corónam, quam tibi Dóminus præparávit in ætérnum.

Y. Spécie tua et pulchritúdine tua. *R.* Inténde, prospere procéde, et regna.

Oratio.

INDULGÉNTIAM nobis, quæsumus Dómine, beáta Doróthea Virgo et Martyr implóret : quæ tibi grata semper éxstitit et mérito castitátis, et tuæ professióne virtútis. Per Dóminum.

IN I. NOCTURNO

Lect. de Script. occur.

In Quadr. Fidélis sermo. *de Comm. 1º loco.* 58*.

IN II. NOCTURNO

Lectio iv.

TITUM Creténsium episcopum vix Páuli Apóstoli verbo christiánæ fidei sacraméntis mysteriisque excúltum, ea sanctitátis luce Ecclesiæ tunc vagiénti effulxisse compértum est, ut inter ejúsdem Doctóris génitum discipulos merúerit cooptári. Adscítus in partem óneris prædicatiónis, ádeo evangelizándi ardóre, et fidelitáte Páulo éxstitit carus, ut ipse, cum venisset Tróadem propter Evangélium Christi, testátus sit, non habuisse réquiem spirítui suo, eo quod Titum fratrem suum ibi non invé-

nerit. Et páulo post Macedóniam petens, rursus suam in eum caritátem ita éxprimit: Sed qui consolátur húmiles, consolátus est nos Deus in advéntu Titi.

℞. Invéni David servum meum, óleo sancto meo unxi eum: * Manus enim mea auxiliábitur ei. √. Nihil proficiet inimicus in eo, et filius iniquitátis non nocébit ei. Manus enim.

Lectio v.

QUAMÓBREM Corinthum ab Apóstolo missus, ea sapientia, et lenitáte legatiónis hujus múnere functus est, quæ præsertim de fidélium pietáte eleemósynas colligéndas ad sublevándam Ecclesiæ Hebræórum inópiam spectábat, ut Corinthios non solum in Christi fide continúerit, sed étiam desidérium, fletum, æmulatiónem inter eos pro Páulo, qui illos primus instituit, excitáverit. Ad effundéndum interim inter gentes linguis locisque distinctas divini verbi semen, plúribus terra marique itinéribus reléctis, magnáque ánimi firmitáte pro crucis trophæo curis laboribusque exantlátis, una cum duce Páulo Cretæ insulam appulit. Cum porro huic Ecclesiæ episcopus ab ipso Apóstolo deléctus esset, dubitándum non est, quin in eo múnere ita versátus sit, ut, juxta ipsíus Páuli præceptóris mónita, se ipsum

præbúerit exémplum bonórum óperum in doctrína, in integritáte, in gravitáte.

℞. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei. √. Invéni David servum meum, óleo sancto meo unxi eum. Manus.

Lectio vj.

ITAQUE tamquam lucérna inter eos, qui in idololatriæ et mendaciórum ténébris, véluti in umbra mortis sedébant, religiónis jubar diffúdit. Tráditur eum inter Dálmatas, ut crucis vexillum explicáret, strénue consudásse. Tandem meritórum et diérum plenus, quarto supra nonagésimum anno, pridie Nonas Januárii, pretiósá justórum morte obdormívit in Dómino, et sepúltus est in ecclesiá, ubi ab Apóstolo mínister fúerat constitútus. Hujus nomen a sancto Joánnē Chrysóstomo, et a sancto Hierónymo præcipue commendátum, Martyrológio Románo eádem die inscriptum légitur; verum pro ejus die festo cum Officio et Missa in cathólico orbe recoléndo ab utróque clero, primam insequéntem diem liberam Summus Póntifex Pius nonus assignávit.

℞. Iste est. 62*.

IN III. NOCTURNO

Homil. in Evang. Designávit Dóminus. de Comm. Evang. 22*, cum ℞. III.

Noct. de Comm. Conf. Pont.
64*.

Pro sancta Dorothea.

Lectio ix.

DORÓTHEA virgo, ex Cæsará Cappadóciæ, propter Christi confessionem ab Aprício præside comprehénsa, Chrystæ et Callistæ soróribus, quæ a fide defecerant, trádita est, ut eam a propósito removérant. Sed contra factum est : nam eas Doróthea ad cultum christiánæ religiónis redúxit, propter quam étiam martyrium suscepérunt. Quare virgo equúleo diu torta, et palmis cæsa, ad extrémum cápitis damnáta, duplicátam virginitátis et martyrii palmam accépit.

Te Deum laudámus. 17.

Si vero hoc Festum alia die celebretur, et in illa non occurrat Festum Simplex habens Lectionem propriam, tunc ix. Lect. erit Hinc namque. ut in Comm. Evang. 23*.

In Laud. fit Commem. sanctæ Dorotheæ.

Ant. Simile est regnum cælórum hómini negotiátóri quærénti bonas margarítas : invénta una pretiósá, dedit ómnia sua, et comparávit eam.

V. Diffúsa est grátia in lábiis tuis. **R.** Proptérea benedixit te Deus in ætérnum.

Orat. Indulgéntiam. 519.

Vesp. a Capit. de S. Romualdo, cum Commem. S. Titi.

DIE VII

S. ROMUALDI ABBATIS

Duplex.

Omnia de Comm. Conf. non Pont. 76*, præter seq (m. t. v.)

Oratio.

INTERCÉSSIO nos, quæsumus Dómine, beáti Romuáldi Abbátis comméndet : ut quod nostris méritis non valémus, ejus patrocínio assequámur. Per Dóminum.

Et fit Commem. S. Titi.

Ant. Amávit eum Dóminus, et ornávit eum : stolam glóriæ induit eum, et ad portas paradisi coronávit eum.

V. Justum dedúxit Dóminus per vias rectas. **R.** Et osténdit illi regnum Dei.

IN I. NOCTURNO

Lect. de Script. occur.

In Quadrag. Beátus vir. de eodem Comm. 2º loco. 88*.

IN II. NOCTURNO

Lectio iv.

ROMUÁLDUS Ravénnæ, Sérgio patre, nóbili génere natus, adoléscens in propínquum monastérium Clásensense pœniténtiæ cáusa secessit : ubi religiósí hóminis sermóne ad pietátis stúdium veheméntius incénsus, viso étiam semel et íterum per noctem in ecclésia beáto Apollinári, quod Dei servus illi futúrum promiserat, mónachus efficitur. Mox ad Ma-

rinum, vitæ sanctitate ac severiøre disciplina in finibus Venetorum eo tempore celebrem, se contulit, ut ad arctam et sublimem perfectionis viam eo magistro ac duce uteretur.

R. Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem æternam. **V.** Justum deduxit Dominus per vias rectas, et ostendit illi regnum Dei. Et dedit.

Lectio v.

MULTIS sathanæ insidiis, et hominum invidia oppugnatus, tanto humilior se assidue jejuniis et orationibus exercébat, et rerum cælestium meditatione, vim lacrymarum profundens, fruebatur: vultu tamen adeo læto semper erat, ut intuentes exhilararet. Magno apud principes et reges in honore fuit: multique ejus consilio, mundi illécebris abjectis, solitudinem petierunt. Martýrii quoque cupiditate flagraví, cujus causa dum in Pannóniam proficiscitur, morbo, quo afflictabatur cum progredieretur, levabatur cum recederet, revérti cogitur.

R. Amavit eum Dominus, et ornavit eum: stolam gloriæ induit eum,* Et ad portas paradisi coronavit eum. **V.** Induit eum Dominus lorícam fidei, et ornavit eum. Et ad portas.

Lectio vj.

IN vita et post mortem miraculis clarus, spiritu etiam prophetiæ non caruit. Scalam a terra cælum pertingentem, in similitudinem Jacob Patriarchæ, per quam homines in veste cándida ascendebant et descendebant, per visum conspexit: eoque Camaldulenses monachos, quorum instituti auctor fuit, designari mirabiliter agnovit. Denique cum annos centum et viginti ágeret, et centum ipsos in summa vitæ asperitate Deo servisset, ad eum migravit, anno salutis millésimo vigésimo séptimo. Ejus corpus quinquennio postquam sepultum fuerat, integrum repertum, Fabriani in ecclesia sui ordinis honorifice conditum est.

R. Iste homo. 83*.

IN III. NOCTURNO

Homil. in Evang. Ecce nos. **de Comm. Abb. 1º loco.** 91*.

Vesp. a Capit. de seq., cum Commem. præced.

DIE VIII

S. JOANNIS DE MATHA

CONFESSORIS

Duplex.

Omnia de Comm. Conf. non Pont. 76*, præter seq. (m. l. v.)

Oratio.

DEUS, qui per sanctum Joannem ordinem sanctissimæ Trinitatis ad redi-

méndum de potestáte Saracenórum captivos cælitus institúere dignátus es: præsta quæsumus; ut, ejus suffragántibus méritis, a captivitate córporis et ánimæ, te adjuvánte, liberémur. Per.

Deinde fit Commem. S. Romualdi Abbat.

Ant. Hic vir despiciens mundum et terréna, triúmphans, divítias cælo cóndidit ore, manu.

V. Justum dedúxit Dóminus per vias rectas. **R.** Et osténdit illi regnum Dei.

Orat. Intercéssio. 521.

IN I. NOCTURNO

Lect. de Script. occur.

In Quadrag. Beátus vir. de eodem Comm. 2º loco. 88*.

IN II. NOCTURNO

Lectio iv.

JOÁNNES de Matha, órdinis sanctíssimæ Trinitátis Redemptiónis Captivórum institútor, Falcóne in Provincia natus est paréntibus pietáte et nobilitáte conspicuis. Studiórum cáusa Aquas Séxtias, mox Parisios proféctus, confectóque theologiæ curriculo, magistérii láuream adéptus, doctrinæ et virtútum splendóre enituit. Quibus motus Parisiénsis antistes, ad sacrum presbyterátus órdenem præ humilitáte reluctántem promóvit, eo consilio, ut in ea civitate cómmorans, sapiéntia et móribus studiósæ juventúti prælucéret. Cum áu-

tem in sacéllo ejúsdem episcopí, ipso cum áliis adstánte, primum Deo Sacrum offérret, cælésti favóre méruit recreári. Nam Angelus cándida et fulgénti veste indútus, cui in pectore crux rúbei et cærulei colóris assúta erat, bráchiis cancellátis, et super duos captivos ad látera pósitos, Christiánum unum, álterum Máurum, exténsis, apparuit. Quavisióné in éxtasim raptus, intelléxit prótinus vir Dei, se ad rediméndos ab infidelibus captivos destinári.

R. Honéstum fecit illum Dóminus, et custodívit eum ab inimicis, et a seductóribus tutávit illum: * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

QUO vero matúrius in re tanti moménti procéderet, in solitúdinem secéssit, ibique divíno nutu factum est, ut Felicem Valésium in ipsa erémo jam multis annis degéntem repérerit: cum quo inita societáte, se per triénium in oratióne, et contemplatióne, omniúmque virtútum stúdio exércuit. Cántigit autem, ut dum secum de rebus divinis prope fontem colloqueréntur, cervus ad eos accésserit, crucem inter córnua gerens, rúbei et cærulei colóris. Cumque Felix ob rei novitátem mirarétur,

narrávit ei Joánnes visi-
nem in prima Missa hábi-
tam : et exinde fervéntius
oratióni incumbéntes, ter in
sommis admóniti, Romam
proficisci decrevérunt, ut a
Summo Pontífice novi órdis-
nis pro rediméndis captívis
institutiónem impetrárent.
Eléctus fúerat eo témpore
Innocéntius tértius : qui illis
benigne accéptis dum secum
de re propósita deliberat,
in festo sanctæ Agnétis se-
cúndo, Lateráni intra Mis-
sárum solémnia ad sacræ
Hóstiæ elevatiónem, Ange-
lus ei cándida veste, cruce
bicolóri, spécie rediméntis
captívos appáruit. Quo viso,
Póntifex institútum appro-
bávit, et novum órdenem
sanctíssimæ Trinitátis Red-
emptiόνis Captivórum vo-
cári jussit, ejúsque profes-
sóribus albas vestes cum
cruce rúbei et cærúlei co-
lórís præbuit.

R. Amávit eum Dóminus,
et ornávit eum : stolam gló-
riæ induit eum, * Et ad portas
paradisi coronávit eum. **V.**
Induit eum Dóminus lorícam
fidei, et ornávit eum. Et ad.

Lectio vj

Sic stabilito órđine, sancti
fundatóres in Gálliam re-
diérunt, primóque cœnóbio
Cervi frigidi in diœcesi Mel-
dénsi constrúcto, ad ejus
régimen Felix remánsit, et
Joánnes Romam cum áliquot
sóciis revérsus est, ubi Inno-
céntius domum, ecclésiám,

et hospitále sancti Thomæ
de Formis in monte Cœlio
eis donávit cum multis re-
ditibus et possessiόνibus.
Datis quoque litteris ad Mira-
molinum regem Maróchii,
opus redemptiόνis felici au-
spício inchoátum fuit. Tum
ad Hispánias, sub jugo Sara-
cenórum magna ex parte
oppréssas, Joánnes proféctus
est, regúmque, principum,
atque aliórum fidélium áni-
mos ad captivórum et páupe-
rum commiseratiónem com-
móvit. Monastéria ædificávit,
hospitália eréxit, magnóque
lucro animárum plures capti-
vos redémit. Romam tandem
revérsus, sanctísque opéri-
bus incúmbens, assíduis
labóribus attritus, et morbo
conféctus, ardentíssimo Dei
et próximi amore exæstuens,
ad extrémum devénit. Quare
frátribus convocátis, eisque
ad opus redemptiόνis cæli-
tus præmonstrátum effica-
citer cohortátis, obdormívit
in Dómino sexto décimo
Kaléndas Januárii, anno sa-
lútis millésimo ducentésimo
décimo tértio; ejúsque cor-
pus in ipsa ecclésiá sancti
Thomæ de Formis condigno
honóre tumulátum fuit.

R. Iste homo. 83*.

IN III. NOCTURNO

Homil. in Evang. Sint
lumbi vestri. **de eodem**
Comm. 1^o loco. 85*.

Vesp. a Capit. de seq.,
cum Commem. præced. et
S. Apolloniæ Virg. et Mart.

DIE IX

S. CYRILLI ALEXANDRINI

EP., CONF. ET ECCL. DOCT.

Duplex.

Omnia de Comm. Conf. Pont. 55*, præter seq. (m. t. v.)

In utrisque Vesp. ad Magnif. Ant. O Doctor óptime, Ecclesiæ sanctæ lumen, beáte Cyrille, divinæ legis amátor, deprecáre pro nobis Filium Dei.

Oratio.

DEUS, qui beátum Cyrillum Confessórem tuum atque Pontificem divinæ maternitátis beatissimæ Virginis Mariæ assertórem invictum effecisti: concéde, ipso intercedente; ut qui vere eam Genitricem Dei crédimus, materna ejúsdem protectióne salvémur. Per eúmdem Dóminum.

Commem. S. Joannis de Matha.

Ant. Hic vir despiciens mundum et terréna, triúmphans, divítias cælo cóndidit ore, manu.

Ÿ. Justum dedúxit Dóminus per vias rectas. **Ŕ.** Et osténdit illi regnum Dei.

Oratio ut supra. 522.

Postea sanctæ Apolloniæ.

Ant. Veni sponsa Christi, áccipe corónam, quam tibi Dóminus præparávit in ætérnum.

Ÿ. Spécie tua et pulchritúdine tua. **Ŕ.** Inténde, prospere procéde, et regna.

Oratio.

DEUS, qui inter cætera poténtiæ tuæ miracula étiam in sexu frágili victóriam martýrii contulisti: concéde propítius; ut qui beatæ Apollóniæ Virginis et Mártýris tuæ natalitia cólimus, per ejus ad te exémpa gradiámur. Per Dóminum.

IN I. NOCTURNO

Lect. de Script. occur.; in Quadrag. Sapiéntiam. pro Doctoribus. 71*.

IN II. NOCTURNO

Lectio iv.

CYRILLUS Alexandrinus, cujus præcónia non unius tantum vel altérius sunt comprobáta testimónio, sed étiam œcumenicórum Conciliórum Ephesíni et Chalcidonénsis actis celebráta, claris ortus paréntibus, ac Theóphili episcopi Alexandrini nepos, adhuc adolēscens præcelléntis ingénii clara specimina dedit. Litteris ac sciéntiis egrégie imbútus, ad Joánnem episcopum Hierosolymítanum se cóntulit, ut in christiána fide perficerétur. Alexandriam deinde cum rediisset, Theóphilo vita functo, ad illius sedem evéctus est; quo in múnere ita óptimi pastóris formam ab Apóstolo definitam constánter præ se tulit, ut sanctíssimi præsulis glóriam mérito sit adéptus.

Ŕ. Invéni David servum meum, óleo sancto meo unxi eum: * Manus enim mea

auxiliábitur ei. *ŷ*. Nihil proficiet inimicus in eo, et filius iniquitátis non nocébit ei. Manus.

Lectio v.

SALÚTIS animárum zelo incensus curas omnes inténdit, ut sibi commissum gregem in fidei et morum integritáte serváret, atque a venenátis infidélium et hæreticórum páscuis defendéret. Hinc tum Nováti ássclas e civitaté expélli, tum Judæos qui furóre acti in cædem Christianórum conspiráverant, juxta leges puniri satégit. Singuláre vero Cyrilli pro cathólicæ fidei incolumitaté enituit stúdiu contra Nestóriu Constantinopolitánu episcopu, asseréntem Jesu Christu ex Maria Virgine hóminem tantu et non Deu natu, eique divinitátem pro méritis esse collátam; cujus emendatióne cum frustra tentásset, eum sancto Cælestino Pontífici Máximo denuntiávit.

℞. Pósui adjutóriu super poténtem, et exaltávi eléctu de plebe mea : * Manus enim mea auxiliábitur ei. *ŷ*. Invéni David servu meu, óleo sancto meo unxi eum. Manus.

Lectio vj.

CÆLESTÍNI delegáta auctoritaté, Concílio Ephesíno præfuit; in quo hæresis Nestoriána pénitus proscripta est, damnátus Nestóriu et

a sua sede dejéctus, ac dogma cathólicu de una in Christo, eáque divína persóna, et divína gloriósæ Virginis Mariæ maternitaté assértu; plaudénte pópulo univérso, qui incredibili gáudio géstiens, collucéntibus fácibus domu dedúxit episcopos. Sed hac de cáusa Cyrillus calúmniis, injúriis et persecutióibus plúrimis a Nestóriu ejúsque fautori-bus impetítus fuit; quas ipse patientíssime tulit, ita ut de solá fide sollicitus, quidquid advérsus eum effutiébant ac moliebántur hæretici, pro nihilo habéret. Tandem pro Ecclesiá Dei máximis perfúnctus labóribus, plurimisque scriptis éditis tum ad éthnicos et hæreticos confutándos, tum ad sacras Scriptúras et cathólica explanánda dógmata, sancto fine quíevit anno quadringéntésimo quadragésimo quarto, episcopátus trigésimo secúndo. Leo décimus tértius Póntifex Máximu Officiu et Missam præclaríssimi hujus fidei cathólicæ propugnátoris et Orientális ecclésiæ lúminis, ad Ecclesiám univérsam exténdit.

℞. Iste est qui. 62*.

IN III. NOCTURNO

Homil. in Evang. Vos estis. de Comm. Doct. 1º loco. 73*.

Pro S. Apollonia.

Lectio ix.

APOLLÓNIA virgo Alexandrina, sub Décio impera-

tóre, cum ingravescénte jam ætáte ad idóla sisterétur, ut eis veneratiónem adhibéret: illis contéptis, Jesum Christum verum Deum coléndum esse prædicábat. Quamóbrem omnes ei contúsi sunt, et evúlsi dentes; ac, nisi Christum detestáta deos cóleret, accénso rogo combustúros vivam mináti sunt impii carnífiles. Quibus illa se quamvis mortem pro Jesu Christi fide subitúram respóndit. Itaque comprehénsa ut comburerétur, cum paulisper, quasi deliberans quid agéndum esset, stetisset, ex illórum mánibus elápsa, álacris in ignem sibi parátum, majóri Spíritus sancti flamma intus accénsa, se injécit. Unde brevi consúmpo corpore, puríssimus spíritus in cælum ad sempitérnam martýrii corónam evolávit.

Te Deum laudámus. 17.

In Laud. fit Commem. S. Apolloniæ.

Ant. Simile est regnum cælórum hómini negotiatóri quærénti bonas margarítas: invénta una pretiósá, dedit ómnia sua, et comparávit eam.

Ÿ. Diffúsa est grátia in lábiis tuis. R. Proptérea benedixit te Deus in ætérnum.

Oratio Deus, qui inter cætera. 525.

Vesp. a Capit. de seq., cum Commem. præced.

DIE X

SANCTÆ SCHOLASTICÆ
VIRGINIS

Duplex.

Omnia de Communi Virg.
95*, præter seq.

Oratio.

DEUS, qui ánimam beátæ Virginistuæ Scholásticæ ad ostendéndam innocéntiæ viam in columbæ spécie cælum penetráre fecisti: da nobis ejus méritis et précibus ita innocénte vivere; ut ad ætérna mereámur gáudia pervenire. Per Dóminum.

Et fit Commem. præced.

Ant. O Doctor óptime, Ecclesiæ sanctæ lumen, beáte Cyrille, divinæ legis amátor, deprecáre pro nobis Filium Dei.

Ÿ. Justum dedúxit Dóminus per vias rectas. R. Et osténdit illi regnum Dei.

IN I. NOCTURNO

Lect. de Script. occur.

In Quadrag. Lect. De virginibus. de eodem Comm. 1º loco. 100*.

IN II. NOCTURNO

Ex libro secúndo Dialogórum sancti Gregórii Papæ.

Lectio iv. Cap. 33.

SCHOLÁSTICA venerábilis patrís Benedicti soror, omnipoténti Dómino ab ipso infántiæ témpore dedicáta, ad eum semel per annum venire consuéverat, ad quam vir Dei non longe extra jánuam in possessióne mona-

stérri descendébat. Quadam vero die venit ex more, atque ad eam cum discipulis venerábilis ejus descendit frater, qui totum diem in Dei láudibus, sacrisque collóquiis ducéntes, incumbéntibus jam noctis ténebris, simul accepérunt cibum. Cumque adhuc ad mensam sedérent, et inter sacra collóquia tardior se hora protráheret, éadem sanctimoniális fémina soror ejus eum rogávit, dicens : Quæso te, ut ista nocte me non déseras, ut usque mane de cæléstis vitæ gáudiis loquámur. Cui ille respóndit : Quid est quod lóqueris, soror? manére extra cellam nullátenus possum. Tanta vero erat cæli serénitas, ut nulla in áère nubes apparéret. Sanctimoniális áutem fémina, cum verba fratris negántis audivisset, insértas digitis manus super mensam pósuit, et caput in mánibus omnipoténtem Dóminum rogatúra declinávit. Cumque leváret de mensa caput, tanta coruscationis, et tonítrui virtus, tántaque inundatio plúviæ erúpit, ut neque venerábilis Benedictus, neque fratres, qui cum eo áderant, extra loci limen, quo conséderant, pedem movére potúerint.

℞. Propter veritátem, et mansuetúdinem, et justitiam : * Et dedúcet te mirabiliter délixtera tua. V. Spécie tua et pulchritúdine tua

inténde, prospere procéde, et regna. Et dedúcet.

Lectio v.

SANCTIMONIALIS quippe fémina caput in mánibus declinans, lacrymárum flúvium in mensam fúderat, per quas serenitátem áëris ad plúviam traxit. Nec páulo tardius post oratióem inundatio illa secúta est : sed tanta fuit conveniéntia orationis, et inundatióis, ut de mensa caput jam cum tonítruo leváret : quátenus unum, idémque esset moméntum, et leváre caput, et plúviam depónere. Tunc vir Dei inter corúscos, et tonítruos, atque ingéntis plúviæ inundatióem, videns se ad monastérium non posse remeáre, cœpit cónqueri contristátus, dicens : Parcat tibi omnipotens Deus, soror : quid est quod fecisti? Cui illa respóndit : Ecce rogávi te, et audíre me noluisti : rogávi Deum meum, et audivit me : modo ergo, si potes, egrédere, et me dimissa ad monastérium recéde. Ipse áutem exíre extra tectum non valens, qui remanére sponte nóluit in loco, mansit invítus. Sicque factum est, ut totam noctem pervigilem dúcerent, atque per sacra spiritalis vitæ collóquia, sese vicária relatióne satiárent.

℞. Dilexisti justitiam, et odisti iniquitátem : * Proptérea unxit te Deus, Deus

tuus óleo lætitiæ. *Ÿ.* Propter veritatem, et mansuetudinem, et justitiam. Propterea.

Lectio vj.

CUMQUE die altero eadem venerabilis femina ad cellam propriam recessisset, vir Dei ad monasterium rediit. Cum ecce post triduum in cella consistens, elevatis in aëra oculis, vidit ejusdem sororis suae animam de corpore egressam in columbae specie cæli secreta penetrare. Qui, tantæ ejus gloriæ congaudens, omnipotenti Deo in hymnis et laudibus gratias reddidit, ejusque obitum fratribus denuntiavit. Quos etiam proutinus misit, ut ejus corpus ad monasterium deferrent, atque in sepulcro, quod sibi ipsi paraverat, ponerent. Quo facto contigit, ut quorum mens una semper in Deo fuerat, eorum quoque corpora nec sepultura separaret.

R. Afferentur Regi. 104*.

IN III. NOCTURNO

Homil. in Evang. Simile erit regnum. **de eodem Communi 1^o loco.** 106*.

Vesp. a Capit. de seq. Commem. preced.

DIE XI

SS. SEPTEM FUNDATORUM

ORD. SERVORUM B. M. V. CONF.

Duplex.

Omnia de Comm. Conf. non Pont. 76*, præter seq.

IN I. VESPERIS

Capitulum. I. Petr. 4.

CARÍSSIMI: Communicantes Christi passionibus gaudete, ut et in revelatione gloriæ ejus gaudeatis exultantes.

Hymnus.

BELLA dum late furerent,
et urbes
Cæde fraternæ gémerent
cruentæ,
Adfuit Virgo, nova semper
edens

Múnera matris.

En vocat septem fámulos,
fidèles

Ut sibi in luctu, récolant
dolores,

Quos tulit Jesus, tulit ipsa
consors

Sub cruce Nati.

Illico parent Dóminæ vo-
cánti:

Spléndidis tectis opibúsque
spretis,

Urbe secédunt procul in Se-
nári

Abdita montis.

Córpora hic pœnis crú-
ciant acerbis,

Sóntium labes hóminum
piantes:

Hic prece avértunt lacry-
misque fuis

Núminis iram.

Pérdolens Mater fovet,
atque amíctum

Ipsa lugúbrem monet in-
duéndum:

Agminis sancti pia cœpta
surgunt,

Mira patéscunt.

Palmes in bruma viridans
honóres

Núntial patrum : próprios
Mariæ

Ore lacténti vócitant puélli
Nómine Servos.

Sit decus Patri, genitæ-
que Proli,

Et tibi, compar utriúsque
Virtus

Spiritus semper, Deus unus,
omni

Témporis ævo. Amen.

Ÿ. Hi viri misericórdiæ
sunt, quorum pietátes non
defuérunt. **R.** Semen eórum,
et glória eórum non derelin-
quétur.

Ad Magnif. Ant. Non re-
cédet laus tua, Virgo Maria,
de ore hóminum, qui mé-
mores fúerint virtútis Dómi-
ni in ætérnum, pro quibus
non pepercisti ánimæ tuæ.

Orat. ut ad Laudes.

Et fit Commem. præced.

Ant. Veni sponsa Christi,
accipe coronam, quam tibi
Dóminus præparávit in ætér-
num.

Ÿ. Diffúsa est grátia in lá-
biis tuis. **R.** Proptérea bene-
dixit te Deus in ætérnum.

Orat. ut supra. 527.

Deinde Fer. in Quadrag.

AD MATUTINUM

Hymnus.

SIC patres vitam péragunt
in umbra,
Lília ut septem nivei decó-
ris,
Virgini excélsæ bene grata,
Petro
Visa nitére.

Jamque divina rapiénte
flamma,

Cúrsitant urbes, loca quæ-
que obérrant,

Si queant cunctis ánimis
dolóres

Figere Matris.

Hinc valent iras domuisse
cæcas,

Néscia et pacis fera corda
jungunt,

Erigunt mœstos, révocant
nocéntes

Dicta piórum.

At suos Virgo comitáta
servos

Evehit tandem súperas ad
oras :

Gémmeis sertis décorat per
ævum

Omne beátos.

Eia nunc cœtus gémitum
precántis

Audiant, duros videant labó-
res :

Semper et nostris fáveant
benigno

Lúmine votis.

Sit decus Patri, genitæque
Proli,

Et tibi, compar utriúsque
Virtus

Spiritus semper, Deus unus
omni

Témporis ævo. Amen.

IN I. NOCTURNO

Lect. de Script. occur.

In Quadrag. Laudémus vi-
ros gloriósos. **de Comuni**
Conf. Pont. 2º loco. 67*.

IN II. NOCTURNO

Lectio iv.

SÆCULO tértio décimo, cum
Friderici secúndi diro

schismate, cruentisque factionibus cultiores Italiæ populi scinderentur, providens Dei misericordia præter alios sanctitate illustres, septem e Florentina nobilitate viros suscitavit, qui in caritate conjuncti, præclarum fraternæ dilectionis præberent exemplum. Hi, nimirum Bonfilius Monaldus, Bonajuncta Manettus, Manettus Antellensis, Amideus de Amideis, Uguccio Uguccionum, Sosteneus de Sostenéis et Alexius Falconerius, cum anno trigésimo tertio ejus sæculi, die sacra Virgini cælo receptæ, in quodam piorum hominum conventu, Laudantium nuncupato, ferventius orarent; ab eadem Deipara singulis apparente sunt admoniti, ut sanctius perfectiusque vitæ genus amplecterentur. Re itaque prius cum Florentino præsule collata, hi septem viri, generis nobilitate divitiisque posthabitis, sub vilissimis detritisque vestibus cilicio induti, octava die Septembris in ruralem quamdam ædiculam secessere, ut ea die primordia vitæ sanctioris auspicarentur, qua ipsa Dei Genitrix mortalibus orta sanctissimam vitam inceperat.

¶ Honestum fecit illum Dominus, et custodivit eum ab inimicis, et a seductoribus tutavit illum: * Et dedit illi claritatem æternam. V.

Justum deduxit Dominus per vias rectas, et ostendit illi regnum Dei. Et dedit.

Lectio v.

Hoc vitæ institutum quam sibi foret acceptum Deus miraculo ostendit. Nam cum paulo deinceps hi septem viri per Florentinam urbem ostiatimeleemosynam emendicaret, accidit, ut repente infantium voce, quos inter fuit sanctus Philippus Benitius quintum ætatis mensem vix ingressus, beatæ Mariæ Servi acclamarerentur: quo deinde nomine semper appellati sunt. Quare, vitandi populi occursus ac solitudinis amore ducti, in Senarii montis recessu omnes convenere, ibique cæleste quoddam vitæ genus aggressi sunt. Victitabant enim in speluncis, sola aqua herbisque contenti: vigiliis aliisque asperitatibus corpus atterebant: Christi passionem ac moestissimæ ejusdem Genitricis dolores assidue meditantes. Quod cum olim sacra Parascèves die impensius exsequerentur, ipsa beata Virgo illis iterato apparens, lugubrem vestem, quam induerent, ostendit, sibi que acceptissimum fore significavit, ut novum in Ecclesia regularem ordinem excitarent, qui jugem recoleret ac promoveret memoriam dolorum, quos ipsa pertulit sub cruce Domini. Hæc sanctus Petrus, incly-

tus ordinis Prædicatórum Martyr, ex familiári cum sanctis illis viris consuetudine ac peculiári étiam Deiparæ visione cum didicisset; iis áuctor fuit, ut ordinem regulárem sub appellatióne Servórum beátæ Virginis institúerent : qui póstea ab Innocéntio quarto Pontífice Máximo approbátus fuit.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. **V.** Induit eum Dóminus lorícam fidei, et ornávit eum. Et ad portas.

Lectio vj.

PORRO sancti illi viri, cum plures sibi sócios adjunxissent, Itáliæ civitatés atque óppida, præsertim Etrúriæ, excúrrere cœpérunt, prædicántes ubique Christum crucifixum, civíles discórdias compescéntes, et innúmeros fere devíos ad virtútis sémitam revocántes. Neque Itáliam modo, sed et Gálliam, Germániam ac Polóniam suis evangélicis labóribus excoluérunt. Dénique cum bonum Christi odórem longe latéque diffudissent, portentórum quoque glória illustres, migrárunť ad Dóminum. Sed quos unus veræ fraternitátis ac religiónis amor in vita sociáverat, unum páriter demórtuos contéxit sepúlcrum, únaque pópuli venerátio prosecúta est. Quaprópter Clemens un-

décimus et Benedictus décimustértius Pontífices Máximi delátum iisdem a plúribus sáculis individuum cultum confirmárunť : ac Leo décimustértius, approbátis ántea miráculis, post indúltam veneratióne ad collectívam eorúmdem invocatióne a Deo patrátis, eósdem anno quinquagésimo sacerdotií sui Sanctórum honóribus cumulávit, eorúmque memoríam Offício ac Missa in univérſa Ecclésia quotánnis recoléndam instituit.

R. Iste homo. 83*.

IN III. NOCTURNO

Homil. in Evang. Ecce nos reliquimus ómnia. **de Comm. Abbat. 1^o loco. 91*.**

In Quadrag. Lect. ix. de Homil. Fer.

AD LAUDES

Capituluni. I. Petr. 4.

CARÍSSIMI : Communicántes Christi passiónebus gaudéte, ut et in revelatióne glóriæ ejus gaudeátis exultántes.

Hymnus.

MATRIS sub almæ númine Septéna proles náscitur : Ipsa vocánte, ad árduum Tendit Senári vérticem.

Quos terra fructus próferet

Dum sacra proles gérminat,
Uvis repénťe túrgidis
Onústa vitis præmonet.

Virtúte claros nóbili
Mors sancta cælo cónsecrat :
Tenent olýmpi límina
Servi fidéles Virginis.

Cohors beáta, Núminis
Regno potita, rês pice
Quos hinc recédens fráudi-
bus

Cinctos relínquis hóstium.

Ergo, per almæ vúlnera
Matris rogámus súpplīces,
Mentis tenébras dísjice,
Cordis procéllas cómpri-
me.

Tu nos, beáta Trínitas,
Perfúnde sancto róbo-
re, Possimus ut feliciter
Exémpla patrum súbsequi.
Amen.

ŷ. Sit memória illórum
in benedictióne. *ñ.* Et ossa
eórum púllulent de loco
suo.

Ad Bened. Ant. Ecce quam
bonum, et quam jucúndum
habitáre fratres in unum.

Oratio.

DÓMINE Jesu Christe, qui
ad recoléndam memó-
riam dolórum sanctissimæ
Genitrícis tuæ, per septem
beátos Patres nova Servó-
rum ejus familia Ecclésiā
tuā fœcundásti : concéde
propítius ; ita nos eórum
consociári flétibus, ut per-
fruámur et gáudiis : Qui vivis
et regnas.

*Commem. Fer. in Qua-
drag.*

IN II. VESPERIS

*Omnia ut in primis. præ-
ter*

Ad Magnif. Ant. Nomen
eórum pérmanet in ætér-
num, pérmanens ad filios
eórum, sanctórum virórum
glória.

DIE XIV

SANCTI VALENTINI

PRESBYTERI ET MARTYRIS

Ant. Iste sanctus pro lege
Dei sui certávit usque ad
mortem, et a verbis impió-
rum non timuit : fundátus
enim erat supra firmam pe-
tram.

ŷ. Glória et honóre coro-
násti eum Dómine. *ñ.* Et
constituísti eum super ópe-
ra mánuum tuárum.

Oratio.

PRÆSTA, quæsumus omni-
potens Deus : ut, qui
beáti Valentini Mártiris tui
natalítia cólimus, a cunctis
malis imminéntibus, ejus
intercessióne, liberémur.
Per Dóminum.

Lectio iij. Triumphális
beáti Mártiris Valentini. *de
Communi unius Mart. 29*.*

In Laud. Ant. Qui odit
ánimam suā in hoc mun-
do, in vitam ætérnam cu-
stódit eam.

ŷ. Justus ut palma floré-
bit. *ñ.* Sicut cedrus Libani
multiplicábitur.

DIE XV

SS. FAUSTINI ET JOVITÆ

MARTYRUM

Ant. Istórum est enim re-
gnum cælórum, qui con-
tempsérunt vitam mundi,
et pervenérunt ad præmia
regni, et lavérunt stolas
suas in ságuine Agni.

ŷ. Lætámini in Dómino,

et exsultáte justi. *R.* Et gloriámini omnes recti corde.

Oratio.

DEUS, qui nos ánnua sanctorum Mártýrum tuorum Faustini et Jovitæ solemnitáte lætificas : concéde propítius ; ut, quorum gaudémus méritis, accendámur exémpilis. Per Dóminum.

R. ij. Hæc est vera. 49*.

Lectio iij.

FAUSTÍNUS et Jovita fratres, nóbiles Brixiani, in multis Itáliæ úrbibus, quo vincti sæviénte Trajáni persecutióne ducebántur, acerbíssima supplicia perpéssi, fortes in christiánæ fidei confessiône perstitérunt. Nam Brixiae diu vinctulis constricti, feris étiam objecti, in ignémque conjécti, et a béstiis et a flamma integri et incólumes serváti sunt ; inde vero eisdem caténis colligáti Mediolánum venérunt : ubi eórum fides tentáta exquisitissimis tormentis, tamquam igne áurum, in cruciátibus magis enituit. Póstea Romam missi, ab Evaristo Pontífice confirmáti, ibi quoque crudelissime torquéntur. Dénique perducti Neápolim, in ea étiam urbe várie cruciáti, vinctis mánibus pedibúque in mare demergúntur : unde per Angelos mirabiliter erépti sunt. Quare multos et constántia in tormentis, et miraculorum virtúte ad Christi fidem convertérunt.

Postrémo redúcti Brixiam initio suscepti ab Adriáno impérii, secúri percússi, illústrem martýrii corónam acceperunt.

Te Deum laudámus. 17.

In Laud. Ant. Vestri capilli cápitis omnes numeráti sunt : nolite timére : multis passéribus melióres estis vos.

V. Exsultábunt sancti in glória. *R.* Lætabúntur in cubilibus suis.

DIE XVIII

SANCTI SIMEONIS

EPISC. ET MART.

Ant. Iste sanctus pro lege Dei sui certávit usque ad mortem, et a verbis impiórum non timuit : fundátus enim erat supra firmam petram.

V. Glória et honóre coronásti eum Dómine. *R.* Et constituísti eum super ópera mánuum tuárum.

Oratio.

INFIRMITÁTEM nostram respice, omnipotens Deus : et quia pondus propriæ actionis gravat, beáti Simeónis Mártýris tui atque Pontificis intercessiо gloriósa nos protégat. Per Dóminum.

Lectio iij.

SÍMEON, filius Cléophæ, post Jacóbum próximus Jerosólymis ordinátus episcopus, Trajáno imperátore apud Atticum consulárem est accusátus, quod Christiánus esset, et Christi pro-

pinquus. Comprehendebantur enim omnes eo tempore, quicumque ex genere David orti essent. Quare multis cruciatus tormentis, eodem passionis genere, quod Salvator noster subierat, afficitur, mirantibus omnibus, quod homo ætate confectus (erat enim centum et viginti annorum) acerbissimos crucis dolores fortiter constanterque pateretur.

Te Deum laudamus. 17.

In Laud. Ant. Qui odit animam suam in hoc mundo, in vitam æternam custodit eam.

V. Justus ut palma florebit. **R.** Sicut cedrus Libani multiplicabitur.

DIE XXII

CATHEDRÆ S. PETRI ANTIOCHIÆ

Duplex majus.

Omnia ut in Cathedra Rom., die xvij. Januarii. 469, præter seq.

IN II. NOCTURNO

Sermo sancti Augustini
Episcopi.

Sermo 15. de Sanctis.

Lectio iv.

INSTITUTIO solemnitatis hodiernæ a senioribus nostris Cathedræ nomen accepit, ideo quod primus Apostolorum Petrus hodie episcopatus cathedram suscepisse referatur. Recte ergo Ecclesiæ natalem sedis illius colunt, quam Apostolus pro ecclesiarum salute suscepit, dicente Domino :

Tu es Petrus, et super hanc petram ædificabo Ecclesiam meam.

R. Tu es pastor ovium, princeps Apostolorum : tibi tradidit Deus omnia regna mundi : * Et ideo tibi traditæ sunt claves regni cælorum.

V. Quodcumque ligaveris super terram, erit ligatum et in cælis ; et quodcumque solveris super terram, erit solutum et in cælis. Et.

Lectio v.

PETRUM itaque fundamentum Ecclesiæ Dominus nominavit : et ideo digne fundamentum hoc Ecclesia colit, supra quod ecclesiastici ædificii altitudo consurgit. Unde convenienter Psalmus, qui lectus est, dicit : Exaltent eum in ecclesia plebis, et in cathedra seniorum laudent eum. Benedictus Deus, qui beatum Petrum Apostolum in Ecclesia exaltari præcepit : quia dignum est ut fundamentum hoc in Ecclesia honoretur, per quod ad cælum conscenditur.

R. Ego pro te rogavi Petre, ut non deficiat fides tua : * Et tu aliquando conversus confirma fratres tuos.

V. Caro et sanguis non revelavit tibi, sed Pater meus, qui est in cælis. Et.

Lectio vj.

QUOD natalis ergo Cathedræ hodie colitur, sacerdotale honoratur officium. Sibi hoc Ecclesiæ invicem

præstant, quia tanto necesse plus habet Ecclesiâ dignitatis, quanto sacerdotale officium plus honoris. Cum solemnitatem hanc Ecclesiis merito religiosa observatio introduxerit, miror, cur apud quosdam infideles hodie tam perniciosus error increverit, ut super tumulos defunctorum cibos et vina conferant, quasi egressæ de corporibus animæ carnales cibos requirant.

R. Petre amas me? Tu scis Dómine, quia amo te. *** Pasce oves meas.** **V.** Simon Joannis diligis me plus his? Tu scis Dómine, quia amo te. **Pasce. Glória Patri. Pasce.**

IN III. NOCTURNO

Lectio sancti Evangelii secundum Matthæum.

Lectio vij. Cap. 16. b

IN illo tempore: Venit Jesus in partes Cæsariæ Philippi, et interrogabat discipulos suos, dicens: Quem dicunt homines esse Filium hominis? Et reliqua.

Homilia sancti Leonis
Papæ.

Serm. 3. in anniv. assumpt. suæ. post init.

APÓSTOLOS Dóminus, quid de se homines opinentur, interrogat: et tamdiu sermo respondentium communis est, quamdiu humanæ intelligentiæ ambiguitas explicatur. At ubi quid habeat sensus discipulorum exigitur, primus est in Dómini confessione, qui pri-

mus est in Apostólica dignitate. Qui cum dixisset: Tu es Christus Filius Dei vivi: respondit ei Jesus: Beatus es Simon Bar-Jona, quia caro et sanguis non revelavit tibi, sed Pater meus, qui in cælis est. Id est, ideo beatus es, quia Pater meus te docuit: nec terræ opinio te fefellit, sed inspiratio cælestis instruxit: et non caro et sanguis, sed ille me tibi, cujus sum unigenitus Filius, indicavit.

R. Quem dicunt homines esse Filium hominis? dixit Jesus discipulis suis. Respondens Petrus dixit: Tu es Christus Filius Dei vivi. *** Et ego dico tibi, quia tu es Petrus, et super hanc petram ædificabo Ecclesiam meam.** **V.** Beatus es Simon Bar-Jona, quia caro et sanguis non revelavit tibi, sed Pater meus qui est in cælis. Et ego.

Lectio viij.

ET ego, inquit, dico tibi: hoc est, sicut Pater meus tibi manifestavit divinitatem meam, ita et ego tibi notam facio excellentiam tuam, quia tu es Petrus: id est, cum ego sim inviolabilis petra, ego lapis angularis, qui facio utraque unum, ego fundamentum præter quod nemo potest aliud pōnere: tamen tu quoque petra es, quia mea virtute solidaris, ut quæ mihi potestate sunt propria, sint tibi mecum participatione communia.

Et super hanc petram ædificábo Ecclésiám meam, et portæ inferi non prævalébunt advérsus eam. Super hanc, inquit, fortitúdinem ætérnum éxstruam templum: et Ecclésiæ meæ cælo inse-rénda sublimitas, in hujus fidei firmitáte consúrget.

R. Elégit te Dóminus sacerdotem sibi, ad sacrificándum ei *Hóstiam láudis.

V. Immola Deo sacrificium láudis, et redde Altíssimo vota tua. Hóstiam. Glória Patri. Hóstiam.

Si hoc Festum ante Quadrag. venerit in Sabbato, vel transferatur in Feriam II., et annus non fuerit bissextilis, legitur ix. Lect. de Homil. Vigil. S. Mathiæ; ut in Vigil. Apost. 1*, et de ea fit Commem. ad Laudes post Commem. S. Pauli.

In Quadrag. autem ix. Lectio erit de Homil. Feriæ occur., cum Commem. de ea: et nihil fit de Vigilia, nisi in Missa.

Lectio ix.

HANC confessiónem portæ inferi non tenébunt, mortis víncula non ligábunt: vox enim ista vox vitæ est. Et sicut confessóres suos in cæléstia próvehit, ita negatóres ad inférna demérgit. Propter quod dicit beatíssimo Petro: Tibi dabo claves regni cælórum: et quaecúmque ligáveris super terram, erunt ligáta et in cælis: et quaecúmque sólveris super

terram, erunt solúta et in cælis. Transívit quidem étiam in álios Apóstolos vis potestátis istius, et ad omnes Ecclésiæ príncipes decreti hujus constitútio commeávit: sed non frustra uni commendátur, quod ómnibus intímátur. Petro enim ídeo hoc singuláriter créditur, quia cunctis Ecclésiæ rectóribus Petri forma præpónitur. Manet ergo Petri privilégium, ubicúmque ex ipsius fertur æquitáte iudícium. Nec nimia est vel sevéritas vel remissio, ubi nihil erit ligátum, nihil solútum, nisi quod beátus Petrus aut sólverit, aut ligáverit.

Te Deum laudámus. 17.

In II. Vesp. post Commem. S. Pauli fit Commem. seq.

DIE XXIII

S. PETRI DAMIANI

EPISC. CONF. ET ECCL. DOCT.

Duplex.

Omnia de Communi Conf. Pont. 55*, præter seq.

In utrisque Vesp. ad Magnif.

Ant. O Doctor óptime, Ecclésiæ sanctæ lumen, beáte Petre, divínæ legis amátor, deprecáre pro nobis Fílium Dei.

V. Amávit eum Dóminus, et ornávit eum. **R.** Stulam glóriæ induit eum.

Oratio.

CONCÉDE nos, quæsumus omnipotens Deus, beáti

Petri Confessóris tui atque Pontificis mónita et exéempla sectári : ut per terréstrium rerum contéptum æténa gáudia consequámur. Per Dóminum.

In Quadrag. Commem. Fer.

IN I. NOCTURNO

Lect. de Script. occur.

In Quadrag. Fidélis sermo. de eodem Comm. 1º loco. 58*.

IN II. NOCTURNO

Lectio iv.

PETRUS, Ravénnæ honéstis paréntibus natus, adhuc lactens a matre numerósæ prolis pertæsa, abjicitur; sed domésticæ mulieris ópera semivívus excéptus ac recreátus, genitrici ad humanitátis sensum revocatæ rédditur. Utróque orbátus parénte, tamquam vile mancipium sub áspera fratris tutela duram servitútem exércuit. Religiónis in Deum, ac pietátis erga patrem, egrégium tunc spécimen dedit : invéntum síquidem forte nummum, non próprie indiciæ sublevándæ, sed sacerdoti, qui divinum sacrificium ad illius expiatiónem offérret, erogávit. A Damiano fratre, a quo, uti fertur, cognoméntum accépit, benigne receptus, ejus cura litteris eruditur, in quibus brevi tantum profécit, ut magistris admiratióni esset. Cum áutem liberálibus sciéntiis floréret et nómine,

eas cum láude dócuit. Interim ut corpus ratióni subderet, sub móllibus véstibus cilicium adhibuit, jejúniis, vigiliis, et oratióibus solérter insístens. Calénte juvénta dum carnis stimulis ácri-ter urgerétur, insultántium libidinum faces rigéntibus flúvii mersus aquis noctu exstinguébat; tum venerabilia quæque loca obíre, totúmque Psaltérium recitáre consuéverat. Ope assídua páuperes levábat, quibus frequénter pastis convívio, próprie ipse má nibus ministrábat.

R. Inveni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

PERFICIÉNDÆ magis vitæ cáusa, in Avellanénsi Eugubínæ diocécis cœnóbio, ordini monachórum sanctæ Crucis Fontis Avellánæ a beáto Ludúlpho, sancti Romuáldi discipulo, fundáto, nomen dedit. Non ita multo post in monastérium Pomposiánum, mox in cœnóbium sancti Vincéntii Petráe Pertúsæ ab abbáte suo missus, utrúmque ascetérium verbo sacro, præcláris institutióibus, et móribus excóluit. Ad suos revocatús, post præsidis óbitum, Avellanitárum familiæ præficitur,

quam, novis váriis in locis exstrúctis domicíliis, et sanctíssimis institútis ita áuxit, ut alter ejus órdisinis parens, ac præcípuum ornámentum jure sit hábitus. Salutárem Petri sollicitúdinem ália quoque diversí institúti cœnóbia, canonicórum convéntus, et pópuli sunt expérti. Urbináti diœcési non uno nómine prófuit : Theuzóni episcopo in cáusa gravíssima assédit, ipsúmque in recte administrándo episcopátu consilio et ópera juvit. Divinórum contemplatióne, córporis maceratióibus, cæterisque spectátæ sanctimóniæ extrémis excélluit. His motus Stépbanus nonus Póntifex Máximus eum licet invítum et reluctántem sanctæ Románæ Ecclesiæ Cardinálem creávit, et Ostiénsensem episcopum. Quas Petrus dignitátes splendidíssimis virtútibus, et consentáneis episcopáli ministério opéribus gessit.

R. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus enim.

Lectio vj.

DIFFICÍLLIMO témpore Románæ Ecclesiæ, summisque Pontificibus doctrina, legatióibus, aliisque suscéptis labóribus mirífice ádfuit. Advérsus Nicolaitá-

rum et simoníacam háereses ad mortem usque strénue decertávit. Hujúsmodi depúlsis malis, Mediolanénsem Ecclesiæ Románæ conciliávit. Benedicto, et Cadalóo falsis pontificibus fórtiter réstitit : Henricum quartum Germániæ regem ab iniquo uxóris divórtio detérruit : Ravennátes ad débíta Románo Pontífici obséquia revocatós sacris restituit. Canónicos Velitérnos ad sanctióriis vitæ leges compósuit. In provincia præsértim Urbináte vix ulla fuit episcopális ecclesiá, de qua Petrus non sit bene méritus; Eugubínam, quam aliquándo créditam hábuit, multis levávit incómmotis : álias álibi, quando opórtuit, perinde curávit, ac suæ essent tutélæ commissæ. Cardinálátu, et episcopáli dignitáte depósitis, nihil de pristina juvándi próximos sedulitate remisit. Jejúnium sextæ fériæ in honórem sanctæ crucis Jesu Christi : horárias beátæ Dei Genitricis preces, ejusque die Sábbato cultum propagávit. Inferéndæ quoque sibi verberatiónis morem ad patratórum scélerum expiatiónem provéxit. Demum sanctitáte, doctrína, miraculis, et præcláre actis illústris, dum e Ravennáte legatióne redíret, Favéntiæ octávó Kaléndas Mártii migrávit ad Christum. Ejus corpus ibidem apud Cistercienses

multis miráculis clarum, fré-
quénti populórum venera-
tíone cólitur. Ipsum Faven-
tíni non semel in præsentí
discrimine propítium ex-
pérti patrónum apud Deum
delegérunt : Leo vero duo-
décimus Póntifex Máximus
Offícium Missámque in ejus
honórem tamquam Confes-
sóris Pontíficis, quæ aliqui-
bus in diocésibus, atque in
órdine Camaldulénsium jam
celebrabántur, ex sacrórum
Rítuum Congregatiónis con-
súlto, áddita Doctóris quali-
táte, ad univérsam exténdit
Ecclésiám.

℟. Iste est qui ante. 62*.

IN III. NOCTURNO

Homil. in Evang. Vos estis
sal terræ. de Comm. Doct.
1º loco. 73*.

Si non venerit in Quadra-
gesima vel non sit annus bis-
sextilis, nona Lectio erit de
Vigilia S. Mathiæ ut in Com-
muni Apost. 1*, de qua fiet
Commem. in Laud.

Oratio

DA, quæsumus omnipo-
tens Deus : ut beáti Ma-
thiæ Apóstoli tui, quam præ-
venimus, veneránda solé-
mnitas, et devotiónem nobis
áugeat, et salútem. Per Dó-
minum.

De Vigilia S. Mathiæ in
anno bissextili fit die xxiv.

Extra Quadrag. tres Lect.
de Homil. in Evang. Hoc
est præcéptum. ut in Vigil.
Apost. 1*.

In Quadrag. vero de Ho-

milia Feriæ, et nihil fit de
Vigilia, nisi in Missa.

Vesp., si non est bissexti-
lis, de seq. cum Commem.
præced. et Fer. in Quadrag.

DIE XXIV

VEL XXV. ANNO BISSEXTILI

S. MATHIÆ APOSTOLI

Duplex 2. classis.

Omnia de Comm. Apost.
2*, præter seq.

Oratio.

DEUS, qui beátum Ma-
thiám Apostolórum
tuórum collégio so-
ciásti : tribue, quæ-
sumus ; ut ejus interventió-
ne, tuæ circa nos pietátis
semper viscera sentiámus.
Per Dóminum.

Deinde fit Commem. S.
Petri Damiani, quoties non
est bissextilis.

Ant. O Doctor óptime, Ec-
clésiæ sanctæ lumen, beáte
Petre, divínæ legis amátor,
deprecáre pro nobis Filium
Dei.

V. Justum dedúxit Dómi-
nus per vias rectas. ℟. Et
osténdit illi regnum Dei.

Postea Feriæ.

IN I. NOCTURNO

De Actibus Apostolórum.

Lectio j. Cap. 1. c

IN diébus illis exsúrgens
Petrus in médio fratrum,
dixit (erat áutem turba hó-
minum simul fere centum
viginti) : Viri fratres, opór-
tet impléri Scriptúram, quam
prædixit Spíritus sanctus per
os David de Juda, qui fuit

dux eorum, qui comprehenderunt Jesum : qui connumeratus erat in nobis, et sortitus est sortem ministerii hujus. Et hic quidem possedit agrum de mercede iniquitatis, et suspensus crepuit medius, et diffusa sunt omnia viscera ejus.

R. Ecce ego mitto vos sicut oves in medio luporum, dicit Dominus : * Estote ergo prudentes sicut serpentes, et simplices sicut columbæ.

V. Dum lucem habetis, credite in lucem, ut filii lucis sitis. Estote.

Lectio ij.

ET notum factum est omnibus habitantibus Jerusalem, ita ut appellaretur ager ille, lingua eorum, Hacedama, hoc est, ager sanguinis. Scriptum est enim in libro Psalmorum : Fiat commoratio eorum deserta, et non sit qui inhabitet in ea : et episcopatum ejus accipiat alter. Opórtet ergo ex his viris, qui nobiscum sunt congregati in omni tempore, quo intravit et exivit inter nos Dominus Jesus, incipiens a baptismo Joannis, usque in diem, qua assumptus est a nobis, testem resurrectionis ejus nobiscum fieri unum ex istis.

R. Tollite jugum meum super vos, dicit Dominus, et discite a me, quia mitis sum et humilis corde : * Jugum enim meum suave est, et onus meum leve. **V.**

Et inveniétis requiem animabus vestris. Jugum.

Lectio iij.

ET statuerunt duos, Joseph, qui vocabatur Barsabas, qui cognominatus est Justus, et Mathiam. Et orantes dixerunt : Tu Domine, qui corda nosti omnium, ostende, quem elegeris ex his duobus unum accipere locum ministerii hujus, et apostolatus, de quo pravaricatus est Judas, ut abiret in locum suum. Et dederunt sortes eis, et cecidit sors super Mathiam, et annumeratus est cum undecim Apostolis.

R. Dum steteritis. 8*.

IN II. NOCTURNO

Lect. Fundamenta ejus. **de Comm. Apost. 2º loco. 18*.**

IN III. NOCTURNO

Lectio sancti Evangelii secundum Matthæum.

Lectio vij. Cap. 11. d

IN illo tempore : Respondens Jesus dixit : Confiteor tibi Pater, Domine cæli et terræ, quia abscondisti hæc a sapientibus, et prudentibus, et revelasti ea parvulis. Et reliqua.

Homilia sancti Augustini
Episcopi.

Serm. 10. de Verbis Domini.

VENITE ad me omnes qui laboratis. Quare enim omnes laboramus, nisi quia sumus homines mortales, fragiles, infirmi, lutea vasa portantes, quæ faciunt invi-

cem angústias? Sed si angustiantur vasa carnis, dilatentur spátia caritátis. Quid ergo dicit, Venite ad me omnes qui laborátis, nisi ut non laborétis? Dénique promissio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibilia et invisibilia créare, non in ipso mundo mirabilia fácere, et mórtuos suscitáre : Sed, Quóniam mitis sum, et húmilis corde.

℞. Isti sunt qui vivéntes in carne, plantavérunt Ecclésiám sánguine suo : * Cálicem Dómini bibérunt, et amici Dei facti sunt. **℣.** In omnem terram exívit sonus eórum, et in fines orbis terræ verba eórum. Cálicem.

Lectio viij.

MAGNUS esse vis? a mínimo incípe. Cógitas magnam fábricam constrúere celsitudinis? de fundaménto prius cógita humilitátis. Et quantum quisque vult, et dispónit superimpónere molem ædificií, quanto erit majus ædificium, tanto áltius fodit fundaméntum. Et fábrica quidem cum constrúitur, in

supérna consúrgit; qui áutem fodit fundaméntum, ad ima deprimitur. Ergo et fábrica ante celsitúdinem humiliátur, et fastígium post humiliatióinem erigitur.

℞. Isti sunt viri sancti, quos elégit Dóminus in caritáte non ficta, et dedit illis glóriam sempitérnám : * Quorum doctrína fulget Ecclésia, ut sole luna. **℣.** Sancti per fidem vicérunt regna, operáti sunt justitiam. Quorum. Glória Patri. Quorum.

In Quadrag. ix. Lect. et Commem. Fer. in Laud. et Vesp.; alias

Lectio ix.

QUOD est fastígium construendæ fábricæ, quam molimur? quo perventúrum est cacúmen ædificií? Cito dico, usque ad conspéctum Dei. Vidétis quam excélsum est, quanta res est conspícere Deum. Qui desiderat, et quod dico, et quod áudit intélligit. Promíttitur nobis conspéctus Dei, veri Dei, summi Dei. Hoc enim bonum est, vidéntem vidére. Nam qui colunt falsos deos, fácale illos vident : sed eos vident, qui óculos habent, et non vident. Nobis áutem promíttitur visio Dei vivéntis, et vidéntis.

Te Deum laudámus. 17.

FESTA MARTII

Ante Quadrag. prima die
non impedita dicitur Offi-
cium Defunctorum.

DIE IV

S. CASIMIRI CONF.

Semiduplex.

Omnia de Comm. Conf.
non Pont. 76*, præter seq.
Oratio.

DEUS, qui inter regâles de-
licias, et mundi illéce-
bras, sanctum Casimîrum
virtûte constântiæ roborâsti:
quâesumus; ut ejus interces-
sione, fidèles tui terrêna de-
spiciant, et ad cæléstia sem-
per adspirent. Per Dómi-
num.

In Quadr. Commem. Fer.
Postea S. Lucii I. Papæ et
Mart.

Ant. Iste sanctus pro lege
Dei sui certâvit usque ad
mortem, et a verbis impiô-
rum non timuit: fundâtus
enim erat supra firmam pe-
tram.

V. Glória et honóre coro-
nâsti eum Dómine. **R.** Et
constituisti eum super ópera
mánuum tuârum.

Oratio.

DEUS, qui nos beáti Lúcii
Mártiris tui atque Pon-
tificis ánnua solemnitáte læ-
tificas: concéde propítius; ut
cujus natalitia cólimus, de
ejusdem étiam protectione
gaudeámus. Per Dóminum.

IN I. NOCTURNO

Lect. de Script. occur.

In Quadrag. Justus si mor-
te. de eodem Comm. 1º lo-
co. 79*.

IN II. NOCTURNO

Lectio iv.

CASIMÍRUS, patre Casimíro,
matre Elisabéthâ Austria-
ca, Polóniæ régibus ortus, a
puerítia sub óptimis magi-
stris, pietáte et bonis árti-
bus instrúctus, juveniles ar-
tus áspero domábat cilicio,
et assiduis extenuábat jejú-
niis. Régii spreta lecti mol-
litie, dura cubábat humo, et
clam intempésta nocte, præ
fóribus templórum pronus
in terra divínam exorábat
cleméntiam. In Christi con-
templánda passióne assi-
duus, Missárum solémniis
ádeo erécta in Deum mente
solébat adesse, ut extra se
rapi viderétur.

R. Honéstum fecit illum
Dóminus, et custodívit eum
ab inimicis, et a seductóri-
bus tutávit illum: * Et dedit
illi claritátem ætérnam. **V.**
Justum dedúxit Dóminus per
vias rectas, et osténdit illi
regnum Dei. Et dedit.

Lectio v.

CATHÓLICAM promovére
fidem summópere stú-
duit, et Ruthenórum schi-
sma abolére: quaprópter

Casimírum patrem indúxit, ut legem ferret, ne schismátici nova templa constrúerent, nec vétera collabéntia restaurárent. Erga páuperes et calamitatibus opprèssos benéficus et miséricors, patris et defensóris egenórum nomen obtinuit. Virginitátem, quam ab incunábulis servávit illæsam, sub extremo vitæ término fórtiter asseruit, dum gravi pressus infirmitate, mori pótius quam castitátis jactúram ex medicórum consilio subire, constánter decrevit.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. **V.** Induit eum Dóminus lorícá fidei, et ornávit eum. Et.

Lectio vj.

CONSUMMÁTUS in brevi, virtutibus et méritis plenus, prænuntiáto mortis die, inter sacerdotum et religiosórum choros spiritum Deo réddidit, anno ætátis vigésimo quinto. Corpus Vilnam delátum multis claret miraculis. Etenim præterquam quod puélla defúcta vitam, cæci visum, cláudi gressum, et várii infirmi sanitátem ad ejus sepúlcrum recuperárun; Lithuánis exíguo número ad potentíssimi hostis insperátam irruptionem trepidántibus in áere appárens, insígnem tribuit victóriam. Quibus permótus Leo déci-

mus eúmdem Sanctórum catálogo adscripsit.

R. Iste homo. 83*.

Homil. in Evang. Sint lumbi vestri. **de eodem Comm. 1º loco.** 85*.

In Quadrág. Lect. ix. de Homil. Feriæ occurr., et de ea fit Commem. in Laud.

Postea de S. Lucio.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Libani multiplicábitur.

Orat. Deus, qui nos. 543.

DIE VII

S. THOMÆ DE AQUINO

CONF. ET ECCL. DOCT.

Duplex.

Omnia de Comm. Conf. non Pont. 76*, præter seq.

In utrisque Vesp. ad Magnif. Ant. O Doctor óptime, Ecclesiæ sanctæ lumen, beáte Thoma, divinæ legis amátor, deprecáre pro nobis Filium Dei.

Oratio.

DEUS, qui Ecclesiám tuam beáti Thomæ Confessoris tui mira eruditíone claríficas, et sancta operatíone fecúndas : da nobis, quæsumus; et quæ dócuit, intellectu conspícere, et quæ egit, imitatíone complére. Per.

In Quadr. Commem. Fer. Postea SS. Mart. Perpetuæ et Felicitatis.

In Vesp. et Laud. Ant. Istárum est enim regnum

cælórum, quæ contempsérunt vitam mundi, et pervenérunt ad præmia regni, et lavérunt stolas suas in sanguine Agni.

V. Glória et honóre coronásti eas Dómine. *R.* Et constituísti eas super ópera mánuum tuárum.

Oratio.

DA nobis, quæsumus Dómine Deus noster, sanctárum Mártyrum tuárum Perpétuæ et Felicitátis palmas incessábili devotióne venerári : ut, quas digna mente non pòssumus celebráre, humilibus saltem frequentémus obséquiiis. Per Dóminum.

IN I. NOCTURNO

Lect. Sapiéntiam. de Comuni Doct. 71*.

IN II. NOCTURNO

Lectio iv.

PRÆCLÁRUM christiáni orbis decus et Ecclesiæ lumen, beatíssimus vir Thomas, Landúlpho cómite Aquináte et Theodóra Neapolitána, nobilibus paréntibus natus, futúrae in Deiparam devotiónis afféctum adhuc infántulus osténdit. Nam chártulam ab eo invéntam, in qua salutátio Angélica scripta erat, frustra adniténte nutrice, compréssa manu válide retinuit, et a matre per vim abréptam, plorátu et gestu repétiit, ac mox rédditam deglutivit. Quintum annum agens, mónachis sancti Benedicti Cas-

sinátibus custodiéndus traditur. Inde Neápolim studiórum cáusa missus, jam adolescens fratrum Prædicatórum órdenem suscepit. Sed matre ac frátribus id indigne feréntibus, Lutétiam Parisiórum mittitur. Quem fratres, in itinere per vim raptum, in arcem castri sancti Joánnis perdúcunt : ubi várie exagitátus, ut sanctum propósitum mutáret, mulierem étiam, quæ ad labefactándam ejus constántiam introducta fúerat, titiône fugávit. Mox beátus júvenis, flexis génibus ante signum crucis orans, ibique somno corréptus, per quietem sentire visus est sibi ab Angelis constríngi lumbos : quo ex témpore omni póstea libidinis sensu cáruit. Soróribus, quæ, ut eum a pio consílio removérant, in castrum vénerant, persuásit, ut, contéptis curis sæculáribus, ad exercitatiónem cæléstis vitæ se conférrent.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. *V.* Justum dedúxit Dóminus per vias rectas, et osténdit illi regnum Dei. Et dedit.

Lectio v.

EMISSUS e castro per fenestram, Neápolim redúcitur : unde Romam, póstea Parisium a fratre Joánnē Theutónico, órdis Prædi-

catórum generáli Magistro, ductus, Albérto Magno doctóre, philosophiæ ac theologiæ óperam dedit. Viginti quinque annos natus, magister est appellátus, publicéque philósophos ac theólogos summa cum láude est interpretátus. Numquam se lectióni aut scriptióni dedit, nisi post oratióem. In difficultátibus locórum sacre Scriptúræ, ad oratióem jejúnium adhibébat. Quin étiam sodáli suo fratri Reginaldo dicere solébat, quidquid sciret non tam stúdio aut labóre suo peperisse, quam divinitus tráditum accepisse. Neápoli cum ad imáginem Crucifixi veheméntius oráret, hanc vocem audivit: Bene scripsisti de me Thoma: quam ergo mercédem accipies? Cui ille: Non áliam Dómine, nisi teípsum. Colatiónes Patrum assidue pervolutábat; et nullum fuit scriptórum genus in quo non esset diligentissime versátus. Scripta ejus et multitúdine, et varietáte, et facilitáte explicándi res difficiles ádeo excéllunt, ut ubérrima atque incorrúpta illíus doctrína, cum revelátis veritatibus mire conséntiens, aptissima sit ad ómnium témporum erróres pervincéndos.

R. Amávit eum Dóminus, et ornávit eum: stolam glóriæ induit eum, * Et ad portas paradisi coronávit eum.

V. Induit eum Dóminus lorícam fidei, et ornávit eum. Et ad portas.

Lectio vj.

A SUMMO Pontífice Urbáno quarto Romam vocátus, ejus jussu ecclesiásticum lucubravit officium in Córporis Christi solemnitáte celebrándum; oblátos vero honóres et Neapolitánum archiepiscopátum, étiam deferente Cleménte quarto, recusávit. A prædicatióne divini verbi non desistébat; quod cum fáceret per octávam Paschæ in basilica sancti Petri, mulierem, quæ ejus fimbriam tetígerat, a fluxu sánguinis liberávit. Missus a beáto Gregório décimo ad concílium Lugdunense, in monastério Fossæ Novæ in morbum incidit, ubi ægrótus Cántica cantícórum explanávit. Ibídem obiit quinquagenárius, anno salútis millésimo ducentésimo septuagésimo quarto, Nonis Mártii. Miráculis étiam mórtuus cláruit; quibus probátis, a Joánnē vigésimo secúndo in Sanctórum númerum relátus est, anno millésimo tercentésimo vigésimo tértio; transláto póstea ejus corpore Tolósam, ex mandáto beáti Urbáni quinti. Cum sanctis angélicis spirítibus non minus innocéntia quam ingénio comparátus, Doctóris Angélici nomen jure est adéptus, eidem auctoritaté sancti Pii quinti

confirmátum. Leo áutem decimus tertius, libentissime excipiens postulatiónes et vota ómnium pene sacrórum antistitum orbis cathólici, ad tot præcipue philosophicórum systématum a veritate aberrántium luem propulsándam, ad incrementa scientiárum, et comúnem humáni géneris utilitatem, eum, ex Sacrórum Rítuum Congregatiónis consúlto, per Apostólicas litteras cælestem Patrónum scholárum ómnium catholicárum declarávit et instituit.

¶ Iste homo. 83*.

IN III. NOCTURNO

Homil. in Evang. Vos estis. de Comm. Doct. 1^o loco. 73*.

In Quadrag. Lect. ix. et Commem. Fer. in Laud.

Postea SS. Perpetuæ et Felicitatis, ut supra.

Vesp. a Capit. de seq., cum Commem. præced., et Fer. in Quadrag.

DIE VIII

S. JOANNIS DE DEO CONFESSORIS

Duplex.

Omnia de Comm. Conf. non Pont. 76*, præter seq. Oratio.

DEUS, qui beátum Joánnem, tuo amóre succénsum, inter flammás innoxium incédere fecisti, et per eum Ecclésiám tuám nova prole fecundásti : præsta ipsíus suffragántibus méritis; ut igne caritátis tuæ vitia nostra curéntur, et re-

média nobis æténa provéniant. Per Dóminum.

Et fit Commem. præced.

Ant. O Doctor óptime, Ecclésiæ sanctæ lumen, beáte Thoma, divínæ legis amátor, deprecáre pro nobis Filium Dei.

¶ Justum dedúxit Dóminus per vias rectas. ¶. Et osténdit illi regnum Dei.

Postea Feriæ in Quadrag.

IN I. NOCTURNO

Lect. de Script. occur.

In Quadr. Beátus vir. de eodem Comm. 2^o loco. 88*.

IN II. NOCTURNO

Lectio iv.

JOÁNNES de Deo ex cathólicis piisque paréntibus in óppido Montis Majóris, junióris regni Lusitániæ natus, quam sublimiter in sortem Dómini fúerit eléctus, insuéto splendor super ejus domo refúlgens, sonítusque æris campáni sua sponte emissus, ab ipso ejus natiuitátis témpore non obscére prænuntiáru(n)t. A laxióri vivéndi ratióne, divína operánte virtúte, revocátus, magnæ sanctitátis exhibére spécimen cœpit, et ob auditam prædicatiónem verbi Dei sic ad melióra se excitátum sensit, ut jam ab ipso sanctióri vitæ rudiménto consummátum áliquíd perfectúmque visus sit attigisse. Bonis ómnibus in páuperes carcéribus inclúsos erogátis, admirábilis pœniténtiæ, suique ipsius contéptus cun-

cto pópulo spectáculum factus, a plerisque, ceu demens, grávitè afflictus, in cárcerem améntibus destinátum conjicitur. At Joánnès cælésti caritatè magis incensus, gémìno atque amplo valetudinário ex piórum elemósynis in civitatè Granaténsi extrúcto, jactóque novi órdis fundaménto, Ecclésiám nova prole fecundávit fratrum Hospitalitátis, infirmis præcláro animárum corporúmque profectu inserviéntium, et longe latéque per orbem diffusórum.

℞. Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritatè ætérnam. ℣. Justum dedúxit Dóminus per vias rectas, et osténdit illi regnum Dei. Et dedit.

Lectio v.

PAUPÉRIBUS ægrótiis, quos propriis quandóque húmeris domum deferébat, nulla re ad ánimæ corporisque salutem proficua déerat. Effúsa quoque extra nosocomium caritatè indigéntibus muliéribus víduis, et præcípuè virgínibus periclitántibus clam aliménta subministrábat, curámque indeféssam adhibébat, ut carnis concupiscéntiam a próximis hujúsmodi vitio inquinátis extermináret. Cum áutem máximum in régio Granaténsi valetudinário excitátum fuisset incéndium, Joán-

nes impávidus prosiliit in ignem, huc illuc discúrrens, quoúsque tum infirmos húmeris exportátos, tum létulos e fenéstris projéctos ab igne vindicávit, ac per dimídiam horam inter flammás, jam in imménsum succrescéntes, versátus, exinde divínitus incólumis, univérsis civibus admirántibus exívit, in schola caritatís édocens, segniórem in eum fuísse ignem, qui foris ússerat, quam qui intus accénderat.

℞. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ℣. Induit eum Dóminus lorícam fidei, et ornávit eum. Et.

Lectio vj.

MULTÍPLICI asperitatúm gènere, demissíssima obediéntia, extréma paupertáte, orándi stúdio, rerum divinárum contemplatióne, ac in beátam Virgínem pietáte mirífice excélluit, et lacrymárum dono eníuit. Dénique gravi morbo corréptus, ómnibus Ecclésiæ sacraméntis rite sanctéque reféctus, víribus licet destitútus, própriis indútus véstibus, e létulo surgens, ac provolútus in génua, manu et corde Christum Dñum e cruce pendéntem perstríngens, octávo Idus Mártii, anno millésimo quingéntissimo quinquagésimo, óbiit in ósculo Dñi : quem étiam mórtuus ténuít, nec dimisit, et in

eádem córporis constitutió-
ne sex circiter horas, quóus-
que inde dimótus fuisset,
tota civitáte inspectánte, mi-
rabiliter permánsit, odórem
mire fragrántem diffúndens.
Quem ante et post óbitum
plúrimis miráculis clarum,
Alexánder octávus Póntifex
Máximus in Sanctórum nú-
merum rétulit : et Leo déci-
mus tértius, ex sacrórum ca-
thólici orbis antístitum voto
ac Rítuum Congregatiónis
consúlto, cæléstem ómnium
hospitálium et infirmórum
ubíque degéntium Patrónum
declarávit, ipsiúsque nomen
in agonizántium Litániis in-
vocári præcépit.

¶ Iste homo. 83*.

IN III. NOCTURNO

Léctio sancti Evangélíi se-
cúndum Matthæum.

Lectio vij. Cap. 22. d

IN illo témpore : Accessé-
runt ad Jesum pharisæi :
et interrogávit eum unus ex
eis legis doctor, tentans eum :
Magister, quod est mandá-
tum magnum in lege? Et
réliqua.

Homilia sancti Joánnis
Chrysóstomi.

Homil. 72. in Matth.

SADDUCÆIS confúsis, pha-
risæi rursus aggrediún-
tur : cumque quiéscere opor-
téret, decertáre voluérunt :
et legis perítiam profiténtem
præmittunt, non discere,
sed tentáre cupiéntes ; ac ita
intérrogat : Quodnam pri-
mum mandátum in lege sit?

Nam cum primum illud sit,
Diliges Dñm Deum tuum :
putántes cáusas sibi allatú-
rum ad mandátum hoc cor-
rigéndum, áliquíd addéndo,
quóniam Deum se faciébat,
hoc modo intérrogat. Quid
igitur Christus? Ut osténdat
idcirco ad hæc eos devenís-
se, quia nulla in eis esset
cáritas, sed invidiæ livóre
tabéscerent : Diliges, inquit,
Dóminum Deum tuum : hoc
primum et magnum man-
dátum est. Secúndum áutem
simile huic : Diliges próxi-
mum tuum sicut teípsum.

¶ Iste est qui ante Deum
magnas virtútes operátus est,
et de omni corde suo laudá-
vit Dóminum : * Ipse inter-
cédat pro peccátis ómnium
populórum. ¶ Ecce homo
sine queréla, verus Dei cul-
tor, ábstinens se ab omni
ópere malo, et pérmanens
in innocéntia sua. Ipse.

Lectio viij.

QUAMÓBREM simile est
huic? quóniam hoc illud
indúcit, et ab illo rursus
munitur. Quicúmque enim
male agit, ódio habet lucem,
et non venit ad lucem. Et
rursus : Dixit insipiens in
corde suo, Non est Deus.
Deínde séquitur : Corrupti
sunt, et abominábiles facti
sunt in stúdiis suis. Et íte-
rum : Radix ómnium maló-
rum avarítia est : quam qui-
dam appeténtes, erravérunt
a fide. Et, Qui diligit me,
mandáta mea servábit : quo-

rum caput et radix est : Diliges Dñum Deum tuum, et primum tuum sicut teipsum.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis.

V. Vigilate ergo, quia nescitis qua hora Dominus vester venturus sit. Et vos. Gloria Patri. Et vos.

In Quadrag. Lect. ix. de Homil. et Commem. Ferie in Laudibus.

Extra Quadrag., ix. Lect. erit sequens.

Lectio ix.

Si ergo diligere Deum, diligere proximum est (nam si diligis me, o Petre, inquit, pasce oves meas) : si etiam dilectio proximi facit ut mandata custodias : merito ait in his totam legem et prophetas pendere. Et quemadmodum in superioribus, cum de resurrectione interrogaretur, plus docuit quam tentantes petebant : sic in hoc loco de primo interrogatus mandato, secundum etiam non valde quam primum inferius, sponte attulit : secundum enim est primo simile. Ita occulte insinuavit, odio illos ad querendum incitari. Caritas enim, inquit, non emulatur.

Te Deum laudamus. 17.

Vesp. a Capit. de seq., cum Commem. præced., et Fer. in Quadrag.

DIE IX

STÆ FRANCISCÆ VIDUÆ ROMANÆ

Duplex.

Omnia de Comm. nec Virg. nec Mart. 113*, præter seq.

Oratio.

DEUS, qui beatam Franciscam famulam tuam, inter cætera gratiæ tuæ dona, familiari Angeli consuetudine decorasti : concede, quæsumus ; ut intercessionis ejus auxilio Angelorum consortium consequi mereamur. Per Dominum.

Deinde sit Commem. præced.

Ant. Hic vir despiciens mundum et terræna, triumphans, divitias cælo condidit ore, manu.

V. Justum deduxit Dominus per vias rectas. **R.** Et ostendit illi regnum Dei.

Orat. Deus, qui beatum Joannem. 547.

Postea Fer. in Quadrag.

IN I. NOCTURNO

Lect. de Script. occur.

In Quadrag. Mulierem. de eodem Comm. 1º loco. 114*.

IN II. NOCTURNO

Lectio iv.

FRANCISCA nobilis matrona Romana, ab ineunte ætate illustria dedit virtutum exempla : etenim pueriles ludos et illécebras mundi respuens, solitudine et oratione magnopere delectabatur. Undecim annos nata, virginitatem suam Deo consecrare, et monasterium in-

gredi propósuit : paréntum tamen voluntáti humíliter obtémperans, Laurentio de Pontiánis, júveni æque divitiac nobilí nupsit. In matrimónio arctiórís vitæ propósitum, quantum licuit, semper retínuit : a spectáculis, convíviis, aliisque hujúsmodi oblectaméntis abhórrens, lánea ac vulgári veste utens, et quidquid a domésticis curis supérerat témporis, oratióni aut proximórum utilitáti tribuens : in id vero máxima sollicitúdine incúm-bens, ut matrónas Románas a pompis sǽculi et ornátus vanitaté revocáret. Quaprópter domum Oblatárum, sub régula sancti Benedicti, congregatiónis Montis Olivéti, adhuc viro alligáta, in Urbe instituit. Viri exsili-um, bonórum jactúram, ac univérsæ domus mœrórém non modo constantíssime tolerávit : sed grátias agens cum beáto Job, illud frequénter usurpábat : Dóminus dedit, Dóminus ábstulit : sit nomen Dómini benedictum.

℞. Propter veritatém, et mansuetúdinem, et justítiam : * Et dedúcet te mirabiliter dextera tua. ✠. Spécie tua et pulchritúdine tua intén-de, prospere procéde, et regna. Et dedúcet.

Lectio v.

VIRO defúncto, ad prædictam Oblatárum domum cónvolans, nudis pédibus, fune ad collum alligáto, humi

prostráta, multis cum lácrymis eárum número adscribi suppliciter postulávit. Voti compos facta, licet esset ómnium mater, non álio tamen quam ancillæ, vilissimæque féminæ, et immunditiæ vásculi título gloria-bá-tur. Quam vilem sui existimatió-nem et verbo declarávit et exémplo : sǽpe enim e suburbána vinea revértens, et lignórum fascem próprio cápiti impósitum déferens, vel eisdem onústum agens per Urbem asél-lum, paupéribus subveniébát, in quos étiam largas eleemósynas erogábat : ægro-tantésque in xenodochiis visitans, non corporáli tantum cibo, sed salutáribus mónitis recreábat. Corpus suum vigiliis, jejúniis, cilicio, férreo cingulo, crebrisque flagéllis in servitútem redigere júgiter satagébat. Cibum illi semel in die herbæ et legúmina, aqua potum præbuit. Hos tamen corpóris cruciátus aliquándo confessárii mandáto, a cujus ore nutúque pendébat, mó-dice temperávit.

℞. Dilexisti justítiam, et odisti iniquitatém : * Proptérea unxit te Deus, Deus tuus, óleo lætitiæ. ✠. Propter veritatém, et mansuetúdinem, et justítiam. Proptérea.

Lectio vj.

DIVÍNA mystéria, præsertim vero Christi Dómini passió-nem, tanto mentis

ardóre, tantáque lacrymárum vi contemplabátur, ut præ dolóris magnitúdine pene cónfici viderétur. Sæpe étiam cum oráret, máxime sumpto sanctissimæ Eucharistiæ sacraménto, spíritu in Deum eleváta, ac cælestium contemplatióne rapta, immóbilis permanébat. Quaprópter humáni géneris hostis váriis eam contuméliis ac verbéribus a propósito dimovére conabátur : quem tamen illa impertérrita semper elúsit; Angeli præsértim præsidio, cujus familiári consuetúdine gloriósum de eo triúmphum reportávit. Grátia curationum et prophetiæ dono enítuit, quo et futúra prædixit, et córdium secréta penetrávit. Non semel aquæ, vel per rivum decurréntes, vel e cælo labéntes, intáctam prorsus, dum Deo vacáret, reliquérent. Mó dica panis fragmenta, quæ vix tribus soróribus reficiéndis fuissent satis, sic ejus précibus Dóminus multiplicávit, ut quíndecim inde exsaturátis, tantum superfúerit, ut canistrum impléverit : et aliquándoearúmdem sorórum, extra Urbem mense Januário ligna parántium, sitim recéntis uvæ racémis ex vite in árbore pendéntibus mirabiliter obténtis, abúnde expléverit. Dénique méritis et miráculis clara, migrávit ad Dóminum, anno ætátis suæ quinquagésimo sexto.

Quam Páulus quintus Póntifex Máximus in Sanctórum númerum rétulit.

ŕ. Fallax grátia. 116*.

IN III. NOCTURNO

Homil. in Evang. Simile est. de eodem Communi 1^o loco. 116*.

In Quadrag. Lect. ix. de Homil., et Commem. Fer. in Laud.

In II. Vesperis fit Commem. seq., postea Feriæ.

DIE X

SS. QUADRAGINTA MARTYRUM

Semiduplex.

Omnia de Comm. plur. Mart. 39*, præter seq.

Ant. Istórum est enim regnum cælorum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

Ŷ. Lætámini in Dómino, et exsultáte justi. ŕ. Et gloriámini omnes recti corde.

Oratio.

PRÆSTA, quæsumus omnipotens Deus : ut qui gloriósos Mártyres fortes in sua confessiône cognóvimus, pios apud te in nostra intercessiône sentiámus. Per.

IN I. NOCTURNO

Lect. de Script. occur.

In Quadrag. Fratres : Debitóres. de eodem Comm. 1^o loco. 42*.

IN II. NOCTURNO

Lectio iv.

LICÍNIO imperatóre, et Agricoláo præside, ad

Sebásten Arméniae urbem, quadraginta militum fides in Jesum Christum, et fortitúdo in cruciátibus perferendis enítuit. Qui sápius in horribilem cárcerem detrúsi, vinctisque constricti, cum ora ipsórum lapidibus contúsa fuissent, hiemis témpore frigidissimo, nudi sub apérto áère supra stagnum rigens pernoctáre jussi sunt, ut frigore congeláti necaréntur. Una áutem erat ómnium orátio : Quadraginta in stádium ingressi sumus, quadraginta item Dómine coróna donémur, ne una quidem huic número desit. Est in honóre hic número, quem tu quadraginta diérum jejúnio decorásti, per quem divina lex ingressa est in orbem terrárum. Elías quadraginta diérum jejúnio Deum quærens, ejus visiónem consecútus est. Et hæc quidem illórum erat orátio.

℞. Sancti tui Dómine. 45*.

Lectio v.

CÆTERIS áutem custódibus somno déditis, solus vigilábat jánitor, qui et illos orántes, et luce circumfúsos, et quosdam e cælo descendentes Angelos tamquam a Rege missos, qui corónas triginta novem militibus distribúerent, intuens, ita secum loquebátur : Quadraginta hi sunt; quadragésimi coróna ubi est? Quæ dum cogitáret, unus ex illo número, cui ánimus ad frigus

feréndum defécerať, in próximum tepefáctum bálneum desiliens, sanctos illos summo dolóre affécit. Verum Deus illórum preces irritas esse non est passus : nam rei evéntum admirátus jánitor, mox custódibus e somno excitátis, detractisque sibi véstibus, ac se christiánum esse clara voce proféssus, Mátyribus se adjúnxit. Cum vero præsidis satéllites jánitórem quoque christiánum esse cognovissent, bacillis comminúta ómnium eórum crura fregérunt.

℞. Vërbera. 45*.

Lectio vj.

IN eo supplicio mórtui sunt omnes, præter Melithónem natu mínimum. Quem cum præsens mater ejus, fractis crúribus, adhuc vivéntem vidisset, sic cohortáta est : Fili, paulisper sustine; ecce Christus ad jánuam stat ádjuvans te. Cum vero reliquórum córpora pláustris impóni cérneret, ut in rogum inferréntur, ac filium suum relinqui, quod speráret ímpia turba púerum, si vixisset, ad idolórum cultum revocári posse; ipso in húmeros subláto, sancta mater vehícula Mátyrum corpóribus onústa strénue prosequébátur : in cujus ampléxu Mélithon spíritum Deo reddidit, ejúsque corpus in eúndem illum cæterórum Mátyrum rogum pia mater injécit : ut qui fide et vir-

túte conjunctissimi fúerant, fúneris étiam societáte copuláti, una in cælum pervenirent. Combústis illis, eórum reliquiæ projectæ in profluéntem, cum mirabiliter in unum confluxissent locum, salvæ et integræ repértæ, honorífico sepúlcro cónditæ sunt. **R.** Tamquam. 46*.

IN III. NOCTURNO

Homil. in Evang. Descendens. **de Comm. 2º loco.** 53*.

Lect. ix. de Homil. et Commem. Fer. in Laud.

DIE XII

SANCTI GREGORII I.

PAPE, CONF. ET ECCL. DOCT.

Duplex.

Omnia de Comm. Conf. Pont. 55*, præter seq.

Ad Magnif. in utrisque Vesp. Ant. O Doctor óptime, Ecclésiæ sanctæ lumen, beáte Gregóri, divínæ legis amátor, deprecáre pro nobis Filium Dei.

Oratio.

DEUS, qui ánimæ fámuli tui Gregórii ætérnæ beatitúdinis præmia contulisti : concéde propítius ; ut qui peccatórum nostrórum pón-dere prémimur, ejus apud te précibus sublevémur. Per.

Et fit Commem. Fer.

IN I. NOCTURNO

Lect. Sapiéntiam. de Comuni Doct. 1º loco. 71*.

IN II. NOCTURNO

Lectio iv.

GREGÓRIUS Magnus, Romá-nus, Gordiáni senatóris

filius, adoléscent philosophiæ óperam dedit ; et præ-tório officio functus, patre mórtuo, sex monastéria in Sicília ædificávit, Romæ séptimum sancti Andréæ nó-mine in suis ædibus, prope basilicam sanctórum Joánnis et Páuli, ad clivum Scáuri, ubi Hilarióne ac Maximiano magístris, mónachi vitam professus, póstea abbas fuit. Mox diáconus cardinális creátus, Constantinópolis ad Pelágio Pontífice ad Tibérium Constantinum imperatórem legátus mittitur : apud quem memorábile étiam illud effécit, quod Eutýchium patriárcham, qui scripserat contra veram ac tractábilem córporum resurrectionem, ita convicit, ut ejus librum imperátor in ignem injiceret. Quare Eutýchius páulo post cum in morbum incidisset, instánte morte, pellem manus suæ tenébat, multis præ-séntibus, dicens : Confiteor quia omnes in hac carne resurgémus.

R. Invéni David. 61*.

Lectio v.

ROMAM rédiens, Pelágio pestiléntia sublato, summo ómnium consénsu Póntifex eligitur : quem honórem ne accíperet, quándiu pótuit, recusávit. Nam aliéno vestitu in spelúnca delítuit : ubi deprehénsus indicio igneæ colúmnæ, ad sanctum Petrum consecrátur. In pontificátu multa successóribus

doctrinæ ac sanctitatis exemplum reliquit. Peregrinos quotidie ad mensam adhibebat : in quibus et Angelum, et Dominum Angelorum peregrini facie accepit. Páuperes et urbános et extérnos, quorum númerum descriptum habebat, benigne sustentabat. Cathólicam fidem multis locis labefactatam restituit. Nam Donatistas in Africa, Ariános in Hispánia repræsentavit : Agnoitas Alexandria ejecit. Pállium Syágrio Augustodunénsi episcopo dare noluit, nisi neóphytos hæreticos expelleret ex Gállia. Gothos hæresim ariánam relinquere coegit. Missis in Británniam doctis et sanctis viris Augustíno et áliis mónachis, insulam ad Jesu Christi fidem convertit, vere a Beda presbýtero Angliæ vocátus Apóstolus. Joánnis patriárchæ Constantinopolitáni audáciam fregit, qui sibi universális Ecclésiæ episcopi nomen arrogabat. Maurítium imperátorem, eos qui milites fuissent, mónachos fieri prohibentem, a sententia deterruit.

℞. Pósuí adjutórium. 61*.

Lectio vj.

ECCLESIAM ornávit sanctissimis institútis et légibus. Apud sanctum Petrum coácta sýnodo, multa constituit : in iis, Ut in Missa Kýrie eléison nóvies repetératur : ut extra id tempus, quod continétur Septuagés-

sima et Pascha, Allelúia dicératur : ut adderétur in Cápone, Diésque nostros in tua pace dispónas. Litanías, Statiónes, et ecclesiásticum officium áuxit. Quátuor conciliis, Nicæno, Constantino-politano, Ephesino, Chalcedonénsi, tamquam quátuor Evangéliis honórem habéri voluit. Episcopis Siciliæ, qui ex antiqua ecclesiárum consuetúdi- ne Romam singulis trién- nis conveniébant, quinto quoque anno semel venire indúlsit. Multos libros confécit : quos cum dictáret, testátus est Petrus diáconus, se Spíritum sanctum colúm- bæ spécie in ejus cápite sæpe vidisse. Admirabilia sunt quæ dixit, fecit, scripsit, decrevit, præsertim infirma semper et ægra valetúdi- ne. Qui dénique multis éditis miraculis, pontificátus anno décimo tértio, mense sexto, die décimo, quarto Idus Mártii, qui dies festus a Græcis étiam propter insignem hujus Pontíficis sapiéntiam ac sanctitátem præcípua honóre celebrátur, ad cæléstem beatitúdinem evocátus est. Cujus corpus sepúltum est in basilica sancti Petri, prope Secretárium.

℞. Iste est qui. 62*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 5. b

IN illo témpore : Dixit Jesus discipulis suis : Vos estis

sal terræ. Quod si sal evanuerit, in quo saliétur? Et reliqua.

Homília sancti Gregórii
Papæ.

Homil. 17. in Lucæ 10.
ante medium.

CONSIDERÁNDUM nobis est, ut qui una eadémque exhortatiónis voce non sùfficit simul cunctos admonère, stúdeat singulos, in quantum valet, instrúere, privátis locutióibus ædificáre. Debémus namque pensáre continuo, quod sanctis Apóstolis dicitur, et per Apóstolos nobis : Vos estis sal terræ. Si ergo sal sumus, condire mentes fidélium debémus. Vos igitur qui pastóres estis, pensáte quia Dei animália páscitis : de quibus profecto animálibus Deo per Psalmistam dicitur : Animália tua habitábunt in ea. ¶ Et sæpe vidémus quod petra salis brutis animálibus antepónitur, ut ex eádem salis petra lámberre débeant, et meliorári. Quasi ergo inter bruta animália petra salis, debet esse sacerdos in pópulis. Curáre namque sacerdotem necesse est, quæ singulis dicat, unumquémque quáliter admóneat : ut quisquis sacerdoti júngitur, quasi ex salis tactu æternæ vitæ sapóre condiátur.


¶ Amávit eum. 73*.

Lectio viij.

SAL etenim terræ non sumus, si corda audiéntium non condimus : quod profecto condiméntum ille veraciter próximo impéndit, qui prædicatiónis verbum non súbtrahit. Sed tunc vere áliis recta prædicámus, si dictarebus et exémplis osténdimus. ¶ Nullum puto, fratres caríssimi, ab áliis majus præjudiciúm, quam a sacerdotíbus tólerat Deus : quando eos, quos ad aliórum correctiόnem pósuit, dare de se exémpia pravitatís cernit : quando ipsi peccámus, qui compéscere peccáta debúimus : nulla animárum lucra quærimus, ad nostra quotidie stúdia vacámus, terréna concupíscimus, humánam glóriam inténta mente captámus. Et quia eo ipso quo cæteris præláti sumus, ad agénda quælibet majórem licéntiam habémus, susceptæ benedictiόnis ministérium vértimus ad ambi-tiόnis arguméntum : Dei cáusam relínquimus, ad terréna negótia vacámus : locum sanctitatís accípimus, et terrénis áctibus implicámur.

¶ In médio Ecclésiæ apéruit. 73*.

Lectio ix. de Homil., et Commem. Feriæ in Laudibus.



COMMUNE SANCTORUM

IN VIGILIIS APOSTOLORUM

Officium fit de Feria, exceptis Lectionibus et Orationibus, quæ in propriis locis notantur.

Ubi vero non sunt propriæ Lectiones, legitur Evangelium cum Homilia sequenti.

Lectio sancti Evangelii secundum Joannem.

Lectio j. Cap. 15. b

IN illo tempore : Dixit Jesus discipulis suis : Hoc est præceptum meum, ut diligatis invicem, sicut dilexi vos. Et reliqua.

Homilia sancti Gregorii Papæ.

Homil. 27. in Evang.

UM cuncta sacra elóquia Dominicis plena sint præceptis, quid est quod de dilectione, quasi de singulári mandato, Dóminus dicit : Hoc est præceptum meum, ut diligatis invicem : nisi quia omne mandatum de sola dilectione est : et ómnia unum præ-

ceptum sunt? quia quidquid præcipitur, in sola caritate solidatur. Ut enim multi arboris rami ex una radice pródeunt : sic multæ virtutes ex una caritate generantur. Nec habet áliquíd viriditátis ramus boni óperis, si non manet in radice caritátis.

¶ de Feria pro tempore.

Lectio ij.

PRÆCÉPTA ergo Dominica et multa sunt, et unum : multa per diversitatem óperis, unum in radice dilectionis. Quáliter áutem ista dilectio tenenda sit, ipse insinuat, qui in plerisque Scripturæ suæ sententiis, et amicos jubet diligere in se, et inimicos propter se. Ille enim veraciter caritatem habet, qui et amicum diligit in Deo, et inimicum diligit propter Deum. Nam sunt nonnulli, qui diligunt próximos, sed per affectum cognationis et carnis : quibus tamen in hac dilectione sacra

elóquia non contradicunt : sed áliud est quod sponte impénditur natúræ, áliud quod præcéptis Dominicis ex caritatē debétur obediētiæ.

Lectio iij.

Hi nimirum et próximum diligunt, et tamen illa sublimia dilectionis præmia non assequuntur : quia amorem suum non spiritaliter, sed carnaliter impendunt. Proinde cum Dóminus dice-

ret : Hoc est præcéptum meum, ut diligátis invicem : prótinus áddidit : Sicut diléxi vos ; ac si apérte dicat : Ad hoc amáte, ad quod amávi vos. Qua in re, fratres caríssimi, solérter intuendum est, quod antiquus hostis, dum mentem nostram ad rerum temporalium dilectionem trahit, infirmiórem contra nos próximum excitat, qui ea ipsa, quæ diligimus, auferre moliatur.

COMMUNE APOSTOLORUM ET EVANGELISTARUM

IN I. VESPERIS

Ant. Hoc est præcéptum meum, * ut diligátis invicem, sicut diléxi vos.

Psalmus 109.

DIXIT Dóminus Dómino meo : Sede a dextris meis :

Donec ponam inimicos tuos, * scabellum pedum tuorum.

Virgam virtutis tuæ emittet Dóminus ex Sion : * dominare in medio inimicorum tuorum.

Tecum principium in die virtutis tuæ in splendoribus sanctorum : * ex útero ante luciferum genui te.

Juravit Dóminus, et non pœnitēbit eum : * Tu es sacerdos in ætérnum secundum ordinem Melchisedech.

Dóminus a dextris tuis, * confrēgit in die iræ suæ reges.

Judicabit in nationibus,

implēbit ruinas : * conquasabit capita in terra multorum.

De torrēnte in via bibet : * propterea exaltabit caput.

Ant. Hoc est præcéptum meum, ut diligátis invicem, sicut diléxi vos.

Ant. Majorem caritatem * nemo habet, ut animam suam ponat quis pro amicis suis.

Psalmus 110.

CONFITEBOR tibi Dómine in toto corde meo : * in consilio justorum, et congregatione.

Magna ópera Dómini : * exquisita in omnes voluntates ejus.

Confessio et magnificētia opus ejus : * et justitia ejus manet in sæculum sæculi.

Memóriam fecit mirabilium suorum, miséricors et miserátor Dóminus : * escam dedit timéntibus se.

Memor erit in sæculum testamenti sui : * virtutem operum suorum annuntiabit populo suo :

Ut det illis hereditatem gentium : * opera manuum ejus veritas, et judicium.

Fidelia omnia mandata ejus : confirmata in sæculum sæculi, * facta in veritate et æquitate.

Redemptionem misit populo suo : * mandavit in æternum testamentum suum.

Sanctum, et terribile nomen ejus : * initium sapientiae timor Domini.

Intellectus bonus omnibus facientibus eum : * laudatio ejus manet in sæculum sæculi.

Ant. Majorem caritatem nemo habet, ut animam suam ponat quis pro amicis suis.

Ant. Vos amici mei estis, * si feceritis quæ præcipio vobis, dicit Dominus.

Psalmus 111.

BEATUS vir, qui timet Dominum : * in mandatis ejus volet nimis.

Potens in terra erit semen ejus : * generatio rectorum benedicetur.

Glória, et divitiæ in domo ejus : * et justitia ejus manet in sæculum sæculi.

Exortum est in tenebris lumen rectis : * misericors, et miserator, et justus.

Jucundus homo qui miseretur et commodat, disponet sermones suos in judicio : *

quia in æternum non commovebitur.

In memoria æterna erit justus : * ab auditione mala non timebit.

Paratum cor ejus sperare in Domino, confirmatum est cor ejus : * non commovebitur donec despiciat inimicos suos.

Dispersit, dedit pauperibus : justitia ejus manet in sæculum sæculi, * cornu ejus exaltabitur in gloria.

Peccator videbit, et irascetur, dentibus suis fremet et tabescet : * desiderium peccatorum peribit.

Ant. Vos amici mei estis, si feceritis quæ præcipio vobis, dicit Dominus.

Ant. Beati pacifici, * beati mundo corde : quoniam ipsi Deum videbunt.

Psalmus 112.

LAUDATE pueri Dominum : * laudate nomen Domini. Sit nomen Domini benedictum, * ex hoc nunc, et usque in sæculum.

A solis ortu usque ad occasum, * laudabile nomen Domini.

Excelsus super omnes gentes Dominus, * et super cælos gloria ejus.

Quis sicut Dominus Deus noster, qui in altis habitat, * et humilia respicit in cælo et in terra?

Suscitans a terra inopem, * et de stercore erigens pauperem :

Ut collocet eum cum prin-

cipibus, * cum principibus
pópuli sui.

Qui habitare facit stérilem
in domo, * matrem filiórum
lætántem.

Ant. Beáti pacífici, beáti
mundo corde : quóniam
ipsi Deum vidébunt.

Ant. In patiéntia vestra *
possidébitis ánimas vestras.

Psalmus 116.

LAUDÁTE Dóminum omnes
gentes : * laudáte eum
omnes pópli :

Quóniam confirmáta est
supernos misericórdia ejus : *
et véritas Dómini manet in
aetérnum.

Ant. In patiéntia vestra
possidébitis ánimas vestras.

Capitulum. Ephes. 2. d

FRATRES : Jam non estis
hóspites, et ádvenæ :
sed estis cives sanctórum,
et doméstici Dei : superædi-
ficáti super fundaméntum
Apostolórum, et Prophetá-
rum, ipso summo angulári
lápide Christo Jesu.

R. Deo grátias.

Hymnus.

EXSÚLTET orbis gáudiis :
Cælum resúltet láudibus :
Apostolórum glóriam
Tellus et astra cóncinunt.

Vos sæculórum júdices,
Et vera mundi lúmina :
Votis precámur córdium,
Audíte voces súpplicum.

Qui templa cæli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum próli-
nus

Languor salúsque séntiunt :
Sanáte mentes lánguidas ;
Augéte nos virtútibus.

Ut, cum redibit árbitèr
In fine Christus sæculi,
Nos sempitérni gáudii
Concédat esse cómpotes.

Patri, simúlque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

V. In omnem terram exívit
sonus eórum. **R.** Et in fines
orbis terræ verba eórum.

Ad Magnif. Ant. Tradent
enim vos * in conciliis, et in
synagógis suis flagellábunt
vos, et ante reges et præsides
ducémini propter me in te-
stimónium illis, et géntibus.

Oratio propria.

AD MATUTINUM

Invit. Regem Apostolórum
Dóminum, * Veníte, adoré-
mus.

Ps. Veníte, exsultémus. 2.

Hymnus.

ÆTÉRNA Christi múnera,
Apostolórum glóriam,
Palmas et hymnos débítos
Lætis canámus méntibus.

Ecclesiárum Príncipes,
Belli triumpháles duces,
Cæléstis aulæ milites,
Et vera mundi lúmina.

Devóta sanctórum fides,
Invícta spes credéntium,
Perfécta Christi cáritas
Mundi tyránnum cónterit.

In his Patérna glória,
In his triúmphant Filius,

In his volúntas Spíritus,
Cælum replétur gáudio.

Patri, simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

IN I. NOCTURNO

Ant. In omnem terram *
exívit sonus eórum, et in
fines orbis terræ verba eó-
rum.

Psalmus 18.

CÆLI enarrant glóriam Dei,*
et ópera mánuum ejus
annúntiat firmaméntum.

Dies diéi erúctat verbum,*
et nox nocti índicat scién-
tiam.

Non sunt loquélæ, neque
sermónes, * quorum non
audiántur voces eórum.

In omnem terram exívit
sonus eórum : * et in fines
orbis terræ verba eórum.

In sole pósuit tabernácu-
lum suum : * et ipse tam-
quam sponsus procédens de
thálamo suo :

Exsultávit ut gigas ad cur-
réndam viam, * a summo
cælo egréssio ejus :

Et occúrsus ejus usque ad
summum ejus : * nec est qui
se abscondat a calóre ejus.

Lex Dómini immaculáta
convértens ánimas : * testi-
mónium Dómini fidéle, sa-
piéntiam præstans párvulis.

Justitiæ Dómini rectæ,
lætificántes corda : * præcé-
ptum Dómini lúcidum; illú-
minans óculos.

Timor Dómini sanctus,

pérmanens in sæculum sæ-
culi : * judícia Dómini vera,
justificáta in semetipsa.

Desiderabilia super áurum
et lápidem pretiósus mul-
tum : * et dulcióra super mel
et favum.

Etenim servus tuus custó-
dit ea ; * in custodiéndis illis
retribútio multa.

Delicta quis intélligit? ab
occúltis meis munda me : *
et ab aliénis parce servo
tuo.

Si mei non fúerint domi-
náti, tunc immaculátus ero : *
et emundábor a delicto má-
ximo.

Et erunt ut compláceant
elóquia oris mei : * et medi-
tatio cordis mei in conspé-
ctu tuo semper.

Dómine adjútor meus, *
et redémptor meus.

Ant. In omnem terram exi-
vit sonus eórum, et in fines
orbis terræ verba eórum.

Ant. Clamavérunt justí, *
et Dóminus exaudivit eos.

Psalmus 33.

BENEDÍCAM Dóminum in
omni témpore : * semper
laus ejus in ore meo.

In Dómino laudábitur áni-
ma mea : * áudiant mansué-
ti, et læténtur.

Magnificáte Dóminum me-
cum : * et exaltémus nomen
ejus in idipsum.

Exquisívi Dóminum, et
exaudivit me : * et ex ómni-
bus tribulatióibus meis eri-
puit me.

Accédite ad eum, et illu-

minámini : * et fácies vestræ non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Veníte filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in precibus eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justó-

rum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Clamavérunt justí, et Dóminus exaudivit eos.

Ant. Constitues * eos príncipes super omnem terram : memores erunt nóminis tui Dómine.

Psalmus 44.

ERUCTÁVIT cor meum verbum bonum : * dico ego ópera mea regi.

Lingua mea cálamus scribæ, * velócitèr scribéntis.

Speciósus forma præ filiis hóminum, diffúsa est grátia in lábiis tuis : * proptérea benedixit te Deus in ætérnum.

Accíngere gládio tuo super femur tuum, * potentissime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justitiam : * et dedúcet te mirabiliter dextera tua.

Sagittæ tuæ acútæ, pópuli sub te cadent, * in corda inimicórum regis.

Sedes tua Deus in sæculum sæculi : * virga directiúnis virga regni tui.

Dilexisti justitiam, et odisti iniquitatem : * propterea unxit te Deus Deus tuus oleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regina a dextris tuis in vestitu deauráto : * circúmdata varietáte.

Audi filia, et vide, et inclína áurem tuam : * et obliviscere pópulum tuum, et domum patris tui.

Et concupiscet rex decorem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ regis ab intus, * in fimbriis áureis circumamícta varietátibus.

Adducéntur regi vírgines post eam : * próximæ ejus afferéntur tibi.

Afferéntur in lætítia et exsultatióne : * adducéntur in templum regis.

Pro pátribus tuis nati sunt tibi filii : * constitues eos principes super omnem terram.

Mémoires erunt nóminis tui : * in omni generatióne et generatióne.

Propterea pópuli confitebúntur tibi in ætérnum : * et in sæculum sæculi.

Ant. Constitues eos principes super omnem terram : mémoires erunt nóminis tui Dómine.

Ÿ. In omnem terram exivit sonus eórum. **R.** Et in fines orbis terræ verba eórum.

Pater noster.

Absolutio. Exáudi Dómine. **Ÿ.** Jube domne.

Bened. Benedictiône perpétua.

Lect. de Script. positæ in Communi Sanctorum leguntur, quando annotantur in Proprio Sanctorum per annum, et quando contingit fieri Offic. de aliquo Sancto illis diebus, in quibus in Offic. Feriæ non ponuntur Lect. de Script., sed tantum de Homilia, et quando aliquod Festum solemniter celebratur in propria ecclesia.

De Epístola prima beáti Páuli Apóstoli ad Corinthios.

Lectio j. Cap. 4.

Sic nos existimet homo ut ministros Christi : et dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi áutem pro mínimo est ut a vobis júdicar, aut ab humano die : sed neque meípsum júdico. Nihil enim mihi cóncius sum : sed non in hoc justificátus sum : qui áutem júdicat me, Dóminus est. Itaque nolite ante tempus júdicáre, quoadúsque véniat Dóminus : qui

et illuminábit abscondita tenebrárum, et manifestábit consília córdium; et tunc laus erit unicuique a Deo.

R. Ecce ego mitto vos sicut oves in médio lupórum, dicit Dóminus : * Estóte ergo prudentes sicut serpéntes, et simplices sicut colúmbæ. **V.** Dum lucem habétis, créдите in lucem, ut filii lucis sitis. Estóte ergo.

Bened. Unigénitus Dei Filius.

Lectio ij.

IÆC áutem, fratres, transfigurávi in me et Apóllo, propter vos : ut in nobis discátis, ne supra quam scriptum est, unus advérsus álterum inflétur pro álio. Quis enim te discérnit? Quid áutem habes, quod non accepisti? Si áutem accepisti, quid gloriáris quasi non acceperis? Jam saturáti estis, jam dívites facti estis : sine nobis regnátis : et útinam regnétis, ut et nos vobiscum regnémus. Puto enim quod Deus nos Apóstolos novissimos osténdit, tamquam morti destinátos : quia spectáculum facti sumus mundo, et Angelis, et homínibus.

R. Tóllite jugum meum super vos, dicit Dóminus, et discite a me, quia mitis sum et húmilis corde : * Jugum enim meum suáve est, et onus meum leve. **V.** Et inveniéti réquiem animábus vestris. Jugum.

Bened. Spiritus sancti.

Lectio iij.

Nos stulti propter Christum, vos áutem prudentes in Christo : nos infirmi, vos áutem fortes : vos nóbiles, nos áutem ignóbiles. Usque in hanc horam et esurimus, et sitimus, et nudi sumus, et colaphis cædimur, et instábiles sumus, et laborámus operántes má nibus nostris : maledícimur, et benedicimus : persecutió nem pátimur, et sustinémus : blasphemámur, et obsecrámus : tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos carísimos móneo. Nam si decem millia pædagogórum habeátis in Christo : sed non multos patres. Nam in Christo Jesu per Evangélium ego vos génui.

R. Dum stetéritis ante reges et præsides, nolite cogitare quómodo aut quid loquámini : * Dábitur enim vobis in illa hora, quid loquámini. **V.** Non enim vos estis qui loquámini : sed Spíritus Patris vestri, qui lóquitur in vobis. Dábitur. Glória Patri. Dábitur.

IN II. NOCTURNO

Ant. Principes populórum * congregáti sunt cum Deo Abraham.

Psalmus 16.

OMNES gentes pláudite má nibus : * jubilate Deo in voce exsultatiónis.

Quóniam Dóminus excélsus, terribilis : * rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite regi nostro, psállite.

Quóniam rex omnis terræ Deus : * psállite sapiénter.

Regnábit Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ, veheménter eleváti sunt.

Ant. Príncipes populórum congregáti sunt cum Deo Abraham.

Ant. Dedisti hereditátem * timéntibus nomen tuum Dómine.

Psalmus 60.

EXÁUDI Deus deprecatió-nem meam : * inténde oratióni meæ.

A finibus terræ ad te clamávi : * dum anxiarétur cor meum, in petra exaltásti me.

Deduxísti me, quia factus es spes mea : * turris fortitudinis a fácie inimici.

Inhabitábo in tabernáculo tuo in sácula : * prótegar in velaménto alárum tuárum.

Quóniam tu Deus meus ex-

audísti oratió-nem meam : * dedísti hereditátem timéntibus nomen tuum.

Dies super dies regis adjicies : * annos ejus usque in diem generatió-nis et generatió-nis.

Pérmanet in ætérnum in conspéctu Dei : * misericórdiam et veritátem ejus quis requireret?

Sic psalmum dicam nómini tuo in sáculum sáculi : * ut reddam vota mea de die in diem.

Ant. Dedisti hereditátem timéntibus nomen tuum Dómine.

Ant. Annuntiavérunt * ópera Dei, et facta ejus intellexérunt.

Psalmus 63.

EXÁUDI Deus oratió-nem meam cum deprecor : * a timóre inimici éripe ánimam meam.

Protexisti me a convéntu malignántium : * a multitudine operántium iniquitátem.

Quia exacuérunt ut gládium linguas suas : * intenderunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitátes : * defecerunt scrutántes scrutinio.

Accédet homo ad cor altum : * et exaltábitur Deus.

Sagittæ parvulorum factæ sunt plagæ eorum : * et infirmatæ sunt contra eos linguæ eorum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera Dei : * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ant. Annuntiavérunt ópera Dei : et facta ejus intellexérunt.

V. Constitues eos principes super omnem terram. **R.** Mémoires erunt nóminis tui Dómine.

Pater noster.

Absolutio. Ipsius pietas.

V. Jube domne.

Bened. Deus Pater omnipotens.

Sermo sancti Gregórii Papæ.

Homil. 30. in Evang., post medium.

Lectio iv.

SCRIPtum est : Spíritus Dómini ornávit cælos. Ornamenta enim cælorum sunt virtutes prædicantium. Quæ videlicet ornamenta Páulus enúmerat, dicens : Alii datur per Spíritum sermo sapiéntiæ, alii sermo sciéntiæ secúndum eúndem Spíritum; álteri fides in eódem Spíritu, alii grátia sanitátum in uno Spíritu, alii

operátio virtútum, alii prophetia, alii discrétio spirituum, alii génera linguarum, alii interpretatio sermonum. Hæc autem omnia operátur unus atque idem Spíritus, dividens singulis prout vult.

R. Vidi conjunctos viros, habentes splendidas vestes, et Angelus Dómini locútus est ad me, dicens : * Isti sunt viri sancti facti amici Dei.

V. Vidi Angelum Dei fortem, volántem per médium cælum, voce magna clamántem et dicéntem. Isti.

Bened. Christus perpétuæ.

Lectio v.

QUOT ergo sunt bona prædicantium, tot sunt ornamenta cælorum. Hinc rursus scriptum est : Verbo Dómini cæli firmati sunt. Verbum enim Dómini Filius est Patris. Sed eódem cælos, videlicet sanctos Apóstolos, ut tota simul sancta Trinitas ostendátur operata, repente de sancti Spíritus divinitate adjúngitur : Et spíritu oris ejus omnis virtus eorum. Cælorum ergo virtus de Spíritu sumpta est : quia mundi hujus potestátibus contraire non præsumerent, nisi eos sancti Spíritus fortitúdo solidasset. Quales namque doctóres sanctæ Ecclésiæ ante advéntum hujus Spíritus fuerint, scimus : et post advéntum illius, cujus fortitúdinis facti sint, conspícimus.

R. Beáti estis, cum male-

dixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósá est in cælis. *v.* Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte et exsultáte.

Bened. Ignem sui amóris.

Lectio vj.

*C*ERTE iste ipse pastor Ecclésiæ, ad cujus sacratíssimum corpus sedémus, quantæ debilitátis, quantæque formídinis ante advéntum Spíritus fúerit, ancilla ostiária requisita dicat. Una enim mulieris voce percúsus, dum mori tímuit, vitam negávit. Et pensándum, quia eum comprehénsus Petrus negávit in terra, quem suspénsus latro conféssus est in cruce. Sed vir iste tantæ formídinis, qualis post advéntum Spíritus exsistat, audiámus. Fit convéntus magistrátus atque seniórum, cæsis denuntiátur Apóstolis, ne in nómine Jesu loqui débent : Petrus magna auctoritáte respóndet : Obedire opórtet Deo magis quam hominibus.

R. Isti sunt triumphatóres et amici Dei, qui contemnéntes jussa principum, meruérunt præmia æterna : * Modo coronántur, et acci-

piunt palmam. *v.* Isti sunt qui venérunt ex magna tribulatióne, et lavérunt stolas suas in ságuine Agni. Modo. Glória Patri. Modo.

IN III. NOCTURNO

Ant. Exaltabúntur * córnua justí, allelúia.

Psalmus 71.

*C*ONFITÉBIMUR tibi Deus : * confitébimur, et invocábimus nomen tuum.

Narrábimus mirabilia tua : * cum accépero tempus, ego justitias judicábo.

Liquefácta est terra, et omnes qui hábitant in ea : * ego confirmávi colúmnas ejus.

Dixi iniquis : Nolite inique ágere : * et delinquéntibus : Nolite exaltáre cornu :

Nolite extóllere in altum cornu vestrum : * nolite loqui advérsus Deum iniquitátem.

Quia neque ab Oriénte, neque ab Occidénte, neque a désertis móntibus : * quóniam Deus judex est.

Hunc humiliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinaníta : * bibent omnes peccatóres terræ.

Ego áutem annuntiábo in sæculum : * cantábo Deo Jacob.

Et ómnia córnua peccatórum confríngam : * et exaltabúntur córnua justí.

Ant. Exaltabúntur córnua
justi, allelúia.

Ant. Lux orta est * justo,
allelúia, rectis corde lætítia,
allelúia.

Psalmus 96.

DÓMINUS regnávít, exsúltet
terra : * læténtur insulæ
multæ.

Nubes, et caligo in cir-
cúitu ejus : * justítia, et judi-
cium corréctio sedis ejus.

Ignis ante ipsum præcé-
det, * et inflammábit in cir-
cúitu inimicos ejus.

Illuxérunt fúlgora ejus
orbi terræ : * vidit, et com-
móta est terra.

Montes, sicut cera fluxé-
runt a fácie Dómini : * a fá-
cie Dómini omnis terra.

Annuntiavérunt cæli justí-
tiam ejus : * et vidérunt
omnes pópuli glóriam ejus.

Confundántur omnes, qui
adórant sculptília : * et qui
gloriántur in simulácris suis.

Adoráte eum omnes An-
geli ejus : * audívit, et lætáta
est Sion.

Et exsultavérunt filiæ Ju-
dæ, * propter judicia tua
Dómine :

Quóniam tu Dóminus Al-
tíssimus super omnem ter-
ram : * nimis exaltátus es
super omnes deos.

Qui diligitis Dóminum,
odite malum : * custódit
Dóminus ánimas sanctórum
suórum, de manu peccató-
ris liberábit eos.

Lux orta est justo, * et
rectis corde lætítia.

Lætámini justí in Dómi-
no : * et confitémini memó-
riæ sanctificatiónis ejus.

Ant. Lux orta est justo,
allelúia, rectis corde lætítia,
allelúia.

Ant. Custodiébant * testi-
mónia ejus, et præcépta ejus,
allelúia.

Psalmus 98.

DÓMINUS regnávít, irascán-
tur pópuli : * qui sedet
super Chérubim, moveátur
terra.

Dóminus in Sion magnus : *
et excélsus super omnes pó-
pulos.

Confiteántur nómini tuo
magno : quóniam terribile,
et sanctum est : * et honor
regis judícium diligit.

Tu parásti directiões : *
judícium et justítiam in Ja-
cob tu fecisti.

Exaltáte Dóminum Deum
nostrum, et adoráte scabél-
lum pedum ejus : * quóniam
sanctum est.

Móyses et Aaron in sacer-
dótibus ejus : * et Sámuël
inter eos, qui invocant no-
men ejus :

Invocabant Dóminum, et
ipse exaudiébat eos : * in
columna nubis loquebátur
ad eos.

Custodiébant testimónia
ejus, * et præcéptum quod
dedit illis.

Dómine Deus noster tu
exaudiébas eos : * Deus tu
propítius fuisti eis, et ulcí-
scens in omnes adinventiões
eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Custodiébant testimónia ejus, et præcépta ejus, allelúia.

Ÿ. Nimis honoráti sunt amici tui Deus. **Ŕ.** Nimis confortátus est principátus eórum.

Pater noster.

Absolutio. A vinculis.

Ÿ. Jube domne.

Bened. Evangélica léctio. Léctio sancti Evangélii secúndum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilia sancti Hierónymi Presbýteri.

Lib. 3. in Matth. cap. 19.

GRANDIS fidúcia! Petrus piscátor erat, dives non fúerat, cibos manu et arte quærébat : et tamen lóquitur confidénter : Relíquimus ómnia. Et quia non súfficit tantum relinquere, jungit quod perféctum est : Et secúti sumus te. Fécimus quod jussisti : quid igitur nobis dabis præmii? Jesus áutem dixit illis : Amen dico vobis, quod vos qui secúti estis me, in regeneratióne, cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus

Israël. Non dixit : Qui reliquistis ómnia; hoc enim et Crates fecit philósophus, et multi álii divítias contempsérunt : sed, Qui secúti estis me : quod próprie Apostólorum est atque credéntium.

Ŕ. Isti sunt qui vivéntes in carne, plantavérunt Ecclesiám ságuine suo : * Cálicem Dómini bibérunt, et amici Dei facti sunt. **Ÿ.** In omnem terram exívit sonus eórum, et in fines orbis terræ verba eórum. Cálicem.

Bened. Cujus, **vel** Quorum festum cólimus.

Lectio viij.

IN regeneratióne, cum séderit Filius hóminis in sede majestátis suæ (quando et mórtui de corruptiόne resúrgent incorrupti), sedébitis et vos in sóliis judicántium, condemnántes duódecim tribus Israël : quia vobis credéntibus, illi crédere noluérunt. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, cén-tuplum accipiet, et vitam ætérnam possidébit. Locus iste cum illa senténtia congruit, in qua Salvátor lóquitur : Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru : et inimici hóminis doméstici ejus. Qui ergo propter fidem Chri-

sti, et prædicationem Evangelii, omnes affectus contempserint, atque divitias et sæculi voluptates : isti centuplum recipient, et vitam æternam possidebunt.

R. Isti sunt viri sancti, quos elegit Dominus in caritate non ficta, et dedit illis gloriam sempiternam : * Quorum doctrina fulget Ecclesia, ut sole luna. **V.** Sancti per fidem vicerunt regna : operati sunt justitiam. Quorum. Glória Patri. Quorum.

Bened. Ad societatem.

Lectio ix.

Ex occasione hujus sententiæ quidam introducunt mille annos post resurrectionem, dicentes, tunc nobis centuplum omnium rerum quas dimisimus, et vitam æternam esse reddendam : non intelligentes quod, si in cæteris digna sit re promissio, in uxoribus appareat turpitudine : ut qui unam pro Domino dimiserit, centum recipiat in futuro. Sensus ergo iste est : Qui carnalia pro Salvatore dimiserit, spiritalia recipiet : quæ comparatione et merito sui iterunt, quasi si parvo numero centenarius numerus comparatur.

Deinde dicitur Hymnus :

Te Deum laudamus. 17.

AD LAUDES

ET PER HORAS

Ant. 1. Hoc est præceptum meum, * ut diligatis invicem, sicut dilexi vos.

Psalm. Dominus regnavit. cum reliq. 18.

2. Majorem caritatem * nemo habet, ut animam suam ponat quis pro amicis suis.

3. Vos amici mei estis, * si feceritis quæ præcipio vobis, dicit Dominus.

4. Beati pacifici, * beati mundo corde : quoniam ipsi Deum videbunt.

5. In patientia vestra * possidebitis animas vestras.

Capitulum. Ephes. 2. d

FRATRES : Jam non estis hóspites, et advenæ : sed estis cives sanctorum, et domestici Dei : superædificati super fundamentum Apostolorum et Prophetarum, ipso summo angulari lapide Christo Jesu.

R. Deo grátias.

Hymnus

EXSULTET orbis gaudiis : Cælum resúltet laudibus : Apostolorum glóriam Tellus et astra concinunt.

Vos sæculorum júdices, Et vera mundi lúmina, Votis precámur córdium : Audite voces súpplicum.

Qui templa cæli cláuditis, Serásque verbo sólvitis, Nos a reátu nóxios Solvi jubéte, quæsumus.

Præcepta quorum prótinus

Languor salúsque sentiunt ; Sanáte mentes lánguidas : Augéte nos virtútibus :

Ut, cum redibit árbitr In fine Christus sæculi,

Nos sempiterni gaudii
Concedat esse cōmpotes.

Patri, simulque Filio,
Tibique sancte Spiritus,
Sicut fuit, sit jūgiter
Sæclum per omne glória.

Amen.

Ÿ. Annuntiavérunt ópera
Dei. R̃. Et facta ejus intel-
lexérunt.

Ad Bened. Ant. Vos qui
reliquistis * ómnia, et secúti
estis me, céntuplum acci-
piétis, et vitam ætérnam
possidébitis.

AD TERTIAM

Ant. Majórem caritátem.

Capit. Fratres : Jam non
estis. ut supra.

R̃. br. In omnem terram
* Exívit sonus eórum. In
omnem. V. Et in fines orbis
terræ verba eórum. Exívit.
Glória Patri. In omnem.

Ÿ. Constitues eos prínci-
pes super omnem terram.
R̃. Mémores erunt nóminis
tui Dómine.

AD SEXTAM

Ant. Vos amici mei estis.

Capitulum. Act. 5. b

PER manus áutem Aposto-
lórum fiébant signa et
prodigia multa in plebe.

R̃. br. Constitues eos prin-
cipes * Super omnem ter-
ram. Constitues. V. Mémores
erunt nóminis tui Dó-
mine. Super. Glória Patri.
Constitues.

Ÿ. Nimis honoráti sunt
amici tui Deus. R̃. Nimis
confortátus est principátus
eórum.

AD NONAM

Ant. In paciéntia vestra.

Capitulum. Act. 5. c

IBANT Apóstoli gaudéntes a
conspéctu concilii, quó-
niam digni hábiti sunt pro
nómine Jesu contuméliam
pati.

R̃. br. Nimis honoráti sunt
* Amici tui Deus. Nimis. V.
Nimis confortátus est prin-
cipátus eórum. Amici. Gló-
ria Patri. Nimis.

Ÿ. Annuntiavérunt ópera
Dei. R̃. Et facta ejus intel-
lexérunt.

IN II. VESPERIS

Ant. Jurávit Dóminus, *
et non pœnitébit eum : Tu
es sacerdos in ætérnum.

Psalms 109.

DIXIT Dóminus Dómino
meo : * Sede a dextris
meis :

Donec ponam inimicos
tuos, * scabellum pedum tuó-
rum.

Virgam virtútis tuæ emit-
tet Dóminus ex Sion : * do-
mináre in médio inimicórum
tuórum.

Tecum princípium in die
virtútis tuæ in splendóribus
sanctorum : * ex útero ante
luciferum genui te.

Jurávit Dóminus, et non
pœnitébit eum : * Tu es sa-
cerdos in ætérnum secún-
dum órđinem Melchisedech.

Dóminus a dextris tuis, *
confrégit in die iræ suæ re-
ges.

Judicábit in natió nibus,
implébit ruínas : * conquis-

sábit cápita in terra multórum.

De torrén-te in via bibet : *
proptérea exaltábit caput.

Ant. Jurávit Dóminus, et
non pœnitébit eum : Tu es
sacérdos in ætérnum.

Ant. Cóllocet eum * Dó-
minus cum princípibus pó-
puli sui.

Psalmus 112.

LAUDÁTE púeri Dóminum : *
laudáte nomen Dómini.

Sit nomen Dómini bene-
dictum, * ex hoc nunc, et
usque in sæculum.

A solis ortu usque ad oc-
cásum, * laudábile nomen
Dómini.

Excélsus super omnes
gentes Dóminus, * et super
cælos glória ejus.

Quis sicut Dóminus Deus
noster, qui in altis hábitat, *
et humília réspicit in cælo
et in terra?

Súscitans a terra inopem, *
et de stércore érigens páu-
perem :

Ut cóllocet eum cum prin-
cípibus, * cum princípibus
pópuli sui.

Qui habitáre facit stérilem
in domo, * matrem filiórum
lætántem.

Ant. Cóllocet eum Dóminus
cum princípibus pópuli sui.

Ant. Dirupísti Dómine *
vîcula mea : tibi sacrifi-
cábo hóstiam láudis.

Psalmus 115.

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *
pro ómnibus, quæ retribuit
mihi?

Cálicem salutáris acci-
pîam : * et nomen Dómini
invocábo.

Vota mea Dómino reddam
coram omni pópulo ejus : *
pretiósâ in conspéctu Dó-
mini mors sanctórum ejus :

O Dómine quia ego servus
tuus : * ego servus tuus, et
filius ancillæ tuæ.

Dirupísti vîcula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino reddam
in conspéctu omnis pópuli
ejus : * in átriis domus Dómi-
ni, in médio tui Jerúsalem.

Ant. Dirupísti Dómine
vîcula mea : tibi sacrifi-
cábo hóstiam láudis.

Ant. Eûntes ibant * et fle-
bant, mitténtes sémîna sua.

Psalmus 125.

IN converténdo Dóminus
captivitátem Sion : * facti
sumus sicut consoláti :

Tunc replétum est gáudio
os nostrum : * et lingua no-
stra exsultatíone.

Tunc dicent inter gen-
tes : * Magnificávit Dóminus
fácere cum eis.

Magnificávit Dóminus fá-
cere nobiscum : * facti su-
mus lætántes.

Convérte Dómine captivi-
tátem nostram, * sicut tor-
rens in Austro.

Qui séminant in lácrymis, * in exsultatióne mentent.

Eúntes ibant et flebant, * mitténtes sémina sua.

Veniéntes áutem vénient cum exsultatióne, * portántes manipulos suos.

Ant. Eúntes ibant et flebant, mitténtes sémina sua.

Ant. Confortátus est * principátus eórum, et honorátí sunt amíci tui Deus.

Psalmus 138.

DÓMINE probásti me, et cognovísti me : * tu cognovísti sessiόνem meam, et resurrectionem meam.

Intellexísti cogitatiónes meas de longe : * sémitam meam, et funiculum meum investigásti.

Et omnes vias meas prævidísti : * quia non est sermo in lingua mea.

Ecce Dómine tu cognovísti ómnia novíssima, et antiqua : * tu formásti me, et posuísti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spiritu tuo? * et quo a fácie tua fúgiam?

Si ascéndero in cælum, tu illic es : * si descéndero in inférnum, ades.

Si sumpsero pennas meas dilúculo, * et habitávero in extrémis maris :

Etenim illuc manus tua dedúcet me : * et tenébit me dextera tua.

Et dixi : Fórsitan ténebræ conculcábunt me : * et nox illuminátió mea in deliciis meis.

Quia ténebræ non obscurabúntur a te, et nox sicut dies illuminábitur : * sicut ténebræ ejus, ita et lumen ejus.

Quia tu possedisti renes meos : * suscepísti me de útero matris meæ.

Confitébor tibi quia terribiliter magnificátus es : * mirabilia ópera tua, et ánima mea cognóscit nimis.

Non est occultátum os meum a te, quod fecísti in occulto : * et substántia mea in inferióribus terræ.

Imperféctum meum vidé-runt óculi tui, et in libro tuo omnes scribéntur : * dies formabúntur, et nemo in eis.

Mihi áutem nimis honorificáti sunt amíci tui Deus : * nimis confortátus est principátus eórum.

Dinumerábo eos, et super arénam multiplicabúntur : * exsurrexi, et adhuc sum tecum.

Si occideris Deus peccatóres : * viri sánguinem declináte a me :

Quia dicitis in cogitatióne : * accipient in vanitáte civitátes tuas.

Nonne qui odérunt te Dómine, óderam? * et super inimícos tuos tabescébam?

Perfécto ódio óderam illos : * et inimíci facti sunt mihi.

Proba me Deus et scito cor meum : * intérroga me, et cognósce sémitas meas.

Et vide, si via iniquitátis in me est : * et deduc me in via ætérna.

Ant. Confortátus est principátus eórum, et honoráti sunt amici tui Deus.

Capit. Fratres : Jam non.

Hymnus. Exsúltet orbis. **Ÿ.** Annuntiavérunt. **ut in Laud.**

Ad Magnif. Ant. Estóte fortes * in bello, et pugnáte cum antiquo serpénte : et accipiétis regnum ætérnum, allelúia.

II. ALIÆ LECTIONES

PRO APOSTOLIS

IN II. NOCTURNO

De Expositióne sancti Augustíni Epíscopi super Psalmum octogésimum sextum.

Lectio iv.

Ante medium.

FUNDAMÉNTA ejus in món-tibus sanctis : diligit Dóminus portas Sion. Quare sunt fundaménta Apóstoli, et Prophétæ? Quia eórum auctóritas portat infirmitátem nostram. Quare sunt portæ? Quia per ipsos intrámus ad regnum Dei. Prædicant enim nobis : et cum per ipsos intrámus, per Christum intrámus. Ipse est enim jánuá. Et cum dicúntur duódecim portæ Jerúsalem, et una porta Christus, et duódecim portæ Christus, quia in duódecim portis

Christus : et ideo duodená-rius númerus Apostolórum. Sacraméntum magnum hujus duodenárii significatio est númeri. Sedébitis, inquit, super duódecim sedes, judicántes duódecim tribus Israël.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. **Ÿ.** Vidi Angelum Dei fortem, volántem per médium cælum, voce magna clamántem, et dicéntem. Isti.

Lectio v.

SI duódecim sellæ ibi sunt, non est ubi sédeat tertiús décimus Páulus Apóstolus, et non erit quómodo júdicet : et ipse se judicatúrum dixit, non hómines tantum, sed et ángelos. Quos ángelos, nisi apóstatas ángelos? Nescitis, inquit, quia ángelos judicábimus? Respondéret ergo turba : Quid te jactas judicatúrum? Ubi sedébis? Duódecim sedes dixit Dóminus duódecim Apóstolis : unus cécidit Judas, in locum ipsíus sanctus Mathías ordinátus est : implétus est duodenárius númerus sédium. Primo locum inveni, ubi sédeas, et sic te mináre judicatúrum. Duódecim ergo sedes quid sibi velint, videámus. Sacraméntum est cujúsdam universitátis, quia per totum orbem

terrârum futura erat Ecclesiâ : unde vocatur hoc ædificium ad Christi compagem.

R. Beati estis, cum maledixerint vobis homines, et persecuti vos fuerint, et dixerint omne malum adversum vos, mentientes, propter me : * Gaudete et exultate, quoniam merces vestra copiosa est in cælis. **V.** Cum vos oderint homines, et cum separaverint vos, et exprobraverint, et ejecerint nomen vestrum tamquam malum, propter Filium hominis. Gaudete.

Lectio vj.

ET ideo quia undique venit ad judicandum, duodecim sedes sunt : sicut quia undique intratur in illam civitatem, duodecim portæ sunt. Non solum ergo illi duodecim et Apostolus Paulus, sed quotquot judicaturi sunt, propter significationem universitatis ad sedes duodecim pertinent : quemadmodum quotquot intrabunt, ad duodecim portas pertinent. Partes enim mundi quatuor sunt, Oriens, Occidens, Aquilo et Meridies. Istæ quatuor partes assidue nominantur in Scripturis. Ab istis quatuor ventis, sicut dicit Dominus in Evangelio, a quatuor ventis se collecturum electos suos : ab omnibus ergo istis quatuor ventis vocatur Ecclesiâ. Quomodo vocatur? Undique

in Trinitate vocatur. Non vocatur nisi per baptismum in nomine Patris, et Filii, et Spiritus sancti. Quatuor ergo ter ducta duodecim inveniuntur.

R. Isti sunt. 11*.

IN III. NOCTURNO

Lectio sancti Evangelii secundum Matthæum.

Lectio vij. Cap. 19. d

IN illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis? Et reliqua.

Homilia venerabilis Bedæ Presbyteri.

Homil. in Nat. S. Benedicti.

PERFECTUS ille est, qui abiens vendit omnia quæ habet, et dat pauperibus, ac veniens, sequitur Christum : habebit enim thesaurum non deficientem in cælis. Unde bene interrogante Petro, dixit talibus Jesus : Amen dico vobis, quod vos qui secuti estis me, in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israël. In hac quippe vita pro ejus nomine laborantes, in alia præmium sperare docuit : id est, in regeneratione ; cum videlicet in vitam immortalē fuerimus resurgendo regenerati, qui in vitam caducam mortaliter eramus geniti.

R. Isti sunt qui viventes

in carne, plantavérunt Ecclésiám ságuine suo : * Cálicem Dómini bibérunt, et amici Dei facti sunt. *¶* In omnem terram exivit sonus eórum, et in fines orbis terræ verba eórum. Cálicem.

Lectio viij.

ET justa prorsus retribútio, ut qui hic pro Christo humanæ glóriam celsitudinis neglexérunt, illic a Christo júdices glorificáti singulariter cum eo assideant, qui a sequéndis ejus vestigiis nulla ratióne póterant avelli. Nemo áutem putet, duodecim tantum Apóstolos, quia pro Juda prævaricánte Mathías eléctus est, tunc esse judicatúros : sicut nec duodecim solæ sunt tribus Israël judicandæ : alióquin tribus Levi, quæ tertiadécima est, injudicáta recédet.

R. Isti sunt viri sancti, quos elégit Dóminus in caritate non ficta, et dedit illis glóriam sempitérnam : * Quorum doctrina fulget Ecclesia, ut sole luna. *¶* Sancti per fidem vicérunt regna : operáti sunt justitiam. Quorum. Glória Patri. Quorum.

Lectio ix.

ET Páulus, qui tertiusdémus est Apóstolus, judicándi sorte privábitur, cum ipse dicat : Nescitis quóniam ángelos judicábimus, quanto magis sæculária? Sciéndum namque est, omnes, qui ad exémplum Apostolórum sua reliquérent

ómnia, et secúti sunt Christum, júdices cum eo ventúros, sicut étiam omne mortálium genus esse judicándum. Quia enim duodenário sæpe número solet in Scriptúris univérsitas designári, per duódecim sedes Apostolórum, ómnium numerósitas judicántium, et per duódecim tribus Israël, univérsitas eórum, qui judicándi sunt, osténditur.

Te Deum laudámus. 17.

PRO EVANGELISTIS

LECTIONES

IN I. NOCTURNO

Incipit liber Ezechiélis
Prophétæ.

Lectio j. Cap. 1.

ET factum est in trigésimo anno, in quarto, in quinta mensis, cum essem in médio captivórum juxta flúvium Chobar, apérti sunt cæli, et vidi visiones Dei. In quinta mensis, ipse est annus quintus transmigratiónis regis Jóachim, factum est verbum Dómini ad Ezechiélem, filium Buzi sacerdotem in terra Chaldæórum, secus flumen Chobar : et facta est super eum ibi manus Dómini. Et vidi, et ecce ventus túrbinis veniébat ab Aquilóne : et nubes magna, et ignis invólvens, et splendor in circúitu ejus : et de médio ejus quasi espécies eléctri, id est, de médio ignis.

R. Ecce ego mitto vos sic-

ut oves in médio lupórum, dicit Dóminus : * Estóte ergo prudentes sicut serpentes, et simplices sicut colúmbæ. *℣.* Dum lucem habétis, créдите in lucem, ut filii lucis sitis. Estóte.

Lectio ij.

ET in médio ejus similitúdo quátuor animálium : et hic adspéctus eórum, similitúdo hóminis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum quasi planta pedis vituli, et scintillæ quasi adspéctus æris candéntis. Et manus hóminis sub pennis eórum in quátuor pártibus : et fácies, et pennas per quátuor partes habébant, junctæque erant pennæ eórum altérius ad álterum. Non revertebántur cum incéderent : sed unumquódque ante fáciem suam gradiebátur.

℞. Tóllite jugum meum super vos, dicit Dóminus, et discite a me, quia mitis sum et húmilis corde : * Jugum enim meum suáve est, et onus meum leve. *℣.* Et inveniétis réquiem animábus vestris. Jugum.

Lectio iij.

SIMILITÚDO áutem vultus eórum : fácies hóminis, et fácies leónis a dextris ipsórum quátuor : fácies áutem bovis, a sinistris ipsórum quátuor, et fácies áquilæ désuper ipsórum quátuor. Fácies eórum, et pennæ

eórum exténtæ désuper : duæ pennæ singulórum jungébántur, et duæ tegébant córpora eórum : et unumquódque eórum coram fácie sua ambulábat : ubi erat impetus spíritus, illuc gradiebántur, nec revertébántur cum ambulárent.

℣. Dum stetéritis. 8*.

IN II. NOCTURNO

De Expositione sancti Gregórii Papæ super Ezechiélem Prophétam.

Homil. 3. Lib. 1.

Lectio iv.

SANCTA quátuor animália, Squæ prophetiæ spíritufutúra prævidéntur, subtili narratione describúntur, cum dicitur : Quátuor fácies uni, et quátuor pennæ uni. Quid per fáciem, nisi notitia; et quid per pennas, nisi volátus exprimitur? Per fáciem quippe unusquisque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplatióem. Per fidem namque ab omnipoténti Deo cognóscimur, sicut ipse de suis óvibus dicit : Ego sum pastor bonus, et cognóscio oves meas, et cognóscunt me meæ. Qui rursus ait : Ego scio quos elégerim. Per contemplatióem vero, qua super nosmetipsos tollimur, quasi in áëra levámur.

℞. Vidi conjúctos viros, habéntes spléndidas vestes, et Angelus Dómini locútus

est ad me, dicens : * Isti sunt viri sancti facti amici Dei. **V.** Vidi Angelum Dei fortem, volántem per médium cælum, voce magna clamántem et dicéntem. Isti sunt.

Lectio v.

QUÁTUOR ergo fácies uni sunt : quia si requíras quid Matthæus de incarnatióne Dómini séntiat : hoc nimirum sentit, quod Marcus, Lucas, et Joánnēs. Si quæras quid Joánnēs séntiat ; hoc procul dúbio, quod Lucas, Marcus, et Matthæus. Si quæras quid Marcus ; hoc quod Matthæus, Joánnēs, et Lucas. Si quæras quid Lucas ; hoc quod Joánnēs, Matthæus, et Marcus sentit. Quátuor ergo fácies uni sunt : quia notitia fidei, qua cognoscúntur a Deo, ipsa est in uno, quæ est simul in quátuor. Quidquid enim in uno invéneris, hoc in ómnibus simul quátuor cognóscēs.

R. Beáti estis cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : Gaudéte et exultáte, quóniam merces vestra copiósa est in cælis. **V.** Cum vos óderint hómines, et cum separáverint vos, et exprobráverint, et ejécerint nomen vestrum tanquam malum, propter Filium hóminis. Gaudéte.

Lectio vj.

ET quátuor pennæ uni : quia Dei omnipoténtis Filium Dóminum nostrum Jesum Christum simul omnes concórditer prædicant : et ad divinitátem ejus mentis óculos levántes, penna contemplatiónis volant. Evangelistárum ergo fácies ad humanitátem Dómini pertainet, penna ad divinitátem : quia in eum, quem corpóreum adspiciunt, quasi fácies inténdunt : sed dum hunc esse incircumscriptum atque incorpóreum ex divinitáte annúntiant, per contemplatiónis pennam quasi in áëra levántur. Quia itaque una est fides incarnatiónis ejus in ómnibus, et par contemplatio divinitátis ejus in singulis, recte nunc dicitur : Quátuor fácies uni, et quátuor pennæ uni.

R. Isti sunt. 11*.

IN III. NOCTURNO

Léctio sancti Evangélii secúndum Lucam.

Lectio vij. Cap. 10.

IN illo témpore : Designávit Dóminus et álios septuaginta duos : et misit illos binos ante faciém suam, in omnem civitátem et locum, quo erat ipse ventúrus. Et reliqua.

Homilía sancti Gregórii
Papæ.

Homil. 17. in Evang.

DÓMINUS et Salvátor noster, fratres carissimi, aliquándo nos sermónibus,

aliquándo vero opéribus ádmonet. Ipsa étenim facta ejus præcépta sunt : quia dum áliquíd tácitus facit, quid ágere debeámus innotéscit. Ecce enim binos in prædicatióem discipulos mittit : quia duo sunt præcépta caritátis, Dei vidélicet amor, et próximi : et minus quam inter duos caritas habéri non potest. Nemo enim próprie ad semetipsum habére caritátem dicitur : sed diléctio in álterum tendit, ut caritas esse possit.

℞. Isti sunt qui vivéntes in carne, plantavérunt Ecclésiám ságuine suo : * Cálicem Dómini bibérunt, et amici Dei facti sunt. V. In omnem terram exívit sonus eórum, et in fines orbis terræ verba eórum. Cálicem.

Lectio viij.

ECCE enim binos ad prædicándum discipulos Dóminus mittit : quátenus hoc nobis tácitus innuat, quia qui caritátem erga álterum non habet, prædicatiónis officium suscipere nullátenus debet. Bene áutem dicitur, quia misit eos ante faciém suam in omnem civitátem et locum, quo erat ipse ventúrus. Prædicatóres enim suos Dóminus séquitur : quia

prædicátió prævenit, et tunc ad mentis nostræ habitáculum Dóminus venit, quando verba exhortatiónis præcúrrunt : atque per hoc véritas in mente suscipitur.

℞. Isti sunt viri sancti quos elégit Dóminus in caritáte non ficta, et dedit illis glóriam sempitérnam.* Quorum doctrína fulget Ecclésia, ut sole luna. V. Sancti per fidem vicérunt regna : operáti sunt justitiam. Quorum. Glória Patri. Quorum.

Lectio ix.

HINC namque eisdem prædicatóribus Isaías dicit : Paráte viam Dómini, rectas fácite sémitas Dei nostri. Hinc filiis Psalmista ait : Iter fácite ei, qui ascéndit super occásum. Super occásum namque Dóminus ascéndit : quia unde in passióne occúbuit, inde majórem suam glóriam resurgéndo manifestávit. Super occásum vidélicet ascéndit ; quia mortem quam pértulit, resurgéndo calcávit. Ei ergo qui ascéndit super occásum, iter fácimus, cum nos ejus glóriam vestris méntibus prædicámus, ut eas et ipse post véniens, per amoris sui præsentiam illústret.

Te Deum laudámus. 17.

COMMUNE UNIUS MARTYRIS

IN I. VESPERIS

Ant. de Laud. Pss. ut in I. Vesp. de Comm. Apost. 2.**Capitulum. Jac. 1. b*

BEATUS vir, qui suffert
tentationem : quón-
iam cum probátus
fúerit, accipiet cor-
ónam vitæ, quam repromi-
sit Deus diligéntibus se.

Hymnus.

DEUS tuórum militum
Sors, et coróna, præ-
mium,

Láudes canéntes Mártyris
Absólve nexu críminis.

Hic nempe mundi gáudia,
Et blanda fráudum pábula
Imbúta felle députans,
Pervénit ad cæléstia.

Pœnas cucúrrit fórtiter,
Et sústulit viríliter,
Fundénsque pro te sângui-
nem,

Ætérna dona póssidet.

Ob hoc precátu súplici
Te póscimus, piíssime ;
In hoc triúmpho Mártyris
Dimitte noxam sérvulis.

Laus et perénis glória
Patri sit, atque Filio,
Sancto simul Paráclito,
In sempitérna sœcula.

Amen.

✠ Glória et honóre coro-
násti eum Dómine. *R.* Et
constituisti eum super ópera
mánuum tuárum.

Ad Magnif. Ant. Iste san-
ctus * pro lege Dei sui cer-
távit usque ad mortem, et

a verbis impiórum non ti-
muit : fundátus enim erat
supra firmam petram.

*Pro Martyre et Pontifice.**Oratio.*

INFIRMITÁTEM nostram ré-
spice omnipotens Deus :
et quia pondus próprie
actiónis gravat, beáti *N.*
Mártyris tui atque Pontificis
intercessio gloriósa nos pró-
tegat. Per Dóminum.

Alia Oratio.

DEUS, qui nos beáti *N.*
Mártyris tui atque Pon-
tificis ánnua solemnitáte læ-
tificas : concéde propítius,
ut cujus natalitia cólimus,
de ejúsdem étiam protecti-
one gaudeámus. Per Dómi-
num.

*Pro Martyre tantum.**Oratio.*

PRÆSTA, quæsumus omni-
potens Deus : ut qui
beáti *N.* Mártyris tui natali-
tia cólimus, intercessi-
one ejus in tui nóminis amore
roborémur. Per Dóminum.

Alia Oratio.

PRÆSTA, quæsumus omni-
potens Deus : ut, inter-
cedente beáto *N.* Mártyre
tuo, et a cunctis adversitá-
tibus liberémur in corpore,
et a pravis cogitatióibus
mundémur in mente. Per.

AD MATUTINUM

Invit. Regem Mártyrum,
Dóminum, Venite, ado-
rémus.

Ps. Veníte, exsultémus. 2.

Hymn. Deus tuórum mílitum. **ut supra.** 24*.

IN I. NOCTURNO

Ant. In lege Dómini * fuit volúntas ejus die ac nocte.

Psalms 1.

BEÁTUS vir, qui non ábiit in consilio impiórum, et in via peccatórum non stetit, * et in cáthedra pestiléntiæ non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non defluet : * et ómnia quæcúmque fáciat, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudicio : * neque peccatóres in concilio justórum.

Quóniam novit Dóminus viam justórum : * et iter impiórum peribit.

Ant. In lege Dómini fuit volúntas ejus die ac nocte.

Ant. Prædicans * præceptum Dómini constitútus est in monte sancto ejus.

Psalms 2.

QUARE fremuérunt gentes, * et pópuli meditáti sunt inánia?

Adstiterunt reges terræ, et príncipes convenérunt in

unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum rex ab eo super Sion montem sanctum ejus, * prædicans præceptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudimini qui judicátis terram.

Servite Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Prædicans præceptum Dómini, constitútus est in monte sancto ejus.

Ant. Voce mea * ad Dóminum clamávi : et exaudivit me de monte sancto suo.

Psalmus 3.

DÓMINE quid multiplicati sunt qui tribulant me? * multi insurgunt adversum me.

Multi dicunt animæ meæ: * Non est salus ipsi in Deo ejus.

Tu autem Dómine susceptor meus es, * glória mea, et exáltans caput meum.

Voce mea ad Dóminum clamavi: * et exaudivit me de monte sancto suo.

Ego dormivi, et soporatus sum: * et exsurrexi, quia Dóminus suscepit me.

Non timébo millia pópuli circumdántis me: * exsurge Dómine, salvum me fac Deus meus.

Quóniam tu percussisti omnes adversantes mihi sine cáusa: * dentes peccatórum contrivisti.

Dómini est salus: * et super pópulum tuum benedictio tua.

Ant. Voce mea ad Dóminum clamavi: et exaudivit me de monte sancto suo.

Ÿ. Glória et honóre coronasti eum Dómine. **R.** Et constituisti eum super ópera mánuum tuárum.

Pater noster.

Absolutio. Exáudi Dómine.

Ÿ. Jube domne.

Bened. Benedictióne perpétua.

Lect. seq. I. Noct. leguntur in Festo Mart. et Pont.

In Festo autem Mart. non

Pont. leguntur quæ inferius positæ sunt in Comuni plur. Mart. 42*.

De Actibus Apostolorum.

Lectio j. Cap. 20. d

AMILÉTO Páulus mittens Ephesum, vocávit majóres natu Ecclesiæ. Qui cum venissent ad eum, et simul essent, dixit eis: Vos scitis a prima die, qua ingressus sum in Asiam, quáliter vobiscum per omne tempus fúerim, sérviens Dómino cum omni humilitáte, et lácrymis, et tentatióibus, quæ mihi accidérunt ex insidiis Judæórum: quómodo nihil subtráxerim utilium, quo minus annuntiárem vobis, et docérem vos públice, et per domos, testificans Judæis, atque Gentilibus in Deum poenitentiam, et fidem in Dóminum nostrum Jesum Christum. Et nunc ecce alligátus ego spiritu, vado in Jerúsalem: quæ in ea ventúra sint mihi, ignórans: nisi quod Spíritus sanctus per omnes civitátes mihi protestátur, dicens: Quóniam vincula et tribulatiónes Jerosólymis me manent. Sed nihil horum véreor: nec fácio ánimam meam pretiosiórem quam me, dúmmodo consúmmem cursum meum, et ministérium verbi, quod accépi a Dómino Jesu, testificári Evangélium grátiae Dei.

R. Iste sanctus pro lege Dei sui certávit usque ad mortem, et a verbis impió-

rum non tímuit : * Fundátus enim erat supra firmam petram. *Ÿ.* Iste est qui contémpsit vitam mundi, et pervénit ad cæléstia regna. Fundátus.

Bened. Unigénitus Dei Filius.

Lectio ij.

ET nunc ecce ego scio quia ámplius non vidébitis faciém meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a sáanguine ómnium. Non enim subterfúgi quóminus annuntiárem omne consilium Dei vobis. Atténdite vobis, et univérso gregi, in quo vos Spíritus sanctus pósuit episcopos régere Ecclésiám Dei, quam acquisívit sáanguine suo. Ego scio quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exsúrgent viri loquéntes perversa, ut abdúcant discipulos post se. Propter quod vigiláte memória retinéntes : quóniam per triénnum nocte et die non cessávi, cum lácrymis monens unumquémque vestrum.

R. Justus germinábit sicut lílium : * Et florébit in ætérnum ante Dóminum. *Ÿ.* Plantátus in domo Dómini, in átriis domus Dei nostri. Et.

Bened. Spíritus sancti grátia.

Lectio iij.

ET nunc comméndo vos Deo, et verbo grátiae ipsius, qui potens est ædificáre, et dare hereditátem in sanctificátis ómnibus. Argéntum et áurum, aut vestem nullius concupívi, sicut ipsi scitis : quóniam ad ea, quæ mihi opus erant, et his qui mecum sunt, ministravérunt manus istæ. Omnia osténdi vobis, quóniam sic laborántes, opórtet suscipere infirmos, ac meminisse verbi Dómini Jesu, quóniam ipse dixit : Beátius est magis dare, quam accipere. Et cum hæc dixisset, pósitis génibus suis orávit cum ómnibus illis. Magnus áutem fletus factus est ómnium : et procumbéntes super collum Páuli, osculábantur eum, doléntes máxime in verbo, quod dixerat, quóniam ámplius faciém ejus non essent visúri. Et deducébant eum ad navem.

R. Iste cognóvit justítiam, et vidit mirabilia magna, et exorávit Altíssimum : * Et invéntus est in número sanctórum. *Ÿ.* Iste est qui contémpsit vitam mundi, et pervénit ad cæléstia regna. Et. Glória Patri. Et.

IN II. NOCTURNO

Ant. Fílii hóminum * scitóté quia Dóminus sanctum suum mirificávit.

Psalmus 4.

CUM invocárem exaudivit me Deus justitiæ meæ : *

in tribulatióne dilatásti mihi.

Miserére mei, * et exáudi oratiónem meam.

Filii hóminum úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium iustitiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui Dómine : * dedisti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dormiam, et requiescam ;

Quóniam tu Dómine singularíter in spe * constituísti me.

Ant. Filii hóminum scitóte quia Dóminus sanctum suum mirificávit.

Ant. Scuto bonæ voluntátis * tuæ coronásti eum Dómine.

Psalmus 5.

VERBA mea áuribus percípe Dómine, * intéllege clamórem meum.

Inténde voci oratiónis meæ, * rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit iuxta te malignus : * neque permánébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multitudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in iustitia tua : * propter inimicos meos dirige in conspéctu tuo viam meam.

Quóniam non est in ore eórum veritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multitudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices iusto.

Dómine, ut scuto bonæ voluntatis tuæ * coronásti nos.

Ant. Scuto bonæ voluntatis tuæ coronásti eum Dómine.

Ant. In univérſa terra * glória et honóre coronásti eum.

Psalmus 8.

DÓMINE Dóminus noster, * quam admirábile est nomen tuum in univérſa terra!

Quóniam eleváta est magnificentia tua, * super cælos.

Ex ore infántium et lacténtium perfecisti láudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam visitas eum?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecisti sub pédibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérſa terra?

Ant. In univérſa terra glória et honóre coronásti eum.

V. Posuísti Dómine super caput ejus. **R.** Corónam de lápide pretiósó.

Pater noster.

Absolutio. Ipsius píetas.

V. Jube domne.

Bened. Deus Pater omnipotens.

Sermo sancti Augustíni
Episcopi.

Serm. 44. de Sanctis.

Lectio iv.

TRIUMPHÁLIS beáti Mártyris **N.** dies hódie nobis anniversária celebritáte recúrrit : cujus glorificatióni sicut congáudet Ecclésia, sic ejus propónit sequénda vestigia. Si enim compátimur, et conglorificábimur. In cujus gloriósó agóne duo nobis præcipue consideránda sunt : induráta videlicet tortóris sævitia, et Mártyris invicta patiéntia. Sævítia tortóris, ut eam detestémur : patiéntia Mártyris, ut eam imitémur. Audi Psalmístam advérsus malitiam increpántem : Noli æmulári in malignántibus : quóniam tamquam fœnum velóriter aréscent. Quod áutem advérsus malignántes patiéntia exhibénda sit, áudi Apóstolum suadéntem : Patiéntia vobis necessária est, ut reportétis promissiónes.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem æternam. **V.** Descendítque cum

illo in fóveam, et in vinculis non dereliquit eum. Et.

Bened. Christus perpétuæ.

Leetio v.

CORONÁTA itaque est beáti Mátyris patiéntia : mancipáta est ætérnis cruciátibus tortóris incorrécta malitia. Hoc atténdens in agóne suo gloriósus Christi athléta, non exhórruit cárcerem. Ad imitationem cápitis sui tolerávit probra, sustinuit irrisiónes, flagélla non tímuit : et quot ante mortem pro Christo pértulit supplicia, tot ei de se óbtulit sacrificia. Quod enim propinánte Apóstolo biberat, alte retinébat : Quia non sunt condignæ passiónes hujus témporis ad futúram glóriam, quæ revelábitur in nobis. Et quia momentáneum hoc et leve nostræ tribulatiónis, ætérnum glóriæ pondus operátur in cælis. Hujus promissiónis amóre a terrénis suspénsus, et prægustáta supérnæ suavitátis dulcedine ineffabiliter afféctus, dicébat cum Psalmista : Quid mihi est in cælo, et a te quid vólui super terram? Defécit caro mea et cor meum : Deus cordis mei, et pars mea Deus in ætérnum.

Ŕ. Desidérium animæ ejus tribuisti ei Dómine, * Et voluntáte labiórurn ejus non fraudásti eum. **Ų.** Quóniam prævenísti eum in benedictiõibus dulcedinis : po-

suisti in cápite ejus coronam de lápide pretiósó. Et.

Bened. Ignem sui amoris.

Leetio vj.

CONTEMPLABÁTUR enim quantum in ænigmate infirmitas humana óculum mentis in æternitate figere potest, quanta sint supérnæ civitátis gáudia : et ea enarráre non sufficiens, admirádo clamábat : Quid mihi est in cælo? Quasi diceret : Excédit vires meas, excédit facultatem eloquéntiæ meæ, transcendit capacitatem intelligéntiæ meæ illud decus, illa glória, illa celsitúdo, qua nobis, a conturbatióne hóminum remótis, in abscondito faciéi suæ Jesus Christus Dóminus noster reformábit corpus humilitátis nostræ, configurátum córpori claritátis suæ. Hujus perféctæ libertátis contemplatióne nullum vitábat periculum, nullum horrébat supplicium : et si millies posset mori, non putábat se hanc digne posse áliqua ratióne promeréri.

Ŕ. Stola jucunditátis induit eum Dóminus : * Et coronam pulchritúdinis pósuit super caput ejus. **Ų.** Cibávit illum Dóminus pane vitæ et intelléctus : et aqua sapiéntiæ salutáris potávit illum. Et. Glória Patri. Et.

IN III. NOCTURNO

Ant. Justus Dóminus, * et justitiam diléxit : æquitatem vidit vultus ejus.

Psalmus 10.

IN Dómino confido : quómodo dicitis ánimæ meæ : * Trásmigra in montem sicut passer?

Quóniam ecce peccatóres intendérunt arcum, paravérunt sagittas suas in pháretra, * ut sagittent in obscúro rectos corde.

Quóniam quæ perfecísti, destruxérunt : * justus áutem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respiciunt : * pálpebræ ejus intérogant filios hóminum.

Dóminus intérogat justum et ímpium : * qui áutem diligit iniquitátem, odit ánimam suam.

Pluet super peccatóres láqueos : * ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit : * æquitátem vidit vultus ejus.

Ant. Justus Dóminus, et justítiam diléxit : æquitátem vidit vultus ejus.

Ant. Habitábit * in tabernáculo tuo : requiescet in monte sancto tuo.

Psalmus 11.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in

corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tíméntes áutem Dóminum glorificat :

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit :

Qui facit hæc, * non móvêbitur in ætérnum.

Ant. Habitábit in tabernáculo tuo : requiescet in monte sancto tuo.

Ant. Posuísti Dómine * super caput ejus corónam de lápide pretiósio.

Psalmus 20.

DÓMINE in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuísti ei : * et voluntáte labiórum ejus non fraudásti eum.

Quóniam prævenísti eum in benedictiónibus dulcédinis : * posuísti in cápite ejus corónam de lápide pretiósio.

Vitam pétiiit a te : * et tribuísti ei longitudínem díerum in sáeculum, et in sáeculum sáeculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in

benedictionem in sæculum sæculi : * lætificabis eum in gaudio cum vultu tuo.

Quoniam rex sperat in Domino : * et in misericordia Altissimi non commovebitur.

Inveniatur manus tua omnibus inimicis tuis : * dextera tua inveniat omnes, qui te oderunt.

Pones eos ut clibanum ignis in tempore vultus tui : * Dominus in ira sua conturbabit eos, et devorabit eos ignis.

Fructum eorum de terra perdes : * et semen eorum a filiis hominum.

Quoniam declinaverunt in te mala : * cogitaverunt consilia, quæ non potuerunt stabilire.

Quoniam pones eos dorsum : * in reliquiis tuis præparabis vultum eorum.

Exaltare Domine in virtute tua : * cantabimus et psallémus virtutes tuas.

Ant. Posuisti Domine super caput ejus coronam de lapide pretioso.

Ÿ. Magna est gloria ejus in salutari tuo. **℞.** Gloriam et magnum decorem impones super eum.

Pater noster.

Absolutio. A vinculis.

Ÿ. Jube domne.

Bened. Evangelica lectio. Lectio sancti Evangelii secundum Lucam.

Lectio vij. Cap. 14. f

In illo tempore : Dixit Jesus turbis : Si quis venit ad

me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia sancti Gregorii Papæ.

Homil. 37. in Evang.

Si consideremus, fratres carissimi, quæ et quanta sunt, quæ nobis promittuntur in cælis, vilescunt animo omnia quæ habentur in terris. Terrænamque substantia supernæ felicitati comparata, pondus est, non subsidium. Temporalis vitæ æternæ vitæ comparata, mors est potius dicenda quam vita. Ipse enim quotidianus defectus corruptionis quid est aliud, quam quædam prolixitas mortis? Quæ autem lingua dicere, vel quis intellectus capere sufficit, illa supernæ civitatis quanta sint gaudia; Angelorum choris interesse, cum beatissimis spiritibus gloriæ conditoris assistere, præsentem Dei vultum cernere, incircumscriptum lumen videre, nullo mortis metu affici, incorruptionis perpetuæ munere lætari?

℞. Corona aurea super caput ejus, * Expressa signo sanctitatis, gloria honoris, et opus fortitudinis. **Ÿ.** Quoniam prævenisti eum in benedictionibus dulcedinis, posuisti in capite ejus coronam de lapide pretioso. Expressa.

Bened. Cujus festum cólimus.

Lectio viij.

SED ad hæc audita inardescit ánimus, jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labóres. Unde et Páulus egrégus prædicátor dicit : Non coronábitur, nisi qui legitime certáverit. Deléctet ergo mentem magnitúdo præmiórum, sed non detérreat certámen labórum. Unde ad se veniéntibus Véritas dicit : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc áutem et ánimam suam, non potest meus esse discipulus.

R. Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis glóriam quæsivit, sed ad cælestia regna pervénit. **V.** Justum dedúxit Dóminus per vias rectas, et osténdit illi regnum Dei. Qui. Glória. Qui.

Sequens **R.** dicitur ultimo loco in Festis sex SS. Mart. Pont. Eusebii, Marcelli, Joannis, Silverii, Martini, et Pontiani.

R. Dómine prævenisti eum in benedictiónibus dulcédinis : * Posuisti in cápite ejus corónam de lápide pretiósó. **V.** Vitam pétiiit a te, et tribuisti ei longitúdinem di-

rum in sáeculum sáeculi. Posuisti. Glória Patri. Posuisti.

Bened. Ad societátem.

Lectio ix.

SED percontári libet, quómodo paréntes, et carnáliter propínquos præcipimur odisse, qui jubémur et inimicos diligere? Et certe Véritas de uxóre dicit : Quod Deus conjúnxit, homo non séparet. Et Páulus ait : Viri diligite uxóres vestras, sicut et Christus Ecclésiám. Ecce, discipulus uxórem diligéndam prædicat, cum magister dicat : Qui uxórem non odit, non potest meus esse discipulus. Numquid áliud judex núntiat, áliud præco clamat? An simul et odisse póssumus, et diligere? Sed si vim præcépti perpéndimus, utrúmque ágere per discretiónem valémus : ut uxórem, et eos, qui nobis carnis cognatióne conjúcti sunt, et quos próximos nóvimus, diligámus; et quos adversários in via Dei pátimur, odiéndo et fugiéndo nesciámus.

Te Deum laudámus. 17.

AD LAUDES

ET PER HORAS

Ant. 1. Qui me conféssus fúerit * coram homínibus, confitébor et ego eum coram Patre meo.

Ps. Dóminus regnávít. 18.

2. Qui séquitur me, * non ámbulat in ténebris, sed habébit lumen vitæ, dicit Dóminus.

3. Qui mihi ministrat, *

me sequatur : et ubi ego sum, illic sit et minister meus.

4. Si quis mihi ministraverit, * honorificabit eum Pater meus, qui est in cælis, dicit Dominus.

5. Volo Pater, * ut ubi ego sum, illic sit et minister meus.

Capitulum. Jac. 1. b

BEATUS vir, qui suffert tentationem : quoniam cum probatus fuerit, accipiet coronam vitæ, quam repromisit Deus diligentibus se.

Hymnus.

INVICTE Martyr, unicum Patris secutus Filium, Victis triumphas hostibus, Victor fruens cælestibus.

Tui precatus munere
Nostrum reatum dilue,
Arcens mali contagium,
Vitæ repellens tædium.

Soluta sunt jam vincula
Tui sacrati corporis :
Nos solve vinclis sæculi,
Dono superni Numinis.

Deo Patri sit gloria,
Ejusque soli Filio,
Cum Spiritu Paráclito,
Nunc, et per omne sæculum.

Amen.

Ÿ. Justus ut palma florébit. R. Sicut cedrus Libani multiplicabitur.

Ad Bened. Ant. Qui odit * animam suam in hoc mundo, in vitam æternam custodit eam.

Pro Martyre et Pontifice.

Oratio.

INFIRMITATEM nostram respice omnipotens Deus :

et quia pondus propriæ actionis gravat, beati N. Martyris tui atque Pontificis intercessio gloriósa nos protegat. Per Dominum.

Alia Oratio.

DEUS, qui nos beati N. Martyris tui atque Pontificis ánnua solemnitate lætificas : concède propitius ; ut cujus natalitia cõlimus, de ejusdem etiam protectione gaudeamus. Per Dñum.

Pro Martyre tantum.

Oratio.

PRÆSTA, quæsumus omnipotens Deus : ut qui beati N. Martyris tui natalitia cõlimus, intercessione ejus in tui nòminis amore roborémur. Per Dominum.

Alia Oratio.

PRÆSTA, quæsumus omnipotens Deus : ut intercedente beato N. Martyre tuo, et a cunctis adversitatibus liberémur in corpore, et a pravis cogitationibus mundémur in mente. Per Dominum.

AD TERTIAM

Ant. Qui sequitur me.

Capit. Beatus vir. ut supra.

R. br. Glória et honóre *

Coronasti eum Dómine. Glória et. Ÿ. Et constituisti eum super ópera manuum tuarum. Coronasti. Glória Patri. Glória et.

Ÿ. Posuisti Dómine super caput ejus. R. Coronam de lapide pretioso.

AD SEXTAM

Ant. Qui mihi ministrat.

Capitulum. Eccli. 15.

CIBAVIT illum pane vitæ et
intelléctus, et aqua sa-
piéntiæ salutáris potávit il-
lum Dóminus Deus noster.

R. br. Posuisti Dómine *
Super caput ejus. Posuisti.
V. Corónam de lápide pre-
tioso. Super. Glória Patri.
Posuisti.

V. Magna est glória ejus
in salutári tuo. **R.** Glóriam
et magnum decórem impo-
nes super eum.

AD NONAM

Ant. Volo Pater.

Capitulum. Eccli. 39.

JUSTUS cor suum trádidit
ad vigilándum dilúculo
ad Dóminum, qui fecit il-
lum, et in conspéctu Altis-
simi deprecábitur.

R. br. Magna est glória
ejus * In salutári tuo. Magna.
V. Glóriam et magnum de-
córem impónes super eum.
In. Glória Patri. Magna.

V. Justus ut palma floré-
bit. **R.** Sicut cedrus Libani
multiplicábitur.

IN II. VESPERIS

Ant. de Laud., Pss. ut in
I. Vesp. de Comm. Apost.
2*, et loco ultimi

Psalmus 115.

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *
pro ómnibus, quæ retribuit
mihi?

Cálicem salutáris acci-

piam : * et nomen Dómini
invocabo.

Vota mea Dómino reddam
coram omni pópulo ejus : *
pretiosa in conspéctu Dómi-
ni mors sanctórum ejus.

O Dómine, quia ego ser-
vus tuus : * ego servus tuus
et filius ancillæ tuæ.

Dirupisti víncula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino reddam
in conspéctu omnis pópuli
ejus : * in átriis domus Dó-
mini, in médio tui Jerúsale-
m.

Capit. et Hymn. ut in I.
Vesp.

V. Justus ut palma floré-
bit. **R.** Sicut cedrus Libani
multiplicábitur.

Ad Magnif. Ant. Qui vult
venire post me, * ábneget
semetipsum, et tollat cru-
cem suam, et sequátur me.

ALIÆ LECTIONES

PRO UNO MARTYRE

IN II. NOCTURNO

De. Expositione sancti Am-
brósii Episcopi in Psal-
mum centésimum déci-
mum octávum.

Sermone 21.

Lectio iv.

PRÍNCIPES persecúti sunt
me gratis : et a verbis
tuis trepidávit cor meum.
Bene hoc Martyr dicit, quod
injúste persecutiónum tor-
ménta sustineat : qui nihil
rapuerit, nullum violéntus

oppresserit, nullius sanguinem fuderit, nullius torum putaverit esse violandum : qui nihil legibus debeat, et graviora latronum sustinere cogatur supplicia : qui loquatur juste, et non audiat : qui loquatur plena salutis, et impugnetur : ut possit dicere, Cum loquebar illis, impugnabant me gratis. Gratis igitur persecutionem patitur, qui impugnetur sine crimine : impugnetur ut noxius, cum sit in tali confessione laudabilis : impugnetur quasi veneficus, qui in nomine Domini gloriatur, cum pietas virtutum omnium fundamentum sit.

¶ Honestum fecit illum Dominus, et custodivit eum ab inimicis, et a seductoribus tutavit illum : * Et dedit illi claritatem aeternam. ¶ Descenditque cum illo in foveam, et in vinculis non dereliquit eum. Et.

Lectio v.

VERE frustra impugnetur, qui apud impios et infidos impietatis arcessitur, cum fidei sit magister. Verum qui gratis impugnetur, fortis debet esse et constans. Quomodo ergo subtexit : Et a verbis tuis trepidavit cor meum? Trepidare infirmitatis est, timoris atque formidinis. Sed est etiam infirmitas ad salutem, est etiam timor sanctorum. Timeo Dominum, omnes sancti ejus : et, Beatus vir, qui

timet Dominum. Qua ratione beatus? Quia in mandatis ejus cupit nimis.

¶ Desiderium animae ejus tribuisti ei Domine, * Et voluntate labiorum ejus non fraudasti eum. ¶ Quoniam praevenisti eum in benedictionibus dulcedinis : posuisti in capite ejus coronam de lapide pretioso. Et voluntate.

Lectio vj.

PONE ergo Martyrem inter pericula constitutum, cum inde immanitas bestiarum ad incutiendum terrorem infremat, aliunde stridor candentium laminarum, et flamma fornacis ardentis exaestuet, ex parte alia personent tractus gravium catenarum, hinc carnifex cruentus assistat : pone, inquam, circumspectantem omnia plena suppliciiis, deinde cogitantem mandata divina, illum ignem perpetuum, illud sine fine incendium perfidorum, illam poenae recrudescantis aerumnam : trepidare corde, ne, dum praesentibus cedat, perpetuis se dedat exitiis : perturbari animo, dum futuri judicii rhomphaeam illam terribilem quadam conspectus specie contuetur. Nonne ad hanc trepidationem fiducia viri constantis, aequalis in eundem concurrat effectum confidentia cupientis aeterna, et divina trepidantis?

¶ Stola jucunditatis. 30*.

IN III. NOCTURNO

Lectio sancti Evangelii secundum Matthæum.

Lectio vij. Cap. 16. d

IN illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Et reliqua.

Homilia sancti Gregorii
Papæ.

Homil. 32. in Evang.

QUIA Dominus ac Redemptor noster novus homo venit in mundum, nova præcepta dedit mundo. Vitæ etenim nostræ veteri in vitiis enutritæ contrarietatem opposuit novitatis suæ. Quid enim vetus, quid carnalis homo nôverat, nisi sua retinere, aliæna rapere, si posset; concupiscere, si non posset? Sed cælestis medicus singulis quibûsque vitiis obviántia adhibet medicamenta. Nam sicut arte medicinæ calida frigidis, frigida calidis curántur : ita Dominus noster contrária opposuit medicamenta peccátis, ut lúbricis continéntiam, tenácibus largitatem, iracúndis mansuetúdinem, elátis præciperet humilitatem.

R. Coróna áurea super caput ejus, * Expressa signo sanctitátis, glória honóris, et opus fortitúdinis. **V.** Quóniam prævenisti eum in benedictionibus dulcédinis, posuisti in cápite ejus coró-

nam de lápide pretiósó. Expressa.

Lectio viij.

CERTE cum se sequéntibus nova mandata propóneret, dixit : Nisi quis renuntiáverit ómnibus quæ póssidet, non potest meus esse discipulus. Ac si apérte dicat : Qui per vitam vétèrem aliæna concupíscitis, per novæ conversatiónis stúdiu et vestra largimini. Quid vero in hac lectiône dicat, audiámus : Qui vult post me venire, abneget semetipsum. Ibi dicitur, ut abnegémus nostra : hic dicitur, ut abnegémus nos. Et fortásse laboriósu non est hómini relinquere sua ; sed valde laboriósu est relinquere semetipsum. Minus quippe est abnegáre quod habet : valde áutem multu est abnegáre quod est.

R. Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis glóriam quæsivit, sed ad cælestia regna pervénit. **V.** Justu dedúxit Dominus per vias rectas, et osténdit illi regnu Dei. Qui. Glória Patri. Qui.

Lectio ix.

AD se áutem nobis veniéntibus Dominus præcepit, ut renuntiémus nostris : quia quicúmque ad fidei agónem venimus, luctámen contra malignos spíritus súimus.

Nihil autem maligni spiritus in hoc mundo proprium possident : nudi ergo cum nudis luctari debemus. Nam si vestitus quisque cum nudo luctatur, citius ad terram dejicitur, quia habet unde teneatur. Quid enim sunt terræ omnia, nisi quedam corporis indumenta? Qui ergo contra diabolum ad certamen properat, vestimenta abjiciat, ne succumbat.

Te Deum laudamus. 17.

III. ALIA HOMILIA

Lectio sancti Evangelii secundum Matthæum.

Lectio vij. Cap. 10. c

IN illo tempore : Dixit Jesus discipulis suis : Nihil est opertum, quod non revelabitur; et occultum, quod non sciatur. Et reliqua.

Homilia sancti Hilarii
Episcopi.

*Comment. in Matthæum,
cap. 10. post medium.*

DOMINUS diem iudicii ostendit, quæ abstrusam voluntatis nostræ conscientiam prodet : et ea quæ nunc occulta existimantur, luce cognitionis publicæ detegit. Igitur non minas, non consilia, non potestates insectantium monet esse metuendas : quia dies iudicii nulla hæc fuisse, atque inania revelabit. Et quod dico vobis in tenebris, dicite in lumine : et quod in aure auditis, prædicæ super tecta. Non legimus Dómi-

num solum fuisse noctibus sermocinari, et doctrinam in tenebris tradidisse : sed quia omnis sermo ejus carnalibus tenebræ sunt, et verbum ejus infidelibus nox est.

R. Coróna áurea super caput ejus : * Expressa signo sanctitatis, glória honoris, et opus fortitudinis. **V.** Quoniam prævenisti eum in benedictionibus dulcedinis, posuisti in capite ejus coronam de lapide pretioso. Expressa.

Lectio viij.

ITAQUE id quod a se dictum est, cum libertate fidei et confessionis vult esse loquendum. Idcirco quæ in tenebris dicta sunt prædicari jussit in lumine : ut quæ secreto aurium commissa sunt, super tecta, id est, excelso loquentium præconio audiuntur. Constantè enim Dei ingerenda cognitio est, et profundum doctrinæ evangeliæ secretum in lumine prædicationis apostolicæ revelandum : non timentes eos, quibus cum sit licentia in corpora, tamen in animam jus nullum est : sed timentes potius Deum, cui perdendæ in gehenna et animæ et corporis sit potestas.

R. Hic est vere Martyr, qui pro Christi nomine sanguinem suum fudit : * Qui minas iudicum non timuit, nec terrænæ dignitatis gló-

riam quæsiuit, sed ad cælestia regna pervenit. *V.* Justum deduxit Dominus per vias rectas, et ostendit illi regnum Dei. Qui. Glória. Qui.

Lectio ix.

NOLITE timere eos qui occidunt corpus. Nullus igitur corporum nostrorum casus est pertimescendus, neque ullus interimendæ carnis admittendus est dolor: quando pro naturæ suæ atque originis conditione resoluta, in substantiam spiritalis animæ refundatur.

Et quia doctrinis talibus confirmatos oportet liberam confitendi Dei habere constantiam, etiam conditionem, qua teneremur, adjecit: negaturum se eum Patri in cælis, qui se hominibus in terra negasset: eum porro qui confessus coram hominibus se fuisset, a se in cælis confitendum: qualisque nos nominis sui testes hominibus fuissimus, tali nos apud Deum Patrem testimonio ejus usuros.

Te Deum laudamus. 17.

COMMUNE PLURIMORUM MARTYRUM

IN I. VESPERIS

Ant. de Laud., Psalmi ut in I. Vesp. de Comm. Apostolorum. 2*.

Capitulum. Sap. 3.

IUSTORUM animæ in manu Dei sunt, et non tanget illos tormentum mortis. Visi sunt oculis insipientium mori: illi autem sunt in pace.

Hymnus.

SANCTORUM meritis inclyta gaudia
Pangamus socii, gesta que fortia:

Gliscens fert animus promere cantibus

Victorum genus optimum.

Hi sunt, quos fatus mundus abhorruit;

Hunc fructu vacuum, floribus aridum

Contempsere tui nominis asseclæ

Jesu Rex bone cælitum.

Hi pro te furias, atque minas truces

Calcârunt hominum, sævaque verbera:

His cessit lacerans fortiter ungula,

Nec carpsit penetrabilia.

Cæduntur gladiis more bidantium:

Non murmur resonat, non querimonia;

Sed corde impavido mens bene conscia

Conservat patientiam.

Quæ vox, quæ poterit lingua retexere,

Quæ tu Martyribus munera præparas?

Rubri nam fluido sanguine fulgidis

Cingunt tempora laureis.

Te summa o Déitas, úna-
que póscimus;
Ut culpas ábigas, nóxia súb-
trahas,
Des pacem fámulis, ut tibi
glóriam
Annórum in sériem ca-
nant. Amen.

Y. Lætámini in Dómino,
et exsultáte justi. *R.* Et glo-
riámini omnes recti corde.

Ad Magnif. Ant. Istórum
est enim *regnum cælórum,
qui contempsérunt vitam
mundi, et pervenérunt ad
præmia regni, et lavérunt
stolas suas in ságuine Agni.

Pro pluribus Mart. Pont.

Oratio.

BEATÓRUM Mártyrum pari-
térque Pontíficum *N.* et
N. nos, quæsumus Dómine,
festa tueántur : et eórum
comméndet orátio venerán-
da. Per Dóminum.

Si non fuerint Pontifices.

Oratio.

DEUS, qui nos concédis
sanctórum Mártyrum
tuórum *N.* et *N.* natalitia
cólere : da nobis in ætérna
beatitúdine de eórum socie-
táte gaudére. Per Dóminum.

Alia Oratio.

DEUS, qui nos ánnua san-
ctórum Mártyrum tuó-
rum *N.* et *N.* solemnitáte læ-
tificas : concéde propítius;
ut quorum gaudémus mérit-
is, accendámur extrémis.
Per Dóminum.

AD MATUTINUM

Invitat. Regem Mártyrum

Dóminum, * Veníte, adoré-
mus.

Ps. Veníte, exsultémus. 2.

Hymnus.

CHRISTO profúsum sángu-
nem,
Et Mártyrum victórias,
Dignámque cælo láuream
Lætis sequámur vóci-
bus.

Terróre victo sæculi,
Pœnisque spretis córporis,
Mortis sacrae compéndio
Vitam beátam póssident.

Tradúntur igni Mártyres,
Et bestiárum déntibus :
Armáta sævit úngulis
Tortóris insáni manus.

Nudáta pendent viscera,
Sanguis sacrátus fúnditur :
Sed pérmanent immóbiles
Vitæ perénis grátia.

Te nunc Redémptor quæ-
sumus,
Ut Mártyrum consórtio
Jungas precántes sérvulos
In sempitérna sæcula.
Amen.

IN I. NOCTURNO

Ant. Secus decúrsus aquá-
rum * plantávit vineam ju-
stórum, et in lege Dómini
fuit volúntas eórum.

Psalmus 1.

BEÁTUS vir, qui non ábiit
in consílio impiórum,
et in via peccatórum non
stetit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod

fructum suum dabit in tēpore suo :

Et fólíum ejus non defluet : * et ómnia quaecúmque fáciēt, prosperabúntur.

Non sic impíi, non sic : * sed tamquam pulvis, quem prójicit ventus a fácie terræ.

Ideo non resúrgerit impíi in iudicio : * neque peccatóres in concílio justórum.

Quóniam novit Dóminus viam justórum : * et iter impiórum peribit.

Ant. Secus decúrsus aquárum plantávit vineam justórum, et in lege Dómini fuit volúntas eórum.

Ant. Tamquam áurum * in fornáce probávit eléctos Dóminus : et quasi holocáusta accépit eos in ætérnum.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridebit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : *

Filius meus es tu, ego hódie génui te.

Póstula a me, et dabo tibi gentes hereditátem tuam, * et possessiónem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudimini qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Tamquam áurum in fornáce probávit eléctos Dóminus : et quasi holocáusta accépit eos in ætérnum.

Ant. Si coram hominibus * tormenta passi sunt, spes electórum est immortalis in ætérnum.

Psalmus 3.

DÓMINE quid multiplicáti sunt qui tribulant me? * multi insúrgunt advérsus me.

Multi dicunt animæ meæ : * Non est salus ipsi in Deo ejus.

Tu áutem Dómine susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormivi, et soporatus sum : * et exsurrexi, quia Dóminus suscepit me.

Non timébo millia pópuli circumdántis me : * exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa : * dentes peccatórum contrivisti.

Dómini est salus : * et super pópulum tuum benedictio tua.

Ant. Si coram homínibus torménta passi sunt, spes electórum est immortális in ætérnum.

Ÿ. Lætámini in Dómino, et exsultáte justi. **R̃.** Et gloriámini omnes recti corde.

Pater noster.

Absolutio. Exáudi Dómine.

Ÿ. Jube domne.

Bened. Benedictióne perpétua.

De Epistola beáti Páuli Apóstoli ad Romános.

Lectio j. Cap. 8. c

FRATRES : Debitóres sumus non carni, ut secúndum carnem vivámus. Si enim secúndum carnem vixeritis, moriémini : si áutem spiritu facta carnis mortificaveritis, vivétis. Quicúmque enim spíritu Dei agúntur, ii sunt filii Dei. Non enim accepistis spíritum servitútis íterum in timóre, sed accepistis spíritum adoptiónis filiórum, in quo clamámus : Abba (Pater). Ipse enim Spiritus

testimónium reddit spíritui nostro, quod sumus filii Dei. Si áutem filii, et herédes : herédes quidem Dei, coherédes áutem Christi : si tamen compátimur, ut et conglorificémur. Existimo enim quod non sunt condignæ passiónes hujus témporis ad futúram glóriam, quæ revelábitur in nobis. Nam exspectátio creatúræ revelatióem filiórum Dei exspectat.

R̃. Abstérget Deus omnem lácrymam ab óculis sanctórum : et jam non erit ámplius neque luctus, neque clamor, sed nec ullus dolor : * Quóniam prióra transiérunt. **Ÿ.** Non esúrient, neque sitient ámplius, neque cadet super illos sol, neque ullus æstus. Quóniam.

Bened. Unigénitus Dei Filius.

Lectio ij.

SCIMUS áutem quóniam diligéntibus Deum ómnia cooperántur in bonum, iis, qui secúndum propósitum vocáti sunt sancti. Nam quos præscivit, et prædestinávit confórmes fieri imáginis Filii sui, ut sit ipse primogénitus in multis frátribus. Quos áutem prædestinávit, hos et vocávit : et quos vocávit, hos et justificávit : quos áutem justificávit, illos et glorificávit. Quid ergo dicémus ad hæc? Si Deus pro nobis, quis contra nos? Qui étiam próprio Filio suo

non pepércit, sed pro nobis ómnibus trádidit illum: quómodo non étiam cum illo ómnia nobis donávit? Quis accusábit advérsus eléctos Dei? Deus qui justificat, quis est qui condémnet? Christus Jesus, qui mórtuus est, immo qui et resurréxit, qui est ad dexteram Dei, qui étiam interpéllat pro nobis.

R. Viri sancti gloriósum sánguinem fuderunt pro Dómino, amavérunt Christum in vita sua, imitáti sunt eum in morte sua: * Et ideo corónas triumpháles meruérunt. **V.** Unus spíritus, et una fides erat in eis. Et.

Bened. Spíritus sancti grátia.

Lectio iij.

QUIS ergo nos separábit a caritaté Christi? tribulatio, an angústia, an fames, an nuditás, an periculum, an persecútio, an gládus? (sicut scriptum est: Quia propter te mortificámur tota die: æstimáti sumus sicut oves occisiónis.) Sed in his ómnibus superámus propter eum, qui diléxit nos. Certus sum enim quia neque mors, neque víta, neque Angeli, neque Principátus, neque Virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritaté Dei, quæ est in Christo Jesu Dómino nostro.

R. Tradidérunt córpora

sua propter Deum ad supplicia: * Et meruérunt habére corónas perpétuas. **V.** Isti sunt qui venérunt ex magna tribulatióne, et laverunt stolas suas in sáanguine Agni. Et. Glória Patri. Et.

IN II. NOCTURNO

Ant. Dabo sanctis meis * locum nominátum in regno Patris mei, dicit Dóminus.

Psalmus 14.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus: * timéntes áutem Dóminum glorificat:

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit:

Qui facit hæc, * non móvêbitur in ætérnum.

Ant. Dabo sanctis meis locum nominátum in regno Patris mei, dicit Dóminus.

Ant. Sanctis, qui in terra sunt ejus, * mirificávit omnes voluntátes meas inter illos.

Psalmus 15.

CONSÉRVA me Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo conventicula eórum de sanguinibus : * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restitues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedícam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * insuper et caro mea requiescet in spe.

Quóniam non derelinques ánimam meam in inférno : * nec dabis sanctum tuum vidére corruptiónem.

Notas mihi fecisti vias vitæ, adimplébis me lætitia cum vultu tuo : * delectatiónes in dextera tua usque in finem.

Ant. Sanctis, qui in terra sunt ejus, mirificávit omnes voluntátes meas inter illos.

Ant. Sancti qui sperant in Dómino, * habébunt fortitudinem, assument pennas ut áquilæ, volábunt, et non deficient.

Psalmus 23.

DÓMINI est terra, et plenitúdo ejus : * orbis terrárum, et univérsi, qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens manibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas principes vestras, et elevámini portæ æternáles : * et introibit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introibit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Sancti qui sperant

in Dómino, habébunt fortitudinem, assúment pennas ut áquilæ, volábunt, et non deficient.

Ÿ. Exsúltent iusti in conspéctu Dei. R. Et delecténtur in lætítia.

Pater noster.

Absolutio. Ipsíus pietas.

Ÿ. Jube domne. **Bened.** Deus Pater omnipotens.

Sermo sancti Augustini
Epíscopi.

Serm. 17. de Sanctis.

Lectio iv.

QUOTIESCÚMQUE, fratres caríssimi, sanctórum Mártyrum solémnia celebrámus, ita, ipsis intercedéntibus, exspectémus a Dómino cónsequi temporália benefícia, ut ipsos Mártyres imitádo accípere mereámur æténa. Ab ipsis enim sanctórum Mártyrum in veritáte festivitátum gáudia celebrántur, qui ipsórum Mártyrum exémpa sequúntur. Solemnitátes enim Mártyrum exhortatiónes sunt martyriórú : ut imitári non pígeat, quod celebráre delectat.

R. Sancti tui Dómine mirábile consecúti sunt iter, serviétes præcéptis tuis, ut inveniréntur illæsi in aquis válidis : * Terra apparuit árida : et in mari Rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Bened. Christus perpétuæ.

Lectio v.

SED nos vólumus gaudére cum sanctis : et tribulatióne mundi nólumus sustinére cum ipsis. Qui enim sanctos Mártyres, in quantum potúerit, imitári nolúerit ; ad eórum beatitudinem non póterit pervenire. Sed et Páulus Apóstolus prædicat, dicens : Si fuérimus sócii passiónum, érimus et consolatiónum. Et Dóminus in Evangélio : Si mundus vos odit, scitóte quia me priórem vobis ódio hábuit. Recúsat esse in córpore, qui ódium non vult sustinére cum cápite.

R. Vérbera carníficum non timuérunt sancti Dei, moriéntes pro Christi nómine : * Ut herédes fierent in domo Dómini. Ÿ. Tradidérunt córpora sua propter Deum ad supplicia. Ut.

Bened. Ignem sui amoris.

Lectio vj.

SED dicit áliquis : Et quis est qui possit beatórum Mártyrum vestigia sequi? Huic ego respóndeo, quia non solum Mártyres, sed étiam ipsum Dóminum cum ipsíus adjutório, si vólumus, póssumus imitári. Audi non me, sed ipsum Dóminum géneri humano clamántem : Discite a me, quia mitis sum et húmilis corde. Audi et Petrum Apóstolum admonéntem : Christus passus est pro nobis, relinquens nobis

exemplum, ut sequámur
vestigia ejus.

R. Tamquam aurum in
fornáce probávit eléctos
Dóminus, et quasi holocáusti
hóstiam accépit illos : et in
tépore erit respéctus illó-
rum : * Quóniam donum et
pax est eléctis Dei. **Y.** Qui
confidunt in illum, intél-
ligent veritátem, et fidéles
in dilectióne acquiescent
illi. Quóniam. Glória Patri.
Quóniam.

IN III. NOCTURNO

Ant. Justi áutem * in per-
pétuum vivent, et apud
Dóminum est merces eórum.

Psalmus 32.

EXSULTÁTE justi in Dó-
mino : * rectos decet col-
laudatio.

Confitémini Dómino in
cithara : * in psaltério de-
cem chordárum psállite illi.

Cantáte ei cánticum no-
vum : * bene psállite ei in
vociferatióne.

Quia rectum est verbum
Dómini, * et ómnia ópera
ejus in fide.

Diligit misericórdiam et
judicium : * misericórdia
Dómini plena est terra.

Verbo Dómini cæli firmáti
sunt : * et spiritu oris ejus
omnis virtus eórum.

Cóngregans sicut in utre
aquis maris : * ponens in
thesáuris abyssos.

Timeat Dóminum omnis
terra : * ab eo áutem com-
moveántur omnes inhabi-
tántes orbem.

Quóniam ipse dixit, et
facta sunt : * ipse mandávit,
et creáta sunt.

Dóminus dissipat consília
géntium : * réprobat áutem
cogitatiónes populórum, et
réprobat consília principum.

Consílium áutem Dómini
in ætérnum manet : * cogita-
tiónes cordis ejus in gene-
ratióne et generatióne.

Beáta gens, cujus est Dó-
minus, Deus ejus : * pópulus,
quem elégit in hereditátem
sibi.

De cælo respéxit Dómi-
nus : * vidit omnes filios
hóminum.

De præparáto habitáculo
suo * respéxit super omnes,
qui hábitant terram.

Qui finxit sigillátim corda
eórum : * qui intélligit ómnia
ópera eórum.

Non salvátur rex per mul-
tam virtútem : * et gigas non
salvabitur in multitudíne
virtútis suæ.

Fallax equus ad salútem : *
in abundántia áutem virtútis
suæ non salvabitur.

Ecce óculi Dómini super
metuéntes eum : * et in eis,
qui sperant super miseri-
córdia ejus.

Ut éruat a morte ánimas
eórum : * et alat eos in
fame.

Anima nostra sústinet Dó-
minum : * quóniam adjútor
et protéctor noster est.

Quia in eo lætábitur cor
nostrum : * et in nómine
sancto ejus sperávimus.

Fiat misericórdia tua Dómine super nos : * quemádmódum sperávimus in te.

Ant. Justi áutem in perpétuum vivent, et apud Dóminum est merces eórum.

Ant. Tradidérunt * córpora sua in mortem, ne servírent idólis : ideo coronáti póssident palmam.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuéti et læténtur.

Magnificáte Dóminum mecum : * et exaltémus nomen ejus in idipsum.

Exquisívi Dóminum, et exaudivit me : * et ex ómnibus tribulatióibus meis eripuit me.

Accédite ad eum, et illuminámini : * et fácies vestræ non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et eripiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Veníte filii, audite me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spiritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Tradidérunt córpora sua in mortem, ne servírent idólis : ideo coronáti póssident palmam.

Ant. Ecce merces * sanctórum copiósa est apud Deum :

ipsi vero mórtui sunt pro Christo, et vivent in ætérnum.

Psalmus 45.

DEUS noster refúgium, et virtus : * adjútor in tribulatió nibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscéptor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confringet arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscéptor noster Deus Jacob.

Ant. Ecce merces sanctórum copiósa est apud Deum : ipsi vero mórtui sunt pro Christo, et vivent in ætérnum.

Ÿ. Justi áutem in perpétuum vivent. **R.** Et apud Dóminum est merces eórum.

Pater noster.

Absolutio. A vínculis.

Ÿ. Jube domne.

Bened. Evangélica léctio. Léctio sancti Evangélii secúndum Lucam.

Leetio vij. Cap. 21. c

IN illo témpore : Dixit Jesus discipulis suis : Cum audiéritis prælia, et seditiónes, nolíte terréri : opórtet primum hæc fieri, sed nondum statim finis. Et reliqua.

Homília sancti Gregórii Papæ.

Homil. 35. in Evang.

DÓMINUS ac Redemptor noster peritúri mundi præcurréntia mala denúnciat, ut eo minus pertúrbent veniéntia, quo fúerint præscíta. Minus enim jácula fériunt, quæ prævidéntur : et nos tolerabilius mundi mala suscipimus, si contra hæc per præsciéntiæ clypeum munimur. Ecce enim dicit : Cum audiéritis prælia et seditiónes, nolíte terréri : opórtet enim primum hæc fieri, sed nondum statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denún-

tiat. Bella quippe ad hostes pertainent, seditiões ad ciues. Ut ergo nos indicet interiùs exteriùsque turbári, aliud nos fatetur ab hostibus, aliud a fratribus per-peti.

R. Propter testamētum Dómini, et leges patrernas, sancti Dei persitērunt in amore fraternitatis : * Quia unus fuit semper spiritus in eis, et una fides. **V.** Ecce quam bonum et quam jucundum habitare fratres in unum. Quia.

Bened. Quorum festum cólimus.

Lectio viij.

SED his malis praeuenienti-bus, quia non statim finis sequatur, adiungit : Surget gens contra gentem, et regnum adversus regnum : et terramótus magni erunt per loca, et pestilentiae, et fames, terrorésque de caelo : et signa magna erunt. Ultima tribulatio multis tribulationibus praevenitur : et per crebra mala, quae praeveniunt, indicantur mala perpétua, quae subsequuntur. Et ideo post bella et seditiões non statim finis : quia multa debent mala praecurrere, ut malum valeant sine fine nuntiare.

R. Sancti mei, qui in carne positi, certamen habuistis : * Mercédem labóris ego reddam vobis. **V.** Venite benedicti Patris mei, percipite regnum. Mercédem. Glória. Mercédem.

Sequens **R.** dicitur post viij. vel ij. **Lect.** in Festo plurimorum Martyrum fratrum.

R. Hæc est vera fraternitas, quæ numquam potuit violari certamine : qui effuso sanguine secuti sunt Dóminum : * contemnentes aulam regiam, pervenerunt ad regna caeléstia. **V.** Ecce quam bonum et quam jucundum habitare fratres in unum. Contemnentes. Glória Patri. Contemnentes.

Bened. Ad societatem.

Lectio ix.

SED cum tot signa perturbationis dicta sint, oportet, ut eorum considerationem breviter per singula perstringamus : quia necesse est, ut alia e caelo, alia e terra, alia ab elementis, alia ab hominibus patiamur. Ait enim : Surget gens contra gentem, ecce perturbatio hominum : erunt terramótus magni per loca, ecce respectus iræ desuper : erunt pestilentiae, ecce inaequalitas corporum : erit fames, ecce sterilitas terræ : terrorésque de caelo et tempestates, ecce inaequalitas aeris. Quia ergo omnia consummanda sunt, ante consummationem omnia perturbantur : et qui in cunctis deliquimus, in cunctis ferimur : ut impleatur quod dicitur, Et pugnabit pro eo orbis terrarum contra insensatos.

Te Deum laudamus. 17.

AD LAUDES

ET PER HORAS

Ant. 1. Omnes sancti, *
quanta passi sunt torménta,
ut secúri pervenirent ad pal-
mam martýrii.

Ps. Dóminus regnávít.
cum reliq. 18.

2. Cum palma * ad regna
pervenérunt sancti, corónas
decóris meruérunt de manu
Dei.

3. Córpora sanctórum * in
pace sepúlta sunt : et vivent
nómina eórum in ætérnum.

4. Mártýres Dómini * Dómi-
num benedicite in ætérnum.

5. Mártýrum chorus * lau-
dáte Dóminum de cælis,
allelúia.

Capitulum. Sap. 3.

JUSTÓRUM ánimæ in manu
Dei sunt, et non tanget
illos torméntum mortis. Visi
sunt óculis insipiéntium mo-
ri : illi áutem sunt in pace.

Hymnus.

REX glorióse Mártýrum,
Coróna confiténtium,
Qui respuéntes térrea
Perducís ad cæléstia.

Aurem benígnam prótinus
Inténde nostris vóci-
bus : Trophæa sacra pángimus :
Ignósce quod deliquimus.

Tu vincis inter Mártýres,
Parcísque Confessóribus :
Tu vince nostra crimina,
Largitor indulgéntiæ.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sæculum.
Amen.

V. Exsultábunt sancti in
glória. **R.** Lætabúntur in
cubilibus suis.

Ad Bened. Ant. Vestri ca-
pilli cápitis * omnes nume-
ráti sunt : nolíte timére :
multis passéribus meliôres
estis vos.

Pro pluribus Mart. Pont.**Oratio.**

BEATÓRUM Mártýrum pari-
térque Pontíficum **N.** et
N. nos, quæsumus Dómine,
festa tueántur : et eórum
comméndet orátio venerán-
da. Per Dóminum.

Si non fuerint Pontifices.**Oratio.**

DEUS, qui nos concédís
sanctórum Mártýrum
tuórum **N.** et **N.** natalitia
cólere : da nobis in ætérna
beatitúdine de eórum socie-
táte gaudére. Per Dóminum.

Alia Oratio.

DEUS, qui nos ánnua san-
ctórum Mártýrum tuó-
rum **N.** et **N.** solemnitáte
lætifícas : concéde propítius ;
ut quorum gaudémus méri-
tis, accendámur exémp-
lis. Per Dóminum.

AD TERTIAM

Ant. Cum palma.

Capit. Justórum. **ut su-
pra.**

R. br. Lætámini in Dómi-
no, * Et exsultáte justí. Læ-
támini. **V.** Et gloriámini
omnes recti corde. Et. Gló-
ria Patri. Lætámini.

V. Exsúltent justí in con-
spéctu Dei. **R.** Et delectén-
tur in lætitia.

AD SEXTAM

Ant. Córpora sanctórum.**Capitulum.** Sap. 10. d

RÉDDIDIT Deus mercédem
labórum sanctórum suó-
rum, et dedúxit illos in via
mirábili : et fuit illis in vela-
ménto diéi, et in luce stellá-
rum nocte.

R. br. Exsúltent justí * In
conspéctú Dei. Exsúltent. **V.**
Et delecténtur in lætítia. In.
Glória Patri. Exsúltent.

V. Justí áutem in perpé-
tuum vivent. **R.** Et apud
Dóminum est merces eórum.

AD NONAM

Ant. Mátyrum chorus.**Capitulum.** Sap. 3.

FULGÉBUNT justí, et tam-
quam scintillæ in arun-
dinéto discúrrunt. Judicá-
bunt nátiónes, et domina-
búntur pópulis : et regnábit
Dóminus illórum in perpé-
tuum.

R. br. Justí áutem * In
perpétuum vivent. Justí. **V.**
Et apud Dóminum est mer-
ces eórum. In perpétuum.
Glória Patri. Justí.

V. Exsultábunt sancti in
glória. **R.** Lætabúntur in cu-
bilibus suis.

IN II. VESPERIS

Ant. 1. Isti sunt sancti, *
qui pro testaméto Dei sua
córpora tradidérunt, et in
sánguine Agni lavérunt sto-
las suas.

Psalm. ut in I. Vesp. de
Comm. Apost. 2*, et loco
ult., Ps. Crédidi.

2. Sancti per fidem * vicé-

runt regna, operáti sunt
justitiam, adépti sunt repro-
missiões.

3. Sanctórum velut áqui-
læ * juvéntus renovábitur :
florébunt sicut lilium in civi-
táte Dómini.

4. Abstérget Deus * omnem
lácrymam ab óculis sanctó-
rum : et jam non erit ám-
plius neque luctus, neque
clamor, sed nec ullus dolor :
quóniam prióra transiérunt.

5. In cæléstibus regnis *
sanctórum habitátio est, et
in ætérnum réquies eórum.

Psalmus 115.

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *
pro ómnibus, quæ retribuit
mihi?

Cálicem salutáris acci-
piam : * et nomen Dómini
invocabó.

Vota mea Dómino reddam
coram omni pópulo ejus : *
pretiósá in conspéctu Dó-
mini mors sanctórum ejus :

O Dómine quia ego servus
tuus : * ego servus tuus, et
filius ancillæ tuæ.

Dirupisti vincula mea : *
tibi sacrificabó hóstiam láu-
dis, et nomen Dómini invo-
cabó.

Vota mea Dómino reddam
in conspéctu omnis pópuli
ejus : * in átriis domus Dó-
mini, in médio tui Jerúsa-
lem.

Capit. et Hymn. ut in I. Vesp.

Ÿ. Exsultábunt sancti in glória. R. Lætabúntur in cubilibus suis.

Ad Magnif. Ant. Gáudent in cælis * ánimæ sanctórum, qui Christi vestigia sunt secúti : et quia pro ejus amóre sánguinem suum fuderunt, ideo cum Christo exsultant sine fine.

II. ALLÆ LECTIONES

PRO PLURIBUS MARTYRIBUS

IN II. NOCTURNO

Sermo sancti Joánnis
Chrysóstomi.

Serm. 1. de Martyr. Tom. 3.

Lectio iv.

NEMO est qui nesciat, Mártyrum glórias ad hoc divino consilio a Dei pópulis frequentári, ut et illis débítus honor dicétur, et nobis virtútis exémpa, favénte Christo, monstréntur : ut dum hæc ita celebrári perspicimus, cognoscámus quanta eos glória máneat in cælis, quorum natalítia táliter celebrántur in terris : quo possimus étiam ipsi tálibus provocári exémpis, virtúte pari, devotióne consimili ac fide : ut Christo præstánte, dimicáre et vincere hostem possimus : ut parta victória, cum iisdem sanctis in regnis cæléstibus triumphémus.

R. Sancti tui Dómine mirábile consecúti sunt iter, serviéntes præcéptis tuis, ut

inveniréntur illæsi in aquis válidis : * Terra apparuit árida : et in mari Rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Lectio v.

QUIS est enim, qui eórum volens mérito copulári ; nisi prius constántiam eórum téneat, sectétur fidem, imitétur virtútem passióis ; eórum glóriam páribus vitæ lineaméntis aut invéniat, aut exquirat ? Qui etsi martýrio par esse non possit : tamen múnere tanti dignitáte se quisque bonis áctibus dignum præbeat. Adest enim clementíssimus Deus, qui desiderántibus suis aut martýrium præbeat, aut sine martýrio cum sanctis præmia divína retribuat.

R. Vérbera carníficum non timuérunt sancti Dei, moriéntes pro Christi nómine : * Ut herédes fierent in domo Dómini. Ÿ. Tradidérunt córpora sua propter Deum ad supplicia. Ut.

Lectio vj.

UT enim infirmátur peccátor advérsis, ita justus tentatióibus roborátur. Sic dimicárunť advérsus peccátum sancti : sic et laborándo fortióres et moriéndó victóres effécti sunt. Nullus athlétes sine certámine fórtior dici, nullus sine victória póterit coronári. Nemo miles sine prælio hostem subjécit :

nemo sine bello imperatorem promérui. Habes, christiáne, competéntia arma, quibus hostem expúgnes : habes fortissima tela, quibus inimicum debélles.

R. Tamquam áurum in fornáce probávit eléctos Dóminus, et quasi holocáusti hóstiam accépit illos : et in témpore erit respéctus illórum : * Quóniam donum et pax est eléctis Dei. **V.** Qui confidunt in illum, intelligént veritátem : et fideles in dilectióne acquiescent illi. Quóniam. Glória Patri. Quóniam.

IN III. NOCTURNO

Lectio sancti Evangélíi secúndum Lucam.

Lectio vij. Cap. 6. c

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósá plebis ab omni Judæa, et Jerúsalem, et marítima, et Tyri, et Sidónis. Et réliqua.

Homília sancti Ambrósii
Episcopi.

*Lib. 5. in Lucam. Cap. 6.,
post init.*

ADVERTE ómnia diligénter, quómodo et cum Apóstolis ascéndat et descéndat ad turbas. Quómodo enim turba nisi in húmili Christum vidéret? Non séquitur ad excélsa, non ascéndit ad sublimia. Dénique ubi descéndit, invénit infirmos : in excélsis enim infirmi esse

non possunt. Hinc étiam Matthæus docet in inferióribus débiles esse sanátos. Prius enim unusquisque sanándus est, ut paulátim virtútibus procedéntibus ascendere possit ad montem. Et ideo quemque in inferióribus sanat, hoc est, a libidine révocat, injúriam cécitátis avértit. Ad vúlnera nostra descendit : ut usu quodam et cópia suæ natúræ, participes nos fáciat esse regni cæléstis.

R. Propter testaméntum Dómini, et leges patérnas, sancti Dei perstitérunt in amóre fraternitátis : * Quia unus fuit semper spiritus in eis, et una fides. **V.** Ecce quam bonum et quam jucúndum habitáre fratres in unum. Quia.

Lectio viij.

BEÁTI páuperes, quia vestrum est regnum Dei. Quátuor tantum beatitúdes sanctus Lucas dominícas pòsuit, octo vero sanctus Matthæus : sed in illis octo istæ quátuor sunt, et in quátuor istis illæ octo. Hic enim quátuor velut virtútes ampléxus est cardinales : ille in illis octo mýsticum númerum reserávit. Pro octáva enim multi inscribúntur Psalmi : et mandátum áccipis octo illis partem dare fortásse benedictiónibus. Sicut enim spei nostræ octáva perféctio est, ita octáva summa virtútum est.

R. Sancti mei, qui in carne pòsiti, certàmen habuistis: * Mercèdem labóris ego reddam vobis. **V.** Venite benedicti Patris mei, percipite regnum. Mercèdem. Glória Patri. Mercèdem.

Lectio ix.

SED prius quæ sunt ampliora videamus. Beati, inquit, pauperes, quoniam vestrum est regnum Dei. Primam benedictionem hanc uterque Evangelista posuit. Ordine enim prima est, et parens quædam generatioque virtutum: quia qui contempserit sæcularia, ipse merèbitur sempiterna: nec potest quisquam meritum regni cælestis adipisci, qui mundi cupiditate pressus, emergendi non habet facultatem.

Te Deum laudamus. 17.

III. ALIA HOMILIA

Lectio sancti Evangelii secundum Lucam.

Lectio vij. Cap. 12.

IN illo tempore: Dixit Jesus discipulis suis: Attendite a fermento pharisæorum, quod est hypocrisis. Et reliqua.

Homilia venerabilis Bedæ
Presbyteri.

Lib. 1. in Lucam. cap. 52.

DE hoc fermento Apóstolus præcipit: Itaque epulémur, non in fermento veteri, neque in fermento malitiæ et nequitiae, sed in ázymis sinceritatis et veritatis. Nam

sicut módicum fermentum totam farinae, cui injicitur, massam corrumpit, universamque mox conspersiónem suo sapore commaculat: sic nimirum simulatio, cujus semel ánimus imbuerit, tota virtutum sinceritate et veritate fraudabit. Est ergo sensus: Attendite ne æmulémini simulatores, quia veniet profecto tempus, in quo et vestra virtus ómnibus, et eórum revelétur hypocrisis.

R. Propter testamentum Dómini, et leges patrernas, sancti Dei perstitérunt in amore fraternitatis: * Quia unus fuit semper spíritus in eis, et una fides. **V.** Ecce quam bonum et quam jucundum habitare fratres in unum. Quia unus.

Lectio viij.

VERUM quod séquitur: Quoniam quæ in tenebris dixistis, in lumine dicentur: non solum in futuro, quando cuncta córdium abscondita proferentur ad lucem, sed et in præsenti tempore potest congruenter accipi: quoniam quæ inter tenebras quondam pressurarum, carcerumque umbras, vel locuti, vel passi sunt Apóstoli, nunc clarificata per orbem Ecclésia, lectis eórum áctibus, públice prædicantur. Ne terreámini ab his qui occidunt corpus. Si persecutores sanctorum, occisis corpóribus, non ha-

bent ámplius quid contra illos agant; ergo supervácuá furunt insánia, qui mórtua Mártýrum membra feris avibúsque discerpénda projiciunt, cum nequáquam omnipoténtiæ Dei, quin ea resuscitándo vivíficet, obsistere possint.

R. Sancti mei, qui in carne pósito, certámen habuístis: * Mercédem labóris ego reddam vobis. **V.** Venite benedicti Patris mei, percipite regnum. Mercédem. Glória Patri. Mercédem.

Lectio ix.

DUO áutem sunt génera persecutórum: unum palam sæviéntium, álterum fícte fraudulentérque blandiéntium. Contra utrúmque

nos muníre atque institúere volens Salvátor, et supra ab hypócrisi pharisæórum at-téndere, et hic a carníficum cæde præcipit non timére: quia vidélicet post mortem nec horum crudélitas, nec illórum váleat simulátio duráre. Nonne quinque pásse-res véneunt dipóndio? Si minutíssima, inquit, animá-lia, et quæ quólibet per áëra ferúntur volatília, Deus oblivisci non potest; vos qui ad imáginem facti estis Creatóris, non debétis ter-réri ab his, qui occidunt corpus: quia qui irrationalia animália gubérnat, rationalia curáre non dési-nit.

Te Deum laudámus. 17.

COMMUNE CONFESSORIS PONTIFICIS

IN I. VESPERIS

Ant. de Laud., Psalmi ut in I. Vesp. de Comm. Apost. 2*.

Capitulum. Eccli. 44. c

ECCE sacérdos ma-gnus, qui in dié-bus suis plácuít Deo, et invéntus est justus: et in témpore iracúndiæ factus est recon-ciliátio.

Hymnus.

ISTE Conféssor Dómini co-léntes
Quem pie láudant pópuli per orbem:
Hac die lætus méruiť beátas
Scándere sedes.

Si non est dies obitus, quod indicant in Propr. litteræ m. t. v., dicitur:

Hac die lætus méruiť su-prémós

Láudis honóres.

Qui pius, prudens, húmi-lis, pudícus,

Sóbriam duxit sine labe vitam,

Donec humános animávit áuræ

Spirítus artus.

Cujus ob præstans méri-tum frequénter,

Ægra quæ passim jacuére membra,

Víribus morbi dómitis, salúti Restituúntur.

Noster hinc illi chorus
obsequentem
Cónclinit láudem, celebrés-
que palmas;
Ut piis ejus précibus juvé-
mur
Omne per ævum.
Sit salus illi, decus, atque
virtus,
Qui super cæli sólio corú-
scans,
Totius mundi sériem gubér-
nat
Trinus et unus. Amen.

V. Amávit eum Dóminus,
et ornávit eum. *R.* Stolum
glóriæ induit eum.

Ad Magnif. Ant. Sacerdos
et Póntifex, * et virtútum
ópifex, pastor bone in pó-
pulo, ora pro nobis Dómi-
num.

Oratio.

DA, quæsumus omnipotens
Deus : ut beáti *N.* Con-
fessoris tui atque Pontificis
veneránda solémnitas, et
devotióinem nobis áugeat et
salútem. Per Dóminum.

Alia Oratio.

EXÁUDI, quæsumus Dó-
mine, preces nostras,
quas in beáti *N.* Confessoris
tui atque Pontificis solemni-
táte deférimus : et qui tibi
digne mérui famulári, ejus
intercedéntibus méritis ab
ómnibus nos absólve peccá-
tis. Per Dóminum.

*Pro Doctoribus in utrisque
Vesp.*

Ad Magnif. Ant. O Doctor
óptime, * Ecclesiæ sanctæ lu-
men, beáte *N.*, divínæ legis

amátor, deprecáre pró nobis
Fílium Dei.

Oratio.

DEUS, qui pópulo tuo ætér-
næ salútis beátum *N.*
ministrum tribuisti : præsta,
quæsumus ; ut quem Doctó-
rem vitæ habúimus in terris,
intercessórem habére me-
reámur in cælis. Per Dñum.

AD MATUTINUM

Invit. Regem Confessorum
Dóminum, * Venite, adoré-
mus.

Ps. Venite, exsultémus. 2.

Hymnus. Iste Confessor.
ut supra.

IN I. NOCTURNO

Ant. Beátus vir, * qui in
lege Dómini meditátur : vo-
lúntas ejus pérmanet die ac
nocte, et ómnia quæcúmque
fáciet, semper prosperabún-
tur.

Psalmus 1.

BEÁTUS vir, qui non ábiit
in consilio impiórum, et
in via peccatórum non ste-
tit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in tém-
pore suo :

Et fólium ejus non dé-
fluet : * et ómnia quæcúm-
que fáciet prosperabúntur.

Non sic impii, non sic : *
sed tamquam pulvis, quem
próicit ventus a fácie terræ.

Ideo non resúrgent ímpii in iudicio : * neque peccatóres in concílio justórum.

Quóniam novit Dóminus viam justórum : * et iter impiórum peribit.

Ant. Beátus vir qui in lege Dómini meditátur : volúntas ejus pérmanet die ac nocte, et ómnia quaecúmque fáciat, semper prosperabúntur.

Ant. Beátus iste sanctus, * qui confisus est in Dómino, prædicávit præcéptum Dómini, constitútus est in monte sancto ejus.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, * et possesiónem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudimini qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplinam nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Beátus iste sanctus, qui confisus est in Dómino, prædicávit præcéptum Dómini, constitútus est in monte sancto ejus.

Ant. Tu es glória mea, * tu es suscéptor meus Dómine : tu exáltans caput meum, et exaudísti me de monte sancto tuo.

Psalmus 3.

DÓMINE quid multiplicáti sunt qui tribulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu áutem Dómine suscéptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo millia pópuli

circumdántis me : * exsúrge
Dómine, salvum me fac
Deus meus.

Quóniam tu percussisti
omnes adversántes mihi sine
cáusa : * dentes peccatórum
contrivisti.

Dómini est salus : * et
super pópulum tuum bene-
dictio tua.

Ant. Tu es glória mea, tu
es suscēptor meus Dómine :
tu exáltans caput meum, et
exaudisti me de monte sancto
tuo.

ŷ. Amávit eum Dóminus,
et ornávit eum. R. Stolum
glóriæ induit eum.

Pater noster.

Absolutio. Exáudi Dómi-
ne.

ŷ. Jube domne.

Bened. Benedictióne per-
pétua.

De Epístola prima beáti Páuli
Apóstoli ad Timótheum.

Lectio j. Cap. 3.

FIDÉLIS sermo : Si quis
episcopátum desiderat,
bonum opus desiderat. Opór-
tet ergo episcopum irrepre-
hensibilem esse, unius uxó-
ris virum, sóbrium, pru-
déntem, ornátum, pudicum,
hospitálem, doctórem, non
vinoléntum, non percussó-
rem, sed modéstum; non
litigiósum, non cupidum,
sed suæ dómui bene præpó-
situm, filios habéntem súb-
ditos cum omni castitáte. Si
quis áutem dómui suæ præ-
esse nescit, quómodo Ec-
clésiæ Dei diligéntiam habé-

bit? Non neóphytum : ne in
supérbiam elátus, in judi-
cium incidat diaboli. Opórtet
áutem illum et testimónium
habére bonum ab iis qui
foris sunt, ut non in oppró-
brium incidat, et in láqueum
diaboli.

R. Euge serve bone et
fidélis, quia in páuca fuísti
fidélis, supra multa te con-
stituam : * Intra in gáudium
dómini tui. ŷ. Dómine quin-
que talénta tradidisti mihi,
ecce ália quinque superlu-
crátus sum. Intra.

Bened. Unigénitus Dei Fi-
lius.

De Epístola ad Titum.

Lectio ij. Cap. 1. b

OPÓRDET enim episcopum
sine crimine esse, sicut
Dei dispensatórem : non
supérbum, non iracúndum,
non vinoléntum, non per-
cussórem, non turpis lucrí
cúpidum : sed hospitálem,
benignum, sóbrium, ju-
stum, sanctum, continén-
tem, amplecténtem eum, qui
secúndum doctrinam est,
fidélem sermónem : ut po-
tens sit exhortári in doctrína
sana, et eos, qui contrádi-
cunt, argúere. Sunt enim
multi étiam inobediéntes,
vaniloqui, et seductóres :
máxime qui de circumci-
sióne sunt : quos opórtet
redárgui : qui univérsas do-
mos subvértunt, docéntes
quæ non opórtet, turpis
lucrí grátia.

R. Ecce sacérdos magnus,

qui in diébus suis plácuit Deo : * Ideo jurejurádo fecit illum Dóminus créscere in plebem suam. **V.** Benedictiónem ómnium géntium dedit illi, et testaméntum suum confirmávit super caputejus. Ideo.

Bened. Spiritus sancti grátia.

Lectio iij. Cap. 2.

Tu áutem lóquere quæ decent sanam doctrinam : Senes ut sóbrii sint, pudici, prudéntes, sani in fide, in dilectióne, in patiéntia : Anus similiter in hábitu sancto, non criminatríces, non multo vino serviéntes, bene docéntes : ut prudéntiam dóceantadolescéntulas, ut viros suos ament, filios suos diligant, prudéntes, castas, sóbrias, domus curam habéntes, benignas, súbditas viris suis, ut non blasphemétur verbum Dei. Júvenes similiter hortáre ut sóbrii sint. In ómnibus te ipsum præbe exémplum bonórum óperum, in doctrina, in integritáte, in gravitate, verbum sanum, irreprehensibile : ut is, qui ex advérso est, vereátur, nihil habens malum dicere de nobis.

R. Jurávit Dóminus, et non poenitébit eum : * Tu es sacérdos in ætérnum secúndum órđinem Melchisedech. **V.** Dixit Dóminus Dómino meo : Sede a dextris meis. Tu. Glória Patri. Tu.

IN II. NOCTURNO

Ant. Invocántem * exaudivit Dóminus sanctum suum, Dóminus exaudivit eum, et constituit eum in pace.

Psalmus 4.

Cum invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi oratiómem meam.

Filii hóminum úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite pec-cáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino.* Multi dicunt : Quis osténdit nobis bona?

Signátum est super nos lumen vultus tui Dómine : * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dór-miam, et requiέscam;

Quóniam tu Dómine singulariter in spe * constituísti me.

Ant. Invocántem exaudivit Dóminus sanctum suum, Dóminus exaudivit eum, et constituit eum in pace.

Ant. Læténtur omnes, * qui sperant in te Dómine :

quóniam tu benedixisti justo, scuto bonæ voluntátis tuæ coronásti eum.

Psalmus 5.

VERBA mea áuribus percipe Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multítu-

dinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Ant. Læténtur omnes, qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

Ant. Dómine Dóminus noster, * quam admirábile est nomen tuum in univérsta terra! quia glória et honóre coronásti sanctum tuum, et constituísti eum super ópera mánuum tuárum.

Psalmus 8.

DÓMINE Dóminus noster, * quam admirábile est nomen tuum in univérsta terra!

Quóniam eleváta est magnificéntia tua, * super cælos.

Ex ore infántium et lacténtium perfecísti láudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius

hóminis, quóniam visitas eum?

Minuisti eum páulo minus ab Angelis, glória et honóre coronásti eum : * et constituisti eum super ópera mánuum tuárum.

Omnia subjecisti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Ant. Dómine Dóminus noster, quam admirábile est nomen tuum in univérsa terra! quia glória et honóre coronásti sanctum tuum, et constituisti eum super ópera mánuum tuárum.

ŷ. Elégit eum Dóminus sacerdotem sibi. **R.** Ad sacrificándum ei hóstiam láudis.

Pater noster.

Absolutio. Ipsius pietas.

ŷ. Jube domne.

Bened. Deus Pater omnipotens.

Sermo sancti Máximi
Episcopi.

Homil. 59., quæ est 2.
de S. Eusebio Vercellensi.

Lectio iv.

Ad sancti ac beatissimi Patris nostri **N.**, cujus hódie festa celebrámus, láudes addidisse áliquíd, decerpisse est : síquidem virtútum ejus grátia non

sermónibus exponénda est, sed opéribus comprobánda. Cum enim dicat Scriptúra : Glória patris est filius sapiens : quantæ hujus sunt glóriæ, qui tantórum filiórum sapiéntia, et devotióne lætátur? In Christo enim Jesu per Evangélium ipse nos genuit.

R. Inveni David, servum meum, óleo sancto meo unxi eum : * Manus enim mea auxiliábitur ei. **ŷ.** Nihil proficiet inimicus in eo, et filius iniquitátis non nocébit ei. Manus.

Bened. Christus perpétuæ.

Lectio v.

QUIDQUID igitur in hac sancta plebe potest esse virtútis et grátiae, de hoc quasi quodam fonte lucidissimo, ómnium rivulórum puritas emanávit. Etenim quia castitátis pollébat vigóre, quia abstinéntiæ gloriabátur angústis, quia blandiméntis erat præditus lenitátis, ómnium civium in Deum provocávit afféctum : quia Pontificis administratióne fulgébat, plures e discipulis reliquit sui sacerdotií successóres.

R. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. **ŷ.** Inveni David servum meum, óleo sancto meo unxi eum. Manus.

Bened. Ignem sui amóris.

Lectio vj.

BENE et congrue in hac die, quam nobis beāti Patris nostri **N.** ad paradísium tránsitus exsultábilem reddit, præséntis Psalmi versículum decantávimus : In memória ætéRNA erit justus. Digne enim in memóriam vértitur hóminum, qui ad gáudium tránsiit Angelórum. Dicit sermo divínus : Ne láudes hóminem in vita sua : tamquam si diceret : Láuda post vitam, magnífica post consummationem. Duplici enim ex cáusa utilius est hóminum magis memóriæ láudem dare, quam vitæ ; ut illo potissimum témpore mérita sanctitátis extóllas, quando nec laudántem adulátio movet, nec laudátum tentet elátio.

R. Iste est qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. **V.** Iste est qui contémpsit vitam mundi, et pervénit ad cæléstia regna. Ipse. Glória Patri. Ipse.

IN III. NOCTURNO

Ant. Dómine, * iste sanctus habitábit in tabernáculo tuo, operátus est justitiam, requiescet in monte sancto tuo.

Psalmus 11.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus : * timéntes áutem Dóminum glóricat :

Qui jurat próximo suo, et non decipit, * qui pecúniám suam non dedit ad usúram, et múnera super innocéntem non accépit :

Qui facit hæc, * non móvêbitur in ætérnum.

Ant. Dómine, iste sanctus habitábit in tabernáculo tuo, operátus est justitiam, requiescet in monte sancto tuo.

Ant. Vitam pétiiit * a te, et tribuísti ei Dómine : glóriam et magnum decórem imposuísti super eum : posuísti in cápite ejus corónam de lápide pretióso.

Psalmus 20.

DÓMINE in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuísti ei : * et voluntáte labiórurn ejus non fraudásti eum.

Quóniam prævenísti eum in benedictiónibus dulcedínis : * posuísti in cápite ejus corónam de lápide pretióso.

Vitam pétiit a te : * et tribuisti ei longitúdinem diérum in sáeculum, et in sáeculum sáeculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sáeculum sáeculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altissimi non commovébitur.

Inveniátur manus tua ómnibus inimicis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consilia, quæ non potuérunt stabilire.

Quóniam pones eos dorsum : * in reliquiis tuis præparábis vultum eórum.

Exaltáre Dómine in virtúte tua : * cantábitus et psallémus virtútes tuas.

Ant. Vitam pétiit a te, et tribuisti ei Dómine : glóriam et magnum decórem imposuisti super eum : posuisti in cápite ejus coronam de lápide pretióso.

Ant. Hic accípiet * benedictiónem a Dómino, et misericórdiam a Deo salutári suo : quia hæc est generátio quæréntium Dóminum.

Psalmus 23.

DÓMINI est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Hic accípiet benedictiónem a Dómino, et misericórdiam a Deo salu-

tári suo : quia hæc est generatio quærentium Dóminum.

Ÿ. Tu es sacerdos in ætérnum. R. Secúndum órđinem Melchisedech.

Pater noster.

Absolutio. A vñculis.

Ÿ. Jube domne.

Bened. Evangélica lécťio.

Lécťio sancti Evangéľii secúndum Matthæum.

Lectio vij. Cap. 25. b

In illo témpore : Dixit Jesus discipulis suis parábolam hanc : Homo peregře proficiscens, vocávit servos suos, et trádedit illis bona sua. Et réliqua.

Homilia sancti Gregórii
Papæ.

Homil. 9. in Evang.

LÉCTIO sancti Evangéľii, fratres caríssimi, sollicitè consideráre nos ádmonet, ne nos, qui plus cæteris in hoc mundo accepisse áliquid cernimur, ab auctóre mundi grávius inde judicémur. Cum enim augéntur dona, ratiónes étiam crescunt donórum. Tanto ergo esse humilior, atque ad serviéndum Deo prómptior quisque debet ex múnere, quanto se obligatiórem esse cónspicit in reddénda ratióne. Ecce homo qui peregře proficiscitur, servos suos vocat, eisque ad negótium talénta partítur. Post multum vero témporis positúrus ratiónem revértitur. Bene operántes pro apportáto lucro remúnerat, servum vero

a bono ópere torpéntem damnat.

R. Amávit eum Dóminus, et ornávit eum : stolám glóriæ induit eum, * Et ad portas paradisi coronávit eum.

Ÿ. Induit eum Dóminus lorícám fidei, et ornávit eum. Et.

Bened. Cujus festum cólimus.

Lectio viij.

QUIS itaque iste homo est, qui peregře proficiscitur, nisi Redémptor noster, qui in ea carne quam assúmpserat, ábiit in cælum? Carnis enim locus próprius terra est; quæ quasi ad peregrína dúcitur, dum per Redemptórem nostrum in cælo collocátur. Sed homo iste peregře proficiscens, servis suis bona sua trádedit, quia fidélibus suis spirituália dona concéssit. Et uni quidem quinque talénta, álii duo, álii vero commisit unum. Quinque etenim sunt córporis sensus, vidélicet : visus, auditus, gustus, odorátus, et tactus. Quinque ergo taléntis, donum quinque sensuum, id est, exteriórum sciéntia exprimitur. Duóbús vero, intelléctus et operátio designátur. Unius áutem talénti nómine, intelléctus tantúmmodo designátur.

R. Sint lumbi vestri præcincti, et lucérnæ ardéntes in mánibus vestris : * Et vos símiles homínibus expectántibus dóminum suum,

quando revertátur a nuptiis.

Ÿ. Vigiláte ergo, quia nescitis qua hora Dóminus vester ventúrus sit. Et. Glória Patri. Et.

Bened. Ad societátem.

Lectio ix.

SED is, qui quinque talénta accéperat, ália quinque lucrátus est : quia sunt nonnúllo, qui etsi intérna ac mýstica penetráre nésciunt, pro intentióne tamen supérnæ pátriæ docent recta quos possunt, de ipsis exterióribus, quæ accepérunt, duplum taléntum portant : dumque se a carnis petulántia, et a terrenárum rerum ámbitu, atque a visibílium voluptáte custódiunt, ab his étiam álios admonéndo compéscunt. Et sunt nonnúllo, qui quasi duóbus taléntis ditáti, intelléctum atque operatióem percipiunt, subtilia de intérnis intélligunt, mira in exterióribus operántur. Cumque et intelligéndo et operándo áliis prædicant, quasi duplicátum de negótio lucrum repórtant.

Te Deum laudámus. 17.

AD LAUDES

ET PER HORAS

Ant. 1 Ecce sacérdos magnus, * qui in diébus suis plácuít Deo, et invéntus est justus.

Psalm. Dóminus regnávit. cum reliq. 18.

2. Non est invéntus * similis illi, qui conserváret legem Excélsi.

3. Ideo jurejurádo * fecit illum Dóminus créscere in plebem suam.

1. Sacerdótes Dei * benedicite Dóminum : servi Dómini hymnum dicite Deo, allelúia.

5. Serve bone * et fidélis, intra in gáudium Dómini tui.

Capitulum. Eccli. 11. c

ECCE sacérdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátió.

Hymnus.

JESU Redémptor ómnium, Perpes coróna Præsulum,

In hac die cleméntius Indúlgeas precántibus.

Tui sacri qua nóminis Conféssor almus cláruit Hujus celebrat ánnua Devóta plebs solénnia.

Qui rite mundi gáudia Hujus cadúca réspuens, Æternitátis præmio Potitur inter Angelos.

Hujus benignus ánnue Nobis sequi vestigia : Hujus precátu sêrvulis Dimitte noxam criminis.

Sit Christe Rex piíssime Tibi, Patrique glória, Cum Spiritu Paráclito, Nunc et per omne sáeculum. Amen.

Ÿ. Justum dedúxit Dóminus per vias rectas. **R.** Et osténdit illi regnum Dei.

Ad Bened. Ant. Euge serve bone * et fidélis, quia in

páuca fuísti fidélis, supra multa te constitúam, dicit Dóminus.

Oratio.

DA, quæsumus omnípotens Deus : ut beáti *N.* Confessoris tui atque Pontificis veneránda solémnitas, et devotióne nobis áugeat, et salútem. Per Dóminum.

Alia Oratio.

EXÁUDI, quæsumus Dómine, preces nostras, quas in beáti *N.* Confessoris tui atque Pontificis sollemnitate deférimus : et qui tibi digne méruit famulári, ejus intercedéntibus méritis ab ómnibus nos absólve peccátis. Per Dóminum.

Pro Doctore. Oratio.

DEUS, qui pópulo tuo æternæ salútis beátum *N.* ministrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

AD TERTIAM

Ant. Non est invéntus.

Capit. Ecce sacérdos.

R. br. Amávit eum Dóminus, * Et ornávit eum. Amávit. *V.* Stolam glóriæ induit eum. Et. Glória. Amávit.

V. Elégit eum Dóminus sacérdotem sibi. *R.* Ad sacrificándum ei hóstiam láudis.

AD SEXTAM

Ant. Ideo jurejurádo.

Capitulum. *Eccli. 44. c*

NON est invéntus similis illi, qui conserváret le-

gem Excélsi : ideo jurejurádo fecit illum Dóminus créscere in plebem suam.

R. br. Elégit eum Dóminus * Sacérdotem sibi. Elégit. *V.* Ad sacrificándum ei hóstiam láudis. Sacérdotem. Glória Patri. Elégit.

V. Tu es sacérdos in ætérnum. *R.* Secúndum órduem Melchisedech.

AD NONAM

Ant. Serve bone.

Capitulum. *Eccli. 45. c*

FUNGI sacérdotio, et habére láudem in nómine ipsius, et offérre illi incénsu dignum in odórem suavitátis.

R. br. Tu es sacérdos * In ætérnum. Tu. *V.* Secúndum órduem Melchisedech. In. Glória Patri. Tu.

V. Justum dedúxit Dóminus per vias rectas. *R.* Et osténdit illi regnum Dei.

IN II. VESPERIS

Ant. de Laud., Pss. ut in I. Vesp. de Comm. Apost. 2, et loco ult.*

Psalmus 131.

MEMENTO Dómine David, * et omnis mansuetúdinis ejus :

Sicut jurávit Dómino, * votum vovit Deo Jacob :

Si introiero in tabernáculum domus meæ, * si ascéndero in lectum strati mei :

Si dédero somnum óculis meis, * et pálpebris meis dormitatióne :

Et réquiem tempóribus meis : donec invéniam lo-

cum Dómino, * tabernáculum Deo Jacob.

Ecce audivimus eam in Ephrata : * invénimus eam in campis silvæ.

Introibimus in tabernáculum ejus : * adorábitus in loco, ubi steterunt pedes ejus.

Surge Dómine in réquiem tuam, * tu et arca sanctificatióis tuæ.

Sacerdótes tui induántur justitiam : * et sancti tui exsúltent.

Propter David servum tuum, * non avértas fáciem Christi tui.

Jurávit Dóminus David veritatem, et non frustrábitur eam : * de fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docebo eos :

Et filii eórum usque in sæculum, * sedébunt super sedem tuam.

Quóniam elégit Dóminus Sion : * elégit eam in habitatióem sibi.

Hæc réquies mea in sæculum sæculi : * hic habitábo quóniam elégi eam.

Viduam ejus benedicens benedicam : * páuperes ejus saturábo pánibus.

Sacerdótes ejus induam salutári, * et sancti ejus exsultatióne exsultábunt.

Illuc producam cornu David, * parávi lucérnam Christo meo.

Inimícos ejus induam confusióne : * super ipsum autem efflorebit sanctificatió mea.

Capit. et Hymn. ut in I. Vesp.

Ÿ. Justum dedúxit Dóminus per vias rectas. R. Et osténdit illi regnum Dei.

Ad Magnif. Ant. Amávit eum Dóminus, * et ornávit eum : stolam glóriæ induit eum, et ad portas paradisi coronávit eum.

Sequens Ant. dicitur ad Magnif. in II. Vesp. pro solis summis Pontificibus.

Ant. Dum esset summus Póntifex, * terréna non méruit, sed ad cæléstia regna gloriósus migrávit.

Si occurrat celebrari Festum plur. Pont. et Conf., Officium fit ut supra : sed in Oratione et Sermone, quæ ponuntur in singulari, dicantur in plurali; et in I. Nocturno leguntur sequentes Lectiones de Scriptura.

De libro Ecclesiástici.

Lectio j. Cap. 44.

LAUDÉMUS viros gloriósos, et paréntes nostros in generatióne sua. Multam glóriam fecit Dóminus magnificéntia sua a sæculo. Dominántes in potestátibus suis, hómines magni virtúte, et prudéntia sua præditi, nuntiántes in Prophétis dignitatem Prophetárum, et imperántes in præsénti pópulo, et virtúte prudéntiæ pópulis sanctissima verba.

In perítia sua requiréntes modos músicos, et narrántes cármina scripturárum.

R. Euge serve bone et fidélis, quia in páuca fuísti fidélis, supra multa te constituam : * Intra in gáudium dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

Lectio ij.

HÓMINES divites in virtúte, pulchritúdinis stúdiu habéntes : pacificántes in dómibus suis. Omnes isti in generatióibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérunt nomen narrándi láudes eórum : et sunt quorum non est memória : periérunt quasi qui non fúerint : et nati sunt, quasi non nati, et filii ipsórum cum ipsis.

R. Ecce sacérdos magnus, qui in diébus suis plácuit Deo : * Ideo jurejurádo fecit illum Dóminus créscere in plebem suam. **R.** Benedictiónem ómnium géntium dedit illi, et testaméntum suum confirmávit super caput ejus. Ideo.

Lectio iij.

SED illi viri misericórdiæ sunt, quorum pietátes non defuérunt : cum sémine eórum pérmanent bona, heréditas sancta nepótes eórum et in testaméntis stetit semen eórum : et filii eórum pro-

pter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et láudem eórum núntiet Ecclésia.

R. Jurávit Dóminus. 59*.

II. ALIÆ LECTIONES

PRO PONTIFICIBUS ET CONFESSORIBUS

IN II. NOCTURNO

Sermo sancti Máximi Episcopi.

Ex Homil. 59., de S. Eusebio. 2.

Lectio iv.

BEÁTI Patris **N.** mérita jam in tuto pósito secúri magnificémus : qui gubernáculum fidei viriliter tenens, áncoram spei tranquilla jam in statióne compósuit, et plenam cæléstibus divitiis et ætérnis mércibus navem optáto in littore collocávit : quicontra omnes adversários scutum timóris Dei tándiu infatigabiliter ténuít, donec ad victóriam perveniret. Quid enim fuit totus vitæ illius cursus, nisi unus cum vigili hoste conflictus?

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

QUANTIS hic cæcis a via veritatis errantibus, et de summa jam in profundum rupe pendentibus amissum reddidit visum, et illum, quo Christus videretur, reparavit intuitum? Quantorum auribus surdis, et infidelitatis obturatione damnatis, ad percipiendam vocem cælestium mandatorum, pretiosum infudit auditum, ut vocanti Deo ad misericordiam responderent per obedientiam? Quantos intrinsecus vulneratos, angelici oris arte et orationum, ab infirmitate curavit?

R. Pósui adjutorium super potentem, et exaltavi electum de plebe mea: * Manus enim mea auxiliabitur ei. **V.** Inveni David servum meum, oleo sancto meo unxi eum. Manus.

Lectio vj.

QUANTOS per longam incuriam peccati labe resolutos, et quadam lepræ contagione perfusos, castigatiónibus et exhortatiónibus expiando, Deo in se operante, mundavit? Quantorum animas viventes in corpore jam defunctas, et delictorum mole obrutas ac sepultas, ad emendationem tamquam ad lucem vocando, Deo resuscitavit: ut Domini sui admirandus imitator, jam mortuas Deo, e contrario mortificet vitali morte peccato?

R. Iste est qui ante Deum magnas virtutes operatus est, et omnis terra doctrina ejus repléta est: * Ipse intercedat pro peccatis omnium populorum. **V.** Iste est qui contempsit vitam mundi, et pervenit ad cælestia regna. Ipse. Glória Patri. Ipse.

IN III. NOCTURNO

Lectio sancti Evangelii secundum Matthæum.

Lectio vij. Cap. 24. d

IN illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Et reliqua.

Homilia sancti Hilarii
Episcopi.

**Comment. in Matth. cap. 26.,
in fine.**

UT ignorantiam illam diæi omnibus taciti, non sine utilis silentii ratione esse sciremus, vigilare nos Dominus propter adventum furis admónuit, et orationum assiduitate detentos, omnibus præceptorum suorum operibus inhærere. Furem enim esse ostendit zabulum, ad detrahenda ex nobis spolia pervigilem, et corporum nostrorum dormibus insidiantem: ut ea incuriosis nobis, et somno deditis, consiliorum suorum atque illecebrarum jâculis perfodiât. Parâtos igitur esse nos convenit, quia diæi ignorantio intentam sollicitudinem suspensæ expectatiónis exâgitet.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorricam fidei, et ornávit eum. Et.

Lectio viij. Cap. 27.

QUISNAM est fidélis servus et prudens, quem constituit Dóminus super familiam suam? Quamquam in commúne nos ad indefessam vigilántiæ curam adhortétur: speciálem tamen pópuli principibus, id est, episcopis, in exspectatióne adventúque suo sollicitúdinem mandat. Hunc enim servum fidélem atque prudentem, præpósitum familiæ significat, cómmoda atque utilitatés commissi sibi pópuli curántem. Qui si dicto áudiens, et præcéptis obédiens erit, id est, si doctrinæ opportunitáte et veritaté infirma confirmet, disrúpta consólidet, depraváta convértat, et verbum vitæ in æternitátis cibum aléndæ familiæ dispéndat, atque hæc agens, hisque immorans deprehendátur, glóriam a Dómino tamquam dispensátor fidélis, et villicus útilis consequétur, et super ómnia bona constituétur; id est, in Dei glória collocábitur, quia nihil sit ultra, quod mélius sit.

R. Sint lumbi vestri præcincti, et lucérnæ ardéntes in mánibus vestris: * Et vos similes hominibus exspe-

ctántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

Lectio ix.

QUOD si cóntuens longam Dei patiéntiam, quæ in profectum humánæ salútis exténditur, advérsus consérvos insoléscet, et sæculi malis vitiisque se tradet, præsentium tantum curam in cultu ventris exercens: desperáta die Dóminus advéniet, eúmque a bonis quæ spopónderat, dividet, portionémque ejus cum hypócritis in pœnæ æternitaté constituet: quia advéntum desperáverit, quia mandátis non obtemperáverit, quia præsentibus studúerit, quia vita géntium víxerit, quia desperatione judicii commissam sibi familiam fame, siti, cæde vexáverit.

Te Deum laudámus. 17.

PRO DOCTORIBUS

Ad Magnif. in utrisque Vesp. Ant. O Doctor óptime, * Ecclésiæ sanctæ lumen, beáte **N.**, divinæ legis amátor, deprecáre pro nobis Filium Dei.

Oratio.

DEUS, qui pópulo tuo æternæ salútis beátum **N.** ministrum tribuísti: præsta, quæsumus; ut quem Doctórem vitæ habúimus in terris, intercessórem habére mereámur in cælis. Per.

Lect. seq. leguntur in Fest. Doct. Offic. autem in illis fit de Conf. Pont. vel non Pont., pro qualitate Festi.

IN I. NOCTURNO
De libro Ecclesiastici.

Lectio j. Cap. 39.

SAPIÉNTIAM ómnium anti-
quórum exquirit sapiens,
et in prophétis vacabit. Nar-
rationem virórum nomina-
tórum conservabit, et in
versútias parabolárum simul
introibit. Occulta prover-
biórum exquirit, et in abs-
cónditis parabolárum con-
versabitur. In médio magna-
tórum ministrabit, et in
conspéctu præsidis apparé-
bit. In terram alienigenárum
géntium pertransiet: bona
enim et mala in hominibus
tentabit.

R. Euge serve bone et fidé-
lis, quia in páuca fuisti fidé-
lis, supra multa te consti-
tuam: * Intra in gáudium
Dómini tui. **V.** Dómine quin-
que talénta tradidisti mihi,
ecce ália quinque superlu-
crátus sum. Intra.

Lectio ij.

COR suum tradet ad vigi-
lándum dilúculo ad Dó-
minum, qui fecit illum, et
in conspéctu Altissimi depre-
cábitur. Apériet os suum in
oratióne, et pro delictis suis
deprecábitur. Si enim Dómi-
nus magnus volúerit, spíritu
intelligéntiæ replébit illum:
et ipse tamquam imbres mit-
tet elóquia sapiéntiæ suæ, et

in oratióne confitébitur Dó-
mino: et ipse diriget consi-
lium ejus, et disciplinam,
et in absconditis suis consi-
liábitur.

Pro Doctore Pontifice.

R. Ecce sacerdos magnus,
qui in diébus suis plácuít
Deo: * Ideo jurejurádo fe-
cit illum Dóminus créscere
in plebem suam. **V.** Benedi-
ctiódinem ómnium géntium
dedit illi, et testaméntum
suum confirmávit super ca-
put ejus. Ideo.

Pro Doctore non Pontifice.

R. Justus germinábit sicut
lilium: * Et florébit in ætér-
num ante Dóminum. **V.** Plan-
tátus in domo Dómini, in
átriis domus Dei nostri. Et.

Lectio iij.

IPSE palam fáciét discipli-
nam doctrinæ suæ, et in
lege testaménti Dómini glo-
riábitur. Collaudábunt multi
sapiéntiam ejus, et usque in
sæculum non delébitur. Non
recédet memória ejus, et
nomen ejus requirétur a
generatióne in generatió-
nem. Sapiéntiam ejus enar-
rábunt gentes, et láudem
ejus enuntiábit Ecclésia.

Pro Doctore Pontifice.

R. Jurávit Dóminus. 59*.

Pro Doctore non Pontifice.

R. Iste cognóvit. 80*.

IN II. NOCTURNO

Ex libro Morálium sancti
Gregórii Papæ.

Lectio iv. Lib. 9. cap. 6.

QUI post Oríonas Hyádum
nómine, nisi Doctóres

sanctæ Ecclesiæ designantur? Qui subductis Martýribus, eo jam tẽpore ad mundi notítiam venérunt, quo fides clárius elúcet, et reprẽssa infidelitátis hieme, áltius per corda fidélium sol veritátis calet. Qui remóta tempestáte persecutiónis, explétis longis nóctibus infidelitátis, tunc sanctæ Ecclesiæ orti sunt, cum ei jam per credulitátis vernum lucídior annus aperítur.

Pro Doctore Pontifice.

R̃. Invéni David, servum meum, óleo sancto meo unxi eum : * Manus enim mea auxiliábitur ei. **Ṽ.** Nihil proficiet inimícus in eo, et filius iniquitátis non nocébit ei. Manus.

Pro Doctore non Pontifice.

R̃. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **Ṽ.** Justum dedúxit Dóminus per vias rectas, et osténdit illi regnum Dei. Et.

Lectio v.

NEC immérito Doctóres sancti Hýadum nuncupatióne signántur. Græco quippe elóquio hýetos plúvia vocátur : et Hýades nomen a plúviis accepérunt, quia ortæ procul dúbio imbres ferunt. Bene ergo Hýadum appellatióne expréssi sunt, qui ad statum universális Ecclesiæ, quasi in cæli fáciem dedúcti, su-

per aréntem terram humáni pectoris sanctæ prædicatiónis imbres fuderunt. Si enim prædicatiónis sermo plúvia non esset, Móyses minime dixisset : Exspectétur sicut plúvia elóquium meum : et nequáquam per Isaíam Veritas diceret : Mandábo núbibus meis, ne pluant super eam imbrem : atque hoc, quod páulo ante protúlimus : Quamóbrem prohibitæ sunt stellæ pluviárum.

Pro Doctore Pontifice.

R̃. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. **Ṽ.** Invéni David servum meum, óleo sancto meo unxi eum. Manus.

Pro Doctore non Pontifice.

R̃. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **Ṽ.** Induit eum Dóminus lorícam fidei, et ornávit eum. Et.

Lectio vj.

DUM ergo Hýades cum plúviis véniunt, ad cæli spátia altióra sol dúcitur : quia apparénte Doctórum sciéntia, dum mens nostra imbre prædicatiónis infúnditur, fidei calor augétur. Et perfúsa terra ad fructum próficit, cum lumen ætheris ignéscit : quia ubérius frugem boni óperis réddimus, dum per sacrae eruditiónis flammam in corde clárius

ardemus. Dumque per eos diébus singulis magis magisque sciéntia cæléstis osténditur, quasi intérni nobis lúminis vernum tempus aperitur : ut novus sol nostris méntibus rúilet, et eórum verbis nobis cógnitus seipso quotidie clárior micet. Urgente etenim mundi fine, supérna sciéntia próficit, et largius cum témpore excre-scit.

Pro Doctore Pontifice.

R. Iste est. 62*.

Pro Doctore non Pontifice.

R. Iste homo. 83*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 5. b

IN illo témpore : Dixit Jesus discíplis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Augustini
Episcopi.

Lib. 1. de Serm. Domini in monte. Cap. 6. Tom. 4.

OSTÉNDIT Dóminus, fátuos esse judicádos, qui temporálium bonórum vel cópiam sectántes, vel inópíam metuéntes, amíttunt ætérra, quæ nec dari possunt ab homínibus, nec auferri. Itaque si sal infatuátum fúerit, in quo saliétur? Id est, si vos, per quos condiéndi sunt quodámmodo pópuli, metu persecutiónum temporálium amisérítis regna cælórum; qui erunt hó-

mines, per quos a vobis error auferátur, cum vos elégerit Deus, per quos errórem áuferat cæterórum?

Pro Doctore Pontifice.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.

V. Induit eum Dóminus lorícam fidei, et ornávit eum. Et.

Pro Doctore non Pontifice.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viij.

ERGO ad nihilum valet sal infatuátum, nisi ut mitátur foras, et calcétur ab homínibus. Non itaque calcátur ab homínibus, qui pátitur persecutiómem : sed qui persecutiómem timéndo infatuátur. Calcári enim non potest nisi inférior : sed inférior non est, qui quamvis corpore multa in terra sustineat, corde tamen fixus in cælo est.

R. In médio Ecclésiæ apéruit os ejus, * Et implévit eum Dóminus spíritu sapiéntiæ et intelléctus. **V.** Jucunditatem et exsultatiómem thesaurizávit super eum. Et. Glória Patri. Et.

Lectio ix.

Vos estis lumen mundi. Quómodo dixit supérius sal terræ, sic nunc dicit lumen mundi. Nam neque supérius ista terra accipiéndā est, quam pēdibus corporeis calcāmus : sed hómīnes qui in terra hábitant, vel étiam peccatóres, quorum condiéndis et exstinguéndis putóribus apostólicum salem Dóminus misit. Et hic mundum non cælum et terram, sed hómīnes, qui sunt in mundo, vel diligunt mundum, opórtet intélligi, quibus illuminándis Apóstoli missi sunt. Non potest civitas abscóndi super montem pósita : id est, fundáta super insígnem magnámque justitiam, quam significat étiam ipse mons, in quo disputat Dóminus.

Te Deum laudāmus. 17.

II. ALIA HOMILIA

Léctio sancti Evangélīi secúndum Matthæum.

Lectio vij. Cap. 5. b

In illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Hilárii
Episcopi.

Comm. in Matthæum, cap. 5.

Vos estis sal terræ : quod si sal infatuátum fúerit, ad nihilum valet id quod saliétur. Sal, ut árbítror, terræ nullum est. Quómodo

ergo Apóstolos sal terræ nuncupávit? Sed proprietas est quærénda dictórum, quam et Apostolórum officium, et ipsius salis natúra monstrábit. Sal est in se uno cóntinens aquæ et ignis eleméntum, et hoc ex duóbus est unum.

Pro Doctore Pontifice.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

Pro Doctore non Pontifice.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédāt pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercédāt.

Lectio viij.

Hic igitur in omnem usum húmāni géneris efféctus, incorruptiónem corpóribus, quibus fúerit aspérsus, impértit, et ad omnem sensum conditi sapóris aptissimus est. Apóstoli áutem sunt rerum cæléstium prædicatóres, et æternitátis velut satóres, immortalitátem ómnibus corpóribus, quibus eórum sermo aspérsus fúerit, conferéntes. † Mérito igitur sal terræ nuncupáti sunt, per doctrínæ virtútem saliéndi

modo æternitáti cõrpora reservántes.

R. In médio Ecclésiæ apéruit os ejus, * Et implévit eum Dóminus spiritu sapiéntiæ et intelléctus. **V.** Jucunditatem et exsultatiónem thesaurizávit super eum. Et. Glória Patri. Et.

Lectio ix.

SED natúra salis semper éadem est, nec immutári umquam potest. Verum quia conversióni homo súbjacet, et solus beátus, qui usque ad finem in ómnibus Dei opéribus permánserit : ideo eos sal terræ nuncupátos monet in tráditiæ sibi potestátis virtúte persistere, ne infatuáti nihil sálient, et ipsi, sensu accepti sapóris amisso, vivificáre corrúpta non possint, et projécti de Ecclésiæ promptuáriis, cum his quos salierint, pédibus incedéntium proterántur.

Te Deum laudámus. 17.

III. ALIA HOMILIA

Léctio sancti Evangélii secúndum Matthæum.

Lectio vij. Cap. 5. b

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo salietur? Et réliqua.

Homilia sancti Joánnis Chrysóstomi.

Homilia 15. in Matthæum, sub medium.

ATTÉNDITE quid dixerit, Vos estis sal terræ : per

quod osténdit quam necessário ista præcipiat. Non enim de vestra, inquit, tantúmmodo vita, sed de universo orbe vobis rátio reddénda est. Non ad duas quippe urbes, aut decem, aut viginti, neque ad unam gentem vos mitto, sicut mittebam prophétas : sed ad omnem terram prorsus ac mare, totúmque mundum, et hunc váriis criminibus opprèssum.

Pro Doctore Pontifice.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

Pro Doctore non Pontifice.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédat pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viij.

DICÉNDÓ enim, Vos estis sal terræ, osténdit universam hóminum infatuátam esse natúram, et peccatórum vi corrúptam : et idcirco illas ab eis virtútes requirit, quæ máxime ad multórum salutem procurándam necessariæ sunt atque útiles. Nam qui mansuétus est ac modé-

stus, et miséricors et justus, non intra se tantúmmodo hæc recte facta conclúdit, verum in aliórum quoque utilitátem præcláros hos fáciat effluere fontes. Igitur qui corde mundo est atque pacíficus, et persecutióne pro veritaté pátitur, nihilóminus in commúne cómodum vitam instituit.

R. In médio Ecclesiæ apéruit os ejus, * Et implévit eum Dóminus spiritu sapiéntiæ et intelléctus. **V.** Jucunditatem et exultatióne thesaurizávit super eum. Et. Glória. Et.

Lectio ix.

NE igitur putétis, inquit, ad lévia vos ducendos

esse certámina, neque exigúarum rerum vobis ineúndam esse ratióne. Vos estis sal terræ. Quid igitur? Ipsine putrefácta medicáti sunt? Nequáquam : neque enim fieri potest, ut ea quæ jam corrúpta sunt, salis perfriatióne reparéntur. Non ergo hoc fecerunt, sed ante renováta, sibique trádita, atque ab illa jam putredine liberáta, aspergébant sale, et in ea novitaté conservábant, quam a Dómino suscepérant. Liberáre quippe a putredine peccatórum, Christi virtútis est : ut áutem ad illa iterum non revertántur, Apostolórum curæ est ac labóris.

Te Deum laudámus. 17.

COMMUNE CONFESSORIS NON PONTIFICIS

IN I. VESPERIS

Ant. de Laud., Pss. ut in I. Vesp. de Comm. Apostolorum. 2*.

Capitulum. Eccli. 31.

BEATUS vir, qui invéntus est sine mácula, et qui post áurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua.

Hymnus.

ISTE Confessor Dómini coléntes
Quem pie láudant pópuli per orbem,
Hac die lætus mérui beátas
Scándere sedes.

Si non est dies obitus, quod indicant in Proprio litteræ m. t. v., dic. :

Hac die lætus mérui suprémos

Láudis honóres.

Qui pius, prudens, húmilis, pudicus,

Sóbriam duxit sine labe vitam,

Donec humános animávit áuræ

Spiritus artus.

Cujus ob præstans méritum frequénter,

Ægra quæ passim jacuere, membra

Viribus morbi dómitis, salúti

Restituúntur.

Noster hinc illi chorus
obsequentem
Cónclinit láudem, celebrés-
que palmas;
Ut piis ejus précibus juvé-
mur

Omne per ævum.

Sit salus illi, decus, atque
virtus,

Qui super cæli sólio corú-
scans,

Totius mundi sériem gubér-
nat

Trinus, et unus.

Amen.

V. Amávit eum Dóminus,
et ornávit eum. **R.** Stulam
glóriæ induit eum.

Ad Magnif. Ant. Similábo
eum * viro sapiénti, qui ædi-
ficávit domum suam supra
petram.

Oratio.

DEUS, qui nos beáti **N.**
Confessoris tui ánnua
solemnitate lætíficas : con-
céde propítius; ut cujus nata-
litia cólimus, étiam actiónes
imitémur. Per Dóminum.

Alia Oratio.

ADÉSTO Dómine supplica-
tiónibus nostris, quas in
beáti **N.** Confessoris tui sole-
mnitate deférimus : ut qui
nostræ justitiæ fidúciā non
háemus, ejus, qui tibi plá-
cuit, précibus adjuvémur.
Per Dóminum.

Si fuerit Abbas.

Oratio.

INTERCÉSSIO nos, quæsu-
mus Dómine, beáti **N.**
Abbátis comméndet : ut
quod nostris méritis non

valémus, ejus patrocínio
assequámur. Per Dóminum.

AD MATUTINUM

Invit. Regem Confessorum
Dóminum, * Veníte, adoré-
mus.

Ps. Veníte, exsultémus. 2.

Hymnus. Iste Confessor.
ut supra.

IN I. NOCTURNO

Ant. Beátus vir, * qui in
lege Dómini meditátur :
volúntas ejus pérmanet die
ac nocte, et ómnia quæcúm-
que fáciat, semper prospera-
búntur.

Psalmus 1.

BEÁTUS vir, qui non ábiit
in consilio impiórum, et
in via peccatórum non ste-
tit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in témpo-
re suo :

Et fólium ejus non dé-
fluet : * et ómnia quæcúm-
que fáciat, prosperabúntur.

Non sic impii, non sic : *
sed tamquam pulvis, quem
próicit ventus a fácie terræ.

Ideo non resúrgent impii
in iudicio : * neque pecca-
tóres in concílio justórum.

Quóniam novit Dóminus
viam justórum : * et iter
impiórum peribit.

Ant. Beátus vir, qui in
lege Dómini meditátur : vo-

lúntas ejus pérmanet die ac nocte, et ómnia quæcúmque fáciét, semper prosperabúntur.

Ant. Beátus iste sanctus, * qui confisus est in Dómino, prædicávit præceptum Dómini, constitútus est in monte sancto ejus.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum rex ab eo super Sion montem sanctum ejus, * prædicans præceptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam términos terræ.

Reges eos in virga férrea, * et tamquam vas figuli confrínges eos.

Et nunc reges intelligite : * erudímini qui judicátis terram.

Servíte Dómino in timó-

re : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Beátus iste sanctus, qui confisus est in Dómino, prædicávit præceptum Dómini, constitútus est in monte sancto ejus.

Ant. Tu es glória mea, * tu es suscéptor meus Dómine : tu exáltans caput meum, et exaudisti me de monte sancto tuo.

Psalmus 3.

DÓMINE quid multiplicáti sunt qui tribulant me? * Multi insúrgunt advérsum me.

Multi dicunt ánimæ meæ : * Non est salus ipsi in Deo ejus.

Tu áutem Dómine suscéptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo millia pópuli circumdántis me : * exsúrge Dómine, salvum me fac Deus meus.

Quóniam tu percussísti omnes adversántes mihi sine cáusa : * dentes peccatórum contrivísti.

Dómini est salus : * et super pópulum tuum benedictio tua.

Ant. Tu es glória mea, tu es suscēptor meus Dómine : tu exáltans caput meum, et exaudísti me de monte sancto tuo.

V. Amávit eum Dóminus, et ornávit eum. **R.** Stolum glóriæ induit eum.

Pater noster.

Absolutio. Exáudi Dómine.

V. Jube domne.

Bened. Benedictióne perpétua.

De libro Sapiéntiæ.

Lectio j. Cap. 4. b et 5.

JUSTUS si morte præoccupátus fúerit, in refrigério erit. Senectus enim venerábilis est non diutúrna, neque annórum número computáta : cani áutem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malítia mutáret intelléctum ejus, aut ne fictio decíperet ánimam illius. Fascinatio enim nugacitátis obscurat bona, et inconstántia concupiscéntiæ transvértit sensum sine malítia. Consummátus in brevi explévit témpora multa : plácita enim erat Deo ánima illius : propter hoc properávit educere illum de médio iniquitátum.

R. Euge serve bone et fidélis, quia in páuca fuisti fidélis, supra multa te con-

stitutam : * Intra in gáudium Dómini tui. **V.** Dómine quinque talénta tradidísti mihi, ecce ália quinque superlucrátus sum. Intra.

Bened. Unigénitus Dei Filius.

Lectio ij.

PÓPULI áutem vidéntes, et non intelligéntes, nec ponéntes in præcórdiistália : quóniam grátia Dei et misericórdia est in sanctos ejus, et respéctus in eléctos illius. Condémnat áutem justus mórtuus vivos impios, et juvéntus celérius consummáta longam vitam injústi. Vidébunt enim finem sapiéntis, et non intélligent quid cogitáverit de illo Deus, et quare munierit illum Dóminus. Vidébunt et contémnent eum : illos áutem Dóminus irridébit. Et erunt post hæc decidéntes sine honóre, et in contumélia inter mórtuos in perpétuum : quóniam disrúmpet illos inflátos sine voce, et commovébit illos a fundaméntis, et usque ad supréum desolabúntur.

R. Justus germinábit sicut lílium : * Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et florébit.

Bened. Spíritus sancti grátia.

Lectio iij.

ET erunt geméntes, et memoria illórum peribit. Vénient in cogitatióne pec-

catórum suórum timidi, et tradúcent illos ex advérso iniquitátes ipsórum. Tunc stabunt iusti in magna constantia advérsus eos qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salutis, dicéntes intra se, pœniténtiam agéntes, et præ angústia spíritus geméntes : Hi sunt quos habúimus aliquándo in derisum et in similitúdinem impropérii. Nos insensáti vitam illórum aestimabámus insániam, et finem illórum sine honóre : ecce quómodo computáti sunt inter filios Dei, et inter sanctos sors illórum est.

R. Iste cognóvit justitiam, et vidit mirábilia magna, et exorávit Altíssimum : * Et invéntus est in número sanctórum. **V.** Iste est qui contémpsit vitam mundi, et pervénit ad cæléstia regna. Et. Glória Patri. Et.

IN II. NOCTURNO

Ant. Invocántem exaudivit * Dóminus sanctum suum, Dóminus exaudivit eum, et constituit eum in pace.

Psalmus 4.

CUM invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi oratióem meam.

Filii hóminum úsquequo gravi corde? * ut quid dili-

gitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino : * multi dicunt : Quis osténdit nobis bona?

Signátum est super nos lumen vultus tui Dómine : * dedisti lætitiám in corde meo.

A fructu fruménti, vini, et olei sui * multiplicáti sunt.

In pace in idípsum * dormiam, et requiescam ;

Quóniam tu Dómine singulariter in spe * constituisti me.

Ant. Invocántem exaudivit Dóminus sanctum suum, Dóminus exaudivit eum, et constituit eum in pace.

Ant. Læténtur omnes, * qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

Psalmus 5.

VERBA mea áuribus percípe Dómine, * intéllege clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multitudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multitudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine ut scuto bonæ voluntátis tuæ * coronásti nos.

Ant. Læténtur omnes, qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

Ant. Dómine Dóminus noster, * quam admirábile est nomen tuum in univérsta terra ! quia glória et honóre coronásti sanctum tuum, et constituísti eum super ópera mánuum tuárum.

Psalms 8.

DÓMINE Dóminus noster, * quam admirábile est nomen tuum in univérsta terra !

Quóniam eleváta est magnificentia tua, * super cælos.

Ex ore infántium et lacténtium perfecísti láudem propter inimicos tuos, * ut déstruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus ? * aut filius hóminis, quóniam visitas eum ?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster,*
quam admirábile est nomen
tuum in univérſa terra!

Ant. Dómine Dóminus
noster, quam admirábile est
nomen tuum in univérſa
terra! quia glória et honóre
coronásti sanctum tuum, et
constituísti eum super ópera
mánuum tuárum.

V. Os iusti meditábitur
sapientiam. **R.** Et lingua
ejus loquétur iudicium.

Pater noster.

Absolutio. Ipsíus pietas.

V. Jube domne.

Bened. Deus Pater omni-
potens.

Sermo sancti Joánnis

Chrysóstomi.

In Orat. de S. Philogonio,
tom. 3.

Lectio iv.

BEÁTI **N.** dies, cujus festi-
vitatem celebrámus, ad
ipsíus recte factórum enar-
rationem linguam nostram
evocávit, siquidem hódie
beátus iste ad tranquillam
omnisque perturbatiónis ex-
pértem vitam tránsiit: eóque
navígium áppulit, ubi dein-
ceps non póterit metúere
naufrágium, nec ullam ánimi
perturbatiónem, aut doló-
rem. Et quid mirum est, si
locus ille purus est ab omni
moléstia ánimi, cum Páulus
hominibus adhuc in hac vita
degéntibus loquens dicat :
Semper gaudéte, sine inter-
missiône oráte?

R. Honéstum fecit illum
Dóminus, et custodívit eum

ab inimícis, et a seductóri-
bus tutávit illum : * Et dedit
illi claritatem ætérnam. **V.**
Justum dedúxit Dóminus
per vias rectas, et osténdit
illi regnum Dei. Et.

Bened. Christus perpétuæ.

Lectio v.

QUOD si hic, ubi morbi,
ubi insectatiónes, ubi
præmatúræ mortes, ubi ca-
lúnniæ, ubi invidiæ, ubi
perturbatiónes, ubi iræ, ubi
cupiditátes, ubi innumerá-
biles insidiæ, ubi quotidíanæ
sollicitúdines, ubi perpétua
sibique succedéntia mala
sunt, innúmeros ex omni
parte dolóres afferéntia,
Páulus dixit fieri posse, ut
semper gaudeámus, si quis
páululum ex rerum munda-
nárum flúctibus eréxerit ca-
put, vitámque suam recte
composúerit : multo magis,
postquam hinc demigravé-
rimus, fácale cómpotes éri-
mus ejus boni, cum hæc
ómnia subláta fúerint, ad-
vérſa valetúdo, morbi, pec-
cándi matéria, ubi non est
meum ac tuum, frigidum
illud verbum, et quidquid
est malórum in vitam no-
stram invehens, innuméra-
que gignens bella.

R. Amávit eum Dóminus,
et ornávit eum : stolam gló-
riæ induit eum, * Et ad por-
tas paradisi coronávit eum.
V. Induit eum Dóminus lo-
ricam fidei, et ornávit eum.
Et.

Bened. Ignem sui amóris.

Lectio vj.

QUAMÓBREM maximópere grátulor hujus sancti felicitáti, quod quamquam translátus est, atque hanc, quæ apud nos est, civitátem reliquit, tamen in álteram adscriptus est civitátem, nempe Dei : et digréssus ab hac Ecclesiá, ad illam pervénit, quæ est primogenitórum descriptórum in cælis : ac relictis hisce festis, tránsiit ad celebritátem Angelórum. Etenim quod et civitas sursum sit, et Ecclesiá, et célébritas, áudi Páulum dicentem : Accessistis ad civitátem Dei vivéntis, Jerúsalem cæléstem, et Ecclesiám primitivórum, qui conscripti sunt in cælis, et ad multórum millium Angelórum frequéntiam.

R. Iste homo perfécit ómnia quæ locútus est ei Deus, et dixit ad eum : Ingrédere in requiem meam : * Quia te vidi justum coram me ex ómnibus géntibus. **V.** Iste est qui contémpsit vitam mundi, et pervénit ad cæléstia regna. Quia. Glória Patri. Quia.

IN III. NOCTURNO

Ant. Dómine, * iste sanctus habitábit in tabernáculo tuo, operátus est justitiam, requiészet in monte sancto tuo.

Psalmus 14.

DÓMINE quis habitábit in tabernáculo tuo : * aut quis requiészet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes áutem Dóminum glorificat :

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit :

Qui facit hæc, * non móvêbitur in ætérnum.

Ant. Dómine, iste sanctus habitábit in tabernáculo tuo, operátus est justitiam, requiészet in monte sancto tuo.

Ant. Vitam pétiiit * a te, et tribuisti ei Dómine : glóriam et magnum decórem imposuisti super eum : posuisti in cápite ejus corónam de lápide pretiósio.

Psalmus 20.

DÓMINE in virtúte tua lætábitur rex : * et super salutáre tuum exsultábit vehementer.

Desidérium cordis ejus tribuisti ei : * et voluntáte labiórum ejus non fraudásti eum.

Quóniam prævenisti eum in benedictiónibus dulcédinis : * posuisti in cápite ejus corónam de lápide pretiósio.

Vitam pétiiit a te : * et tri-

buisti ei longitudinem dierum in sæculum, et in sæculum sæculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sæculum sæculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altissimi non commóvetur.

Inveniátur manus tua ómnibus inimicis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declináverunt in te mala : * cogitáverunt consilia, quæ non potuérunt stabilire.

Quóniam pones eos dorsum : * in reliquiis tuis præparábis vultum eórum.

Exaltáre Dómine in virtúte tua : * cantábitus et psallémus virtútes tuas.

Ant. Vitam pétiiit a te, et tribuisti ei Dómine : glóriam et magnum decórem imposuisti super eum : posuisti in cápite ejus corónam de lapide pretióso.

Ant. Hic accípiet * bene-

dictionem a Dómino, et misericórdiam a Deo salutári suo : quia hæc est generatio quæréntium Dóminum.

Psalmus 23.

DÓMINI est terra, et plenitúdo ejus : * orbis terrarum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens manibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generatio quæréntium eum, * quæréntium faciém Dei Jacob.

Attóllite portas principes vestras, et elevámini portæ æternáles : * et introíbit rex glóriæ.

Quis est iste rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introíbit rex glóriæ.

Quis est iste rex glóriæ? * Dóminus virtútum ipse est rex glóriæ.

Ant. Hic accípiet benedictiónem a Dómino, et misericórdiam a Deo salutári suo : quia hæc est generatio quæréntium Dóminum.

Ÿ. Lex Dei ejus in corde ipsius. R̃. Et non supplantabuntur gressus ejus.

Pater noster.

Absolutio. A vinculis.

Ÿ. Jube domne.

Bened. Evangélica lécio. Lécio sancti Evangélii secúndum Lucam.

Lectio vij. Cap. 12. c

IN illo témpore : Dixit Jesus discipulis suis : Sint lumbi vestri præcincti, et lucérnæ ardéntes in mánibus vestris. Et réliqua.

Homília sancti Gregórii Papæ.

Homil. 13. in Evang.

SANCTI Evangélii, fratres caríssimi, apérta vobis est lécio recitáta. Sed ne aliquibus ipsa ejus planities alta fortásse videátur, eam sub brevitéte transcúrrimus, quátenus ejus expositio ita nesciéntibus fiat cógnita, ut tamen sciéntibus non sit onerósa. Dóminus dicit : Sint lumbi vestri præcincti. Lumbos enim præcingimus, cum carnis luxúriam percontinéntiam coarctámus. Sed quia minus est, mala non ágere, nisi étiam quisque stúdeat, et bonis opéribus insudáre, prótinus ádditur : Et lucérnæ ardéntes in mánibus vestris. Lucérnas quippe ardéntes in mánibus tenémus, cum per bona ópera próximis nostris lucis exémpa monstrámus. De quibus profécto opéribus Dóminus dicit : Lúceat lux vestra co-

ram hominibus, ut videant ópera vestra bona, et gloriificent Patrem vestrum qui in cælis est.

R̃. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédat pro peccátis ómnium populórum. Ÿ. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Bened. Cujus festum cólimus.

Lectio viij.

Duo áutem sunt, quæ jubéntur, et lumbos restringere, et lucérnastenére : ut et mundítia sit castitátis in corpore, et lumen veritátis in operatióne. Redemptóri etenim nostro unum sine áltero placére nequáquam potest : si aut is qui bona agit, adhuc luxúriæ inquinaménta non déserit : aut is qui castitéte præéminet, necdum se per bona ópera exérceat. Nec cástitas ergo magna est sine bono ópere, nec opus bonum est álíquod sine castitéte. Sed et si utrúmque ágitur, restat, ut quisquis ille est, spe ad supérnam pátriam tendat, et nequáquam se a vítiis pro mundi hujus honestáte contineat.

R̃. Sint lumbi vestri præcincti, et lucérnæ ardéntes in mánibus vestris : * Et vos símiles hominibus exspectántibus dóminum suum,

quando revertátur a núptiis.
 ✠ Vigilate ergo, quia nescitis
 qua hora Dóminus vester
 ventúrus sit. Et. Glória Pa-
 tri. Et.

Bened. Ad societátem.

Lectio ix.

ET vos similes homínibus
 exspectántibus dóminum
 suum, quando revertátur a
 núptiis : ut cum vénerit et
 pulsáverit, conféstim apé-
 riant ei. Venit quippe Dómi-
 nus, cum ad iudícium pró-
 perat : pulsat vero, cum jam
 per ægritúdinis moléstias
 esse mortem vicinam desi-
 gnat. Cui conféstim aperi-
 mus, si hunc cum amóre
 suscípimus. Aperire enim
 júdici pulsánti non vult, qui
 exire de córpore trépidat :
 et vidére eum, quem con-
 tempsisse se méminit, júdi-
 cem formídat. Qui áutem de
 sua spe et operatióne secú-
 rus est, pulsánti conféstim
 áperit, quia lætus júdicem
 sústinet. Et cum tempus pro-
 pinquæ mortis advénerit, de
 glória retributiónis hilaré-
 scit.

Te Deum laudámus. 17.

AD LAUDES

ET PER HORAS

Ant. 1. Dómine quinque
 talénta* tradidisti mihi : ecce
 ália quinque superlucrátus
 sum.

Ps. Dóminus regnávit. **cum**
reliq. 18.

2. Euge serve bone,* in
 módico fidélis, intra in gáu-
 dium Dómini tui.

3. Fidélis servus* et pru-
 dens, quem constituit Dómi-
 nus super familiam suam.

4. Beátus ille servus,*
 quem cum vénerit Dóminus
 ejus, et pulsáverit jánuam,
 invénerit vigilántem.

5. Serve bone* et fidélis,
 intra in gáudium Dómini
 tui.

Capitulum. Eccli. 31.

BEÁTUS vir, qui invéntus
 est sine mácula : et qui
 post áurum non ábiit, nec
 sperávit in pecúnia et the-
 sauris. Quis est hic, et lau-
 dábimus eum? fecit enim
 mirabilia in vita sua.

Hymnus.

JESU coróna célsior,
 Et véritas sublimior,
 Qui confiténti sérvulo
 Reddis perénne præmium :

Da supplicánti cœtui,
 Hujus rogátu, nóxii
 Remissióem criminis,
 Rumpéndo nexum vínculi.

Anni revérso témpore,
 Dies refúlsit lúmíne,
 Quo Sanctus hic de córpore
 Migrávit inter sidera.

Hic vana terræ gáudia,
 Et luculénta prædia,
 Pollúta sorde députans,
 Ovans tenet cæléstia.

Te Christe Rex piissime,
 Hic confiténdó júgiter,
 Calcávit artes dæmonum,
 Sævúmque avérni princi-
 pem.

Virtúte clarus, et fide,
 Confessióne sédulus,
 Jejúna membra déferens,
 Dapes supérnas óbtinet.

Proinde te piissime
Precámur omnes súpplīces :
Nobis ut hujus grátia
Pœnas remittas débītas.

Patri perénnis glória,
Natóque Patris único,
Sanctóque sit Paráclito,
Per omne semper sǎculum.
Amen.

Ÿ. Justum dedúxit Dómi-
nus per vias rectas. R̃. Et
osténdit illi regnum Dei.

Ad Bened. Ant. Euge serve
bone* et fidélis, quia in páuca
fuisti fidélis, supra multa te
constituam, intra in gáudium
Dómini tui.

Oratio.

DEUS, qui nos beáti N. Con-
fessoris tui ánnua sole-
mnitáte lætificas : concéde
propítius; ut cujus natalítia
cólimus, étiam actiónes imi-
témur. Per Dóminum.

Alia Oratio.

ADÉSTO Dómine supplica-
tiónibus nostris, quas in
beáti N. Confessoris tui so-
lemnitáte deférimus : ut qui
nostræ justitiæ fidúciā non
habémus, ejus, qui tibi plá-
cuit, précibus adjuvémur.
Per Dóminum.

Si fuerit Abbas. Oratio.

INTERCÉSSIO nos, quǎesu-
mus Dómine, beáti N. Ab-
bátis comméndet : ut quod
nostris méritis non valémus,
ejus patrocínio assequámur.
Per Dóminum.

AD TERTIAM

Ant. Euge serve bone.

Capit. Beátus vir. ut supra.

R̃. br. Amávit eum Dómi-

nus,* Et ornávit eum. Amá-
vit. Ÿ. Stolam glóriæ induit
eum. Et. Glória. Amávit.

Ÿ. Os justi meditábitur sa-
piéntiam. R̃. Et lingua ejus
loquétur judícium.

AD SEXTAM

Ant. Fidélis servus.

Capitulum. Eccli. 39.

JUSTUS cor suum trádidit
ad vigilándum dilúculo ad
Dóminum, qui fecit illum,
et in conspéctu Altíssimi de-
precábitur.

R̃. br. Os justi* Meditábi-
tur sapiéntiam. Os. Ÿ. Et lin-
gua ejus loquétur judícium.
Meditábitur. Glória Patri. Os.

Ÿ. Lex Dei ejus in corde
ipsius. R̃. Et non supplantá-
buntur gressus ejus.

AD NONAM

Ant. Serve bone

Capitulum. Sap. 10. b

JUSTUM dedúxit Dóminus
per vias rectas, et ostén-
dit illi regnum Dei, et dedit
illi sciéntiam sanctorum : ho-
nestávit illum in labóribus,
et complévit labóres illius.

R̃. br. Lex Dei ejus* In
corde ipsius. Lex. Ÿ. Et
non supplantábuntur gressus
ejus. In. Glória Patri. Lex.

R̃. Justum dedúxit Dómi-
nus per vias rectas. R̃. Et
ostendit illi regnum Dei.

IN II. VESPERIS

Ant. de Laud. Psalmi.
Capit. et Hymn. ut in I. Vesp.

Ÿ. Justum dedúxit Dómi-
nus per vias rectas. R̃. Et
osténdit illi regnum Dei.

Ad Magnif. Ant. Hic vir

despiciens mundum et terrena, triumphans, divitias cælo cōdidit ore, manu.

Si occurrat celebrari Festum plurium Confessorum non Pontificum, Officium fit ut supra: sed in Oratione et Sermonē, quæ habentur in singulari, dicantur in plurali.

II. ALIÆ LECTIONES

PRO CONF. NON PONT.

IN I. NOCTURNO

De libro Ecclesiastici.

Lectio j. Cap. 31.

BEATUS vir qui inventus est sine macula: et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Qui probatus est in illo, et perfectus est, erit illi gloria æterna: qui potuit transgredi, et non est transgressus: facere mala, et non fecit: ideo stabilita sunt bona illius in Domino, et eleemosynas illius enarrabit omnis ecclesia sanctorum.

R. Euge serve bone et fidelis, quia in pauca fuisti fidelis, supra multa te constituam: * Intra in gaudium Domini tui. **V.** Domine quinque talenta tradidisti mihi, ecce alia quinque superlucratus sum. Intra.

Lectio ij. Cap. 32. c et 33.

QUI timet Dominum, excipiet doctrinam ejus: et qui vigilaverint ad illum, invenient benedictionem. Qui quaerit legem, replabitur ab ea: et qui insidiosè agit,

scandalizabitur in ea. Qui timent Dominum, invenient iudicium justum, et justitias quasi lumen accendent. Qui credit Deo, attendit mandatis, et qui confidit in illo, non minorabitur. Timenti Dominum non occurrerent mala, sed in tentatione Deus illum conservabit, et liberabit a malis. Sapiens non odit mandata et justitias, et non illidetur quasi in procèlla navis. Homo sensatus credit legi Dei, et lex illi fidelis.

R. Justus germinabit sicut lilium, * Et florebit in æternum ante Dominum. **V.** Plantatus in domo Domini, in atrii domus Dei nostri. Et florebit in æternum.

Lectio iij. Cap. 34. b

SPÍRITUS timéntium Deum quæritur, et in respectu illius benedicetur. Spes enim illorum in salvantem illos, et oculi Dei in diligentes se. Qui timet Dominum, nihil trepidabit, et non pavebit: quoniam ipse est spes ejus. Timéntis Dominum beata est anima ejus. Ad quem respicit, et quis est fortitudo ejus? Oculi Domini super timéntes eum, protector potentiae, firmamentum virtutis, tegimen ardoris, et umbraculum meridiani, deprecatio offensionis, et adiutorium casus, exáltans animam, et illuminans oculos, dans sanitatem, et vitam, et benedictionem.

R. Iste cognovit. 80*.

IN II. NOCTURNO

Ex libro Morálíum sancti
Gregórii Papæ.

Lib. 10. Cap. 16. in c. 12.
Job.

Lectio iv.

DERIDÉTUR iusti simplici-
tas. Hujus mundi sapién-
tia est, cor machinatióibus
tégere, sensum verbis velá-
re; quæ falsa sunt, vera
osténdere; quæ vera sunt,
falsa demonstráre. Hæc ni-
mirum prudéntia usu a juvén-
ibus scitur, hæc a púeris
prétio discitur : hanc qui
sciunt, cæteros despiciendo
supérbiunt : hanc qui né-
sciunt, subjécti et timidi in
áliis mirántur : quia ab eis
hæc éadem duplicitatís iní-
quitas nómine palliáta dili-
gitur, dum mentis pervér-
sas urbánitas vocátur. Hæc
sibi obsequéntibus præcipit
honórum cúlmina quærere,
adépta temporális glóriæ va-
nitáte gaudére, irrogáta ab
áliis mala multiplicius réd-
dere : cum vires súppetunt,
nullis resisténtibus cédere :
cum virtútis possibilitas
deest, quidquid explére per
malitiam non valent, hoc in
pacífica bonitáte simuláre.

R. Honéstum fecit illum
Dóminus, et custodivit eum
ab inimícis, et a seductóri-
bus tutávit illum : * Et dedit
illi claritátem ætérnam. **V.**
Justum dedúxit Dóminus
per vias rectas, et osténdit
illi regnum Dei. Et dedit
illi.

Lectio v.

AT contra, sapiéntia justó-
rum est : nil per osten-
siónem fingere, sensum ver-
bis aperire, vera ut sunt di-
ligere, falsa devitáre; bona
gratis exhibére, mala libén-
tius toleráre, quam fácere;
nullam injúriæ ultiónem
quærere, pro veritáte con-
tuméliam lucrum putáre.
Sed hæc justórum simplici-
tas deridétur : quia ab hujus
mundi sapiéntibus puritátis
virtus fatúitas créditur.
Omne enim quod innocénter
ágitur, ab eis procul dúbio
stultum putátur : et quid-
quid in ópere véritas áppro-
bat, carnáli sapiéntiæ fá-
tuum sonat. Quid namque
stúltius vidétur mundo,
quam mentem verbis osten-
dere, nil cállida machina-
tióne simuláre, nullas injú-
riis contumélias réddere, pro
maledicéntibus oráre, pau-
pertátem quærere, posséssa
relinquere, rapiénti non
resistere, percutiénti álte-
ram maxillam præbére?

R. Amávit eum Dóminus,
et ornávit eum : stolam gló-
riæ induit eum, * Et ad por-
tas paradísi coronávit eum.
V. Induit eum Dóminus lori-
cam fidei, et ornávit eum. Et.

Lectio vj.

Cap. 17. post initium.

LAMPAS contémpta apud
cogitatiónes dívítum.
Sæpe contingit, ut eléctus
quisque, qui ad ætérnam
felicitétem dúcitur, continua

hic adversitatē deprimatur : non hunc rerum abundantia fulciat, non dignitatum gloria honorabilem ostendat, nulla ei obsequentium frequentia suppetat, nulla hunc humanis oculis vestium pompa componat : a cunctis vero despicibilis cernitur, et hujus mundi gratia indignus aestimatur : sed tamen ante occulti iudicis oculos virtutibus emicat, vitæ meritis coruscat : honorari metuit, despici non refugit : corpus continentia afficit, sola in animo dilectione pinguescit : mentem semper ad patientiam præparat, et erectus pro iustitia, de perceptis contumeliis exsultat : afflictis ex corde compatiitur, de bonorum prosperitatibus quasi de propriis lætatur, sacri verbi pabula in mente sollicitus ruminat, et inquisitus quodlibet eloqui dupliciter ignorat.

¶ Iste homo. 83*.

IN III. NOCTURNO

Lectio sancti Evangelii secundum Lucam.

Lectio vij. Cap. 12. d

IN illo tempore : Dixit Jesus discipulis suis : Nolite timere pusillus grex, quia complacuit Patri vestro dare vobis regnum. Et reliqua.

Homilia venerabilis Bedæ Presbyteri.

Lib. 4. Cap. 51. in Luc. 12.

PUSILLUM gregem electorum, vel ob comparationem maioris numeri re-

proborum, vel potius ob humilitatis devotionem nominat : quia videlicet Ecclesiam suam quantalibet numerositate jam dilatatam, tamen usque ad finem mundi humilitate vult crescere, et ad promissum regnum humilitate pervenire. Ideoque ejus labores blande consolatus, quam regnum Dei tantum querere præcipit, eidem regnum a Patre dandum complacita benignitate promittit.

¶ Iste est qui ante Deum magnas virtutes operatus est, et de omni corde suo laudavit Dominum : * Ipse intercedat pro peccatis omnium populorum. ¶ Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

VENDITE quæ possidetis, et date eleemosynam. Nolite, inquit, timere, ne propter regnum Dei militantibus, hujus vitæ necessaria desint : quin etiam possessa propter eleemosynam vendite. Quod tunc digne fit, quando quis semel pro Domino suis omnibus spretis, nihilominus post hæc labore manuum, unde et victum transigere, et eleemosynam dare queat, operatur. Unde gloriatur Apostolus, dicens : Argentum, aut aurum, aut vestem nullius concupivi : ipsi scitis, quoniam ad ea

quæ mihi opus erant, et his qui mecum sunt, ministraverunt manus istæ. Omnia ostendi vobis, quoniam sic laborantes oportet suscipere infirmos.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis.

V. Vigilâte ergo, quia nescitis qua hora Dominus vester venturus sit. Et. Glória. Et.

Lectio ix.

FACITE vobis sacculos qui non veterascunt : eleemosynas videlicet operando, quarum merces in æternum maneat. Ubi non hoc præceptum esse putandum est, ut nil pecuniæ reservetur a sanctis, vel suis scilicet, vel pauperum usibus suggerendæ : cum et ipse Dominus, cui ministrabant Angeli, tamen ad informandam Ecclesiam suam loculos habuisse legatur, et a fidelibus oblata conservans, et suorum necessitatibus aliisque indigentibus tribuens ; sed ne Deo propter ista serviatur, et ob inopiæ timorem justitia deseratur.

Te Deum laudamus. 17.

PRO ABBATIBUS

IN III. NOCTURNO

Lectio sancti Evangelii secundum Matthæum.

Lectio vij. Cap. 19. d

IN illo tempore : Dixit Petrus ad Jesum : Ecce nos

reliquimus omnia, et secuti sumus te : quid ergo erit nobis? Et reliqua.

Homilia sancti Hieronymi Presbyteri.

Lib. 3. in Matth. cap. 19.

GRANDIS fiducia : Petrus piscator erat, dives non fuerat, cibos manu et arte quærebat : et tamen loquitur confidenter, Reliquimus omnia. Et quia non sufficit tantum relinquere, jungit quod perfectum est : Et secuti sumus te. Fecimus quod jussisti : quid igitur nobis dabis præmii? Jesus autem dixit illis : Amen dico vobis : quod vos qui secuti estis me, in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israël. Non dixit, Qui reliquistis omnia : hoc enim et Crates fecit philosophus, et multi alii divitias contempserunt : sed, Qui secuti estis me : quod proprie Apostolorum est atque credentium.

R. Iste est qui ante Deum magnas virtutes operatus est, et de omni corde suo laudavit Dominum : * Ipse intercédât pro peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permans in innocentia sua. Ipse.

Lectio viij.

IN regeneratione, cum sederit Filius hominis in

sede maiestatis suæ (quando et mortui de corruptione resurgent incorrupti), sedebitis et vos in solis iudicantium, condemnantes duodecim tribus Israël : quia vobis credentibus, illi credere noluerunt. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum : centuplum accipiet, et vitam æternam possidebit. Locus iste cum illa sententia congruit, in qua Salvator loquitur : Non veni pacem mittere, sed gladium. Veni enim separare hominem a patre suo, et matrem a filia, et nurum a socru : et inimici hominis domestici ejus. Qui ergo propter fidem Christi, et prædicationem Evangelii, omnes affectus contempserint, atque divitias et sæculi voluptates : isti centuplum recipient, et vitam æternam possidebunt.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis.

Y. Vigilate ergo, quia nescitis qua hora Dominus vester venturus sit. Et vos. Gloria Patri. Et vos.

Lectio ix.

Ex occasione hujus sententiae quidam introducunt mille annos post resurre-

ctionem, dicentes, tunc nobis centuplum omnium rerum quas dimisimus, et vitam æternam esse reddendam : non intelligentes, quod, si in cæteris digna sit repromissio, in uxoribus appareat turpitudine : ut qui unam pro Domino dimiserit, centum recipiat in futuro. Sensus ergo iste est : Qui carnalia pro Salvatore dimiserit, spiritalia recipiet : quæ comparatione et merito sui ita erunt, quasi si parvo numero centenarius numerus comparatur.

Te Deum laudamus. 17.

II. ALIA HOMILIA

Lectio sancti Evangelii secundum Matthæum.

Lectio vij. Cap. 11. d

In illo tempore : Respondens Jesus, dixit : Confiteor tibi Pater, Domine cæli et terræ, quia abscondisti hæc a sapientibus et prudentibus, et revelasti ea parvulis. Et reliqua.

Homilia sancti Augustini
Episcopi.

Serm. 10. de Verbis Domini.

VENITE ad me omnes qui laboratis. Quare enim omnes laboramus, nisi quia sumus homines mortales, fragiles, infirmi, lutea vasa portantes, quæ faciunt invicem angustias? Sed si angustiantur vasa carnis, dilatentur spatia caritatis. Quid ergo dicit, Venite ad me omnes qui laboratis, nisi ut

non laborétis? Dénique promissio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibília et invisibília créare, non in ipso mundo mirabília fácere, et mórtuos suscitáre; sed, Quóniam mitis sum, et húmilis corde.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Lectio viij.

MAGNUS esse vis? a mínimo incipe. Cógitas magnam fábricam constrúere celsitudinis? de fundaménto prius cógita humilitátis. Et quantum quisque vult, et dispónit superimpónere molem ædificií, quanto erit majus ædificium, tanto áltius fodit fundaméntum. Et fábrica quidem cum constrúitur, in supérna consúrgit: qui áutem fodit fundaméntum, ad ima deprimitur. Ergo et fábrica ante celsitudinem humiliátur, et fastígium post humiliatiónem erigitur.

R. Sint lumbi vestri præ-

cincti, et lucernæ ardéntes in mánibus vestris: * Et vos símiles homínibus exspectántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

Lectio ix.

QUOD est fastigium construéndæ fábricæ, quam molimur? quo perventúrum est cacúmen ædificií? Cito dico, usque ad conspéctum Dei. Vidétis quam excélsum est, quanta res est conspícere Deum. Qui desíderat, et quod dico, et quod áudit intélligit. Promíttitur nobis conspéctus Dei, veri Dei, summi Dei. Hoc enim bonum est, vidéntem vidére. Nam qui colunt falsos deos, fácite illos vident: sed eos vident, qui óculos habent, et non vident. Nobis áutem promíttitur visio Dei vivéntis, et vidéntis.

Te Deum laudámus. 17.

III. ALIA HOMILIA

Léctio sancti Evangélii secúndum Matthæum.

Lectio vij. Cap. 19. d

IN illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et réliqua.

De Homilia venerábilis Bedæ Presbýteri.

In Natali S. Benedicti.

Duo sunt órdines electórum in iudicio futúri:

unus judicantium cum Dómino, de quibus hoc loco mémorat, qui reliquerunt ómnia, et secúti sunt illum : álius judicandórum a Dómino, qui non quidem ómnia sua páriter reliquerunt, sed de his tamen quæ habébant, quotidíanas dare eleemósy- nas Christi paupéribus curábant : unde et auditóri sunt in judicio : Veníte benedicti Patris mei, possidéte præparátum vobis regnum a constitutióne mundi. Esurivi enim, et dedístis mihi manducáre : sitivi, et dedístis mihi híbere.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercédát.

Lectio viij.

SED et reprobórum duos ibi futúros órdenes Dómino narránte comperimus : unum eórum, qui fidei cristiánæ mystériis initiáti, ópera fidei exercére contémnunt, quibus in judicio testátur : Discédite a me maledicti in ignem ætérnum, qui præparátus est diabólo, et ángelis ejus : esurivi enim, et non dedi- stis mihi manducáre. Alterum eórum, qui fidem et

mystéria Christi vel numquam suscepére, vel suscep- tam per apostásiam dese- ruére : de quibus dicit : Qui áutem non credit, jam judi- cátus est : quia non credit in nómine unigéniti Filii Dei.

R. Sint lumbi vestri præ- cincti, et lucernæ ardéntes in mánibus vestris : * Et vos símiles hominibus exspe- ctántibus dóminum suum, quando revertátur a núptiis. **V.** Vigiláte ergo, quia nesci- tis qua hora Dóminus vester ventúrus sit. Et. Glória. Et.

Lectio ix.

VERUM his cum timóre et pavóre débito paulisper commemorátis, ad lætíssima pótius Dómini et Salvatóris nostri promissa convertá- mus auditum. Videámus quæ tantæ grátia pietátis : non ætérnæ tantúmmodo vi- tæ præmia suis sequácibus, sed et præsentis múnera pollicétur eximía. Et omnis, inquit, qui reliquerit do- mum, vel fratres, aut soró- res, aut patrem, aut matrem, aut uxórem, aut filios, aut agros, propter nomen meum, céntuplum accipiet, et vitam ætérnam possidébit. Qui enim terrénis afféctibus sive possessió nibus pro Christi discipulátu renuntiáverit, quo plus in ejus amórem profécerit, eo plures invé- niet, qui se intérno susci- pere afféctu, et suis gáu- deant sustentáre substántiis.

Te Deum laudámus. 17.

COMMUNE VIRGINUM

IN I. VESPERIS

Ant. Hæc est Virgo sapiens, * et una de número prudentum.

Psalmus 109.

DIXIT Dóminus Dómino meo : * Sede a dextris meis :
Donec ponam inimicos tuos, * scabellum pedum tuorum.

Virgam virtutis tuæ emit-
tet Dóminus ex Sion : * domi-
nare in médio inimicorum
tuorum.

Tecum principium in die
virtutis tuæ in splendóribus
sanctorum : * ex útero ante
luciferum genui te.

Juravit Dóminus, et non
pœnitêbit eum : * Tu es sa-
cêrdos in ætérnum secún-
dum ordinem Melchisedech.

Dóminus a dextris tuis, *
confrégit in die iræ suæ
reges.

Judicabit in natióibus,
implêbit ruínas : * conquas-
sabit cápita in terra multó-
rum.

De torrênte in via bibet : *
propterea exaltabit caput.

Ant. Hæc est Virgo sa-
piens, et una de número
prudentum.

Ant. Hæc est Virgo sa-
piens, * quam Dóminus vi-
gilantem invénit.

Psalmus 112.

LAUDÁTE púeri Dóminum : *
laudate nomen Dómini.

Sit nomen Dómini bene-
dictum, * ex hoc nunc, et
usque in sáculum.

A solis ortu usque ad oc-
cásum, * laudábile nomen
Dómini.

Excélsus super omnes gen-
tes Dóminus, * et super cæ-
los glória ejus.

Quis sicut Dóminus Deus
noster, qui in altis hábitat, *
et humília respicit in cælo
et in terra?

Súscitans a terra inopem, *
et de stercore érigens páu-
perem :

Ut cóllocet eum cum prin-
cípibus, * cum princípibus
pópuli sui.

Qui habitare facit stérilem
in domo, * matrem filiórum
lætantem.

Ant. Hæc est Virgo sa-
piens, quam Dóminus vigi-
lantem invénit.

Ant. Hæc est quæ nescivit
* torum in delicto : habébít
fructum in respectiône ani-
márum sanctárum.

Psalmus 121.

LÆTÁTUS sum in his, quæ
dicta sunt mihi : * In
domum Dómini ibimus.

Stantes erant pedes no-
stri * in átriis tuis Jerúsa-
lem.

Jerúsalem, quæ ædificátur
ut civitas : * cujus participá-
tio ejus in idipsum.

Illuc enim ascendérunt
tribus, tribus Dómini : *

testimónium Israël ad confiténdum nómini Dómini.

Quia illic sedérunt sedes in iudicio, * sedes super domum Dávid.

Rogáte quæ ad pacem sunt Jerúsalem : * et abundántia diligéntibus te :

Fiat pax in virtúte tua : * et abundántia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsivi bona tibi.

Ant. Hæc est quæ nescívit torum in delicto : habébit fructum in respectióne animárum sanctárum.

Ant. Veni elécta mea, * et ponam in te thronum meum, allelúia.

Psalmus 126.

NISI Dóminus ædificáverit domum, * in vanum laboravérunt qui ædificant eam.

Nisi Dóminus custodierit civitátem, * frustra vigilat qui custódit eam.

Vanum est vobis ante lucem súrgere : * súrgite postquam sedéritis, qui manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excussórum.

Beátus vir qui implévit

desidérium suum ex ipsis : * non confundétur cum loqué-tur inimícis suis in porta.

Ant. Veni elécta mea, et ponam in te thronum meum, allelúia.

Ant. Ista est speciósá * inter filias Jerúsalem.

Psalmus 147.

LÁUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frigoris ejus quis sustinébit?

Emíttet verbum suum, et liquefáciét ea : * flabit spíritus ejus, et fluent aquæ.

Qui annúnciat verbum suum Jacob : * justítias, et júdicia sua Israël.

Non fecit táliter omni nátióni : * et júdicia sua non manifestávit eis.

Ant. Ista est speciósá inter filias Jerúsalem.

Capitulum. II. Cor. 10. d

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

Hymnus.

JESU, coróna Virginum,
Quem mater illa concipit,
Quæ sola Virgo párturit :
Hæc vota clemens áccipe.

Qui pergis inter lilia,
Septus choréis Virginum,
Sponsus decórus glória,
Sponsisque reddens præmia.

Quocúmque tendis, Vir-
gines

Sequúntur, atque láudibus
Post te canéntes cúrsitant,
Hymnósque dulces pèrso-
nant.

Te deprecámur súpplīces,
Nostris ut addas sénsibus,
Nescire prorsus ómnia
Corruptiónis vúlnera.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

Ÿ. Spécie tua et pulchri-
túdine tua. **R.** Inténde, pró-
spere procéde, et regna.

Ad Magnif. Ant. Veni
sponsa Christi : * áccipe co-
rónam, quam tibi Dóminus
præparávit in ætérnum.

Oratio.

DEUS, qui inter cætera
poténtiæ tuæ mirácula
étiam in sexu frágili victó-
riam martýrii contulisti :
concéde propitius; ut qui
beátæ **N.** Virginis et Márty-
ris tuæ natalitia cólimus, per
ejus ad te exémp̃la gradiámur.
Per Dóminum.

Alia Oratio.

INDULGÉNTIAM nobis, quæ-
sumus Dómine, beáta **N.**

Virgo et Martyr implóret :
quæ tibi grata semper éxsti-
tit et mérito castitátis, et
tuæ professióne virtútis. Per
Dóminum.

Pro Virgine non Martyre.

Oratio.

EXÁUDI nos Deus salutáris
noster : ut sicut de
beátæ **N.** Virginis tuæ festi-
vitáte gaudémus; ita piæ
devotiónis erudiámur af-
fectu. Per Dóminum.

**Si fuerint plures, in utris-
que Vesp. ad Magnificat et
in Laud. ad Benedictus :**

Ant. Prudéntes Virgines *
aptáte vestras lámpades :
ecce sponsus venit, exíte
óbviam ei.

Ÿ. Adducéntur Regi Vir-
gines post eam. **R.** Próximæ
ejus afferéntur tibi.

Oratio.

DA nobis, quæsumus Dó-
mine Deus noster, san-
ctárum Virginum et Márty-
rum tuárum **N.** et **N.** palmas
incessábili devotióne vene-
rári : ut quas digna mente
non póssumus celebráre,
humilibus saltem frequenté-
mus obséquiiis. Per Dómi-
num.

AD MATUTINUM

Invit. Regem Virginum
Dóminum, * Veníte, adoré-
mus.

Ps. Veníte, exsultémus. 2.

Hymnus.

VIRGINIS Proles, Opiféxque
Matris,
Virgo quem gessit, peperit-
que Virgo;

Virginis partos cānimus de-
 cōra
 Morte triúmphos.
 Hæc enim palmæ dúplicis
 beáta
 Sorte, dum gestit frágilem
 domáre
 Córporis sexum, dómuit
 cruéntum
 Cæde tyránnum.
 Unde nec mortem, nec
 amíca mortis
 Mille pœnárum génera expa-
 véscens,
 Sáanguine effúso méruit seré-
 num
 Scándere cælum.
 Hujus orátu Deus alme
 nobis
 Débitas pœnas scélerum re-
 mitte;
 Ut tibi puro resonémus
 almun
 Péctore carmen.
 Sit decus Patri, genitæque
 Proli,
 Et tibi compar utriúsque
 virtus
 Spíritus semper, Deus unus
 omni
 Témporis ævo.
 Amen.
 Si Sancta fuerit Virgo tan-
 tum, et non Martyr, dicitur
 Hymnus sequens :
VÍRGINIS Proles, Opiféxque
 Matris,
 Virgo quem gessit, peperit-
 que Virgo;
 Virginis festum cānimus
 beátæ,
 Accipe votum.
 Hujus orátu Deus alme
 nobis

Débitas pœnas scélerum re-
 mitte;
 Ut tibi puro resonémus al-
 mum
 Péctore carmen.
 Sit decus Patri, genitæque
 Proli,
 Et tibi compar utriúsque
 virtus
 Spíritus semper, Deus unus
 omni
 Témporis ævo. Amen.

IN I. NOCTURNO

Ant. O quam pulchra * est
 casta generátio cum clari-
 tâte!

Psalmus 8.

DÓMINE Dóminus noster, *
 quam admirábile est
 nomen tuum in univérsa
 terra!

Quóniam eleváta est ma-
 gnificéntia tua, * super cælos.

Ex ore infántium et lactén-
 tium perfecisti láudem pro-
 pter inimicos tuos, * ut dé-
 struas inimícum et ultórem.

Quóniam vidébo cælos
 tuos, ópera digitórum tuó-
 rum : * lunam et stellas, quæ
 tu fundásti.

Quid est homo, quod me-
 mor es ejus? * aut filius hómi-
 nis, quóniam visitas eum?

Minuísti eum páulo minus
 ab Angelis, glória et honóre
 coronásti eum : * et consti-
 tuísti eum super ópera má-
 num tuárum.

Omnia subjecisti sub pé-
 dibus ejus, * oves et boves
 univérsas : insuper et pécora
 campi.

Vólucres cæli, et pisces

maris, * qui perámbulant
sémitas maris.

Dómine Dóminus noster, *
quam admirábile est nomen
tuum in univérſa terra!

Ant. O quam pulchra est
casta generátio cum clari-
táte!

Ant. Ante torum * hujus
Virginis frequentáte nobis
dúlcia cántica drámatis.

Pro non Virgine.

Ant. Læva ejus * sub
cápite meo, et dextera illius
amplexábitur me.

Psalmus 18.

CÆLI enarrant glóriam
Dei, * et ópera mánuum
ejus annúntiat firmaméntum.

Dies diéi erúctat ver-
bum, * et nox nocti indicat
sciéntiam.

Non sunt loquélæ, neque
sermónes, * quorum non
audiántur voces eórum.

In omnem terram exívit
sonus eórum : * et in fines
orbis terræ verba eórum.

In sole pósuit tabernácu-
lum suum : * et ipse tam-
quam sponsus procédens de
thálamo suo :

Exsultávit ut gigas ad cur-
réndam viam, * a summo
cælo egréssio ejus :

Et occúrsus ejus usque ad
summum ejus : * nec est qui
se abscondat a calóre ejus.

Lex Dómini immaculáta
convértens ánimas : * testi-
mónium Dómini fidéle, sa-
piéntiam præstans párvulis.

Justitiæ Dómini rectæ,
lætificántes corda : * præ-

céptum Dómini lúcidum,
illúminans óculos.

Timor Dómini sanctus,
pérmanens in sáculum sáe-
culi : * judícia Dómini vera,
justificáta in semetípsa.

Desiderabilia super áu-
rum et lápidem pretiósus
multum : * et dulcióra super
mel et favum.

Etenim servus tuus custó-
dit ea, * in custodiéndis illis
retribútio multa.

Delicta quis intélligit? ab
occúltis meis munda me : *
et ab aliénis parce servo tuo.

Si mei non fúerint domi-
náti, tunc immaculátus ero : *
et emundábor a delicto má-
ximo.

Et erunt ut compláceant
elóquia oris mei : * et medi-
tátio cordis mei in conspéctu
tuo semper.

Dómine adjútor meus, *
et redémptor meus.

Ant. Ante torum hujus Vir-
ginis frequentáte nobis dúl-
cia cántica drámatis.

Pro non Virgine.

Ant. Læva ejus sub cápite
meo, et dextera illius am-
plexábitur me.

Ant. Revértere, * revér-
tere Sunamitis : revértere,
revértere, ut intueámur te.

Psalmus 23.

DÓMINI est terra, et pleni-
túdo ejus : * orbis terrá-
rum, et univérſi, qui hábi-
tant in eo.

Quia ipse super mária fun-
dávít eum : * et super flú-
mina præparávit eum.

Quis ascendet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accipiet benedictiónem a Dómino : * et misericórdiam a Deo salutári suo.

Hæc est generátio quærentium eum, * quærentium faciém Dei Jacob.

Attóllite portas principes vestras, et elevámini portæ æternáles : * et introíbit rex glóriæ.

Quis est iste rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introíbit rex glóriæ.

Quis est iste rex glóriæ? * Dóminus virtútum ipse est rex glóriæ.

Ant. Revértere, revértere Sunamítis : revértere, revértere, ut intueámur te.

Ÿ. Spécie tua et pulchritúdine tua. **R.** Inténde, prospere procéde, et regna.

Pater noster.

Absolutio. Exáudi Dómine.

Ÿ. Jube domne.

Bened. Benedictióne perpétua.

De Epístola prima beáti Páuli Apóstoli ad Corinthios.

Lectio j. Cap. 7. c

DE virginibus præceptum Dómini non hábeo : consilium áutem do, tamquam

misericórdiam consecútus a Dómino ut sim fidélis. Existimo ergo hoc bonum esse propter instantem necessitátem, quóniam bonum est hómini sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si áutem accéperis uxórem, non peccásti. Et si núpserit virgo, non peccávit. Tribulatiónem tamen carnis habébunt hujúsmodi. Ego áutem vobis parco. Hoc itaque dico, fratres : Tempus breve est : réliquum est, ut et qui habent uxóres, tamquam non habéntes sint : et qui flent, tamquam non flentes : et qui gáudent, tamquam non gaudéntes : et qui emunt, tamquam non possidéntes : et qui utúntur hoc mundo, tamquam non utántur : præterit enim figúra hujus mundi.

Pro Martyre.

R. Veni sponsa Christi, áccipe corónam, quam tibi Dóminus præparávit in ætérnum : pro cujus amóre sanguinem tuum fudisti, * Et cum Angelis in paradísium introisti. **Ÿ.** Veni elécta mea, et ponam in te thronum meum, quia concupívit Rex spéciem tuam. Et cum.

Si non fuerit Martyr, dic. seq.

R. Veni elécta mea, et ponam in te thronum meum : * Quia concupívit Rex spéciem tuam. **Ÿ.** Spécie tua et pulchritúdine tua inténde,

prósperè procéde, et regna. Quia.

Bened. Unigénitus Dei.

Lectio ij.

VOLO áutem vos sine sollicitú-dine esse. Qui sine uxóre est, sollicitus est quæ Dómini sunt, quómodo plá-ceat Deo. Qui áutem cum uxóre est, sollicitus est quæ sunt mundi, quómodo plá-ceat uxóri, et divisus est. Et múl-lier innúpta, et virgo có-gitat quæ Dómini sunt, ut sit sancta córpore, et spíritu. Quæ áutem nupta est, có-gitat quæ sunt mundi, quó-modo pláceat viro. Porro hoc ad utilitátem vestram dico : non ut láqueum vobis injiciam, sed ad id, quod honéstum est, et quod facul-tátem præbeat sine impe-diménto Dóminum obse-crándi.

R. Diffúsa est grátia in lábiis tuis : * Proptérea bene-dixit te Deus in ætérnum. **V.** Spécie tua et pulchritú-dine tua inténde, prósperè pro-céde, et regna. Proptérea.

Bened. Spíritus sancti grátia.

Lectio iij.

SI quis áutem turpem se vidéri exístimat super virgine sua, quod sit super-adúlta, et ita opórtet fieri : quod vult fáciat : non peccat, si nubat. Nam qui státuit in corde suo firmus, non ha-bens necessitátem, potestá-tem áutem habens suæ volun-tátis, et hoc judicávit in

corde suo, serváre virginem suam, bene facit. Igitur et qui matrimónio jungit virgi-nem suam, bene facit : et qui non jungit, mélius facit. Múl-lier alligáta est legi quanto témpore vir ejus vivit. Quod si dormierit vir ejus, libe-ráta est : cui vult nubat, tantum in Dómino. Beátior áutem erit, si sic permán-serit, secúndum meum con-sílium : puto áutem quod et ego Spíritum Dei hábeam.

R. Spécie tua et pulchritú-dine tua * Inténde, prósperè procéde, et regna. **V.** Diffúsa est grátia in lábiis tuis, pro-ptérea benedixit te Deus in ætérnum. Inténde. Glória. Inténde.

IN II. NOCTURNO

Ant. Spécie tua * et pul-chritú-dine tua inténde, prós-perè procéde, et regna.

Psalmus 44.

ERUCTÁVIT cor meum ver-bum bonum : * dico ego ópera mea regi.

Lingua mea cálamus scri-bæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea be-nedixit te Deus in ætérnum.

Accingere gládio tuo super femur tuum, * potentissime.

Spécie tua et pulchritú-dine tua * inténde, prósperè procéde, et regna.

Propter veritátem et man-suetúdinem, et justítiam : * et dedúcet te mirabiliter délixtera tua.

Sagittæ tuæ acutæ, pópuli sub te cadent : * in corda inimicórum regis.

Sedes tua Deus in sæculum sæculi : * virga directiónis virga regni tui.

Dilexisti justitiam, et odisti iniquitatem : * propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regina a dextris tuis in vestitu deauráto, * circumdata varietáte.

Audi filia, et vide, et inclina áurem tuam : * et obliviscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes divites plebis.

Omnis glória ejus filiæ regis ab intus, * in fimbriis áureis circumamicta varietátibus.

Adducéntur regi vírgines post eam : * próximæ ejus afferéntur tibi.

Afferéntur in lætitia et exsultatióne : * adducéntur in templum regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis tui : * in omni generatióne et generatióne.

Propterea pópuli confitebúntur tibi in ætérnum : * et in sæculum sæculi.

Ant. Spécie tua et pulchritúdine tua inténde, prospere procéde, et regna.

Ant. Adjuvabit eam * Deus vultu suo : Deus in médio ejus, non commovébitur.

Psalmus 45.

DEUS noster refúgium, et virtus : * adjutor in tribulationibus, quæ invenérunt nos nimis.

Propterea non timébimus dum turbábitur terra : * et transferéntur montes in cor maris.

Sonuérunt, et turbatæ sunt aquæ eórum : * conturbati sunt montes in fortitúdine ejus.

Flúminis ímpetus lætificat civitátem Dei : * sanctificávit tabernáculum suum Altissimus.

Deus in médio ejus, non commovébitur : * adjuvabit eam Deus mane dilúculo.

Conturbatæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * susceptor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confringet arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscēptor noster Deus Jacob.

Ant. Adjuvábít eam Deus vultu suo : Deus in médio ejus, non commovébitur.

Ant. Aquæ multæ * non potuérunt exstinguere caritátem.

Psalmus 47.

MAGNUS Dóminus et laudábilis nimis * in civitáte Dei nostri, in monte sancto ejus.

Fundátur exsultatióne universæ terræ mons Sion, * látera Aquilónis, civitas regis magni.

Deus in dómibus ejus cognoscétur, * cum suscipiet eam.

Quóniam ecce reges terræ congregáti sunt : * convénérunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis * in spíritu veheménti cónteres naves Tharsis.

Sicut audívimus, sic vidimus in civitáte Dómini virtútum, in civitáte Dei nostri : * Deus fundávit eam in ætérnum.

Suscépinus Deus miseri-

córdiam tuam, * in médio templi tui.

Secúndum nomen tuum Deus, sic et laus tua in fines terræ : * justitia plena est dextera tua.

Lætétur mons Sion, et exsúltent filiæ Judæ, * propter judícia tua Dómine.

Circúmdate Sion, et complectímini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáculum sáculi : * ipse reget nos in sácula.

Ant. Aquæ multæ non potuérunt exstinguere caritátem.

Ÿ. Adjuvábít eam Deus vultu suo. **R.** Deus in médio ejus, non commovébitur.

Pater noster.

Absolutio. Ipsíus pietas.

Ÿ. Jube domne.

Bened. Deus Pater omnipotens.

Sermo sancti Ambrósii
Epíscopi.

Lib. 1. de Virg., circa init.

Lectio iv.

QUÓNIAM hódie natális est Virginis, invitát nunc integritátis amor, ut áliquíd de virginitáte dicámus : ne véluti tránsitu quodam præstricta videátur, quæ principális est virtus. Non enim ideo laudábilis virginitas, quia in Martýribus reperi-

tur : sed quia ipsa Mártyres fáciat. Quis áutem humano eam possit ingenio comprehendere, quam nec natura suis inclúsit légibus? Aut quis naturali voce complécti, quod supra usum naturæ sit? E cælo accersivit, quod imitaretur in terris. Nec immerito vivendi sibi usum quæsivit e cælo, quæ sponsum sibi invenit in cælo.

R. Propter veritatem, et mansuetudinem, et justitiam : * Et deducet te mirabiliter dextera tua. **V.** Spécie tua et pulchritudine tua intende, prospere procede, et regna. Et.

Bened. Christus perpétuæ.

Lectio v.

HÆC nubes, æëra, Angelos, sidéraque transgrediens, Verbum Dei in ipso sinu Patris invenit, et toto háusit pectore. Nam quis tantum, cum invenerit, relinquat boni? Unguentum enim exinanitum est nomen tuum : propterea adolescentulæ dilexerunt te, et attraxerunt te. Postrémo, non meum est illud, quóniam quæ non nubunt, neque nubentur, erunt sicut Angeli Dei in cælo. Nemo ergo mirétur, si Angelis comparéntur, quæ Angelórum Dómino copulántur.

R. Dilexisti justitiam, et odisti iniquitatem : * Propterea unxit te Deus, Deus tuus óleo lætitiæ. **V.** Propter veri-

tatem, et mansuetudinem, et justitiam. Propterea.

Bened. Ignem sui amoris.

Lectio vj.

QUIS igitur neget hanc vitam fluxisse de cælo, quam non facile invenimus in terris, nisi postquam Deus in hæc terréni corpóris membra descendit? Tunc in útero Virgo concépit, et Verbum caro factum est, ut caro fieret Deus. Dicet áliquis : Sed étiam Eliás nullius corpórei cóitus fuisse permixtus cupiditatibus invenitur. Ideo ergo curru raptus ad cælum : ideo cum Dómino appáret in glória, ideo Domínici ventúrus est præcúrsor adventus.

R. Afferéntur Regi virgines post eam, próximæ ejus * Afferéntur tibi in lætitia et exsultatione. **V.** Spécie tua et pulchritudine tua intende, prospere procede, et regna. Afferéntur. Glória Patri. Afferéntur.

IN III. NOCTURNO

Ant. Nigra sum, * sed formósa, filiæ Jerúsalem : ideo diléxit me Rex, et introduxit me in cubiculum suum.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes

glóriam ejus, * in ómnibus
pópulis mirabilia ejus.

Quóniam magnus Dómi-
nus, et laudábilis nimis : *
terribilis est super omnes
deos.

Quóniam omnes dii gén-
tium dæmónia : * Dóminus
autem cælos fecit.

Conféssio, et pulchritúdo
in conspéctu ejus : * sancti-
mónia et magnificéntia in
sanctificatióne ejus.

Afférte Dómino pátriæ gén-
tium, afférte Dómino glóriam
et honórem : * afférte Dó-
mino glóriam nómini ejus.

Tóllite hóstias, et introite
in átria ejus : * adoráte Dó-
minum in átrio sancto ejus.

Commovéatur a fácie ejus
univérsa terra : * dicite in
géntibus quia Dóminus re-
gnávit.

Etenim corréxit orbem ter-
ræ qui non commovébitur : *
judicábit pópulos in æqui-
látate.

Læténtur cæli, et exsúltet
terra, commoveáture mare, et
plenitúdo ejus : * gaudébunt
campi, et ómnia quæ in eis
sunt.

Tunc exsultábunt ómnia
ligna silvárum a fácie Dó-
mini, quia venit : * quóniam
venit judicáre terram.

Judicábit orbem terræ in
æquitáte, * et pópulos in ve-
ritáte sua.

Ant. Nigra sum, sed for-
mósa, filiæ Jerúsalem : ideo
diléxit me Rex, et introduxit
me in cubículum suum.

Ant. Trahe me post te, * in
odórem currémus unguen-
tórum tuórum : óleum effú-
sum nomen tuum.

Psalmus 96.

DÓMINUS regnávit, exsúltet
terra : * læténtur insulæ
multæ.

Nubes, et caligo in cir-
cúitu ejus : * justitia, et ju-
dicium corréctio sedis ejus.

Ignis ante ipsum præcé-
det, * et inflammábit in cir-
cúitu inimicos ejus.

Illuxérunt fúlgura ejus orbi
terræ : * vidit, et commóta
est terra.

Montes, sicut cera fluxé-
runt a fácie Dómini : * a fá-
cie Dómini omnis terra.

Annuntiavérunt cæli ju-
stitiam ejus : * et vidérunt
omnes pópuli glóriam ejus.

Confundántur omnes, qui
adórant sculptília : * et qui
gloriántur in simulácris suis.

Adoráte eum omnes An-
geli ejus : * audívit, et lætáta
est Sion.

Et exsultavérunt filiæ Ju-
dæ, * propter judícia tua
Dómine :

Quóniam tu Dóminus Al-
tissimus super omnem ter-
ram : * nimis exaltátus es
super omnes deos.

Qui dilígitis Dóminum,
odite malum : * custódit Dó-
minus ánimas sanctórum
suórum, de manu peccatóris
liberábit eos.

Lux orta est justo, * et
rectis corde lætítia.

Lætámini justi in Dómi-

no : * et confitémini memóriæ sanctificatiónis ejus.

Ant. Trahe me post te , in odórem currémus unguentórum tuórum : óleum effúsum nomen tuum.

Ant. Veni sponsa Christi, * áccipe corónam, quam tibi Dóminus præparávit in ætérnum.

Psalmus 97.

CANTÁTE Dómino cánticum novum : * quia mirabilia fecit.

Salvávitsibi délixtera ejus : * et bráchium sanctum ejus.

Notum fecit Dóminus salutáre suum : * in conspéctu géntium revelávit justitiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cithara, in cithara et voce psalmi : * in tubis ductilibus, et voce tubæ córneæ.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justitia, * et pópulos in æquitáte.

Ant. Veni sponsa Christi, áccipe corónam, quam tibi Dóminus præparávit in ætérnum.

V. Elégit eam Deus, et præelégit eam. **R.** In tabernáculo suo habitáre facit eam.

Pater noster.

Absolutio. A vinculis.

Ÿ. Jube domne.

Bened. Evangélica léctio.

Léctio sancti Evangélii secúndum Matthæum.

Lectio vij. Cap. 25.

IN illo témpore : Dixit Jesus discipulis suis parábolam hanc : Simile erit regnum cælórum decem virginibus : quæ accipiéntes lámpades suas, exiérunt óbviám sponso et sponsæ. Et réliqua.

Homília sancti Gregórii Papæ.

Homil. 12. in Evang.

SÆPE vos, fratres carissimi, admóneo prava ópera fúgere, mundi hujus inquinaménta devitáre : sed hodiérna sancti Evangélii léctiône compéllor dicere, ut et bona quæ ágitis, cum magna cautéla teneátis : ne per hoc quod a vobis rectum géritur, favor aut grátia humana requirátur : ne appetitus láudis subrépat, et quod foris osténditur, intus a mercede vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes sunt recéptæ : quia eárum quædam, dum de virginitáte

sua glóriam foris expetunt, in vasis suis óleum habere noluérunt.

R. Hæc est Virgo sapiens, quam Dóminus vigilántem invénit, quæ accéptis lampadibus, sumpsit secum óleum : * Et veniente Dómino, introivit cum eo ad núptias.

Y. Média nocte clamor factus est : Ecce sponsus venit, exite óbviám ei. Et veniente.

Bened. Cujus, *vel* Quarum festum cólimus.

Lectio viij.

SED prius quæréndum nobis est, quid sit regnum cælórum, aut cur decem virginibus comparétur, quæ étiam vírgines prudéntes et fátuæ dicántur. Dum enim cælórum regnum constat, quia reprobórum nullus ingréditur, étiam fátuis virginibus cur simile esse perhibétur? Sed sciéndum nobis est, quod sæpe in sacro elóquio regnum cælórum præsentis témporis Ecclésia dicitur. De quo álio in loco Dóminus dicit : Mittet Filius hóminis Angelos suos, et cóligent de regno ejus ómnia scándala. Neque enim in illo regno beatitúdinis, in quo pax summa est, inveniri scándala póterunt, quæ colligántur.

R. Média nocte clamor factus est : * Ecce sponsus venit, exite óbviám ei. **Y.** Prudéntes Virgines, aptáte vestras lámpades. Ecce. Glória Patri. Ecce.

Bened. Ad societátem.

Lectio ix.

IN quinque áutem córporis sènsibus unusquisque subsistit. Geminátus áutem quinárius denárium pèrficit. Et quia ex utróque sexu fidélium multitúdo colligitur, sancta Ecclésia decem virginibus similis esse denun-tiátur. In qua quia mali cum bonis, et réprobi cum eléctis admixti sunt, recte similis virginibus prudéntibus et fátuis esse perhibétur. Sunt namque plerique continéntes, qui ab appetitu se exteriori custódiunt, et spe ad interióra rapiúntur, carnem mácerant, et toto desiderio ad supérnam pátriam anhélant, æténa præmia expetunt, pro labóribus suis recipere láudes humanas nollunt. Hi nimirum glóriam suam non in ore hóminum ponunt, sed intra consciéntiam cótegunt. Et sunt plerique, qui corpus per abstinentiam affligunt, sed de ipsa sua abstinentia humanos favores expetunt.

Te Deum laudámus. 17.

AD LAUDES

ET PER HORAS

Ant. 1. Hæc est Virgo sapiens, * et una de número prudéntum.

Ps. Dóminus regnávit. **cum reliq.** 18.

2. Hæc est Virgo sapiens, * quam Dóminus vigilántem invénit.

3. Hæc est quæ nescívit

*torum in delicto : habébit fructum in respectiōne animárum sanctárum.

4. Veni elécta mea, * et ponam in te thronum meum, allelúia.

5. Ista est speciōsa * inter filias Jerúsalem.

Capitulum. II. Cor. 10. d

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

Hymnus.

JESU coróna Virginum,
Quem mater illa cóncipit,
Quæ sola Virgo párturit :
Hæc vota clemens áccipe.

Qui pergis inter lilia,
Septus choréis Virginum,
Sponsus decórus glória,
Sponsisque reddens præmia.

Quocúmque tendis, Virgines

Sequúntur, atque láudibus
Post te canéntes cúrsitant,
Hymnósque dulces pèrsonant.

Te deprecámur súpplīces,
Nostris ut addas sènsibus,
Nescire prorsus ómnia
Corruptiōnis vúlnera.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

Ÿ. Diffúsa est grátia in lábiis tuis. R̃. Propterea benedixit te Deus in ætérnum.

Ad Bened. Ant. Simile est regnum cælórum * hómini

negotiátóri, quærénti bonas margaritas : invénta una pretiōsa, dedit ómnia sua, et comparávit eam.

Oratio.

DEUS, qui inter cætera poténtiæ tuæ mirácula étiam in sexu frágili victóriam martýrii contulisti : concéde propítius; ut qui beátæ **N.** Virginis et Mátyris tuæ natalitia cólimus, per ejus ad te exémpa gradiámur. Per Dóminum.

Alia Oratio.

INDULGÉNTIAM nobis, quæsumus Dómine, beáta **N.** Virgo et Martyr implóret : quæ tibi grata semper éxstitit et mérito castitátis, et tuæ professiōne virtútis. Per Dóminum.

Pro Virgine non Martyre.

Oratio.

EXÁUDI nos, Deus salutáris noster : ut, sicut de beátæ **N.** Virginis tuæ festivitáte gaudémus; ita piæ devotiōnis erudiámur afféctu. Per Dóminum.

Si fuerint plures, ad Benedictus dicitur

Ant. Prudentes Virgines * aptáte vestras lámpades : ecce sponsus venit, exite óbviā ei.

Ÿ. Adducéntur Regi Virgines post eam. R̃. Próximæ ejus afferéntur tibi.

Oratio.

DA nobis, quæsumus Dómine Deus noster, sanctárum Virginum et Mátyrum tuárum **N.** et **N.** palmas

incessábili devotióne venerári : ut quas digna mente non póssumus celebráre, humilibus saltem frequentémus obséquiiis. Per Dñum.

AD TERTIAM

Ant. Hæc est Virgo.

Capit. Fratres : Qui gloriátur. *ut supra.* 108*.

R. br. Spécie tua * Et pulchritúdine tua. Spécie. *V.* Inténde, prospere procéde, et regna. Et. Glória. Spécie.

V. Adjuvábít eam Deus vultu suo. *R.* Deus in médio ejus, non commovébitur.

AD SEXTAM

Ant. Hæc est quæ nescívit.

Capitulum. II. Cor. 11.

AEMULOR enim vos Dei æmulatione. Despóndi enim vos uni viro virginem castam exhibére Christo.

R. br. Adjuvábít eam * Deus vultu suo. Adjuvábít. *V.* Deus in médio ejus, non commovébitur. Deus. Glória Patri. Adjuvábít.

V. Elégít eam Deus, et præelégít eam. *R.* In tabernáculo suo habitáre facit eam.

AD NONAM

Ant. Ista est speciósa.

Capitulum. Eccli. 51. b

DÓMINE Deus meus, exaltásti super terram habitationem meam, et pro morte defluente deprecáta sum. Invocávi Dóminum Patrem Dómini mei, ut non derelinquat me in die tribulationis meæ, et in témpore superbórum sine adjutório.

Si fuerit Virgo et non Martyr, dic. seq.

Capitulum. Sap. 4.

O QUAM pulchra est casta generatio cum claritate! immortalis est enim memoria illius : quóniam apud Deum nota est, et apud homines.

R. br. Elégít eam Deus, * Et præelégít eam. Elégít. *V.* In tabernáculo suo habitáre facit eam. Et præelégít. Glória Patri. Elégít.

V. Diffúsa est grátia in lábiis tuis. *R.* Proptérea benedixit te Deus in ætérnum.

IN II. VESPERIS

Ant., Pss., Capit. et Hymn. *ut in I. Vesp.* 95*.

V. Diffúsa est grátia in lábiis tuis. *R.* Proptérea benedixit te Deus in ætérnum.

Ad Magnif. Ant. Veni sponsa Christi, * áccipe corónam, quam tibi Dóminus præparávit in ætérnum.

II. ALIÆ LECTIONES

PRO VIRGINIBUS

Pro Virgine et Martyre, ac pro Martyre tantum, Lect. I. Noct. leguntur etiam ut infra.

De libro Ecclesiástici.

Lectio j. Cap. 51.

CONFITÉBOR tibi Dómine Rex, et collaudábo te Deum Salvatórem meum. Confitébor nómini tuo : quóniam adjutor et protéctor factus es mihi, et liberásti corpus meum a perditione, a láqueo linguæ iniquæ, et

a lábiis operántium mendá-
cium, et in conspéctu ad-
stántium factus es mihi adjú-
tor. Et liberásti me secúndum
multitúdinem misericórdiæ
nóminis tui a rugiéntibus
præparátis ad escam, de má-
nibus quæréntium ánimam
meam, et de portis tribula-
tiónum, quæ circumdedé-
runt me : a pressúra flam-
mæ, quæ circúmdedit me,
et in médio ignis non sum
æstuáta : de altitúdi-
ne ven-
tris inferi, et a lingua coin-
quináta, et a verbo mendá-
cii, a rege iníquo, et a lingua
injústa.

R. Veni sponsa Christi,
accipe corónam, quam tibi
Dóminus præparávit in ætér-
num : pro cuius amóre sán-
guinem tuum fudisti, * Et
cum Angelis in paradísium
introísti. **V.** Veni elécta mea,
et ponam in te thronum
meum, quia concupívit Rex
spéciem tuam. Et cum.

Lectio ij.

LAUDÁBIT usque ad mortem
ánima mea Dóminum, et
vita mea appropínquans erat
in inférno deórsum. Circum-
dedérunt me úndique, et
non erat qui adjuváret. Re-
spiciens eram ad adjutórium
hóminum, et non erat. Me-
moráta sum misericórdiæ
tuæ Dómine, et operatiónis
tuæ, quæ a sæculo sunt :
quóniam éruis sustinéntes
te Dómine, et liberas eos de
mánibus géntium.

R. Diffúsa est grátia in lá-

biis tuis : * Proptérea bene-
dixit te Deus in ætérnum. **V.**
Spécie tua et pulchritúdi-
ne tua inténde, prospere pro-
céde, et regna. Proptérea.

Lectio iij.

EXALTÁSTI super terram
habitatiónem meam, et
pro morte defluénte depre-
cáta sum. Invocávi Dómi-
num Patrem Dómini mei, ut
non derelinquat me in die
tribulatiónis meæ, et in témpore
superbórum sine adju-
tório. Laudábo nomen tuum
assidue, et collaudábo illud
in confessióne, et exaudita
est orátio mea. Et liberásti
me de perditiónem, et eri-
puisti me de témpore iníquo.
Proptérea confitébor, et láu-
dem dicam tibi, et benedi-
cam nómini Dómini.

R. Spécie tua. 101*.

IN II. NOCTURNO

Ex libro sancti Cypriáni Epi-
scopi et Mátyris, de disci-
plina et hábitu Virginum.

Lectio iv. Cap. 2.

NUNC nobis ad vírgines
sermo est, quarum quo
sublimior glória est, major
et cura est. Flos est ille ec-
clesiástici gérmis, decus
atque ornámentum grátiae
spiritális, læta índoles, láu-
dis et honóris opus ínte-
grum atque incorrúptum,
Dei imágo respóndens ad
sanctimóniam Dómini, illú-
strior pórtio gregis Christi.
Gáudet per illas, atque in
illis lárgiter floret Ecclesiæ
matris gloriósa fœcúnditas :

quantóque plus copiósá virginitas número suo addit, tanto plus gáudium matris augéscit. Ad has lóquimur, has adhortámur affectióne pótius quam potestáte : non quod extrémí, et mínimi, et humilitátis nostræ ádmodum cónscii áliquíd ad censúram licéntiæ vindicémus ; sed quod ad sollicitúdinem magis cáuti, plus de diaboli infestatióne timeámus.

R. Propter veritátem, et mansuetúdinem, et justítiam : * Et dedúcet te mirabiliter délixtera tua. **V.** Spécie tua et pulchritúdine tua inténde, prósperè procéde, et regna. Et.

Lectio v.

NEQVE inánis hæc cáutio est, et vana formído, quæ ad salutis viam cónsulit, quæ dominica et vitália præcépta custódit, ut quæ se Christo dicáverint, et a carnáli concupiscéntia recedéntes, tam carne, quam mente se Deo vóverint, cónsumment opus suum magno præmio destinátum : nec ornári jam, aut placére cuiquam, nisi Dómino suo, stúdeant, a quo et mercédem virginitátis expéctant, dicénte ipso : Non omnes cápiunt verbum, sed illi quibus datum est. Sunt enim spadónes, qui ex útero matris sic nati sunt : et sunt spadónes, qui coácti sunt ab hominibus : et sunt spadónes, qui seipsos castravérunt

propter regnum cælórum.

R. Dilexísti justítiam, et odísti iniquitátem : * Proptérea unxit te Deus, Deus tuus óleo lætitiæ. **V.** Propter veritátem, et mansuetúdinem, et justítiam. Proptérea.

Lectio vj.

DÉNUO quoque per hanc Angeli vocem continéntiæ munus osténditur, virginitas prædicátur. Hi sunt, qui cum muliéribus se non coinquinavérunt : vírgines enim permansérunt : hi sunt qui sequúntur Agnum quocúmque ierit. Neque enim tantum másculis continéntiæ grátiam Dóminus repro-mittit, et féminas præterit : sed quóniam fémina viri pórtio est, et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémina. Quod si Christum continéntia séquitur, et regno Dei virginitas destinátur : quid est illis cum terréno cultu, et cum ornáméntis, quibus dum hominibus placére géstiunt, Deum offéndunt?

R. Afferéntur Regi. 104*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 19.

IN illo témpore : Accessérunt ad Jesum pharisæi

tentantes eum, et dicentes : Si licet homini dimittere uxorem suam quacúmque ex cáusa? Et reliqua.

Homilia sancti Joánnis
Chrysóstomi.

Hom. 63. in Matth., sub
med.

DÓMINUS noster, quia ad virginitatem hortári grave esse videbátur, a necessitate legis de non solvendo matrimónio, eos ad cupiditatem illius trahere studet. Deinde ut eam esse possibilem osténdat, sic inquit : Sunt eunúchi qui ex ventre matris ita nati sunt, et sunt qui ab hominibus eunúchi facti sunt, et sunt qui seipsos castraverunt propter regnum cælórum. Quibus verbis latenter eos ad eligendam virginitatem inducit, dum eam virtutem esse possibilem adstruit.

¶ Hæc est Virgo sapiens, quam Dóminus vigilantem invenit, quæ, acceptis lampadibus, sumpsit secum oleum : * Et veniente Dómino, introivit cum eo ad nuptias. ¶ Média nocte clamor factus est : Ecce sponsus venit, exite obviam ei. Et.

Lectio viij.

ID autem hoc fere modo confirmat. Cógita tecum, si aut a nátura talis esses, aut ab hominibus eam inju-

riam passus, quid fáceres, cum et ejúsmodi voluptate caréres, et nullam caréndo mercédem consequeréris? Grátias igitur nunc Deo agas, quod cum mercéde atque corónis idem sústines, quod illi sine corónis ac præmio tólerant : imo vero non idem, sed multo lévius; tum quia spe erigeris, et consciéntia recte facti; tum quia non ita ingéntibus concupiscentiæ flúctibus jactáris.

¶ Média nocte clamor factus est : * Ecce sponsus venit, exite obviam ei. ¶ Prudentes virgines, aptate vestras lámpades. Ecce. Glória Patri. Ecce.

Lectio ix.

CUM ergo de illis eunúchis dixerit, qui nisi étiam ipsi mente se contineant, frustra et inutiliter tales sunt; ac de illis, qui ut regnum cælórum consequántur, se continent, subjúnxit rursus, dicens : Qui potest capere, capiat : ut alacriores efficiat eo ipso, quod grave esse opus osténdit, et ineffábilis benignitáte sua nóluit eam rem intra necessitatem legis conclúdere : idque dicéndo, adhuc magis possibilem esse demónstrat, ut voluntátis stúdiu plus augeátur.

Te Deum laudámus. 17.

COMMUNE SANCTÆ MARTYRIS TANTUM

ET NEC VIRGINIS NEC MARTYRIS

IN I. VESPERIS

Ant. de Laud. 117: Pss. ut in I. Vesp. de Comm. Virg. 95*.**Pro Martyre tantum.**Capitulum. Eccli. 51.*

CONFITÉBOR tibi Dómine Rex, et colaudábo te Deum Salvatórem meum. Confitébor nómini tuo: quóniam adjútor et protéctor factus es mihi, et liberásti corpus meum a perditione.

*Pro nec Virg. nec Mart.**Capitulum. Prov. 31. b*

MULIEREM fortem quis invéniet? procul, et de últimis finibus pretium ejus. Confidit in ea cor viri sui, et spóliis non indigebit.

Hymnus.

FORTEM virili pectore
Laudémus omnes féminam,

Quæ sanctitátis glória
Ubique fulget inclyta.

Hæc sancto amóre sáucia,
Dum mundi amórem nóxium
Horréscit, ad cælestia
Iter perégit árduum.

Carnem domans jejúniis,
Dulcique mentem pábulo
Oratiónis nútriens,
Cæli potitur gáudiis.

Rex Christe virtus fórtium,
Qui magna solus éfficis,
Hujus precátu, quæsumus,
Audi benígnus súpplices.

Deo Patri sit glória,
Ejusque soli Filio,

Cum Spíritu Paráclito,
Nunc et per omne sæculum.
Amen.

Ÿ. Spécie tua et pulchritúdine tua. *R.* Inténde, prospere procéde, et regna.

Ad Magnif. Ant. Simile est regnum cælórum * hómini negotiatóri quærénti bonas margaritas : invénta una pretiósá, dedit ómnia sua, et comparávit eam.

*Pro una Martyre tantum.**Oratio.*

DEUS, qui inter cætera poténtiæ tuæ miracula, étiam in sexu frágili victóriam mártýrii contulisti : concéde propítius; ut qui beátæ *N.* Mártýris tuæ natalitia cólimus, per ejus ad te exémpia gradiámur. Per.

*Pro plur. Martyr. tantum.**Oratio.*

DA nobis, quæsumus Dómine Deus noster, sanctárum Mártýrum tuárum *N.* et *N.* palmas incessábili devotióne venerári : ut quas digna mente non póssumus celebráre, humilibus saltem frequentémus obséquiiis. Per Dóminum.

*Pro nec Virg. nec Mart.**Oratio.*

EXÁUDI nos Deus salutáris noster : ut sicut de beátæ *N.* festivitáte gaudémus; ita piæ devotiónis erudiámur afféctu. Per Dóminum.

AD MATUTINUM

Invital. Laudémus Deum nostrum. * In confessióne beátæ N.

Ps. Venite, exsultémus. 2.

Hymnus.

IUJUS orátu Deus alme nobis

Débitas pœnas scélerum remitte :

Ut tibi puro resonémus al-
mum

Péctore carmen.

Sit decus Patri, genitæque
Proli,

Et tibi compar utriúsque
virtus

Spiritus semper, Deus unus
omni

Témporis ævo. Amen.

Ant. Pss. et VV. in tribus
Noct. dicuntur ut in Comm.
Virg. 98*, excepta secunda
Ant. I. Noct., ejus loco
dicitur **Ant.** Læva ejus. ut
ibidem.

IN I. NOCTURNO

Lect. I. Noct. pro Martyre
tantum, leguntur ut supra.
Confitébor. 109*.

Pro nec Virg. nec Mart., ut
sequuntur.

De Parábolis Salomónis.

Lectio j. Cap. 31. b

MULIÈREM fortem quis in-
veniet? procul, et de
últimis finibus prétium ejus.
Confidit in ea cor viri sui,
et spóliis non indigébit.
Reddet ei bonum, et non
malum, ómnibus diébus vitæ
suæ. Quæsivit lanam et li-
num, et operáta est consilio
mánuum suárum. Facta est

quasi navis institóris, de
longe portans panem suum.
Et de nocte surréxit, dedit-
que prædam domésticis suis,
et cibária ancillis suis. Con-
siderávit agrum, et emit
eum : de fructu mánuum
suárum plantávit vineam.
Accínxit fortitúdone lumbos
suos, et roborávit bráchium
suum.

R. Veni elécta mea, et
ponam in te thronum meum :

* Quia concupívit Rex spé-
ciem tuam. **V.** Spécie tua et
pulchritúdone tua inténde,
próspere procéde, et regna.
Quia.

Bened. Unigénitus Dei.

Lectio ij.

GUSTÁVIT, et vidit quia
bona est negotiátio ejus :
non exstinguétur in nocte
lucérna ejus. Manum suam
misit ad fórtia, et dígití ejus
apprehendérunt fusum. Ma-
num suam apérui inopi, et
palmas suas exténdit ad páu-
perem. Non timébit dómui
suæ a frigóribus nivis :
omnes enim doméstici ejus
vestiti sunt duplicibus. Stra-
gulátam vestem fecit sibi :
byssus et púrpura indumén-
tum ejus. Nóbilis in portis
vir ejus, quando séderit cum
senatóribus terræ. Sindo-
nem fecit, et véndidit, et
cingulum trádidit Chana-
næo.

R. Diffúsa est grátia in
lábiis tuis : * Proptérea be-
nedixit te Deus in ætérnum.
V. Spécie tua et pulchritú-

dine tua inténde, prospere procéde, et regna. Propterea.

Bened. Spíritus sancti grátia.

Lectio iij.

FORTITÚDO et decor indumentum ejus, et ridébit in die novíssimo. Os suum apéruiť sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt : vir ejus, et laudávit eam. Multæ filiæ congregavérunt divítias : tu supergréssa es univérsas. Fallax grátia, et vana est pulchritúdo : múlíer timens Dóminum, ipsa laudábitur. Date ei de fructu mánuum suárum : et láudent eam in portis ópera ejus.

R. Spécie tua et pulchritúdine tua * Inténde, prospere procéde, et regna. **V.** Diffúsa est grátia in lábiis tuis, propterea benedixit te Deus in ætérnum. Inténde. Glória Patri. Inténde.

IN II. NOCTURNO

Ex libro sancti Ambrósii
Episcopi de Viduis.

Prope finem.

Lectio iv.

AGRUM hunc Ecclésiæ fértilém cerno, nunc integritátis flore vernántem, nunc viduitátis gravitate polléntem, nunc étiam conjúgii fructibus redundántem. Nam etsi divérsi, uníus ta-

men agri fructus sunt : nec tanta hortórum lilia, quantæ aristæ ségetum, méssium spicæ : compluriúmque spátia campórum recipiéndis aptántur semínibus, quam rédditis nováles fructibus feriántur. Bona ergo viduitas, quæ tóties apostólico judicio prædicátur. Hæc enim magistra fidei, magistra est castitátis.

R. Propter veritátem, et mansuetúdinem, et justítiam : * Et dedúcet te mirabiliter dextera tua. **V.** Spécie tua et pulchritúdine tua inténde, prospere procéde, et regna. Et.

Bened. Christus perpétuæ.

Lectio v.

UNDE et illi qui deórum suórum adultéria et probra venerántur, coelibátus et viduitátis statuére pœnas, ut æmuli criminum multárent stúdia virtútum, spécie quidem, qua fecunditátem quærerent, sed stúdio, quo propósitum castitátis abolérent. Nam conféctis et miles stipéndiis arma depónit, et relicto offício quod gerébat, ad própria veteránus rura dimittitur, ut et ipse exercitæ labóribus vitæ réquiem consequáur; et álios spes futúrae quiétis subeúndis fáciat opéribus promptiôres. Agrícola quoque matúrior torquéndam áliis stivam committit, et juvenili gravátus ópere providéntiam curæ

senilis explórat : vitem faci-
lius tondére, quam prémere,
ut juvenescéntem luxúriam
réprimat, et adolescéntem
lasciviam falce succídat :
parcórum quamdam pártu-
um castitátem docens étiam
in vítibz expeténdam.

R. Dilexisti justitiam, et
odisti iniquitátem : * Pro-
ptérea unxit te Deus, Deus
tuus óleo lætitiæ. **V.** Propter
veritátem, et mansuetúdi-
nem, et justitiam. Proptérea.

Bened. Ignem sui amoris.

Lectio vj.

SÍMILIS huic vidua velut
Seméritis veterána stipén-
diis castitátis, etsi conjúgii
arma depónat, domus ta-
men totius pacem gubérnat :
etsi vehéndis onéribus otíó-
sa, maritándis tamen junió-
ribus próvida, ubi cultus
utilior, ubi fructus ubérior
sit, quarum cópulam aptió-
rem, senili gravitáte dispó-
nit. Itaque si maturióribus
quam junióribus committi-
tur ager, cur putes utiliórem
nuptam esse quam viduam?
Quod si persecutóres fidei
persecutóres fuérunt étiam
viduitátis : útique fidem se-
quéntibus vidúitas non pro
supplicio fugiéndam est, sed
tenéndam pro prémio.

R. Fallax grátia, et vana
est pulchritúdo : * Múlier
timens Deum, ipsa laudábi-
tur. **V.** Date ei de fructu má-
nuum suárum, et láudent
eam in portis ópera ejus.
Múlier. Glória. Múlier.

IN III. NOCTURNO

Léctio sancti Evangélíi se-
cúndum Matthæum.

Lectio vij. Cap. 13. f

IN illo témpore : Dixit Jesus
discípulis suis parábolam
hanc : Simile est regnum
cælórum thesáuro abscón-
dito in agro. Et réliqua.

Homilia sancti Gregórii
Papæ.

Homil. 11. in Evang.

CÆLÓRUM regnum, fratres
caríssimi, idcirco terré-
nis rebus simile dicitur, ut
ex his quæ ánimus novit,
surgat ad incógnita quæ non
novit : quátenus exémplo
visibílium se ad invisibília
rápiat, et per ea, quæ usu
didicit, quasi confricátus in-
caléscat : ut per hoc, quod
scit notum diligere, discat
et incógnita amáre. Ecce
enim cælórum regnum the-
sáuro abscóndito in agro
comparátur : quem qui in-
venit homo, abscóndit, et
præ gáudio illius vadit, et
vendit univérsa quæ habet,
et emit agrum illum.

R. Os suum apérui sapién-
tiæ, et lex cleméntiæ in lingua
ejus : considerávit sémitas
domus suæ, * Et panem otíosa
non comédit. **V.** Gustávit, et
vidit quia bona est negotiá-
tio ejus : non exstinguétur in
nocte lucérna ejus. Et.

Bened. Cujus festum cóli-
mus.

Lectio viij.

QUA in re hoc quoque no-
tándum est, quod invén-

tus thesáurus absconditur, ut servétur : quia stúdi-
 cæléstis desidérii a malignis
 spirítibus custodíre non sùf-
 ficit, qui hoc ab humánis
 láudibus non abscondit. In
 præsénti etenim vita, quasi
 in via sumus, qua ad pá-
 triam pèrgimus. Maligni áu-
 tem spíritus iter nostrum
 quasi quidam latrúnculi ób-
 sident. Deprædári ergo de-
 siderat, qui thesáurum pú-
 blice portat in via. Hoc áutem
 dico, non ut próximi ópera
 nostra bona non vídeant,
 cum scriptum sit : Videant
 ópera vestra bona, et glori-
 ficient Patrem vestrum, qui
 in cælis est : sed ut per hoc,
 quod ágimus, láudes exté-
 rius non quæramus. Sic áu-
 tem sit opus in público, quá-
 tenus inténtio máneat in
 occúlto : ut et de bono ópere
 próximis præbeámus exém-
 plum, et tamen per intenti-
 ónem, qua Deo soli placére
 quærimus, semper optémus
 secrétum.

R. Regnum mundi, et
 omnem ornátum sáeculi con-
 témpsi, propter amórem Dó-
 mini mei Jesu Christi : *
 Quem vidi, quem amávi, in
 quem crédidi, quem diléxi.
V. Eructávit cor meum ver-
 bum bonum : dico ego ópera
 mea Regi. Quem. Glória Pa-
 tri. Quem.

Bened. Ad societátem.

Lectio ix.

T HESÁURUS áutem cæléste
 est desidérium : ager

vero, in quo thesáurus
 absconditur, disciplína stú-
 dii cæléstis. Quem profécto
 agrum, vénditis ómnibus,
 cómparat, qui voluptátibus
 carnis renúntians, cuncta
 sua terréna desidéria per
 disciplínæ cæléstis custó-
 diam calcat : ut nihil jam,
 quod caro blanditur, libeat ;
 nihil quod carnálem vitam
 trucidat, spíritus perhor-
 réscat.

Te Deum laudámus. 17.

AD LAUDES

ET PER HORAS

Ant. 1. Dum esset Rex * in
 accúbitu suo, nardus mea
 dedit odórem suavitátis.

Ps. Dóminus regnávit. **cum**
reliq. 18.

2. In odórem * unguentó-
 rum tuórum cúrrimus : ado-
 lescéntulæ dilexérunt te ni-
 mis.

3. Jam hiems tránsiit, *
 imber ábiit, et recéssit : surge
 amíca mea, et veni.

4. Veni elécta mea, * et po-
 nam in te thronum meum,
 allelúia.

5. Ista est speciósa * inter
 filias Jerúsalem.

Pro Martyre tantum.

Capitulum. Eccli. 51.

C ONFITÉBOR tibi Dómine
 Rex, et collaudábo te
 Deum Salvatórem meum.
 Confitébor nómini tuo : quó-
 niam adjútor et protéctor
 factus es mihi, et liberásti
 corpus meum a perdití-
 one.

Pro nec Virgine nec Martyre.

Capitulum. Prov. 31. b

MULIEREM fortem quis inveniet? procul, et de ultimis finibus pretium ejus. Confidit in ea cor viri sui, et spoliis non indigebit.

Hymnus.

FORTEM virili pectore
Laudemus omnes feminam,

Quæ sanctitatis gloria
Ubique fulget inclyta.

Hæc sancto amore saucia,
Dum mundi amorem noxium

Horrêscit, ad cælestia
Iter perêgit arduum.

Carnem domans jejuniis,
Dulcique mentem pabulo
Orationis nutriens,
Cæli potitur gaudiis.

Rex Christe virtus fortium,

Qui magna solus efficis,
Hujus precatu, quæsumus,
Audi benignus supplices.

Deo Patri sit gloria,
Ejusque soli Filio,
Cum Spiritu Paráclito,
Nunc et per omne sæculum.
Amen.

℣. Diffusa est grátia in labiis tuis. ℞. Propterea benedixit te Deus in ætérnum.

Ad Bened. Ant. Date ei *
de fructu manuum suarum,
et laudent eam in portis
opera ejus.

Pro una Martyre tantum.

Oratio.

DEUS, qui inter cætera
potentiæ tuæ miracula
etiam in sexu fragili victo-

riam martýrii contulisti :
concède propitius; ut qui
beátæ N. Mátyris tuæ natalitia cõlimus, per ejus ad te
exempla gradiámur. Per.

Pro pluribus Martyribus
tantum. Oratio.

DA nobis, quæsumus Dómine Deus noster, sanctarum Mátyrum tuarum N. et N. palmas incessabili devotiõne venerári : ut quas digna mente non possumus celebrare, humilibus saltem frequentemus obséquijs. Per Dóminum.

Pro nec Virgine nec Martyre.
Oratio.

EXÁUDI nos Deus salutáris noster : ut, sicut de beátæ N. festivitáte gaudemus; ita piæ devotiõnis erudiámur afféctu. Per Dóminum.

AD TERTIAM

Ant. In odórem.

Pro Martyre tantum.

Capit. Confitebor. 117*.

Pro nec Virgine nec Martyre.

Capit. Mulierem fortem.

℞. br. Spécie tua * Et pulchritudine tua. Spécie. ℣. Intende, prospere procede, et regna. Et. Glória Patri. Spécie.

℣. Adjuvabit eam Deus vultu suo. ℞. Deus in medio ejus, non commovebitur.

AD SEXTAM

Ant. Jam hiems tránsiit.

Pro Martyre tantum.

Capitulum. Eccli. 51.

LIBERÁSTI me secúndum multitudinem misericordiæ nóminis tui a rugienti-

bus præparátis ad escam, de má nibus quæ réntium áni-
mam meam, et de multis tri-
bulatió nibus quæ circumde-
dérunt me.

Pro nec Virgine nec Martyre.

Capitulum. Prov. 31. c

MANUM suam apérui inopi,
et palmas suas exténdit
ad páuperem. Non timébit
dómu i suæ a frigó ribus ni-
vis.

ñ. br. Adjuváb it eam *
Deus vultu suo. Adjuváb it.

v. Deus in mé dio ejus, non
commové bitur. Deus. Gló-
ria Patri. Adjuváb it.

v. Elég it eam Deus, et
præelég it eam. *ñ.* In taber-
náculo suo habitáre facit
eam.

AD NONAM

Ant. Ista est speciósa.

Pro Martyre tantum.

Capitulum. Eccli. 31.

LAUDÁBIT usque ad mortem
ánima mea Dóminum,
quóniam éruis sustinéntes
te, et liberas eos de manu
angúst iæ, Dómine Deus no-
ster.

Pro nec Virgine nec Martyre.

Capitulum. Prov. 31. d

MULTÆ filiæ congregavé-
runt divítias : tu super-
gréssa es univér sas. Fallax
grátia, et vana est pulchri-
túdo : múl ier timens Dómi-
num, ipsa laudáb itur.

ñ. br. Elég it eam Deus,
* Et præelég it eam. Elég it.
v. In tabernáculo suo habi-
táre facit eam. Et. Glória
Patri. Elég it.

v. Diffúsa est grátia in lá-
biis tuis. *ñ.* Proptérea bene-
dixit te Deus in ætérnum.

IN II. VESPERIS

*Ant. de Laud.; Pss. ut in
I. Vesperis de Comm. Virg.*
95*.

*Capit. et Hymnus ut ad
Laud.*

v. Diffúsa est grátia in lá-
biis tuis. *ñ.* Proptérea bene-
dixit te Deus in ætérnum.

Ad Magnif. Ant. Manum
suam * apérui inopi, et pal-
mas suas exténdit ad páupe-
rem, et panem otíosa non
comédit.

*Si fuerint plures non
Virg., idem sit Officium ut
supra. 113*.*

II. LECTIONES

PRO MARTYRE TANTUM

IN II. NOCTURNO

Sermo sancti Joánnis
Chrysóstomi.

Serm. 67. de diversis
novi Testamenti locis.

Lectio iv.

EGO máxime commemora-
tió nes diligo Mártyrum,
diligo, et ampléctor; atque
omnes quidem, sed tum præ-
cipue, cum mulierum certá-
mina proponúntur. Quanto
enim infirmius est vas, tanto
major est grátia, tanto illú-
strius est trophæum, tanto
insignior est victória, non ob
imbecillitátem sexus athle-
tárum, sed quod per ea,
quibus vicerat inimicus,
nunc étiam vincátur.

ñ. Propter veritátem, et

mansuetúdinem, et justitiam : * Et dedúcet te mirabiliter dextera tua. *Ÿ.* Spécie tua et pulchritúdine tua inténde, prospere procéde, et regna. Et dedúcet.

Lectio v.

PER mulierem vicit, per mulierem superátus est. Hoc illius ántea telum erat : hoc illius nunc cædis factum est instruméntum, hoc vas apparuit insuperábile. Peccávit illa prior, et mórtua est : ista mórtua est, ne peccáret. Illa tum fútilis promissi spe infláta, Dei leges violávit : hæc vitam præsentem contémpsit, ne fidem in suum benefactórem ejuráret. Quam igitur deinceps speráre póterunt excusatió-nem viri, si molles sint, et ignávi; quam vero véniam, cum fórtiter ac viriliter se gerant mulieres, cum ádeo

se generóse ad certámina pietátis accingant?

Ÿ. Dilexisti justitiam, et odisti iniquitátem : * Proptérea unxit te Deus, Deus tuus óleo lætitiæ. *Ÿ.* Propter veritátem, et mansuetúdinem, et justitiam. Proptérea unxit.

Lectio vj.

FUIT illi corpus imbecillum, et obnoxius sexus injúriæ; verúmtamen ómnium horum imbecillitátem advéniens grátia occultávit. Nihil enim est, nihil plane poténtius est eo, qui magno cum stúdio Dei timórem hábeat in mente defixum; sed quamvis ignes, quamvis ferrum, quamvis béstias, quamvis áliud quidvis minéntur hostes, ómnia nullo negótio contémpnit; quod útique Beáta ista étiam fecit.

Ÿ. Fallax grátia. 116*.

COMMUNE DEDICATIONIS ECCLESIAE

IN I. VESPERIS

Ant. de Laud. 131; Pss. ut in I. Vesp. de Comuni Apost. 2*, et loco ultimi, Psalmus 147.*

LÁUDA Jerúsalem Dóminum : * láuda Deum tuum Sion. Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Míttit crystállum suam sicut buccéllas : * ante faciém frigoris ejus quis sustinébit?

Emíttet verbum suum, et liquefaciet ea : * flabit spíritus ejus, et fluent aquæ.

Qui annúntiat verbum suum Jacob : * justítias, et judícia sua Israël.

Non fecit táliter omni nationi : * et iudicia sua non manifestávit eis.

Capitulum. Apoc. 21.

VIDI civitátem sanctam Jerúsalem novam descendéntem de cælo a Deo, parátam sicut sponsam ornatam viro suo.

Hymnus.

CÆLÉSTIS urbs Jerúsalem,
Beáta pacis visio,
Quæ celsa de vivéntibus
Saxis ad astra tólleris,
Sponsæque ritu cingeris
Mille Angelórum millibus.

O sorte nupta próspera,
Dotáta Patris glória,
Respersa Sponsi grátia,
Regína formosíssima,
Christo jugáta Principi,
Cæli corúsca civitas.

Hic margarítis émicant,
Paténtque cunctis óstia :
Virtúte namque prævia
Mortális illuc dúcitur,
Amóre Christi pérçitus
Torménta quisquis sústinet.

Scalpri salúbris ictibus,
Et tunsióné plúrima,
Fabri políta málleo
Hanc saxa mollem cón-
struunt,

Aptisque juncta néxibus
Locántur in fastigio.

Decus Parénti débitum
Sit usquequáque Altíssimo,
Natóque Patris único,
Et inclyto Paráclito,
Cui laus, potéstas, glória
Ætérna sit per sæcula.

Amen.

ÿ. Hæc est domus Dómini
firmiter ædificáta. R. Bene

fundáta est supra firmam
petram.

Ad Magnif. Ant. Sanctificávit Dóminus * tabernáculum suum : quia hæc est domus Dei, in qua invocábitur nomen ejus, de quo scriptum est : Et erit nomen meum ibi, dicit Dóminus.

In ipso die Dedicationis Ecclesiae, et per Octavam, et quando varianda est Oratio ob concursum Dedicationis alterius Ecclesiae.

Oratio.

DEUS, qui invisibiliter ómnia cóntines, et tamen pro salúte géneris humáni signa tuæ poténtiæ visibiliter osténdis : templum hoc poténtia tuæ inhabitationis illústra, et concéde ; ut omnes, qui huc deprecáturi convéniunt, ex quacúmque tribulatione ad te clamáverint, consolationis tuæ beneficia consequántur. Per Dñum.

In Anniversario Dedicationis Ecclesiae et per Oct.

Oratio.

DEUS, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta ; ut quisquis hoc templum beneficia petíturus ingréditur, cuncta se impetrásse lætétur. Per.

AD MATUTINUM

Invit. Domum Dei decet sanctitúdo : * Sponsum ejus Christum adorémus in ea.

Ps. Venite, exsultemus. 2.

Hymnus Cælestis Urbs. ut supra.

IN I. NOCTURNO

Ant. Tóllite * portas principes vestras, et elevámini portæ æternáles.

Psalmus 23.

DÓMINI est terra, et plentúdo ejus : * orbis terrárum, et univérsi, qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accipiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Tóllite portas prin-

cipes vestras, et elevámini portæ æternáles.

Ant. Erit mihi * Dóminus in Deum, et lapis iste vocábitur domus Dei.

Psalmus 45.

DEUS noster refúgium, et virtus : * adjútor in tribulationíbus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altissimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscéptor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobis-

cum : * suscēptor noster
Deus Jacob.

Ant. Erit mihi Dóminus
in Deum, et lapis iste vocá-
bitur domus Dei.

Ant. Ædificávit * Móyses
altáre Dómino Deo.

Psalmus 47.

MAGNUS Dóminus et laudá-
bilis nimis * in civitáte
Dei nostri, in monte sancto
ejus.

Fundátur exsultatióne uni-
vर्सæ terræ mons Sion, *
látera Aquilonis, civitas Re-
gis magni.

Deus in dómibus ejus
cognoscétur, * cum suscipiet
eam.

Quóniam ecce reges terræ
congregáti sunt : * convené-
runt in unum.

Ipsi vidéntes sic admiráti
sunt, conturbáti sunt, com-
móti sunt : * tremor appre-
héndit eos.

Ibi dolóres ut parturién-
tis, * in spiritu veheménti
cónteres naves Tharsis.

Sicut audivimus, sic vídi-
mus in civitáte Dómini vir-
tútum, in civitáte Dei no-
stri : * Deus fundávit eam in
ætérnum.

Suscēpimus Deus miseri-
córdiam tuam, * in médio
templi tui.

Secúndum nomen tuum
Deus, sic et laus tua in fines
terræ : * justitia plena est
dextera tua.

Lætétur mons Sion, et ex-
súltent filiæ Judæ, * propter
judicia tua Dómine.

Circúmdate Sion, et com-
plectímini eam : * narráte in
túrribus ejus.

Pónite corda vestra in vir-
túte ejus : * et distribúite do-
mos ejus, ut enarrétis in
progenie áltera.

Quóniam hic est Deus,
Deus noster in ætérnum, et
in sǎculum sǎculi : * ipse
reget nos in sǎcula.

Ant. Ædificávit Móyses al-
táre Dómino Deo.

V. Domum tuam Dómine
deceat sanctitúdo. *R.* In lon-
gítudinem diérum.

Pater noster.

Absol. Exáudi Dómine.

V. Jube domne.

Bened. Benedictiόne per-
pétua.

De libro secúndo Paralí-
pómenon.

Lectio j. Cap. 7.

CUM complēsset Sálomon
fundens preces, ignis de-
scéndit de cǎelo, et devorá-
vit holocáusta et victimas :
et majéstas Dómini implévit
domum. Nec póterant sa-
cerdótes ingredi templum
Dómini, eo quod implēsset
majéstas Dómini templum
Dómini. Sed et omnes filii
Israël vidébant descendén-
tem ignem, et glóriam Dó-
mini super domum : et cor-
ruéntes proni in terram su-
per paviméntum stratum
láptide, adoravérunt, et lau-
davérunt Dóminum : Quó-
niam bonus, quóniam in sǎ-
culum misericórdia ejus.
Rex áutem, et omnis pópulus

immolábant victimas coram Dómino. Mactávit igitur rex Sálomon hóstias, boum viginti duo millia, arietum centum viginti millia : et dedicávit domum Dei rex, et univérsum pópulus.

R. In dedicatióne templi decantábat pópulus láudem : * Et in ore eórum dulcis resonábat sonus. **V.** Fundáta est domus Dómini supra vérticem móntium, et vénient ad eam omnes gentes. Et.

Bened. Unigénitus Dei Fílius.

Lectio ij.

SACERDÓTES áutem stabant in officiis suis : et Levítæ in órganis cárminum Dómini, quæ fecit David rex ad laudándum Dóminum : Quóniam in ætérnum misericórdia ejus, hymnos David canéntes per manus suas : porro sacerdótes canébant tubis ante eos, cunctúsque Israël stabat. Sanctificávit quoque Sálomon médium átrii ante templum Dómini : obtúlerat enim ibi holocáusta, et ádipes pacificórum : quia altáre áneum, quod fécerat, non póterat sustinére holocáusta et sacrificia et ádipes. Fecit ergo Sálomon solemnitátem in témpore illo septem diébus, et omnis Israël cum eo, ecclésia magna valde, ab intróitu Emath usque ad Torrénstem Ægypti. Fecitque die octávo colléctam, eo quod dedicásset altáre septem diébus, et so-

lemnitátem celebrásset diébus septem.

R. Fundáta est domus Dómini supra vérticem móntium, et exaltáta est super omnes colles : * Et vénient ad eam omnes gentes, et dicent : Glória tibi Dómine. **V.** Veniéntes áutem vénient cum exsultatióne, portántes manipulos suos. Et.

Bened. Spíritus sancti grátia.

Lectio iij.

COMPLEVÍTQUE Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini, et in domo sua, et prosperátus est. Appáruit áutem ei Dóminus nocte, et ait : Audívi oratióne tuam, et elégi locum istum mihi in domum sacrificii. Si cláusero cælum, et plúvia non flúxerit, et mandávero et præcépero locústæ, ut dévoret terram, et misero pestiléntiam in pópulum meum : convérsus áutem pópulus meus, super quos invocátum est nomen meum, deprecátus me fúerit, et exquisierit fáciem meam, et égerit pœniténtiam a viis suis péssimis : et ego exáudiam de cælo, et propítius ero peccátis eórum, et sanábo terram eórum. Oculi quoque mei erunt apérti, et áures meæ eréctæ ad oratióne ejus qui in loco isto oráverit. Elégi enim, et sanctificávi locum istum, ut sit

nomen meum ibi in sempiternum, et permaneant oculi mei et cor meum ibi cunctis diebus.

R. Benedic Dómine domum istam, quam ædificavi nómini tuo : venientium in loco isto, * Exáudi preces in excélsó sólio glóriæ tuæ. **V.** Dómine, si convérsus fúerit pópulus tuus, et oráverit ad sanctuárium tuum. Exáudi. Glória Patri. Exáudi.

IN II. NOCTURNO

Ant. Non est hic áliud, * nisi domus Dei, et porta cæli.

Psalmus 83.

QUAM dilécta tabernacula tua Dómine virtutum : * concupiscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua Dómine virtutum : * rex meus, et Deus meus.

Beáti, qui hábitant in domo tua Dómine : * in sæcula sæculórum laudábunt te.

Beátus vir, cujus est auxilium abs te : * ascensiónes in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, ibunt de virtute in virtutem : * vidébitur Deus deórum in Sion.

Dómine Deus virtutum,

exáudi oratióem meam : * áuribus pèrcepe Deus Jacob.

Protéctor noster ádspice Deus : * et réspice in faciém Christi tui :

Quia mélior est dies una in átriis tuis, * super millia.

Elégiabjectus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem diligit Deus : * grátiam et glóriam dabit Dóminus.

Non privábit bonis eos, qui ámbulant in innocéntia : * Dómine virtutum, beátus homo, qui sperat in te.

Ant. Non est hic áliud, * nisi domus Dei, et porta cæli.

Ant. Vidit Jacob scalam, * súmmitas ejus cælos tangébat, et descendéntes Angelos, et dixit : Vere locus iste sanctus est.

Psalmus 86.

FUNDAMÉNTA ejus in mónitibus sanctis : * diligit Dóminus portas Sion super ómnia tabernacula Jacob.

Gloriósa dicta sunt de te, * civitas Dei.

Memor ero Rahab, et Babilónis * sciéntium me.

Ecce alienígenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scri-

ptúris populórum, et princípum : * horum, qui fuérunt in ea.

Sicut lætántium ómnium * habitátio est in te.

Ant. Vidit Jacob scalam, súmmitas ejus cælos tangébat, et descendéntes Angelos, et dixit : Vere locus iste sanctus est.

Ant. Eréxit Jacob * lápidem in titulum, fundens óleum désuper.

Psalmus 87.

DÓMINE Deus salútis meæ : * in die clamávi, et nocte coram te.

Intret in conspéctu tuo orátio mea : * inclína áurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mórtis.

Super me confirmátus est furor tuus : * et omnes fluctus tuos induxísti super me.

Longe fecisti notos meos a me : * posuérunt me abominatióne sibi.

Tráditus sum, et non egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia? * aut médici suscítábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónem?

Numquid cognoscéntur in ténebris mirabilia tua : * et justitia tua in terra obliuónis?

Et ego ad te Dómine clamávi : * et mane orátio mea præveniet te.

Ut quid Dómine repéllis oratióne meam : * avértis faciém tuam a me?

Páuper sum ego, et in labóribus a juventúte mea : * exaltátus áutem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicúm, et próximum : * et notos meos a miséria.

Ant. Eréxit Jacob lápidem in titulum, fundens óleum désuper.

V. Domus mea. *R.* Domus oratiónis vocábitur.

Pater noster.

Absolutio. Ipsíus píetas.

V. Jube domne.

Bened. Deus Pater omnipotens.

Sermo sancti Augustini
Episcopi.

Serm. 252. de Tempore.

Lectio iv.

QUOTIESCÚMQUE, fratres caríssimi, altáris vel templi festivitátem cólimus, si fidéliter ac diligénter atténdimus, et sancte ac juste vívimus, quidquid in templis manufactis ágitur, totum in nobis spiritali ædificatióne complétur. Non enim mentitus est ille, qui dixit : Templum enim Dei sanctum est, quod estis vos; et iterum : Nescitis, quia córpora vestra templum sunt Spiritus sancti, qui in vobis est? Et ideo, fratres caríssimi, quia nullis præcedéntibus méritis per grátiam Dei merúimus fieri templum Dei, quantum póssumus cum ipsius adjutório laborémus, ne Dóminus noster in templo suo, hoc est, in nobis ipsis invéniat quod óculos suæ majestátis offéndat.

R. Orántibus in loco isto, * Dimitte peccáta pópuli tui Deus, et osténde eis viam bonam, per quam ámbulent, et da glóriam in loco isto. **V.** Qui regis Israël inténde, qui dedúcis velut ovem Joseph, qui sedes super Chérubim. Dimitte.

Bened. Christus perpétuæ.

Lectio v.

SED habitáculum cordis nostri evacuétur vitiis, et virtútibus repleátur : claudátur diabolo, et aperiátur

Christo : et ita laborémus, ut nobis bonórum óperum clávibus jánuam regni cælestis aperire possimus. Sicut enim malis opéribus, quasi quibúsdam seris ac vétibus, vitæ nobis jánuá cláuditur : ita absque dúbio bonis opéribus aperitur. Et ideo, fratres caríssimi, unusquisque consideret consciéntiam suam, et quando se áliquo crimine vulnerátum esse cognóverit, prius oratióibus, jejúniis, vel eleemósynis stúdeat mundáre consciéntiam suam; et sic Eucharístiam præsumat accipere.

R. O quam metuéndus est locus iste : * Vere non est hic áliud, nisi domus Dei et porta cæli. **V.** Hæc est domus Dómini firmiter ædificáta, bene fundáta est supra firmam petram. Vere.

Bened. Ignem sui amóris.

Lectio vj.

SI enim agnóscens reátum suum, ipse se a divíno altári subtráxerit, cito ad indulgéntiam divínæ misericórdiæ pervéniet. Quia sicut, qui se exáltat, humiliábitur; ita e contrário, qui se humiliat, exaltábitur. Qui enim, sicut dixi, agnóscens reátum suum, ipse se humiliter ab altári Ecclesiæ pro emendatióne vitæ removére volúerit, ab ætérno illo et cælesti convívio excommunicári pénitus non timébit.

R. Mane surgens Jacob erigebat lápidem in titulum,

fundens óleum désuper, votum vovit Dómino : * Vere locus iste sanctus est, et ego nesciébam. *Y.* Cumque evigilasset Jacob de somno, ait. Vere. Glória Patri. Vere.

IN III. NOCTURNO

Ant. Qui hábitat * in adjutório Altissimi, in protectione Dei cæli commorábitur.

Quando hæc *Ant.* dicitur integra, et illi non additur in fine Allelúia, tunc incipitur Psalmus idem a secundo Versu : Dicit Dómino.

Psalmus 90.

QUI hábitat in adjutório Altissimi, * in protectione Dei cæli commorábitur.

DICET Dómino : Suscéptor meus es tu, et refúgium meum : * Deus meus sperábo in eum.

Quóniam ipse liberávit me de láqueo venántium, * et a verbo áspéro.

Scápulis suis obumbrábit tibi : * et sub pennis ejus sperábis.

Scuto circúmdabit te véritas ejus : * non timébis a timóre noctúrno,

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille, et decem millia a dextris tuis : * ad te áutem non appropinquábit.

Verúmtamen óculis tuis

considerábis : * et retributionem peccatórum vidébis.

Quóniam tu es Dómine spes mea : * Altissimum posuisti refúgium tuum.

Non accédet ad te malum : * et flagéllum non appropinquábit tabernáculo tuo :

Quóniam Angelis suis mandávit de te : * ut custódiant te in ómnibus viis tuis.

In mánibus portábunt te : * ne forte offéndas ad lápidem pedem tuum.

Super áspidem, et basiliscum ambulábis : * et conculcábis leónem et dracónem.

Quóniam in me sperávit, liberábo eum : * prótegam eum, quóniam cognóvit nomen meum.

Clamábit ad me, et ego exáudiam eum : * cum ipso sum in tribulatione : eripiam eum et glorificábo eum.

Longitúdine diérum replébo eum : * et ostendam illi salutáre meum.

Ant. Qui hábitat in adjutório Altissimi, in protectione Dei cæli commorábitur.

Ant. Templum Dómini * sanctum est, Dei structúra est, Dei ædificatio est.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii gén-tium dæmónia : * Dóminus áutem cælos fecit.

Conféssio, et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ gén-tium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dó-minum in átrio sancto ejus.

Commovéatur a fácie ejus univérsa terra : * dicite in gén-tibus quia Dóminus regnávít.

Etenim corréxit orbem terræ qui non commovébatur : * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritate sua.

Ant. Templum Dómini sanctum est, Dei structúra est, Dei ædificatio est.

Ant. Benedicta * glória

Dómini de loco sancto suo, allelúia.

Psalmus 98.

DÓMINUS regnávít, irascántur pópuli : * qui sedet super Chérubim, moveátur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terribile, et sanctum est : * et honor regis judicium diligit.

Tu parásti directiões : * judicium et justitiam in Jacob tu fecisti.

Exaltáte Dóminum Deum nostrum, et adoráte scabélum pedum ejus : * quóniam sanctum est.

Móyses et Aaron in sacerdotibus ejus : * et Sámuel inter eos, qui invocant nomen ejus :

Invocábant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine Deus noster tu exaudiébas eos : * Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Benedicta glória Dómini de loco sancto suo, allelúia.

V. Hæc est domus Dómini firmiter ædificáta. *R.* Bene fundáta est supra firmam petram.

Pater noster.

Absolutio. A vinculis.

V. Jube domne.

Bened. Evangélica lécio. Lécio sancti Evangélii secúndum Lucam.

Lectio vij. Cap. 19.

IN illo témpore : Ingréssus Iesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

Homília sancti Ambrósii
Episcopi.

Lib. 8. in Luc. prope finem.

ZACHÆUS statúra pusillus, hoc est, nulla nobilitátis ingénitæ dignitáte sublimis, exiguus méritis sicut pópulus natiónum, audito Dómini Salvatóris advéntu, quem sui non recéperant, vidére cupiébat. Sed nemo fácte Jesum videt : nemo potest Jesum vidére constitútus in terra. Et quia non prophétas, non legem habébat, tamquam formæ grátiam naturális, ascéndit in sycómorum, vanitátem scilicet Judæórum vestigio suo próterens, erráta quoque córrigens superiórís ætátis : et ideo Jesum in interiórís domus recépít hospítio.

R. Domus mea, domus oratiónis vocábitur, dicit Dóminus : in ea omnis qui petit, áccipit; et qui quærit,

invenit : * Et pulsánti aperiétur. *V.* Pétite, et accipiétis : quærite, et inveniétis. Et.

Bened. Divinum auxilium.

Lectio viij.

ET bene ascéndit in árbo-rem, ut arbor bona bonos fructus fáceret : ac naturáli excisus oleástro, et contra natúram insértus in bonam olívam, fructum posset legis afférre. Radix enim sancta, etsi rami inútiles : quorum infructuósam glóriam plebs géntium fide resurrectionis, quasi quadam córporis elevatióne transcéndit. Zachæus ergo in sycómoro, cæcus in via : quorum álterum Dóminus miseratúrus expéctat, álterum mansiónis suæ claritáte nobilitat : álterum sanatúrus interrógat, apud álterum se non invitátus invitát. Sciébat enim úberem hospitii sui esse mercédem. Sed tamen, etsi nondum vocem invitántis audierat, jam viderat afféctum.

R. Lápides pretiósí omnes muri tui : * Et turres Jerúsalem gemmis ædificabúntur. *V.* Portæ Jerúsalem ex sapphiro et smarágdo ædificabúntur, et ex lápide pretiósó omnis circúitus muri ejus. Et. Glória Patri. Et.

Bened. Ad societátem.

Lectio ix.

VERUM ne cæcum illum tamquam fastidiósí páuperum cito reliquisse videámur, et transisse ad divi-

tem, exspectemus eum, quia exspectavit et Dóminus : interrogemus eum, quia interrogavit et Christus. Nos interrogemus, quia nescimus : ille quia nóverat. Nos interrogemus, ut sciámus unde iste curátus sit : ille interrogavit, ut in uno plures disceremus, unde Dóminum vidére mereámur. Interrogavit enim, ut crederemus néminem nisi confitentem posse salvári.

Te Deum laudámus. 17.

AD LAUDES

ET PER HORAS

Ant. 1. Domum tuam Dómine * decet sanctitúdo in longitudínem diérum.

Ps. Dóminus regnávít. *cum reliq.* 18.

2. Domus mea * domus oratiónis vocábitur.

3. Hæc est domus Dómini * firmiter ædificáta, bene fundáta est supra firmam petram.

4. Bene fundáta est * domus Dómini supra firmam petram.

5. Lápides pretiósí * omnes muri tui, et turres Jerúsalem gemmis ædificabúntur.

Capitulum. Apoc. 21.

VIDI civitátem sanctam Jerúsalem novam descendéntem de cælo a Deo ; parátam sicut sponsam ornátam viro suo.

Hymnus.

ALTO ex Ólýmpi vértice
Summi Paréntis Filius,
Ceumonte deséctus lapis

Terras in imas decídens,
Domus supérnæ, et ínfimæ,
Utrúmque junxit ángulum.

Sed illa sedes cælitum
Semper resúltat láudibus,
Deúmque Trinum et Unicum
Jugi canóre prædicat :
Illi canéntes júngimur
Almæ Siónis æmuli.

Hæc templa, Rex cæléstium,

Imple benigno lúmine :
Huc o rogátus ádveni,
Plebisque vota súscipe,
Et nostra corda júgiter
Perfúnde cæli grátia.

Hic impetrent fidélium
Voces precésque súpplicum
Domus beátæ múnera,
Partisque donis gáudeant :
Donec solúti corpore
Sedes beátas impleant.

Decus Parénti débitum
Sit usquequáque Altíssimo,
Natóque Patris único,
Et ínclyto Paráclito,
Cui laus, potéstas, glória
Ætérna sit per sácula. Amen.

V. Hæc est domus Dómini
firmiter ædificáta. **R.** Bene
fundáta est supra firmam pe-
tram.

Ad Bened. Ant. Zachæe *
festinans descénde, quia hó-
die in domo tua opórtet me
manére : at ille festinans
descéndit, et suscepit illum
gáudens in domum suam.
Hódie huic dómui salus a
Deo facta est, allelúia.

In ipso die Dedíc. Eccl. et
per Oct., et quando varianda
est Orat. ob concursum De-
dicat. alterius Ecclesiæ.

Oratio.

DEUS, qui invisibiliter ómnia cónlines, et tamen pro salute géneris húmáni signa tuæ poténtiæ visibiliter osténdis : templum hoc poténtia tuæ inhabitatiónis illústra, et concede; ut omnes, qui huc deprecáturi convéniunt, ex quacúmque tribulatióne ad te clamáverint, consolatiónis tuæ beneficia consequántur. Per Dóminum nostrum.

In Anniversario Dedicationis Ecclesiæ, et per Octavam.

Oratio.

DEUS, qui nobis per singulos annos hujus sancti templi tui consecratiónis réparas diem, et sacris semper mystériis repræséntas incólumes : exáudi preces pópuli tui, et præsta; ut quisquis hoc templum beneficia petíturus ingréditur, cuncta se impetrásse lætétur. Per.

AD TERTIAM

Ant. Domus mea.

Capit. Vidi civitátem. 131*.

R. br. Domum tuam Dómine * Decet sanctitúdo. Domum. **V.** In longitudinem diérum. Decet. Glória. Domum.

V. Locus iste sanctus est, in quo orat sacérdos. **R.** Pro delictis et peccátis pópuli.

AD SEXTAM

Ant. Hæc est domus Dómini.

Capitulum. Apoc. 21.

ET audiui vocem magnam de throno dicéntem :

Ecce tabernáculum Dei cum homínibus, et habitábit cum eis. Et ipsi pópulus ejus erunt, et ipse Deus cum eis erit eórum Deus.

R. br. Locus iste sanctus est, * In quo orat sacérdos. Locus. **V.** Pro delictis et peccátis pópuli. In. Glória Patri. Locus.

V. Hæc est domus Dómini firmiter ædificáta. **R.** Bene fundáta est supra firmam petram.

AD NONAM

Ant. Lápidés pretiósí.

Capitulum. Apoc. 21. b

ET abstérget Deus omnem lácrymam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

R. br. Hæc est domus Dómini * Firmiter ædificáta. Hæc. **V.** Bene fundáta est supra firmam petram. Firmiter. Glória Patri. Hæc.

V. Bene fundáta est domus Dómini. **R.** Supra firmam petram.

IN II. VESPERIS

Ant., Psalmi, Capitulum et Hymnus ut in I. Vespers. 120*.

V. Domum tuam Dómine decet sanctitúdo. **R.** In longitudinem diérum.

Ad Magnif. Ant. O quam metuéndus est * locus iste : vere non est hic áliud, nisi domus Dei, et porta cæli.

SECUNDA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Ex Tractátu sancti Augustíni
Epíscopi super Psalmos.

In Ps. 121., paulo post init.

Lectio iv.

JERÚSALEM, quæ ædificátur
ut civitas. Fratres, quando
dicebat ista David, perfécta
erat illa civitas, non ædifi-
cabátur. Nescio quam ergo
civitátem dicit, quæ modo
ædificátur, ad quam currunt
in fide lápides vivi; de qui-
bus dicit Petrus: Et vos
tamquam lápides vivi co-
ædificámini in domum spi-
ritálem, id est, templum Dei
sanctum. Quid est, Lápides
vivi coædificámini? Vivis,
si credis: si áutem credis,
efficiéris templum Dei; quia
dicit Apóstolus Páulus: Tem-
plum enim Dei sanctum est,
quod estis vos.

R. Orántibus in loco. 127.**Lectio v.*

IPSA ergo modo civitas ædi-
ficátur. Præcidúntur de
móntibus lápides per ma-
nus prædicántium veritátem,
conquadrántur, ut intrent
in structúram sempitérnam.
Adhuc multi lápides in má-
nibus artificis sunt: non ca-
dant de mánibus artificis, ut
possint perfécti coædificári
in structúram templi. Est
ergo ista Jerúsalem, quæ
ædificátur ut civitas: funda-
méntum ipsíus Christus est.

Dicit Apóstolus Páulus: Fun-
daméntum áliud nemo po-
test pónere præter id, quod
pósitum est, quod est Chri-
stus Jesus.

R. O quam. 127.**Lectio vj.*

FUNDAMÉNTUM quando pó-
nitur in terra, désuper
ædificántur parietes, et pon-
dus parietum ad ima tendit,
quia in imo pósitum est fun-
daméntum. Si áutem fun-
daméntum nostrum in cælo
est, ad cælum ædificémur.
Córpora ædificavérunt istam
structúram, quam vidétis
amplam surrexisse hujus ba-
silicæ: et quia córpora ædi-
ficavérunt, fundaméntum in
imo posuérunt. Quia vero spi-
ritáliter ædificámur, funda-
méntum nostrum in summo
pósitum est. Illuc ergo currá-
mus, ibi ædificémur, quia de
ipsa Jerúsalem dictum est:
Stantes erant pedes nostri in
átriis tuis Jerúsalem.

R. Mane surgens. 127.*

IN III. NOCTURNO

Léctio sancti Evangélii se-
cúndum Lucam.*Lectio vij. Cap. 19.*

IN illo témpore: Ingréssus
Jesus perambulábat Jéri-
cho. Et ecce vir nómine Za-
cháus: et hic princeps erat
publicanórum, et ipse dives.
Et réliqua.

De Homilia sancti Ambrósii
Epíscopi.*Ex lib. 8. in Luc., in fine.*

ET conféstim, inquit, vidit,
et sequebátur illum, ma-

gnificans Dóminum. Aliter enim non vidéret, nisi sequerétur Christum, nisi Dóminum prædicáret, nisi sæculum præteríret. Cum divítibus quoque in grátiam revertámur. Nólumus enim offéndere divites, qui vólumus, si fieri potest, sanáre omnes : ne in caméli comparatióne præstrícti, et in Zachæo citius quam opórtuit, derelicti, justæ hábeant commotiónis offénsam.

℞. Domus mea. 130*.

Lectio viij.

DISCANT divites non in facultátibus crimen hærére, sed in iis, qui uti nesciant facultátibus. Nam divítiæ ut impediménta improbis, ita bonis sunt adjuménta virtútis. Dives certe Zachæus, et eléctus a Christo : sed dimídium bonórum suórum paupéribus largiéndò, reddéndò étiam in quádruplum, quæ fraude sustúlerat, (álterum enim non sat est, nec habet grátiam liberálitas, si injúria perseverat, quia non spólia, sed dona quærúntur) uberiórem mercédem quam conferebat, accépit.

℞. Lápides pretiósí. 130*.

Lectio ix.

ET bene princeps indúcitur publicanórum. Quis jam de se despéret, quando et iste, cui census ex fraude, ad salútem pervénit? Et ipse, inquit, dives. Ut scias non omnes divites, aváros. Quia statúra pusillus erat. Quid

sibi vult, quod nullius altérius statúram Scriptúra, nisi hujus expréssit? Vide ne forte malitia pusillus, aut adhuc pusillus fide. Nondum enim réddere promiserat : nondum viderat Christum : mérito adhuc pusillus. Joánnes áutem magnus, quia et Christum vidit, et Spíritum sicut colúmbam super Christum manéntem, sicut ipse ait : Vidi Spíritum descendéntem sicut colúmbam, et manéntem super eum.

Te Deum laudámus. 17.

TERTIA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Sermo sancti Augustini Episcopi.

Serm. 256. de Tempore.

Lectio iv.

CELÉBRITAS hujus congregatiónis, dedicatio est domus oratiónis. Domus ergo nostrárum oratiónum ista, domus áutem Dei nos ipsi. Si domus Dei nos ipsi, nos in hoc sæculo ædificámur, ut in fine sæculi dedicémur. Ædificium, imo ædificatio habet labórem; dedicatio exsultatiónem. Quod hic fiebat, quando ista surgébant, hoc fit modo, cum congregántur credéntes in Christum. Credéndò enim, quasi de silvis et móntibus ligna et lápidés præcidúntur : cum

vero catechizántur, baptizántur, formántur, tamquam inter manus fabrórur et opíficum dolántur, collineántur, complanántur. Verúm tamen domum Dómini non faciunt, nisi quando caritáte compaginántur.

℞. Orántibus. 127*.

Lectio v.

LIGNA ista et lápides si non sibi certo órđine cohærérent, si non se pacífice innécterent, si non se invicem, cohæréndo sibi, quodámmodo amárent, nemo huc intráret. Dénique quando vides in áliqua fábrica lápides et ligna bene sibi cohærére, secúrus intras, ruínam non times. Volens ergo Dóminus Christus intráre, et in nobis habitáre, tamquam ædificándo dicebat : Mandátum novum do vobis : Ut vos invicem diligátis. Mandátum, inquit, novum do vobis. Véteres enim erátis, domum mihi nondum faciebátis, in vestra ruína jacebátis. Ergo ut eruámini a vestræ ruínæ vetustáte, vos invicem amáte.

℞. O quam. 127*.

Lectio vj.

CONSÍDERET ergo caritas vestra, ædificári adhuc istam domum toto, sicut prædictum est et promissum, orbe terrárum. Cum enim ædificátur domus post captivitátem, sicut habet álius Psalmus, dicitur : Cantáte Dómino cánticum novum :

cantáte Dómino omnis terra. Quod ibi dixit, Cánticum novum; hoc Dóminus dixit, Mandátum novum. Quid enim habet cánticum novum, nisi amórem novum? Cantáre amántis est. Vox hujus cantóris, fervor est sancti amóris. Amémus, gratis amémus : Dóminum enim amámus, quo nihil mélius invenimus : ipsum amémus propter ipsum, et nos in ipso, tamen propter ipsum.

℞. Mane surgens. 127*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 19.

IN illo témpore : Ingréssus Iesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

De Homilia sancti Ambrósii Episcopi.

Ex lib. 8. in Luc., prope finem.

QUÆ áutem turba, nisi imperitæ confúsió multitudinis, quæ vérticem nequit vidére sapiéntiæ? Ergo Zachæus quámdiu in turba est, non videt Christum : supra turbam ascéndit, et vidit: hoc est, plebis jam transgréssus inscitiam, méruit quem desiderábat, adspícere. Pulchre áutem áddidit : Quia illa parte erat transitúrus Dóminus : vel ubi sycómorus, vel ubi creditúrus : ut te

mysterium servaret, et gratiam seminaret. Sic enim venerat, ut per Judæos transiret ad Gentes.

R. Domus mea domus orationis. 130*.

Lectio viij.

VIDIT itaque Zachæum sursum. Jam enim sublimitate fidei inter fructus novorum operum, velut fecundæ altitudine arboris eminēbat. Et quoniam de typo ad moralia defleximus, inter tot credentium voluptates Dominica die relaxare animum, festivitatem admiscere delectat. Zachæus in sycómoro, novum videlicet novi temporis pomum, ut in hoc quoque compleretur illud : Arbor fici produxit grossos suos.

R. Lápides pretiosi. 130*.

Lectio ix.

AD hoc enim Christus advenit, ut ex lignis non poma, sed homines nascerentur. Legimus alibi : Cum esses sub arbore fici, vidi te. Ergo Nathánaël sub arbore, hoc est, supradicem, quia justus. Radix enim sancta. Sub arbore tamen Nathánaël, quia sub lege : Zachæus supra arborem, quia supra legem. Ille Domini occultus defensor, hic publicus prædicator. Ille adhuc Christum ex lege quærebat : iste jam supra legem relinquebat sua, et Dominum sequebatur.

Te Deum laudamus. 17.

QUARTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermone sancti Augustini
Episcopi.

**Ex Serm. 256. de Tempore,
paulo post supra.**

Lectio iv.

ATTENDITE in psalmo dedicationis, quem modo cantavimus, ex ruina ædificiorum. Conscidisti saccum meum : hoc pertinet ad ruinam. Quid ergo ad ædificium? Et accinxisti me lætitia. Vox dedicationis : Ut cantet tibi glória mea, et non compungar. Quis est, qui loquitur? In verbis ejus agnoscite. Si expóno, obscurum est. Ergo verba ejus dicam, continuo agnoscetis loquentem, ut amētis alloquentem. Quis est, qui dicere pótuit : Eruisti Dómine ab inferis animam meam?

R. Orántibus. 127*.

Lectio v.

CUJUS anima jam ab inferis eruta est, nisi de qua dictum est alio loco : Non derelinques animam meam in inférno? Propónitur dedicatio, et cantatur liberatio, canticum dedicationis domus, et dicitur : Exaltábo te Dómine, quoniam suscepisti me : et non jucundasti inimicos meos super me. Atténdite Judæos inimicos, qui se putabant occidisse Christum, vicisse tamquam ini-

micum, perdidisse quasi hominem cæteris similem atque mortalem. *R.* O quam. 127*.

Lectio vj.

RESURREXIT tertia die, et ejus vox est: Exaltabo te Domine, quoniam suscepisti me. Attendite Apostolum dicentem: Propter quod eum exaltavit. Et non jucundasti inimicos meos super me. Ipsi quidem in Christi morte jucundabantur, sed in ejus resurrectione, ascensione, predicatione aliqui compungebantur. In ejus ergo predicatione, et per Apostolorum constantie diffamationem aliqui compungebantur, et convertebantur: aliqui obdurabantur, et confundebantur, nulli tamen jucundabantur.

R. Mane surgens. 127*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

IN illo tempore: Ingressus Jesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

Homilia sancti Gregorii

Papæ.

Lib. 27. Moralium, cap. 27.,
post medium.

SI veraciter sapientes esse, atque ipsam sapientiam contemplari appetimus, stultos nos humiliter cognoscamus. Relinquamus noxiam sapientiam, discamus lau-

dabilem fatuitatem. Hinc quippe scriptum est: Stulta mundi elegit Deus, ut confundat sapientes. Hinc rursum dicitur: Si quis videtur inter vos sapiens esse in hoc sæculo, stultus fiat, ut sit sapiens. Hinc evangelicæ historiæ verba testantur: quia Zachæus cum videre præ turba nihil posset, sycomoriarborem ascendit, ut transcurrentem Dominum cerneret. Sycomorus quippe ficus fatua dicitur.

R. Domus mea. 130*.

Lectio viij.

PUSILLUS itaque Zachæus sycomorum subiit, et Dominum vidit: quia qui mundi stultitiam humiliter eligunt, ipsi Dei sapientiam subtiliter contemplantur. Pusillitatem namque nostram ad videndum Dominum turba præpedit: quia infirmitatem humanæ mentis, ne lucem veritatis intendat, curarum sæcularium tumultus premit. Sed prudenter sycomorum ascendimus, si provide eam, quæ divinitus præcipitur, stultitiam mente tenemus. Quid enim in hoc mundo stultius quam amissa non quærere, possessa rapientibus relaxare, nullam pro acceptis injuriis injuriam reddere, imo adjunctis aliis patientiam præbere?

R. Lápides pretiosi. 130*.

Lectio ix.

QUASI enim sycomorum nos ascendere Dominus

præcipit, cum dicit : Qui aufert quæ tua sunt, ne repetas. Et rursum : Si quis te percusserit in dexteram maxillam, præbe illi et alteram. Per sycómorum Dóminus tránsiens cérnitur : quia per hanc sapiéntem stultitiam, etsi necdum, ut est, sólide, jam tamen per contemplatiónis lumen Dei sapiéntia quasi in tránsitu vidétur, quam vidére néqueunt qui sibi sapiéntes esse vidéntur : quia ad conspiciéndum Dóminum, in eláta cogitatiónum suárum turba deprehénsi, adhuc sycómori árborem non invenérunt.

Te Deum laudámus. 17.

QUINTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustini
Episcopi.

Ex Serm. 256. de Tempore.

Lectio iv.

MODO, quando impléntur Ecclesiæ, putámus jucundári Judæos? Ecclesiæ ædificántur, dedicántur, impléntur : quómodo illi jucundántur? Non solum non jucundántur, sed étiam confundúntur, et implétur vox exsultántis : Exaltábo te Dómine, quóniam suscepisti me, et non jucundásti inimicos meos super me. Non jucundásti super me : si mihi credant, jucundábis in me. Ne multa dicámus, ad illa,

quæ cantávimus, aliquándo veniámus. Quómodo dicit Christus : Conscidisti saccum meum, et accinxisti me lætitia? Saccus ejus erat similitúdo carnis peccáti.

R. Orántibus. 127.*

Lectio v.

NON tibi viléscat, quod ait, Saccum meum : ibi erat inclúsum prétium tuum. Conscidisti saccum meum. Evásimus ad saccum istum. Conscidisti saccum meum. In passióne conscissus est. Quómodo ergo Deo Patri dicitur : Conscidisti saccum meum? Quómodo Patri dicátur, vis audire : Conscidisti saccum meum? Quia próprio Filio non pepércit, sed pro nobis ómnibus trádidit illum. Fecit enim per Judæos nesciéntes, unde redimeréntur sciéntes, et confunderéntur negántes. Nesciunt enim quid boni nobis operáti sunt malo suo. Suspénsus est saccus, et quasi lætátus est impius. Conscidit saccum láncea persecútor, et fudit prétium nostrum Redémptor.

R. O quam. 127.*

Lectio vj.

CANTET Christus Redémptor, gemat Judas vénditor, erubéscat Judæus emptor. Ecce Judas véndidit, Judæus emit, malum négotium egérunt, ambo damnáti sunt, seipsos perdidérunt vénditor et emptor. Dicat ergo caput nostrum, dicat

pro corpore occiso, pro corpore dedicato. Dicat, audiamus : Conscidisti saccum meum, et accinxisti me lætitia : id est, conscidisti mortalitatem meam, et accinxisti me immortalitate et incorruptione. Ut cantet tibi gloria mea, et non compungar. Quid est, Non compungar? Jam contra me non ferat lanceam persecutor, Ut non compungar. Christus enim surgens a mortuis, jam non moritur, et mors illi ultra non dominabitur.

ñ. Mane surgens. 127*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

In illo tempore : Ingressus Jesus perambulabat Jérico. Et ecce vir nomine Zachæus : et hic princeps erat publicanorum, et ipse dives. Et reliqua.

Homilia venerabilis Bedæ Presbyteri.

Lib. 5. Cap. 77. in Luc. 19.

Quæ impossibilia sunt apud homines, possibilia sunt apud Deum. Ecce enim camelus, depósita gibbi sarcina, per foramen acus transit, hoc est, dives et publicanus, relicto onere divitiarum, contempto censu fraudum, angustam portam, arctamque viam, quæ ad vitam ducit, ascendit. Qui mira devotione fidei ad videndum Salvatorem, quod natura minus habuerat, ascensu sup-

plet arboris : atque ideo juste, quamvis ipse rogare non audeat, benedictionem Dominicæ susceptionis, quam desiderabat, accepit.

ñ. Domus mea. 130*.

Lectio viij.

MYSTICE autem Zachæus, qui interpretatur justificatus, credentem ex gentibus populum significat. Qui quanto curis sæcularibus occupatior, tanto flagitiis deprimentibus erat factus humilior. Sed ablutus est, sed sanctificatus, sed justificatus in nomine Domini nostri Jesu Christi, et in spiritu Dei nostri. Qui intrantem Jérico Salvatorem videre quærebat, sed præ turba non poterat : quia gratiæ fidei, quam mundo Salvator attulit, participare cupiebat : sed inolita vitiarum consuetudo, ne ad votum perveniret, obstiterat.

ñ. Lápides pretiosi. 130*.

Lectio ix.

EADEM namque turba noxiæ consuetudinis, quæ supra cæcum clamantem, ne lumen peteret, increpabat etiam ; suspicientem publicanum, ne Jesum videat, tardat. Sed sicut cæcus turbarum voces magis ac magis clamando devicit : ita pusillus necesse est turbæ nocentis obstaculum altiora petendo transcendat, terræna relinquat, arborem crucis ascendat. Sycómorus namque (quæ est arbor foliis moro similis,

sed altitúdine præstans, unde et a Latinis celsa nuncupátur) ficus fátua dicitur. Et eádem Dominica crux, quæ credéntes alit ut ficus, ab incredúlis irridétur ut fátua.

Te Deum laudámus. 17.

SEXTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustini
Episcopi.

*Ex Serm. 256. de Tempore,
paulo post supra.*

Lectio iv.

ERGO, dum novam constructionem sanctæ hujus ecclésiæ libénter atténdimus, quam divíno nómini hódie dedicámus, invenimus a nobis debéri et Deo nostro máximam láudem, et sanctitáti vestræ cóngruum de divínæ domus ædificatióne sermónem. Tunc áutem sermo noster cóngruus erit, si in se áliquid ædificatiónis hábeat, quod utilitáti animárum vestrarum, Deo vos intérius ædificánte, proficiat. Quod hic factum corporáliter vidémus in parietibus, spiritaliter fiat in méntibus : et quod hic perfectum cérnimus in lapidibus et lignis, hoc ædificánte grátia Dei, perficiátur in corpóribus vestris.

R. Orántibus. 127.*

Lectio v.

PRINCIPÁLITER ergo grátias agámus Dómino Deo no-

stro, a quo est omne datum óptimum, et omne donum perfectum; et ejus bonitatem tota cordis alacritáte laudémus, quóniam ad construéndam istam domum oratiónis, fidélium suórum visitávit ánimus, excitávit affectum, surrogávit auxili-
lium, inspirávit necdum voléntibus ut vellent, adjúvit bonæ voluntátis conátus ut fácerent : ac per hoc Deus, qui operátur in suis et velle et perficere pro bona voluntáte, hæc ómnia ipse cœpit, ipse perfecit.

R. O quam. 127.*

Lectio vj.

ET quia ópera bona in conspéctu suo numquam esse permittit inánia, fidélibus suis, quibus operántibus præbuit virtútis suæ favórem, tribuet condígnam pro tanta operatióne mercédem. Adhuc ámplius agéndæ sunt grátia Deo nostro. Hanc enim ecclésiám, quam fecit nómini suo cónstrui, fecit étiam sanctórum Mártyrum reliquiis ámplius honorári.

R. Mane surgens. 127.*

IN III. NOCTURNO

Léctio sancti Evangélii secúndum Lucam.

Lectio vij. Cap. 19.

IN illo témpore : Ingressus Iesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

De Homilia venerabilis Bedæ
Presbýteri.

Lib. 5. Cap. 77. in Luc. 19.

ET cum venisset ad locum, suspiciens Jesus vidit illum. Perambulans Jéricho Salvátor, venit ad locum, ubi præcurrens Zachæus sycómorum conscenderat : quia missis per mundum sui verbi præcónibus, in quibus ipse nimirum et loquebatur et ibat, venit ad pópulum nationum, qui passionis ejus fide jam sublimis existens, étiam divinitatis ejus ardébat ágnita fácie beári. Suspiciens vidit illum, quia per grátiam fidei a terrénis cupiditatibus elevátum, turbisque infidelibus præeminéntem elégit. Vidére enim Dei, eligere vel amáre est. Unde est illud : Oculi Dómini super justos. Nam et nos quæ amámus, vidére; ab his, quæ exsecrámur, intúitum festinámus avértere. **R.** Domus. 130*.

Lectio viij.

VIDIT ergo Jesus vidéntem se, quia elégit eligéntem se, et amávit amántem. Hunc sane órđinem proficiéndi, hoc est, per fidem Dominicæ Incarnatiónis ad cognitió- nem divinitatis perveniéndi, quasi per sycómorum Jesu fáciem speculándi Doctor egrégius osténdit, cum ait : Non enim judicávi scire me áliquid inter vos, nisi Christum Jesum, et hunc crucifixum. Itémque áliis exprobrans : Facti estis, in-

quit, quibus lacte opus sit, non sólido cibo. Lac infirma temporáriæ dispensatiónis, sólido cibum árdua perpétuæ majestátis appellans.

R. Lápides pretiósí. 130*.

Lectio ix.

ET dixit ad eum : Zachæe, festinans descénde, quia hódie in domo tua opórtet me manére. Et festinans descéndit, et excépit illum gáudens. Manébat aliquándo Dóminus in domo principis pharisæórum, hoc est, in Judæórum synagóga docébat : sed quia non baptizátum ante prándium, sábbato curántem, publicános et peccatóres recipiéntem, contra avaritiam disputántem, et cætera digna Deo geréntem, lingua venenáta carpébant : pertæsus eórum facinora, discéssit et aufúgit, dicens : Relinquétur vobis domus vestra desérta. Hódie áutem in domo pusilli Zachæi opórtet illum manére : hoc est, novæ lucis grátia coruscánte, in húmili credéntium natiónum corde quiéscere.

Te Deum laudámus. 17.

SEPTIMA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Sermo sancti Joánnis

Chrysóstomi.

Ex Hom. 33. in c. 9. Matth.

Lectio iv.

COMMÚNIS ómnium domus est Ecclesiá, in quam, vo-

bis prius ingressis, nos intramus, discipulorum formam retinentes : ideoque communiter omnibus statim atque ingressi fuérimus, ut illis datam legem sequamur, pacem offerimus. Nemo igitur socordia torpeat : nemo sæcularibus rebus suspensum animum habeat, cum jam ad prædicandum sacerdotes intraverint. Non enim parva huic rei imminet poena. Equidem millies potius malim in domum alicujus vestrum ingressus destitui, quam hic prædicans non audiri. Hoc mihi molestius esset, quam illud, quandoquidem magis propria hæc est, quam illa.

Ŕ. Orantibus. 127*.

Lectio v.

NAM hic magnæ illæ nostræ opes positæ sunt, hic spes nostra omnis. Quid enim hoc loco non magnum est et admirandum? Nam hæc mensa longe pretiosior est atque jucundior : et lucerna hæc, quam illa, ut norunt qui cum fide oleo peruncti, a morbis liberati sunt. Arca etiam hæc multo melior, magisque necessaria. Non enim vestes, sed misericordiam inclusam continet : quamvis pauci sint, qui eam possideant. Hic et lectulus est valde illo præstantior : divinarum enim Scripturarum requies quovis lecto suavior est.

Ŕ. O quam metuendus. 127*.

Lectio vj.

ET quidem si concordia perfecte servaretur a nobis, nullam aliam domum præter hanc haberemus. Hoc autem quod dixi, non esse durum, testantur illa tria millia, et quinque millia hominum, quibus et domus una, et mensa una, et anima una erat. Multitudinis enim credentium, inquit, unum erat cor, et anima una. Sed quia longe ab illorum virtute absumus, et per domos disjuncti sumus, saltem quando huc convenimus, id omni studio faciamus. Nam etsi in aliis rebus pauperes, et inopes sumus, hoc loco saltem, cum huc ad vos intramus, cum caritate nos suscipite : cumque, Pax vobis, dico : Et cum spiritu tuo, non voce solum, sed animo quoque respondete.

Ŕ. Mane surgens. 127*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

IN illo tempore : Ingressus Jesus perambulabat Jericho. Et ecce vir nomine Zachæus : et hic princeps erat publicanorum, et ipse dives. Et reliqua.

De Homilia venerabilis Bedæ Presbyteri.

Paulo post prædicta.

ET cum viderent omnes, murmurabant, dicentes, quod ad hominem peccatorem divertisset. Manifestum

est, Judæos semper gentium odisse salutem. Scriptum est enim : Sequenti vero sabbato pene universa civitas convenit audire verbum Dei. Videntes autem turbas Judæi, replenti sunt zelo, et contradicebant iis, quæ a Paulo dicebantur. Et alibi, fideles etiam fratres adversus Apostolorum principem disceptabant, dicentes: Quare introisti ad viros præputium habentes, et manducasti cum illis?

℞. Domus mea. 130*.

Lectio viij.

STANS autem Zachæus, dixit ad Dominum: Ecce dimidium bonorum meorum Domine do pauperibus: et si quid aliquem defraudavi, reddo quadruplum. Aliis calumniantibus hominem peccatorem, ipse Zachæus stans, id est, in ea quam cœperat fidei veritate persistens, non solum se ex peccatore conversum, sed etiam inter perfectos probat esse conversatum. Dicente enim Domino: Si vis perfectus esse, vade, vende omnia quæ habes, et da pauperibus: quisquis ante conversionem innocentem vixit, omnia conversus potest dare pauperibus.

℞. Lápides pretiosi. 130*.

Lectio ix.

AT qui aliqua fraude sustulit, primo hæc juxta legem reddere, deinde quod sibi remanserit, debet dare pauperibus. Ac sic et ipse,

quia sibi nil retinet, omnia sua dispertit, dat pauperibus, justitia ejus manet in sæculum sæculi. Et hæc est sapiens illa stultitia, quam desycomoropublicanus quasi fructum vitæ légerat: rapta videlicet reddere, propria relinquere, visibilia contemnere, pro invisibilibus etiam mori desiderare, se ipsum abnegare, et ejus, qui necdum videatur, Domini vestigia sequi concupiscere.

Te Deum laudamus. 17.

IN OCTAVA

DEDICATIONIS ECCLESIE

Duplex.

Omnia ut in die, præter Lect. II. Noct. quæ sequuntur.

Ex Epistola prima sancti Felicis Papæ quarti.

De Consecr. dist. 1. c. 2.

Lectio iv.

TABERNÁCULUM Móysen, Domino præcipiente, fecisse et sacrasse, cum mensa et altari ejus, et cæteris vasis et utensilibus ad divinum cultum explendum, legimus: et non solum divinis precibus ea sacrasse, sed etiam sancti olei unctione, Domino jubente, perlinisse novimus. Quáliter autem hæc facta sint, et quómodo ipsa sacra non alii, quam sacerdotes sacra unctione delibúti, Dominóque cum vestibus sanctis sacrati, et Levitæ tractabant, ferébant,

erigébant et deponébant : in ipsis institutióibus, quæ jubénte Dómino conscriptæ sunt per Móysen, in lege Dómini reperitur.

R. Orántibus in loco isto, * Dimitte peccáta pópuli tui Deus, et osténde eis viam bonam, per quam ámbulent, et da glóriam in loco isto. **V.** Qui regis Israël inténde, qui dedúcis velut ovem Joseph, qui sedes super Chérubim. Dimitte.

Lectio v.

QUÁLITER ergo David, regum piissimus, amplificáverit cultum Dei, et templum Dómino ædificáre volúerit, sed propter multum ságuinem quem effúderat, prohibitus est, et ipse colégerat expénsas : Sálomon quoque filius ejus, idípsum quod ipse fácere optáverat, jubénte et auxiliánte Deo, perfécit, et templum cum altári, et réliqua ad divinum cultum peragéndum consecrávit : in libro Regum légitur. Fecit ergo Sálomon in témpore illo festivitátem célebrem, et omnis Israël cum eo, multitúdo magna ab intróitu Emath usque ad rivum Ægýpti, coram Dómino Deo nostro septem diébus, et septem diébus, id est,

quatuórdecim diébus, et in die octáva dimisit pópulos.

R. O quam metuéndus est locus iste : * Vere non est hic áliud, nisi domus Dei, et porta cæli. **V.** Hæc est domus Dómini firmiter ædificáta, bene fundáta est supra firmam petram. Vere.

Lectio vj.

De Consec. dist. 1. c. 17.

SOLEMNITÁTES dedicatiónum ecclesiárum et sacerdotum, per singulos annos solémniter sunt celebrándæ, ipso Dómino exemplum dante, qui ad festum dedicatiónis templi, ómnibus id faciéndi dans formam, cum réliquis pópulis eámdem festivitátem celebráturus venit, sicut scriptum est : Facta sunt encænia in Jerosólymis, et hiems erat, et ambulábat Jesus in templo in pórticu Salomónis. Quod autem octo diébus encænia sint celebránda, in libro Regum, perácta dedicatióne templi, reperiétis.

R. Mane surgens Jacob erigébat lápidem in titulum, fundens óleum désuper, votum vovit Dómino : * Vere locus iste sanctus est, et ego nesciébam. **V.** Cumque evigiláset Jacob de somno, ait. Vere. Glória Patri. Vere.



IN FESTIS B. MARLE VIRGINIS

PER ANNUM

IN I. VESPERIS

Ant. Dum esset Rex * in accúbitu suo, nardus mea dedit odórem suavitátis.

Psalmus 109.

DIXIT Dóminus Dómino meo : * Sede a dextris meis :
Donec ponam inimicos tuos, * scabéllum pedum tuórum.

Virgam virtútis tuæ emittet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante lucíferum génui te.

Jurávit Dóminus, et non pœnitébit eum : * Tu es sacerdos in ætérnum secundum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas : * conquasábit cápita in terra multórum.

De torrén te in via bibet : * proptérea exaltábit caput.

Ant. Dum esset Rex in accúbitu suo, nardus mea dedit odórem suavitátis.

Ant. Læva ejus * sub cápite meo, et dextera illius amplexábitur me.

Psalmus 112.

LAUDÁTE púeri Dóminum : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad ocásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, * et humília respicit in cælo et in terra?

Súscitans a terra inopem, * et de stércore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Læva ejus sub cápite meo, et dextera illius amplexábitur me.

Ant. Nigra sum, * sed formósa, filia Jerúsalem : ideo diléxit me Rex, et introdúxit me in cubiculum suum.

Psalms 121.

LÆTATUS sum in his, quæ dicta sunt mihi : * In domum Dómini ibimus.

Stantes erant pedes nostri, * in átriis tuis Jerúsalem.

Jerúsalem, quæ ædificátur ut civitas : * cujus participatio ejus in idípsum.

Illuc enim ascenderunt tribus, tribus Dómini : * testimonium Israël ad confitendum nómini Dómini.

Quia illic sederunt sedes in iudicio, * sedes super domum David.

Rogáte quæ ad pacem sunt Jerúsalem : * et abundantia diligentibus te.

Fiat pax in virtute tua : * et abundantia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsi vi bona tibi.

Ant. Nigra sum, sed formosa, filiæ Jerúsalem : ideo diléxit me Rex, et introduxit me in cubiculum suum.

Ant. Jam hiems tránsiit, * imber ábiit, et recéssit : surge amica mea, et veni.

Psalms 126.

NISI Dóminus ædificáverit domum, * in vanum laboraverunt, qui ædificant eam.

Nisi Dóminus custodierit civitatem, * frustra vígilat qui custódit eam.

Vanum est vobis ante lucem súrgere : * súrgite post-

quam sedéritis, qui manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excussórum.

Beátus vir qui implévit desiderium suum ex ipsis : * non confundétur cum loquétur inimicis suis in porta.

Ant. Jam hiems tránsiit, imber ábiit, et recéssit : surge amica mea, et veni.

Ant. Speciosa * facta es et suavis in deliciis tuis, sancta Dei Génitrix.

Psalms 147.

LAUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velociter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frigoris ejus quis sustinébit?

Emíttet verbum suum, et liquefaciet ea : * flabit spiritus ejus, et fluent aquæ.

Qui annúntiat verbum suum Jacob : * justitias et iudícia sua Israël.

Non fecit táliter omni nationi : * et iudicia sua non manifestávit eis.

Ant. Speciósá facta es et suávis in deliciis tuis, sancta Dei Génitrix.

Capitulum. Eccli. 24. b

AB initio, et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

Hymnus.

AVE maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solútos,
Mites fac et castos.

Vitam præsta puram,
Iter para tutum,
Ut vidéntes Jesum,
Semper collætémur.

Sit laus Deo Patri,
Summo Christo decus,
Spirítui sancto,
Tribus honor unus. Amen.

Ÿ. Dignáre me laudáre te,
Virgo sacráta. **H.** Da mihi
virtútem contra hostes tuos.

Ad Magnif. Ant. Sancta Maria * succúrre míseris, juva pusillánimes, réfove flébiles, ora pro pópulo, intèrveni pro clero, intercède pro devóto femíneo sexu : séntiant omnes tuum juvámén, quicúmque célebrant tuam sanctam festivitátem.

Oratio.

CONCÉDE NOS fámulos tuos, quæsumus Dómine Deus, perpétua mentis et corpóris sanitáte gaudére : et gloriósa beátæ Mariæ semper Virginis intercessióne, a præsénti liberári tristitia, et ætérna pérfrui lætitia. Per Dóminum.

Ad Completorium et Horas, in fine Hymnorum dicitur :

Jesu tibi sit glória,
Qui natus es de Virgine,
Cum Patre et almo Spíritu,
In sempitérna sácula. Amen.

AD MATUTINUM

Invit. Sancta María Dei Génitrix Virgo, * Intercède pro nobis.

Ps. Veníte, exsultémus. 2.

Hymnus.

QUEM terra, pontus, sídera Colunt, adórant, prædicant,
Trinam regéntem máchinam,
Cláustrum Mariæ bájulat.

Cui luna, sol, et ómnia Deserviunt per témpora,
Perfúsa cæli grátia,
Gestant puéllæ viscera.

Beáta Mater múnere,
Cujus supérnus Artifex

Mundum pugillo cōtinens,
Ventris sub arca clāusus est.

Beáta cæli nūntio,
Fecúnda sancto Spírítu,
Desiderátus géntibus,
Cujus per alvum fusus est.

Jesu tibi sit glória,
Qui natus es de Vírgine,
Cum Patre et almo Spírítu,
In sempitérna sǎcula.

Amen.

IN I. NOCTURNO

Ant. Benedicta tu * in muliéribus, et benedictus fructus ventris tui.

Psalmus 8.

DÓMINE Dóminus noster, *
quam admirábile est nomen tuum in univérſa terra!

Quóniam eleváta est magnificéntia tua, * super cælos.

Ex ore infántium et lacténtium perfecísti láudem propter inimícos tuos, * ut déstruas inimicum et ultórem.

Quóniam vidébo cælos tuos, ópera digitorum tuorum : * lunam et stellas, quæ tu fundásti.

Quid est homo, quod memores ejus? * aut filius hóminis, quóniam visitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas : insuper et pécora campi.

Vólucres cæli, et pisces

maris, * qui perámbulant sémitas maris.

Dómine Dóminus noster, *
quam admirábile est nomen tuum in univérſa terra!

Ant. Benedicta tu in muliéribus, et benedictus fructus ventris tui.

Ant. Sicut myrrha * elécta, odórem dedísti suavitátis sancta Dei Génitrix.

Psalmus 18.

CÆLI enarrant glóriam Dei, *
et ópera mánuum ejus annúntiat firmaméntum.

Dies diéi erúctat verbum, *
et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præcéptum Dómini lúcidum, illuminans óculos.

Timor Dómini sanctus, pérmanens in sǎculum sǎ-

culi : * iudicia Dómini vera, justificáta in semetipsa.

Desiderabilia super aurum et lápidem pretiósium multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditatio cordis mei in conspectu tuo semper.

Dómine adjútor meus, * et redémptor meus.

Ant. Sicut myrrha elécta, odórem dedisti suavitátis, sancta Dei Génitrix.

Ant. Ante torum * hujus Virginis frequentáte nobis dúlcia cántica drámatis.

Psalmus 23.

DÓMINI est terra, et plení-túdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictió-

nem a Dómino : * et misericórdiam a Deo salutári suo.

Hæc est generatio quæ-réntium eum, * quæ-réntium faciém Dei Jacob.

Attóllite portas principes vestras, et elevámini portæ æternáles : * et introibit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introibit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Ante torum hujus Virginis frequentáte nobis dúlcia cántica drámatis.

ŷ. Spécie tua et pulchritúdine tua. **Ŕ.** Inténde, prospere procéde, et regna.

Pater noster.

Absol. Exáudi Dómine.

ŷ. Jube domne benedícere.

Bened. Benedictióne.

De Parábolis Salomónis.

Lectio j. Cap. 8. b et 9.

EGO sapiéntia hábito in consílio, et eruditis intérsu cogitatiónibus. Timor Dómini odit malum : arrogántiam, et supérbiam, et viam pravam, et os bilingue detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérnunt : per me principes

imperant, et poténtes decérunt justítiam. Ego diligéntes me diligo : et qui mane vigilat ad me, invénient me.

R. Sancta et immaculáta virginitas, quibus te láudibus éfferam nésceo : * Quia quem cæli cápere non póterant, tuo grémio contulisti. **V.** Benedicta tu in muliéribus, et benedictus fructus ventris tui. Quia.

Bened. Unigénitus Dei.

Lectio ij.

MECUM sunt divítiae, et glória, opus supérbæ et justítia. Mélior est enim fructus meus áuro, et lápide pretióso, et genímima mea argénto elécto. In viis justítiae ámbulo, in médio semítarum judicií, ut ditem diligéntes me, et thesáuros eórum répleam. Dóminus possédit me in inítio viárum suárum, ántequam quidquam fáceret a princípio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram : necdum fontes aquárum erúperant : necdum montes gravi mole constiterant : ante colles ego parturiébar.

R. Congratulámini mihi omnes, qui diligitis Dóminum, quia cum essem párvula, plácuí Altíssimo : * Et de meis viscéribus genui Deum et hóminem. **V.** Beátam me dicent omnes generatiónes, quia ancillam húmitem respéxit Deus. Et.

Bened. Spiritus sancti grátia.

Lectio iij.

BEÁTUS homo qui áudit me, et qui vigilat ad fores meas quotidie, et obsérvat ad postes óstii mei. Qui me invénierit, invéniet vitam, et háuriet salútem a Dómino : qui áutem in me peccáverit, lædet ánimam suam. Omnes, qui me odérunt, diligunt mortem. Sapiéntia ædificávit sibi domum, excídit colúmnas septem. Immolávit víctimas suas, miscuit vinum, et propósuit mensam suam. Misit ancíllas suas ut vocárent ad arcem, et ad móenia civitátis : Si quis est párvulus, véniat ad me. Et insipiéntibus locúta est : Veníte, comédite panem meum, et bibite vinum quod miscui vobis.

R. Beáta es Virgo María, quæ Dóminum portásti Creatórem mundi : * Genuísti qui te fecit, et in ætérnum pérmanes Virgo. **V.** Ave María, grátia plena, Dóminus tecum. Genuísti. Glória Patri. Genuísti.

IN II. NOCTURNO

Ant. Spécie tua * et pulchritúdine tua inténde, próspere procéde, et regna.

Psalmus 44.

ERUCTÁVIT cor meum verbum bonum : * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis

hóminum, diffúsa est grátia in lábiis tuis : * proptérea benedixit te Deus in ætérnum.

Accingere gládio tuo super femur tuum, * potentissime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justitiam : * et dedúcet te mirabiliter dextera tua.

Sagittæ tuæ acútæ, pópuli sub te cadent, * in corda inimicórum regis.

Sedes tua Deus in sáeculum sáeculi : * virga directiónis virga regni tui.

Dilexisti justitiam, et odisti iniquitátem : * proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regína a dextris tuis in vestítu deauráto : * circúmdata varietáte.

Audi filia, et vide, et inclína áurem tuam : * et obliviscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes divites plebis.

Omnis glória ejus filiæ regis ab intus, * in fimbriis

áureis circumamícta varietátibus.

Adducéntur regi vírgines post eam : * próximæ ejus afferéntur tibi.

Afferéntur in lætítia et exsultatíone : * adducéntur in templum regis.

Pro pátribus tuis nati sunt tibi filii : * constitues eos principes super omnem terram.

Mémores erunt nóminis tui * in omni generatíone et generatíonem.

Proptérea pópuli confitebúntur tibi in ætérnum : * et in sáeculum sáeculi.

Ant. Spécie tua et pulchritúdine tua inténde, prospere procéde, et regna.

Ant. Adjuvábít eam * Deus vultu suo : Deus in médio ejus, non commovébitur.

Psalmus 45.

DEUS noster refúgium, et virtus : * adjútor in tribulatiónibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis impetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbatæ sunt gentes,
et inclinata sunt regna : *
dedit vocem suam, mota est
terra.

Dóminus virtutum nobis-
cum : * susceptor noster
Deus Jacob.

Venite, et videte opera
Dómini, quæ posuit prodí-
gia super terram : * auferens
bella usque ad finem terræ.

Arcum conteret, et con-
fringet arma : * et scuta
comburet igni.

Vacate, et videte quoniam
ego sum Deus : * exaltabor
in gentibus, et exaltabor in
terra.

Dóminus virtutum nobis-
cum : * susceptor noster
Deus Jacob.

Ant. Adjuvabit eam Deus
vultu suo : Deus in medio
ejus, non commovebitur.

Ant. Sicut lætantium *
omnium nostrum habitatio
est in te, sancta Dei Génit-
rix.

Psalmus 86.

FUNDAMENTA ejus in món-
tibus sanctis : * diligit
Dóminus portas Sion super
omnia tabernacula Jacob.

Gloriosa dicta sunt de te, *
civitas Dei.

Memor ero Rahab, et Ba-
bylónis * scientium me.

Ecce alienigenæ, et Tyrus,
et pópulus Æthiopum, * hi
fuerunt illic.

Numquid Sion dicet : Ho-
mo, et homo natus est in
ea : * et ipse fundavit eam
Altissimus?

Dóminus narrabit in scri-
pturis populorum, et prin-
cipum : * horum, qui fue-
runt in ea.

Sicut lætantium omnium *
habitatio est in te.

Ant. Sicut lætantium
omnium nostrum habitatio
est in te, sancta Dei Génit-
rix.

Y. Adjuvabit eam Deus
vultu suo. **R.** Deus in medio
ejus, non commovebitur.

Pater noster.

Absolutio. Ipsius pietas.

Y. Jube domne benedi-
cere.

Bened. Deus Pater omni-
potens.

Sermo sancti Joánnis
Chrysóstomi.

Apud Metaphrasten.

Lectio iv.

DEI Filius non divitem,
aut locupletem aliquam
féminam sibi matrem elégit,
sed beátam Virginem illam,
cujus ánima virtutibus or-
nata erat. Cum enim beáta
María supra omnem humá-
nam natúram castitatem ser-
váret, propterea Christum
Dóminum in ventre concé-
pit. Ad hanc igitur sanctis-
simam Virginem et Dei Ma-
trem accurrentes, ejus pa-
trocinii utilitatem assequá-
mur. Itaque quaecúmque
estis vírgines, ad Matrem
Dómini confúgite. Illa enim
pulcherrimam, pretiosissi-
mam, et incorruptibilem
possessiónem patrocínio suo
vobis conservábit.

R̃. Sicut cedrus exaltáta sum in Libano, et sicut cypréssus in monte Sion : quasi myrrha elécta, * Dedi suavitátem odóris. **Ṽ.** Et sicut cinnamómum et bálsamum aromatizans. Dedi.

Bened. Christus perpétuæ.

Lectio v.

MAGNUM revéra miráculum, fratres dilectissimi, fuit beáta semper Virgo María. Quid namque illa majus aut illústrius ullo umquam témpore invéntum est, seu aliquándo inveniri póterit? Hæc sola cælum ac terram amplitúdinesuperávit. Quidnam illa sánctius? Non Prophétæ, non Apóstoli, non Mártyres, non Patriárchæ, non Angeli, non Throni, non Dominationes, non Séraphim, non Chérubim : non dénique áliud quídpian inter creatas res visibiles aut invisibiles, majus aut exceléntius inveniri potest. Eadem ancilla Dei est et mater : éadem Virgo et Génitrix.

R̃. Quæ est ista, quæ processit sicut sol, et formósa tamquam Jerúsalem? * Vidérunt eam filiæ Sion, et beátam dixerunt, et reginæ laudavérunt eam. **Ṽ.** Et sicut dies verni circúmdabant eam flores rosárum, et lilia convállium. Vidérunt.

Bened. Ignem sui amóris.

Lectio vj.

HÆC ejus mater est, qui a Patre ante omne princí-

pium génitus fuit, quem Angeli et hómines agnóscunt Dóminum rerum ómnium. Visne cognóscere quanto Virgo hæc præstántior sit cælestibus Poténtiis? Illæ cum timóre et tremóre assistunt, faciém velántes suam : hæc húmánum genus illi offert, quem génuit. Per hanc et peccatórum véniam conséquimur. Ave igitur mater, cælum, puélla, virgo, thronus, Ecclesiæ nostræ decus, glória et firmaméntum, assidue pro nobis precáre Jesum Filium tuum, et Dóminum nostrum : ut per te misericórdiam invenire in die judicii, et quæ repósita sunt iis, qui diligunt Deum, bona cónsequi possimus, grátia et benignitáte Dómini nostri Jesu Christi : cum quo Patri simul et sancto Spíritui glória, et honor, et impérium, nunc et semper in sæcula sæculórum. Amen.

R̃. Ornátam monilibus filiam Jerúsalem Dóminus concupívit : * Et vidéntes eam filiæ Sion, beatissimam prædicavérunt, dicéntes : * Unguéntum effúsum nomen tuum. **Ṽ.** Adstitit regina a dextris tuis in vestitu deauráto, circúmdata varietáte. Et. Glória Patri. Unguéntum.

IN III. NOCTURNO

Ant. Gáude María Virgo, * cunctas hæreses sola in-teremísti in univérso mundo.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de dié in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus áutem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nóminiejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávít.

Etenim corréxit orbem terræ qui non commovébítur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dó-

mini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Gáude María Virgo, cunctas hæreses sola interemisti in univérso mundo.

Ant. Dignáre me * laudáre te Virgo sacráta : da mihi virtútem contra hostes tuos.

Psalmus 96.

DÓMINUS regnávít, exsúltet terra : * læténtur insulæ multæ.

Nubes, et caligo in circúitu ejus : * justitia, et judicium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justitiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácrissuis.

Adoráte eum omnes Angeli ejus : * audívit, et lætáta est Sion.

Et exsultavérunt filiæ Judæ, * propter judicia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui diligitis Dóminum,

odite malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætitia.

Lætámini justi in Dómino, * et confitémini memóriæ sanctificatiónis ejus.

Ant. Dignáre me laudáre te Virgo sacráta : da mihi virtútem contra hostes tuos.

Ant. Post partum * Virgo invioláta permansísti, Dei Génitrix intercède pro nobis.

¶ **In Adventu Ant.** Angelus Dómini * nuntiávit Mariæ, et concépit de Spíritu sancto.

Psalmus 97.

CANTÁTE Dómino cánticum novum : * quia mirabilia fecit.

Salvávitsibi dextera ejus : * et bráchium sanctum ejus.

Notum fecit Dóminus salutáre suum : * in conspéctu gentium revelávit justitiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exultáte, et psállite.

Psállite Dómino in cithara, in cithara et voce psalmi : * in tubis ductilibus, et voce tubæ córneæ.

Jubiláte in conspéctu Regis Dómini : * moveátur

mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justitia, * et pópulos in æquitáte.

Ant. Post partum Virgo invioláta permansísti, Dei Génitrix intercède pro nobis.

¶ **In Adventu Ant.** Angelus Dómini nuntiávit Mariæ, et concépit de Spíritu sancto.

V. Elégit eam Deus, et præelégit eam. **R.** In tabernáculo suo habitáre facit eam.

Pater noster.

Absolutio. A vinctulis.

V. Jube domne benedicere.

Bened. Evangélica lécitio. Lécitio sancti Evangélii secúndum Lucam.

Lectio vij. Cap. 11. d

IN illo témpore : Loquente Jesu ad turbas, extóllens vocem quædam múlter de turba, dixit illi : Beátus venter, qui te portávit. Et réliqua.

Homília venerábilis Bedæ Presbýteri.

Lib. 1. cap. 49. in Luc. 11.

MAGNÆ devotiónis et fidei hæc múlter osténditur, quæ scribis et pharisæis Dóminum tentántibus simul et blasphemántibus, tanta ejus

incarnatióem præ ómnibus sinceritáte cognóscit, tanta fidúcia confitétur, ut et præsentium prócerum calúmniam, et futurórum confúndat hæreticórum perfidiam. Nam sicut tunc Judæi, sancti Spíritus ópera blasphemádo, verum consubstantialémque Patri Dei Filium negábant : sic hæretici póstea negádo Mariam semper Virginem, sancti Spíritus operánte virtúte, nascitúro cum humánis membris Unigénito Dei, carnis suæ matériam ministrásse; verum consubstantialémque matri Filium hóminis fatéri non debére dixerunt.

R. Felix namque es, sacra Virgo María, et omni láude digníssima : * Quia ex te ortus est sol justitiæ, Christus Deus noster. **Ÿ.** Ora pro populo, intéveni pro clero, intercède pro devóto femíneo sexu : séntiant omnes tuum juvámen, quicúmque celebrant tuam sanctam festivitátem. Quia.

Bened. Cujus festum cólimus, ipsa Virgo virginum.

Lectio viij.

SED si caro Verbi Dei scúndum carnem nascéntis a carne Virginis Matris pronuntiátur extránea, sine cáusa venter qui eam portásset, úbera quæ lactássent, beatificántur. Dicit áutem Apóstolus : Quia misit Deus Filium suum factum ex muliere, factum sub lege. Ne-

que audiéndi sunt, qui legéndum putant : Natum ex muliere, factum sub lege, sed, Factum ex muliere : quia concéptus ex útero virgináli, carnem non de nihilo, non aliúnde, sed máterna traxit ex carne : alióquin nec vere Filius hóminis dicerétur, qui originem non habéret ex hómine. Et nos igitur his contra Eutýchen dictis, extollámus vocem cum Ecclésia cathólica, cujus hæc múlter typum gessit, extollámus et mentem de médio turbárum, dicámusque Salvatóri : Beátus venter qui te portávit, et úbera quæ suxisti. Vere enim beáta parens, quæ, sicut quidam ait, Enixa est puérpera Regem, qui cælum terrámque tenet per sæcula.

R. Beátam me dicent omnes generatióes : * Quia fecit mihi Dóminus magna qui potens est, et sanctum nomen ejus. **Ÿ.** Et misericórdia ejus a progénie in progénies timéntibus eum. Quia. Glória Patri. Quia.

Bened. Ad societátem.

Lectio ix.

QUINÍMO beáti qui áudiunt verbum Dei, et custódiunt. Pulchre Salvátor attestatióni mulieris ánnuit, non eam tantúmmodo quæ Verbum Dei corporáliter generáre merúerat, sed et omnes qui idem Verbum spiritaliter áuditu fidei concípere, et boni óperis custó-

dia vel in suo, vel in proximorum corde parere, et quasi alere studuerint, asseverans esse beatos : quia et eadem Dei Genitrix, et inde quidem beata, quia Verbi incarnandi ministra facta est temporalis ; sed inde multo beator, quia ejusdem semper amandi custos manebat aeterna.

Te Deum laudamus. 17.

AD LAUDES

ET PER HORAS

Ant. 1. Dum esset Rex * in accubitu suo, nardus mea dedit odorem suavitatis.

Ps. Dominus regnavit. **cum reliq.** 18.

2. Laeva ejus * sub capite meo, et dextera illius amplexabitur me.

3. Nigra sum, * sed formosa, filiae Jerusalem : ideo dilexit me Rex, et introduxit me in cubiculum suum.

4. Jam hiems transiit, * imber abiit, et recessit : surge amica mea, et veni.

5. Speciosa * facta es et suavis in deliciis tuis, sancta Dei Genitrix.

Capitulum. Eccli 24. b

AB initio, et ante saecula creata sum, et usque ad futurum saeculum non desinam, et in habitatione sancta coram ipso ministravi.

Hymnus.

O GLORIOSA virginum, Sublimis inter sidera, Qui te creavit, parvulum Lactente nutris ubere.

Quod Heva tristis abstulit, Tu reddis almo germine : Intrent ut astra flebiles, Caeli recludis cardines.

Tu Regis alti janua, Et aula lucis fulgida : Vitam datam per Virginem Gentes redemptae plaudite.

Jesu tibi sit gloria, Qui natus es de Virgine, Cum Patre, et almo Spiritu In sempiterna saecula.

Amen.

Y. Diffusa est gratia in labiis tuis. **R.** Propterea benedixit te Deus in aeternum.

Ad Bened. Ant. Beata es Maria, * quae credidisti : perficiuntur in te, quae dicta sunt tibi a Domino, alleluia.

Oratio.

CONCEDE nos famulos tuos, quaesumus Domine Deus, perpetua mentis et corporis sanitate gaudere : et gloriosa beatae Mariae semper Virginis intercessione, a praesenti liberari tristitia, et aeterna perfrui laetitia. Per Dñum.

AD PRIMAM

In R. br. Y. Qui natus es de Maria Virgine. **etiam in Festis infra Octav. B. M. V.**

AD TERTIAM

Ant. Laeva ejus.

Capit. Ab initio. **ut supra.**

R. br. Specie tua * Et pulchritudine tua. **Specie. Y.** Intende, prospere procede, et regna. Et. Gloria Patri. **Specie.**

V. Adjuvabit eam Deus vultu suo. **R.** Deus in medio ejus, non commovebitur.

AD SEXTAM

Ant. Nigra sum.*Capitulum.* Eccli. 24. b

ET sic in Sion firmata sum, et in civitate sanctificata similiter requievi, et in Ierusalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea.

R. *br.* Adjuvabit eam * Deus vultu suo. Adjuvabit. *V.* Deus in medio ejus, non commovebitur. Deus in medio. *G.* Gloria Patri. Adjuvabit.

V. Elégit eam Deus, et praelégit eam. *R.* In tabernaculo suo habitare facit eam.

AD NONAM

Ant. Speciosa.*Capitulum.* Eccli. 24. b

IN plateis sicut cinnamomum, et balsamum aromatizans odorem dedi : quasi myrrha electa dedi suavitatem odoris.

R. *br.* Elégit eam Deus, * Et praelégit eam. Elégit. *V.* In tabernaculo suo habitare facit eam. Et. Gloria Patri. Elégit.

V. Diffusa est gratia in labiis tuis. *R.* Propterea benedixit te Deus in ætérnum.

IN II. VESPERIS

Omnia ut in I. Vesp. 145*,
præter :

V. Dignare me laudare te Virgo sacrata. *R.* Da mihi virtutem contra hostes tuos.

Ad Magnif. Ant. Beátam me dicent * omnes generationes, quia ancillam humilem respexit Deus.

OFFICIUM B. MARIÆ IN SABBATO

Omniſſibus Sabbatis per annum, præterquam in Adventu, Quadragesima, Quatuor Temporibus et Vigiliis, et niſi Officium fieri debeat de Feria, propter Officium alicujus Dominicæ infra Hebdomadam ponendum, ut dicitur in Rubricâ de Dominicis; ac niſi Feſtum novem Lectionum occurrat, ſit Officium de S. Maria, modo inſcripto.

In Veſperis Feriæ VI. dicuntur Psalmi feriales in Pſalterio poſiti, niſi fuerit

Feſtum novem Lect. : quia tunc de S. Maria ſit tantum Commem. in dictis Veſperis cum Ant., *V.* et Oratione, ut infra : quæ Commem. omittitur, quando Feria VI. occurrat Feſtum Purificationis, vel aliud ejusdem B. Mariæ Officium.

Capitulum et Hymnus ut in Feſtis B. M. V. 147*.

V. Diffuſa eſt grâtiâ in labiis tuis. *R.* Propterea benedixit te Deus in ætérnum.

Ad Magnif. Ant. Beâta Mater, * et intâcta Virgo,

gloriôsa Regina mundi, intercede pro nobis ad Dóminum.

✠. Dóminus vobiscum. *R.*
Et cum spiritu tuo.

Oratio.

CONCÉDE nos fámulos tuos, quâsumus Dómine Deus, perpétua mentis et cörperis sanitáte gaudere : et gloriôsa beátæ Mariæ semper Virginis intercessióne, a præsentí liberári tristitia, et ætérna pérfrui lætítia. Per Dñm.

¶ *Post Nativitatem usque ad Purificationem.*

Ad Magnif. Ant. Magnum hereditátis mystérium : * templum Dei factus est úterus nesciéntis virum : non est pollútus ex ea carnem assúmens : omnes gentes vénient dicéntes : Glória tibi Dómine.

Oratio.

DEUS, qui salútis ætérnæ, beátæ Mariæ virginitáte fecúnda, humáno géneri præmia præstitisti : tribue, quâsumus ; ut ipsam pro nobis intercedere sentiámus, per quam merúimus auctórem vitæ suscipere, Dóminum nostrum Jesum Christum Filium tuum : Qui tecum vivit et regnat.

Post Orationem fiunt Commemorationes consuetæ de sancto Joseph, de Apostolis et de Pace, ut in Psalterio post Vesp. Sabbati. 148.

Si autem occurrat Festum Simplex, de eo fit Commem. ante ipsa Suffragia.

Completorium ut in Psalt. Et in fine Hymni Te lucis ante términum. dicitur :

Jesu tibi sit glória,
Qui natus es de Virgine.
etiamsi in Vesperis facta sit tantum Commem. de B. Maria, nisi Hymni illius Festi, quod Feria VI. celebratum est, aliter concludendi sint, ut in Transfiguratione Domini.

AD MATUTINUM

Invit. Ave Maria, grátia plena : *Dóminus tecum.

Ps. Veníte, exsultémus. 2.

Hymn. Quem terra. 147*.

Nocturnum Sabbati. ut in Psalt. 111, et in fine

✠. Diffúsa est grátia in lábiis tuis. *R.* Proptérea benedixit te Deus in ætérnum.

Pater noster.

Absolutio.

PRÉCIBUS et méritis beátæ Mariæ semper Virginis, et ómnium Sanctórum, perducát nos Dóminus ad regna cælórum. *R.* Amen.

✠. Jube domne benedicere.

Pro j. Lect. Bened. Nos cum prole pia benedicat Virgo Maria. *R.* Amen.

Primæ duæ Lectiones de Script. libri currentis : tertia, una ex inferius positis per ordinem.

R. j. Sancta et immaculáta virginitas, quibus te láudibus éfferam, nésco : * Quia quem cæli cápere non póterant, tuo grémio contulisti.

v. Benedicta tu in mulieribus, et benedictus fructus ventris tui. Quia.

Pro ij. Lect. Bened. Ipsa Virgo virginum intercédât pro nobis ad Dóminum. **R.** Amen.

R. ij. Felix namque es, sacra Virgo María, et omni láude digníssima : * Quia ex te ortus est sol justitiæ, * Christus Deus noster. **Ÿ.** Ora pro pópulo, intérvieni pro clero, intercède pro devóto femíneo sexu : séntiant omnes tuum juvámén, quicúmque célebrant tuam sanctam commemoratió-nem. Quia. Glória Patri. Christus.

Pro iij. Lect. Bened. Per Virginem matrem concédât nobis Dóminus salútem et pacem. **R.** Amen.

Post iij. Lect. dicitur Te Deum laudámus. 17.

AD LAUDES

ET PER HORAS

Omnia ut in Festis B. M. V. 157*, præter seq.

Ÿ. Benedicta tu in mulieribus. **R.** Et benedictus fructus ventris tui.

Ad Bened. Ant. Beáta Dei Génitrix María, * Virgo perpétua, templum Dómini, sacrárium Spíritus sancti : sola sine exémplo placuísti Dómino nostro Jesu Christo : ora pro pópulo, intérvieni pro clero, intercède pro devóto femíneo sexu.

Oratio. Concède. 159*.

¶ Sed post Nativitatem us-

que ad Purificationem, Ant. ad Laudes et per Horas, Ant. ad Benedictus necnon Oratio dicuntur ut in Officio parvo B. M. V. post Nativitatem, ut infra. 173*.

Deinde fiunt Commem. ut supra.

AD VESPERAS

Ant. et Pss. feriales : Capit. et reliq. omnia, si non occurrat Fest. Duplex, de Dom.

In fine, Commem. consuetæ, ut in Psalt. 148.

Lectiones sequentes dicuntur singulis mensibus in Officio B. M. V. in Sabbato, ordine subscripto.

MENSE JANUARIO

Ex Epístola sancti Ambrósii Episcopi ad Sirícium Papam.

Epíst. 81. al. 7. post initium.

Lectio iij.

DE via perversitátis prodúntur dicere : Virgo concépit, sed non virgo generávit. Pótuít ergo virgo concípere, non pótuít virgo generáre, cum semper concéptus præcédat, partus sequátur? Sed si doctrinis non créditur sacerdotum, crédatúr oráculis Christi, crédatúr mónitis Angelórum dicéntium : Quia non est impossibile Deo omne verbum. Credátursýmbolo Apostolórum, quod Ecclésia Romána intemerátum semper custódit et servat. Audívit María vocem Angeli, et quæ ante dixerat : Quómodo

fiet istud? non de fide generationis interrogans, respondit postea : Ecce ancilla Domini, contingat mihi secundum verbum tuum.

Te Deum laudamus. 17.

MENSE FEBRUARIO

Ex libro sancti Hierónymi Presbyteri adversus Jovinianum.

Ex Apol. ad Pamnuach. pro lib. adv. Jovin. in fine.

Lectio iij.

CHRISTUS virgo, mater virginis nostri virgo perpetua, mater et virgo. Jesus enim clausis ingressus est ostiis : et in sepulcro ejus, quod novum et in petra durissima fuerat excisum, nec antea quis, nec postea positus est. Hortus conclusus, fons signatus : de quo fonte ille fluvius manat, juxta Joël, qui irrigat torrentem vel fuvium, vel spinarum : fuvium, peccatorum, quibus ante alligabamur : spinarum, quæ suffocant seminem patrifamilias. Hæc est porta Orientalis, ut ait Ezéchiël, semper clausa et lucida, operiens in se, vel ex se proferens Sancta sanctorum : per quam sol justitiæ, et Pontifex noster secundum ordinem Melchisedech ingreditur, et egréditur.

Te Deum laudamus. 17.

MENSE MARTIO

Ante Quadragesimam.

Ex libro sancti Irenæi Episcopi et Martyris adversus hæreses.

Lib. 5. c. 19.

Lectio iij.

IN sua propria veniente Domino, et sua propria eum bajulante conditione, quæ bajulatur ab ipso, et recapitulationem ejus quæ in ligno fuit inobediëntiæ, per eam quæ in ligno est, obediëntiam faciente, et seductione illa soluta, qua seducta est male illa, quæ jam viro destinata erat virgo Heva; per veritatem evangelizata est bene ab Angelo jam sub viro Virgo Maria. Quemadmodum enim illa per angelicum sermonem seducta est, ut effugeret Deum, prævaricata verbum ejus : ita et hæc per angelicum sermonem evangelizata est, ut portaret Deum, obediens ejus verbo. Et sicut illa seducta est, ut effugeret Deum; sic hæc suasa est obedire Deo, ut virginis Hevæ Virgo Maria fieret advocata. Et quemadmodum adstrictum est morte genus humanum per virginem, solvatur per virginem : æqua lance disposita virginæ inobediëntia, per virginalem obediëntiam.

Te Deum laudamus. 17.

OFFICIUM PARVUM BEATÆ MARIÆ VIRGINIS

Non dicitur, quando fit Officium novem Lectionum, nec in Vigilia Nativ. Domini, nec in Sabbatis, quando fit Officium de S. Maria. Quibus diebus omittitur a I. Vesperis; et in Vigilia Nativ. a Matutino. Cum dicitur in Choro, in Matutinis et in Vesperis præponitur Officio diei; in aliis Horis postponitur. Prima dicitur post Benedicamus Dómino, antequam legatur Martyrologium. Extra Chorum potest dici pro temporis opportunitate.

OFFICIUM B. MARIÆ V.

EXTRA ADVENTUM

AD VESPERAS

Ave María. *secreto*, quæ dicitur semper in principio omnium Horarum B. Mariæ, quando non conjunguntur cum Officio diei.

Ÿ. Deus in adiutorium. 17.

In cuius fine Allelúia, vel Laus tibi Dómine. pro Temporis varietate.

Ant., Pss., Capit. et Hymn. ut in Festis B. Mariæ Virginis. 145*.

Ÿ. Diffusa est grátia in lábiis tuis. R. Propterea benedixit te Deus in ætérnum.

Ad Magnif. Ant. Beáta Mater, * et intácta Virgo, glo-

riosa Regína mundi, intercède pro nobis ad Dóminum.

Kýrie eléison. Christe eléison. Kýrie eléison.

Ÿ. Dóminus vobiscum. R. Et cum spíritu tuo.

Oratio.

CONCÉDE nos fámulos tuos, quæsumus Dómine Deus, perpétua mentis et córporis sanitáte gaudere: et gloriósa beatæ Mariæ semper Virgínis intercessióne, a præsénti liberári tristitia, et ætérna pérfrui lætítia. Per Dñm.

Sequens Commemoratio pro Sanctis fit tantum ad Vesperas et Laudes in Officio S. Mariæ, præterquam in Adventu, cuius loco tunc alia dicitur, ut infra.

Ant. Sancti Dei omnes intercédere dignémini pro nostra omniúmque salúte.

Ÿ. Lætámini in Dómino, et exsultáte iusti. R. Et gloriámini omnes recti corde.

Oratio.

PRÓTEGE Dómine pópulum tuum, et Apostolórum tuórum Petri et Páuli, et aliórum Apostolórum patrocínio confidéntem, perpétua defénsióne conserva.

OMNES Sancti tui, quæsumus Dómine, nos ubique adjuvent: ut dum eórum mérita recólimus, patrocínia

sentiamus : et pacem tuam nostris concede temporibus, et ab Ecclesia tua cunctam repelle nequitiam : iter, actus, et voluntates nostras, et omnium famulorum tuorum, in salutis tue prosperitate dispone : benefactoribus nostris sempiterna bona retribue, et omnibus fidelibus defunctis requiem æternam concede. Per Dominum.

AD COMPLETORIUM

Ave Maria. *ut supra.*

Ÿ. Converte nos Deus salutaris noster. *R.* Et averte iram tuam a nobis.

Ÿ. Deus in adiutorium.

Ps. 128. Sæpe expugnaverunt. *Ps. 129.* De profundis. *et Ps. 130.* Domine non est exaltatum. *ut in Vesp. Feriæ IV. 135.*

Hymnus.

MEMENTO, rerum Conditor,
Nostri quod olim corporis,
Sacra ab alvo Virginis
Nascendo formam sumpseris.

Maria Mater gratiæ,
Dulcis Parens clementiæ,
Tu nos ab hoste protege,
Et mortis hora suscipe.

Jesu tibi sit gloria,
Qui natus es de Virgine,
Cum Patre et almo Spiritu
In sempiterna sæcula.

Amen.

Capitulum. *Eccli. 24. c*

EGO mater pulchræ dilectionis, et timoris, et agnitionis, et sanctæ spei.

R. Deo gratias.

Ÿ. Ora pro nobis sancta Dei Genitrix. *R.* Ut digni efficiamur promissionibus Christi.

Ad Nunc dimittis. Ant. Sub tuum præsidium * confugimus, sancta Dei Genitrix : nostras deprecationes ne despicias in necessitatibus, sed a periculis cunctis libera nos semper, Virgo gloriosa et benedicta.

Kýrie eléison. Christe eléison. Kýrie eléison.

Ÿ. Dominus vobiscum. *R.* Et cum spiritu tuo.

Oratio.

BEATÆ et gloriosæ semper Virginis Mariæ, quaesumus Domine, intercessio gloriosa nos protegat, et ad vitam perducatur æternam. Per.

AD MATUTINUM

Ave Maria. *ut supra.*

Ÿ. Domine labia mea aperies. *R.* Et os meum annuntiabit laudem tuam.

Ÿ. Deus in adiutorium.

Invit. Ave Maria, gratia plena : * Dominus tecum.

Ps. Venite, exsultemus. 2.

Hymn. Quem terra. 147*.

IN NOCTURNO

Ant. et Psalmi dicuntur ut in Festis B. M. V., scilicet : Feria II. et V. De I. Noct. 148.*

Feria III. et VI. De II. Noct. 150.*

Feria IV. et Sabbato. De III. Noct. 153.*

Ÿ. Diffusa est gratia in labiis tuis. *R.* Propterea benedixit te Deus in æternum.

Pater noster. *secreto.*

✠. Et ne nos inducas in tentationem. *R.* Sed libera nos a malo.

Absolutio.

PRÉCIBUS et méritis beátæ Mariæ semper Virginis, et ómnium Sanctórum, perducát nos Dóminus ad regna cælórum. *R.* Amen.

✠. Jube domne benedicere.

Bened. Nos cum prole pia benedicat Virgo María. *R.* Amen.

Lectio j. Eccli. 24.

IN ómnibus réquiem quæsi vi, et in hereditáte Dómini morábor. Tunc præcépit, et dixit mihi Créator ómnium : et qui creávit me, requiévít in tabernáculo meo, et dixit mihi : In Jacob inhábíta, et in Israël hereditáre, et in eléctis meis mitte radíces. Tu áutem Dómine miserére nobis.

R. Deo grátias.

R. Sancta et immaculáta virginitas, quibus te láudibus éfferam nésco : * Quia quem cæli cápere non póterant, tuo grémio contulísti. ✠. Benedicta tu in muliéribus, et benedictus fructus ventris tui. Quia.

✠. Jube domne benedicere.

Bened. Ipsa Virgo virginum intercedat pro nobis ad Dóminum. *R.* Amen.

Lectio ij.

ET sic in Sion firmáta sum, et in civitáte sanctificáta

similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea. Tu áutem.

R. Beáta es Virgo María, quæ Dóminum portásti Creatórem mundi : * Genuísti qui te fecit, et in ætérnum pérmanes Virgo. ✠. Ave María, grátia plena, Dóminus tecum. Genuísti.

✠. Jube domne benedicere.

Bened. Per Virginem Matrem concédát nobis Dóminus salútem et pacem. *R.* Amen.

Lectio iij.

QUASI cedrus exaltáta sum in Libano, et quasi cypréssus in monte Sion : quasi palma exaltáta sum in Cades, et quasi plantátio rosæ in Jéricho. Quasi oliva speciósa in campis, et quasi plátanus exaltáta sum juxta aquam in platéis. Sicut cinnamómum, et bálsamum aromatízans odórem dedi : quasi myrrha elécta dedi suavitátem odóris. Tu áutem.

R. Felix namque es, sacra Virgo María, et omni láude digníssima : * Quia ex te ortus est sol justitiæ, * Christus Deus noster. ✠. Ora pro pópulo, intérvieni pro clero, intercéde pro devóto femíneo sexu : séntiant omnes tuum juvámen, quicúmque célebrant tuam sanctam

commemorationem. Quia.
Glória Patri. Christus.

AD LAUDES

ET PER HORAS

Ÿ. Deus in adiutorium.

Ant. 1. Assumpta est * Maria in cælum : gaudent Angeli, laudantes benedicunt Dóminum.

Ps. Dóminus regnavit. **cum reliq.** 18.

2. Maria Virgo * assumpta est ad æthereum thálamum, in quo Rex regum stellato sedet solio.

3. In odorem * unguentorum tuorum currimus : adolescentulæ dilexerunt te nimis.

4. Benedicta filia * tu a Dómino : quia per te fructum vitæ communicávimus.

5. Pulchra es, * et decóra, filia Jerúsalem : terribilis ut castrorum ácies ordináta.

Capitulum. Cant. 6. c

VIDERUNT eam filiæ Sion, et beatissimam prædicaverunt, et reginæ laudaverunt eam. **R.** Deo grátias.

Hymn. O gloriósa. 157*.

Ÿ. Benedicta tu in mulieribus. **R.** Et benedictus fructus ventris tui.

Ad Bened. Ant. Beáta Dei Génitrix María, * Virgo perpétua, templum Dómini, sacrárium Spíritus sancti : sola sine exémplo placuisti Dómino nostro Jesu Christo : ora pro pópulo, intéveni pro clero, intercède pro devoto femíneo sexu.

Kýrie eléison. Christe eléison. Kýrie eléison.

Ÿ. Dóminus vobiscum. **R.** Et cum spíritu tuo.

Oratio.

DEUS, qui de beátæ Mariæ Virginis útero Verbum tuum, Angelo nuntiánte, carnem suscipere voluisti : præsta supplicibus tuis ; ut qui vere eam Genitricem Dei crédimus, ejus apud te intercessionibus adjuvémur. Per eúndem Christum Dóminum nostrum. **R.** Amen.

Pro Sanctis, Ant. Sancti Dei. 162*.

AD PRIMAM

Ave María.

Ÿ. Deus in adiutorium.

Hymn. Meménto. 163*.

Ant. Assumpta est.

Psalmus 53.

DEUS in nómine tuo saluum me fac : * et in virtute tua júdica me.

Deus exáudi orationem meam : * áuribus pécipe verba oris mei.

Quóniam aliéni insurrexerunt advérsus me, et fortes quæsiérunt ánimam meam : * et non proposuerunt Deum ante conspéctum suum.

Ecce enim Deus ádjuvat me : * et Dóminus suscepitor est ánimæ meæ.

Avérte mala inimicis meis : * et in veritate tua disperde illos.

Voluntárie sacrificábo tibi, * et confitébor nómini tuo Dómine : quóniam bonum est :

Quóniam ex omni tribulatióne eripuisti me : * et super inimicos meos despexit óculus meus.

Psalmus 84.

BENEDIXISTI Dómine terram tuam : * avertisti captivitatem Jacob.

Remisisti iniquitatem plebis tuæ : * operuisti ómnia peccata eórum.

Mitigasti omnem iram tuam : * avertisti ab ira indignationis tuæ.

Convérte nos Deus salutaris noster : * et avérte iram tuam a nobis.

Numquid in ætérnum irascéris nobis ? * aut exténdes iram tuam a generatióne in generatióne ?

Deus tu convérsus vivificábis nos : * et plebs tua lætábitur in te.

Osténde nobis Dómine misericórdiam tuam : * et salutare tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope timéntes eum salutáre ipsius : * ut inhábitet glória in terra nostra.

Misericórdia, et véritas obviavérunt sibi : * justitia, et pax osculatæ sunt.

Véritas de terra orta est : * et justitia de cælo prospexit.

Etenim Dóminus dabit be-

nignitatem : * et terra nostra dabit fructum suum.

Justitia ante eum ambulábit : * et ponet in via gressus suos.

Psalmus 116.

LAUDÁTE Dóminum omnes gentes : * laudáte eum omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Ant. Assúpta est Maria in cælum : gáudent Angeli : laudántes benedicunt Dóminum.

Capitulum. Cant. 6. c

QUÆ est ista, quæ progréditur quasi auróra consurgens, pulchra ut luna, elécta ut sol, terribilis ut castrórum ácies ordináta ?

R. Deo grátias.

V. Dignáre me laudáre te Virgo sacráta. **R.** Da mihi virtutem contra hostes tuos.

Kýrie eleíson. Christe eleíson. Kýrie eleíson.

V. Dóminus vobíscum. **R.** Et cum spiritu tuo.

Oratio.

DEUS, qui virginálem áulam beátæ Mariæ, in qua habitáres, eligere dignátus es : da, quæsumus ; ut sua nos defensióne munitos, jucúndos fácias suæ interesse commemoratióni : Qui vivis.

AD TERTIAM

Ave Maria.

V. Deus in adjutórium.

Hymn. Meménto. 163*.

Ant. Maria Virgo.

Psalmus 119.

AD Dóminum cum tribulá-
rer clamávi : * et exau-
divit me.

Dómine libera ánimam
meam a lábiis iníquis, * et a
lingua dolósa.

Quid detur tibi, aut quid
apponátur tibi * ad linguam
dolósam?

Sagittæ poténtis acútæ, *
cum carbónibus desolató-
riis.

Heu mihi, quia incolátus
meus prolongátus est : habi-
távi cum habitántibus Ce-
dar : * multum íncola fuit
ánima mea.

Cum his, qui odérunt pa-
cem, eram pacíficus : * cum
loquébar illis, impugnábant
me gratis.

Psalmus 120.

LEVÁVI óculos meos in
montes, * unde véniet au-
xilium mihi.

Auxilium meum a Dómi-
no, * qui fecit cælum et ter-
ram.

Non det in commotióem
pedem tuum : * neque dor-
mitet qui custódit te.

Ecce non dormitábit ne-
que dórmiet, * qui custódit
Israël.

Dóminus custódit te, Dó-
minus protéctio tua, * super
manum dexteram tuam.

Per diem sol non uret te : *
neque luna per noctem.

Dóminus custódit te ab
omni malo : * custódiat áni-
mam tuam Dóminus.

Dóminus custódiat intrói-

tum tuum, et éxitum tuum, *
ex hoc nunc et usque in sæ-
culum.

Psalmus 121.

LÆTÁTUS sum in his, quæ
dicta sunt mihi : * In do-
mum Dómini ibimus.

Stantes erant pedes no-
stri, * in átriis tuis Jerúsalem.

Jerúsalem, quæ ædificá-
tur ut civitas : * cujus parti-
cipátio ejus in idípsum.

Illuc enim ascendérunt
tribus, tribus Dómini : * testi-
mónium Israël ad confitén-
dum nómini Dómini.

Quia illic sedérunt sedes
in iudicio, * sedes super do-
mum David.

Rogáte quæ ad pacem sunt
Jerúsalem : * et abundántia
diligéntibus te.

Fiat pax in virtúte tua : *
et abundántia in túrribus
tuis.

Propter fratres meos, et
próximos meos, * loquébar
pacem de te :

Propter domum Dómini
Dei nostri, * quæsívi bona
tibi.

Ant. Mariá Virgo assúpta
est ad æthéreum thálamum,
in quo Rex regum stelláto
sedet sólio.

Capitulum. Eccli. 24. b

ET sic in Sion firmáta sum,
et in civitáte sanctificáta
similiter requiévi, et in Je-
rúsalem potéstas mea.

R. Deo grátias.

V. Diffúsa est grátia in lá-
biis tuis. **R.** Proptérea bene-
dixit te Deus in ætérnum.

Kýrie eléison. Christe eléison.
Kýrie eléison.

Ÿ. Dóminus vobiscum. R.
Et cum spiritu tuo.

Oratio.

DEUS, qui salutis æternæ, beátæ Mariæ virginitate fecúnda, humano géneri præmia præstitisti : tribue, quæsumus ; ut ipsam pro nobis intercédere sentiámus, per quam meruimus auctórem vitæ suscipere, Dóminum nostrum Jesum Christum Filium tuum : Qui tecum vivit.

AD SEXTAM

Ave María.

Ÿ. Deus in adiutorium.

Hymn. Meménto. 163*.

Ant. In odórem.

Psalmus 122.

Ad te levávi óculos meos, *
qui hábitas in cælis.

Ecce sicut óculi servórum * in má nibus dominórum suórum,

Sicut óculi ancillæ in má nibus dómínæ suæ : * ita óculi nostri ad Dóminum Deum nostrum donec misereátur nostri.

Miserére nostri Dómine, miserére nostri : * quia multum repléti sumus despectióne :

Quia multum repléta est ánima nostra : * oppróbrium abundántibus, et despéctio supérbis.

Psalmus 123.

NISI quia Dóminus erat in nobis, dicat nunc Israël : *

nisi quia Dóminus erat in nobis,

Cum exsúrgerent hómines in nos, * forte vivos deglutissent nos :

Cum irascerétur furor eórum in nos, * fórsitan aqua absorbuisset nos.

Torréntem pertransívit ánima nostra : * fórsitan pertransisset ánima nostra aquam intolerábilem.

Benedictus Dóminus * qui non dedit nos in captiónem déntibus eórum.

Anima nostra sicut passer erépta est * de láqueo venántium :

Láqueus contritus est, * et nos liberáti sumus.

Adiutorium nostrum in nómine Dómini, * qui fecit cælum et terram.

Psalmus 124.

QUI confidunt in Dómino, sicut mons Sion : * non commovébitur in ætérnum, qui hábitat in Jerúsalem.

Montes in circúitu ejus : * et Dóminus in circúitu pó puli sui, ex hoc nunc et usque in sæculum.

Quia non relinquet Dóminus virgam peccatórum super sortem justórum : * ut non exténdant justi ad iniquitátem manus suas.

Bénefac Dómine bonis, * et rectis corde.

Declinántes áutem in obli gatiónes, addúcet Dóminus cum operántibus iniquitátem : * pax super Israël.

Ant. In odórem unguen-

lórur tuórum cúrrimus :
adolescéntulæ dilexérunt te
nimis.

Capitulum. Eccli. 24. b

ET radicávi in pópulo ho-
norificáto, et in parte
Dei mei heréditas illíus, et
in plenitúdine sanctórum de-
téntio mea.

R. Deo grátias.

V. Benedicta tu in mulié-
ribus. **R.** Et benedictus fru-
ctus ventris tui.

Kýrie eléison. Christe eléi-
son. Kýrie eléison.

V. Dóminus vobíscum. **R.**
Et cum spírítu tuo.

Oratio.

CONCÉDE miséricors Deus
fragilitáti nostræ præsi-
dium : ut qui sanctæ Dei Ge-
nitricis memóriam ágimus,
intercessiónis ejus auxilio,
a nostris iniquitatibus resur-
gámus. Per eúmdem Dómi-
num.

AD NONAM

Ave María.

V. Deus in adjutórium.

Hymn. Meménto. 163*.

Ant. Pulchra es.

Psalmus 125.

IN converténdo Dóminus
captivitátem Sion : * facti
sumus sicut consoláti.

Tunc replétum est gáudio
os nostrum : * et lingua no-
stra exsultatióne.

Tunc dicent inter gentes : *
Magnificávit Dóminus fácere
cum eis.

Magnificávit Dóminus fá-
cere nobíscum : * facti sumus
lætántes.

Convérte Dómine captivi-
tátem nostram, * sicut tor-
rens in Austro.

Qui séminant in lácrymis, *
in exsultatióne metent.

Eúntes ibant et flebant, *
mitténtes sémina sua.

Veniéntes áutem vénient
cum exsultatióne, * portán-
tes manipulos suos.

Psalmus 126.

NISI Dóminus ædificáverit
domum, * in vanum labo-
ravérunt qui ædificant eam.

Nisi Dóminus custodierit
civitátem, * frustra vigilat
qui custódit eam.

Vanum est vobis ante lu-
cem súrgere : * súrgite, post-
quam sedéritis, qui mandu-
cátis panem dolóris.

Cum déderit diléctis suis
somnum : * ecce heréditas
Dómini filii : merces, fru-
ctus ventris.

Sicut sagittæ in manu po-
téntis : * ita filii excussórum.

Beátus vir qui implévit
desidérium suum ex ipsis : *
non confundétur cum loqué-
tur inimicis suis in porta.

Psalmus 127.

BEÁTI omnes, qui timent
Dóminum, * qui ámbulant
in viis ejus.

Labóres mánuum tuárum
quia manducábis : * beátus
es, et bene tibi erit.

Uxor tua sicut vitis abún-
dans, * in latéribus domus
tuæ.

Filii tui sicut novéllæ oli-
várur, * in circúitu mensæ
tuæ.

Ecce sic benedicétur homo, * qui timet Dóminum.

Benedicat tibi Dóminus ex Sion : * et videas bona Jerúsalem ómnibus diébus vitæ tuæ.

Et videas filios filiórum tuórum, * pacem super Israël.

Ant. Pulchra es, et decóra, filia Jerúsalem : terribilis ut castrórum ácies ordináta.

Capitulum. *Eccli. 24. b*

IN platéis sicut cinnamómun et bálsamum aromatizans odórem dedi : quasi myrrha eléctá dedi suavitátem odóris. *R.* Deo grátias.

V. Post partum Virgo invioláta permansísti. *R.* Dei Génitrix intercède pro nobis.

Kýrie eléison. Christe eléison. Kýrie eléison.

V. Dóminus vobíscum. *R.* Et cum spíritu tuo.

Oratio.

FAMULÓRUM tuórum, quæsumus Dómine, delictis ignósce : ut qui tibi placére de áctibus nostris non valémus, Genitrícis Filii tui Dómini nostri intercessióne salvémur : Qui tecum vivit.

OFFICIUM B. M. VIRGINIS

IN ADVENTU

AD VESPERAS

Ant. et Capit. de Laud. :
Pss. et Hymn. ut in Festis B. M. V. 145*.

V. Diffúsa est grátia in lábiis tuis. *R.* Proptérea benedixit te Deus in ætérnum.

Ad Magnif. Ant. Spíritus

sanctus * in te descéndet María : ne timeas, habébis in útero Filium Dei, allelúia.

Kýrie eléison. Christe eléison. Kýrie eléison.

V. Dóminus vobíscum. *R.* Et cum spíritu tuo.

Oratio.

DEUS, qui de beátæ Mariæ Virginis útero Verbum tuum, Angelo nuntiánte, carnem suscipere voluisti : præsta supplicibus tuis ; ut qui vere eam Genitrícem Dei crédimus, ejus apud te intercessiónibus adjuvémur. Per eúmdem Christum Dóminum nostrum. *R.* Amen.

Hæc Oratio dicitur ad omnes Horas, sed cum conclusione integra, scilicet :
Per eúmdem Dóminum nostrum Jesum Christum Filium tuum : Qui tecum vivit et regnat.

Pro Sanctis ad Vesperas et Laudes tantum :

Ant. Ecce Dóminus véniet, et omnes Sancti ejus cum eo : et erit in die illa lux magna, allelúia.

V. Ecce apparébit Dóminus super nubem cándidam. *R.* Et cum eo Sanctórum millia.

Oratio.

CONSCIÉNTIAS nostras, quæsumus Dómine, visitádo purifica : ut véniens Jesus Christus Filius tuus Dóminus noster cum ómnibus Sanctis, parátam sibi in nobis invéniat mansiónem : Qui tecum vivit.

AD COMPLETORIUM

Psalmi et Hymnus ut supra extra Adventum. 163*.

Capitulum. Is. 7. c

ECCE virgo concipiet et pariet filium, et vocabitur nomen ejus Emmánuel. Butýrum et mel cómedet, ut sciat reprobáre malum, et eligere bonum.

Ÿ. Angelus Dómini nuntiávit Mariæ. R. Et concépit de Spíritu sancto.

Ad Nunc dimittis, Ant. Spiritus sanctus * in te descendet María : ne timeas, habébis in útero Filium Dei, allelúia.

Kýrie eléison. Christe eléison. Kýrie eléison.

Ÿ. Dóminus vobiscum. R. Et cum spiritu tuo.

Oratio Deus, qui de beátæ Mariæ. **ut supra. 170*.**

AD MATUTINUM

Invit., Hymn., Ant., Psalmi et ŸŸ. usque ad Lectiones dicuntur sicut extra Adventum, præter tertiam Antiphonam III. Nocturni, Post partum. cujus loco dicitur Ant. Angelus Dómini. 155*.

Absol. Précibus. Ÿ. Jube domne. Bened. Nos cum prole.

Lectio j. Luc. 1. c

MISSUS est Angelus Gábriel a Deo in civitátem Galiléæ, cui nomen Názareth, ad Virginem desponsátam viro, cui nomen erat Joseph, de domo David, et nomen Virginis María. Et ingressus Angelus ad eam dixit : Ave

grátia plena : Dóminus tecum : benedicta tu in muliéribus. Tu áutem.

R. Missus est Gábriel Angelus ad Mariám Virginem desponsátam Joseph, nuntians ei verbum : et expavéscit Virgo de lúmine. Ne timeas María : invenisti grátiam apud Dóminum : * Ecce concipies et páries, et vocabitur Altissimi Filius. Ÿ. Dabit ei Dóminus Deus sedem David patris ejus, et regnabit in domo Jacob in ætérnum. Ecce concipies.

Ÿ. Jube domne. **Bened.** Ipsa Virgo virginum.

Lectio ij.

QUÆ cum audisset, turbáta est in sermóne ejus, et cogitábat qualis esset ista salutatio. Et ait Angelus ei : Ne timeas María : invenisti enim grátiam apud Deum : ecce concipies in útero, et páries filium, et vocábis nomen ejus Jesum. Hic erit magnus, et Filius Altissimi vocabitur : et dabit illi Dóminus Deus sedem David patris ejus : et regnabit in domo Jacob in ætérnum, et regni ejus non erit finis. Tu áutem.

R. Ave María, grátia plena : Dóminus tecum : * Spíritus sanctus supervéniet in te, et virtus Altissimi obumbrábit tibi : quod enim ex te nascétur Sanctum, vocabitur Filius Dei. Ÿ. Quómodo fiet istud, quóniam virum non cognósco? Et respón-

dens Angelus dixit ei. Spíritus sanctus.

✠. Jube domne. **Bened.** Per Virginem.

Lectio iij.

DIXIT áutem Maria ad Angelum : Quómodo fiet istud, quóniam virum non cognósko? Et respóndens Angelus dixit ei : Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Filius Dei. Et ecce Elisabeth cognáta tua, et ipsa concépit filium in senectúte sua : et hic mensis sextus est illi, quæ vocátur stérilis : quia non erit impossibile apud Deum omne verbum. Dixit áutem Maria : Ecce ancilla Dómini, fiat mihi secúndum verbum tuum. Tu áutem.

℞. Súscipe verbum Virgo Maria, quod tibi a Dómino per Angelum transmissum est : concípies et páries Deum páriter et hómíne : * Ut benedícta dicáris inter omnes mulieres. ✠. Páries quidem filium, et virginitátis non patiéris detriméntum : efficiéris grávida, et eris mater semper intácta. Ut benedícta. Glória. Ut benedícta.

AD LAUDES

ET PER HORAS

Ant. 1. Missus est* Gábel Angelus ad Mariám Virgíne desponsátam Joseph.

Ps. Dóminus regnávít. **cum reliq.** 18.

2. Ave María, * grátia plena, Dóminus tecum : benedícta tu in muliéríbus, allelúia.

3. Ne timeas María : * invenisti grátiam apud Dóminum : ecce concípies et páries filium, allelúia.

4. Dabit ei Dóminus * sedem David patris ejus, et regnábit in ætérnum.

5. Ecce ancilla Dómini, * fiat mihi secúndum verbum tuum.

Capitulum. Is. 11.

EGREDIÉTUR virga de radice Jesse, et flos de radice ejus ascéndet. Et requiescet super eum Spíritus Dómini.

℞. Deo grátias.

Hymn. O gloriósa. 157*.

✠. Benedícta tu in muliéríbus. ℞. Et benedíctus fructus ventris tui.

Ad Bened. Ant. Spíritus sanctus. **cum Orat. et reliquis ut supra ad Vesp.** 170*.

Ad Horas, Hymni et Psalmi dicuntur sicut extra Advent. 165*.

AD PRIMAM

Ant. Missus est.

Capitulum. Is. 7. c

ECCE virgo concípíet et páriet filium, et vocábitur nomen ejus Emmánuel. Butýrum et mel cómedet, ut sciat reprobáre malum, et eligere bonum.

✠. Dignáre me laudáre te, Virgo sacráta. ℞. Da mihi virtútem contra hostes tuos.

Kýrie eléison, etc., **et Oratio ut in I. Vesp.** 170*.

AD TERTIAM

Ant. Ave Maria.

Capit. Egrediétur. ut supra.

Ÿ. Diffúsa est grátia in lábiis tuis. R̃. Proptérea benedixit te Deus in ætérnum.

Kýrie eléison, etc., et Oratio ut supra. 170*.

AD SEXTAM

Ant. Ne timeas María.

Capitulum. Luc. 1. d

Dabit illi Dóminus Deus sedem David patris ejus, et regnabit in domo Jacob in ætérnum, et regni ejus non erit finis.

Ÿ. Benedicta tu in muliéribus. R̃. Et benedictus fructus ventris tui.

Kýrie eléison, etc., et Oratio ut supra. 170*.

AD NONAM

Ant. Ecce ancilla Dómini.

Capitulum. Is. 7. c

Ecce virgo concipiet et páriet filium, et vocábitur nomen ejus Emmánuel. Butýrum et mel cómedet, ut sciat reprobare malum, et eligere bonum.

Ÿ. Angelus Dómini nuntiávit Mariæ. R̃. Et concépit de Spiritu sancto.

Kýrie eléison, etc., et Oratio ut supra. 170*.

POST NATIVITATEM

USQUE AD PURIFICAT. INCLUS.

Officium B. Mariæ dicitur ut supra extra Adventum, exceptis his quæ sequuntur.

AD VESPERAS

Ant. de Laudibus, ut infra.

Pss. ut in Festis B. Mariæ. 145*.

Ad Magnificat et ad Nunc dimittis, Ant. Magnum hereditatis mystérium : * templum Dei factus est úterus nesciéntis virum : non est pollútus ex ea carnem assúmens : omnes gentes vénient, dicéntes : Glória tibi Dómine.

AD LAUDES

ET PER HORAS

Ant. 1. O admirábile comércium ! * Creátor géneris humáni, animátum corpus sumens, de Vírgine nasci dignátus est : et procédens homo sine sémine, largitus est nobis suam Deitátem.

Ps. Dóminus regnávít. cum reliq. 18.

2. Quando natus es * inefabíliter ex Vírgine, tunc implétæ sunt Scriptúræ : sicut plúvia in vellus descendísti, ut salvum fáceres genus humánum : te laudámus Deus noster.

3. Rubum quem viderat * Móyses incombústum, conservátam agnóvimus tuam laudábilem virginitátem : Dei Génitrix intercède pro nobis.

4. Germinávit radix Jesse, * orta est stella ex Jacob : Virgo péperit Salvatórem : te laudámus Deus noster.

5. Ecce María* génuit nobis Salvatórem, quem Joánes videns exclamávit, dicens : Ecce Agnus Dei, ecce

qui tollit peccáta mundi,
allelúia.

Ad Bened. Ant. Mirábile
mystérium * declarátur hó-
die : innovántur natúrae,
Deus homo factus est : id
quod fuit permánsit, et quod
non erat assúmpsit : non
commixtióem passus, ne-
que divisióem.

Kýrie eléison. Christe eléi-
son. Kýrie eléison.

Ÿ. Dóminus vobíscum. **R.**
Et cum spíritu tuo.

Oratio.

DEUS, qui salútis æternæ,
beátæ Mariæ virginitá-
te fecúnda, humano géneri
præmia præstitisti : tribue

quæsumus ; ut ipsam pro
nobis intercédere sentiá-
mus, per quam merúimus
auctórem vitæ suscipere,
Dóminum nostrum Jesum
Christum Filium tuum.

R. Amen.

**Et dicitur ad omnes Ho-
ras, et in eis additur :** Qui
tecum vivit et regnat in uni-
táte Spíritus sancti Deus,
per ómnia sæcula sæculó-
rum. **R.** Amen.

Deinde pro Sanctis, Ant.
Sancti Dei. Ÿ. et Orationes
ut supra. 162*.

**Reliquum Officium in aliis
Horis, ut supra extra Ad-
ventum. 165*.**





OFFICIUM DEFUNCTORUM

Dicitur extra Tempus Paschale prima cujusque mensis die, non impedita Festo novem Lect., alioquin alia sequenti die similiter non impedita. In Adventu autem et Quadrag., Feria II. cujuslibet Hebdom. similiter non impedita, præterquam in majori Hebdom. In Choro dicitur post Officium diei, id est, Vesperæ post Vesperas, et Matutinum post Laudes diei, nisi alia sit consuetudo ecclesiarum : extra Chorum vero pro opportunitate temporis.

AD VESPERAS

Absolute incipitur ab

Ant. Placébo Dómino * in regione vivórum.

Psalmus 111.

DILÉXI, quóniam exáudiet Dóminus* vocem oratiónis meæ.

Quia inclinávit áurem suam mihi : * et in diébus meis invocábo.

Circumdedérunt me dolóres mortis : * et pericula inférni invenérunt me.

Tribulatiónem et dolórem invéni : * et nomen Dómini invocávi.

O Dómine libera ánimam meam : * miséricors Dómi-

nus, et justus, et Deus noster miserétur.

Custódiens párvulos Dóminus : * humiliátus sum, et liberávit me.

Convértere ánima mea in réquiem tuam : * quia Dóminus benefécit tibi.

Quia erípuit ánimam meam de morte : * óculos meos a lácrymis, pedes meos a lapsu.

Placébo Dómino * in regione vivórum.

In fine omnium Psalmorum dicitur :

Réquiem ætérnam * dona eis Dómine.

Et lux perpétua* lúceat eis.

Ant. Placébo Dómino in regione vivórum.

Ant. Hei mihi Dómine, * quia incolátus meus prolongátus est.

Psalmus 119.

AD Dóminum cum tribulárer clamávi : * et exaudivit me.

Dómine libera ánimam meam a lábiis iniquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum incola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me gratis.

Réquiem ætérnam.

Ant. ¶ Hei mihi Dómine, quia incolátus meus prolongátus est.

Ant. Dóminus custódit te * ab omni malo: custódiat ánimam tuam Dóminus.

Psalmus 120.

LEVÁVI ÓCULOS MEOS IN MONTES, * unde véniet auxilium mihi.

Auxilium meum a Dómino, * qui fecit cælum et terram.

Non det in commotióem pedem tuum: * neque dormítet qui custódit te.

Ecce non dormitábit, neque dórmiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te: * neque luna per noctem.

Dóminus custódit te ab omni malo: * custódiat ánimam tuam Dóminus.

Dóminus custódiat intróitum tuum, et éxitum tuum: * ex hoc nunc, et usque in sæculum.

Réquiem ætérnam.

Ant. Dóminus custódit te ab omni malo: custódiat ánimam tuam Dóminus.

Ant. Si iniquitátes * observáveris Dómine: Dómine quis sustinébit?

Psalmus 129.

DE PROFÚNDIS CLAMÁVI AD TE DÓMINE: * Dómine exáudi vocem meam.

Fiant áures tuæ intendéntes, * in vocem deprecatiónis meæ.

Si iniquitátes observáveris Dómine: * Dómine quis sustinébit?

Quia apud te propitiatio est: * et propter legem tuam sustinui te Dómine.

Sustínuit ánima mea in verbo ejus: * sperávit ánima mea in Dómino.

A custódia matutína usque ad noctem: * speret Israël in Dómino.

Quia apud Dóminum misericórdia: * et copiósa apud eum redemptio.

Et ipse rédimet Israël, * ex ómnibus iniquitátibus ejus.

Réquiem ætérnam.

Ant. Si iniquitátes observáveris Dómine: Dómine quis sustinébit?

Ant. Opera * mánuum tuárum Dómine ne despiicias.

Psalmus 137.

CONFITÉBOR tibi Dómine in toto corde meo: * quóniam audisti verba oris mei.

In conspéctu Angelórum psallam tibi: * adorábo et templum sanctum tuum, ad confitébor nómini tuo.

Super misericórdia tua, et veritáte tua: * quóniam

magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtutem.

Confiteántur tibi Dómine omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília réspicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendisti manum tuam, et salvum me fecit dextera tua.

Dóminus retribuet pro me : * Dómine misericórdia tua in sáculum : ópera mánuum tuárum ne despicias.

Réquiem ætérnam.

Ant. Opera mánuum tuárum Dómine ne despicias.

V. Audívi vocem de cælo dicéntem mihi. **R.** Beáti mórtui qui in Dómino moriúntur.

Ad Magnif. Ant. Omne * quod dat mihi Pater, ad me véniet : et eum qui venit ad me, non ejíciam foras.

Preces infrascriptæ dicuntur flexis genibus; similiter et ad Laudes.

Pater noster. **secreto.**

V. Et ne nos indúcas in tentatiónem. **R.** Sed libera nos a malo.

Sequens Ps. Láuda ánima mea. in Vesp. similiter et Ps. De profundis. in fine Laudum, non dicuntur in die Commemorationis omnium Fidelium Defunctorum, neque in die obitus seu depositionis Defuncti. Alias semper dicuntur.

Psalmus 145.

LÁUDA ánima mea Dóminus : laudábo Dóminum in vita mea : * psallam Deo meo quámdiu fúero.

Nolite confidere in principibus : * in filiis hóminum, in quibus non est salus.

Exibit spíritus ejus, et revertétur in terram suam : * in illa die peribunt omnes cogitatiónes eórum.

Beátus, cujus Deus Jacob adjútor ejus, spes ejus in Dómino Deo ipsius : * qui fecit cælum et terram, mare, et ómnia, quæ in eis sunt.

Qui custódit veritatem in sáculum, facit iudicium injúriam patiéntibus : * dat escam esuriéntibus.

Dóminus solvit compeditos : * Dóminus illúminat cæcos.

Dóminus érigit elisos : * Dóminus diligit justos.

Dóminus custódit ádvenas, pupillum et viduam suscipiet : * et vias peccatórum dispérdet.

Regnábit Dóminus in sácula : Deus tuus Sion, * in generatióem et generatióem.

In fine Psalmi : Réquiem

ætérnam * dona eis Dómine.

Et lux perpétua * lúceat eis.

Deinde *Ÿ.* A porta inferi.

R. Erue Dómine ánimas eórum.

Ÿ. Requiéscant in pace.

R. Amen.

Ÿ. Dómine exáudi oratió-
nem meam. *R.* Et clamor
meus ad te véniat.

Ÿ. Dóminus vobíscum. *R.*
Et cum spiritu tuo.

Oratio.

DEUS, qui inter apostólicos
sacerdótes, fámulos tuos
pontificáli seu sacerdotáli fe-
cisti dignitáte vigére : præ-
sta quæsumus; ut eórum
quoque perpétuo aggregén-
tur consórtio.

DEUS, véniæ largitor et
humánæ salútis amá-
tor : quæsumus cleméntiam
tuam; ut nostræ congrega-
tiónis fratres, propínquos
et benefactóres, qui ex hoc
sæculo transiérunt, beáta
Maria semper Vírgine inter-
cedente cum ómnibus San-
ctis tuis, ad perpétuæ bea-
titudinis consórtium perve-
nire concédas.

FIDÉLIUM Deus ómnium
Cónditor et Redémptor,
animábus famulórum famu-
larúmque tuárum remissió-
nem cunctórum tribue pec-
catórum : ut indulgéntiam
quam semper optavérunt,
piis supplicatióibus conse-
quántur : Qui vivis et re-
gnas in sæcula sæculórum.
R. Amen.

**In die vero Commemora-
tionis omnium Fidelium De-
functorum, quando dicitur
hæc ultima tantum Oratio,
dicitur :** Qui vivis et regnas
cum Deo Patre in unitáte
Spíritus sancti Deus, per
ómnia sæcula sæculórum.

R. Amen.

**In die depositionis Defuncti.
Oratio.**

ABSÓLVE, quæsumus Dó-
mine, ánimam fámuli tui
N. ut defúnctus sæculo tibi
vivat : et quæ per fragilitá-
tem carnis humana conver-
satióne commisit, tu vénia
misericordissimæ pietátis
abstérge. Per Dóminum.

Si fuerit femina, dicatur
ánimam fámulæ tuæ *N.* ut
defúncta.

In Anniversario die.

Oratio.

DEUS indulgentiárum Dó-
mine : da animábus
famulórum famularúmque
tuárum, quorum anniversá-
rium depositiόνis diem com-
memorámus, refrigerií se-
dem, quiétis beatitudinem,
et lúminis claritátem. Per.

**Si pro uno tantum fit An-
niversarium, dicatur in sin-
gulari numero.**

Pro uno Episcopo defuncto.

Oratio.

DEUS, qui inter apostóli-
cos sacerdótes fámulum
tuum *N.* pontificáli fecisti di-
gnitáte vigére : præsta quæ-
sumus; ut eórum quoque
perpétuo aggregétur consór-
tio. Per Dóminum.

Si fuerit Sacerdos, dicatur sacerdotáli fecisti, etc.

Pro fratribus vero et familiaribus, vel benefactoribus, dicitur Oratio Deus, véniæ largitor. ut supra.

Pro patre et matre.

Oratio.

DEUS, qui nos patrem et matrem honoráre præcepisti : miserére cleménter animábus patris et matris meæ, eorúmque peccáta dimitte ; meque eos in æternæ claritátis gáudio fac vidére. Per Dóminum.

Si sit pro pluribus, dicatur animábus paréntum nostrórum, et ubi dicitur meque, dicatur nosque.

Si pro patre tantum, dicatur ánimæ patris mei, vel nostri.

Si pro matre tantum, dicatur ánimæ matris meæ, vel nostræ.

Pro uno Defuncto.

Oratio.

INCLÍNA Dómine áurem tuam ad preces nostras, quibus misericórdiam tuam supplices deprecámur : ut ánimam fámuli tui, quam de hoc sáculo migráre jussisti, in pacis ac lucis regiône constituas, et sanctórum tuórum júbeas esse consórtem. Per Dóminum.

Pro una Defuncta.

Oratio.

QUÆSUMUS Dómine pro tua pietáte miserére ánimæ fámulæ tuæ : et a contágiis

mortalitátis exútam, in æternæ salvationis partem restitue. Per Dóminum.

℣. Réquiem ætérnam dona eis Dómine. ℞. Et lux perpétua lúceat eis.

℣. Requiescant in pace. ℞. Amen.

AD MATUTINUM

Invit. Regem, cui ómnia vivunt, * Veníte, adorémus.

Repetit. Regem, cui ómnia vivunt, veníte, adorémus.

Ps. Veníte, exsultémus. 2.

Et in fine : Réquiem ætérnam dona eis Dómine : et lux perpétua lúceat eis.

Hoc Invitatorium dicitur tantum in die Commemorationis omnium Fidelium Defunctorum, et in die depositionis Defuncti : quibus diebus dicuntur tres infra-scripti Nocturni, et Ant. duplicantur. Aliis temporibus dicitur tantum unum Nocturnum cum Laudibus, hoc ordine : Feria II. et V., I. Nocturnum : Feria III. et VI., II. Nocturnum : Feria IV. et Sabbato, III. Nocturnum.

IN I. NOCTURNO

PRO FERIA II. ET V.

Ant. Dirige * Dómine Deus meus in conspéctu tuo viam meam.

Psalms 5.

VERBA mea áuribus percipe Dómine, * intéllege clamórem meum.

Inténde voci orationis meæ, * Rex meus et Deus meus.

Quóniam ad te orábo : *

Dómine mane exáudies vocem meam.

Mane adstábo tibi, et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introíbo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóseagébant, * júdica illos Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te Dómine.

Etlæténtur omnes, quisperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Requiem ætérnam.

Ant. Dirige Dómine Deus meus in conspéctu tuo viam meam.

Ant. Convértere * Dómine, et éripe ánimam meam : quóniam non est in morte, qui memor sit tui.

Psalmus 6.

DÓMINE, ne in furóre tuo árguas me, * neque in ira tua corripias me.

Miserére mei Dómine quóniam infirmus sum : * sana me Dómine quóniam conturbáta sunt ossa mea.

Et ánima mea turbáta est valde : * sed tu Dómine úsquequo?

Convértere Dómine, et éripe ánimam meam : * salvum me fac propter misericórdiam tuam,

Quóniam non est in morte qui memor sit tui : * in inférno áutem quis confitébitur tibi?

Laborávi in gémitu meo, lavábo per singulas noctes lectum meum : * lácrymis meis stratum meum rigábo.

Turbátus est a furóre óculus meus : * inveterávi inter omnes inimicos meos.

Discédite a me omnes, qui operámini iniquitátem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimici mei : * convertántur

et erubéscant valde veló-
citer.

Réquiem ætérnam.

Ant. Convértere Dómine,
et éripe ánimam meam :
quóniam non est in morte,
qui memor sit tui.

Ant. Nequándo rápiat *
ut leo ánimam meam, dum
non est qui rédimat, neque
qui salvum fáciat.

Psalmus 7.

DÓMINE Deus meus in te
sperávi : * salvum me
fac ex ómnibus persecuén-
tibus me, et libera me.

Nequándo rápiat ut leo
ánimam meam, * dum non
est qui rédimat, neque qui
salvum fáciat.

Dómine Deus meus, si
feci istud, * si est iniquitas
in mánibus meis :

Si réddidi retribuéntibus
mihi mala, * decídám mérito
ab inimícis meis inánis.

Persequátur inimicus áni-
mam meam, et comprehén-
dat, et concúlcet in terra
vitam meam, * et glóriam
meam in púlverem dedú-
cat.

Exsúrge Dómine in ira
tua : * et exaltáre in finibus
inimicórum meórum.

Et exsúrge Dómine Deus
meus in præcépto quod man-
dásti : * et synagóga popu-
lórum circúmdabit te.

Et propter hanc in altum
regrédere : * Dóminus júdi-
cat pópulos.

Júdica me Dómine se-
cúndum justítiam meam, *

et secúndum innocéntiam
meam super me.

Consumétur nequítia pec-
catórum, et diriges justum, *
scrutans corda et renes
Deus.

Justum adjutórium meum
a Dómino, * qui salvos facit
rectos corde.

Deus iudex justus, fortis,
et pátiens : * numquid irá-
scitur per singulos dies?

Nisi convérsi fuéritis, glá-
dium suum vibrábit : * ar-
cum suum teténdit, et pará-
vit illum.

Et in eo parávit vasa mor-
tis, * sagittas suas ardéntibus
effécit.

Ecce partúriit injustítiam : *
concépit dolórem, et péperit
iniquitátem.

Lacum apérui, et effódit
eum : * et incidit in fóveam,
quam fecit.

Convertétur dolor ejus in
caput ejus : * et in vérticem
ipsíus iniquitas ejus descén-
det.

Confitébor Dómino secún-
dum justítiam ejus : * et psal-
lam nómini Dómini altíssimi.

Réquiem ætérnam.

Ant. Nequándo rápiat ut
leo ánimam meam, dum non
est qui rédimat, neque qui
salvum fáciat.

Y. A porta inferi. **R.** Erue
Dómine ánimas eórum.

Pater noster, **totum se-
creto.**

**Lectiones leguntur sine
Absolutione, Benedictioni-
bus et Titulo.**

Lectio j. Job 7. d

PARCE mihi Dómine : nihil enim sunt dies mei. Quid est homo , quia magnificas eum? aut quid appónis erga eum cor tuum? Vísitas eum dilúculo , et súbito probas illum. Usquequo non parcis mihi , nec dimíttis me , ut glútiam salivam meam? Pec-cávi : quid fáciam tibi o custos hóminum? quare posuísti me contrárium tibi , et factus sum mihimetípsi gravis? Cur non tollis peccátum meum , et quare non áufers iniquitátem meam? ecce nunc in púlvere dórmiam : et si mane me quæsieris , non subsístam.

Lect. terminantur sine Tu autem. vel alia conclusione.

R. Credo quod Redemptor meus vivit , et in novíssimo die de terrasurrectúrus sum :
* Et in carne mea vidébo Deum Salvatórem meum. **V.** Quem visúrus sum ego ipse , et non álius : et óculi mei conspectúri sunt. Et.

Lectio ij. Job 10.

TÆDET ánimam meam vitæ meæ , dimíttam advérsum me elóquium meum , loquar in amaritúdine ánimæ meæ. Dicam Deo : Noli me condemnáre : indica mihi cur me ita júdices. Numquid bonum tibi vidétur , si calumniéris me , et ópprimas me opus mánuum tuárum , et consílium impiórum ádjuves? Numquid óculi cárnei tibi sunt : aut sicut

videt homo , et tu vidébis? Numquid sicut dies hóminis dies tui , et anni tui sicut humana sunt témpora , ut quæras iniquitátem meam , et peccátum meum scrutéris? Et scias quia nihil ímpium fécerim , cum sit nemo qui de manu tua possit erúere.

R. Qui Lázarus resuscitásti a monuménto fœtidum :
* Tu eis Dómine dona réquiem , et locum indulgéntiæ. **V.** Qui ventúrus es judicáre vivos et mórtuos , et sæculum per ignem. Tu eis.

Lectio iij. Job 10. b

MANUS tuæ fecérunt me , et plasmavérunt me totum in circúitu : et sic repénte præcípitas me? Meménto quæso quod sicut lutum féceris me , et in púlverem redúces me. Nonne sicut lac mulsisti me , et sicut cáseum me coagulásti? Pelle et cárnibus vestísti me : óssibus et nervis compegísti me. Vitam et misericórdiam tribuísti mihi , et visitatio tua custodivit spíritum meum.

R. Dómine , quando véneris judicáre terram , ubi me abscondam a vultu iræ tuæ?

* Quia peccávi nimis in vita mea. **V.** Commissa mea pavésco , et ante te erubésco : dum véneris judicáre , noli me condemnáre. Quia. **V.** Réquiem ætérnam dona eis Dómine : et lux perpétua lúceat eis. Quia.

Postea ad Laudes , ut in-

fra. 190*, quando dicitur
unum tantum Nocturnum.

IN II. NOCTURNO

PRO FERIA III. ET VI.

Ant. In loco páscuæ * ibi
me collocávit.

Psalmus 22.

DÓMINUS regit me, et nihil
mihi déerit : * in loco
páscuæ ibi me collocávit.

Super aquam refectiōnis
educávit me : * ánimam me-
am convértit.

Dedúxit me super sémi-
tas justitiæ, * propter nomen
suum.

Nam, et si ambulávero in
medio umbræ mortis, non
timébo mala : * quóniam tu
mecum es.

Virga tua, et báculo tuus : *
ipsa me consoláta sunt.

Parásti in conspéctu meo
mensam, * advérsus eos, qui
tribulant me.

Impinguásti in óleo caput
meum : * et calix meus iné-
brians quam præclárus est !

Et misericórdia tua subse-
quétur me * ómnibus diébus
vitæ meæ :

Et ut inhábitem in domo
Dómini, * in longitúdinem
diérum.

Réquiem ætérnam.

Ant. In loco páscuæ ibi
me collocávit.

Ant. Delicta * juventútis
meæ, et ignorántias meas
ne memineris Dómine.

Psalmus 24.

AD te Dñe levávi ánimam
meam : * Deus meus in
te confido, non erubéscam.

Neque irrideant me ini-
mici mei : * etenim univérsi,
qui sústinent te, non con-
fundéntur.

Confundántur omnes ini-
qua agéntes * supervácue.

Vias tuas Dómine demon-
stra mihi : * et sémitas tuas
édoce me.

Dirige me in veritáte tua,
et doce me : * quia tu es
Deus salvátor meus, et te
sustinui tota die.

Reminiscere miseratió-
num tuárum Dómine, * et
misericordiárum tuárum,
quæ a sáculo sunt.

Delicta juventútis meæ, *
et ignorántias meas ne me-
mineris.

Secúndum misericórdiam
tuam meménto mei tu : *
propter bonitátem tuam Dó-
mine.

Dulcis et rectus Dóminus : *
propter hoc legem dabit de-
linquéntibus in via.

Diriget mansuétos in judi-
cio : * docébit mites vias suas.

Univérsæ viæ Dómini, mi-
sericórdia et véritas, * requi-
réntibus testaméntum ejus
et testimónia ejus.

Propter nomen tuum Dó-
mine propitiáberis peccáto
meo : * multum est enim.

Quis est homo qui timet
Dóminum ? * legem státuít ei
in via, quam elégit.

Anima ejus in bonis de-
morábitur : * et semen ejus
hereditábit terram.

Firmaméntum est Dómi-
nus timéntibus eum : * et

testaméntum ipsíus ut manifestétur illis.

Oculi mei semper ad Dóminum : * quóniam ipse evélet de láqueo pedes meos.

Réspice in me, et miserére mei : * quia únicus et páuper sum ego.

Tribulatiónes cordis mei multiplicátæ sunt : * de necessitatibus meis érue me.

Vide humilitátem meam, et labórem meum : * et dimitte univérsa delicta mea.

Réspice inimicos meos quóniam multiplicáti sunt, * et ódio iníquo odérunt me.

Custódi ánimam meam, et érue me : * non erubéscam, quóniam sperávi in te.

Innocéntes et recti adhæserunt mihi : * quia sustinui te.

Libera Deus Israël * ex omnibus tribulatió nibus suis.

Réquiem ætérnam.

Ant. Delicta juventutis meæ, et ignorántias meas ne memíneris Dómine.

Ant. Credo vidére * bona Dómini in terra vivéntium.

Psalmus 26.

DÓMINUS illuminátio mea et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes, * ut edant carnes meas :

Qui tribulant me inimici mei, * ipsi infirmáti sunt, et cecidérunt.

Si consistent advérsus me castra, * non timébit cor meum.

Si exsúrgat advérsus me prælium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ :

Ut videam voluptátem Dómini, * et visitem templum ejus.

Quóniam abscondit me in tabernáculo suo : * in die malórum protéxit me in abscondito tabernáculi sui.

In petra exaltávit me : * et nunc exaltávit caput meum super inimicos meos.

Circuivi, et immolávi in tabernáculo ejus hóstiam vociferatiónis : * cantábo, et psalmum dicam Dómino.

Exáudi Dómine vocem meam, qua clamávi ad te : * miserére mei, et exáudi me.

Tibi dixit cor meum, exquísivit te fácies mea : * fáciem tuam Dómine requíram.

Ne avértas fáciem tuam a me : * ne declines in ira a servo tuo.

Adjútor meus esto : * ne derelinquas me, neque despicias me Deus salutáris meus.

Quóniam pater meus, et mater mea dereliquerunt me : * Dóminus áutem assúmpsit me.

Legem pone mihi Dómine in via tua : * et dirige me in sémitam rectam propter inimicos meos.

Ne tradideris me in ánimas tribulántium me : * quóniam insurrexérunt in me testes iníqui, et mentita est iniquitas sibi.

Credo vidére bona Dómini * in terra vivéntium.

Exspécta Dóminum, viríliter age : * et confortétur cor tuum, et sústine Dóminum.

Réquiem ætérnam.

Ant. Credo vidére bona Dómini in terra vivéntium.

Ÿ. Cóllocet eos Dóminus cum princípibus. **R.** Cum princípibus pópuli sui.

Pater noster. **totum secreto.**

Lectio iv. Job 13. d

RESPÓNDE mihi : Quantas hábeo iniquitátes et peccáta, scélera mea et delicta osténde mihi. Cur fáciem tuam abscondis, et arbitráris me inimicum tuum? Contra fólium, quod vento rápitur, osténdis poténtiam tuam, et stípulam siccam perséqueris : scribis enim contra me amaritúdines, et consúmere me vis peccátis adolescéntiæ meæ. Posuisti in nervo pedem meum, et observásti omnes sémitas meas, et vestigia pedum meórum considerásti : qui quasi putrédo consuméndus sum, et quasi vestiméntum, quod coméditur a tinea.

R. Meménto mei Deus, quia ventus est vita mea, * Nec adspiciat me visus hóminis. **Ÿ.** De profúndis cla-

mávi ad te Dómine : Dómine exáudi vocem meam. Nec.

Lectio v. Job 14.

HOMO natus de muliere, brevi vivens témpore, replétur multis misériis. Qui quasi flos egréditur et contéritur, et fugit velut umbra, et numquam in eódem statu pérmanet. Et dignum ducis super hujuscémodi aperire óculos tuos, et addúcere eum tecum in iudícium? Quis potest fácere mundum de immúndo concéptum sémine? Nonne tu qui solus es? Breves dies hóminis sunt, númerus ménsium ejus apud te est : constituísti téminos ejus, qui præteriri non póterunt. Recéde páululum ab eo, ut quiéscat, donec optáta véniat, sicut mercenárii, dies ejus.

R. Hei mihi Dómine, quia peccávi nimis in vita mea : Quid fáciam, miser? ubi fúgiam, nisi ad te Deus meus? * Miserére mei, dum véneris in novíssimo die. **Ÿ.** Anima mea turbála est valde, sed tu Dómine succurre ei. Miserére.

Lectio vj. Job 14. c

QUIS mihi hoc tribuat, ut in inférno prótegas me, et abscondas me, donec pertránseat furor tuus, et constituas mihi tempus in quo recordéris mei? Putásne mórtuus homo rursus vivat? Cunctis diébus quibus nunc milito, exspécto donec véniat immutátio mea. Vo-

cábis me, et ego respondébo tibi : óperi mánuum tuárum pórriges dexteram. Tu quidem gressus meos dinumerásti, sed parce peccátis meis.

R. Ne recordéris peccáta mea Dómine, * Dum véneris judicáres sæculum per ignem.

V. Dirige Dómine Deus meus in conspéctu tuo viam meam. Dum. **V.** Réquiem ætérnam. Dum.

Postea ad Laudes ut infra. 190*, quando dicitur unum tantum Nocturnum.

IN III. NOCTURNO

PRO FERIA IV. ET SABBATO

Ant. Compláceat * tibi Dómine, ut eripias me : Dómine ad adjuvándum me respice.

Psalmus 39.

EXSPÉCTANS expectávi Dóminum, * et inténdit mihi.

Et exaudivit preces meas : * et edúxit me de lacu misériæ, et de luto fácis.

Et státuit super petram pedes meos : * et diréxit gressus meos.

Et immisit in os meum canticum novum, * carmen Deo nostro.

Vidébunt multi, et timébunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecisti tu Dómine Deus meus mirabilia tua : * et cogitátionibus tuis non est qui similis sit tibi.

Annuntiávi et locútus sum : * multiplicáti sunt super númerum.

Sacrificium et oblatiónem noluisti : * áures áutem perfecisti mihi.

Holocáustum et pro peccáto non postulásti : * tunc dixi : Ecce vénio.

In cápite libri scriptum est de me ut fácerem voluntátem tuam : * Deus meus vólui, et legem tuam in médio cordis mei.

Annuntiávi justítiam tuam in ecclésia magna, * ecce lábia mea non prohibébo : Dómine tu scisti.

Justítiam tuam non abscondi in corde meo : * veritátem tuam et salutáre tuum dixi.

Non abscondi misericórdiam tuam, et veritátem tuam * a concilio multo.

Tu áutem Dómine ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est númerus : * comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : * et cor meum dereliquit me.

Compláceat tibi Dómine ut éruas me : * Dómine ad adjuvándum me respice.

Confundántur et revereántur simul, qui quærunť ánimam meam, * ut áuferant eam.

Convertántur retrórsum,

et revereántur * qui volunt mihi mala.

Ferant conféstim confusiónem suam, * qui dicunt mihi : Euge, éuge.

Exsúltent, et læténtur super te omnes quæréntes te : * et dicant semper : Magnificétur Dóminus : qui diligunt salutáre tuum.

Ego áutem mendicus sum et páuper : * Dóminus sollicitus est mei.

Adjútor meus, et protéctor meus tu es : * Deus meus ne tardáveris.

Réquiem ætérnam.

Ant. Compláceat tibi Dómine, ut erípias me : Dómine ad adjuvándum me respice.

Ant. Sana Dómine * ánimam meam, quia peccávi tibi.

Psalmus 40.

BEÁTUS qui intéllegit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine miserére mei : * sana ánimam meam, quia peccávi tibi.

Inimíci mei dixerunt mala mihi : * quando moriétur, et peribit nomen ejus?

Et si ingrediebátur ut vi-

déret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idípsum.

Advérsum me susurrábant omnes inimíci mei : * advérsum me cogitábant mala mihi.

Verbum iníquum constituérunt advérsum me : * Numquid qui dormit non adjiciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatióem.

Tu áutem Dómine miserére mei, et resúscita me : * et retribuam eis.

In hoc cognóvi quóniam voluísti me : * quóniam non gaudébit inimícus meus super me.

Me áutem propter innocentiam suscepísti : * et confirmásti me in conspéctu tuo in ætérnum.

Benedictus Dóminus Deus Israël a sáculo, et usque in sáculum : * fiat, fiat.

Réquiem ætérnam.

Ant. Sana Dómine ánimam meam, quia peccávi tibi.

Ant. Sitívit * ánima mea ad Deum vivum : quando véniam, et apparebo ante faciém Dómini?

Psalmus 41

QUÉMÁDMODUM desiderat cervus ad fontes aquarum : * ita desíderat ánima mea ad te Deus.

Sitívit ánima mea ad Deum

fortem vivum : * quando veniam, et apparebo ante faciem Dei?

Fuerunt mihi lacrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordatus sum, et effudi in me animam meam : * quoniam transibo in locum tabernaculi admirabilis, usque ad domum Dei.

In voce exultationis et confessionis : * sonus epulantis.

Quare tristis es anima mea? * et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Ad meipsum anima mea conturbata est : * propterea memor ero tui de terra Jordanis, et Hermóniim a monte módico.

Abýssus abyssum invocat, * in voce cataractarum tuarum.

Omnia excelsa tua, et fluctus tui * super me transierunt.

In die mandavit Dominus misericordiam suam : * et nocte canticum ejus.

Apud me oratio Deo vitæ meæ, * dicam Deo : Susceptor meus es.

Quare oblitus es mei? * et quare contristatus incedo, dum affligit me inimicus?

Dum confringuntur ossa mea, * exprobraverunt mihi qui tribulant me inimici mei.

Dum dicunt mihi per singulos dies : Ubi est Deus tuus? * quare tristis es anima mea, et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Requiem æternam.

Ant. Sitivit anima mea ad Deum vivum : quando veniam, et apparebo ante faciem Domini?

V. Ne tradas bestiis animas confitentes tibi. **R.** Et animas pauperum tuorum ne obliviscaris in finem.

Pater noster. **totum secreto.**

Lectio vij. Job 17.

SPÍRITUS meus attenuabitur, dies mei breviabuntur, et solum mihi superest sepulcrum. Non peccavi, et in amaritudinibus moratur oculus meus. Libera me Domine, et pone me juxta te, et cujúsvis manus pugnet contra me. Dies mei transierunt, cogitationes meæ dissipatæ sunt, torquentes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi lectulum meum. Putredini dixi : Pater meus es, mater mea, et soror mea, vérmibus. Ubi est ergo nunc præstolatio mea, et patientiam meam quis considerat?

R. Peccantem me quoti-

die, et non me pœnitentem, timor mortis contúrbat me:

* Quia in inférno nulla est redémptio, miserére mei Deus, et salva me. *Ÿ.* Deus in nómine tuo salvum me fac, et in virtúte tua libera me. Quia.

Lectio viij. Job 19. c

PELLI meæ, consúptis cárnibus, adhæsit os meum, et derelicta sunt tantúmmodo lábia circa dentes meos. Miserémini mei, miserémini mei, saltem vos amici mei, quia manus Dómini tétigit me. Quare persequimini me sicut Deus, et cárnibus meis saturámini? Quis mihi tribuat ut scribántur sermónes mei? quis mihi det ut exaréntur in libro stylo férreo, et plumbi lámína, vel celte sculpántur in silice? Scio enim quod Redémptor meus vivit, et in novíssimo die de terra surrectúrus sum: et rursum circúmdabor pelle mea, et in carne mea vidébo Deum meum. Quem visúrus sum ego ipse, et óculi mei conspectúri sunt, et non álius: repósita est hæc spes mea in sinu meo.

R. Dómine secúndum actum meum noli me judicáre: nihil dignum in conspéctu tuo egi: ideo déprecor majestátem tuam, * Ut tu Deus deleas iniquitátem meam.

Ÿ. Amplius lava me Dómine ab injustitia mea, et a delicto meo munda me. Ut.

Lectio ix. Job 10. d

QUARE de vulva eduxísti me? qui útinam consúptus essem ne óculus me vidéret. Fuissem quasi non essem, de útero translátus ad túmulum. Numquid non páucitas diérum meórum finiétur brevi? dimitte ergo me, ut plangam páululum dolórem meum: ántequam vadam, et non revértar, ad terram tenebrósam et opértam mortis caligine: terram misériæ et tenebrárum, ubi umbra mortis, et nullus ordo, sed sempitérnus horror inhábitat.

R. Libera me Dómine de viis inférni, qui portas áreas confregisti: et visitásti inférnum, et dedisti eis lumen, ut vidérent te: * Qui erant in pœnis tenebrárum. *Ÿ.* Clámantes et dicentes: Advenisti Redémptor noster. Qui erant. *Ÿ.* Réquiem ætérnam. Qui erant.

Sequens R. dicitur solummodo in die Commemoratio- nis omnium Defunctorum, et quodcumque pro Defunctis dicuntur ix. Lectiones.

R. Libera me Dómine de morte ætérna in die illa treménda: * Quando cæli movéndi sunt et terra: * Dum véneris judicáre sáeculum per ignem. *Ÿ.* Tremens factus sum ego, et timeo, dum discússio vénerit, atque ventúra ira. Quando. *Ÿ.* Dies illa, dies iræ, calamitátis et misériæ, dies magna et amá-

ra valde. Dum. *ŷ.* Réquiem
ætérnam. Libera me. *usque*
ad primum ŷ.

AD LAUDES

Absolute incipitur ab

Ant. Exsultábunt * Dómi-
no ossa humiliáta.

Psalmus 50.

MISERÉRE mei Deus, * se-
cúndum magnam mise-
ricórdiam tuam.

Et secúndum multítudi-
nem miseratiónum tuárum, *
dele iniquitátem meam.

Amplius lava me ab ini-
quitáte mea : * et a peccáto
meo munda me.

Quóniam iniquitátem me-
am ego cognósco : * et pec-
cátum meum contra me est
semper.

Tibi soli peccávi, et ma-
lum coram te feci : * ut ju-
stificéris in sermónibus tuis,
et vincas cum judicáris.

Ecce enim in iniquitatibus
concéptus sum : * et in pec-
cátis concépit me mater mea.

Ecce enim veritátem di-
lexisti : * incérta et occúlta
sapientiæ tuæ manifestásti
mihi.

Aspérget me hyssópo, et
mundábor : * lavábis me, et
super nivem dealbábor.

Auditui meo dabis gáu-
dium et lætitiám : * et exsul-
tábunt ossa humiliáta.

Avérte faciém tuam a pec-
cátis meis : * et omnes ini-
quitates meas dele.

Cor mundum crea in me
Deus : * et spíritum rectum
innova in viscéribus meis.

Ne projicias me a fácie
tua : * et Spíritum sanctum
tuum ne áuferas a me.

Redde mihi lætitiám salu-
táris tui : * et spíritu princi-
páli confirma me.

Docébo iníquos vias tuas : *
et impíi ad te converténtur.

Libera me de sanguinibus
Deus, Deus salútis meæ : *
et exsultábit lingua mea ju-
stitiám tuam.

Dómine, lábia mea apé-
ries : * et os meum annun-
tiábit láudem tuam.

Quóniam si voluisses sa-
crificiúm, dedissem útique : *
holocáustis non delectáberis.

Sacrificiúm Deo spíritus
contribulátus : * cor contri-
tum, et humiliátum Deus
non despícies.

Benigne fac Dómine in
bona voluntáte tua Sion : *
ut ædificéntur muri Jerúsa-
lem.

Tunc acceptábis sacrifi-
cium justitiæ, oblatiões, et
holocáusta : * tunc impónent
super altáre tuum vítulos.

Réquiem ætérnam.

Ant. Exsultábunt Dómino
ossa humiliáta.

Ant. Exáudi Dómine * ora-
tiónem meam : ad te omnis
caro véniet.

Psalmus 61.

TE decet hymnus Deus in
Sion : * et tibi reddétur
votum in Jerúsalem.

Exáudi oratióem meam : *
ad te omnis caro véniet.

Verba iniquórum præva-

luérunt super nos : * et impietátibus nostris tu propitiaberis.

Beátus, quem elegisti, et assumpsisti : * inhabitábit in atriis tuis.

Replebimur in bonis domus tuæ : * sanctum est templum tuum, mirábile in æquitáte.

Exáudi nos Deus salutáris noster, * spes ómnium finium terræ, et in mari longe.

Præparans montes in virtúte tua, accinctus poténtia : * qui contúrbas profúndum maris sonum flúctuum ejus.

Turbabúntur gentes, et timébunt qui hábitant terminos a signis tuis : * éxitus matutini; et vespere deletábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, multiplica genimina ejus : * in stillicidiis ejus lætábitur gérminans.

Benedices coronæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatióne colles accingéntur.

Indúti sunt arietes óvium, et valles abundábunt fruménto : * clamábunt, étenim ymnum dicent.

Réquiem ætérnam.

Ant. Exáudi Dómine orationem meam : ad te omnis caro véniet.

Ant. Me suscepit * dextera tua Dómine.

Psalmus 62.

DEUS Deus meus * ad te de luce vígilo.

Sitívit in te ánima mea, * quam multipliciter tibi caro mea.

In terra déserta, et ínvia, et inaquósa : * sic in sancto apparui tibi, ut vidérem virtutem tuam, et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedicam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutinis meditabor in te : * quia fuisti adjutor meus.

Et in velaménto alárum tuárum exsultábo, adhæsit ánima mea post te : * me suscepit dextera tua.

Ipsi vero in vanum quæsiérunt animam meam, introibunt in inferióra terræ : * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iniqua.

Hic non dicitur Réquiem.

Psalmus 66.

DEUS misereatur nostri, et benedicat nobis : * illuminet vultum suum super nos, et misereatur nostri.

Ut cognoscamus in terra viam tuam : * in omnibus gentibus salutare tuum.

Confiteantur tibi populi Deus : * confiteantur tibi populi omnes.

Lætentur et exsultent gentes : * quoniam iudicas populos in æquitate, et gentes in terra dirigis.

Confiteantur tibi populi Deus, confiteantur tibi populi omnes : * terra dedit fructum suum.

Benedicat nos Deus, Deus noster, benedicat nos Deus : * et metuant eum omnes fines terræ.

Réquiem æternam.

Ant. Me suscepit dextera tua Domine.

Ant. A porta inferi * erue Domine animam meam.

Canticum Ezechiae.

Isaiae 38. b

Ego dixi : In dimidio dierum meorum * vadam ad portas inferi.

Quæsiui residuum annorum meorum. * Dixi : Non videbo Dominum Deum in terra viventium.

Non adspiciam hominem ultra, et habitatorem quietis.

Generatio mea ablata est, et convoluta est a me, * quasi tabernaculum pastorum :

Præcisata est velut a texente, vita mea : dum adhuc

ordirer, succidit me : * de mane usque ad vesperam finies me.

Sperabam usque ad mane, * quasi leo sic contrivit omnia ossa mea :

De mane usque ad vesperam finies me : * sicut pullus hirundinis sic clamabo, meditabor ut columba :

Attenuati sunt oculi mei. * suspicientes in excelsum :

Domine vim patior, responde pro me. * Quid dicam, aut quid respondabit mihi, cum ipse fecerit?

Recogitabo tibi omnes annos meos * in amaritudine animæ meæ.

Domine si sic vivitur, et in talibus vita spiritus mei, corripies me, et vivificabis me. * Ecce in pace amaritudo mea amarissima :

Tu autem eruisti animam meam ut non periret : * projecisti post tergum tuum omnia peccata mea.

Quia non infernus confitebitur tibi, neque mors laudabit te : * non expectabunt qui descendunt in lacum, veritatem tuam.

Vivens vivens ipse confitebitur tibi, sicut et ego hodie : * pater filiis notam faciet veritatem tuam.

Domine salvum me fac, * et psalmos nostros cantabimus cunctis diebus vitæ nostræ in domo Domini.

Réquiem æternam.

Ant. A porta inferi erue Domine animam meam.

Ant. Omnis spíritus * láudet Dóminum.

Psalmus 148.

LAUDÁTE Dóminum de cælis : * laudáte eum in excélsis.

Laudáte eum omnes Angeli ejus : * laudáte eum omnes virtútes ejus.

Laudáte eum sol et luna : * laudáte eum omnes stellæ, et lumen.

Laudáte eum cæli cælórum : * et aquæ omnes, quæ super cælos sunt, láudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sæculum sæculi : * præceptum pósuit, et non præteríbit.

Laudáte Dóminum de terra, * dracónes, et omnes abyssi.

Ignis, grando, nix, glácies, spíritus procellárum : * quæ faciunt verbum ejus :

Montes, et omnes colles : * ligna fructífera, et omnes cedri.

Béstiæ, et univérsa pécora : * serpéntes, et vólucres pennátæ :

Reges terræ, et omnes pópuli : * príncipes, et omnes júdices terræ.

Júvenes, et vírgines : senes cum junióribus láudent nomen Dómini : * quia exaltátum est nomen ejus solius.

Conféssio ejus super cæ-

lum, et terram : * et exaltávit cornu pópuli sui.

Hymnus ómnibus sanctis ejus : * filiis Israël, pópulo appropinquánti sibi.

Hic non dicitur Réquiem.

Psalmus 149.

CANTÁTE Dómino cánticum novum : * laus ejus in ecclésia sanctórum.

Lætétur Israël in eo, qui fecit eum : * et filii Sion exsúltent in rege suo.

Láudent nomen ejus in choro : * in týmpano, et psalterio psallant ei :

Quia beneplácitum est Dómino in pópulo suo : * et exaltábit mansuétos in salutem.

Exsultábunt sancti in glória : * lætabúntur in cubilibus suis.

Exaltatiónes Dei in gútture eórum : * et gládii ancípites in mánibus eórum :

Ad faciéndam vindíctam in natióibus : * increpatiónes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fácient in eis judícium conscriptum : * glória hæc est ómnibus sanctis ejus.

Hic non dicitur Réquiem.

Psalmus 150.

LAUDÁTE Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secún-

dum multitudinem magnitudinis ejus.

Laudáte eum in sono tubæ : * laudáte eum in psalterio, et cithara.

Laudáte eum in tympano, et choro : * laudáte eum in chordis, et órgano.

Laudáte eum in cymbalis benesonantibus : laudáte eum in cymbalis jubilationis : * omnis spiritus laudet Dóminum.

Requiem ætérnam.

Ant. Omnis spiritus laudet Dóminum.

Ÿ. Audívi vocem de cælo dicentem mihi. **R.** Beáti mórtui qui in Dómino moriúntur.

Ad Bened. Ant. Ego sum * resurrectio et vita : qui credit in me, étiam si mórtuus fúerit, vivet : et omnis qui vivit et credit in me, non moriétur in ætérnum.

Deinde dicuntur flexis genibus

Pater noster. **secreto.**

Ÿ. Et ne nos indúcas in tentatiónem. **R.** Sed libera nos a malo.

Psalmus 129.

DE profúndis clamávi ad te Dómine : * Dómine exáudi vocem meam :

Fiant áures tuæ intendentes, * in vocem deprecationis meæ.

Si iniquitátes observáveris Dómine : * Dómine quis sustinébit?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutina usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex ómnibus iniquitatibus ejus.

Requiem ætérnam.

Deinde Ÿ. A porta inferi.

R. Erue Dómine ánimas eórum.

Ÿ. Requiéscant in pace.

R. Amen.

Ÿ. Dómine exáudi orationem meam. **R.** Et clamor meus ad te véniat.

Ÿ. Dóminus vobiscum. **R.** Et cum spiritu tuo.

Oratio.

DEUS, qui inter apostólicos sacerdotes, fámulos tuos pontificáli seu sacerdotali fecisti dignitate vigére : præsta, quæsumus ; ut eórum quoque perpétuo aggregentur consórtio.

DEUS, véniæ largitor et humanæ salutis amátor : quæsumus cleméntiam tuam ; ut nostræ congregatiónis fratres, propínquos et benefactóres, qui ex hoc sæculo transiérunt, beáta María semper Virgine intercedente cum ómnibus Sanctis tuis, ad perpétuæ beatitudinis consórtium pervenire concédas.

FIDÉLIUM Deus ómnium cónditor et redemptor,

animabus famulorum famularumque tuarum remissionem cunctorum tribue peccatorum : ut indulgentiam quam semper optaverunt, piis supplicationibus consequantur : Qui vivis et regnas in saecula saeculorum.

R. Amen.

In die vero Commemorationis omnium Fidelium Defunct. quando dicitur haec ult. tant. Oratio dic. : Qui vivis et regnas cum Deo Patre in unitate Spiritus sancti Deus, per omnia saecula saeculorum.

R. Amen.

In die depositionis Defuncti.

Oratio.

ABSOLVE, quaesumus Domine, animam famuli tui **N.**, ut defunctus saeculo tibi vivat : et quae per fragilitatem carnis humana conversatione commisit, tu venia misericordissimae pietatis absterge. Per Dominum nostrum.

Si fuerit femina, dicitur animam famulae tuae N., ut defuncta.

In Anniversario die.

Oratio.

DEUS indulgentiarum Domine : da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, et luminis claritatem. Per Dominum.

Si pro uno tantum fit An-

niversarium, dicitur in singulari numero.

Pro uno Episcopo defuncto.

Oratio.

DEUS, qui inter apostolicos sacerdotes famulum tuum **N.** pontificali fecisti dignitate vigere : praesta, quaesumus; ut eorum quoque perpetuo aggregetur consortio. Per Dominum.

Si fuerit Sacerdos, dicatur sacerdotali fecisti, etc.

Pro fratribus vero et familiaribus, vel benefactoribus, dicitur Orat. Deus, veniae largitor. **ut supra.**

Pro patre et matre.

Oratio.

DEUS, qui nos patrem et matrem honorare praecipisti : miserere clementer animabus patris et matris meae, eorumque peccata dimitte; meque eos in aeternae claritatis gaudio fac videre. Per Dominum.

Si fit pro pluribus, dicitur animabus parentum nostrorum. et ubi dicitur meque, dicatur nosque.

Si pro patre tantum, dicatur animae patris mei. vel nostri.

Si pro matre tantum, dicatur animae matris meae. vel nostrae.

Pro uno Defuncto.

Oratio.

INCLINA Domine aurem tuam ad preces nostras, quibus misericordiam tuam supplices deprecamur : ut animam famuli tui, quam de

hoc sæculo migrare jussisti,
in pacis ac lucis regione
constituas, et Sanctorum
tuorum iubeas esse consor-
tem. Per Dominum.

Pro una Defuncta.

Oratio.

QUÆSUMUS Domine, pro
tua pietate miserere ani-

mæ famulæ tuæ : et a con-
tigiis mortalitatis exutam,
in æternæ saluationis par-
tem restitue. Per Dñum.

Ÿ. Requiem æternam dona
eis Domine. R. Et lux per-
pétua luceat eis.

Ÿ. Requiescant in pace.
R. Amen.

PSALMI GRADUALES

Dicuntur in Quadrages.,
Feria IV. cujuslibet Hebdo-
madæ, non impedita aliquo
Festo ix. Lectionum : in
Choro ante Matutinum diei;
extra Chorum pro opportu-
nitate temporis.

Primi quinque Psalmi di-
cuntur sine Glória Patri. Sed
in fine ultimi dicitur Ré-
quiem æternam.

Incipiuntur absolute sine
Ant.

Psalmi Ad Dominum cum
tribulärer. 131. Levavi. 132.
Lætatus sum. 133. Ad te le-
vavi. et Nisi quia. 134.

Requiem æternam * dona
eis Domine.

Et lux perpétua * luceat
eis.

Deinde dicitur flexis ge-
nibus

Pater noster. secreto.

Ÿ. Et ne nos inducas in
tentationem. R. Sed libera
nos a malo.

Ÿ. A porta inferi. R. Erue
Domine ánimas eorum.

Ÿ. Requiescant in pace.
R. Amen.

Ÿ. Domine exaudi oratio-
nem meam. R. Et clamor
meus ad te veniat.

Ÿ. Dominus vobiscum. R.
Et cum spiritu tuo.

Orémus. Oratio.

ABSOLVE, quæsumus Dó-
mine, ánimas famulorum
familiarumque tuarum, et
ómnium fidelium defuncto-
rum, ab omni vinculo deli-
ctorum : ut in resurrectionis
glória inter sanctos et elé-
ctos tuos resuscitati respi-
rent. Per Christum Dómi-
num nostrum. R. Amen.

Post Orationem statim di-
cuntur alii Psalmi Gradua-
les qui sequuntur : et in fine
cujuslibet Psalmi dicitur
Glória Patri.

Psalmi Qui confidunt. 134.
In convertendo. 135. Nisi
Dominus. *ibid.* Beati omnes.
et Sæpe expugnaverunt. 136.

Postea dicitur flexis ge-
nibus

Kýrie eléison. Christe eléi-
son. Kýrie eléison.

Pater noster. secreto.

Ÿ. Et ne nos inducas in

tentationem. *R.* Sed libera nos a malo.

V. Meménto congregatiónis tuæ. *R.* Quam possedisti ab initio.

V. Dómine exáudi orationem meam. *R.* Et clamor meus ad te véniat.

V. Dóminus vobiscum. *R.* Et cum spiritu tuo.

Orémus. *Oratio.*

DEUS, cui proprium est miseréri semper et parcere : súscipe deprecationem nostram; ut nos, et omnes fámulos tuos, quos delictórum caténa constringit, miserátio tuæ pietátis cleménter absólvat. Per Christum Dóminum nostrum. *R.* Amen.

Post Orat. statim dicuntur alii Psalmi Graduales qui sequuntur; et in fine cuiuslibet Psalmi dicitur Glória Patri.

Psalmi De profúndis. 136. Dómine non est exaltá-

tum. 137. Meménto. *ibid.* Ecce quam bonum. 138, et Ecce nunc benedicite. 152.

Deinde dicitur flexis genibus

Kýrie eléison. Christe eléison. Kýrie eléison.

Pater noster. *secreto.*

V. Et ne nos indúcas in tentationem. *R.* Sed libera nos a malo.

V. Salvos fac servos tuos.

R. Deus meus sperántes in te.

V. Dómine exáudi orationem meam. *R.* Et clamor meus ad te véniat.

V. Dóminus vobiscum. *R.* Et cum spiritu tuo.

Orémus. *Oratio.*

PRÆTÉNDE Dómine fámulis et famulábus tuis dexteram cæléstis auxilii : ut te toto corde perquírant, et quæ digne póstulant, cónsequi mereántur. Per Christum Dóminum nostrum. *R.* Amen.

SEPTEM PSALMI POENITENTIALES

CUM LITANIIS

Dicuntur flexis genibus in omnibus sextis Feriis Quadrag., quando Officium fit de Feria.

Litaniæ autem, omissis septem Psalmis, dicuntur in Litaniiis majoribus in Festo sancti Marci, et in tribus diebus Rogationum.

Dicuntur autem in Quadrag. in Choro post Matuti-

num et Laudes diei, dicto Benedicámus Dómino. Extra Chorum pro opportunitate temporis.

Ant. Ne reminiscáris.

Ps. 6. Dómine, ne in furóre. 4. Ps. 31. Beáti quorum. 52. Ps. 37. Dómine ne in furóre tuo. 57. Ps. 50. Miserére mei Deus. 59. Ps. 101. Dómine exáudi. 113.

Ps. 129. De profundis. 136.

Ps. 142. Dómine exáudi oratióem meam. 108.

Ant. Ne reminiscáris Dómine delicta nostra, vel párentum nostrórum : neque vindíctam sumas de peccátis nostris.

LITANIÆ

KYRIE eléison.

Christe eléison.

Kýrie eléison.

Christe áudi nos.

Christe exáudi nos.

Pater de cælis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

Sancta Trinitas unus Deus, miserere nobis.

Sancta María, ora pro nobis.

Sancta Dei Génitrix, ora.

Sancta Virgo virginum, ora.

Sancte Michaël, ora.

Sancte Gábríel, ora.

Sancte Ráphaël, ora.

Omnes sancti Angeli et Archángeli, oráte pro nobis.

Omnes sancti beatórum spirítuum órdenes, oráte.

Sancte Joánnes Baptista, ora pro nobis.

Sancte Joseph, ora pro nobis.

Omnes sancti Patriárchæ et Prophétæ, oráte.

Sancte Petre, ora.

Sancte Páule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora pro nobis.

Sancte Jacóbe, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathía, ora.

Sancte Bárnaba, ora.

Sancte Luca, ora.

Sancte Marce, ora.

Omnes sancti Apóstoli et Evangelistæ, oráte pro nobis.

Omnes sancti Discípuli Dómini, oráte pro nobis.

Omnes sancti Innocéntes, oráte pro nobis.

Sancte Stéphane, ora.

Sancte Laurénti, ora.

Sancte Vincénti, ora.

Sancti Fabiáne et Sebastíane, oráte pro nobis.

Sancti Joánnes et Páule, oráte pro nobis.

Sancti Cosma et Damiáne, oráte pro nobis.

Sancti Gervási et Protási, oráte pro nobis.

Omnes sancti Mártires, oráte pro nobis.

Sancte Silvéster, ora.

Sancte Gregóri, ora.

Sancte Ambrósi, ora.

Sancte Augustíne, ora.

Sancte Hierónyme, ora.

Sancte Martíne, ora.

Sancte Nicolæ, ora.

Omnes sancti Pontífices et Confessóres, oráte pro nobis.

Omnes sancti Doctóres, oráte pro nobis.

Sancte Antóni, ora pro nobis.

Sancte Benedicte, ora.

Sancte Bernárde, ora.

Sancte Domínice, ora.

Sancte Francisce, ora.

Omnes sancti Sacerdótes et

Levitæ, oráte pro nobis.

Omnes sancti Mónachi et

Eremítæ, oráte.

Sancta Mariá Magdaléna, ora.

Sancta Agatha, ora.

Sancta Lúcia, ora.

Sancta Agnes, ora.

Sancta Cæcilia, ora.

Sancta Catharina, ora.

Sancta Anastásia, ora.

Omnes sanctæ Virgines et

Viduæ, oráte.

Omnes Sancti et Sanctæ

Dei, intercédite pro nobis.

Propítius esto, parce nobis

Dómine.

Propítius esto, exáudi nos

Dómine.

Ab omni malo, libera nos

Dómine.

Ab omni peccáto, libera.

Ab ira tua, libera.

A subitánea et improvisa

morte, libera.

Ab insidiis diaboli, libera.

Ab ira, et ódio, et omni ma-

la voluntáte, libera.

A spiritu fornicatiónis, libe-

ra nos Dómine.

A fúlgnore et tempestáte, li-

bera nos Dómine.

A flagéllo terræmótus, libe-

ra nos Dómine.

A peste, fame et bello, libera.

A morte perpétua, libera.

Per mystérium sanctæ Incar-

natiónis tuæ, libera.

Per advéntum tuum, libera
nos Dómine.

Pernativitatem tuam, libera.

Per baptismum et sanctum

jejúnium tuum, libera.

Per crucem et passióem

tuam, libera.

Per mortem et sepultúram

tuam, libera.

Per sanctam resurrectionem

tuam, libera.

Per admirabilem ascensió-

nem tuam, libera.

Per advéntum Spiritus sancti

Parácliti, libera.

In die judicii, libera.

Peccatóres, te rogámus áudi

nos.

Ut nobis parcas, te rogámus

áudi nos.

Ut nobis indúlgeas, te rogá-

mus áudi nos.

Ut ad veram pœniténtiam

nos perdúcere dignéris,

te rogámus áudi nos.

Ut Ecclesiám tuam sanctam

régere et conserváre di-

gnéris, te rogámus áudi

nos.

Ut domnum Apostólicum et

omnes ecclesiásticos órdi-

nes in sancta religióne

conserváre dignéris, te

rogámus áudi nos.

Ut inimicos sanctæ Ecclesiæ

humiliáre dignéris, te ro-

gámus áudi nos.

Ut régibus et principibus

christiánis pacem et ve-

ram concórdiam donáre

dignéris, te rogámus.

Ut cuncto pópulo christiáno

pacem et unitátem largiri

dignéris, te rogámus.

Ut nosmetipsos in tuo sancto
servitio confortare et con-
servare digneris, te roga-
mus audi nos.

Ut mentes nostras ad cælé-
stia desideria erigas, te
rogamus audi nos.

Ut omnibus benefactoribus
nostris sempiterna bona
retribuas, te rogamus au-
di nos.

Ut animas nostras, fratrum,
propinquorum et benefa-
ctorum nostrorum ab æ-
terna damnatione eripias,
te rogamus audi nos.

Ut fructus terræ dare et
conservare digneris, te
rogamus audi nos.

Ut omnibus fidelibus defun-
ctis requiem æternam do-
nare digneris, te rogamus
audi nos.

Ut nos exaudire digneris, te
rogamus audi nos.

Fili Dei, te rogamus audi
nos.

Agnus Dei, qui tollis pec-
cata mundi, parce nobis
Dómine.

Agnus Dei, qui tollis pec-
cata mundi, exaudi nos
Dómine.

Agnus Dei, qui tollis pec-
cata mundi, miserere no-
bis.

Christe audi nos.

Christe exaudi nos.

Kýrie eléison. Christe eléi-
son. Kýrie eléison.

Pater noster. *secreto.*

✠. Et ne nos inducas in
tentationem. *R.* Sed libera
nos a malo.

Psalmus 69.

DEUS in adiutorium meum
intende : * Dómine ad
adjuvandum me festina.

Confundantur, et reve-
reantur, * qui quærunt ani-
mam meam :

Avertantur retrorsum, et
erubescant, * qui volunt
mihi mala :

Avertantur statim erube-
scéntes, * qui dicunt mihi :
Euge, euge.

Exsultent et læténtur in te
omnes qui quærunt te, * et
dicant semper : Magnificétur
Dóminus : qui diligunt
salutare tuum.

Ego vero egenus, et páu-
per sum : * Deus adjuva me.

Adjutor meus, et liberator
meus es tu : * Dómine ne
moréris.

Glória Patri. Sicut erat.

✠. Salvos fac servos tuos.

R. Deus meus sperantes in
te.

✠. Esto nobis Dómine tur-
ris fortitudinis. *R.* A facie
inimici.

✠. Nihil proficiat inimicus
in nobis. *R.* Et filius iniqui-
tátis non apponat nocere
nobis.

✠. Dómine non secundum
peccata nostra facias nobis.

R. Neque secundum iniqui-
tates nostras retribuas nobis.

✠. Orémus pro Pontifice
nostro *N. R.* Dóminus con-
servet eum, et vivificet eum,
et beatum faciat eum in ter-
ra, et non tradat eum in ani-
mam inimicorum ejus.

V. Orémus pro benefactoribus nostris. **R.** Retribuere dignare Domine omnibus nobis bona facientibus propter nomen tuum vitam æternam. Amen.

V. Orémus pro fidelibus defunctis. **R.** Requiem æternam dona eis Domine : et lux perpétua luceat eis.

V. Requiéscant in pace. **R.** Amen.

V. Pro fratribus nostris absentibus. **R.** Salvos fac servos tuos Deus meus, sperantes in te.

V. Mitte eis Domine auxilium de sancto. **R.** Et de Sion tuere eos.

V. Domine exaudi orationem meam. **R.** Et clamor meus ad te veniat.

V. Dominus vobiscum. **R.** Et cum spiritu tuo.

Orémus. *Oratio.*

DEUS, cui proprium est misereri semper et parcere : suscipe deprecationem nostram ; ut nos, et omnes famulos tuos, quos delictorum catena constringit, miseratio tuæ pietatis clementer absolvat.

EXAUDI, quæsumus Domine, supplicium preces, et confitentium tibi parce peccatis : ut pariter nobis indulgentiam tribuas benignus et pacem.

INEFFABILEM nobis Domine misericordiam tuam clementer ostende : ut simul nos et a peccatis omnibus

exuas, et a pœnis, quas pro his meremur, eripias.

DEUS, qui culpa offenderis. pœnitentia placaris : preces populi tui supplicantis propitius respice ; et flagella tuæ iracundiæ, quæ pro peccatis nostris meremur, averte.

OMNIPOTENS sempiternus Deus, miserere famulo tuo Pontifici nostro **N.**, et dirige eum secundum tuam clementiam in viam salutis æternæ : ut, te donante, tibi placita cupiat, et tota virtute perficiat.

DEUS, a quo sancta desideria, recta consilia, et justa sunt opera : da servis tuis illam, quam mundus dare non potest, pacem ; ut et corda nostra mandatis tuis dedita, et hostium sublata formidine, tempora sint tua protectione tranquilla.

TRE igne sancti Spiritus renes nostros et cor nostrum Domine : ut tibi casto corpore serviâmus, et mundo corde placeâmus.

FIDELIUM Deus omnium Conditor et Redemptor, animabus famulorum famularumque tuarum remissionem cunctorum tribue peccatorum : ut indulgentiam, quam semper optaverunt, piis supplicationibus consequantur.

ACTIONES nostras, quæsumus Domine, adspirando præveni, et adjuvando proséquere : ut cuncta no-

stra oratio et operatio a te semper incipiat, et per te cœpta finiatur.

OMNÍPOTENS sempitérne Deus, qui vivórum domináris simul et mortuórum, omniúmque miseréris quos tuos fide et ópere futuros esse prænóscis : te supplices exorámus ; ut pro quibus effúndere preces decrevimus, quosque vel præsens sæculum adhuc in carne rétinet, vel futurum jam exú-

tos corpore suscepit, intercedéntibus ómnibus Sanctis tuis, pietátis tuæ cleméntia ómnium delictórum suórum véniam consequántur. Per Dóminum.

Ÿ. Dóminus vobiscum. **R.**

Et cum spiritu tuo.

Ÿ. Exáudiat nos omnipotens et miséricors Dóminus.

R. Amen.

Ÿ. Et fidélium ánimæ per misericórdiam Dei requiescant in pace. **R.** Amen.

ORDO COMMENDATIONIS ANIMÆ

Primum dicuntur Litanie breves in hunc modum.

KYRIE eléison.

Christe eléison.

Kýrie eléison.

Sancta Maria, ora pro eo.

Omnes sancti Angeli et Archángeli, oráte pro eo.

Sancte Abel, ora.

Omnis chorus Justórum, ora.

Sancte Abraham, ora.

Sancte Joánnes Baptista, ora.

Sancte Joseph, ora.

Omnes sancti Patriárchæ et Prophætæ, oráte pro eo.

Sancte Petre, ora pro eo.

Sancte Páule, ora.

Sancte Andréa, ora.

Sancte Joánnes, ora.

Omnes sancti Apóstoli et Evangelistæ, oráte pro eo.

Omnes sancti Discípuli Dómini, oráte pro eo.

Omnes sancti Innocéntes, oráte pro eo.

Sancte Stéphane, ora.

Sancte Lauréti, ora pro eo.
Omnes sancti Mártires, oráte pro eo.

Sancte Silvéster, ora.

Sancte Gregóri, ora.

Sancte Augustine, ora.

Omnes sancti Pontifices et Confessóres, oráte pro eo.

Sancte Benedicte, ora.

Sancte Francisce, ora.

Sancte Camille, ora.

Sancte Joánnes de Deo, ora pro eo.

Omnes sancti Mónachi et Eremitæ, oráte pro eo.

Sancta María Magdaléna, ora.

Sancta Lúcia, ora.

Omnes sanctæ Virgines et Viduæ, oráte pro eo.

Omnes Sancti et Sanctæ Dei, intercédite pro eo.

Propítius esto, parce ei Dómine.

Propítius esto, libera eum Dómine.

Propítius esto, libera.

Ab ira tua, libera nos Dómine.

A periculo mortis, libera.

A mala morte, libera.

A pœnis inférni, libera.

Ab omni malo, libera.

A potestáte diaboli, libera.

Per nativitátem tuam, libera eum Dómine.

Per crucem et passióem tuam, libera eum Dómine.

Per mortem et sepultúram tuam, libera.

Per gloriósam resurrectiόνem tuam, libera.

Per admirábilem ascensióem tuam, libera.

Per grátiam Spíritus sancti Parácliti, libera.

In die iudicii, libera.

Peccatóres, te rogámus áudi nos.

Ut ei parcas, te rogámus.

Kýrie eléison.

Christe eléison.

Kýrie eléison.

Deinde, cum in agone sui exitus anima anxietur, dicuntur sequentes Orationes.

Oratio.

PROFICÍSCERE ánima christiána de hoc mundo, in nómine Dei Patris omnipoténtis, qui te creávit : in nómine Jesu Christi Filii Dei vivi, qui pro te passus est : in nómine Spíritus sancti, qui in te effúsus est : in nómine Angelórum et Archan-gelórum : in nómine Thronórum et Dominationum : in nómine Principátuum et Potestátum : in nómine Chérubim et Séraphim : in nómine

Patriarchárum et Prophetárum : in nómine sanctórum Apostolórum et Evangelistárum : in nómine sanctórum Mártyrum et Confessórum : in nómine sanctórum Monachórum et Eremitárum : in nómine sanctárum Virgínum, et ómnium Sanctórum et Sanctárum Dei : hódie sit in pace locus tuus, et habitatio tua in sancta Sion. Per eúndem Christum Dóminum nostrum. **℟.** Amen.

Oratio.

DEUS miséricors, Deus clemens, Deus, qui secúndum multitudinem miserationum tuárum peccáta pœniténtium deles, et præteritórum criminum culpas vénia remissionis evácuas : respice propitius super hunc fámulum tuum **N.**, et remissionem ómnium peccatórum suórum tota cordis confessione poscéntem deprecátus exáudi. Rénova in eo, piissime Pater, quidquid terréna fragilitáte corrúptum, vel quidquid diabólica fraude violátum est : et unitáti corporis Ecclésiæ membrum redemptionis annécte. Miserére Dómine gemituum, miserére lacrymárum ejus : et non habéntem fidúciam, nisi in tua misericórdia, ad tuæ sacraméntum reconciliatiónis admítte. Per Christum Dóminum nostrum.

℟. Amen.

COMMÉNDÓ te omnipoténti Deo, carissime frater, et

ei cujus es creatúra committo : ut, cum humanitátis débitum morte interveniente persólveris, ad auctórem tuum, qui te de limo terræ formáverat, revertáris. Egre-diénti itaque ánimæ tuæ de corpore spléndidus Angelórum cœtus occúrrat : iudex Apostolórum tibi senátus advéniat : candidatórum tibi Mártyrum triumphátor exercitus óbviét : liliáta rutilántium te Confessórum turma circúmdet : jubilántium te Virgínium chorus excipiat : et beátæ quiétis in sinu Patriarchárum te compléxus adstringat : mitis atque festí-vus Christi Jesu tibi adspéctus appáreat, qui te inter assisténtes sibi júgiter inter-esse decérnat. Ignóres omne quod horret in ténebris, quod stridet in flammis, quod crúciat in torméntis. Cedat tibi tetérrimus sátnas cum satellítibus suis : in advéntu tuo te comitántibus Angelis contremiscat, at-que in æternæ noctis chaos immáne diffúgiat. Exsúrgat Deus, et dissipéntur inimici ejus : et fúgiant, qui odérunt eum, a fácie ejus. Sicut déficit fumus, deficiant : sicut fluit cera a fácie ignis, sic péreant peccatóres a fácie Dei : et justí epulén-tur, et exsúltent in conspéctu Dei. Confundántur igitur et erubéscant omnes tartá-reæ legiões, et minístri sá-tanæ iter tuum impedire non

áudeant. Liberet te a cru-ciátu Christus, qui pro te crucifixus est. Liberet te ab æterná morte Christus, qui pro te mori dignátus est. Constituat te Christus Filius Dei vivi intra paradisi sui semper amœna viréntia, et inter oves suas te verus ille Pastor agnóscat. Ille ab óm-nibus peccátis tuis te absólvat. atque ad dexteram suam in electórum suórum te sorte constitúat. Redemptórem tuum fácie ad fáciem videas, et præsens semper assistens, manifestíssimam beátis ócu-lis adspicias veritátem. Con-stitútus igitur inter ágmina Beatórum, contemplatiónis divínæ dulcédine potiáris in sæcula sæculórum.

℟. Amen.

Oratio.

SÚSCIPE Dómine servum tuum in locum sperándæ sibi salvatiónis a misericór-dia tua. ℟. Amen.

Libera Dómine ánimam servi tui ex ómnibus perículis inférni, et de láqueis pœnarum, et ex ómnibus tribulatióibus. ℟. Amen.

Libera Dómine ánimam servi tui, sicut liberásti Henoch et Eliam de commúni morte mundi. ℟. Amen.

Libera Dómine ánimam servi tui, sicut liberásti Noë de dilúvio. ℟. Amen.

Libera Dómine ánimam servi tui, sicut liberásti Abra-ham de Ur Chaldæórum. ℟. Amen.

Libera Dómine ánimam servi tui, sicut liberásti Job de passiónibus suis. *R.* Amen.

Libera Dómine ánimam servi tui, sicut liberásti Isaac de hóstia et de manu patris sui Abrahæ. *R.* Amen.

Libera Dómine ánimam servi tui, sicut liberásti Lot de Sódomis, et de flamma ignis. *R.* Amen.

Libera Dómine ánimam servi tui, sicut liberásti Móysen de manu Pharaónis regis Ægyptiórum. *R.* Amen.

Libera Dómine ánimam servi tui, sicut liberásti Daniélem de lacu leónum. *R.* Amen.

Libera Dómine ánimam servi tui, sicut liberásti tres púeros de camino ignis ardéntis, et de manu regis iníqui. *R.* Amen.

Libera Dómine ánimam servi tui, sicut liberásti Susánnam de falso crimine. *R.* Amen.

Libera Dómine ánimam servi tui, sicut liberásti David de manu regis Saul, et de manu Golíæ. *R.* Amen.

Libera Dómine ánimam servi tui, sicut liberásti Petrum et Páulum de cárceribus. *R.* Amen.

Et sicut beatíssimam Theclam Virginem et Mártirem tuam de tribus atrocissimis torméntis liberásti, sic liberáre dignéris ánimam hujus servi tui, et tecum fácias in bonis congaudére cælestibus. *R.* Amen.

Oratio.

COMMENDÁMUS tibi Dómine ánimam fámuli tui *N.* precamúrque te Dómine Jesu Christe Salvátor mundi : ut propter quam ad terram misericórditer descendisti, Patriarchárum tuórum sinibus insinuáre non rénuas. Agnósce Dómine creatúram tuam, non a diis aliénis creatam, sed a te solo Deo vivo et vero : quia non est álius Deus præter te, et non est secúndum ópera tua. Lætifica Dómine ánimam ejus in conspéctu tuo, et ne memineris iniquitátum ejus antiquárum, et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Filium, et Spíritum sanctum non negávit, sed crédidit, et zelum Dei in se hábuit, et Deum, qui fecit ómnia, fidéliter adorávit.

Oratio.

DELÍCTA juventútis, et ignorantias ejus, quæsumus, ne memíneris Dómine : sed secúndum magnam misericórdiam tuam memor esto illius in glória claritátis tuæ. Aperiantur ei cæli, collaténtur illi Angeli. In regnum tuum Dómine servum tuum súscipe. Suscípiat eum sanctus Michaél Archángelus Dei, qui militiæ cælestis méruit principátum. Véniant illi óbviám sancti Angeli Dei, et perdúcant eum in civitátem cælestem Jerúsalem. Susci-

piat eum beátus Petrus Apóstolus, cui a Deo claves regni cæléstis tráditæ sunt. Adjuvet eum sanctus Páulus Apóstolus, qui dignus fuit esse vas electiónis. Intercédant pro eo sanctus Joánnes, eléctus Dei Apóstolus, cui reveláta sunt secréta cæléstia. Orent pro eo omnes sancti Apóstoli, quibus a Dómino data est potéstas ligándi atque solvéndi. Intercédant pro eo omnes Sancti et Elécti Dei, qui pro Christi nómine torménta in hoc sæculo sustinuérunt: ut vinculis carnis exútus, pervenire mereátur ad glóriam regni cæléstis, præstánte Dómino nostro Jesu Christo: Qui cum Patre et Spíritu sancto vivit et regnat in sæcula sæculórum. *R.* Amen.

Si anxiatur adhuc anima, dicuntur hi Psalmi, videlicet Confitémini. 23, et totus Ps. Beáti immaculáti. per Horas distributus. 24.

Egressa autem anima, dicitur hoc

R. Subveníte Sancti Dei, occúrrite Angeli Dómini: *Suscipiéntes ánimam ejus: *Offeréntes eam in conspéctu Altissimi. *V.* Suscípiat te Christus, qui vocávit te, et

in sinum Abrahæ Angeli dedúcant te. *V.* Suscipiéntes ánimam ejus, *Offeréntes eam in conspéctu Altissimi. *V.* Réquiem ætérnam dona ei Dómine, et lux perpétua lúceat ei. *Offeréntes.

Deinde Kýrie eléison. Christe eléison. Kýrie eléison.

Postea Pater noster. *secreto.*

V. Et ne nos indúcas in tentatiónem. *R.* Sed libera nos a malo.

V. Réquiem ætérnam dona ei Dómine. *R.* Et lux perpétua lúceat ei.

V. A porta inferi. *R.* Erue Dómine ánimam ejus.

V. Requiéscat in pace. *R.* Amen.

V. Dómine exáudi oratió-nem meam. *R.* Et clamor meus ad te véniat.

V. Dóminus vobíscum. *R.* Et cum spíritu tuo.

Orémus. *Oratio.*

TIBI Dómine commendá-mus ánimam fámuli tui N., ut defúctus sæculo tibi vivat: et quæ per fragilitátem humánæ conversatiónis peccáta commísit, tu vénia misericordissimæ pietátis abstérge. Per Christum Dóminum nostrum.

R. Amen.



FORMULA

AD IMPETIENDAM INDULGENTIAM PLENARIAM

IN ARTICULO MORTIS

Juxtà formam à BENEDICTO Papa XIV. traditam.

Ÿ. Adjutórium nostrum † in nómine Dómini. **R̃.** Qui fecit cælum et terram.

Ant. Ne reminiscáris Dóminé delicta fámuli tui (**vel** ancillæ tuæ), neque vindictam sumas de peccátis ejus.

Kýrie eléison. Christe eléison. Kýrie eléison.

Pater noster. secreto.

Ÿ. Et ne nos indúcas in tentatióem. **R̃.** Sed libera nos a malo.

Ÿ. Salvum fac servum tuum (**vel** ancillam tuam). **R̃.** Deus meus sperántem in te.

Ÿ. Dómine exáudi oratióem meam. **R̃.** Et clamor meus ad te véniat.

Ÿ. Dóminus vobíscum. **R̃.** Et cum spíritu tuo.

Orémus.

CLEMENTÍSSIME Deus, Pater misericordiárum, et Deus totius consolatióis, qui néminem vis períre in te credéntem atque sperántem; secúndum multitudínem miserationum tuárum réspice propítius fámulum tuum **N.** quem (**vel** fámulam tuam **N.** quam) tibi vera fides et spes christiána comméndant. Visita eum (**vel** eam) in salutári tuo, et per Unigéniti tui passióem et mortem,

ómnium ei delictórum suórum remissionem et véniam cleménter indúlge, ut ejus ánima in hora éxitus sui te júdicem propitiátum invéniat, et in ságuine ejúsdem Filii tui ab omni mácula ablúta, transire ad vitam mereátur perpétuam. Per eúmdem Christum Dóminum nostrum. **R̃.** Amen.

Tunc dicto ab uno e Clericis adstantibus Confíteor. **Sacerdos dicat** Misereátur. **ac deinde :**

DÓMINUS noster Jesus Christus Filius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam recipiat confessiόem tuam, et restituat tibi stolam primam, quam in baptísmate recepisti : et ego, facultáte mihi ab apostólica sede tribúta, indulgéntiam plenáriam et remissionem ómnium peccatórum tibi concédo. In nómine Patris †, et Filii, et Spíritus sancti. **R̃.** Amen.

Per sacrosáncta humanæ reparatióis mystéria, remittat tibi omnipotens Deus omnes præsentis et futúre vitæ pœnas, paradisi portas

aperiat, et ad gáudia sem-
pitérna perdúcat.

℟. Amen.

Benedicat te omnipotens
Deus Pater †, et Filius, et
Spiritus sanctus. ℟. Amen.

Si vero infirmus sit adeo
morti proximus, ut neque
confessionis generalis fa-
ciendæ, neque præmissarum
precum recitandarum sup-

petat tempus, statim Sacer-
dos benedictionem ei im-
pertiat, dicendo: Dóminus
noster, etc., ut supra.

Et si mors proxime urgeat,
dicat :

Indulgéntiam plenáriam et
remissionem ómnium pec-
catórum tibi concédo, in
nómine Patris †, et Filii, et
Spiritus sancti. Amen.

BENEDICTIO MENSÆ

ANTE PRANDIUM

Sacerdos benedicturus
mensam, incipit Benedicite,
et alii repetunt Benedicite.

Deinde dicit : ŷ. Oculi
ómnium, et alii prosequun-
tur : In te sperant Dómine,
et tu das escam illórum in
tépore opportúno. Aperis
tu manum tuam, et imples
omne ánimál benedictióne.

Glória Patri. Sicut erat.

Kýrie eléison. Christe eléi-
son. Kýrie eléison.

Pater noster. secreto.

ŷ. Et ne nos indúcas in
tentatióne. ℟. Sed libera
nos a malo.

Postea Sacerdos dicit :

Orémus.

BÉNIC Dómine nos, et
hæc tua dona, quæ de
tua largitáte sumus sumptú-
ri. Per Christum Dóminum
nostrum.

℟. Amen.

Deinde Lector : Jube do-
mne benedicere.

Bened. Mensæ cæléstis par-

ticipes fáciat nos Rex ætérnæ
glóriæ. ℟. Amen.

POST PRANDIUM

Aguntur gratiæ hoc mo-
do : dicto a Lectore Tu áu-
tem Dómine miserére nobis.
℟. Deo grátias, omnes sur-
gunt.

Sacerdos incipit : ŷ. Con-
fiteántur tibi Dómine ómnia
ópera tua. ℟. Et sancti tui
benedicant tibi.

Glória Patri. Sicut erat.

Postea Sacerdos absolute
dicat :

AGIMUS tibi grátias omni-
potens Deus, pro univér-
sis beneficiis tuis : Qui vivis
et regnas in sæcula sæculó-
rum. ℟. Amen.

Deinde alternatim dicitur
Psalmus Miserére mei Deus.
59.

Vel Psalmus 116.

LAUDÁTE Dóminum omnes
gentes : * Laudáte eum
omnes pópuli :

Quóniam confirmáta est
super nos misericórdia ejus,*

et veritas Dómini manet in ætérnum.

Glória Patri. Sicut erat.

Kýrie eléison. Christe eléison. Kýrie eléison.

Sacerdos dicit Pater noster. **secreto.**

Ÿ. Et ne nos indúcas in tentatiónem. **R.** Sed libera nos a malo.

Ÿ. Dispérsit, dedit paupéribus. **R.** Justitia ejus manet in sæculum sæculi.

Ÿ. Benedicam Dóminum in omni témpore. **R.** Semper laus ejus in ore meo.

Ÿ. In Dómino laudábitur ánima mea. **R.** Audiant mansuéti, et læténtur.

Ÿ. Magnificáte Dóminum mecum. **R.** Et exaltémus nomen ejus in idípsum.

Ÿ. Sit nomen Dómini benedictum. **R.** Ex hoc nunc et usque in sæculum.

Deinde sine Orémus.

RETRIBŪERE dignáre Dómine ómnibus nobis bona faciéntibus propter nomen tuum vitam ætérnam.

R. Amen.

Ÿ. Benedicámus Dómino.

R. Deo grátias.

Ÿ. Fidélium ánimæ per misericórdiam Dei requiéscant in pace. **R.** Amen.

Pater noster. **secreto.**

Quo finito, dicit Sacerdos:

Ÿ. Deus det nobis suam pacem. **R.** Amen.

ANTE CŒNAM

Sacerdos benedicturus mensam incipit Benedicite, et alii repetunt Benedicite.

Deinde Sacerdos incipit Ÿ., et alii prosequuntur :

EDENT páuperes, et saturabúntur, et laudábunt Dóminum, qui requirunt eum : vivent corda eórum in sæculum sæculi.

Glória Patri. Sicut erat.

Kýrie eléison. Christe eléison. Kýrie eléison.

Pater noster. **secreto.**

Ÿ. Et ne nos indúcas.

Orémus. Bénedic Dómine. **ut supra in prandio.**

Ÿ. Jube domne benedícere.

Bened. Ad cœnam vitæ ætérnæ perdúcat nos Rex ætérnæ glóriæ. **R.** Amen.

IN FINE CŒNÆ

Dicitur Ÿ. Memóriam fecit mirabílium suórum miséricors et miserátor Dóminus. **R.** Escam dedit timéntibus se.

Glória Patri. Sicut erat.

Sacerdos dicat :

BENEDÍCTUS Deus in donis suis, et sanctus in ómnibus opéribus suis : Qui vivit et regnat in sæcula sæculórum. **R.** Amen.

Deinde alternatim dicitur Ps. Laudáte... omnes gentes. et reliqua, ut supra. 208*.

Quando semel comeditur, omnia dicuntur ut in cœna.

Prædictus modus benedícendi mensam, et agendi gratias, servatur omni tempore hujus Partis Hiemalis, præterquam diebus infra-scriptis, quibus ŸŸ. et Pss. tantum variantur.

IN NATIVITATE DOMINI
Usque ad Coenam Vigilæ
Epiphaniæ exclusive.

Ÿ. Verbum caro factum
est, allelúia. **R.** Et habitávit
in nobis, allelúia.

Glória Patri.

In fine dicitur :

Ÿ. Notum fecit Dóminus,
allelúia. **R.** Salutáre suum,
allelúia.

Alia ut supra.

Ps. Cantáte Dómino...quia.
111, **vel** Laudáte Dóminum
omnes gentes. 208*.

Qui Psalmus semper ad

beneplacitum dici potest
etiam in aliis Solemnitati-
bus.

IN EPIPHANIA

Et per totam Octavam.

Ÿ. Reges Tharsis et insulæ
múnera ófferent, allelúia. **R.**
Reges Arabum et Saba dona
addúcent, allelúia.

Glória Patri.

In fine dicitur :

Ÿ. Omnes de Saba vénient,
allelúia. **R.** Aurum et thus
deferéntes, allelúia.

Glória Patri.

Ps. Deus iudicium. 87.

ITINERARIUM

Clericus in ipso itineris in-
gressu, si solus fuerit, dicat
quæ sequuntur in singulari;
si cum sociis, in plurali.

Ant. In viam pacis.

Canticum Benedictus Dó-
minus Deus Israël. 22.

In fine Glória Patri.

Ant. In viam pacis et pro-
speritátis dirigat nos omni-
potens et miséricors Dómi-
nus : et Angelus Ráphaél
comitétur nobiscum in via,
ut cum pace, salute, et gáu-
dio revertámur ad própria.

Kýrie eléison. Christe eléi-
son. Kýrie eléison.

Pater noster. **secreto.**

Ÿ. Et ne nos indúcas in
tentatióem. **R.** Sed libera
nos a malo.

Ÿ. Salvos fac servos tuos.
R. Deus meus sperántes in
te.

Ÿ. Mitte nobis Dómine au-
xilium de sancto. **R.** Et de
Sion tuére nos.

Ÿ. Esto nobis Dómine tur-
ris fortitudinis. **R.** A fácie
inimici.

Ÿ. Nihil proficiat inimicus
in nobis. **R.** Et filius iniqui-
tátis non appónat nocére no-
bis.

Ÿ. Benedictus Dóminus
die quotidie. **R.** Prósperum
iter fáciat nobis Deus salu-
tárium nostrórum.

Ÿ. Vias tuas Dómine de-
mónstra nobis. **R.** Et sémi-
tas tuas édoce nos.

Ÿ. Utinam dirigántur viæ
nostræ. **R.** Ad custodiéndas
justificatióes tuas.

Ÿ. Erunt prava in dirécta.
R. Et áspera in vias plan-
nas.

Ÿ. Angelis suis Deus man-

dávit de te. *R.* Ut custódiant te in ómnibus viis tuis.

V. Dómine exáudi oratió-nem meam. *R.* Et clamor meus ad te véniat.

V. Dóminus vobíscum. *R.* Et cum spíritu tuo.

Orémus. *Oratio.*

DEUS, qui filios Israél per maris médium sicco vestigio ire fecisti, quique tribus Magis iter ad te stella duce pandisti: tribue nobis quæsumus iter prósperum tempúsque tranquillum: ut, Angelo tuo sancto cómite, ad eum quo pèrgimus locum, ac demum ad æternæ salútis portum pervenire feliciter valeámus.

DEUS, qui Abraham puerum tuum de Ur Chaldæorum eductum per omnes suæ peregrinationis vias illæsum custodisti: quæsumus, ut nos fámulos tuos custodire dignéris: esto nobis Dómine in procinctu suffrágium, in via solátium, in æstu umbráculum, in plú-

via et frigore teguméntum, in lassitúdine vehículum, in adversitáte præsidium, in lúbrico báculo, in naufrágio portus; ut, te duce, quo téndimus, prósperè perveniámus, et demum incólumes ad própria redeámus.

ADÉSTO, quæsumus Dómine, supplicatió-nibus nostris: et viam famulórum tuórum in salútis tuæ prosperitáte dispóne; ut inter omnes viæ et vitæ hujus varietátes tuo semper protegámur auxilio.

PRÆSTA, quæsumus omnipotens Deus: ut familia tua per viam salútis incédât; et beáti Joánnis Præcursóris hortaménta sectándo, ad eum quem prædixit, secúra perveniat, Dóminum nostrum Jesum Christum Filium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

V. Procedámus in pace. *R.* In nómine Dómini. Amen.

PRÆPARATIO AD MISSAM

PRO OPPORTUNITATE SACERDOTIS FACIENDA

ANTIPIHONA

NE reminiscáris Dómine delicta nostra, vel párentum nostrórum; neque vindictam sumas de peccátis nostris.

Quæ Ant. in Festis duplicibus tantum duplicatur.

Deinde dicuntur sequentes

Psalmi Quam dilécta. 101. Benedixisti Dómine. *ibid.* Inclina Dómine. 102. Crédidi propter. 131. De profúndis. 136.

Postea repetitur Ant. Ne reminiscáris.

Deinde Sacerdos dicit :

Kýrie eléison. Christe eléison. Kýrie eléison.

Pater noster.

Ÿ. Et ne nos indúcas in tentatiónem. **R.** Sed libera nos a malo.

Ÿ. Ego dixi : Dómine miserere mei. **R.** Sana ánimam meam, quia peccávi tibi.

Ÿ. Convértere Dómine ali-quántulum. **R.** Et deprecáre super servos tuos.

Ÿ. Fiat misericórdia tua Dómine super nos. **R.** Quem-ádmódum sperávimus in te.

Ÿ. Sacerdótes tui induántur justitiam. **R.** Et sancti tui exsúltent.

Ÿ. Ab occúltis meis munda me Dómine. **R.** Et ab aliénis parce servo tuo.

Ÿ. Dómine exáudi oratió-nem meam. **R.** Et clamor meus ad te véniat.

Ÿ. Dóminus vobíscum. **R.** Et cum spíritu tuo.

Orémus.

AURES tuæ pietátis, mitis-sime Deus, inclína prè-cibus nostris, et grátia sancti Spíritus illúmina cor no-strum : ut tuis mystériis digne ministráre, teque ætérna car-itate diligere mereámur.

DEUS, cui omne cor patet, et omnis volúntas lóquitur, et quem nullum latet secrétum : purifica per infu-siónem sancti Spíritus cogi-tatiónes cordis nostri ; ut te perfècte diligere, et digne laudáre mereámur.

URE igne sancti Spíritus renes nostros et cor no-strum Dómine : ut tibi casto corpore serviámus, et mundo corde placeámus.

MENTES nostras, quæsu-mus Dómine, Paráclitus qui a te procédit, illúminet : et indúcat in omnem, sicut tuus promísit Filius, veri-tátem.

ADSIT nobis, quæsumus Dómine, virtus Spíritus sancti ; quæ et corda nostra cleménter expúrget, et ab ómnibus tueátur advérsis.

DEUS, qui corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consola-tióne gaudere.

CONSCIÉNTIAS nostras, quæ-sumus Dómine, visitándo purifica : ut véniens Dómi-nus noster Jesus Christus Filius tuus parátam sibi in nobis invéniat mansiónem : Qui tecum vivit et regnat in unitáte Spíritus sancti Deus, per ómnia sæcula sæculó-rum. Amen.

ORATIONES

Pro opportunitate Sacerdo-tis ante Celebrationem et Communionem dicendæ.

Oratio S. Ambrosii Episcopi.

DIE DOMINICA

SUMME Sacerdos, et vere Póntifex Jesu Christe, qui te obtulísti Deo Patri, hóstiam puram et immacu-látam, in ara crucis, pro

nobis miseris et peccatoribus, et qui dedisti nobis Carnem tuam ad manducandum, et Sanguinem tuum ad bibendum, et posuisti mysterium istud in virtute Spiritus sancti tui, dicens : Hæc quotiescúmque feceritis, in mei memoriam facietis : rogo per eúndem Sanguinem tuum, magnum salutis nostræ pretium : rogo per hanc miram et ineffabilem caritatem, qua nos miseros et indignos sic amare dignatus es, ut lavares nos a peccatis nostris in sanguine tuo : doce me servum tuum indignum, quem inter cætera dona tua étiam ad officium sacerdotale vocare dignatus es, nullis meis méritis, sed sola dignatione misericordiæ tuæ : doce me, quæso, per Spiritum sanctum tuum, tantum tractare mysterium ea reverentia et honore, ea devotione et timore, quibus opórtet et decet. Fac me per gratiam tuam semper illud de tanto mysterio credere et intelligere, sentire et firmiter tenere, dicere et cogitare quod tibi placet, et expedit animæ meæ. Intret spiritus tuus bonus in cor meum, qui sonet ibi sine sono, et sine strépitu verborum loquátur omnem veritatem. Profúnda quippe sunt nimis, et sacro tecta velamine. Propter magnam clementiam tuam concède mihi Missarum solémnia mundo

corde et pura mente celebrare. Libera cor meum ab immúndis et nefándis, vanis et nóxiis cogitationibus. Muní me beatorum Angelorum pia et fida custódia, ac tutelá fortissima, ut hostes ómnium bonorum confúsi discédant. Per virtutem tanti mysterii, et per manum sancti Angeli tui, repelle a me, et a cunctis servis tuis, durissimum spiritum superbix et cœnodoxix, invidix et blasphemix, fornicationis et immunditix, dubietatis et diffidentix. Confundántur qui nos persequúntur : péreant illi qui nos pèrdere festinant.

FERIA SECUNDA

REX virginum, et amátor castitátis et integritátis, cælesti rore benedictionis tuæ exstingue in corpore meo fómitem ardéntis libidinis : ut máneat in me tenor castitátis corporis et animæ. Mortifica in membris meis carnis stímulos, omnésque libidinósas commotiões; et da mihi veram et perpétuam castitatem cum cæteris donis tuis, quæ tibi placent in veritate : ut sacrificium laudis casto corpore et mundo corde váleam tibi offerre. Quanta enim cordis contritione, et lacrymarum fonte, quanta reverentia, et tremóre, quanta corporis castitate et animæ puritate istud divinum et cæleste sacrificium est celebrándum, ubi Caro tua in veritate sú-

mitur, ubi Sanguis tuus in veritate bibitur, ubi ima summis, terræna divinis junguntur, ubi adest sanctorum Angelorum præsentia, ubi tu es sacrificium et Sacerdos mirabiliter et ineffabiliter constitutus!

FERIA TERTIA

QUIS digne hoc celebrare poterit, nisi tu Deus omnipotens offerentem feceris dignum? Scio Domine, et vere scio, et idipsum pietati tuæ confiteor, quia non sum dignus accedere ad tantum mysterium, propter nimia peccata mea et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo Deus meus, ut concedas mihi peccatori hoc Sacrificium celebrare cum timore et tremore, cum cordis puritate et lacrymarum fonte, cum lætitia spiritali et cælesti gaudio. Sentiat mens mea dulcedinem beatissimæ præsentiae tuæ, et excubias sanctorum Angelorum tuorum in circuitu meo.

FERIA QUARTA

EGO enim Domine memor venerandæ Passionis tuæ accedo ad altare tuum, licet peccator, ut offeram tibi

sacrificium quod tu instituísti, et offerri præcepisti in commemorationem tui, pro salute nostra. Súscipe illud, quæso summe Deus, pro Ecclesia sancta tua, et pro populo, quem acquisivisti Sanguine tuo. Et quoniam me peccatorem inter te et eundem populum tuum médium esse voluisti, licet in me aliquod boni operis testimonium non agnoscas, officium saltem dispensationis creditæ non recuses: nec per me indignum eorum salutis péreat prætium, pro quibus víctima salutáris dignátus es esse, et redemptio. Prófero étiam Domine (si digneris propitius intuéri) tribulationes plébiúm, pericula populórum, captivórum gémitus, misérias orphanórum, necessitates peregrinórum, inópiam débiliúm, desperatiónes languéntium, deféctus senum, suspíria júvenum, vota vírginum, láménta viduárum.

FERIA QUINTA

TU enim misereris ómnium Domine, et nihil odisti eorum quæ fecisti. Memoráre quæ sit nostra substántia: quia tu Pater noster es, quia tu Deus noster es, ne irascáris satis, neque multitudinem víscerum tuórum super nos contíneas. Non enim in justificatió nibus nostris prostérnimus preces ante faciém tuam, sed in miseratió nibus tuis multis. Aufer a nobis ini-

quitates nostras, et ignem sancti Spiritus in nobis clementer accende. Aufer cor lapideum de carne nostra; et da nobis cor carneum, quod te amet, te diligat, te delectetur, te sequatur, te perfruatur. Oramus Domine clementiam tuam, ut sereno vultu familiam tuam, sacri tui nominis officia praestantem, adspicere digneris: et ut nullius sit irritum votum, nullius vacua postulatio, tu nobis preces suggere, quas ipse propitius audire et exaudire delecteris.

FERIA SEXTA

ROGAMUS etiam te Domine sancte Pater, et pro spiritalibus fidelium defunctorum: ut sit illis salus, sanitas, gaudium et refrigerium, hoc magnum pietatis sacramentum. Domine Deus meus, sit illis hodie magnum et plenum convivium de te pane vivo, qui de caelo descendisti, et das vitam mundo, de tua carne sancta et benedicta, Agni videlicet immaculati, qui tollit peccata mundi, quae de sancto et glorioso beatae Virginis Mariae utero est assumpta, et de Spiritu sancto concepta: ac de illo pietatis fonte, qui per lanceam militis ex tuo sacratissimo latere emanavit, ut exinde refecti et satiati, refrigerati et consolati, exsultent in laude et gloria tua. Peto clementiam tuam Domine, ut descendat

super panem tibi sacrificandum plenitudo tuae benedictionis, et sanctificatio tuae divinitatis. Descendat etiam Domine illa sancti Spiritus tui invisibilis incomprehensibilisque majestas, sicut quondam in Patrum hostias descendebat, qui et oblationes nostras Corpus et Sanguinem tuum efficiat, et me indignum sacerdotem doceat tantum tractare mysterium cum cordis puritate et lacrymarum devotione, cum reverentia et tremore, ita ut placide ac benigne suscipias sacrificium de manibus meis ad salutem omnium, tam vivorum quam defunctorum.

SABBATO

ROGO etiam te Domine per ipsum sacrosanctum mysterium Corporis et Sanguinis tui, quo quotidie in Ecclesia tua pasчимur et potamur, abluimur et sanctificamur, atque unius summae Divinitatis participes effici-mur: da mihi virtutes tuas sanctas, quibus repleretur, bona conscientia ad altare tuum accedam, ita ut haec caelestia sacramenta efficiantur mihi salus et vita. Tu enim dixisti ore tuo sancto et benedicto: Panis quem ego dabo, caro mea est pro mundi vita. Ego sum panis vivus, qui de caelo descendi. Si quis manducaverit ex hoc pane, vivet in aeternum. Panis dulcissime, sana palatum cordis mei, ut sentiam

suavitatem amoris tui. Sana illud ab omni languore, ut nullam præter te sentiam dulcedinem. Panis candidissime, habens omne delectamentum et omnem saporem, qui nos semper reficis, et numquam in te deficis: comedat te cor meum, et dulcedine saporis tui repleantur viscera animæ meæ. Manducat te Angelus ore pleno; manducet te peregrinus homo pro modulo suo, ne deficere possit in via, tali recreatus viatico. Panis sancte, panis vive, panis munde, qui descendisti de cælo, et das vitam mundo, veni in cor meum, et munda me ab omni inquinamento carnis et spiritus. Intra in animam meam, sana et munda me intèrius et extèrius. Esto tutamen et continua salus animæ et corporis mei. Repelle a me insidiantes mihi hostes: recedant procul a præsentia potèntiæ tuæ, ut foris et intus per te munitus, recto tràmite ad tuum regnum perveniam: ubi non in mystèriis, sicut in hoc tempore àgitur, sed fácie ad fáciem te vidèbimus, cum tradideris regnum Deo et Patri, et eris Deus ómnia in ómnibus. Tunc enim me de te satiabis satietate mirífica, ita ut nec esuriam, nec sitiam in ætèrnum: Qui cum eódem Deo Patre et Spiritu sancto vivis et regnas per ómnia sæcula sæculórum. Amen.

Alia Oratio S. Ambrosii
ante Missam.

Indulg. 100 dierum. Leo PP. XIII.
29 Dec. 1884.

Ad mensam dulcissimi convivii tui, pie Dómine Jesu Christe, ego peccátor de propriis meis méritis nihil præsumens, sed de tua confidens misericórdia et bonitate, accédere véreor, et contremisco. Nam cor et corpus hábeo multis criminibus maculátum, mentem, et linguam non cáute custoditam. Ergo, o pia Déitas, o tremènda Majéstas, ego miser inter angústias deprehénsus, ad te fontem misericórdiæ recúrro, ad te festino sanándus, sub tuam protectionem fúgio: et quem Júdicem sustinére néqueo, Salvatórem habére suspiro. Tibi Dómine plagas meas ostèndo: tibi verecúndiam meam détego. Scio peccáta mea multa et magna, pro quibus timeo. Spero in misericórdias tuas, quarum non est número. Réspice ergo in me óculis misericórdiæ tuæ, Dómine Jesu Christe, Rex ætérne, Deus et homo, crucifíxus propter hóminem. Exáudi me sperántem in te: miserere mei pleni misèriis et peccátis, tu qui fontem miseratiónis numquam manáre cessábis. Salve salutáris victima, pro me et omni humano génere in patibulo crucis obláta. Salve nóbilis et pretióse Sanguis, de vul-

néribus crucifixi Dómini mei Jesu Christi prófluens, et peccáta totius mundi ábluens. Recordáre, Dómine, creatúræ tuæ, quam tuo Sáanguine redemísti. Pœnitet me peccásse, cúpio emendáre quod feci. Aufer ergo a me, clementissime Pater, omnes iniquitátes et peccáta mea: ut purificátus mente et córpore digne degustáre mérear Sancta Sanctorum: et concéde, ut hæc sancta prælibátio Cóporis et Sáanguinis tui, quam ego indignus súmeré inténdó, sit peccatorum meórum remissio, sit delictórum perfécta purgátio, sit túrpius cogitátionum effugátio, ac bonórum sénsuum regenerátio, operúmque tibi placéntium salúbris effíccia, ánimæ quoque et cóporis contra inimicórum meórum insídias firmíssima tuitio. Amen.

Oratio S. Thomæ de Aquino.

Indulg. 100 dierum.

Leo PP. XIII. 26 Dec. 1884.

OMNÍPOTENS sempitérne Deus, ecce accédo ad sacraméntum unigéniti Filii tui Dómini nostri Jesu Christi: accédo tamquam infirmus ad médicum vitæ, inmúndus ad fontem misericórdiæ, cæcus ad lumen claritátis æternæ, páuper et egénus ad Dóminum cæli et terræ. Rogo ergo imménsæ largitátis tuæ abundántiam, quátenuis meam curáre di-

gnéris infirmitátem, laváre fœditátem, illumináre cæcítátem, ditáre paupertátem, vestire nuditátem: ut panem Angelórum, Regem regum, et Dóminum dominántium, tanta suscipiam reveréntia et humilitáte, tanta contritióné et devotióné, tanta puritáte et fide, tali propósito et intentióné, sicut expédit salúti ánimæ meæ. Da mihi, quæso, Dominici Cóporis et Sáanguinis non solum suscipere sacraméntum, sed étiam rem et virtútem sacraménti. O mitissime Deus, da mihi Corpus unigéniti Filii tui Dómini nostri Jesu Christi, quod traxit de Virgine María, sic suscipere, ut cópori suo mýstico mérear incorporári, et inter ejus membra connumerári. O amantissime Pater, concéde mihi diléctum Filium tuum, quem nunc velátum in via suscipere propóno, reveláta tandem fácie perpétuo contemplári: Qui tecum vivit et regnat in unitáte Spiritus sancti Deus, per ómnia sæcula sæculórum. Amen.

Oratio.

Gregorius XIII., Pontifex Maximus, concessit cuilibet dicenti quæ sequuntur, 50 dierum Indulgentiam.

EGO volo celebráre Missam, et conficere Corpus et Sáanguinem Dómini nostri Jesu Christi, juxta ritum sanctæ Románæ Ecclesiæ, ad

laudem omnipotentis Dei, totiusque cûriæ triumphantis, ad utilitatem meam, totiusque cûriæ militantis, et patientis, pro omnibus, qui se commendaverunt orationibus meis in genere et in specie, et pro felici statu sanctæ Romænæ Ecclesiæ. Amen.

GAUDIUM cum pace emendationem vitæ, spatium veræ pœnitentiæ, grâtiâ et consolationem sancti Spiritus, perseverantiam in bonis opëribus, tribuat nobis omnipotens et misëricors Dôminus. Amen.

Quia Sacerdos, aut tacita mentis cogitatione, aut submissa vocis expressione debet recitare singillatim nomina pro quibus in illa celebratione vult singulariter orare (ut insinuatur per illas litteras N. N. in Canone contentas), et ne hujusmodi determinatarum personarum nominatio, ob multitudinem, aut incertum ordinem, ingerat Sacerdoti celebranti confusionem, non inutile erit sequentem servare ordinem ex 20. quæst. Quodlibet, Doctoris Subtil. et ex aliorum gravissimorum Doctorum scriptis excerptum.

Memêto Dômine, si tibi placet,

VIVORUM

1 **M**EI, parëntum, cognatorum, fratrum, sororum, et amicorum meorum omnium.

2 Coetus Cardinâlium, atque Prælatorum, et Sacerdotum, ac sanctæ Ecclesiæ ministrorum.

3 Omnium meæ curæ subjectorum, tamquam spirituâlium filiorum, et omnium fundatorum, patronorum, et benefactorum spirituâlium et temporalium.

4 Omnium Principum christianorum, Dominatorum, et Rerum publicarum temporalium.

5 Omnium peccantium, inimicorumque meorum, atque conversionis omnium hæreticorum et infidelium.

6 Et omnium pro quibus scis et vis me debere orare.

MORTUORUM

1 **A**NIMARUM parëntum, fratrum, sororum, cognatorum, atque amicorum omnium.

2. Animarum omnium benefactorum, tam spirituâlium quam corporâlium.

3 Animarum omnium mihi in genere et in specie commissarum.

4 Animarum Prælatorum, Sacerdotum, et omnium ministrorum sanctæ Romænæ Ecclesiæ Dei et Apostolicæ.

5 Animarum morte improvisa corpõribus exutarum, atque earum quarum non est speciâlis memõria.

6 Animarum quæ mei occa-

sióne in purgatório purgántur : eárum quoque misérime in purgatório existéntium.

7 Et eárum ómnium pro quibus scis et vis me debere oráre.

**Oratio ad B. V. M.
ante Missam.**

Indulg. 100 dierum. Leo PP. XIII.
17 Febr. 1883.

O MATER pietátis et misericórdiæ, beatissima Virgo Maria, ego miser et indignus peccátor ad te confúgio toto corde et afféctu, et precor pietátem tuam : ut sicut dulcissimo Filio tuo in cruce pendénti adstítisti, ita et mihi misero peccatóri, et sacerdótibus ómnibus hic et in tota sancta Ecclesiá hódie offeréntibus, cleménter assistere dignéris, ut tua grátia adjúti, dignam et acceptábilem hóstiam in conspéctu summæ et individué Trinitátis offerre valeámus. Amen.

Oratio ad S. Josephum.

Indulg. 100 dierum. Pius PP. IX.
4 Febr. 1877.

O FELÍCEM virum beátum Joseph, cui datum est, Deum, quem multi reges voluérunt vidére, et non vidérunt, audire, et non audiérunt, non solum vidére et audire, sed portáre, deosculári, vestire et custodire

Ÿ. Ora pro nobis beáte Joseph. R. Ut digni efficiámur promissionibus Christi.

Orémus.

DEUS, qui dedisti nobis regáles sacerdótium, præsta quæsumus, ut sicut beátus Joseph unigénitum Filium tuum natum ex Mariá Virgine, suis manibus reverénter tractáre méruit et portáre, ita nos fácias cum cordis munditia et óperis innocentia tuis sanctis altáribus deservire, ut sacrosánctum Filii tui Corpus et Sánguinem hódie digne sumámus, et in futúro sáculo præmium habére mereámur ætérnum. Per Christum Dóminum nostrum. Amen.

**Oratio ad omnes Angelos
et Sanctos.**

Indulg. 100 dierum. Leo PP. XIII.
20 Dec. 1884.

ANGELI, Archángeli, Throni, Dominationes, Principátus, Potestátes, Virtútes cælórum, Chérubim, atque Séraphim, omnes Sancti et Sanctæ Dei, præsertim Patróni mei, intercédere dignémini pro me, ut hoc Sacrificium Deo omnipoténti digne váleam offerre ad láudem et glóriam nóminis sui, et ad utilitátem meam, totíusque Ecclesiæ suæ sanctæ. Amen.

**Oratio tantummodo dicenda
quando Sacerdos in honorem Sancti, vel Beati
Missam celebrat.**

Indulg. 100 dierum. Leo PP. XIII.
20 Dec. 1884.

O SANCTE N., ecce ego miser peccátor, de tuis

méritis confísus, offero nunc sacratissimum Sacraméntum Córporis et Sánguini Dómini nostri Jesu Christi pro tuo honóre et glória. Precor te humíliter et devóte, ut pro me intercédere dignéris, ut tantum Sacrificium digne

et acceptabiliter offerre váleam, ut eum tecum, et cum ómnibus eléctis ejus æternáliter laudáre, atque cum eo regnáre váleam : Qui vivit et regnat in sæcula sæculórum.

Amen.

GRATIARUM ACTIO POST MISSAM

ANTIPHONA

TRIUM puerórum cantémus hymnum: quem cantábant sancti in camíno ignis, benedicéntes Dóminum.

Quæ Ant. in Festis duplicibus tantum duplicatur.

Cant. Benedícite ómnia ópera Dómini Dómino. 19. *In fine non dicitur* Glória Patri.

Ps. Laudáte Dóminum in sanctis ejus. 21. *Et in fine* Glória Patri.

Deinde repetitur Ant. Trium puerórum.

Postea Sacerdos dicit :

Kýrie eléison. Christe eléison. Kýrie eléison.

Pater noster.

Ÿ. Et ne nos indúcas in tentatióem. R. Sed libera nos a malo.

V. Confíteántur tibi Dómine ómnia ópera tua. R. Et sancti tui benedicant tibi.

Ÿ. Exsultábunt sancti in glória. R. Lætabúntur in cubilibus suis.

Ÿ. Non nobis Dómine, non nobis. R. Sed nómini tuo da glóriam.

Ÿ. Dómine exáudi oratió-

nem meam. R. Et clamor meus ad te véniat.

Ÿ. Dóminus vobíscum. R. Et cum spíritu tuo.

Orémus.

DEUS, qui tribus púeris mitigásti flammam ignium : concéde propítius ; ut nos fámulos tuos non exúrat flamma vitiórum.

ACTIÓNES nostras, quæsumus Dómine, adspirándo præveni, et adjuvándo proséquere : ut cuncta nostra orátio et operátio a te semper incípiat, et per te cœpta finíatur.

DA nobis, quæsumus Dómine, vitiórum nostrórum flammam exstinguere, qui beáto Lauréntio tribuísti tormentórum suórum incéndia superáre. Per Christum Dóminum nostrum. Amen.

Orationes post Celebrationem et Communionem dicendæ.

Oratio S. Thomæ de Aquino.

Indulg. unius anni.

Leo PP. XIII. 20 Dec. 1884.

GRÁTIAS tibi ago Dómine sancte, Pater omnipo-

tens, ætérne Deus, qui me peccatórem indignum fámulum tuum, nullis meis méritis, sed sola dignatióne misericórdiæ tuæ, satiáre dignátus es pretiósó Córpoze et Sáanguine Filii tui Dómini nostri Jesu Christi : et precor ut hæc sancta Commúnio non sit mihi reátus ad pœnam, sed intercèssio salutáris ad véniam. Sit mihi armatúra fidei, et scutum bonæ voluntátis : sit vitiórum meórum evacuátio, concupiscéntiæ et libidinis exterminátio, caritátis et patiéntiæ, humilitátis et obediéntiæ, omniúmque virtútum augmentátio, contra insidias inimicórum ómnium tam visibílium quam invisibílium firma defénsio, móttuum meórum tam carnálium quam spirituálium perfectá quietátio, in te uno ac vero Deo firma adhæsió, atque finis mei felix consummátio. Et precor te ut ad illud ineffábile convívium me peccatórem perdúcere dignéris, ubi tu cum Filio tuo et Spíritu sancto sanctis tuis es lux vera, satiety plena, gáudium sempitérnum, jucúnditas consummáta, et felicitas perfectá. Per eúmdem Christum.

Oratio S. Bonaventuræ.

Indulg. unius anni.

Leo PP. XIII. 20 Dec. 1884.

TRANSFÍGE, dulcíssime Dómine Jesu, medúllas et viscera ánimæ meæ suavis-

simo ac salubérrimo amoris tui vúlneré, vera serenáque et apostólica sanctíssima caritáte, ut lángueat et liquefiat ánimá mea solo semper amore et desidério tui, te concupiscat, et deficiat in átria tua, cúpiat dissólvi, et esse tecum. Da ut ánimá mea te esúriat, panem Angelórum, refectiόνem animárum sanctárum, panem nostrum quotidíánum supersubstantialém, habéntem omnem dulcédinem et sapórem, et omne delectaméntum suavitátis : te, in quem desiderant Angeli prospícere, semper esúriat, et cómedat cor meum, et dulcédine sapóris tui repleántur viscera ánimæ meæ : te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátem domus Dei : te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in láudem et glóriam nóminis tui, cum humilitáte et discretiόνé, cum dilectiόνé et delectatiόνé, cum facilitáte et afféctu, cum perseverántia usque in finem : et tu sis solus semper spes mea, tota fidúcia mea, divítiæ meæ, delectátio mea, jucúnditas mea, gáudium meum, quies et tranquillitas mea, pax mea, suávyas mea, odor meus, dulcédo mea, cibus meus, reféctio mea,

refúgium meum, auxiliúm meum, sapiéntia mea, pórtio mea, posséssio mea, thesáurus meus, in quo fixa, et firma, et immobiliter semper sit radicáta mens mea, et cor meum. Amen.

Oratio ad beatissimam Virginem Mariam.

O SACRATÍSSIMA, o serenísima et inclyta gloriósa Virgo María, quæ Creatórem ómnium creaturárum in tuo sacratissimo útero fuisti digna portáre, sólaque virgineo úbere lactáre : cujus veracissimum sacrúmque Corpus, et Sánguinem ego indignus peccátor modo súmere præsumpsi : tuam humíliter déprecór misericórdiam, ut apud ipsum pro me peccatóre intercédere dignéris ; ut quidquid in hoc tam ineffábili ac digníssimo Sacrificio, per me indignum ignoránte, vel negligénte, aut accidénte ; seu irreverénte, scilicet in tractádo, et suméndo, ac ministrádo actum est, commissum, vel omissum, tuis sacratíssimis précibus indulgére dignétur idem Dóminus noster Jesus Christus Filius tuus, qui cum Patre et Spíritu sancto vivit et regnat in sæcula sæculórum. Amen.

Rhythmus S. Thomæ ad sacram Eucharistiam.

Indulg. 100 dierum. Leo PP. XIII.
20 Dec. 1884.

A DÓRO te devóte, latens Déitas,

Quæ sub his figúris vere lá-
titas :

Tibi se cor meum totum súb-
jicit,

Quia te contéplans totum
déficit.

Visus, tactus, gustus in te
fállitur,

Sed auditu solo tuto créditur.
Credo quidquid dixit Dei
Filius,

Nil hoc verbo veritátis vé-
rius.

In cruce latébat sola Déitas,
At hic latet simul et humáni-
tas :

Ambo tamen credens atque
cónfitens,

Peto quod petívit latro pœ-
nitens.

Plagas, sicut Thomas, non
intúeor :

Deum tamen meum te con-
fiteor :

Fac me tibi semper magis
crédere,

In te spem habére, te dili-
gere.

O memoriále mortis Dó-
mini,

Panis vivus vitam præstans
hómini,

Præsta meæ menti de te vi-
vere,

Et te illi semper dulce sá-
pere.

Pie pellicáne, Jesu Dó-
mine,

Me immúndum munda tuo
sánguine :

Cujus una stilla salvum fá-
cere

Totum mundum quit ab omni
scélere.

Jesu, quem velátum nunc
adspicio,
Oro fiat illud, quod tam sitio:
Ut te reveláta cernens fácie,
Visu sim beátus tuæ glóriæ.
Amen.

Alia Oratio.

**Decreto Urbis et Orbis
11 Decembris 1846, Pius IX.
Pontifex Maximus Sacerdo-
tibus qui sequentem Oratio-
nem inter alias preces pro
gratiarum actione post Mis-
sam recitaverint, Indulgen-
tiam trium annorum con-
cessit.**

OBSEURO te, dulcissime Dó-
mine Jesu Christe, ut
Pássio tua sit mihi virtus
qua múnier, prótegar, atque
deféndar. Vúlnera tua sint
mihi cibus potúsque, quibus
pascar, inébrier, atque de-
lécter. Aspérsio Sanguinistui
sit mihi ablútio ómnium de-
lictórum meórum. Mors tua
sit mihi glória sempitérna. In
his sit mihi reféctio, exsul-
tatio, sánitas et dulcédo cor-
dis mei: Qui vivis et regnas
in sæcula sæculórum. Amen.

Oratio

coram imagine Crucifixi.

Indulg. plenar.

Plus IX. 31 Julii 1858.

EN ego, o bone et dulcis-
sime Jesu, ante conspé-
ctum tuum génibus me pro-
vólvo ac máximo ánimí
ardóre te oro atque obtéstor,
ut meum in cor vívidos fidei,
spei et caritátis sensus, atque
veram peccatórum meórum
pœniténtiam, éaque emen-

dándi firmissimam voluntá-
tem velis imprimere: dum
magno ánimí afféctu et do-
lóre tua quinque vúlnera
mecum ipse considéro, ac
mente contéplor, illud præ-
óculis habens, quod jam in
ore ponébat suo David Pro-
phéta de te, o bone Jesu:
Fodérunt manus meas et
pedes meos: Dinumeravé-
runt ómnia ossa mea. Ps. 21.

**Adspirationes sancti Ignatii
ad SS. Redemptorem.**

Post Missam Indulg. 7 annorum
semel in die; aliter 300 dierum toties
quoties. Indulg. plenar. semel in mense,
si hæc Oratio quotidie recitatur. Plus
IX. 9 Jan. 1854.

ANIMA Christi sanctífica
me. Corpus Christi sal-
va me. Sanguis Christi iné-
bria me. Aqua láteris Christi
lava me. Pássio Christi con-
fórta me. O bone Jesu exáudi
me. Intra tua vúlnera abs-
cónde me. Ne permittas me
separári a te. Ab hoste mali-
gno defénde me. In hora
mortis meæ voca me. Et
jube me veníre ad te, ut cum
sanctis tuis láudem te in
sæcula sæculórum. Amen.

Oblatio sui.

Indulg. 300 dierum. Leo PP. XIII.
26 Maii 1883.

SÚSCIPE Dómine univérsam
meam libertátem. Accipe
memóriam, intelléctum, at-
que voluntátem omnem.
Quidquid hábeo, vel possí-
deo, mihi largitus es: id
tibi totum restituo, ac tuæ
prorsus voluntáti trado gu-

bernándum. Amórem tui solum cum grátia tua mihi dones, et dives sum satis, nec áliud quidquam ultra posco.

Oratio ad B. M. V.

Indulg. 100 dierum. Leo PP. XIII.

20 Dec. 1884.

O MARÍA, Virgo et Mater sanctíssima, ecce suscepisti dilectissimum Fílium tuum, quem immaculáto útero tuo concepisti, genuisti, lactásti, atque suavissimis ampléxibus strinxisti. Ecce, cujus adspéctu lætabáris, et ómnibus deliciis replebáris, illum ipsum tibi humiliter et amánter repræsénto, et óffero tuis bráchiis constringéndum, tuo corde amándum sanctissimæque Trinitáti in supremum latriæ cultum pro tui ipsius honóre et glória, et pro meis, totiúsque mundi necessitatibus offeréndum.

Rogo ergo te, piíssima Mater, ímpetra mihi véniam ómnium peccatórum meórum, uberémque grátiam ipsi deinceps fidélius serviéndi, ac dénique grátiam finálem, ut eum tecum laudáre possim per ómnia sæcula sæculórum. Amen.

Oratio ad S. Joseph.

Indulg. 100 dierum. Pius IX.

4 Febr. 1877.

VÍRGINUM Custos, et Pater sancte Joseph, cujus fidéli custodiæ ipsa Innocéntia Christus Jesus et Virgo virginum María commissa fuit: Te, per hoc utrúmque carissimum pignus Jesum et Mariám óbsecro et obtéstor, ut me ab omni immunditia præservátum, mente incontamináta, puro corde, et casto córpore Jesu et Mariæ semper fácias castíssime famulári. Amen.





OFFICIA VOTIVA PER ANNUM

Officia hæc Votiva per annum ritu Semiduplici pro singulis hebdomadæ Feriis, a Summo Pontifice Leone XIII. per Decretum Urbis et Orbis Sacrorum Rituum Congregationis die 5 Julii 1883 generali Indulto concessa, persolvi possunt, juxta idem Indultum, loco Officiorum Ferialium occurrentium, quocumque anni tempore: exceptis Feria IV. Cinerum, Feriis totius temporis Passionis, ac Sacri Adventus a die 17 ad 24 Decembris inclusive. Habent juxta Rubricas, prout alia Festa Semiduplicia novem Lectionum, tum Commemorationes Feriæ et Festi Simplicis occurrentis, tum nonam Lectionem de Homilia super Evangelium ejusdem Feriæ, aut de Sancto. Adduntur Commemorationes communes, seu Suffragia Sanctorum, ut in Psalterio, si facienda sint, omissa Commemoratione ejus, de quo fit Officium votivum. Si die præcedenti aut sequenti occurrat Officium aliud quodcumque novem Lect., Vesp. Officii votivi currentis ordinandæ erunt juxta Rubricam de Concurrentia Officii.

PRO FERIA II

OFFICIUM VOTIVUM

DE SANCTIS ANGELIS

Semiduplex.

IN I. VESPERIS

Ant. et Capit. cum reliq.
de Laud. Pss. ut in I. Vesp.
de Comm. Apost. 2*.

Hymnus.

TE splendor, et virtus Patris,
Te vita, Jesu, córdium,

Ab ore qui pendent tuo,
Laudámus inter Angelos.

Tibi mille densa millium
Ducum coróna militat:
Sed éxplicat victor crucem
Michaël salútis signifer.

Dracónis hic dirum caput
In ima pellit tártara,
Ducémque cum rebéllibus
Cælésti ab arce fúlminat.

Contra ducem superbíæ
Sequámur hunc nos príncipem,

Ut detur ex Agni throno
Nobis coróna glóriæ.

Patri, simúlque Filio,
Tibique sancte Spiritus,
Sicut fuit, sit júgiter
Sæclum per omne glória.

Amen.

¶ In conspéctu Angelórum psallam tibi Deus meus.
¶ Adorábo ad templum san-

ctum tuum, et confitebor
nómini tuo.

Ad Magnif. Ant. Omnes
sunt * administratórii spí-
ritus, in ministérium missi
propter eos, qui hereditátem
cápiunt salútis.

Orat. ut infra ad Laudes.
235*.

AD MATUTINUM

Invit. Regem Angelórum
Dóminum, * Venite, ado-
rémus.

Ps. Venite, exsultémus. 2.

Hymnus. Te splendor. **ut
supra.**

IN I. NOCTURNO

Ant. Multa magnália.

Psalmus 8.

DÓMINE Dóminus noster, *
quam admirábile est no-
men tuum in univérſa terra!

Quóniam eleváta est ma-
gnificéntia tua, * super cælos.

Ex ore infántium et lactén-
tium perfecisti láudem pro-
pter inimicos tuos, * ut dé-
struas inimicum et ultórem.

Quóniam vidébo cælos
tuos, ópera digitórum tuó-
rum : * lunam et stellas, quæ
tu fundásti.

Quid est homo, quod me-
mores ejus? * aut filius hómi-
nis, quóniam vísitas eum?

Minuisti eum páulo minus
ab Angelis, glória et honóre
coronásti eum : * et consti-
tuísti eum super ópera má-
nuum tuárum.

Omnia subjecisti sub pé-
dibus ejus, * oves et boves
univérſas : insuper et pécora
campi.

Vólucres cæli, et pisces
maris, * qui perámbulant
sémitas maris.

Dómine Dóminus noster, *
quam admirábile est nomen
tuum in univérſa terra!

Ant. Multa magnália de
Michaële Archángelo, qui
fortis in prælio fecit victó-
riam.

Ant. Gábriel Archángelus.

Psalmus 10.

IN Dómino confido : quó-
modo dicitis ánimæ meæ : *
Trásmigra in montem sicut
passer?

Quóniam ecce peccatóres
intendérunt arcum, paravé-
runt sagittas suas in pháre-
tra, * ut sagittent in obscúro
rectos corde.

Quóniam quæ perfecisti,
destruxérunt : * justus áutem
quid fecit?

Dóminus in templo sancto
suo : * Dóminus in cælo
sedes ejus :

Oculi ejus in páuperem
respiciunt : * pálpebræ ejus
interrogant filios hóminum.

Dóminus interrogat ju-
stum et impium : * qui áutem
diligít iniquitátem, odít áni-
mam suam.

Pluet super peccatóres lá-
queos : * ignis, et sulphur,
et spíritus procellárum pars
cálicis eórum.

Quóniam justus Dóminus,
et justitias diléxit : * æquitá-
tem vidit vultus ejus.

Ant. Gábriel Archángelus
locútus est Mariæ dicens :
Ecce concípies in útero et

páries Fílium, et vocábis nomen ejus Jesum.

Ant. Benedicite Deum cæli.

Psalmus 14.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes áutem Dóminum gloriucat :

Qui jurat próximo suo, et non decípit, * qui pecúniám suam non dedit ad usúram, et múnera super innocéntem non accépit :

Qui facit hæc, * non móvêbitur in ætérnum.

Ant. Benedicite Deum cæli, dixit Angelus Ráp̃haël, et coram ómnibus vivéntibus confitémini ei, quia fecit vobiscum misericórdiam suam.

Ÿ. Stetit Angelus juxta aram templi. *R̃.* Habens thuríbulum áureum in manu sua.

Lect. de Script. occur.

R̃. j. Venit Michaël Archángelus cum multítudine Angélorum, cui trádidit Deus ánimas sanctórum, * Ut perdúcate eas in paradísu exsultatiónis. Ÿ. Emitte Dómine

Spirítum sanctum tuum de cælis, spíritum sapiéntiæ et intelléctus. Ut perdúcat.

R̃. ij. Respondit Angelus Dómini, et dixit : Dómine exercítuum, * Usquequo tu non miseréberis Jerúsalem et úrbium Juda, quibus irátus es? Ÿ. Iste enim septuagésimus annus est. Usquequo.

R̃. iij. In conspéctu géntium nolite timére : vos enim in córdibus vestris adoráte et timéte Dóminum : * Angelus enim ejus vobiscum est. Ÿ. Stetit Angelus juxta aram templi, habens thuríbulum áureum in manu sua. Angelus. Glória Patri. Angelus.

IN II. NOCTURNO

Ant. Ascéndit fumus.

Psalmus 18

CÆLI enarrant glóriam Dei, * et ópera mánuum ejus annúntiat firmaméntum.

Dies diéierúctat verbum, * et nox nocti índicat sciéntiam.

Non sunt loquélae, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judicia Dómini vera, justificáta in semetipsa.

Desiderabilia super áurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine adjútor meus, * et redémptor meus.

Ant. Ascéndit fumus arómatum in conspéctu Dómini de manu Angeli.

Ant. Immittet Angelus Dómini.

Psalmus 23.

DÓMINI est terra, et plení tudo ejus : * orbis terrárum, et univérsti qui hábitant in eo.

Quia ipse super mária fun-

dávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accipiet benedictiónem a Dómino : * et misericórdiam a Deo salutári tuo.

Hæc est generátio quæréntium eum, * quæréntium faciém Dei Jacob.

Attóllite portas principes vestras, et elevámini portæ æternáles : * et introibit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas principes vestras : et elevámini portæ æternáles : * et introibit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Immittet Angelus Dómini in circúitu timéntium eum, et erípiet eos.

Ant. Laudémus Dóminum.

Psalmus 33.

BENEDÍCÁM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et ex-

audivit me : * et ex ómnibus tribulatióibus meis eripuit me.

Accédite ad eum, et illuminámini : * et fácies vestrae non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immittet Angelus Dómini in circúitu timéntium eum : * et eripiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Venite filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex

ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spiritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Laudémus Dóminum, quem láudant Angeli, quem Chérubim et Séraphim, Sanctus, Sanctus, Sanctus, proclamant.

V. Ascéndit fumus arómatum in conspéctu Dómini.

R. De manu Angeli.

De Sermóne sancti Gregórii Papæ.

Ex Homil. 34. in Evang.

Lectio iv.

QUIA Angelórum nómina interpretádo perstrinximus, súperest, ut ipsa officiórum vocábula breviter exsequámur. Virtútes etenim vocántur illi nimirum spiritus, per quos signa et miracula frequéntius fiunt. Potestates étiam vocántur hi, qui hoc poténtius cæteris in suo ordine percepérunt, ut eórum ditióni virtútes advérsæ subjéctæ sint, quorum potestáte refrænántur, nec

corda hóminum tantum tentare prævaleant, quantum volunt.

R. Omnes Angeli stabant in circúitu throni, et seníorum, et quátuor animálium : * Et ceciderunt in conspéctu throni in fácies suas, et adoraverunt Deum. **V.** Adorate Dóminum omnes Angeli ejus. Et ceciderunt.

Lectio v.

PRINCIPÁTUS étiam vocántur, qui ipsis quoque bonis Angelórum spirítibus præsunt, qui subjéctis áliis dum quæque sunt agénda dispónunt, eis ad explénda divina ministéria principántur. Dominatiónes áutem vocántur, qui étiam potestates principátuum dissimilitúdine alta transcéndunt. Nam principári est inter réliquos priórem exsistere : dominári vero est étiam subjéctos quosque possidere. Throni quoque illa ágmina sunt vocáta, quibus ad exercénda judícia semper Deus omnipotens præsidet. Unde et per Psalmístam dicitur : Sedes super thronum, qui júdicas æquitátem.

R. Stetit Angelus juxta aram templi, habens thuribulum áureum in manu sua, et data sunt ei incénsa multa : * Et ascéndit fumus aromatum de manu Angeli in conspéctu Dómini. **V.** In conspéctu Angelórum psallam tibi : adorábo ad templum sanctum tuum, et con-

sitébor nómini tuo Dómine. Et ascéndit.

Lectio vj.

CHÉRUBIM quoque plení tudo sciéntiæ dicitur; et sublimióra illa ágmina idcirco Chérubim vocáta sunt, quia tanto perfectióri sciéntia plena sunt, quanto claritátem Dei vicínus contemplántur. Séraphim étiam vocántur illa spirítuum sanctórum ágmina, quæ ex singulári propinquitáte Condítoris sui incomparábili ardent amóre. Séraphim namque ardéntes vel incendéntes vocántur; quorum profécto flamma amor est : quia quo subtilius claritátem divinitátis ejus adspiciunt, eo validius in ejus amóre flamméscunt.

R. In conspéctu Angelórum psallam tibi, et adorábo ad templum sanctum tuum : * Et confitébor nómini tuo Dómine. **V.** Super misericórdia tua et veritáte tua : quóniam magnificásti super nos nomen sanctum tuum. Et confitébor. Glória Patri. Et confitébor.

IN III. NOCTURNO

Ant. Misit Dóminus.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes

glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus áutem cælos fecit.

Conféssio, et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introite in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávit.

Etenim corréxit orbem terræ qui non commovébatur : * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Misit Dóminus Angelum suum, qui percússit omnem virum robústum, et

bellatórem, et principem exércitus regis Assyriórum.

Ant. Adoráte Dóminum.

Psalms 96.

DÓMINUS regnávit, exsúltet terra : * læténtur insulæ multæ.

Nubes, et caligo in circúitu ejus : * justítia, et judicium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptilia : * et qui gloriántur in simulácrissuis.

Adoráte eum omnes Angeli ejus : * audívit, et lætáta est Sion.

Et exsultavérunt filiæ Judæ, * propter judicia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómi-

no : * et confitémini memóriæ sanctificatiónis ejus.

Ant. Adoráte Dóminum omnes Angeli ejus : audívit, et lætáta est Sion.

Ant. Benedicite Dómino.

Psalms 102.

BÉNIC ánima mea Dómino : * et ómnia, quæ intra me sunt, nómini sancto ejus.

Béedic ánima mea Dómino : * et noli oblivisci omnes retributiónes ejus :

Qui propitiátur ómnibus iniquitatibus tuis : * qui sanat omnes infirmitates tuas.

Qui rédimít de intéritu vitam tuam : * qui corónat te in misericórdia et misericoratióibus.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et iudicium ómnibus injúriam patiéntibus.

Notas fecit vias suas Móysi, * filiis Israël voluntates suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitates nostras retribuit nobis.

Quóniam secúndum altitudinem cæli a terra : * corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figmentum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorébit.

Quóniam spíritus pertransíbit in illo, et non subsistet : * et non cognóscet ámplius locum suum.

Misericórdia áutem Dómini ab ætérno, * et usque in ætérnum super timéntes eum.

Et justitia illius in filios filiórum, * his qui servant testaméntum ejus :

Et mémores sunt mandatorum ipsius, * ad faciéndum ea.

Dóminus in cælo parávit sedem suam : * et regnum ipsius ómnibus dominábitur.

Benedicite Dómino omnes Angeli ejus : * poténtes virtúte, faciéntes verbum illius, ad audiéndam vocem sermonum ejus.

Benedicite Dómino omnes virtútes ejus : * ministri ejus, qui faciitis voluntátem ejus.

Benedicite Dómino ómnia ópera ejus : * in omni loco dominatiónis ejus, béedic ánima mea Dómino.

Ant. Benedicite Dómino omnes Angeli ejus, poténtes

virtute, facientes verbum illius, ad audiendam vocem sermonum ejus.

V. In conspectu Angelorum psallam tibi Deus meus.

R. Adorabo ad templum sanctum tuum, et confitebor nomini tuo.

Lectio sancti Evangelii secundum Joannem.

Lectio vij. Cap. 1. g

In illo tempore: Vidit Jesus Nathanael venientem ad se, et dicit de eo: Ecce vere Israelita, in quo dolus non est. Et reliqua.

Homilia sancti Bernardi
Abbatis.

In Ps. Qui habitat. Sermon. 11.

QUAE vero sunt sanctorum Angelorum viae? Profecto illae, quas Unigenitus enarravit dicens: Videbitis Angelos ascendentes et descendentes super Filium hominis. Ascensio igitur et descensio viae illorum; ascensio propter se, descensio vel potius condescensio propter nos. Sic beati illi spiritus ascendant per contemplationem Dei, descendant per compassionem tui, ut custodiant te in omnibus viis tuis. Ascendant ad vultum ejus, descendant ad nutum ejus: Quoniam Angelis suis mandavit de te. Nec tamen vel descendendo visione gloriae fraudantur, quia semper vident faciem Patris.

R. Angelus Domini descendit cum Azaria et sociis

ejus in fornacem, et excussit flammam ignis de fornace:

* Et non tetigit eos omnino ignis, neque contristavit.

V. Benedictus Deus eorum, qui misit Angelum suum, et eruit servos suos, qui crediderunt in eum. Et non.

Lectio viij.

CUM ascendant ad contemplationem, inquirunt veritatem, de qua et desiderando satiantur, et satiando desiderant. Cum vero descendunt, faciunt nobiscum misericordiam, ut custodiant nos in omnibus viis nostris. Administratorii enim spiritus sunt, missi in ministerium propter nos. Plane ministri nostri, non domini nostri. Et in hoc Unigeniti formam imitantur, qui non venit ministrari, sed ministrare, qui stetit inter discipulos tamquam qui ministrat. Fructus angelicarum viarum, quod ad ipsos spectat, sua ipsorum beatitudo, et obediencia est caritatis: quod autem ad nos pertinet, inde quidem obtentus divinae gratiae, hinc vero custodia viae nostrae: siquidem Angelis suis mandavit de te, ut custodiant te in omnibus indigentibus tuis.

R. Tu Domine, qui misisti Angelum tuum sub Ezechia rege Juda, et interfecisti de castris Sennacherib centum octoginta quinque millia:

* Et nunc Dominator caelorum mitte Angelum tuum

bonum ante nos, in timóre et tremóre magnitudinis bráchii tui. *V.* Ut métuant qui cum blasphémia véniunt advérsus sanctum pópulum tuum. Et. Glória Patri. Et.

Lectio ix.

INTERIM ergo mandávit Angelis suis Deus, non quidem ut amóveant te a viis tuis, sed in eis ipsis te custódiant, et quasi per vias suas, vias tuas dirigant in vias ipsius. Quonam modo, inquis? Nempe ut quod Angelus ex sola caritáte púrius agit, ut própria saltem necessitáte compúlsus et ad-mónitus, descénderas, et con-descénderas; exhibére scilicet próximo misericórdiam: et rursum cum eódem Angelo levans desidéria tua, tota ánimi cupiditáte ascénderes stúdeas ad summam et perpétuam Veritátem. Hinc enim monémur leváre corda nostra cum mánibus; hinc audimus quotidie: Sursum corda. Hinc quoque negligétes argúimur, et dicitur nobis: Filii hóminum, ús-que quo gravi corde? ut quid diligitis vanitátem et quæritis mendácium? Exonerátum enim cor et leve levátur magis, ut quærat et diligit veritátem.

Te Deum laudámus. 17.

AD LAUDES

ET PER HORAS

Ant. 1. Angeli Dómini * Dóminum benedicite in ætérnum.

Ps. Dóminus regnávit. *cum reliq.* 18.

2. Angelis suis * Deus mandávit de te, ut custódiant te in ómnibus viis tuis.

3. Angeli eórum * semper vident fáciem Patris mei, qui est in cælis.

4. Laudáte Deum * omnes Angeli ejus, laudáte eum omnes virtútes ejus.

5. Angeli, Archángeli, * Throni et Dominatiónes, Principátus et Potestátes, Virtútes cælórum, laudáte Dóminum de cælis, allelúia.

Capitulum. *Exod. 23. d*

ECCE ego mittam Angelum meum, qui præcedat te, et custódiat in via, et introducat in locum quem parávi. Obsérva eum, et áudi vocem ejus.

Hymnus.

CHRISTE, sanctórum decus Angelórum,
Gentis humanæ sator et red-émptor,
Cælitum nobis tribuas beátas
Scándere sedes.

Angelus pacis Michaël in ædes

Cælitus nostras véniat, se-rénæ

Auctor ut pacis lacrymósa in orcum

Bella reléget.

Angelus fortis Gábiel, ut hostes

Pellat antiquos, et amica cælo,

Quæ triumphátor státuit per orbem,

Templa revisat.

Angelus nostræ médicus
salútis,
Adsit e cælo Ráphaël, ut
omnes

Sanet ægrótos, dubiósque
vitæ

Dirigat actus.

Virgo dux pacis, Genitrix-
que lucis,

Et sacer nobis chorus Ange-
lórum

Semper assistat, simul et
micántis

Régia cæli.

Præstet hoc nobis Déitas
beáta

Patris, ac Nati, paritérque
sancti

Spiritus, cujus résonat per
omnem

Glória mundum. Amen.

Ÿ. In conspéctu Angeló-
rum psallam tibi Deus meus.

℟. Adorábo ad templum san-
ctum tuum, et confitébor
nómini tuo.

Ad Bened. Ant. Angelus,
qui loquebátur * in me, sus-
citávit me, quasi virum qui
suscitátur a somno suo.

Oratio.

DEUS, qui miro órđine An-
gelórum ministéria, ho-
minúmque dispénsas : con-
céde propítius; ut a quibus
tibi ministrántibus in cælo
semper assistitur, ab his in
terra vita nostra muniátur.
Per Dóminum.

AD TERTIAM

Ant. Angelis suis.

Capit. Ecce ego. **ut supra.**

℟. **br.** Stetit Angelus * Juxta
aram templi. Stetit. Ÿ. Ha-

bens thuribulum áureum in
manu sua. Juxta. Glória Pa-
tri. Stetit.

Ÿ. Ascéndit fumus aróma-
tum in conspéctu Dómini.
℟. De manu Angeli.

AD SEXTAM

Ant. Angeli eórum.

Capitulum. Apoc. 5. c

AUDÍVI vocem Angelórum
multórum in circúitu
throni, et animálium, et se-
niórum : et erat númerus
eórum millia millium, voce
magna dicéntium : Salus Deo
nostro.

℟. **br.** Ascéndit fumus
arómatum * In conspéctu
Dómini. Ascéndit. Ÿ. De
manu Angeli. In. Glória Pa-
tri. Ascéndit.

Ÿ. In conspéctu Angeló-
rum psallam tibi Deus meus.

℟. Adorábo ad templum san-
ctum tuum, et confitébor
nómini tuo.

AD NONAM

Ant. Angeli, Archángeli.

Capitulum. Apoc. 12. b

FACTUM est prælium ma-
gnum in cælo : Michaël
et Angeli ejus præliabántur
cum dracóne, et draco pu-
gnábat, et ángeli ejus : et
non prævaluérunt, neque
locus invéntus est eórum
ámplius in cælo.

℟. **br.** In conspéctu Ange-
lórum * Psallam tibi Deus
meus. In. Ÿ. Adorábo ad
templum sanctum tuum, et
confitébor nómini tuo. Psal-
lam. Glória Patri. In con-
spéctu.

V. Adoráte Deum. R.
Omnes Angeli ejus.

IN II. VESPERIS

Ant. de Laud.: Psalmi ut
in I. Vesp. de Comm. Apost.
2*, et loco ult., Ps. 137. Con-
fitebor... quóniam audísti.
141.

Capit. et Hymnus ut su-
pra, in I. Vesp.

V. In conspéctu Angeló-
rum psallam tibi Deus meus.
R. Adorábo ad templum san-
ctum tuum, et confitebor
nómini tuo.

Ad Magnif. Ant. Sancti
Angeli, * qui Deo in cælis
semper assístitis, deféndite
nos in prælio, ut non pereá-
mus in treméndo iudício.

PRO FERIA III

OFFICIUM VOTIVUM

DE SANCTIS APOSTOLIS

Semiduplex.

Omnia de Comm. Aposto-
lorum. 2*, præter seq.

Oratio.

DEUS, qui nos per beátos
Apóstolos tuos ad agni-
tiónem tui nóminis venire
tribuísti: da nobis eórum
glóriam sempitérnam et pro-
ficiéndo celebráre, et cele-
brándo proficere. Per Dñm.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustíni
Episcopi.

Serm. 43. de Sanctis.

Lectio iv.

ISTI sunt lux mundi: quia
per ipsos lumen fidei, et

veræ sciéntiæ primum Dó-
minus huic mundo trádi-
dit, et ab errórum ac pec-
catórum ténebris gentes et
pópulos éruit. Isti sunt sal-
terræ: quia per eos terri-
genæ condiméntum sapóris
vitæ æternæ percepérunt, ut
restringerent carnis lascí-
viam, et a putrédine pecca-
tórum et vitiórum vérmibus
servaréntur illæsi. Isti sunt
lápides pretiósí, quos in
fundaménto cæléstis ædifi-
cii pósitos Joánnes in Apo-
calýpsi sua describit: quia
prædicátio eórum Ecclesiæ
fundaménta locávit. Unde et
Páulus ait: Vos estis cives
Sanctorum et doméstici Dei,
superædificáti super fun-
daméntum Apostolorum et
Prophetarum.

R. Vidi conjúctos viros,
habéntes spléndidas vestes,
et Angelus Dómini locútus
est ad me, dicens: * Isti sunt
viri sancti facti amici Dei.

V. Vidi Angelum Dei fortem,
volántem per médium cæl-
lum, voce magna clamántem
et dicéntem. Isti.

Lectio v.

Hoc ergo considerántes,
fratres caríssimi, quæ
tanti duces pópuli nos do-
cuérunt, studeámus factis
implére, quæ illi jussérunt.
Discámus eórum exémplo
mundi divitiás contémnere,
præséntis sæculi voluptátem
non amáre, regnum cæléste
desideráre, Christo nihil
præpónere, sed ejus man-

dátis in ómnibus obedire, paupertátem præséntium rerum diligere, virtútum divítias habére, sapiéntiæ thesáurum appétere, spiritáles delicias quærere, nulli invidére, sed omnes hómines diligere, amícos in Deo et inimicos propter Deum; quia hæc est vera et sola dilectio.

℞. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : *Gaudéte et exultáte, quóniam merces vestra copiósa est in cælis. ✠. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

Lectio vj.

ISTI ergo Príncipes nostri, in amóre Dei perfectissimi, et in proximórum dilectione impléti, hinc potuérunt mundi ímpetum vincere, et cruéntum sæculum domáre, quia nihil amavérunt in omni re, nisi Dei voluntátem. Ita et nos, fratres, diligámus in ómnibus rebus Dei fácere voluntátem, et Creatórem nostrum amémus in semetípso, creatúram vero in conditóre suo, et sic habébimus ordinatissimam caritátem : quia Deus caritas est, et qui diligit hanc dilectionem, diligit

Deum. Et si ita dilexérimus, diligit nos ipse Deus, diligunt nos et sancti Apóstoli júdices nostri, et exórant pro nobis, ut in universáli iudicio Christi cum ipsis in perpétuum coronémur.

℞. Isti sunt. 11*.

IN III. NOCTURNO

Lectio sancti Evangélíi secundum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et reliqua.

Homília sancti Hiláarii
Epíscopi.

Comment. in Matth. cap. 20.

APÓSTOLI dictis Dómini hæc reddunt, reliquisse se ómnia, et cum ipso esse. Quibus Dóminus, cum séderit in majestátis suæ sede, sessúros super sedes duódecim, ac tótidem tribus Israël judicatúros spopóndit; omnibúsque qui universa reliquerint propter nomen ejus, fructum cénupli præmii reservátum : multos áutem ex novíssimis primos, et ex primis futúros novíssimos. Multa sunt quæ non sinunt nos simplici intelléctu dicta Evangélica suscipere.

℞. Isti sunt qui vivéntes in carne, plantavérunt Ecclésiám sánguine suo : *Cálicem Dómini bibérunt, et amici Dei facti sunt. ✠. In omnem terram exivit sonus eórum,

et in fines orbis terræ verba eorum. Cálicem.

Lectio viij.

INTERPÓSITIS nonnullis rebus, quæ ex natúra humani sensus sibi contrariæ sunt, ratióem quærere cælestis intelligentiæ admonemur. Apóstoli dicunt, et sequi se Christum, et se omnia reliquisse. Quómodo igitur fiunt tristes, et quómodo métuunt dicentes, saluum esse néminem posse? Namque et ab aliis fieri póterat, si quid fecissent ipsi. Deinde cum fecissent ipsi; quare metus, vel unde susceptus est? Additur étiam in responsiône Dómini, hæc apud hómines impossibilia, possibilia apud Deum. Numquid apud hóminem impossibilia erant, quæ et Apóstoli fecisse se gloriántur, et fecisse eos Dóminus agnóscit?

R. Isti sunt viri sancti, quos elégit Dóminus in caritáte non ficta, et dedit illis glóriam sempitérnam: * Quorum doctrína fulget Ecclé-sia, ut sole luna. **Y.** Sancti per fidem vicérunt regna: operáti sunt iustitiam. Quorum. Glória Patri. Quorum.

Lectio ix.

OMNIS itaque hic sermo est spiritalis. Quid áutem Dei virtúti tam possibile est, quam ut per fidem salvet? ut per aquam régéneret? ut per crucem vincat? ut per Evangélia adóptet? ut per resurrectionem ex morte vi-

vificet? Quibus auditis Apóstoli cito credunt, seséque omnia reliquisse profitentur. Sed hanc eorum obedientiam cito Dóminus remunerátur, omnem difficultátem superiórís quæstiónis absólvens, cum dicit: Vos, qui secúti estis me in regeneratione, judicábitis duodecim tribus Israël. Hæc enim illa regenerátio est, quam Apóstoli sunt secúti, quam lex indulgére non pótuit, quæ eos super duodecim thronos in judicándis duodecim tribubus Israël, in duodecim Patriarchárum glória copulávit.

Te Deum laudámus. 17.

PRO FERIA IV

OFFICIUM VOTIVUM

DE S. JOSEPH SPONSO B. M. V.

CONFESSORE

Semiduplex.

IN I. VESPERIS

Ant. et Capit. de Laud.;
Pss. ut in I. Vesp. de Comm.
Apost. 2*.

Hymnus.

TE Joseph celebrent ágmina cælitum,
Te cuncti résonent christiandum chori,
Qui clarus méritis, junctus es inclytæ
Casto fœdere Virgini.
Almo cum túmidam gérmine cónjugem
Admirans, dúbio tangeris anxius,
Afflátu súperi Fláminis Angelus

Concéptum púerum do-
cet.

Tu natum Dóminum strin-
gis, ad éxteras

Ægýpti prófugum tu séque-
ris plagas;

Amissum Sólymis quæris, et
invenis,

Miscens gáudia flétibus.

Post mortem réliquos
mors pia cónsecrat,

Palmámque eméritos glória
súscipit :

Tu vivens, Súperis par, frúe-
ris Deo,

Mira sorte beátior.

Nobis, summa Trias, parce
precántibus,

Da Joseph méritis sídera
scándere :

Ut tandem líceat nos tibi
pérpetim

Gratum prómere cánti-
cum. Amen.

Ÿ. Constituit eum dómi-
num domus suæ. R. Et prin-
cipem omnis possessiónis
suæ.

Ad Magnif. Ant. Cum esset
desponsáta * Mater Jesu Ma-
ría Joseph, ántequam con-
venirent, invénta est in útero
habens de Spíritu sancto.

Orat. ut ad Laudes. 243*.

AD MATUTINUM

Invit. Laudémus Deum
nostrum * In veneratióne
beáti Joseph, protectóris
nostri.

Ps. Venite, exsultémus. 2.

Hymn. Te Joseph. **ut supra.**

IN I. NOCTURNO

Ant. Ascéndit Joseph * a
Galilæa de civitaté Názareth

in Judæam, in civitatem Da-
vid, quæ vocátur Bétlehem,
ut profiterétur cum Maria.

Pss. trium Noct. de Comm.
Conf. non Pont. 77*.

Ant. Venérunt pastóres *
festinántes : et invenérunt
Mariam et Joseph, et infán-
tem pósitum in præsépio.

Ant. Ecce Angelus Dómi-
ni * apparuit in somnis Jo-
seph, dicens : Surge, et
accipe púerum, et matrem
ejus, et fuge in Ægýptum.

Ÿ. Confitébor nómini tuo.

R. Quóniam adjútor et pro-
tectór factus es mihi.

Lect. de Script. occur.

R. j. Clamávit pópulus ad
regem, aliménta petens :
* Quibus ille respóndit : Ité
ad Joseph. Ÿ. Salus nostra
in manu tua est : réspice
nos tantum, et læti servié-
mus regi. Quibus.

R. ij. Fecit me Deus quasi
patrem regis, et dóminum
univérsæ domus ejus : * Exal-
távit me, ut salvos fáceret
multos pópulos. Ÿ. Veníte ad
me, et ego dabo vobis ómnia
bona Ægýpti, ut comedátis
medúllam terræ. Exaltávit.

R. iij. Jam lætus móriar,
quia vidi faciém tuam, et
superstitem te relinquo. Non
sum fraudátus adspéctu tuo :
* Insuper osténdit mihi Dó-
minus semen tuum. Ÿ. Qui
pascit me ab adolescéntia
mea, benedicat púeris istis,
et invocétur super eos no-
men meum. Insuper. Glória
Patri. Insuper.

IN II. NOCTURNO

Ant. Consúrgens Joseph,* accépit púerum et matrem ejus nocte, et secéssit in Ægýptum : et erat ibi usque ad óbitum Heródis.

Ant. Defúncto Heróde,* Angelus Dómini appáruit in somnis Joseph in Egýpto, dicens : Surge, et áccipe púerum et matrem ejus, et vade in terram Israël : defúncti sunt enim qui quærébant ánimam púeri.

Ant. Accépit Joseph* púerum et matrem ejus, et venit in terram Israël.

ŷ. Rêspice de cælo et vide, et visita vineam istam. **R.** Et pèrfice eam.

Sermo sancti Bernárdi
Abbátis.

Homilia 2. super Missus.

Lectio iv.

DESPONSÁTA est María Joseph, vel pótius (sicut ponit Ævangelista) viro, cui nomen erat Joseph : virum nóminat, non quia marítus, sed quod homo virtútis erat : vel pótius quia juxta álium Ævangelistam, non vir simplicitèr, sed vir ejus dictus est, mérito appellátur, quod necessarió putátur. Débuit ergo vir ejus appellári, quia necesse fuit et putári : sicut et pater Salvatóris non quidem esse, sed dici méruit, ut putarétur esse, dicente hoc ipso Ævangelista : Et ipse Jesus erat incipiens quasi annórum trigínta, ut putabátur, filius Joseph.

R. Dedisti mihi protectiõem salútis tuæ, et dèxtera tua suscepit me : *Protéctor meus, et cornu salútis meæ, et susceptor meus. **V.** Ego protéctor tuus sum, et merces tua magna nimis. Protéctor.

Lectio v.

NON est dúbium, quin bonus et fidélis homo fúerit iste Joseph, cui Mater desponsáta est Salvatóris. Fidélis, inquam, servus et prudens, quem constituit Dóminus suæ Matris solátium, suæ carnis nutritium, solum dénique in terris magni consilii coadjutórem fidelissimum. Huc accédit, quod dicitur fuisse de domo David. Vere enim de domo David. Vere de régia stirpe descéndit vir iste Joseph, nóbilis gènere, mente nobilior. Plane filius David, non degénerans a patre suo David ; prorsus, inquam, filius David, non tantum carne, sed fide, sed sanctitáte, sed devotiõe, quem tamquam álium David Dóminus invénit secúndum cor suum, cui tuto committeret sacratíssimum atque secretíssimum sui cordis arcánium : cui, tamquam áleri David, incérta et occúlta sapiéntiæ suæ manifestávit, et dedit illi non ignárum esse mystérii, quod nemo princípum hujus sæculi agnóvit.

R. Státuet filios suos sub tégmine illius, et sub ramis

ejus morábitur : protegétur sub tégmine illius a fervóre :
* Et in glória ejus requiescet.
V. Speráte in eo omnis congregátio pópuli : effúndite coram illo corda vestra. Et.

Lectio vj.

CUI dénique datum est, quod multi reges et prophétæ cum vellent vidére, non vidérunt, audire et non audiérunt, non solum vidére et audire, sed étiam portáre, dedúcere, amplécti, deosculári, et nutríre et custodire. Non tantum áutem Joseph, sed et María descendisse credénda est de domo David : alióquin non esset desponsáta viro de domo David, si non esset et ipsa de domo David. Ambo ígitur erant de domo David : sed in áltera compléta est véritas, quam jurávit Dóminus David, áltero tamen cónsocio et teste adimplétæ promisiónis.

R. Si consistant advérsus me castra, non timébit cor meum : * Si exsúrgat advérsus me prælíum, in hoc ego sperábo. V. In te cantátio mea semper, quóniam tu adjútor fortis. Si. Glória Patri. Si.

IN III. NOCTURNO

Ant. Audiens Joseph * quod Archeláus regnáret in Judæa pro Heróde patre suo, tímuit illo ire.

Ant. Admónitus in somnis, * Joseph secéssit in partes Galilææ, et véniens

habitávit in civitaté quæ vocátur Názareth ; ut adimplerétur quod dictum est per Prophétas : Quóniam Nazaréus vocábitur.

Ant. Erat pater Jesu * et mater mirántes super his quæ dicebántur de illo ; et benedixit illis Simeon.

V. Invocávi Dóminum, Patrem Dómini mei. R. Ut non derelinquat me in die tribulatiónis.

Lectio sancti Evangélíi secúndum Lucam.

Lectio vij. Cap. 3. c.

IN illo témpore : Factum est áutem, cum baptizarétur omnis pópulus et Jesu baptizáto et oránte, apértum est cælum. Et réliqua.

Homilia sancti Augustini
Episcopi.

**Lib. 23. contra Faust.
cap. 7. 8.**

SIC de cælo dictum est super aquam Jordánis : Hic est Filius meus diléctus, in quo mihi bene complácuí : quemádmódum dictum est et in monte. Neque enim quia et ibi de cælo vox ipsa sónuit, Filius Dei ante non fuit : quandóquidem ex útero Virginis ille accépit formam servi, qui cum in forma Dei esset, non rapínam arbitrátus est, esse se æquálem Deo. Dénique idem Apóstolus Páulus álio loco apertissime dicit : Cum áutem venit plenitúdo témporis, misit Deus Fílium suum factum ex muliere, factum sub

lege, ut eos, qui sub lege erant, redimeret, ut filiorum adoptionem reciperemus. Ipse ergo est Filius Dei, qui et Dominus David secundum divinitatem, et idem ipse Filius David ex semine David secundum carnem.

R. Joseph fili David, noli timere accipere Mariam conjugem tuam : quod enim in ea natum est, de Spiritu sancto est : pariet autem filium, * Et vocabis nomen ejus Jesum. *V.* Ipse enim salvum faciet populum suum a peccatis eorum. Et vocabis.

Lectio viij.

QUOD si nobis credere non prodesset, non hoc tam attente idem Apostolus Timotheo commendaret dicens : Memor esto Christum Jesum resurrexisse a mortuis, ex semine David, secundum Evangelium meum. Quid ergo jam moveat sancti Evangelii sectatorem, quod sine concubitu Joseph Christus natus ex Virgine, filius tamen David appellatur, cum generationum seriem non usque ad Mariam, sed usque ad Joseph Matthæus Evangelista perducatur? Primo quia mariti ejus fuerat propter virilem sexum potius honoranda persona : neque enim quia concubitu non permixtus, ideo non maritus, cum ipse Matthæus narret ab Angelo Mariam conjugem ipsius appellatam,

qui narrat, quod de Spiritu sancto concéperat.

R. Surge, et accipe puerum et matrem ejus, et fuge in Ægyptum : * Et esto ibi, usque dum dicam tibi. *V.* Ut adimpleretur quod dictum est a Domino per Prophetam dicentem : Ex Ægypto vocavi Filium meum. Et. Glória Patri. Et.

Lectio ix.

CUM vero unus idemque narrátor utrúmque dicat, utrúmque commendat, et virum Mariæ Joseph, et Christi Virginem Matrem, et Christum ex semine David, et Joseph in série progeneratorum Christi ex David : quid restat, nisi et Mariam non fuisse extraneam a cognatione David, et eam Joseph conjugem non frustra appellatam propter ordinem sexus et animorum confederationem ; et Joseph potius propter dignitatem virilem ab ordine generationum illarum non fuisse separandum, ne hoc ipso videretur ab illa femina separatus, cui eum conjungebat mentis affectus?

Te Deum laudamus. 17.

AD LAUDES

ET PER HORAS

Ant. 1. Jacob autem* genuit Joseph, virum Mariæ, de qua natus est Jesus, qui vocatur Christus.

Ps. Dominus regnavit. cum reliq. 18.

2. Missus est * Angelus Gábel in civitatem

Galilææ, cui nomen Náza-
reth, ad Virginem despon-
sátam viro, cui nomen erat
Joseph.

3. Ascéndit áutem *Joseph
a Galilæa de civitaté Náza-
reth, in Judæam, in civitatē
David, quæ vocátur
Béthlehem.

4. Et venérunt festinán-
tes, * et invenérunt Mariam
et Joseph, et infántem pósito-
tum in præsepío.

5. Et ipse Jesus * erat in-
cipientis quasi annórum tri-
ginta, ut putabátur filius
Joseph.

Capitulum. Gen. 49. d

BENEDICTIONES patris tui
confortátæ sunt bene-
dictionibus patrum ejus,
donec veniret desidérium
còllium æternórum : fiant in
cápite Joseph, et in vértice
Nazaræi inter fratres suos.

Hymnus.

CÆLITUM, Joseph, decus,
atque nostræ
Certa spes vitæ, columénque
mundi,

Quas tibi læti cánimus, be-
nignus

Súscipe láudes.

Te Sator rerum státuit pu-
dicæ

Virginis sponsum, voluitque
Verbi

Te patrem dici, dedit et mi-
nistrum

Esse salútis.

Tu Redemptórem stábulo
jacéntem,

Quem chorus Vatum cécinít
futúrum,

Adspicis gáudens, humilis-
que natum

Numen adóras.

Rex Deus regum, Domi-
nátor orbis,

Cujus ad nutum tremit infe-
rórurum

Turba, cui pronus famulátur
æther,

Se tibi subdit.

Laus sit excélsæ Triadi
perénis,

Quæ tibi præbens súperos
honóres,

Det tuis nobis méritis beátæ
Gáudia vitæ.

Amen.

Ÿ. Dedisti mihi protecti-
onem salútis tuæ. R. Et dextera
tua suscepit me.

Ad Bened. Ant. Joseph fili
David, * noli timére accipere
Mariam cónjugem tuam :
quod enim in ea natum est,
de Spiritu sancto est.

Oratio.

DEUS, qui ineffábili provi-
déntia beátum Joseph
sanctissimæ Genitricis tuæ
Sponsum eligere dignátus es :
præsta quæsumus ; ut quem
protectórem venerámur in
terris, intercessórem habére
mereámur in cælis : Qui
vivis.

AD TERTIAM

Ant. Missus est.

Capit. Benedictiones. **ut
supra.**

R. br. Constituit eum * Dó-
minum domus suæ. Consti-
tuit. Ÿ. Et principem omnis
possessiõis suæ. Dóminum.
Glória Patri. Constituit.

V. Confitébor nómini tuo.

R. Quóniam adjútor et protéctor factus es mihi.

AD SEXTAM

Ant. Ascéndit áutem.

Capitulum. Gen. 49. c

DEUS patris tui erit adjútor tuus, et Omnipotens benedicet tibi benedictiónibus cæli désuper.

R. br. Confitébor * Nómini tuo. Confitébor. **V.** Quóniam adjútor et protéctor factus es mihi. Nómini. Glória Patri. Confitébor.

V. Justus germinábit sicut lilium. **R.** Et florébit in ætérnum ante Dóminum.

AD NONAM

Ant. Et ipse Jesus.

Capitulum. Gen. 49. c

FÍLIUS accrésceus Joseph, filius accrésceus, et decórus adspéctu: filiæ discurrerunt super murum.

R. br. Justus germinábit * Sicut lilium. Justus. **V.** Et florébit in ætérnum ante Dóminum. Sicut. Glória Patri. Justus.

V. Plantátus in domo Dómini. **R.** In átriis domus Dei nostri.

IN II. VESPERIS

Omnia ut in I. Vesperis, præter :

V. Sub umbra illius, quem desideráveram sedi. **R.** Et fructus ejus dulcis gútturi meo.

Ad Magnif. Ant. Fili, quid fecisti * nobis sic? Ecce pater tuus et ego doléntes quærebámus te.

PRO FERIA V

OFFICIUM VOTIVUM

DE SS. EUCHARISTIÆ SACRAMENTO

Semiduplex.

IN I. VESPERIS

Ant. 1. Sacérdos in ætérnum * Christus Dóminus secúndum órđinem Melchisedech, panem et vinum óbtulit.

Ps. 109. Dixit Dóminus. 127.

2. Miserátor Dóminus * escam dedit timéntibus se in memóriam suórum mirabílium.

Ps. 110. Confitébor. 127.

3. Cálicem salutáris * accípiam, et sacrificábo hóstiam láudis.

Ps. 115. Crédidi. 131.

4. Sicut novéllæ olivárum, * Ecclésiæ filii sint in circúitu mensæ Dómini.

Ps. 127. Beáti omnes. 136.

5. Qui pacem * ponit fines Ecclésiæ, fruménti ádipe sátiat nos Dóminus.

Ps. 147. Láuda Jerúsalem. 147.

Capitulum. I. Cor. 11. e

FRATRES: Ego enim accépi a Dómino quod et trádidí vobis, quóniam Dóminus Jesus, in qua nocte tradebátur, accépit panem, et grátias agens fregit, et dixit: Accípíte, et manducáte: hoc est corpus meum, quod pro vobis tradétur: hoc fácite in meam commemoratió-nem.

Hymnus.

PANGE lingua gloriósi
Córporis mystérium,
Sanguinisque pretióri,
Quem in mundi pretium
Fructus ventris generósi
Rex effúdit géntium.

Nobis datus, nobis natus
Ex intácta Virgine,
Et in mundo conversátus,
Sparso verbi sémine,
Sui moras incolátus
Miro cláusit órđine.

In suprémæ nocte cœnæ,
Recúmbens cum frátribus
Observáta lege plene
Cibis in legálibus,
Cibum turbæ duodénæ
Se dat suis mánibus.

Verbum caro, panem ve-
rum
Verbo carnem éfficit :
Fitque sanguis Christi me-
rum,
Et si sensus déficit,
Ad firmándum cor sincérum
Sola fides súfficit.

Tantum ergo Sacraméntum
Venerémur cernui :
Et antiquum documéntum
Novo cedat ritui :
Præstet fides suppleméntum
Sénsuum deféctui.

Genitóri, Genitóque
Laus et jubilátio,
Salus, honor, virtus quoque
Sit et benedictio :
Procedénti ab utróque
Compar sit laudátio. Amen.

V. Panem de cælo præsti-
tisti eis. **R.** Omne delecta-
méntum in se habéntem.

Ad Magnif. Ant. O quam
suávis est * Dómine spiritus

tuus, qui ut dulcédinem
tuam in filios demonstráres,
pane suavissimo de cælo
præstito, esuriéntes reple
bonis, fastidiósos dívites
dimittens inánes.

Oratio ut ad Laud.

**Ad Completorium, et per
Horas, in fine Hymn. dicitur :**
Jesu tibi sit glória,
Qui natus es de Virgine.

AD MATUTINUM

Invit. Christum Regem
adorémus dominántem gén-
tibus : * Qui se manducán-
tibus dat spíritus pingué-
dinem.

Ps. Veníte, exsultémus. 2.

Hymnus.

SACRIS solémniis juncta sint
gáudia,
Et ex præcórdiis sonent præ-
cónia ;
Recédant vétera, nova sint
omnia,
Corda, voces, et ópera.
Noctis recólitur cœna no-
víssima,
Qua Christus créditur agnum
et ázyma
Dedisse frátribus, juxta legi-
tima
Priscis indúlta pátribus.
Post agnum típícum, ex-
plétis épulis,
Corpus Dominicum datum
discípulis,
Sic totum ómnibus, quod
totum singulis,
Ejus fatémur mánibus.
Dedit fragilibus córporis
férculum,
Dedit et tristibus sánguinis
póculum,

Dicens : Accipite quod trado
vâsculum,

Omnes ex eo bibite.

Sic sacrificium istud insti-
tuit,

Cujus officium committi vó-
luit

Solis presbýteris, quibus sic
cóngruit,

Ut sumant, et dent cæte-
ris.

Panis angélicus fit panis
hóminum ;

Dat panis cælicus figúris tér-
minum :

O res mirábilis, mandúcat
Dóminum

Páuper, servus, et hú-
milis.

Te trina Déitas únaque
póscimus,

Sic nos tu visita, sicut te có-
limus :

Per tuas sémitas duc nos quo
téndimus,

Ad lucem, quam inhábi-
tas. Amen.

IN I. NOCTURNO

Ant. Fructum salutiferum.

Psalmus 1.

BEÁTUS vir, qui non ábiit
in consílio impiórum, et
in via peccatórum non stet-
tit, * et in cáthedra pestilén-
tiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus de-
cúrsus aquárum, * quod fru-
ctum suum dabit in témpore
suo :

Et fólium ejus non dé-

fluet : * et ómnia quæcúmque
fáciét, prosperabúntur.

Non sic ímpii, non sic : *
sed tamquam pulvis, quem
próicit ventus a fácie terræ.

Ideo non resúrgent ímpii
in judicio : * neque peccató-
res in concilio justórum.

Quóniam novit Dóminus
viam justórum : * et iter im-
piórum períbit.

Ant. Fructum salutiferum
gustándum dedit Dóminus
mortis suæ témpore.

Ant. A fructu fruménti.

Psalmus 4.

CUM invocárem exaudivit
me Deus justitiæ meæ : *
in tribulatióne dilatásti mi-
hi.

Miserére mei, * et exáudi
orationem meam.

Filii hóminum úsquequo
gravi corde ? * ut quid dili-
gitis vanitátem, et quæritis
mendácium ?

Et scitóte quóniam miri-
ficávit Dóminus sanctum
suum : * Dóminus exáudiet
me cum clamávero ad eum.

Irascimini, et nolite pec-
cáre : * quæ dicitis in cór-
dibus vestris, in cubilibus
vestris compungimini.

Sacrificáte sacrificium ju-
stitiæ, et speráte in Dómi-
no : * multi dicunt : Quis
osténdit nobis bona ?

Signátum est super nos
lumen vultus tui Dómine : *
dedisti lætítiam in corde
meo.

A fructu fruménti, vini, et
ólei sui * multiplicáti sunt.

In pace in idipsum * dór-
miam, et requiéscam;

Quóniam tu Dómine sin-
gulariter in spe * constituísti
me.

Ant. A fructu fruménti et
vini multiplicáti fidéles in
pace Christi requiéscunt.

Ant. Communióne cálicis.

Psalmus 15.

CONSÉRVA me Dómine,
quóniam sperávi in te. *
Dixi Dómino : Deus meus
es tu, quóniam bonórum
meórum non eges.

Sanctis, qui sunt in terra
ejus, * mirificávit omnes vo-
luntátes meas in eis.

Multiplicátæ sunt infirmi-
tátes eórum : * póstea acce-
leravérunt.

Non congregábo conven-
ticula eórum de sanguini-
bus : * nec memor ero nó-
minum eórum per lábia mea.

Dóminus pars hereditátis
meæ, et cálicis mei : * tu
es, qui restitues hereditátem
meam mihi.

Funes cecidérunt mihi in
præcláris : * étenim herédi-
tas mea præclára est mihi.

Benedícam Dóminum, qui
tribuit mihi intelléctum : *
ínsuper et usque ad noctem
increpuérunt me renes mei.

Providébam Dóminum in
conspéctu meo semper : *
quóniam a dextris est mihi,
ne commóvear.

Propter hoc lætátum est
cor meum, et exsultávit lin-
gua mea : * insuper et caro
mea requiéscet in spe.

Quóniam non derelinques
ánimam meam in inférno : *
nec dabis Sanctum tuum vi-
dère corruptiónem.

Notas mihi fecísti vias vi-
tæ, adimplébis me lætitia
cum vultu tuo : * delectatió-
nes in délixtera tua usque in
finem.

Ant. Communióne cálicis,
quo Deus ipse súmitur, non
vitulórum sángine congre-
gávit nos Dóminus.

Ÿ. Panem cæli dedit eis.

℞. Panem Angelórum man-
ducávit homo.

Lect. de Script. occur.

℞. j. Immolábit hœdum
multitúdo filiórum Israël ad
vésperam Paschæ : * Et edent
carnes, et ázymos panes. Ÿ.
Pascha nostrum immolátus
est Christus : itaque epulê-
mur in ázymis sinceritátis et
veritátis. Et.

℞. ij. Comedétis carnes,
et saturabimini pánibus : *
Iste est panis, quem dedit
vobis Dóminus ad vescén-
dum. Ÿ. Non Móyses dedit
vobis panem de cælo, sed
Pater meus dat vobis panem
de cælo verum. Iste.

℞. iiij. Respéxit Eliás ad
caput suum subcinerícium
panem : qui surgens com-
édit et bibit : * Et ambulávit
in fortitúdine cibi illius us-
que ad montem Dei. Ÿ. Si
quis manducáverit ex hoc
pane, vivet in ætérnum. Et.
Glória Patri. Et.

**In Quadragesima vero di-
cuntur sequentes Lectiones.**

De Epístola prima beáti Páuli
Apóstoli ad Corinthios.

Lectio j. Cap. 11. d

CONVENIÉNTIBUS vobis in
unum, jam non est Dó-
minicam cœnam manducá-
re. Unusquisque enim suam
cœnam præsúmit ad man-
ducándum. Et álius quidem
ésurit : álius áutem ébrius
est. Numquid domos non
habétis ad manducándum et
bibéndum? aut Ecclesiám
Dei contémnitis, et confún-
ditis eos, qui non habent?
Quid dicam vobis? Láudo
vos? In hoc non láudo.

R. Immolábit. 247.*

Lectio ij.

EGO enim accépi a Dómino
quod et trádidi vobis,
quóniam Dóminus Jesus, in
qua nocte tradebátur, accé-
pit panem, et grátias agens
fregit, et dixit : Accípite, et
manducáte : hoc est corpus
meum, quod pro vobis tra-
détur : hoc fácite in meam
commemoriatióem. Simili-
ter et cálicem, postquam
cœnavit, dicens : Hic calix
novum testaméntum est in
meo ságuine. Hoc fácite,
quotiescúmque bibétis, in
meam commemoratióem.
Quotiescúmque enim man-
ducábitis panem hunc, et
cálicem bibétis, mortem Dó-
mini annuntiábitis, donec
véniat.

R. Comedétis. 247.*

Lectio iij.

ITAQUE quicúmque mandu-
cáverit panem hunc, vel

biberit cálicem Dómini indí-
gne : reus erit córporis et
sánguinis Dómini. Probet
áutem seípsum homo : et sic
de pane illo edat, et de cá-
lice bibat. Qui enim mandú-
cat et bibit indígne, judi-
cium sibi mandúcat et bibit :
non dijúdicans corpus Dó-
mini. Ideo inter vos multi
infirmi et imbecílles, et dór-
miunt multi. Quod si nos-
metípsos dijudicáremus, non
útique judicáremur. Dum
judicámur áutem, a Dómino
corripimur, ut non cum hoc
mundo damnémur.

R. Respéxit. 247.*

IN II. NOCTURNO

Ant. Memor sit Dóminus.

Psalmus 19.

EXÁUDIAT te Dóminus in
die tribulatióis : * pró-
tegat te nomen Dei Jacob.

Mittat tibi auxilium de
sancto : * et de Sion tueátur
te.

Memor sit omnis sacrificii
tui : * et holocáustum tuum
pingue fiat.

Tribuat tibi secúndum cor
tuum : * et omne consilium
tuum confirmet.

Lætábimur in salutári
tuo : * et in nómine Dei no-
stri magnificábimur.

Impleat Dóminus omnes
petitióes tuas : * nunc co-
gnóvi quóniam salvum fecit
Dóminus Christum suum.

Exáudiet illum de cælo
sancto suo : * in potentátibus
salus dexteræ ejus.

Hi in cúrribus, et hi in

equis : * nos áutem in nómine Dómini Dei nostri invocábitur.

Ipsi obligáti sunt, et ceciderunt : * nos áutem surreximus et erecti sumus.

Dómine salvum fac regem : * et exáudi nos in die, qua invocáverimus te.

Ant. Memor sit Dóminus sacrificii nostri, et holocáustum nostrum pingue fiat.

Ant. Parátur nobis.

Psalmus 22.

DÓMINUS regit me, et nihil mihi déerit : * in loco páscuæ ibi me collocávit.

Super aquam refectiόνis educávit me : * ánimam meam convértit.

Dedúxit me super sémitas justitiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculo tuus : * ipsa me consoláta sunt.

Parásti in conspéctu meo mensam, * advérsus eos, qui tribulant me.

Impinguásti in óleo caput meum : * et calix meus inebrians quam præclárus est!

Et misericórdia tua subsequétur me * ómnibus diébus vitæ meæ :

Et ut inhábitem in domo Dómini, * in longitudinem diérum.

Ant. Parátur nobis mensa Dómini advérsus omnes, qui tribulant nos.

Ant. In voce exsultatiόνis.

Psalmus 41.

QUENÁDMODUM desiderat cervus ad fontes aquarum : * ita desiderat ánima mea ad te Deus.

Sitívit ánima mea ad Deum fortem vivum : * quando véniam, et apparebo ante faciém Dei?

Fuérunt mihi lácrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : * quóniam transibo in locum tabernáculi admirábilis, usque ad domum Dei.

In voce exsultatiόνis, et confessiόνis : * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi : * salutare vultus mei, et Deus meus.

Ad meípsum ánima mea conturbáta est : * propterea memor ero tui de terra Jordánis, et Hermóniim a monte módico.

Abýssus abyssum invocát, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ

meæ, * dicam Deo : Suscéptor meus es.

Quare oblitus es mei? * et quare contristátus incédo, dum affligit me inimicus?

Dum confringúntur ossa mea, * exprobravérunt mihi, qui tribulant me inimici mei.

Dum dicunt mihi per singulos dies : Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi : * salutare vultus mei, et Deus meus.

Ant. In voce exsultatiónis résonent epulántes in mensa Dómini.

v. Cibávit illos ex ádipe fruménti. **¶.** Et de petra, melle saturávit eos.

MENSE DECEMBRI

Sermo sancti Cyrilli Epíscopi Hierosolymítáni.

Catechesi mystagog. 4.

Lectio iv.

IPSA beáti Páuli doctrína abúnde sufficere vidétur, ut certam vobis de divínis mystériis fidem fáciat, quibus digni rédditi, concorpórei, ut ita dicam, et consanguinei Christi facti estis. Ipse enim modo clamábat, quod in nocte qua tradebátur Dóminus noster Jesus Christus, accípiens panem, et grátias agens fregit, et dedit discipulis suis, dicens : Accípите, et manducáte : hoc

est corpus meum. Et accípiens cálicem, et grátias agens, dixit : Accípите, et bibite : hic est sanguis meus. Cum ígitur ipse de pane pronuntiáverit ac dixerit : Hoc est corpus meum : quis audébit deinceps ambígere? Et cum idem ipse tam asseveránter dixerit : Hic est sanguis meus : quis umquam dubitáverit, ut dicat non esse ejus sánguinem?

¶. Cœnántibus illis accépit Jesus panem, et benedíxit, ac fregit, deditque discipulis suis, et ait : * Accípите, et comédite : hoc est corpus meum. **v.** Dixérunt viri tabernáculi mei : Quis det de cárnibus ejus, ut saturémur? Accípите.

Lectio v.

AQUAM olim in vinum convertit in Cana Galilææ, quod habet quamdam cum ságuine propinquitatem : et eum parum dignum existimábitis, cui credámus quod vinum in sánguinem transmutárit? Ad eas nuptias, quibus córpora copulántur, vocátus, præter opiiónem ómnium hoc fecit miraculum : et non multo magis sic eum corpus et sánguinem suum fruénda nobis donásse persuásus firmiter habébimus, ut ea cum omni certitúde tamquam corpus ipsíus et sánguinem sumámus? Nam in spécie panis dat nobis corpus, et in spécie vini dat nobis sánguinem.

nem : ut, cum sumpseris, gustes corpus et sanguinem Christi, factus ejusdem corporis et sanguinis particeps. Sic enim efficimur Christiferi, hoc est Christum in corporibus nostris ferentes, cum corpus ejus et sanguinem in membra nostra recipimus : sic secundum beatum Petrum, divinæ naturæ consortes reddimur.

℟. Accipit Jesus calicem, postquam cenavit, dicens : Hic calix novum testamentum est in meo sanguine : * Hoc facite in meam commemorationem. ℣. Memoria memor ero, et tabescet in me anima mea. Hoc.

Lectio vj.

OLIM cum Judæis Christus disserens, Nisi manducaveritis, inquit, carnem meam, et biberitis meum sanguinem, non habebitis vitam in vobis. Cum autem illi, quæ dicta fuerant, non spiritaliter accepissent, offensi abiierunt retro : putabant enim quod eos ad manducandas carnes hortaretur. Erant et in veteri testamento panes propositionis; verum illi cum fuerint veteris testamenti, finem jam accepérunt. In novo vero testamento panis est cælestis, et calix salutaris, qui et animam et corpus sanctificant. Quamobrem non sic hæc attendas velim, tamquam sint nudus et simplex panis, nudum et simplex vinum :

corpus enim sunt et sanguis Christi. Nam etiamsi sensus illud tibi renuntiat, fides tamen te confirmet. Ne iudices rem ex gustu : sed te citra ullam dubitationem fides certum reddat, quod sis dignus factus, qui corporis et sanguinis Christi particeps fieres.

℟. Ego sum panis vitæ : patres vestri manducaverunt manna in deserto, et mortui sunt : * Hic est panis de cælo descendens, ut si quis ex ipso manducet, non moriatur. ℣. Ego sum panis vivus, qui de cælo descendi : si quis manducaverit ex hoc pane, vivet in æternum. Hic. Glória Patri. Hic.

MENSIBUS

JANUARIO ET FEBRUARIO

Sermo sancti Joannis
Chrysostomi.

Homil. 61. ad populum
Antioch.

Lectio iv.

NECESARIUM est, dilectissimi, mysteriorum discere miraculum, quodnam sit, et quare sit datum, et quæ ejus rei utilitas. Unum corpus efficimur : Membra, inquit, ex carne ejus, et ex ossibus ejus : sequamur autem initiati, quæ dicuntur. Ut itaque non tantum per caritatem hoc fiamus, verum etiam ipsa re, in illam misceamur carnem : hoc namque per escam efficitur, quam largitus est nobis,

volens ostendere desiderium quod erga nos habet. Propterea semetipsum nobis immiscuit, et corpus suum in nos contemperavit, ut unum quid simus tamquam corpus capiti coaptatum : ardenter enim amantium hoc est.

R. Coenantibus illis. 250*.

Lectio v.

TAMQUAM leones igitur ignem spirantes ab illa mensa recedamus, facti diabolo terribiles, et caput nostrum mente revolventes, et caritatem quam erga nos ostendit. Nam parentes quidem aliis saepe filios tradunt alendos : ego autem, inquit, non ita, sed carnibus meis alo, et meipsum vobis appono, vos omnes generosos esse volens, et spem bonam de futuris vobis praebens : quippe qui vobis hic me ipsum tradidi, multo magis id in futuro faciam. Volo frater vester fieri, carni propter vos et sanguini communicavi : vobis vicissim ipsam carnem et sanguinem, per quae cognatus vester factus sum, trado.

R. Accipit Jesus. 251*.

Lectio vj.

ATTENDAMUS itaque nobis ipsis, dilectissimi, talibus fruentes bonis : et cum aliquid turpe dicere voluerimus, vel nos ab ira corripi viderimus, vel alio quopiam huiusmodi vitio, consideremus quibus facti sumus di-

gni : talisque cogitatio nobis irrationabilium motuum sit correctio. Quotquot igitur hujus participes corporis efficimur, quotquot sanguinem degustamus ; cogitemus, quod illum sursum sedentem, qui ab Angelis adoratur, incorruptibili vicinus virtuti, hunc degustamus. Hei mihi, quot ad salutem nobis viae ! Nos corpus suum effecit, nobis suum communicavit corpus : et horum nos nihil a malis avertit.

R. Ego sum. 251*.

MENSE MARTIO

Sermo sancti Joannis Chrysostomi.

Ex Hom. 60. ad pop. Antioch.

Lectio iv.

QUONIAM Verbum dicit : Hoc est corpus meum : et assentiámur, et credámus, et intellectuálibus ipsum óculis intueámur. Nihil enim sensibile nobis Christus tradidit : sed sensibilibus quidem rebus, at ómnia intelligibilia. Itidem et in baptismo : per rem nempe sensibilem aquam, donum confertur : intelligibile vero quod perficitur, generatio et renovatio. Si enim incorpóreus esses, nuda et incorpórea tibi dedisset ipse dona : sed quoniam ánima córpori conserta est, in sensibilibus intelligibilia tibi praebet. Quot nunc dicunt : Vellem ipsius formam adspicere, figúram, vestiménta, calceaménta ?

Ecce eum vides, ipsum tangis, ipsum manducas. Et tu quidem vestimenta cupis videre : ipse vero tibi concedit non tantum videre, verum et manducare, et tangere, et intra te sumere.

R. Cœnantibus illis. 250*.

Lectio v.

IGITUR accedat nemo cum nausea, nemo resolutus, omnes accensi, omnes ferventes et excitati. Nam si Judæi stantes, et calceamenta in pedibus habentes, et baculos manibus gestantes, agnum cum festinatione comedebant : te multo magis oportet esse solertem. Nam illi quidem in Palæstinam erant profecturi, et propterea viatorum figuram habebant : tu vero debes in cælum migrare. Quapropter in omnibus oportet te vigilare : nec enim parva poena proponitur indigne sumentibus. Cógita quantum adversus proditorem indignaris, et contra eos qui illum crucifixerunt : itaque considera, ne tu quoque sis reus corporis et sanguinis Christi. Illi sanctissimum corpus occiderunt, tu vero polluta suscipis anima, post tot beneficia. Neque enim illi satis fuit, hominem fieri, colaphis cædi, et crucifigi : verum et semetipsum nobis commiscet ; et non fide tantum, verum et ipsa re nos suum efficit corpus.

R. Accipit Jesus. 251*.

Lectio vj.

Quo non oportet igitur esse puriorem, tali fruentem sacrificio? quo solari radio non splendidiorem manum, carnem hanc dividentem? os quod igni spiritali repletur, linguam quæ tremendo nimis sanguine rubescit? Cógita quali sis insignitus honore, quali mensa fruaris. Quod Angeli videntes horrescunt, neque libere audent intuéri propter emicantem inde splendorem; hoc nos pascimur, huic nos unimur, et facti sumus unum Christi corpus, et una caro. Quis loquétur potentias Dómini, auditas faciet omnes laudes ejus? Quis pastor oves proprio pascit cruore? Et quid dico, pastor? Matres multæ sunt, quæ post partus dolores, filios aliis tradunt nutricibus. Hoc autem ipse non est passus : sed ipse nos proprio sanguine pascit, et per omnia nos sibi coagmentat.

R. Ego sum panis. 251*.

IN III. NOCTURNO

Ant. Introibo.

Psalmus 42.

JÚDICA me Deus, et discerne causam meam de gente non sancta,* ab homine iniquo, et doloso erue me.

Quia tu es Deus fortitudo mea : * quare me repulisti? et quare tristis incedo, dum affligit me inimicus?

Emitte lucem tuam et veritatem tuam : * ipsa me de-

duxérunt, et adduxérunt in montem sanctum tuum, et in tabernacula tua.

Et introibo ad altáre Dei : * ad Deum, qui lætíficat juventutem meam.

Confitébor tibi in cithara Deus Deus meus : * quare tristis es ánima mea? et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. Introibo ad altáre Dei : sumam Christum, qui renovat juventutem meam.

Ant. Cibávit nos Dóminus.

Psalmus 80.

EXSULTÁTE Deo adjutóri nostro : * jubiláte Deo Jacob.

Súmíte psalmum, et date tympanum : * psaltérium jucúndum cum cithara.

Buccináte in Neoménia tuba, * in insígni die solemnitatís vestræ :

Quia præcéptum in Israë́l est : * et júdicium Deo Jacob.

Testimónium in Joseph pósuit illud, cum exíret de terra Ægýpti : * linguam, quam non nóverat, audivit.

Divértit ab onéribus dorsum ejus : * manus ejus in cophino serviérunt.

In tribulatióne invocásti me, et liberávi te : * exaudivi te in abscondito tempestátis : probávi te apud aquam contradicţiónis.

Audi pópulus meus, et contestábor te : * Israë́l si audieris me, non erit in te

deus recens, neque adorábis deum aliénium.

Ego enim sum Dóminus Deus tuus, qui edúxi te de terra Ægýpti : * diláta os tuum, et implébo illud.

Et non audivit pópulus meus vocem meam : * et Israë́l non inténdit mihi.

Et dimisi eos secúndum desidéria cordis eórum, * ibunt in adinventiόνibus suis.

Si pópulus meus audisset me : * Israë́l si in viis meis ambuláset :

Pro nihilo fórsitan inimicos eórum humiliássem : * et super tribulántes eos misíssem manum meam.

Inimici Dómini mentiti sunt ei : * et erit tempus eórum in sácula.

Et cibávit eos ex ádipe fruménti : * et de petra, melle saturávit eos.

Ant. Cibávit nos Dóminus ex ádipe fruménti : et de petra, melle saturávit nos.

Ant. Ex altári tuo.

Psalmus 83.

QUAM dilécta tabernacula tua Dómine virtútum : * concupiscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos,

Altária tua Dómine virtútum : * Rex meus, et Deus meus.

Beáti, qui hábitant in domo tua Dómine : * in sácula sæculórum laudábunt te.

Beátus vir, cujus est auxilium abs te : * ascensiónes in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, ibunt de virtúte in virtútem : * vidébitur Deus deórum in Sion.

Dómine Deus virtútum exáudi oratióem meam : * áuribus pèrcipe Deus Jacob.

Protéctor noster ádspice Deus : * et réspice in fáciem Christi tui :

Quia mélior est dies una in átriis tuis * super millia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem diligit Deus : * grátiam, et glóriam dabit Dñs.

Non privábit bonis eos, qui ámbulant in innocéntia : * Dómine virtútum, beátus homo, qui sperat in te.

Ant. Ex altári tuo Dómine Christum súmimus : in quem cor et caro nostra exsúltant.

℣. Edúcas panem de terra.

℟. Et vinum lætifícet cor hóminis.

MENSE DECEMBRI

Léctio sancti Evangélíi secúndum Joánnem.

Lectio vij. Cap. 6. f

In illo témpore : Dixit Jesus turbis Judæórum : Caro mea, vere est cibus : et san-

guis meus, vere est potus. Et réliqua.

Homília sancti Cyrilli Episcopi Alexandrini.

Lib. 4. in Joann. cap. 17.

Qui mandúcat, inquit, carnem meam, et bibit sanguínem meum, in me manet, et ego in illo. Sicuti enim si quis liquefactæ ceræ áliam ceram infúderit, áliam cum áliera per totum commisceat necesse est : sic qui carnem et sanguínem Dómini récipit, cum ipso ita conjúgitur, ut Christus in ipso, et ipse in Christo inveníatur. Simili quodam modo apud Matthæum compéries. Simile est, inquit, regnum cælórum fermento, quod accéptum abscóndit múlter in farináe satis tribus. Sicut parum, ut Páulus ait, fermenti totam massam fermentat : sic párvula benedictio totum hóminem in seípsum átrahit, et sua grátia replet : et hoc modo in nobis Christus manet, et nos in Christo.

℟. Qui mandúcat meam carnem, et bibit meum sanguínem, * In me manet, et ego in eo. **℣.** Non est ália nátio tam grandis, quæ hábeat deos appropinquántes sibi, sicut Deus noster adest nobis. In.

Lectio viij.

Nos vero, si vitam æternam cónsequi vólumus, si largitórem immortalitátis habére in nobis desiderá-

mus, ad recipiendam benedictionem libenter concurramus : caveamusque ne loco láquei damnosam religionem diabolus nobis prætendat. Recte (inquit) dicis : scriptum tamen esse non ignoramus, iudicium sibi comedere atque bibere illum, qui de pane comedit et de cálice bibit indigne. Ego igitur probo meipsum, et indignum invenio. Quando igitur, quicumque tu es qui ista dicis, dignus eris? quando Christo teipsum offeres? Nam si peccando indignus es, et peccare non desinis, (quis enim delicta intelligit? secundum Psalmistam) expers omnino eris vivificæ huius sanctificationis.

℞. Misit me vivens Pater, et ego vivo propter Patrem :
 * Et qui manducat me, vivet propter me. ℞. Cibavit illum Dominus pane vitæ et intellectus. Et. Glória Patri. Et.

Lectio ix.

QUARE pias quæso cogitationes suscipias, studiose sanctæque vivas, et benedictionem participes : quæ (mihi crede) non mortem solum, verum etiam morbos omnes depellit. Sedat enim, cum in nobis maneat Christus, sævientem membrorum nostrorum legem : pietatem corroborat, perturbationes animi extinguit, ægròtos curat, collisos redintegrat : et sicut pastor bonus, qui animam suam

pro óvibus pòsuit, ab omni nos erigit casu.

Te Deum laudamus. 17.

MENSIBUS

JANUARIO ET FEBRUARIO

Lectio sancti Evangelii secundum Joannem.

Lectio vij. Cap. 6. f

IN illo tempore : Dixit Jesus turbis Judæorum : Caro mea, vere est cibus : et sanguis meus, vere est potus. Et reliqua.

Homilia sancti Augustini
 Episcopi.

Tract. 27. in Joannem.

VERBA Dómini ex Evangelio, quæ sermonem pristinum consequuntur, audivimus. Hinc sermo debetur auribus et mentibus vestris, et hodierna die non importunus est. Est enim de corpore Dómini, quod dicebat se dare ad manducandum propter æternam vitam. Expósuit autem modum attributionis huius, et doni sui, quomodo daret carnem suam manducare, dicens : Qui manducat carnem meam, et bibit sanguinem meum, in me manet, et ego in illo. Signum quia manducavit et bibit, hoc est : si manet, et manetur : si habitat, et inhabitatur : si hæret, ut non deseratur.

℞. Qui manducat. 255*.

Lectio viij.

Hoc ergo nos docuit et admónuit mysticis verbis, ut simus in ejus corpore sub ipso capite in membris

ejus, edéntes carnem ejus, non relinquéntes unitátem ejus. Sed qui áderant, plures non intelligéndo scandalizáti sunt : non enim cogitábant, hæc audiéndo, nisi carnem, quod ipsi erant. Apóstolus áutem dicit et verum dicit : Sápere secúndum carnem, mors est. Carnem suam dat nobis Dóminus manducáre : et sápere secúndum carnem mors est. Cum de carne sua dicat, quia ibi est vita æténa : ergo nec carnem debémus sápere secúndum carnem, sicut in his verbis : Multi itaque audiéntes, non ex inimicis, sed ex discipulis ejus, dixerunt : Durus est hic sermo, et quis potest eum audire?

R. Misit me. 256*.

Lectio ix.

SI discipuli durum habuerunt istum sermónem, quid inimici? Et tamen sic oportébat ut dicerétur, quod non ab ómnibus intelligerétur. Secrétum Dei inténtos debet fácere, non advérsos : isti áutem cito defecerunt, tália loquénte Dómino Jesu Christo. Non credidérunt áliquid magnum dicéntem, et verbis illis áliquam grátiam cooperiéntem : sed prout voluerunt, ita intellexérunt, et more hóminum : quia póterat Jesus, aut hoc disponébat Jesus, carnem, qua indútum erat Verbum, véluti concisam, distribúere credéntibus in se. Durus est,

inquiunt, hic sermo : quis potest eum audire?

Te Deum laudámus. 17.

MENSE MARTIO

Léctio sancti Evangélii secúndum Joánnem.

Lectio vij. Cap. 6. f

IN illo témpore : Dixit Jesus turbis Judæórum : Caro mea, vere est cibus : et sanguis meus, vere est potus. Et réliqua.

Homilia sancti Augustini
Epíscopi.

Tract. 27. in Joan. ante med.

DÍXIMUS, fratres, hoc Dóminus commendásse in manducatíone carnis suæ, et potatíone sánguinis sui, ut in illo maneamus, et ipse in nobis. Manémus áutem in illo, cum sumus membra ejus : manet áutem ipse in nobis, cum sumus templum ejus. Ut áutem simus membra ejus, únitás nos compáginat : ut compáginet únitás, quæ facit, nisi cáritas? Et cáritas Dei unde? Apóstolum intérroga. Cáritas, inquit, Dei diffúsa est in córdibus nostris per Spiritum sanctum, qui datus est nobis.

R. Qui manducat. 255*.

Lectio viij.

ERGO spiritus est qui vivificat : spiritus enim facit viva membra : nec viva membra spiritus facit, nisi quæ in córpore, quod végetat ipse spíritus, invenerit. Nam spíritus, qui est in te, o homo, quo constas ut

homo sis, numquid vivificat membrum quod separatum invenerit a carne tua? Spiritum tuum dico animam tuam. Anima tua non vivificat, nisi membra quæ sunt in carne tua : unum si tollas, jam non vivificatur ex anima tua, quia unitati corporis tui non copulatur.

R. Misit me. 256*.

Lectio ix.

HÆC dicuntur, ut amemus unitatem, et timeamus separationem. Nihil enim sic debet formidare Christianus, quam separari a corpore Christi. Si enim separatur a corpore Christi, non est membrum ejus : si non est membrum ejus, non vegetatur spiritu ejus. Quisquis autem, inquit Apostolus, spiritum Christi non habet : hic non est ejus. Spiritus ergo est, qui vivificat, caro autem non prodest quidquam. Verba, quæ ego locutus sum vobis, spiritus et vita sunt. Quid est, Spiritus et vita sunt? Spiritualem intelligenda sunt. Intellexisti spiritualiter? Spiritus et vita sunt. Intellexisti carnaliter? Etiam sic illa spiritus et vita sunt, sed tibi non sunt.

Te Deum laudamus. 17.

AD LAUDES

ET PER HORAS

Ant. 1. Sapientia * ædificavit sibi domum, miscuit vinum, et posuit mensam.

Ps. Dominus regnavit. *cum reliq.* 18.

2. Angelorum esca * nutriti populum tuum, et panem de cælo prestitisti eis.

3. Pinguis est panis * Christi, et præbebit delicias regibus.

4. Sacerdotes sancti * incensum et panes offerunt Deo.

5. Vincenti dabo * manna absconditum, et nomen novum.

Capitulum. I. Cor. 11. e

FRATRES : Ego enim accépi a Domino, quod et tradidi vobis, quoniam Dominus Jesus in qua nocte tradebatur, accépit panem, et grátias agens fregit, et dixit : Accipite, et manducate : hoc est corpus meum, quod pro vobis tradetur : hoc facite in meam commemorationem.

Hymnus.

VERBUM supernum prodicens,
Nec Patris linquens dexteram,

Ad opus suum exiens,
Venit ad vitæ vesperam.

In mortem a discipulo
Suis tradendus æmulis,
Prius in vitæ ferculo
Se tradidit discipulis.

Quibus sub bina specie
Carnem dedit et sanguinem ;
Ut duplicis substantiæ
Totum cibaret hominem

Se nascens dedit socium,
Convalescens in edulium,
Se moriens in pretium,
Se regnans dat in præmium.

O salutaris hostia,
Quæ cæli pandis ostium,

Bella premunt hostilia,
Da robur, fer auxilium.

Uni trinóque Dómino
Sit sempitérna glória :
Qui vitam sine término,
Nobis donet in pátria.

Amen.

Ÿ. Pósuit fines tuos pacem. **R.** Et ádipe fruménti sátiat te.

Ad Bened. Ant. Ego sum * panis vivus, qui de cælo descéndi : si quis manducáverit ex hoc pane, vivet in ætérnum.

Oratio.

DEUS, qui nobis sub Sacraménto mirábili passiónis tuæ memóriam reliquisti : tribue, quæsumus, ita nos córporis et ságuinis tui sacra mystéria venerári ; ut redemptionis tuæ fructum in nobis júgiter sentiámus : Qui vivis et regnas.

AD PRIMAM

In R. br. Ÿ. Qui natus es de María Virgine.

AD TERTIAM

Ant. Angelórum esca.

Capit. Fratres : Ego enim.

R. br. Panem cæli * Dedit eis. Panem. **Ÿ.** Panem Angelórum manducávit homo. Dedit eis. Glória. Panem.

Ÿ. Cibávit illos ex ádipe fruménti. **R.** Et de petra, melle saturávit eos.

AD SEXTAM

Ant. Pinguis est panis.

Capitulum. I. Cor. 11. f

QUOTIESCÚMQUE enim manducábitis panem hunc, et cálicem bibétis : mortem

Dómini annuntiábitis, donec véniat.

R. br. Cibávit illos * Ex ádipe fruménti. Cibávit. **V.** Et de petra, melle saturávit eos. Ex. Glória Patri. Cibávit.

Ÿ. Edúcas panem de terra. **R.** Et vinum lætíficet cor hóminis.

AD NONAM

Ant. Vincénti dabo.

Capitulum. I. Cor. 11. f

QUICÚMQUE manducáverit panem hunc, vel biberit cálicem Dómini indigne : reus erit córporis et ságuinis Dómini.

R. br. Edúcas panem * De terra. Edúcas. **V.** Et vinum lætíficet cor hóminis. De. Glória Patri. Edúcas.

Ÿ. Pósuit fines tuos pacem. **R.** Et ádipe fruménti sátiat te.

IN II. VESPERIS

Omnia ut in I., præter :

Ÿ. Panem de cælo præstísti eis. **R.** Omne delectaméntum in se habéntem.

Ad Magnif. Ant. O sacrum convívium, * in quo Christus súmitur : recólitur memória passiónis ejus : mens implétur grátia : et futúrae glóriæ nobis pignus datur.

PRO FERIA VI

OFFICIUM VOTIVUM

DE PASSIONE D. N. J. C.

Semiduplex.

IN I. VESPERIS

Ant. 1. Cálicem salutáris * accípiam, et nomen Dómini invocábo.

Ps. 115. Crédidi. 131.

2. Cum his * qui odérunt pacem, eram pacíficus: dum loquébar illis, impugnábant me gratis.

Ps. 119. Ad Dóminum. 131.

3. Ab homínibus * iníquis libera me Dómine.

Ps. 139. Eripe me. 142.

4. Custódi me * a láqueo quem statuérunt mihi, et a scándalis operántium iniquitátem.

Ps. 140. Dómine clamávi ad te. 143.

5. Considerábam * ad dexteram, et vidébam, et non erat qui cognósceret me.

Ps. 141. Voce mea. 144.

Capit. ut in Laud. 271*.

Hymnus.

MÆRÉNTES óculi, spárgite lácrymas,
Et luctu résonent íntima córdium:

Illátas réfero Númini ab impiis

Pœnas, et fera vúlnera.

Accínta, heu! gládiis turba satéllitum

Arréptum Dóminum fústibus impetit,

Nunc cædit cólaphis, nunc quatit hórridis

Divínium caput íctibus.

Haud finis scéleri: tráditur improbo

Christus carnífici: nec mora, bárbarus

In Regem súperum non timet impio

Ausu vérttere dexteram.

Audite o pópuli Numen amábile,

Manánte ex húmeris úndique sángine,

Lictóris rábidi sústinet ímpetum,

Et vocem premit innocens.

Quis non illácrymet? Jam nova cóndidit

Torménta indómitæ gentis iniquitas:

Infígit cérebro, proh dolor! éfferis

Sertum vépribus áasperum.

Heu crimen! tráhitur fú-nibus ímprobis

Funésti Dóminus supplicii ad locum;

Illic oppétiit fúnere, spiritum Patri restituens suo.

Passo pro miseris tam fera vúlnera

In terris résonet débíta glória;

Sacrúmque assidue nomen in æthera

Humánium genus éfferat.

Amen.

V. Oblátus est quia ipse voluit. **R.** Et livóre ejus sanáti sumus.

Ad Magnif. Ant. O vos omnes * qui transítis per viam, atténdite, et vidéte si est dolor sicut dolor meus.

Orat. ut ad Laud. 272*.

Ad Complet. et per Horas diei, in fine Hymn. dicitur:

Sit laus Patri, ac Paráclito, Natóque Patris único,

Nostræ dedit qui pródigus Prétium salútis sánguinem.

Amen.

AD MATUTINUM

Invit. Christum Regem crucifixum * Veníte, adorémus.

Ps. Venite, exsultémus. 2.

Hymnus.

ADSPICE, infámi Deus ipse ligno

Pendet, effúso mádidus cruóre :

Adspice, immíti manus alma clavo

Fínditur alte.

Hunc, velut pravi scéleris mínistrum,

Inter indignos médium latrónes

Cerne : crudélis fuit ista gentis

Dira volúntas.

Pallet, heu! vultus; caput ecce lassum

Flectitur : cláusis óculis Redémptor

Spiritum sacro méritis onústum

Fundit ab ore.

O cor, æs durum súperas, geméndo

Ni scelus tergas; tua culpa Christum

Stipiti affixit, tua culpa morti Súbdidit atræ.

Sit Deo ætérnum decus omne in ævum,

Qui pius nostri géneris Redémptor,

Criminis labem miseris nocéntem

Sánguine tersit. Amen.

IN I. NOCTURNO

Ant. Adstitérunt reges terræ.

Psalmus 2.

QUARE fremuérunt gentes,* et pópuli meditáti sunt inánia?

Adstitérunt reges terræ, et

principes convenérunt in unum* advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua : * et in furóre suo conturbábit eos.

Ego áutem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam téminos terræ.

Reges eos in virga férrea,* et tamquam vas figuli confrínges eos.

Et nunc reges intelligite : * erudimini qui judicátis terram.

Servite Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus,* et pereátis de via justa.

Cum exárserit in brevi ira ejus,* beáti omnes, qui confidunt in eo.

Ant. Adstitérunt reges terræ, et principes convenérunt in unum advérsus Dóminum, et advérsus Christum ejus.

Ant. Multiplicáti sunt.

Psalmus 3.

DÓMINE quid multiplicáti sunt qui tribulant me? * Multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu áutem Dómine suscēptor meus es, * glória mea; et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exsurrexi, quia Dóminus suscepit me.

Non timébo millia pópuli circumdántis me: * exsúrge Dómine, salvum me fac Deus meus.

Quóniam tu percussísti omnes adversántes mihi sine cáusa: * dentes peccatórum contrivísti.

Dñi est salus: * et super pópulum tuum benedictio tua.

Ant. Multiplicáti sunt qui tribulant me; multi insúrgunt advérsus me.

Ant. Divisérunt.

Psalmus 21.

DEUS Deus meus réspice in me: quare me dereliquísti? * longe a salúte mea verba delictórum meórum.

Deus meus clamábo per diem, et non exáudies: * et nocte, et non ad insipiéntiam mihi.

Tu áutem in sancto hábitas, * laus Israël.

In te speravérunt patres nostri: * speravérunt, et liberásti eos.

Ad te clamavérunt, et salví facti sunt: * in te speravérunt, et non sunt confúsi.

Ego áutem sum vermis, et non homo: * oppróbrium hóminum, et abjéctio plebis.

Omnes vidéntes me, derisérunt me: * locúti sunt lábiis, et movérunt caput.

Sperávit in Dómino, eripiat eum: * salvum fáciat eum, quóniam vult eum.

Quóniam tu es, qui extraxísti me de ventre: * spes mea ab ubéribus matris meæ. In te projéctus sum ex útero:

De ventre matris meæ Deus meus es tu, * ne discesseris a me:

Quóniam tribulátio próxima est: * quóniam non est qui ádjuvet.

Circumdedérunt me vítuli multi: * táuri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum: * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis: * et in púlverem mortis deduxísti me.

Quóniam circumdedérunt me canes multi: * concílium malignántium obsédit me.

Foderunt manus meas et

pedes meos : * dinumeravérunt ómnia ossa mea.

Ipsi vero consideravérunt et inspexérunt me : * divisérunt sibi vestiménta mea, et super vestem meam misérunt sortem.

Tu áutem Dómine ne elongáveris auxilium tuum a me : * ad defensiónem meam cónspecte.

Erue a frámea Deus ánimam meam : * et de manu canis únicam meam :

Salva me ex ore leónis : * et a cónibus unicórnium humilitátem meam.

Narrábo nomen tuum fratribus meis : * in médio ecclésiæ laudábo te.

Qui timétis Dóminum, laudáte eum : * univérsum semen Jacob glorificáte eum.

Tímeat eum omne semen Israël : * quóniam non sprexit, neque despéxit deprecationem páuperis :

Nec avértit fáciem suam a me : * et cum clamárem ad eum, exaudivit me.

Apud te laus mea in ecclésia magna : * vota mea reddam in conspéctu timéntium eum.

Edent páuperes, et saturabúntur : et laudábunt Dóminum qui requírent eum : * vivent corda eórum in sáculum sáculi.

Reminiscéntur et converténtur ad Dóminum * univérsi fines terræ :

Et adorábunt in conspéctu ejus * univérsæ familiæ géntium.

Quóniam Dómini est regnum : * et ipse dominábitur géntium.

Manducavérunt et adoravérunt omnes pingues terræ : * in conspéctu ejus cadent omnes qui descéndunt in terram.

Et ánima mea illi vivet : * et semen meum sérviet ipsi.

Annuntiábitur Dómino generátio ventúra : * et annuntiábunt cæli justítiam ejus pópulo qui nascétur, quem fecit Dóminus.

Ant. Divisérunt sibi vestiménta mea, et super vestem meam misérunt sortem.

V. Oblátus est, quia ipse voluit. **R.** Et livóre ejus sanáti sumus.

Lect. de Script. occur.

R. j. Vinea mea elécta, ego te plantávi, dicit Dóminus : et tu facta es mihi nimis amára : * Quia parásti crucem Salvatóri tuo. **V.** Pópule meus, quid feci tibi, aut in quo contristávi te? respónde mihi. Quia.

R. ij. Ego edúxi te de Ægýpto, demérso Pharaóne in mare Rubrum, et ante te præivi in colúmna nubis : * Et tu me tradidisti principibus sacerdótum, et me duxisti ad prætóríum Piláti. **V.** Pópule meus, quid feci tibi, aut in quo contristávi te? respónde mihi. Et.

R. iiij. Ego propter te flagellávi Ægýptum cum primogénitis suis : * Et tu me flagellátum tradidisti, * Qui

tamquam agnus coram tondente se obmutui, et non aperui os meum. **V.** Pópule meus, quid feci tibi, aut in quo contristávi te? respónde mihi. Et. Glória Patri. Qui.

In Quadragesima vero, dicuntur seq. Lectiones.

De Epístola beáti Páuli Apóstoli ad Romános.

Lectio j. Cap. 5.

COMMÉNDAT caritátem suam Deus in nobis : quóniam cum adhuc peccatóres essémus, secúndum tempus, Christus pro nobis mórtuus est : multo igitur magis nunc justificáti in sanguine ipsíus, salvi érimus ab ira per ipsum. Si enim cum inimíci essémus, reconciliáti sumus Deo per mortem Filii ejus : multo magis reconciliáti, salvi érimus in vita ipsíus. Non solum áutem : sed et gloriámur in Deo per Dóminum nostrum Jesum Christum, per quem nunc reconciliatióne accépi-mus. Si enim unius delicto mors regnávit per unum : multo magis abundántiam grátiae, et donatiónis, et justitiae accipiéntes, in vita regnábunt per unum Jesum Christum.

R. Vinea mea elécta. 263*.

Lectio ij.

IGITUR, sicut per unius delictum in omnes hómines in condemnatióne : sic et per unius justitiam in omnes hómines in justificatióne vitæ. Sicut enim per inobe-

diéntiam unius hóminis, peccatóres constitúti sunt multi : ita et per unius obediti-
nem, justí constituéntur multi. Lex áutem subintrávit ut abundáret delíctum. Ubi áutem abundávit delíctum, superabundávit grátia. Ut sicut regnávit peccátum in mortem : ita et grátia regnet per justitiam in vitam ætérnam, per Jesum Christum Dóminum nostrum.

R. Ego edúxi te. 263*.

Lectio iij. Cap. 6.

QUID ergo dicémus? permanébimus in peccáto ut grátia abúndet? Absit. Qui enim mórtui sumus peccáto, quómodo adhuc vivémus in illo? An ignorátis quia quicúmque baptizáti sumus in Christo Jesu, in morte ipsíus baptizáti sumus? Consepúlti enim sumus cum illo per baptismum in mortem : ut quómodo Christus surréxit a mórtuis per glóriam Patris, ita et nos in novitáte vitæ ambulémus. Si enim complantáti facti sumus similitúdini mortisejus : simul et resurrectionis érimus. Hoc sciéntes, quia vetus homo noster simul crucifixus est, ut destruátur corpus peccáti, et ultra non serviámus peccáto. Qui enim mórtuus est, justificátus est a peccáto. Si áutem mórtui sumus cum Christo : crédimus quia simul étiam vivémus cum Christo.

R. Ego propter. 263*.

IN IL. NOCTURNO

Ant. Inimici mei.

Psalmus 40.

BEÁTUS qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine misereére mei : * sana ánimam meam, quia peccávi tibi.

Inimici mei dixerunt mala mihi : * Quando moriétur, et peribit nomen ejus?

Et si ingrediebátur ut vidéret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idipsum.

Advérsus me susurrábant omnes inimici mei : * advérsus me cogitábant mala mihi.

Verbum iníquum constituérent advérsus me : * Numquid qui dormit non adjiciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatióem.

Tu áutem Dómine misereére mei, et resúscita me : * et retribuam eis.

In hoc cognóvi quóniam

voluísti me : * quóniam non gaudébit inimicus meus super me.

Me áutem propter innocentiam suscepísti : * et confirmásti me in conspéctu tuo in ætérnum.

Benedictus Dóminus Deus Israél a sáculo, et usque in sáculo : * fiat, fiat.

Ant. Inimici mei dixerunt mala mihi : Quando moriétur, et peribit nomen ejus?

Ant. Aliéni insurrexérunt.

Psalmus 53.

DEUS in nómine tuo salvum me fac : * et in virtúte tua júdica me.

Deus exáudi oratióem meam : * áuribus pécipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : * et non proposuérunt Deum ante conspéctum suum.

Ecce enim Deus áduvat me : * et Dóminus suscéptor est animæ meæ.

Avérte mala inimicis meis : * et in veritáte tua dispérde illos.

Voluntárie sacrificábo tibi, * et confitébor nómini tuo Dómine : quóniam bonum est :

Quóniam ex omni tribulatióne eripuísti me : * et super inimicos meos despéxit óculus meus.

Ant. Aliéni insurrexérunt in me, et fortes quæsiérunt ánimam meam.

Ant. Conculcavérunt me.

Psalmus 55.

MISERERE mei Deus, quoniam concitavit me homo : * tota die impugnans tribulavit me.

Concitant me inimici mei tota die : * quoniam multi bellantes adversum me.

Ab altitudine diei timebo : * ego vero in te sperabo.

In Deo laudabo sermones meos, in Deo speravi : * non timebo quid faciat mihi caro.

Tota die verba mea exsecrabantur : * adversum me omnes cogitationes eorum in malum.

Inhabitabunt et abscondent : * ipsi calcaneum meum observabunt.

Sicut sustinuerunt animam meam, pro nihilo salvos facies illos : * in ira populos confringes.

Deus, vitam meam annuntiavi tibi : * posuisti lacrymas meas in conspectu tuo.

Sicut et in promissione tua : * tunc convertentur inimici mei retrorsum :

In quacumque die invocavero te : * ecce cognovi quoniam Deus meus es.

In Deo laudabo verbum, in Domino laudabo sermonem : * in Deo speravi, non timebo quid faciat mihi homo.

In me sunt Deus vota tua, * quae reddam, laudationes tibi.

Quoniam eripuisti animam meam de morte, et pedes meos de lapsu : * ut

placeam coram Deo in lumine viventium.

Ant. Concitant me inimici mei tota die; adversum me omnes cogitationes eorum in malum.

V. Proprio Filio suo non pepercit Deus. **R.** Sed pro nobis omnibus tradidit illum.

Sermo sancti Bernardi Abbatis.

Feria 4. Hebd. S.

Serm. de Passione Domini. Lectio iv.

IN passione dominica, fratres, tria specialiter convenit intueri : opus, modum, causam. Nam in opere quidem patientia, in modo humilitas, in causa caritas commendatur. Patientia autem singularis, quod videlicet : cum supra dorsum ejus fabricarent peccatores; cum sic extenderetur in ligno, ut dinumerarentur omnia ossa ejus; cum fortissimum illud propugnaculum, quod custodit Israel, undique foraretur; cum foderentur manus ejus et pedes, sicut agnus ad occisionem ductus sit, et tamquam ovis coram tondente non aperuit os suum. Non adversus Patrem murmurans, a quo missus fuerat; non adversus humanum genus, pro quo, quae non rapuit, exsolvebat; non denique vel contra populum ipsum peculiarem sibi, a quo pro tantis beneficiis tanta mala recipiebat.

℞. Ego propter te Chana-
næorum reges percussi, et
dedi tibi sceptrum regale :

* Et tu dedisti capiti meo
spineam coronam, et per-
cussisti arundine caput
meum. V. Pópule meus, quid
feci tibi, aut in quo contri-
stávi te? respónde mihi. Et
tu dedisti.

Lectio v.

MODUM ipsum, si diligenter
attendas, non modo mi-
tem, sed et humilem corde
cognosces. Nempe in humi-
litate iudicium ejus sublá-
tum est, cum nec ad tantas
blasphémias, nec ad falsis-
sima, quæ sibi objicieban-
tur, crimina responderet.
Vidimus, inquit, eum, et non
erat ei adspéctus, nec spe-
ciósum forma præ filiis hó-
minum, sed oppróbrium
hóminum et tamquam lepró-
sum, novíssimum virórum,
plane virum dolorum a Deo
percússum et humiliátum;
ita ut nulla esset ei spécies,
neque decor. O novíssimum
et altíssimum! O humilem et
sublimem! O oppróbrium
hóminum et glóriam Ange-
lórum! Nemo illo sublimior,
neque humilior. Dénique
sputis illitus est, oppróbriis
saturátus est, morte turpis-
sima condemnátus est, cum
scelerátis deputátus est. Ni-
hilque merébitur vel ista
humilitas, quæ hunc habet
modum, imo quæ tam est
ultra modum? Sicut est pa-
tiéntia singuláris, sic et

humilitas admirábilis; útra-
que sine exémplo.

℞. Ego duxi te per desér-
tum quadraginta annis, et
manna cibávi te: * Et tu me
cecidísti álapis et flagéllis. V.
Pópule meus, quid feci tibi,
aut in quo contristávi te?
respónde mihi. Et tu.

Lectio vj

UTRÁMQUE tamen magnífice
cáusa ipsa comméndat,
nimírum caritas est. Pro-
pter nimiam enim caritátem
suam, qua diléxit nos Deus,
ut servum redímeret, nec
Pater Filio, nec sibi Filius
ipse pepércit. Vere nimiam,
quia et hæc mensúram excé-
dit, modum súperat, plane
superéminens univérssis. Ma-
jórem, inquit, caritátem
nemo habet, quam ut áni-
mam suam ponat quis pro
amicis suis. Tu majórem
habuisti Dómine, ponens
eam étiam pro inimicis. Cum
enim adhuc inimici essé-
mus, per mortem tuam et
tibi reconciliáti sumus et
Patri. Quænam ergo ália vi-
débitur esse, vel fuisse, vel
fore huic similis caritáti? Vix
pro justo quis móritur. Tu
pro injústis passus es, mó-
riens propter delicta nostra,
qui venísti justificáre gratis
peccatóres, servos fácere
fratres, captivos coherédes,
éxsules reges.

℞. Ego exaltávi te magna
virtúte: * Et tu me suspen-
disti in patibulo crucis, * In
qua expándi manus meas ad

pópulum non credéntem et contradicéntem. **Ꝙ.** Pópule meus, quid feci tibi, aut in quo contristávi te? respónde mihi. Et tu. Glória Patri. In.

IN III. NOCTURNO

Ant. Filii hóminum.

Psalmus 56.

MISERÉRE mei Deus, miserére mei : * quóniam in te confidit ánima mea.

Et in umbra alárum tuárum sperábo , * donec tráns-eat iniquitas.

Clamábo ad Deum altíssimum : * Deum qui benefécit mihi.

Misit de cælo , et liberávit me : * dedit in oppróbrium conculcántes me.

Misit Deus misericórdiam suam , et veritátem suam , * et erípuit ánimam meam de médio catulórum leónum : dormívi conturbátus.

Filii hóminum dentes eórum arma et sagittæ : * et lingua eórum gládius acútus.

Exaltáre super cælos Deus : * et in omnem terram glória tua.

Láqueum paravérunt pédibus meis : * et incurvavérunt ánimam meam.

Fodérunt ante fáciem meam fóveam : * et incidérunt in eam.

Parátum cor meum Deus , parátum cor meum : * cantábo , et psalmum dicam.

Exsúrge glória mea , exsúrge psaltérium et cithara : * exsúrgam dilúculo.

Confitébor tibi in pópulis

Dómine : * et psalmum dicam tibi in géntibus :

Quóniam magnificáta est usque ad cælos misericórdia tua , * et usque ad nubes veritas tua.

Exaltáre super cælos Deus : * et super omnem terram glória tua.

Ant. Filii hóminum dentes eórum arma et sagittæ , et lingua eórum gládius acútus.

Ant. Intendérunt arcum.

Psalmus 63.

EXÁUDI Deus oratióem meam cum déprecor : * a timóre inimíci éripe ánimam meam.

Protexisti me a convéntu malignántium : * a multitudíne operántium iniquitátem.

Quia exacuérunt ut gládium linguas suas : * intendérunt arcum rem amáram , ut sagittent in occúltis immaculátum.

Súbito sagittábunt eum , et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitates : * defecérunt scrutántes scrutinio.

Accédet homo ad cor altum : * et exaltábitur Deus.

Sagittæ parvulórum factæ sunt plagæ eórum : * et infirmátæ sunt contra eos linguæ eórum.

Conturbáti sunt omnes qui vidébant eos : * et timuit omnis homo.

Et annuntiavérunt ópera Dei : * et facta ejus intellexerunt.

Lætábitur justus in Dómino, et sperábit in eo : * et laudabúntur omnes recti corde.

Ant. Intendérunt arcum rem amáram, ut sagittent in occúltis immaculátum.

Ant. Factus sum.

Psalmus 87.

DÓMINE Deus salutis meæ : *
In die clamávi, et nocte coram te.

Intret in conspéctu tuo orátio mea : * inclína áurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuéruni me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxisti super me.

Longe fecisti notos meos a me : * posuéruni me abominatióne sibi.

Tráditus sum, et non egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditíone?

Numquid cognoscéntur in tenebrismirabilia tua : * et justítia tua in terra obliviónis?

Et ego ad te Dómine clamávi : * et mane orátio mea præveniet te.

Ut quid Dómine repéllis oratióne meam : * avértis faciém tuam a me?

Páuper sum ego, et in laboribus a juventúte mea : * exaltátus áutem humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdederunt me sicut aqua tota die : * circumdederunt me simul.

Elongásti a me amicum, et próximum : * et notos meos a miséria.

Ant. Factus sum sicut homo sine adjutório, inter mórtuos liber.

V. Factus est obédiens usque ad mortem. **R.** Mortem áutem crucis.

Léctio sancti Evangélíi secúndum Joánnem.

Lectio vij. Cap. 19. f

IN illo témpore : Sciens Jesus, quia ómnia consummáta sunt, ut consummáretur Scriptúra, dixit : Sitio. Et réliqua.

Homilia sancti Cyrilli Episcopi Alexandrini.

Comment. in Joann. Lib. 12. cap. 35.

CUM truculenter omnia impietate Judæorum essent peracta, nec quidquam ad summam crudelitatem deesset, tandem sanctissima caro Christi naturale quid patitur. Multis enim, ac variis doloribus exsiccata, siti torquetur. Multum enim possunt dolores ad commovendam sitim; innatum enim calorem exagitant, vel, quod in profunditate humidum est, consument et igneis ardoribus dolentis viscera urunt. Sicut igitur cæteras passionés, sic hanc etiam sponte Christus perpessus est. Bibere igitur petit: illi autem adeo longe ab omni humanitate aberant, ut pro juvante potu atque jucundo nocentem et acerbum attulerint, et humanitatem, quam moveri videbantur, in impietatem converterint. Nam cum petenti dabant, caritatis habitum suscipere videbantur; sed non est possibile mentiri Scripturam, in qua ex persona Christi dicitur: Et dederunt in escam meam fel, et in siti mea potaverunt me aceto.

R. Ego te potavi aqua salutis de petra: * Et tu me potasti felle et aceto. **V.** Popule meus, quid feci tibi, aut in quo contristavi te? responde mihi. Et tu me.

Lectio viij. Idem cap. 36.

CUM ergo accepisset Jesus acetum, dixit: Consummatum est: et inclinato capite tradidit spiritum. Consummatum jam esse Salvator dicit, quia saviendi Judæorum potestas in ipsum per mortem suam terminum habuit. Quid enim non excogitarunt, aut quid supremæ inhumanitatis relictum sibi est? Quis cædendi, quis contumeliandi modus non adhibitus? Merito igitur consummatum esse, ait. Cumque tempus jam esset, ut etiam spiritibus apud inferos prædicaret (venit enim, ut tam vivorum quam mortuorum dominaretur), mortem pro nobis suscepit: et hanc naturæ nostræ propriam passionem sponte subiit secundum carnem, quamvis, ut Deus vita naturaliter sit, ut spoliatis inferis, primitiæ dormientium, et primogenitus (ut Scripturæ dicunt) mortuorum factus, recursus ad vitam naturæ nostræ largiretur.

R. Ego ante te aperui mare: * Et tu aperuisti lancea latus Salvatori tuo, * Qui redemit mundum in sanguine suo. **V.** Popule meus, quid feci tibi, aut in quo contristavi te? responde mihi. Et. Glória Patri. Qui.

Lectio ix.

INCLINAVIT igitur caput. Accidit enim morientibus, vigore carnis jam consum-

pto et ánima, quæ corpus rétinet, abeúnte, inclinátio cápitis. Quamóbre[m] verbis hoc modo usus Evangelista est. Sic et tradidisse spíritum, a consuetú[d]ine nostra sibi dictum est; multi enim sic exstingui, et mori dicúntur. Quamvis mihi videátur ideo non simpliciter mórtuum esse, sed tradidisse spíritum Evangelista dixisse; quia in manus Dei Patris ánimam suam commendávit, ut ipse dixit: Pater! in manus tuas comméndo spíritum meum. Quod nobis magnæ spei fundaméntum, atque originem præbet.

Te Deum laudámus. 17.

AD LAUDES

ET PER HORAS

Ant. 1. Fui flagellátus * tota die, et castigátio mea in matutinis.

Ps. Dóminus regnávit. cum reliq. 18.

2. Veni ad montem myrrhæ * et ad collem thuris; tamquam agnus ad occisió[n]em ductus, obmútui, et non apéru[i] os meum.

3. Fodérunt manus meas * et pedes meos: dinumeravérunt ómnia ossa mea.

4. Consolántem me * quæsivi, et non invéni: dedérunt in escam meam fel, et in siti mea potavérunt me acéto.

5. Cum accepisset Jesus * acétum, dixit: Consummátum est; et inclináto cápite, emisit spíritum.

Capitulum. Philipp. 2

FRATRES: Hoc enim sentite in vobis, quod et in Christo Jesu: qui cum in forma Dei esset, non rapinam arbitrátus est esse se æquálem Deo: sed semetipsum exinanívit, formam servi accipiens, in similitúdinem hóminum factus, et hábitu invéntus ut homo. Humiliávit semetipsum, factus obédiens usque ad mortem, mortem autem crucis.

Hymnus.

SÆVO dolórum túrbine Jactátur, atris óbrutus Pœnis, acérba sústinens Redémptor affixus cruci.

Pedes manúsque horribili Clavi cruéntant vúl[n]ere: Cor, vultus, artus, péctora Sacro redúndant sánguine.

Flet, orat, et clamans obit: Cor Matris ictum cóncidit: Heu Mater! heu Fili! dolor Ingráta frangat péctora.

Montes, sepúlcr[a], sáxaque Scindúntur: arva, flúmina, Rupes, et æquor cóntremunt,

Templique velum scinditur.

Sol, luna, cælum, sídera Plangunt, et orbis íngemit: O vos viri, vos párvuli, Nuptæ, puéllæ, plángite.

Adstáte mœréntes cruci, Pedes beátos úngite, Laváte fletu, térgite Comis, et ore lámbite.

Tu caritátis víctima, Ut nostra tollas crimina, Nobis salúbri pérficis Adoptiόνem sánguine.

Nostra ergo pax et gáudium

Sis vita, Jesu, et præmium;
Sis ductor et lux in via,
Merces, coróna in pátria.

Amen.

Ÿ. Ipse vulnerátus est propter iniquitátes nostras. **R.** Et attritus est propter scélera nostra.

Ad Bened. Ant. Ad Jesum autem * cum venissent, ut vidérunt eum jam mórtuum, non fregérunt ejus crura; sed unus militum láncea latus ejus apérui, et continuo exívit sanguis et aqua.

Oratio.

DÓMINE Jesu Christe, qui de cælis ad terram de sinu Patris descendisti, et ságuinem tuum pretiósum in remissionem peccatórum nostrórum fudisti: te humíliter deprecámur; ut in die judicii, ad dexteram tuam audire mereámur: Venite benedicti: Qui vivis et regnas.

AD PRIMAM

In R. br. Ÿ. Qui pro nobis pati dignátus es.

AD TERTIAM

Ant. Veni ad montem myrrhæ.

Capit. Fratres: Hoc enim, ut supra.

R. br. Oblátus est, * Quia ipse vóluit. Oblátus est. **Ÿ.** Et livóre ejus sanáti sumus. Quia. Glória Patri. Oblátus.

Ÿ. Próprio Filio suo non pepércit Deus. **R.** Sed pro nobis ómnibus trádidit illum.

AD SEXTAM

Ant. Fodérunt manus meas.

Capitulum. Zach. 13.

QUID sunt plagæ istæ in médio mánuum tuárum? Et dicet: His plagátus sum in domo eórum qui diligébant me.

R. br. Próprio Filio suo * Non pepércit Deus. Próprio.

Ÿ. Sed pro nobis ómnibus trádidit illum. Non. Glória Patri. Próprio.

Ÿ. Factus est obédiens usque ad mortem. **R.** Mortem autem crucis.

AD NONAM

Ant. Cum accepisset Jesus.

Capitulum. Is. 53.

GENERATIONEM ejus quis enarrábit? Quia abscessus est de terra vivéntium: propter scelus pópuli mei percússi eum.

R. br. Factus est obédiens * Usque ad mortem. Factus.

Ÿ. Mortem autem crucis. Usque. Glória Patri. Factus.

Ÿ. Ipse vulnerátus est propter iniquitátes nostras. **R.** Et attritus est propter scélera nostra.

IN II. VESPERIS

Omnia ut in I. Vesp., præter seq.

Ÿ. Ipse vulnerátus est propter iniquitátes nostras. **R.** Et attritus est propter scélera nostra.

Ad Magnif. Ant. Depónens Joseph * corpus Jesu, invólvit síndone, et pósuit eum in monuménto exciso. Fuit planctus magnus in illa

die; mulieres autem sedentes contra sepulcrum dolébant, sicut doléri solet in morte primogéniti.

PRO SABBATO

OFFICIUM VOTIVUM

DE IMMAC. CONCEPT. B. M. V.

Semiduplex.

Omnia ut in die Festi 8 Decemb. 420, præter seq.

In utrisque Vesperis et Laudibus.

Ÿ. Immaculáta Concéptio tua, Dei Génitrix Virgo. R. Gáudium annuntiávit univérso mundo.

IN I. NOCTURNO

Lect. de Script. occur.

In Quadrag. vero et Sabbato Quatuor Temporum dicuntur Lect. seq.

De libro Génesis.

Lectio j. Cap. 3.

SERPENS erat callidior cunctis animántibus terræ quæ fécerat Dóminus Deus. Qui dixit ad mulierem : Cur præcépit vobis Deus ut non comederétis de omni ligno paradisi? Cui respóndit mulier : De fructu lignórum, quæ sunt in paradiso, véscimur : de fructu vero ligni, quod est in médio paradisi, præcépit nobis Deus ne comederémus : et ne tangerémus illud, ne forte moriámur. Dixit autem serpens ad mulierem : Nequáquam morte moriémini. Scit enim Deus quod in quocúmque die comedéritis ex eo, aperiéntur óculi vestri : et éritis

sicut dii, sciéntes bonum et malum.

R. Per unum hóminem peccátum in hunc mundum intrávit, in quo omnes peccavérunt. * Ne timeas Maria, invenisti grátiam apud Deum. Ÿ. Eripuit Dóminus ánimam tuam de morte, et contra inimicum factus est protéctor tuus. Ne timeas.

Lectio ij.

VIDIT igitur mulier quod bonum esset lignum ad vescéndum, et pulchrum óculis, adspectúque delectábile : et tulit de fructu illius, et comédit : deditque viro suo, qui comédit. Et apérti sunt óculi ambórum : cumque cognovissent se esse nudos, consuérunt fólía ficus, et fecérunt sibi perizómata. Et cum audissent vocem Dómini Dei deambulántis in paradiso ad áuram post merídiem, abscondit se Adam et uxor ejus a fácie Dómini Dei in médio ligni paradisi.

R. Transite ad me omnes qui concupiscitis me : * Et narrábo vobis quanta fecit Deus ánimæ meæ. Ÿ. Vivit Dóminus, quóniam adimplévit in me misericórdiam suam. Et narrábo vobis.

Lectio iij.

VOCÁVITQUE Dóminus Deus Adam, et dixit ei : Ubi es? Qui ait : Vocem tuam audiui in paradiso : et tímui, eo quod nudus essem, et abscondi me. Cui dixit : Quis

enim indicávit tibi quod nudus esses, nisi quod ex ligno de quo præcéperam tibi ne coméderes, comedisti? Dixitque Adam : Múlier, quam dedisti mihi sóciam, dedit mihi de ligno, et comédi. Et dixit Dóminus Deus ad mulierem : Quare hoc fecisti? Quæ respóndit : Serpens decépit me, et comédi. Et ait Dóminus Deus ad serpéntem : Quia fecisti hoc, maledictus es inter ómnia animántia, et béstias terræ : super pectus tuum gradiéris, et terram cómedes cunctis diébus vitæ tuæ. Inimicitias ponam inter te et mulierem, et semen tuum et semen illius : ipsa cónteret caput tuum, et tu insidiáberis calcáneo ejus.

R. Elécta mea cándida sicut nix in Libano; sicut favus distillans lábia ejus : * Mel et lac sub lingua illius.

V. Veni de Libano sponsa mea, veni, coronáberis coróna gratiárum. Mel et lac. Glória Patri. Mel et lac.

In II. et III. Noct., Lect. ut in 2. die infra Octavam.

In II. Vesp., ad Magnif. Ant. Sancta María, * succúrre míseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu : séntiant omnes tuum juvámen, quicúmque célebrant tuam sanctam Immaculátam Conceptionem.

PRO FERIA III (ROMÆ)
OFFICIUM VOTIVUM

DE SS. APOST. PETRO ET PAULO

Semiduplex.

Omnia de Comm. Apost.
2*, **præter seq.**

IN UTRISQUE VESPERIS

V. Constitues eos principes super omnem terram. **R.** Mémores erunt nóminis tui Dómine.

Ad Magnif. Ant. Petrus Apóstolus, * et Páulus Doctor gentium, ipsi nos docuérunt legem tuam Dómine.

Oratio.

DEUS, cujus dextera beátum Petrum ambulántem in flúctibus, ne mergerétur, eréxit, et coapóstolum ejus Páulum, tertio naufragántem, de profúndo pélagi librávit : exáudi nos propítius, et concéde; ut ambórum méritis æternitátis glóriam consequámur : Qui vivis.

IN I. NOCTURNO

Lect. de Script. occur.

IN II. NOCTURNO

De Sermóne sancti Leónis Papæ.

Ex Hom. 82. in Natal.
SS. Apost. Petri et Pauli.

Lectio iv.

NERÓNIS furor per ómnium vitiorum inflammátus excessum, in hunc eum usque torréntem suæ præcipitávit insánia, ut primus nómini christiáno atrocitátem generalis persecutiónis inférret, quasi per sanctórum Apostolórum Petri et Páuli neces

grátia Dei posset exstingui; quibus hoc ipsum erat máximum lucrum, ut contéptus vitæ hujus occíduæ, percéptio fieret felicitátis æternæ. Pretiósá est ergo in conspéctu Dómini mors sanctórum ejus: nec ullo crudelitátis génere déstrui potest sacraménto crucis Christi fundáta religio. Non minúitur persecutióibus Ecclésia, sed aúgétur: et semper Dominicus ager ségete diutióri vestitur, dum grana, quæ singula cadunt, multiplicáta nascúntur. Unde duo ista præclára divini séminis gérmina in quantam sóbolem germinárint, beatórum milia Mártyrum protestántur, qui apostolicórum æmuli triumphórum, Urbem nostram purpurátis, et longe latéque rutilántibus pópulis ambiérunt, et quasi ex multárum honóre gemmárum consérto uno diadémate coronárunt.

℟. Vidi conjúctos. 10*.

Lectio v.

DE quorum præsidio, dilectíssimi, divínitus nobis ad exéplum patiéntiæ et confirmatióem fidei præparáto, universáliter quidem in ómnium Sanctórum commemoratióne lætándum est: sed in horum excelléntia Patrum mérito est excelléntius gloriándum, quos grátia Dei in tantum ápicem inter ómnia Ecclésiæ membra provéxit, ut eos in córpore, cui

caput est Christus, quasi géminum constitúeret lumen oculórum. De quorum méritis atque virtútibus, quæ omnem loquéndi súperant facultátem, nihil diversum, nihil debémus sentire discrétum: quia illos et eléctio pares, et labor símiles, et finis fecit æquáles.

℟. Beáti estis, cum. 10*.

Lectio vj.

SICUT áutem et nos expérti sumus, et nostri probavére majóres, crédimus atque confidimus, inter omnes labóres istius vitæ, ad obtinéndam misericórdiam Dei semper nos speciálíum patrónórum oratióibus adjuvándos: ut quantum própriis peccátis deprimimur, tantum apostólicis méritis erigámur. Per Dóminum nostrum Jesum Christum, cui est cum Patre et sancto Spíritu éadem potéstas, una divinitas, in sæcula sæculórum. Amen.

℟. Isti sunt. 11*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 19. d

IN illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et reliqua.

Homilia sancti Ambrósii
Episcopi.

In Ps. 118. Serm. 8. post init.

ECCE nos ómnia dereliquimus, et secúti sumus te.

Hoc est, non quæſivimus quæ sæculi sunt, non quæſivimus partem de possessionibus, sed te elégimus portiónem. Reliquisti ergo ómnia, Petre, quæ habébas; unde habes quod habére te dicis? Surgit cláudus, et sono tui sermónis erigitur: sanitátem áliis donas, qui indigébas ipse tuæ salutis auxilio. Reliquisti ergo quæ habébas, et cepisti quæ non habébas. Christus tibi pór-tio, Christus tibi posséssio est: illius nomen tibi munificum, illius nomen tibi est fructuósum, illius nomen tibi tribúta depéndit, et bona tribúta, non pecúniæ, sed grátia.

℟. Isti sunt. 13*.

Lectio viij.

QUICÚMQUE reliquerit patrem, aut matrem, aut domum, aut fratres, aut soróres, centuplum accipiet in hoc sæculo, et vitam ætérnam possidébit. Multos quidem in hoc sæculo, qui sub paupéribus donavérunt, uberióre thesaúro locupletátos fuisse cognóvimus. Est pulchérissimus locus, ut étiam ad misericórdiam provocéntur. Sed non debent a Dómino sæculárem hujúsmodi exigere mercédem, nec

speráre quæ mundi sunt; sed magis, quia iis, qui ómnia reliquerint, Deus pór-tio est. Ipse est útique merces perfectá virtútum, qui non centupli enumeratione, sed perfectæ plenitúdinis æstimatione censétur. Ego, inquit, Deus tuus sum. Non dixit: Ero, sed: Jam sum, jam inhábito, jam possideo.

℟. Isti sunt viri. 14*.

Lectio ix.

HABES homo inter multa propósita, étiam hujúsmodi portiónem. Propósuit tibi Dóminus in portióne possessiones, in portióne áurum, in portióne argéntum, in portióne honóres, in portióne nobilitátem; propósuit étiam in portióne se-ípsam. Habes igitur plúrimas portiones; élige quam putas; non te númerus pertúrbet, sed éxcitet grátia; non te labor avértat, sed fructus invitet.

Te Deum laudámus. 17.

AD LAUDES

℣. In omnem terram exívit sonus eórum. ℟. Et in fines orbis terræ verba eórum.

Ad Bened. Ant. Gloriósi principes terræ, * quómodo in vita sua dilexérunt se, ita et in morte non sunt separáti.





SUPPLEMENTUM PRO ALIQUIBUS LOCIS

FESTA DECEMBRIS

DIE IV

SANCTÆ BARBARÆ

VIRGINIS ET MARTYRIS

Duplex.

Omnia de Comm. Virg.
95*, præter seq.

Oratio.

INTERCÉSSIO, quæsumus Dómine, beátæ Bárbaræ Virginis et Mártiris tuæ ab omni nos aduersitatē próteget : ut per ejus intervéntum gloriosissimum sacrosáncti Córporis et Sanguinis Dómini nostri Jesu Christi Sacraméntum ante diem éxitus nostri, per veram pœniténtiam et puram confessiónem percípere mereámur : Qui tecum vivit.

Commem. Fer. in Advent.

IN I. NOCTURNO

Lect. de Script. occur.

IN II. NOCTURNO

Lectio iv.

BÁRBARA virgo Nicomediénsis Dióscori nóbilis

sed superstitiósí hóminis filia, per ea quæ visibília facta sunt, ad invisibília, divína opitulánte grátia, fá-cile pervénit. Quaprópter soli Deo rebúsque divinis vacáre cœpit. Eam pater, útpote forma venustióri niténtem, a quocúmque virórum occúrsu tutári cúpiens, turri inclúsit, ubi pia virgo meditatió nibus et précibus addicta, soli Deo, quem sibi sponsum delégerat, placére studébat. Obláta a patre plúries nobílium connúbia fórtiter sprexit. Pater vero per sui abséntiam filiæ ánimu m posse facilius emollíri confidens, jussit primo bálneum éxstrui, ne quid ei deéssét ad commoditátem, deinde pére-gre in éxteras regiónes pró-fectus est.

℞. Propter veritátem. 104*.

Lectio v.

ABSÉNTÉ patre, jussit Bárbara duábus fenéstis, quæ in turri erant, tértiam

addi in honórem divinæ Trinitátis, labiúmque bálnei sacrosáncæ crucis signo muniri. Quod ubi rédiens Dióscorus inspéxit, audita novitátis cáusa, ádeo in filiam excánduit, ut stricto ense eam áppetens parum abfúerit, quin eam dire confóderet : sed præsto ádfuit Deus ; nam fugiénti Bárbaræ saxum ingens se patefáciens viam apérui, per quam montis fastigium pétere, sicque in specu latére pótuit : sed paulo post, cum a nequisimogenitóre repérta fuisset, ejus látera pédibus, dorsúmque pugnis immániter percússit, et crínibus per loca áspera difficílesque vias raptátam, Marciáno præsidi puniéndam trádidit.

℞. Dilexisti. 104*.

Lectio vj.

ITAQUE ab ipso ómnibus modis, sed incásum tentátam, nudam nervis cædi, et inflicta vúlnera téstulis conficári, deínde in cárcerem trahi præcépit : ubi imménsa luce circúmdatus ei Christus appárens, mirifice confortátam in passiónum tolerántia confirmávit : quod animadvértens Juliána matróna ad fidem convérta, ejúsdem palmæ párticeps effécta est. Bárbaræ demum férreis únguibus membra laniántur, fácibus látera incendúntur, et malléolis caput contúnditur : quibus in cruciátibus consórtem solabá-

tur, et hortabátur, ut ad finem usque constánter certáret. Præcísis tandem utrísque ubéribus, nudæ per loca pública tractæ, cápíte plectúntur, filiæque cervicem ipse scelestissimus pater humanitátis expers própriis mánibus amputávit : cujus fera crudélitas non diu inúlta remánsit : nam statim eo ipso in loco fúlmine percússus intériit. Caput hujus beatíssimæ Mártiris in oratório ad Sancta sanctorum honorifice servátur.

℞. Afferéntur Regi. 104*.

IN III. NOCTURNO

Homil. in Evang. Simile erit regnum cælórum. **de Comm. 1º loco.** 106*.

DIE X

IN TRANSLATIONE

ALMÆ DOMUS LAURETANÆ

Duplex majus.

IN I. VESPERIS

Ant. et Capit. de Laud. ; Pss. et Hymnus cum reliq. ut in Festis B. M. V. 145*.

℥. Hæc est domus Dómini firmiter ædificáta. ℞. Bene fundáta est supra firmam petram.

Ad Magnif. Ant. Sanctificávit Dóminus tabernáculum suum : quia hæc est domus Dei, in qua invocábitur nomen ejus, de quo scriptum est : Et erit nomen meum ibi, dicit Dóminus.

Orat. infra in Laud. 285*.

Fit Commem. Feriæ, et S. Melchiadis Papæ et Mart.

430; non autem Octavæ Immaculatæ Conceptionis.

In fine Hymn. dicitur :

Jesu tibi sit glória,
Qui natus es de Virgine.

AD MATUTINUM

Invit. Salvatorem mundi
in domo Virginis de Spiritu
sancto conceptum, * Venite,
adorémus.

Ps. Venite, exultémus. 2.

Hymnus.

CÆLÉSTIS Urbs Jerúsalem,
Beáta pacis visio,
Quæ celsa de vivéntibus
Saxis ad astra tólleris,
Sponsæque ritu cingeris
Mille Angelórum millibus.

O sorte nupta próspera,
Dotáta Patris glória,
Respérsa Sponsi grátia,
Regína formosíssima,
Christo jugáta Principi,
Cæli corúsca civitas!

Hic margarítis émicant,
Paténtque cunctis óstia :
Virtúte namque prævia
Mortális illuc dúcitur,
Amóre Christi pérçitus
Torménta quisquis sústinet.

Scalpri salúbris ictibus,
Et tunsióné plúrima,
Fabri políta málleo
Hanc saxa molem cón-
struunt,

Aptisque juncta nexibus
Locántur in fastigio.

Decus Parénti débitum
Sit usquequáque Altíssimo,
Natóque Patris único,
Et inclyto Paráclito,
Cui laus, potéstas, glória
Æterna sit per sæcula.

Amen.

IN I. NOCTURNO

Ant. Eleváta est magnifi-
céntia tua super cælos.

**Pss. trium Noct. ut in Fe-
stis B. M. V. 148*.**

Ant. In sole pósuit taber-
náculum suum, et ipse tam-
quam sponsus procédens de
thálamo suo.

Ant. Quis ascéndet in
montem Dómini? aut quis
stabit in loco sancto ejus?
Innocens mánibus, et mundo
corde.

V. Hic domus Dei est, et
porta cæli. **R.** Et vocábitur
áula Dei.

De libro tértio Regum.

Lectio j. Cap. 8. c

STETIT autem Sálomon
ante altáre Dómini in
conspéctu ecclésiæ Israél,
et expándit manus suas in
cælum, et ait : Ergone pu-
tándum est quod vere Deus
hábitet super terram? Si
enim cælum et cæli cæló-
rum te cápere non possunt,
quanto magis domus hæc,
quam ædificávi? Sed respice
ad oratióem servi tui, et ad
preces ejus, Dómine Deus
meus : áudi hymnum et ora-
tióem, quam servus tuus
orat coram te hódie : ut sint
óculi tui apérti super domum
hanc nocte ac die : super
domum de qua dixisti : Erit
nomen meum ibi : ut exáu-
dias oratióem, quam orat
in loco isto ad te servus
tuus. Ut exáudias depreca-
tióem servi tui, et pópuli
tui Israél, quodcúmque orá-

verint in loco isto ; et exáudies in loco habitáculi tui in cælo, et cum exaudieris, propitius eris.

℞. Vidi speciósam sicut columbam ascendéntem desuper rivos aquárum : cujus inæstimábilis odor erat nimis in vestiméntis ejus : * Et sicut dies verni circúmdabant eam flores rosárum et lilia convállium. ʒ. Quæ est ista quæ ascéndit per désertum sicut vírgula fumi ex aromátibus myrrhæ et thuris? Et.

Lectio ij.

Si fúgerit pópulus tuus Israël inimicos suos (quia peccáturus est tibi), et agéntes pœniténtiam, et confiténtes nómini tuo, vénerint, et oráverint, et deprecáti te fúerint in domo hac : exáudi in cælo, et dímítte peccátum pópuli tui Israël, et redúces eos in terram, quam dedisti pátribus eórum. Si cláusum fúerit cælum, et non plúerit propter peccáta eórum, et orántes in loco isto, pœniténtiam égerint nómini tuo, et a peccátis suis convérsi fúerint propter afflictiónem suam : exáudi eos in cælo, et dímítte peccáta servórum tuórum, et pópuli tui Israël : et osténde eis viam bonam, per quam ámbulent, et da plúviam super terram tuam, quam dedisti pópulo tuo in possessionem.

℞. Quæ est ista quæ ascén-

dit sicut auróra consúrgens, pulchra ut luna, elécta ut sol, * Terribilis ut castrórum ácies ordináta? ʒ. Fília Sion, tota formósa et suávis es, pulchra ut luna, elécta ut sol. Terribilis.

Lectio iij.

Si quis cognóverit plagam cordis sui, et expánderit manus suas in domo hac, tu exáudies in cælo in loco habitatiónis tuæ, et repropitiáberis, et fácies ut des unicuique secúndum omnes vias suas, sicut videris cor ejus, (quia tu nosti solus cor ómnium filiórum hóminum) ut timeant te cunctis diébus, quibus vivunt super faciém terræ, quam dedisti pátribus nostris. Insuper et alienigena, qui non est de pópulo tuo Israël, cum vénerit de terra longínqua propter nomen tuum (audiétur enim nomen tuum magnum, et manus tua fortis, et bráchium tuum exténtum ubique), cum vénerit ergo, et oráverit in hoc loco, tu exáudies in cælo, in firmaménto habitáculi tui, et fácies ómnia pro quibus invocáverit te alienigena : ut discant univérsi pópuli terrárum nomen tuum timére, sicut pópulus tuus Israël, et probent quia nomen tuum invocátum est super domum hanc.

℞. Quæ est ista quæ processit sicut sol, et formósa tamquam Jerúsalem? * Vi-

dérunt eam filiæ Sion, et beátam dixerunt, et reginæ laudavérunt eam. *V.* Et sicut dies verni circúmdabanteam flores rosárum et lília convállium. Vidérunt. Glória Patri. Vidérunt.

IN II. NOCTURNO

Ant. Diffúsa est grátia in lábiis tuis; proptérea benedixit te Deus in ætérnum, et in sáeculum sáeculi.

Ant. Sanctificávit tabernáculum suum Altíssimus.

Ant. Homo natus est in ea, et ipse fundávit eam Altíssimus.

V. Dómine diléxi decórem domus tuæ. *R.* Et locum habitatiónis glóriæ tuæ.

Sermo sancti Bernárdi Abbátis.

Serm. 52. de diversis.

Lectio iv.

SAPIÉNTIA, quæ Dei erat, et Deus erat, de sinu Patris ad nos véniens, ædificávit sibi domum, ipsam scilicet matrem suam Virginem Mariam, in qua septem colúmnas excidit. Quid est in ea septem colúmnas excidere, nisi ipsam dignum sibi habitáculum fide et opéribus præparáre? Nimirum ternárius númerus ad fidem propter sanctam Trinitátem, quaternárius pértinet ad mores propter quátuor principales virtútes. Quod áutem in beáta María sancta Trinitas fúerit, fúerit dico per præsentiam majestátis, ubi solus Fílius erat per susce-

ptiõem humanitátis, testátur núntius cæléstis, qui ei arcána mystéria réserans, ait: Ave grátia plena, Dóminus tecum; et post páuca: Spíritus sanctus supervéniet in te, et virtus Altíssimi obumbrábit tibi. Ecce habes Dóminum, habes virtútem Altíssimi, habes Spíritum sanctum, habes Patrem, Fílium, et Spíritum sanctum.

R. O quam metuendus est locus iste! * Vere non est hic áliud, nisi domus Dei, et porta cæli. *V.* Hæc est domus Dómini firmiter ædificáta, bene fundáta est supra firmam petram. Vere non est.

Lectio v.

UTRUM áutem et quátuor principáles virtútes, tamquam quátuor colúmnas posséderit, inquisitióne dignum vidétur. Primum ergo videámus an fortitúdinem habúerit. Quæ nimirum virtus quómodo illi abesse pótuit, quæ abjéctis sæculáribus pompis, spretisque voluptatibus carnis, soli Deo in virginitáte vivere propósuit? Ni fallor, hæc Virgo est quæ apud Salomónem légitur: Mulierem fortem quis invéniet? procul, et de últimis finibus prétium ejus. Porro quod témpérons et justa fúerit, ex Angeli collocutióne, et sui ipsius responsiόne, luce clárius comprobámus. Salutáta quippe tam venerabiliter ab Angelo: Ave grátia plena, Dóminus te-

cum; non se extulit, quasi quæ ex singulâ gratiæ privilegio benediceretur, sed siluit, et qualis esset insolita hæc salutatio secum cogitavit. Qua in re, quid nisi temperans fuit? At vero, cum de cælestibus mysteriis ab eodem Angelo doceretur, diligenter quæsivit quomodo conciperet et pareret, quæ virum utique non cognosceret: et in hoc sine dubio prudens existit.

R. Fundata est domus Domini supra verticem montium, et exaltata est super omnes colles: * Et venient ad eam omnes gentes, et dicent: Gloria tibi Domine.

V. Venientes autem venient cum exultatione, portantes manipulos suos. Et.

Lectio vj.

JUSTITIÆ autem præ se fert insigne, ubi se ancillam Domini confitetur; nam quod justorum sit confessio, testatur qui ait: Verumtamen justi confitebuntur nomini tuo. Fuit igitur beata Virgo Maria fortis in proposito, temperans in silentio, prudens in interrogatione, justa in confessione. His itaque quatuor morum columnis, et tribus fidei prædictis extruxit in ea sibi domum Sapientia cælestis, quæ a deo mentem ejus replavit, ut de plenitudine mentis fecundaretur et caro. Ipsius autem Virginis natalis domus divinis mysteriis consecrata,

Angelorum ministerio ab infidelium potestate in Dalmatiam prius, deinde in agrum Lauretanum Picenæ provinciæ translata fuit, sedente sancto Cælestino quinto: eamdémque ipsam esse, in qua Verbum caro factum est, et habitavit in nobis, tum pontificiis diplomatibus, et celeberrima totius orbis veneratione, tum continua miraculorum virtute et cælestium beneficiorum gratia comprobatur. Quibus permotus Innocentius duodecimus, quo ferventius erga Matris amantissimæ cultum fidelium memoria excitaretur, ejusdem sanctæ Domus Translationem anniversaria solemnitate in tota Piceni provincia veneratam, Missa etiam et Officio proprio celebrari præcepit.

R. Domus mea domus orationis vocabitur, dicit Dominus: in ea omnis qui petit, accipit, et qui quærit, invenit: * Et pulsanti aperietur. **V.** Petite, et accipietis: quærite, et inveniétis. Et. Gloria Patri. Et.

IN III. NOCTURNO

Ant. Tollite hostias, et introite in atria ejus: adorâte Dominum in aula sancta ejus.

Ant. Viderunt omnes populi gloriam ejus.

Ant. Cantâte Domino canticum novum, quia mirabilia fecit Dominus, alleluia.

V. Domum tuam Domine

debet sanctitúdo. **R.** In longitúdinem diérum.

Léctio sancti Evangélíi secúndum Lucam.

Lectio vij. Cap. 1. c

IN illo témpore : Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David, et nomen Virginis María. Et réliqua.

Homília sancti Bernárdi Abbátis.

Ex Hom. 1. super Missus est.

QUÆ est hæc Virgo tam venerábilis, ut salutétur ab Angelo? tam húmilis, ut desponsáta sit fabro? Pulchra permixtio virginitátis et humilitátis : nec medióriter placet Deo illa ánima, in qua et humilitas comméndat virginitátem, et virginitas exórnat humilitátem : sed quanta putas veneratióne digna est, in qua humilitátem exáltat fecúnditas, et partus cónsecrat virginitátem? Audis virginem, áudis húmilem? Laudábilis virtus virginitas, sed magis necesária humilitas : illa consúlitur, ista præcipitur.

R. Diffúsa est grátia in lábiis tuis : * Proptérea benedixit te Deus in ætérnum.

V. Myrrha, et gutta, et cásia a vestiméntis tuis, a dómibus ebúrneis, ex quibus te delectavérunt filiæ regum in honóre tuo. Proptérea.

Bened. Cujus festum cólimus, ipsa Virgo vírginum.

Lectio viij.

Ex Hom. 2. super eodem loco.

MISSUS est, inquit, Angelus ad virginem, virginem carne, virginem mente, virginem professióne, virginem dénique qualem describit Apóstolus, mente et córpore sanctam, nec nóviter, nec fortúito invéntam, sed a sáculo eléctam, ab Altíssimo præcóginitam, et sibi præparátam, ab Angelis servátam, a Pátribus præfigurátam, a Prophétis promissam. Ut páuca loquar de plúribus, quam sibi áliam prædixisse Deus vidétur, quando ad serpéntem ait : Inimicitias ponam inter te et mulierem? Et si adhuc dúbitas, an de María dixerit, áudi quod séquitur : Ipsa cónteret caput tuum. Cui hæc serváta victória est, nisi Mariæ?

R. Beáta es Virgo María, Dei Génitrix, quæ credidisti Dómino : perfécta sunt in te quæ dicta sunt tibi : ecce exaltáta es super choros Angelórum : * Intercéde pro nobis ad Dóminum Deum nostrum. **V.** Ave María, grátia plena : Dóminus tecum. Intercéde. Glória. Intercéde.

Lectio ix.

Ex Homil. 3. super eodem loco.

ET ingrèssus Angelus ad eam, dixit : Ave, grátia

plena : Dóminus tecum. Quo ingréssus ad eam? Puto in sacrárium pudíci cubículi, ubi illa fortássis, cláuso super se óstio, orábat Patrem in abscondito. Solent Angeli adstáre orántibus, et delectári in his, quos vident leváre puras manus in oratióne. Holocáustum sanctæ devotiónis gáudent se offérre Deo in odórem suavitátis. Mariæ autem oratiónes quantum placúerint in conspéctu Altissimi, Angelus indicávit, qui ingréssus ad eam tam reverénter salutávit.

Te Deum laudámus. 17.

AD LAUDES

ET PER HORAS

Ant. 1. Domum tuam Dómine * decet sanctitúdo in longitudínem diérum.

Ps. Dóminus regnávit. **cum reliq.** 18.

2. Domus mea * domus oratiónis vocábitur : in ea omnis qui petit, áccipit, et qui quærit, invenit : et pulsánti aperiétur.

3. Propter domum * Dómini Dei nostri quæsívi bona tibi.

4. Dómine Deus * exaltásti super terram habitatiónem meam.

5. Domum majestátis meæ, * et locum pedum meórum glorificábo.

Capitulum. Eccli. 24.

IN ómnibus réquiem quæsívi, et in hereditáte Dómini morábor. Tunc præcépit, et dixit mihi Creátor ómnium :

et qui creávit me, requiévít in tabernáculo meo.

Hymnus.

ALTO ex Olýmpi vértice
Summi Paréntis Filius,
Ceum monte deséctus lapis
Terras in imas décidens,
Domus supérnæ, et ínfimæ,
Utrúmque junxit ángulum.

Sed illa sedes cælitum
Semper resúltat láudibus,
Deúmque trinum et únicum
Jugi canóre prædicat :
Illi canéntes júngimur
Almæ Siónis æmuli.

Hæc templa, Rex cælestium,

Imple benigno lúmine :
Huc o rogátus ádveni,
Plebisque vota súscipe,
Et nostra corda júgiter
Perfúnde cæli grátia.

Hic ímpetrent fidélium
Voces precésque súpplicum,
Domus beátæ múnera,
Partisque donis gáudeant :
Donec solúti corpore
Sedes beátas impleant.

Decus Parénti débitum
Sit usquequáque Altissimo,
Natóque Patris único,
Et inclyto Paráclito,
Cui laus, potéstas, glória
Æternasit persæcula. Amen.

Y. Introibimus in tabernáculum ejus. **R.** Adorábitur in loco, ubi steterunt pedes ejus.

Ad Bened. Ant. Ecce tabernáculum Dei cum hominibus, et habitábit cum eis : et ipsi pópulus ejus erunt, et ipse Deus cum eis erit eórum Deus.

Oratio.

DEUS, qui beatæ Mariæ Virginis domum per incarnāti Verbi mystérium misericórditer consecrásti, eámque in sinu Ecclesiæ tuæ mirabiliter collocásti : concéde ; ut segregáti a tabernáculis peccatórum, digni efficiámur habitatóres domus sanctæ tuæ. Per eúmdem Dóminum.

Et fit Commem. Feriæ et S. Melchiadis. 433.

AD PRIMAM

In R̃. br. dicitur Ṽ. Qui natus es de María Virgine.

AD TERTIAM

Ant. Domus mea.

Capit. In ómnibus.

R̃. br. Hic domus Dei est, * Et porta cæli. Hic. **Ṽ.** Et vocábitur áula Dei. Et. Glória Patri. Hic.

Ṽ. Dómine diléxi decórem domus tuæ. **R̃.** Et locum habitatiónis glóriæ tuæ.

AD SEXTAM

Ant. Propter domum.

Capitulum. Eccli. 24. b

ET sic in Sion firmáta sum, et in civitáte sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea.

R̃. br. Dómine* Diléxi decórem domus tuæ. Dómine. **Ṽ.** Et locum habitatiónis glóriæ tuæ. Diléxi. Glória Patri. Dómine.

Ṽ. Domum tuam Dómine decet sanctitúdo. **R̃.** In longitudínem diérum.

AD NONAM

Ant. Domum majestátis meæ.

Capitulum. Eccli. 24. b

IN platéis sicut cinnamómum et bálsamum aromatizans odórem dedi : quasi myrrha elécta dedi suavitátem odóris.

R̃. br. Domum tuam Dómine * Decet sanctitúdo. Domum. **Ṽ.** In longitudínem diérum. Decet. Glória Patri. Domum.

Ṽ. Hic domus Dei est, et porta cæli. **R̃.** Et vocábitur áula Dei.

IN II. VESPERIS

Omnia ut in I. Vesp., præter

Ad Magnif. Ant. O quam metuéndus est locus iste : vere non est hic áliud, nisi domus Dei, et porta cæli.

DIE XVII

**S. LAZARI RESUSCITATI
EPISCOPI ET CONFESSORIS**

Duplex.

Omnia de Comm. Conf. Pont. 55*, præter seq.

Ad Magnif. Ant. Lázarus amicus noster dormit : eámus, et a somno excitémus eum.

Oratio.

EXÁUDI, quæsumus Dómine, preces nostras, quas in beáti Lázari Confessóris tui atque Pontificis solemni-

táte deférimus : et qui tibi digne mérui famulári, ejus intercedéntibus méritis, ab ómnibus nos absólve peccátis. Per Dóminum.

Commém. Feriæ.

IN I. NOCTURNO

Lect. de Script. occur.

In Quatuor Temp. Fidélis sermo. de Comm. 1º loco. 58*.

IN II. NOCTURNO

Lect. Beáti Patris Lázari. de Comm. 2º loco. 68*.

IN III. NOCTURNO

Lectio sancti Evangélii secundum Joánnem.

Lectio vij. Cap. 11.

IN illo témpore : Erat quidam languens Lázarus a Bethánia, de castélló Mariæ, et Marthæ soróris ejus. Et réliqua.

Homília sancti Augustini
Episcopi.

Tract. 49. in Joan. post init.

IN superiori lectióne meministis, quod Dóminus éxiit de mánibus eórum qui lapidáre illum volúerant, et discéssit trans Jordánem, ubi Joánnes baptizábat. Ibi ergo Dómino constitúto, infirmabátur in Bethánia Lázarus : quod castéllum erat próximum Jerosólymis. María áutem erat, quæ unxit Dóminum unguénto, et extérsit pedes ejus capillis suis, cujus frater Lázarus infirmabátur. Misérunt ergo soróres ejus ad eum. Jam intelligimus quo misérunt, ubi erat Jesus : quóniam absens erat,

trans Jordánem scilicet. Misérunt ad Dóminum, nuntiántes quod ægrotáret frater eárum, ut si dignarétur, veníret, et eum ab ægrítudine liberáret. Ille distulit sanáre, ut posset resuscitáre.

R. Amávit eum. 64*.

Lectio viij.

QUID ergo nuntiavérunt soróres ejus? Dómine, ecce quem amas infirmátur. Non dixerunt, Veni : amánti enim tantúmmodo nuntiándum fuit. Non áusæ sunt dicere, Veni, et sana : non áusæ sunt dicere, Ibi jube, et hic fiet. Cur enim non et istæ, si fides illius centuriónis inde laudátur? Ait enim : Non sum dignus ut intres sub tectum meum, sed tantum dic verbo, et sanábitur puer meus. Nihil horum istæ, sed tantúmmodo : Dómine, ecce quem amas infirmátur. Súfficit ut nóveris : non enim amas, et déseris.

R. Sint lumbi vestri. 64*.

Lectio ix.

DICIT áliquis : Quómodo per Lázarus peccátor significabátur, et a Dómino sic amabátur? Audiat eum dicéntem : Non veni vocáre justos, sed peccatóres. Si enim peccatóres Deus non amáret, de cælo ad terram non descénderet. Audiens áutem Jesus, dixit eis : Infirmitas hæc non est ad mortem, sed pro glória Dei, ut glorificétur Fílius Dei. Talis gloriificátio ipsius non ipsum

áuxit, sed nobis prófuit. Hoc est ergo quod ait, non est ad mortem : quia et ipsa mors non erat ad mortem, sed pótius ad miráculum : quo facto créderent hómines in Christum, et vitárent veram mortem. Sane vidéte quem-ádmódum tamquam ex obliquo Dóminus Deum se dixit : propter quosdam qui negant Filium Dei Deum esse.

Te Deum laudámus. 17.

Ad Bened. Ant. ut in I. Vesp., et Commem. Fer.

In II. Vesp., ad Magnif. Ant. Amávit. V. Justum. de Comm. 67*.

Deinde Commem. Feriæ.

DIE XVIII

IN EXPECTATIONE PARTUS

B. M. V.

Duplex majus.

IN I. VESPERIS

Ant. et Capit. de Laud.; Pss. ut in Festis B. M. V. 145*.

Hymn. Creátor alme. 155.

V. Ave María, grátia plena. R. Dóminus tecum.

Ad Magnif. Ant. Spíritus sanctus in te descéndet María : ne timeas : habébis in útero Filium Dei, allelúia.

Orat. ut infra in Laud.

Et fit Commem. Advent., Ant. O Sapiéntia. 183.

Ad Complet. et alias Horas, in fine omnium Hymn. dicitur :

Virtus, honor, laus, glória Deo Patri cum Filio, Sancto simul Paráclito, In sæculórum sæcula. Amen.

AD MATUTINUM

Invit. Ave María, grátia plena, * Dóminus tecum.

Ps. Veníte, exsultémus. 2.

Hymn. Verbum supérnum pródiens. 156.

IN I. NOCTURNO

Ant. Ecce Dóminus noster cum virtúte véniet, et illuminábit óculos servórum suórum, allelúia.

Pss. in I. et II. Noct. de Comm. Virg. 98*.

Ant. Roráte cæli désuper, et nubes pluant Justum : aperiátur terra, et gérminet Salvatórem.

Ant. Ecce nomen Dómini de longínquo : et cláritas ejus replet orbem terrárum.

V. Ex Sion spécies decóris ejus. R. Deus noster manifeste véniet.

De Isaíâ Prophéta.

Lectio j. Cap. 7. b

ET adjécit Dóminus loqui ad Achaz, dicens : Pete tibi signum a Dómino Deo tuo in profúndum inférni, sive in excélsum supra. Et dixit Achaz : Non petam, et non tentábo Dóminum. Et dixit : Audite ergo, domus David : Numquid parum vobis est, moléstos esse hominibus, quia molésti estis et Deo meo? Propter hoc dabit Dóminus ipse vobis signum. Ecce virgo concipiet, et páriet filium, et vocábitur nomen ejus Emmánuel. Butýrum et mel cómedet, ut sciat reprobáre malum, et eligere bonum.

¶ Non auferétur sceptrum de Juda, et dux de femore ejus, donec véniat qui mittendus est : * Et ipse erit exspectatio gentium. ¶ Pulchriores sunt oculi ejus vino, et dentes ejus lacte candidiores. Et.

Lectio ij. Cap. 11.

Et egrediétur virga de radice Jesse, et flos de radice ejus ascendet. Et requiescet super eum spiritus Domini : spiritus sapientiae et intellectus, spiritus consilii et fortitudinis, spiritus scientiae et pietatis, et replebit eum spiritus timoris Domini : non secundum visionem oculorum iudicabit, neque secundum auditum aurium arguet : sed iudicabit in iustitia pauperes, et arguet in aequitate pro mansuetis terrae : et percutiet terram virga oris sui, et spiritu labiorum suorum interficiet impium. Et erit iustitia cingulum lumborum ejus : et fides cinctorium renum ejus.

¶ Orietur stella ex Jacob, et consurget homo de Israël, et confringet omnes duces alienigenarum : * Et erit omnis terra possessio ejus. ¶ De Jacob erit qui dominabitur, et perdet reliquias civitatis. Et.

Lectio iij. Cap. 35.

Lætabitur deserta et invia, et exsultabit solitudo, et florébit quasi lilium. Germinans germinabit, et

exsultabit lætabunda et laudans : glória Libani data est ei : decor Carmeli et Saron, ipsi videbunt glóriam Domini, et decorem Dei nostri. Confortate manus dissolutas, et gēna debilia roborate. Dicite pusillanimis : Confortamini, et nolite timere : ecce Deus vester ultionem adducet retributionis : Deus ipse veniet, et salvabit vos. Tunc aperiētur oculi cæcorum, et aures surdorum patēbunt. Tunc saliet sicut cervus claudus, et aperta erit lingua mutorum : quia scissae sunt in deserto aquae, et torrentes in solitudine. Et quae erat arida, erit in stagnum, et sitiens in fontes aquarum.

¶ Descendet Dominus sicut pluvia in vellus : oriētur in diebus ejus iustitia, * Et abundantia pacis. ¶ Et adorabunt eum omnes reges : omnes gentes servient ei. Et. Glória Patri. Et adorabunt.

IN II. NOCTURNO

Ant. De Sion exhibet lex, et verbum Domini de Jerusalem.

Ant. Ecce Deus noster, exspectavimus eum, et salvabit nos, allelúia.

Ant. Dominus veniet, occurrите illi, dicentes : Magnum principium, et regni ejus non erit finis : Deus, Fortis, Dominator, Princeps pacis, allelúia.

¶ Egrediétur virga de

radice Jesse. **R.** Et flos de radice ejus ascendet.

Sermo sancti Ildephónsi Archiepiscopi Toletáni.

Ex libro de Virginitate beatæ Mariæ.

Lectio iv.

DÓMINA mea atque domíatrix mea, dóminans mihi, Mater Dómini mei, ancilla Filii tui, Génitrix factóris mundi, te rogo, te oro, te quæso, ut hábeam spíritum Dómini tui, spíritumque Filii tui, necnon et spíritum Redemptóris mei, ut de te vera et digna sapiam, vera et digna loquar, vera et digna quæcúmque sunt, díligam. Tu enim es elécta a Deo, assúmpta a Deo, advocáta a Deo, próxima Deo, adhærens Deo, conjúcta Deo : visitáta ab Angelo, salutáta ab Angelo, benedicta ab Angelo, beatificáta ab Angelo : turbáta in sermóne, attónita in cogitatione, stupefacta in salutatione, admiráta in dictórum annuntiatióne.

R. Ecce virgo concipiet, et páriet filium, dicit Dóminus : * Et vocábitur nomen ejus Admirábilis, Deus, Fortis. **V.** Super sólum David, et super regnum ejus sedébit in ætérnum. Et.

Lectio v.

INVENÍSSE te apud Deum grátiam áudis, et ne timeas jubéris. Unde et tu fidúcia roboráris, cognitióne miraculórum instrúeris, ad

novitátem inauditæ glóriæ provéheris. De prole ab Angelo nuntiáta es, et post fœtum íntegra et pudica manes. Certa virginitas nobis proponitur, et nascitúrum ex te Sanctum, Dei Filium, tibi ab Angelo evangelizátur : et quæ sit nascéntis Regis poténtia, mirabiliter intimátur. Quómodo fiat quæris : de origine intérogas, de ratióne perscrutáris, de experiéntia requiris, de órdine sciscitáris. Audi inauditum oráculum, considera inusitátum opus, animadvérte incógnitum arcánium, atténde invisum factum : Spiritus sanctus supervéniet in te, et virtus Altíssimi obumbrábit tibi.

R. Roráte cæli désuper, et nubes pluant Justum : * Aperíatur terra, et gérmínet Salvatórem. **V.** Emitte Agnum Dómine dominatórem terræ, de Petra desérti ad montem filiæ Sion. Aperíatur.

Lectio vj.

TOTA invisibiliter Trínitas conceptionem operábitur in te : sola persóna Filii Dei in corpore tuo nascitúra carnem assúmet de te. Ideóque quod concipiétur ex te, quod nascétur ex te, quod pródiet ex te, quod germinábitur ex te, quod parturiétur ex te Sanctum, vocábitur Filius Dei. Erit enim hic magnus, hic Deus virtútum, hic Rex ómnium sæculórum, hic factor ómnium

rerum. Ecce beáta tu inter mulieres, integra inter puérperas, dómina inter ancillas, regina inter soróres. Ecce ex hoc beátam te dicent omnes generatiónes, beátam te novérunt omnes cæléstes virtútes, beátam te prædicant omnes vates, beátam te célebrant omnes nationes. Beáta tu fidei nostræ, beáta tu ánimæ nostræ, beáta dilectiúi nostræ, beáta præconiis et prædicationibus meis.

℞. Docébit nos Dóminus vias suas, et ambulábit in sémitis ejus : * Quia de Sion exhibit lex, et verbum Dómini de Jerúsalem. V. Venite, ascendámus ad montem Dómini, et ad domum Dei Jacob. Quia. Glória Patri. Quia.

IN III. NOCTURNO

Ant. Dóminus dabit benignitátem, et terra nostra dabit fructum suum.

Ps. 84. Benedixisti. 101.

Ant. Ecce véniet Deus, et homo de domo David sedere in throno, allelúia.

Ps. 86. Fundaménta ejus. 103.

Ant. Annuntiáte pópulis, et dicite : Ecce Deus Salvátor noster véniet.

Ps. 95. Cantáte Dómino... omnis terra. 107.

V. Egrediétur Dóminus de loco sancto suo. ℞. Véniet ut salvet pópulum suum.

Si hoc Festum venerit in Feria IV. Quatuor Temp.

Advent., loco seq. Homil., leguntur tres Lect. Homil. ejusdem Feriæ IV., cum ℞. quæ hic assignantur.

Léctio sancti Evangélíi secúndum Lucam.

Lectio vij. Cap. 1. e

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virginem desponsátam viro, cui nomen erat Joseph, de domo David : et nomen Virginis Maria. Et réliqua.

Homilia venerábilis Bedæ Presbýteri.

In Evang. Luc. cap. 1.

AD Mariám Virginem Gábriel mittitur, qui Dei fortitúdo nominátur : illum quippe nuntiáre veniébat, qui ad debellándas aéreas potestátes húmilis apparére dignátus est. De quo per Psalmistam dicitur : Dóminus fortis et potens, Dóminus potens in prælio. Et rursum : Dóminus virtútum ipse est Rex glóriæ. Per Dei ergo fortitúdinem nuntiándus erat, qui virtútum Dóminus, et potens in prælio, contra potestátes aéreas ad bella veniébat. Et ingressus Angelus ad eam, dixit : Ave, grátia plena, Dóminus tecum : benedicta tu in muliéribus. Bene grátia plena vocátur, quæ nimirum grátiam quam nulla ália merúerat, asséquitur : ut ipsum videlicet grátia concípiat et generet auctórem.

℟. Ave María, grátia plena, Dóminus tecum : * Spíritus sanctus supervéniet in te, et virtus Altissimi obumbrábit tibi : quod enim ex te nascétur Sanctum, vocábitur Filius Dei. ✠. Quómodo fiet istud, quóniam virum non cognósko? Et respóndens Angelus, dixit ei. Spíritus sanctus.

Bened. Cujus festum cólimus, ipsa Virgo virginum.

Lectio viij.

ECCE concípies in útero, et páries filium, et vocábis nomen ejus Jesum. Jesus, Salvátor sive salutáris interpretátur : cujus sacraméntum nóminis álloquens Joseph Angelus expósuit : Ipse enim (inquiens) salvum fáciat pópulum suum a peccátis eórum. Non ait, pópulum Israël, sed pópulum suum : hoc est, in unitátem fidei ex præpútio et circumcisióne vocátum : quibus ex diversá parte vocátis, fieret unus pastor, et unum ovile. Hic erit magnus, et Filius Altissimi vocábitur, et dabit illi Dóminus Deus sedem David patris ejus. Idem ergo Filius Altissimi, qui in útero virgináli concéptus et natus est. Idem homo in témpore creatus ex matre, qui Deus est ante témpora natus ex Patre. Si áutem idem homo, qui Deus est, omittat Nestórius hómínem tantum dicere ex Virgine natum.

℟. Súscipe verbum Virgo

María, quód tibi a Dómino per Angelum transmissum est : concípies et páries Deum páriter et hómínem : * Ut benedicta dicáris inter omnes mulieres. ✠. Páries quidem filium, et virginitátis non patiéris detriméntum : efficiéris grávida, et eris mater semper intácta. Ut benedicta. Glória Patri. Ut benedicta.

Lectio ix.

IDEÓQUE et quod nascétur ex te Sanctum, vocábitur Filius Dei. Ad distinctiónem nostræ sanctitátis, Jesus sanctus singuláríter nascitúrus asséritur. Nos quippe, et si sancti efficimur, non tamen nascimur; quia ipsa natúræ corruptiónis conditióne constringimur, ut mérito cum Prophéta geméntes singuli dicámus : Ecce enim in iniquitátibus concéptus sum, et in delictis péperit me mater mea. Ille áutem solus veráciter sanctus est, qui ut ipsam conditiónem natúræ corruptibilis vinceret, ex commixtióne carnális cópulae concéptus non est. Sanctum, inquit, vocábitur Filius Dei. Quid hic dicis, Nestoriáne, qui beátam Mariam Dei negans esse Genitricem, apérte niteris impugnáre veritátem? Ecce Deum dixit superventúrum, Dei Filium nascitúrum. Quómodo ergo aut Dei Filius Deus non est, aut quæ Deum édedit, quómodo Theotócos,

id est, Dei Génitrix non esse potest?

Te Deum laudámus. 17.

AD LAUDES

ET PER HORAS

Ant. 1. Missus est *Gábríel Angelus ad Mariam Virginem desponsátam Joseph.

Ps. Dóminus regnávít. **cum reliq.** 18.

2. Ave María, *grátia plena, Dóminus tecum : benedicta tu in muliéribus, allelúia.

3. Ne timeas María, *invenisti grátiam apud Dóminum : ecce concípies et páries filium, allelúia.

4. Dabit ei Dóminus *sedem David patris ejus, et regnábít in ætérnum.

5. Ecce ancilla Dómini, *fiat mihi secúndum verbum tuum.

Capitulum. Is. 11.

EGREDIÉTUR virga de radice Jesse, et flos de radice ejus ascéndet. Et requiescet super eum Spíritus Dómini.

Hymn. En clara vox. 160.

ŷ. Spíritus sanctus supervéniet in te. **Ŕ.** Et virtus Altissimi obumbrábit tibi.

Ad Bened. Ant. Super sólium David, et super regnum ejus sedébit in ætérnum.

Oratio.

DEUS, qui de beátæ Mariæ Virginis útero Verbum tuum, Angelo nuntiánte, carnem suscipere voluisti : præsta supplicibus tuis ; ut qui vere eam Genitricem Dei cré-

dimus, ejus apud te intercessiónibus adjuvémur. Per eúmdem Dóminum.

Deinde fit Commem. Fer.

AD PRIMAM

In Ŕ. br. dicitur ŷ. Qui ventúrus es in mundum.

AD TERTIAM

Ant. Ave María.

Capit. Egrediétur.

Ŕ. br. Tu exsúrgens Dómine *Miseréberis Sion. Tu. **ŷ.** Quia tempus miseréndi ejus, quia venit tempus. Miseréberis. Glória Patri. Tu.

ŷ. Roráte cæli désuper, et nubes pluant Justum. **Ŕ.** Aperiátur terra, et gérmínet Salvatórem.

AD SEXTAM

Ant. Ne timeas María.

Capitulum. Is. 7. c

ECCE virgo concípíet, et páriet filium, et vocábitur nomen ejus Emmánuel. Butýrum et mel cómedet, ut sciat reprobare malum, et eligere bonum.

Ŕ. br. Roráte cæli désuper, * Et nubes pluant Justum. Roráte. **ŷ.** Aperiátur terra, et gérmínet Salvatórem. Et. Glória Patri. Roráte.

ŷ. Emitte Agnum Dómine dominatórem terræ. **Ŕ.** De Petra desérti ad montem filiæ Sion.

AD NONAM

Ant. Ecce ancilla Dómini.

Capitulum. Is. 45. b

RORÁTE cæli désuper, et nubes pluant Justum : aperiátur terra, et gérmínet Salvatórem, et justítia oriá-

tur simul : ego Dóminus creávi eum.

℟. br. Emitte Agnum Dómine *Dominatórem terræ. Emitte. **ŷ.** De Petra desérti ad montem filiæ Sion. Dominatórem. Glória Patri. Emitte.

ŷ. Spiritus sanctus supervéniet in te. **℟.** Et virtus Altissimi obumbrábit tibi.

IN II. VESPERIS

Ompia ut in L. præter **Ant.** 5. ejus loco dicitur sequens

Ant. De fructu ventris tui ponam super sedem tuam.

Ps. Meménto Dómine. 137.

Hymnus Créator alme siderum. 155.

ŷ. Ave Maria, grátia plena. **℟.** Dóminus tecum.

Ad Magnif. Ant. O Virgo virginum, quómodo fiet istud? quia nec primam similem visa es, nec habere sequentem. Filiæ Jerúsalem, quid me admirámini? Divinum est mystérium hoc quod cernitis.

Orat. ut supra ad Laudes.

Pro Commem. Advent.,

Ant. O Adónai. 183.

DIE XXVI

COMMEMORATIO

OMNIUM SS. MARTYRUM

In utrisque Vesp. et Laud. festi S. Stephani Protomart. **Ant.** et **ŷ.** de Communi plur. Mart.

Oratio.

DEUS, qui nos ánnua sanctórum Mártyrum tuó-

rum commemoratióne lætificas : concéde propitius; ut quorum gaudémus méritis, accendámur exémpis. Per Dóminum.

¶ Alibi ex decreto Pii PP. VI. d. 18 Maii 1798 pro aliqu. locis et Respons. S. R. C. d. 18 Oct. 1818 sumuntur seq. Commem.

IN I. VESPERIS

Ant. Isti sunt sancti, quos elégit Dóminus in caritaté non ficta, dedit illis glóriam sempitérnám.

ŷ. Justi epuléntur et exsúltent in conspéctu Dei. **℟.** Et delecténtur in lætitia.

Oratio.

DEUS, qui glorificáris in concilio sanctórum Mártyrum tuórum : réspice ad preces humilitátis nostræ; ut quorum solémnia celebrámus, eórum précibus adjuvári mereámur. Per Dñum.

AD LAUDES

Ant. Sancti tui Dómine semper benedicant te, et glóriam regni tui dicant.

ŷ. Mirábilis Deus in sanctis suis. **℟.** In sanctis ejus laudáte Deum.

Oratio ut supra.

IN II. VESPERIS

Ant. Dico áutem vobis amicis meis, ne terreámini ab his qui occidunt corpus, ánimam áutem non possunt occidere.

ŷ. Justi áutem in perpétuum vivent. **℟.** Et apud Dóminum est merces eórum.

Oratio ut supra.

FESTA JANUARI

DIE III

SANCTÆ GENOVEFÆ

VIRGINIS

Duplex majus.

Omnia de Comm. Virg.

95*, præter seq.

Oratio.

EFFUNDE super nos Dómine spíritum agnitiónis et dilectiόnis, quo ancillam tuam Genovéfam implevisti: ut sédula ejus imitatiόne tibi sincére obsequéntes, fide tibi et ópere placeámus. Per Dóminum.

IN I. NOCTURNO

Lect. De virgínibus. 100*.

IN II. NOCTURNO

Lectio iv.

GENOFÉVA Nemptodúri in agro Parisiénsi, Sevéro et Gerúntia paréntibus nata, inauditæ virtútis splendóre a téneris annis cláruit. Germánus Antissiodorénsis in Británniam transitúrus cum Lupo Trecénsi, ut Pelagiánæ háeresis reliquias profligáret, conjéctis in eam óculis, Deo caranret vitæ sanctitáte illústrem fore prædixit. Ab ea cum postuláset, num virginitátem Deo vellet consecráre, Genovéfa, vultu ad modéstiam compósito, statim respóndit id unum se veheménter optáre. Germánus itaque ecclésiám frequénti pópulo ingressus, puéllæ manus impósuit, et

inter crebros psalmórum concéntus, prolixásque oratiόnes, virginem consecrávit. Postridie sciscitánti an voti jam emissi memor esset, mémorem vero se, et in eo propósito permansúram, Deo operánte, asseverávit. Ille nummum æreum signo crucis insignitum, nec sine Dei nutu humi conspicátus, collégit, virgini dedit, præcepítque ut collo appénsus gestáret, nec ullis deinceps monilibus, quæ sponsæ Christi non convéniunt, ornári se paterétur.

R. Propter veritátem. 104*.

Lectio v.

MIRACULÓRUM dono et multitúdine excélluit, máxime circa energúmenos, quos óleo consecráto inúngens, a dæmonum tyránnide liberábat. Plúrima prophético spíritu edixit; atque imprimis, accedénte Attila, Hunnórum rege, cives Parisiénses adhortáta est ne, relictis sédibus, fortúnas suas álio transférrent, urbem pollicita, subvérsis áliis munitiόnibus, perstitúram. Rei veritátem probávit événtus; idque Genovéfæ patrocínio datum. Grassánte deinde fame, et in máxima annónæ caritáte urbem magna fruménti cópia, et páuperes innúmeros erogátis pánibus

sustentávit. Neque tamen tot éditis miráculis effúgere pótuit, quin malevolórum ódio et contuméliis premerétur. Germánus, in Británniam íterum profectúrus, eam ádiit, et váriis impetítam calúmniis divíno eloquio consolátus est; habitáque gravi ad pópulum oratióne, quanti esset apud Deum mériti expósuit, et locum in quo preces illa fundébat lácrymis ejus maledáctum osténdit.

R. Dilexisti. 104*.

Lectio vj.

AB anno ætátis décimo quinto ad usque quinquagésimum Dominica tantum die et quinta féria jejúnium solvit, sumpto pane hordeáceo ac módico pulménto, quod ante quíndecim dies coctum, ut minus sápidum esset, frigida temperábat aqua. Post id tempus, suadéntibus episcopis, quibus non obtemperáre nefas putábat, piscículis et lacte usa est. Neque vero intra Gálliae límites tanta virtus continéeri pótuit. Simeon ille Stylites; audíta tot miraculórum fama, ejus se précibus vóluit commendátum. Admirándis dénique virtútibus, ut scribit Beda, late cláruit, et in Christi servitúte ad octogínta et novem annos consénuit. De qua hæc étiam Gregórius Turonénsis: Sancta Genovéfa, quæ in córpore pósita, tanta virtúte præváluit, ut mórtuum

suscitáverit, Lutétiae in basilica sanctórum Apostolórum Petri et Páuli sepúlta est; ad cujus túmulum sæpius petitiónes datæ suffrágium obtinent, sed et frigoriticórum febres ejus virtúte sæpissime restringúntur.

R. Afferéntur. 104*.

IN III. NOCTURNO

Homil. in Evang. Simile erit. **de eodem Communi 1º loco.** 106*.

DIE XXIII

IN DESPONSATIONE B. M. V.

CUM S. JOSEPH

Duplex majus.

Ant. de Laud. 298*; **Pss., Capit., Hymnus et reliqua hic non propria ut in Festis B. M. V.** 145*.

V. Desponsátio est hódie sanctæ Mariæ Virginis. **R.** Cujus vita ínclýta cunctas illústrat ecclésiás.

Ad Magnif. Ant. Gloriósæ Virginis Mariæ Desponsatió-nem digníssimam recolá-mus, quæ et Genitricis dignitátem obtínuit, et virginálem pudicitiam non amisit.

Oratio ut ad Laud. 299*.

Et fit Commem. S. Joseph, ubi est concessa, ante alias quascumque **Commem.**

Ant. Exsúrgens Joseph a somno, fecit sicut præcépit ei Angelus Dómini, et accé-pit cónjugem suam.

V. Constituit eum dómi-num domus suæ. **R.** Et príncipem omnis possessiόνis suæ.

Oratio.

SANCTÍSSIMÆ Genitrícis tuæ Sponsi, quæsumus Dómine, méritis adjuvémur : ut quod possibilitas nostra non óbtinet, ejus nobis intercessióne donétur.

Deinde SS. Vincentii et Anastasii Mm. 485, ac sanctæ Emerentianæ Virg. et Mart. 485.

AD MATUTINUM

Invit. Desponsatióem Virginis Mariæ celebrémus, * Christum ejus Filium adorémus Dóminum.

Ps. Veníte, exsultémus. 2.

Hymn. Quem terra. 147*.

IN I. NOCTURNO

Incipiunt Cántica canticórum.

Lectio j. Cap. 1.

OSCULÉTUR me ósculo oris sui : quia melióra sunt úbera tua vino, fragrántia unguéntis óptimis. Oleum effúsum nomen tuum : ídeo adolescentulæ dilexérunt te. Trahe me : post te currémus in odórem unguentórum tuórum. Introduxit me rex in cellária sua : exsultábimus et lætábimur in te, mémores úberum tuórum super vinum : recti diligunt te. Nigra sum, sed formósa, filiæ Jerúsalem, sicut tabernácula Cedar, sicut pelles Salomónis.

R. Hódie desponsáta est beáta Virgo María ex progénie David : * Per quam salus mundi credéntibus appáruit, cujus vita gloriósa lucem de-

dit sáculo. **V.** Desponsatió-nem beátæ Mariæ Virginis cum gáudio celebrémus. Per quam.

Lectio ij.

NOLITE me consideráre quod fusca sim, quia decolorávit me sol : filii matris meæ pugnávérunt contra me, posuérunt me custódem in vineis : vineam meam non custodívi. Indica mihi, quem diligit ánima mea, ubi pascas, ubi cubes in merídie, ne vagári incípiam post greges sodálium tuórum. Si ignóras te, o pulchérissima inter mulieres, egrédere, et abi post vestigia gregum, et pasce hœdos tuos juxta tabernácula pastórum. Equitátui meo in cúrribus Pharaónis assimilávi te amica mea. Pulchræ sunt genæ tuæ sicut túrturis : collum tuum sicut monília.

R. Beatissimæ Virginis Mariæ Desponsatióem devotissime celebrémus : * Ut ipsa pro nobis intercédât ad Dóminum Jesum Christum. **V.** Cum jucunditáte Desponsatióem beátæ Mariæ Virginis devotissime celebrémus. Ut.

Lectio iij.

MURÉNULAS áureas faciémus tibi, vermiculátas argénto. Dum esset rex in accúbitu suo, nardus mea dedit odórem suum. Fasciculus myrrhæ diléctus meus mihi, inter úbera mea comorábitur. Botrus Cypri di-

léctus meus mihi, in vineis Engáddi. Ecce tu pulchra es amica mea, ecce tu pulchra es, óculi tui columbárum. Ecce tu pulcher es, diléctemi, et decórus. Léctulus noster flóridus : tigna domórum nostrárum cédrina, laqueária nostra cyprésina.

R. Gloriósæ Virginis Mariæ Desponsationem dignissimam recolámus : * Cujus Dóminus humilitátem respéxit, quæ Angelo nuntiánte concépit Salvatórem mundi. **V.** Beatíssimæ Virginis Mariæ Desponsationem devotissime celebrémus. Cujus. Glória Patri. Cujus.

IN II. NOCTURNO

Sermo sancti Bernárdi
Abbátis.

Ex Homii. 2. super Missus
est.

Lectio iv.

OPORTÉBAT a principe mundi aliquándiu celári divini consilii sacraméntum : non quod Deus, si palam opus suum fácere vellet, impediri posse ab illo metúeret : sed quia ipse, qui non solum poténter, sed étiam sapiénter quæcúmque vóluit, fecit, sicut in ómnibus opéribus suis quasdam rerum vel témporum congruéntias propter órdinis pulchritúdinem serváre consuévit : ita in hoc quoque tam magnífico ópere suo, nostræ vidélicet reparatiónis, non tantum poténtiam

suam, sed et prudéntiam osténdere vóluit.

R. Desponsatio gloriósæ Virginis Mariæ ex sémine Abrahæ, ortæ de tribu Juda, clara ex stirpe David, * Cujus vita inclyta cunctas illústrat ecclésiás. **V.** Hódie desponsáta est beáta Virgo María ex progénie David. Cujus.

Lectio v.

CONVÉNIENS ergo erat, ut suáriter quoque ómnia, cæléstia scilicet et terréna, dispóneret, quátenus et illic dejiciens iniquétum, réliquos in pace firmáret ; et hic debelláturus invidum, nobis prius suæ humilitátis et mansuetúdinis valde necessárium exémplum relinqueret : sicque mirábili fieret moderámine sapiéntiæ, ut et suis suávis, et hóstibus fortis apparéret.

R. Cum jucunditáte Desponsationem beátæ Mariæ celebrémus : * Ut ipsa pro nobis intercédât ad Dóminum Jesum Christum. **V.** Corde et ánimo Christo canámus glóriam in hac sacra solemnitate præcélsæ Genitricis Dei Mariæ. Ut ipsa.

Lectio vj.

QUID enim prodésset diabolum a Deo vinci, nobis manéntibus supérbis ? Necessário igitur desponsáta est María Joseph, quando per hoc et a cánibus sanctum abscónditur, et a sponso virginitas comprobátur, et Virginis tam verecúndiæ pár-

citur, quam famæ providetur. Quid sapiëntius? quid dignius divina providéntia? Uno tali consilio secrétis cæléstibus et admittitur testis, et exclúditur hostis, et integra servátur fama Virginis Matris.

R. Desponsátio tua, Dei Génitrix Virgo, gáudium annuntiávit univérso mundo : * Ex te enim ortus est sol justitiæ, Christus Deus noster : * Qui solvens maledictiónem, dedit benedictiónem: et confúndens mortem, donávit nobis vitam sempitérnam. **V.** Benedicta tu in muliéribus, et benedictus fructus ventris tui. Ex. Glória Patri. Qui.

IN III. NOCTURNO

Homil. Quare non de simplici. **ut in Vigilia Nativ. Domini.** 202.

R. vij. Beátam me dicent omnes generatiónes : * Quia fecit mihi Dóminus magna, qui potens est, et sanctum nomen ejus. **V.** Et misericórdia ejus a progénie in progénies timéntibus eum. Quia.

Bened. Cujus festum cólimus, ipsa Virgo virginum.

R. viij. Felix namque es sacra Virgo María, et omni láude digníssima : * Quia ex te ortus est sol justitiæ, * Christus Deus noster. **V.** Ora pro pópulo, intérvieni pro clero, intercède pro devóto femíneo sexu : sentiant omnes tuum juvámén,

quicúmque célebrant tuam sanctam Desponsatiónem. Quia. Glória Patri. Christus.

Lect. ix. de S. Emerentiana Virg. Mart. 487. **Quod si transferatur, Lectio ix. erit** Joseph ántem. 203.

Te Deum laudámus. 17.

AD LAUDES

Ant. 1. Desponsátio * gloriósæ Virginis Mariæ, ex sémine Abrahæ, ortæ de tribu Juda, clara ex stirpe David.

Ps. Dóminus regnávít. **cum reliq.** 18.

2. Desponsátio est hódie * sanctæ Mariæ Virginis, cujus vita inclýta cunctas illústrat ecclésiás.

3. Regáli ex progénie * María exórta refúlget : cujus précibus nos adjuvári mente et spíritu devotissime póscimus.

4. Corde et ánimo * Christo canámus glóriam, in hac sacra solemnitáte præcélsæ Genitricis Dei Mariæ.

5. Cum jucunditáte * Desponsatiónem beátæ Mariæ celebrémus, ut ipsa pro nobis intercédát ad Dóminum Jesum Christum.

V. Desponsátio est hódie sanctæ Mariæ Virginis. **R.** Cujus vita inclýta cunctas illústrat ecclésiás.

Ad Bened. Ant. Desponsatiónem hodiérnam perpétuæ Virginis Genitricis Dei Mariæ solémniter celebrémus, quacelsitúdo throni procéssit, allelúia.

Oratio.

I AMULIS tuis, quæsumus Dómine, cæléstis grátiae munus impertire : ut, quibus beátæ Virginis partus éxstitit salutis exórdium, Desponsationis ejus votiva solémnitas pacis tribuat incrementum. Per Dóminum.

Deinde fit Commem. S. Joseph.

Ant. Ipse Jesus erat incipiens quasi annórum triginta, ut putabátur filius Joseph.

ŷ. Os justi meditábitur sapiéntiam. **R̃.** Et lingua ejus loquétur judicium.

Oratio.

S ANCTÍSSIMÆ Genitrícis tuæ Sponsi, quæsumus Dómine, méritis adjuvémur : ut quod possibilitas nostra non óbtinet, ejus nobis intercessióne donétur.

Postea Commem. sanctæ Emerentianæ. 487.

AD HORAS

Ant. de Laud.; Capit. et R̃. br. ul in Festis B. M. V. 157*.

IN II. VESPERIS

Ant. de Laud.; Pss., Capit. et Hymn. ut in Festis B. M. V. 145*.

ŷ. Desponsátio est hódie sanctæ Mariæ Virginis. **R̃.** Cujus vita inelyta cunctas illústrat ecclésiās.

Ad Magnif. Ant. Desponsátio tua, Dei Génitrix Virgo, gáudium annuntiávit univérso mundo : ex te enim ortus est sol justitiæ, Chri-

stus Deus noster : qui solvens maledictiónem, dedit benedictiónem : et confúndens mortem, donávit nobis vitam sempitérnam.

Commem. S. Joseph

Ant. Ecce fidélis servus et prudens, quem constituit Dóminus super familiam suam.

ŷ. Glória et divitiæ in domo ejus. **R̃.** Et justitia ejus manet in sæculum sæculi.

Orat. Sanctissimæ. supra

EADEM DIE
S. ILDEPHONSI

EPISCOPI ET CONFESSORIS

Semiduplex.

Omnia de Communi Conf. Pont. 55*, præter seq.

Oratio Exáudi. 56*.

Vel hæc alia Oratio.

D EUS, qui per gloriosissimam Filii tui Matrem beátum Ildephónsum Confessórem tuum atque Pontificem misso de thesáuris cæléstibus múnere decorásti : concéde propitius ; ut per ejus preces et mérita, múnera capiamus æténa. Per eúndem Dóminum.

IN I. NOCTURNO

Lect. de Script. occur

IN II. NOCTURNO

Ex Surio, t. 1., et aliunde.

Lectio iv.

I LDEPHÓNSUS, qui et Alphónsus dicitur, natióne Hispánus, Toléti nobilissimis Stéphano et Lúcia paréntibus ortus, omnique

cura nutritus, liberalibus disciplinis instructus est. Primum habuit præceptorum Eugénium Toletánum antistitem, a quo miram ob indolem Híspalim ad Isidórum, mira tunc eruditiónem polléntem, est missus. Duódecim apud Isidórum commorátus annos, tandem fruge bona doctrinæque sana imbútus, Tolétum remeávit ad Eugénium. Postquam vero factus est ob vitæ candórem, peritiámque non vulgárem, ab Eugénio ecclésiæ Toletánæ archidiáconus, mundi cúpiens láqueos declináre, in Agaliénsi monastério, quod sanctis Martýribus Cosmæ et Damiáno tunc erat dicátum, insigne pietátis cucúllum induit. Cui neque paréntes, jam prece, jam vi, ómnia tentántes, obsistere valuerunt, quin constánter in propósito permaneret.

℟. Invéni David. 61*.

Lectio v.

MÓNACHI non multo post Ildephónsum in demórtui abbátis locum subrogárunť : suspiciébant siquidem in eo (præter virtútes reliquas) æquitátem, morum facilitátem, prudéntiam, raram sanctitúdinem. Tantus itaque fulgor, tanta veræ pietátis lux (quod ipse timébat) latére non pótuit. Eugénio namque vita functo, cleri, senátus totiúsque pópuli decreto Toletánus archiepi-

scopus est creátus. In quo quidem præsulátu, quantum verbo Ildephónsus profecerit, quæ mirácula ediderit, quam multis fúerit nominibus de Vírgine Matre bene méritus, non fácte quis explicáre quiverit. Cænóbium virginum in Deilfénsi villula ædificávit, ac magnis munéribus áuxit. Hærélicos quosdam, qui in Hispánia hæresim Helvidiánam, tolléntem perpétuam Mariæ Dei Genitrícis virginitátem, disseminábant, doctissime confutávit, ab Hispaniæque depulit : quam disputatiónem explicávit libro, quem scripsit de beátæ Mariæ virginitáte, rem miráculo confirmánte. Cum enim Ildephónsus ad preces matutinas Expectatiónis beátæ Mariæ in ecclésiám nocte descenderet, cómites ejus in ecclésiæ limine fulgóre quodam repéntino detérriti retrocesserunt. Ille vero intrépidus ad aram progréssus, Virginem ipsam vidit, et adorávit : ab eadémque vestem, qua in sacrificiis uterétur, accépit.

℟. Pósui adjutórium. 61*.

Lectio vj.

CUM étiam dies sanctæ Leocádiæ festus agerétur, et clerus frequénsque pópulus convenisset, Ildephónsus ad sepúlcrum virginis Leocádiæ accédens, flexis suppliciter génibus precabátur. Et ecce reseráto repénťe sarcóphago, Leocádia sanctíssima

pródiit : videntibúsque cunctis et audiéntibus, Ildephónsi mérita de Vírgine María commendávit, dicens : O Ildephónse, per te vivit Dómina mea, quæ cæli cúlmina tenet. Et præsule colaudáto redibat. Ildephónsus, ne res sine téstibus tanta pósteris referretur, arrépto Recesvinthi regis, qui forte tunc áderat, gladiolo, veláminis partem, quo caput Leocádiæ tegebátur, resécut; eámque cum régio simul cultro célebri pompa in sacrárium intulit, ubi usque hódie servátur. Scripsit multa luculentióri sermóne, quorum, váriis molestiárum occupatióibus impeditus, áliqua cœpta, áliqua semipléna reliquit. Obiit tandem divus Ildephónsus feliciter ac sancte, cum sedisset in episcopátu annos novem, menses duos : sepultúsque est in basilica Leocádiæ circa annum Dómini sexcentésimum septuagésimum séptimum, Recesvintho in Hispania regnante. Cujus corpus in generáli a Saracénis Hispaniárum occupatióne in civitátem Zamorénsem translátum est, et in ecclésia beáti Petri honorífice quiéscens, magna illius pópuli religióne cólitur.

R. Iste est. 62*.

IN III. NOCTURNO

Homil. in Evang. Vos estis. de Comm. Doct. 1^o loco. 73*.

R. viij. Sint lumbi vestri.

DIE XXVIII

S. JULIANI EP. ET CONF.

Semiduplex ad libitum.

Omnia de Comm. Conf.

Pont. 55*, præter seq.

Oratio.

EXCITA, quæsumus Dómine, in pópulo tuo spiritum caritátis, quo beátum Juliánum Confessórem tuum atque Pontíficem replére dignátus es : et concéde; ut cujus festivitátem celebrámus, per ejus ad te exéempla gradiámur. Per Dóminum.

Commem. sanctæ Agnelis secundo. 497.

IN I. NOCTURNO

Lect. de Script. occur.

IN II. NOCTURNO

Lectio iv.

JULIÁNUS, ecclésiæ Conchénsis episcopus, Burgis piis et honestis paréntibus natus est. Ejus ortum præclára illius sanctitátis et episcopális dignitátis signa divinitus data nobilitárant. Nam ádeo formósus et pulcher in lucem éditus est, ut omnes intuéntes os ejus, cælesti quodam fulgóre perfúsum admiraréntur. Multo magis vero, cum puer grándior palam super fontem baptismálem tándiu visus est mitra et báculo episcopális insignibus ornátus, dum adstántes admónuit, ut infánti Juliáni nomen impónerent. Póstea pie sanctéque educátus, liberalibúsque disciplinis apprime eruditus,

theologiæ óperam dedit, in qua plúrimum profécit. Itaque probátæ vitæ exémplo, et divíni verbi prædicatióne toti Hispániæ mirándum in modum prófuit. Archidiáconi dignitaté in ecclésia Toletána ornátus, ab Alphonso deinceps nono Castellæ rege episcopále munus suscipere coáctus est, quod summa cum láude obívit.

℞. Invéni David. 61*.

Lectio v.

VERE pater páuperum fuit: quippe qui egéntium, viduárum et pupillórum inópiam pecúnia et áliis pietátis officiis sublevávit. Réditus ecclésiæ suæ tum sublevándis miseris, tum instaurándis ornandisque templis insúmpsit: ipse ténui victu conténtus, quem labóre mánuum suárum comparábat. In oratióne assíduus erat: cujus vi, patérna caritaté ardens, multa et magna pro salute pópuli a Deo impetrávit. Quorum illa in primis illústria: cum aliquándo tota provincia rei frumentariæ laboráret inópia, nec quidquam ámplius in episcopátus hórreis superésset, pópuli calamitatem miserátus, preces cum lácrymis ad Deum fudit. Tunc plúrimum tritici ad ædes sancti episcopi permúltis juméntis comportátum est, quæ depósito ónere evanuérunt. Cumque item dira in pópulum lues grassarétur, sancti episcopi

oratióne sedáta est. Multos quoque, váriis insanábiliū morbórum genéribus afféctos, in sanitátem restituit.

℞. Pósuí adjutórium. 61*.

Lectio vj.

SUPER gregem suum tamquam bonus et sédulus pastor diligentissime vigilávit: lupos arcens ab óvibus, et oves pascens verbo vitæ, cibum cuique tribuens pro captu congruéntem. Corpus suum jejúniis assidue castigans, seípsum bonórum óperum exémpplar ómnibus præbuit. Dénique, cum annos fere octogínta máxima cum sanctitaté vixisset, plenus diérum atque virtútum, in senectúte bona migrávit ad Dóminum, quinto Kaléndas Februárii, anno millésimo ducentésimo octávo: et honorífice in ecclésia sua sepúltus, post mortem quoque miraculórum glória clarus, magna pópuli veneratióne cólitur. Anno póstmodum millésimo quingentésimo décimo octávo, Leóne décimo Pontífice Máximo, corpus ejus e sacéllo, ubi multos jacúerat annos, effóssum, ad locum prope aram máximam magnífice exornátum, tértio Idus Aprilis solémni pompa ac máxima celebritáte translátum est. Commemoratiónis ejus quoque festívitás Nonis Septémbris, ex Júlii tértii Summi Pontíficis concessióne recólitur.

℞. Iste est. 62*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 6. c

IN illo témpore : Dixit Jesus discipulis suis : Nolite thesaurizáre vobis thesauros in terra, ubi ærúgo, et tinea demolítur, et ubi fures effódiunt et furántur. Et reliqua.

Homília sancti Petri

Chrysólogi.

Serm. 8. de jejunió et elemosyna, circa med.

THESÁURUS cæli est manus páuperis : quod súscipit, ne in terra péreat; et repónit in cælum. Manus páuperis est gazophyláciū Christi, quia quidquid páuper áccipit, Christus accéptat. Da ergo homo páuperi terram, ut accípias cælum : da nummum, ut accípias regnum : da páuperi, ut des tibi : quidquid páuperi déderis, tu habébis : quod páuperi non déderis, habébit alter. Clamat Deus : Misericórdiam volo. Qui, quod vult Deus, Deo negat, a Deo sibi, quod desidérat, vult negári. Homo, petit Deus, sed tibi, non sibi : humanam misericórdiam petit, ut largiátur divínam. Est in cælis misericórdia, ad quam

per terrénas misericórdias pervenitur.

℞. Amávit. 64*.

Lectio viij.

DICTÚRUS cáusam in iudicio Dei, patrónam tibi misericórdiam, per quam liberári possis, assúme. Qui de patrocínio misericórdiæ certus est, de vénia sit secúrus, de absolutióne non dúbitet. Misericórdia non solum cáusam prævenit, anticipat cognitórem : sed étiam senténtiam révocat, absólvit addictos. Quod Nínivítæ probant, quos jam senténtiæ subjéctos, pœnæ tráditos, ad victimam stantes, morti déditos, misericórdia sic rápuit, sic ténuít, sic prævenit, ut malúerit Deus dedúci senténtiam, ne misericórdiæ quid negáret. Frátres, per misericórdias páuperum misericórdiam parémus, ut possimus esse de pœna liberi, de salúte secúri. Beáti, inquit, misericórdes, quia ipsi misericórdiam consequéntur. Grátis misericórdiam sperat ibi, qui hic non fécerit misericórdiam.

℞. Sint lumbi. 64*.

Lect. ix. de S. Agnete secundo. 497, et Commem. in Laud.

FESTA FEBRUARII

FER. III. POST DOM. SEPTUAG.

ORATIONIS D. N. J. C.

IN MONTE OLIVETI

Duplex majus.

IN I. VESPERIS

Ant. et Capit. de Laud.
 309*; **Psalmi ut in I. Vesp.**
de Comm. Apost. 2*

Hymnus.

A DSPICE ut Verbum Patris
 a supérnis
 Sédibus, clemens et amóre
 flagrans,
 Pérditis culpa génitis medéri
 Pergit Adámi.

Flébilem mundi míserans
 ruínam,

Et volens nostros reparáre
 casus,

Orat, et prona véniam pre-
 cátur

Fronte magister.

Flúctuat secum tot acérba
 volvens :

Hunc, ait supplex, cálicem
 dolóris,

Mi Pater, transfer ; tua sed
 volúntas,

Non mea fiat.

Cum premat tristis pavor
 ima cordis,

Déficit languens Dóminus ;
 per artus

Sánguinis sudor fluit, atque
 guttis

Terra madéscit.

At celer summo véniens
 Olýmpo

Angelus Jesum récreat ja-
 centem :

Córpore vires rédeunt, no-
 vóque

Róbore surgit.

Laus, honor Patri, geni-
 tæque Proli,

Cui datum nomen super
 omne nomen,

Et Paracléto decus atque
 virtus

Omne per ævum. Amen.

V. Tristis est ánima mea.

R. Usque ad mortem.

Ad Magnif. Ant. Pósisit
 génibus orábat, dicens :
 Pater, si vis, transfer cáli-
 cem istum a me : verúm-
 ta-men non mea volúntas, sed
 tua fiat.

Orat. infra in Laud. 310*.

AD MATUTINUM

Invit. Christum Jesum in
 monte Olivárum orántem,*
 Venite, adorémus.

Ps. Venite, exsultémus. 2.

Hymn. ut supra in Vesp.

IN I. NOCTURNO

Ant. Ante oratióem præ-
 para ánima tuam, et noli
 esse quasi homo qui tentat
 Deum.

Ps. 16. Exáudi Dómine ju-
 stitiam meam. 11.

Ant. Non impediáris oráre
 semper, et ne vereáris usque
 ad mortem justificári.

Ps. 27. Ad te Dómine cla-
 mábo. 49.

Ant. Omnia quæcúmque
 petiéritis in oratióne cre-
 dentes, accipiétis.

Ps. 141. Vocem meam ad Dóminum... deprecátus sum. 144.

Ÿ. Tristis est ánima mea.

R. Usque ad mortem.

De libro Tobíæ.

Lectio j. Cap. 12.

BONA est orátio cum jejú-
nio, et eleemósyna ma-
gis quam thesáuros áuri re-
cóndere : quóniam eleemó-
syna a morte liberat, et ipsa
est quæ purgat peccáta, et
facit invenire misericórdiam
et vitam ætérnam. Qui áu-
tem fáciunt peccátum et ini-
quitátem, hostes sunt ánimæ
suæ. Manífésto ergo vobis
veritátem, et non abscón-
dam a vobis occúltum ser-
mónem. Quando orábas cum
lácrymis, et sepeliébas mór-
tuos, et derelinquébas prán-
dium tuum, et mórtuos abs-
condébas per diem in domo
tua, et nocte sepeliébas eos,
ego óbtuli oratióne tuam
Dómino. Et quia accéptus
eras Deo, necesse fuit ut
tentátio probáret te.

R. In ómnibus grátias ági-
te : * Sine intermissióne orá-
te. **Ÿ.** Hæc est enim volúntas
Dei in Christo Jesu in ómni-
bus vobis. Sine.

De Epístola beáti Jacóbi
Apóstoli.

Lectio ij. Cap. 5. d

ORÁTE pro invicem, ut
salvémini : multum enim
valet deprecátio justí assi-
dua. Elías homo erat similis
nobis passibilis : et oratióne
orávit ut non plúeret super
terram, et non pluit annos

tres et menses sex. Et rur-
sum orávit : et cælum dedit fru-
ctum suum. Fratres mei, si
quis ex vobis erráverit a
veritáte, et convérterit quis
eum : scire debet quóniam
qui convérsti fécerit pecca-
tórem ab erróre viæ suæ,
salvabit ánimam ejus a mor-
te, et opériet multitudinem
peccatórum.

R. Cum stábitis ad orán-
dum, * Dimittite, si quid
habétis advérsus áliquem.

Ÿ. Ut et Pater vester, qui in
cælis est, dimittat vobis pec-
cáta vestra. Dimittite.

De Epístola beáti Páuli Apó-
stoli ad Hebræos.

Lectio iij. Cap. 5.

CHRISTUS non semetípsium
clarificávit ut póntifex
fieret : sed qui locútus est
ad eum : Filius meus es tu,
ego hódie génui te. Quem-
ádmódum et in álio loco di-
cit : Tu es sacérdos in ætér-
num, secúndum órduem
Melchisedech. Qui in diébus
carnis suæ preces, suppli-
cationésque ad eum, qui
possit illum salvum fácere a
morte, cum clamóre válido,
et lácrymis ófferens, exau-
dítus est pro sua reveréntia.
Et quidem cum esset Filius
Dei, didicit ex iis, quæ pas-
sus est, obediéntiam : et
consummátus, factus est
ómnibus obtemperántibus
sibi cáusa salútis ætérnæ,
appellátus a Deo Póntifex
juxta órduem Melchisedech.

R. Exaudivit Dóminus deprecationem meam : * Dóminus orationem meam suscepit. **V.** Clamavi in toto corde meo, exáudi me Dómine. Dóminus. Glória Patri. Dóminus.

IN II. NOCTURNO

Ant. Cum orátis, non éritis sicut hypócritæ, qui amant in synagógis et in ángulis plateárum stantes oráre, ut videántur ab homínibus.

Ps. 42. Júdica me. 72.

Ant. Tu áutem cum oráveris, intra in cubiculum tuum, et cláuso óstio, ora Patrem tuum in abscondito.

Ps. 63. Exáudi Deus orationem meam cum deprecor. 79.

Ant. Factum est áutem in illis diébus, éxiit Jesus in montem oráre, et erat pernóctans in oratione Dei.

Ps. 120. Levávi óculos meos. 132.

V. Pater mi, si possibile est. **R.** Tránseat a me calix iste.

Ex Tractátu sancti Cypriáni Episcopi et Mártiris.

De Oratione Dominica.

Lectio iv.

NEC verbis tantum, sed et factis Dóminus oráre nos dócuit, ipse orans frequenter, et deprecans, et quid fácere nos oportéret exémpli sui contestatione demónstrans, sicut scriptum est : Ipse áutem fuit secédens in solitudinem, et ad-

órans. Et iterum : Exivit in montem oráre, et fuit pernóctans in oratione Dei. Quod si ille orábat, qui sine peccáto erat, quanto magis peccatóres opórtet oráre ! Et si ille per totam noctem júgiter vigilans continuis precibus orábat, quanto nos magis in frequentánda oratione debémus nocte vigiláre ! Orábat áutem Dóminus, et rogábat non pro se : quid enim pro se innocens precarétur ? sed pro delictis nostris, sicut et ipse declárat, cum dicit ad Petrum : Ecce sáttanas expetivit ut vos vexáret quómodo triticum : ego áutem rogávi pro te, ne deficiat fides tua. Et póstmodum pro ómnibus Patrem deprecátur, dicens : Non pro his áutem rogo solis, sed et pro illis, qui creditóri sunt per verbum ipsórum in me : ut omnes unum sint, sicut tu, Pater, in me, et ego in te ; ut et ipsi in nobis unum sint.

R. Simon, Simon, ecce sáttanas expetivit vos ut cribráret sicut triticum : * Ego áutem rogávi pro te, ut non deficiat fides tua. **V.** Et tu aliquándo convérsus, confirma fratres tuos. Ego áutem.

Ex Commentáriis sancti Anselmi Episcopi.

In Epíst. ad Hebræos, cap. 5.

Lectio v.

SICUT verus Póntifex obtulit preces : nam in Evan-

gélío sæpe légitur orásse, et máxime apud Lucam, qui sacerdotis in eo descripsit persónam. Sed et quidquid ipse egit in carne, preces et supplicatiónes fuérunt pro homínibus. Tota vita sua Patrem orávit de resurrectione carnis suæ, ac de nostra salúte, et instánte jam passióne, obtulit supplicatiónes, id est, humíllimas et instantissimas oratiónes cum summa devotióne cordis et affectiόne, quando factus in agoniá prolíxius orábat, et factus est sudor ejus sicut guttæ sánguinis decurréntis in terram. Et has preces supplicationés-que obtulit, id est, óbviá tulit Patri per exauditiónem sibi obviánti. Obtulit eas ad eum qui posset illum a morte salvum fácere, id est resuscitáre, ad eum quem scivit esse sufficiéntem ut salváret eum, id est, immortálem et impassibilem fáceret eripiéndo a morte; ut nec ánima remanéret in inférno, nec caro putrésce- ret in sepúlcro.

R. Orátio humiliántis se nubes penetrábit : * Et donec propinquet, non consolábitur. **V.** Et non discédet donec Altissimus adspiciat. Et donec propinquet.

Lectio vj.

ET obtulit has cum clamóre válido, id est, cum intentiόne piæ devotiόnis vehementissima et efficacis-

sima, ut quando prolíxius orábat, et étiam cum lácrymis; quia in illa prolíxa oratióne credéndus est lácrymas effudisse, cum et guttæ sánguinis pro sudóre decurrerent ab ejus córpore; et exauditus est, quia quod quæsierat, accépit in resurrectione. Exauditus est, id est, extra númerum aliórum ómnium auditus est, quóniam super omnem creatúram post labóris sui militiam a Patre sublimátus est, et hoc pro sui reveréntia, id est secúndum hoc, quod ipse sicut Dei Fílius, dignus est reveréntia et veneratióne. Vel pro sua reveréntia in Deum, id est, propter quod ipse super ómnia Patrem revéritus est et honorávit. Sive pro sua reveréntia, id est, sicut sua religio méruit. Sánguinis quoque ejus effusio potest intéllegi clamor válidus, in quo exauditus est pro reveréntia ejúsdem passiónis. Reveréntia est, quod sine peccáto passus est sola caritatē.

R. Fiant áures tuæ auscultántes, et óculi tui apérti : * Ut áudias oratiónem servi tui. **V.** Quam ego oro coram te hódie nocte ac die. Ut áudias. Glória Patri. Ut áudias.

IN III. NOCTURNO

Ant. Tribulátio et angústia invenérunt me, mandáta tua meditátio mea est.

Ps. 3. Dómine quid. 4.

Ant. Sustinui qui simul contristarétur, et non fuit; et qui consolarétur, et non invéni.

Ps. 12. Usquequo Dómine. 8.

Ant. Adhæsit paviménto ánima mea, vivífica me secúndum verbum tuum.

Ps. 87. Dómine Deus salútis. 103.

Ÿ. Vigiláte, et oráte. **Ŕ.** Ut non intrétis in tentatióem. Lécio sancti Evangélii secúndum Lucam.

Lectio vij. Cap. 22. d

IN illo témpore : Egréssus Iesus ibat secúndum consuetúdinem in montem Olivárum. Secúti sunt áutem illum et discípuli. Et reliqua.

Homília sancti Ambrósii
Epíscopi.

Lib. 10. Comment. in Luc. cap. 22.

TRANSFER a me cálicem istum : quasi homo mortem recúsans, quasi Deus senténtiam suam servans. Opórtet enim mori nos sáeculo, ut resurgámus Deo : ut juxta divinam senténtiam lex maledictiόνis resolúta in terræ limum natúræ fine solváatur. Quod áutem ait : Non mea volúntas, sed tua fiat; suam ad hóminem rétulit, Patris ad divinitátem. Volúntas enim hóminis, temporális, volúntas divinitátis, ætéRNA. Non ália volúntas Patris, ália Filii. Una enim volúntas, ubi una divínitas.

Disce tamen Deo esse subjéctus, ut non quod ipse vis éligas, sed quod Deo scias esse placitúrum.

Ŕ. Veni in altitúdinem maris, * Et tempéstas demérsit me. **Ÿ.** Salvum me fac Deus, quóniam intravérunt aquæ usque ad ánimam meam. Et.

Bened. Divinum auxílium.

Lectio viij.

DEÍNDE verbórum ipsórum proprietátem considerémus. Tristis est, inquit, ánima mea. Et álibi : Nunc ánima mea turbáta est valde. Non ergo suscipiens, sed suscepáta turbáatur. Anima enim obnoxia passióibus, divínitas libera. Dénique spíritus promptus, caro áutem infirma. Tristis áutem est non ipse, sed ánima. Non est tristis sapiéntia, non divina substántia, sed ánima. Suscépit enim ánimam meam, suscepit corpus meum. Non me feféllit, ut áliud esset, et áliud viderétur. Tristis videbáatur, et tristis erat non pro sua passióne, sed pro nostra dispersiόne.

Ŕ. Intret in conspéctu tuo orátio mea : * Inclína áurem tuam ad precem meam. **Ÿ.** Quia repléta est malis ánima mea, et vita mea inférno appropinquávit. Inclína. Glória Patri. Inclína.

Lectio ix.

DEÍNIQUE ait : Percútiam pastórem, et dispergéntur oves gregis. Tristis erat,

quia nos párvulos relinquébat. Cæterum quam constanter se morti obtúlerit consequéntia declárant : quandóquidem quæréntibus occúrrit, turbátos confirmávit, trépidos provocávit, proditórem ósculi dignatióne suscepit. Nec illud distat a vero, si tristis erat pro persecutóribus suis, quos sciébat immánis sacrilégii pœnas datúros. Et ideo dixit : Transfer hunc cálicem a me. Non quia Deus, Dei Filius, mortem timébat : sed quia nec malos pro se perire volébat.

Te Deum laudámus. 17.

AD LAUDES

ET PER HORAS

Ant. 1. Venit Jesus* cum discipulis suis in villam, quæ dicitur Gethsémani, et dixit illis : Sedéte hic, donec vadam illuc, et orem.

Ps. Dóminus regnávit. **cum reliq.** 18.

2. Et assúmpo Petro*, et duóbus filiis Zebedæi, cœpit contristári et mœstus esse.

3. Tunc ait illis : * Tristis est ánima mea usque ad mortem : sustinéte hic, et vigilate mecum.

4. Et progréssus pusillum, * prócidit in fáciem suam, orans, et dicens : Pater mi, si possibile est, tráns-eat a me calix iste.

5. Pater mi, * si non potest hic calix transire, nisi bibam illum, fiat volúntas tua.

Capitulum. Matth. 26.

VENIT Jesus ad discipulos suos, et invénit eos dormiéntes, et dicit Petro : Sic non potuistis una hora vigiláre mecum? Vigilate, et oráte, ut non intrétis in tentatiónem.

Hymnus

VENIT e cælo mediátor alto,
Quem sacri dudum cecinére vates :

Parce mœróri, lacrymisque amáris,

Fília Sion.

Attulit mortem vetus hortus, unde

Culpa prodivit : novus iste vitam

Hortus en affert, ubi nocte Jesus

Pérmanet orans.

Vindicem placat Genitóris iram :

Réprimit forti jaciénda dextra

Fúlmina : occúrrit scéleri expiándo

Sponte Redémptor.

Sic teret duros láqueos avérni,

Et diu cláusam reserábit áulam,

Nos ad ætérni révocans beáta Gáudia regni.

Laus, honor Patri, genitæque Proli,

Cui datum nomen super omne nomen,

Et Paracléto decus atque virtus

Omne per ævum. Amen.

Ÿ. Doce nos oráre. R. Sic ergo vos orábitis.

Ad Bened. Ant. Factus in agonia prolixius orabat; et factus est sudor ejus sicut guttæ sanguinis decurrētis in terram.

Oratio.

DÓMINE Jesu Christe, qui in horto verbo et exemplo nos orare docuisti, ad tentationum pericula superanda: concede propitius; ut nos orationi semper intenti, ejus copiosum fructum consequi mereámur: Qui vivis.

AD TERTIAM

Ant. Et assumpto Petro.

Capit. Venit Jesus. *supra.*

R. br. Tristis est * Anima mea. Tristis est. **V.** Usque ad mortem. Anima mea. Glória Patri. Tristis.

V. Pater mi, si possibile est. **R.** Tráanseat a me calix iste.

• **AD SEXTAM**

Ant. Tunc ait illis.

Capitulum. Luc. 21.

VIGILÁTE itaque omni tempore orantes, ut digni habeámini fugere ista omnia quæ futura sunt, et stare ante Filium hominis.

R. br. Pater mi, * Si possibile est. Pater mi. **V.** Tráanseat a me calix iste. Si. Glória Patri. Pater.

V. Vigiláte, et oráte. **R.** Ut non intrétis in tentationem.

AD NONAM

Ant. Pater mi.

Capitulum. Matth. 5.

ORÁTE pro persecuéntibus et calumniántibus vos:

ut sitis filii Patris vestri, qui in cælis est.

R. br. Vigiláte, * Et oráte. Vigiláte. **V.** Ut non intrétis in tentationem. Et. Glória Patri. Vigiláte.

V. Factus est sudor ejus. **R.** Sicut guttæ sanguinis.

IN II. VESPERIS

Omnia ut in I. Vesp., et loco ult., Ps. Crédidi. 131.

V. Factus est sudor ejus. **R.** Sicut guttæ sanguinis.

Ad Magnif. Ant. Ecce appropinquávit hora, et Filius hominis tradétur in manus peccatórum.

Oratio ut supra ad Laudes.

FERIA III. POST DOM. SEXAG.

COMMÉM. PASSIONIS

D. N. J. C.

Duplex majus.

Omnia ut in Officio votivo de Passione D. N. J. C. 259*, præter seq.

Ant. duplicantur.

Oratio.

OMNÍPOTENS sempitérne Deus, qui humano generi, ad imitandum humilitatis exemplum, Salvátorem nostrum carnem sumere et crucem subire fecisti: concede propitius; ut sicut solénnem commemorationem passionis ejus celebrámus, ita et patientiæ ipsius habere documénta, et resurrectionis consórtia mereámur. Per eúndem Dóminum.

IN I. NOCTURNO

Lect. Comméndat. 264*.

IN II. NOCTURNO

Sermo sancti Augustíni
Epíscopi.Serm. 41. Domin. in Palmis
de Passione Domini.

Lectio iv.

ADMONET nos, fratres caríssimi, ad solemnitátem Dominicæ Passiónis dies ipse, in quo eam nec muta elementa tacuerunt. Célebre eam lux fidei linguis hóminum, quam conclamaverunt étiam siléntia tenebrarum. Hódie Dóminus noster in statéra crucis prétium nostræ salutis appéndit, et una morte univérsum mundum, sicut ómnium cónditor, ita ómnium reparátor absólvit. Indubítanter enim credámus quod totum mundum redémit, qui plus dedit, quam totus mundus valeret. Méritum enim redemptæ mercédis dignitas insignis prétii supergréssa est. Inter redemptum et rediméntem dispensátio fuit, compensátio non fuit. Qui ergo non habébat peccáta própria, digne delévitaliéna. Solus hic pia victima pro ómnibus cécidit, ut omnes leváret; et quia débitum solus non hábuit, recte fœnus misericórdiæ pro debitóribus erogávit.

R. Ego propter te Chanaëórum reges percússi, et dedi tibi sceptrum regále :

* Et tu dedisti cápiti meo spineam corónam, et percus-

sisti arúndine caput meum.
V. Pópule meus, quid feci tibi, aut in quo contristávi te? respónde mihi. Et tu dedisti.

Lectio v

PERPÉNDE inter hæc, qui talem pro nobis dedit pecúniám, qualem a nobis sit exactúrus usúram. In hac itaque die fides prophéticæ annuntiatiónis impléta est, ita dicéntis : Corpus meum dedi percutiéntibus, et genas meas velléntibus; fáciem meam non avérti a fœditáte sputórum. Suscépit mala nostra, ut tribúeret bona sua. Hinc intelligámus quantum hóminem diligere dignátus sit ante culpam, quem sic diligit post ruínam. Agnósce homo, quantum váleas et quantum débeas; et dum tantam redemptionis tuæ perspicias dignitátem, ipse tibi indícito peccándi pudórem. Ecce pro impio pietas flagellátur, pro stulto sapiéntia illúditur, pro mendáce veritas necátur, damnátur justitia pro iniquo, misericórdia afficitur pro crudéli, pro misero replétur sincéritas acéto, inebriátur felle dulcédo, addicitur innocéntia pro reo, móritur vita pro mórtuo.

R. Ego duxi te per désertum quadraginta annis, et manna cibávi te : * Et tu me cecidisti álapis et flagéllis.

V. Pópule meus, quid feci tibi, aut in quo contristávi

te? respónde mihi. Et tu me.

Lectio vij.

EXSPÁVIT scelus hóminum nátura rerum; et quem creatúra rebéllis non agnóscit, eum mundi Dóminum tremens terra testátur, et cæli Regem sol fúgiens confitétur. Chlámyde coccínea indúitur, quia sángine Mártyrum suórum Ecclésiæ corpus ornátur. Coróna spínea cápiti ejus impónitur, quia púnctio peccatórum nostrórum, quorum remissióne Redemptóris glória strúitur, áridis tribulis comparátur. Studeámus nunc e dívérso, ut membrórum vita cápitis sit coróna. Quod vero sitíre se in cruce pósitus dicit, fidem incrédulæ gentis concupiscit; sed e contra acétum malitiæ pórrigunt, quia vinum sapiéntiæ, quod a Deo accéperant, peccándo corrúperant. Velum templi scínditur, quia Synagóga honóre nudátur, observátio antiqua dissólvitur, Ecclésiæ únitás præmonstrátur. Monuménta aperiúntur, quia mortis jura jure superántur.

℟. Ego exaltávi te magna virtúte: * Et tu me suspendisti in patibulo crucis, * In qua expándi manus meas ad pópulum non credéntem et contradicéntem. **℣.** Pópule meus, quid feci tibi, aut in quo contristávi te? respónde mihi. Et. Glória Patri. In.

IN III. NOCTURNO

Léctio sancti Evangélii secúndum Joánnem.

Lectio vij. Cap. 19. f

IN illo témpore: Sciens Jesus, quia ómnia consummáta sunt, ut consummarétur Scriptúra, dixit: Sitio. Et réliqua.

Homilia sancti Joánnis
Chrysóstomi.

*Hom. 84. in Joan. c. 19.,
ante medium.*

SCIENS Jesus ómnia consummáta, ait: Sitio; étiam hoc verbo prophetiam implens. Tu áutem adstántium pravitátem intéllige: nam licet innúmeros habeamus inimicos, qui nos gravíssime persecúti sint, cum tamen intérimi eos vidémus, fléctimur misericórdia. Hi vero nil moti, magis efferrántur, et irrident, acétumque in spóngia pórrigunt, ut bibat tamquam reus. Nam propter hoc hyssópum additur, quo gustáto, mórtuus est. Vides quam non perturbáte, et quam poténter ómnia transigéntem? Quod et prósequens osténdit; cum enim ómnia consummáta essent, inclináto cápíte, quod affixum non erat, trádidit spíritum, hoc est, exspirávit.

℟. Ego te potávi aqua salútis de petra: * Et tu me potásti felle et acéto. **℣.** Pópule meus, quid feci tibi, aut in quo contristávi te? respónde mihi. Et.

Bened. Divinum auxili-
lium.

Lectio viij.

ATQUI non post inclinatum
caput expiratur, sed
post expirationem caput in-
clinatur. Hic autem contra
accidit : per quod ostendit
eum Evangelista esse
omnium Dominum. Judæi
autem camelum devorantes,
et cūlicem excolantes, tan-
tum nefas ausi de die con-
sultant : Quoniam Parascève
erat, ut non remanerent in
cruce corpora Sábato, ro-
gaverunt Pilatum, ut fran-
gerentur eorum crura. Vides
quanti sit veritas? Per ea
quæ illi faciunt, prophetia
impletur : alia enim ex hoc
manifestata est. Venérunt
ergo milites, et aliorum fre-
gérunt crura, non Christi :
sed ad Judæorum gratiam
conciliandam latus ejus lán-
cea aperuerunt, et mórtuo
adhuc insultant. Opéssimam
voluntatem ac scelestissimam!

R. Ego ante te aperui ma-
re : * Et tu aperuisti lancea
latus Salvatori tuo, * Qui
redemit mundum in sangui-
ne suo. **V.** Pópule meus,
quid feci tibi, aut in quo con-
tristavi te? respónde mihi.
Et tu. Glória Patri. Qui re-
demit.

Lectio ix.

NOLI tamen perturbári, di-
lectissime ; quæ enim
malo illi ánimo patrârunt,
veritati consentiébant. Pro-

phetia hinc impléta est, in-
quiens : Vidébunt in quem
transfixérunt. Neque hoc
tantum, sed non creditúris
fuit fidei arguméntum, ut
Thomæ, et qui cum eo erant.
Ad hæc et arcánum mysté-
rium consummátum est :
exívit enim sanguis et aqua.
Non casu et simpliciter hi
fontes scaturiérunt, sed quó-
niam ex ambóbus Ecclésia
constitúta est. Sciunt hoc
initiáti : per aquam enim
regeneráti, sanguíne et carne
nutriti sunt. Hinc mystéria
ortum habent, ut quóties ad
admirándum cálicem accé-
dis, tamquam ab ipso látere
háuriens accédas.

Te Deum laudámus. 17.

FERIA VI. POST CINERES
SS. SPINÆ CORONÆ

D. N. J. C.

Duplex majus.

IN I. VESPERIS

Ant. et Capit. de Laud.

318*; **Pss. ut in I. Vesp. de
Communi Apostolorum. 2*.**

Hymnus.

EXÍTE Sion filiæ,
Regis pudicæ virgines,
Christi coronam cernite,
Quam mater ipsa téxuit.

Horret revulsis crinibus
Spinis cruentatum caput,
Et vultus ille decolor
Mortem propinquam respi-
cit.

Quæ terra sulcis invia,
Dumis rigens et sentibus,
Lugubre munus protulit?
Quæ sæva mæssuit manus?

Christi rubescens sanguine

Aculeos mutat rosis,
Palmamque vincens fructibus,

Spina est triumphis aptior.

Culpis satæ mortaliū
Te Christe spinæ vulnerant:
Evellē nostras, cordibus
Tuasque nostris insere.

Virtus, honor, laus, gloria
Deo Patri cum Filio,
Sancto simul Paráclito,
In sæculorum sæcula.

Amen.

Ÿ. Plectentes coronam de spinis. **R.** Posuerunt super caput ejus.

Ad Magnif. Ant. Egredimini, et videte, filiæ Sion, regem Salomōnem in diadēmate, quo coronavit eum mater sua, parans crucem Salvatori suo.

Orat. infra in Laud. 319*.

Et fit Commem. Feriæ.

AD MATUTINUM

Invit. Christum Regem spinis coronatum, * Venite, adorēmus.

Ps. Venite, exultemus. 2.

Hymn. Exite Sion filiæ.
ut supra ad I. Vesp.

IN I. NOCTURNO

Ant. Erit tamquam lignum, quod plantatum est secus decursus aquarum, et fructum suum dabit in tempore suo.

Ps. 1. Beatus vir qui non abiit. 3.

Ant. Convenērunt in unum adversus Dōminum, et adversus Christum ejus.

Ps. 2. Quare fremuerunt. 3.

Ant. In tribulatione dilatasti mihi.

Ps. 4. Cum invocarem. 150.

Ÿ. Glória et honore coronasti eum Dōmine. **R.** Et constituisti eum super ópera manuum tuarum.

De Isaia Propheta.

Lectio j. Cap. 53.

QUIS credidit auditui nostro? et brachium Dōmini cui revelatum est? Et ascendet sicut virgultum coram eo, et sicut radix de terra sitiēti; non est species ei, neque decor: et vidimus eum, et non erat adspēctus, et desiderāvimus eum: despēctum, et novissimum virorum, virum dolorum, et sciētem infirmitatem: et quasi absconditus vultus ejus et despēctus, unde nec reputāvimus eum. Vere languōres nostros ipse tulit, et dolōres nostros ipse portavit: et nos putāvimus eum quasi leprōsum, et percūsum a Deo, et humiliatum. Ipse autem vulneratus est propter iniquitates nostras, attritus est propter scēlera nostra: disciplina pacis nostræ super eum, et livore ejus sanāti sumus.

R. Maledicta terra in ópere hōminis, * Spinās et tribulos germināvit Christo. **Ÿ.** Quia comēdit Adam de ligno, ex quo præcéperat Deus ne comēderet. Spinās.

Lectio ij.

OMNES nos quasi oves errāvimus, unusquisque in viam suam declināvit : et pōsuit Dóminus in eo iniquitatem ómnium nostrum. Oblátus est quia ipse vóluit, et non apérui os suum : sicut ovis ad occisióem ducétur, et quasi agnus coram tondénte se obmutéscet, et non apériet os suum. De angústia et de iudicio sublátus est : generatióem ejus quis enarrábit ? quia abscissus est de terra vivéntium : propter scelus pópuli mei percússi eum.

R. Appáruit Móysi Dóminus in flamma ignis de médio rubi : * Et vidébat quod rubus ardéret, et non comburerétur. **V.** Dixit ergo Móyses : Vadam, et vidébo visióem hanc magnam. Et.

Lectio iij.

ET dabit ímpios pro sepultura, et dívitem pro morte sua : eo quod iniquitatem non fécerit, neque dolus fúerit in ore ejus. Et Dóminus vóluit contérere eum in infirmitate : si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánimá ejus, vidébit, et saturábitur : in sciéntia sua justificábit ipse justus servus meus multos, et iniquitates eórum ipse portábit.

R. Ecce ignis et ligna :

Deus providébit sibi * Victimam holocáusti. **V.** Levávit Abraham óculos suos, viditque post tergum arietem inter vepres hæréntem. Victimam. Glória. Victimam.

IN II. NOCTURNO

Ant. Dómine, ut scuto bonæ voluntátis tuæ coronásti eum.

Ps. 5. Verba mea. 28*.

Ant. Minuisti eum páulo minus ab Angelis, glória et honóre coronásti eum.

Ps. 8. Dómine Dóminus. 29*.

Ant. Peccatóres intendérunt arcum, paravérunt sagittas suas in pháretra, ut sagittent justum.

Ps. 10. In Dómino confido. 31*.

V. Posuisti Dómine super caput ejus. **R.** Coronam de lápide pretiósio.

Sermo sancti Bernárdi Abbátis.

Serm. 2. in Epiph. Dom.

Lectio iv.

EGREĐÍMINI filiæ Sion ; vobis dicimus, filiæ Sion, ánimæ sæculáres, débiles, delicátæ ; filiæ, et non filii, in quibus nihil est fortitudinis, nihil est virilis ánimi. Egredimini de sensu carnis ad intelléctum mentis, de servitúte carnális concupiscéntiæ ad libertátem spirituális intelligéntiæ. Egredimini de terra vestra, et de cognatióne vestra, et de domo patris vestri, et vidéte regem Salomónem in dia-

démate, quo coronávit eum mater sua, in coróna paupertátis, in coróna misériæ : síquidem coronátus est et a novérca sua coróna spínea, coróna misériæ, coronándus a familia sua coróna justitiæ, quando exhibunt Angeli, et tollent de regno ejus ómnia scándala, quando véniet ad judicium cum seníoribus pópuli sui, cum pugnabit pro eo orbis terrárum advérsus insensátos. Coronat eum et Pater coróna glóriæ, sicut ait Psalmista : Glória et honóre coronásti eum Dómine. Vidéte eum filiæ Sion in diadémate quo coronávit eum mater sua.

R. Cum apparúerit princeps pastórum, quo percússo, dispérsæ sunt oves gregis, * Percipiétis immarcescibilem glóriæ corónam.

V. Cum fécerit grande convívium, ut osténdat divitias glóriæ regni sui. Percipiétis.

Lectio v.

Serm. 11. in Cant.

EGO, fratres, ab ineúnte mea conversióne pro acérvo meritórum, quæ mihi deesse sciébam, mihi fasciculum colléctum ex ómnibus anxietátibus et amaritudinibus Dómini mei colligáre, et inter úbera mea collocáre curávi. Memóriam abundantíæ suavitátis horum eructábo quoad víxero : in ætérnum non oblivíscar miseratiónes istas, quia in ipsis vivificátus sum. Mihi hic

salutáris fasciculus servátus est; nemo tollet eum a me : inter úbera mea commorábitur. Hæc meditári, dixi sapiéntiam : in his justitiæ mihi perfectiódinem constitui, in his plenitúdinem sciéntiæ, in his divitias salutis, in his cópias meritórum. Ex his mihi intérdum potus salutáris amaritúdinis : ex his rursum suávis úctio consolatiónis. Hæc me érigunt in advérsis, in prósperis réprimunt, et inter læta tristiaque vitæ præsentis, via régia incedénti tutum præbent utrobique ducátum, hinc inde mala imminéntia propulsádo. Hæc mihi conciliant mundi Júdicem, dum treméndum potestátibus, mitem humilémque figúrant; dum non solum placábilem, sed et imitábilem repræsentant eum, qui inaccessibilis est principátibus, terribilis apud reges terræ.

R. Accépit regnum decóris
* Et diadéma speciéi. **V.**
Deus exaltávit illum, et dedit illi nomen, quod est super omne nomen. Et.

Lectio vj.

HÆC proptérea mihi in ore frequénter, sicut vos scitis : hæc in corde semper, sicut Deus scit : hæc stylo meo ádmodum familiária, sicut appáret : hæc mea sublimior interim philosophía, scire Jesum, et hunc crucifixum. Non requiro, sicut sponsa, ubi cubet in meri-

die, quem lætus ampléctor mea inter úbera commorántem. Non requiro ubi pascat in meridie, quem intúeor Salvatórem in cruce. Illud sublimius, istud suávius : panis illud, hoc lac : hoc viscera réficit parvulórum : hoc replet úbera matrum ; et ideo inter úbera mea commorábitur. Hunc et vos, dilectíssimi, tam diléctum fasciculum colligite vobis : hunc medúllis inséríte cordis, hoc muníte áditum péctoris, ut et vobis inter úbera commorétur. Si enim ante óculos habuéritis quem portátis, pro certo vidéntes angústias Dómini, lévius vestras portábitis, ipso auxiliánte Ecclesiæ sponso, qui est super ómnia Deus benedictus in sácula. Amen.

R. Arcam de lignis Setim deaurábis áuro mundíssimo intus et foris : * Faciésque supra coronam áuream per circúitum. **V.** Pones in arca testificatióem, quam dabo tibi. Faciésque. Glória Patri. Faciésque.

IN III. NOCTURNO

Ant. Ingréssus sine mácula, et operátus justitiam, coronátus est in monte sancto tuo.

Ps. 14. Dómine quis. 9.

Ant. Super caput ejus coronam de lápide pretiósó posuísti Dómine.

Ps. 20. Dómine in virtúte. 16.

Ant. Advérsus eos, qui

tribulant me, impinguásti in óleo caput meum.

Ps. 22. Dñs regit me. 32.

V. Coróna áurea super caput ejus. **R.** Expréssa signo sanctitátis.

Léctio sancti Evangélii scúndum Joánnem.

Lectio vij. Cap. 19

IN illo témpore : Apprehéndit Pilátus Jesum, et flagellávit. Et milites plecténtes coronam de spinis, imposuérunt cápiti ejus. Et réliqua.

Homília sancti Bernárdi Abbátis.

Ex Serm. 50. de diversis.

VIDÉTE, filiæ Sion, regem Salomónem. Non dicit Ecclesiásten, aut Ididam. Nam et his nominibus appellátus est rex ille : et significat Jesum Christum, nostrum verum Salomónem, qui est Sálomon, id est, pacíficus in exsilio : Ecclesiástes, id est, concionátor in iudicio : Idida, id est, diléctus Dómini in regno, ibique rex. In exsilio mansuétus, in iudicio justus, in regno gloriósus. In exsilio amábilis, in iudicio terríbilis, in regno adorábilis. In diadémate quo coronávit eum mater sua. Est áutem hæc coroná miséricórdiæ, et in hac imitábilis. Coronávit eum et novérca sua coroná misériæ, et in hac contemptibilis. Synagógam loquor, quæ se ei non matrem exhibuit, sed novércam.

R. Fácies altáre ad ad-
oléndum thymiáma de lignis
Setim, * Fáciésque ei corón-
nam auréolam per gyrum.
Ÿ. Ponésque altáre contra
velum coram propitiatório.
Fáciésque.

Bened. Divinum auxilium.

Lectio viij.

CORONÁBIT eum familia sua
coróna justítiæ, et in hac
terribilis: coronat eum Pater
suus coroná glóriæ, et in hac
desiderábilis. Videant ergo
eum peccatóres in coroná
misériæ, id est, spínea, et
compungántur: videant eum
filiæ Sion, ánimæ affectuósæ,
in coroná misericórdiæ, et
imiténtur. Vidébunt eum im-
pii in coroná justítiæ, et per-
ibunt: vidébunt eum sancti
in coroná glóriæ, et perpe-
tuáliter gaudébunt. Corón-
ántur quidem et álíi imita-
tóres ipsius; sed hoc ex
indústria adjúti per grátiam.
Solutus iste a matre coronátus
est, quia solus cum ordiná-
tis affectiónibus, tamquam
sponsus e thálamo, pro-
cécit ex útero matris.

R. Christus sciens dolórem
et infirmitátem, spinis coro-
nátus: * Ipse est qui corón-
nat vos in misericórdia et
miseratióibus. **Ÿ.** Vulne-
rátus propter iniquitátes
nostras, attritus propter scé-
lera nostra, cujus livóre
sanáti sumus. Ipse. Glória
Patri. Ipse.

Lectio ix. de Homil. Fer.

Te Deum laudámus. 17.

AD LAUDES

ET PER HORAS

Ant. 1. Diléctus meus
cándidus * et rubicúndus :
comæ cápitis ejus sicut púr-
pura regis vineta canálibus.

Ps. Dóminus regnávít. **cum**
reliq. 18.

2. Requiévit super eum *
spíritus timóris Dómini : co-
róna sapiéntiæ et exsultatió-
nis decorávit illum.

3. Induit eum * Dóminus
vestiméntis salútis, et indu-
ménto justítiæ, quasi spon-
sum decorátum coroná.

4. Fascículus myrrhæ *
diléctus meus mihi, inter
úbera mea commorábitur.

5. Rex æternæ glóriæ * pro
nobis coronátus, benedícet
coronæ anni benignitátis
suæ.

Capitulum. Cant. 3.

EGRE DÍMINI, et vidéte filiæ
Sion regem Salomónem
in diadémate, quo coronávit
illum mater sua.

Hymnus.

LEGIS figúris píngitur
Christi coroná nóbilis :
Impléxa spinis víctima,
Ardénsque testátur rubus.

Arcam coroná cínxerat,
Mensæque sacrum circulum:
Arámque thure fúmidam
Coróná nectit ámbiens.

Christi dolórum cónsčia,
Salve, coroná glóriæ,
Gemmis et áuro púlchrior,
Vincens coronas siderum.

Virtus, honor, laus, gló-
ria
Deo Patri cum Filio,

Sancto simul Paráclito,
In sæculórum sæcula.

Amen.

Ÿ. Eris coróna glóriæ in
manu Dómini. R. Et diadéma
regni in manu Dei tui.

Ad Bened. Ant. Exívit
Jesus portans spineam corónam,
et purpúreum vesti-
méntum.

Oratio.

PRÆSTA, quæsumus omni-
potens Deus : ut qui in
memóriam passiónis Dómini
nostri Jesu Christi corónam
ejus spineam venerámur in
terris; ab ipso glória et ho-
nóre coronári mereámur in
cælis : Qui tecum.

Et fit Commem. Feriæ.

AD TERTIAM

Ant. Requiévit super eum.

Capit. Egredimini. 318*.

R. br. Eris coróna glóriæ
* In manu Dómini. Eris. Ÿ.
Et diadéma regni in manu
Dei tui. In. Glória Patri.
Eris.

Ÿ. Glória et honóre coro-
násti eum Dómine. R. Et
constituísti eum super ópera
mánuum tuárum.

AD SEXTAM

Ant. Induit eum.

Capitulum. Apoc. 6.

VIDI, et ecce equus albus,
et qui sedébat super il-
lum, habébat arcum : et data
est ei coróna, et exívit vin-
cens, ut vinceret.

R. br. Glória et honóre
* Coronásti eum Dómine.
Glória. Ÿ. Et constituísti
eum super ópera mánuum

tuárum. Coronásti. Glória
Patri. Glória et.

Ÿ. Tuam corónam adorá-
mus Dómine. R. Tuam glo-
riósam recólimus passió-
nem.

AD NONAM

Ant. Rex æternæ glóriæ.

Capitulum Is 28

IN die illa erit Dóminus
I exercítuum coróna glóriæ,
et sertum exsultatiónis resi-
duo pópuli sui.

R. br. Tuam corónam
* Adorámus Dómine. Tuam.
Ÿ. Tuam gloriósam recóli-
mus passiónem. Adorámus.
Glória Patri. Tuam corónam.

Ÿ. Plecténtes corónam de
spinis. R. Posuérunt super
caput ejus.

IN II. VESPERIS

Omnia ut in I. Vesp.

Ad Magnif. Ant. Et genu
flexo ante eum, illudébant
ei, dicéntes : Ave Rex Ju-
dæórum; et exspuéntes in
eum, accepérunt arúndi-
nem, et percutiébant caput
ejus.

Orat. Præsta, quæsumus.
ut supra ad Laudes.

Deinde fit Commem. Fer.

DIE IV

B. JOANNÆ VALESIÆ VIDUÆ

Duplex.

Omnia de Comm. non Virg.
113*, præter seq.

Oratio.

DEUS, qui ad imitándum
beátæ Virginis Filii tui
Genitricis virtútes, novum
per beátam Joánnam sacrá-

rum virginum cœtum institui voluisti : ejus méritis precibûsque concède; ut per eadem gradiamur virtutum exéempla. Per eúmdem.

Commém. Fer. in Quadregesima.

IN I. NOCTURNO

Lect. de Script. occur.

In Quadrag. Lect. Mulierem. 114.*

IN II. NOCTURNO

Lectio iv.

JOÁNNA Valésia Ludovici undécimi Galliárum regis filia, a téneris annis in omnem pietátem institúta ac propénsa, non obsúris futúrá sanctitátis indiciis continuo cláruit. Quinquénis, ferventíssimis précibus Deíparam Virginem, quam semper mirífice cóluit, exoránti, ut quo ei placére magis posset obséquio significáret, prænuntiári sibi visa est fore aliquándo, ut novum sacrárum virginum órđinem in ejúsdem Deíparæ honórem institúeret. Ludovico Aurelianénsium duci invíte nupta, summam in prósperis moderatióem exhibuit, atque in advérsis constántiam. Ipso póstea in Galliárum regem assúpto, ac nullo et irritó per Apostólicam Sedem eo declaráto conjúgio, id non solum æquíssimo ánimo tulit, sed gravi se vínculo solútam prædicans, libérius deinceps uni Deo famulári posse gratuláta est.

R̃. Propter veritátem. 115.*

Lectio v.

BITURICÉNSIS ducátus sibi a Ludovico rege assignátos réditus, aléndis paupéribus, curándis ægrótiis, ædificandisque monastériis profúse erogábat. In eam vero curam præsértim incúbuit, ut sacrárum virginum cœtum sub nómine Annuntiatiónis beátæ Virginis Mariæ, quibus ejúsdem virtútes, certis régulis ab Alexándro sexto approbátis, essent ad imitándum propósitæ, institúeret ac promovéret, quod ei feliciter cessit. Egénos ac míseros omnes ad se confugiéntes matérnæ caritátis complectebátur viscéribus; ægrótos in primis, quorum úlcera et sániem própriis mánibus térgere et contrectáre non refugiébat, restitúta non semel eo contactu iisdem sanitáte.

R̃. Dilexísti justitiam. 116.*

Lectio vj.

SINGULÁRI atque eximia erga sanctíssimum Eucharistiæ sacraméntum pietáte ferebátur; ad quod tanta accedébat lacrymárum vi, ut ejúsdem caritátis ac devotiónis sensus in adstántium ánimis excitáret. Dominicæ quoque passiónis mystéria pari recolébat afféctu. Quare constrúcto intra domésticum hortum Christi sepúlcro, ibi secedébat idéntidem nudum pectus lápide tundens, atque in preces et lácrymas júgiter effúsa. Vitæ demum inno-

centissime actæ finem quaderagenaria præsentiens, sacris omnibus christianæ religionis mysteriis rite pièque susceptis, pridie Nonas Februarii, Biturici decéssit, anno millésimo quingentésimo quinto. Ejus corpus quinquagésimo séptimo post óbitum anno incorruptum repértum, dum ab hæreticis militibus ad cremandum raperétur, gémitus edidisse, et mucrone transfixum copioso ságuine manásse perhibétur. Ejus cultum Benedictus décimus quartus Apostólica auctoritáte probávit anno millésimo septingentésimo quadragésimo secundo. Tandem Pius sextus, ut in toto Gálliaë regno possit de beáta Joánná Valésia, anniversária ejus dormitiónis die Officium recitári ac Missa celebrári de Commúni nec Virginis nec Mártiris indúlsit, anno millésimo septingentésimo septuagésimo quinto, die vero Aprilis vigésimo.

ñ. Fallax grátia. 116.*

IN III. NOCTURNO

Homil. in Evang. Simile est. de Comm. 1º loco. 116.*

Lect. ix. de Homil., et Commem. Feriæ in Laud., si celebretur in Quadrag.

EADEM DIE

S. JOSEPHI A LEONISSA CONF.

Duplex majus.

Omnia de Comm. Conf. non Pont. 76, præter seq.*

Oratio

DEUS, fidélium remunerátor servórum, qui beátum Joséphum eximium in Evangelica prædicatione operárium effecisti : ejus, quæsumus, intercessióne concède ; ut a grato tibi servitio nunquam cessémus in terris, et plenam a te mercédem recipiámus in cælis. Per Dóminum.

Commem. Fer. in Quadrag.

IN I. NOCTURNO

Lect. de Script. occur.

In Quadrag. Beátus vir. 2º loco. 88.*

IN II. NOCTURNO

Lectio iv.

JOSÉPHUS Leonissæ in Aprutio piis honestisque paréntibus natus, a pueritia cœpit clarére virtútibus. Nam et certos sibi indixit jejúnii dies, et in pietátis opéribus maximópere delectabátur. Factus adolescén-tior, oblátas sibi óptima conjúgia castimóniæ sédulus cultor strénue recusávit, et, consanguineórum blandiméntis superátis, Capuccinórum institúto nomen dedit. In religióne austerissimum vitæ genus sectátus est. Aliquándó enim fabárum corruptárum pugillo, módico pane, eoque múcido, et cœnósa aqua, étiam dum sacris conciónibus óperam daret, vitam transigébat. Sæpe étiam ad sex et octo dies omni prorsus cibo abstínuit; di-

ris cruentisque verbéribus, aspérrimo cilicio ferreáque caténa corpus domábat.

℞. Honéstum fecit. 82*.

Lectio v.

ARDENTÍSSIMA caritaté et stúdio dilatándæ cristiánæ religiónis accénsus, Constantinópolis proféctus, Christi fidélibus in captivitáte degéntibus sédulo opitulabátur. Fidei desertóres reducébat, nutántes in religióne confirmábat, verbéribus licet, cárcere et contuméliis vexátus. Quare cum finem verbi Dei disseminándi non fáceret, alta e trabe pendére iussus, manu pédeque dextro unco férreo perforátis, fumóque, ut suffocarétur, suppósito, in eo cruciátu Christi athléta tríduo permánsit. Indeque ab Angelo mirabiliter eréptus, sanátis vulnéribus, martýrii mérito cumulátus in Itáliam revérsus est, ibique evangelizándis paupéribus cum ingénti animárum lucro totus incúbuit. Finítimas regiónés et familias factiónibus, ódiis rixisque prope conféctas, précibus, conciónibus, continénti virtútum exémplo, ad tranquillitátem redégit.

℞. Amávit eum. 82*.

Lectio vj.

LUDOS, choréas, aliósque tum véteres, cum gliscéntes abúsus ácrité insectabátur. Illúdque plane admirábile, quod vir Dei neque inédia, neque solis æstu,

neque ímbrium vi, neque locórum asperitaté, ægra alióquin et advérsa sæpe valetúdi-ne præpeditus, sex et octo eádem die conciónes habúerit. Tot inter Apostólici mún-eris labóres, cælestium contemplatióni addictus, crebro inéxtasim raptus est, divinóque Spíritu afflátus, córdium arcána penetráre, et futúra prospicere frequens illi fuit. Grátia étiam miraculórum illústris, Truéntum, exténso super aquas pállio, cum sócio, et Marójam flúvium bis sicco vestígio transívit. Prænuntiáta dénique mortis suæ die, Ecclésiæ sacraméntis reféctus, placidíssime in ósculo Dómini occúbuit. Defúnti corpus præ mácie squálidum miram illico venustátem induit. Cor ejus usque in præsens molle, suavémque spirans odórem, summa ómnium admiratióne asservátur. Illum miráculis clarum Clemens duodécimus Beátum appellávit, ac Benedictus décimus quartus solémni pompa Sanctórum fastis adscripsit.

℞. Iste homo. 83*.

IN III. NOCTURNO

Homil. in Evang. Designávit Dóminus. **de Comm. Evang. 22***, cum ℞℞. **de Communi Conf. non Pont. 85***.

Lect. ix. de Homil., et Commém. Feriæ in Laud., si celebretur in Quadrag.

DIE V

B. PHILIPPI A JESU

MARTYRIS

Duplex.

Omnia de Comm. unius
Mart. 24*, præter seq.
Oratio.

DEUS, qui inter primos Japóniæ Mártyres beátum Philippum, cruci alligátum, triplicique láncea confóssum, primum ómnium mártýrio coronásti; concéde propítius; ut ejúdem nos suffúlti patrocínio, cum illo páriter coronémur in cælis. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

PHILÍPPUS de las Casas, sive a Jesu, Méxici Hispánis paréntibus natus, ea adoléscens vivébat libertáte ac licéntia; ut ipsísmet paréntibus ídeo prope esset exósus: quod ita illius púpugit ánimus, divina simul grátia illustrátum, ut Franciscánum institútum arriperé statúerit. Sumpto tamen hábitu, nec satis gnarus quam árduum cum cállido hoste iniísset certámen, cessit illius illécebris, abiitque e Religióne. Ea inconstántia tantum dolórem paréntibus áttulit, ut ne ipsórum perpétuo vulneráret obtútum, in Chinam eum negotiatiónis ergo ablegárint. Aliquánto post témpore, cogitántem

quam periculósam in libertáte, pátria procul, vitam ágeret, quæque in Religióne (Deo quoque ad ea ruminánda impellénte) vidisset ac reliquísset bona, novus ardor accéndit et hæc postliminio repeténdi, et toto ánimo divini Spiritus instinctibus obsequéndi. Manilam ergo, nescio cujus negótii cáusa, proféctus, eo abso-lúto, ambit dénuo religiósus hábitum, et impetrat in cœnóbio sanctæ Mariæ de Angelis patrum Minórum Excalceatórum: ubi egrégia approbatióne perácto tyrocínio, solémnia demum vota professus est.

¶ Honéstum fecit. 29*.

Lectio v.

HUJUS mutatiónis perlátio Méxicum núntio, vehementer exhilaráti paréntes, supréum órdis in India præsidem, quem commissárium generálem appellánt (is tunc Méxici erat), óbse-
crant, filium sibi in séráphico illo hábitu vidére ut per eum liceat. Lubens piis paréntibus ea in re gratificátus commissárius, scripsit in Philippínas, ut conféstim Méxicum Philippus mitterétur. Ea cáusa navem sancti Philippi tutelæ crédito atque insignítam nómine conscéndit; quæ vi tempestátis convúlso, et in Urándum Tuzzáni regni portum ejécta, ipse brevi portum æternæ beatitúdinis láurea mártýrii

redimitus tenuit. Omen Philippo martyrii fuit, quod dum procellis jactaretur in qua is erat, sancti Philippi navis, ea parte cæli, quæ Japonem respiciebat, vidit crucem candidam, figura expressam simili earum, in quas dein sublati martyres fuere; post in sanguineum colorem mutasse itidem ad horæ quadrantem; demum nigra nube obvolutam. Omini respondit eventus. Nam sæviēte in Japonia adversus christianæ fidei præcones persecutiōne, beatus Philippus in vincula conjectus, et cum aliis sociis fuit morte damnatus.

℟. Desiderium animæ. 30*.

Lectio vj.

PERDÚCTUS itaque cum cæteris in triumphalem campum, paratam sibi crucem positus humi genibus amplexatus, in hæc prorupit verba : O fortunatam navem ! O felicem sancti Philippi galeonem ! O jacturam mihi minime damnosam, sed omni lucro quaestuosiorē ! Ei cruci, dum transversarium lignum inseritur, cui qui pendet utrumque, insideat, fallentem mensura, quam solo fortasse intuitu faber colligerat, demissius aliquanto positum est, quam ut inniti beatus Martyr posset. Quamobrem erecta cruce, cui sancti viri alligata ferreis vinculis brachia, colum ac tibie erant, ita subsemit pondere suo corpus,

ut ea numella quæ guttur stringebat, pene suffocaretur : magno igitur fervore animi Jesu ! Jesu ! inclamat. Quo animadverso iudex, priusquam strangularetur, configi lanceis jubet : atque ita primus omnium triplici lanceæ ictu palmam martyrii obtinuit, qui postrēmus in Japoniam venerat. De eodem, et de viginti quinque martyrii sociis Urbanus octavus Pontifex Maximus, Officium recitari, et Missam respectivē celebrari concessit. Ipsius autem beati Philippi glória magna devotiōne Mexici colitur, dicato in illius honorem templo, et Capuccinarum virginum insigni cœnobio.

℟. Stola jucunditatis. 30*.

IN III. NOCTURNO

Lectio sancti Evangelii secundum Matthæum.

Lectio vij. Cap. 16.

IN illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Et reliqua.

Homilia sancti Bernardi Abbatis.

In Vigil. et in die S. Andreæ Apostoli.

MÉRITO crucis amatorem venerantur, quicumque sunt servi crucis : sed ab his ampliorem jure devotiōnem exigit, qui specialius proposuerunt tollere crucem suam. Vobis hæc et de vobis dico,

fratres mei, qui non surda aure audistis illam evangélicam tubam : Qui non bájulat crucem suam, et séquitur me, non potest meus esse discipulus. Paráti estóte, totam ánimi diligéntiam huic adhibéte solemnitáti, et corde magno celebráte eam : quia magnus omnino consolationis thesáurus repósitus est in ea, si fúerit qui fódíat et scrutétur.

¶ Coróna áurea. 32*.

Lectio viij.

CERTE et crux pretiósá est, et crux amári potest, et crux habet exsultationem. Ita est. Si fúerit qui cólligat semper lignum crucis vitam germinat, fructificat jucunditatem, óleum lætitiæ stillat, bálsamum sudat spirituálium charismatum. Non est silvéstris arbor, lignum vitæ est apprehendéntibus eam. Arbor fructifera, arbor salutifera est : alióquin quómodo Dómini eam occupáret terram? Illam dico pretiosissimam glebam, quæ clavórum est infixa radicibus.

¶ Hic est vere. 33*.

Lectio ix.

Nos cum beáto Philippo necesse habémus tollere crucem nostram, imo cum eo, quem ipse secútus est, Dómino Salvatóre. Inde enim sic lætabátur, inde exsultabat, quod non solum pro eo, sed étiam cum eo mori viderétur, et complantári simi-

litúdini mortis ejus, ut compátiens étiam conregnáret. Cum quo ut simul crucifigámus et nos, atténtius áuribus cordis audiámus vocem dicéntis : Qui vult venire post me, ábneget semetipsum, et tollat crucem suam, et sequátur me. Ac si dicat : Qui me desiderat, se despiat : Qui vult fácere voluntatem meam, discat frángere suam.

Te Deum laudámus. 17.

EADEM DIE

SS. XXVI. MART. JAPONENSIIUM

Duplex.

Omnia de Comm. plur.
Mart. 39*, præter seq.
Oratio.

DÓMINE Jesu Christe, qui ad tui imitationem per crucis supplicium primitias fidei apud Japóniæ gentes in sanctórum Mártyrum Petri Baptistæ, Páuli et Sociórum sáanguine dedicásti: concède, quæsumus; ut quorum hódie solémnia cólimus, excitémur extrémis : Qui vivis et regnas.

Commem. Feriæ in Quadrag.

IN I. NOCTURNO

Lect. de Script. occur.

In Quadrag. Fratres : Debitóres. de Comm. 42*.

IN II. NOCTURNO

Lectio iv.

REMOTÍSSIMÆ Japóniæ regióni extrémis orientális Asiæ finibus sitæ, quæ diu

in ténébris et in umbra mortis séderat, sexto décimo salutis humanæ reparatæ sæculo cathólicæ veritátis lumen affúlsit. Magnus siquidem illic Indiárum Apóstolus sanctus Franciscus Xavérius Christum prædicans crucifixum, ádeo insignem fidélium fundávit ecclésiám, ut hisce in terris Apostolorum témpora rediisse videréntur. Non illi étiam defuere Mártyres, qui fidei primitias sángine consecrárent. Eódem enim labente sæculo, cum Taicosáma Japonénsium imperátor plúries minitátus fuisset, se Philippínas insulas in suam ditiónem redactúrum, cénsuit cathólicus Hispaniárum rex aliquos suæ natiónis religiósos viros in Japoníam mittere, régio legatorum múnere ornátos, ad pacem Taicosámæ suadendam. Huic óperi deléctus est frater Petrus Baptista, sacérdos ex órdine Minórum sancti Francisci strictiórís observántiæ discalceatorum, morum sanctitáte et doctrina insignis : cui álíi dati sunt sócii ex eódem órdine. Qui omnes legatió-nem hanc eo suscepérunt ánimo, ut inde occasiόnem arriperent Evangélium illis géntibus prædicándi; quia Apostólica pollébant auctoritáte ad fidem cathólicam apud Indos et Sínica regna disseminándam. Hi ad litora Japoniæ appúl-si, et suo

múnere feliciter functi, ad religiόnis incrementum, in partem labóris álíis sóciiis adscitis, ánimum suum convertérunt.

℟. Sancti tui. 45*.

Lectio v.

MULTIS proinde xenodochiis, cœnóbiis et ecclésiis per diversa loca christiáno ritu excitátis, ibique per triénnum prædicatióni, jejúniis, vigiliis, précibus júgiter instándo, atque egenórum et languéntium ærúmnis miro caritátis ardóre subveniéndo, et fidéles plúrimos in via salutis confirmá-runt, et gentes innúmeras perduxére ad fidem. Qua de re gráviter commóti inánium deórum sacerdótes, imperatórem convéniunt, eíque persuádent impérium diu incólume non futúrum, ni christiánam religiόnem úndique gliscéntem a suis finibus propulsándam curáret. Vano illo timóre percúlsus imperátor, statim jussit religiósos viros tamquam majestátis reos detinéri, dixitque in eos senténtiam crucis. Præter Petrum Baptistam et quinque sócios comprehénsi fuére Páulus Miki cum duóbus sóciiis Japonénsibus ex Societáte Jesu, nec non Tertiárii quindecim ex eódem órdine Minórum Japonénses, quorum álíi catechismo, álíi sacris officiis inserviébant, quibus duo in vinculis ministrántes adáucti sunt; pro-

indeque sex et viginti explētus est nūmerus.

19. Vērbera. 45*.

Lectio vj.

Post diutūrnū cārceris squalōrem fortissimi Christi athlētā, extrēma sinistrae āuris parte in Meacēnsi foro pūblice mulctāti, revinctis post tergum mānibus, vili in plāustro per vias primum hujus metrópolis, tum aliārum Japōniāe ūrbium sexcentōrum milliariorum itinere terrēstri, quo ignominia et terror lātius spargerēntur, summa hieme circumducūntur praeēnte lictōre, ac sentēntiam crucis in eos praeferēnte, quod vētitam a tyrānno Christi legem praedicāssent. Illud memoria dignum in itinere accidit, ut adolescēti Japonēnsi Antōnio ālteri ex Tertiāriis parēntes occurrissent, eūmq̃ue blanditiis et lācrymis conarēntur addūcere ut Christo fidem fālleret; quibus constantissime obstetit, affirmans se terrēnis ōmnibus ac transitōriis despēctis ūnice Christo adhēsūrum, qui sibi aeterna et caelēstia repromisit; dein vestem qua operiebātur eis restituit. Tandem Nangasāquium perdūcti crūcibus affigūntur, quāe jam in quodam colle quasi in Calvārio parātāe erant; pōstea in altum elāti, Christi fidem haud praedicāre cessābant. Enituit quidem Pāulus Miki,

qui e triumphālī illa crucis cāthedra ad circumfūsam multitudinē pro christiāna religiōe perorāvit, illud palam sibi gratulātus quod in cruce ut Christus Dōminus, eadēmq̃ue atque ille aetate, suprēmum expleret diem. Postrēmo singuli ab imis latēribus ad hūmeros binis lānceis transfixi, victrices ānimas cāelo inserēdas emisere. Suōrum militum gloriōsum certāmen vāriis Deus condecorāre voluit signis: quibus rite probātis, sacrōrum Rituū Congregātiō ad eōrum canonizatiōnem quādocūmq̃ue deveniri posse decrevit. Interim Urbānus octāvus Pōntifex Māximus, hābita hujus decreti relatiōne, de eisdem Martýribus ūtpote in Beatōrum fastis adscriptis Officiū et Missam quotānnis recitāri et celebrāri indūlsit. Tandem divināe Providēntiae consilio factum est, ut Pius nonus Pōntifex Māximus hujusmodi judicium ad exitum perdūceret. Quare sacro Pentecōstes die anni millēsimi octingentēsimi sexagēsimi secūndi, magna et illūstri purpuratōrum patrum et episcopōrum, qui ex ōmnibus orbis catholici pārtibus ad protuēda Ecclēsiae et Sedis Apostolicāe jura convēnerant, corōna circūmdatus, eōsdem Mártýres Sanctōrum albo recensuit.

19. Tamquam āurum. 46*.

IN III. NOCTURNO

Lect. de Homil. S. Ambrosii Episc. in Evang. Descendens Jesus. de Comm. 2^o loco. 53*.

In Quadrag. Lect. ix. Homil., et Commem. Fer. in Laud.

DIE VI

SANCTÆ HYACINTHÆ

DE MARISCOTTIS VIRG.

Duplex.

Omnia de Comm. Virg. 95*, præter seq.

Oratio.

DEUS, qui beatam Hyacintham Virginem tuam jugis mortificationis et caritatis victimam effecisti : ejus nobis exemplo et intercessionis concède ; ut peccata nostra deflere, et te semper diligere valeamus. Per Dñm.

Et fit Commem. Fer. in Quadrag., postea sanctæ Dorotheæ Virg. et Mart., Ant. et ꝑ. e Laud. Oratio Indulgentiam.

IN I. NOCTURNO

Lect. de Script. occur.

In Quadrag. De virginibus. 100*.

IN II. NOCTURNO

Lectio iv.

HYACINTHA nóbilis virgo Romána, Marci Antónii de Mariscóttis Vignanélli cómitis (quo in óppido nata est) et Octáviæ Ursiniæ filia, a prima ætáte divínæ protectionis arguménta experiri cœpit, cum septénis jamjam in púteum prolapsúra

præsénti Dei beneficio serváta est. Vitérbium missa ad moniáles sancti Bernardini, ut ab iis educarétur, ibi Tértii órdis sancti Francisci institútum adoléscentis suscepit, non ita tamen ut sacra cum veste religiósos mores indúeret ; pompis enim ac deliciis aliquámdiu indúlsit, donec ex febris decumbens, acciti ad se confessárii oportúna commonitióne percúlsa, omni vanitati núnctium remisit. Itaque anteáctæ vitæ máculis pœniténtiæ sacraménto expiátis, in comúní triclinio in gœna humillime provolúta, lácrymis se próluens, ac flagélló in seípsam animadvértens, véniam a soróribus deprecáta est : tum ánnuam pecúniám, ac spléndidam atque supérfluum supelléctilem, mundi ac sui contéptrix abdicávit : deinceps vero nudis pédibus, vel, cum morbus cógeret, subjécta sólea obtéctis, ac única tantúmmodo túnica conténta, eáque rudi, obsoléta, et in eleemósynam accépta, ac fune præcincta, quoad vixit, incéssit.

℞. Propter veritátem. 104*.

Lectio v.

PRÆTER ásperum vestítum, cilicio, vigiliis, labóribus fracta, assiduisque jejúniis extenuáta, corpus étiam crebris verbéribus ac spinárum manipulis lacerábat, adhibito intérdum altérius quo-

que moniális bráchio ad majórem sui córporis afflictiónem; quod ut magis magisque attéret, léctulo ex asséribus, solóque vili strágulo instrúcto utebátur, ac pro pulvillo saxum adhibebat, quod in stramen ex obediéntia commutávit, in quo alterutro pede ad crucem in conspéctu pósitam, caténa alligáto, brevissimum somnum capiébat. Ad hæc absýnthium herbásque amarissimas mándere, moniálium úlcera, ac pannicula sánie madéntia exosculári non rénuít: scalas monastérii, onústa ingénti cruce; génibus ascénderé aliquándó consuévít; nunc quoque urtícas, nunc ceras liquátas, modo nivem et gláciem, modo álveos rigéntium aquárum ad maceratiónem adhibuit. Christi Dómini passióem, quam summópere venerabátur, apte a se excoGITATA atrocissimárum pœnárúm série imitári, in majóri hebdomada, singulisque sextis fériis sólita fuit. Patiéntia in perferéndis injúriis, christiána humílitas, virginális verecúndia, ac summa sedúlitas in novítiis, quibus præerat, ad perfectiÓnem provehéndis, in ea mirífice eluxérunt. Animárum quoque zelo incénsa, plures inimicitias sústulit; periclitántes puéllas in tuto collocávit, plúrimis ad meliÓrem frugem tradúctis; in

proximórum salúte procuránda, qua oratiÓnibus, qua voluntáriis córporis cruciátibus, omni dénique conátu júgiter incúbuit.

H. Dilexísti justitiam. 104*.

Lectio vj.

EGRÓRUM in nosocomiis, ac páuperum patrocínium, quamquam inops, omni stúdio suscepit, et ut iisdem succurreret, non solum própriis ipsa mánibus laborábat, et quotidíanum sibi victum subtrahébat, frústulis panis conténta; sed moniáles étiam ac matrónas civitátis, virósque divites ad id óperis alliciébat, atque, undequáque póterat, subsidia corrogábat: quínimo, ut quam pro egénis et inválidis sollicitúdinem osténderat, perpétuo firmáret, duas sodalitátes, quæ eorúmdem curam gérent, institui curávit. Erga sanctissimum Eucharistiæ sacraméntum fuit veheménter affécta: cujus cultum ut in áliis quoque promovéret, ad illud frequénter per annum cum solémni pompa, quam Deo gratam fuisse nonnúlla prodigia comprobárunt, públicæ veneratiÓni exponéndum omnem óperam adhibuit. Deíparam Virgínem tam impénse cóluit, ut digna hábita fúerit, quæ ejus apparitiÓne recrearétur. Prophetiæ, contemplatiÓnis, lacrymárum dono, aliisque charismátibus flóruit. Anno

dénique millésimo sexcentésimo quadragésimo, ætátis suæ quinquagésimo quinto inchoáto, in cælum evocáta est, cujus corpus in ecclesiá sancti Bernardini Vitérbii cólitur, eámque Benedictus décimus tértius méritis et miráculis claram in beatárum, Pius vero séptimus in sanctárum Virginum númerum retulérunt.

ñ. Afferéntur. 104*.

IN III. NOCTURNO

Homil. in Evang. Simile erit regnum cælórum. **de Comm. 1º loco.** 106*.

Lect. ix. et Commem. sanctæ Dorotheæ in Laud., Ant. et y. e I. Vesp.

In Quadrag. Lect. ix. de Homil. et Commem. Fer.

DIE XI

APPARITIONIS B. M. V. IMMAC.

Duplex majus.

Omnia ut in Festis B. M. V. 145*, præter seq.

IN I. VESPERIS

Ant. de Laud. 336*.

Capitulum. Cant. 2.

SURGE, amíca mea, speciósá mea, et veni : colúmba mea, in foraminibus petráe, in cavérna macériæ, osténde mihi fáciem tuam, sonet vox tua in áuribus meis.

Hymn. Ave maris stella. 147*.

Ad Magnif. Ant. Ista est colúmba mea, perfécta mea, immaculáta mea.

Orat. ut in Laud. 336*.

AD MATUTINUM

Invit. Immaculátam Virgini Conceptionem celebrémus, * Christum ejus Filium adorémus Dóminum.

Ps. Veníte, exsultémus. 2.

Hymnus.

TE dicimus præcónio, Intácta Mater Núminis, Nostris benígna láudibus Tuam repénde grátiam.

Sontes Adámi pósteri Infécta proles gignimur ; Labis patérnæ néschia Tu sola, Virgo, créderis.

Caput draconis invidi Tu cónteris vestigio, Et sola glóriam refers Intaminátæ originis.

O gentis humanæ decus Quæ tollis Hevæ oppróbrium,

Tu nos tuére súpplices, Tu nos labántes érige.

Serpéntis antiqui potens Astus retúnde et ímpetus, Ut cælitum perénnibus Per te fruámur gáudiis.

Jesu, tibi sit glória, Qui natus es de Virgine, Cum Patre et almo Spíritu, In sempitérna sæcula.

Amen.

IN I. NOCTURNO

Ant. Ave grátia plena, * Dóminus tecum.

Pss. trium Noct. ut in Festis B. M. V. per annum. 148*.

Ant. Benedicta tu inter mulieres, * et benedictus fructus ventris tui.

Ant. Ne timeas María : * invenisti grátiam apud Dóminum.

Ÿ. Deus omnipotens præcinxit me virtute. **R.** Et posuit immaculatam viam meam.

De Parabolis Salomónis.

Lectio j. Cap. 8. b et 9.

EGO sapientia habito in consilio, et eruditus intersum cogitationibus. Timor Domini odit malum : arrogantiam, et superbiam, et viam pravam, et os bilingue detestor. Meum est consilium et æquitas, mea est prudentia, mea est fortitudo. Per me reges regnant, et legum conditores justa decernunt. Per me principes imperant, et potentes decernunt justitiam. Ego diligentes me diligo : et qui mane vigilant ad me, invenient me.

R. Sapientia quæ attingit a fine usque ad finem fortiter, et disponit omnia suaviter, ædificavit sibi domum.

* Ecce tabernaculum Dei cum hominibus. **Ÿ.** Vidi sanctam civitatem, Jerusalem novam, paratam sicut sponsam, ornata viro suo. Ecce.

Lectio ij.

MECUM sunt divitiæ et gloria, opes superbæ et justitia. Melior est enim fructus meus auro et lapide pretioso, et genimina mea argento electo. In viis justitiæ ambulo, in medio semitarum judicii, ut ditem diligentes me, et thesauros eorum repleam. Dominus possedit me in initio viarum

suarum, antequam quidquam faceret a principio. Ab æterno ordinata sum, et ex antiquis antequam terra fieret. Nondum erant abyssi, et ego jam concepta eram : necdum fontes aquarum eruperant ; necdum montes gravi mole constiterant : ante colles ego parturiebar.

R. Quasi arcus refulgens inter nebulas, et quasi flos rosarum in diebus vernis, et quasi lilia in transitu aquæ, * Sic fulget Virgo immaculata. **Ÿ.** Arcum meum ponam in nubibus, et erit signum fœderis mei vobiscum. Sic.

Lectio iij.

BEATUS homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino : qui autem in me peccaverit, lædet animam suam. Omnes, qui me oderunt, diligunt mortem. Sapientia ædificavit sibi domum, excidit columnas septem. Immolavit victimas suas, miscuit vinum, et proposuit mensam suam. Misit ancillas suas, ut vocarent ad arcem, et ad mœnia civitatis : Si quis est parvulus, veniat ad me. Et insipientibus locuta est : Venite, comedite panem meum, et bibite vinum quod miscui vobis.

R. Surge, amica mea, speciosa mea, et veni, columba mea. * Ostende mihi faciem

tuam, sonet vox tua in áuribus meis. *Ÿ.* Vox túrturis audita est in terra nostra. Osténde. Glória. Osténde.

IN II. NOCTURNO

Ant. Fecit mihi magna qui potens est, * et sanctum nomen ejus.

Ant. Sanctificávit tabernáculum suum Altíssimus : * Deus in médio ejus non commovébitur.

Ant. Dóminus possédit te in initio viárum suárum : * et in caritate perpétua diléxit te.

V. Adjuvábít eam Deus vultu suo. *R.* Deus in médio ejus non commovébitur.

Lectio iv.

ANNO quarto a dogmática definitiône de immaculáto beátæ Virginis Concéptu, ad Gavi flúminis oram prope óppidum Lourdes diocésis Tarbiénsis in Gália; ipsa Virgo in rupis sinu super specum Massabiélle puéllæ cuidam, vernácula lingua Bernadétte nuncupátæ, paupérrimæ quidem, sed ingénuæ ac piæ, plúries se conspiciéndam óbtulit. Immaculáta Virgo juvenili ac benigno videbátur adspéctu, nívea veste niveóque pállio contécta, ac zona cærulea succincta : nudos pedes áurea rosa ornábat. Primo apparitiónis die, qui fuit undécimus Februárii anno millésimo octingentésimo quinquagésimo octávo, puéllam signum crucis rite

piéque faciéndum edócuit, atque ad sacri rosárii recitatiónem, exémplo suo, coronam, quæ prius ex bráchio demissa pendébat, manu advólvens, excitávit : quod in cæteris étiam apparitió nibus præstitit. Altera áutem apparitiónis die, puélla in simplicitáte cordis sui, diabólicam fráudem timens, lustrálem aquam in Virginem effúdit : sed beáta Virgo, léniter arridens, benigniorem illi vultum osténdit. Cum vero tértio apparuisset, puéllam ad specum per quíndecim dies invitávit. Exínde eam sápius est allocúta, ac pro peccatóribus oráre, terram deosculári, pœnitentiámque ágere est hortáta : deínde imperávit ut sacerdotíbus ediceret, ædificándum ibi esse sacéllum, solemnisque supplicatiónis more illo accedéndum. Mandávit insuper ut e fonte, qui sub aréna adhuc latébat, sed mox erat eruptúrus, aquam biberet eáque se abstérgeret. Dénique die festo Annuntiatiónis, percóntánti enixe puéllæ illíus nomen, cujus adspéctu tóties dignáta fúerat, Virgo, admóti pectori mánibus elatíque in cælum óculis, respóndit : Immaculáta Concéptio ego sum.

R. Quæ est ista, quæ progréditur quasi auróra consúrgens, * Pulchra ut luna, elécta ut sol? *Ÿ.* Ipsa est

columba mea, perfecta mea,
immaculata mea. Pulchra.

Lectio v.

PERCREBRESCENTE fama beneficiorum, quae in sacro specu recepisse fideles dicebantur, augebatur in dies hominum concursus, quos loci religio ad specum advocabat. Itaque prodigiorum fama puellaeque candore motus Tarbiensis episcopus, quarto ab enarratis anno, post juridicam factorum inquisitionem, supernaturales esse apparitionis notas sua sententia probavit, cultumque Virginis Immaculatae in eodem specu permisit. Mox aedificatum sacellum : ex illa die pene innumerae fidelium turbae, voti ac supplicationis causa, ex Gallia, Belgio, Italia, Hispania caeterisque Europae provinciis necnon ex longinquis Americae regionibus quovis anno illuc adveniunt, nomenque Immaculatae de Lourdes ubique terrarum inclarescit. Fontis aqua in cunctas orbis partes delata, aegris sanitatem restituit. Orbis vero catholicus tantorum memor benefactorum, aedes sacras mirabili opere ibi extruxit. Vexilla innumera, acceptorum beneficiorum veluti monumenta, illuc a civitatibus ac gentibus missa, aedem Virginis miro ornatu decorant. In hac sua veluti sede Immaculata Virgo jugiter colitur; interdum quidem

precibus, religioso cantu solemnibusque aliis caeremoniis; noctu vero sacris illis supplicationibus, quibus infinitae propemodum peregrinantium turbae cereis facibusque accensis procedunt et laudes beatae Virginis concinunt.

R. Erit in novissimis diebus mons praeparatus Virgini Mariae in vertice montium, et elevabitur super caelos, et ibunt populi multi et dicent: * Venite et ascendamus ad montem. **V.** Sicut laetantium omnium habitatio est in te. Venite.

Lectio vj.

PEREGRINATIONES hujusmodi fidem frigescente saeculo excitasse, animum ad christianam legem profitendam addidisse, cultumque Virginis Immaculatae mirum in modum auxisse, omnibus compertum est. In qua mirabili fidei professione christianus populus sacerdotes veluti duces habet, qui illuc suas plebes adducunt. Ipsi etiam sacrorum antistites sanctum locum frequenter adeunt, peregrinationibus praesunt, solemnioribusque festis intersunt. Nec adeo rarum est ipsos Romanae Ecclesiae purpuratos Patres humili peregrinorum more accedentes conspiciere. Ipsi quoque Romani Pontifices, pro sua erga Immaculatam de Lourdes pietate, sacram aedem

donis nobilissimis cumulaverunt. Pius nonus sacris indulgentiis, archiconfraternitatis privilegio ac minoris Basilicæ titulo ipsam insignivit; ac Deiparæ imaginem ibidem cultam, solèmniter per Legatum suum apostolicum in Gallia diademate distinctam voluit. Leo vero decimus tertius innúmera etiam contulit beneficia, indulgentias ad modum Jubilæi vigésimo quinto Apparitionis anno vertente concessit, peregrinationes sua auctoritate verbóque provexit, ac solèmnem ecclésiæ sub titulo Rosarii dedicationem suo nómine pérari curavit. Quorum beneficiórum amplitudinem cumulavit, cum, plúrium episcopórum rogatu, solèmniter festum sub titulo Apparitionis beátæ Mariæ Virginis Immaculatæ, próprio Officio et própria Missa celebrándum benigne concessit.

R. Prævenisti eam Dómine in benedictionibus dulcedinis, posuisti in cápite ejus * Corónam de lápide pretioso. **V.** Magna est glória ejus in salutári tuo, glóriam et magnum decórem impónes super eam. Corónam. Glória Patri. Corónam.

IN III. NOCTURNO

Ant. Manus Dómini confortávit te, * et ideo eris benedicta in ætérnum.

Ant. Noli metúere : * non

enim pro te, sed pro ómnibus hæc lex constitúta est.

Ant. Benedixit te Dóminus in virtúte sua, * quia per te ad nihilum redégit inimicos nostros.

V. Diffúsa est grátia in lábiis tuis. **R.** Proptérea benedixit te Deus in ætérnum. Lécio sancti Evangélii secúndum Lucam.

Lectio vij. Cap. 1.

IN illo témpore : Missus est Angelus Gábriel a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

Homilia sancti Bernárdi Abbátis.

Ex Homil. 2. super Missus.

LÆTARE, pater Adam, sed magis tu, o Heva mater, exsulta, qui sicut ómnium paréntes, ita ómnium fuístis peremptóres; et quod infelicius est, prius peremptóres quam paréntes. Ambo, inquam, consolámini super filia, et tali filia; sed illa ámplius de qua malum ortum est prius, cujus opprobrium in omnes pertransívit mulieres. Instat namque témpus, quo jam tollátur opprobrium, nec hábeat vir quid causétur advérsus féminam; qui útique, dum se imprudénter excusáre conarétur, crudéliter illam accusáre non cunctátus est, dicens: Múlier quam dedísti mihi,

dedit mihi de ligno, et comédi. Propterea curre, Heva, ad Mariam, curre mater ad filiam; filia pro matre respondeat: ipsa matris opprobrium auferat: ipsa patri pro matre satisficiat: quia ecce si vir cecidit per feminam, jam non erigitur nisi per feminam.

R. Tu ergo invoca Dominum, loquere regi pro nobis, * Et libera nos de morte.

V. Omnes sitiētes, venite ad aquas, et hauriētis salutem a Domino. Et libera nos.

Lectio viij.

QUID dicēbas o Adam? Mulier, quam dedisti mihi, dedit mihi de ligno, et comédi. Verba malitiæ sunt hæc quibus magis augeas quam deleas culpam. Verumtamen Sapientia vicit malitiam, cum occasionem veniæ, quam a te Deus interrogando elicere tentavit, sed non potuit, in thesauro indeficientis suæ pietatis invenit. Redditur nempe femina pro femina, prudens pro fatua, humilis pro superba, quæ pro ligno mortis gustum tibi porrigat vitæ, et pro venenoso cibo illo amaritudinis, dulcedinem pariat fructus æterni. Muta ergo iniquæ excusationis verbum in vocem gratiarum actionis, et dic: Domine, mulier quam dedisti mihi, dedit mihi de ligno vitæ, et comédi; et dulce factum est

super mel ori meo, quia in ipso vivificasti me. Ecce enim ad hoc missus est Angelus ad Virginem. O feminam singulariter venerandam, super omnes feminas admirabilem, parentum reparatricem, posterorum vivificatricem.

R. Plantavit Dominus Deus paradisum voluptatis, produxitque lignum vitæ in medio ejus. * Et fluvius egrediebatur de loco voluptatis.

V. Emissiones tuæ paradisus, Virgo Maria. Et. Glória Patri. Et.

Lectio ix.

QUAM tibi aliam prædixisse Deus videtur, quando ad serpentem ait: Inimicitias ponam inter te et mulierem? Et si adhuc dubitas quod de Maria dixerit, audi quod sequitur: Ipsa conteret caput tuum. Cui hæc servata victoria est, nisi Mariæ? Ipsa procul dubio caput contrivit venenatum, quæ omnimodam suggestionem tam de carnis illécebra, quam de mentis superbia deduxit ad nihilum. Quam vero aliam Salomon requirebat, cum dicebat: Mulierem fortem quis inveniet? Noverat quippe vir sapiens hujus sexus infirmitatem, fragile corpus, lubricam mentem. Quia tamen et Deum légerat promisisse, et ita credebat congruere, ut qui vicerat per feminam vinceretur per ipsam, vehē-

ménter admirans aiébat :
Mulierem fortem quis invé-
niet? Quod est dicere : Si
ita de manu féminæ pendet
et nostra ómnium salus, et
innocéntiæ restitútio, et de
hoste victória : fortis omni-
no necesse est ut provideá-
tur, quæ ad tantum opus
possit esse idónea.

Te Deum laudámus. 17.

AD LAUDES

ET PER HORAS

Ant. 1. Candor est lucis
æternæ, * et spéculum sine
mácula.

Ps. Dóminus regnávít.
cum reliq. 18.

2. Múlier amícta sole, et
luna sub pédibus ejus, * et
in cápíte ejus coróna stellá-
rum duódecim.

3. Tu glória Jerúsalem,
tu lætitia Israë́l, * tu honori-
ficéntia pópuli nostri.

4. Benedicta es tu, Virgo
Maria, a Dómino Deo excél-
so, * præ ómnibus mulié-
ribus super terram.

5. Hódie nomen tuum ita
magnificávit Dóminus, * ut
non recédat laus tua de ore
hóminum.

Capitulum. Cant. 2.

SURGE, amíca mea, spe-
ciósa mea, et veni : co-
lúmba mea, in foramínibus
petræ, in cavérna macériæ,
osténde mihi faciém tuam,
sonet vox tua in áuribus
meis.

Hymnus.

AURÓRA soli prævia
Felix salutis nüntia,

In noctis umbra plebs tua
Te, Virgo, supplex invocat.

Torrens nefástis flúctibus
Cunctos trahens voráginē,
Leni residit æquore
Cum transit Arca fœderis.

Dum torret aréscens hu-
mus,

Tu rore sola spárgeris ;
Tellúre circum rórida,
Intácta sola pérmanes.

Fatále virus évomens,
Attóllit anguis vérticem ;
At tu draconis túrgidum
Invicta cónteris caput.

Mater benigna, réspice
Fletus precésque súpplicum,
Et dimicántes tártari
Victrix tuére ab hóstibus.

Jesu, tibi sit glória,
Qui natus es de Virgine,
Cum Patre et almo Spíritu,
In sempitérnasæcula. Amen.

V. Diffúsa est grátia in
lábiis tuis. **R.** Proptérea be-
nedixit te Deus in ætérnum.

Ad Bened. Ant. Præclára
salútis auróra, ex te, Virgo
Maria, exívit sol justitiæ,
qui visitávit nos óriens ex
alto.

Oratio.

DEUS, qui per Immaculá-
tam Virginis Concepti-
onem dignum Filio tuo habi-
táculum præparásti : súp-
plices a te quæsumus ; ut
Virginis Apparitiónem cele-
brántes, salutem mentis et
córporis consequámur. Per
eúmdem Dóminum.

AD TERTIAM

Capit. Surge amíca mea.
ut in Laud.

R. br. Quæ est ista quæ
ascendit de deserto, * Deli-
ciis affluens? Quæ est ista. **V.**
Innixa super dilectum suum.
Deliciis. Glória Patri. Quæ
est.

V. Vidérunt eam filiæ Sion.

R. Et beatissimam prædica-
vérunt.

AD SEXTAM

Capitulum. Prov. 8.

MECUM sunt divitiæ et gló-
ria, opes superbæ et
justitia : mélior est enim fru-
ctus meus áuro et lápide pre-
tioso.

R. br. Ego Mater * Pulchræ
dilectionis. Ego Mater. **V.** Et
timoris et agnitionis et san-
ctæ spei. Pulchræ dilectio-
nis. Glória Patri. Ego Mater.

V. In me omnis grátia viæ
et veritátis. **R.** In me omnis
spes vitæ et virtutis.

AD NONAM

Capitulum. Eccli. 24.

IN me grátia omnis viæ et
veritátis, in me omnis
spes vitæ et virtutis. Trans-
ite ad me omnes qui concu-
piscitis me, et a generatió-
nibus meis implémini.

R. br. Qui me invénerit,
* Invéniet vitam. Qui me. **V.**
Et háuriet salutem a Dómi-
no. Invéniet vitam. Glória
Patri. Qui.

V. Transite ad me omnes
qui concupiscitis me. **R.** Et
a generatióibus meis implé-
mini.

IN II. VESPERIS

Omnia ut in primis. præ-
ter seq.

Hymnus.

OMNIS expértem máculæ
Mariam

Edocet summus fidei magi-
ster;

Virginis gáudens célebrat
fidélis

Terra triúmphum.

Ipsa se præbens húmili
puéllæ

Virgo spectándam, récreat
pavéntem,

Seque concéptam sine labe
sancto

Prædicat ore.

O specus felix, decoráte
divæ

Matris adspéctu! veneránda
rupes,

Unde vitáles scatuére pleno
Gúrgite lymphæ.

Huc catervátim pia turba
nostris,

Huc ab extérnis peregrína
terris

Affluit supplex, et opem po-
téntis

Virginis orat.

Excipit Mater lácrymas
precántum,

Donat optátam miseris salú-
tem;

Compos hinc voti pátrias ad
oras

Turba revértit.

Súpplicum, Virgo, mise-
ráta casus,

Semper o nostros réfove la-
bóres,

Impetrans mœstis bona sem-
piternæ

Gáudia vitæ.

Sit decus Patri, genitæ-
que Proli,

Et tibi compar utriusque
virtus

Spiritus semper, Deus unus
omni

Témporis ævo. Amen.

Ÿ. Dignáre me laudáre te,
Virgo sacráta. R. Da mihi
virtutem contra hostes tuos.

Ad Magnif. Ant. Hódie
gloriósa cæli Regina in ter-
ris apparuit; hódie pópulo
suo verba salútis et pignora
pacis áttulit; hódie Angeló-
rum et fidélium chori Imma-
culátam Conceptionem cele-
brántes gáudio exsúltant,
allelúia.

DIE XIII

SANCTÆ CATHARINÆ DE RICCIIS

VIRGINIS

Duplex.

Omnia de Comm. Virg.
95*, præter seq.

Oratio.

DÓMINE Jesu Christe, qui
beátam Catharínam Vir-
ginem, tuo amóre succén-
sam, passiónis contempla-
tione claréscere voluisti:
ejus intercessióne concéde;
ut passiónis mystéria devóte
recoléntes, ejus fructum per-
cipere mereámur: Qui vivis.

Commem. Fer. in Quadrag.

IN I. NOCTURNO

Lect. de Script. occur.

In Quadrag. De virginibus.
100*.

IN II. NOCTURNO

Lectio iv.

CATHARÍNA, nóbili familia
de Ricciis Floréntiæ nata,
vel ab ineunte ætáte piam

indolem præmatúre ostén-
dit. In suburbáno monasté-
rio sancti Petri de Monticél-
lis, ubi morum disciplina
imbuerétur, collocáta, quo-
tidie ad Christi crucifixi imá-
ginem orans, non sine lá-
crymis, horis étiam ánimi
relaxatióni addictis, ejus
passiónem meditabátur. Ad
monastérium póstea sancti
Vincéntii, órdis sancti
Dominici, in civitáte Prati
translátá, patérnos lares ad
tempus repétere, nisi certa
spe réditus hábita, constán-
ter recusávit. Tandem anno
décimo tértio, sæculi deliciis
contéptis, ibídem religiós-
um institútum professa est.

R. Propter veritátem. 104*.

Lectio v.

CARITÁTE in Deum fervens,
oratióni fere assidue va-
cábat, quidquid témporis
necessáriis occupatiónibus
et módicæ quiéti supérerat,
in ea insúmens; utque corpus
in servitútem redigeret, fér-
rea caténa et flagéllis illud
macerábat. Cibi parcíssima,
octo supra quadraginta an-
nos cárnibus abstinuit, legu-
mínibus plerúmque et herbis
vescens, intérdum vero solo
pane et aqua conténta. Pro-
ximórum ætérrnam salútem
exóptans, ardentíssimas ad
Deum pro peccatórum con-
versióne preces fundébat.
Tanto étiam commiseratió-
nis sensu erga purgántem
ánimam commóta est, ut
acerbíssimos dolóres sibi

divinitus inflictos in pœnarum illi debitârum expiatiônem pertulisse visa sit. Eximia prudëntia et regulâris observântiæ zelo moniales diu rexit, eas non minus exémplo quam adhortatiônibus ad omnem sanctimóniam infórman. Quo in officio humilitátem ádeo cóluit, ut abjectissima quæque ópera sponte obiret, ac infirmis præcipua caritatē et summo stúdio inserviret.

℞. Dilexisti. 104*.

Lectio vj.

SUPERNÓRUM charismatum cópia singulâris in ea enítuit ánnulo desponsatiônis, sacrisque stigmátibus, quæ non semel spectánda se exhibuérunt, accéptis. Plúrium annórum spátio, quinta et sexta féria in altissimam contemplatióem rapta, singulos Redemptóris cruciátus in passiône tolerátos ex ór-dine in córpore mirabiliter sentire consuévít. Prati degens, sanctum Philíppum Nérium Romæ commorántem vidére promérúit, ejúsque collóquio frui. Extasum, ráptum, cæléstium visiónum, ac prophétici lúminis dono illústris, futúra prædixit, ac simul occúlta revelávit. Grávibus dénique morbis decumbens, Ecclésiæ sacraméntis munita, anno a Christo nato millésimo quingentesimo nonagésimo, ætátis sexagésimo nono, quarto Nonas Februárii in cælum

migrávit. Eam subinde Cle-mens duodécimus beatárum Virginum número, Benedictus vero décimus quartus Póntifex Máximus solémni ritu sanctárum Virginum fastis adscripsit, anno salutis millésimo septingentésimo quadragésimo sexto.

℞. Afferéntur. 104*.

IN III. NOCTURNO

Homil. in Evang. Simile erit. **de Comm. 1^o loco.** 106*.

In Quadrag. Lect. ix. de Homil., et Commem. Fer.

DIE XIX

S. CONRADI PLACENTINI

CONFESSORIS

Semiduplex.

Omnia de Comm. Conf. non Pont. 76*, præterseq.

Oratio.

ADÉSTO Dómine supplicatiônibus nostris, quas in beáti Conrádi Confessoris tui solemnitate deférimus : ut qui nostræ justitiæ fidúciā non habémus; ejus, qui tibi plácuít, précibus adjuvémur. Per Dóminum.

In Quadr. Commem. Fer.

IN I. NOCTURNO

Lect. de Script. occur.

In Quadrag. Beátus vir. de Comm. 2^o loco. 88*.

IN II. NOCTURNO

Lectio iv.

CONRÁDUS Placéntiæ nóbili genere natus, ac venatióni cumprimis déditus, jussit aliquándo vepres, ubi feræ latébant, succénderé; sed ultra quam vóluit, vento

perlátus ignis próxima fœdo vastávit incéndio. Quo viso Conrádus in urbem laténter est ingrèssus : sed mox ad prætórem deláta re, emis-sóque satellitio, homúnculus infimæ plebis tamquam incéndii áuctor comprehén-sus est, vique tormentórum falsa confessióne expréssa, damnátus ad supplicium rapiébátur. Tum Conrádus consciéntia excitátus inno-céntem homúnculum e car-níficis má nibus erípuit, seque reum conféssus divénditis bonis illáta damna compen-sávit; humanisque rebus una cum uxóre núntium remisit.

℞. Honéstum. 82*.

Lectio v.

CUM itaque uxor sacrum velum sumptúra Placén-tiæ mansisset, ipse ábiit in regiónem longinquam, et Franciscáni órdis, qui Tertiariórum dicitur, as-súmpso hábitu, Romam pervénit sacras ædes visitáturus. Inde in Siciliam ad Netinos ábiit, ubi aliquámdiu in sancti Martíni xenodochio diversátus, in solitúdinem secéssit, in qua se inédia et précibus afflíctans, per annos quadraginta humi cubábat, nunc solo pane, nunc herbis tantum contén-tus, et dono prophetiæ miraculisque clarus. Crebras carnis ac dæmonis tentatiónes, gulæque blandítias córporis afflíctatióne, atque assíduo precándi stúdio tam

egrégie vicit, ut vel escu-lénta munúscula, quæ ab amicis mitteréntur, non prius attingeret, quam pútrida jam et vérnibus scaténtia sensus ipse refúgeret. Quin étiam túnica pósita tándiu nudos artus in vepréto volutábat, quoad effluénte ságuine edéndi ardor exstinguerétur.

℞. Amávit eum. 82*.

Lectio vj.

CUM áutem sexta quaque féria in urbem ad imáginem Crucifixi, quæ summa religióne celebrátur apud Netinos, adorándam mira pietáte ventitáret, improbi quidam irrisóres per eam occasiódinem religiosissimum virum ludos fácere volué-runt. Itaque per simulatió-nem ad prándium piscium invitáto carnem suillam ap-pónunt, nec áliud ipsi man-dúcant. Inde hóminis improbitátem exagitáre, vel simplicitátem cavillári. Negat ille se quidquam gustásse præter pisces; statimque spi-nas, et squamas amóta máp-pula, qua tegebántur, ostén-dit, et eórum impudéntiam redárguit. Item ab antístite Syracusáno fama sanctitátis éxcito visitátus, et ab eódem, ut secum cœnáret, invitátus, prótinus e célula placéntas quátuor cálidas ex témpore divínitus parátas prótulit : qui póstea vicíssim ad antístitem Syracúsas proféctus, juxta episcópium, plúrimis avículis circumvolitántibus,

et ipsius adventum quodammodo gratulantibus, mirabiliter exceptus est. His aliisque multis spectatæ sanctimoniæ indiciis, ejusque precibus cælesti auxilio laborantibus, non solum indigenis, verum etiam alienigenis, eo præsertim anno quo migravit in cælum millesimo trecentésimo quinquagésimo primo, sæpissime impetrato, commoti Leo décimus Póntifex Máximus in Netína urbe primum, deinde Páulus eo nómine tertius alibi etiam beati Conrádi festivam diem undécimo Kaléndas Mártii quotannis celebrári permisere. Ejus corpus in argétea conditum arca in ecclésia sancti Nicolái apud Netinos váriis adhuc miraculis enitescit.

It. Iste homo. 83*.

IN III. NOCTURNO

Homil. in Evang. Ecce nos. **de Communi Abbat.** 1^o loco. 91*.

In Quadrag. Lect. ix. de Homil., et Commem. Feriæ.

DIE XXVI

S. MARGARITÆ CORTONENSIS

PENITENTIS

Semiduplex.

Omnia de Comm. non Virg. 113*, præter seq.

Oratio.

DEUS, qui famulam tuam Margaritam de perditionis via ad salutis trãmitem misericórditer deduxisti : eádem nobis miseratióne

concède ; ut quam prius errantem sectári non erubúimus, mox pœnitentem impigre sequi gloriémur. **Per.**

Commem. Fer. in Quadr.

IN I. NOCTURNO

Lect. de Script. occur.

In Quadrag. Mulierem fortem. 114*.

IN II. NOCTURNO

Lectio iv.

MARGARÍTA, a loco dormitiónis Cortonénsis appellata, Laviáni in Túscia ortum hábuit. Primis adolescentiæ suæ annis mundi voluptatibus capta, in Montis Politiáni civitate vanam et lúbricam vitam duxit ; sed cum amásium ab hóstibus fœde transfóssum indicio canis in fóvea sub strue lignórum tumulátum fortuito reperisset, illico facta est manus Dómini super eam ; quæ magno culpárum suárum mœróre tacta, éxiit foras, et flevit amáre. Itaque Laviánum revérsa, crine detónso, neglécto cápite, pulláque veste contécta, erróribus suis mundique illécebris núntium misit ; inque ædibus Deo sacris, fune ad collum alligáto, humi procúbens, ab ómnibus quos ántea móribus suis palam offénderat, véniam exorávit. Mox Cortónam profécta, in cinere et cilicio a se læsam Dei majestátem placáre stúduit, donec post triennále virtútum experiméntum a frátribus Minóribus spiri-

tuális vitæ dúcibus Tértii órdis hábitum impetrávit. Ubes exinde lácrymæ ei familiáres fuérunt, atque ima suspiria tanta ánimi contritióne ducta, ut diu elinguis consisteret. Léctulus nuda humus, cervical lapis aut lignum porréxit; atque ita noctes insómnies in cælestium meditatióne tráhere consuévit, nullum ámplius pravum desidérium perpéssa, dum bonus spíritus promptior infirmam carnem ad subeúndos labóres erigebat.

R. Propter veritatem. 115*.

Lectio v.

ADÆMONE insidiis funestisque conátibus lacessita, mûlier fortis hostem ex verbis detéctum semel atque iterum invicta répulit. Ad eludéndum vanæ glóriæ lenocinium, quo a malo spíritu petebátur, præteritos mores suos per vicos, et platéas alta voce accusáre non déstitit, omni supplicio se ream inclámans: nec nisi a confessário detérrita, in speciósam fáciem, olim impûri amóris cáusam, sævíre abstinuit, ægre ferens suam formam longa carnis maceratióne non aboléri. Quibus aliisque magnæ poenitentiæ arguméntis suórum criminum labe expiáta, atque ita de se triumphátrix, ut sensus plane omnes a mundi illécebris custodiret, digna facta est, quæ sæpe Dómini consuetúdine fruerétur.

Ejúsdem quoque Christi et Virginis Matris dolórum, quod ipsa ardénter expectierat, párticeps facta, cunctis sénsibus destitúta, et vere mórtua intérdum visa est. Ad eam proinde, véluti ad perfectiόνis magistram, ex dissitis étiam regiónibus plúrimi conveniébant: ipsa vero cælesti, quo erat perfúsa, lúmine córdium secréta, consciéntias hóminum, imo et peccáta in remótis licet pártibus Deum offendéntium cum dolóre et lácrymis détegens, summáque in Deum et próximum caritáte fervens, ingéntem animárum fructum operáta est. Ægris ad se veniéntibus salútem, obséssis a dæmone liberationem impetrávit. Púerum defúctum lugénte matre ad vitam redúxit. Imminéntes bellórum tumultus assiduís oratióibus sedávit. Dénique summæ pietátis opéribus vivos et mórtuos sibi demérui.

R. Dilexisti justitiam. 116*.

Lectio vj.

TOT sanctis opéribus occupáta, de rigóre quo assidue corpus suum exercébat, nihil remisit, neque a stúdio cælestia meditándi se avélli passa est, in utróque vitæ génere plane admiránda, utrámque sorórem Magdalénam et Martham référens. Tandem pro se Dóminum orans ut ex hac valle lacrymárum sursum in cælestem

patriam evocarétur, exaudita est oratio ejus, die atque hora dormitiónis ei patefactis. Méritis itaque et labóribus plena, ac cælestibus donis cumulata, cœpit corpóris víribus destitui, perque dies decem et septem nullo cibo, sed divinis tantum collóquiis refecta est : tum sanctissimis Ecclesiæ sacraméntis rite susceptis, vultu hilari, atque óculis in cælum convérsis, octavo Kaléndas Mártias, anno ætatis quinquagésimo, suæ conversiόνis vigésimo tértio, humanæ vero salutis millésimo ducentésimo nonagésimo séptimo, felix migravit ad sponsum. Corpus in hanc usque diem végetum, incorruptum, illæsum, et suáriter olens summa religióne cólitur in ecclesiá fratrum Minórum, quæ jam ab eadem Margarita appellátur. Miraculis continuo flóruit, qui-

bus permóti Románi Pontífices ad augéndum ejus cultum plúrima liberáliter indulserunt. Benedictus vero decimus tértius in festo Pentecóstes, die sexta décima Maii anni millésimi septingentésimi vigésimi octávi, solémnem ejus canonizatiónem religiosissime celebrávit.

R. Fallax grátia. 116*.

IN III. NOCTURNO

Homil. in Evang. Simile est. **de Comm. 1º loco.** 116*.

In Quadrag. Lect. ix. de Homil., et Commem. Feriæ in Laud.

Ad Bened. Ant. Ut cognóvit, * resipuit seráphici órdinis Magdaléna : dimissa sunt ei peccáta multa, quia diléxit multum.

IN II. VESPERIS

Ad Magnif. Ant. Ego dilécto meo, * et ad me conversio ejus : invéni quem diligit ánima mea, ténuí eum, nec dimittam.

FESTA MARTII

DIE V

S. JOANNIS JOSEPHI A CRUCE

CONFESSORIS

Duplex.

Omnia de Comm. Conf. non Pont. 76*, præter seq.

Oratio.

DEUS, qui beátum Joánnem Joséphum Confessórem tuum per árduas paupertátis, humilitátis, et patientiæ vias cælesti glória sublimásti : da nobis, quæ-

sumus; ut carne mortificáti, ejus imitémur exémpa, et gáudiis perfruámur ætérnis. Per Dóminum.

IN I. NOCTURNO

Lect. de Script. occur.

In Quadrag. Lect. Beátus vir. de Comm. 2º loco. 88*.

IN II. NOCTURNO

Lectio iv.

ISCLÆ regni Neápolis in urbe apud Ænáriam insulam, paréntibus nobilitate

sanguinis, morumque probitate præstantibus, ortus est Joannes Joséphus a Cruce. Christianæ pietatis semina, quæ in ejus animam, supernis benedictionibus præventam, cum lacte instillaverant, fructus mox uberrimos attulerunt. Tenerrima adhuc ætate, nedum a nugis puerilibus abhorrui, sed virtutes excollere cepit illustriores, silentii potissimum, mortificationis, mundi sui que ipsius abnegationis, quas assiduo orationis studio confovebat. Deiparæ cultum, quem ad obitum usque in dies auxit, intérea temporis arripuit, Dominicæque Passionis et Eucharistiæ mysteria affectu peculiari prosequeretur. Sancti Petri de Alcántara institutum, quod Joannes de sancto Bernárdo ex Hispânis Excalceatis, Cleménte nono approbante, nuperrime in Italiâ invenerat, divîno afflante Nûmine, anno vitæ suæ sexto-décimo amplexus est Italorum primus. Seraphico Patriarcha, fidissimoque ejus alumno Petro de Alcántara in ipso tyrocínio sibi ad imitandum propósitos, mirum quam perfectè pœnitentiam hujus, et contemplationem, humilitatem illius ac paupertatem, jam tum fûerit assecutus.

Æ. Honéstum fecit. 82*.

Lectio v.

TÉRTIO vix decúrso a solé-
mni professione sua an-

no, Pedemontáni Aliphæ cœnóbii fundatióni destinatur : quod ejus ópera exiguum ádeo evásit, ut altérius, quod olim in Pedróso Extremadúræ sanctus Petrus de Alcántara, cléricus ipse quoque, excitaverat, imaginem simillimam referret. Sacerdótio ex obediéntia inaugurátus, disciplinis morálibus, quas numquam perdidicerat, improviso excúltus visus est. Superiórum vénia, non longe ab eo cœnóbio, sacram erémum extruere aggréssus subter excélsi montis dejectu, ut absolverétur quam citissime, ligna, lápides, calcem húmeris suis, mordáci lorica contéctis, exportabat; ita ut per calcænea cruor ubértim in terram deflúeret. Fratrum rogátu leges quasdam pro sacro illo recéssu peculiâres cóndidit, dignas, quæ a Sede Apostólica confirmaréntur. Novitiórum regimîni præpósitus, eórum ad vitam regulârem compónere mores eo profectu eníxus est, ut illórum áliqui sanctitátis et miraculórum fama inclarúerint. Verum cum Clemens Papa undécimus, sæculi décimi octávi initio, fratres Italos Excalceátos ab Hispânis in regno Neápolis sejunxisset, illique nulla regimînis forma potiréntur, ab eódem Pontífice, obsisténte licet humani géneris hoste, provin-

ciæ Neapolitánæ, sancti Petri de Alcántara nuncupatæ, erectionem obtinuit.

℟. Amávit eum. 82*.

Lectio vj.

Primus novæ istiúsmodi provinciæ miníster renuntiátus, régimen, quod abdicáverat, sacre Congregationis Episcopórum et Regulárium jussu assumere coactus, difficile relátu est, quot qualésque calúnnias Dei fámulo devoráre opus fúerit, ut Itálicam Excalceatórum fratrum familiam constabiliret. Rebus compósitis, eo sese totum convértit, ut duplex ille Petri de Alcántara contemplatiónis, et pœnitentiæ spíritus altas inter suos radices ágeret, quos præclaríssimis virtútum exémpilis anteíbat, humilitáte inprimis, rigidáque claustrális disciplinæ custódia. Paupertáte et abstinentia enituit admirábili. Unicum ad nudam carnem sexaginta quátuor annis hábitum adhíbuit, perque viginti quátuor annos, priscórum eremicolárum ritu, pane tantum ac fructibus victitávit, quod edúlii genus ex obediéntia in nauseósum commutávit férculum. Flagéllis aspérrimis, ciliciis, et cruce férrea acútis instrúcta claviculis, corpus suum dilaniábat. Illud étiam de eo fertur, quod crebérrimas inter orándum éxtases passus est, quodque ráptibus, prophetia, mirá-

culis, aliisque hujúsmodi supernaturálibus donis vivens clarúerit. Dénique zelo animárum absúptus, octogenárius, apopléctico morbo corréptus, tértio Nonas Mártias in ósculo Dómini obdormívit in cœnóbio sanctæ Lúciæ Montis urbis Neápolis anno septingentésimo trigésimo quarto supra millésimum. Eúndem novis miraculis coruscántem, anno ab illius decéssu quinquagésimo sexto, Pius sextus Póntifex Máximus Beatórum albo recénsuit : et Gregórius Papa décimus sextus solémni ritu Dominica sanctissimæ Trinitátis anno millésimo octingentésimo trigésimo nono Sanctórum fastis adscripsit.

℟. Iste homo. 83*.

IN III. NOCTURNO

Homil. in Evang. Nolite timére. **de Comm. 2º loco.** 90*.

Lect. ix. et Commem. Fer. in Laud.

DIE VI

S. FRIDOLINI CONF.

Duplex.

Omnia de Comm. Conf. non Pont. 76*, præter seq.

Oratio.

Adesto Dómine supplicatióibus nostris, quas in beáti Fridolini Confessoris tui solemnitate deférimus : ut, qui nostræ justitiæ fidúciā non habémus; ejus, qui tibi plácuīt, précibus adjuvémur. Per Dóminum.

IN I. NOCTURNO

Lect. de Script. occur.**In Quadrag. vero, Lect.**
Justus si morte. de eodem
Comm. 1º loco. 79*.

IN II. NOCTURNO

Lectio iv.

FRIDOLÍNUS, régio in Hibernia sángine procreátus, ferventissimo Christi proximorúmque amóre flagrans multórum locórum atque úrbium peregrinationem suscepit. Quibus in itineribus cum infidéles pópulos cathólicam fidem doceret, innúmeros Jesu per Evangélium filios genuit. Nec verbo solum prófuit. Itaque regis Gallórum Clodovæi liberalitáte sancti Hilárii monastérium apud Pictávos admónitus instaurávit, sacrúmque ejus corpus honorificéntius recóndidit: tum vária ad Moséllam, Argentoráti, Cúriæ Rhætórum, alibique cœnobia exstruxit.

R. Honéstum fecit. 82*.**Lectio v.**

TANDEM Sichingam prope Basileám venit, ubi sedem figere atque ab itinerum labóribus quiescere ex divíno oráculo institúerat. Sed áccolæ passi non sunt sanctum virum ibi consistere, maléque hábitum cæsúmque verbéribus, finibus suis excédere coegerunt. Itaque coactus regem adire, a quo facultáte ibidem benigne

impetráta, non modo virórum, sed étiam sanctimóniálíum monastérium instituit, optimisque légibus ac institútis temperávit.

R. Amávit eum. 82*.**Lectio vj.**

INTER cætera áutem mirácula, quæ per illum Dóminus édedit, illud est imprímis insigne, quod civem Claronensem, Ursum nómine, e tûmulo excitátum manúque prehénsus in judícium addúxit, ut de bonis monastério legátis coram landgrávio testimónium diceret. Dénique sénio confectus, virtútum rerúmque gestárum glória illústris, pridie Nonas Mártii circa annum salutis humánæ quingentesimum decimum quartum excéssit e vita. Sacrum corpus Sichingæ primo sepúltum est. Anno deinde milésimo trecentésimo quinquagésimo séptimo, die vigésimo Januárii, a Rudólpho quarto Austriæ duce dono accéptum, in ecclésia sancti Stéphaní, quæ nunc est in Viennénsi urbe Metropolitána, summa veneratióne est recónditum.

R. Iste homo. 83*.

IN III. NOCTURNO

Lect. de Homil. in Evang.
Sint lumbi. de eodem Comuni 1º loco. 85*.**Lect. ix. de Homil. Feriæ occur.**



OFFICIA PROPRIA

SS. SUMMORUM PONTIFICUM

SANCTÆ ROMANÆ ECCLESIE, ALIORUMQUE SANCTORUM VEL BEATORUM
OMNIBUS VEL PLURIBUS DIOCESIBUS CONCESSA, QUE KALENDARIUM
CLERO ROMANO PROPRIUM SEQUUNTUR

FESTA NOVEMBRIS

DIE XXVIII

SANCTI GREGORII III.
PAPÆ ET CONFESSORIS

Duplex.

Omnia de Comm. Conf.

Pont. 55*, præter seq.

Orat. Da, quæsumus. 56*.

Et sit Commem. Fer. in
Adventu.

IN I. NOCTURNO

Lect. de Script. occur.

IN II. NOCTURNO

Lectio iv.

GREGORIUS, hujus
nóminis tértius,
natióne Syrus, pa-
tre Joánnē, Gregó-
rio secúndo vita functo, uná-
nimi cleri et pópuli consén-
su, nec non divino quodam
instinctu, cum dignissimus
ómnium esset, subrogátus
est, anno Christi septingen-
tésimo trigésimo primo. Vir
singulári doctrína et virtúte,
latína et græca lingua erudi-
tus, mirábili dicéndi facún-
dia, atque ádeo felici me-

mória, ut totum Psaltérium
memóriter recitáret; is de-
mum, quem prædecessóri
suo Gregório doctrína et pru-
déntia sapientissimi hómines
æquiparándum esse duxé-
runt.

℟. Inveni David. 61*.

Lectio v.

CATHÓLICÆ fidei propugná-
tor acérrimus, Leónem
Isáurum imperátorem ico-
noclástam patérnis mónitis
et litteris ad saniórem men-
tem reducere conátus est.
Sed cum nihil proficeret,
convocáto Romæ nonaginta
quinque episcopórum con-
cilio, sacrárum imáginum
cultum apostólico decreto
firmávit, et diro anathémate
fériit Iconómachos. Quæ cum
ad Leónis áures pervenis-
sent, áltius rugire cœpit,
misitque advérsus Gregó-
rium florentissimam classem
cum potentissimo exercitu;
sed hæc, volénte ac vindice
Deo, in Adriático sæva tem-

pestáte agitata, foedo nau-
frágio périit.

℞. Pósui adjutórium. 61*.

Lectio vj.

MULTA quoque a Luitprán-
do Longobardórum rege
inique passus est, qui et
Urbem longa obsidióne cin-
xit, et sancti Petri basilicam
sacrilega manu diripuit. In
his angústiiis sanctissimus
Póntifex ad Cárolum Martél-
lum, antecessóris exémplo,
legátos cum sacris munéri-
bus destinávit. Munivit Ur-
bis móenia: largas in egénos
eleemósynas erogávit, no-
vas basilicas a fundaméntis
extrúxit, antiquas ornávit
ac restaurávit, Vaticanam
præsértim, intra quam ora-
tório áuro, argénto, gem-
mis, omnique pretiósí ópe-
ris gènere ditátum eréxit, in
quo sanctórum Apostolórum
et Mátyrum reliquias sum-
ma cura et diligéntia toto
christiáni orbis ámbitu con-
quisitas repósuit, et colén-
das expósuit, eo máxime
tépore, quo illas agiómachi
diabólico furóre procul-
cábant. Multa monastéria
restituit, et sanctis légibus
instrúxit, statuitque, ut pre-
sbýteri et mónachi altérnis
noctu diúque divinas láudes
celebrárent. Fractus demum
labóribus, méritis licet at-
que virtútibus inclytus, anno
sui pontificátus undécimo
nondum perácto, quarto Ka-
léndas Decémbris pie óbiit
in Dómino, et in prædicto

oratório Vaticanó sepúltus
est. ℞. Iste est qui. 62*.

IN III. NOCTURNO

Homil. in Evang. Homo
péregre. **de Comm. 1º loco.**
64*.

In Laud. Commem. Fer.
Vesp. a Capit. de seq.

DIE XXIX

S. GELASII I. PAPÆ ET CONF.

Duplex.

Omnia de Communi Conf.
Pont. 55*, præter seq. (m.
t. v.)

Orat. Da, quæsumus. 56*.

Commem. S. Gregorii III.

Orat. Exáudi. **deinde Fer.,**
ac S. Saturnini Mart. 401.

IN I. NOCTURNO

Lect. de Script. occur.

IN II. NOCTURNO

Lectio iv.

GELÁSIUS, gente Africánus,
patre Valério, in Felicis
tértii locum subrogátus, pon-
tificátum gessit annos quá-
tuor, menses octo, duodevi-
ginti dies. Creávit in dúplici
ordinatióne diáconos duos,
presbýteros triginta et duos,
sexaginta septem per diversa
loca episcopos. Vir sane sin-
gulári fidei propagándæ ac
servándæ zelo ardentissi-
mus, omni litteratúra, præ-
sértim sacra, instructissi-
mus, et intrépidi pectoris
róbore, tum ad vindicánda
Ecclésiæ et Sedis Apostólicæ
jura, tum ad retundéndam
hæreticórum et schismaticó-
rum proterviam armátus.

℞. Invéni David. 61*.

Lectio v.

EJUS cura et stúdio non clerus modo plúrimum áuctus est, verum étiam univérſa Ecclésia magnis incrementis adolévít. In quo certe illius prudéntia mirábilis fuit, cum eo témpore Anastásius, imperátor hæréticus, et Theodorícus Ariánus rerum utriúsque impérii potiréntur. Imminénte famis periculo, úbere annóna Urbem recreávit. Lupercália, aliaque gentilium spectácula, quæ ad hæc usque témpora, post tam multa imperatórum edicta advérsus idololatriam lata, et Romanórum Pontificum stúdia ad eam exstirpándam adhibita, viguisse constat, Andrómachó senatóre, aliisque Románis frustra licet refragántibus, pénitus abolévít.

℟. Pósui adjutórium. 61*.

Lectio vj.

ALIA quamplúrima ad dignitátem et disciplinam Ecclésiæ spectántia præstitit, sancivít, et scripsit. Defensóres Acácii, Euphémium præsértim Constantinopolitánum damnávit; scriptisque

ad divérsos nervosissimis juxta atque doctissimis litteris, vel eos in officio continuit, vel aberrántes redúxit. Pelagiános, Manichæos et álios hæréticos coércuit, eórumque libros públicis flammis tradi curávit. Præter decretáles et hymnos ecclesiásticos, egrégia scripsit opúscula contra Nestórium, Arium, Pelágium et Eutychéten. Sed illud præ cæteris memorándum, quod libros canónicos ab áliis, et probátos ab apócrýphis, in Romána sýnodo septuaginta episcopórum, singulári decreto distinxit. Post multos demum labóres in regénda universáli Ecclésia exantlátos, sanctissimus et doctissimus Póntifex pie óbiit in Dómino undécimo Kaléndas Decémbris, anno Christi quadringentésimo nonagésimo sexto, et sepúltus est in Vaticanó.

℟. Iste est qui. 62*.

IN III. NOCTURNO

Homil. in Evang. Homo péregre. **de Comm. 1^o loco.** 64*.

In Laud. Commem. Feriæ, ac S. Saturnini Mart. 401.

FESTA DECEMBRIS

DIE I

(d. a. ex 13 Nov.)

S. DIDACI CONFESSORIS

Semiduplex.

Omnia dē Comm. Conf.
non Pont. 76*, præter seq.
(m. t. v.)

Oratio

OMNÍPOTENS sempitérne Deus, qui dispositióne mirábili infirma mundi éligis, ut fórtia quæque confúndas: concéde propítius humilitáti nostræ; ut piis

beáti Didaci Confessóris tui précibus, ad perénnem in cælis glóriam sublimári mereámur. Per Dóminum.

Commem. Feriæ.

IN I. NOCTURNO

Lect. de Script. occur.

IN II. NOCTURNO

Lectio iv.

DÍDACUS Hispanus, ex ópido sancti Nicolái de Portu diocésis Hispalénsis, ab ineunte ætate, pii sub sacerdotis disciplina, sanctiõris vitæ solitaria in ecclésia, tirocinium exércuit. Deinde ut firmius Deo se conjungeret, in convéntu de Arrizáfa fratrum Minórum (quos Observantes vocant) sancti Francisci régulam in statu laicali professus est. Magna ibi alacritate húmilis obedientiæ et regulæ observantiæ jugum súbiens, contemplationi in primis deditus, mira Dei luce perfundebatur, ádeo ut de rebus cælestibus, litterarum expertus, mirandum in modum et plane divinitus loqueretur.

R. Honéstum. 82*.

Lectio v.

CANÁRIIS in insulis, ubi fratribus sui ordinis præfuit, multa perpessus, martyrii æstuans desiderio, plures infidéles verbo et exemplo ad Christi fidem convertit. Romam véniens anno jubilæi, Nicoláo quinto Pontifice, ægrotorum curæ in convéntu Aræ cæli destinatus, eo caritatis affectu mu-

nus hoc exércuit, ut Urbe annónæ inópia laborante, ægrótis tamen, quorum aliquándo úlceras étiam lambendo abstergébat, nihil pénitus necessarij defecerit. Eximia quoque fides et grátia curatiõnum in eo elúxit, cum lámpadis, quæ collucebat ante imáginem beatissimæ Dei Genitricis, quam summa devotiõne colébat, óleo ægros inúngens, signo crucis impréssó, multórum morbos mirabiliter sanáverit.

R. Amávit eum. 82*.

Lectio vj.

DEMUM Complúti finem sibi vitæ adesse intélligens, lácera et obsoléta indútus túnica, conjéctis in crucem óculis, singulári devotiõne illis verbis ex sacro hymno pronuntiátis : Dulce lignum, dulces clavos, dúlcia ferens póndera, quæ fuisti digna portáre Regem cælórum et Dóminum : ánimam Deo reddidit, pridie Idus Novémbris, anno Dómini supra millésimum quadringentésimo sexagésimo tértio. Ejus corpus cum menses non páucos (ut pio confluéntium desiderio fieret satis) insepúltum mansisset, quasi jam incorruptiõnem indúerit, odórem suavissimum efflavit. Illum multis et illústribus miráculis clarum Sixtus quintus Póntifex Máximus Sanctórum número adscripsit. **R.** Iste homo. 83*.

IN III. NOCTURNO

Homil. in Evang. Nolite timere. de Comm. 2º loco. 90*.

In Laud. fit Commem. Fer.

DIE V

S. STANISLAI KOSTKÆ

CONFESSORIS

Duplex.

Omnia de Comm. Conf. non Pont. 76*, præter seq. (m. t. v.)

Oratio.

DEUS, qui inter cætera sapientiæ tuæ miracula, etiam in ténera ætate matûræ sanctitatis grátiam contulisti : da, quæsumus ; ut beáti Stanislái exémplo, tempus instánter operándo rediméntes, in ætérnam ingredi réquiem festinémus. Per Dóminum nostrum.

IN I. NOCTURNO

Lect. de Script. occur.

IN II. NOCTURNO

Lectio iv.

STANISLÁUS, senatória Kostkárú gente ortus in Polónia, quam olim esset militiam secutúrus, nomen Jesu prænuntiávit, paritûræ matris grémio divinitus inscriptum. Virginitatem adhuc puer ita cóluit, ut patérna in mensa si quid minus pudice dictum audisset, præ horróre exánimis corrúeret. Ad Viennénse in Austria seminárium studiórú cáusamissus, non minus exémplo sodálibus quam veneratióni fuit. Coáctus inde in lutheráni hópitis ædes migráre,

ibique a Páulo fratre ad liberiórem vitam omni étiam asperitátum génere incitátus domésticum bellum toto biénnio constantissime sustinuit, ad ætérna se, non ad cadúca natum affirmans. Itaque únicum illi erat rerum cæléstium desidérium, perpétua cum Deo consuetúdo, cultus Deiparæ ádeo tener, ut matrem suavissime appelláret.

ñ. Honéstum fecit. 82*.

Lectio v.

QUOTIDIÁNÆ fratris vexatióni crebra ipse jejúnia, flagélla, aliósque insóntis corpúsculi cruciátus adjiciens, lethálem in morbum incidit. Quo ingravescente, cum dæmonem horréndi canis spécie insiliéntem signo crucis ter fugásset, sacrum Viaticum, quod in hærética domo decúmbens frustra ab homínibus petébat, ab Angelis accépit. Mox ad púeri Jesu compléxum a beatíssima ejus Matre cómiter admissus, ac Societáti jussus nomen dare, súbito conváluit. Sed cum áditum ad illam patris timor in Germánia præclúderet, peregríni hábitu, solus, pedes, mendicus fugam árripit, certus non sistere, nisi voti compos fiat. Iter non uno Dei beneficio prósperum fuit. Nam præter ália, Páuli prófugum fratrem jam assequéntis equi, immisso divinitus torpóre, constitérunt;

et Stanisláus Angelórum pane iterum angélico ministério refectus, post duodécies centéna pássuum millia, tandem Romæ in Societátem Jesu a sancto Francisco Bórgia generáli præpósito méruit cooptári.

℟. Amávit eum. 82*.

Lectio vj.

TIRÓNIS emériti virtútes in religiósæ vitæ palæstra splendidius eluxére; caritas præsertim erga Deum, in quem assidue alienáta a sensibus mente rapiebátur. Inde illi fácies semper accénsa, nonnúnquam rádians, perénnes lácrymæ; ardor pectoris tantus, ut média quoque hieme foret ingésta idéntidem gélida temperándus. Itaque amóre vérius quam feбри æstuans, die assúptæ in cælum Virgini sacro, ad ejus triumphálem pompam própíus, ut optáverat, spectándam, ab ipsa beatárum Virginum choro stipáta vocátus est ex Quirináli domo probatiónis, anno innocéntis vitæ décimo octávo, óperum plénior quam diérum. Multis post óbitum miráculis in sua præsertim Polónia enituit; cujus armis contra formidábiles Turcárum exércitus spectábilis e cælo ádfuit non semel, et civitátes álias peste, álias incéndio liberávit. Quamóbrém Clemens décimus eum inter primários totius regni Patrónos constituit; Benedi-

ctus vero décimus tértius (quod a Cleménte undécimo jampridem fúerat decretum) in sanctórum númerum rétulit.

℟. Iste homo. 83*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 19.

IN illo témpore : Obláti sunt Jesu párvuli, ut manus eis impóneret. Et réliqua.

Homilia sancti Augustini
Episcopi.

In Psalm. 118.

QUID párvulus, nisi húmilis? Hæc sunt mirabilia testimónia tua Dómine, quæ scrutáta est ánima párvuli hujus : et ídeo invénit, quia humiliátus est, et párvulus factus est. Quis enim facit mandáta tua, sicut faciéndasunt, id est ex fide, quæ per dilectiõem Dei operátur, nisi ejus in corde per Spíritum sanctum ipsa dilectio diffundátur? Hoc étiam iste párvulus confitétur. Os meum, inquit, apérui, et attráxi spíritum, quia mandáta tua desiderábam. Quid desiderábat, nisi fácere mandáta divina? Sed non erat unde fáceret infirmus fórtia, et párvulus magna. Apérui os, cónfitemens quod per se ipse non fáceret, et attráxit unde fáceret.

℟. Iste est qui. 85*.

Lectio viij.

JÚNIOR sum ego, inquit, et contéptus : justificatió-

nes tuas non sum oblitus. Non sicut inimici mei, qui obliti sunt verbórum tuórum. Vidétur áutem minor ætáte non oblitus justificatiónes Dei, dolére pro inimicis suis ætáte majóribus, qui obliti sunt. Nam quid est, Júnior ego non sum oblitus, nisi illi majóres obliti sunt? Sed contéptum se dicit hic júnior; ideo factus est major: quia ignóbilia et contemptibilia mundi elégit Deus, et ea quæ non sunt, tamquam sint, ut ea quæ sunt, evacuéntur. Et ecce sunt novíssimi, qui erant primi, et primi, qui erant novíssimi.

℞. Sint lumbi. 85*.

Lectio ix.

ISTE áutem júnior non est oblitus, quia non suam vóluit habére justitiam, sed Dei; de qua étiam nunc dicit: Justitia tua, justitia in ætérnum. Propter hanc passus est persecutiónem júnior a majóre, ut diceret júnior quod séquitur: Tribulatio et necessitas invenérunt me; mandáta tua meditatio mea est. Sáeviant, persecúantur; dum tamen mandáta Dei non relinquantur, et ex ipsis mandátis étiam qui sáviunt diligántur. Intelléctum da mihi, et vivam. Intelléctum poscit iste júnior, quem si non habéret, non super senióres intelligeret. Sed eum poscit in tribulatióne et necessitate, quo intélligat quam

sit contemnéndum quod ei possunt auferre persecúentes inimici, a quibus se dicit esse contéptum.

Te Deum laudámus. 17.

DIE IX

S. EUTYCHIANI PAPÆ ET MART.

Duplex.

Omnia de Communi unius Mart. 24, præter seq.*

Oratio Deus, qui. 24*.

IN I. NOCTURNO

Lect. de Script. occur.

IN II. NOCTURNO

Lectio iv.

EUTYCHIÁNUS, natióne Tuscus, pátria Lunénsis, Maríno patre, post beáti Felícis sacerdotium, Románæ Ecclesiæ episcopátum suscepit. Constituit fruges, fabas et uvas super altári benedici: itémque a fidélibus nullátenuS Mártirem sepe líri sine dalmática, aut purpuráto colóbio. Qui cum per diversa loca trecéntos sexaginta duos Mártýres sua manu sepelisset, illis et ipse sociátus, sub Numeriáno imperatóre martýrio coronátus est sexto Idus Decémbris, sepultusque in cœmetério Callisti via Appia. Quinque ordinatió nibus mense Decémbri creávit presbýteros quatuórdecim, diáconos quinque, episcopos per diversa loca novem. Vixit in pontificátu annos octo, menses quinque, et dies aliquot.

℞. Honéstum. 29*.

Sermo sancti Máximi
Episcopi.

De S. Cypriano Homil. 2.

Lectio v.

IN martýrio beatissimi Eutychiáni, fratres carissimi, universa nobiscum Christi exsultat Ecclesiá, quam in omne gáudium, et cælestis eruditiónem sermonis instrúxit, et múnere triumphális sanguinis decorávit. Fuit enim in eo, sicut compértum habémus, et contra erróres diabóli spirituális sapiéntiæ plenitúdo, et advérsus persecutiónes mundi, christiáni pectoris mitigáta constantia. Quis non hujúsmodi virum quantis valet præconiis prosequátur, cujus eloquéntia inspiráta divinitus et Ecclesiás dócuit, et sáculum confutávit?

R. Desidérium. 30*.

Lectio vj.

VERE hic mirábilis, atque ómnium ubique stúdiis celebrándus, quem sanctitas sacerdotem, perítia doctórem, fides mártirem consecrávit. Pretiósá, inquit David, in conspéctu Dómini mors sanctórum ejus. Vidéte carissimi, in quantum venerábilis Eutychiánus étiam prophéticam supergréssus est láudem, cujus in conspéctu Dómini non solum mors, sed et vita éxstitit pretiósá. Moriéndó namque próprium Christo sanguinem dedit: vivéndó nihilóminus cohortatióne fortissima in-

números cælo Mártýres acquisivit.

R. Stola jucunditátis. 30*.

IN III. NOCTURNO

Homil. in Evang. Si quis vult post me venire. **de Comm. 2^o loco. 37*.**

In Laud. Commem. Oct. Immac. Conceptionis. 426, et Fer.

Vesp. de Translatione almæ Domus Lauretanæ, cum Commemoratione præcedentis et Feriæ.

DIE X

TRANSLATIONIS

ALMÆ DOMUS LAURETANÆ

Duplex majus.

Omnia ut inter Festa pro aliquibus locis. 278*, ommissa Commemoratione S. Melchiadis.

DIE XI

SANCTI DAMASI I.

PAPÆ ET CONFESSORIS

Duplex.

Omnia ut in Breviar. 433. Vesp. a Capit. de S. Melchiade.

DIE XII

SANCTI MELCHIADIS

PAPÆ ET MART.

Duplex.

Omnia de Comuni unius Mart. 24*, præter seq.

Orat. Infirmitatem. 24*.

Commem. S. Damasi. 434; postea Oct. 427, et Fer.

IN I. NOCTURNO

Lect. de Script. occur.

IN II. NOCTURNO

Lectio iv.

MELCHÍADES Afer post Eusébiū Romānam tenuit Ecclésiā. Qui cum adhuc præsbyter esset, misit diáconos cum litteris Maxéntii imperatoris, et litteris præfecti prætorii ad Urbis præfectum, ut ea loca reciperet, quæ fuerant Christiānis tempore persecutiōnis ablata. Réddita autem ecclésiis pace, Constantinum Augústum adivére Donatistæ, ut in eorum contra Cæciliānum Carthaginiensem episcopum causa iudices daret. Quibus Constantinus respōdit: Petistis a me in sæculo iudicium, cum ego ipse Christi iudicium expéctem. Attamen dati sunt iudices episcopi tres, missique Romam ad Melchiadem Pontíficem, ut ibi pro fratrum concórdia et unitate sýnodus cogeretur.

℞. Honéstum. 29*.

Lectio v.

IN Urbem itaque hi tres profecti convenérunt cum aliis quindecim episcopis, ipsoque Melchiade, in domum Fáustæ in Laterānis, ubi causa discussa Cæciliānus omnium episcoporum sententiis innocens est pronuntiatus, et ejusdem Melchiadis decréto iudicium est clausum. Ut autem Donatistæ cathólicæ uniréntur Ecclésiæ, Melchiades (prout scribit sanctus Augustinus)

tamquam vir óptimus, filius christiānæ pacis, et pater christiānæ plebis ádmodum laborávit, oblata étiam conditiōne, ut quibuscúmque in locis duo essent contrariarum factiōnum episcopi, is confirmarétur, qui prior fuisset ordinátus, et áleri plebs ália regénda provide-rétur.

℞. Desidérium. 30*.

Lectio vj.

SANXIT, ne ulla ratiōne die dominico, aut quinta fèria, quis fidélium jejunaret, quia eos dies quasi sacro jejúnio deputátos pagáni celebrábant. Item státuit, ut oblatiōnes consecratæ per episcopum, quæ dicebantur ferméntum, per ecclésiās dirigeréntur; ne presbýteri in suis titulis una cum suis plébibus celebrántes, se ab episcopi communiōne separátos judicarent. Qui cum in persecutiōne Maximiani multa passus esset, tandem sub Constantíno quíevit in Dómino, quarto Idus Decémbris, sepultusque est in cœmetério Callísti via Appia. Una ordinatione creávit presbýteros sex, diáconos quinque, episcopos per diversa loca undecim.

℞. Stola jucunditátis. 30*.

IN III. NOCTURNO

Homil. in Evang. Si quis venit. *de Communi 1º loco.* 32*.

℞. viij. Dómine prævenisti. 33*.

DIE XIV

(d. a. ex 14 Nov.)

S. JOSAPHAT EPISC. ET MART.

Duplex.**Omnia de Comm. unius
Mart. Pont. 24*, præter seq.****Oratio.**

EXCITA, quæsumus Dómine, in Ecclesiá tua Spíritum, quo replétus beátus Jósaphat Martyr et Póntifex tuus ánimam suam pro óvibus pósuit : ut, eo intercedente, nos quoque eódem Spíritu moti ac roboráti, ánimam nostram pro fratribus pónere non vereámur. Per Dóminum... in unitáte ejúsdem Spíritus.

**Commem. S. Luciae Virg.
et Mart. 441; deinde Oct.
427, et Fer.**

IN I. NOCTURNO

Lect. de Script. occur.

IN II. NOCTURNO

Lectio iv.

JÓSAPHAT Kunczewitius nobilibus et cathólicis paréntibus Vladimíriæ in Volhínia natus, cum puérulus matrem de Christi passióne loquentem audiret, jáculo a látere imámis, vulnus in corde suscepit. Dei amóre incensus, ádeo oratióni aliisque piis opéribus instáre cœpit, ut provectióribus adolescéntibus exémplo et admiratióni esset. Vicénis inter claustráles sancti Basílii alúmnos monásticam régulam professus, mirum quos in evan-

gélíca perfectióne progréssus fécerit. Nudis pédibus, frigidíssima licet sæviénte regiónis hieme, incedébat : carnes numquam, vinum nónnisi ex obediéntia adhibuit, asperrimóque cilicio ad óbitum usque corpus afflixit. Castitátis florem, quem ab adolescéntia Virgini Deiparæ vóverat, inviolátum servávit. Virtútis doctrinæque ejus brevi sic fama percrebuit, ut quamvis júnior, Byténii monastério præfectus sit; mox Vilménsis archimandrita, ac demum archiepiscopus Polocénsis, invitus quidem, sed Cathólicis gestiéntibus, fúerit renuntiátus.

ñ. Honéstum. 29*.**Lectio v.**

HAC dignitaté áuctus, nihil de prióri vivéndi ratióne remittens, nónnisi divínium cultum et creditárum sibi óvium salútem cordi hábuit. Cathólicæ unitátis ac veritátis strénuus propugnátor, totis viribus adlaborávit ut schismáticos hæreticósque ad communionem cum beáti Petri sede redúceret. Summum Pontificem ejúsque potestátis plenitudinem ab impudentissimis impiórum calúmniis et erróribus, qua conciónibus, qua scriptis pietáte ac doctrína refértis defendere numquam destitit. Episcopálem jurisdictiónem et Ecclesiæ bona a láicis usurpáta vindicávit. Incredibile dictu est quot hæreti-

cos in sinum matris Ecclesiæ revocaverit. Uniónis vero Græcæ Ecclesiæ cum Latina Josaphátum promotórem exstitisse præclarissimum, étiam pontificia orácula díserte testántur. Ad hæc, et templi Dei decóri instaurándo, et sacrárum virgínum extruéndis ædibus, aliisque piis opéribus juvándis, mensæ suæ provéntus ultro erogávit. In páuperes ádeo effúsus, ut cum olim inópíæ cujúsdam víduæ sublevándæ nihil occurreret, episcopále pállium, seu omophóron, oppignorári jussérít.

℟. Desidérium. 30*.

Lectio vj.

TOT cathólicæ fidei incrementa perditissimórum hóminum ádeo excitavérunt ódia, ut, conspiratióne ínita, Christi athlétam ad necem quærerent; quam sibi imminére ipse in suo ad pópulum sermóne prænuntiávit. Cum itaque Vitépscum pastorális visitatiónis grátia proféctus esset, illi archiepiscopáles invádunt ædes; óbvios quosque fériunt ac cædunt. Tum vir mitíssimus quæréntibus sponte occúrrit, eósque amice compéllans, Filioli, inquit, quare familiáres meos cæditis? Si quid contra me habétis, ecce adsum. Hinc impetu facto, eum verbéribus contúndunt, telis confódiunt, ac demum immáni secúri necátum, in flumen

projiciunt; die duodécima Novémbris anni sexcentésimi vicésimi tértii supra millésimum, ætátis ejus quadragésimi tértii. Corpus mirábili luce circumfúsum, ex imo flúminis álveo elátum est. Sanguis Mártiris parri-cidis ipsis in primis prófuit, qui fere omnes cápitis damnáti, ejuráto schismate suum scelus detestáti sunt. Cum tantus præsul plúrimis post óbitum coruscáret miráculis, eum Urbánus octávus Póntifex Máximus Beatórum honóribus decorávit. Pius nonus tértio Kaléndas Júlias anni millésimi octingentésimi sexagésimi séptimi, cum sæculária Apostolórum Principum solémnia celebraréntur, coram Patrum cardinálium senátu, simúlque adstántibus fere quingéntis patriárchis, metropolitís et episcopis cujuscúmque ritus, qui ex toto terrárum orbe convénérant, hunc ecclesiásticæ unitátis assertórem, primum ex orientálibus, solémni ritu in Vaticána basilica Sanctórum órđini ac-cénsuit. Cujus Officium ac Missam Leo décimus tértius Summus Póntifex ad universam exténdit Ecclesiám.

℟. Stola jucunditátis. 30*.

IN III. NOCTURNO

Léctio sancti Evangélii secúndum Joánnem.

Lectio vj. Cap. 10.

IN illo témpore: Dixit Jesus pharisæis: Ego sum pastor

bonus. Bonus pastor animam suam dat pro ovibus suis. Et reliqua.

Homilia sancti Joannis
Chrysostomi.

Homil. 59. in Joannem.

MAGNUM quiddam, dilectissimi, magnum, inquam, est Ecclesiæ prælatio, et quæ multa indiget sapientia et fortitudine, qualem Christus proposuit: ut animam pro ovibus ponamus, et nunquam illas deseramus: ut lupo generose resistamus. Hæc enim inter pastorem et mercenarium est differentia. Alter propriæ, contemptis ovibus: alter, sua contempta, ovium semper salutis invigilat. Pastoris ergo exemplo demonstrato, deceptores duos meminit; furem mactantem et rapientem oves; et mercenarium permittentem, neque defendentem commissas.

℟. Coróna áurea. 32*.

Lectio viij.

QUOD superiori tempore Ezéchiel his verbis insectatus est: Vae pastoribus Israël: nonne pascébant semetipsos? nonne greges pascuntur a pastoribus? Sed illi contrarium faciébant, quod máximæ malitiæ genus est, et plurimorum causa malorum. Idcirco inquit: Neque quod abjectum erat, reducébant: neque quod perierat quærebant: neque confractum alligábant: neque infirmum consolidá-

bant: quóniam se, non gregem pascébant. Idem et Paulus aliis verbis significat: Omnes quæ sua sunt quærunt, non quæ Jesu Christi.

℟. Hic est vere. 33*.

Lectio ix.

VERUM ab utroque se dissidere ostendit Christus: ab illis quidem, qui in aliorum perniciem veniunt, cum dicat, se propterea venisse, ut vitam haberent et abundantius haberent: ab his autem, qui oves a lupis rapi negligebant, dicendo se propter eas animam ponere, ne oves perirent. Nam cum Judæi ipsum interimere velent, non propterea destitit a doctrina, neque credentes tradidit, sed perstitit, et pertulit mortem: ideo frequenter inquit: Ego sum pastor bonus. Quæ cum nullo niti testimonio viderentur (quod enim poneret animam suam, non multo post re demonstratum est: quod autem vitam haberent et abundantius haberent, eventurum erat in futuro sæculo) alterum ab altero confirmat.

Te Deum laudamus. 17.

In Laud. Commem. Oct.
426, et Fer.

DIE XVII

S. LEONARDI A PORTU MAURITIO
CONFESSORIS

Duplex. (m. t. v.)

Omnia de Comm. Conf.
non Pont. 76*, præter seq.

Oratio.

DEUS, qui in obstinátis peccatórum córdibus ad pœniténtiam flecténdis beátum Leonárdum Confessórem tuum ópere ac sermóne poténtem effecisti: da, quæsumus; ut per ejus preces et mérita e córdibus nostris contritiónis lácrymas elicere valeámus. Per Dóminum.

Commem. sancti Eusebii et Feriæ.

IN I. NOCTURNO

Lect. de Script. occur.

In Quatuor Temp. Lect. Beátus vir. de eodem Comm. 2º loco. 88.*

IN II. NOCTURNO

Lectio iv.

Leonárdus in Portu Mauritio ad ora Ligústica Italiæ ortus est paréntibus pietáte egrégiis pótius, quam génere claris; qui púerum ánimam sortitum bonam, divína favénte grátia, in timóre Dómini omni cura instituérunt. Mirándum erat eum in templo vel domi vidére et audíre, sive férvidas ad Deum effúndere preces, sive hortári coætáneos ad religiónis aliarúmque virtútum ópera exercénda. Adolés-cens studiórum cáusa Romam missus ad instar novi sideris in Gregoriáno collegio tum litterárum ac scientiárum proféctu, tum potissimum vitæ sanctitáte effúlsit. Jam de virtúte in virtútem quotidie magis progrédiens, ut intímius Deo servíret ac

proximórum utilitáti vacáret, de religióso institúto amplecténdo cogitávit. Et licet pátruus pro viribus niterétur, ut hunc nepótem apprimé carum ab hujúsmodi consilio retráheret, ipse tamen, ejúsdem blanditiis minisque posthábitis, fratrum Minórum excalceatórum rigidióris observántiæ consórtio cooptári obtinuit, eórum præsertim modéstia captus, ac extréma paupertáte.

ñ. Honéstum fecit. 82.*

Lectio v.

APRIMO tirocinio, et, quoad in eo supérfluit vitæ an-hélitus, nil hábuit antiquius, quam ut Seráphici patris exémpia perfectissime imitarétur, præsertim cum vix ac cléricus efféctus, desidério incénsus fuit migrándi in bárbaras terras, ut sánguinem suum profúnderet ad infidélium ánimas Christo lucrándas. Verum divínæ providéntiæ consiliis ánimum compónens suum, disciplinas theológicas sédulo excólere satégit, ut ad omne opus bonum instrúctus foret. Sacris deínde ordinibus initiátus, ac sacerdotáli caractére insignitus, prótinus in cultissimis étiam Italiæ úrbibus præcónis evangélíi múnere fungi cœpit. Apostólicam vivéndi formam secútus, única conténtus túnica atque abjéctis cálceis, quamvis ténuí esset corpúsculo, tamen perículis, difficultá-

tibus, asperitatibus laboribusque haud fractum semper umquam sensit. Sic reliquam vitam per annos quatuor supra quadraginta strenue impendit, cum ingenti ubique animarum lucro et religionis incremento.

℟. Amavit eum. 82*.

Lectio vj.

IMMÉNSA porro fuit populorum ad eum audiendum frequentia, et innumerabiles conversiones inde subsequutae. Ipsa enim saxea ac ferrea corda, eo audito, vehementer scindebantur ad poenitentiam tum ob miram sermonis efficaciam ac ardentissimum loquentis zelum, tum praesertim ob praeclaram ejus vitae sanctimoniam, quae suavissimum Christi odorem ubique efflabat. Senio tandem ac innumeris laboribus consumptus, cum Summo Pontifici Benedicto decimo quarto fidem dedisset nullo se nisi Romae moriturum, in aliam hanc Urbem rediens e Bononiensi missione, morbo tentari coepit, quo sibi brevi decedendum esse palam edixit. Cum igitur sancti Bonaventurae coenobium ingressus esset, illico Ecclesiae sacramentis muniri voluit, quibus admirabili fervore atque inexplibili animi gaudio susceptis, placidissime in Domini osculo quievit. Leonardi obitum plurima secuta sunt prodigia, quibus rite probatis, a Pio

sexto Pontifice Máximo idem inter beatos caelites adnumeratus est. Novis deinde cum coruscare coepisset signis, tandem Pius nonus Pontifex Máximus praeclarissimum hunc verbi Dei praedonem Sanctorum catalogo accensuit.

℟. Iste homo. 83*.

IN III. NOCTURNO

Lect. de Homil. in Evang.
Designavit Dominus. **de Comm. Evang. 22*, cum ℟℟. de Comm. Conf. non Pont. 85*.**

Vesp. de seq. Commem. praeced. et Fer.

DIE XVIII

IN EXSPECTATIONE PARTUS

B. M. V.

Duplex majus.

Omnia ut inter Festa pro aliquibus locis. 287*.

DIE XIX

B. URBANI V

PAPAE ET CONFESSORIS

Duplex.

Omnia de Comm. Conf. Pont. 55*, praeter seq.

Oratio.

DEUS, qui ad tuenda fortiter Sedis apostolicae jura, fidemque catholicam late propagandam, beatum Urbanum Confessorem tuum atque Pontificem constantia roborasti: fac nos, ipsius praesidiis adjutos, ita militanti Ecclesiae servire; ut triumphanti consociari mereamur. Per Dominum.

IN I. NOCTURNO

Lect. de Script. occur.

IN II. NOCTURNO

Lectio iv.

URBÁNUS quintus Póntifex Máximus nóbili Grimoardórum gente natus, in castro Grisaco diœcésis Mimaténsis, cum innocénti adolescéntia floréret, monásticum hábitum sub régula sancti Benedicti induit, ac in Massiliénse cœnóbium sancti Victóris cooptándus, vota nuncupávit. In theologiæ ac juris disciplinis ita excélluit, ut per plures annos Tolósæ, Parisiis, Aveniône, in Montepessuláno, decreta summa cum láude interpretarétur. Abbas dein sancti Germáni Antissiodorénsis a Cleménte sexto, póstmodum ab Innocéntio sexto sancti Victóris Massiliénsis præses renuntiátus, tam império, quam obediéntia summus et exímius, ad majóra jam parátus, dum árduis negótiis et legatióibus pro Ecclésia fungerétur, in Petri sedem assúptus, Aveniône ritu solémni coronátus est.

R. Invéni David. 61*.

Lectio v.

VIX iníto pontificátu, ánimum admóvit ad Sedem apostólicam in Urbem reducéndam, ad mores fidélium emendándos, ad clericórum restaurándam disciplinam, ad cláustra reformánda, ad cathólicam fidem propagándam. Apostólicas enim mis-

siónes frátribus Minóribus commissas promóvit usque ad Tártaros et últimos Orientáles; multósque hæréticos ex Albánia, Valáchia et Bulgária, ad Ecclésiám cathólicam redúxit. Nihil étiam omisit ut Græcórum contumáciám vinceret, recépta semel et iterum ab imperatóre Joánne fidei professióne. Sacrum bellum contra infidéles indixit, ac rege Cypri cópiis præfécito, Alexandriám Ægýpti feliciter expugnávit.

R. Pósui adjutórium. 61*.

Lectio vj.

INTERIM civílem Sedis apostólicæ principátum pene evérsam, Ægidio Cardinále Albornótio egrégiam opem conferénte, ita restituit, ut sibi et successóribus suis, necessária tandem libertáte parta, lubens et ovans in almam Urbem cum ingénti Romanórum gáudio redierit. Basilicas Petri et Páuli instaurávit, ac sacrosáctam Lateranénsem ecclésiám incéndio pénitus absúptam magnis sumptribus restituit. In qua cápita Principum Apostolórum, retroáctistem-póribus in sacéllum sancti Lauréntii transláta, recognóvit; éaque solémniter pópulo Románo osténsa, et in thecas insérta áuro et gemmis distincta, fidélibus colénda propósuit. Monastérium in Montepessuláno instituit : prætérea Montis Cas-

sini cœnóbium in priscum decus, alter quasi cōditor, redintegrávit. Demum ab Urbe cum ánimo iterum revertēdi, ob Ecclésiæ negótia discēssit, et Aveniōnem pervēnit, ubi letháli morbo corrēptus, pretiōsam mortem oppētiit anno millésimo tercentésimo septuagésimo. Miráculis post óbitum clarus, depósitus est in sancti Victóris ecclésia, ubi adhuc vivens sepúlcrum sibi statuerat. Cultum, ab immemorábili témpore eidem exhi-

bitum, post quintum ab óbitu revolútum sœculum, Pius nonus Póntifex Máximus prævio Sacrórum Rituum Congregatiōnis consilio approbávit et confirmávit; ejúsque Officiū et Missam sub ritu dúplici a Clero Románo et a plúribus diœcésibus recitári celebrárique benigne indúlsit.

R. Iste est qui. 62*.

IN III. NOCTURNO

Lect. de Homil. in Evang. Vigiláte. de eodem Comm. 2º loco. 69.*

FESTA JANUARI

DIE V

Omitt. Commem. S. Telephori Pap. et Mart., de quo fit die 12 Febr.

DIE XI

Omitt. Commem. S. Hygini Pap. et Mart., de quo fit die 17 Febr.

DIE XVI

SANCTI MARCELLI

PAPE ET MART.

Duplex.

Omnia ut in Breviar. 466.

DIE XXIII

DESPONSATIONIS B. M. V.

CUM SANCTO JOSEPH

Duplex majus.

Omnia ut inter festa pro aliquibus locis. 295.*

Commem. S. Joseph. 295. deinde SS. Vincentii et Ana-*

stasii Mart. 485; postea sanctæ Emerentianæ Virg. et Mart. 485.

DIE XXVII

SANCTI VITALIANI

PAPE ET CONF.

Duplex.

Omnia de Comm. Conf. Pont. 55, præter seq.*

Orat. Da quæsumus omnipotens. 56.*

Commem. S. Polycarpi. 495.

IN I. NOCTURNO

Lect. de Script. occur.

IN II. NOCTURNO

Lectio iv.

VITALIÁNUS, pátria Signiēsis, natióne Campānus, Anastásio patre, duóbus fere mēnsibus ab Eugénii hujus nóminis primi óbitu, non sine pública bonórum ómnium

gratulatióne, in ejus locum subrogátus fuit, vir sane disciplinæ ac régulæ ecclesiásticæ amantissimus et retinentissimus. Illam in vigóre suo, ut a prædecessóre lætus accéperat, ita sédulus successori reliquit; et nihil umquam omisit, quod ad illius splendórem servándum pertinéret.

℞. Invéni David. 61*.

Lectio v.

NULLI labóri, nulli pepércit Indústriæ, ut Orientálem Ecclesiám, jam diutúrno schismate a Romána separátam, et Constántium imperatórem, Heraclii nepótem, monothelitárum fautórem, impiique auctórem Typi, ad meliorem frugem redúceret. Eódem ánimo et fine Petrum patriárcham Constantinopolitánum scriptis ad eum literis hortátus est ad reddéndam Ecclesiæ pacem, et fidem cathólicam amplecténdam.

℞. Pó sui adjutórium. 61*.

Lectio vj.

VÁRIAS scripsit epístolas, ut sacrórum cánonum indemnitati, et divínæ fidei propagatióni consúleret. In id præsertim pastorális illius cura incúbuit, non sine prospéro événtu. Religióne enim in Anglia collabéntem restituit: et cum ibi esset sacrórum ministrórum penúria, magnum Theodórum Tharsénsem et Adriánum abbátem eo misit: illum

quidem, ut ecclesiæ Anglicánæ primas esset; hunc vero, ut monásticam disciplinam restauráret. Cum demum illius pietas multum diúque refulsisset, ac sedisset annos quatuórdecim et menses quinque, ex hac vita ad Deum migrávit, anno Christi sexcentésimo sexagésimo nono, et in Vaticáno sepúltus est.

℞. Iste est. 62*.

IN III. NOCTURNO

Homil. in Evang. Homo péregre proficiscens. **de Comm. 1^o loco.** 64*.

Vesp. a Capit. de seq., cum Commem. S. Vitaliani, ac sanctæ Agnetis secundo.

DIE XXVIII

S. JOANNIS CHRYSOSTOMI

EPISCOPI, CONFESSORIS
ET ECCLESIE DOCTORIS

Duplex.

In Breviar., die xxvii. 495.

Lect. ix. sanctæ Agnetis cum Commemoratione in Laudibus.

DIE XXX

SANCTI FELICIS IV.

PAPÆ ET CONF.

Duplex.

Omnia de Comm. Conf. Pont. 55*, præter seq.

Orat. Exáudi, quæsumus. 56*.

Commem. S. Francisci Salesii. 498.

IN I. NOCTURNO

Lect. de Script. occur.

IN II. NOCTURNO

Lectio iv.

FELIX quartus Samnitis, Castóris filius, divína grátia copióse instrúctus, beáto Joáñne Papa in Theodoríci, regis Itáliæ ariáni, cárcere defúcto, ob húmílem pietátem atque simplicitátem cæteris prælátus, celsum Románi episcopátus locum proméruiť. Per id tempus Athalaricus Theodoríci succéssor, quamquam et ipse ariánuť, apostólicæ tamen Sedis honóri cónsulens, instantisque Románi cleri desidériis favens, suo decreto constituit, quod juxta priscæ consuetúdinis tenórem (ne clerus forénsibus litibus profanátus sæculáribus implicétur), si quis áliquem ad Románuť cleruť pertinéntem in quálibet cáusa probábili créderet actióne pulsándum, ad beatíssimi Papæ júdićiuť prius veníret audiéndus; ut, aut ipse inter utrósque more suæ sanctitátis cognósceret, aut cáusam deligeret æquitátis stúdio terminándam. Qui vero reveréntiam tantæ Sedi exhibére contémneret, decem librárum áuri dispéndio mulctári jussit, per manus memoráti antistitis erogádo.

R. Invéni David. 61*.

Lectio v.

PORRO Felix nefáriam damnávit præsumptiónem eórum, qui sacerdotáli ordínatione suscepť, ad sæ-

culáris vitæ mores demigrábant. Eréxit in Urbe basilícam sanctórum Cosmæ et Damiáni eo loco, qui appellátur via Sacra, juxta templum Urbis Romæ, consumptámque incéndio sancti Mártiris Saturníni basilícam via Salária a solo refécit. Idem paupéribus largus, et míseris solátia præbens, cum créscere fecisset opes apostólicæ Sedis, æumnósam hanc cum beáta vita commutávit, sepúltus in basilíca sancti Petri, quarto Idus Octóbris, Justiniano imperatóre, et Athalarico Itáliæ rege. Duábus ordínationibus mense Februário et Mártio creávit presbýteros quinquaginta quinque, diáconos quátuor, episcopos per diversa loca viginti novem. Sedit in pontificátu annos quátuor, menses duos, dies decem et octo.

R. Pósui adjutórium. 61*.

Sermo sancti Gregórii Papæ.

2. Part. Past., c. 1.

Lectio vj.

TANTUM debet actiónem pópuli áctio transcendere Præsulis, quantum distáre solet a grege vita pastóris. Opórtet namque ut melíri se sollicite stúdeat, quanta tenéndæ rectitúdinis necessitáte constringitur, sub cujus æstimatione pópulus grex vocátur. Sit ergo (necesse est) cogitatione mundus, actióne præcipuus, discrétus in siléntio, útilis

in verbo, singulis compas-
sione proximus, præ cun-
ctis contemplatione suspens-
us, bene agentibus per
humilitatem socius, contra
delinquentium vitia per zel-
um justitiæ erectus, inter-
norum curam in exteriorum

occupatione non minuens,
exteriorum providentiam in
interiorum sollicitudine non
relinquens.

R. Iste est. 62*.

IN III. NOCTURNO

Homil. in Evang. Vigilâte.
de Comm. 2º loco. 69*.

FESTA FEBRUARII

FER. III. POST DOM. SEPTUAG.

ORATIONIS D. N. J. C.

Duplex majus.

Omnia ut inter festa pro
aliquibus locis. 304*.

FER. III. POST DOM. SEXAG.

COMM. PASSIONIS D. N. J. C.

Duplex majus.

Omnia ut inter festa pro
aliquibus locis. 310*.

FERIA VI. POST CINERES

SPINEÆ CORONÆ D. N. J. C.

Duplex majus.

Omnia ut inter festa pro
aliquibus locis. 313*.

DIE III

SANCTI DIONYSII

PAPÆ ET CONFESSORIS

Duplex.

Omnia de Comm. Conf.
Pont. 55*, præter seq. (m.
l. v.)

Orat. Da quæsumus. 56*.

Comm. S. Blasii Episc.
et Mart. 512.

IN I. NOCTURNO

Lect. de Script. occur.

IN II. NOCTURNO

Lectio iv.

DIONYSIUS ex monacho,
post beatum Xystum se-
cundum, Romanæ Ecclesiæ
episcopus est constitutus. Is
contra Sabellianos scripsit,
et adversus eos, qui Filium
Dei opus aut creaturam as-
severabant, plura volumina
edidit. Dionysii Alexandrini
episcopi apud se accusati,
quasi qui Filium Dei factum,
et non substantialem Patri
diceret, in Romana synodo
causam discussit, ad quem
ejusdem synodi id indigne
ferentis sententiam perscrip-
sit. Sed cum Alexandrinus
antistes, iterum atque ite-
rum, missis Romam suis
scriptis, se purgasset atque
defendisset, maturo demum
consilio est absolutus. Pre-
sbyteris ecclesias in Urbe
Dionysius distribuit, et cœ-
meteria, parochias atque
dioceses divisit. Denique
multis pro Ecclesia perfun-
ctus laboribus, ac fidei do-
cumentis clarus, Aureliano
imperatore, migravit ad Dó-

minum, sepultusque est in cœmetério Callisti via Appia, sexto Kalendas Januárii. Hábuít mense Decémbri ordinationés duas, quibus creávit presbýteros duódecim, diáconos sex, episcopos per diversa loca septem. Sedit annos undecim, menses tres, dies quatuórdecim.

℟. Invéni David. 61*.

Sermo sancti Joánnis
Chrysóstomi.

In Epist. ad Rom. cap. 15.,
serm. 29., circa finem.

Lectio v.

CHRISTUM diligens, et gregem illius útique diligit : et Móysen tum primum super pópulum Judæórum pósuit, quando, qua esset in illum benevoléntia, re ipsa jam declaráverat. David quoque simili modo regno inaugurátus est, posteáquam apparúerat quam amico esset in pópulum afféctu : ita quippe júvenis adhuc pópuli cáusa dóluit ac zelávit, ut et animam suam expóneret, cum videlicet bárbarum illum e médio tollébat. Quod vero dicébat : Quid dábitur ei qui alienígenam hunc interfécrit? non ideo dicébat quod mercédem exigeret, sed quo sibi crederétur, et in pugnam cum illo committerétur : nam cum adépta jam victória, ad regem esset ingrédus, nihil de mercéde méminit.

℟. Pósui adjutórium. 61*.

Lectio vj.

ET Sámuel quoque benígnus erat, et amátor pópuli : unde et dicébat : Absit áutem hoc a me peccátum, ut cessem pro vobis oráre Dóminum. Ita et Páulus : imo non ita, sed multo plus ómnibus ardébat erga súbditos. Unde et discípulos ita erga se animávit, ut diceret : Si possibile fuisset, óculos vestros eruissétis, mihique dedissétis. Et Christus óptimi pastóris régulam próferens, dixit : Bonus pastor animam suam ponit pro óvibus. Sunt enim sanctórum animæ veheménter mites, et hóminum amántes non solum erga domésticos, sed aliénos, ita ut hanc suam mansuetúdinem étiam ad animántia bruta exténdant. Proptérea et sápiens quispiam dixit : Justus miserétur animárum jumentórum suórum : si jumentórum, multo magis hóminum.

℟. Iste est qui. 62*.

IN III. NOCTURNO

Homil. in Evang. Homo pègre. de Comm. 1º loco. 64*.

Lect. ix. S. Blasii. 512, et de eo fit Commem. in Laud.

DIE VI

SANCTÆ HYACINTHÆ

DE MARISCOTTIS VIRG.

Duplex.

Omnia ut inter Festa pro aliquibus locis. 328*.

DIE IX
SANCTI ZOSIMI

PAPÆ ET CONF.

Duplex.

Omnia de Comm. Conf.
Pont. 55*, præter seq. (m.
t. v.)

Orat. Da quæsumus. 56*.

Commem. S. Joannis de
Matha Conf. 525; deinde Fer.
in Quadrag.; postea sanctæ
Apolloniæ. 525.

IN I. NOCTURNO

Lect. de Script. occur.

In Quadrag. Fidélis sermo.
de Comm. 58*.

IN II. NOCTURNO

Lectio iv.

ZÓSIMUS Græcus Abrahámi filius post sanctum Innocéntium Románæ Ecclesiæ episcopátum suscepit. Is Africanórum conciliórum decretis advérsus pelagiánam hæresim senténtiæ suæ robur adnéxuit, et ad impiórum excídium gládio Petri dexteris ómnium armávit antistitum; iis namque ab ipso probátis, per totum mundum hæresis pelagiána damnáta est. Damnávit et Pelágium ipsum una cum Cælestio, datis hac de re litteris ad univérsam Ecclesiám.

¶. Invéni David. 61*.

Lectio v.

ECCLESIASTICÆ disciplinæ tenacissimus fuit, complúribus ad eam ubique sive servándam, sive restituéndam, destinátis grávibus

epístolis. Definiit, juxta probátum Ecclesiæ morem, ut si quis ab infántia ecclesiásticis ministériis nomen dedisset, inter lectóres usque ad vigésimum ætátis annum, continuáta observatióne duráret. Si vero major jam et grandævus post baptismum, sive inter lectóres, sive inter exorcistas, quinquénio tenerétur, et inde acólythus, vel subdiáconus, quátuor annis, et sic ad diaconátum (si mererétur) accéderet, in quo órdine quinque annis hærére debéret, et inde, suffragántibus votis, sacerdotium promeréri posset.

¶. Pósuí adjutórium. 61*.

Lectio vj.

SANCIVIT ut diáconi lævas linóstimis pallis tégerent, potestatemque fecit ut per paróchias paschális cæreus benedicerétur. Cavít præterea ne clérigo póculum propinarétur in público, præterquam in fidélium cellis, et máxime clericórum. Qui cum sanctíssime rexisset Ecclesiám annum unum, menses quátuor, dies septem, quievit in pace, sepultusque est juxta corpus sancti Lauréntii Mártiris, via Tiburtina, séptimo Kaléndas Januárii, Honório et Theodósio junióre imperántibus. Una ordinatióne, mense Decémbri, creávit presbýteros decem, diáconos tres, episcopos per diversa loca octo.

¶. Iste est qui. 62*.

IN III. NOCTURNO

Homil. in Evang. Homo pèregre. de Comm. 1^o loco. 64.*

Lectio ix. S. Apolloniæ. 526, cum Commem. in Laud.

In Quadrag. Lect. ix. de Homil. Fer.

DIE XI

SANCTI ANTHERI

PAPÆ ET MARTYRIS

Duplex.

Omnia de Communi unius Mart. 24, præter seq.*

Orat. Infirmi-tatem. 24.*

Commem. sanctæ Scholasticæ Virg. 530; deinde Fer. in Quadrag.

IN I. NOCTURNO

Lect. de Script. occur.

In Quadrag. A Miléto. de Comm. 26.*

IN II. NOCTURNO

Lectio iv.

ANTHÉRUS, natione Græcus, patre Rómulo, post sanctum Pontiánum Romæ ordinátus est episcopus. Is gesta Mártyrum diligénter a notáriis conquisívit, ac in Ecclésia recóndidit. Propter eam cáusam a Máximo præféc-to martýrio coronátus est, tertio Nonas Januárii, sepultúsque in cœmetério Cal-listi, via Appia, Maximino príncipe. Unica ordinatióne mense Decémbri ordinávit episcopum Fundánæ civitá-tis in Campánia. Sedit in pontificátu mensem unum, dies duódecim.

R. Honéstum. 29.*

Sermo sancti Augustini
Episcopi.

Serm. 138. De Verbis Domini.

Lectio v.

PASTOR bonus Christus. Quid Petrus? nonne bonus pastor? nonne et ipse ánimam suam pro óvibus pósuit? Quid Páulus? Quid cæteri Apóstoli? Quid eórum témpora consequéntes beáti episcopi Mártyres? Quid étiam iste sanctus Anthérus? Nonne omnes pastóres boni, non mercenárii, de quibus dicitur: Amen dico vobis, per-cepérunt mercédem suam? Omnes ergo illi pastóres boni, non solum quia sán-guinem fudérunt, sed quia pro óvibus fudérunt. Non enim fudérunt elatióne, sed caritáte.

R. Desidérium ánimæ. 30.*

Lectio vj.

NAM et apud hæréticos, qui propter iniquitátes et er-róres suos áliquid molestiá-rum perpéssi fuérunt, nó-mine martýrii se jactant: ut hoc pállio dealbáti facilius furéntur, quia lupi sunt. Si áutem vultis scire in quo número habéndi sunt, pa-stórem bonum Páulum Apó-stolum audite: quóniam non omnes, qui córpora sua in passióne étiam ignibus tra-dunt, æstimándi sunt sán-guinem fudisse pro óvibus, sed pótius contra oves. Si distribúero, inquit, ómnia mea paupéribus, et tradi-

dero corpus meum, ut ardeam : Jam ipsi sunt : sed vide quid séquitur : Caritatem autem non hábeam, nihil mihi prodest. Ecce venit ad passionem, ecce venit et ad sanguinis effusionem, venit et ad corporum incensionem; et tamen nihil prodest, quia caritas deest. Adde caritatem, prosunt omnia : détrahe caritatem, nihil prosunt cætera.

℞ Stola jucunditátis. 30*.

IN III. NOCTURNO

Homil. in Evang. Si quis venit. de Communi 1^o loco. 32*.

In Quadrag. Lect. ix. de Homil., et Commem. Feriæ. Vesp. a Capit. de seq.

DIE XII

SANCTI TELESPHORI

PAPÆ ET MARTYRIS

Duplex.

Omnia de Communi unius Mart. 24*, præter seq.

Orat. Deus, qui nos. 24*.

Et fit Commem. S. Antheri, deinde Feriæ in Quadrag.

IN I. NOCTURNO

Lect. de Script. occur.

In Quadrag. A Miléto. de Comm. 26*.

IN II. NOCTURNO

Lectio iv

TELÉSPHORUS, natióne Græcus, pátria Thuriensis in magna Græcia, ex presbýtero Románæ Ecclesiæ (cujus dignum ministrum égerat) Póntifex Má-

ximus créatus est. Hoc supréum munus ita óbiit, ut exímus Petri succéssor lectus esse viderétur. In ejus cáthedra sedit sub imperatóre Antoníno Pio, fervente persecutiónis æstu. Qui tamen non óbstitit, ne sédulam óperam regéndæ Christi Ecclesiæ sollicitus navárit.

℞. Honéstum. 29*.

Lectio v.

HINC novis decretis multa illum egrégie sancivisse légimus, quæ ad fidélium mores, ecclesiasticórum libertátem, et sacros ritus áttinent : scilicet quadragesimále jejúnium, jam olim ab Apóstolis tráditum, novo edicto restaurásse; ac mandásse ut in Natáli Dómini sanctum Missæ sacrificium ter celebrarétur, média nocte, illucescente auróra, hora demum tértia post solis ortum; et constituísse ut sacræ Liturgiæ hymnus angélicus, Glória in excélsis Deo, adderétur.

℞. Desidérium. 30*.

Lectio vj.

EDIXÍSSE quoque ne sacerdotés a pópulo argueréntur, ut sublimis órdis dignitáti consúleret. Ordinatióne quadrúplici, mense Decémbrí, creávit presbýteros duódecim, diáconos octo, episcopos trédecim per divérsa loca. Cum autem in propagánda fide ardentissimus esset, ac proinde

idolórum sacerdotibus inví-
sus, captus tandem cápitís
abscissióne martýrium con-
summávit Nonis Januárii, et
ejus corpus in Vaticáno se-
púltum est.

℞. Stola jucunditátis. 30*.

IN III. NOCTURNO

Homil. in Evang. Si quis
vult post me venire. **de**
Comm. 2º loco. 37*.

In Quadrag. Lect. ix. de
Homil., et Commem. Feriæ.
Vesp. a Capit. de seq.

DIE XIII

SANCTI GREGORII II.

PAPE ET CONFESSORIS

Duplex.

Omnia de Communi Conf.
Pont. 55*, præter seq.

Orat. Da quæsumus omni-
potens Deus. 56*.

Et sit Commem. S. Tele-
sphori, deinde Fer. in Qua-
drag.

IN I. NOCTURNO

Lect. de Script. occur.

In Quadrag. Fidélis sermo.
de Comm. 58*.

IN II. NOCTURNO

Lectio iv.

GREGÓRIUS hujus nóminis
secúndus, natióne Ro-
mánus, patre Marcéllo, anno
Christi septingentésimo dé-
cimo quarto, mirábili totius
cleri et pópuli concórdia, ad
suprémum Ecclesiæ cathó-
licæ pontificátum evéctus
est. Hic a pueritia divíno cúl-
tui addictus in Lateranénsi
patriarchio, sub beáti Sér-
gii óculis et disciplina vixe-

rat, subdiáconi primum,
tum sacellárii múnere fun-
ctus. Mox bibliothécæ cura
illi crédita, ad diaconátus
tandem órđinem promótus,
in régiam urbem, una cum
sanctissimo Papa Constan-
tino proféctus est. Ibi ab
imperátore de nonnúlhis ca-
pítibus interrogátus, cum sa-
crárum litterárum peritissi-
mus esset, et constantissimus
rerum ecclesiasticárum de-
fénsor, óptima et cathólica
responsióne principi satis-
fécit.

℞. Invéni David. 61*.

Lectio v.

URBIS mcénia contra Lon-
gobardórum excursiões
áliqua ex parte reparávit.
Aliquot basilícas témporum
injúria collápsas restituit.
Urbána monastéria fere de-
sérta, et mónachos in prísti-
nam formam et disciplinam
redégit. Imo post mortem
Honéstæ matris, patérnam
domum in ecclésiám et mo-
nastérium commutávit, quod
multis prædiis instrúctum
reliquit. Corbiniánum et Bo-
nifácium, viros apostólico
spíritu plenos, in Germániam
misit, ad prædicándum gen-
tilibus Christi Evangélíum,
eósque sacris episcopátus
ínfulis decorávit, postquam
innúmeram paganórum mul-
títúdinem ab iis ad Christi
fidem convérsam fuisse ac-
cepisset. Ut omnes óptimi
pastóris partes impléret,
óptimis légibus ecclesiásti-

cam disciplinam et Christianorum mores instruxit. Geminam synodum Romæ habuit, alteram adversus illicita conjugia, alteram adversus Iconoclastas.

℞. Pósui adjutórium. 61*.

Lectio vj

LEONEM Isaurum, sacrarum imaginum destructorem, variis epistolis ab illa hæresi removère, omnique illum officiorum genere sibi demereri studevit; cum tamen hic ad sceleris cumulum, optimum Pontificem neci tradere ferro sexies, semel auro et munèribus corrumpere, quamvis frustra, tentasset. Luitprando, cum exarcho ad excidium Urbis properanti, sanctissimus Pontifex, Dei fretus præsidio, ad prata Nerónis occurrir, et piis munitis regis animum ita molivit, ut non jam hostis, sed pius adorator ensem et coronam Principi Apostolorum obtulerit. Cum autem imperator destructionem machinaretur, eundem diro anathemate perculit, et inito cum Francis fœdere, ab impio molimine deterruit. Rebus demum præclare gestis, quibus maximis quibusque prædecessorum suorum æquiparatur, pie obiit in Domino, sexto pontificatus anno, et in basilica Vaticana conditus est.

℞. Iste est qui. 62*.

IN III. NOCTURNO

Homil. in Evang. Homo

pègre. de Comm. 1^o loco 64*.

In Quadrag. Lect. ix. de Homil., et Commem. Fer. in Laud.

Vesp. a Capit. de seq.

DIE XIV

SANCTI AGATHONIS I.

PAPÆ ET CONFESSORIS

Duplex.

Omnia de Communi Conf.
Pont. 55*, præter seq. (m. t. v.)

Orat. Da quæsumus. 56*.

Et fit Commem. S. Gregorii, Orat. Exaudi.; deinde Feriæ in Quadrag., postea S. Valentini Mart. 533.

IN I. NOCTURNO

Lect. de Script. occur.

In Quadrag. Fidelis. 58*.

IN II. NOCTURNO

Lectio iv.

AGATHO, natione Siculus, ex doctissimo ac sanctissimo monacho Romanus Pontifex creatus est, anno Christi sexcentesimo septuagesimo octavo. Vir summa humanitate, eximio animi candore, singulari morum suavitate et comitate præditus, cunctorum amans, cunctis amabilissimus. Ita demum a natura et gratia comparatus, ut ad supremam illam dignitatem gerendam natus seu factus esse videretur.

℞. Inveni David. 61*.

Lectio v.

ACCÉPTIS a Constantino Pogonato litteris ad Donum

prædecessórem scriptis, pro convocádo concilio œcumenico, ad diutúrnum schisma tolléndum, quo laborábat Ecclésia, et definiédas fidei contróversias, quæ toto fere Oriénte máximas tempestátes atque ruínas excitárant, provinciáles sýnodos in Occidénte habéri curávit, in quibus Monothelitárum cáusa discuterétur, et damnaréntur erróres.

℞. Pósuí adjutórium. 61*.

Lectio vj.

HIS præmissis, Legátos suos, et concilii Románi, misit Constantinópolim cum binis litteris ad imperatórem, in quibus prædicta hæresi docte, fuse ac sólíde refutáta, damnátisque primáriis illíus sectatóribus, Sérgio scilicet, Cyro, Páulo, Pyrrho, Petro et áliis, antecessóres suos ab omni erróris labe immúnes hucusque fuisse expréssis verbis declarávit. Agathónis ígitur auctoritáte sexta sýnodus universális congregáta est, in qua iidem erróres iidémque errántes damnáti fuérunt. Demum cum tres annos et quinque circiter menses sedisset, pie obiit in Dómino, et in basilica principis Apostolorum sepultúræ mandátus est.

℞. Iste est qui. 62*.

IN III. NOCTURNO

Homil. in Evang. Homo péregre. de Comm. 1º loco. 64*.

In Quadrag. Lect. ix. de Homil., et Commem. Fer. ad Laud., deinde S. Valentini. 533.

Vesp. a Capit. de seq.

DIE XV

SANCTÆ MARTINÆ

VIRGINIS ET MARTYRIS

Duplex.

In Brev., xxx. Januarii. 499.

Et fit Commem. S. Agathonis, deinde Fer. in Quadrag., postea SS. Mart. Faustini et Jovitæ. 533.

Lect. ix. SS. Faustini et Jovitæ. 534, cum Commem. in Laud.

In Quadrag. Lect. ix. de Homil. Fer.

Vesp. a Capit. de seq.

DIE XVI

BEATI GREGORII X.

PAPÆ ET CONF.

Duplex.

Omnia de Comm. Conf. Pont. 55*, præter seq.

Oratio.

DEUS, qui Ecclésiám tuám beáti Gregórii Confessoris atque Pontificis religiónis zelo et apostólicis curis amplificásti : ejus méritis et intercessióne concéde ; ut fidei et sanctitátis nova semper incrementa suscipiat. Per Dóminum.

Commem. sanctæ Martinæ. 502, deinde Feriæ in Quadragesima.

IN I. NOCTURNO

Lect. de Script. occur.

In Quadrag. Laudémus viros. de Comm. 2^o loco. 67*.

IN II. NOCTURNO

Lectio iv.

GREGÓRIUS décimus, Theáldus seu Theobáldus ántea nuncupátus, Placéntiæ ad Æmiliæ fines nóbili vicecómitum génere natus est. Adoléscens ecclesiásticæ militiæ adscriptus, singulári nituit honestáte morum vitæque mundítia, nulla umquam, ut créditur, criminis contagióne pollúta. In Gálliam cum Jacóbo cardináli Pecorário Gregórii noni Legáto proféctus, archidiáconus Leodiénsis renunciátus est. Eo in Itáliam redeúnte, theologiæ Parisiis óperam dedit, ac magístri munus adéptus, verbo et exémplo fidéles ac principes ad Terræ sanctæ recuperatiónem veheménter accéndit. In Sýriam deinde peregrinátus, dum ibi sacram expeditiόnem urgéret, a cardinálibus, Vitérbii Pontíficis electiόnem in annum fere tértium protrahéntibus, in Petri sedem evéctus est, anno millésimo ducentésimo septuagésimo primo.

℞. Invéni David. 61*.

Lectio v.

ACCÉPTO Ptolemáide electiόnis decréto, in Itáliam navigávit, ac Vitérbium se cóntulit, deinde Romam, ubi anno insequénte solémniter inaugurátus est. Ab ipso pontificátus exórdio ad

generális concilii celebratiόnem curas et cogitatiόnes omnes adjécit. Eo Lugdúnum Galliárum indicto, Michaélem Palæólogum, Græcórú imperatórem, tum álios christiános principes, et græcæ latinæque Ecclésiæ præsules lítteris amantíssimis invitávit, accersitis étiam eximiis doctrina et sanctitáte viris, uti sancto Thoma Aquináte in ipso itinere vita functo, sancto Bonaventúra, sancto Philippo Benítio, beáto Albérto Magno, Petro de Tarantásia, órdis Prædicatórum, qui eidem in pontificátu succésit. Igitur œcuménicam sýnodum Patrum número ómníū frequentíssimam, cui præfuit Póntifex ipse, Græcis, ejuráto schismate, ad Ecclésiæ unitátem recéptis, decrétis pro sacra expeditiόne subsidiis, editisque plúribus sanctíssimis légibus, triméstri spátio feliciter celebrávit.

℞. Pósuí adjutórium. 61*.

Lectio vj.

DE pace in Ecclésiá firmánda cum primis sollicitus, prælatórum dissidia, regum inimicitias, provinciárum ódia, populórum factiόnes compósuit, dirémit, exstinxit. Ecclésiæ jura, étiam advérsus reges et principes, sevère ac fórtiter vindicávit, nullam esse prædicans solidiόrem regnórum basim, quam tutélam ecclesiásticæ

libertátis. Páuperum aman-
tissimus, primus ómnium in
apostólico palátio piárum in
illos largitiónum præsidem
constituit, iisque própriis
mánibus pedes quotidie ab-
luébat. In Itáliam a concilio
redux, dum profectiódinem in
Palæstinam meditátur, plú-
raque ália christiánæ reipú-
blicæ bono molirétur, Arétii
in Etrúria morte intercéptus
est, quarto ab electiódine sua
anno, mense quarto, die
décima. Fuit vir ánimi plane
invicti et apostólici, terre-
nórum contéptu, cultus
divini stúdio, fidei zelo, di-
sciplinæ et morum restaura-
tiódine, rerum gerendárum
prudéntia, fortitúidine, ma-
gnanimitáte, aliisque virtú-
tibus prorsus exímius. Mirá-
culis post mortem claruísse
ecclésiæ Aretinæ monumén-
ta testántur.

¶ Iste est qui. 62*.

IN III. NOCTURNO

Homil. in Evang. Homo
péregre. **de Comm. 1^o loco.**
64*.

In Quadrag. Lect. ix. de
Homil. et Commem. Fer.
Vesp. a Capit. de seq.

DIE XVII

SANCTI HYGINI

PAPÆ ET MARTYRIS

Duplex.

Omnia de Comm. unius
Mart. 24*, præter seq.

Orat. Infirmitátem. 24*.

Et fit Commem. B. Grego-
rii, deinde Fer. in Quadrag.

IN I. NOCTURNO

Lect. de Script. occur.

In Quadrag. A Miléto. de
Comm. 26*.

IN II. NOCTURNO

Lectio iv.

HYGÍNUS Atheniénsis, phi-
lósopho patre, cum jam
Románæ Ecclésiæ præsbyter
esset, cleri suffrágiis, Telé-
sphoro sufféctus est. Sedit
in sancta Petri sede, impe-
ratóre Antonino Pio Augústo,
annos tres, menses úndecim,
dies viginti octo. Ubi pri-
mum Póntifex renunciátus
est, clericórum órdenes in
suos gradus distinxit, ac
fecit, ut in iis ecclésiis,
quas Títulos vocant, tum
primárii ministri, tum álii
eisdem subjécti adéssent,
qui fidélibus, cum res postu-
laret, sacra ministrárent.

¶ Honéstum. 29*.

Lectio v.

INSTÍTUIT étiam ne absque
celebratiódine Missæ tem-
pla vel oratória sacro ritu
consecraréntur : ne incon-
súlto episcopo, vel nova
construeréntur, vel jam con-
strúcta destrueréntur, et ne
matéries ad sacrum illum
usum congésta et destináta,
in profános usus conver-
terétur. Edixit prætérea, ut
patrini baptismo adéssent,
qui de sacro fonte infántes
levárent : ne quis episcopus
reus criminis damnarétur,
nisi a comprovinciálibus
episcopis ejus cáusa probe
discússa fuisset. Cuncta hæc

ejus título ac nómine sancita exstant. Tres ordinationes hábuit mense Decémbri, in quibus creávit episcopos sex, presbýteros quíndecim, diáconos quinque.

R. Desidérium. 30*.

Lectio vj.

CUM áutem páulo ante Justinus clarissimus philósophus et Christi Martyr scripsisset apologiam pro religiône christiána ad imperatórem Antonínium Pium Augústum, obtinuit ut persecútio desæviret. Hinc a Christianórum cæde, non quidem omnino, plúrimum tamen, público principis edicto temperátum est. Sanctíssimo tamen pastóri, cuius cura domínico gregi consúltum fúerat, párcitum non fuit; nempe hic glorióso martýrio, ne antecessóribus dissimilis esset, innocentissimam vitam terminávit, die undécima Januárii, et sepúltus est in Vaticáno.

R. Stola jucunditátis induit. 30*.

IN III. NOCTURNO

Homil. in Evang. Si quis venit. **de Communi 1º loco.** 32*.

In Quadrag. Lect. ix. de Homilia, et Commem. Feriæ.

In II. Vesp. fit Commem. seq., deinde Fer. in Quadrag., postea S. Simeonis Episc. et Mart., Orat. Deus, qui nos. 24*, hoc loco tantum.

DIE XVIII

S. RAYMUNDI DE PENNAFORT

CONFESSORIS

Semiduplex.

In Brev., xliij. Jan. 481.

Lect. ix. S. Simeonis. 534, cum Commem. in Laud. Orat. Infirmítatem. 24*.

In Quadrag. Lect. ix. de Homil. Fer.

DIE XIX

S. TITI EPISC. ET CONF.

Duplex.

In Breviar., vj. Febr. 519.

DIE XX

S. CYRILLI ALEXANDRINI

EPISCOPI, CONFESSORIS

ET ECCLESIE DOCTORIS

Duplex. (m. t. v.)

Ut in Brev., die ix. Febr. 525.

DIE XXV

(Vel XXVI. in anno bissextili.)

SANCTI FELICIS III.

PAPE ET CONFESSORIS

Duplex.

Omnia de Comm. Conf. Pont. 55*, præter seq.

Oratio.

DA, quæsumus omnipotens Deus : ut beáti Felicis Confessoris tui atque Pontificis veneránda solémnitas, et devotiónem nobis áugeat, et salútem. Per Dñm.

IN I. NOCTURNO

Lect. de Script. occur.

In Quadragesima, Fidélis sermo. de Comm. 58*.

IN II. NOCTURNO

Lectio iv.

FELIX tértius, pátria Románus, natus ex nobilissima domo Anicia, et divi Gregórii Magni átavus, post Simplícium Papam ad summi pontificátus ápicem est evéctus. Hic mira ánimi constántia, tamétsi Roma sub Hérulisariánis propémódum captiva viderétur, aliique Patriárchæ conciliatiónem Zenónis imperatóris approbássent, solus illi non comunicávit. Ejúsdem de fide edictum promulgántis, audáciam fórtiter représsit, Petrum Fullónem patriarchátu Antiochéno dejécit. Acácium Constantinopolítanum episcopum Romam venire coégit, ut contra eum objéctis in apostólicæ Sedis iudicio responderet, ac in eúmdem senténtia excommunicatiónis animadvértit.

R. Invéni David. 61*.

Lectio v.

CONSTÍTUIT, ut ecclésiæ nonnisi ab episcopis consecraréntur; semel baptizátos iterum rebaptizári sub grávibus pœnis prohibuit. Basilicam sancti Agapiti constrúxit. Anno ejus pontificátus tértio, sanctus Bárnabas Apóstolus, cum sancti Matthæi Evangélio, in Cypro Anthémio episcopo Salaminæ appáruit; sicque prævia trina revelatióne, corpus sancti Bárnabæ cum Evangélio supradicto est invén-

tum. Duas fecit ordinatiónes mense Decémbri, quibus creávit Romæ presbýteros viginti novem, diáconos quinque, episcopos per diversa loca triginta. Quinto Kaléndas Mártii e terris excedens, ad Súperos evolávit.

R. Pósui adjutórium. 61*.

Sermo sancti Gregórii Papæ.

Ex Homil. 38. in Evang.

Lectio vj.

QUIA nonnúnquam mentes audiéntium plus exémpia fidélium quam docéntium verba convértunt, volo vobis áliquíd de próximo dicere, quod corda vestra tanto formidolósius áudiant, quanto eis hoc de propinquo sonat. Neque enim res longe ante gestas dicimus; sed eas de quibus testes exsistunt, eisque interfuisse se réferrunt, memorámus. Tres pater meus soróres hábuit, quæ cunctæ tres sacræ virgines fuérunt; quarum una Tarsilla, ália Gordiána, ália Æmiliána dicebátur. Quadam vero nocte huic Tarsillæ (quæ inter soróres suas, virtúte continuæ oratiónis, afflictiónis stúdio, abstinéntiæ singuláris, gravitáte vitæ venerábilis, in honóre et cúlmine sanctitátis excreverat), sicut ipsa narrávit, per visiónem átavus meus Felix hujus Románæ Ecclésiæ antistes appáruit, eique mansiónem perpétuæ claritátis osténdit, dicens: Veni, quia

in hac te lucis mansiōe
suscipio. Quæ subsequēti
mox febre corrēpta, ad diem
pervēnit extrēmum : et sicut
nobilibus fēminis virisque
moriētibz multi convē-
niunt, qui eōrum próximos
consolēntur, eādem hora
ejus ēxitus multi viri ac
fēminæ ejus lēctulum cir-
cumstetērunt, inter quas
mater mea quoque ādfuit ;
cum sursum illa respiciens
Jesum veniētem vidit, et
cum magna animadversióe
cōepit circumstāntibus cla-
māre, dicens : Recēdite,
recēdite, Jesus venit. Cum-
que in eum intēderet quem
vidēbat, sancta illa ānima a
carne solūta est : tantāque
sūbito fragrāntia miri odō-

ris aspērsa est, ut ipsa quo-
que suāvitās cunctis ostēn-
deret illuc auctōrem suavi-
tātis venisse.

ñ. Iste est qui. 62*.

IN III. NOCTURNO

Homil. in Evang. Homo
péregre. de Comm. 1^o loco.
64*.

In Quadrag. Lect. ix. de
Homil., et Commem. Fer.

In Vesp. Commem. san-
ctæ Margaritæ Cortonensis,
et Feriæ in Quadrag.

DIE XXVI

(In bissextili XXVII)

S. MARGARITÆ CORTONENSIS

POENITENTIS

Semiduplex.

Omnia ut inter festa pro
aliqubus locis. 341*.

FESTA MARTII

DIE II

SANCTI SIMPLICII

PAPÆ ET CONFESSORIS

Duplex.

Omnia de Comm. Conf.
Pont. 55*, præter seq.

Orat. Da quæsumus. 56*.

Commem. Fer. in Qua-
drag.

IN I. NOCTURNO

Lect. de Script. occur.

In Quadrag. Fidélis sermo.
de Comm. 58*.

IN II. NOCTURNO

Lectio iv.

SIMPLICIUS, Tiburtinus,
patre Castório, próximo
post sanctum Hilarum Ro-

mānæ Ecclesiæ principātum
suscepit, ac difficillimis tem-
pōribz (cum magna ex
parte christiāni orbis cathó-
lica fides, ob cunctos fere
principes hāresi infēctos,
nutāret) summa vigilāntia
gubernāvit. Leōni imperatōri
petēti, ut rata haberēntur
concēssa ab episcopis sýno-
di Chalcedonēnsis ecclesiæ
Constantinopolitānæ privi-
légia, vehemēntius réstitit,
misso etiā eam ob cāusam
Constantinópolis suo legā-
to. Eādem pastorāli sollici-
tūdine plūrimum laborāvit,
ut Timótheus Ælúrus Ale-

xandrinæ ecclésiæ invásor, qui Constantinópoli libere degens, adnitebátur quam máxime propagáre hâresim, novúmque Zenónis imperatoris ópera cogi concílium, pellerétur in exsílum, sicque integritáti suæ Alexandrina redderétur ecclésiá. Reliquórum item perduéllium pro nova sýnodo indicénda conátibus fórtiter óbstittit, ásserens nova concília non fáciie convocánda, nisi cum áliquíd in pravis sénsibus novum, aut in assertióne dógmatum emersisset ambíguum.

℞. Invéni David. 61*.

Lectio v.

DAMNÁVIT iterum Petrum Moggum, álterum Alexandrinæ sedis invasórem, curavítque, ut ex urbe pellerétur, ne áliquos módicæ fidei inficeret, et ad perversitátis suæ factiónem pertráheret. Timótheo Solofaciolo, legítimo ejúsdem ecclésiæ antistiti, juxta prístinum institútum, per suos legátos erroris sui condonatióne expeténti, idcirco quod timóre pertérritus Dióscorum ad altáre nominásset, véniam impértiit. Antiochéni episcopi electiónem, ad seditiões vitándas Constantinópoli in concílii Nicæni præjudiciū peráctam, ea lege ratam hábuit, ut deinceps, secúndum Patrum definitiões, Orientáli comprovinciálum episco-

pórum sýnodo creatio Antiochéni pontíficis reservaretur. Oblatiões ecclésiæ ita partiéndas esse præcépít, ut una dumtáxat pórtio episcopo, una itidem clero, duæ vero in ecclésiæ fábricam et peregrinos ac páuperes erogarentur. Zenónem episcopum Hispalénsem vicária Sedis apostólicæ auctoritáte fulcivit, ne apostólicæ institutiónis decreta et sanctórum términos Patrum in Hispániis transcéndi permetteret.

℞. Pósui adjutórium. 61*.

Lectio vj.

STÁTUIT in Urbe hebdómadas, ut, propter baptismum et pœniténtiam peténtes, presbýteri quidem de regiõe prima apud sanctum Páulum, de tértia apud sanctum Lauréntium, et de séptima apud sanctum Petrum manérent. Dedicávit basilicas sancti Stéphaní in Cóelio monte, sancti Andréæ Apóstoli juxta sanctam Mariám, item áliam sancti Stéphaní juxta sanctum Lauréntium, ac postrémo sanctæ Bibiánæ Mártiris áliam intra Urbem juxta palátium Liciniánum; itémque vasa complúra tum argénteá, tum áurea Romænæ cóntulit Ecclésiæ. Demum Zenóne imperátore, et Odoácre Itáliæ rege, migrávit ad Dóminum. Hábit ordinatiões tres mense Decémври, quibus creávit presbýteros quinquaginta octo,

diáconos undecim, episcopos per diversa loca triginta sex. Sacerdótium administrávit annos quíndecim, menses quinque, et dies decem.

R. Iste est qui. 62*.

IN III. NOCTURNO

Homil. in Evang. Homo pèregre. **de Comm. 1º loco.** 64*.

In Quadrag. Lect. ix. de Homil., et Commem. Fer.

DIE IV

SANCTI LUCII I.

PAPÆ ET MARTYRIS

Omnia de Comm. unius Mart. 24*, præter seq.

Oratio Deus, qui nos. 24*.

Commem. Fer. in Quadrag.

IN I. NOCTURNO

Lect. de Script. occur.

In Quadrag. A Miléto. de Comm. 26*.

IN II. NOCTURNO

Lectio iv.

LÚCIUS Románus, patre Porphyrio, post sancti Cornélii consummationem, Románæ Ecclesiæ episcopátum tenuit. Sanxit, ut duo presbyteri ac tres diáconi, ecclesiástici cáusa testimonii, quovis loco episcopum non desérerent. Pacem lapsis dandam, et, pœniténtia acta, communicatiónis fructum negándum non esse, Spiritu Dei plenus (ut sanctus Cypriánus scripsit), litteris suis significávit. Ob Christi fidem exsilio relegá-

tus, et póstmodum ad Ecclesiám suam incólumis redire permissus, tandem omni Ecclesiæ facultáte archidiácono suo Stéphano prius trá-dita, cápite truncátus est quarto Nonas Mártii, Gallo et Volusiáno principibus. Duas hábuit ordinatiónes mense Decémbri, quibus presbyteros quátuor, episcopos per diversa loca septem creávit. Ejus corpus primo via Appia ad sanctum Xystum, in cœmetério Cal-listi sepúltum, inde a Pascháli Papa in sanctæ Cæciliæ titulum, una cum ejúdem virginis et sociórum corpóribus translátum, ibi sub sancto altári collocátum fuit.

R. Honéstum. 29*.

De Epístola sancti Cypriáni Episcopi et Mátyris, et Collegárum ejus, ad sanctum Lúcium Papam et Mátyrem.

Lectio v.

NUPER quidem tibi, Frater carissime, gratuláti sumus, cum te honóre gemináto in Ecclesiæ suæ administratióne Confessórem páriter et Sacerdótem constituit divína dignátió. Sed et nunc non minus tibi et comitibus tuis, atque univérsæ fraternitáti gratulámur, quod cum eádem glória, et láudibus vestris, redúces vos denuo ad suos fécerit benigna Dómini et larga protéctio; ut pascéndo gregi pa-

stor, et gubernándæ navi gubernátor, et plebi regéndæ rector redderétur : et appareret relegatióem vestram sic divínitus esse dispósitam, non ut episcopus relegátus et pulsus Ecclésiæ deéssset, sed ut ad Ecclésiám major rediret. Neque enim in tribus púeris minor fuit martýrii dignitas, quia, morte frustráta, de camíno ignis incólumes exiérunt; aut non consummátus Dániel éxstitit in suis láudibus, quia, qui leónibus missus fúerat ad prædam, protéctus a Dómino vixit ad glóriam. In Confessoribus Christi diláta martýria non mérita confessiόνis minuunt, sed magnália divínæ protectiόνis osténdunt.

℟. Desidérium. 30*.

Lectio vj.

REPRÆSENTÁTUM vidémus in vobis, quod apud regem fortes atque illústres púeri prædicavérunt, ipsos quidem parátos esse ardere flammis, ne diis ejus servírent, aut imáginem quam fécerat adorárent; Deum tamen, quem colébant, quemque et nos cólimus, poténtem esse, ut eos de camíno ignis eximeret, et de regis mánibus ac de pœnis præsentibus liberáret; quod invenimus in confessiόνis

vestræ fide, et in Dómini circa vos protectiône nunc gestum; ut cum vos paráti fuéritis et prompti omne subire supplicium, Dóminus tamen vos pœnæ subtráheret, et Ecclésiæ reserváret. Regrediéntibus vobis, breviáta non est in episcopo confessiόνis suæ dignitas, sed magis crevit sacerdotális auctóritas, ut altári Dei assistat antistes, qui ad confessiόνis arma suménda, et faciénda martýria, non verbis plebem, sed factis cohortétur, et, imminente antichrísto, paret ad prælium milites, non solum sermónis et vocis incitamentó, sed fidei et virtútis exémplo.

℟. Stola jucunditátis. 30*.

IN III. NOCTURNO

Homil. in Evang. Si quis vult post me venire. de Comm. 2º loco. 37*.

In Quadrag. Lect. ix. de Homil., et Commem. Feriæ ad Laud.

In II. Vesp. Commem. seq., deinde Fer. in Quadrag.

DIE V

SANCTI CASIMIRI

CONFESSORIS

Semiduplex. (m. t. v.)

Omnia ut in Brev., die iv. 543, ommissa Commemoratione S. Lucii.

DOMINICA III. POST EPIPHANIAM

SANCTÆ FAMILIÆ JESU, MARIÆ, JOSEPH

Duplex majus.

IN I. VESPERIS

Ant. 1. Jacob áutem génuít Joseph virum Mariæ, de qua natus est Jesus, qui vocátur Christus.

Pss. ut in Festis B. M. V.

2. Angelus Dómini apáruiť in somnis Joseph, dicens : Joseph fili David, noli timére accipere Mariám cónjugem tuam : quod enim in ea natum est, de Spiritu sancto est.

3. Pastóres venérunt festinántes, et invenérunt Mariám, et Joseph, et infántem pósitum in præsépio.

4. Magi intrántes domum invenérunt púerum cum Mariá matre ejus.

5. Erat pater ejus et mater mirántes super his, quæ dicebántur de illo.

Capitulum. Luc. 2.

DESCÉNDIT Jesus cum Mariá et Joseph, et venit Názareth, et erat súbditus illis.

Hymnus.

OLUX beáta cælitum
Et summa spes mortá-
lantium,

Jesu, o cui doméstica
Arrisit orto caritas :

Mariá, dives grátia,
O sola quæ casto potes
Fovére Jesum pectore,
Cum lacte donans óscula :

Tuque ex vetústis pá-
tribus

Delécte custos Vírginis,
Dulci patris quem nómi-
ne

Divína proles invocat :

De stirpe Jesse nóbili
Nati in salutem géntium,
Audite nos qui súpplices
Vestras ad aras sistimus.

Dum sol redux ad vé-
sperum

Rebus nitórem détrahit,
Nos hic manéntes intimo
Ex corde vota fúndimus.

Qua vestra sedes fló-
ruit

Virtútis omnis grátia,
Hanc detur in domésticis
Reférre posse móribus.

Jesu tibi sit glória,
Qui natus es de Virgine,
Cum Patre et almo Spí-
ritu

In sempitérna sæcula.

Amen.

Ÿ. Verbum caro factum
est, allelúia. R̃. Et habi-
távit in nobis, allelúia.

Ad Magnif. Ant. Beáti

qui hábitant in domo tua
Dómine : in sæcula sæ-
culórum laudábunt te.

Oratio.

DÓMINE Jesu Christe ,
qui Mariæ et Joseph
súbditus, domésticam vi-
tam ineffabilibus virtúti-
bus consecrásti : fac nos,
utriúsque auxilio, Fami-
liæ sanctæ tuæ exémp-
lis instrui; et consórtium
cónsequi sempitérnum :
Qui vivis.

Commém. Dom.

AD MATUTINUM

Invitat. Christum Dei
Fílium, Mariæ et Joseph
súbditum, * Veníte ad-
orémus.

Hymnus.

SACRA jam splendent de-
coráta lychnis
Templa, jam sertis red-
imitur ara,
Et pio fumant redolént-
que acérræ
Thuris honóre.

Num juvet Summo Gé-
niti Parénte
Régios ortus celebráre
cantu?

Num domus David, dé-
cora et vetústæ

Nómina gentis?

Grátius nobis memo-
ráre parvum

Názaráe tectum, tenuém-
que cultum,

Grátius Jesu tácitam re-
férre

Cármine vitam.

Nili ab extrémis pere-
grinus oris,
Angeli ductu, própere re-
mígrat

Multa perpéssus Puer, et
patérno

Límene sospes,

Arte, qua Joseph, hú-
mili excoléndus

Abdito Jesus juvenéscit
ævo,

Seque fabrílis sócium la-
bóris

Adjicit ultro.

Irriget sudor mea mem-
bra, dixit,

Antequam sparso má-
deant cruóre :

Hæc quoque humano gé-
neri expiándo

Pœna luátur.

Assidet Nato pia Mater
almo,

Assidet Sponso bona nu-
pta; felix

Si potest curas releváre
fessis

Múnere amico.

O, neque expértés ópe-
ræ et labóris,

Nec mali ignári, miseros
juváte,

Quos reluctántes per acú-
ta rerum

Urget egéstas :

Démite his fastus, qui-
bus ampla splendet

Fáustitas, mentem date
rebus æquam :

Quotquot implórant có-
lumen, bénigno

Cérnite vultu.

Sit tibi, Jesu, decus
atque virtus,
Sancta qui vitæ docu-
ménta præbes,
Quique cum summo Ge-
nitóre et almo
Flámine regnas. Amen.

IN I. NOCTURNO

Ant. Cum inducerent
púerum Jesum paréntes
ejus: accépit eum Símeon
in ulnas suas, et bene-
dixit Deum.

Ps. Dómine Dóminus
noster. *ut in Festis B.*
M. V.

Ant. Ut perfecérunt
ómnia secúndum legem
Dómini, revérsi sunt in
Galilæam in civitatem
suam Náza-reth.

Ant. Puer áutem crescé-
bat et confortabá-tur ple-
nus sapiéntia, et grátia
Dei erat in illo.

Ÿ. Propter nos egénus
factus est cum esset di-
ves. **R̃.** Ut illius inópia
nos divites essémus.

De Epístola beáti Páuli
Apóstoli ad Colossénses.

Lectio j. Cap. 3.

INDUITE vos ergo sicut
elécti Dei, sancti et
dilécti, viscera miseri-
córdiæ, benignitatem, hu-
militatem, modéstiam,
patiéntiam: supportá-
ntes invicem, et doná-
ntes vobismetípsis, si quis ad-
vérsus áliquem habet
querélam: sicut et Dómi-

nus donávit vobis, ita et
vos. Super ómnia áutem
hæc, caritatem habéte,
quod est vinculum perfe-
ctiónis: et pax Christi
exsúltet in córdibus ve-
stris, in qua et vocáti
estis in uno córpore: et
grati estóte. Verbum Chri-
sti hábitet in vobis abun-
dánter, in omni sapién-
tia, docéntes et commo-
néntes vosmetípsos psal-
mis, hymnis et cánticis
spirituálibus, in grátia
cantántes in córdibus ve-
stris Deo.

R̃. In terris visus est,
* Et cum homínibus con-
versátus est. **Ṽ.** Hic ad-
invénit omnem viam dis-
ciplinæ, et trádedit illam
Jacob púero suo. Et.

Lectio ij.

OMNE quodcúmque fá-
citis in verbo aut in
ópere, ómnia in nómine
Dómini Jesu Christi, grá-
tias ágéntes Deo et Patri
per ipsum. Mulíeres, súb-
ditæ estóte viris, sicut
opórtet, in Dómino. Viri,
diligite uxóres vestras,
et nolite amári esse ad
illas. Filii, obedíte pa-
réntibus per ómnia: hoc
enim plácitum est in Dó-
mino. Patres, nolite ad
indignatió-nem provocáre
filios vestros, ut non pu-
sillo ánimo fiant.

R̃. Beáti qui hábitant

In domo tua Dómine.

Ÿ. In sæcula sæculórum laudábunt te. In domo.

Lectio iij.

SERVI, obedite per ómnia dóminis carnálibus, non ad óculum serviéntes, quasi homínibus placéntes; sed in simplicitáte cordis, timéntes Deum. Quodcúmque fácitis, ex ánimo operámini, sicut Dómino, et non homínibus: sciéntes quod a Dómino accipiétis retributiónem hereditátis, Dómino Christo servite. Qui enim injúriam facit, recipiet id quod iníque gessit: et non est personárum accéptio apud Deum. Dómini, quod justum est et æquum, servis præstáte: sciéntes quod et vos Dóminum habétis in cælo. Oratióni instáte, vigilántes in ea in gratiárum actiône.

R. Débuit per ómnia frátribus assimilári: * Ut miséricors fieret. Ÿ. Cum esset Filius Dei, didicit ex iis quæ passus est, obediéntiam. Ut. Glória Patri. Ut.

IN II. NOCTURNO

Ant. Consúrgens Joseph accépit púerum et matrem ejus nocte, et secéssit in Ægýptum.

Ant. Angelus Dómini appáruit in somnis Joseph

in Ægýpto, dicens: Surge et áccipe púerum et matrem ejus, et vade in terram Israël.

Ant. Et véniens habitávit Náza-reth, ut adimplerétur quod dictum est per Prophétas: quóniam Nazaræus vocábitur.

Ÿ. Docébit nos Dóminus vias suas. R. Et ambulá-bimus in sémitis suis. De Sermóne sancti Ambrósii Episcopi.

Exp. in Pss. 36. et 61.

Lectio iv.

SÚBDITUS esto Dómino, et óbsecra eum. Christus faciéndó voluntátem Patris, legem implévit. Et ideo finis est legis et plenitúdo est caritátis; quia diligens Patrem, afféctum omnem ejus adhíbuit voluntáti. Dénique pro pietáte erat, non pro infirmitáte Joseph et Mariæ paréntibus súbditus. Suscépit itaque compassió-nem nostram, suscepit et subjectionem. Quod enim subjécit sibi ómnia, suum est: quod subjéctus est, nostrum est. Anima, inquit, súbdita, non divínitas, ánima subjécta, non Dei virtus. Per ipsam ergo obediéntia, per ipsam humilitas: quæ tamen non ad infirmitátem poténtiæ suscep-ta sunt, sed ad magistérium disciplinæ.

R. Ego áutem mendicus sum et páuper; * Dóminus sollicitus est mei.

V. Labóres mánuum tuárum quia manducábis, beátus es, et bene tibi erit. Dóminus.

Lectio v.

QUASI homo ergo ex his, quæ passus est, didicit obediéntiam, ut consummarétur in carne et per obediéntiæ transfúsam in nos successiónem cáusa fieret nobis salútis ætérnæ, quibus ante per inobediéntiæ hereditátem primus ille Adam cáusa factus est mortis. Subjéctio ergo magistérium virtútis humánæ, non divínæ imminútió potestátis est. Nam si illum minórem Filium et inæquálem Patri dicunt, quia erat súbditus Patri Deo; numquid et matre ídeo minor, quia súbditus erat matri? Lectum est enim de Joseph et María : Et erat súbditus illis. Sed pietas ómnibus nobis non dispéndio, sed incremento est; per quam ómnibus nobis Dóminus Jesus fidem infúdit et grátiam, ut nos spíritu fidéli súbditos Patri fáciat Deo.

R. Vulpes fóveas habent, et vólucres cæli nidos, * Fílius áutem hóminis non habet ubi ca-

put reclinet. **V.** Páuper sum ego, et in labóribus a juventúte mea. Fílius.

Lectio vj. Ibid. in Ps. 65.

DÉNIQUE, si considerémus, in paradiso defécit humilitas, et ideo venit de cælo. In paradiso orta est inobediéntia, et ideo obediéntia cum Salvatóre descéndit. Inflabátur caro, unde subjéctio mansuetúdinis inveniri non póterat in terris. Véniens Dóminus Jesus primum se exinanívit, non rapínam arbitrátus esse se æquálem Deo, formam servi sibi accípiens, et spécie invéntus ut homo, humiliávit semetípsum factus obédiens usque ad mortem. Dicat ergo : Júvenis sum et despéctus : quia Christus in páupere atque despécto mundum redémit, quia Christus humilitáte diabolum vicit.

R. Cum in forma Dei esset, semetípsum exinanívit, * Formam servi accípiens. **V.** Humiliávit semetípsum, factus obédiens usque ad mortem. Formam. Glória Patri. Formam.

IN III. NOCTURNO

Ant. Ibant paréntes Jesu per omnes annos in Jerúsalem in die solémni Paschæ.

Ant. Cum redirent, remansit puer Jesus in Jerúsalem, et non cognoverunt parentes ejus.

Ant. Non inveniētes Jesum, regressi sunt in Jerúsalem, requirentes eum.

Ÿ. Páuper sum ego et in labóribus a juventúte mea. **R.** Exaltátus áutem humiliátus sum, et conturbátus.

Lectio sancti Evangelii
secúndum Lucam.

Lectio vij. Cap. 2.

CUM factus esset Jesus annórum duódecim, ascendéntibus illis Jerosólymam secúndum consuetúdinem diéi festi, consummatisque diébus, cum redirent, remansit puer Jesus in Jerúsalem, et non cognoverunt parentes ejus. Et reliqua.

Homilia sancti Bernárdi
Abbátis.

Hom. 1. supra Missus est.

ET erat súbditus illis. Quis? quibus? Deus hominibus? Deus, inquam, cui Angeli súbditi sunt, cui Principátus et Potestátes obédiunt, súbditus erat Mariæ, nec tantum Mariæ, sed étiam Joseph propter Mariam. Miráre ergo utrúmlibet, et élige quid ámplius mireris, sive Filii benignis-

simam dignatiónem, sive paréntum excellentissimam dignitátem. Utrínque stupor, utrínque miráculum: et quod Deus hómini obtémperet, humilitas absque exémplo: et quod Deo homo principétur, sublimitas sine sócio. In láudibus vírginum singuláriter cánitur quod sequúntur Agnum quocúmque ierit. Quibus ergo láudibus júdicas dignum, qui étiam præit?

R. Vere tu es Rex absconditus * Deus Israël Salvátor. **Ÿ.** Tu doces hóminem sciéntiam. Deus.

Lectio viij.

DISCE homo obedire; disce terra subdi: disce pulvis obtemperare. De auctóre tuo loquens Evangelista. Et erat, inquit, súbditus illis: haud dúbium quin Mariæ et Joseph. Erubésce, supérbe cinis! Deus se humiliat, et tu te exáltas? Deus se hominibus subdit, et tu, dominári géstiens hominibus, tuo te præpónis auctóri? Quóties enim hominibus præesse desidero, tóties Deum præire conténdo: et tunc vere non sápio ea quæ Dei sunt. De ipso namque dictum est: Et erat súbditus illis. Si hóminis, o homo, imitári dedignáris

exemplum, certe non erit tibi indignum sequi auctorem tuum. Si non potes forsitan sequi eum quocumque ierit, dignare vel sequi quo tibi condescendit.

R. Sicut per inobedientiam unius hominis peccatores constituti sunt multi : * Ita et per unius obediionem iusti constituuntur multi. **V.** Venit Nazareth, et erat subditus illis. Ita. Glória Patri. Ita.

Lectio ix. de Homil. Dom. ; si vero transferatur, erit

Lectio ix.

Si non potes sublimem incédere sémitam virginitatis, séquere vel Deum per tutissimam viam humilitatis : a cuius rectitudine si qui étiam virgines deviáverint, ut verum fátear, nec ipsi sequuntur Agnum quocumque ierit. Séquitur quidem Agnum coinquinátus húmilis, séquitur et virgo supérbus, sed néuter quocumque ierit ; quia nec ille ascendere potest ad munditiam Agni, quia sine mácula est : nec is ad ejúsdeim mansuetúdinem descendere dignátur, quia scilicet non coram tondente, sed coram occidente se obmútuit. Attamen salubriorem elégit sequéndi

partem in humilitate peccator, quam in virginitate supérbus : cum et illius immunditiam sua húmilis satisfactio purget, et hujus pudicitiam supérbia inquinet.

Te Deum laudamus.

AD LAUDES

ET PER HORAS

Ant. 1. Post triduum * invenérunt Jesum in templo sedéntem in médio doctórum, audiéntem illos, et interrogántem eos.

Ps. Dóminus regnávít. **cum reliq. de Dom.**

2. Dixit mater Jesu ad illum : * Fili quid fecisti nobis sic ? Ecce pater tuus et ego doléntes quærebamus te.

3. Descéndit Jesus cum eis, * et venit Nazareth, et erat subditus illis.

4. Et Jesus proficiébat * sapiéntia et ætate et grátia apud Deum et homines.

5. Et dicébant : * Unde huic sapiéntia hæc, et virtútes ? Nonne hic est fabri filius ?

Capitulum. Luc. 2.

DESCÉNDIT Jesus cum María et Joseph, et venit Nazareth, et erat subditus illis.

Hymnus.

O GENTE felix hópita
Augústa sedes Náza-
ræ,

Quæ fovit alma Ecclésiæ
Et protulit primórdia.

Sol, qui pererrat áureo
Terras jacéntes lúmíne,
Nil grátius per sâcula
Hac vidit æde, aut sán-
ctius.

Ad hanc frequéntes cón-
volant
Cæléstis áulæ núntii,
Virtútis hoc sacrárium
Visunt, revisunt, éxco-
lunt.

Qua mente Jesus, qua
manu,
Optáta patris pèrficit!
Quo Virgo gestit gáudio
Matérna obíre múnera!

Adest amóris párticeps
Curæque Joseph cónjugi,
Quos mille jungit nêxibus
Virtútis áuctor grátia.

Hi diligéntes invicem
In Jesu amórem cón-
fluunt,
Utríque Jesus mútuæ
Dat caritátis præmia.

Sic fiat, ut nos cáritas
Jungat perénni fœdere,
Pacémque alens domésti-
cam

Amára vitæ témparet!
Jesu tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sâcula.
Amen.

Ÿ. Ponam univérsoz fi-
lios tuos doctos a Dómi-
no. R̃. Et multitudinem
paciis filiis tuis.

Ad Bened. Ant. Illumi-
nâre nos Dómine exem-
plis familiæ tuæ, et dirige
pedes nostros in viam
paciis.

Oratio.

DÓMINE Jesu Christe,
qui Mariæ et Joseph
súbditus, domésticam vi-
tam ineffabilibus virtúti-
bus consecrásti : fac nos,
utriusque auxilio, Famí-
liæ sanctæ tuæ exémplis
instrui; et consórtium
cónsequi sempitérnum :
Qui vivis.

**Et fit Commem. Dom.
occur.**

AD PRIMAM

In R̃. br. Ÿ. Qui natus
es de Maria Vírgine.

AD TERTIAM

**Capit. Descéndit Jesus.
ut supra.**

R̃. br. Propter nos egé-
nus factus est, * Cum es-
set dives. Propter. Ÿ. Ut
illius inópia nos dívites
essémus. Cum esset. Gló-
ria Patri. Propter.

Ÿ. Docébit nos Dómi-
nus vias suas. R̃. Et am-
bulábimus in sémitis ejus.

AD SEXTAM

Capitulum. Rom. 5.

SICUT per inobedién-
tiam unius hóminis
peccatóres constitúti sunt
multi, ita et per unius
obediónem justí consti-
tuéntur multi.

R̃. Docébit nos Dómi-

nus * Vias suas. Docébit.
 Ÿ. Et ambulábimus in sé-
 mitis ejus. Vias suas. Gló-
 ria Patri. Docébit.

Ÿ. Páuper sum ego et
 in labóribus a juventúte
 mea. R. Exaltátus áutem
 humiliátus sum, et con-
 turbátus.

AD NONAM

Capitulum. Philipp. 2.

SEMETÍPSUM exinanívit,
 formam servi acci-
 piens, in similitúdinem
 hóminum factus, et há-
 bitu invéntus ut homo.

R. br. Páuper sum ego
 et in labóribus * A juven-
 túte mea. Páuper. Ÿ. Exal-

tátus áutem, humiliátus
 sum et conturbátus. A ju-
 ventúte. Glória. Páuper.

Ÿ. Ponam univérsos
 filios tuos doctos a Dó-
 mino. R. Et multitudínem
 pacis filiis tuis.

IN II. VESPERIS

Ant. et Capit. de Laud.
 Pss. et Hymn. ut in I.
 Vesp.

Ÿ. Ponam univérsos fi-
 lios tuos doctos a Dómi-
 no. R. Et multitudínem
 pacis filiis tuis.

Ad Magnif. Ant. María
 áutem conservábat ómnia
 verba hæc cónferens in
 corde suo.

Concordat cum originali.

Turonibus, die 2 septembris 1893.

† GUILLELMUS RENATUS CARD. MEIGNAN
 ARCHIEPISC. TURON.

DIE VI. FEBRUARII

SANCTI ODILONIS

ABBATIS

Duplex.

De Comm. Conf. non Pont., præter seq. (m. t. v.)

Oratio.

DEUS, qui beátum Odilónem Abbátem egrégiae pietátis et præclaráe caritátis virtútibus cumulásti: præsta; ut ejus méritis et précibus, consuétæ misericórdiæ tuæ effectus ássequi mereámur. Per Dóminum.

In I. Nocturno.

Lect. de Script. occurrente.

In II. Nocturno.

Lectio iv.

Ex Opusculis S. Petri Damiani Episcopi.



ODILO, in Arvérvnia oriúndus, ex equéstri órdine genus duxit.

Apud sanctum mártirem Juliánum factus est cléricus; deínde beáti Mayóli se magistério trádidit, et in Cluniacénsi monastério hábitum sanctæ religiónis accépit. Ubi dum quiétus ac simplex humíliter in sancta con-

versatióne persisteret, vix evolútis quátuor annis, beátus Mayólus obdormívit in Dómino. Sed ántequam humanitátis débítum sólveret, beátum Odilónem sibímet in pastorális officii cura substituit, suúmque super Dóminici gregis custódiám vicárium derelíquit. In quem prótinus ómnium fratrum vota concúrrunt, omnes se ad obediéntiam ipsi unánimi devotióne substérnunt. In commíssi regíminis sollicitúdine constitútus, plúrimis sanctæ religiónis cœpit florére virtútibus. Nimírum ut psalmódiae stúdiis vigilánte insisteret, dura corpus inédia maceráret, atque a sacris altáribus non recédens, quotidíannum fere omnipoténti Deo sacrificium láudis offerret. Inter quas piæ devotiónis excúbias, ubéribus plerúmque lacrymárum compunctiόνibus affluébat.

R̃. Honéstum fecit.

meam, sed voluntátem ejus qui misit me. Ipsa est ergo cáusa quare non ejicias eum foras qui venit ad te; quia non voluntátem tuam fácere descendísti de cælo, sed voluntátem ejus qui te misit? Ipsa. Quid quærimus utrum ipsa sit? Ipsa est, ipse lóquitur. Non enim fas est áliud opinári, quam lóquitur: qui vénerit ad me, non ejiciam foras.

R̃. Sint lumbi vestri.

Lectio ix.

(Nisi occurrat **Simplex** habens **Lectionem propriam**.)

TÍMEO ne foras propterea exierit ánima a Deo quia supérba erat; imo non dúbito. Ut ergo cáusa ómnium morborum curarétur, id est supérbia, descéndit, et húmilis factus est Fílius Dei. Quid supérbis, ho-

mo? Fílius Dei propter te húmilis factus est. Præcípitur tibi ut sis húmilis; non tibi præcípitur ut ex hómine fias pecus; ille Deus, factus est homo; tu, homo, cognósce quia es homo. Tota humilitas tua est, ut cognóscas te. Ergo quia humilitátem docet Deus, dixit: Non veni fácere voluntátem meam, sed ejus voluntátem qui misit me. Hæc enim commendátio humilitátis est. Humilitas facit voluntátem Dei. Húmilis veni, humilitátem docére veni, magíster humilitátis veni. Qui ad me venit, incorporátur mihi: qui ad me venit, húmilis fit: qui mihi adhæret, húmilis erit: quia non facit voluntátem suam, sed Dei: et ideo non ejiciétur foras.

Te Deum laudámus.

Concordat cum originali.

Turonibus, die 15 Januarii 1900.

† RENATUS FRANCISCUS **ARCHIEPISC. TURON.**

DIE XVII. FEBRUARII

BEATI FRANCISCI CLET

MARTYRIS

Duplex majus.

**Omnia de Comm. unius
Mart., præter seq.**

Oratio.

DEUS, qui beátum Franciscum post diuturnos pro salutē animarum labóres, martýrii glória decorásti : concéde propítius ; ut ejus intercessióne et exémplo tibi fidéliter serviéntes ætéRNA præmia consequámur. Per Dóminum.

**In Quadrag. Commem.
Fer.**

In I. Nocturno.

Lect. de Script. occur.

In II. Nocturno.

Lectio iv.



FRANCISCUS, Gratianópolis piis honestisque paréntibus natus, vitæ innocéntia ac pietáte in Deum jam a púero enítuit. Viginti annos natus Congregatióni Missiõnis Lugdúni nomen dedit, in qua póstea sacerdotio áuctus et Annécium ad sacram theologiám tradéndam missus, tanta in eo múnere doctrinæ atque eruditiónis láude præsti-

tit, ut Bibliothécæ vivéntis nómine appellaretur. Inde post annos quíndecim, Lutétia addíctus tirónibus in domo príncipe sancti Lázari formándis, in luctuosíssima incidit témpora cum per Gálliam ac máxime Parísiiis turbátum est. Perduéllibus domum vastántibus, dispersisque per vim sodálibus, mire elúxit Francísci prudéntia et constántia. Qui cum ob pessimórum impérium afflictámque religiósam rem vix apud suos posset sacerdotália múnera obíre, éxteras expeditiões cogitare cœpit, et a suis moderatóribus impensissime pétiiit ut ad Sinas mitterétur.

R̃. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætéRNA. **Ṽ.** Descendítque cum illo in fóveam, et in v́nculis non dereliquit eum. Et dedit illi.

Lectio v.

CONTRA hóminum voluntátem voti compos factus, triginta ferme annos in traducéndis éthnicis ad cathólica sacra constantíssime adlaborávit, primum in Kiangsiénsi regiónē, mox in Hupénsi et Honanénsi provinciis Missiónis superior factus, caritatē Vincéntium patrem æmulátus est. Nullis parcens labóribus totus erat in inviséndis et confirmándis fidélibus, verbo Dei prædicándo, púeris christiáno dógmate erudiéndis, itinera semper pedes obíbat. Ethnicórum infántium vicem miserátus, máxime studébat, ut sacro baptísmate in vitæ discrimine tingeréntur. Adstáre ægróti, dissidéntes compónere, superstitiósa abolére, páuperum angústiiis subveníre, illi semper delíciæ. Inter hæc áutem nihil de perfectiónis stúdio intermittébat; paupérrimo amíctu indui, jejúniis, brevi somno, cilíciis, flagris corpus attérere illi erat assíduum. Martýrii porro desidério ádeo æstuábat, ut illud a Deo quotidiána et fervénti prece conténderet.

R. Desidérium ánimæ ejus tribuísti ei Dómine, * Et voluntáte labiórū ejus non fraudásti eum. **V.** Quóniam prævenísti eum in benedictiónibus dulcédinis : posuísti in cápite ejus coronam de lápide pretióso. Et voluntáte.

Lectio vj.

DESIDÉRIUM servi sui exaudívit Dóminus. Orta namque persecutióne, quam ipse prophético spíritu futúram prædixerat, primum ob fidélium utilitátem in móntibus et cavérnis delítuit. At prodénte christiáno hómine a persecutóribus captus judícibus sistitur; et cápite, quod fidem Christi profiteretur, damnátus, in cárcerem trúditur. Ubi per plures menses, aspérima quæque forti ánimo tolerávit; suíque ímmemor, tantum de proximórum salúte erat sollici-tus. Demum ad supplícii locum addúctus, postquam spíritum suum in manus Dómini commendáset, suspéndio necátus est, ætátis anno septuagésimo secúndo, et ad mártyrum láuream evolávit. Eum Leo décimus tértius Póntifex Máximus, sexto Kaléndas Júnii anno

sacri jubilæi millésimo nongentésimo, una cum aliis septuaginta sex Martyribus in Beatorum numerum rétulit.

¶ Stola jucunditátis induit eum.

In III. Nocturno.

Homil. in Evang. Si quis vult. de Communi unius Mart. 2º loco.

In Quadrag. Lect. ix. de Homil. Fer., cujus Commem. in Laud.

CONGREGATIONIS MISSIONIS

AB Apostolica Sede nuperrime Beatorum Cælitum honoribus solemniter decretis ac tributis venerabili Francisco Clet Sacerdoti e Congregatione Missionis, qui pro fide catholica in Sinis Martyr occubuit, Rmus Dnus Augustinus Veneziani Sodalitis Vincentianus ac Pro-Postulator Causæ ipsiusmet beati Martyris, Sanctissimum Dominum Nostrum Leonem Papam XIII. iteratis precibus rogavit, ut Officium seu Lectiones secundi Nocturni atque Orationes in Missa de Communi unius Martyris nec non elogium Martyrologio pro suamet Congregatione inserendum, benigne approbare dignaretur: facta insuper potestate festum B. Francisci Clet die 17 Februarii quotannis recolendi sub ritu duplici majori ab universis Sodalibus Vincentianis et Puellis Caritatis.

Quum vero exhibitum Officium cum Missa atque Elogium ab Emo ac Rmo Dno Cardinali Cajetano Aloisi-Masella Relatore propositum fuerit de more in Ordinariis Sacrorum Rituum Comitibus, subsignata die ad Vaticanum habitis, Emi et Rmi Patres sacris tuendis Ritibus præpositi, omnibus mature perpensis, auditoque R. P. D. Joanne Baptista Lugori S. Fidei Promotore. rescribendum censuerunt: Pro gratia et ad Emum Ponentem cum Promotore Fidei: die 13 Nov. 1900.

Propositi demum Officii, Missæ atque Elogii revisione legitime peracta, hisque omnibus Sanctissimo Domino Nostro Leoni Papæ XIII. per eundem R. P. D. Sanctæ Fidei Promotorem fideliter relatis; Sanctitas Sua, sententiam Sacri ipsius Consilii ratam habuit atque Officium, Missam, ac Elogium, prout huic præjacent Decreto, approbare dignata est; eaque adhibenda concessit in Festo beati Francisci Clet Martyris, sub ritu duplici majori, quotannis enunciata die recolendo ab universa Congregatione Missionis et Puellis a Caritate. Servatis Rubricis. Contrariis non obstantibus quibuscumque.

Die 22. iisdem mense et anno.

(L. † S.)

D. CARD. FERRATA Præf.

† D. PANICI Archiep. Laodicen. Secr.

Concordat cum originali.

Turonibus, die 22 Februarii 1901.

† RENATUS FRANCISCUS
ARCHIEP. TURON.

30663. — TURONIBUS, TYPIS MAME



FERIA III. POST DOMINICAM QUINQUAGES.

IN FESTO

SACRÆ COLUMNÆ FLAGELLATIONIS D. N. J. C.

Duplex majus.

IN I. VESPERIS

Antiphona 1.



QUIS est iste *
qui venit de
Edom, tin-
ctis véslibus
de Bosra?

Ps. Dixit Dóminus. ut
in I. Vesp. de Comuni
Apost., et loco ultimi, Ps.
115. Crédidi.

2. Oblátus est * quia
ipse vóluit, et livóre ejus
sanáti sumus.

3. Quare ergo * rubrum
est induméntum tuum, et
vestiméntum tuum sicut
calcántium in torculári?

4. Humiliátus sum *
nimis, libera me a per-
sequéntibus me, quóniam
confortáti sunt super me.

5. Fui flagellátus * tota
die, et castigátio mea in
matutínis.

Capitulum. Isaïæ 53.

OMNES nos quasi oves
errávimus, unusquis-
que in viam suam decli-

návit : et pósuit Dóminus
in eo iniquitátem ómnium
nostrum.

Hymnus.

SALVE Colúmna nóbi-
lis,
Christi dolórum cónscia :
Queis fracta virtus dáemo-
nis,

Exémpta nobis víncula.

Cruóre Abélis íllita
Tellus ad astra clámi-
tat :

Clamas, Colúmna, ad sí-
dera,

Inúncta Jesu sáanguine.

Sed illa ad iram víndi-
cem

Clamat severi Júdicis ;
Iram foves tu Núminis
Pacémque quæris sónti-
bus.

O perge semper fléctere
Pœnas minántem dexte-
ram :

Quæ sanguis emit præ-
mia

Christi fruámur pérpe-
tim.

Cæso flagéllis glória,
Jesu, tibi sit júgiter,
Cum Patre et almo Spí-
ritu

Nunc et per omne sæcu-
lum.

Amen.

Sic concluduntur Hy-
mni ad omnes Horas.

Ÿ. Corpus meum dedi
percutiéntibus. R. Et ge-
nas meas velléntibus.

Ad Magnif. Ant. Aspér-
sus est sanguis eórum
super vestiménta mea, et
ómnia induménta mea
inquinávi.

Oratio.

DEUS, qui pro salúte
nostra in assúptæ
carnis infirmitáte ad co-
lúmnam alligári, et fla-
gélis cædi voluisti : con-
céde propítius ; ut qui
ejúsdem colúmnæ solé-
mnia celebrámus, pretió-
si ságuinis tui fructum
cónsequi mereámur : Qui
vivis et regnas.

AD MATUTINUM

Invitatorium. Jesum Dei
Fílium flagéllis cæsum *
Veníte adorémus.

Ps. Veníte, exsultémus.

Hymnus.

ADESTE quotquot crími-
num
Funésta labes inficit ;
Jesum revíctum fúnibus
Nudúmque membra cér-
nite.

Loris, caténis, fústibus
Ictu fréquenti túnditur :
Corpúsque livet, mox sa-
cro

Totum madéscit sángu-
ine.

Sed ille, ut agnus ín-
nocens

Cultro necándus, cónticet :
Parcat Patérque ut són-
tibus

Imo precátur pectore.

Sic nempe culpas díluit
Quas gignit ardor impro-
bus :

O vana cessent gáudia,
Cessent faces libídinis.

Cæso flagéllis glória,
Jesu, tibi sit júgiter
Cum Patre et almo Spíritu
Nunc et per omne sæcu-
lum. Amen.

In I. Nocturno.

Ant. Fremuérunt Gen-
tes, et convenérunt in
unum advérsus Dómi-
num, et advérsus Chri-
stum ejus.

Psalmus 2.



UARE fremuérunt
Gentes,* et pópu-
li meditáti sunt
inánia ?

Adstitérunt reges ter-
ræ, et príncipes convené-
runt in unum * advérsus
Dóminum, et advérsus
Christum ejus.

Dirumpámus víncula
eórum : * et projiciámus
a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi Gentes hereditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudímini qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Fremuérunt Gentes, et convenérunt in unum advérsus Dóminum, et advérsus Christum ejus.

Ant. Qui tribulant me exsultábunt si motus fúe-

ro : ego áutem in misericórdia tua sperávi.

Psalmus 12.

USQUEQUO Dómine obli-
viscérís me in finem ? *
Usquequo avértis fáciem
tuam a me ?

Quámdiu ponam consí-
lia in ánima mea, * dolórem
in corde meo per diem ?

Usquequo exaltábitur
inimícus meus super me ?
* réspice, et exáudi me
Dómine Deus meus.

Illúmina óculos meos
ne umquam obdórmiam
in morte : * nequándo
dicat inimícus meus : Præ-
válui advérsus eum.

Qui tribulant me, exsul-
tábunt si motus fúero : *
ego áutem in misericór-
dia tua sperávi.

Exsultábit cor meum
in salutári tuo : cantábo
Dómino qui bona tríbuit
mihi : * et psallam nómi-
ni Dómini altíssimi.

Ant. Qui tribulant me
exsultábunt si motus fúe-
ro : ego áutem in miseri-
córdia tua sperávi.

Ant. Inimíci mei áni-
mam meam circumdedé-
runt, et suscepérunt me
sicut leo parátus ad præ-
dam.

Psalmus 16.

EXÁUDI Dómine justítiam
meam : * inténde de-
precatiónem meam.

Auribus pèrcipe orationem meam, * non in labiis dolosis.

De vultu tuo iudicium meum pròdeat : * òculi tui videant æquitates.

Probasti cor meum, et visitasti nocte : * igne me examinasti, et non est inventa in me iniquitas.

Ut non loquatur os meum ópera hóminum : * propter verba labiorum tuorum ego custodívi vias duras.

Pèrfice gressus meos in sémitis tuis : * ut non moveántur vestigia mea.

Ego clamávi, quóniam exaudisti me Deus : * inclína áurem tuam mihi, et exáudi verba mea.

Mirífica misericórdias tuas, * qui salvos facis sperántes in te.

A resistentibus dexterae tuæ custódi me, * ut pupíllam òculi.

Sub umbra alárum tuarum prótege me : * a fácie impiórum qui me afflíxerunt.

Inimíci mei ánimam meam circumdedérunt, ádipem suum conclusérunt : * os eórum locútum est superbiam.

Projicientes me nunc circumdedérunt me : * òculos suos statuérunt declinare in terram.

Susceperunt me sicut leo parátus ad prædam : * et sicut cátulus leónis hábitans in ábditis.

Exsúrge Dómine, præveni eum, et supplánta eum : * éripe ánimam meam ab ímpio, frámeam tuam ab inimícis manus tuæ.

Dómine a páucis de terra dívide eos in vita eórum : * de absconditis tuis adimplétus est venter eórum.

Saturáti sunt filiis : * et dimiserunt reliquias suas párvulis suis.

Ego autem in justítia apparebo conspéctui tuo : * satiabor cum apparúerit glória tua.

Ant. Inimíci mei ánimam meam circumdedérunt, et suscepérunt me sicut leo parátus ad prædam.

Ÿ. Ego in flagélla parátus sum. **R.** Et dolor meus in conspéctu meo semper.

De Isaíá Prophéta.

Lectio j. Isaíæ 53.



UIS crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti. Non est spécies ei,

neque decor : et vidimus eum et non erat adspéctus, et desiderávimus eum. Despéctum et novíssimum virórum : virum dolórum, et sciéntem infirmitátem, et quasi absconditus vultus ejus, et despéctus, unde nec reputávimus eum. Vere languóres nostros ipse tulit, et dolóres nostros ipse portávit : et nos putávimus eum quasi leprósum et percússum a Deo et humiliátum. Ipse áutem vulnerátus est propter iniquitates nostras, attrítus est propter scélera nostra : disciplina pacis nostræ super eum, et livóre ejus sanáti sumus.

R. Super omnes inimicos meos factus sum opprobrium, et vicinis meis valde, et timor notis meis :
* Et ossa mea conturbáta sunt. **V.** Factus sum tamquam vas pérditum, quóniam audívi vituperatió-nem multórum commorántium in circúitu. Et ossa mea.

Lectio ij.

OMNES nos quasi oves errávimus : unusquisque in viam suam declinávit : et pósuit Dóminus in eo iniquitátem ómnium nostrum. Oblátus est quia ipse vóluit, et non apé-

ruit os suum. Sicut ovis ad occisió-nem ducétur, et quasi agnus coram tondénte se obmutéscet, et non apériet os suum. De angústia et de judicio sublátus est : generatió-nem ejus quis enarrábit ? Quia abscíssus est de terra vivéntium : propter scelus pópuli mei percússi eum : et dabit ímpios pro sepultúra, et dívitem pro morte sua : eo quod iniquitátem non fécerit, neque dolus fúerit in ore ejus.

R. Effúdit super eum Dóminus indignatió-nem furóris sui, et forte bellum :
* Non pósuit ei misericórdiam, et aggravávit super eum jugum suum valde. **V.** Quis dedit in direptiό-nem Jacob, et Israél ? Nonne Deus cui peccávimus ? Non pósuit.

Lectio iij.

ET Dóminus vóluit conterere eum in infirmitáte : si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit á-nima ejus vidébit et saturábitur : in sciéntia sua justificábit ipse justus servus meos multos, et iniquitates eórum ipse portábit :

ideo dispértiam ei plúrimos, et fórtium dívidet spólia; pro eo quod trádidit in mortem ánimam suam, et cum scelerátis reputátus est : et ipse peccáta multórum tulit, et pro transgressóribus rogávit.

R. In conspéctu tuo sunt omnes qui tribulant me, impropérium expectávit cor meum et misériam. * Quóniam ego sum páuper et dolens. **V.** Quem tu percussisti persecúti sunt, et super dolórem vúlnerum meórum addidérunt. Quóniam ego. **Glória Patri.** Quóniam ego.

In II. Nocturno.

Ant. Sustínui qui simul contristarétur et non fuit, et qui consolarétur et non invéni.

Psalmus 68.



SALVUM me fac Deus : * quóniam intravérunt aquæ usque ad ánimam meam.

Infixus sum in limo profúndi : * et non est substántia.

Veni in altitúdinem maris : * et tempésta demérsit me.

Laborávi clamans, ráucæ factæ sunt fáuces meæ : * defecérunt óculi

mei, dum spero in Deum meum.

Multiplicáti sunt super capillos cápitis mei, * qui odérunt me gratis.

Confortáti sunt qui persecúti sunt me inimíci mei injúste : * quæ non rápui, tunc exsolvébam.

Deus tu scis insipiéntiam meam : * et delícta mea a te non sunt abscondita.

Non erubéscant in me qui expéctant te Dómine, * Dómine virtútum.

Non confundántur super me * qui quærunte te, Deus Israël.

Quóniam propter te sustínui oppróbrium : * opérui confúsio fáciem meam.

Extráneus factus sum frátribus meis, * et peregrínus filiis matris meæ.

Quóniam zelus domus tuæ comédit me : * et oppróbria exprobrántium tibi, cecidérunt super me.

Et opérui in jejúnio ánimam meam : * et factum est in oppróbrium mihi.

Et pósui vestiméntum meum cilícium ; * et factus sum illis in parábolam.

Advérsum me loquebántur, qui sedébant in

porta : * et in me psallébant qui bibébant vinum.

Ego vero oratióem meam ad te Dómine : * tempus benepláciti Deus.

In multitúdine misericórdiæ tuæ exáudi me : * in veritatē salútis tuæ :

Eripe me de luto, ut non infigar : * libera me ab iis, qui odérunt me, et de profúndis aquárum.

Non me demérgat tempésta aquæ, neque absórbeat me profúndum : * neque úrgeat super me púteus os suum.

Exáudi me Dómine, quóniam benígna est misericórdia tua : * secúndum multitúdinem miserationum tuárum respice in me.

Et ne avértas faciē tuam a púero tuo : * quóniam tribulor, velóciter exáudi me.

Intēde animæ meæ, et libera eam : * propter inimicos meos eripe me.

Tu scis impropérium meum, et confusióem meam, * et reveréntiam meam.

In conspéctu tuo sunt omnes, qui tribulant me, * impropérium exspectávit cor meum, et misériam.

Et sustinui qui simul contristarétur, et non fuit :

* et qui consolarétur, et non invéni.

Et dedérunt in escam meam fel : * et in siti mea potavérunt me acéto.

Fiat mensa eórum coram ipsis in láqueum, * et in retributiónes, et in scándalum.

Obscuréntur óculi eórum ne vídeant : * et dorsum eórum semper incúrva.

Effúnde super eos iram tuam : * et furor iræ tuæ comprehéndat eos.

Fiat habitatio eórum desérta : * et in tabernaculis eórum non sit qui inhábitet.

Quóniam quem tu percussisti, persecúti sunt : * et super dolórem vúlnerum meórum addidérunt.

Appóne iniquitatem super iniquitatem eórum : * et non intrent in justítiam tuam.

Deleántur de libro vivéntium : * et cum justis non scribántur.

Ego sum páuper et dolens : * salus tua Deus suscepit me.

Laudábo nomen Dei cum cántico : * et magnificábo eum in láude :

Et placébit Deo super vítulum novéllum : * cornua producéntem et úngulas.

Videant páuperes et læténtur : * quárite Deum, et vivet ánima vestra.

Quóniam exaudívit páuperes Dóminus : * et victos suos non despéxit.

Láudent illum cæli et terra, * mare, et ómnia reptília in eis.

Quóniam Deus salvam fáciat Sion : * et ædificabúntur civitátes Juda.

Et inhabitábunt ibi, * et hereditáte acquirént eam.

Et semen servórum ejus possidébit eam, * et qui díligunt nomen ejus, habitábunt in ea.

Ant. Sustínui qui simul contristarétur et non fuit, et qui consolarétur et non invéni.

Ant. Fui flagellátus tota die, et castigátio mea in matutínis.

Psalmus 72.

QUAM bonus Israél Deus * his, qui recto sunt corde!

Mei áutem pene moti sunt pedes : * pene effúsi sunt gressus mei.

Quia zelávi super iníquos, * pacem peccatórum videns.

Quia non est respéctus mortí eórum : * et firmaméntum in plaga eórum.

In labóre hóminum non

sunt, * et cum homínibus non flagellabúntur :

Ideo ténuít eos supérbia, * opérti sunt iniquitáte et impietáte sua.

Pródiit quasi ex ádipe iníquitas eórum : * transiérunt in afféctum cordis.

Cogitavérunt, et locúti sunt nequítiam : * iniquitátem in excélso locúti sunt.

Posuérunt in cælum os suum : * et lingua eórum transívit in terra.

Ideo convertétur pópulus meus hic : * et dies pleni inveniéntur in eis.

Et dixerunt : Quómodo scit Deus, * et si est sciéntia in excélso?

Ecce ipsi peccatóres, et abundátes in sáculo, * obtinuérunt divítias.

Et dixi : Ergo sine cáusa justificávi cor meum, * et lavi inter innocétes manus meas :

Et fui flagellátus tota die, * et castigátio mea in matutínis.

Si dicébam : Narrábo sic : * ecce natióem filiórum tuórum reprobávi.

Existimábam ut cognóscerem hoc, * labor est ante me :

Donec intrem in Sanctuárium Dei : * et intél ligam in novíssimis eórum.

Verúmtamen propter
dolos posuísti eis : * de-
císti eos dum allevarén-
tur.

Quómodo facti sunt in
desolatióne, súbito de-
fecérunt : * periérunt pro-
pter iniquitátem suam.

Velut sómniū surgén-
tium Dómine, * in civitá-
te tua imáginem ipsórum
ad níhilum rédiges.

Quia inflammátum est
cor meum, et renes mei
commutáti sunt : * et ego
ad níhilum redáctus sum,
et nescívi.

Ut juméntum factus sum
apud te : * et ego semper
tecum.

Tenuísti manum dexte-
ram meam : et in volun-
tate tua deduxísti me, *
et cum glória suscepísti
me.

Quid enim mihi est in
cælo ? * et a te quid vólui
super terram ?

Defécit caro mea, et
cor meum : * Deus cordis
mei, et pars mea Deus in
ætérnum.

Quia ecce, qui elóngant
se a te, peribunt : * per-
didísti omnes, qui forni-
cántur abs te.

Mihi áutem adhærere
Deo bonum est : * póne-
re in Dómino Deo spem
meam :

Ut annúntiem omnes

prædicatiónes tuas, * in
portis filiæ Sion.

Ant. Fui flagellátus tota
die, et castigatio mea in
matutínis.

Ant. Super me confir-
mátus est furor tuus, et
omnes fluctus tuos indu-
xísti super me.

Psalmus 87.

DÓMINE Deus salútis
meæ : * in die cla-
mávi, et nocte coram te.

Intret in conspéctu tuo
oratio mea : * inclína
áurem tuam ad precem
meam :

Quia repléta est malis
ánima mea : * et vita mea
inférno appropinquávit.

Æstimátus sum cum
descendéntibus in la-
cum : * factus sum sicut
homo sine adjutório, in-
ter mórtuos liber.

Sicut vulneráti dor-
miéntes in sepúlcris, quo-
rum non es memor ám-
plius : * et ipsi de manu
tua repúlsi sunt.

Posuérunt me in lacu
inferióri : * in tenebrósis,
et in umbra mortis.

Super me confirmátus
est furor tuus : * et omnes
fluctus tuos induxísti su-
per me.

Longe fecísti notos me-
os a me : * posuérunt me
abominatióne sibi.

Tráditus sum, et non

egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditione?

Numquid cognoscéntur in ténebris mirabilia tua : * et justítia tua in terra obliuionis?

Et ego ad te Dómine clamávi : * et mane oratio mea præueniet te.

Ut quid Dómine repélis oratióem meam : * avértis fáciem tuam a me?

Páuper sum ego, et in labóribus a juventúte mea : * exaltátus áutem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum et próximum : * et notos meos a miséria.

Ant. Super me confirmátus est furor tuus, et

omnes fluctus tuos induxisti super me.

V. Ego áutem sum vermis et non homo. **R.** Oppróbrium hóminum et abjéctio plebis.

Sermo sancti Bernárdi Abbátis.

De Passione Domini.

Cap. 40.

Lectio iv.



QUANTA rubricatio rosæ invenitur in crudéli flagellatione mansuetíssimi Agni rósei Jesu. Oh! cum quanta quantitate putas illum sanctissimum sánguinem ex conscisso corpore, et flagellato distilláre in terram. Oh! quanta putas sævitia impiórum freméntium, quanto frémitu sæviéntium flagellátum putas dulcem Jesum; qui vénerat ut nos a flagéllis liberáret ætérnis! Sine cáusa, inquit, flagéllis cæcidérunt me. Vere sine cáusa, nisi forte misérrimi et perversi bona ópera tua pœnis digna judicárent, qui veritátem tuam in mendácio detinuérunt.

R. Dixérunt ímpii : veníte cogitémus contra justum cogitationes, quóniam contrárius est opéribus nostris : promíttit se sciéntiam Dei habére,

Fílium Dei se nóminat, et gloriátur Patrem se habére Deum.*Videámus si sermónes illíus veri sint, et si est vere Fílius Dei, líberet eum de má-nibus nostris. *Ÿ*. Veníte, percutiámus eum, et non attendámus ad univér-sos sermónes ejus. Videámus.

Lectio v.

SED et hic moráliter erudímur, ut flagélla benigníssimi Patris nostri discámus æquanímiter toleráre, qui pessimórum flagélla pro nobis indígnis tam patiénter sustí-nuit dulcis Jesus. Quis enim flagélla non suffér-ret homo in flagélla pará-tus, ad labórem natus, in peccá-tis nutritus, et conversátus, hereditáti cæléstis áulæ destinátus, quæ nónnisi mundos ré-cipit? Cum vídeat Regem ómnium regum et Dómi-num dominántium dul-cem Jesum, qui peccá-tum non fecit, et in cujus ore non est dolus invén-tus, tam grávibus flagel-latió-nibus esse contrí-tum.

R̃. Ecce ego indúcam super te terrórem, ait Dóminus Deus exercítuum ab ómnibus qui sunt in circúitu tuo. * Párvulum dedi te in Géntibus, con-

temptibilem inter hó-mi-nes. *Ÿ*. Pavéscere faciám eum coram inimícis suis, et in conspéctu quærén-tium ánimam ejus, et addúcam super eum ma-lum, viam furóris mei. Párvulum.

Lectio vj.

AUDI, o homo stulte et insípiens, et erudíre, et non solum non réfuge, sed étiam apprehénde di-sciplínam, ne forte quan-dóque péreas de via justa, Dómino tibi irascénte, qui próprio Filio suo non pepércit, sed propter te trádedit flagellándum. Non pepércit filio suo naturáli et consubstantiáli sibi, coætérno et impassíbili, quin pro salúte tua ipsum fáceret nasci in témpore et passibilem, et flagéllis contéreret, sicut scriptum est : Dóminus vóluit eum contérrere in infirmitáte. Et quómodo parcet tibi fí-lío adoptívo, cum sensus tui proni sint in malum? Quia in camo et fræno maxillas tuas constrínget, ut saltem vexátio det tibi intelléctum : quátenus ad ipsum approximáre cogá-ris, qui heic moléste, sa-lúbriter tamen flagéllat omnem fílium, quem ré-cipit.

R̃. Aperuérunt super

me ora sua, et exprobrantes percussérunt maxillam meam. * Satiáti sunt pœnis meis. *V.* Convulnerávit lumbos meos, concidit me vûlnere super vulnus : non pepércit. Satiáti. *Glória Patri.* Satiáti.

In III. Nocturno.

Ant. Supra dorsum meum fabricavérunt peccatóres, quæsiérunt animam meam et non proposuérunt Deum ante conspéctum suum.

Psalmus 29.



EXALTÁBO te Dómine, quóniam suscepisti me : * nec delectásti inimicos meos super me.

Dómine Deus meus clamávi ad te, * et sanásti me.

Dómine eduxísti ab inférno animam meam : * salvásti me a descendéntibus in lacum.

Psállite Dómino sancti ejus : * et confitémini memoríæ sanctitátis ejus.

Quóniam ira in indignatióne ejus : * et vita in voluntáte ejus.

Ad vésperum demorábitur fletus : * et ad matutinum lætítia.

Ego áutem dixi in abundantia mea : * Non movebor in ætérnum.

Dómine in voluntáte

tua, * præstitísti decóri meo virtútem.

Avertísti fáciem tuam a me, * et factus sum conturbátus.

Ad te Dómine clamábo : * et ad Deum meum deprecabor.

Quæ utilitas in sânguine meo, * dum descéndo in corruptiõem ?

Numquid confitébitur tibi pulvis, * aut annuntiábit veritátem tuam ?

Audívit Dóminus, et misértus est mei : * Dóminus factus est adjútor meus.

Convertísti planctum meum in gáudium mihi : * conscidísti saccum meum, et circumdedísti me lætítia :

Ut cantet tibi glória mea, et non compúngar : * Dómine Deus meus in ætérnum confitébor tibi.

Ant. Supra dorsum meum fabricavérunt peccatóres, quæsiérunt animam meam et non proposuérunt Deum ante conspéctum suum.

Ant. Réspice inimicos meos, Dómine, quóniam multiplicáti sunt, et ódio iníquo odérunt me.

Psalmus 24.

AD te Dómine levávi animam meam : * Deus meus in te confido, non erubescam.

Neque irrideant me inimici mei : * etenim universi qui sustinent te, non confundentur.

Confundantur omnes iniqua agentes * supervacue.

Vias tuas Domine demonstra mihi : * et semitas tuas edoce me.

Dirige me in veritate tua, et doce me : * quia tu es Deus salvator meus, et te sustinui tota die.

Reminiscere miserationum tuarum Domine, * et misericordiarum tuarum, quæ a sæculo sunt.

Delicta juventutis meæ, * et ignorantias meas ne memineris.

Secundum misericordiam tuam memento mei tu : * propter bonitatem tuam Domine.

Dulcis et rectus Dominus : * propter hoc legem dabit delinquentibus in via.

Diriget mansuetos in iudicio : * docebit mites vias suas.

Universæ viæ Domini, misericordia et veritas, * requiruntibus testamentum ejus et testimonia ejus.

Propter nomen tuum Domine propitiaberis peccato meo : * multum est enim.

Quis est homo qui timet Dominum ? * legem statuit ei in via, quam elegit.

Anima ejus in bonis demorabitur : * et semen ejus hereditabit terram.

Firmamentum est Dominus timentibus eum : * et testamentum ipsius ut manifestetur illis.

Oculi mei semper ad Dominum : * quoniam ipse evellet de laqueo pedes meos.

Respice in me, et miserere mei : * quia unicus et pauper sum ego.

Tribulationes cordis mei multiplicatæ sunt : * de necessitatibus meis erue me.

Vide humilitatem meam, et laborem meum : * et dimitte universa delicta mea.

Respice inimicos meos, quoniam multiplicati sunt, * et odio iniquo oderunt me.

Custodi animam meam, et erue me : * non erubescam quoniam speravi in te.

Innocentes et recti adhæserunt mihi : * quia sustinui te.

Libera Deus Israël, * ex omnibus tribulationibus suis.

Ant. Réspice inimicos meos, Dómine, quóniam multiplicati sunt, et odio iníquo odérunt me.

Ant. Sagittae tuae infixae sunt mihi, et non est sanitas in carne mea a facie irae tuae, non est pax ósibus meis.

Psalmus 37.

DÓMINE ne in furóre tuo arguas me, * neque in ira tua corripas me.

Quóniam sagittae tuae infixae sunt mihi : * et confirmasti super me manum tuam.

Non est sanitas in carne mea a facie irae tuae : * non est pax ósibus meis a facie peccatórum meórum.

Quóniam iniquitates meae supergréssae sunt caput meum : * et sicut onus grave gravatae sunt super me.

Putruérunt et corruptae sunt cicatrices meae, * a facie insipientiae meae.

Miser factus sum, et curvatus sum usque in finem : * tota die contritatus ingrediebar.

Quóniam lumbi mei impléti sunt illusióibus : * et non est sanitas in carne mea.

Afflictus sum, et humiliatus sum nimis : * ru-

giébam a gémitu cordis mei.

Dómine, ante te omne desidérium meum : * et gémitus meus a te non est absconditus.

Cor meum conturbatum est, dereliquit me virtus mea : * et lumen oculórum meórum, et ipsum non est mecum.

Amíci mei, et próximos mei * adversum me appropinquavérunt, et steterunt.

Et qui juxta me erant, de longe steterunt : * et vim faciébant qui quærebant animam meam.

Et qui inquirébant mala mihi, locúti sunt vanitátes : * et dolos tota die meditabántur.

Ego áutem tamquam surdus non audiébam : * et sicut mutus non apériens os suum.

Et factus sum sicut homo non áudiens : * et non habens in ore suo redargutiónes.

Quóniam in te Dómine sperávi : * tu exáudies me Dómine Deus meus.

Quia dixi : Nequándo supergáudeant mihi inimíci mei : * et dum commóventur pedes mei, super me magna locúti sunt.

Quóniam ego in flagella

parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo.

Inimíci áutem mei vivunt, et confirmáti sunt super me : * et multiplicáti sunt qui odérunt me iníque.

Qui retríbuunt mala pro nobis, detrahébant mihi : * quóniam sequébar bonitátem.

Ne derelínquas me Dómine Deus meus : * ne discésseris a me.

Inténde in adjutórium meum, * Dómine Deus salútis meæ.

Ant. Sagittæ tuæ infixæ sunt mihi, et non est sánitas in carne mea a fácie iræ tuæ, non est pax ósibus meis.

Ÿ. Circumdedérunt me vítuli multi. **Ŕ.** Táuri pingues obsedérunt me. Lécio sancti Evangélíi secúndum Joánnem.

Lectio vij. Cap. 18.

IN illo témpore : Pilátus exívit ad Judæos, et dixit eis : Est consuetúdo vobis ut unum dimíttam vobis in Pascha : vultis ergo dimíttam vobis Regem Judæórum ? Et réliqua.

Homília sancti Augustíni Epíscopi.

In Joann. Cap. 18.



REDO cum dixisset Pilátus, quid est véritas, in mente illi venísse continuo consuetúdinem Judæórum, qua solébat eis dimítti unus in Pascha, et ideo non expectávit ut responderet ei Jesus, quid esset véritas, ne mora fieret cum reco-luísset morem quo posset eis per peccáta dimítti : quod eum valde voluisse manifestum est. Avélli tamen ab ejus corde non pótuit, Jesum Regem esse Judæórum, tamquam hoc sibi, sicut in título ipsa véritas fixerit, de qua quid esset interrogávit.

Ŕ. In túrbine contrívit me, et multiplicavérunt vúlnera mea, implévit me amaritudínibus, * Et pili carnis meæ inhorruérunt. **Ÿ.** Clamábo vim pátiens, et nemo áudiet, vociferábor, et non est qui júdicet ? Et pili.

Lectio viij.

ERAT áutem Barábbas latro. Non reprehéndimus, Judæi, quod per Pascha liberástis nocéntem, sed quia occidistis innocéntem : quod tamen nisi fieret, verum Pascha

non fieret : sed umbra veritatis a Judæis errantibus tenebatur, et mirabili dispensatione divinae sapientiae per homines fallaces ejusdem umbræ veritas implebatur, quia ut verum Pascha fieret, Christus velut ovis immolabatur. Hinc ea sequuntur quæ injuriōsa Christo Pilātus et cohors ejus ingessit.

R. Usquequo affligitis animam meam, et attēritis me : confunditis me, et non erubescitis opprimētes me. * Saltem intelligite quia Deus affligerit me, et flagellis me cīnxit. **Y.** Spoliāvit me glōria mea, irātus est furor ejus, et sic me habuit quasi hostem suum. Saltem. **Gloria Patri.** Saltem.

Lectio ix.

CUM Judæi clamāssent non Jesum sibi a Pilāto dimitti velle per Pascha, sed Barābbam latrōnem, non Salvatōrem, sed interfectōrem, non datōrem vitæ, sed ademptōrem : tunc apprehēdit Pilātus Jesum, et flagellāvit. Hoc Pilātus non ob aliud fecisse credēdus est, nisi ejus injuriis Judæi satiāti, sufficere sibi existimārent, et usque ad ejus mortem sævire desisterent. Ad hoc

pértinet, quod idem præsides cohórtem suam étiam permisit fácere quæ sequuntur, aut fortassis et jussit, quamvis hoc Evangelium tacuerit : dixit enim quid deinde fécerint milites, Pilātum tamen jam jussisse non dixit.

Te Deum laudamus.

AD LAUDES

ET PER HORAS

Ant. 1. Circumdederunt me dolōres mortis, et torrentes iniquitatis conturbaverunt me.

Ps. Dóminus regnāvit. cum reliq. de Dom.

2. Passus sum absque iniquitate, et membra mea quasi in níhilum redacta sunt.

3. Corpus meum dedi percutiētibz et genas meas vellētibz : faciē meam non avēti ab increpātibz et conspuētibz in me.

4. In die afflictiónis meæ prævenērunt me inimici mei, et factus est Dóminus protēctor meus.

5. Quasi leo sic contrivit ómnia ossa mea. Quid dicam, aut quid respondēbit mihi cum ipse fécerit?

Capitulum. Isaiae 53.

OMNES nos quasi oves errāvimus, unusquisque in viam suam declināvit : et pōsuit Dóminus

in eo iniquitatem omnium nostrum.

Hymnus.

SALVETE Christi vûl-
nera,
Imménsi amoris pîgnora,
Quibus perénnes rîvuli
Manant rubéntis sângui-
nis.

Nitóre stellas vîncitis,
Rosas odóre et bálsama,
Prétio lapillos índicos,
Mellis favos dulcédine.

Quot Jesus in prætorio
Flagélla nudus éxcipit,
Quot scissa pellis úndique
Stillat cruóris gúttulas.

Veníte quotquot crîmi-
num

Funésta labes ínficit,
In hoc salútis bálneo,
Qui se lavat mundábitur.

Cæso flagéllis glória,
Jesu, tibi sit júgiter,
Cum Patre et almo Spîritu
Nunc et per omne sæcu-
lum. Amen.

Ÿ. Pedes eórum ad ma-
lum currunt. R̃. Et festí-
nant ut effúndant sângui-
nem innocéntem.

Ad Bened. Ant. Iníqui in-
surrexérunt super me, et
synagóga poténtium quæ-
siérunt ánimam meam, et
non proposuérunt Deum
ante conspéctum suum.

Oratio.

DEUS, qui pro salúte
nostra in assúptæ
carnis infirmitáte ad co-

lúmnam alligári, et fla-
gellis cædi voluisti : con-
céde propítius; ut qui
ejúsdem colúmnæ solé-
mnia celebrámus, pretiósí
sánguinis tui fructum cón-
sequi mereámur: Qui vivis.

AD PRIMAM

In R̃. br. Ÿ. Qui pro
nobis pati dignátus es.

AD TERTIAM

Capit. Omnes nos. *ut
supra.*

R̃. br. Quem tu per-
cussisti * Persecúti sunt.
Quem tu. Ÿ. Et super do-
lórem vûlnerum meórum
addidérunt. Persecúti. Gló-
ria Patri. Quem tu.

Ÿ. Ipse vulnerátus est
propter iniquitátes no-
stras. R̃. Attrítus est pro-
pter scélera nostra.

AD SEXTAM

Capitulum. Isaïæ 53.

OBLÁTUS est quia ipse
vóluit, et non apérui-
t os suum, et quasi agnus
coram tondénte se obmu-
téscet : et generatióem
ejus quis enarrábit? quia
abscíssus est de terra vi-
véntium : propter scelus
pópuli mei percússi eum.

R̃. br. Ipse vulnerátus
est * propter iniquitátes
nostras. Ipse. Ÿ. Attrítus
est propter scélera nostra.
Propter iniquitátes. Gló-
ria Patri. Ipse.

Ÿ. Vere languóres no-

stros ipse tulit. **R.** Et dolores nostros ipse portavit.

AD NONAM

Capitulum. Isaiae 53.

ET Dóminus vóluit conterere eum in infirmitate. Pro eo quod laboravit ánima ejus, vidébit et saturábitur. Dispértiam ei plúrimos, et fórtium dívidet spólia, pro eo quod trádidit in mortem ánimam suam, et cum scelerátis reputátus est, et ipse peccáta multórum tulit et pro transgressóribus rogávit.

R. **br.** Vere languóres nostros * Ipse tulit. Vere. **Ÿ.** Et dolóres nostros ipse portávit. Ipse. **G**lória Patri. Vere.

Ÿ. Ego in flagélla parátus sum. **R.** Et dolor meus in conspéctu meo semper.

IN II. VESPERIS

Omnia ut in I. Vesp., præter seq.

Hymnus.

QUÆ corda non emóliant
Et secta flagris térgora,
Et cincta spinis témpora,

Cruórque manans úndique?

Christi sed hostes pérfidi
Humanitátem nésciunt :
Cruci dari post vérbera
Furóre poscunt cónciti.

Non ábnuít Jesus Cru-
cem,
Gravíque dorsum pónderi
Sui dolóris cónsciam
Linquens Colúmnam, súb-
jicit.

Duro gravátus stípíte,
Nostro magis sed crímíne,
Morti dicáta víctima
En pergit ad Calváriam.

Crucem geréntes nos
quoque,
Ipso juvánte lánguidos,
Omni solúti vínculo,
Forti sequámur péctore.

Cæso flagéllis glória,
Jesu, tibi sit júgiter,
Cum Patre et almo Spíritu,
Nunc et per omne sæcu-
lum. Amen.

Ÿ. Ego in flagélla parátus sum. **R.** Et dolor meus in conspéctu meo semper.

Ad Magnif. Ant. Non est
ei spécies neque decor :
et vídimus eum et non
erat adspéctus, et deside-
rávimus eum.

Concordat cum originali.

Turonibus, die 15 Novembris 1898.

† RENATUS FRANCISCUS ARCHIEPISCOP. TURON.

DIE XXVII. NOVEMBRIS

MANIFESTATIONIS IMMACULATÆ B. Mariæ V.

A SACRO NUMISMATE

VULGO

DE LA MÉDAILLE MIRACULEUSE

Duplex 2. classis.

IN I. VESPERIS

Ant. et Capit. de Laudibus. Pss. et Hymn. ut in Festis B. M. V.

Ÿ. Signum magnum apparuit in cælo. R. Mulier amicta sole, et luna sub pedibus ejus.

Ad Magnif. Ant. Qui me invenerit, inveniet vitam, et hauriet salutem a Domino.

Oratio.

DÓMINE Jesu Christe, qui beatissimam Virginem Mariam Matrem tuam ab origine immaculatam innúmeris miraculis claréscere voluisti : concéde; ut ejusdem patrocinium semper implo-rantes, gáudia consequá-mur æténa : Qui vivis et regnas.

AD MATUTINUM

Invit. Immaculatam Conceptionem Virginis Mariæ celebrémus : * Christum ejus Fílium ad-orémus Dóminum.

Ps. Veníte, exsultémus.

Hymnus.

TUTÉLA præsens ómni-um,
Salvétó Mater Núminis;
Intácta in Hevæ filiis,
Tu fœda mundes pectora.

Numísma quos ornat
tuum,

Fove benigno lúmine;
Virtus sit inter prælia
Ægisque in hostes præpo-
tens.

Sit fléntibus solátium,
Ægris levámen ártubus;
In mortis hora, fúlgidæ
Æternitátis spónsio.

Jesu, tuam qui finiens
Matrem dedísti sérvulis,
Precánte Matre, filiis
Largíre cæli gáudia.

Amen.

In I. Nocturno.

Ant. Admirábile est *
nomen tuum Dómine in
univérsa terra, quia in
Vírgine María dignum
tibi habitáculum præpa-
rásti.

**Pss. trium Noct. ut in
Festis B. M. V. per an-
num.**

Ant. In sole pōsuit *
Deus tabernāculum suum.

Ant. In Conceptione
sua * accēpit Mariā bene-
dictiōnem a Dómino, et
misericórdiam a Deo sa-
lutári suo.

Ÿ. Qui me invēnerit
invēniet vitam. R̃. Et
hauriet salutem a Dó-
mino.

De Apocalýpsi beáti
Joánnis Apóstoli.

Lectio j. Cap. 12.



SIGNUM magnum
appáruit in cæ-
lo : Múlier amí-
cta sole, et luna
sub pédibus ejus, et in
cápite ejus coróna stellá-
rum duódecim : et in
útero habens, clamábat
partúriens, et cruciabá-
tur ut páriat. Et visum
est áliud signum in cæ-
lo : et ecce draco magnus
rufus, habens cápita se-
ptem, et córnuā decem;
et in capítibus ejus dia-
démata septem : et cáuda
ejus trahébat tértiam par-
tem stellárum cæli, et
misit eas in terram, et
draco stetit ante mulie-
rem, quæ erat paritúra;
ut, cum peperisset, fí-
lium ejus devoráret. Et
péperit filium másculum,
qui rectúrus erat omnes
gentes in virga férrea; et
raptus est filius ejus ad

Deum, et ad thronum
ejus; et múlier fugit in
solitúdinem, ubi habébat
locum parátum a Deo, ut
ibi pascant eam diébus
mille ducéntis sexagínta.

R̃. Per unum hómīnem
peccátum in hunc mun-
dum intrávit, in quo
omnes peccavérunt. * Ne
tíneas Mariā, invenísti
grátiam apud Deum. Ÿ.
Eripuit Dóminus ánimam
tuam de morte, et contra
inimícum factus est pro-
tēctor tuus. Ne tíneas.

Lectio ij.

ET factum est prælium
magnum in cælo : Mí-
chaël et Angeli ejus præ-
liabántur cum dracōne,
et draco pugnábat, et
ángeli ejus : et non va-
luérunt, neque locus in-
vénus est eórum ámplius
in cælo. Et projéctus est
draco ille magnus, ser-
pens antíquus, qui vocá-
tur diábolus, et sátanás,
qui sedúcit univérsum
orbem : et projéctus est
in terram, et ángeli ejus
cum illo missi sunt. Et
audívi vocem magnam in
cælo dicéntem : Nunc fa-
cta est salus, et virtus,
et regnum Dei nostri, et
potéstas Christi ejus :
quia projéctus est accu-
sátor fratrum nostrórum,
qui accusábat illos ante

conspéctum Dei nostri die ac nocte. Et ipsi vicérunt eum propter sánguinem Agni et propter verbum testimónii sui, et non dilexérunt ánimas suas usque ad mortem. Proptérea lætámini cæli, et qui habitátis in eis. Væ terræ, et mari, quia descendit diábolus ad vos, habens iram magnam, sciens quod módicum tempus habet.

R. Transíte ad me omnes qui concupiscitis me : * Et narrábo vobis quanta fecit Deus ánimæ meæ. **V.** Vivit Dóminus, quóniam adimplévit in me misericórdiam suam. Et narrábo.

Lectio iij.

ET postquam vidit draco quod proyéctus esset in terram, persecútus est mulierem, quæ péperit másculum; et datæ sunt mulieri alæ duæ áquilæ magnæ, ut voláret in désertum in locum suum, ubi álitur per tempus et témpora et dimídium témporis, a fácie serpéntis. Et misit serpens ex ore suo post mulierem, aquam tamquam flumen, ut eam fáceret trahi a flúmine. Et adjúvit terra mulierem; et apéruit terra os suum, et absórbit flu-

men, quod misit draco de ore suo. Et irátus est draco in mulierem : et ábiit fácere prælium cum réliquis de sémine ejus, qui custódiunt mandáta Dei, et habent testimónium Jesu Christi. Et stetit supra arénam maris.

R. Elécta mea cándida sicut nix in Líbano; sicut favus distíllans lábia ejus : * Mel et lac sub lingua illius. **V.** Veni de Líbano, sponsa mea, veni, coronáberis coróna gratiárum. Mel et lac. Glória Patri. Mel et lac.

In II. Nocturno.

Ant. Diffúsa est * grátia in Conceptione ejus, et speciósá appáruit inter filias hóminum.

Ant. Adjúvit eam * Deus mane dilúculo; sanctificávit tabernáculum suum Altíssimus.

Ant. Gloriósa * dicta sunt de te, cívitas Dei : fundávit te Dóminus in móntibus sanctis.

V. Mélior est fructus meus áuro. **R.** Et genímina mea argénto elécto.

Lectio iv.



INNO Christi milésimo octingentésimo trigésimo, quod legítima testántur monuménta, beatíssima Dei Mater

sanctimoniâli cuidam fœminæ, Catharinæ Labouré nuncupatæ, e familia puellarum caritatis sancti Vincéntii a Páulo, sese videndam exhibuit; eamdémque jussit curâre ut Numísma in honórem Immaculatæ Conceptionis suæ cuderetur. Cudéndi áutem ea lex erat ex visu, ut in advérsa fronte Deíparæ prostâret effigies, virgíneo quidem pede serpéntis próterens caput, mânibus vero pátulis subjéctum terræ orbem rádiis illústrans; inscripta circum circa ea prece: O Mariá concépta sine peccáto, ores pro nobis qui ad te confúgimus. Inesse áutem in fronte avérsa sacrosáctum Mariæ nomen debébat, eminente supra crucis signo, binis inférius adjéctis córdibus, áltero óbsito spinis, áltero ense transfósso. Jubénti Virgini páruit puélla; remque divínitus accéptam événtus comprobávit. Vix enim novum Numísma in vulgus pródiit, illico a christifidélibus, uti relígio Matri sanctíssimæ pergráta, coli certátim ac gestári cœptum; in Gállia primum, mox, probántibus episcopis, ubíque ter-

rârum. Cujus augescéntis in dies reveréntiæ ac fidúciæ id cáusa fuit, quod a Virgine respiciénte plúrima patrabántur mira seu córporis ærúmnis levándis, seu ánimis e vitiórum cœno eruéndis.

R. Ego ex ore Altíssimi prodívi, primogénita ante omnem creatúram: ego feci in cælis ut orirétur lumen indeficiens. * Nondum erant abyssi, et ego jam concépta eram. **V.** Deus enim creávit me in justítia, et apprehéndit manum meam, et servávit me. Nondum.

Lectio v.

IN his illud præ cæteris memorátu dignum, quod Alphónso Ratisbónne Romæ cóntigit décimo tértio Kaléndas Februárii anno millésimo octingentésimo quadragésimo secúndo, legítimo ecclesiásticæ auctoritátis testimonió comprobátum. Argentoráti judáicis ortus paréntibus, in Oriéntem iter fáciens Alphónsus Romæ substíterat. Ubi cum amicítiam cum nóbili viro, ex háresi ad cathólica sacra convérso, junxisset; is, adolescéntis miserátus vicem, omni ope conténdit ut illum ad veram Christi religiónem

tradúceret. Nihil tamen verbis profectum; unum hoc impetratum, ut hebræus homo sacrum Deiparæ Numisma e collo pendens deférret. Preces interim pro eo ad Virginem Immaculatam adhibebantur. Nec diu Virgo exorata auxilium conferre distulit. Nam, cum Alphonsus templum sancti Andréæ in vico nemorensi, vulgo *delle Fratte*, fortuito sub meridiem esset ingressus, repente illi ædes obscurari visa, una excepta Archangeli Michaélis cella, unde vividior contra lux emicabat. Eo dum, horróre correptus, advertit oculos, ecce illi beata Virgo María conspiciendam se præbet vultu mitissimo, eoque habitu quo in sacro Numismate refertur. Cælesti visu subito immutari Alphonsus; tum lacrymis perfusus judaicam abhorre perfidiam, et catholicam religionem, quam paulo ante detestabatur, veram profiteri totoque pectore amplecti. Christiana dogmata edoctus, paucis post diebus, communi Urbis lætitia, sacro baptismo lustratus est.

R. Nihil inquinatum in eam incurrit : * Candor

est lucis æternæ et speculum sine macula. **V.** Est enim hæc speciosior sole, et luci comparata invenitur purior. Candor est.

Lectio vj.

TANTÆ igitur pientissimæ Matris per sacrum Numisma potentiae ac liberalitatis ut memoria recoleretur, simulque christianarum gentium erga Immaculatam ejusdem Virginis Conceptionem religio ampliores haberet auctus, censuit Apostolica Sedes, quod dudum ab ea pro sacratissimo Rosario et carmelitico Scapulari concessum fuerat, Manifestationem hanc sanctissimæ Dei Parentis et sacrum ipsius Numisma peculiari festo quotannis commemoranda. Quamobrem, tota factorum serie a Sacra Rituum Congregatione recognita maturèque perpensa, ex ejusdem Congregationis consulto Leo decimus tertius Pontifex Maximus Societati Presbyterorum sancti Vincéntii a Paulo, quibus ex sancti auctoris lege solémne semper fuit illabem Mariæ originem profiteri et colere, Manifestationis ejusdem beatæ Virginis Officium et Mis-

sam celebrare concessit, idemque indultum ad singulos episcopos ac Religiosorum familias petentes extendit.

R. Signum magnum apparuit in cælo : Mulier amicta sole, et luna sub pedibus ejus : * Et in capite ejus corona stellarum duodecim. **V.** Induit eam Dominus vestimentis salutis, indumento justitiæ, et quasi sponsam ornavit eam monilibus suis. Et in capite. **Gloria Patri.** Et in capite.

In III. Nocturno.

Ant. Sanctimonia et magnificentia * in Conceptione ejus; annuntiante in omnibus populis gloriam ejus.

Ant. Lætâmini omnes * in Domino : et confitemini memoriæ sanctitatis ejus.

Ant. Notum fecit * Dominus opus suum : in conspectu gentium revelavit gloriam Genitricis suæ.

V. Esto mihi in domum refugii. **R.** Ut salvum me facias.

Lectio sancti Evangelii secundum Joannem.

Lectio vij. Cap. 2.

IN illo tempore : Nuptiæ factæ sunt in Cana Galilææ : et erat Mater Jesu

ibi. Vocatus est autem et Jesus, et discipuli ejus, ad nuptias. Et reliqua. Homilia sancti Bernardi Abbatis.

Dom. I. post Epiph.
Serm. 1.



MINUM non habent. Compassa est Maria eorum verecundia, sicut misericors, sicut benignissima. Quid de fonte pietatis procederet nisi pietas? Quid, inquam, mirum si pietatem exhibent viscera pietatis? Nonne qui pomum in manu sua tenuerit dimidia die, reliqua diei parte pomi servabit odorem? Quantum igitur viscera illa virtus pietatis affecit, in quibus novem mensibus requievit? Nam et ante mentem replavit, quam ventrem, et cum processit ex utero, ab anima non recessit. Durius fortasse et austerior videri posset responsio Domini; sed noverat ille, cui loqueretur; et quis loqueretur illa non ignorabat. Denique ut scias, quomodo responsum ipsum acciperit, aut quantum de Filii benignitate præsumpserit, ait ministris : Quaecumque præceperit vobis, servate et facite.

R. Hortus conclusus soror mea sponsa, hortus conclusus, fons signatus : * Emissiones tuæ paradisus, o Mariá. **V.** Aperi mihi, soror mea, amica mea, columba mea, immaculata mea. Emissiones tuæ.

Lectio viij.

Ibid. Serm. 2.

QUID mihi et tibi est mulier? Quid tibi et illi est, Dómine? Nonne quod filio et matri? Quid ad illam pertines quæris, cum tu sis benedictus fructus ventris ejus immaculati? Nonne ipsa est, quæ salvo pudore concepit et sine corruptione te peperit? Nonne ipsa est, in cujus útero novem mēsis moratus es, cujus virgineis ubéribus lactatus es, cum qua jam duodecim annorum factus de Jerúsalem descendisti, et eras súbditus illi? Nunc ergo, Dómine, quid molestus es illi, dicens : Quid mihi et tibi? Multum per omnem modum. Sed manifeste jam video, quod non velut indignans aut confundere volens Virginitatis Matris teneram verecundiam, dixeris : Quid mihi et tibi? Cum, venientibus ad te juxta Matris præceptum minis-

tris, nihil cunctatus facias quod illa suggessit.

R. Magnificat ánima mea Dóminum : * Quia fecit mihi magna qui potens est, et sanctum nomen ejus. **V.** Ecce enim ex hoc beatam me dicent omnes generationes. Quia fecit. **Glória Patri.** Quia fecit.

Lectio ix.

Serm. de duo prærogat.

QUID ergo ad Mariam accédere trépides humana fragilitas? Nihil austérum in ea, nihil terribile : tota suavis est, ómnibus offerens lac et lanam. Revólve diligentius evangélicæ históriæ sériem univérsam, et si quid forte increpatórium, si quid durum, si quod denique signum vel tenuis indignationis occurrerit in Mariá, de cætero suspéctam hábeas, et accédere vereáris. Quod si (ut vere sunt) plena magis ómnia pietátis et grátiae, plena mansuetúdinis et misericórdiae, quæ ad eam pertinent inveneris, age grátias ei, qui talem tibi mediátricem benigníssima miseratione providit, in qua nihil potest esse suspéctum ; quæ ómnibus misericórdiae sinum áperit, ut de ple-

nitúidine ejus accípiant univérſi, captívus redemptiónem, æger curatióne, tristis consolatióne, peccátor véniam, justus grátiam, ut non sit, qui se abscondat a calore ejus.

Te Deum laudámus.

AD LAUDES

ET PER HORAS

Ant. 1. Tota pulchra * es Mariá, et mácula originális non est in te.

Ps. Dóminus regnávít.

2. Vestiméntum tuum * cándidum quasi nix, et fácies tua sicut sol.

3. Tu glória Jerúsalem, * tu lætítia Israëł, tu honorificéntia pópuli nostri.

4. Benedícta es tu, * Virgo Mariá, a Dómino Deo excélso præ ómnibus muliéribus super terram.

5. Trahe nos * Virgo immaculáta, post te curremus in odórem unguentórum tuórum.

Capitulum. Prov. 8.

DÓMINUS possédit me in initio viárum suárum, ántequam quidquam fáceret a principio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram.

Hymnus O gloriósa virgínum.

Ÿ. O Mariá, sine labe origináli concépta. **R̃.** Intercede pro nobis, qui ad te confúgimus.

Ad Bened. Ant. Pósuit in ea verba signórum suórum et prodigiórum suórum in terra.

Oratio.

DÓMINE Jesu Christe, qui beatíssimam Virgínem Mariám Matrem tuam ab origine immaculátam innúmeris miraculis claréscere voluísti: concéde; ut ejúsdem patrocínium semper implorátes, gáudia consequámur ætérna: Qui vivis.

AD PRIMAM

In R̃. br. dicitur Ÿ. Qui natus es de Mariá Virgíne.

AD TERTIAM

Capit. Dóminus possédit. **supra.**

R̃. br. Deus omnípotens * Præcínxit me virtúte. Deus. **Ÿ.** Et pósuit immaculátam viam meam. Præcínxit. **Glória Patri.** Deus.

Ÿ. In hoc cognóvi quóniam voluísti me. **R̃.** Quóniam non gaudébit inimícus meus super me.

AD SEXTAM

Capitulum. Ezech. 44.

PORTA hæc cláusa erit, non aperiétur, et vir non intrábit per eam,

quóniam Dóminus Deus Israël ingressus est per eam : erítque cláusa Principi. Princeps ipse sedébit in ea.

R̃. br. In hoc cognóvi, * Quóniam voluísti me. In hoc. **ŷ.** Quóniam non gaudebit inimícus meus super me. Quóniam. **Gló-**ria Patri. In hoc.

ŷ. Exaltábo te Dómine, quóniam suscepísti me. **R̃.** Nec delectásti inimícos meos super me.

AD NONAM

Capitulum. Apoc. 12.

SIGNUM magnum appáruit in cælo : Múlier amícta sole, et luna sub pédibus ejus, et in cápite ejus coróna stellárum duódecim.

R̃. br. Exaltábo te Dómine, * Quóniam suscepísti me. Exaltábo. **ŷ.** Nec delectásti inimícos meos super me. Quóniam suscepísti. **Glória** Patri. Exaltábo.

ŷ. Immaculáta Concéptio tua Dei Génitrix Virgo. **R̃.** Gáudium annuntiávit univérso mundo.

IN II. VESPERIS

Omnia ut in I., præter

Ad Magnif. Ant. Sancta

Maria, succúrre míseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu : séntiant omnes tuum juvámén, quicúmque célebrant tuum sanctum Patrocínium.

Concordat cum originali.

Turonibus, die 2 Octobris 1894.

† GUILLELMUS RENATUS CARD. MEIGNAN

ARCHIEPISC. TURONENSIS.

INDEX PSALMORUM

Primus numerus marginalis indicat Psalmum; alter paginam
in qua Psalmus idem adnotatur in Breviario.

119	Ad Dominum.	131	45	Deus noster refugium. . .	68
27	Ad te Domine clamabo. . .	49	82	Deus quis similis erit tibi. .	100
24	Ad te Domine levavi. . . .	31	59	Deus repulisti nos.	78
122	Ad te levavi oculos meos. .	134	81	Deus stetit	100
28	Afferte Domino	49	78	Deus venerunt gentes. . .	95
77	Attendite popule meus. . .	92	93	Deus ultionum	106
48	Audite hæc.	69	114	Dilexi, quoniam.	131
118	Beati immaculati	24	17	Diligam te Domine. . . .	12
127	Beati omnes	136	38	Dixi : Custodiam	63
31	Beati quorum.	52	109	Dixit Dominus	127
40	Beatus qui intelligit. . . .	65	35	Dixit injustus	55
1	Beatus vir qui non abiit . .	3	52	Dixit insipiens... Deus. .	74
111	Beatus vir qui timet. . . .	128	13	Dixit insipiens... Domi- nus.	9
33	Benedicam Dominum.	53	140	Domine clamavi.	143
102	Benedic... et omnia.	114	7	Domine Deus meus.	5
103	Benedic... Domine	115	87	Domine Deus salutis. . . .	103
143	Benedictus Dominus.	144	8	Domine Dominus noster. . .	6
84	Benedixisti Domine.	101	142	Domine exaudi... auri- bus	108
91	Bonum est confiteri.	112	101	Domine exaudi... et cla- mor	113
18	Cæli enarrant.	14	20	Domine in virtute tua. . .	16
95	Cantate Domino... can- tate	107	6	Domine ne in furore... Miserere.	4
149	Cantate Domino... laus . .	20	37	Domine ne in furore... Quoniam.	57
97	Cantate Domino... quia. . .	111	130	Domine non est exalta- tum	137
74	Confitebimur tibi	90	138	Domine probasti me	142
110	Confitebor... in consilio. .	127	3	Domine quid multiplicati.	4
9	Confitebor... narrabo . . .	6	14	Domine quis habitabit. . .	9
137	Confitebor... quoniam. . . .	141	89	Domine refugium.	96
106	Confitemini... Dicant . . .	120	23	Domini est terra	30
117	Confitemini... Dicat. . . .	23	26	Dominus illuminatio	48
104	Confitemini... et invoke. .	116	22	Dominus regit me.	32
105	Confitemini... Quis	118	92	Dominus regnavit, deco- rem	18
135	Confitemini... quoniam . .	139	96	Dominus regnavit, exsul- tet.	107
15	Conserva me Domine.	10	98	Dominus regnavit, ira- scantur.	111
115	Credidi.	131	133	Ecce nunc benedicite. . . .	152
4	Cum invocarem.	150	132	Ecce quam bonum	138
129	De profundis	62	58	Eripe me de inimicis meis.	77
43	Deus auribus nostris	66			
49	Deus deorum Dominus . . .	70			
62	Deus Deus meus ad te. . . .	18			
21	Deus Deus meus respice. . .	32			
69	Deus in adjutorium.	86			
53	Deus in nomine tuo.	23			
71	Deus iudicium tuum	87			
108	Deus laudem meam.	122			
66	Deus misereatur nostri . . .	18			

139 Eripe me Domine.	142	112 Laudate pueri.	128
44 Eructavit cor meum.	67	120 Levavi oculos meos.	132
144 Exaltabo te Deus.	145	47 Magnus Dominus.	69
29 Exaltabo te Domine.	50	131 Memento Domine David.	137
63 Exaudi... cum deprecor.	79	56 Miserere... miserere.	76
60 Exaudi Deus deprecationem meam.	78	55 Miserere... quoniam.	75
54 Exaudi Deus orationem meam.	74	50 Miserere... secundum.	59
16 Exaudi Domine.	11	100 Misericordiam et iudicium.	113
19 Exaudiat te Dominus.	15	88 Misericordias Domini.	104
39 Expectans expectavi.	64	126 Nisi Dominus.	135
80 Exsultate Deo.	99	123 Nisi quia Dominus.	134
32 Exsultate iusti.	52	36 Noli æmulari.	56
67 Exsurgat Deus.	80	61 Nonne Deo.	78
86 Fundamenta ejus.	103	75 Notus in Judæa Deus.	90
85 Inclina Domine.	102	46 Omnes gentes plaudite.	68
125 In convertendo.	135	107 Paratum cor meum.	121
10 In Domino confido.	8	72 Quam bonus Israël Deus.	88
113 In exitu Israël.	129	83 Quam dilecta.	101
30 In te Domine speravi... accelera.	50	2 Quare fremuerunt.	4
70 In te Domine speravi... et salva me.	86	41 Quemadmodum.	65
65 Jubilate Deo... psalmum.	79	124 Qui confidunt.	134
99 Jubilate Deo... servite.	18	90 Qui habitat.	151
34 Judica Domine.	54	79 Qui regis Israël.	95
42 Judica me Deus.	72	51 Quid gloriaris.	71
25 Judica me Domine.	32	128 Sæpe expugnauerunt me.	136
121 Lætatus sum.	133	68 Salvum me fac Deus.	84
145 Lauda anima mea.	146	41 Salvum me fac Domine.	8
147 Lauda Jerusalem.	147	57 Si vere utique.	76
148 Laudate... de cælis.	20	136 Super flumina.	140
150 Laudate... in sanctis.	21	64 Te decet hymnus.	82
116 Laudate... omnes gentes.	131	12 Usquequo Domine.	8
146 Laudate Dominum, quoniam bonus.	146	73 Ut quid Deus.	89
134 Laudate nomen.	138	94 Venite, exsultemus.	2
		5 Verba mea auribus percipe.	59
		76 Voce mea... ad Deum.	91
		141 Voce mea... ad Dominum.	144

INDEX CANTICORUM

Audite cæli.	124	Ego dixi.	72
Benedicite omnia opera.	19	Exsultavit cor meum.	83
Benedictus Dominus.	22	Magnificat anima mea.	130
Canemus Domino.	97	Nunc dimittis.	152
Confitebor tibi Domine.	60	Quicumque vult salvus esse.	25
Domine audivi.	109	Te Deum laudamus.	17

INDEX HYMNORUM

Adspice infami.	261*	Legis figuris pingitur.	318*
Adspice ut Verbum Patris.	304*	Lucis Creator optime.	130
Æterna Christi munera.	4*	Lux ecce surgit aurea	98
Æterna celi gloria.	110	Magnæ Deus potentiae	141
Æterne rerum Conditor	21	Martinæ celebri plaudite	500
Ales diei nuntius.	73	Matris sub almæ.	532
A solis ortus cardine.	218	Memento rerum Conditor.	163*
Alto ex Olympi vertice.	131*	Mœrentes oculi	260*
Audi benigne Conditor.	400	Nox atra rerum.	84
Audit tyrannus anxius	234	Nox et tenebræ	83
Aurora jam spargit.	127	Nunc sancte nobis.	39
Aurora soli	336	O gloriosa virginum	157*
Ave maris stella.	147*	Omnis expertem.	337*
Beate pastor Petre.	473	O sola magnarum urbium	294
Bella dum late.	529	Pange lingua gloriosi.	245*
Cælestis urbs Jerusalem.	121*	Præclara custos Virginum	420
Cæli Deus sanctissime	137	Primo die quo Trinitas.	2
Cælitum Joseph decus	243*	Quem terra	147*
Christe sanctorum decus.	234*	Quodcumque in orbe nexi- bus revinxeris.	469
Christo profusum	40*	Rector potens	42
Consors paterni luminis	63	Rerum Creator optime.	73
Creator alme siderum	155	Rerum Deus tenax.	45
Crudelis Herodes	283	Rex gloriose Martyrum.	50*
Deus tuorum militum	24*	Sacris solemnibus.	245*
Egredie Doctor Paule	488	Sævo dolorum turbine.	271*
En clara vox redarguit.	160	Salvete flores Martyrum	238
Exite Sion filiae	313*	Sanctorum meritis.	39*
Exsultet orbis gaudiis	4*	Sic patres vitam.	530
Fortem virili pectore.	113*	Somno reffectis artubus.	48
Hominis superne Conditor	144	Splendor paternæ gloriæ.	61
Hujus oratu Deus.	114*	Summæ Parens clementiæ.	110
Immense cæli Conditor	132	Te dicimus præconio.	330*
Invicte Martyr.	34*	Te Joseph celebrent	238*
Iste Confessor Domini	55*	Te lucis ante terminum	152
Jam lucis orto sidere.	22	Te splendor et virtus.	225*
Jam sol recedit igneus.	147	Telluris alme Conditor.	135
Jesu corona celsior.	86*	Tu natale solum protege.	501
Jesu corona Virginum.	97*	Tu Trinitatis Unitas	99
Jesu decus angelicum	460	Venit e cælo mediator	309*
Jesu dulcis memoria.	454	Verbum supernum... e Patris.	156
Jesu Redemptor omnium quem.	205	Verbum supernum... nec Pa- tris.	258*
Jesu Redemptor omnium per- pes.	65*	Virginis proles... Hæc	97*
Jesu Rex admirabilis.	454	Virginis proles... Hujus.	98*

INDEX ALPHABETICUS

OMNIUM FESTORUM ET NOMINUM SANCTORUM

HUJUS PARTIS HIEMALIS BREVIARIUM

Signum* de stat Festum pro aliquibus locis, vel pro Clero Romano.

Abachum et Soc. Mm. (19 Jan.).	475
Agathæ Virg. et Mart. (5 Febr.).	514
* Agathonis I. Papæ et Conf. (14 Febr.).	371*
Agnetis Virg. et Mart. (21 Jan.).	478
Agnetis Virg. et Mart. secundo. (28 Jan.).	497
Ambrosii Episc. Conf. et Doct. (7 Dec.).	417
Andreas Apostoli (30 Nov.).	401
Andreas Corsini Episc. et Conf. (4 Febr.).	513
Angelorum SS. Offic. votiv. per annum.	225*
* Antheri Papæ et Mart. (11 Febr.).	368*
Antonii Abbatis. (17 Jan.).	467
Apolloniæ Virg. et Mart. (9 Febr.).	525
Apostolorum SS. Offic. votiv. per annum.	236*
Apparitionis B. M. V. Immac. (11 Febr.).	330*
Barbaræ Virg. et Mart. Commem. (4 Dec.).	413-277*
Bibianæ Virg. et Mart. (2 Dec.).	408
Blasii Episc. et Mart. (3 Febr.).	512
Canuti IV. Regis Mart. (19 Jan.).	474
Casimiri Conf. (4 Mart.).	543
* Catharinæ de Ricciis Virg. (13 Febr.).	338*
Cathedra S. Petri Romæ. (18 Jan.).	469
— Antiochiæ. (22 Febr.).	535
Circumcisio D. N. J. C. (1 Jan.).	255
* Commem. omnium Mart. (26 Dec.).	293*
Concept. Immac. B. M. V. (8 Dec.).	420
— Offic. votiv. per annum.	273*
* Conradi Placentini Conf. (19 Febr.).	339*
Conversio S. Pauli Apost. (25 Jan.).	488
* Coronæ Spineæ D. N. J. C. (Fer. VI. post Cineres.).	313*
Cyrilli Alexandrini Episc. Conf. et Doct. (9 Febr.).	525
Damasi Papæ et Conf. (11 Dec.).	433
* Desponsat. B. M. V. (23 Jan.).	295*
* Didaci Conf. (1 Dec.).	349*
* Dionysii Papæ et Conf. (3 Febr.).	365*
* Domus almæ Lauret. Translat. (10 Dec.).	278*
Dorotheæ Virg. et Mart. Commem. (6 Febr.).	519
Emerentianæ Virg. et Mart. Commem. (23 Jan.).	485
Epiphania D. N. J. C. (6 Jan.).	283
Eusebii Episc. et Mart. (16 Dec.).	447
* Eutychiani Papæ et Mart. (9 Dec.).	353*
* Exspectat. Partus B. M. V. (18 Dec.).	287*

Fabiani Papæ, et Sebastiani Mm. (20 Jan.).	477
Faustini et Jovitæ Mm. (15 Febr.).	533
Felicitis Presb. et Mart. Commem. (14 Jan.).	461
* Felicitis III. Papæ et Conf. (25 Febr.).	375*
* Felicitis IV. Papæ et Conf. (30 Jan.).	363*
Franciscæ Vid. Romanæ (9 Mart.).	550
Francisci Salesii Episc. Conf. et Doct. (29 Jan.).	498
Francisci Xaverii Conf. (3 Dec.).	409
* Fridolini Conf. (6 Mart.).	345*
* Gelasii I. Papæ et Conf. (29 Nov.).	348*
* Genovefæ Virg. (3 Jan.).	291*
Gregorii I. Papæ Conf. et Doct. (12 Mart.).	554
* Gregorii II. Papæ et Conf. (13 Febr.).	370*
* Gregorii III. Papæ et Conf. (28 Nov.).	347*
Gregorii X. Papæ et Conf. (16 Febr.).	372*
Hilarii Episc. Conf. et Doct. (14 Jan.).	461
* Hyacinthæ de Mariscottis Virg. (6 Febr.).	328*
Hygini Papæ et Mart. Commem. (11 Jan.).	453-374*
Ignatii Episc. et Mart. (1 Febr.).	504
* Ildephonsi Episc. et Conf. (23 Jan.).	299*
Innocentium. (28 Dec.).	234
* Joannæ Valesiæ Vid. (4 Febr.).	319*
Joannis Apost. et Evang. (27 Dec.).	229
Joannis Chrysostomi Episc. Conf. et Doct. (27 Jan.).	495
Joannis de Deo Conf. (8 Mart.).	547
Joannis de Matha Conf. (8 Febr.).	522
* Joannis Josephi a Cruce Conf. (5 Mart.).	343*
* Josaphat Episc. et Mart. (14 Dec.).	356*
* Joseph Sponsi B. M. V. Comm. (23 Jan.).	295*
— Offic. votiv. per annum.	238*
* Josephi a Leonissa Conf. (4 Febr.).	321*
* Juliani Episc. et Conf. (28 Jan.).	301*
* Lazari resuscitati Episc. et Conf. (17 Dec.).	285*
* Leonardi a Portu Mauritio Conf. (17 Dec.).	358*
Luciæ Virg. et Mart. (13 Dec.).	438
Lucii I. Papæ et Mart. Comm. (4 Mart.).	543-379*
Marcelli I. Papæ et Mart. (16 Jan.).	466
* Margaritæ Cortonensis Pœnit. (23 vel 26 Febr.).	341*
Marii, Marthæ, Audifacis et Abachum Mm. Commem. (19 Jan.).	475
Martinæ Virg. et Mart. (30 Jan.).	499
* Martyrum Japonens. XXVI. (5 Febr.).	325*
* Martyrum omnium Commem. (26 Dec.).	293*
Mathiæ Apost. et Evang. (24 vel 25 Febr.).	540
Mauri Abbat. Commem. (15 Jan.).	464
Melchiadis I. Papæ et Mart. Commem. (10 Dec.).	430-354*
Nativitatis D. N. J. C. (25 Dec.).	205
Nicolai Episc. et Conf. (6 Dec.).	415
Nominis Jesu (Dom. II. post Epiph.).	453
* Orationis D. N. J. C. (Fer. III. post Dom. Sept.).	304*
* Passionis D. N. J. C. (Fer. III. post Dom. Sexag.).	310*
— Offic. votiv. per annum.	259*
Pauli Apost. Conversio (25 Jan.).	488
Pauli primi Eremitæ (15 Jan.).	463

Perpetuæ et Felicitatis Mm. Commem. (7 Mart.)	544
Petri et Pauli Apost. Offic. votiv. per annum	274*
Petri Chrysologi Episc. Conf. et Doct. (4 Dec.)	412
Petri Damiani Episc. Conf. et Doct. (23 Febr.)	537
Petri Nolasci Conf. (31 Jan.)	502
* Philippi a Jesu Mart. (5 Febr.)	323*
Polycarpi Episc. et Mart. (26 Jan.)	494
Priscæ Virg. et Mart. Commem. (18 Jan.)	469
Purificationis B. M. V. (2 Febr.)	506
Quadraginta Martyrum. (10 Mart.)	552
Raymundi de Pennafort Conf. (23 Jan.)	484
Romualdi Abbat. (7 Febr.)	521
Sabbæ Abbat. Commem. (5 Dec.)	415
Sacramenti SS. Offic. votiv. per annum	244*
Saturnini Mart. Commem. (29 Nov.)	401
Scholasticæ Virg. (10 Febr.)	527
Septem Fundatorum Ordin. Servor. B. M. V. (11 Febr.)	529
Silvestri I. Papæ et Conf. (31 Dec.)	252
Simeonis Episc. et Mart. (18 Febr.)	534
* Simplicii Papæ et Conf. (2 Mart.)	377*
* Stanislai Kostkæ Conf. (5 Dec.)	351*
Stephani Protomart. (26 Dec.)	223
Telesphori Papæ et Mart. Commem. (5 Jan.)	278-369*
Thomæ Apost. (21 Dec.)	449
Thomæ Cant. Episc. et Mart. (29 Dec.)	241
Thomæ de Aquino Conf. et Doct. (7 Mart.)	544
Timothei Episc. et Mart. (24 Jan.)	487
Titi Episc. et Conf. (6 Febr.)	519
* Translationis almæ Domus Lauretanæ (10 Dec.)	278*
* Urbani V. Papæ et Conf. (19 Dec.)	360*
Valentini Presb. et Mart. (14 Febr.)	533
Vigilia Epiphaniæ D. N. J. C. (5 Jan.)	278
— S. Mathiæ Apost. (23 vel 24 Febr.)	540
— Nativ. D. N. J. C. (24 Dec.)	202
* Viginti sex Mart. Japonensium (5 Febr.)	325*
Vincentii et Anastasii Mm. (22 Jan.)	483
* Vitaliani Papæ et Conf. (26 Jan.)	362*
* Zosimi Papæ et Conf. (9 Febr.)	367*



OFFICIA PROPRIA
DIOECESIS MIMATENSIS

JUBENTE ET CURANTE

Ill. ac Rev. DD. JOANNE ANTONIO MARIA FOULQUIER

EPISCOPO MIMATENSI

AD FORMAM LITURGIE ROMANÆ ACCOMMODATE ORDINATA

et

SANCTA SEDE APPROBANTE

CUM BREVIARIO ROMANO RECITANDA.

PARS HIEMALIS.



PARISIIS

ADRIANUS LE CLERE ET SOC.,

SS. D. N. PAPÆ ET ARCHIEPISCOPATUS TYPOGRAPHI,

VIA DICTA CASSETTE, 29.

—
1859

THE HISTORY OF THE

REIGN OF

CHARLES THE FIRST

BY

JOHN BURNET



LONDON

Printed by J. Sturges, in the Strand

1725

MIMATEN.

De romana Liturgia in suam Diœcesim revocanda apprime sollicitus RR. D. JOANNES ANTONIUS MARIA FOULQUIER, Episcopus Mimatensis, sui muneris esse duxit Kalendarium Perpetuum in usum Diœcesis ipsius ita ordinare, ut certam fixamque sedem in eo consequerentur Cœlites illi, qui, cum eas regiones vitæ et virtutum splendore illustrassent, ab antiquis sæculis singulari cultu honorari ibidem consueverunt; insuper vero conformiter ad ipsum Kalendarium proprium Officiorum et Missarum rite apteque disponere. Gnarus autem supremo hujus Sanctæ Sedis Apostolicæ judicio reservari quidquid sacram respicit Liturgiam, idem Kalendarium perpetuum, Propriumque Officiorum et Missarum exhibuit Sanctissimo Domino nostro Pio Papa IX, supplicibus additis votis, ut illa approbare dignaretur, atque universo Clero Diœcesis suæ Mimatensis concedere. Examen exhibiti operis cum Sanctitas sua commiserit Sacrorum Rituum Congregationi, hæc, singulis accurate perpensis, Kalendarium ipsum cum Proprio Sanctorum approbari posse censuit sub modo et forma in superiori (*) exemplari cura Sacræ Congregationis adnotatis.

Quam Sacræ Congregationis sententiam, referente subscripto ipsius Congregationis Secretario, cum Sanctissimus idem Dominus ratam habuerit et confirmaverit, de apostolica benignitate indulgit, ut idem Kalendarium et Proprium Officiorum atque Missarum sub modo et forma prædictis ab universo Clero Mimatensi, tam in horis Canonicis persolvendis, quam in Missis celebrandis perpetuo serventur, injuncto onere, ut, postquam idem Proprium juxta in eo adnotatas correctiones fuerit prælo commissum, duplex authenticum exemplar a RR. Episcopo Mimatensi transmittatur ad Sacrorum Rituum Congregationem. Contrariis non obstantibus quibuscumque.

Die 29 Aprilis 1858.

Episc. Albanen. Card. PATRIZI, *S. R. C. Præfectus.*

Locus † Sigilli.

H. CAPALTI, *S. R. C. Secr.*

Concordat cum exemplari autentico :

† JOAN. A. MARIA, *Episc. Mimatensis.*

(*) Ad calcem manuscripti hoc a S. R. C. positum est decretum.



JOANNES ANTONIUS MARIA FOULQUIER, miseratione divina
et Sanctæ Sedis apostolicæ gratia, Episcopus Mimatensis ,

Adriano LE CLERE, cum Sociis, SS. Domini Papæ apud Parisienses typographo, *Officia propria Diæcesis Mimatensis*, qualia fuere nuper a Sancta Sede approbata et concessa, typis mandanda commisimus, editionemque eorum diligenti examine perlectam cum textu authentico ad unguem concordare perspeximus; quam ideo approbamus propriamque ex pacto retinentes in publicum prodire jubemus.

Datum Mimatì, in Palatio nostro episcopali, sub signo sigilloque nostris, nec non Secretarii Episcopatus nostri subscriptione, anno Domini millesimo octingentesimo quinquagesimo octavo, die vero octavo Decembris, in festo Immaculata Conceptionis beatæ Mariæ Virginis.

† JOAN. A. MARIA, *Episcopus Mimatensis*.

Locus † Sigilli.

De Mandato Illust. ac Rev. DD. Episcopi,
J. POLGE, *Can. hon., Secr.*

OFFICIA PROPRIA

DIOECESIS MIMATENSIS

PARS HIEMALIS.

FESTA NOVEMBRIS.

DIE XXIX.

SANCTI SATURNINI,

EPISCOPI TOLOSANI ET MARTYRIS.

Semiduplex. p. 247

*Oratio Infirmi-
tatem. Com-
mem. S. Saturnini, Mart., in
Propr. Sanct. p. 401*

*In I. Noct. Lect. de Script.
occurrente.*

IN II NOCTURNO.

LECTIO IV.

SATURNINUS, a Románo Pontífice missus in Gállias et Tolósæ constitútus Episcopus, multos ab idólis ad Christum convértit. Dæmónibus qui ibi colebántur ádeo terríbilis erat, ut, frustra sacrificiis animálium evocáti, orácula réddere cessáverint. Tam in-exspectáto siléntio attóniti, Gentiles rei causam ánxia sollicitúdine investigant. Tandem compértum habent vanæ

superstitionis antístites, Saturnínus, Christi virtúte, ora dæmónum sic obturásse, ne possent consuléntes ipsis vota fácere. Itaque, quadam dié, paráto ad víctimam tauro, dum Saturnínus transíret, quidam ex illa malignántium turba exclámat adésse deórum adversárium. Statim comprehénsus, cum dæmóniis immoláre cogerétur, líbere respóndit unum se verum et solum Deum agnós- cere et huic soli se laudes et hóstias immolatúrum.

LECTIO V.

AD hujúsmodi verba ex-
candéscens ímpia turba, ímpetu facto, in sanctum Præsulem ruit, et magno furóre, pugnis, cálcibus, fústibus Christi testem vérberat et tundit; sed clara voce generósus Martyr Christiánæ fidei præcónium attóllit, His

efferáti Saturnínium in Capitólíum urbis traxérunt, commináti duríssimam mortem, nisi, more pátrio, diis sacra fáceret. Id cum constánte renuísset, vana spernens númina, quibus se terróri esse intelligébat, pedes ejus tauro alligáru[n]t, qui gloriósum Mártýrem per declíves gradus Capitólíi raptátum, collíso cápíte, excússo cérebro, membrisque discérptis, interémit.

LECTIO VI.

Sic occúbuit Christi ínclýtus Antistes, cujus corpus exánime támdiu a tauro distráctum est, quoad, rupto fune, accéptum et ligneo immíssum féretro, duæ fœminæ, sexus infirmitátem fi-

dei virtúte superánte, in alta scrobe tumultuário condidérunt. Invéntum est póstea ab Hilário Tolosáno, qui, effóssa circum humo, sacras véritus reliquias commovére, túmulum super impósuit et oratórium extrúxit. Ex eo loco tandem translátum fuit in célebrem basilicam, quam Cárolus Magnus toto orbe augústam redditúrus, sacris plurimórum sanctórum pignóribus, omni ope, ditándam curávit.

In III Noct. Homil. Si considerémus, de Comm., primo loco. p. 32+

Lect. IX de Homil. in Evang. Vigiliæ, in Propr. Sanct. In Laud. Comm. Vigiliæ et S. Saturnini, Mart., in Propr. Sanct.

p. 409

FESTA DECEMBRIS.

DIE I.

SANCTI ILERI,

EPISC. MIMATENSIS ET CONFESS.

*Duplex.**Omniade Comm. Conf. Pont.*

ORATIO.

DEUS, qui inter cætera tuæ bonitátis dona, beátum Ilérum, Confessórem atque Pontíficem, pastoráli pro pópulo tuo sollicitúdine decorásti; da cunctis qui ejus festivitátem pie célebrant, méritis étiam et précibus adjuvári. Per Dóminum.

*Com. S. Eligii, Conf. Pont.**Oratio Da, quæsumus.* p. 88+*Lect. I Noct. de Script. occ.*

IN II NOCTURNO.

LECTIO IV.

ILERUS, seu Isérus, ob insignem vitæ sanctitátem, albo beatórum Ecclésiæ Gabalitánæ Pontíficum ab omni ævo inscríptus, solémni et perpétua in tota Diœcesi veneratióne cólitur. Méntio ejus habétur in Actis sanctæ Enímiæ, Vírginis, soróris Dagobérti regis; quæ, ut vetústa monuménta narrant, in trac-tu Gabalitáno, ad montes Tarni flúvio imminétes, quo secésserat, annuénte Rege,

cóndidit duplex monastérium et solémniter consecrata est abbatissa a beáto Iléro, Episcopo.

Lect. v et vi Beáti patris, de Comm., secundo loco. p. 68⁺

IN III NOCTURNO.

Lectio sancti Evangélii secundum Joánnem.

LECTIO VII. *Cap. 10.*

IN illo témpore, dixit Jesus Pharisæis : Ego sum pastor bonus. Bonus pastor animam suam dat pro óvibus suis. Et réliqua.

Homília sancti Augustini, Episcopi.

Ex Serm. 40, de verbo Dom.

AUDIAMUS Dóminum Jesum commendántem nobis boni pastóris officium : in qua commendatióne admónuit nos útique, ut intéllegi datur, bonos esse pastóres. Et tamen, ne intelligerétur perverso modo multitúdo pastórum : Ego sum, inquit, pastor bonus : et unde sit pastor bonus, consequénte osténdit. Pastor, inquit, bonus animam suam ponit pro óvibus. Pastor ergo bonus Christus est. Interrogémus Dóminum qualicúmque sensu, et humíllima disceptatióne cum tanto Patrefamílias colloquámur. Quid dicis, Dómine, bone Pastor ? Tu enim bonus pastor, qui bonus Agnus : idem pastor et pásqua ; idem agnus et leo. Quid dicis ? Au-

diámus, et ádjuva ut intelligámus. Ego sum, inquit, bonus Pastor.

LECTIO VIII.

QUID Petrus ? Tu ei dixísti : amas me ? Et respóndit : amo. Et tu ei : pasce oves meas. Tu, Dómine, interrogatióne tua, firmaménto oris tui, amatórem fecísti pastórem. Pastor est ergo cui pascéndas oves tradidísti. Ipse commendásti : pastor est. Quid est ergo quod pastóribus comméandas unum pastórem, nisi quia in uno pastóre doces unitátem ? Et expónit apértius ipse Dóminus per ministérium nostrum, ex ipso Evangélio, commémorans charitátem vestram et dicens : Audíte quid commendávi. Ego sum pastor bonus, dixi : quia omnes cæteri, omnes pastóres boni, membra mea sunt. Unum caput, unum corpus, unus spíritus. Ergo et pastor ipse est pastórum. Et pastóres multi sunt uníus pastóris ; et oves cum pastóribus sunt sub pastóre. Ego sum pastor bonus. Ego sum, unus sum, mecum in unitáte omnes sunt.

Pro S. Eligio.

LECTIO IX.

ELIGIUS, Lémovix, aurífaber indústrius, relícta pátria, Parísios se cóntulit, ubi perítie suæ fama Clotário secúndo innótuít. Sanctióriis vi-

tæ desidério accensus, omnium ab adolescentia delictorum exomologésim fecit coram sacerdote, et exinde in ópera pietátis omnino incubuit. Vária ejus hortátu et impensis extructa sunt templa et monastéria. Plúrima, diversis temporibus, auro, argénto et gemmis ornávit sepúlchra sanctórum. Mausoléum imprímis mártiris Dionysii miro artificio decorávit. Ad Novioménsem episcopátum assumptus, simoniácam labem, quæ altas in Gállia radices égerat, de Ecclesiæ disciplína sollicitus, extirpávit. Et non modo salutí gregis sibi commissi invigilávit, sed et Flandros et Frisios aliósque ad Septentrionem pópulos, non sine magno labóre ac vitæ discrimine ad Christum addúxit. Sedit in Concílio Cabilonénsi sub Clodóveo secúndo. Multa præcláre scripsit, ejécit dæmones, futura divínitus prædixit, aliisque miráculis illústris óbiit septuagenárius, desinente die última Novémbris, anno sexcentésimoquinquagésimo nono, et Noviómi sepúltus est.

Si Officium S. Ileriest transferendum :

LECTIO IX.

QUI extra me pascit, contra me pascit. Qui mecum non colligit, spargit. Ergo audíte ipsam unitátem vehe-

méntius commendátam. Hábeo, inquit, álias oves, quæ non sunt ex hoc ovili. Has nóverat, qui redimere sanguine suo fuso vénerat. Vidébat eas nondum vidéntes eum, nóverat eas nondum credéntes in eum. Hábeo, inquit, álias oves quæ non sunt de hoc ovili, sed tamen non sunt extra hoc ovile, quia opórtet me eas addúcere, ut sit unus grex et unus pastor.

Pro Commem. S. Eligii, Episc. et Conf. p. 38⁺

Oratio Da, quæsumus.

DIE VIII.

IMMAC. CONCEPT. B. M. V.

Duplex 2 classis.

Officium recens concessum in Suppl. Brev. p. 424

DIE X.

PRO COMMEMORATIONE

SANCTÆ EULALIÆ,

VIRGINIS ET MARTYRIS. *p. 37⁺*

In I Vesperis et Laudibus.

Oratio Deus, qui inter.

DIE XVII.

SANCTI LAZARI

RESUSCITATI, EPISC. ET CONF.

Duplex. p. 288⁺

In utrisque Vesp. et Laud., ad Magnif. et ad Bened. Ant.
Lázarus amicus noster dormit : eámus et a somno excitémus eum.

Oratio Exáudi.

Lect. I Noct. de Script. occ.

In Quatuor Temp. Fidélis sermo. *no. 8 5 1*

In II Noct. Lect. Beáti patris Iázari. *no. 6 8 +*

IN III NOCTURNO.

Léctio sancti Evangélii secúndum Joánnem.

LECTIO VII. *Cap. 2.*

IN illo témpore : Erat quidam languens Lázarus a Bethánia, de Castélllo Mariæ et Marthæ soróris ejus. Et réliqua.

Homília sancti Augustíni,
Epíscopi.

Tract. 49 in Joannem.

IN superióri lectióne meministis, quod Dóminus éxiit de má nibus eórum qui lapidáre eum volébant, et discéssit trans Jordánem, ubi Joánes baptizábat. Ibi ergo Dómino constitúto, infirmabátur Lázarus in Bethánia ; quod Castéllum erat próximum Jerosólymis. María autem erat quæ unxit Dóminum unguénto, et extérsit pedes ejus capíllis suis, cujus frater Lázarus infirmabátur. Misérunt ergo soróres ejus ad eum. Jam intelligimus quo misérunt : ubi erat Jesus, quóniam absens erat, trans Jordánem scilicet. Misérunt ad Dóminum, nuntiántes quod ægotáret frater eárum, ut, si dignaré tur, veníret, et eum ab ægritúdine liberáret.

ille dístulit sanáre, ut posset resuscitáre.

LECTIO VIII.

QUID ergo nuntiavérunt soróres ejus ? Dómine, ecce quem amas, infirmátur. Non dixerunt : Veni. Amánti enim tantúmmodo nuntiándum fuit. Non ausæ sunt dicere : Ibi jube et hic fiet. Cur enim non et istæ, si fides illíus Centuriónis inde laudátur ? Ait enim : Non sum dignus ut intres sub tectum meum, sed tantum dic verbo, et sanábitur puer meus. Nihil horum istæ, sed tantúmmodo : Dómine, ecce quem amas, infirmátur. Súfficit ut nóveris : non enim amas et déserris.

LECTIO IX.

DICIT áliquis : quómodo per Lázarum peccátor significabátur, et a Dómino sic amabátur ? Audiat eum dicéntem : Non veni vocáre justos, sed peccátóres. Si enim peccátóres Deus non amáret, de cælo ad terram non descénderet. Audiens autem Jesus dixit eis : Infirmitas hæc non est ad mortem, sed pro glória Dei, ut glorificétur Fílius Dei. Talis glorificátio ipsius non ipsum auxit, sed nobis prófuit. Hoc est ergo quod ait : Non est ad mortem, quia et ipsa mors non erat ad mortem, sed pótius ad miráculum, quo facto,

créderent hómines in Christum, et vitarent veram mortem. Sane vidéte quemádmódum tamquam ex oblíquo Dóminus Deum se dixit, propter quosdam qui negant Fílium Deum esse.

DIE XVIII.

EXPECTAT. PARTUS B. M. V.

Duplex majus.

Officium in Suppl. Brev. 10. 2. 87*

DIE XXVI.

PRO COMMÉMORATIONE

OMNIUM SANCT. MARTYRUM.

IN I VESPERIS.

Ant. Isti sunt sancti quos elégit Dóminus in charitáte non ficta; dedit illis glóriam sempitérnam.

ŷ. Justi epuléntur et exúltent in conspéctu Dei. R̃. Et delecténtur in lætítia.

ORATIO.

DEUS, qui glorificáris in concílio sanctórum Mártyrum tuórum, réspice ad preces humilitátis nostræ; ut quorum solémnia celebrámus, eórum précibus adjuvári mereámur. Per Dóminum.

IN LAUDIBUS.

Ant. Sancti tui, Dómine, semper benedicant te, et glóriam regni tui dicant.

ŷ. Mirábilis Deus in sanctis suis. R̃. In sanctis ejus laudáte Deum.

IN II VESPERIS.

Ant. Dico autem vobis amícis meis, ne terreámini ab his qui occidunt corpus, ánimam autem non possunt occidere.

ŷ. Justi autem in perpétuum vivent. R̃. Et apud Dóminum est merces eórum.

DIE XXXI.

PRO COMMÉMORATIONE
SANCTÆ COLUMBÆ,
VIRGINIS ET MARTYRIS.

In I Vesperis et Laudibus,
Oratio Deus, qui. 10. 97*

LECTIO IX.

COLUMBA, regáli progénie, ut tráditur, in Hispánia orta, pátriam, ínscíis paréntibus, quo christiánæ fidei securíus nomen dare posset, déserens, cum vigínti sodálibus in Gálliam migrávit, Viénnam prius, postérius autem ad Sénones. At, dum hic bonis quibúslibet opéribus incumberet, ingravescente persecutióne ab imperátore Aureliáno edícta, pia virgo cum áliis Christiásseclis comprehénsa est et de fide interrogáta. Ipsa tamen, sóciis martyrio functis, sola serváta est Dei nutu ad majóra certámina. Brevi étenim ad tyránnum dénuo stare jussa, cum et blándítiis et minis supéríor, poénisque fórtior evasísset, póstea a libídine júvenis et a flammis divínitus

liberáta est : « Dic mihi, in-
 » quit ei Aureliánus, quanam
 » arte mala tália patráve-
 » ris. » « Nil mihi et dæmó-
 » niis, respóndit Colúmba :
 » única apud me virtus inve-
 » nítur, nempe invocátio nó-
 » minis Jesu Christi, cujus
 » poténtiæ testis invítus tu
 » fuísti. Insáne Tyránne,
 » corpus meum tibi solum

» súbjacet : illud ure, vel
 » seca ; scito tamen quod ni-
 » hil ab amóre Dei mei se-
 » paráre me póterit. Mortem
 » non tímeo, quin étiam totis
 » præcórdiis áppetó. Quid
 » tardas Sponso suo vírginem
 » júngere? » Tandem, cum
 his audítis Aureliánus ira
 exarsísset, martyrium Colúm-
 ba gládio consummávit.

FESTA JANUARIJ.

DIE II.

PRO COMMÉMORATIONE

SANCTI ODILONIS,

ABBATIS. p. 7

Oratio Intercéssio.

LECTIO IX.

ODILO, nóbilis Arvérnus, a
 prima juventúte uni ser-
 vivit Deo. Nomen statim de-
 dit Clericáli milítie ; sed pau-
 lo post, vitæ monásticæ stu-
 diósus, magístrum sibi elégit
 Maíolum, cœnóbii Cluniacén-
 sis Abbátem, et virtútum
 magístri se præbuit vere
 æmulum. In honóre et óne-
 re, digno Abbáti datus est
 dignus succéssor ; sicque offí-
 cii sui partes explévit, ut mi-
 nus homo terrénus quam
 cœléstis haberétur. In de-
 cantándis noctu diúque di-
 vínis láudibus erat indeféssus,
 corpúsque suum vigíliis, je-
 júniis omníque pœnægénere

macerábat. Pater vere páu-
 perum, ut eos in victu ne-
 cessário subleváret, cum ália
 non esset subveniéndi via,
 nec ipsis vasis sacris pepér-
 cit. Commemorationém óm-
 nium fidélium defunctorum,
 prima die post festum óm-
 nium Sanctórum in mona-
 stériis suis instituit ; quem
 ritum póstea Sancta Sedes
 comprobávit, et per univer-
 sálem Ecclésiám observári
 præcépit. Obiit Kaléndis Ja-
 nuárii, innúmeris clarus mi-
 ráculis, anno millésimo qua-
 dragésimo tértio.

DIE III.

PRO COMMÉMORATIONE

SANCTÆ GENOVEFÆ,

VIRGINIS. p. 7

ORATIO.

EFFUNDE super nos, Dómi-
 ne, spíritum agnitiónis
 et dilectiόnis tuæ, quo an-

cillam tuam Genovésam implevisti ; ut sédula ejus imitatione tibi sincére obsequentes, fide tibi et ópere placeamus. Per Dóminum.

LECTIO IX.

GENOVEFA, Nemptodúri in agro Parisiénsi nata, inaudítæ virtútis splendóre, a téneris annis, cláruit. Germánus Antissiodorénsis, divíno spírítu afflátus, Deo caram et vitæ sanctitáte illústrem prædixit. Ab ea cum postuláset num virginitátem Deo vellet consecráre, Genovéfa statim respóndit id unum se veheménter optáre. Germánus itaque puéllæ manus impósuit et virginem consecrávit. Miraculórum dono et multitudíne excélluit. Plúrima prophético spírítu edíxit, atque imprímis, accedénte Attila, Hunnórum rege, civés Parisienses adhortáta est, ne, relictis sédibus, fortúnas suas álio transférrent, urbem pollicíta, subvérsis áliis munitióribus, perstitúram. Rei veritátem probávit événtus, idque Genovéfæ patrocínio datum. Grassánte deínde fame, et in máxima annónæ charitáte, urbem magna fruménti cópia et páuperes inúmeros erogátis pánibus sustentávit. Malevolórum ódio et calúmniis impetíta, patiénter sustínuit, jejuniórum et austerióriis vitæ disciplína insignis, étiam júnior, admi-

rándis virtútibus late cláruit, et in Christi servitúte ad annum undenonagésimum consénuit.

DIE V.

PRO COMMEMORATIONE
SANCTI SIMEONIS STYLITÆ.

CONFESSORIS.

Oratio Adéstó. *p 1* ⁺

DIE XII.

PRO COMMEMORATIONE
SANCTI GULIELMI,
EPISCOPI ET CONFESSORIS.*Oratio* Exáudi. *p 85* ⁺

DIE XVI.

SANCTI FIRMINI,
EPISCOPI MIMATENSIS ET CONF.*Duplex.* *p 85* ⁺

ORATIO.

DEUS, fidélium lumen et Pastor animárum, qui beátum Firmínus, Confessórem tuum atque Pontificem, in Ecclésia posuísti, ut oves tuas verbo pásceret et informáret exémplo : da nobis, ejus intercessióne, et fidem serváre quam verbo dócuit, et viam sequi quam exémplo monstrávit. Per Dóminum.

Pro Commem. S. Boniti,
Episc. et Conf. *p 85* ⁺

ORATIO.

DEUS, qui sacrum ministérium fidéliter exequéntes, in gáudium tuum tríbuis

benignus intrare : da nobis ,
intercessiōne beāti Bonīti ,
Confessōris tui atque Pontī-
ficis, ut, in módico fidēles,
mercēdem magnam, quæ ip-
se es, cōsequi mereāmur.
Per Dóminum.

Lect. I Noct. de Script. occ.

IN II NOCTURNO.

LECTIO IV.

FIRMINUS, Episcopus Gabali-
tānus, in episcopātu suc-
cessisse crēditur sancto Pri-
vato, qui Galliēni et Valeriāni
tēpore a Chroco, Aleman-
nōrum rege seu duce, inter-
fectus martyr occūbuit. Sín-
gula quæque ab eo gesta non
cognoscūtur, at de ejus cul-
tus antiquitāte constat apud
Gábalos. Beāti Firmīni cor-
pus, cum diu latuisset, ipso,
ut fertur, revelāte, invén-
tum est in óppido Belnacēsi,
urbis canónica subúrbio, ad
aram sancti Juliāni, in tem-
plo órdinis sancti Benedícti ,
dicāto sub título sancti Mar-
tini.

*Lect. v et vi Ad sancti ac
beatissimi, de Comm., primo
loco. } - 6 } **

IN III NOCTURNO.

Lectio sancti Evangélīi secún-
dum Matthæum.

LECTIO VII. Cap. 25.

IN illo tēpore : Dixit Jesus
discípulis suis parabolam
hanc : Homo péregre profi-
ciscens vocávit servos suos et

trádidit illis bona sua. Et ré-
liqua.

Homília sancti Joánnis
Chrysóstomi.

Ex Homil. 79 in Matth.

TALENTA hic pro eo quod
unusquisque fácere po-
test, accípimus, sive auctori-
tāte protégere, sive pecúniis
juvāre, sive doctrína admo-
nēre, sive ália quápiam re
áliis prodesse queas. Nemo
secum dicat : Cum unum ta-
lētum hábeam, nihil pos-
sum efficere; potes profecto
ex ea una re sola compro-
bári. Non es paupérior illa
vídua; non es Petro atque
Joánne rustícior : qui, quam-
vis rudes simul atque illitte-
ráti fuérunt, quóniam magno
stúdio commúnem utilitātem
compléxi fuérant, cœlórum
partícipes facti sunt.

LECTIO VIII.

QUIPPE nulla res Deo grátior
est, quam ut univérsam vi-
tam ad commúne cōmmodum
cōferas. Idcirco ratiōne atque
oratiōne nos Deus decorávit;
mentem atque ingénium con-
cēssit; manus, pedes, vires
córporis dedit, ut his ómni-
bus et nos ipsos et próximos
tutémur. Non enim ad agén-
das grátias solúmmodo con-
fert orátio, verum étiam ad
docéndum et ad monéndum
perútilis est; quia in re si ea
diligénter utémur, Dómi-

num; sin vero in contráriis, diábolum imitábimur.

Pro S. Bonito.

LECTIO IX.

BONITUS, Arvérnus, post illustrátam virtútibus aulam Sigebérta, Austrásiæ regis, et præfectúram Massíliæ sancte gestam, Avito fratri, Arvernórum episcopo, succéssor factus, sacræ lectióni, vigíliis, oratióni, jejúniis, hospitalitáti aliisque charitátis opéribus totum se dedit. Frequéntes hábuit cum Clero de Canónibus observándis collatiónes, et plebem a presbyteris edocéndam máxime curávit. Abdicáto episcopátu, mónachi vitam professus est in Magnilocénsi cœnóbio. Deínde Apostolorum límina pétiit. Roma revérsus, Lugdúni óbiit, unde ejus reliquiæ ad urbem Claromontánam translátæ sunt.

Si autem S. Firmini festum transfertur:

LECTIO IX.

NAM et Petrus quidem, quando Christum confitebátur, quasi ea dicens quæ Patris sunt, beatificabátur: quando autem crucem horrébat atque repellébat, quasi ea quæ diáboli sunt sápiens, ácritè increpabátur. Si ergo, ignoratióne crucem recusándo, reprehénsus est, quam nos, sponte peccántes, véniam impetrábimus? Ea ergo

loquámur quæ Christi verba esse conféstim cognoscúntur. Nec enim, cum dixeró: Surge et ámbula; neque, cum dixeró: Thábita, surge, tum solum Christi verba loquor; verum étiam multo magis, si, contuméliis agitátus, benedíxero; si, oppréssus injúria, pro oppriméntibus orábo.

DIE XVII.

PRO COMMÉMORATIONE

SANCTI SULPITII,

EPISCOPI ET CONFESSORIS.

Oratio Da, quæsumus. 1088 +

LECTIO IX.

SULPITIUS, a púero pietáti déditus ac misericórdiæ opéribus et religiónis augmento constánter inténtus, ad Diaconátum promótus est, ut in Ecclesiá officium docéndi exercéret. Presbyter factus regem Clotárium, gravíssimo morbo laborántem, septem diérum oratióne et jejúnio sanitáti restítuit. Austregísilo, Bituricénsi Episcopo, succéssor datus, óptimi præsulis partes implévit. Sæpe synodos, sive diocesános, sive provinciáles celebrávit. Zelo Dei succénsus, Judæos in Biturigibus degéntes ad Christum addúxit. Plenus tandem diérum et bonis opéribus ditátus, quiévit in Dómino, die décima séptima Januárii, circa médium séptimi sæculi et in urbe Bituricénsi sepúltus est.

DIE XIX.

SANCTI GENULFI,

EPISCOPI ET CONFESSORIS.

*Semiduplex.**Oratio Exaudi.* p. 55 **Comm. SS. Marii et Soc.,
Mart., in Propr. Sanct.* b 475*Lect. I Noct. de Scriptura
occurrente.*

IN II NOCTURNO.

LECTIO IV.

GENULFUS, a Románo Pontífice in Gállias missus est. Primus fuit Ecclésiæ Cadurcensis Episcopus, ejusque labóribus civitas et univérſa Cadurcorum régio ad veri Dei cultum tradúcta fertur. Non-núllæ, sub ejus nómine dedicatæ, memorántur ecclésiæ in vetéribus Capituli Cadurcensis códicibus. Est in Biturícibus vetus abbátia sancti Genúlfí, quæ, prius Stradénſe vocáta monastérium, mutávit nomen, translátis in eam, circa annum octingentésimum septuagésimum, sancti Genúlfí sacris reliquiis.

LECTIO V.

Sermo sancti Hierónymi,
Presbyteri.*In Cap. 9 Matth.*

CERNIS quod æquáliter et villis, et úrbibus, et castéllis, id est, et magnis et parvis, Evangélium Christus prædicáverit; ut non consi-

deráret nobílium poténtiam, sed salútem credéntium. Circuibat civitatés, hoc habens óperis quod mandáverat Pater; hanc esúriem, ut doctrína sua salvos fáceret infidéles. Docébat autem in synagógis et villis Evangélium regni, et post prædicationem atque doctrínam curábat omnem languórem et omnem infirmitátem; ut quibus sermo non suáserat, ópera persuadérent.

LECTIO VI.

VIDENS autem turbas, miserátus est eis, quia erant vexátí et jacéntes sicut oves non habéntes pastórem. Vexátio gregis et óvium atque turbárum, pastórum culpa et vítium magistrórum est. Unde séquitur: Messis quidem multa, operárii autem pauci: rogáte ergo dómínium messis, ut mittat operários in messem suam. Messis multa populórum significat multitudínem: operárii pauci, penúriam magistrórum. Et ut apértius loquar, messis multa omnis turba credéntium est: operárii autem pauci, et apóstoli et imitatóres eórum qui mittúntur ad messem.

In III Noct. Homilia Ut ignorántiam, de Comm., secundo loco.

Lectio IX de SS. Mario et Soc., in Propr. Sanct. b 477

DIE XXIII.

DESPONSATIO B. M. V.

*Duplex majus.**In Suppl. Brev. p. 215⁺**Comm. S. Emerentianæ,
Virg. et Mart., in Propr. Sanct.*DIE XXV. *p. 218*

PRO COMMEMORATIONE

SANCTI PRÆJECTI,

EPISCOPI ET MARTYRIS.

*Oratio Infirmi-
tatem. p. 214⁺*

LECTIO IX.

PRÆJECTUS, a téneris annis altáribus desérviens, non dúbia dedit signa férvidæ pietátis; et sciéntia sacræ Scriptúre et pastorális elóqui cláruit. In Episcopum Arvernénsem assúptus, monastéria cóndidit et ecclési-
as extrúxit aut decorávit. Ovi-
bus pascéndis totus incúm-
bens, quam poténti sermóne
prædicábat doctrínam, exí-
miæ sanctitátis exémplo cór-
dibus infundébat. Inter egré-
gia quibus pollébat dona,
grátiam habébat curatiónum.
Inde fremébant inférnæ po-
testátes, quarum suggestióne
nefárii quidam, spóliis Ecclé-
siæ ditáti, ideóque apostóli-
cam illius fortitúdinem ægre
feréntes, dum ex itinere red-
íret, summisérunt sicários,
quos ut aspéxit irruéntes,
impávide corpus ófferens,
dixit: Dómine, ne státuas
illis hoc peccátum; nésciunt
enim quid faciunt. Statímque

pugióné vulnerátus et gládio
percússus, discérpto cápite,
occúbuit.

DIE XXVI.

SANCTI SEVERIANI,

EPISCOPI MIMATENSIS ET CONF.

Duplex. p. 188⁺

ORATIO.

DOMINE Jesu, qui nos per
beátum Severiánum,
Confessórem tuum atque Pon-
tíficem, ad agnitiónem tui
nóminis veníre tribuísti: eó-
dem intercedénte, da nobis
fámulis tuis ut per eam quam
accépimus fidem in ætérnam
íngredi réquiem festinémus.
Qui vivis.

Lect. I Noct. de Script. occ.

IN II NOCTURNO.

LECTIO IV.

LICET, témporum injúria,
civílium bellórum vasta-
tióne et insána hæreticórum
rábie, pretiósa de perantíqua
Ecclésiæ Mimaténsis origine,
et quidem multa, perierint
documenta; ex probatíssimæ
notæ monuméntis históricis,
quália sunt plura Martyroló-
gia, et non pauci qui religiósè
Mimáti asservántur manu-
scripti códices, Severiánus,
beáti Martiális, Lemovicénsis
Episcopi, in Evangélio fidélis
adjútor, hunc ínclytum Aquí-
tánia apóstolum per mon-
tána nostræ regiónis présby-
ter secúsus est. Mox, fundáta

in vico Mimaténsi Ecclésia et sub patrocínio beátæ Mariæ Virginis dedicáta, Martiális, ad álias gentes itúrus, discipulum, labóris sócium et virtútis æmulum, in Pontíficem assúmpsit, ordinávit, et in tractu Gabalitáno reliquit, ut pópulum sedéntem in ténebris et umbra mortis Evangelio lucrifáceret. Huic auctoritáti cónsonat vetustíssima et cujus iníitium assignári non potest, constans tradítio. Nec mirum, si ejus acta authenticá, ut tot egregiórum, primævis hisce tempóribus, Christiánæ fidei præcónum, desiderántur.

LECTIO V.

AD fidem a beáto Severiáno convérsum narrant régulum quemdam seu príncipem Gabalitánum, qui, cum esset libéris orbátus, políticæ, qua in regióne pollébat, di-tiónis hærédem fecit sanctum Antístitem; atque inde non pauci répetunt originem illius potestátis, qua diu vígēte, Mimaténses episcopos, sequéntibus sæculis, constat benígne dominationis dona in pópulum lárgiter effudisse. Quámdu ministérium apostolátus impléverit Severiánus incértum est; et prorsus ignorátur utrum vita, pretiósá quidem in conspéctu Dómini, martyrio fúerit consummáta, an pius Póntifex plácida morte obdormierit in Dómino.

Lectio VI Ad sancti, de Comm., primo loco. p. 1

In III Noct. Homilia Audiámus Dóminum, ut supra, p. 3.

DOMINICA ANTE SEPTUAGESIMAM.
SS. ET IMMAC. CORDIS B. M. V.

Duplex majus.

¶ *Quando non sunt tres Dominicæ post Epiphaniam, hoc Festum transfertur ad primam diem non impeditam.*

IN I VESPERIS.

Ant. et Capit. de Laud. Psalmi et reliqua hic non propria ut in Festis B. M. V. p. 145

ÿ. Exúlta in omni corde, fília Jerúsalem. R. Rex Israel, Dóminus in médio tui.

Ad Magnif. Ant. Exultávit Cor meum in Dómino, et exaltátum est cornu meum in Deo meo, quia lætáta sum in salutári tuo.

AD MATUTINUM.

Invit. Ave, María, grátia plena : * Dóminus tecum.

IN I NOCTURNO.

Ant. Benedícta tu inter mulieres, et benedíctus fructus ventris tui.

Ant. Et ait María : Magnificat ánima mea Dóminum, et exultávit spíritus meus in Deo salutári meo.

Ant. Quia respéxit humilitatem ancillæ suæ : ecce enim ex hoc beátam me dicent omnes generatiónes.

ŷ. Anima mea liquefacta est. R̃. Ut locutus est dilectus.

De Canticis Canticorum.

LECTIO I. *Cap. 4.*

QUAM pulchra es, amica mea, quam pulchra es! Oculi tui columbarum, absque eo quod intrinsecus latet. Sicut vitta coccinea, labia tua, et eloquium tuum dulce. Sicut fragmen mali púnici, ita genæ tuæ, absque eo quod intrinsecus latet. Sicut turris David collum tuum, quæ ædificata est cum propugnaculis : mille clypei pendent ex ea, omnis armatura fórtium. Vulnerasti cor meum, soror mea, sponsa, vulnerasti cor meum in uno oculorum tuorum, in uno crine colli tui. Favus distillans labia tua, sponsa, mel et lac sub lingua tua. Hortus conclusus, fons signatus.

R̃. Deduc me, Dómine, in via tua, et ingrédiar in veritate tua : lætetur cor meum, * Ut timeat nomen tuum. ŷ. Pone me ut signaculum super cor tuum, ut signaculum super bráchium tuum. * Ut.

LECTIO II. *Cap. 5.*

VENI in hortum meum, soror mea, sponsa : méssui myrrham meam cum aromátibus meis : comédi favum cum melle meo. Vox dilecti mei pulsantis : Aperi mihi, soror mea, amica mea, columba mea, immaculata

mea, quia caput meum plenum est rore, et cincinni mei guttis nóctium. Surréxi ut aperírem dilecto meo : manus meæ stillaverunt myrrham, et dígití mei pleni myrrha probatíssima. Apérui dilecto meo ; at ille declináverat atque transierat. Anima mea liquefacta est, ut locutus est.

R̃. In Dómino gaudébo, et exultábo in Deo Jesu meo : Deus Dóminus, fortitúdo mea, * Super excélsa dedúcet me. ŷ. Læva ejus sub cápite meo, et dextera illius amplexábitur me. * Super.

LECTIO III. *Cap. 5 et 6.*

QUALIS est dilectus tuus ex dilecto, o pulcherrima mulierum? qualis est dilectus tuus ex dilecto, quia sic adjurasti nos? Dilectus meus candidus et rubicundus, electus ex millibus, totus desiderabilis. Talis est dilectus meus, et ipse est amicus meus, filiae Jerúsalem. Quo abiit dilectus tuus, o pulcherrima mulierum? Quo declinavit dilectus tuus, et quæremus eum tecum? Pulchra es, amica mea, suavis et decóra sicut Jerúsalem, terribilis ut castrorum ácies ordinata. Una est columba mea, perfecta mea, una est matris suæ, electa genitríci suæ. Vidérunt eam filiæ, et beatissimam prædicavérunt : reginæ laudavérunt eam. Tu autem.

℞. Inveni grátiam apud
 óculos tuos, Dómine mi,
 * Qui consolátus es me, et lo-
 cútus es ad cor ancillæ tuæ.
 ŷ. In toto corde meo exqui-
 sívi te : ne repéllas me a
 mandátis tuis. * Qui. Glória
 Patri.* Qui.

IN II NOCTURNO.

Ant. Beáta, quæ credidisti,
 quóniam perficiéntur ea quæ
 dicta sunt tibi a Dómino.

Ant. Fecit mihi magna
 qui potens est, et sanctum
 nomen ejus.

Ant. Fecit poténtiam in
 bráchio suo : dispérsit supér-
 bos mente cordis sui.

ŷ. Fortis est ut mors dilé-
 ctio. ℞. Dura sicut inférnus
 æmulátio.

De Sermóne sancti Bernardíni
 Senénsis.

Ex Serm. 9. de Visitatione.

LECTIO IV.

QUIS mortálium, nisi divíno
 fretus oráculo, de vera
 Dei et hóminis Genitríce
 quidquam módicum, sive
 grande, præsumat pollútis
 lábiis nomináre, quam Pater
 ante sæcula Deus perpétuam
 prædestinávit in Vírginem
 digníssimam: Fílius elégit in
 Matrem, Spíritus sanctus om-
 nis grátiae domicílium præ-
 parávit? Quibus verbis ego
 homúnculus sensus altíssi-
 mos virgínei Cordis, sanctís-
 simo ore prolátos, éfferam,

quibus non súfficit lingua óm-
 nium hóminum et étiam An-
 gelórum? Dóminus enim ait :
 Bonus homo de bono thesau-
 ro cordis sui profert bona.
 Quis autem inter puros hó-
 mines mélior homo potest
 excogitári, quam illa, quæ
 méruiť éffici Mater Dei, quæ
 in Corde et in útero suo
 ipsum Deum hospitáta est?
 Quis thesáurus mélior, quam
 ipse divínus amor, quo Cor
 Vírginis ardens erat?

℞. Ego diligéntes me dili-
 go, et qui mane vígilant ad
 me, invénient me : mecum
 sunt divítiae et glória, * Opes
 supérbæ et justítia. ŷ. Ut di-
 tem diligéntes me, et thesau-
 ros eórum répleam. * Opes.

LECTIO V.

DE hoc ígitur Corde quasi
 fornáce divíni ardóris
 Virgo beáta prótulit verba
 bona, id est, verba ardentís-
 simæ charitátis. Sicut enim
 a vase óptimo vino pleno,
 non potest exíre nisi ópti-
 mum vinum, aut sicut a for-
 náce summi ardóris non
 egréditur nisi incéndium
 fervens; sic de Corde Matris
 Christi exíre non pótuit ver-
 bum, nisi summi summéque
 divíni amóris atque ardóris.
 Septem verba tantum miræ
 senténtiæ et virtútis a Christi
 benedictíssima Matre legún-
 tur dicta. Cum Angelo bis
 tantum locúta est. Cum Elí-
 sabeth bis étiam. Cum Fílio

étiam bis. Cum ministris in nuptiis semel. Hæc septem verba, secúndum septem amóris actus, sub miro gradu et órdine proláta, quasi sunt septem flammæ Cordis ejus.

ñ. Ego mater pulchræ dilectiónis, et timóris, et agnitiónis, et sanctæ spei : in me grátia omnis viæ et veritátis : * In me omnis spes vitæ et virtútis. ÿ. Transíte ad me, omnes qui concupiscitis me, et a generatióibus meis implémini. * In me.

LECTIO VI.

QUÆ verba considérans mens devóta, cum ipso Prophéta ait : Quam dúlcia fáucibus meis, id est, ómnibus affectiúnibus elóquia tua ! Porro dulcédo hæc, quam in verbis beátæ Virginis devóta mens sentit, est ardor piæ devotiúnis, quam in eis ánima experimentáliter probat. Distinguámus igitur per órdinem has septem flammæ amóris, verbórum Virginis benedictæ. Prima est flamma amóris separántis. Secúnda amóris transformántis. Tértia amóris communicántis. Quarta amóris jubilántis. Quinta amóris saporántis. Sexta amóris compatiéntis. Séptima amóris consummántis.

ñ. Beátus homo, qui audit me, et qui vígilat ad fores meas quotidie, et obsérvat ad postes óstii mei. * Qui me invénerit, invéniet vitam, et háuriet salútem a Dómino.

ÿ. Qui autem in me peccáverit, lædet ánimam suam : omnes qui me odérunt, diligunt mortem. * Qui. Glória Patri. * Qui.

IN III NOCTURNO.

Ant. Unde hoc mihi, ut véniat Mater Dómini mei ad me ?

Ant. Misericórdia ejus a progénie in progénies timéntibus eum.

Ant. Suscépit Israel púerum suum, recordátus misericórdiæ suæ.

ÿ. Ego dilécto meo. ñ. Et ad me convérsio ejus.

Léctio sancti Evangélii
secúndum Lucam.

LECTIO VII. *Cap. 2.*

IN illo témpore : Dixit mater Jesu ad illum : Fili, quid fecísti nobis sic ? Ecce pater tuus et ego doléntes quærebámus te. Et réliqua.

De Homília venerábilis Bedæ,
Presbyteri.

*In Homilia Hiem. de Temp.,
Dom. 1 post Epiph.*

MATER ejus, inquit Evangelista, conservábat ómnia verba hæc in Corde suo. Omnia quæ de Dómino vel a Dómino dicta sive acta cognóverat Mater Virgo, diligéntius in Corde retinébat, solícite cuncta memóriæ commendábat, ut cum demum tempus prædicándæ sive scribéndæ Incarnatiúnis ejus adveníret,

sufficiénter univérſa, prout essent gesta, posset explicáre quæréntibus. Imitémur et nos, fratres mei, piam Dómini Matrem, ipsi quoque ómnia verba et facta Dómini ac Salvatóris nostri fixa in corde conservádo.

℞. Aquæ multæ non potuérunt extingüere charitátem : * Neque flúmina óbruent eam. √. Si déderit homo omnem substántiam domus suæ pro dilectióne, quasi nihil despíciat eam. * Neque.

LECTIO VIII.

HORUM Dómini verbórum et actórum meditatioe diúrna et noctúrna, importúnos inánium nocentiúmque cogitatioeum repellámus incúrsus : horum crebra collatioe et nos et próximos nostros a fábulis supervácuís, et male dulcorátis detractioeum collóquiis castigáre, atque ad divínæ frequéntiam laudis accéndere curémus. ¶ Si enim, fratres charíssimi, in futúri beatitúdine sæculi habitáre in domo Dómini, ac perpétuo illum laudáre desiderámus, opórtet nimirum et in hoc sæculo, quod in futúro quærámus, solícite præmonstrémus : frequentádo videlicet Ecclésiæ límina, et non solum in ea laudes Dómini canédo, sed et in omni loco dominationis ejus, ea quæ ad laudem gloriámque Conditóris nostri proficiant,

verbis páriter ac factis ostendédo.

℞. Spíritus meus super mel dulcis, et hæréditas mea super mel et favum : qui audit me, non confundétur : * Et qui operántur in me, non peccábunt. √. Qui elúcidant me, vitam ætérnam habébunt. * Et. Glória Patri. * Et.

Lectio IX de Homilia Domin.

AD LAUDES

ET PER HORAS.

Ant. Trahe me * post te : currémus in odórem unguentórum tuórum.

Ant. Diléctus meus * lóquitur mihi : Surge, própera, amíca mea.

Ant. Fulcíte * me flóribus, stipáte me malis, quia amóre lángueo.

Ant. Adjúro vos, filíæ Jerúsalem, ne suscitétis diléctam, quoadúsque ipsa velit.

Ant. Ego dórmio, * et cor meum vígilat.

CAPITULUM. *Cant.* 8.

PONE me ut signáculum super Cor tuum, ut signáculum super bráchium tuum : quia fortis est ut mors diléctio, dura sicut inférnus æmulátio. Lámpades ejus lámpades ignis atque flammárum.

√. Qui me invénerit, invéniet vitam. ℞. Et háuriet salútem a Dómino.

Ad Bened. Ant. Extóllens vocem quædam múlíer de

turba, dixit illi : Beátus ven-
ter qui te portávit, et úbera
quæ suxísti !

ORATIO.

OMNIPOTENS, sempitérne
Deus, qui in Corde beátæ
Mariæ Virginis dignum Spíri-
tus sancti habitáculum præ-
parásti : concéde propítius,
ut ejúsdem puríssimi Cordis
festivitátem devóta mente re-
coléntes, secúndum Cor tu-
um vívere valeámus. Per Dó-
minum... in unitáte ejúsdem.

AD TERTIAM.

℞. *br.* Anima mea * Lique-
facta est. Anima. ʒ. Ut locú-
tus est diléctus. * Liquefacta.
Glória Patri. Anima.

ʒ. Fortis est ut mors dilé-
ctio. ℞. Dura sicut inférnus
æmulátio.

AD SEXTAM.

CAPITULUM. *Eccli.* 24.

Ego ex ore Altíssimi prodí-
vi, primogénita ante om-
nem creatúram : ego feci in
cælis, ut orirétur lumen in-

deficiens, et sicut nébula texti
omnem terram.

℞. *br.* Fortis est * Ut mors
diléctio. Fortis. ʒ. Dura sicut
inférnus æmulátio. * Ut. Gló-
ria Patri. Fortis.

ʒ. Ego dilécto meo. ℞. Et
ad me convérsio ejus.

AD NONAM.

CAPITULUM. *Eccli.* 24.

IN omni terra steti, et in
omni pópulo, et in ómni-
bus réquiem quæsívi, et in
hæreditáte Dómini morábor.

℞. *br.* Ego * Dilécto meo.
Ego. ʒ. Et ad me convérsio
ejus. * Dilécto. Glória Patri.
Ego.

ʒ. Qui me invenerit, invé-
niet vitam. ℞. Et háuriet sa-
lútem a Dómino.

IN II VESPERIS.

Omnia ut in primis, præter :

ʒ. Viam mandatórum tuó-
rum cucúrri. ℞. Cum dilatásti
Cor meum.

Ad Magnif. Ant. Exultávit
Cor meum in Deo salutári
meo, quia fecit mihi magna
qui potens est.

FESTA FEBRUARII.

DIE III.

SANCTI BLASII,

EPISCOPI ET MARTYRIS.

Duplex.

Oratio Deus, qui nos. *p. 24*
Lect. I Noct. de Script. occ.

IN II NOCTURNO.

LECTIO IV.

In Propr. Sanct. & 12

LECTIO V.

ILLIUS cultum apud Orien-
táles Ecclésias celebérri-

num jam ab antiquis temporibus fuisse patet, ex vetustissimis eorum menologiis. Non minus célebris fuit per omnes Occidentis, et máxime Galliárum, Ecclésiás sancti Blásii memória, pópulis úndique ad ejus patrocínium confugiéntibus, ex eo máxime tēpore quo sancti Mártiris reliquiæ huc illuc per Itáliam et Gálliam várie translátæ sunt. Sic Urbánus Quintus, pátria Gabalitánus, dum civitátem Mimaténsem donis et beneficiis cumuláret, inter pretiósas Sanctórum reliquias ejus Ecclésiæ antiquitus episcopáli dedit argenteam sancti Blásii icónem inaurátam, in qua ejus sancti cápitis pars includebátur. Itaque ad opem ínclýti mártiris ánimo álacri concúrrens devótas pia plebs preces effúndit.

Lectio vi Triumphális, de Comm., primo loco. p. 294

In III Noct., Homilia Si considerémus, de Comm., primo loco. p. 35

DIE IV.

B. JOANNÆ VALESIAE,

VIDUÆ.

Duplex.

In Suppl. Brev. p. 311

DIE VI.

SANCTI TITI,

EPISCOPI ET CONFESSORIS.

Duplex.

In Suppl. Brev. p. 319

(Dies fixa ex 4 Januarii.)

Comm. et Lectio ix S. Doctheæ; Virg. et Mart., in Propr. Sanct. (hac die). p. 311

DIE IX.

SANCTI POLYCARPI,

EPISCOPI ET MARTYRIS.

Duplex.

In Propr. Sanct. p. 424

(Fixa ex 26 Januarii.)

Comm. S. Apolloniæ, Virg. et Mart., in Propr. Sanct. (hac die). p. 323

DIE XI.

SANCTI ANDRÆ CORSINI,

EPISCOPI ET CONFESSORIS.

Duplex.

In Propr. Sanct. p. 813

(Fixa ex 4 hujus.)

DIE XII.

SS. JULIANI,

MARTYRIS,

ET BASILISSÆ,

VIRGINIS.

Semiduplex.

(Fixa ex 7 Januarii.)

Omnia de Comm. plurim. Mart., præter sequentia: p. 339

Oratio Deus, qui nos... solemnitáte. p. 370

Lect. I Noct. de Script. occ.

IN II NOCTURNO.

LECTIO IV.

JULIANUS, quem álii pátria Ægyptium, álii Antiochénum existimant, cum virgi-

nitátis votum júnior emisisset, tráditur fuisse a paréntibus compúlsus Basilíssam uxórem dúcere. Is vero, ipsa nuptiárum die, hanc indúxit, ut sese Christo per virginitátem devovéret; quam fidem utérque illibátam servávit. Ab invicem separáti, id unum cogitárum, ut essent sancti corpore et spíritu. Basilíssa, etsi martyrii desidério accén-
sa, opéribus tantum justitiæ et charitátis explétam in pace vitam finívit.

LECTIO V.

TUNC témporis máxime in christiános Diocletiánuſ sæviébat. Juliánuſ, ad fidei vocátus certámina, generóse Christum conféssus est. Igne et vário tormentórum génere tentátus, non extímuit eos qui occídunt corpus, ánimam autem non possunt occídere. Promíssis inaccéssus et minis, crudélem tyránnum irridet. Jesum enim videt óculis fidei sedéntem a dextris virtútis Dei, qui ad palmam dedúcit eum victórem in psalmis canéntem. Sicque quos mónitis et consíliis, Dei grátia intus operánte, ad fidei mystéria fervens addúxit, vel in via virtútis firmávit, iis glória passiónis exémplum forte reliquit, et ex eis plures mortis sócios habére méruit.

LECTIO VI.

SANCTORUM cónjugum cultus, non in Agypto tan-

tum, sed et in toto Oriénte, nec non in plúribus Occidéntis regiónibus obtínuit. Quos Deus tam sancte conjúnxerat, hos Ecclésia simul honoráre instituit, eosdémque título víginum et mátyrum insignívit, quamvis Basilíssa solúmmodo necem pro Christo patiéndi ardóre flagráverit.

In III Noct. Homilia Advérte ómnia, de Comm., secundo loco.

DIE XIII.

SANCTI MARCELLI,
PAPE ET MARTYRIS.

Semiduplex.

In Propr. Sanct. p. 416

(Fixa ex 16 Januarii.)

DIE XIV.

SANCTI CANUTI,
REGIS, MARTYRIS.

Semiduplex.

In Propr. Sanct. p. 471

(Fixa ex 19 Januarii.)

Comm. S. Valentini, Presb. et Mart., in Propr. Sanct. (hac die). p. 833

DIE XV.

S. RAYMUNDI DE PENNAFORT
CONFESSORIS.

Semiduplex.

In Propr. Sanct. p. 484

(Fixa ex 23 Januarii.)

Comm. SS. Faustini et Jovita, Mart., in Propr. Sanct. (hac die). p. 839

FERIA VI POST CINERES.

ORATIONIS D. N. J. C. IN MONTE OLIVETI.

*Duplex majus.**In Suppl. Brev. (Feria tertia post Septuag.)**p. 304⁺*

OFFICIA PER ANNUM

DE BENIGNITATE APOSTOLICA INDULTA.

Extra Ferias Adventus, Quadragesimæ, Quatuor Temporum, Vigiliarum, sive cum jejuniis, sive absque jejuniis, feriamque illam in qua, secundum Rubricas, reponendum est Officium Dominicæ :

Qualibet Feria quinta intra annum non præpedita Officio novem Lectionum, etiam translato, Officium votivum SS. Sacramenti, semiduplex;

Qualibet autem Sabbato, sub iisdem limitationibus et ritu, Officium votivum Immaculatæ Conceptionis beatæ Mariæ Virginis, in Suppl. Brev.

KALENDARIUM.

NOVEMBER.

29 S. Saturnini, Episc. et Mart., *semid.*

Pag.
1

DECEMBER.


1 S. Ileri, Episc. et Conf., <i>dupl.</i>	2
<i>Comm.</i> S. Eligii, Episc. et Conf.	3
8 IMMAC. CONCEPT. B. M. V., <i>dupl. 2 cl.</i>	4
10 <i>Comm.</i> S. Eulaliæ, Virg. et Mart.	4
17 S. Lazari, Episc. et Conf., <i>dupl.</i>	4
18 EXPECTATIO PARTUS B. M. V., <i>dupl. maj.</i>	6
26 <i>Comm.</i> Omnium SS. Martyrum.	6
31 <i>Comm.</i> S. Columbæ, Virg. et Mart.	6


JANUARIUS.

2 <i>Comm.</i> S. Odilonis, Abbatis.	7
3 <i>Comm.</i> S. Genovefæ, Virg.	7
5 <i>Comm.</i> S. Simeonis Stylitæ, Conf.	
12 <i>Comm.</i> S. Gulielmi, Episc. et Conf.	8
16 S. Firmini, Episc. et Conf., <i>dupl.</i>	8
<i>Comm.</i> S. Boniti, Episc. et Conf.	10
17 <i>Comm.</i> S. Sulpitii, Episc. et Conf.	10
19 S. Genulfi, Episc. et Conf., <i>semid.</i>	11
23 DESPONSATIO B. M. V., <i>dupl. maj.</i>	12
25 <i>Comm.</i> S. Præjecti, Episc. et Mart.	12
26 S. Severiani, Episc. et Conf., <i>dupl.</i>	12


FEBRUARIUS.

3 S. Blasii, Episc. et Conf., <i>dupl.</i>	18
4 B. Joannæ Valesiæ, Viduæ, <i>dupl.</i>	19
6 S. Titi, Episc. et Conf., <i>dupl.</i>	19
9 S. Polycarpi, Episc. et Mart., <i>dupl.</i>	19
11 S. Andreæ Corsini, Episc. et Conf., <i>dupl.</i>	19
12 SS. Juliani, Mart., et Basilissæ, Virg., <i>semid.</i>	19
13 S. Marcelli, Papæ et Mart., <i>semid.</i>	20
14 S. Canuti, regis, Mart., <i>semid.</i>	20
15 S. Raymundi de Pennafort, Conf., <i>semid.</i>	20
<i>Dominica ante Septuag., SS. ET IMMAC. CORDIS B. M. V.,</i>	
<i>dupl. maj.</i>	13
<i>Feria VI post Cineres, ORATIONIS D. N. J. C. IN MONTE OLI-</i>	
<i>VETI, dupl. maj.</i>	21





BRIGHAM YOUNG UNIVERSITY



3 1197 21061 5289

